
MORMÓN KUATIAÑE'Ë

AMBUE JESUCRISTO
TESTAMENTO

MORMÓN KUATIAÑE'Ë

AMBUE JESUCRISTO
TESTAMENTO

© 2009 por Intellectual Reserve, Inc.

Todos los derechos reservados

Printed in the United States of America 7/2011

19962008

Translation of the Book of Mormon

Guarani

ISBN 978-1-59297-640-9 Paperback (35607 033)

MORMÓN KUATIAÑE'Ë

PETEÏ ÑEMOMBE'U OJEHAÍVA

MORMÓN PO RUPIVE

UMI PLÁNCHA ÁRI

OÑEGUENOHĒVA'EKUE NEFI PLANCHAKUÉRAGUI

Upévare, ha'e peteï kuationjehaipyre ñemombyky Nefi tavayguakuéra rehegua, ha avei lamanita-kuéra reheguágui—Ojehaíva lamanita-kuérape, ha'éva peteï Israel róga rembyre; ha avei Judio ha Gentil-pe—Ojehaíva tembiapoukapy rupive, ha avei pe espíritu profesía ha rrevelasiõ rehegua rupive—Ojehai ha ojesella, ha oñeñomíva Ñandejárape ġuarã, ani haġua oñehuñdi—Osēva'erã pe don ha Tupã pu'aka rupive oñemyesakã haġua—Ojeselláva Moroni po rupi, ha oñeñomíva Ñandejárape ġuarã, osē haġua araitépe gentil-kuéra rupive—Oñemyesakã haġua pe Tupã don rupive.

Avei peteï ñemombyky oñeguenohēva'ekue Éter Kuatione'ëgui, ha'éva peteï kuationjehaipyre Jared tavayguakuéra rehegua, oñemosarambiva'ekue pe ára Ñandejára omoypytũramoguare tavayguakuéra ñe'ë, omopu'ãramoguare hína hikuái peteï tóre oġuahē haġua yvágape—Kóva ha'e ojehechauka haġua Israel róga rembyrépe tuichaite mba'e guasu ojapova'ekue Ñandejára ituvakuérare; ha oikuaa haġua hikuái Ñandejára konveniokuéra, ha'ekuéra noñemosẽmo'ãiha akoiete ġuarã—Ha avei oñekonsense haġua Judio ha gentil-kuérape JESÚS ha'eha pe CRISTO, pe TUPÃ IJAPYRA'YVA, ojehechaukáva ha'ete voi mayma tetãme—Ha ko'ãġa, oĩramo jejavy ko'ãva ha'e yvyporakuéra jejavy; upévare, ani pekondena Tupã mba'ekuéra, pejejuhu haġua potĩmbyre pe Cristo trivunal renondépe.

Traducción original de las planchas al idioma inglés
por José Smith, hijo

La primera edición en inglés se publicó en 1830
En Palmyra, Nueva York, E. U. A.

Publicado por
La Iglesia de Jesucristo de los Santos de los Últimos Días
Salt Lake City, Utah, E. U. A.

ÑEPYRŪMBY

Mormón Kuatiañe'ẽ ha'e peteĩ kuatia'aty marangatu Bíblia-pe Mojoguáva. Ha'e peteĩ kuatiajehaipyre Tupã rembiapo rehegua umi yma oikova'ekue Amerikakuérape ndive ha oguereko ipype evanhélio ijapyra'ỹva paha.

Ko kuatiañe'ẽ ojehaiva'ekue heta proféta ymaguare rupi pe espíritu profesía ha rrevelasiõ rehegua rupive. Iñe'ẽnguéra, ojehaíva pláncha oroguigua ári, oñemombe'u ha oñemombyky peteĩ proféta ha historiador rupire hérava Mormón. Pe kuatiajehaipyre ome'ẽ peteĩ ñemombe'u mokõi civilizaciõn-tuichajte rehegua. Peteíva ou Jerusalén-gui 600 ary Jesucristo mboyve, ha uperire oñemboja'ova'ekue mokõi te-tãme, ojeikuaáva Nefita ha Lamanita-kuéraicha. Umi ambuáva ou voive Ñandejára omopytũramoguare ñe'ẽnguéra Torre de Babel-pe. Kóva ko aty ojeikuaáva Jaredita-kuéraramo. Hetaiterei ary rire, maymáva oñehundipa lamanita-kuéra katu nahániri, ha ha'ekuéra ha'e peteĩ umi ava Amerikapegua ypykuéra.

Pe jehasa tuichavéva ojehaíva Mormón Kuatiañe'ẽme ha'e pe Ñandejára Jesucristo ministério personal Nefita-kuéra apytépe oikovejey riremí. Oñemoĩ pype upe evanhélio doctrina, oñemombe'u pe plan salvasiõ rehegua, ha oje'e yvyporakuérape mba'épa ojapova'erã hikuái ohupyty haña py'aguapy kóva ko jeikovépe ha pe salvasiõ ijapyra'ỹva pe tekove oúvape.

Mormón ojapopa rire ijehaikuéra, ome'ẽ pe ñemombe'u ita'ýra Moroni-pe, ha'e omoíve ipype ñe'ẽnguéra ha oñomi umi pláncha cerro Cumorah-pe. 21 de setiembre, 1823pe, Moroniete voi, ha'é mava tekove omimbipáva, ha oikovejéymava, ojehechauka proféta José Smith-pe ha ohekombó'e chupe pe kuatiajehaipyre ymaguarévagui ha pe ñe'ẽ ñemobhasa ojejapova'erã upévagui Inglés ñe'ẽme.

Ha oĩ porã vove oñeme'ẽ umi pláncha José Smith-pe, ha'e omobhasa umíva ambue ñe'ẽme pe Tupã don ha pu'aka rupive. Pe kuatiajehaipyre ojehai ko'ágã heta ñe'ẽme ha'e haña testimonio ipyahúva ha oñeme'évéva Jesucristo ha'eha pe Tupã oikovéva Ra'y ha umi maymáva oúva hendápe ha oñongatúva umi léi ha ordenánsa iñevanhélio reheguáva ojesalvataha.

Ha ko'ã kuatiajehaipyrere pe proféta José Smith he'i: "Ha'e joyke'y-kuérape pe Mormón Kuatiañe'ẽ ojejapo hekoitépe opaite ambue kuatiañe'ẽ oíva yvy ape árigui, ha ha'e ñane religiõn apytu'ũ, ha peteĩ

yvypóra oñemoağüivetaha Tupãre ojäpóramo he'íva ipype, ambue kuatione'ẽmeguágui".

José Smith rire, Ñandejára ome'ẽ ambue ónse yvypórape ohecha hağua hesarupiete umi pláncha oroguigua ha ha'e hağua hikuái testigo especial Mormón Kuatione'ẽ añeteguaha ha imarangatuha. Itestimoniokuéra jehaipyre oñemoĩ kóva ko tembiapópe ha ojehero: "Mbohapy Testigo Testimonio" ha "Ocho Testigo Testimonio".

Ro'e Ro'e maymáva tekovépe oĩ oiháme tomoñe'ẽ Mormón Kuatione'ẽ, ha tojepy'amongeta ikorasõme pe ñe'ẽ oguerekóvare ipype, ha upéi toporandu Tupãme, pe Túva Ijapyra'yva, Cristo rérape pe kuatione'ẽpa añeteguaha. Umi upéicha ojäpóva ha ojeruréva jeroviápe ohupytýta peteĩ testimonio añeteguaha ha imarangatuha pe Espiritu Santo pu'aka rupive. (Tojehecha Moroni 10:3–5pe).

Umi ohupytýva kóva ko testimonio marangatu Espiritu Santo rupive avei oikuaáta péva pe pu'aka rupive Jesucristo ha'eha pe Salvador del Mundo, ha José Smith ha'eha ihechauhaha ha proféta ko'ã ára pahápe, ha pe Iglesia de Jesucristo de los Santos de los Ultimos Días (Jesucristo Tupao Marangatukuéra Arapahapegua) ha'eha Ñandejára rréino oñemoĩ jeýva yvy ape ári, oñembosako'i hağua pe mokõiha Mesías jejujey.

 UMI MBOHAPY TESTÍGO TESTIMÓNIO

TOIKUAÁKE maymáva tetã, avakuéra, ñe'ënguéra, ha tavayguakuéra, oġuahêvape kóva ko tembiapo: Ore, pe Tupã ha Túva grásia rupive, ha Ñandejára Jesucristo rupive, rohechahague umi pláncha ogue-rekóva kóva ko kuationjehaipyre, ha'éva peteĩ kuationjehaipyre Nefi tavayguakuéra rehegua, ha avei lamanita-kuéra rehegua, ijoyke-ykuéra, ha avei Jared tavayguakuéra rehegua, ouva'ekue pe tórre oñeñe'ëmava'ekuégui. Ha avei roikuaa oñembohasahague pe Tupã don ha pu'aka rupive, upéicha ñe'ë he'igui oréve; upéva roikuaa añeteháme pe tembiapo añeteguaha. Avei rotestifika rohechahague umi gravadokuéra jehaipyre oíva umi pláncha ári; ha ojehechauka oréve Tupã pu'aka rupive, ha ndaha'etí avave yvypóra rupive. Ha romombe'u ñe'ë mbaretépe peteĩ Tupã ángel oguejyhague yvágagui, ha ogueru umi pláncha ha omoĩ ore resa renondépe, ha rohecha ha roma'ë umi plánchare, ha umi jehaipyre oguererekóvare; ha roikuaa Tupã pe Túva grásia, ha ore Ñandejára Jesucristo rupiveha, rohecha ha rotestifikaha ko'ã kuationjehaipyre añeteguaha. Ha itechapyrã ore resápe. Upevérõ, Ñandejára ñe'ë he'i oréve rotestifika haġua ã kuationjehaipyrére, upéva, oreñe'ërendúvo umi Tupã rembiapoukapýre, rotestifika ko'ã mba'e. Ha roikuaa orerekojojáramo Cristo-pe, ore aokuéra ipotita maymáva yvyporakuéra ruguýgui, ha rojejuhúta potĩmbyre pe Cristo trivunal renondépe, ha roikota ára apyra'y meve hendive yvágape. Ha taha'e tekoaguyje Túva ha Ta'ýra, ha pe Espíritu Santo-pe, ha'éva peteĩ Tupã, Amén.

OLIVER COWDERY
 DAVID WHITMER
 MARTIN HARRIS

UMI OCHO TESTÍGO TESTIMÓNIO

TOIKUAÁKE maymáva tetã, avaretãnguéra, ñe'ẽnguéra ha tavaygua-kuéra, oğuahêvape kóva ko tembiapo: Pe José Smith, ta'ýra, kóva mbohasahára, ohechauhague oréve umi pláncha oñeñe'ẽmava'ekuére, ojoguáva órope; ha ropoko ore pópe opave hogue pe José Smith ombohasava'ekue; ha avei rohecha umi gravadokuéra oguerekóva, ojoguáva peteĩ tembiapo ymaguarévape, ha ojejapo porãitereíva. Ha kóva ore rotestifika ñe'ẽ mbaretépe, pe José Smith ohechauhague oréve, rohecha ha ropokógui, ha roikuaa pe José Smith oguerekoha umi planchakuéra roñe'ẽva'ekuégui. Ha rome'ẽ ore réra yvórape, ha'e hağua testimonio yvórape umi rohechava'ekuégui. Ha ndaore-japúi, Tupã otestifika upévagui.

CHRISTIAN WHITMER

JACOB WHITMER

PETER WHITMER, TA'ÝRA.

JOHN WHITMER

HIRAM PAGE

JOSEPH SMITH, TÚVA.

HYRUM SMITH

SAMUEL H. SMITH

 PROFÉTA JOSÉ SMITH TESTIMÓNIO

Umi proféta José Smith ñe'ête pe Mormón Kuatiañe'ẽ ñesẽ rehegua ha'e:

"Pe pyhare . . . ára veintiuno de Setiembre [1823-pe] . . . añemoĩ añemo'e ha ajerure'asy Tupã Ipu'akapávape. . . .

"Ajejuhuhápe péicha ajerure'asy jave Tupãme, ahecha ojekuaa peteĩ tesape che kotýpe, ha tuichave ohóvo hesakãve peve pe koty ára asaje-pytégui, ha ojechauka sapy'a peteĩ tekove che rupa ykére, oñembo'ýva yvaterei, umi ipy ndojáigui yvýre.

"Oguereko ijehe peteĩ aopuku morotí'asyporãitereíva. Ha'e peteĩ morotí ohasáva opa mba'e yvy ariguápe che araka'eve ndahechaiva'ekue; ha ndaroviái oñe haɣua mba'evéchagua mba'e yvórape ikatúva ohechauka péichagua mimbi ha morotí'asy. Umi ipo ijopívo, ha avei ijyva, ipyapy arimi; ha upéicha, avei, pe ipy ijopívo, ha umi hetyma, ipyñuã arimi. Ññakã ha ijajúra avei ijopívo. Ha ahechakuaa ndoguerahaiha ijehe ambue ao pe aopuku añónte, ha ojepe'águi, upéicha rupi ahecha pe ipytí'a.

"Ndaha'úi pe aopuku añónte morotíetereíva, opa ha'e voi omimbipa já'e kuaa'ýháicha, ha pe hova ha'ete peteĩ aravera. Pe koty hesakãiterei, upevére ndaha'úi pe mimbi oíva ijerereguáicha. Ahecha ypyramo-guare chupe, akyhyje; ha pya'eténte pe kyhyje ojei chehegui.

"Cherenói che rérarupi, ha he'í chéve ha'eha peteĩ maranduhára oñemboúva chéve Tupã renondégui, ha héra ha'eha Moroni; ha Tupã oguerekoha peteĩ tembiapo chéve ɣuarã; ha che réra ojejagarra porã ha vaitaha opa tetã, avakuéra, ha ñe'ẽnguéra apytépe, térã oñeñe'ẽ porã ha oñeñe'ẽ vaitaha cherehe opa tavayguakuéra apytépe.

"He'í oíha peteĩ kuatiañe'ẽ oñeñongatuva'ekue, ojehaíva pláncha oroguigua ári, ome'ẽva peteĩ ñemombe'u umi oikove ypyva'ekue kóva ko continente árigui, ha moõguipa ou ypyraka'e hikuái. Avei he'í oíha ipype evanhélio ijapyra'ýva paha, pe Salvador ome'ẽ haguéicha umi oikove ypyva'ekuépe;

"Avei, oíha mokõi ita áro plataguiguápe, ha ko'ã ita, ojejokóva peteĩ pectoral-re, ha'e umi ojeheróva Urim ha Tumim—ha oñemoĩ umi pláncha ndive; ha ko'ã ita jeguereko ha jeiporu ha'e oja póva *vidénteramo* umi ára ymaguare térã mboyveguarégui; ha Tupã ombosako'ihague umíva oñembohasa haɣua pe kuatiañe'ẽ.

* * * * *

"Avei, he'í chéve, ahupyty vove umi pláncha pe ha'e oñe'ẽma-va'ekue rehe—noɣuahẽigui gueteri pe ára ojeguereko haɣua—

ndahechaukáiva'erāha avavépe; ni pe pectoral Urim ha Tumim reheve; ndaha'éirō umi oje'éva chévepe ahechauka hağua añõnte; ha ahechaukáramo añehunditaha. Oñe'ẽ jave chendive umi plánchare, peteĩ techauka ojepe'a che apytu'ũme ha upéicha ahecha pe tenda oñemoĩ haguépe umi pláncha, ha hesakã ha ojehechauka porãiterei chéve ha aikuaa jey upe tenda aha vove upépe.

"Kóva ko ñemongeta rire, ahecha pe tesape kotypegua oñepyrũ ijaty pe tekove oñe'éva'ekue chéve jerére; ha upéicha oho, opyta jey peve pe koty pytũmbýpe, ha pe ijerére añõnte katu nahániri, ha ahecha sapy'a, ojepe'a peteĩ tapévaicha ohóva yvagaité peve voi, ha ha'e ojupi okañymbaite peve, ha pe koty opyta oĩ hagueichaite ojekuaa mboyve ko tesape yvagapegua.

"Apyta ajesareko pe techapyrã ojehechaukáva chéve rehe, ha amomba'eguasueterei hína pe oje'eva'ekue chéve ko maranduhára ijajahá'yva rupi; pe, chejepy'amongeta pa'ũme, ahechakuaa sapy'a pe che koty oñepyrũ jeyha hesape, ha sapy'ami, ha'etévaicha chéve, pe maranduhára yvagapegua ojekuaa jey che rupa ykére.

"Oñepyrũ, ha he'i jey chéve umi mba'e he'i hagueichaite voi ou ppyramoguare, ombojov'y're mba'evete; ha upe rire, omombe'u chéve tuicha huísio ouva hína yvy ári, tuicha ñembyaipa ñembyahýi, kysepuku ha mba'asyvai reheve; ha umi huísio pohiyete outaha yvy ári kóva ko ñemoñare'atýpe. He'i rire ko'ã mba'e, ojupi jey yvate oja póma haguéichakuri.

"Upéramo ġuarã, ipypukueteréi pe añandúva opytáva che apytu'ũme, ha pe topehýi oho che reságui, ha ipu'aka cherehe pe py'andýi umi ahecha ha ahenduva'ekuégui. Ha tuicha ndaroviaséi ahecha jeymaha upe maranduhárape che rupa ykére, ahendúvo he'ipaite jey umi mba'e he'imava'ekue voikuri; ha omoĩve chéve peteĩ jesareko, ha he'i chéve Satana chepy'ara'átaha (pe che ru rogaguakuéra imboriahu haguére), ajagarrase hağua umi pláncha añembopirapire heta hağua heseve. Kóva ha'e he'i chéve ani hağua ajapo, ha he'i chéve ajagarra vove umi pláncha ani hağua ajesareko mba'évére ha katu Tupãme ñemomba'eguas añõnte, ha mba'évéichagua mba'e ndoikeiva'erã cherehe ndaha'éiramo pe Irréino ñemopu'ãnte; nahániriramo ndaikatumo'ãi ahupyty.

"Kóva ko mbohapyha ijeju rire, ha'e ojupi jey yvágape upe mboyveguaréicha, ha apyta jey ajepy'amongeta pe oikokatu'yva ojhuramóva chéve rehe; ha pe maranduhára yvagapegua mbohapyha jave ojupi jey riremínite, opurahéi pe gállo, ha ajuhu ko'ẽmbamaha, ha ore ñemongeta oikóra'e upe pyhare pukukue jave.

“Upe riremi apu’ã che rupágui, ha, jepiverõguáicha, aha ajapo tembiapo oñeikotevêva upe árape; ha katu, amba’aposémarõ ambue arapeguáicha, ajuhu opaite chehegui mbarete ha añandu ndaikatuiha ajapo mba’eve. Che ru, omba’apóva hína che ypýpe, ohechakuaa oíha mba’evai ojuhúva chéve, ha he’i chéve aha haḡua ógape. Asẽ upégui aha haḡuáicha ógape; ha katu, ahasasévo pe kora ári asẽ haḡua pe ñu roihágui, opaite chehegui mbarete, ha ha’a yvýpe, ha sapy’ami nañanduveiete mba’eve.

“Pe chemandu’ara’êvetéva niko ha’e peteĩ ñe’ẽ oñe’êva chéve, cherenóiva che réra rupi. Ahupi che resa, ha ahecha che akã ariete pe maranduhárape jey, ojerepáva hese tesape upe mboyveguaréicha. Ha’e upémarõ omombe’u jey chéve opaite mba’e he’ímava’ekue voi pe pyhare ohasava’ekuépe, ha he’i chéve aha haḡua che ru rendápe ha añe’ẽ haḡua chupe pe techauka ha tembiapoukapy oñeme’êva’ekue chéve rehe.

“Che cheñe’ẽrendu; aha jey pe ñu che ru oíháme, ha ha’epaite chupe umi mba’e. Ha’e ombohováí chéve ha’eha Tupãguigua, ha he’i chéve aha haḡua ha ajapo pe maranduhára he’i haguéicha chéve. Asẽ pe ñúgui, ha aha pe tenda he’i haguépe chéve maranduhára oíha umi pláncha; ha ahecha porãitereígui techaukápe upéva, aḡuahẽmívo upépe aikuaa upe tenda.

“Pe aldea de Manchester ypýpe, condado de Ontario, estado de Nueva York-pe, opu’ã peteĩ vyty tuichamíva, ha ijyvatevéva opa oívagui upe comarca-pe. Pe vyty yke kuarahyreike gotyo, namombyryí pe hu’ãgui, peteĩ ita tuichamíva guýpe, oí umi pláncha, oñemoíva peteĩ mba’yru itágui ojejapopyrývape. Pe mbytépe ha pe hu’ãme kóva ko ita iñanambusu ha ijapu’a, ha ipo’ive pe yjapýra gotyo, ha upéicha rupi ikatu ojehecha imbyte pe yvy ape ári, ha katu pe ijapýra jere oja-ho’ípa yvy.

“Aipe’a rire pe yvy, ahupyty peteĩ palanka, ha amoinge pe ita apýra guýpe, ha peteĩ mbarete’ímime amopu’ã. Ama’ẽ pe hyepýpe, ha añetehápe ahecha upépe umi pláncha, pe Urim ha Tumim, ha pe pectoral, he’i haguéicha pe maranduhára. Pe mba’yru oíháme umíva ojejapo itágui oñemoíva oñondive peteĩ seméntoicha. Pe mba’yru ruguápe oí mokõi ita oñemoíva ojoykére, ha ko’áva ári oguapy umi pláncha ha umi ambue mba’e oíva hendivekuéra.

“Aguenohẽsemo’ã, ha katu pe maranduhára he’i chéve ani haḡua, ha oje’e jey chéve ne’íra gueteriha oḡuahẽ ára oñenohẽ haḡua, ni noḡuahẽmo’áiha, irundy ary mboyve upe ára guive; ha katu he’i chéve

ajuva'erāha upe tendápe peteĩ ary rire upe ára guive, ha ha'e ojotopataha chendive upépe, ha ajapova'erāha upéicha oġuahẽ meve ára ahupyty haġua umi pláncha.

"Pe oje'e haguéicha chéve, ajapova'erāha, ahájiipi oġuahẽ vove ary paha, ha upe jave ajuhu jey upépe pe maranduhárape, ha opa ore ñemongetápe ome'ẽ chéve sãmbyhy ha kuaapy, pe Ñandejára ojarótava reheguágui, ha mba'eichaite ha mba'éichapa oñeisambyhýta Irréino ára pahápe.

* * * * *

"Péina oġuahẽ ára ahupyty haġua umi pláncha, pe Urim ha Tumim, ha pe pectoral. Pe 22 de setiembre, 1827-pe, aha jey jave ary pahápe jepiguáicha pe tenda oñemoiháme, pe maranduharaita yvagapegua jey ome'ẽ chéve umi mba'e ko ñemomrandu reheve: Opytaha che akã ári umi mba'e; ha ahejáramo okañy ha nañangarekói, térã ndajesarekoporãiramo hese, añemosétaha, ha katu añeha'áramo mbaretépe añongatu, ha'e, pe maranduhára, ou peve ipiári, upéicharamo oñemo'ãta.

"Pya'ete voi ahechakuaa mba'érepa oñeme'ëraka'e chéve ipohyietéva tembiapo añongatuporã haġua umi mba'e, ha mba'érepa he'íra-ka'e chéve pe maranduhára ajapopa vove pe chehegui oñeha'arõva, ha'e outaha ipiarikuéra. Ha pya'eténte ojeikuaámarõ che aguerekoha umi mba'e, oñepyrũ oñeñeha'ã opáicha rei ojeipe'a haġua chehegui. Ojehecha opáichagua ñembotavy ikatúva ojejapo ojeipe'a haġua chehegui. Pe ñemuña oñepyrũ imbareteve ha tuichave upe mboyyégui, ha heta atyguasú oiko che rapykuéri opa ára oipe'a haġua chehegui ikatúramo. Ha katu pe Tupã arandu rupive, umi mba'e oĩ ñeñongatupýpe che pópe, ajapopa peve hendive umi ojejerureva'ekue chéve. Ha, roñemongeta haguéicha, pe maranduhára oġuahẽ vove ipiári ame'ẽ chupe; ha ha'e oguereko hendive ko'áva ko ára peve, 2 de mayo, 1838-pe."

Ojeikuaapaita haġua ko ñemombe'u, ojehechava'erã José Smith Historia, La perla de Gran Precio-pe, ha *History of The Church of Jesus Christ of Latter-day Saints (Historia de la Iglesia de Jesucristo de los Santos de los Ultimos Días)*, kuatione'ẽ 1, ñembyaty 1 guive 6 peve.

Pe tembiasakue ymaguare upéicha osèva'ekue yvyguýgui peteĩ tavayguakuéra ñe'ẽramo oñe'ẽrõguáicha vytytimbo guive, ha oñembohasa peteĩ ñe'ẽ pyahúpe pe Tupã don ha pu'aka rupive pe ñe'ẽ marangatu ohechauhaháicha, oñemoherakuã ypy inglés-pe ary 1830-pe ha oñembohéra THE BOOK OF MORMON.

PETEĪ ÑEMYESAKÃ MBYKYMI
MORMÓN KUATIAÑE'Ē
 REHEGUA

Mormón Kuatiañe'ē ha'e peteī kuationjehaipyre marangatu tavayguakuéra América ymaguare rehegua, ha ojehaiva'ekue peteī metal rogue ári. Irundy pláncha metalguiguá-re oñeñe'ē ko kuatione'ēme voi:

1. *Nefi planchakuéra*, ha'eva'ekue mokõichagua: umi Pláncha Michī ha Pláncha Guasu. Umi peteīva oñe'ē mba'e imarangatúvare ha umi profetakuéra ministério ha hekombo'ekuérare, ha umi mokõiha katu ojeiporuve oñemoī haḡua umi tavayguakuéra rembiasakue (1 Nefi 9:2–4). Mosíah ára rire, katu, umi pláncha guasúpe oñemoī avei mba'e marangatu imba'eguasúva.
2. *Mormón planchakuéra*, ha'éva peteī ñemombyky ojapova'ekue Mormón Nefi Pláncha Guasúgui, heta ñe'ëve rehe. Ko'ã pláncha avei oguereko peteī tembiasakue joapy Mormón ohaiva'ekue ha umi ita'ýra Moroni omoiveva'ekue hendive.
3. *Éter Planchakuéra*, oguerekóva Jaredita-kuéra rembiasakue. Kóva ko kuationjehaipyre omombykyva'ekue Moroni, ha kóva omoive ipype iñe'ē ha omoī pe kuationjehaipyre opa tembiasakue ndive ha ombóhéra “Éter Kuatione'ē”.
4. *Umi Pláncha Bronce-guigua* Lehi tavayguakuéra oguerahava'ekue Jerusalén-gui ary 600 Jesucristo mboyve. Ko'áva oguereko “umi po Moisés kuatione'ē, . . . Ha avei umi judío-kuéra kuationjehaipyre iñepyrũby guive . . . oñepyrũ meve Sedequías sãmbyhy, rréi Judápegua; Ha avei umi proféta imarangatúva profesiakuéra” (1 Nefi 5:11–13). Pe Mormón Kuatione'ēme ojekuaa heta ñe'ē ko'ã plánchapegua, omombé'úva Isaías ha ambue bíblia ha ndaha'éiva bibliapegua profetakuéra rehegua.

Pe Mormón Kuatione'ē oguereko quince pehẽngue térã ñemboja'ó imba'eguasúva, ojeikuaáva, peteī añoñte katu nahániri, kuatione'ēicha, ogueraháva pe ohaiva'ekue réra. Pe tenda peteīha, (térã umi peteīva séi kuatione'ē, opáva Omni-pe) ha'e peteī ñe'ē ñembohasa Nefi Pláncha Michĩnguéra rehegua. Omni ha Mosíah kuatione'ē mbytépe oī peteī ñemoive hérava Mormón Ñe'ẽnguéra. Kóva ko ñemoive ombójoapy pe kuationjehaipyre ojehaiva'ekue umi Pláncha Michĩnguérape pe Mormón ñemombyky umi Pláncha Guasu rehegua ndive.

Upe pehẽngue ipukuvéva, Mosíah guive Mormón peve, ñembyaty 7, jepeve, ha'e peteĩ ñe'ẽ ñembohasa pe Mormón ñemombykýgui umi Nefi Pláncha Guasu rehegua. Upe pehẽngue opahápe, Mormón ñembyaty 8 guive opaite peve pe tembiapo, ojehaiva'ekue Moroni, Mormón ra'y rupive, ha péva, ojaopapa rire itúva rekove kuationjehaipyre, ojapo peteĩ ñemombyky Jaredita-kuéra kutianjehaipyrégui (ojeheróva Éter Kuatione'ẽ) ha upe rire omoĩve umi tenda ojeikuaava Moroni Kuatione'ẽramo.


Pe ary 421 rupi Cristo rire, Moroni, proféta ha historiador nefita ipaháva, osella umi kuationjehaipyre marangatu ha oñomi Ñandejára mba'epotarã, osẽ hağua ára pahápe, pe Tupã ñe'ẽ he'i haguéicha umi iproféta ymaguare rupive. Pe ary 1823 ñande árape, pe Moroni-etevoi, upéramo ġuarã peteĩ tekove oikove jeýmava, ou proféta José Smith rendápe ha upe rire ome'ẽ chupe umi pláncha ojehaipyréva.

KUATIAÑE'ËNGUÉRA RÉRA HA TENDA
MORMÓN KUATIAÑE'ËME

<i>Térã</i>	<i>Página</i>
Nefi Kuatiañe'ë Peteïha	1
Nefi Kuatiañe'ë Mokõiha	53
Jacob Kuatiañe'ë	119
Enós Kuatiañe'ë	138
Jarom Kuatiañe'ë	141
Omni Kuatiañe'ë	142
Mormón Ñe'ënguéra	146
Mosíah Kuatiañe'ë	148
Alma Kuatiañe'ë	217
Helamán Kuatiañe'ë	405
Nefi Mbohapyha	449
Nefi Irundyha	511
Mormón Kuatiañe'ë	515
Éter Kuatiañe'ë	535
Moroni Kuatiañe'ë	569

TA'ANGAKUÉRA

1. *Ñandejára Jesucristo*
Ta'anga ojavova'ekue Heinrich Hofmann
2. *Proféta José Smith*
Ta'anga ojavova'ekue Alvin Gittins
Jahechava'erã "Proféta José Smith Testimónio," páginas ix–xii
3. *Lehi ojuhu pe Liahona*
Ta'anga ojavova'ekue Arnold Friberg
Jahechava'erã 1 Nefi 16, páginas 33–36
4. *Lehi ha hogaguakuéra oġuahẽ pe yvy ñe'ẽme'ẽnguẽpe*
Ta'anga ojavova'ekue Arnold Friberg
Jahechava'erã 1 Nefi 18, páginas 41–44
5. *Alma oporomongarai Mormón ýpe*
Ta'anga ojavova'ekue Arnold Friberg
Jahechava'erã Mosíah 18, páginas 186–189
6. *Samuel pe lamanita oprofetisa*
Ta'anga ojavova'ekue Arnold Friberg
Jahechava'erã Helamán 16, páginas 446–448
7. *Jesucristo ou América-pe*
Ta'anga ojavova'ekue John Scott
Jahechava'erã 3 Nefi 11, páginas 472–475
8. *Moroni oñotỹ Nefita-kuéra kuationjehaipyre*
Ta'anga ojavova'ekue Tom Lovell
Jahechava'erã Mormón 8, páginas 528–532


















NEFI KUATIAÑE'Ë PETEĨHA

IRREINÁDO HA IMINISTÉRIO

Ñemombe'u Lehi, ha hembireko Saríah, ha irundy ita'y rakuéra, hé-rava, (oñepyrũvo ijypykuégui) Lamán, Lemuel, Sam ha Nefi rehegua. Ñandejára omomrandu Lehi-pe osẽ hağua Jerusalén retãgui, ha'e oprofetisa haguere tavayguakuérape hembiapovaikuere, ha oñeha'ã hikuái oipe'a chugui hekove. Ha'e oje'ói mbohapy ára tave'ỹre hogaguakuéra ndive. Nefi ijoyke'ykuéra ndive oho jey tetã Jerusalén-pe judio-kuéra kuationjehaipyre rekávo. Ijehasa'asykuéra ñemombe'u. Ha'ekuéra ojagarra Ismael rajykuéra hembirekorã. Osẽ tave'ỹme hogaguakuéra ndive. Ijehasa'asy ha ijeiko'asykuéra tave'ỹre. Ije'oi-kuéra rape. Oğuahẽ hikuái yguasúpe. Nefi ryke'ykuéra opu'ã hese. Ha'e omoypytũ chupekuéra ha ojapo peteĩ yga. Ombohéra hikuái upe tendápe Abundancia. Ohasa umi yguasu rupive oğuahẽ meve pe yvy ñe'ẽme'ẽngueme, etc. Kóva ha'e Nefi omombe'uháicha, téra ambue ñe'ẽme, che, Nefi, ahai ko'ã kuationjehaipyre.

ÑEMBYATY 1

Nefi omoñepyrũ kuationjehaipyre itavayguakuéra rehegua—Lehi ohecha techaukápe peteĩ pilar tataguigua ha omoñe'ẽ peteĩ kuatione'ẽ profesia-kuéra rehegua—Omomorã Tupãme, omotenonde outaha pe Mesías, ha oprofetisa Jerusalén oñehunditaha—Omuña chupe judio-kuéra. 600 ary rupi Cristo mboyve.

CHE, Nefi, chereñoi sy ha túva marangatúgui, upé-vare añehekombo'e'imi opa che ru arandukuaápe; ha ahecháramo jepe heta jeiko'asy che rekove aja, upevére, heta avei añepytyvõ Ñandejárare opaite che ára; heẽ, ahupytývo peteĩ jeikuaa tuicháva Tupã py-aporã ha imba'eñemimbýgui,

upévare, ahai peteĩ kuationjehaipyre che ahasava'ekue aikove aja rehegua.

2 Heẽ, ajapo peteĩ kuationjehaipyre che ru ñe'ẽme, oguerekóva judio-kuéra arandukuaa ha egipcio-kuéra ñe'ẽ.

3 Ha aikuaa ko kuationjehaipyre ahaíva ha'eha añetegua; ha ahai che po rupiete, ha ajapo che aikuaaháicha.

4 Ha ojehu, oñepyrũvo peteĩha ary Sedequías rreinádo, rreí Judá-pegua (che ru, Lehi, oikova'ekue Jerusalén-pe hi'ára pukukue jave); ha upe ary javete oğuahẽ heta profetakuéra, oprofetisáva tavayguakuérape oñearrepentiva'erãha, téra pe tavaguasu Jerusalén oñehundíta.

5 Upéicha ojehu che ru, Lehi, oho jave hapére oñembo'e

Ñandejárape, heë, opa ikorasõite guive, itavayguakuéra rehe.

6 Ha ojehu oñembo'e jave Ñandejárape, ou peteĩ pilar tatauiguia ha opyta peteĩ ita ári henondépe; ha ohecha ha ohendu heta mba'e; ha umi mba'e ohecha ha ohenduva'ekuere ipirĩ ha oryrĩ tuichaiterei.

7 Ha ojehu ojevuy hõga Jerusalén-pe; ha ojeity hupa ári, ipu'akágui hese pe Espiritu ha umi mba'e ohechava'ekue.

8 Ha ipu'akápe hese péicha pe Espiritu, ojegueraha chupe peteĩ techaukápe, ha upéicha ohecha ojepé'arõ yvága, ha ohechávaicha Tupãme oguapývo ijapykajeguápe, ojerehápe hese jaipapakuaa'yva ángel aty opurahéiva ha omomoráva hina Itupãme.

9 Ha ojehu ohecha Peteĩme oguejýva yvága mbytégui, ha ohecha pe hesape tuichaveha kuarahy asajepytégui.

10 Ha ohecha avei ouha hapykuéri ambue doce, ha imimbikuéra ohasáva mbyjakuéra yvagapeguápe.

11 Ha oguejy ha oho hikuái pe yvy ape ári; ha pe peteĩha ou ha oñembo'y che ru renondépe, ha ome'ẽ chupe peteĩ kuatione'ẽ, ha he'i chupe omoñe'ẽ haõua.

12 Ha ojehu ha'e omoñe'ẽ aja, henyhẽ Ñandejára Espiritugui.

13 Ha omoñe'ẽ, ha he'i: Áina, áina, Jerusalén, ahechágui nde rembiapoky'akuéra! Heë, ha heta mba'e Jerusalén reheguáva omoñe'ẽ che ru—oñehundiva'erãha, ha umi oikóva ipype,

heta omanotaha kysepukúpe, ha hetápe ojeguerahataha ñeñapytĩmby Babilonia-pe.

14 Ha ojehu che ru omoñe'ẽ ha ohecha rire heta mba'e tuicha ha iporãitereiva, he'i momorãme heta mba'e Ñandejárape; kóicha: Tuicha ha iporãiterei ne rembiapokuéra, ¡Ha Ñandejára Tupã Ipu'akapáva! ¡Nde apykajegua oĩ yvate yvágape, ha nde pu'aka, nde py'aporã, ha nde poriahuvereko ojepyso maymáva oikovéva yvy áripe; ha, ndeporiahuverekógui, nderehejamo'ái umi oúva ndeve omano!

15 Ha upeichagua ñe'ẽme che ru omomorã Itupãme; pe hí'anga ovy'aitereĩgui, ha opa ikorasõ henyhẽ, umi mba'e ohechava'ekue rehe, heë, pe Ñandejára ohechaukava'ekue chupe.

16 Ha ko'ánga che, Nefi, name'ẽmbamo'ái ñemombe'u umi mba'e che ru ohaiva'ekuégui, ha'e ohaikuri heta mba'e ohechava'ekue techaukápe ha iképe; ha ohai avei heta mba'e oprofetisa ha oñe'ẽva'ekue ita'yraquerape, ha umívagui name'ẽmbamo'ái ñemombe'u.

17 Ajapóta katu peteĩ ñemombe'u umi mba'e che ahasava'ekue aikove aja rehegua. Péina ápe, ajapo peteĩ ñemombyky che ru kuationehaipyrégui, umi pláncha ambosako'iva'ekue che po rupiete ári; upéicha, upéi amombyky rire che ru kuationehaipyre ahaíta ñemombe'u che rekove rehegua.

18 Upéicha, aipota peikuaa,

Ñandejára ohechauka rire he-taite mba'e imba'eguasúva che ru, Lehi-pe, heẽ, pe Jerusalén ñehundi rehegua, péina ápe ha'e osẽ tavayguakuéra apytépe, ha oñepyru oprofetisa ha he'i chu-pekúera umi mba'e ha'e ohecha ha ohenduva'ekue rehegua.

19 Ha ojehu judio-kuéra oñe-mbohory hese umi mba'e otes-tifika haguére hesekuéra; ha añetehápe otestifika hekoñaña-kuéra ha hembiapoky'akuéragai; ha otestifika umi mba'e ohecha ha ohenduva'ekuégui, ha avei umi mba'e omoñe'éva'ekue pe kuatione'eme, ohechauka poráva outaha peteĩ Mesías, ha avei pe yvóra oñerredimitaha.

20 Ha judio-kuéra ohendúvo ko'ã mba'e ipochy hendive; heẽ, profetakuéra ymaguare ndive-guáicha, omoséva'ekuépe okápe, ha omboita'api, ha ojuka; ha oñeha'ã avei hikuái oipe'a chugui hekove. Upeverõ péina ape, che, Nefi, ahechaukáta peẽme pe tui-chaite poriahuvereco oguerekóva Ñandejára ojepysoha maymáva umi, ijerovia rupive, ha'e oiporavova'ekue omombarete haḡua oguereco pevu'aka oñemosãso haḡua.

ÑEMBYATY 2

Lehi ogueraha hogaguakuérape ta-ve'ỹme pe Mar Rojo ypýpe—Oheja hikuái opa mba'e oguerekóva—Lehi oikuave'ẽ peteĩ mymbajuka Ñande-járape ha ombo'e ita'yrakuérape

iñe'ẽrendu haḡua tembiapoukapy-kuérare—Lamán ha Lemuel oka-guai itúva rehe—Nefi iñe'ẽrendu ha oñembo'e jeroviápe; Ñandejára oñe'ẽ chupe, ha ojeiporavo chupe oisãmbyhy haḡua ijoyke'ykuérape. 600 ary rupi Cristo mboyye.

HA péina ápe, ojehu Ñandejára oñe'ẽ che rúpe, heẽ, iképe, ha he'i chupe: Rejehovasáva nde Lehi, umi mba'e rejapova'ekue rehe; ha ndejeroviareko haguére ha remombe'u ko'ã tavayguakué-rape umi mba'e che ha'eva'ekue ndéve, péina ápe, oñeha'ã hikuái oipe'a ndehogui nde rekove.

2 Ha ojehu Ñandejára he'i che rúpe, iképe, ojararra haḡua hoga-guakuérape ha osẽ tave'ỹme.

3 Ha ojehu ha'e iñe'ẽrendu Ñandejára ñe'ẽre, upévale ojapo Ñandejára he'iháicha chupe.

4 Ha ojehu osẽ tave'ỹme. Ha oheja hóga, ha pe ijyvy ñe'eme-éngue, ha hi'óro, ha ipláta, ha imba'ekuéra iporáva, ha ndo-guerahái mba'eve hendive, hoga-guakuéra añónte, ha hi'upyrã, ha ogaakuéra, ha osẽ tave'ỹme.

5 Ha oguejy Mar Rojo jere rembe'ýre, ha uguata tave'ýre pe Mar Rojo rembe'y mbykyveha ypýpe; ha uguata tave'ýre hogaguakuéra ndive, oĩ che sy, Sa-ríah, ha che ryke'ykuéra, ha'éva Lamán, Lemuel, ha Sam.

6 Ha ojehu uguata rire mbohapy ára tave'ýre, omboguapy hogaa peteĩ vytyta'ũ oiva peteĩ ysyry rembe'ýpe.

7 Ha ojehu omopu'ã peteĩ altar

itágui, ha ojapo peteĩ kuave'ẽ Ñandejárape, ha ome'ẽ aguyje Ñandejára ñane Tupãme.

8 Ha ojehu ombohéra pe ysyrype, Lamán, ha péva ho'a Mar Rojo-pe; ha pe vyvitypa'ũ ojepyso pe ysyry rembe'yre ha oġuahẽ pe ho'aha ypy peve.

9 Ha che ru ohechávo pe y ysyrypegua ho'aha Mar Rojo ykuápe, ha'e oñe'ẽ Lamán-pe, ha he'i: ¡Ha rejoguanga'ura'e nde kóva ko ysyrype, osyrymemévo ykua opaite tekojoja reheguápe!

10 Ha oñe'ẽ avei Lemuel-pe: ¡Ha rejoguanga'ura'e nde kóva ko vyvitypa'ũme, hatã, ha nereñemovãiva, ha naneambuéiva neñe'ẽrendúvo Ñandejára rembiapoukapykuérare!

11 Ko'áva ha'e oñe'ẽ pe py'a hatã oguerekóvare Lamán ha Lemuel; ha péina ápe okaguai hikuái itúva rehe heta mba'épe, ha'égui ha'e peteĩ yvypóra ohecha pukúva, ha oguenohẽ chupekuéra tetã Jerusalén-gui, ha oheja ijyvykuéra ñe'ẽme'ẽngue, ha hí'oro, ha ipláta, ha imba'e porãnguéra, omano haġua tave'yme. Ha he'i hikuái ha'e ojapoha ko'áva umi vyrorei oúva rehe ikorasõme.

12 Ha péichakuri Lamán ha Lemuel, ha'éva ijypykue, okaguai itúva rehe. Ha okaguai hikuái ndoikuaáigui mba'éichapa omba'apo pe Tupã omoingoveva'ekue chupekuéra.

13 Ha ndogueroviái avei hikuái pe Jerusalén, táva tuichaitéva, ikatuha oñehundi umi profetakuéra

ñe'ẽ he'iháicha. Ha ojogua hikuái judio-kuéra oíva Jerusalén-pe, oipe'aséva hekove che rúgui.

14 Ha ojehu che ru oñe'ẽ chupekuéra pe vyvitypa'ũ Lemuel-pe, pu'akápe, henyhẽgui Espíritugui, oryríi peve hetekuéra henondépe. Ha omoypytũ chupekuéra, ha upéicha ndaikatuvéi oñe'ẽvai hikuái hese; upévale, ojapo hikuái pe ha'e he'íva chupekuéra.

15 Ha oiko che ru peteĩ ogaaópe.

16 Ha ojehu che, Nefi, chemitãiterei gueteri, jepe che rete yvate, ha avei aguereko tuicha jeikuaase Tupã mba'eñemimbýgui, upévale, che ajerure'asy Ñandejárape; ha péina ápe ha'e ou cherendápe, ha omokyríi che korasõ ha che aguerovia opaite ñe'ẽ he'íva'ekue che ru, upévale, che napu'ái hese ojapo haguéicha che joyke'ykuéra.

17 Ha aña'ẽ Sam-pe, ha ha'e chupe umi mba'e Ñandejára he'íva'ekue chéve Espiritu Santo rupive. Ha ojehu ha'e oguerovia che ñe'ẽ.

18 Ha, péina ápe, Lamán ha Lemuel nohenduséi che ñe'ẽ; ha upémarõ ajepy'apýgui ikorasõkuéra atãre che ajerure'asy Ñandejárape hesekuéra.

19 Ha ojehu Ñandejára oñe'ẽ chéve, ha he'i: Rejehovasáva nde, Nefi, nde jerovia rupi, chereka haguére jesarekópe, ha korasõ miríme.

20 Ha peneñe'ẽrenduháicha che rembiapoukapykuérare, peñakãrapu'áta, ha pejegueraháta

peteĩ vyv ñe'ẽme'ẽnguẽme; heẽ, peteĩ vyv che ambosako'iva'ekue peẽme ġuarã; heẽ, peteĩ vyv ojeiporavóva opa ambue vyv árigui.

21 Ha opu'ãháicha nderehe nde joyke'ykuéra, oñemosẽta chupekuéra Ñandejára renondégui.

22 Ha neñe'ẽrenduháicha che rembiapoukapykuérare, romoĩta mburuvicha ha mbo'eháraramo nde joyke'ykuéra ári.

23 Ha péina ápe, oġuahẽrõ ára opu'ãramo cherehe hikuái, che amoñe'ẽngáita chupekuéra tuicha ñe'ẽngáipe, ha ndoguerekomo'ái mba'evéichagua pu'aka ne ñemoñarekuéra rehe nopu'ãiramo avei hikuái cherehe.

24 Ha opu'ãramo hikuái cherehe, ha'éta peteĩ tukumbo ne ñemoñarépe ġuarã, omokyre'y haġua chupekuéra imandu'a haġua hikuái cherehe.

NEMBYATY 3

Lehi ra'ykuéra oho jey Jerusalén-pe ogueru haġua umi pláncha bron-ce-guigua—Labán nome'ẽsúi umi pláncha—Nefi oñemoñe'ẽ ha omokyre'y ijoyke'ykuérape—Labán oipe'a chuguikuéra imba'ekuéra ha ojukase chupekuéra—Lamán ha Lemuel oinupã Nefi ha Sam-pe ha ojeja'o hikuái peteĩ ángel rupi. 600–592 ary rupi Cristo mboyve.

HA ojehu che, Nefi, aha jey añe'ẽ rire Ñandejára ndive, che ru ogaáope.

2 Ha ojehu ha'e oñe'ẽ chéve, ha he'i: Péina ápe che ahecha che képe, Ñandejára he'íramo chéve nde ha nde joyke'ykuéra peho jey haġua Jerusalén-pe.

3 Ha péina ápe, Labán oguereko judio-kuéra kuatiajehaipyre ha avei peteĩ genealogía che ypykuéra rehegua, ha ojehai pláncha bronze-guigua ári.

4 Ha upévore, Ñandejára he'i chéve nde ha nde joyke'ykuéra pehova'erãha Labán rógape, ha peheka umi kuatiajehaipyre, ha pegueru ko'ápe tave'yme.

5 Ha ko'áġa, péina ápe nde joyke'ykuéra okaguai ha he'i hasyeteriha pe mba'e che ajerureva'ekue chupekuéra; ha péina ápe ndaha'úi che ajeruréva chupekuéra, ha katu kóva ha'e peteĩ Ñandejára rembiapoukapy.

6 Upévore tereho, che ra'y, ha Ñandejára nepytyvõta, nderekaguairi haguére.

7 Ha ojehu che, Nefi, ha'e che rúpe: Aháta ha ajapóta umi mba'e Ñandejára he'iva'ekue, aikuaágui Ñandejára nome'ẽiha tembiapoukapy yvypóra ra'ykuérape, ombosako'iyre pe tape ikatu haġuáicha ha'ekuéra ojapo umi mba'e ha'e he'iva'ekue chupekuéra.

8 Ha ojehu che ru ohendúvo ko'ã ñe'ẽ oñeñandu porãiterei, oikuaágui ha'e Ñandejára cherovasahague.

9 Ha che, Nefi, ha che joyke'ykuéra rosẽ roho tave'yre, ore rogao reheve, rojupi haġua tetã Jerusalén-pe.

10 Ha ojehu rojupívo tetā Jerusalén-pe, che ha che joyke'ykuéra roñemongeta oñondive.

11 Ha roity po'a—rohecha hağua mávapa ore apytégui ohóta Labán rógape. Ha ojehu pe po'a ho'a Lamán ári; ha Lamán oho oike Labán rógape, ha oñe'ẽ hendive ha'e oguapy aja hógape.

12 Ha ojerure Labán-pe umi kuationjehaipyre ojehaiva'ekue umi pláncha bronze-guigua ári, oguerékóva che ru genealogía.

13 Ha péina ápe, ojehu Labán ipochy, ha omosẽ chupe henondégui; ha ndoipotái ha'e oguereko umi kuationjehaipyre. Upévore, he'i chupe: Péina ápe nde ha'e peteĩ mondaha, ha che rojukáta.

14 Ha katu Lamán oñani henondégui, ha omombe'u oréve umi mba'e Labán ojapova'ekue. Ha roñepyrũ rojepy'apyeterei, ha che joyke'ykuéra oïma oho jey hağuaicha che ru rendápe tave'ỹme.

15 Ha péina ápe che ha'e chupekuéra: Ñandejára oikoveháicha, ha ñande jaikoveháicha, ndajaguejymo'ái ñande ru rendápe tave'ỹme jajapo peve pe mba'e Ñandejára ojerureva'ekue ñandéve.

16 Upévore, ñandejeroviarekóna ñaneñe'ẽrendúvo Ñandejára rembiapoukapykuérrare; upéicha jaguejy katu pe yvy oñeme'ẽva'ekue ñande rúpe, ha péina ápe ha'e oheja hi'óro ha ipláta, ha opaite mba'e

oguerékóva. Ha ojapo ko'ã mba'e Ñandejára rembiapoukapykuéra rehehápe.

17 Ha'e oikuaágui Jerusalén oñehundiva'erãha, tavayguakuéra hekoñañágui.

18 Ha péina ápe, nohenduséi hikuái profetakuéra ñe'ẽ. Upévore, che ru opytárõ pe tetãme oje'e rire chupe osẽ hağua pe tetãgui, péina ápe, ha'e omanova'erã avei. Upévore, osẽmanteva'erã pe tetãgui.

19 Ha péina ápe, iñarandu Tupãme jahupyty ko'ã kuationjehaipyre, ñañongatu hağua ñande ra'ykuérape ġuarã ñande rukuéra ñe'ẽ;

20 Ha avei ñañongatu hağua chupekuéra umi ñe'ẽ osẽva'ekue mayma profetakuéra imaranga-túva jurúgui, oñeme'ẽva'ekue chupekuéra pe Espíritu ha pu'aka Tupã oguerékóva rupive, yvy oñepyrũmby guive, kóva ko araita peve.

21 Ha ojehu ko'ãichagua ñe'ẽ rupi péicha aipy'amovã che joyke'ykuérape, ijeroviareko hağua hikuái iñe'ẽrendúvo Tupã rembiapoukapykuérrare.

22 Ha ojehu roguejy ore yvy rohupytyva'ekuépe, ha rombyaty ore óro, ha ore pláta, ha opaite ore mba'e iporãva.

23 Ha rombyaty rire ko'ã mba'e, roho jey Labán rógape.

24 Ha ojehu roiķe Labán oĩháme, ha rojerure chupe ome'ẽ hağua oréve umi kuationjehaipyre ojehaiva pláncha bronze-guigua ári, ha upévore ore rome'ẽtaha

chupe ore óro, ha ore pláta, ha opaite ore mba'e iporáva.

25 Ha ojehu Labán ohechávo ore mba'ekuéra, ha tuichaitereiha, ha'e oipotapaite imba'erã, upé-vare oremosê okápe, ha ombou hembiguaikuérape orejuka ha-gua, ikatu haġuáicha opyta ore mba'ekuéra reheve.

26 Ha ojehu rokañy Labán rembiguaikuéra renondégui, ha rohejámante upépe ore mba'ekuéra, ha ho'a Labán pópe.

27 Ha ojehu rokañy tave'ỹme, ha Labán rembiguaikuéra nda-orerupyty'i, ha rokañy peteĩ ita kuápe.

28 Ha ojehu Lamán ipochyeteri chendive, ha avei che ru ndive, ha upéicha avei Lemuel, ojeguerahaukágui Lamán ñe'ẽ rehe. Upévale Lamán ha Lemuel oñe'ẽ heta ñe'ẽvai oréve, ijoyke'y imitávévape, ha orenupã hikuái peteĩ vyvrápe.

29 Ha ojehu orenupã jave peteĩ vyvrápe, péina ápe, ou peteĩ Ñandejára ángel, ha oñemoĩ hendepekuéra ha oñe'ẽ chupekuéra, he'ívo: Mba'ére piko peinupã pende joyke'y imitávévape peteĩ vyvrápe? Ndapeikuaái piko Ñandejára oiporavohague chupe oiko haġua mburuvicháramo pende ári, ha kóva penerembia-povaikuére? Péina ápe pejupi jeýta Jerusalén-pe, ha Ñandejára omoíta Labán-pe pende pópe.

30 Ha oñe'ẽ rire oréve pe ángel, oho.

31 Ha pe ángel oho rire, Lamán ha Lemuel oñepyrũ jey okaguai,

ha he'i: Mba'éicha piko Ñandejára omoíta Labán-pe ñande pópe? Péina ápe, ha'e peteĩ vyvrápóra imbaretéva, ha omondokuaa cincuenta-pe, heẽ, avei ojukakuaa cincuenta-pe; ha mba'e rehe piko nahanirimo'ái ñandéve?

ÑEMBYATY 4

Nefi ojuka Labán-pe Ñandejára he'ígui chupe ha ohupyty umi pláncha bronce-guigua katupyry rupive—Zoram ojoajuse Lehí rogaguakuéra ndive tave'ỹme. 600–592 ary rupi Cristo mboypve.

Ha ojehu aña'ẽ che joyke'ykuérape, ha ha'e chupekuéra: Jajupi jey Jerusalén-pe, ha ñandejero-viareko ñaneñe'ẽrendúvo Ñandejára rembiapoukapykuérare; ha péina ápe ha'e imbareteve opaite vyvepeguágui, mba'ére piko naimbareteve'mo'ái Labán ha icincuenta-gui, heẽ, térã avei umi idecenas de milláresgui?

2 Ha upéicha jajupi katu; ha ñanembareténa Moiséicha; ha'éko añetehápe oñe'ẽ Mar Rojo-pegua ýpe ha ojepe'a peteĩ ha ambue gotyo, ha ñande rukuéra osẽ, teko ñeñapytĩgui, vvy ikáva ári, ha Faraón ehersitokuéra omuña chupekuéra ha ojahoga Mar Rojo-pegua ýpe.

3 Péina ápe peẽ peikuaa ko'áva añeteha; ha avei peikuaa peteĩ ángel oñe'ẽ hague pe-ẽme; upéicharamo mba'éicha piko pendepy'amokõita? Jajupi

amoite peve; Ñandejára ikatu ñandejora, ñande rukuéraicha, ha ohundi Labán-pe, egipcio-kuéraicha.

4 Ha añe'ẽmba vove ko'ã ñe'ẽ, ipochy gueteri hikuái, ha okaguaivéntekuri; upevére oho hikuái che rapykuéri roġuahẽ meve Jerusalén tápia kupépe.

5 Ha pyharéma, ha amokañy chupekuéra pe tápia kupépe. Ha okañy rire hikuái, che, Nefi, aike kañyháme pe tavaguasúpe ha aha Labán róga gotyo.

6 Ha chegaraha pe Espíritu, aikuaa mboyve'ỹre mba'épa ajapova'erã.

7 Upevére aha meme, ha añemoaġuimívo Labán róga ypype ahecha peteĩ yvypóra, ha ha'e ho'ákuri pe yvýpe che renondépe, oka'úgui vínope.

8 Ha añemoaġuivo hese ajuhu ha'eha Labán.

9 Ha ahechávo ikysepuku, aipe'a pe hyrúgui, ha pe hi'ýva ha'e oroiteguiguáva, oje-japóva techapyrãme, ha ahecha pe hogue ojejapo peteĩ acero iporãitereívagui.

10 Ha ojehu añemyaña pe Espíritu ajuka haġua Labán-pe; ha katu ha'e che korasõme: Araka'eve niko che nañoñeiva'ekue yvypóra ruguy. Ha chepiri ha hi'ãnte chéve ndajukái chupe.

11 Ha pe Espíritu he'i jey chéve: Péina ápe Ñandejára omoi chupe nde pópe. Heẽ, ha che avei aikuaa oipe'asehague chehegui che rekove; heẽ, ha ha'e nohenduseiha Ñandejára rembiapoukapykuéra;

ha avei oipe'ahague orehegui ore mba'ekuéra.

12 Ha ojehu he'i jey chéve pe Espíritu: Ejuka chupe, Ñandejárama omoi chupe nde pópe;

13 Péina ápe Ñandejára ojuka iñañávape oiko haġua umi mba'e joja ha'e oipotáva. Hi'ãve omano peteĩ yvypóra ani peteĩ tetã ho'a ha omano jeguerovia'ỹme.

14 Ha che, Nefi, ahendúvo ko'ã ñe'ẽ, chemandu'a umi ñe'ẽ Ñandejára he'iva'ekue chéve tave'ỹme, he'iva: Peneñe'ẽrenduháicha che rembiapoukapykuérare, peñakārapu'ãta pe yvy ñe'ẽme'ẽngueme.

15 Heẽ, ha avei ahecha ndaikatumo'ãiha iñe'ẽrendu hikuái umi Ñandejára rembiapoukapykuérare pe Moisés léipe oiháicha, oguereko'ýramo upéva upe léi.

16 Ha avei aikuaa pe léi oje-haihague umi pláncha bronceguigua ári.

17 Ha avei, aikuaa Ñandejára omoihague Labán-pe che pópe upeva'erã—che ahupyty haġua umi kuatijehaipyre hembiapoukapýpe oiháicha.

18 Upéva añe'ẽrendu pe Espíritu ñe'ẽre, ha ajagarra Labán-pe iñakāraguégui, ha añakā'o chupe ikysepukúpe.

19 Ha aikytĩ rire chugui iñakā ikysepukúpe, ajagarra Labán ao ha amoi chejehe; heẽ, amoiмбаite peve jepe; ha amoiмбаite che apére inemiñuvã.

20 Ha ajapopa rire opaite ko'áva, aha pe tenda oiháme Labán mba'ehepy. Ha añemoaġuimívo

upe tenda oiháme Labán mba'e-hepy, péina ápe, ahecha Labán rembiguái oguerékóva umi llave pe tenda rehegua. Ha ajerure chupe aha'ávo Labán ñe'ẽ, oho haġua chendive pe tenda oiháme mba'ehepy.

21 Ha ha'e oimo'ã che ha'e ijára, Labán, ohechágui pe ijao ha avei pe kysepuku oíva che ku'a kuápe.

22 Ha ha'e oñe'ẽ chéve umi karai judio-kuéra rehe, oikuaágui ijára, Labán, oihague ijapytepekuéra pyharekue.

23 Ha añe'ẽ chupe che ha'era-moguáicha Labán.

24 Ha avei ha'e chupe che ague-rahava'eráha umi jehaipyre, oíva umi pláncha bronze-guigua ári, che joyke'ykuéra tuichavévape, oíva tápia kupépe.

25 Ha avei ha'e chupe oho haġua che rapykuéri.

26 Ha ha'e, oimo'ãgui che añe'ẽ umi joyke'ykuéra tupaopeguáre, ha che ha'eha añetehápe Labán pe che ajukava'ekue, upévare oho che rapykuéri.

27 Ha oñe'ẽ heta chéve umi karai judio-kuéra rehe, aha aja hína che joyke'ykuéra rendápe, oíva pe tápia kupépe.

28 Ha ojehu Lamán cherechávo oñemondýi tuichaiterei, ha avei Lemuel ha Sam. Ha okañy hikuái che renondégui; oimo'ãgui hikuái ha'eha Labán, ha oipe'ahague che rekove ha ojukataha avei chupekuéra.

29 Ha ojehu ahenói chupekuéra, ha ha'ekuéra cherendu;

ha upévare nokañyvéma hikuái che renondégui.

30 Ha ojehu pe Labán rembiguái ohechávo che joyke'ykuérape oñepyrũ oryrýi, ha haimete okañy che renondégui ha oho jey tavaguasu Jerusalén-pe.

31 Ha che, Nefi, ha'e peteĩ yvypóra hete tuicháva, ha oñeme'ẽ chéve heta mbarete Ñandejáragui, upévare ajagarra Labán rembiguáipe, ha ajoko chupe, ani haġua okañy.

32 Ha ojehu ha'e chupe, ohendúramo che ñe'ẽ, pe Ñandejára oikoveháicha, ha che aikoveháicha, ojapysakáramo ore ñe'ẽre, ndoroipe'amo'áiha chugui hekove.

33 Ha añe'ẽ chupe ñe'ẽme'ẽme, ndaiporiha mba'érepa okyhyjéta, ha oikotaha chugui yvypóra isásóva oréicha oguejýramo orendive tave'ỹme.

34 Ha añe'ẽ avei chupe, ha'évo: Añetehápe Ñandejára ojerure oréve rojapo haġua ko'ã mba'e, ha ñañandeyesarekoiva'erã piko ñaneñe'ẽrendúvo Ñandejára rembiapoukapykuérare? Upévare, reguejýramo tave'ỹme oiháme che ru oíta nerendaġua orendive.

35 Ha ojehu Zoram oñemombarete ohendúvo ñe'ẽ ha'éva chupe. Ko'áġa Zoram ha'e ko tembiguái réra; ha ome'ẽ oréve iñe'ẽ oguejytaha tave'ỹme oiháme ore ru. Heẽ, ha avei ojapo oréve ñe'ẽme'ẽ opytataha orendive upe ára guive.

36 Ha roipota opyta orendive

kóvare, umi judio-kuéra ani haḡua oikuaa rohogague tave'ỹme, ani haḡua oremuña ha orerundi.

37 Ha ojehu Zoram ojapo rire ñe'ẽme'ẽ, opa ore kyhyje chugui.

38 Ha ojehu rojagarra umi pláncha bronze-guigua ha Labán rembiguáipe, ha roje'ói tave'ỹme, ha roho ore ru ogaaogotyó.

ÑEMBYATY 5

Saríah okaguai Lehi rehe—Mokõive ovy'a ou jey haguere imembykuéra—Oikuave'ẽ hikuái mymbajuka—Umi pláncha bronze-guigua oguereko Moisés ha profetakuéra jehaipyre—Umi pláncha ohechauka Lehi ha'eha José ñemoñare—Lehi oprofetisa iñemoñare ha umi pláncha ñeñongatu rehe. 600–592 ary rupi Cristo mboyo.

HA ojehu roho rire tave'ỹme oĩha peve ore ru, péina ápe, ha'e henyhẽ vy'águi, ha avei che sy, Saríah, ovy'aiterei, añetehápe ojepy'apýguikuri orerehe.

2 Oimo'águi ha'e romanohague tave'ỹme; ha avei heta okaguai che ru rehe, ha'eha yvypóra ohechapukúva; ha he'i: Péina ápe nde oreguenohẽ ñande vvy jehejapyrégui, ha che membykuéra ndaiporivéima, ha ñande ñamanóta tave'ỹme.

3 Ha ko'áichagua ñe'ẽme che sy okaguai che ru rehe.

4 Ha ojehu che ru oñe'ẽ chupe, he'ívo: che aikuaa ha'eha peteĩ

yvypóra ahechapukúva; ha ndahecháirire Tupã mba'ekuéra peteĩ techapukúpe ndaikuaaiva'erãmo'ã Tupã py'aporã, ha katu apytava'erãmo'ã Jerusalén-pe ha amano che joyke'ykuéra ndive.

5 Ha péina ápe, ahupyty peteĩ vvy ñe'ẽme'engue, ha avy'a ko'ã mba'e rehe; heẽ, ha che aikuaa Ñandejára oipe'ataha che ra'ykuérape Labán pógui, ha ogueru jeytaha chupekuéra ñane rendápe tave'ỹme.

6 Ha ko'áichagua ñe'ẽme che ru, Lehi, omoangapyhy che sy, Saríah-pe, ore rehe, roho aja tave'ỹre vvy Jerusalén gotyo, rohupyty haḡua judio-kuéra kuationjehaipyre.

7 Ha rojujey rire che ru ogaaópe, henyhẽ hikuái vy'águi, ha che sy ipy'aguapy.

8 Ha ha'e oñe'ẽ, he'ívo: Ko'ága aikuaa porã Ñandejára he'ihague che ménape okañy haḡua tave'ỹme; heẽ, ha avei aikuaa porã Ñandejára omo'ãhague che membykuérape, ha oipe'a chupekuéra Labán pógui, ha ome'ẽ chupekuéra pu'aka ojapo haḡuáicha pe mba'e Ñandejára ojerureva'ekue chupekuéra. Ha ko'áichagua ñe'ẽme oñe'ẽ ha'e.

9 Ha ojehu ovy'aiterei hikuái, ha oikuave'ẽ mymbajuka ha mymbajehapy Ñandejárape; ha ome'ẽ hikuái aguyje Israel-gua Tupãme.

10 Ha ome'ẽ rire hikuái aguyje Israel-gua Tupãme, che ru, Lehi, ojagarra umi kuationjehaipyre oĩva umi pláncha bronze-guigua

ári, ha ohesa'yíjio iñepyrũmby guive.

11 Ha ohecha oguerokoha umi po kuatione'ẽ Moisés mba'éva, omombe'úva tembiasakue yvy ojejaporõguare, ha avei Adán ha Eva-gui, ñande ru ha ñande sy pykue;

12 Ha avei umi judio-kuéra kuationehaipyre iñepyrũmby guive, oñepyrũ meve Sedequías rreinádo, Judá-pegua rréi;

13 Ha avei profetakuéra marangatu profesiakuéra, iñepyrũmby guive, oñepyrũ meve Sedequías rreinádo; ha avei heta profesia oje'eva'ekue Jeremías juru rupive.

14 Ha ojehu che ru, Lehi, ojuhu avei umi pláncha bronze-guigua ári ituvakuéra genealogía; upéva ha'e oikuaa José ñemoñareha; heẽ, pe José ha'eva'ekue Jacob ra'y oñevende'ekue Egipto-pe, ha oñeñongatuva'ekue Ñandejára po rupive, oñongatu hağua itúva, Jacob-pe, ha mayma hogaguakuérape ani hağua omano ñembyahýgui.

15 Ha avei oñeguenohẽ chupekuéra ñeñapytĩmbýgui ha Egipto retágui, pe Tupã oñongatuva'ekue chupekuéra rehehápe.

16 Ha péicha che ru, Lehi, ojuhu umi ituvakuéra genealogía. Ha Labán ha'e avei José ñemoñare, upéva ha'e ha ituvakuéra oguerahákuri umi kuationehaipyre.

17 Ha che ru ohechávo opaite ko'ã mba'e, henyhẽ Espíritugui, ha oñepyrũ oprofetisa iñemoñare rehe—

18 Ko'ã pláncha bronze-guigua ohotaha opaite tetã, avaretã, ñe'ẽ, ha tavayguakuéra ha'éva iñemoñare reheguápe.

19 Upéva, ha'e he'í ko'ã pláncha bronze-guigua araka'eve noñehundimo'áiha; ni noñembyaimo'áiha ára jehasa rupive. Ha oprofetisa heta mba'e iñemoñare rehegua.

20 Ha ojehu ko'ã peve che ha che ru oreñe'ẽredúkuri umi tembiapoukapýre Ñandejára he'iva'ekue oréve.

21 Ha rohupyty umi kuationehaipyre Ñandejára ojerureva'ekue oréve, ha rohesa'yíjio ha rojuhu iporãitereiha; heẽ, hepýva oréve ġuarã, ikatúgui péicha rupi roñongatu Ñandejára rembiapoukapykuéra ore ra'ykuérape ġuarã.

22 Upéva, ha'e Ñandejára arandu rupive rogueraha ko'áva orendive, roho aja tave'yre pe yvy ñe'ẽme'engue gotyo.

ÑEMBYATY 6

Nefi ohai Tupã mba'ekuéra rehegua—Nefi oipy'amovãse yvyporakuérape ou hağua Abraham Tupãme ha ojesalva hağua. 600–592 ary rupi Cristo mboyye.

HA ko'áğa che, Nefi, name'ẽi che rukuéra genealogía kóva ko che kuationehaipyrépe; ha name'ẽmo'ái avei araka'eve ko'ã pláncha ahaíva hína ári; oñeme'ẽgui umi kuationehaipyre che ru

oguerahava'ekuépe; ha upévare, ndahaíri kóva ko tembiapópe.

2 Oĩporãntema chéve ha'e ore ha'eha José ñemoñare.

3 Ha ndaha'ei chéve mba'eguasu añemoĩ amombe'u opaite umi che ru mba'ekuéra, ndaikatúigui ojehai ko'ã pláncha ári, ahejaségui pa'ũ ahai hağua Tupã mba'ekuéra.

4 Ha pe che aipotavéva niko ha'e yvyporakuérape aipy'amovã ou hağua Abraham Tupãme, ha Isaac Tupãme, ha Jacob Tupãme, ojesalva hağua.

5 Upévare, ndahaíri umi mba'e yvoragua oguerohorýva, ha katu umi mba'e Tupã ha umi ndaha'éiva yvoragua oguerohorýva.

6 Upévare, amé'eta peteĩ tembiapoukapy che ñemoñarekuérape, ani hağua omyenyhẽ hikuái ko'ã pláncha umi mba'e ndaha'éivape mba'ehepy yvypóra ra'ykuérape guarã.

NEMBYATY 7

Lehi ra'ykuéra ohojey Jerusalén-pe ha ojerure Ismael ha hogaguakuérape ojoaju hağua hendivekuéra iguatápe—Lamán ha ambuekuéra ipochy—Nefi ojerure'asy ijoyke'ykuérape oguereko hağua jerovia Ñandejára rehe—Ha'ekuéra ojokua chupe peteĩ sãme ha ohundise chupe—Ha'e isãso ijerovia pu'aka rupive—Ijoyke'ykuéra ojerure chupe perdón—Lehi ha umi ohóva hendive oikuave'ẽ mymbajuka ha mymbajehapy. 600–592 ary rupi Cristo mbojve.

HA ko'ãğa aipota peikuaa, pe che ru, Lehi, oprofetisapa rire, iñemoñare rehe, ojehu Ñandejára oñe'ẽ jey chupe, ha he'i chupe noĩporãiha ha'e, Lehi, ogueraha umi hogaguakuérape año tave'ỹme; ha katu pe ita'yrukuéra ojagarrava'erã kuña hembirekorã, omopu'ã hağua ñemoñare Ñandejárape yvy ñe'ẽme'ẽngueme.

2 Ha ojehu Ñandejára he'i chupe che, Nefi, ha che joyke'ykuéra, rohojey hağua tetã Jerusalén-pe, ha rogueraha hağua Ismael ha hogaguakuérape tave'ỹme.

3 Ha ojehu che, Nefi, che joyke'ykuéra ndive, roguata jey tave'ỹre rojupi hağua Jerusalén-pe.

4 Ha ojehu roğuahẽ Ismael rógape, ha ro'a porã Ismael resápe, ha upémarõ ro'e chupe Ñandejára ñe'ẽ.

5 Ha ojehu Ñandejára omohu'ũ Ismael korasõ, ha avei hogaguakuérape, ha upévare oje'ói hikuái orendive tave'ỹme ore ru ogaaogoty.

6 Ha ojehu roho aja pe tave'ỹre, péina ápe Lamán ha Lemuel, ha mokõi Ismael rajy, ha mokõi Ismael ra'y ha hogaguakuéra, opu'ã orerehe; heẽ, cherehe, Nefi, ha Sam, ha ituvakuéra, Ismael, ha hembireko, ha umi ambue mbohapy itajýra rehe.

7 Ha ojehu pe iñemopu'ãme, ohose jey hikuái tetã Jerusalén-pe.

8 Ha che, Nefi, che py'ajopýgui pe ikorasõ atãkuéra, upévare añe'ẽ chupekuéra, ha ha'e, heẽ,

Lamán ha Lemuel-pe jepe: Péina ápe peẽ niko ha'e che ryke'y, ha mba'éicha piko pene korasõ atãite, ha ñnypytũ pene apytu'ũ, ha peikotevê che, pende ryvy, añe'ẽ peẽme, heẽ, ha ame'ẽ pe-ẽme techaukarã?

9 Mba'éicha piko napehendúi pe Ñandejára ñe'ẽ?

10 Mba'éicha piko penderesarái pehechahague peteĩ Ñandejára ángel?

11 Heẽ, ha mba'éicha piko penderesarái hetaita mba'eguasú Ñandejára ojapova'ekue ñande rehe, ñandeipe'ávo Labán pógui, ha avei jahupytyvo umi kuatiajehaipyre?

12 Heẽ, ha mba'éicha piko penderesarái Ñandejára oguerokoha pu'aka ojapo haña opaite mba'e oipotaháicha, yvypóra ra'ykuérape ñuarã, omomba'apóramo hikuái ijerovia hese? Upévore, ñandejeroviarekóna hese.

13 Ha ñandejeroviarekóramo hese, jahupytyta pe yvy ñe'ẽme'ẽngue; ha peikuaáta peteĩ ára oúvape oikotaha pe Ñandejára ñe'ẽ he'íva Jerusalén oñehunditaha; heẽ opaite mba'e Ñandejára he'íva'ekue pe Jerusalén ñehundi rehe oikova'erã.

14 Ha péina ápe, Ñandejára Espíritu ko'ěrõite noñeha'ãmo'ãvéima hesekuéra; ha péina ápe, ndoroviái hikuái profetakuérape, ha omombo Jeremías-pe peteĩ ka'irãime. Ha oñeha'ã hikuái oipe'a che rúgui hekove, omosẽ meve chupe upe tetãgui.

15 Ko'ága péina ápe, che ha'e

peẽme pehojeyramo Jerusalén-pe pemanóta avei hendivekuéra. Ha ko'ága, peipotáramo, pejupi upe tetãme, ha penemandu'a umi ñe'ẽ ha'éva peẽme, pehóramo pemanotaha avei; upéicha he'í jey jey chéve pe Ñandejára Espíritu añe'eva'erãha.

16 Ha ojehu che, Nefi, añe'ẽvo ko'ã ñe'ẽ che joyke'ykuérape, ipochy chendive hikuái. Ha ojehu omopu'ã hikuái ipo cherehe, péina ápe, ipochyeteréigui, ha sãme chejokua, oipe'aséigui chehegui hikuái che rekove, upéi che rejarei haña tave'y me chemokõ haña mymbakuéra saite.

17 Ha ojehu añembo'e Ñandejárape, ha'évo: Ha! Ñandejára, chejeroviaháicha nderehe, cheipe'amína che joyke'ykuéra pógui; heẽ, eme'ẽ chéve mbarete amondoho haña ko'ã sã chejokuáva.

18 Ha ojehu ha'évo ko'ã ñe'ẽ, péina ápe, ojejora umi che po ha che py sã, ha añembo'y che joyke'ykuéra renondépe, ha añe'ẽ jey chupekuéra.

19 Ha ojehu ipochy jey chendive hikuái, ha omoise jey hikuái ipo che ári; ha péina ápe, peteĩ Ismael rajy, heẽ, ha avei isy, ha peteĩ Ismael ra'y, ojerure'asy che joyke'ykuérape, ha upéicha omohu'ũ ikorasõkuéra; ha noñeha'ãvéi hikuái oipe'a chehegui che rekove.

20 Ha ojehu oñeñandu vaiete rei hikuái, hekoñaña rupi, oñemomirĩ meve che renondépe, ha ojerure'asy chéve aperedona

haġua chupekuéra umi mba'e ojavova'ekuere cherehe.

21 Ha ojehu aperdona añete chupekuéra opaite ojavova'ekuere hikuái cherehe, ha ha'e porã chupekuéra ojerure haġua Ñandejára Itupãme operdona haġua chupekuéra. Ha ojehu ojapo hikuái upéicha. Ha oñembo'e rire hikuái Nandejárape rohojey ore ru ogaaogoty.

22 Ha ojehu roguejy ore ru ogaáope. Ha che ha che joyke'ykuéra ha maymáva Ismael rogaygua roġuahêvo che ru ogaaáope, ha'ekuéra ome'ê aguyje Ñandejára Itupãme; ha oikuave'ê chupe mymbajuka ha mymbajehapy.

ÑEMBYATY 8

Lehi ohecha peteĩ techauka yvyramáta tekove rehegua—Ho'u pe hi'a ha hi'ante chupe hogaguakuéra ojapo avei upéicha—Ohecha peteĩ barra de hierro, peteĩ tape ipo'ietereíva, ha pe tataĩ ypytũ oñuãva yvyporakuérape—Saríah, Nefi, ha Sam ho'u pe hi'águi ha Lamán ha Lemuel katu ndo'uséi. 600–592 ary rupi Cristo mboyo.

HA ojehu rombyaty opa mba'e ra'yi opaichaguáva, ha'éva opáichagua gráno ra'yi, ha avei opáichagua yva ra'yi.

2 Ha ojehu che ru oĩ jave tave'yme oñe'ê oréve, he'ívo: Péina ápe, ahecha che képe peteĩ kera-recha; térã ambue ñe'eme, ahecha peteĩ techauka.

3 Ha péina ápe, umi mba'e ahechava'ekue rupi, aguereko mba'érepa avy'ávo Ñandejárape Nefi ha Sam-re; aguerekógui mba'érepa aimo'ã haġua ha'ekuéra, ha avei heta iñemoñarekuéra, ojesalvataha.

4 Ha péina ápe, Lamán ha Lemuel, akyhyjeterei penderehe; péina ápe, ha'etévaicha chéve ahecha che képe, peteĩ tave'y iñypytũva ha ojev'y'a'yhápe.

5 Ha ojehu ahecha peteĩ yvy-póra, oñemondéva peteĩ ahoja morotíme; ha ha'e ou ha oñembo'y che renondépe.

6 Ha ojehu oñe'ê, ha he'i chéve aha haġua hapykuéri.

7 Ha ojehu aha aja hapykuéri ahecha aimeha peteĩ yvy ojeiko'yhápe iñypytũva ha ojev'y'a'yhápe.

8 Ha aguata rire heta aravo py-tũmbýre, añepyrũ añembo'e'asy Ñandejárape cheporiahuvereko haġua, umi iporiahuvereko kyrýi hetaite rupive.

9 Ha ojehu añembo'e rire Ñandejárape ahecha peteĩ ñu tuicha ha ipyrusúva.

10 Ha ojehu ahecha peteĩ yvyramáta, pe hi'a ojeipotáva ñanembovy'a haġua.

11 Ha ojehu aha ha ha'u pe hi'a; ha añandu he'etereíha, he'éve opa mba'e che ha'umava'ekuégui. He'ê, ha ahecha pe hi'a morotíha, ha ohasa opaite morotí che ahechava'ekuépe araka'eve.

12 Ha ha'úvo pe hi'a che ánga henyhê peteĩ vy'a tuichaite-reívagui, ha upévore, aipota

che rogaguakuéra ho'ú avei; aikuaágui pe hi'a ojeipotaveha opaitévagui.

13 Ha ama'évo pe jerére, peichahágui ahecháramo ġuarã che rogaguakuérape avei, ahecha peteĩ ysyry; ha osyry ipukukue jave, ha ohasa pe vyramáta hi'a che ha'úva'ekue ypýpe.

14 Ha amaña ahecha haġua moõguipa ou; ha ahecha ijyvu namombyrytetéi, ha pe ijyvúpe ahecha pende sy Saríah-pe, ha Sam, ha Nefi-pe; ha oñembo'y hikuái ndoikuaairamoguáicha moõ gotyopa ohóta.

15 Ha ojehu ajepoity chupekuéra; ha avei ha'e chupekuéra ñe'ẽ sapukáipe ou haġua che aĩháme ha ho'ú haġua pe yva, ojeipotavéva opaite apytégui.

16 Ha ojehu ou hikuái che aĩháme ha avei ho'ú pe yva.

17 Ha ojehu che aipota Lamán ha Lemuel ou ha ho'ú avei upéva pe yva; ha upévare, agueraha che resa ysyry ykuayvu gotyo, peichahágui ahecháramo ġuarã chupekuéra.

18 Ha ojehu ahecha chupekuéra, ha ndouséi hikuái che rendápe ho'ú haġua pe yva.

19 Ha ahecha peteĩ barra de hierro, ojepysóva pe ysyry rembe'yre, ha oho pe vyramáta che aĩha meve.

20 Ha ahecha avei peteĩ tape ipo'ietereíva, ohóva pe barra de hierro pukukue jave, pe vyramáta che aĩha ykére peve; ha avei ohasa oĩháme pe ykuayvu, peteĩ ñu tuicha

ha ipyrusúva peve, ojoguáva peteĩ yvórape.

21 Ha ahecha hetaiterei jaipapakuaa'yva yvypóra, ha heta oñemotenonde, oġuahẽ haġua pe tape ogueraháva pe vyramáta che aĩha meve.

22 Ha ojehu oñemotenonde hikuái, ha oñepyrũ oguata pe tape ohóva vyramáta peve.

23 Ha ojehu opu'ã peteĩ tataĩ iñypytúva, heẽ, peteĩ tuichaiterei tataĩ iñypytúva, upéichagui umi oikeva'ekue upe tapépe osẽ tapégui, ha okañy ha oñehundi hikuái.

24 Ha ojehu ahecha ambuekuéra oñemotenondéva, ha oġuahẽ ha ojejagarra pe barra de hierro apýrare; ha ohasa pe tataĩ iñypytúva rupive, ojejagarrahápe pe barra de hierro rehe, oġuahẽ meve ha ho'ú pe vyramata'a.

25 Ha ho'ú rire hikuái pe vyramata'a omaña ijerére ku oñramoguáicha.

26 Ha che avei ama'ẽ upe jerére, ha ahecha pe ysyry mboypýri, peteĩ óga tuichapajepéva ha ipyrusúva; ha'étevaicha opu'áva pe arapytúpe, yvateterei yvy ári.

27 Ha henyhẽ yvypóragui, ika'aru ha imitãrusúva, kuimba'e ha kuña; ha pe ao omondéva hikuái iporãiterei; ha ha'étevaicha oñembohorýva ha ohechaukáva ikuãme umi oġuahẽva'ekuépe ha ho'úva hína pe yva.

28 Ha ho'ú rire hikuái pe yva, oñi umi oñembohorýva hesekuéraragui; ha ho'a tape oñembotovévape ha okañy hikuái.

29 Ha ko'áğa, che, Nefi, namombe'upái opaite che ru ñe'ẽ.

30 Ha katu, ahai mbyky hağua, péina ápe, ha'e ohecha ambue yvyporaita oñemotondéva; ha oğuahẽ ha ojejagarra pe barra de hierro apýrare; ha oho tenondevévo, ojejagarra memévo pe barra de hierro-re, oğuahẽ meve ha ojaivy ha ho'u pe vyramata'águi.

31 Ha ohecha avei ambue atyguasu oho pya'éva hína pe óga tuicha ha ipyrusúva gotyo.

32 Ha ojehu heta ojahoga pe yvu ipypukuehápe; ha heta okañy hesa renondégui, ohóvo tape ndojeikuaáiva rehe.

33 Ha tuicha pe atyguasu oikéva upe óga techapyrãme. Ha oike ríre hyepýpe ohechauka ikuãme ñembohorýpe cherehe ha avei umi ho'úvare hína pe yva; ha katu noropenái hesekuéra.

34 Ko'áva ha'e che ru ñe'ẽ: Ha mayma ohendúva chupekuéra, okañy.

35 Ha ni Lamán ni Lemuel ndo'úi pe yvágui, he'i che ru.

36 Ha ojehu che ru omombe'u ríre opaite ñe'ẽ ikepegua téra techaukapégua, hetaitereíva, he'i oréve, ko'ã mba'e rupi ohechava'ekue techaukápe, okyhyjetereiha Lamán ha Lemuel rehe, heẽ, okyhyje oñemosẽramo ġuarã hikuái Nandejára renondégui.

37 Ha upémarõ he'i porã chupekuéra opaite oñandúva peteĩ túva mborayhu rupive, ohendu hağua hikuái iñe'ẽ, ikatu hağua péicha Nandejára oiporiahuvereco, ha

nomosëi chupekuéra; heẽ, che ru oñemoñe'ẽ chupekuéra.

38 Ha oñemoñe'ẽ ríre chupekuéra, ha avei oprofetisa ríre heta mba'égui, ojerure chupekuéra iñe'ẽrendu hağua Nandejára rembiapoukapykuérare; ha noñe'ëvéi chupekuéra.

ÑEMBYATY 9

Nefi ombosako'i mokõi kuationjeha-ipyre—Mokõivévape oñembohéra Nefi planchakuéra—Umi pláncha tuichavéva oguereko peteĩ tembiasakue imarangatu'jva rehegua; umi michivéva katu mba'e imaranga-túvagui meme. 600–592 ary rupi Cristo mboyye.

HA opaitéva ko'ã mba'e che ru ohecha, ha ohendu, ha he'i, oikove aja peteĩ ogaaópe, pe vytyta'ũ Lemuel-pe, ha avei hetaitereive mba'e, ndaikatúiva ojehai ko'ã pláncha ári.

2 Ha ko'áğa, añe'ẽmarõ hína peẽme ko'ã pláncha rehe, péina ápe ndaha'ëi umi pláncha ahai haguépe ñemombe'u opaite che tavayguakuéra rembiasakue rehegua; ha umi amombe'upaite haguépe che tavayguakuéra rehegua niko ambohéra Nefi; ha upéicha, héra Nefi planchakuéra, che réraicha; ha ko'áva ko'ã pláncha héra avei Nefi planchakuéra.

3 Ha katu, oñeme'ẽ chéve peteĩ Nandejára rembiapoukapy ajapo hağua ko'ã pláncha, ikatu hağuaicha ojehai pe ñemombe'u

che tavayguakuéra ministério rehegua.

4 Umi ambue pláncha ári ojehaiva'erã ñemombe'u rreikuéra rreinádo rehegua, ha umi ñorairõguasu ha joavy che tavayguakuéra rehegua; upévare hetave hendápe ko'ã pláncha ha'e pe ministério rehegua, ha umi ambuéva ha'e rreikuéra rreinadorãnte ha umi ñorairõguasu ha joavy che tavayguakuéra rehegua.

5 Upévare, Ñandejára ojerure chéve ajapo haġua ko'ã pláncha peteĩ imba'e iñarandúvape ġuarã, che ndaikuaáiva.

6 Ha katu Ñandejára oikuaapa opa mba'e iñepyrũmby guive; upévare, ha'e ombosako'i pe tape ojapo haġua opaite hembiapo yvyporakuéra ra'y apytépe; ha péina ápe, ha'e oguereko opa pu'aka oñekumpli haġua opaite iñe'ẽ. Ha upéicha. Amén.

ÑEMBYATY 10

Lehi oprofetisa judio-kuéra ojegue-rahataha ñeñapytĩmbýpe babilonio-kuérare.—Omombe'u outaha judio-kuéra apytépe peteĩ Mesías, peteĩ Salvador, peteĩ Rredentor—Lehi omombe'u avei outaha peteĩ omongaraiva'erã pe Tupã Cordero-pe—Lehi omombe'u pe Mesías ñemano ha jeikovejey rehe—Ombojoja pe Israel ñemosarambi ha pe iñembyatyjey peteĩ olívo rehe—Nefi oñe'ẽ Tupã Ra'y rehe, pe Espíritu Santo don-re, ha pe tekojoja tekotevẽháre. 600–592 ary rupi Cristo mbojve.

HA ko'áġa che, Nefi, añemoĩ ajapo peteĩ ñemombe'u ko'ã pláncha ári che rembiapo rehegua, ha che rreinádo ha ministério; upévare, ajapo haġua che ñemombe'u, añe'ẽva'erã michĩmi che ru mba'ekuéra rehe, ha avei che joyke'ykuéra rehegua.

2 Ha péina ápe, ojeju che ru omombe'upa rire pe ikepegua ñe'ẽ, ha avei ojerure porã rire chupekuéra opa jesareko, oñe'ẽ chupekuéra judio-kuérare—

3 Pe oñehundi rire hikuái, upe tavaguasu Jerusalén jepeve, ha heta ijapytepekuérargui ojegue-rahara rire ñeñapytĩmbýpe Babilonia-pe, ou jeytaha hikuái pe ára Ñandejára he'i vove, heẽ, ou jeýta hikuái iñeñapytĩmbýgui; ha ou rire iñeñapytĩmbýgui oguereko jeýta hikuái upe ijyvy jehejapyre.

4 Heẽ, seisiénto ary pe ára che ru osẽ rire Jerusalén-gui, Tupã Ñandejára omopu'ãta peteĩ proféta judio-kuéra apytégui—peteĩ Mesías jepe, térã, ambue ñe'ẽme, peteĩ Salvador del mundo.

5 Ha avei oñe'ẽ profetakuérare, hetaite ijapytepekuéra otestifika-hague ko'ã mba'égui, kóva ko Mesías rehegua, ha'e oñe'ẽva'ekuégui, térã kóva ko Rredentor del mundo.

6 Upévare, opaite yvypóra oĩ peteĩ ñehundi ha je'a ñeimépe, ha oĩtakuri upéicha tapiaite ojerovia'yramo hikuái kóva ko Rredentor rehe.

7 Ha avei oñe'ẽ chupekuéra peteĩ proféta rehe omotenondétava

pe Mesías-pe, ombosako’i haġua Ñandejára rape—

8 Heë, osëtaha ha oñe’ë pe tave’yme: Pembosako’i Ñandejára rape, ha pemoĩporã hapekuéra; oĩgui pende apytépe peteĩ peë peikuaa’yva; ha ipu’akave chehegui, ha ndacherekomarangatúi ajora haġua chugui isapatu sã. Ha che ru oñe’ë heta kóva ko mba’ére.

9 Ha che ru he’i oporomongaraitaha Betábara-pe, Jordán mboypýri; ha avei he’i oporomongaraitaha ýpe, ha Mesías-pe jepe ýpe omongaraitaha.

10 Ha omongarai rire ýpe Mesías-pe, ohecha ha ome’ëtaha testimónio omongaraihague Tupã Cordero-pe, oipe’átava angaipa vvy ape árigui.

11 Ha ojehu che ru he’i rire ko’ã ñe’ë oñe’ë che joyke’ykuérape umi evanhélio oñembo’étava judio-kuéra apytépe rehe, ha avei umi judio-kuéra ho’ataha jerovia’yme. Ha ha’ekuéra ojuka rire pe Mesías, ouva’erãme, ha ha’e ojejuka rire opu’ã jeytaha omanomava’ekue apytégui, ha ojehechaukataha pe Espíritu Santo rupive, gentil-kuérape.

12 Heë, heta oñe’ë che ru umi gentil-kuéra rehe, ha avei pe Israel róga rehe, oñembojojataha chupekuéra peteĩ olívore, hakã ojeipe’átava ha oñemosarambi opaite vvy ape ári.

13 Upévore, he’i rojeguera-hava’erãha peteĩchapa pe vvy ñe’ëme’ënguême, oñekumpli haġua Ñandejára ñe’ë,

roñemosarambitaha opa vvy ape ári.

14 Ha pe Israel róga oñemosarambi rire oñembyaty jeýta; térã, peteĩ ñe’ëme, umi gentil-kuéra ohendu rire pe evanhélio plentud, umi olívore rakãitéva, térã, umi Israel rogapegua rembyre, oñemopu’áta, térã oġuahëta hikuái pe Mesías añeteguáva jeikuaápe, Iñandejára ha Irredentor.

15 Ha ko’ãichagua ñe’ëme che ru oprofetisa ha oñe’ë che joyke’ykuérape, ha avei heta ambue mba’e ndaháiriva kóva ko kuatione’ëme; ahai haguére ambue che kuatione’ëme umi che aimo’áva oĩporã.

16 Ha opaite ko’ã mba’e, añe’ëhague, oikova’ekue che ru oikove aja peteĩ ogaaópe pe vvytypa’ũ Lemuel-pe.

17 Ha ojehu che, Nefi, ahendu rire opa che ru ñe’ë, umi mba’e itechaukápe ohechava’ekue reheguáva, ha avei umi mba’e oñe’ëva’ekue pe Espíritu Santo pu’aka rupive, pu’aka ohupytyva’ekue pe jerovia oguerékóvare Tupã Ra’yre—ha pe Tupã Ra’y ha’ékuri pe Mesías ouva’erã—che, Nefi, añandu ahechaseha, ahenduse ha aikuaaseha avei ko’ã mba’égui, pe Espíritu Santo pu’aka rupive, ha’ëva pe don Tupã ome’ëva maymáva umi ohekávape chupe jesarekópe, ára ohasava’ekuepeguáicha ha pe ára ha’ete voi ojehechaukatahápeicha umi vvyoporakuéra ra’ype.

18 Ha’e niko akói peteĩcha kuehe, ko’ãġa, ha akoiete; ha pe

tape oñembosako'i maymáva yvypórape ãguarã yvy ojejapo ppy guive, oñearrepenitíramo ha ouramo hendápe.

19 Ha pe jesarekópe ohekáva, ojuhúta; ha umi Tupã mba'e-ñemimby ojeipe'áta chupe, pe Espíritu Santo pu'aka rupive, ko árape ha umi ára ohasava'ekuepeguáicha, ha upeichaite ára ohasava'ekuépe ha umi outavape; ha upévore, Ñandejára rape ha'e peteĩ ára ojeréva apyra'y meve.

20 Upévore nemandu'áke, Ha! yvypóra, opaite ne rembiapo rehe rejeguerutaha huísiope.

21 Upévore, peñeha'ãramo pejapo pe ivaíva ára pejepy'aráã aja, upéicharamo pejejuhúta potí'y Tupã trivunal renondépe; ha mba'évéchagua mba'e ipotí'yva ndoikokuaái Tupã ndive; ha upévore, peñemoséva'erã tapiiaite peve.

22 Ha pe Espíritu Santo ome'ẽ chéve autorida ha'e haña ko'ã mba'e, ha ani haña ajejoko.

ÑEMBYATY 11

Nefi ohecha Ñandejára Espíritu ha ojehechauka chupe yvyramáta tekove rehegua peteĩ techaukápe—Ohecha Tupã Ra'y sýpe ha ohechakuaa pe Tupã py'aporã—Ohecha Tupã Cordero ñemongarai, iministério ha ijekuka kurusüre—Ohecha avei umi Doce Apóstoles del Cordero llamamiento ha iministério. 600–592 ary rupi Cristo mboyve.

HA ojehu aikuaase rire umi mba'e che ru ohechava'ekue, ha ajerovia Ñandejára ikatuha oikuaaucha chéve, aguapy jave ajepy'amongeta ko'ávare ajegueraha pe Ñandejára Espíritu-pe, heẽ, peteĩ yvyty ijyvatetereíva ári, araka'eve upe mboyve che ndahechaiva'ekue, ha araka'eve che py namoñriva'ekue hí'ári.

2 Ha pe Espíritu he'i chéve: Péina ápe, mba'épa nde reipota?

3 Ha che ha'e: Ahechase umi mba'e che ru ohechava'ekue.

4 Ha pe Espíritu he'i chéve: Eguerovia piko nde ru ohechahague pe yvyramáta ha'e oñe'eva'ekuére?

5 Ha che ha'e: Heẽ, nde niko reikuaa che agueroviaha opa che ru ñe'enguera.

6 Ha ha'évo ko'ã ñe'ẽ, pe Espíritu oñe'ẽ hatã, he'ívo: Hosana Ñandejárape, pe Tupã yvatevéva; ha'e niko Tupã opa yvy ári, heẽ, opa mba'e ári. Ha rejehovasáva nde, Nefi, eguerovia haguére pe Tupã Ijyvatetevéva Ra'ype; upévore, rehecháta umi mba'e rehechaséva.

7 Ha péina ápe kóva oñeme'ẽta ndéve techaukaháramo: Rehecha rire pe yvyramáta ome'eva'ekue pe yva nde ru ho'uva'ekue, avei rehecháta peteĩ yvypóra oguejýva yvágagui, ha nde reiméta remaña haña hese; ha upéi remaña rire hese reme'ẽta testimonio ha'eha Tupã Ra'y.

8 Ha ojehu he'i chéve pe Espíritu: Ema'ẽ! Ha ama'ẽ ha ahecha peteĩ yvyramáta; ha ojogua pe

vyvramáta che ru ohechava-
'ekuépe; ha iporãitereive, heë,
ohasa opa porã ambuépe; ha
imorotíngue ohasa pe niéve
morotínguépe.

9 Ha ojehu ahecha rire pe vyvra-
máta, ha'e pe Espiritu-pe: Ahecha
rehechauhague chéve pe vyv-
ramáta iporãvéva opavavégui.

10 Ha ha'e he'i chéve: Mba'épa
nde reipotá?

11 Ha ha'e chupe: Aikuaase
mba'épa he'ise upéva—añe'égui
chupe oñe'eháicha yvypóra; ahe-
chágui ojoguaha yvypórape; upe-
vére, che aikuaa ha'eha Ñandejára
Espiritu; ha ha'e oñe'ékuri chéve
peteĩ yvypóra oñe'eháicha ambue
ndive.

12 Ha ojehu ha'e he'i chéve:
Ema'é! Ha ama'é ahecha hañgua,
ha ndahechavéi chupe, ojeigui
che renondégui.

13 Ha ojehu ama'é ha ahecha
pe tavaguasu Jerusalén, ha avei
ambue tavakuéra. Ha ahecha pe
táva Nazaret; ha pe táva Naza-
ret-pe ahecha peteĩ vírgen, ha
iporãiterei ha morotí.

14 Ha ojehu ahecha ojepe'a pe
yvága; ha peteĩ ángel oguejy ha
oñembo'y che renondépe; ha he'i
chéve: Nefi, mba'épa rehecha?

15 Ha ha'e chupe: Peteĩ vírgen,
iporãve ha ipotívéva mayma
ambue vírgengui.

16 Ha he'i chéve: Rehechakua-
ápa pe Tupã py'aporá?

17 Ha ha'e chupe: Che aikuaa
ha'e ohayhuha ita'yraquérape;
upevére, ndaikuaapái mba'épa
he'ise opa mba'e.

18 Ha he'i chéve: Péina ápe, pe
vírgen nde rehecháva ha'e pe
Tupã Ra'y sy, hetepeguáva.

19 Ha ojehu ahecha ojegueraha
chupe pe Espiritu-pe; ha upéi
ojegueraha rire pe Espiritu-pe
peteĩ ára oñe'ë chéve pe ángel,
ha he'i: Ema'é!

20 Ha ama'é ha ahecha jey pe
vírgenpe, ha ogueraha peteĩ mitã
ijyva ári.

21 Ha pe ángel he'i chéve: Péina
ápe pe Tupã Cordero, heë, pe
Túva Ijapyra'yva Ra'y! Reikuaápa
mba'e he'ise pe vyvramáta nde
ru ohechava'ekue?

22 Ha ambohová chupe, ha'évo:
Heë, ha'e pe Tupã mborayhu,
oñehembáva yvyporakuéra ra'y
korasõme; upéva, ha'e pe ojei-
potavéva opa mba'égui.

23 Ha ha'e oñe'ë chéve, he'ivo:
Heë, ha pe tuichavéva vy'apavë
ñane ángape ñuarã.

24 Ha he'i rire ko'ã ñe'ë, he'i
chéve: Ema'é! Ha ama'é, ha
ahecha pe Tupã Ra'y ohóramo
yvyporakuéra ra'y apytépe; ha
ahecha heta ho'áva ipy renon-
dépe ha otupaitũ chupe.

25 Ha ojehu ahecha pe barra de
hierro, che ru ohechava'ekue, ha-
'eha Tupã ñe'ë, oporoguerháva
pe y oikovéva yvúpe, térã pe
vyvramáta tekove reheguápe; ha
ko'ã y he'ise pe Tupã mborayhu;
ha avei ahecha pe vyvramáta
tekove rehegua he'iseha pe Tupã
mborayhu.

26 Ha pe ángel he'i jey chéve:
Ema'é ha ehecha pe Tupã
py'aporá!

27 Ha ama'ē ha ahecha pe Rredentor del mundo, che ru oñe'ēhague; ha ahecha avei pe proféta ombosako'ítava pe tape henonderāme. Ha pe Tupã Cordero oñemotenonde ha oñemongaraika hese; ha oñemongarairi, ahecha ojepe'a yvága, ha pe Espiritu Santo oguejy yvágagui ha opyta hí'ári pykasúicha.

28 Ha ahecha osēramo ojapo iministério tavayguakuéra apytépe, pu'aka ha tuicha verapy reheve; ha ijaty opavave ohendu haḡua chupe; ha ahecha omosēha chupe hikuái ijapytepekuéragui.

29 Ha ahecha avei ambue doce ohóva hapykuéri. Ha ojehe ojegueraha chupekuéra pe Espiritu-pe che rova renondégui, ha ndahechavéi chupekuéra.

30 Ha ojehe pe ángel oñe'ē jey chéve, he'ívo: Ema'ē! Ha ama'ē, ha ahecha yvága ojepe'a jey, ha oguejy angelkuéra yvyporakuéra ra'y ári; ha oministra chupekuéra.

31 Ha oñe'ē jey chéve, ha he'i: Ema'ē! Ha ama'ē, ha ahecha pe Tupã Cordero ohóramo yvyporakuéra ra'y apytépe. Ha ahecha hetaiterei yvypóra hasýva, ha ohasa'asýva opaichagua mba'asy rehe, ha añakuéra ha espíritu ky'a rupi; ha pe ángel oñe'ē ha ohechauka chéve opaitéva ko'ã mba'e. Ha oñemonguera chupekuéra pe Tupã Cordero pu'aka rupive; ha umi aña ha espíritu ky'a oñemosé okápe.

32 Ha ojehe oñe'ē jey chéve pe ángel, he'ívo: Ema'ē! Ha ama'ē

ha ahecha pe Tupã Cordero-pe, ha ojagarraha chupe tavayguakuéra, heē, ahecha pe Tupã Ijapyra'yva Ra'y ojehusgáramo yvórare; ha che ahecha ha ame'ē testimonio.

33 Ha che, Nefi, ahecha ha'e oñemopu'ãha kurusu ári ha ojejuka yvóra angaipakuérare.

34 Ha ojejuka rire ahecha mayma oikovéva yvy ári, ha ijatyha hikuái oñorairō haḡua umi apóstoles del Cordero ndive; upéicha ohenóigui Ñandejára ángel umi docepe.

35 Ha ijaty mayma oikovéva yvy ári; ha ahecha oíha hikuái peteí óga tuicha ha ipyrusúvape, pe óga che ru ohechava'ekueicha-guápe. Ha pe Ñandejára ángel oñe'ē jey chéve, ha he'i: Péina ápe pe yvóra ha ñarandukuéra; heē, péina ápe Israel róga oñembyaty oñorairō haḡua umi doce apóstoles del Cordero ndive.

36 Ha ojehe ahecha ha ame'ē testimonio, pe óga tuicha ha ipyrusúva ha'eha pe yvóra orgúllo; ha ho'a, ha pe ije'a tuichaiterei. Ha Ñandejára ángel oñe'ē jey chéve, he'ívo: Péichata opa tetānguéra, avaretānguéra, ñe'ēnguéra ha tavakuéra ñehundi, oñorairōtava umi doce apóstoles del Cordero ndive.

ÑEMBYATY 12

Nefi ohecha techaukápe pe yvy ñe'ē-me'ēngue; umi oikóva ipype rekojoja, tembiapovai, ha je'a; Tupã Cordero

jeju ijapytepekuéra; mba'éichapa umi doce temimbo'e ha doce apóstoles ohusgáta Israel-pe; pe ñeime vai ha ky'a oguerékóva umi ho'áva jeguerovia'yme. 600–592 ary rupi Cristo mboýve.

HA ojehu he'í chéve pe ángel: Ema'ẽ, ha ehecha umi ne ñemoñare, ha avei nde joyke'ykuéra ñemoñare. Ha ama'ẽ ha ahecha pe yvy ñe'ẽme'ẽngue; ha ahecha hetaiterei yvyporakuéra, heẽ, hetaiterei hikuái pe vyvuku'í oíva yguasu rembe'yicha.

2 Ha ojehu ahecha umi atyguasu oñembyatýramo oñorairõ haḡua, peteíva ambue ndive; ha ahecha ñorairõguasukuéra, ha ñorairõguasu rerakuã, ha ahecha pe tuichaite jejuka oikóva kysepukúpe che tavayguakuéra apytépe.

3 Ha ojehu ahecha ohasa heta ñemoñare, ñorairõguasu ha jeikovaípe yvy ape ári; ha ahecha heta tavaguasu, heẽ, hetaiterei ndaikatúiva aipapa.

4 Ha ojehu ahecha peteí tatañi iñypttúva pe yvy ñe'ẽme'ẽngue ape ári; ha ahecha aravera, ha ahendu arasunu ha vyvyrýi, ha opáchagua mba'e ryapu vai; ha ahecha umi yvy ha itakuéra, ojeka; ha ahecha vyvtykuéra pehẽngue ho'apa; ha ahecha umi yvy ijoja'asýva, ojoavypáramo; ahecha heta tavaguasu oho vyvgyúpe; ha ahecha heta ambuéva okái tatápe; ha ahecha heta ho'áva yvýpe, umi vyvyrýi rupi.

5 Ha ojehu ahechapa rire ko'ã mba'e, ahecha pe tatañi iñypttúva, ha ojei pe yvy ape árigui; ha péina ápe, ahecha umi atyguasu ndo'aiva'ekue umi tuicha ha ivaietéva Ñandejára huísio rupi.

6 Ha ahecha pe yvága ojepe'a, ha pe Tupã Cordero oguejy yvágagui; ha oguejy ha ojehechauka chupekuéra.

7 Ha avei ahecha ha ame'ẽ testimonio pe Espiritu Santo oguejyha ambue doce ári; ha oñeordenákuri chupekuéra Tupã rehe, ha ojeiporavo.

8 Ha pe ángel oñe'ẽ chéve, he'ívo: Péina ápe umi doce Cordero remimbo'e, ojeiporavova'ekue oministra haḡua ne ñemoñarépe.

9 Ha he'í chéve: Nemandu'ápa umi doce apóstoles del Cordero-re? Péina ápe ha'ekuéra ha'e ohusgátava umi doce trívu Israel-pegua; upévore, umi doce ministro ne ñemoñare rehegua ojehusgáta hesekuéra rupi; peẽ ha'e haguére Israel rogapegua.

10 Ha ko'ã doce ministro nde rehecháva ohusgáta ne ñemoñarépe. Ha, péina ápe, hekojoja hikuái ára apyra'y meve; ha ijerovia rupi pe Tupã Cordero-re ijao-kuéra oñemomorotí huguýpe.

11 Ha pe ángel he'í chéve: Ema'ẽ! Ha ama'ẽ ha ahecha omanoha tekojojápe mbohapy ñemoñare; ha ijaokuéra imorotí pe Tupã Cordero-icha. Ha he'í chéve pe ángel: ko'áva oñemomorotí pe Cordero ruguýpe, pe ijerovia rupi hese.

12 Ha che, Nefi, ahecha avei heta umi irundy ñemoñareguáva omano tekojojápe.

13 Ha ojehu ahecha umi atyguasu yvy arigua oñembyaty.

14 Ha pe ángel he'i chéve: Péina ápe ne ñemoñare, ha avei umi nde joyke'ykuéra ñemoñare.

15 Ha ojehu ama'ẽ ha ahecha umi che ñemoñare oñembyaty atyguasúpe umi che joyke'ykuéra ñemoñare rehe; ha ijaty hikuái oñorairõ haḡua.

16 Ha pe ángel oñe'ẽ chéve, he'ivo: Péina ápe pe y ky'a yvu nde ru ohechava'ekue; heẽ, pe ysyry ha'e oñe'ẽhague; ha umi ipypukukue ha'e pe aña retã pypukukue.

17 Ha umi tataĩ iñipytyva ha'e pe aña jeipy'ara'ã, omoypytyva tesa, ha omohatã umi vyvoparakuéra ra'y korasõ, ha ogueraha chupekuéra tape pyrusúre, ha péicha okañy, ha oñehundi hikuái.

18 Ha pe óga tuicha ha ipyrusúva, nde ru ohechava'ekue, he'ise umi mba'epotarei ha orgúllo oguerékova vyvoparakuéra ra'y. Ha peteĩ tuicha ha ivaietereiva vyvkua hugua'yva omopa'ũ chupekuéra; heẽ, ha'éva pe Tupã Ijapyra'yva hustisia ñe'ẽ, ha pe Mesías ha'éva pe Tupã Cordero, ome'ëvagui testimonio pe Espiritu Santo, ára ñepyrũmby guive ko'agaita peve, ha ko'agã guive tapiaita peve.

19 Ha pe ángel he'i jave ko'ã ñe'ẽ, ama'ẽ ha ahecha che joyke'ykuéra ñemoñare oñorairõramo

che ñemoñare ndive, pe ángel ñe'ẽ he'i haguéicha; ha pe che ñemoñare orgúllo rupi, ha aña jepy'ara'ãgui, ahecha umi che joyke'ykuéra ñemoñare ipu'aka che ñemoñarere.

20 Ha ojehu ama'ẽ, ha ahecha umi che joyke'ykuéra ñemoñare ipu'aka che ñemoñarere; ha oñemosarambi hikuái atyguasúpe yvy ape ári.

21 Ha ahecha oñembyatýramo hikuái atyguasúpe; ha ahecha ijapytepekuéra ñorairõguasu ha ñorairõguasu terakuã; ha ñorairõguasu ha ñorairõguasu terakuãme ahecha ohasa heta ñemoñare'aty.

22 Ha pe ángel he'i chéve: Péina ápe ko'áva ho'áta jerovia'yme.

23 Ha ojehu ahecha, ho'a rire hikuái jerovia'yme, oiko chuguikuéra, vyvopóra hũ ha iky'a ha oporombojegarúva, heñyhëva ate'y ha opáichagua tembiapoky'águi.

ÑEMBYATY 13

Nefi ohecha techaukápe oñemoĩramo aña tupao umi gentil-kuéra apytépe, ojejuhu ha ojeiko ypyramoguare América-pe, heta pehẽngue hesakã ha iporãitereiva Biblia-pegua okañy, mba'éichapa oñeime pe gentil-kuéra apostasía aja, pe evanhélio ñemoĩ jey, umi escritura ára pahaguáva ñesë, ha pe Sión ñemopu'ã. 600–592 ary rupi Cristo mboypve.

Ha ojehu pe ángel oñe'ẽ chéve,

he'ívo: Ema'ë! Ha ama'ë, ha ahecha heta tetã ha avaretãnguéra.

2 Ha pe ángel he'í chéve: Mba'épa rehecha? Ha che ha'e: Ahecha heta tetã ha avaretãnguéra.

3 Ha ha'e he'í chéve: Ko'áva ha'e umi gentil-kuéra retã ha avaretãnguéra.

4 Ha ojehu ahecha umi gentil-kuéra retã apytépe oñemopu'ãramo peteĩ tupao tuichaitereíva.

5 Ha pe ángel he'í chéve: Péina ápe oñemopu'ã peteĩ tupao ha'éva ijeja'e'yvéva opaite ambue tupaógui, ojukáva umi Tupã ndivegua imarangatúvape, heë, ha oipy'ajuka ha ojopy chupekuéra, ha ojokua chupekuéra yúgo hierro-guiguápe, ha oity chupekuéra ñeñapytĩmbýpe.

6 Ha ojehu ahecha ko tuicha ha ijeja'e'yvéva tupao; ha ahecha pe aña ha'eha imopu'ãhare.

7 Ha ahecha avei óro, ha pláta, ha sedakuéra, ha escarlata, ha líno ojeipyaha porãitereíva, ha opáichagua ao techapyrãva; ha ahecha heta kuña hekovaíva.

8 Ha pe ángel oñe'ë chéve, he'ívo: Péina ápe pe óro, ha pe pláta, ha umi séda, ha escarlata, ha umi líno ojeipyaha porãitereíva, ha umi ao hechapyrãva, ha umi kuña hekovaíva, ha áva niko ha'e pe tupao tuicha ha ijeja'e'yvéva oipotáva.

9 Ha avei pe yvóra ñemomorã rupive ohundi hikuái umi Tupã ndivegua imarangatúvape, ha oity chupekuéra ñeñapytĩmbýpe.

10 Ha ojehu ama'ë ha ahecha

heta y; ha ko'áva omopa'ũ umi gentil-kuérape che joyke'ykuéra ñemoñarégui.

11 Ha ojehu pe ángel he'í chéve: Péina ápe Tupã pochý oĩ nde joyke'ykuéra ñemoñare ári.

12 Ha ama'ë ha ahecha umi gentil-kuéra apytépe peteĩ kumba'e, oñemopa'ũva che joyke'ykuéra ñemoñarégui umi y heta rupive; ha ahecha pe Tupã Espíritu, ha oguejy ha omba'apo pe yvypórare; ha ha'e oho umi heta y ári, umi che joyke'ykuéra ñemoñare oíha meve, pe yvy ñe'ëme'ënguéme.

13 Ha ojehu ahecha pe Tupã Espíritu, ha omba'apo ambue gentil-kuéra ári; ha osë hikuái iñeñapytĩmbýgui, ha ohasa umi y heta ári.

14 Ha ojehu ahecha heta gentil-kuéra atyguasu pe yvy ñe'ëme'ëngue ári; ha ahecha pe Tupã pochý, ha oĩ che joyke'ykuéra ñemoñare ári; ha oñemosarambi hikuái gentil-kuéra renondépe ha ojeipy'ajopy.

15 Ha ahecha pe Ñandejára Espíritu, ha oĩ gentil-kuéra ári, ha oñakãrapu'ã ha ohupyty hikuái pe yvy ijehejapyrérámo; ha ahecha ha'ekuéra morotĩ, ha iporãiterei ha hechapyrã, umi che tavayguakuéraicha ojejuka mboyve.

16 Ha ojehu che, Nefi, ahecha gentil-kuéra osëva'ekue ñeñapytĩmbýgui oñemomirĩ Ñandejára renondépe; ha pe Ñandejára pu'aka oĩ hendivekuéra.

17 Ha ahecha gentil-kuéra

retã sy oñembyaty umi y ári, ha avei yvy ári, oñorairõ haña hendivekuéra.

18 Ha ahecha pe Tupã pu'aka oïha hendivekuéra, ha avei pe Tupã pochy oïha maymáva umi oñembyatyva'ekue oñorairõ haña hendivekuéra ári.

19 Ha che, Nefi, ahecha umi gentil-kuéra osëva'ekue ñeña-pytĩmbýgui oñemosãso Tupã pu'aka rupive ambue tetãnguéra pógui.

20 Ha ojehe che, Nefi, ahecha oñakãrapuã hikuái yvy ári; ha ahecha peteĩ kuatione'ẽ, ha oje-gueraha ijapytepekuéra.

21 Ha pe ángel he'i chéve: Eikuaápa nde mba'e he'ise pe kuatione'ẽ?

22 Ha che ha'e chupe: Ndaikuaái.

23 Ha ha'e he'i: Péina ápe ou peteĩ judío jurúgui. Ha che, Nefi, ahecha; ha ha'e he'i chéve: Pe kuatione'ẽ rehecháva ha'e peteĩ judío-kuéra kuationehaipyre, oguerékova Ñandejára konvenio-kuéra, ha'e ojapova'ekue Israel róga ndive; avei oguereko heta profesia kuéra umi proféta imarangatúva mba'e; ha ha'e peteĩ kuationehaipyre ojoguáva umi jehai oïva pláncha bronze-guigua áripe, jepe imbovyve; upevére, oguereko umi Ñandejára konvénio, ha'e ojapova'ekue Israel róga ndive; upévore, hepy tuichaite gentil-kuérape ñuarã.

24 Ha Ñandejára ángel he'i chéve: rehecha pe kuatione'ẽ osë hagüe peteĩ judío jurúgui; ha

osëramoguare peteĩ judío jurúgui oguereko pe evanhélio plenitud Ñandejára mba'éva, ome'ëvagui testimonio umi doce apóstoles; ha ha'ekuéra otestifika pe añetegua oiháicha Tupã Cordero-pe.

25 Upévore, ko'ã mba'e osë potĩ judío-kuéragui gentil-kuérape, pe añetegua oiháicha Tupãme.

26 Ha osë rire umi doce apóstoles del Cordero po rupi, ha judío-kuéragui gentil-kuérape, nde rehecha opu'ãha peteĩ tupao tuicha ha ijeja'e'yvëva, ha'éva pe ijeja'e'yvëva opaite ambue tupaógui; ha péina ápe, ha'ekuéra oipe'a pe Cordero evanhéliogui heta henda hesakã ha iporãitereiva; ha oipe'a avei heta Ñandejára konvénio.

27 Ha ojapo ha'ekuéra opaitéva ã mba'e ombyai haña pe Ñandejára rape ikare'yva, ikatu hañaicha omopytũ hikuái tesakuéra ha omopy'ahatã yvy-porakuéra ra'y.

28 Upévore, nde rehecha pe kuatione'ẽ ohasa rire pe tupao tuicha ha ijeja'e'yvëva po rupive, ojeipe'a heta mba'e hesakã ha iporãitereiva upe kuatione'ẽ-gui, ha'éva pe Tupã Cordero kuatione'ẽ.

29 Ha ojeipe'a rire ko'ã mba'e hesakã ha iporãitereiva oho mayma gentil-kuéra retãme; ha oho rire mayma gentil-kuéra retãme, heẽ, jepeve ohasávo umi yeta rehechava'ekue, gentil-kuéra osëva'ekue ñeña-pytĩmbýgui apytepe, nde rehecha—ojeipe'a ha-guère pe kuatione'ëgui umi heta

mba'e hesakã ha iporãitereíva, ha ko'ã mba'e hesakã yvyporakuéra ra'y akãme ñuarã, pe tesakã oĩháicha Tupã Cordero-pe—ha ko'ã mba'e ojeipe'a haguére pe Cordero evanhéliogui, ou tuichaiterei ñepysanga, heẽ, ha upéicha Satana oguereko tuicha pu'aka hesekuéra.

30 Upevére, nde rehecha gentil-kuéra osëva'ekue ñeñapytĩmbýgui, ha Tupã pu'aka rupive oñemopu'ãve maymáva ambue tetã, oĩva yvy ape árigui ha'éva petei yvy ojeiporavopyréva maymáva vyukuéra ári, ha'éva pe yvy Tupã Ñandejára ome'éva'ekue konvéniopende rúpe ha'e haña ijyvy jehejapyre iñemoñarépe; upévale, rehecha pe Tupã Ñandejára ndohejamo'ãiha gentil-kuéra ohundipaite umi ne ñemoñare joparáva, oĩva nde joyke'ykuéra apytépe.

31 Ha ndohejamo'ã avei umi gentil-kuéra ohundi nde joyke'ykuéra ñemoñarépe.

32 Ha ndohejamo'ã Tupã Ñandejára gentil-kuéra opyta tapiaipete tekove ypytũme, rehechahápe oĩ hikuái, umi pehẽngue hesakã ha iporãitereíva pe Cordero evanhéliogui oipe'a haguére pe ija'e'yvẽva tupao, iñemopu'ã nde rehechava'ekue.

33 Upévale he'i pe Tupã Cordero: Aiporiahuverekóta gentil-kuérape, ha aháta umi Israel rogagua rembyrépe tuicha huísio reheve.

34 Ha ojehu Ñandejára ángel oñe'ẽ chéve, ha he'i: Péina ápe,

he'i pe Tupã Cordero, aha rire umi Israel rogagua rembyrépe—ha kóva ko tembyre añe'ẽha ha'ende ru ñemoñare—upévale, aha rire chupekuéra huísio reheve, ha aipy'ajopy rire chupekuéra gentil-kuéra po rupive, ha upéi gentil-kuéra oñepysanga heta rire, umi pehẽngue hesakã ha iporãitereíva ojeipe'ava'ekuere pe Cordero evanhéliogui péva pe tupao ijeja'e'yvẽva rupive, ha'éva umi hekovaikuéra sy, he'i pe Cordero—aiporiahuverekóta gentil-kuérape upe árape, ha upéicha amoñuahẽta chupekuéra, che pu'aka rupive, heta mba'e che evanhéliogui, hesakã ha iporãitereítava, he'i pe Cordero.

35 Ha, péina ápe, he'i pe Cordero: Chete voi ajehchaukáta umi ne ñemoñarépe, ha upévale ohaíta hikuái heta mba'e che ame'ẽtava chupekuéra, ha ko'ãva hesakã ha iporãitereíta; ha ne ñemoñare oñehundi, ha ho'a rire jerovia'yme, ha avei nde joyke'ykuéra ñemoñare, péina ápe, ko'ã mba'e oñeñomíta, oñeme'ẽ haña gentil-kuérape, upe Cordero don ha pu'aka rupive.

36 Ha umívape ojehaíta che evanhélio, he'i pe Cordero, ha che ita ha che salvasiõ.

37 Ha ojevhasapyre umi oñeha'ãva omopu'ã che Siõn upe árape, ha'ekuéra oguerekóttagui pe Espiritu Santo don ha pu'aka; ha oñeha'ãmbaitéramo hikuái ipahaite peve, oñemopu'ãta pe ára pahápe, ha ojesalváta pe Cordero rréino ijapyra'yvape;

ha umi omombe'úva py'aguapy, heë, mba'e pyahu vy'a rehegua, iporãitéta piko hikuái yvytyguasu ári.

38 Ha ojehu ahecha che joyke'ykuéra ñemoñare rembyre, ha avei ahecha pe Tupã Cordero kuatione'ë, osëva'ekue pe judío jurúgui, ouramo gentil-kuéragui umi che joyke'ykuéra ñemoñare rembyrépe.

39 Ha ou rire chupekuéra ahecha ambue kuatione'ënguéra, ouva pe Cordero pu'aka rupive, gentil-kuéragui chupekuéra, okonvense haña gentil-kuéra ha che joyke'ykuéra ñemoñare rembyrépe, ha avei umi judio-kuéra isarambiva opa yvy ape áripe, añeteha umi Cordero profetakuéra ha doce apóstoles kuationehaipyre.

40 Ha pe ángel oñe'ë chéve, he'ívo: Ko'ã kuationehaipyre paha, rehecháva gentil-kuéra apytépe, ohechaukáta umi peteïha añeteguaha, ha'éva umi doce apóstoles del Cordero mba'éva, ha oikuaaukáta umi mba'e hesakã ha iporãitéva ojeipe'ava'ekue chugui; ha oikuaaukáta maymáva avaretãnguéra, ñe'ënguéra ha tavayguakuérape, pe Tupã Cordero ha'eha pe Túva Ijapyra'yva Ra'y, ha ha'eha pe yvóra Salvador; ha maymáva yvyporakuéra ouva'erãha chupe, téra ndojesalvamo'ái.

41 Ha ouva'erã hikuái he'iháicha umi ñe'ë oñemoítava pe Cordero juru rupive; ha umi Cordero ñe'ë ojeikuaaukáta ne ñemoñare kuationehaipyrépe,

ha avei umi doce apóstoles del cordero kuationehaipyrépe; ha upéicha mokõivéva oñemoíta peteï añóme; oïgui peteï Tupã ha peteï Pastor opaite yvy ári.

42 Ha ouíta ára ha'e ojehechaukataha mayma tetãme, judio-kuéra ha avei gentil-kuérape; ha ojehechauka rire judio-kuéra ha avei gentil-kuérape, upéi ojehechaukáta gentil-kuérape ha avei judio-kuérape; ha umi ipaháva ha'éta iñepyrũmby, ha umi iñepyrũmby ha'éta ipaháva.

ÑEMBYATY 14

Peteï ángel omombe'u Nefi-pe umi jehovasa ha ñe'ëngái ho'átava gentil-kuéra ári—Mokõi tupao añónte oï: pe Tupã Cordero tupao ha pe aña tupao—Umi Tupã ndivegua imarangatíva oñemuña opa tetãme pe tupao tuicha ha ijeja'e'yvëvare—Apóstol Juan ohaíta pe yvóra paha rehegua. 600–592 ary rupi Cristo mbovyte.

HA ojuhúta, umi gentil-kuéra ohendúramo pe Tupã Cordero-pe upe ára ha'ete voi ojehechaukatakahápe chupekuéra ñe'ë rupi, ha avei pu'akápe, añetehápe, oipe'ava haña iñepysangahakuéra—

2 Ha nomohatãiramo ikorasõkuéra pe Tupã Cordero rehe, ojeipapáta chupekuéra nde ru ñemoñare apytépe; heë, ojeipapáta chupekuéra Israel rogagua apytépe; ha oikóta chuquikuéra peteï tavayguakuéra

ojehovasáva tapiaite pe vvy ñe-
'ême'ēngue ári; ha ndojegue-
rahamo'ávéima chupekuéra
ñeñapytímbype; ha Israel róga
noñemoapañuámo'ávéima.

3 Ha pe vvykua pypuku, ojo-
'ova'ekue chupekuéra ġuarã pe
tupao tuicha ha ijeja'e'ÿvéva,
omopu'áva'ekue pe aña ha ita-
'yrakuéra, ogueraha haġua umi
yvyporakuéra ánga añaretãme—
heẽ, pe ipypuketéva vvykua
ojejo'ova'ekue oñehundi haġua
yvyporakuérape oñemyeny-
hêta umi ojo'ova'ekue reheve,
oñehundi paite peve, he'i pe
Tupã Cordero; ndaha'úi pe ánga
ñehundi, noñemombói mba'é-
ramo chupekuéra pe añaretã
opave'ÿvape.

4 Ha péina ápe, kóva oho pe aña
ñeñapytímby ndive, ha avei pe
Tupã hustísia ndive, maymáva
henondépe hekoñañáva ha he-
mbiapoky'áva ári.

5 Ha ojehu pe ángel oñe'ẽ chéve,
Nefi, he'ívo: Nde rehechákuri
umi gentil-kuéra oñearrepentí-
ramo oho porãtaha chupekuéra;
ha avei reikuaa umi Ñandejára
konvénió Israel rogagua ndive;
ha avei rehendu umi noñearre-
pentíriva omanova'erãha.

6 Upévare, ái umi gentil-kuéra-
gui omohatãramo ikorasókuéra
pe Tupã Cordero rehe.

7 Oúgui pe ára, he'i pe Tupã
Cordero, ajapotahápe peteĩ tem-
biapo tuicha ha hechapyráva
yvyporakuéra ra'y apytépe; peteĩ
tembiapo ndopamo'áiva, peteĩ
térã ambuépe ġuarã—taha'e jepe

oñekonvense haġua chupekuéra
py'aguapy ha tekove ijapyra'ÿva
gotyo, térã oñeme'ẽ haġua chu-
pekuéra ikorasó atãme ha iñakã
yypytũme ojegueraha peve ñeña-
pytímbype, ha avei ñehundípe,
vvy arigua ha espíritu reheguá-
vape, pe aña ñeñapytímbyicha,
añe'eva'ekuére.

8 Ha ojehu pe ángel he'i rire ko'ã
ñe'ẽ, he'i chéve: Nemandu'ápa
nde umi Túva konvénió Israel
róga ndiveguáre? Ha che ha'e
chupe, Heẽ.

9 Ha ojehu ha'e he'i chéve:
Ema'ẽ, ha ehecha kóva ko tuicha
ha ijeja'e'ÿvéva tupao, ha'éva
ijeja'e'ÿvevakuéra sy, ha imopu-
'ãhare ha'éva pe aña.

10 Ha he'i chéve: Péina ápe oĩ
mokõi tupao añónte; peteĩva
ha'e pe Tupã Cordero tupao, ha
pe ambuéva ha'e pe aña tupao;
upévare, ndaha'úi pe Tupã
Cordero tupaopegua ha'e pe
tupao tuichávapegua, ha'éva pe
ijeja'e'ÿvevakuéra sy; ha ha'e pe
hekovaivéva opa vvy ári.

11 Ha ojehu che ama'ẽ ha ahe-
cha pe hekovaivéva maymáva
vvy ariguápe, ha ha'e oguapy y
heta ári; ha ha'e ipu'akapa opa
vvy ári, maymáva tetãnguéra,
avaretãnguéra, ñe'ēnguéra, ha
tavayguakuéra apytépe.

12 Ha ojehu che ahecha pe Tupã
Cordero tupao, ha imbovy hikuái,
pe hekovaivéva oĩva y heta ári
tekoñaña ha tembiapoky'akuéra
rupi; upevére, che ahecha pe
Cordero tupao, ha'éva umi Tupã
ndivegua imarangatúva, oĩha

avei opa yvy ape ári; ha pe ipu'akakuéra yvy ape ári michĩ, pe tekoñaña oguerekóva rupi pe hekovaivéva che ahechava'ekue.

13 Ha ojehu ahecha umi ijeja'e'ývéva sy guasu oñembyatýramo heta atyguasúpe opa yvy ape ári, maymáva gentil-kuéra retã apytépe, oñorairõ haḡua pe Tupã Cordero ndive.

14 Ha ojehu che, Nefi, ahecha pe Tupã Cordero pu'aka, oguejýramo umi imarangatúva Cordero tupaogua ári, ha umi Ñandejára konvénio tavayguakuéra ári, isarambíva opa yvy ape ári; ha oguereko hikuái hí'ármaramo tekojoja ha pe Tupã pu'aka tuicha verapýpe.

15 Ha ojehu ahecha pe Tupã ñeko'õi oñehẽ pe tupao tuicha ha ijeja'e'ývéva ári, upéicha oĩ ñorairõguasu ha ñorairõguasu terakuã maymáva tetãnguéra ha avaretãnguéra yvy arigua apytépe.

16 Ha oñepyrũvo oiko ñorairõguasu ha ñorairõguasu terakuã maymáva umi tetã apytépe ha'éva pe ijeja'e'ývéva sy ndivegua, oñ'e'ẽ chéve pe ángel, he'ívo: Péina ápe, pe Tupã ñeko'õi oĩ pe hekovaivevakuéra sy ári; ha péina ápe, nde rehecha opa ko'ã mba'e—

17 Ha oḡuahẽ vove ára pe Tupã ñeko'õi oñeñohe umi hekovaivéva sy ári, ha'éva pe tupao tuicha ha ijeja'e'ývéva opa yvypegua, ha imopu'ãhare ha'éva pe ãña, upéicha, upe árape, oñepyrũta pe Túva rembiapo, ombosako'i

haḡua pe tape oñekumpli haḡua ikonveniokuéra, ha'e ojavova'e-kue itavayguakuéra ndive ha'éva Israel rogagua.

18 Ha ojehu pe ángel oñe'ẽ chéve, he'ívo: Ema'ẽ!

19 Ha ama'ẽ ha ahecha peteĩ kuimba'e, ha oñemonde peteĩ aojegua morotíme.

20 Ha pe ángel he'i chéve: Péina ápe peteíva umi doce Cordero apóstol.

21 Péina ápe, ha'e ohecha ha ohaíta ko'ã mba'e rembyre; heẽ, ha avei heta mba'e oikova'ekue.

22 Ha avei ohaíta pe yvóra paha rehegua.

23 Upévore, umi mba'e ha'e ohaíva ijoja ha añetegua; ha péina ápe ko'áva ojehai pe kuatione'ẽme nde rehechava'ekue osẽ pe judío jurúgui; ha pe ára osẽramoguare judío jurúgui, térã, pe kuatione'ẽ osẽramo guare judío jurúgui, umi mba'e ojehaíva ipype hesakã ha ipotĩkuri, ha iporãve ha ndahasyivékuri maymáva yvyporakuéra kuaapýpe ḡuarã.

24 Ha péina ápe, heta mba'e ko Cordero apóstol ohaítava ha'e umi nde rehechamava'ekue; ha péina ápe, hembyréva rehecháta.

25 Ha umi rehechátava upe rire nderehaimo'ãi; Tupã Ñandejára he'ígui ohaitaha Tupã Cordero apóstol.

26 Ha avei oĩkuri ambuekuéra, Ñandejára ohechaukava'ekuépe opa mba'e, ha ohaĩkuri hikuái umíva; ha ko'áva ojesella ojehechauka haḡua ipotĩmbyre, pe

añetegua oĩháicha Cordero-pe, ára Ñandejára he'i vove, Israel rógape.

27 Ha che, Nefi, ahendu ha atestifika, pe Cordero apóstol réra ha'eha Juan, pe ángel ñe'ẽ he'iháicha.

28 Ha péina ápe, chéve, Nefi-pe, oje'e ani haḡua ahai umi mba'e ahecha ha ahenduveva'ekue; upévare oĩ porãntema chéve ko'ã ahaiva'ekue; ha aha-íkuri mbovymĩnte umi mba'e ahechava'ekuẽgui.

29 Ha ame'ẽ testimonio che ahechahague umi mba'e che ru ohechava'ekue, ha Ñandejára ángel oikuaauka chéve.

30 Ha ko'áḡa ambopaha che ñe'ẽ umi mba'e ahechava'ekuẽgui ajegueraha aja espíritu-pe; ha ndojehaíriramo jepe opa mba'e ahechava'ekue, umi mba'e ahai-va'ekue añetegua. Ha upéicha. Amén.

ÑEMBYATY 15

Lehi ñemoñarekuéra ohupytýta pe evanhélio gentil-kuéra rupive upe ára pahápe—Israel ñembyaty oñembojoja peteĩ olívo máta rakãite oñeinhertáva rehe—Nefi ohesa'yjijo pe yvyramáta tekove rehegua techauka ha he'i peTupã hustisia omopa'ũha iñañáva hekojojávagui. 600–592 ary rupi Cristo mboyve.

HA ojehu che, Nefi, ajegueraha rire pe espíritu-pe, ha ahecha

rire opa ko'ã mba'e, aha jey che ru ogaáope.

2 Ha ojehu ahecha che joyke'ykuérape, ha oñoñe'ẽ'api hína hikuái umi mba'e che ru oñe'ẽ-va'ekue chupekuérare.

3 Ha'e añetehápe oñe'ẽgui chupekuéra heta mba'eguasúre, hasýva oñeikũmby haḡua, yvypóra noporandúiramo Ñandejárape; ha ipy'ahatãgui hikuái, upévare noporandúi Ñandejárape hekoitépe.

4 Ha ko'áḡa che, Nefi, ajepy'a-jopy pe ipy'ahatãkuérare, ha avei, umi mba'e ahechava'ekuere, ha che aikuaa umíva ojehumanteva'erãha upe tuicha tekoñaña ogue-rekóvare yvyporakuéra ra'y.

5 Ha ojehu chekane'õ che jeiko'asykuérare, ha ha'etévaicha chéve pe che jeiko'asy tuichave opa mba'ẽgui, che tavayguakuéra ñehundi rupi, che ahecha haguere pe ije'a.

6 Ha ojehu chembarete riremi añe'ẽ che joyke'ykuérape, aikua-asẽgui mba'érepa oñoñe'ẽ'api hína hikuái.

7 Ha he'i hikuái: Péina ápe, ndaikatúi roikũmby umi ñe'ẽ ore ru he'iva'ekue pe olívo rakãitévare, ha avei umi gentil-kuérare.

8 Ha ha'e chupekuéra: Peporandúma piko Ñandejárape?

9 Ha ombohováí chéve hikuái: nahániri; Ñandejára niko ndoikuaaukáí oréve umíva umi mba'e.

10 Péina ápe, ha'e chupekuéra: Mba'éicha piko nape-neñe'ẽrendúi umi Ñandejára

rembiapoukapykuérare? Mba'éicha piko pemanóta, pendepy'ahatã haguére?

11 Napenemandu'ái piko umi mba'e Ñandejára he'iva'ekuére?— Napenepy'ahatã iramo, ha pejerure chéve jeroviápe, ha pegueroviáramo oñeme'ětaha peême, ha peneñe'ërendúramo jesarekópe che rembiapoukapykuérare, ojeikuaaukátá katuete peême ko'ã mba'e.

12 Péina ápe, ha'e peême, pe Israel róga oñembojojahague peteĩ olívo vyramátare pe Ñandejára Espíriture oíva ñande ru ndive; ha péina ápe nañañehakã'ói piko ñande pe Israel rógagui, ndaha'éi piko ñande peteĩ Israel róga rakã?

13 Ha ko'ãga, pe ñande ru he'iséva pe vyvyrarakãite ñeinherta gentil-kuéra plenitud rupive rehegua, ha'e, pe ára pahápe, umi ñane ñemoñare ho'a vove jerovia'ýme, heë, heta ary aja, ha heta ñemoñare'aty rire pe Mesías ojehechauka rire hetépe vyyporakuéra ra'ýpe, upéramo pe Mesías evanhélio plenitud oúta umi gentil-pe, ha umi gentil-gui oúta ñane ñemoñare rembyrépe—

14 Ha upe árape umi ñane ñemoñare rembyre oikuaáta ha'eha Israel rogagua, ha ha'eha Ñandejára konvénio tavayguakuéra; ha upéicha oikuaáta hikuái umi ijypykuéragui, ha avei oikuaáta hikuái pe Irrendentor evanhéliogui, ha'e oministrava'ekue ituvakuérare; upépare, oikuaáta hikuái pe Irredentórgui ha heta

umi idoctrinakuéra rehegua, oikuaa ha'gua mba'éichapa ouva'erã hendápe ha ojesalva.

15 Ha upéicha ndovy'amo'ãi piko hikuái upe árape ha nomomorãmo'ãi piko hikuái Tupã opave'ývape, pe ijita ha isalvasiõ? Heë, upe árape, ndohupyty'mo'ãi piko hikuái pu'aka ha ñemombarete pe parralmáta añetévagui? Heë, ndoumo'ãi piko hikuái pe Tupã mymba'aty añetévape?

16 Péina ápe, ha'e peême, Heë; oñemomandu'a jeyta hesekuéra Israel róga apytépe; oñeinherta jeyta hikuái, ha'évo pe olívo máta rakãite, pe olívo máta añeteguávape.

17 Ha ko'áva ha'e pe ñande ru he'iséva; ha ha'e he'ise kóva ndojehumo'ãiha gentil-kuéra omosarambi mboyve chupekuéra; ha he'ise ko'áva ojejapota ha gentil-kuéra rupive, ikatu ha'guáicha Ñandejára ohechauka gentil-kuérare ipu'aka, orrechasátagui chupe judio-kuéra, téra umi Israel rogaguáva.

18 Upépare, ñande ru niko noñe'ëi umi ñane ñemoñare rehente, ha katu avei opa Israel rogaguára, ohechaukávope konvénio oñekumpliva'erã ára pahakuérare; konvénio Ñandejára ojapova'ekue ñande ru Abraham ndive, he'ívo: Ne ñemoñarépe ojevovasáta opaite avaretã yvy arigua.

19 Ha ojeheche, Nefi, heta añe'ë chupekuéra ko'ã mba'e rehe; heë, añe'ë chupekuéra judio-kuéra ñemoijeýre ára pahápe.

20 Ha ha'e jey chupekuéra Isaías

ñe'ēnguéra, oñe'ēva'ekue judio-kuéra ñemoijeyre, térã pe Israel róga rehe; ha oñemoijey rire noñemoapañuãmo'āveimaha, ni noñemosarambimo'āvémaha. Ha ojehu añe'ē heta ñe'ē che joyké'ykuérape, ha upéicha ha'ekuéra ipy'aguapy ha oñemomirĩ Nandejára renondépe.

21 Ha ojehu oñe'ē jey chéve hikuái, he'ívo: Mba'épa he'ise ko mba'e ñande ru ohechava'ekue iképe? Mba'épa he'ise pe vyramáta ha'e ohechava'ekue?

22 Ha che ha'e chupekuéra: Upéva ha'e pe vyramáta tekove rehegua ñemoha'anga.

23 Ha he'i chéve hikuái: Mba'épa he'ise pe barra hierro-guigua ñande ru ohechava'ekue, oporogueraháva pe vyramáta peve?

24 Ha ha'e chupekuéra ha'eha pe Tupã ñe'ē; ha umi ohendúva pe Tupã ñe'ē, ha ojejarra hatáva hese, nomanomo'áiha araka'eve; ha ndaipu'akamo'ái hesekuéra py'ara'ákuéra ni umi ñande rayhu'ýva árma hendypáva omoypytũ haḡua chupekuéra, ha ogueraha haḡua chupekuéra oñehundi peve.

25 Upéva, che, Nefi, añemoñe'ē chupekuéra ohendu haḡua Nandejára ñe'ē; heë, añemoñe'ē chupekuéra opa che ánga mbarere reheve, ha opa kuaapy aguerakóva reheve, ohendu haḡua Tupã ñe'ē ha imandu'a haḡua hikuái iñe'ērendu haḡua tapiate hembiapoukapykuérare opa mba'épe.

26 Ha he'i chéve hikuái: Mba'épa

he'ise pe yguigua ysyry ohechava'ekue ñande ru?

27 Ha ha'e chupekuéra pe y che ru ohechava'ekue ha'e mba'eky'akuéra ñemoha'anga; ha pe iñakã oĩgui ambue mba'e rehe ha'e ndohechái pe ky'a oĩva ýpe.

28 Ha ha'e chupekuéra ha'eha peteĩ vykua ivaietereíva, omopa'ũva iñañávape pe vyramáta tekove reheguágui, ha avei umi Tupã ndivegua imaranga-túvagai.

29 Ha ha'e chupekuéra ha'eha pe añaretã ivaietereíva ñemoha'anga, pe ángel he'iva'ekue chéve oñembosako'ihague iñañávape ḡuarã.

30 Ha ha'e chupekuéra ore ru ohechahague avei Tupã hustisia omopa'ũha avei iñañávape hekojojávagai; ha pe hesape ha'etévaicha peteĩ tatarendy resape, ojupíva Tupã oĩha meve tapiate peve, ha ijapyra'ýva.

31 Ha he'i chéve hikuái: He'ise piko ko'ã mba'e pe tete jehasa'asy umi ára oikotahápe jeipy'ara'ã, térã piko he'ise pe ánga ñeime paha pe tete vyv arigua omano rire, térã piko oñe'ē umi mba'e vyv ariguávare?

32 Ha ojehu ha'e chupekuéra ko'áva ha'e umi mba'e vyv arigua ha avei ánga rehegua ñemoha'anga; oḡuahētagui ára ha'ekuéra ojehusgava'erãha hembiapokuérare, heë, hembiapokuéra ojapova'ekue hete vyv ariguápe umi ijepy'ara'ã arape.

33 Upéva, omanóramo hikuái

hekoñañáme oñemosēmanteva'erā avei chupekuéra, umi mba'e angareheguávape, ohóva pe tekojoja ndive; upévare, ojeguerraha va'erā Tupã renondépe, ojehusga hağua chupekuéra hembiapokuérare; ha umi hembiapokuéra iký'áramo ha'ekuéra iký'amanteva'erā avei; ha iký'áramo hikuái ndaikatumo'ãimante oiko Tupã rréinope; ndaupéchairamo, pe Tupã rréino iký'ava'erā avei.

34 Ha péina ápe, ha'e peême, pe Tupã rréino ndaiký'aiha, ha mba'evéchagua mba'e ky'a ndaikatúi oike pe Tupã rréinope; upévare oñembosako'imanteva'erā peteĩ ky'arenda umi iký'avape ġuarã.

35 Ha oĩ peteĩ tenda oñembosako'iva'ekue, heẽ, pe añaretã ivaietereíva añe'êhague, ha pe ombosako'iva'ekue ha'e pe aña; upévare pe yvyporakuéra ánga ñeime paha ha'e pe oikoveva'erãha Tupã rréinope, téra oñemosẽ hikuái pe hustísia añe'êhague rupive.

36 Upévare, umi iñañáva ojeipe'a hekojojáva apytégui, ha avei upe yvyramáta tekove reheguágui, pe hi'a oje'usevéva mayma ambue yvakuéragui; heẽ, ha ha'e pe tuichavéva opa Tupã don apytégui. Ha upéicha añe'ẽ che joyke'ykuérare. Amén.

ÑEMBYATY 16

Umi iñañáva ojuhu hatã pe añetegua—Lehi ra'ykuéra omenda Ismael

raiykuérare—Pe Liahona ohechauka tape ojagarrava'erã hikuái tave'yre—Ojehaimimi jepi Ñandejára ñe'ẽ pe Liahona-pe—Ismael omano; hogaguakuéra okaguai ijeiko'asýre. 600–592 ary rupi Cristo mboyoe.

HA ojehu upe rire che, Nefi, añe'ẽmba rire che joyke'ykuérare, péina ápe ha'ekuéra he'i chéve: Nde ere oréve mba'e hatáva, hatávéva umi ikatúva rogueropu'akágui.

2 Ha ojehu che ha'e chupekuéra aikuaaha añe'êhague ñe'ẽ hatáva umi iñañáva rehe, pe añeteháicha; ha umi hekojojávape ahustifika, ha ame'ẽ testimonio ha'ekuéra oñemopu'ãtaha pe ára pahápe; upévare, umi iñangai-pávape ġuarã pe añetegua hatã, oikutúgui chupekuéra mbytete peve.

3 Ha ko'ága che joyke'ykuéra, peẽ penderekojoja ha pehendusérire pe añetéva, ha pejesarekórire, peguatajoja hağua Tupã renondépe, ndapekaguairiva'erãmo'ã pe añetéva rehe, ha peje: Nde niko reñe'ẽ mba'e hatáva orerehe.

4 Ha ojehu che, Nefi, añemoñe'ẽ che joyke'ykuérare, opa jesarekópe, iñe'ẽrendu hağua hikuái Ñandejára rembiapouka-pykuérare.

5 Ha ojehu oñemomirĩ hikuái Ñandejára renondépe; ha añandu vy'a ha tuicha ñeha'arõ, oikotaha hikuái umi tape hekojojávare.

6 Ko'ága, opaite ko'ã mba'e oje'e ha ojejapo che ru oiko aja peteĩ

ogaaópe vyvitypa'ũ ha'e omboherava'ekue Lemuel-pe.

7 Ha ojehu che, Nefi, ajagarra che rembirekorã peteíva Ismael rajy; ha avei, che joyke'ykuéra ojagarra Ismael rajykuéra hambirekorã; ha avei Zoram ojarra hambirekorã Ismael rajy ppykue.

8 Ha péicha che ru okumpli opa Ñandejára rembiapoukapykuéra oñeme'ẽva'ekue chupe. Ha avei, che, Nefi, tuicha ajehovasákuri Ñandejára rehe.

9 Ha ojehu pe Ñandejára ñe'ẽ oñe'ẽ che rúpe pyharekue, ha he'i chupe ko'ẽmba rire oho jey hağua hapére pe tave'ỹre.

10 Ha ojehu che ru opu'ãvo pyharevekue, ha ohóvo pe ogaa rokẽme, ñeimo'ã'ỹ guasúpe ohecha pe yvýpe peteí esfera iporãitereíva; ha bronze-gui ijepopyre. Ha pe esfera-pe oĩ mokõi ju; ha peteíva ohechauka pe tape rohova'eräre pe tave'ỹre.

11 Ha ojehu rombyaty mba'ekuéra roguerahava'erã pe tave'ỹme, ha opa ore mba'e Ñandejára omé'ẽva'ekue oréve; ha rombyaty opáichagua yva ra'ỹi rogueraha hağua pe tave'ỹme.

12 Ha ojehu rojagarra ore ogaa ha roho pe tave'ỹre, ha rohasa ysyry Lamán mboypýri.

13 Ha ojehu irundy ára pukukue, roho peteí tape ohóva sudeste gotyo, ha romoĩ jey ore ogaaokuéra; ha rombohéra upe tendápe Shazer.

14 Ha ojehu rojagarra ore vyvrapã ha ore hu'y, ha rosẽ tave'ỹre

rojuhu hağua tembi'u ore roguaguakuérape ġuarã; ha rojuhu rire tembi'u ore rogaguakuérape ġuarã rojevvy ore rogaguakuéra rendápe tave'ỹme, pe tenda hérava Shazer-pe. Ha roho jey pe tave'ỹre, ha rogueraha jey ore rape tuja, ha roho umi vyv iporãveháre pe tave'ỹme, oĩva Mar Rojo rembe'ýre.

15 Ha ojehu roguata rohóvo heta ára pukukue aja, ha tapére rojuka rohóvo mymba ore rembi'urã, ore vyvrapã ha ore hu'y ha ore ita ha ore ondakuéra reheve.

16 Ha roho pe esfera ohechaukaháicha oréve, ha péva oregueraha umi tenda vyv iporãvehápe upe tave'ỹre.

17 Ha roguata rire rohóvo heta ára pukukue aja, romoĩ ore ogaaokuéra sapy'arã, ikatu hağuaícha ropytu'u jey ha rohupyty tembi'u ore roguaguakuérape ġuarã.

18 Ha ojehu che, Nefi; asẽrõguare agueru hağua tembi'u, péina ápe, amopẽ che vyvrapã, ojejpáva acero porãgui; ha amopẽ rire che vyvrapã, péina ápe, che joyke'ykuéra ipochy chendive amopẽ haguére che vyvrapã, ndaikatúigui upévere rohupyty tembi'u.

19 Ha ojehu rojevvy jey tembi'u'ỹre ore rogaguakuéra rendápe, ha ikane'õitereígui hikuái, oguata heta haguére, heta ohasa'asy hikuái tembi'u'ỹre.

20 Ha ojehu Lamán ha Lemuel ha Ismael ra'ykuéra oñepyrũ tuicha okaguai, ijehasa'asy ha ijeiko'asýre tave'ỹme; ha avei che

ru oñepyrũ okaguai Ñandejára Itupã rehe; heẽ, ha maymáva ha'ekuéra ojepy'apyeterei, ha upéichagui okaguaíma hikuái Ñandejára rehe.

21 Ha ko'ága ojehu che, Nefi, ajeipy'ajopy che joyke'ykuéra ndive oñehundi haguére che vyrapã, ha umi ijvyrapã naimbaretevéimagui, oñepyrũma hasyeterei oréve, heẽ, upeichaitégui ndaikatuvéima rohupyty tembi'u.

22 Ha ojehu che, Nefi, heta añe'ẽ che joyke'ykuérape, omohatã jeýgui hikuái ikorasõkuéra, okaguai peve Ñandejára Itupã rehe.

23 Ha ojehu che, Nefi, ajapo peteĩ vyrapã vyvrágui, ha peteĩ hu'y, vyvra ikare'yvagai; upévare, amoĩ chejehe peteĩ vyrapã ha peteĩ hu'y, ha peteĩ ónda ha itakuéra. Ha ha'e che rúpe: Moõpa ahava'erã ajuhu haõua tembi'u?

24 Ha ojehu ha'e oporandu Ñandejárape, oñemomirĩguikuri hikuái che ñe'ẽ rupi; ha'égui chupekuéra heta mba'e opa che ánga pu'aka reheve.

25 Ha ojehu Ñandejára ñe'ẽ ou che rúpe, ha añetehápe ojeja'õ chupe okaguai haguére Ñandejára rehe, ha upéicha rupi oñandu tuicha jepy'apy.

26 Ha ojehu Ñandejára ñe'ẽ he'i chupe: Ema'ẽ pe esfera-re, ha ehecha umi mba'e ojehaíva.

27 Ha ojehu che ru ohecha rire umi mba'e ojehaíva pe esfera ári, okyhyje ha tuicha oryrí, ha avei che joyke'ykuéra

ha Ismael ra'ykuéra ha ore rembirekokuéra.

28 Ha ojehu che, Nefi, ahecha umi ju oíva pe esfera-pe, ha omba'apo pe jerovia ha jesareko ore romoĩháicha hese.

29 Ha avei ojehai hi'ári peteĩ jehai pyahu, ndahasýiva ñamoñe'ẽ haõua, ha ome'ẽ oréve kuaapy umi Ñandejára rapégui; ha ojehai ha oñemoambue sapy'a py'a, pe jerovia ha jesareko ore rome'ëva rupi chupe. Ha upéicha jahecha mba'e michĩ rupive Ñandejára ikatuha ojapo tuicha mba'e.

30 Ha ojehu che, Nefi, ajupi pe vyty ru'ã meve, ojehechauka-háicha pe esfera ári.

31 Ha ojehu ajuka mymba ka'aguy, ha upéicha ahupyty tembi'u ore rogaguakuérape õuarã.

32 Ha ojehu ajevay jey ore oga-aokuérape, ha agueraha umi mymba ajukava'ekue; ha ohechávo hikuái che ahupytyhague tembi'u, tuichaiterei pe ivy'akuéra! Ha ojehu oñemomirĩ hikuái Ñandejára renondépe, ha ome'ẽ chupe aguyje.

33 Ha ojehu roñepyrũ jey ore guata, ha roguata rohóvo pe tape rohomahague gotyo iñepyrũmby guive; ha roguata rire rohóvo heta ára pukukue romoĩ jey ore ogaakuéra, ropyta haõua upépe sapy'arã.

34 Ha ojehu Ismael omano, ha oñeñotỹ upe tenda hérava Nahom-pe.

35 Ha ojehu Ismael rajykuéra tuicha ojahe'õ, omano haguére ituvakuéra, ha ijeiko'asykuérare

tave'ỹme; ha okaguai hikuái che ru rehe, oguenohẽ haguére chupekuéra Jerusalén retãgui, he'ívo: Ore ru omanóma; heẽ, ha ore roiko rei tave'ỹre, ha rohasa heta jeiko'asy, vare'a, y'uhéi, ha kane'õ; ha opa ko'ã jehasa'asy rire romanóne ñembyahýigui ko tave'ỹme.

36 Ha upéicha okaguai hikuái che ru rehe, ha avei cherehe; ha ohose jey hikuái Jerusalén-pe.

37 Ha Lamán he'í Lemuel-pe ha avei Ismael ra'ykuérape: Péina ápe, jajuka ñande rúpe, ha avei ñande ryvy Nefi-pe, oñemoíva ñande ári mburuvicha ha mbo'eháraramo, ñande niko ha'e ityke'ýra.

38 Ko'áãga, he'í Ñandejára oñe'ẽhague hendive, ha avei angelkuéra oministrahague chupe. Ha péina ápe, ñande niko jai-kuaaporã ñanembotavyha; ha ha'e he'í ñandéve ko'ã mba'e, ha ojapo heta mba'e ikatupyrygui, ombotavy haãua ñande resa, ha'etévaicha, chupe ñandeguerahátava tenda jaikuaa'yvape pe tave'ỹre; ha ñandegueraha rire, ha'e oñemoíse ñande ári rréi ha sãmbyhyháraramo, ojapo haãua ñandehegui ha'e ojauposéva ha oipotáva. Ha upeichagua ñe'ẽme che joyke'y Lamán omokyre'ỹ ikorasõkuéra pochyra.

39 Ha ojehu Ñandejára oĩ orendive, heẽ, Ñandejára ñe'ẽ ou ha oñe'ẽ chupekuéra heta ñe'ẽ, ha tuicha oja'õ chupekuéra; ha oja'õ rire chupekuéra Ñandejára ñe'ẽ ndaipochyvéi hikuái, ha

oñearrepenti hikuái iñangai-pakuérargui, ha upéicha rupi Ñandejára orerovasa jey tembi'ú reheve, ha noromanói.

ÑEMBYATY 17

Oje'e Nefi-pe ojapo haãua peteĩ yga—Ijoyke'ykuéra oñemoĩ hese—Ha'e oñemoñe'ẽ chupekuéra ha omombe'u jey chupekuéra tembiasakue umi mba'e Tupã ojapova'ekue Israel róga ndive—Nefi henyhẽ Tupã pu'akágui—Oñembotove ijoyke'ykuérape opoko haãua hese, ani haãua ikã hikuái peteĩ ñana pirúicha. 592–591 rupi Cristo mboyve.

Ha ojehu romoñepyrũ jey ore guata pe tave'ỹre; ha upéguive roho haimete kuarahyresẽ gotyo. Ha roguata rohóvo ha rohasa heta jeiko'asy pe tave'ỹme; ha ore kuñanguéra imemby pe tave'ỹme.

2 Ha tuichaiterei umi Ñandejára jehovasa ore ári, ha roikóramo jepe so'õ pýrare pe tave'ỹre, ore kuñanguéra heta ikamby ho'uka haãua imembykuérape, ha imbarete hikuái, heẽ, kuimba'éicha; ha oñepyrũ ogueropu'aka hikuái iguata okaguai'ỹre.

3 Ha upéicha jahecha umi Tupã rembiapoukapy oñekumpliva'erãha. Ha yvyporakuéra ra'y iñe'ẽrendúramo Tupã rembiapoukapykuérate ha'e omongaru, ha ombarete chupekuéra, ha ome'ẽ chupekuéra umi mba'e oikotevẽva ikatu haãuaicha ojapo

pe ha'e ojerureva'ekue; upévare, ha'e ome'ẽ oréve roikotevêva roĩ aja tave'ỹme.

4 Ha ropyta heta ary puku-kue aja; heẽ, jepe ocho ary tave'ỹme.

5 Ha roġuahẽ yvy rombohérava Abundancia-pe, hetágui upépe yva ha avei eíra ka'aguy; ha Ñandejára ombosako'i opa ko'ã mba'e ani haġua romano. Ha rohecha pe yguasu, rombohérava Irreantum, ha péva, ñamyesakã-ramo, he'ise heta y.

6 Ha ojehu romoĩ ore ogaaõ pe yguasu rembe'ýpe; ha jepeve rohasa heta jeiko'asy ha heta jehasa'asy, heẽ, hetaitereĩgui ndaikatúiva rohaipa, rovy'aiterei roġuahẽ vove pe yguasu rembe'ýpe; ha rombohéra upe tendápe Abundancia, oguereko haguére heta yva.

7 Ha ojehu upe rire, che, Nefi, aĩ rire heta ára upe Abundancia yvýpe, Ñandejára ñe'ẽ ou chéve, he'ívo: Epu'ã, ha ejupi vvytýpe. Ha ojehu apu'ã ha ajupi vvytýpe, ha ajerure'asy Ñandejárape.

8 Ha ojehu Ñandejára oñe'ẽ chéve, he'ívo: Ejapóta peteĩ yga, ahechaukataháicha ndéve, che agueraha haġua nde tavaygua-kuérape ko'ã ykuéra rupive.

9 Ha che ha'e: Ñandejára, moõpa ahava'erã ajuhu haġua mineral amboyku haġua, ikatu haġuaícha ajapo umi tembiporu pe yga ajapo haġua nde rehechauka haguéicha chéve?

10 Ha ojehu Ñandejára he'i chéve moõpa ahava'erã ajuhu

haġua mineral, ikatu haġuaícha ajapo umi tembiporu.

11 Ha ojehu che, Nefi, ajapo peteĩ fuelle ambojepota porãve haġua tata, mymba pirégui; ha ajapo rire pe fuelle aikotevêva, ambojepota porãve haġua pe tata, ambota ojuehe mokõi ita oiko haġua tata.

12 Ha upe ára peve Ñandejára ndohejáikuri romyendyeteri tata, roguata aja pe tave'ỹre; ha'e he'ĩgui: Che ambohéta pe-ẽme pene rembi'u, ani haġua pembojy;

13 Ha che ha'éta avei pende resapeha pe tave'ỹme; ha ambosako'íta pe tape penere-nonderã, peneñe'ẽrendúramo che rembiapoukapykuérare; upévare, peneñe'ẽrenduháicha che rembiapoukapykuérare pe-jegueraháta pe yvy ñe'ẽme'ẽngue gotyo; ha peikuaáta che poguerahahague.

14 Heẽ, ha avei Ñandejára he'i: Peġuahẽ rire pe yvy ñe'ẽme'ẽngueme, peikuaáta che, Ñandejára, ha'eha Tupã; ha che, Ñandejára, poipe'ahague ñehundĩgui; heẽ, che poguenohẽhague Jerusalén retágui.

15 Upévare, che, Nefi, añeha'ã cheñe'ẽrendu Ñandejára rembiapoukapykuérare, ha añemoñe'ẽ che joyke'ykuérape ijeroviareko ha ojesareko haġua hikuái.

16 Ha ojehu ajapo tembiporukuéra metal itágui amboykuva'ekue reheve.

17 Ha ohechávo che joyke'ykuéra ajapotaha peteĩ yga

oñepyrũ okaguai cherehe, he'ívo: Nande joyke'y itavy, oimo'ã ikatutaha ojapo peteĩ yga; heẽ, ha avei oimo'ã ikatutaha ohasa ko'ã yguasu rupive.

18 Ha péicha che joyke'ykuéra okaguai cherehe, ha nomba'aposéi hikuái, ndogueroviáigui che ikatutaha ajapo peteĩ yga; ha ndogueroviái avei hikuái che añehekombo'ehague Ñandejárare.

19 Ha ko'ãga ojehu che, Nefi, ajepy'apyeterei ikorasõkuéra atãre; ha ohecha vove hikuái añepyrũha ajepy'apy hory ikorasõkuéra, ha ov'y'aitei hikuái cherehe, he'ívo: Roikuaavoikuri nde ndaikatumo'áiha rejapo peteĩ yga, roikuaágui nandekatupyryiha; upévare, ndaikatúi rejapo ko tembiapo guasu.

20 Nde rejogua ñande rúpe, ojegerahaukava'ekue umi vyrorei oúva ikorasõmere; heẽ, ha oreguenohẽ Jerusalén retãgui, ha roikorei tave'ỹre ko'ã heta ary aja; ha ore kuñanguéra omba'apo, hyeguasú aja jepeve; ha oguereko imembykuéra tave'ỹme ha ohasa opa mba'evai, ha ñemanónte ndohasái; ha iporãveva'erãmo'ã chupekuéra omano osẽ mboyve Jerusalén-gui ohasarange ko'ã jeiko'asy.

21 Péina ápe, roiko'asýkuri heta ary aja ko'ã tave'ỹre, ha umi ára ikatuva'erãmo'ã rohasa porã ore mba'ekuéra reheve ha ore yvy jehejapyrépe; heẽ, ha ikatútakuri rovy'a.

22 Ha roikuaa umi tavaygua-kuéra oíva Jerusalén retãme

ha'eha yvypóra hekojojáva; oja-pógui umi Ñandejára rembipota ha huisiokuéra, ha avei opa hembiapoukapykuéra, Moisés léipe he'iháicha; upévare, roikuaa ha'eha peteĩ tavaygua hekojojáva; ha ñande ru ohusga chupekuéra, ha ñaneguenohẽ ñahendúgui iñe'enguéra; heẽ, ha pe ñande joyke'y ojogua chupe. Ha kóichagua ñe'ẽme che joyke'ykuéra okaguai ha ochi'õ orerehe.

23 Ha ojehu che, Nefi, añe'ẽ chupekuéra, ha'évo: Peguerovia piko peẽ ñande rukuéra, ha'éva Israel ra'y, ojeipe'ava'erãmo'ãha Egipcio-kuéra pógui nohendúirire hikuái pe Ñandejára ñe'enguéra?

24 Heẽ, peimo'ã piko peẽ oñeguenohẽva'erãmo'ãha chupekuéra ñeñapytĩmbýgui, Ñandejára nde'íririre Moisés-pe oguenohẽ haña chupekuéra pe ñeñapytĩmbýgui?

25 Peẽ niko peikuaa Israel ra'ykuéra oĩhague ñeñapytĩmbýpe; ha peikuaa oñemoiha hi'arikuéra tembiapo, hasyete-reíva jagueropu'aka; upévare, peikuaa iporãitereinehague chupekuéra, oñemosásóramo pe iñeñapytĩmbýgui.

26 Ha peẽ peikuaa Moisés-pe oñeme'ehague tembiapoukapy Ñandejáragui ojapo haña upe tembiapo guasu; ha peikuaa iñe'ẽ rupi pe y Mar Rojo-pegua oñemopa'úhague peteĩ ha ambue gotyo, ha ohasa hikuái yvy ikáva ári.

27 Ha peikuaa umi Egipcio-kuéra ojahogahague Mar Rojo-pe,

umi oīva'ekue Faraón ehérsito apytépe.

28 Ha avei peikuaa Israel ra'ykuéra oñemongaruhague mana reheve tave'ýme.

29 Heë, ha peikuaa avei Moisés, iñe'eme Tupã pu'aka oīva hese rupive, ombota pe ita, ha osê chugui y, Israel ra'ykuéra ombogue haḡua ijy'uhéi.

30 Ha jepeve oñeisãbyhy chupekuéra, Ñandejára Itupã, Irredentor, oho henonderãkuéra, ha oisãbyhy chupekuéra árape ha ome'ê chupekuéra tesape pyharekue, ha ojapo hesekuéra opa mba'e yvyporakuéra iporãva ohupyty, omohatã hikuái ikorasõkuéra ha omoypytũ iñapytu'ũnguéra, ha opu'ã hikuái Moisés ha pe Tupã añetegua ha oikovéva rehe.

31 Ha ojehu pe iñe'ê rupi ha'e ohundi chupekuéra; ha iñe'ê rupi oisãbyhy chupekuéra; ha iñe'ê rupi ojapo hesekuéra opa mba'e; ha ndojejapói mba'eve ndaha'éiramo iñe'ê rupive.

32 Ha ohasa rire hikuái ysyry Jordán, ha'e omombarete chupekuéra omosê haḡua umi tetã ra'ykuérape, heë, omosarambi haḡua chupekuéra oñehundipa peve hikuái.

33 Ha ko'áḡa, peimo'ã piko peë ko tetã ra'ykuéra, oīva'ekue pe yvy ñe'eme'ëngueme, ha oñemosëva'ekue ñande rukuérare, peimo'ã piko peë hekojojahague hikuái? Péina ápe, che ha'e peëme, nahániri.

34 Peimo'ã piko peë ñande

rukuéra ojeiporavoveva'erãmo'ã chuguikuéra hekojojárire hikuái? Che ha'e peëme, nahániri.

35 Péina ápe, Ñandejára ohayhu peteichaite maymáva tekovépe; hekojojávape Tupã ohovasa. Ha péina ápe, ko'ã tavayguakuéra orrechasava'ekue opa Tupã ñe'ê, ha hi'ajúmakuri tembiapovaípe; ha Tupã ñeko'oi oikuri hi'arikuéra; ha Ñandejára omoñe'ëngái pe yvy hesekuéra, ha ohovasa ñande rukuérape ḡuarã; heë, omoñe'ëngái hesekuéra iñehundikuérarã, ha ohovasa ñande rukuérape ḡuarã ipu'aka haḡua hese.

36 Péina ápe, Ñandejára ojapova'ekue yvy ojeiko haḡua ipype; ha ojapo ita'yrukérape ipu'aka haḡua hese.

37 Ha ha'e omopu'ã tetã hekojojávape, ha ohundi umi iñañáva retã.

38 Ha ogueraha hekojojávape yvy iporãitereívape, ha ohundi iñañávape, ha omoñe'ëngái pe yvy hesekuéra rupi.

39 Ha'e oisãbyhy yvate yvagakuérape, ha'égui ijapykajegua, ha ko yvy ha'e ipyrenda.

40 Ha ha'e ohayhu umi oguerékóva chupe Itupãramo. Péina ápe, ha'e ohayhuva'ekue ñande rukuérape, ha ojapo hendivekuéra konvénio, heë, Abraham, Isaac, ha Jacob ndive; ha imandu'a umi konvénio ojavapova'ekue rehe; upévore, oguenohê chupekuéra Egipto retãgui.

41 Ha ombohasa'asy chupekuéra pe havira rupi pe tave'ýme;

omohatã haguére ikorasõkuéra, peẽ pejapo haguéicha avei; ha Ñandejára ombohasa'asy chupekuéra hembiapovaikuére. Ombou mbói veve hendýva ijapytepekuéra; ha ojesu'u rire hikuái omõ peteĩ mba'e omonguera haña chupekuéra; ha pe tembiapo oñeme'eva chupekuéra ha'e oma'ẽ haña; ha ndaha'éigui mba'eve pe ojapova'erã hikuái, térã ndahasýigui, oĩ heta omanóva.

42 Ha omohatã jepi hikuái ikorasõkuéra sapy'a py'a, ha ojahéi hikuái Moisés rehe, ha avei Tupã rehe; upevére, peikuaa pe ipu'aka ijajaha'yvare ojegueraahague chupekuéra pe yvy ñe'eme'engue gotyo.

43 Ha ko'ãga, opa ko'ã mba'e rire, oguhẽ ára iñañaha hikuái, heẽ, haimete peve hi'aju; ha ndaikuaái ko árape oñehundi-potaitémapa hína chupekuéra; aikuaágui añetehápe outaha ára oñehundiva'erãha, sa'imi añõnte katu nahániri, ojeguerahátava ñeñapytĩmbýpe.

44 Upévore, Ñandejára he'i che rúpe oho haña tave'yme; ha judio-kuéra oñeha'ã avei oipe'a chugui hekove; heẽ, ha peẽ avei peñeha'ákuri peipe'a chugui hekove; upévore, peporojuka pene korasõme ha peẽ ha'ekuéraicha avei.

45 Pendepya'e pejapo haña tembiapovai ha penembegue penemandu'a haña Ñandejára pende Tupã rehe. Pehechá kuri peteĩ ángel, ha ha'e oñe'ẽ peẽme; heẽ, ha pehendú ñe'ẽ sapy'a py'a;

ha oñe'ẽ peẽme peteĩ ñe'ẽguapy ha mbeguémime, ha katu peẽ napeñanduvéima, upéicha rupi ndaikatúi peñandu ñe'ẽnguéra; upévore, oñe'ẽ peẽme ñe'ẽ arasunúicha, omboryryva pe yvy oñemboja'otarõguáicha.

46 Ha peẽ avei peikuaa pe ñe'ẽ ipu'akapáva pu'aka rupive ha'e ikatuha omboparei pe yvy; heẽ, ha avei peikuaa ñe'ẽ rupive ha'e ikatuha umi tenda ijojá'yva ombojoja, ha umi tenda ijojáva ojeka. O, mba'éicha piko, upéicharamo, pene korasõ atãite?

47 Péina ápe, che ánga ojepy-apyeterei pende rehe, ha che korasõ hasy chéve; akyhyjégui peñemombóramo guarã tapiate peve. Péina ápe, cherenyhẽ pe Tupã espíritu guí, upéichagui che rete naimbaretevéima.

48 Ha ojehu añe'ẽ rire ko'ã ñe'ẽ ipochy hikuái chendive, ha chemombose hikuái yguasú ruguápe; ha oñemoaguívo cherehe chejagarrá haña añe'ẽ chupekuéra, ha'évo: Pe Tupã Ipu'akapáva rérape ha'e peẽme ani haña pepoko cherehe, cherenyhégui pe Tupã pu'akágui, che ro'ó hendy peve; ha oimera'eva omóramo ipo che ári ikáta peteĩ ñana pirúicha; ha opytáta mba'everamoguáicha pe Tupã pu'aka renondépe, Tupã oipy'ajopýtagui chupe.

49 Ha ojehu che, Nefi, ha'e chupekuéra anive haña okaguai itúva rehe; ha nombotoveiva'erãha hikuái chehegui hembiaipo, he'ígui chéve Tupã ajapova'erãha peteĩ yga.

50 Ha ha'e chupekuéra: Tupã he'írire chéve ajapo hağua opa mba'e che ikatútakuri ajapo. He'íramo chéve ha'e hağua kóva ko ýpe, toiko ndehégui yvy, oikóta chugui yvy; ha upéicha che ha'é-rire, upéicha oikova'erãmo'ã.

51 Ha ko'áğa, Ñandejára ogue-rekóramo pu'aka tuichaitéva, ha ojapo heta mba'e techapyrã yvy- porakuéra ra'y apytépe, mba'ére piko ndaikatumo'ái chembo'e, ajapo hağua peteĩ yga?

52 Ha ojehu che, Nefi, ha'e heta mba'e che joyke'ykuérape, amoapañuái peve chupekuéra ha ndaikatúi opu'ã che rehe; ha noñeha'ái hikuái omoïvo ipo che ári ni opokóvo ikuãme cherehe, heta ára pukukue aja. Ha noñeha'ái hikuái ojapóvo ko'áva okyhyjégui ikãramo ġuarã cherenondépe, tuichaitereĩkuri pe Tupã Espíritu pu'aka; ha péichakuri omba'apo hesekuéra.

53 Ha ojehu Ñandejára he'i chéve: Eipyso jey nde po nde joyke'ykuéra gotyo, ha naikãmo'ái nerenondépe, ha katu aityvyróta chupekuéra, he'i Ñandejára, ha ko'áva ajapóta, oikuaa hağua hikuái che ha'eha Ñandejára Itupã.

54 Ha ojehu aipyso che po che joyke'ykuéra gotyo, ha naikãi hikuái cherenondépe; ha katu Ñandejára oityvyro chupekuéra, pe iñe'ẽ he'i haguéicha.

55 Ha ko'áğa, ha'ekuéra he'i: Roikuaa porãma Ñandejára oïha nendive, roikuaágui ha- 'ehague pe Ñandejára pu'aka

oreityvyrova'ekue. Ha oñesũ hikuái che renondépe, ha haimete oñepyrũ otupaitũ chéve, ha che ndahejái chupekuéra ojapo, ha- 'évo: Che niko pende joyke'y, heẽ, pende ryvy, upévare, petupaitũ Ñandejára pende Tupãme, ha pemomba'e pende ru ha pende sýpe, ikatu hağuaicha pende ára ipukuve pe yvy Ñandejára pende Tupã ome'ëva peẽmepe.

ÑEMBYATY 18

Ojejapopa pe yga—Oje'e heñoiha Jacob ha José—Pe aty oho yvy ñe- 'ẽme'ẽngue gotyo—Ismael ra'y ha hambirekokuéra ojoaju tekorei ha ñepu'ãme—Nefi ojejokua, ha pe yga ojegueraha tapykue gotyo peteĩ arapochy tuichaitereívare—Nefi oñemosáso, ha iñembo'e rupi opa pe arapochy—Tavayguakuéra oğuahẽ pe yvy ñe'ẽme'ẽnguẽpe. 591–589 ary rupi Cristo mboýve.

Ha ojehu otupaitũ Ñandejárape hikuái, ha oho chendive; ha romba'apo yvyra iporãitereíva reheve. Ha Ñandejára ohechauka jepi chéve sapy'a py'a mba'éi- chapa amba'apova'erã umi yvyra ygápe ġuarãre.

2 Ha ko'áğa che, Nefi, namba- 'apói umi yvyráre yvyporakuéra oikuaaháicha, ndajapói pe yga ojapoháicha yvyporakuéra; ha katu ajapo Ñandejára ohe- chauka háicha chéve; upévare, ndaha'éikuri yvyporakuéra ojapoháicha.

3 Ha che, Nefi, py'yi ajupi pe vytype, ha py'yi aňembo'e Nandejárape; upévare Nandejára ohechauka chéve heta mba'eguasú.

4 Ha ojehu ajapopa rire pe yga, Nandejára he'i haguéicha, che joyké'ykuéra ohecha iporáha, ha ojejapo poráitereiague; upévare, oňemomirí jey hikuái Nandejára renondépe.

5 Ha ojehu Nandejára ñe'ẽ oġuahẽ che rúpe, ropu'áva'eráha ha roike pe ygápe.

6 Ha ojehu ára uperireguápe, rombosako'i rire opa mba'e, heta yva ha so'o tave'y megúava, ha hetaiterei eíra, ha umi hí'upyrá Nandejára he'ihaguéicha oréve, roike pe ygápe, opa ore mba'e ha ore yva ra'yikuéra reheve, ha opa mba'e roguerahava'ekue orendive reheve, opavave hekove áraicha; upévare, maymáva roike ygápe, ore rembireko ha ore ra'ykuéra ndive.

7 Ha ko'áġa, che ru mokõi ita'yra pe tave'y me; pe ijypykue héra Jacob ha pe ipahaguéva José.

8 Ha ojehu maymáva roike rire pe ygápe, ha rogueraha orendive ore hí'upyrá ha umi mba'e oje'eva'ekue oréve rogueraha haġua, roho pe yguasú rehe ha rojegueraha pe vytype pe vy ñe'ẽme'engue gotyo.

9 Ha rojegueraha rire pe vytype heta ára pukukue aja, péina ápe, che joyké'ykuéra ha Ismael ra'ykuéra ha avei hambirekokuéra oňepyrú hekorei, ha upéicha

oňepyrú ojeroky, opurahéi, ha iñe'ẽ tie'y hikuái, heẽ, hesarái peve mba'e pu'aka rupivépa ojeguerahava'ekue chupekuéra upépe; heẽ, oňeme'ẽ hikuái tektotie'y ijoghá'yvape.

10 Ha che, Nefi, aňepyrú akhyjeterei Nandejára ipochýramo ġuará orendive, ha orepy'ajopy ore rembiapovai haguére, ha oremoňapymi pe yguasú pypukúpe; upévare, che, Nefi, aňepyrú aňe'ẽ mbarete chupekuéra; ha péina ápe ipochy hikuái chendive, he'ivo: Ndroipotái ore joyké'y ipahaguéva oreisãmyhy.

11 Ha ojehu Lamán ha Lemuel chejagarra ha chejokua peteĩ piólape, ha heta ojahéi hikuái cherehe; upevére, Nandejára oheja ohechauka haġua ipu'aka, okumpli haġua iñe'ẽ he'iva'ekue umi iñañáva rehe.

12 Ha ojehu chejokuapa rire hikuái ikatu'yveha peve aku'e, pe brújula Nandejára ombosako'iva'ekue oréve ġuará, nomba'apovéi.

13 Upévare, ndoikuaái hikuái moň gotyopa ogueraháta pe yga, ha upe jave oňepyrú peteĩ arapochy tuicháva, heẽ, peteĩ hatã ha ivaietereíva arapochy, ha rojegueraha tapykue gotyo mbohapy ára pukukue aja; ha oňepyrú okhyjeterei hikuái ojahogáramo ġuará pe yguasúpe; upevére ndachejorái hikuái.

14 Ha pe ára irundyhápe, rojegueraha rire tapykue gotyo, arapochy oňepyrú ivaive.

15 Ha ojehu haimetete oremo-

ñapymi pe yguasu ruguápe. Ha rojegueraha rire tapykue gotyo pe y ári irundy ára aja, che joyke'ykuéra oñepyrũ ohecha pe Tupã huísio oíha hi'arikuéra, ha omanotaha hikuái noñearrepentíriramo pe hekovaikuéragui; upévare, ou cherendápe hikuái, ha oipe'a che jyva jokuaha, ha péina ápe umíva irurupaite; ha umi che pyñuã avei irurupaite, ha hasyeteri chéve.

16 Upevére, aha che Tupãme, ha amomorã chupe ára pukukue aja; ha ndakaguaíri Ñandejárame aiko'asy haguére.

17 Ha ko'ága che ru, Lehi, he'i chupekuéra heta mba'e, ha avei Ismael ra'ykuérape; ha katu, péina ápe, ha'ekuéra he'i heta ñe'ëpohýi oimeraëva oñe'ë porãvape cherehe; ha itujámagui che rukuéra, ha ohaságui heta jepy'apy ita'yrukuéra rehe, ho'a hikuái mba'asýpe, heë, ha oñenómante hikuái.

18 Ha ijepy'apy ha vy'a'y rupi, ha che joyke'ykuéra rembiapovai rehe, haimete ojegueraha chupekuéra ko áragui oñemoi hağua Itupã renondépe; heë, umi iñakārague morotí haimetéma ojeity yvytímbópe; heë, ha haimete oñeñotý chupekuéra vy'a'y reheve pe ýpe.

19 Ha avei Jacob ha José, imitāgui, oikotevẽ gueteri heta ñeñangareko, ha ojepy'apyeteri hikuái pe isykuéra jeiko'asýre; ha ni che rembireko rasẽ ha ijerure'asy, ha avei che ra'ykuéra, nomohu'úi che joyke'ykuéra

korasõ ikatu hağuaicha chejora hikuái.

20 Ha ndaipóri mba'eve ndaha'éirõ pe Tupã pu'aka añómannte, oñe'ëpohýiva ohundihağua chupekuéra, ikatútava omohu'ũ ikorasõkuéra; upévare, ohechámarõ hikuái oñeñotýtamaha chupekuéra pe yguasu pypukúpe oñearrepenti hikuái umi mba'e ojapova'ekuégui cherehe, ha upéicha rupi chejora hikuái.

21 Ha ojehu opoi rire hikuái chehegui, péina ápe, ajagarra pe brújula, ha omba'apo che aipotaháicha. Ha ojehu añembo'e Ñandejárape; ha añembo'e rire umi yvytu opa, ha pe arapochy opa, ha oĩ tuicha py'aguapy.

22 Ha ojehu che, Nefi, agueraha pe yga, ha upéicha roho jey pe yvy ñe'ëme'ëngue gotyo.

23 Ha ojehu roho rire heta ára pukukue jave roğuahẽ pe yvy ñe'ëme'ëngueme; ha roho pe yvy ári, ha romoĩ ore ogaakuéra; ha rombohéra yvy ñe'ëme'ëngue.

24 Ha ojehu roñepyrũ roñemitý pe yvýpe, ha roñotý yva ra'yí; heë, ha roñotýmbaite opa yva ra'yí pe yvýpe, rogueruva'ekue pe Jerusalén retāgui. Ha ojehu okakuaa porãiteri, upévare, tuicha rojehovasa.

25 Ha ojehu rojuhu pe yvy ñe'ëme'ëngueme, roho aja pe tave'yre, oíha mymbaguasu opaichaguáva umi ka'aguýre, pe vaka ha avei guéi, ha pe vúrro ha kavaju, ha pe kavara ha kavara ka'aguy, ha opáichagua mymba ka'aguy, ikatúva yvypóra oiporu. Ha rojuhu

opáichagua mineral, óro ha avei pláta, ha cobre.

NEMBYATY 19

Nefi ojapo pláncha metal-gui ha ohai ipype itavayguakuéra rembiasakue—Israel-gua Tupã ouíta 600 ary Lehi osẽ rire Jerusalén-gui—Nefi oñe'ẽ ijehasa'asy ha ijejuka kurusúre—judio-kuéra ndojehayhumo'ái ha oñemosarambíta ára paha peve, ou jeyta vove hikuái Ñandejárape. 588–570 ary rupi Cristo mboyve.

HA ojehu Ñandejára he'i chéve, upévore ajapo pláncha metal-gui ahai hağua hí'ári che tavayguakuéra kuationjehaipyre. Ha umi pláncha ajapomava'ekue ári ahai che ru kuationjehaipyre, ha avei ore guata pe tave'ýre, ha che ru profesiakuéra; ha avei heta che profesiava ahai hí'arikuéra.

2 Ha che ajaporamoguare umíva ndaikuaái Ñandejára he'itahague chéve ajapo hağua kóva ko'ã pláncha; upévore, che ru kuationjehaipyre, ha ituvakuéra genealogía, ha heta mba'e rojapova'ekue pe tave'ýme ojehai umi pláncha peteiha che añe'ẽmahague ári; upévore, umi mba'e ojehuva'ekue che ajapo mboyve ko'ã pláncha, añetehápe, oñemombe'uve umi pláncha peteiha ári.

3 Ha ajapo rire ko'ã pláncha ojerure haguéicha chéve, Che, Nefi-pe, oñeme'ẽ tembiapoukapy, pe ministério ha profesiakuéra, pehẽnguekuéra hesakãve ha

iporãvéva chuguikuéra, ojehai hağua ko'ã pláncha ári; ha umi mba'e ojehaíva oñeñongatuva'erã oñembo'e hağua che tavayguakuérape, oguerékótava pe vyv, ha avei ambue mba'e arandúpe ġuarã, ha umíva umi mba'e Ñandejára oikuaa.

4 Upévore, che, Nefi, ahai peteĩ kuationjehaipyre umi ambue pláncha ári, ome'ẽva peteĩ ñemombe'u, térã peteĩ ñemombe'upaite umi ñorairõ ha ñehundi che tavayguakuéra rehegua. Ha ajapo ko'áva, ha ha'e che tavayguakuérape mba'épa ojapova'erã che naimevéima vove; ha ko'ã pláncha oñembohasava'erã peteĩ ñemoñare'atýgui ambuévape, térã peteĩ profétagui ambuévape, Ñandejára ome'ẽ peve ambue tembiapoukapykuéra.

5 Ha amo gotyove amombe'úta mba'éichapa ajapova'ekue ko'ã pláncha; ha ko'áğa, péina ápe, ajapovéta pe añe'ẽ haguéicha; ha ko'áva ajapo oñeñongatu hağua umi mba'e imarangatuvéva che tavayguakuéra kuaapyrã.

6 Upevére, ndahaíri mba'eve plánchakuéra ári ndaha'éiramo chéve ġuarã imarangatúva. Ha ko'áğa, che ajavýramo, umi ymaguare ojavy avei; ndaha'ei niko añeñyrõséva ambue yvypóra rupi, ha katu pe tekokangy aguerékóvagai chejehe, che rete rupi, añeñyrõ che jupe.

7 Oĩ niko umi mba'e yvyporakuéra omomba'eguasúva, tete ha avei ángape ġuarã, ambuévape katu ndaha'ei mba'eve ha

opyrũ hese. Heẽ, pe Israel-gua Tupãre jepeve umi yvyporakuera opyrũ; che ha'e, opyrũ hese ha katu ha'éta ambue ñe'ẽme—ndojoapói hikuái chupe mba'éverõ, ha nohendúi hikuái pe ñemoñe'ẽnguera.

8 Ha péina ápe ha'e ouva'erã, pe ángel ñe'ẽ he'i haguéicha, seiscientos ary ára che ru osẽ rire Jerusalén-gui.

9 Ha pe yvóra, hembiapovai rupi, ohusgáta chupe ndaha'eiramoguáicha mba'éve; upévore ohavira chupe hikuái, ha ha'e ogueropu'aka; ha ombyepoti chupe hikuái, ha ha'e ogueropu'aka. Heẽ, ondyvu hikuái hi'ári, ha ha'e ogueropu'aka, pe imborayhu porã ha ipy'aporãgui yvyporakuera ra'y ndive.

10 Ha ore rukuera Tupã, ojeguerahava'ekue Egipto mboypýri, oñeguenohẽvo ñeñapytĩmbýgui, ha avei oñeñongatuva'ekue hese tave'yẽme, heẽ, pe Abraham Tupã, ha Isaac ha Jacob Tupã, oñeme'ẽ ijupe, pe ángel ñe'ẽ he'iháicha, yvypóraicha, yvypóra ñañaáva pópe, oñemopu'ã haḡua, Zenoc ñe'ẽ he'iháicha, ha ojejuka haḡua kurusúre, Neum ñe'ẽ he'iháicha, ha oñeñotỹ haḡua peteĩ ñeñotỹháme, Zenós ñe'ẽ he'iháicha, oñe'ẽva'ekue umi mbohapy ára pytũmbýpe rehe, ha ko'áva ha'éta peteĩ techauka ñemanógui oñeme'ẽtava umi oikóva islas del mar-pe, oñeme'ẽtava voi umi ha'éva Israel rogaguápe.

11 Péicha oñe'ẽgui pe proféta:

Añetehápe Tupã Ñandejára ohóta maymáva Israel rógape upe ára, peteivape ñe'ẽme, hekojojágui, tuicha ovy'a ha ojesalva haḡua, ha ambuévape pe arasunu ha araguayguy ipu'aka reheguáva rehe, ára pochýpe, tatápe, ha tatatĩme, ha tatafĩ ppytũme, ha pe yvy jejoka pypukúpe, ha vvyty opu'ãtavape.

12 Ha opavave ko'ã mba'e añetehápe ouva'erã, he'i pe proféta Zenós. Ha ojeka pypukúta umi ita yvy ariguáva; ha umi yvy pyahẽ rupi, heta rreikuera islas del mar-peguáva ári Tupã Espíritu omba'apóta he'i peve hikuái: ¡Pe naturaleza Tupã ohasa'asy hína.

13 Ha umi oĩva Jerusalén-re, he'i pe proféta, ha'ekuera ojehaviráta mayma tavayguakuera rehe, ojuka haguere kurusúre pe Israel-gua Tupãme, ha omovã hikuái ikorasõkuera, ha ombo-tove techauka ha mba'eguasú, ha pe Israel-gua Tupã pu'aka ha verapy.

14 Ha omovãgui hikuái ikorasõkuera, he'i pe proféta, ha omboykégui Israel-pegua Imarangatúvape, oikoreíta hikuái hetépe, ha omanóta, ha ha'éta hikuái peteĩ ñembohoryha ha peteĩ ojehayhu'yva, ha mayma tetãnguera apytépe ndaija'emo'ãi hesekuera.

15 Upevére, oḡuahẽ vove upe ára, he'i pe proféta, nomovãvéi vove hikuái ikorasõkuera Israel-pegua Imarangatúvagui, upépe ha'e imandu'áta umi konvênio

ojapova'ekuere ituvakuera ndive.

16 Heë, upépe imandu'áta umi islas del mar rehe; heë, ha maymáva umi Israel rogaguápe, che ambyatýta, he'i Ñandejára, he'iháicha pe proféta Zenós ñe'eme, irundy yvy rendágui.

17 Heë, ha maymáva tetã ohecháta Ñandejára salvasiõ, he'i pe proféta; maymáva tetãnguera, avaretãnguera, ñe'ënguera ha tavayguakuera ojevovasáta.

18 Ha che, Nefi, ahai ko'ã mba'e che tavayguakuerape, ikatumba'éramo ñuarã aipy'amovã chupekuera imandu'a haña hikuái Ñandejára Irredentor rehe.

19 Upévare, añe'ë mayma Israel rogaguápe, ohupytýramo ñuarã ko'ã mba'e.

20 Ha péina ápe, añandu tuicha temiandu pe espíritupe, chejopyva omokangy peve che rete, umi oíva Jerusalén-pe rehe; ha Ñandejára iporiahuverekópe ndoikuaaukáirire chéve hesekuera rehegua, ojapo haguéicha umi proféta yma guare ndive, che avei amanova'erãmo'ã.

21 Ha añetehápe ha'e ohechauka umi proféta ymaguarépe opa mba'e hesekuera reheguáva; ha avei ohechauka hetápe umi ñande reheguáva; upévare, te-kotevẽ jaikuaa chuguikuera, ojehaígui umi pláncha bronceguigua ári.

22 Ha ojehu che, Nefi, ambo'e ko'ã mba'e che joyke'ykuerape; ha ojehu amoñe'ë chupekuera heta mba'e, ojehaíva umi pláncha

bronce-guigua ári, oikuaa haña hikuái Ñandejára rembiapo ambue tetãnguerape, tavayguakuera ymaguare apytépe.

23 Ha amoñe'ë chupekuera heta mba'e ojehaíva Moisés kuatione'ënguerape; ha aipy'amovã haña chupekuera ojerovia haña Ñandejára Irredentor rehe amoñe'ë chupekuera pe proféta Isaías ohaiva'ekue; amoí mayma escritura-kuera ore rehe, ha'e haña oréve mba'e porã ha orehekombo'e haña.

24 Upévare añe'ë chupekuera, ha'évo: Pehendu pe proféta ñe'ënguera, peë ha'éva peteí Israel rogagua rembyre, peteí yvyra raká ojeipe'ava'ekue; pehendu pe proféta ñe'ënguera, ojehaiva'ekue maymáva Israel rogaguápe, ha pemoí pendejehe, ikatu haña peguereko ñeha'arõ umi pende joyke'ykueraicha pejeipe'ava'ekuégui; ha upéicha ohaíkuri upe proféta.

ÑEMBYATY 20

Ñandejára ohechauka hembipotakuera Israel-pe—Israel ojeiporavova'ekue pe jeiko'asy tatakuape ha osëva'erã Babilonia-gui—Oñembojojava'erã Isaías 48 ndive. 588–570 ary rupi Cristo mboyve.

PEJAPYSAKA ha pehendu ko'áva, O Jacob róga, peñehenóiva Israel réra rupi, ha pesëva'ekue Judá ykuérarupi, térã pesëva'ekue y ñemongarakuérarupi,

peñe'eme'éva Ñandejára rérape, ha peñe'ẽ Israel-gua Tupã rehe, ha katu napeñe'eme'ẽi añetehápe ni tekojojápe.

2 Upevére, ha'ekuéra ojehero tavaguasu marangatuguáva-ramo, ha katu ndojepytasói pe Israel-gua Tupã ári, ha'éva Señor de los Ejércitos, heẽ, Señor de los Ejércitos ha'e pe héra.

3 Péina ápe, che ha'eva'ekue umi mba'e mboyveguáva iñepyrũby guive; ha osẽva'ekue che jurúgui, ha ahechaukákuri umíva. Ha ahechauka sapy'a.

4 Ha ajapókuri aikuaágui ndepy'ahatáha, ha tajygue imbaretéva pe nde ajúra, ha bronze-guigua pe nde syva;

5 Ha che ha'eva'ekue ndéve iñepyrũby guive; oiko mboyve ahechaukákuri ndéve; ha ahechaukákuri akyhyjégui eréramo guarã—Che ídolo ojapo, ha che ta'anga vyviguigua, ha che ta'anga mba'e mboykúgui jejapopyre ojapouka ko'ã mba'e.

6 Rehecha ha rehendupaitékuri ko'ãva; ha neremombe'usemo'ãi piko umíva? Ha che ahechauhague ndéve mba'e ipyahúva, mba'e kañymby, ha ndereikuaáiva.

7 Ha umíva ko'ágã ojejapo, ha ndaha'etí iñepyrũby guive, ni pe ára nde rehendu mboyve oje'e ndéve, ani hağua ere—Péina ápe che niko aikuaamavoíkuri.

8 Heẽ, ha nde nerehendúi, heẽ, ha ndereikuaái; heẽ, upe guive nde apysa ndojeipe'avéi; che niko aikuaákuri

nderekojoavyetereitaha, ha tye-ryepy guivéma voi reñehenói iñe'ẽrendu'yva.

9 Upevére, che réra rupi ambotapykuéta che pochy, ha che morarã, ajelokóta ani roikyti.

10 Ha, péina ápe, che romopotí, che roiporavo jeiko'asy tatakua ryepýpe.

11 Che rehente, heẽ, chéve ġuarãnte ajapóta kóva, ani oñemoherakuã vai che réra, ha che verapy name'ẽmo'ãi ambuévape.

12 Cherendu, O Jacob, ha nde Israel ahenoiva'ekue, chete voi niko ha'e; che ha'e pe iñepyrũby, ha che ha'e avei pe ipaháva.

13 Che po avei omoíva'ekue pe vyv rendağua, ha che po akatúa oipysova'ekue umi yvága. Che ahenoí chupekuéra ha ha'ekuéra opu'ã oñondivepa.

14 Peñembyatýpa, maymáva peẽ, ha pehendú; Máva piko ijapytepekuéra omombe'u chupekuéra ko'ã mba'e? Ñandejára ohayhuva'ekue chupe; heẽ, ha ha'e okumplíta iñe'ẽ hesekuéra rupi he'iva'ekue; ha ojapóta ojaposéva Babilonia-pe, ha ijyva oúta Caldeo-kuéra ári.

15 Avei, he'i Ñandejára; Che Ñandejára, heẽ, che añe'ěkuri; heẽ, che ahenoí chupe omombe'u hağua, ha agueru chupe, ha ha'e omoakãrapu'ãta hape.

16 Peju che ypýpe; che nañe'ẽñemíri; iñepyrũby guive, oñemombe'u ypy guive che añe'ẽ; ha Tupã Ñandejára, ha Espíritu imba'éva, chembouva'ekue.

17 Ha upéicha he'i Ñandejára,

ne Rredentor, Israel-pegua Ima-rangatúva; Che ambouva'ekue chupe, Ñandejára nde Tupã nembo'eporáva, ha ndeguera-háva pe tape reikova'eräre, ha'e ojapova'ekue.

18 O rehendúrire che rembiapoukapykuéra—upéicharire nde py'aguapy ha'eva'erāmo'ã petei'ysyrýicha, ha pe nde rekojoja ha'eva'erāmo'ã umi yguasu opu'ávaicha.

19 Ha ne ñemoñare hetava'erāmo'ã vyviku'icha; ha umi heñoiva nde ryepýgui umi iku'ikuéicha; pe héra noñeikytiriva'era-mo'ã ni ndojepe'aiva'erāmo'ã cherenondégui.

20 Pesë Babilonia-gui, pekañy Caldeo-kuéra apytégui, pemombe'u purahéipe ñe'ë, pemombe'u kóva, pegueraha vyv opaha peve; peje: Ñandejára orredimi hembiguái Jacob-pe.

21 Ha ndaijy'uhéiri hikuái; ha'e ogueraha chupekuéra umi tave'yre; ha oguenohë umi itágui y chupekuéra guarã; ha'e ojoka pe ita ha osë y.

22 Ha jepeve ha'e ojapopa opaite ko'ã mba'e, ha hetave avei, ndaipóri py'aguapy, he'i Ñandejára, umi iñañavape guarã.

ÑEMBYATY 21

Pe Mesías ha'éta tesapéramo gentil-kuérape ha omosāsóta umi ojejokuávape—Israel oñembyatyta pu'akápe ára pahápe—Rreikuéra imongakuaahárata—Oñembojojáva'erã Isaías

49 rehe. 588–570 ary rupi Cristo mboyyve.

HA avei: Pehendu, O Israel róga, maymáva peë pejepe'ava'ekue ha peñeguenohëva'ekue okápe che tavayguakuéra pastor-kuéra rekoñaña rupi; heë, maymáva peë pejepe'ava'ekue, ha peñemosarambiva'ekue okápe, peë ha'éva che tavayguakuéra, O Israel róga. Pejapysaka, O islas, cherehe, ha pehendú tavayguakuéra mombyryguáva; Ñandejára cherenói tyeryepy guivéma voi; che sy rye guive che rérare ha'e imandu'a.

2 Ha omoï che juru kysepuku rãimbéicha; ha ipo ãme cheñomi, ha chemoï hu'y isyivaramo; ha cheñomi ihu'y ryrúpe;

3 Ha he'i chéve: Nde ha'e che rembiguái, O Israel, nde rupi añemomba'eguasúta.

4 Ha che katu ha'e, reínte añeha'ára'e, ha chekane'orei mba'everã; añetehápe che huísio oï Ñandejára renondépe, ha che rembiapo che Tupã ndive.

5 Ha ko'ága, he'i Ñandejára—upe cheapohare tyeryepy guive hembiguairã, agueru jey hağua chupe Jacob-pe—jepeve Israel noñembyatyramo, jepeve upéicha che añemomba'eguasúta Ñandejára resa renondépe, ha che Tupã ha'éta che mbarete.

6 Ha ha'e he'i: michi mba'e nde che rembiguairamo remopu'ã hağua Jacob avaretanguérape, ha remoï jey hağua umi Israel-gua hembývape. Avei romoïta gentil-

kuéra tesapehárō, ha'e haġua che salvasiō yvy opaha peve.

7 Péicha he'i Ñandejára, Israel Rredentor, Imarangatu, pe yvypóra ojapo'ívape, ha tetānguéra ohayhu'ývape, pe tendotakuéra rembiguáipe: Rreikuéra ohecháta ha oñembo'ýta, ha príncipe-kuéra avei otupaitūta chupe, Ñandejára ijeroviarekóva rupi.

8 Péicha he'i Ñandejára: Ára porāme pohenduva'ekue, O islas del mar, ha pe salvasiō árape roipytyvōva'ekue; ha che poñongatúta, ha ame'ēta peēme che rembiguáipe tavayguakuéra konvénioramo, amoĩ haġua pe yvy, ame'ē haġua jehejapyréicha umi tenda inandietéva;

9 Ere haġua umi ojejokuávape: Pesē katu; ha pytūmbýpe oivape: Pejehechauka. Tapére oñemongarúta, ha opa yvy yvatépe oíta kapi'ipe chupekuéra ġuarā.

10 Naiñembyahíi ha ndaijy'uheimó'ái hikuái, arahaku ha kuarahy ndoipy'ajopymo'ái chupekuéra; pe hesekuéra oguerékóva poriahuvereko oisāmbyhýta chupekuéra, ha ykua yvu rupi ogueraháta chupekuéra.

11 Ha ajapóta tape opa che yvytykuéragui, ha umi che rape porā oñemopu'āvéta.

12 Ha upéi, O Israel róga, péina ápe, ko'áva oúta mombyrýgui; ha péina, ko'áva nórtelui ha kuarahyreikégui, ha ko'áva Sinim retágui.

13 Pepurahéi, O yvagakuéra; ha evy'a, O yvy; umi kuarahyresēme

oĩva py oñemohendátgui; ha pepurahéi atā, O yvytykuéra; ha'ekuéra ndojeipy'ajopymo'āvéimagui; Ñandejára omoangapyhýgui itavayguakuérape, ha oiporiahuverekóta umi ohasa'asývape.

14 Ha katu, péina ápe, Sión he'i: Ñandejára chereja, ha Ñandejára che mba'éva hesaráima chehegui—ha katu ha'e ohechaukáta nahaniriha.

15 Ha ikatu piko peteĩ kuña hesarái imemby kambúgui, ndoiporiahuvékoi peve pe imemby hyepýgui oséva'ekuépe? Heē, ha'e hesaráiramo jepe, che ndacheresaraimo'ái ndehogui, O Israel róga.

16 Péina ápe, che rohai che po pytépe; nde ogykekuéra oĩ tapiaite cherenondépe.

17 Ne membykuéra opu'āta umi nerundiséva rehe; ha umi nderejareiva'ekue ojeíta ndehogui.

18 Ehupi nde resa nde jerére ha ema'ē; opavave ko'áva oñembyaty ha oúta ndéve. Ha aikoveháicha che, he'i Ñandejára, añetehápe nde reñemondéta maymávagui, ao jeguapeguáicha, ha chuguikuéra reñembojeguáta kuñataĩ omendataramoguáicha.

19 Ha umi nerenda ojeiko'ýha ha ojehejareiva'ekue, ha pe yvy reñehundihague, ko'áġa ipo'ietereíta umi oikóvagui ipype rupi; ha umi nemokóva'ekue oñemombóta mombyry.

20 Umi mitā reguerékótava, ojeipe'a rire umi peteiháva ndehogui, he'i jeýta nde apysápe: Ipo'ieterei

chéve ġuarā ko tenda; eme'ē chéve tenda che aiko haġua.

21 Upéicha eréta ne korasōme: Máva piko omoheñói chéve ko'ā-vape, che niko apytava'ekue che memby'ÿre, ha aime cheañorei, ñeñapytímbýpe, ha aha rei ágotyo ha pégotyo? Ha máva piko omongakuaa chéve ko'áva? Péina ápe, ajeheja niko cheaño; moōpa oĩ hína ko'āvare'e?

22 Péicha he'i Tupā Ñandejára: Péina ápe, amopu'āta che po gentil-kuérape, ha ahupíta che aoveve tavayguakuérape; ha oguerúta nde ra'ykuérape ijyva ári, ha nde rajykuérape ojegue-raháta ijati'y ári.

23 Ha rreikuéra nemboherekuáta, ha irreinakuéra nemongakuaáta; ojayvýta yvy peve nerenondépe, ha oheréita pe yvytimbo nde py rehegua; ha reikuaáta che ha'eha Ñandejára; noñemotímo'āigui umi chera'arōva.

24 Ojeipe'áta piko hi'upy pe ipu'akapávagui, térã ojejoráta piko umi hendaitépe oñeñapytíva'ekue?

25 Ha katu péicha he'i Ñandejára, jepeve umi oñeñapytíva ojeipe'áta umi ipu'akapávagui, ha pe oporojopývagui ojeipe'áta hi'upy; ha che añorairōta umi nendive oñorairōva ndive, ha asalváta nde ra'ykuérape.

26 Ha umi ndejopývape ha'ukáta ho'o tee, ha huguýpe oñemonga'úta chupekuéra ha'eramoguáicha víno he'ēvape; ha opavave tekove oikuaáta che,

Ñandejára, ha'eha nde Salvador ha ne Rredentor, pe Jacob ndivegua Ipu'akapáva.

ÑEMBYATY 22

Israel oñemosarambíta opa yvy ape ári—Gentil-kuéra omongakuaáta ha omboherekuáta Israel-pe evanhélio reheve ára pahápe—Israel oñembyatýta ha ojesalváta, ha umi iñañáva ojehapýta ñana pirúicha—Pe añaretã oñehundíta, ha Satana ojejokuáta. 588–570 ary rupi Cristo mboyo.

HA ojehu upéi che, Nefi, amoñe'ē rire ko'ā mba'e ojehaíva umi pláncha bronce-guigua ári, che joyke'ykuéra ou cherendápe ha he'i chéve: Mba'e he'ise ko'ā mba'e remoñe'ēva'ekue? Péina ápe, ko'áva piko oñeikūmbyva'erā ha'eramoguáicha mba'e espíritu reheguáva, oikótava pe espíritu-pe ha ndaha'éiva ñande retépe?

2 Ha che, Nefi, ha'e chupekuéra: Péina ápe ko'áva ojehechauka profétape upe espíritu ñe'ē rupive; ha pe espíritu rupive niko ojeikuaaupa opa mba'e profetakuérape, mba'e oútava yvyporakuéra ra'y ári oikove aja hetépe.

3 Upévore, umi mba'e amoñe'ēva'ekue ha'e mba'e tete ha espíritu reheguáva; ha'etévaicha pe Israel róga oñemosarambítava, ko'ága térã upe rire, opa yvy ape ári, ha avei mayma tetānguéra apytépe.

4 Ha péina ápe, oī heta oka-ñýmava umi Jerusalén-pe oikóvagai. Heē, hetave mayma umi avaretānguerapeguáva ojeguerahava'ekue; ha oñemosarambi ko'ápe ha amo umi islas del mar ári; ha moōpa oī hikuái avave ore ndoroikuaái, roikuaánte ojeguerahague chupekuéra.

5 Ha ojegueraha guive chupekuéra, ojeprofetisa ko'ã mba'e hesekuéra, ha upéicha avei umi upe rire oñemosarambi ha oñemoapañuaitavare, pe Israel-pegua Imarangatúva rupi; omohatātagai hikuái ikorasōkuéra hese; upévare, oñemosarambíta chupekuéra opa tetānguéra apytépe ha ojehayhu'ýta opa vyvporakuérare.

6 Upevére, oñemongakuaa rire hikuái gentil-kuérare, ha Ñandejára omopu'ã rire ipo gentil-kuéra ári ha omoī rire chupekuéra aovevéramo, ha ta'yrakuéra ojegueraha rire gentil-kuéra jyva ári, ha tajyrakuéra ijati'y ári, péina ápe ko'ã mba'e oñeñe'ēha hína ha'e tete reheguáva; péicha ha'égui umi Ñandejára konvénio ñanderukuéra ndive; ha oñe'ē ñandrehe umi ára oútavare, ha avei mayma ñande joyke'ykuéra ha'éva Israel rogagua rehe.

7 Ha he'ise outaha ára opa Israel róga oñemosarambi ha oñemoapañuái rire, Tupã Ñandejára omopu'ātaha peteī tetã ipu'akapáva gentil-kuéra apytépe, heē, opa ko vvy ape ári; ha ñane ñemoñarekuérape ha'ekuéra omosarambíta.

8 Ha upéi ñane ñemoñare oñemosarambi rire Tupã Ñandejára ojapóta peteī tembiapo tuicha ha hechapyrãva gentil-kuéra apytépe, mba'e hepýtava ñane ñemoñarekuérape guarã; upévare, oñembojoja omongakuaataha chupekuéra gentil-kuéra ha oguerahataha ijyva ári ha ijati'y ári.

9 Ha avei mba'e hepýtava gentil-kuérape guarã; ha ndaha'etí gentil-kuérape añónte ha katu avei opa Israel rogaguávape, ojeikuaauka haḡua umi konvénio Túva yvagapegua ojapova'ekue Abraham ndive, he'ívo: Ne ñemoñarépe ojevovasáta opa avaretānguéra vvy arigua.

10 Ha aipota, che joyke'ykuéra, peikuaa ndaikatuiha ojevovasa mayma avaretānguéra vvy arigua Ñandejára ndohechaukáiramo ijyva tetānguéra resa renondépe.

11 Upévare, Tupã Ñandejára ohechaukáta ijyva opa tetānguéra resa renondépe, ojapóvo ikonveniokuéra ha iñevanhélio umi Israel rogagua ndive.

12 Upévare, oguenohē jeýta chupekuéra ñeñapyfimbýgui, ha oñembyatýta chupekuéra ijyvy jehejapyrépe; ha ojeipe'áta chupekuéra ppytũ ha tatafĩ ppytũgui; ha oikuaáta hikuái Ñandejára ha'eha Isalvador ha Irredentor, pe Israel-gua Ipu'akapáva.

13 Ha pe tuicha ha ijeja'e'yvéva tupao ruguy, ha'éva pe hekoivaivéva opa vvy arigua, ojeréta iñakäre; oñorairōtagui oñondive,

ha ipopegua kysepuku ojeréta iñakānguérare, ha huguykuérape oka'úta hikuái.

14 Ha opa tetã oñorairõva nendive, O Israel róga, ojeréta ojuehe, ha ho'áta hikuái pe vyvukua ojo'ova'ekuépe oity haḡua umi Ñandejára tavayguakuérape. Ha mayma oñorairõva Sión ndive oñehundíta, ha upe tuicha hekoivaíva, ombyaiva'ekue Ñandejára rape porã, heẽ, upe tuicha ha ijeja'e'ývéva tupao, ho'áta vyýpe ha tuicháta pe ije'a.

15 Ha péina ápe, he'i upe proféta, pya'e oḡuahêta ára Satana ndoguerekomó'aveimaha pu'aka vyvporakuéra ra'y rehe; hi'aḡuíma ára mayma iñañáva ha oñembotuicháva ha'etaha ñana pirúicha; ha hi'aḡuíma ára ojuhapyva'eräha.

16 Hi'aḡuíma ára opaite Tupã ñeko'õi oñeñohêtaha mayma vyvporakuéra ra'y ári; ha'e ndohejamo'āigui umi iñañáva ohundi hekojojávape.

17 Upévare, ha'e oñongatúta umi hekojojávape ipu'aka rupive, jepeve oútaramo opaite iñeko'õi, ha umi hekojojáva oñeñongatúta, oñehundipa peve tatápe umi ohayhu'ýva chupekuéra. Upévare, umi hekojojáva ndokyhyjeiva'erä; he'igui péicha upe proféta, ha'ekuéra ojesalváta, jepeve tata rupive.

18 Péina ápe, che joyke'ykuéra, che ha'e peẽme, ko'ã mba'e pya'e ouva'eräha, heẽ, tuguy jepeve, ha tata, ha tatati ypytũ ouva'erä; ha oumanteva'erä pe vyv ape ári; ha

ouíta vyvporakuérape hetépe oĩ aja omohatãramo hikuái ikorasõkuéra Israel-pegua Imarangatúva rehe.

19 Ha péina ápe, umi hekojojáva nomanomó'āi; añetehápe oútagui ára maymáva umi oñorairõva Sión ndive ojeipe'ataha.

20 Ha Ñandejára añetehápe ombosako'íta petei tape itavayguakuérape ḡuarã, oñekumpli haḡua Moisés ñe'ēnguéra, ha'e oñe'ēva'ekue, he'ívo: Ñandejára pende Tupã omopu'áta peẽme petei proféta, cheichagua; ha chupe pehendúta opa mba'e he'ívape peẽme. Ha ojehu maymáva umi nohenduséiva upe profétape oñemosêta umi tavayguakuéra apytégui.

21 Ha ko'áḡa che, Nefi, ha'e peẽme, kóva ko proféta oñe'ēhague Moisés ha'eha Israel-pegua Imarangatúva; upévare, ha'e oporohusgáta tekojojápe.

22 Ha umi hekojojáva ndokyhyjeiva'erä, ha'ekuéra niko ha'e umi noñemoapañuãmo'āiva. Ha katu ha'e pe añã rréino, oñemopu'ãtava vyvporakuéra ra'y apytépe, rréino oñemoíva umi hetépe oíva apytépe—

23 Pya'e oḡuahêtagui ára maymáva umi tupao oñemopu'áva'ekue ohupyty haḡua pirapire ñemono'õ, ha maymáva umi oñemopu'áva'ekue ohupyty haḡua pu'aka tekovekuéra ári, ha umi oñemopu'áva'ekue oñemboka'avo haḡua pe yvóra resa renondépe, ha umi ohekáva tete jeipota ha mba'e yvorapeguáva, ha

ha ojaþóva opaíchagua tembiapovai; heë, ha ipahápe, maymáva ha'éva pe aña rreinogua ha'e hína umi okyhyje, ha oryrí, ha ipiríva'erã; ha'ekuéra ha'e umi oñemotindyva'erã yvytimbo peve; ha'ekuéra ha'e umi oñemboykuva'erã ñana pirúicha; ha ko'áva pe proféta ñe'eme he'iháicha.

24 Ha pya'e oĝuahẽ ára umi hekojojáva ojeguerahataha vakara'yicha pe atype, ha Israel-pegua Imarangatúva orreináta poguy, mbarete ha pu'akápe, ha tuicha verapýpe.

25 Ha ha'e ombyaty ita'yra-kuéra irundy rendágui yvy ape ári; ha oipapa ijovechakuéra, ha ha'ekuéra oikuaa chupe; ha oíta peteĩ ovecha'aty ha peteĩ ovecharekua; ha ha'e omongarúta umi ijovechápe, ha hendive ojuhúta hikuái kapi'ipe.

26 Ha itavayguakuéra tekojoja rupi, Satana ndoguerekói pu'aka; upévare, ndaikatúi ojepoi chugui heta ary pukukue aja; ndoguerekóigui ha'e pu'aka

tavayguakuéra korasõ ári, oikógui hikuái tekojojápe, ha Israel-pegua Imarangatúva orreina.

27 Ha ko'áĝa péina ápe, che, Nefi, ha'e peëme opa ko'ã mba'e oikova'erã tetépe ojeiko aja.

28 Ha katu, péina ápe, opa tetãnguéra, avaretãnguéra, ñe'ënguéra ha tavakuéra oikóta kyhyje'yme pe Israel-pegua Imarangatúva ndive oñearrepentíramo hikuái.

29 Ha ko'áĝa che, Nefi, ambo-paha; ñañanimavéimagui aña'ëvo ko'ã mba'e rehe.

30 Upévare, che joyke'ykuéra, aipota peikuaa umi mba'e ojehai-va'ekue umi pláncha bronce-guigua ári aňetegua; ha otestifika yvypóra iñe'ërenduva'erãha Tupã rembiapoukapykuérare.

31 Upévare, ani peimo'ã che ha che ru aňonte rome'ëha testimoniño, ha avei rombo'e ko'áva. Upévare, peneñe'ërendúramo umi tembiapoukapýre, ha peñe-ha'ãmbaitéramo ipahaite peve, pejesalváta upe ára pahápe. Ha upéicha. Amén.

MOKÕIHA NEFI KUATIAÑE'Ë

Lehi ñemano ñemombe'u. Nefi joyke'ykuéra opu'ã hese. Ñandejára he'i Nefi-pe osẽ haĝua tave'yme. Ije'oikuéra tave'yre, ha ambue mba'e.

ÑEMBYATY 1

Lehi oprofetisa peteĩ tetã isa'yva

rehe—Iñemoñarekuéra oñemosarambi ha ojepy'ajopyta orrechasaramo Israel-pegua Imarangatúvape—Ha'e

oñemoñe'ē ita'yraquerape omoī haḡua ijehe tekojoja ñemiñuvã. 588–570 ary rupi Cristo mboyve.

HA ko'áḡa ojehu upe rire Che, Nefi, ambo'epa vove che joyke'ykuérape, ore ru, Lehi, oñe'ē avei heta mba'e chupekuéra, ha omomandu'a chupekuéra, heta mba'e guasu Ñandejára ojapova'ekue hesekuéra oguenohêvo chupekuéra Jerusalén retāgui.

2 Ha oñe'ē chupekuéra opu'āramoguaré hikuái roime aja yguasu ári, ha umi Tupã poriahuvereko osalvava'ekue chupekuéra hekove, ani haḡua oñemoñapymi chupekuéra pe yguasúpe.

3 Ha oñe'ē avei chupekuéra pe yvy ñe'ēmengue, ohupytyva'ekuére—ha mba'eichaitépa Ñandejára iporiahuvereko orendive oremomandúvo rosē haḡua Jerusalén retāgui.

4 Upévare, péina ápe, ha'e he'i, ahecha peteĩ techauka, ha upéichagui aikuaa Jerusalén oñehundimahague; ha japytárire Jerusalén-pe ñamanova'erāmo'ã avei.

5 Ha katu, ha'e he'i, roiko'asýramo jepe, rohupyty pe yvy ñe'ēme'ēngue, peteĩ yvy ojeiporavova'ekue opa ambue yvykuéra ári; peteĩ yvy Ñandejára ojapova'ekue chendive konvénio ha'etaha peteĩ yvy jehejapyre che ñemoñarépe ḡuarã. Heẽ, Ñandejára ome'ēva'ekue chéve kóva ko yvy peteĩ konvénio rupi, ha che ra'ykuérape tapiaite peve, ha avei opavave umi

Ñandejára po oguerúvape ambue tetānguéragai.

6 Upévare, Che, Lehi, aprofetisa omba'apoháicha cherehe pe Espíritu oíva chendive, avave ndoumo'áiha kóva ko yvýpe ndojeguerúiramo Ñandejára po rupi.

7 Upévare, ko yvy oñekonsagra umi ha'e oguerútavape ḡuarã. Ha omba'apóramo hikuái chupeḡuarã he'iháicha umi tembiapoukapy ha'e ome'ēva'ekue chupekuéra, ha'éta chupekuéra peteĩ yvy isāsóva; upévare, araka'eve ndojeguerahamo'ái hikuái ñeñapytímbýpe; ha upéicharamo, ha'éta tembiapovai rupi; ha hetáramo tembiapovai oñemoñe'ēngáita pe yvy hesekuéra rupi, ha katu umi hekojojávape ḡuarã ojehovasáta tapiaite peve.

8 Ha péina ápe, iñarandúnte hína ko yvy toñeñongatúgueteri ambue tetānguéra jeikuaágui; ha péina ápe, heta tetānguéra niko omyenyhēmbáta ko yvy, ha péicha rupi ndaiporimo'ái tenda peteĩ jehejapyrerã.

9 Upévare, Che, Lehi, ahupytykuri ñe'ēme'ē, umi Tupã Ñandejára oguerútava Jerusalén retāgui iñe'ērendúramo hembiapoukapykuérare, oñakārapu'ātaha kóva ko yvy ape ári; ha oñeñongatúta chupekuéra mayma ambue tetānguéragai, oguereko haḡua kóva ko yvy imba'erānguéra. Ha iñe'ērendúramo hikuái hembiapoukapykuérare ojehovasáta chupekuéra ko yvy ape ári, ha ndaiporimo'ái avave

omoangekoiva'erā chupekuéra, ni oipe'áva'erā chuguikuéra ijyvy jehejapyre; ha oikóta ipype kyhyje'ỹme tapiaite peve.

10 Ha katu péina ápe, oġuahêvo ára ho'aha hikuái jeguerovia-ỹme, ohupyty rire tuichaite jehovasa Ñandejára pógui—oikuaapýpe hikuái mba'éichapa ojeapová'ekue pe vvy, ha mayma vyvporakuérape, ha oikuaapýpe hikuái umi tuicha ha hechapyrãva Ñandejára rembiapokuéra ojejapo ppy guive pe yvóra; ha oñeme'ẽ rire chupekuéra pu'aka ojapo haġua opa mba'e ijerovia rupive; oguerekopýpe opa tembiapoukapykuéra iñepyrũmby guive, ha ojegueraha rire chupekuéra pe ipy'aporã opave'ỹva rupive ko iporãitêva vvy ñe'ẽme'ẽnguême—péina ápe, Che ha'e, oġuahêramo ára orrechasáramo hikuái pe Israel-pegua Imaranga-túvape, pe Mesías añeteguáva, Irrendentor ha Itupã, péina ápe, pe hekojojáva huisiokuéra ho'áta hi'arikuéra.

11 Heẽ, ha'e oguerúta ambue tetãnguérape hi'arikuéra, ha ome'êta chupekuéra pu'aka, ha oipe'áta chuguikuéra umi vvy imba'éva, ha ohejáta oñemosarambi ha ojepy'ajopy chupekuéra.

12 Heẽ, ohasávo peteĩgui ambue ñemoñare'atýpe oíta tuguy ñeñoñe, ha tuicha tembiasá'asy ijapytepekuéra; upéva, che ra'ykuéra, aipota penemandu'a; heẽ, aipota pehendú che ñe'ẽnguéra.

13 O pepáymona; pepáymona upe jeke atãgui, heẽ, pe añaretã jekégui, ha pejetyvyro pe itasã ivaietêva pende jokuávagui, itasã ojokuáva vyvporakuéra ra'ýpe, ojegueraha haġua chupekuéra ñeñapytĩmbýpe vyvkua pypuku opave'ỹvape oĩháme teko'asy ha jepy'apy.

14 Pepáy! ha pepu'ã vyvty-mbógui, ha pehendú peteĩ túva imarachachãva ñe'ẽnguéra, hete pya'éma pemoĩtava vyvkua ro'ysã ha kirirĩme, avave umi ohóva ndaikatuveihágui ou; mbyky ára riremí ha che ahátama opa pe vvy rapépe.

15 Ha katu péina ápe, Ñandejára ojora che ánga añaretãgui; che ahechákuri iverapy, ha añeñaũ ára apyra'ỹ meve umi imborayhu jyvápe.

16 Ha aipota penemandu'a pejapo haġua umi Ñandejára rembipota ha huisiokuéra; péina ápe, kóva ha'e pe che ánga oipotavévakuri iñepyrũmby guive.

17 Che korasõ ojejopýkuri vy'a'ýgui sapy'a py'a, akyhyjégui pene korasõ atãre Ñandejára pene Tupã ouramo ġuarã opa iñeko'õi reheve pende ári, ha peñemosẽ ha peñehundi tapiaite peve.

18 Térã, to'a pende ári peteĩ ñe'ẽngái heta ñemoñare'aty aja; ha toñembou peẽme kysepuku, ha ñembyahýi, ha tapejehayhu'ỹ, ha tapejegueraha aña rembipota ha ñeñapytĩmbýpe.

19 O che ra'ykuéra, aníkenu ou pende ári ko'ã mba'e, ha katu toiko pendehegui peteĩ

tavayguakuéra jeiporavopyre ha ojehecha poráva Ñandejárare. Ha péina ápe, toiko hembipota; hapekuéra ijoja haguére tapiaite.

20 Ha ha'e he'i: Peneñe'ërendúramo che rembiapoukapykuérare peñakārapu'āta pe yvýpe; ha katu napeneñe'ërendúramo che rembiapoukapykuérare peñemo-sēta che renondégui.

21 Ha ko'āga che ánga ovy'a haḡua pende rehe, ha vy'ápe osē haḡua che korasō penderhe ko yvóragui, ani haḡua ajegueraha vy'a'y ha ñembyasy reheve yvyguýpe, pepu'ā pe yvytimbógui, che ra'ykuéra, ha peiko kuimba'éicha, ha peñemoimba peteĩ ñe'ë ha peteĩ korasōme, pejoajupa opa mba'épe, ani haḡua pe'a ñeñapytĩmbýpe.

22 Ani haḡua peñemoñe'ëngái peteĩ ivaietereíva ñe'ëngáipe; ha avei, ani haḡua pegueru pende ári peteĩ Tupã ijojáva pochy, peñehundi haḡua, heë, upe ñande rete ha ánga ñehundi opave'yva.

23 Pepáy, che ra'ykuéra; pe-moĩ pende jehe pe ñemiñuvã tekojoja rehegua. Pejetyvyro umi itasã pendejokuávagui, ha pesē pytũmbýgui, ha pepu'ā yvytimbógui.

24 Anive pepu'ā pende joyke'y rehe, ijehechakuéra niko tuichaiterei, ha ha'e iñe'ërendúkuri tembiapoukapykuérare ára ñasē guive Jerusalén-gui; ha ha'ékuri peteĩ tembiporu Tupã pópe, ñandegueru haḡua pe yvy ñe'ëme'ënguéme; ha ndaha'éirire hese, ñamanova'erāmo'ā

ñembyahýigui pe tave'yme; jepeve upéicha, peipe'asékuri chugui hekove; heë, ha ha'e ohasa heta vy'a'y peë rupi.

25 Ha che akhyjeterei ha aryryipa peë rupi, ha'e ohasa'asy jeýramo ḡuarā; ha péina ápe, peje hese ohekahague pu'aka ha mbarete pende ári; ha che katu aikuaa ha'e ndohekaihague pu'aka ni mbarete pende ári, ha'e niko oipotánte pe Tupãme ḡuarā verapy, ha peë peime porā haḡua ára opave'yva peve.

26 Ha peë pekaguai ha'e hesakā haguére penendive. Peje oipuruha py'a hatā; peje ipochyha penendive; ha péina ápe, pe py'ahatā oguerekóva ha'e pe Tupã ñe'ë pu'aka mbarete, oíva hendive; ha umi peë pehenóiva pochy ha'e pe añetegua, Tupãme oiháicha, ha péva ha'e ndaikatúikuri ojoko, ha ohechauka peëme kyhyje'yme pene rembiapovaikuéra.

27 Ha tekotevë Tupã pu'aka oĩ hendive, he'i peve peëme peneñe'ërenduva'erāha. Ha péina ápe, ndaha'éikuri ha'e, ha katu pe Ñandejára Espiritu oíva ipype, pe oipe'áva ijuru ha'e oñe'ë haḡua ha upéicha rupi ndaikatúi omboty.

28 Ha ko'āga che ra'y, Lamán, ha avei Lemuel ha Sam, ha avei peë che ra'ykuéra ha'éva Ismael ra'ykuéra, péina ápe, pehendúramo Nefi ñe'ë napemanomo'ái. Ha pehendúramo chupe aheja peëme peteĩ jehovasa, heë, che jehovasa peteíha.

29 Ha katu napehendúramo

chupe ahekýita che jehovasa peteíha, heẽ, che jehovasa jepeve, ha opytáta hi'ári.

30 Ha ko'áãa, Zoram, añe'ẽ ndéve: Péina ápe, nde ha'e Labán rembiguái; upevére, rejegeru Jerusalén retãgui, ha che aikuaa nde ha'eha peteí angirũ añetegua che ra'y, Nefi-pe ãuarã, tapiaite peve.

31 Upévare, ndejeroviareko haguére ne ñemoñare ogehovasáta iñemoñare ndive, peiko haãua akãrapu'ãme heta ára kóva ko yvy ape ári; ha mba'eva, ndaha'éiramo pe tembiapovai ijapytepekuéra, ombyaíta térã ombotyáita iñakãrapu'ãkuéra kóva ko yvy ape ári tapiaite peve.

32 Upévare, neñe'ẽrendúramo Ñandejára rembiapoukapykuérare, Ñandejára okonsagrava'ekue kóva ko yvy ne ñemoñare oĩ haãua kyhyje'yme che ra'y ñemoñare ndive.

ÑEMBYATY 2

Pe rredensiõ ou Mesías Imarangatúva rupive—Pe sãso jaiporavo haãua (jeiporavokuaa) oñeikotevẽterei jaikove ha ñaneakãrapu'ã haãua—Adán ho'a yvyporakuéra oikove haãua—Yvyporakuéra isãso oiporavo haãua pe tekosãso ha tekove opave'yva. 588–570 ary rupi Cristo mboyo.

HA ko'áãa, Jacob, añe'ẽ ndéve: Nde ha'e che ra'y peteíha

nereñoiva'ekue che jehasa'asy árape tave'yme. Ha péina ápe, nde niko nemitã aja rehasa heta jehasa'asy ha vy'a'y, nde joyke'ykuéra heko atã rupi.

2 Upevére, Jacob, che ra'y peteíha nereñoiva'ekue tave'yme, nde reikuaa Tupã tuichaha; ha ha'e okonsagrata nde jeiko'asykuéra nde reko porãã.

3 Upévare, ne ánga ogehovasáta, ha reikóta kyhyje'yme nde joyke'y, Nefi ndive; ha nde arakuéra reiporúta reipytyvõ haãua Tupãme. Upévare, che aikuaa nde reñerredimiha, pe ne Rredentor rekojoja rupive; ha rehechákuri pe ára pahápe ha'e oúta ogueru haãua salvasiõ yvyporakuérape.

4 Ha nde nemitãrusu aja rehechava'ekue iverapy; upévare, nde rejehovasa jepe umi ha'e oministrátavaicha oikove aja hetépe; pe Espiritu ha'égui peteínte, kuehe, ko árape, ha tapiaite. Ha pe tape oñembosako'imava'ekue yvypóra ho'a guive, ha pe salvasiõ oñeme'õtante.

5 Ha yvyporakuéra oñembo'e porã oiporavo haãuaicha iporãva ivaívagui. Ha pe léi oñeme'ẽ yvyporakuérape. Ha pe léi rupi mavave tekove noñembojojái; térã, pe léi rupi yvyporakuéra oñemosẽ. Heẽ, pe léi yvoragua rupi oñemosẽva'ekue hikuái; ha avei, pe léi espíritu reheguáva rupi omano hikuái umi mba'e iporãvape ãuarã ha heko'asy hikuái tapiaite peve.

6 Upévare, pe rredensiõ ou Mesías Imarangatúvare ha ha'e

rupi; ha'e henyhẽ haguẽre grásia ha añetẽgui.

7 Péina ápe, ha'ete oñeikuave'ẽ jehasa'asýpe ãguarã pe angaipáre, omyengovia haãua pe léi ojeruréva, maymáva umi ikorasõ mirĩ ha ijespíritu ñembyasýva rehe; ha avave ambuẽre ndaikatúi oñemyengovia umi léi ojeruréva.

8 Upévare, tuichaiterei mba'e niko jaikuaauka ko'ã mba'e umi oikovéva yvy áripe, oikuaa haãua avave tekove ndaikatuiha oiko Tupã renondépe, ndaha'éiramo pe Mesías Imarangatúva mérito, poriahuvereko ha grásia rupive mante, ome'eva hete tekove, ha ojarra jey pe espíritu pu'aka rupi, ogueru haãua jeikovejey umi omanomava'ekuẽpe, ha'égui ha'e raẽvete pe oikove jeýtava.

9 Upévare, ha'e niko pe Tupã primisia, upéicha ha'e oñemo-mbytéta maymáva yvyporakuéra ra'y rehe; ha umi ojeroviáva hese ojesalváta.

10 Ha pe ñemombyte rupi ojepapóva opavavépe ãguarã, mayma yvyporakuéra ou Tupãme; upévare, ou hikuái henondépe, ojehusga haãua hese pe añetegua ha marangatu oiva ipype rupi. Upévare, umi léi ome'eva'ekue pe Imarangatúva, oñemoĩ haãua pe jehavira oñeme'eva'ekue, ha péva pe jehavira oñemoiva'ekue iñambue pe vy'a oñemoiva'ekuegui, ojepapoha haãua pe expiasiõ ojeruréva—

11 Oĩmanteva'erã niko, pe jejoavy opaite mba'épe. Upeicha'ỹramo, che ra'y peteĩha

nereñoiva'ekue tave'ỹme, ndaikatumo'ãi ojepapo pe hekojojáva ni pe ivaíva, ni avei pe marangatu ha pe teko'asy, ha pe iporáva ni pe ivaíva. Upévare, opa mba'e ha'eva'erãmo'ã peteĩchante; upévare, ha'e guive peteĩ tete añõnte oiva'erãmo'ã omanoramoguáicha, ha ndoguerekomo'ãi jeikove ni ñemano, ñehundi ni ñehundi'ỹ, ni vy'a ni teko'asy, ni ñeñandu ni ñeñandu'ỹ.

12 Upévare, ojepaporeinteva'erãmo'ã; upévare ndaiporiva'erãmo'ã mba'érepa ojepapo haãua. Upévare, kóva añetehápe ohundi'eva'erãmo'ã Tupã arandu ha hembipota opave'ỹva, ha avei ipu'aka, ha iporiahuvereko, ha pe Tupã hustisia.

13 Ha pejéramo ndaiporihá léi, peje avei ndaiporihá angaipa. Ha pejéramo ndaiporihá angaipa, peje avei ndaiporihá tekojoja. Ha ndaipóriramo tekojoja ndaipóri vy'a. Ha ndaipóriramo tekojoja ni vy'a ndaipóri avei jehavira ni teko'asy. Ha ko'ã mba'e ndaipóriramo Tupã ndaipóri. Ha ndaipóriramo Tupã ñande nañaiméi, ni pe yvy; ha ndaiporiva'erãmo'ã mba'e jepapo, ni omba'apo haãua ni oñemba'apo haãua hi'ári; upévare, opaite mba'e opareiva'erãmo'ã.

14 Ha ko'áãga, che ra'ykuéra, añe'ẽ peẽme ko'ã mba'e poipytyvõ ha pombo'e haãua; oĩgui peteĩ Tupã, ha ha'e ojapova'ekue opa mba'e, yvagakuéra ha avei yvy, ha opa mba'e oiva ipypekuéra, upéicha umi mba'e

omba'apóva ha upéicha avei umi mba'e oñemba'apóva hí'ári.

15 Ha ojapo hağua umi hembipota opave'ỹva yvyporakuérape ġuarã, ojapo rire ñande rukuéra peteĩháme, ha umi mymba ñumegua ha umi guyrakuéra vytytū peguáva, ha ipahápe, opa mba'e ojejavova'ekue, oĩmanteva'erã pe jejoavy; jepeve pe yva oje'u'ỹva'erã ojoavy pe vyramáta tekove rehegua ndive; ha peteĩva he'ẽ asuka ha ambuéva katu iro.

16 Upévare, Tupã Ñandejára ome'ẽ yvypórape sãso ojapo hağua umi mba'e ijehegui. Upévare, pe yvypóra ndaikatúí ojapo mba'eve ijehegui ndoiporavóiramo peteĩva térã ambuéva.

17 Ha che, Lehi, umi mba'e amoñe'ẽ haguépe oĩháicha, aimo'ãmanteva'erã peteĩ Tupã ángel, ojehaiva'ekuépe oĩháicha, ho'a hague yvágagui; upévare, oiko chugui peteĩ aña, ohekávo ivaíva Tupã renondépe.

18 Ha ha'e ho'águi pe yvágagui, ha heko'asy tapiate peve, oñeha'ã avei opa yvyporakuéra heko'asy. Upévare, ha'e he'i Eva-pe, heẽ, pe mbói ymaguaréva, ha'éva pe aña, ha'éva opa añetegua'ỹ túva, upévare ha'e he'i: He'u pe yva oje'u'ỹva'erãgui, ha neremano-mo'ái, ha katu ha'éta Tupãicha, reikuaávo ivaíva ha iporãva.

19 Ha Adán ha Eva ho'u rire pe yva oje'u'ỹva'erã oñemosẽ hikuái pe yvotyty Edéngui, oñemity hağua yvýpe.

20 Ha oñemoña hikuái; heẽ, umi

ogaguakuéra oikóva opa yvy ári jepeve.

21 Ha umi yvypóra ra'y ára oñembopukuve, pe Tupã oipotaháicha, oñearrepenti hağua hikuái oikove aja hetépe; upévare, iñeimekuéragui oiko peteĩ ñeime ojeipy'ara'ã hağua, ha pe hí'ára oñembopuku, umi tembipoukapy Tupã Ñandejára ome'ẽva'ekue yvyporakuéra ra'ýpe oĩháicha. Ha'e ome'ẽgui tembipoukapy mayma yvyporakuéra oñearrepentiva'erãha; ha ohechauka mayma yvyporakuérape ha'ekuéra oñehundiha, ituvakuéra rembiapovaíre.

22 Ha ko'áğa, péina ápe, Adán nahembipovaíriri ndo'aiva'erãmo'ã, ha katu opytava'erãmo'ã pe yvotyty Eden-pe. Ha opa mba'e ojejavova'ekue opytava'erãmo'ã oĩ haguéichante ojejavop rire; ha upéicha opytava'eramo'ã tapiate peve, opave'ỹ meve.

23 Ha noñemoñaiva'eramo'ã hikuái; upévare opytava'erãmo'ã peteĩ py'apoti ñeimépe, oñandu'ỹre vy'a, ndoikuaáigui teko'asy; ojapo'ỹre pe iporãva, ndoikuaáigui pe angaipa.

24 Ha katu péina ápe, opa mba'e ojejavova'ekue pe arandu oiva rupi opa mba'e oikuaapávape.

25 Adán ho'ava'ekue yvyporakuéra oikove hağua; ha yvyporakuéra oikove, oguereko hağua vy'apavẽ.

26 Ha pe Mesías ou ára pahakuérape, orredimi hağua yvyporakuéra ra'ýpe je'águi. Ha oñerredimígui chupekuéra je'águi

opyta hikuái sāsoma tapiaite peve, ha oiporavokuaa iporāva ivaívagui; omba'apo haġua ijehegui ha ani haġua oñemba'apo hi'arikuéra, ndaha'éiramo pe léi jehavira rupi upe ára tuicha ha pahápe, umi tembiapoukapy Tupã ome'éva'ekuépe oñháicha.

27 Upévare, yvyporakuéra hetépe isāso; ha oñeme'ẽ chupekuéra opa mba'e iporāva yvyporakuérape ġuarã. Ha ha'ekuéra isāso oiporavo haġua tekosāso ha tekove opave'ỹva, pe opavave yvyporakuéra Mediador gasu rupive, térã oiporavo haġua ñeñapytĩmby ha ñemano, pe ñeñapytĩmby ha pu'aka oñháicha añáme; ha'e ohekágui opa yvyporakuéra taheko'asy ha'éicha.

28 Ha ko'áġa, che ra'ykuéra, aipota pemaña pe Mediador gasu rehe, ha pehendú umi hembiapoukapy tuicháva; ha pendejeroviareko iñe'ẽre, ha peiporavo pe tekove opave'ỹva, Ijespíritu Santo oipotaháicha;

29 Ha ani peiporavo pe ñemano opave'ỹva, pende rete oipotaháicha ha pe aña oíva ipype, ome'éva aña espíritupe pu'aka oporomõñapytĩ haġua, pendereity haġua añaretáme, ha'e orreina haġua pende ári irréinope.

30 Che añe'ẽ ko'ã ñe'ẽ mbovymi opavave peẽme, che ra'ykuéra, che ára jeipy'ara'ã pahápe; ha aiporavova'ekue pe iporāvéva, pe proféta ñe'ẽme he'iháicha. Ha ndaipotáí mba'eve ndaha'éirõ pene ánga ñeimeporã opave'ỹva. Amén.

ÑEMBYATY 3

José Egipto-pe ohecha techaukápe Nefita-kuérape—Ha'e oprofetisa José Smith rehe, pe techapahára ára pahapegua; ha Moisés-rehe, oipe'átava Israel-pe; ha pe Mormón Kuatiañe'ẽ ñeguenohẽre. 588–570 ary rupi Cristo mboypve.

Ha ko'áġa añe'ẽ ndéve, José, che ra'y ipahaguéva. Nde nereñoiva'ekue che jeiko'asy aja tave'ỹme; heẽ, nde sy ndeguerekova'ekue che vy'a'ỹ tuicha árape.

2 Ha Ñandejára tokonsagra avei ndéve ġuarã kóva ko yvy, ha'éva peteĩ yvy iporãitéva, nde jehejapyrerã ha ne ñemoñare jehejapyrerã nde joyke'ykuéra ndive, peime porã haġua tapiaite, peneñe'ẽrendúrama Israel-pegua Imarangatúva rembiapoukapykuérrare.

3 Ha ko'áġa, José, che ra'y ipahaguéva, agueruva'ekue pe tave'ỹ jeiko'asýgui, Ñandejára tanderovasa tapiaite peve, ne ñemoñarekuéra noñehundipamo'ãigui akoiete peve.

4 Ha péina ápe, nde ha'e che lomoguiguare; ha che ha'e José ñemoñare ojeguerahava'ekue ñeñapytĩmbýpe Egipto-pe. Ha tuicha umi konvénio Ñandejára ojapova'ekue José ndive.

5 Upévare, José añetehápe ohecha ko'ã ñande ára. Ha ohupyty Ñandejáragui ñe'ẽme'ẽ, pe ilomoguiguare Tupã Ñandejára omopu'átaha peteĩ yvyra rakã hekojojáva Israel rógape ġuarã; ndaha'ei pe Mesías, ha katu peteĩ

yvyra rakā oñehakā'ova'ekue, upevére, oikóta hese mandu'a Ñandejára konveniokuérape upe Mesías ojehechaukataha chupekuéra ára pahápe, pe espíritu pu'aka reheve, oguenohẽ haġua chupekuéra tatatĩ ypytũgui tesakāme—heẽ, pe tatatĩ ypytũ kañy ha ñeñapytĩmbýgui tekosāsome.

6 Ha José niko añetehápe otestifika, he'ívo: Ñandejára che Tupã omopu'ãta peteĩ techapahára, ha'étava peteĩ techapahára ojeiporavopyréva umi che lomoguiguarépe ġuarã.

7 Heẽ, José añetehápe he'iva'ekue: Péicha he'í chéve Ñandejára: Amopu'ãta peteĩ techapahára ojeiporavopyréva ne lomoguiguarégui; ha ojehayhueteréita chupe umi ne lomoguiguare apytépe. Ha chupe ame'ëta tembiapoukapy ojapo haġua peteĩ tembiapo umi ne lomoguiguarépe ġuarã, ijyke'ykuéra, ha'étava mba'e hepyetéva chupekuéra ġuarã, jepe oikuaauka haġua chupekuéra umi konvénio che ajapova'ekue nde rukuéra ndive.

8 Ha ame'ëta chupe tembiapoukapy ani haġua ojapo mba'eve ambue tembiapo, ndaha'éiramo pe tembiapo che ajerurétava chupe. Ha ambotuicháta chupe che resa renondépe, ha'e ojapótagui che rembiapo.

9 Ha tuicháta Moiséicha, ha'eva'ekue amopu'ãtaha peẽme, omosāso haġua che tavaygua-kuérape, O Israel róga.

10 Ha amopu'ãta Moisés-pe, amosāso haġua nde tavaygua-kuérape Egipto retāgui.

11 Ha katu ne lomoguiguarégui amopu'ãta peteĩ techapahára; ha chupe ame'ëta pu'aka ogueraha haġua che ñe'ẽ umi ne lómo ñemoñarépe—ha ndaha'úi ogueraha haġua che ñe'ẽ añõnte, he'í Ñandejára, ha katu okonvense haġua chupekuéra che ñe'ẽgui, oñemyasāimava ijapytepekuéra.

12 Upépare, pe ne lomoguiguare ohaíta; ha pe Judá lomoguiguare ohaíta; ha pe ne lomoguiguare rupi ojehaíva, ha avei pe Judá lomoguiguare rupi ojehaíva, okuaáta oñondive, omoapañuã haġua umi doctrina añete'yva ha ombopaha haġua umi joavy, ha omoĩ haġua py'aguapy umi ne lomoguiguare apytépe, ha ojeguero haġua chupekuéra oikuaa haġua ituvakuéragui umi ára pahápe, ha avei oikuaa haġua hikuái che konveniokuéragui, he'í Ñandejára.

13 Ha pe tekokangýgui ha'e oñemombaretéta, pe ára che rembiapo oñepyrũ vove opa che tavayguakuéra apytépe, romoĩjey haġua, O Israel róga, he'í Ñandejára.

14 Ha upéicha José oprofetisákuri, he'ívo: Péina ápe, Ñandejára ohovasáta upe techapahárape; ha umi oñeha'áva ohundi chupe oñemoapañuãita; ha kóva ko ñe'ẽme'ẽ, ahupytyva'ekue Ñandejáragui, che lomoguiguare rehegua, oñekumplíta. Péina ápe,

aikuaa porã kóva ko ñe'eme'ẽ oñekumplitaha;

15 Ha oñembohérata che réraicha; ha ha'éta itúva réraicha. Ha chéichata; umi mba'e, Ñandejára ojapótava ipo rupi, Ñandejára pu'aka rupive oguerúta che tavayguakuérape salvasióme.

16 Heẽ, José péicha oprofetisa: Aikuaa porã ko'áva, ha upéicha avei aikuaa porã pe Moisés ñe'eme'ẽ; Ñandejára he'ígui chéve, che añongatúta ne ñemoñarépe tapiáite peve.

17 Ha Ñandejára he'i: Amopu'ãta peteĩ Moisés-pe; ha amé'eta chupe pu'aka peteĩ vyvrapukúpe; ha amyakãporãta chupe ohai haɣua. Ha ndajoramó'ái ikũ oñe'ẽ heta haɣua, nambotuichamo'ãigui chupe ñe'eme. Ha katu ahaíta chupe che léi, che kuã che po reheguávape; ha ambosako'íta peteĩ oñe'etava ha'e rangue.

18 Ha avei he'i chéve Ñandejára: Amopu'ãta ne lomoguiguarépe ɣuarã; ha ajapóta chupe ɣuarã peteĩ hese oñe'eva'erã. Ha che, péina ápe, amé'eta chupe ohai haɣua ojehaitava ne lomoguiguarére, ne lomoguiguarépe ɣuarã; ha ne lomoguiguare oñe'etava oikuaaukáta.

19 Ha umi ñe'ẽ ha'e ohaítava ha'éta umi ñe'ẽ che arandúpe ahusgáva iporã oɣuahẽ haɣua ne lomoguiguarekuérape. Ha ha'éta ne lomoguiguare ojerure asyramoguáicha chupekuéra vyvtytimbo guive; aikuaágui jegerovia.

20 Ha vyvtytimbo guive ojerure'asýta hikuái; heẽ, arrepentimiénto jepe ijoyke'ykuérape ɣuarã, jepe ohasa rire hí'arikuéra heta ñemoñare'aty. Ha ojehe pe ijerure'asykuéra oséta, jepe pe iñe'enguéra hasy'yháicha.

21 Ha pe ijerovia rupi iñe'enguéra oséta che jurúgui ijoyke'ykuérape ha'éva ne lomoguiguare; ha pe iñe'ẽ kangykuéra che amombaretéta ijeroviápe, imandu'a haɣua hikuái che konvénio ajapova'ekuére nde rukuéra ndive.

22 Ha ko'áɣa, péina ápe, che ra'y José, péichakuri che ru oprofetisa ymaite.

23 Upévare, kóva ko konvénio rupi nde rejehovasa; ne ñemoñarekuéra noñehundimo'ãigui, ohendútagui hikuái pe kuatione'ẽmegua ñe'ẽ.

24 Ha opu'ãta ijapytepekuéra peteĩ ipu'akapáva, ojapótava heta mba'e porã, ñe'ẽ ha tembiapópe, ha'éta peteĩ tembiaporu Ñandejára pópe, tuicha jegerovia reheve, ojapo haɣua techapyrã imbaretéva, ha ojapo haɣua umi mba'e tuicháva Ñandejára resa renondépe, ogueru haɣua heta ñemoĩjey Israel rógape, ha nde joyke'ykuéra ñemoñarépe.

25 Ha ko'áɣa, rejehovasapyréva nde, José. Péina ápe, nemitã gueteri; upévare ehendu nde joyke'y, Nefi, ñe'enguéra, ha oikóta nderehe umi ñe'ẽ che ha'e haguéicha. Nemandu'áke nde ru omanombotáva ñe'enguérare. Amén

ÑEMBYATY 4

Lehi oñemoñe'ẽ ha ohovasa inemoña-répe—Ha'e omano ha oñeñotĩ—Nefi ovy'aiterei pe Tupã py'aporãme—Nefi omoĩ ijerovia Ñandejára rehe tapiiaite peve. 588–570 ary rupi Cristo mboyve.

HA ko'ágã, Che, Nefi, añe'ẽta umi profesiakuéra che ru oñe'ẽva'ekuére, José, Egipto-pe ojeguera-hava'ekue reheguáre.

2 Ha péina ápe, ha'e añetehápe oprofetisava'ekue opa umi inemoñare rehe. Ha ndahetái ambue profesiakuéra tuichavéva, umi ha'e ohaiva'ekuegui. Ha ha'e oprofetisa ñanderehe, ha umi ñane ñemoñare'aty outava rehe; ha ko'áva ojehai umi pláncha bronze-guigua ári.

3 Upévare, che ru oñe'ẽmba rire José profesiakuérare, ha'e ohenói Lamán rogaguakuérape, ta'yrakuéra, ha tajyakuérape, ha he'i chupekuéra: Péina ápe, che ra'ykuéra, ha che rajykuéra, peẽ ha'éva che ra'y ypykue ra'y ha tajyakuéra, aipota pehendu che ñe'ẽnguéra.

4 Tupã Ñandejára he'ígui: Penene'ẽrendu aja che rembiapoukapykuérare peñakārapu'ãta ko tetãme; ha napeneñe'ẽrendúiramo che rembiapoukapykuérare peñemosẽta che renondégui.

5 Ha péina ápe, che ra'y ha che rajykuéra, ndaikatúí aguejy che ñeñotýháme aheja mboyve pende ári peteĩ jhovasa; ha péina ápe, che aikuaa peñemoarandúramo

pe tape peguatava'erãme ndapejeimo'ãiha chugui.

6 Upévare, peñemoñe'ẽngáiramo, péina ápe, aheja che jhovasa pende ári, ojepe'a ha'gua pendehegui upe ñe'ẽngái ha to'a pende rukuéra akã ári.

7 Upévare, che jhovasa rupi Tupã Ñandejára ndohejamo'ái pemano; upévare, ha'e pende poriahuverekóta peẽme ha pene ñemoñarépe tapiiaite peve.

8 Ha ojehu che ru oñe'ẽmba rire Lamán ra'y ha rajykuérape, ogueruka henondépe Lemuel ra'y ha rajykuérape.

9 Ha oñe'ẽ chupekuéra, he'ívo: Péina ápe, che ra'y ha che rajykuéra, peẽ ha'éva che ra'y mokõilha ra'y ha rajykuéra; péina ápe aheja avei peẽme jhovasa ahejava'ekue Lamán ra'y ha rajykuérape; upévare, napeñehundipamo'ái; ha katu ipahápe pene ñemoñarekuéra ojehovasáta.

10 Ha ojehu che ru oñe'ẽmba rire chupekuéra, péina ápe, oñe'ẽ Ismael ra'ykuérape, heẽ, ha opavave hogaguápe.

11 Ha oñe'ẽmba rire chupekuéra, ha'e oñe'ẽ Sam-pe, he'ívo: Rejehovasapyréva nde, ha ne ñemoñare; rehupytytagui upe tetã nde joyke'y Nefi-cha. Ha ne ñemoñare ojeipapáta inemoñare ndive; ha nde ha'éta nde joyke'yicha, ha ne ñemoñare ha'éta inemoñaréicha; ha nde rejehovasáta opa nde ára pukukue aja.

12 Ha ojehu che ru, Lehi, oñe'ẽmba rire hogaguakuérape, pe ikorasõme oñanduháicha ha pe

Ñandejára Espiritu oīva ipype rupi, ha'e ituja. Ha ojeheu omano, ha oñeñotỹ.

13 Ha ojeheu ndahetái ára omano rire, Lamán ha Lemuel ha Ismael ra'ykuéra ipochy chendive umi Ñandejára rekombo'e rehe.

14 Ha che, Nefi, ahecha teko-tevéha añe'ẽ chupekuéra, pe ñe'ẽme he'iháicha; ha che añe'ẽkuri heta mba'e chupekuéra, ha avei che ru, omano mboyve; ha heta umi mba'e ro'eva'ekue ojehai ambue che pláncha ári; hetave tembiasakue ojehaígui umi ambue che pláncha ári.

15 Ha ko'áva ári ahai umi mba'e che ángapegua, ha heta umi escritura ojehaíva umi pláncha bronce-guigua ári. Che ánga horýgui escritura-kuérape, ha che korasõ tuicha ojepy'amongeta hesekuéra, ha ahai che ra'ykuéra tekombo'e ha mba'e porārã.

16 Péina ápe, che ánga hory Ñandejára mba'ekuérape; ha che korasõ ojepy'amongeta meme umi mba'e ahecha ha ahenduva'ekuére.

17 Upevére, jepeve tuicha Ñandejára py'aporã, ohechaukápe chéve hembiaapo guasu ha techapyrãva, che korasõ he'iasy: O kuimba'e poriahu niko che! Heẽ, che korasõ oñembyasy che rete rupi; che ánga ojejopy che rembiapovaikuére.

18 Ojere cherehe, umi py'ara'ã ha angaipa ndahasyietéva cheahoi haña.

19 Ha avy'aséramo, che korasõ ipyahẽ umi che angaipa rehe;

upevére, che aikuaa mávarepa ajerovia.

20 Ñandejára ha'ékuri che jokoha; ha'e cheisãmyhy umi che jeiko'asy pa'ũme tave'yre; ha ha'e cheñongatu yguasukuéra pypykuete ári.

21 Ha'e chemyenyhẽ imborayhúpe, omboypi peve che ro'o.

22 Ha'e omoapañuãikuri cherayhu'yvape, omboryryi peve chupekuéra cherenondépe.

23 Péina ápe, ha'e ohendu che jerure'asy arakue aja, ha ome'ẽ chéve techaukápe kuaapy pyharekue aja.

24 Ha arakue aja oñemombaretékuri che jerovia ñembo'e mbaretépe henondépe; heẽ, ahupíkuri che ñe'ẽ yvatete; ha oguejy angelkuéra ha cheministra.

25 Ha che rete ojegeraha Ijespíritu pepóre vyty yvatete peve. Ha che resa ohecha mba'e tuicháva, heẽ, tuichaitereíva yvypórape ñuarã; upévare oje'e chéve ani haña ahai umíva.

26 Upéicharamo, ahecha rire mba'e tuichaitéva, ha Ñandejára imborayhúpe yvyporakuéra ra'yre ou rire hendapekuéra hetaité poriahuvereko reheve, mba'érehe piko haséva'erã che korasõ ha opyta che ánga pe vy'a'y vyty pa'ũme, ha che ro'o ojehekýi, ha che mbarete ikangy, che jeiko'asykuérare?

27 Ha mba'ére piko añeme'éta angaipápe, che ro'o rupi? Heẽ, ha mba'ére piko añeme'éta umi py'ara'ãme, pe aña oñemohenda haña che korasõme ohundi

hağua che py'aguapy ha ojopy hağua che ánga? Mba'ére piko chepochy che rayhu'yvare?

28 Epáy, che ánga! Ani re'ave angaipápe. Evy'a, O che korasõ, ha anive eme'ẽ hendağua che ánga ohayhu'yvape.

29 Anive ndepochy che rayhu'yvare. Anive remokangy che mbarete che jeiko'asyre.

30 Evy'a, O che korasõ, ha ejerure'asy Ñandejárape, ha ere: O Ñandejára, roguerohorýta akoiete peve; heẽ, che ánga ovy'áta nderehe, che Tupã, ha che salvasiõ rróka.

31 O Ñandejára, rerredimítapa che ánga? Cheipe'átapa che rayhu'yva pógui? Chemboryrýtapa ou vove angaipa?

32 Toñemboty meme añaretã rokẽ che renondépe, oñembyasygui che korasõ ha imirí che ánga! O Ñandejára, ani remboty nde rekojoja rokẽ che renondépe, ikatu hağuaicha aiko pe vytytãũ rape kirirí rupi, aguata hağua pe tape ikare'yvare.

33 O Ñandejára, cheañuã pe nde rekojoja ahójápe! O Ñandejára, embosako'i peteĩ tape ajei hağua che rayhu'yvakuéragui! Embojoja che rape che renondépe! Aníkena emoĩ ñepysangaha che renondépe—ha katu emyesakã che rape che renondépe, ha ani rejoko che rape, ha katu ejoko che rayhu'yva rape.

34 O Ñandejára, nderehe ajerovia, ha nderehe ajeroviáta tapiate peve. Namoi'mo'ãi che jerovia tekove jyvare; aikuaágui

iñe'engaiha omoiva ijerovia tekove jyvare. Heẽ, taiñe'engái pe omoiva ijerovia yvypórare téra pe ojapóva to'ógui ijyvarã.

35 Heẽ, aikuaa Tupã ome'ětaha ome'ěseháicha ojeruvérape. Heẽ, che Tupã ome'éta chéve, ndajerureivairáramo; upévare amopu'áta ndéve che ñe'ẽ; heẽ, ajerure'asyta ndéve, che Tupã, che rekojoja rróka. Péina ápe, che ñe'ẽ ojupíta tapiate nerendápe, che rróka ha che Tupã Opave'yva. Amén.

ÑEMBYATY 5

Nefita-kuéra ojei Lamanita-kuéragui, oñongatu Moisés léi, ha omopu'ã hikuái peteĩ témplo—Ijerovia'y rupi, Lamanita-kuéra oñemosẽ Ñandejára renondégui, oñemoñe'engái chupekuéra, ha oiko chuguikuéra Nefitakuérape ġuarã tukumbo. 588–559 ary rupi Cristo mbojve.

PÉINA ápe, ojehu che, Nefi, heta ajerure'asy Ñandejára che Tupãme, che joyke'ykuéra pochy rupi.

2 Ha péina ápe, ipochyve hikuái chendive, oipe'ase peve hikuái chehegui che rekove.

3 Heẽ, okaguai hikuái cherehe, he'ívo: Ñande joyke'y ipahaguéva ñaneisãmyhyse; ha hese rupi heta jajepy'apy; upévare, ko áğa jajuka chupe, anive hağua jaiko'asy iñe'enguéra rupi. Ha péina ápe, ndajaguerekomo'ãi chupe sãmyhyháraramo; ñande niko, ha'éva ijyke'y ijykykuéva,

ñaisāmbyhyvá'erā kóva ko tavayguakuéra ári.

4 Ha ko'áña ndahaipái ko'ã pláncha ári opa mba'e okaguai-va'ekue hikuái cherehe. Ha katu iporãntema chéve ha'e, oipe'asehague hikuái chehegui che rekove.

5 Ha ojehu Ñandejára cheñatõi, che, Nefi-pe, ajei haḡua chugui-kuéra ha akañy haḡua pe tave'ỹme, ha opa umi chemoirúséva ndive.

6 Upévore, ojehu che, Nefi, ajagarra che rogaguakuérape, ha avei Zoram ha hogaguakuéra, ha Sam, che joyke'y ypykuéva ha hogaguakuéra, ha Jacob ha José, che joyke'y imitávéva, ha avei che reindykuéra, ha opa umi ohoséva chendivépe. Ha opa umi ohoséva chendive ha'e umi ogueroviáva Tupã momarandu ha rrevelasiõnguéra; upévore, ohendu hikuái che ñe'ẽ.

7 Ha rogueraha ore ogaakuéra ha opa mba'e ikatumíva, ha roguata rohóvo pe tave'ỹre heta ára pukukue aja. Ha roguata rire heta ára pukukue aja romoĩ ore rogaaokuéra.

8 Ha che tavayguakuéra omboherase upe tendápe Nefi; upévore, rombohéra Nefi.

9 Ha mayma umi oĩva chendive oñembohéra Nefi tavayguakuéra.

10 Ha roñeha'ã oreñe'ẽrendu umi Ñandejára huísio, ha rembipota, ha rembiapoukapýre opa mba'épe, pe Moisés léipe he'iháicha.

11 Ha Ñandejára oĩ orendive; ha tuicha roñakãrapu'ã; roñotýgui yva'a, ha heta romono'õ ore ñemitýnguégui. Ha roñepyrũ romongakuaa mymba atýra, ha opáichagua mymba.

12 Ha che, Nefi, aguerúkuri avei umi kuatiajehaipyre ojehaíva umi pláncha bronze-guigua ári; ha avei pe esfera, térã pe brújula, Ñandejára po ombosako'iva'ekue che rúpe ḡuarã, upe ojehaiva'e-kuépe oĩháicha.

13 Ha ojehu roñepyrũ tuichaiterei roñakãrapu'ã, ha roñemoña upe tetãme.

14 Ha che, Nefi, ajagarra pe Labán kysepuku, ha ajapo heta kysepuku opaichaguáva, ani haḡua umi tavayguakuéra ko'áña hérava lamanita-kuéra ho'a mba'e ore ári ha orerundi; che aikuaágui ijehayhu'ỹkuéra cherehe ha che ra'ykuéare ha umi ojeheróva che tavayguakuéraramo.

15 Ha ambo'e che tavayguakuérape omopu'ã haḡua ogaguasu, ha omba'apo haḡua opáichagua yvyra rehe, ha iérro, ha cobre, ha aséro, ha óro, ha pláta ha umi mineral iporãitereívare, oĩva hetaiterei.

16 Ha che, Nefi, amopu'ã peteĩ témplo; ha ajapo pe Salomón témploicha ha katu noñemopu'ãinte hetaiterei mineral iporãvagui; ndaipórigui umíva upe tetãme, upévore, ndaikatúi ojejapo pe Salomón témploichaite. Ha katu pe iñemopu'áháicha ojogua Salomón témplope; ha pe hembiaipo iporãiterei.

17 Ha ojehu che, Nefi, amomba'apo umi che tavayguakuérape, ha omba'apo hikuái ipópe.

18 Ha ojehu ha'ekuéra chemoise irréiramo. Ha katu che, Nefi, ndaipotáí oguereko hikuái rréi; upevére, ajapo hesekuéra opa che pu'akaháicha.

19 Ha péina ápe, Ñandejára ñe'ẽ oñekumpli che joyke'ykuéra ndive, oñe'ẽva'ekue hesekuéra, che ha'etaha isãmbyhyha ha imbo'ehára. Upévore, che ha'ékuri isãmbyhyha ha imbo'ehára, pe Ñandejára rembiapoukapykuérape oiháicha, oġuahẽ mevéra oipe'asehague hikuái chehegui che rekove.

20 Upévore, oñekumpli pe ñe'ẽ Ñandejára he'iva'ekue chéve, he'ívo: Ha'ekuéra nohenduséi haguére ne ñe'ẽ ojeipe'áta Ñandejára renondégui. Ha péina ápe, ojeipe'a chupekuéra henondégui.

21 Ha ha'e oitýkuri pe ñe'engái hi'arikuéra, heẽ, peteĩ ñe'engái ipohýiva, hekovai haguére hikuái. Ha péina ápe, omohatã hikuái hese ikorasõkuéra, ha upévore oiko chuguikuéra peteĩ mba'e hatãitereíva; upévore, imorotĩgui, ha iporãitereĩgui, jaipota haġuáicha, ha ani haġua che tavayguakuéra oipota chupekuéra Tupã Ñandejára omohũ ipirekuéra.

22 Ha upéicha he'i Tupã Ñandejára: Ahejáta taija'e'y hesekuéra nde tavayguakuéra, noñearrepentíriramo hikuái hembiapovaikuéragui.

23 Ha oñemoñe'engáita pe ñemoñare ojehe'áva iñemoñarekuérare; oñemoñe'engáitagui chupekuéra upeichaguaite ñe'ẽngái reheve. Ha Ñandejára oñe'ẽ, ha upéicha ojejapókuri.

24 Ha upe iñe'engái ouva'ekue hi'arikuéra rupi oiko chuguikuéra peteĩ tavaygua ate'y, henyhëva aña ha katupyrygui, ha oheka hikuái pe tave'y me mymba saite ojuka haġua.

25 Ha Tupã Ñandejára he'i chéve: Ha'éta hikuái peteĩ tukumbo ne ñemoñarekuérape, omokyre'y haġua chupekuéra imandu'a haġua cherehe; ha naimandu'áiramo hikuái cherehe, ha nohendúiramo hikuái che ñe'enguéra, ha'ekuéra ohaviráta chupekuéra oñehundipa peve.

26 Ha ojehu che, Nefi, akonsagra Jacob ha José-pe, ha'e haġua hikuái sacerdote ha mbo'ehára che tavayguakuéra retã ári.

27 Ha ojehu roiko vy'ápe.

28 Ha ohasámakuri 30 ary rosẽ rire Jerusalén-gui.

29 Ha che, Nefi, ahaiva'ekue upe peve che tavayguakuéra kuationjehaipyre che planchakuéra ári, umi che ajapova'ekue.

30 Ha ojehu Tupã Ñandejára he'i chéve: Ejapo ambue planchakuéra; ha ehaíta hi'ári heta mba'e iporãva che resápe ġuarã, ojapo porã haġua nde tavayguakuérare.

31 Upévore, che, Nefi, cheñe'ẽrendu haġua Ñandejára rembiapoukapykuérare, aha ha

ajapo ko'ã planchakuéra ha hi'ári ahaíkuri ko'ã mba'e.

32 Ha ahai pe Ñandejára oguerohorýva. Ha che tavayguakuéra oguerohorýramo umi Tupã mba'e avei oguerohorýta ko'ã che jehaipyre oíva ko'ã planchakuéra ári.

33 Ha che tavayguakuéra oikuaasevéramo pe che tavayguakuéra rembiasakuégui ohekava'erã umi ambue che plánchape.

34 Ha iporãntema chéve ha'e ohasahague 40 ary, ha roguerekómakuri ñorairõguasú ha joavy ore joyke'ykuéra ndive.

ÑEMBYATY 6

Jacob omombe'u judio-kuéra rembiasakue: judio-kuéra ñeñapytĩmby Babilonia-pe ha ijeju jey; Israel-pegua Imarangatúva ministério ha ijejuka kurusúre; pe pytyvõ ogehupytýva gentil-kuérargui; ha pe judio-kuéra ñemoĩjey upe ára pahápe oguerovia vove hikuái pe Mesías-pe. 559–545 ary rupi Cristo mbojve.

UMI Jacob, Nefi joyke'y ñe'ënguéra, oñe'ëva'ekue Nefi tavayguakúrape:

2 Péina ápe, che joyke'ykuéra ahayhuetéva, che, Jacob, añeheñoiva'ekue Tupãre, ha añeordena pe hi'órden marangatu rupive, ha añekonsagra'ekue che joyke'y Nefi-re, pehecháva penderréi ha ñangarekoháramo, ha peime haña kyhyje'yme, péina

ápe peikuaa añe'ëhague peñme hetaiterei mba'e.

3 Upevére, añe'ë jey peñme; aipotágui pene ánga ñeimeporã. Heë, tuicha che jepy'apy penderrehe; ha peë peikuaa upeichahague tapiate. Ha che añemoñe'ë peñme opa jesareko reheve; ha pombo'e che ru ñe'ënguéra; ha añe'ëkuri peñme opa mba'e ojehaiva'ekuere, pe yvóra ojejapo ppy guive.

4 Ha ko'ágã, péina ápe, añe'ëse peñme umi mba'e ha'évare, ha umi oútava rehe; upévare, amoñe'ëta peñme Isaías ñe'ënguéra. Ha ha'e umi ñe'ënguéra che joyke'y oipotava'ekue añe'ë peñme. Ha añe'ë peñme peime porã haña, peikuaa ha pemomorã haña pende Tupã réra.

5 Ha ko'ágã, umi ñe'ë amoñe'ëtava peñme ha'e umi Isaías oñe'ëva'ekue opa Israel róga rehe; upévare, ikatu oñemoĩ penderrehe, peë ha'égui Israel rogagua. Ha oĩ heta mba'e Isaías oñe'ëva'ekue ikatúva ojeipuru penderrehe, peë ha'égui Israel rogagua.

6 Ha ko'ágã, ko'áva ha'e umi ñe'ënguéra: Péicha he'i Tupã Ñandejára: Péina ápe, che ahupíta che po gentil-kuérape, ha amopu'ãta che aoveve tavayguakúrape; ha ha'ekuéra oguerúta nde ra'ykuérape ijyva ári, ha nde rajykuéra ojegueraháta ijati'y ári.

7 Ha reikuéra nemongakuaáta, ha irreinakuéra nemboherakuáta; ha'ekuéra oñesúta nerenondépe

hova yvy gotyo, ha oheréita hikuái nde py yvytimbo; ha nde reikuaáta che ha'eha Ñandejára; ha umi chera'aröva noñemotimo'ái.

8 Ha ko'ága che, Jacob, añe'ése peteĩ mba'e ko'ã ñe'enguera rehe. Ha péina ápe, Ñandejára ohechauka chéve umi oíva'ekue Jerusalén-pe, ñande jajuhaguégui, oñehundipa ha ojeguerahapa ñeñapytĩmbýpe.

9 Upevére, Ñandejára ohechauka chéve ou jeytaha hikuái. Ha avei ohechauka chéve Tupã Ñandejára, pe Israel-pegua Imarangatúva, ojehechaukataha chupekuéra hetépe oí aja; ha upéi ojehechauka rire chupekuéra ohaviráta ha ojukáta hikuái chupe kurusúre, pe ángel oñe'ëva'ekue chéve ñe'ë he'iháicha.

10 Ha upéi omohatã rire hikuái ikorasökuéra ha omohatã rire ijajúra pe Israel-pegua Imarangatúva rehe, péina ápe, pe Israel-pegua Imarangatúva huisiokuéra oúta hi'arikuéra. Ha hi'agui ára ojeipy'ajopýta ha oñembohasa'asytaha chupekuéra.

11 Upévore, ojegueraha rire chupekuéra ko'ápe ha pépe gotyo, upéicha he'ígui pe ángel, hetápe oñemoingo'asyta ho'ópe, ha ndojehejamo'ái ohasa'asy hikuái omano meve, umi ijeroviareková ñembo'ekuéra rupi; ha oñemosarambíta, ha ojeipy'ajopýta, ha ndojehayhumo'ái chupekuéra; upevére, Ñandejára oiporiahuverekóta chupekuéra, ikatu haḡuaícha oikuaa vove hikuái

pe Irredentörpe, oñembyaty jey chupekuéra ijyvy jehejapyrépe.

12 Ha ojehovasapyréva gentil-kuéra, umi ohaiva'ekuere upe proféta; ha péina ápe, oñearrepentíramo hikuái ha noñorairöiramo Sión ndive, ha ndojehe'áiramo hikuái pe tupao tuicha ha ijeja'e'yvéva rehe, ojesalváta hikuái; Tupã Ñandejára okumplítagui umi konvénio ojapova'ekue ita'yraquerape; ha upévore upe proféta ohaiva'ekue ko'ã mba'e.

13 Upévore, umi oñorairöva Sión ndive ha pe Ñandejára konvénio tavayguakuéra ndive oheréita ipy yvytimbo; ha pe Ñandejára tavayguakuéra noñemotimo'ái. Ñandejára tavayguakuéra niko ha'e umi oha'aröva chupe; ha oha'arö gueteri hikuái pe Mesías jeju.

14 Ha péina ápe, upe proféta ñe'ëme he'iháicha, pe Mesías oguerujéyta chupekuéra moköiha ára aja; upévore, ha'e ojehechaukata chupekuéra tuicha pu'aka ha mimbipápe, ohundipa peve umi ohayhu'yvape chupekuéra, oḡuahẽ vove ára ojeroviaha hese; ha noñehundimo'ái avave hese ojeroviáva.

15 Ha umi ndojeroiviáva hese oñehundíta, jepe tata rupive, ha ára pochy rupi, ha yvy ryríi rupi, ha tuguy ñeñoñe rupi, ha mba'asy vai rupi, ha ñembyahýi rupi. Ha oikuaáta hikuái Ñandejára ha'eha Tupã, pe Israel-pegua Imarangatúva.

16 Ojeipe'áta piko hi'upy

pe ipu'akapávagui, térã oje-joráta piko umi hendaitépe oñeñapytíva'ekue?

17 Ha katu péicha he'í Ñandejára: Jepeve umi oñeñapytíva ojeipe'áta umi ipu'akapávagui, ha pe oporojopývagui ojeipe'áta hi'upy; ha katu pe Tupã Ipu'akapáva ojeoráta upe ikonvéniotavayguakuéra. Péicha he'ígui Ñandejára: Che añorairõta umi nendive oñorairõva ndive—

18 Ha umi ndejopývape ha'ukáta ho'ó tee; ha hugúype oñemonga'úta vinoramoguáicha; ha opavave tekove oikuaáta che, Ñandejára, ha'eha nde Salvador, ha ne Rredentor, Pe Ipu'akapáva Jacob rehegua.

ÑEMBYATY 7

Isaías oñe'ẽ pe Mesías ñe'ẽme—Pe Mesías oguerékóta iñarandúva kũ—Ome'ẽta ilómo inupãhárpe—Noñemoapañuamo'ãi—Pembojoja Isaías 50 rehe. 559–545 ary rupi Cristo mboyve.

HEË, ko'áva he'í pe Ñandejára: Roheja rei piko ra'e che, térã piko romosẽ che ykéregui tapiaite peve? Ha péicha he'í Ñandejára: Moõ piko oime pe kuatia nde sy ñemendajepoi rehegua? Mávape piko roheja rei, térã máva chembodevehápe piko rome'ẽ? Heẽ, mávape piko rome'ẽ? Péina ápe, pene rembiapovaikuére pejehepyme'ẽ, ha pene rembiapovaíre pende sy oñemboyke.

2 Upévare, ajúramoguare, ndaiporiva'ekue avave; ahe-noíramoguare, ndaipóri avave ombohováiva. O Israel róga, oñemombyky piko che po ndaikatúí hağua rorredimi, térã ndaguerekói piko che pu'aka poromosáso hağua? Péina ápe, che jeja'ópe ambohupa pe yguasu, amoí hi'ysyrykuéra tave'yicha ha ipirakuéra hyakuãvaipa umi y hypágui, ha omano hikuái y'uhéigui.

3 Amonde ppytũgui yvagakuéra, ha cilíciogui ajapo ijahoja.

4 Tupã Ñandejára ome'eva'ekue chéve iñaranduvakuéra kũ, ikatu hağuaícha aikuaa mba'éichapa añe'eva'erã ndéve ára porãme, O Israel róga. Nekane'õramo ha'e oñangareko ko'ẽ ko'ẽre. Ha'e che apysape'a ahendu hağua umi iñarandúvaicha.

5 Tupã Ñandejára che apysape'a, ha napu'ái hese, ni ndaguevíri.

6 Ame'ẽ che lómo oporoinupávape, ha che rova umi rendyva oipe'avape. Nañomíri che rova pe ñemotí ha ñendyvúgui.

7 Tupã Ñandejára chepytyvõta, ha upéichagui nañemoapañuamo'ãi. Upévare amohatákuri che rova itáicha, ha aikuaa nañemotimo'ãiha.

8 Ha Ñandejára hi'ağui, ha chehustifika. Máva piko oñorairõta chendive? Ñañembo'y oñondivepa. Máva piko pe cherayhu'yva? Toja che ypýpe, ha che aipy'ajopýta chupe che juru mbaretépe.

9 Tupã Ñandejára chepytyvõ-tagui. Ha maymáva umi chekondenáva, péina ápe, opavave umíva itujáta ao oñemondévai-cha, ha umi yso'í ao' uha ho' upáta chupekuéra.

10 Máva piko oĩ pende apytépe Ñandejáragui okyhyjéva, iñe' èrendúva pe hembiguái ñe' ère, ha oikóva pytũmbýpe ha ndogue- rekóiva tesape?

11 Péina ápe, opavave peẽ pemyandýva tata, pembojeréva pende jehe tata piriri, peguata pende rata resapépe ha umi tata piriri pemyandyva' ekuépe. Kóva peguerekóta che pógui—peñe- nóta vy' a' ýme.

ÑEMBYATY 8

Ára pahakuérape, Ñandejára omoangapyhýta Sión-pe ha ombyatyta Israel-pe—Umi oñerredimíva oúta Sión-pe tuicha vy' a' pa' ùme—Pembojojáva'erã Isaías 51 ha 52:1–2 rehe. 559–545 ary rupi Cristo mboyo.

CHERENDÚKE, peẽ peguatáva tekojojápe. Pema' è pe ita peñeikyti haguégui, ha pe itaty peñegue- nohẽ haguégui.

2 Pema' è Abraham, pende ru, ha Sara, penemoheñoiva' ekuére; chupe añónte ahenoiwa' ekue, ha ahovasa chupe.

3 Ñandejára omoangapyhýta Sión-pe, omoangapyhýta opa henda nandi; ha ha' e ojapóta itave' ýgui Edéncha, ha itave' ý Ñandejára yvotyty'icha. Vy' a' ha

tory oíta upépe, aguyjeme' è ha mba' epu porã purahéi.

4 Cherendúke, che tavaygua- kuéra; ha pejapysaka cherehe, O che retã; chehegui niko osêta peteĩ léi, ha amoíta che hustisia ohesape haña che tavayguakuérape.

5 Hi' a'guíma che rekojoja; osêma che salvasiõ, ha che jyva ohusgáta che tavayguakuérape. Chéve chera' arõta umi isla-kuéra, ha che jyvare ojeroviáta hikuái.

6 Pehupi pende resa yvágare, ha pema' è yvyre iguýpe; umi yvága opa reíta tataticha, ha pe yvy itujáta aóicha; ha upéicha omanombáta umi oikóva ipype. Ha katu che salvasiõ ha' éta tapiaite ñuarã, ha che rekojoja ndopamo' ai.

7 Cherendúke, peẽ peikuaáva tekojoja, tavayguakuéra korasõ ahai haguépe che léi, ani peky- hyje yvypóra ñe' èreitygui, ha ani pekyhyje ijehéigui.

8 Upe yso'í ao' uha ho' úta chu- pekuéra aoramoguáicha, ha umi yso ho' úta chupekuéra lanara- moguáicha. Ha katu che reko- joja opytáta tapiaite peve, ha che salvasiõ ñemoñare' atýgui ñemoñare' atýpe.

9 Epáy, epáy! Eñemonde pu' aka reheve, O Ñandejára jyva; epáy ára ymaguaréicha. Ndaha' éi piko nde pe oikytyva' ekue Rahab-pe ha oikutuva' ekue upe dragón-pe?

10 Ndaha' éi piko nde rembo- hypava' ekue pe yguasu, umi y ipypukuetéva; rejapova' ekue pe yguasu ruguágui tape ohasa haña umi ojejorava' ekue?

11 Upévare, umi Ñandejára orredimiva'ekue ou jeýta, ha purahéipe oúta hikuái Sión-pe; ha vy'a ha marangatu opave'yva oíta iñakã arikuéra; ha ohupytyta hikuái vy'a ha tory; ha vy'a'y ha tasẽ oñaníta.

12 Che ha'e upéva; heẽ, che ha'e oporomoangapyhýva. Péina ápe, máva piko nde, rekyhyje haña yvypóragui, omanótava, ha pe yvypóra ra'ygui, oikótava chugui kapi'ipe?

13 Ha nderesarái Ñandejára nde apoharégui, oipysova'ekue yvagakuéra, ha omoíva'ekue pe yvy pyenda, ha rekyhyje meme opa ára, pe oporojopýva pochýgui, oĩramo oporohundi hañaicha? Ha moõ piko oime pe oporojopýva pochy?

14 Pe oñeñapytíva oñemosẽva'ekue ojavura, ojejora haña, ani haña omano pe ka'irãime, ha ani haña opa chugui imbujape.

15 Ha katu che ha'e Ñandejára nde Tupã, ypu'ã omoñarõva; Señor de los Ejércitos ha'e che réra.

16 Ha nde jurúpe amoĩkuri che ñe'ẽnguéra, ha che po ãme romo'ã, aipysu haña yvagakuéra ha amoĩ haña yvy pyenda, ha ha'e haña Sión-pe: Péina ápe, nde ha'e che tavaygua.

17 Epáy, epáy, epu'ã, O Jerusalén, nde rey'uva'ekue Ñandejára pógui pe ipochykue kópagui—rey'uva'ekue pe kópa jekyhyjégui huguaite peve.

18 Opavave imemby omoheñoiva'ekue apytégui ndaipóri

omboguatava'erã chupe; ni ojagarrava'erã chupe ipógui, opavave umi imemby omongakuaava'ekuégui.

19 Ndéve ou ko'ã mokõi memby, ha'ekuéra ombyasyta nderehe, ne ñemonandi ha ne ñehundi, ha pe ñembyahýi ha kysepuku—ha máva rupípa che romoangapyhýta?

20 Ne membykuéra ikangypa, ko'ã mokõi aňõnte katu nahániri; ojepyso hikuái opa tape akãme; tóro saitéicha peteĩ ñuhãme, ha'ekuéra henyhẽ Ñandejára pochýgui, pe nde Tupã jeja'ógui.

21 Upévare ehendu ko'ágã kóva, nde rejepy'apy, ha reka'úva, ha ndaha'úi vínope:

22 Péicha he'i nde Tupã, Ñandejára ha nde Tupã ojeruréva itavayguakuéra rehe; péina ápe, aipe'ákuri nde pógui pe kópa jekyhyjehágui, pe kópa rugua che pochy rehegua; nde neremboy'umo'ãvéima.

23 Ha katu amoíta umi ndejojýva pópe; umi he'iva'ekue ne ángape: Ejepyso yvýre torohasa hi'ári—ha nde remoíva'ekue nde rete ha'eramoguáicha yvy ha ha'eramoguáicha tape umi hi'ári ohasávape gñarã.

24 Epáy, epáy, emoĩ ne mbarrete, O Sión; emonde nde ao porãnguéra, O Jerusalén, táva marangatu; araka'eva ndoumo'ãvéima ndéve pe ipotí'yva ha hekoky'áva.

25 Ejetyvyro pe vytymbógui; epu'ã, ha eguapy, O Jerusalén;

epoi umi nde ajúra jokuahágui, O Sión membykuña oñeñapytíva.

NEMBYATY 9

Judio-kuéra oñembyatyta opa ijyvy ñe'ême'ënguême—Pe expiasiõ oi-pe'a yvypórape Je'águi—Umi omanova'ekue rete osêta yvy guýgui, ha ijepiritukuéra pe añaretã ha pe paraísogui—Ojehusgáta chupekuéra—Pe expiasiõ oporosalva ñemanógui, añaretã, aña, ha vy'a'y opave'yvagai—Umi hekojojáva ojesalváta Tupã rréinope—Oñemombe'u pe angaipa oguerúva—Pe Israel-pegua Imarangatúva ha'e pe okẽ ñangarekoha. 559-545 ary rupi Cristo mboyye.

HA ko'ága, che joyke'ykuéra ahayhuetéva, amoñe'ékuri ko'ã mba'e peikuaa haña umi Ñandejára konvénio ha'e ojapova'ekue opa Israel róga ndive—

2 Ha'e he'iva'ekue judio-kuérape, iprofetakuéra imarangatúva juru rupi, jepeve iñepyrũmbyguive, ñemoñare'atýgui ñemoñare'atýpe, oñuahẽ meve ára oñemoĩ jeyha chupekuéra pe tupao añeteguáva ha Tupã rredílpe; oñembyaty vove chupekuéra ijyvy jehejapyrépe, ha oñemoĩ vove chupekuéra opa umi ijyvy ñe'ême'ënguême.

3 Péina ápe, che joyke'ykuéra ahayhuetéva, aña'ẽ peẽme ko'ã mba'e pevy'a haña, ha pemopu'ã haña pene akã tapiáite peve, umi jehovasa Tupã Ñandejára

oñohêtava pende ra'ykuéra ári rupi.

4 Aikuaágui heta pehesa'yijohague, heta pende apytépe, peikuaa haña umi mba'e oútavagui; upévare che aikuaa peẽ peikuaaha ñande ro'o oñehundi ha omanova'eraha; upevére, ñande retépe jahecháta Tupãme.

5 Heẽ, che aikuaa peẽ peikuaaha ha'e ojehechaukataha hetépe umi Jerusalén-guávape, mamojaju haguégui; oĩ porágui taha'e ijapytepekuéra; tekotevẽgui pe Apohare guasu oñeme'ẽ ijupe ho'ópe yvypórape, ha omano opavave yvypóra rehe, opa yvypóra ojejoko haña hese.

6 Pe ñemano ohasa haguéicha opa yvypóra ári, oñekumpli haña pe Apohare guasu plan poriahuvereko rehegua, oñeikotevẽ avei toĩ peteĩ pu'aka jeikovejeyrã, ha jeikovejey ouva'erã yvypórape pe je'a rupi; ha je'a oúkuri tembiapovai rupi; ha ho'a haguére yvypóra oñemosẽ Ñandejára renondégui.

7 Upévare, oñeikotevẽ peteĩ expiasiõ opave'yva—ndaha'éirire peteĩ expiasiõ opave'yvare ko ñembyaipa ndaikatumo'áikuri ojere ñembyaipa'yme. Upévare, upe peteĩha huísio ouva'ekue yvypóra ári opytava'erãmo'ã tapiáite peve. Ha upéicharõ, kóva ko to'o oguejyva'erãmo'ã ituju ha oñembyaipa haña isy yvýpe, opu'ãve'y haña.

8 O ko Tupã arandu, iporiahuvereko ha igrásia! Péina ápe, pe to'o opu'ãve'yirire ñande

espiritukuéra oíva'erāmo'ã pe ángel ho'ava'ekue Tupã Opave'yva renondégui poguýpe, ha oikova'ekue chugui aña, anivéma hağua opu'ã.

9 Ha ñande espíritu ha'eva'erāmo'ã ha'éicha, ha ñande ha'eva'erāmo'ã aña, aña angelkuéra, jajeipe'a hağua ñande Tupã renondégui, ha japyta hağua umi japu túva ndive, teko'asýpe, ha'éicha; heẽ, pe tekove ombotavy ppyva'ekue ñande rukuérape, oñemoíva ha'eramoguáicha peteí ángel ohesapéva, ha omokyre'yva yvyporakuéra ra'yype mba'evai ñemípe jejukarã ha opáichagua tembiapo ñemi pytũmbyguápe.

10 O tuichaite piko pe ñande Tupã py'aporã, ombosako'íva peteí tape ñakañy hağua ko tekove vai poguýgui; heẽ, pe tekove vai, ñemano ha añaretã, ambohérava tete ñemano, ha avei espíritu ñemano.

11 Ha pe ñande Tupã jejora rupi, pe Israel-pegua Imarangatúva, kóva ko ñemano, aña'ẽ haguékuri, ha'éva tete ñemano, ome'ëta he'õnguekuéra; ha kóva ko ñemano ha'e pe ñeñotýha.

12 Ha kóva ko ñemano aña'ẽhague, ha'éva pe espíritu ñemano, ome'ëta he'õnguekuéra; ha kóva ko espíritu ñemano ha'e añaretã; upéva, pe ñemano ha añaretã ome'ëva'erã he'õnguekuéra, ha pe añaretã ome'ëva'erã ijepiritukuéra oíva ñeñapytĩmbýpe, ha pe ñeñotýha ome'ëva'erã hetekuéra oíva ñeñapytĩmbýpe, ha umi yvypóra rete ha espiritukuéra

oñemoíjeýta peteíva ambuéva ndive; ha oikóta pe Israel-pegua Imarangatúva jeikovejey pu'aka rupive.

13 O tuichaite piko pe ñande Tupã rape! Ha katu ambuéicha, pe Tupã paraíso ome'ëva'erã umi hekojojáva espiritukuéra, ha pe ñeñotýha ome'ëva'erã umi hekojojáva rete; ha pe espíritu ha pe tete oñemoíjey oñondive, ha opavave yvypóra opyta oñembyai'y hağuaícha, ha omanove'yymava, ha ha'e ánga oikovéva, ha oguereko hikuái ñandéicha peteí jeikuaa porã ñande retepe, ha katu pe ñande jeikuaapy iporãmbáta.

14 Upéva, jaikuaa porãta opa ñane rembiapovaikuéra, ha ñande rekoky'a, ha ñande rete opívogui; ha umi hekojojáva oikuaa porãta ivy'a, ha hekojojágui, ha oñemondéta hikuái potí reheve, heẽ, jepe upe tekojoja ahojápe.

15 Ha ojuhúta opavave yvypóra ohasa vove kóva ko ñemano peteíhágui jeikovépe, ha upéicha oiko rire chuguikuéra omanove'yymava, ohova'erã hikuái Israel-pegua Imarangatúva trivunal renondépe; ha upépe outa pe huísio, ha upéi ojuhugava'erã chupekuéra pe Tupã imarangatúva huísio rupive.

16 Ha añetehápe Ñandejára oikoveháicha, Tupã Ñandejára he'ígui, ha ha'e pe iñe'ẽ opave'yva, ndaikatúiva opa rei, umi hekojojáva hekojojáta gueteri, ha umi icy'áva icy'áta gueteri; upéva, umi icy'áva ha'e pe

aña ha hi'angelkuéra; ha ohóta hikuái pe tata opave'ývape, oñembosako'iva'ekue chupekuéra ġuarã; ha pe ijehasa'asykuéra ha'e peteĩ lágo tata ha asufreguiguáva, hata opu'áva tapiaite, ha opave'ýva.

17 O pe ñande Tupã teko marangatu ha hustisia! Ha'e ojaropogui opaite iñe'ënguéra, ha umíva osëva'ekue ijurúgui, ha pe iléi oñekumpliva'erã.

18 Ha péina ápe, umi hekojojáva, umi Israel-pegua Imarangatúva marangatu, umi ojeroviava'ekue pe Israel-pegua Imarangatúva rehe, umi ogueropu'akava'ekue yvóra kurusukuéra, ha ojarova'ekue mba'éverõ umi iñembohory, ko'áva ohupytyta pe Tupã rréino, oñembosako'iva'ekue chupekuéra ġuarã ojejapo ypy guive yvy, ha ivy'apavẽ henyhêta tapiaite peve.

19 O tuichaite piko pe ñande Tupã poriahuvereko, pe Israel-pegua Imarangatúva! Ha'e niko omosãso imarangatúvape añágui pe tekove ivaietéva, ha ñemano, ha añaretã, ha pe lágo tata ha asúfregui, ha'éva jehasa'asy opave'ýva.

20 O tuichaite piko pe ñande Tupã marangatu! Ha'e niko oikuaapa opa mba'e, ha ndoikói mba'eva ha'e oikuaa'ýre.

21 Ha ha'e ou yvórape osalva haġua opa yvyporakuérape ko'áva ohendúramo iñe'ë; ha péina ápe, ha'e oñandu opa yvypóra mba'e'asy, heë, opa tekove oikovéva mba'e'asy, upéicha

kuimba'e, kuña, ha mitã, ha'éva Adán rogaygua.

22 Ha ha'e ohasa'asy ko'ã mba'e ikatu haġuaicha pe jeikovejey oġuahẽ opavave yvypórape, opavave oñembo'y haġua henondépe pe huísio guasu árape.

23 Ha ha'e he'i opa yvypórape oñearrepentiva'erãha, ha oñemongarai hérape, ha toguereko jerovia porã Israel-pegua Imarangatúvare, ýramo ndaikatumo'ái ojesalva hikuái pe Tupã rréinope.

24 Ha noñearrepentíriramo hikuái, ha ndojeroviáiramo hérare, ha noñemongaraíriramo hérape, ha noñeha'áiramo hikuái ipahaite peve, oñekondenava'erã chupekuéra; ha katu pe Tupã Ñandejára, pe Israel-pegua Imarangatúva, he'imakuri.

25 Upévare, ha'e ome'éva'ekue peteĩ léi; ha noñeme'ëihápe mba'évéichagua léi ndaipóri jehavira; ha ndaiporihápe jehavira ndaipóri kondensasiõ; ha ndaiporihápe kondensasiõ pe Israel-pegua Imarangatúva poriahuvereko ikatukuaa ojerure hesekuéra pe expiasiõ rupive; oñemosásogui chupekuéra pe ipu'aka rupive.

26 Ha pe expiasiõ niko ome'ëmba pe ihustisia ojeruréva opa umi noñeme'ëiva'ekuépe upe léi, ha upéicha oñemosãso chupekuéra pe tekove vaietégui, ñemano, añaretã, ha añágui, ha pe lágo tata ha asúfregui, ha'éva peteĩ jehasa'asy opave'ýva; ha oñemojey hikuái

Tupã ome'êva'ekuépe chupekuéra ipytu, ha'éva Israel-pegua Imarangatúva.

27 Ha katu ái pe oñeme'êva'ekuépe umi léi, heẽ, oguerkopáva opa Tupã rembiapoukapy, ñandéicha, ha naiñe'ërendúiva, ha ohundipareíva umi hí'ára ojepy'aráha, pe ñeime ivaietereígui!

28 O pe ivaietéva aña rape! O umi jejapo rei, ha umi tekokangy, ha umi yvypóra rekotavy! Oikuaamíramo oimo'ã ñarandu, ha nohendúí hikuái pe Tupã ñemoñe'ë, mba'ëve'yroguaícha chupekuéra, oimo'ãgui hikuái oikuaa ijehegui, upévore, pe ñarandukuéra ha'e tavy ha ndaha'emo'ái chupekuéra mba'everã. Ha omanóta hikuái.

29 Ha katu iporã niko ojegue-reko arandu ñe'ërendúramo hikuái Tupã ñemoñe'ënguéra rehe.

30 Ha ái umi ipirapire hetávagui, umi ipirapire hetáva mba'e yvoraguávape. Ipirapire hetágui ndaija'etí hikuái umi imboriahúvare, ha omuña umi imarangatúvape, ha ikorasõkuéra omoĩ pe imba'ehepykuérape; upévore, pe imba'ehepy ha'e itupã. Ha péina ápe, pe imba'ehepykuéra omanóta avei hendivekuéra.

31 Ái umi ohendu'yva nohenduséigui; omanótagui.

32 Ái umi ndohecháiva ndohechaséigui; omanótagui avei.

33 Ái umi ipotí'yva ikorasõme, pe hembiaapovaikuéra jeikuaa oikutútagui chupekuéra pe ára pahápe.

34 Ái pe ijapúva, oñemombótargui añaretáme.

35 Ái pe oporojukáva oporoju-kaségui, omanótagui.

36 Ái umi hekoky'áva, oñemombótargui chupekuéra añaretáme.

37 Heẽ, ái umi otupaitüva ta'angakuéra renondépe, ha katu opa añanguéra aña ovy'a umívore.

38 Ha, ipahápe, ái opavave umi omanóva ñangaijápe; ou jeýtagui hikuái Tupãme, ha ohecháta hikuái hova, ha opytáta ñangaijákuérape.

39 O, che joyke'ykuéra ahayhuetéva, penemandu'áke ivaietereíha ñañaneñe'ërendúramo pe Tupã Imarangatúva rehe, ha avei ivaietereíha ja'áramo pe tekove katupyry ñembotavýpe. Penemandu'áke, jaipotáramo pe to'o oipotáva ha'e ñemano, ha jaipotáramo pe espíritu oipotáva ha'e jeikove opave'yva.

40 O, che joyke'ykuéra ahayhuetéva, pehendú che ñe'ë. Penemandu'áke pe Israel-pegua Imarangatúva tuichaha. Aníke peje añe'ëhague mba'e hatáva pende rehe; ha péicha pejapóramo, pepu'ã pe añeteguáre; ha añe'ëkuri pende Apohare ñe'ënguéra. Aikuaa pe añetegua ñe'ë hatãha opa mba'eky'a rehe; ha katu umi hekojojáva ndokyhyjéi chugui, ohayhúgui pe añetegua ha noñemovái hikuái.

41 Ha péicha, che joyke'ykuéra ahayhuetéva, peju Ñandejára, pe Imarangatúvape. Penemandu'áke hapekuéra hekojojaha. Péina ápe,

tape yvypórape ġuarã niko ipo'i, ha katu naikarëi henondépe, ha pe okëre oňangarekóva ha'e pe Israel-pegua Imarangatúva; ha upépe ha'e nomoiri mba'éveichagua tembiguái; ha ndaipóri ambue tenda jaike haġua ndaha'éirō pe okē rupi mante; ha katu ha'e ndaikatúi oňembotavy, ha pe héra ha'e Tupã Ñandejára.

42 Ha pe ohenóivape ha'e oipe'áta; ha iñarandúva, ha oikuaapáva, ha umi ipirapire hetáva, ojejpóva pe ikuaapýre, ha iñarandu, ha ipirapire hetágui—heë, ko'áva hína umi ha'e ndohayhúiva; ha ndohejáiramo hikuái ko'ã mba'e, ha nde'íriramo hikuái ijehé ndaha'eiha mba'eve Tupã renondépe, ha ndoguejýiramo hikuái pe ñembyasy pahápe, ha'e ndoipe'amo'ái chupekuéra pe okē.

43 Ha umi iñarandúva ha hekoporáva mba'ekuéra oňemokaňýta chuguikuéra akoiete—heë, pe vy'a oňembosako'íva umi hekomarangatúvape ġuarã.

44 O, che joyke'ykuéra ahayhuetéva, penemandu'áke che ñe'ëre. Péina ápe, aipe'a che ao, ha aityvyro pene renondépe; añembo'e che salvasiō Tupãme, omaña haġua che rehe hesa ohesa'ýijopávape; upévale, peikua'áta ára pahápe, mayma yvypóra oňembohovake vove hembiapokuére, pe Israel-gua Tupã ha'éha testigo aityvyroha pene rembiapovaikue che ángagui, ha añemoiha ky'a'ýre henondépe, ha chepoti pende ruguýgui.

45 O, che joyke'ykuéra ahayhuetéva, peñemomomyro pene angaipakuéragui; peityvyro pendejehogui pe pendejokua atãséva itasã; peju pe Tupã ha'éva pende ita salvasiōpe.

46 Pembosako'i pene angakuéra pe ára omimbipávape ġuarã oňeme'ětahápe hustisia pe heko jojávape, pe huísio árape, ani haġua peñemyakuruchi kyhyjevaigui; ani haġua penemandu'a porã pene rembiapo vaikuére; ha upéicha peje'asymanteva'erã: Imarangatu, imarangatu niko nde huisiokuéra, O Tupã Ñandejára Ipu'akapáva—ha katu ahechakuaa che rembiapovaiha; nacheñe'ërendúikuri nde léi rehe, ha che mba' e niko ko'ã che rembiapovaikuéra; ha pe aña chejagarra, ha upéicha ha'e chejokua heko'asýpe.

47 Ha péina ápe, che joyke'ykuéra, iporã piko che pomombáy ko'ã mba'e añetegua ivaietévape? Ambotarovava'erãmo'ã piko che pene ánga pene apytu'ũ ipotírire? Che piko añe'ëresakáva'erãmo'ã peëme pe añeteguáva hesakãháicha penesásórire angaipágui?

48 Péina ápe, penemarangaturire añe'ëva'erãmo'ã peëme mba'e imarangatúva rehe; ha katu napenemarangatúigui, ha peje cherehe ha'éha pene mbo'e-hára, iporã pombo'e pe angaipa oguerúva.

49 Péina ápe, che ánga ndohayhúi pe angaipa, ha che korasō hory tekojojápe; ha amomba'eguasúta che Tupã réra marangatu.

50 Peju, che joyke'ykuéra, opavave pende y'uhéiva, peju pe ýpe; ha tou upe ndogue-rekóiva pirapire, ha tojogua ha to'u; heẽ, peju ha pejogua víno ha kamby pirapire'ýre ha mba'erepy'ýre.

51 Upévare, ani peiporu pirapire umi ha'e'ýva mba'eve rehe, ha pene rembiapo umi ndohejáitava peẽme mba'évepe. Cherendúke jesarekópe, ha penemandu'a umi ñe'ẽnguéra ha'eva'ekue peẽme rehe; ha peju pe Israel-pegua Imarangatúvape, ha peñemyenyhẽ umi omano'ýva ni oñembyai'ývagui, ha tahory pene ánga pe plenitud-pe.

52 Péina ápe, che joyke'ykuéra ahayhuetéva, penemandu'áke pende Tupã ñe'ẽre; peñembo'éke chupe opa ára tapiate, ha peme'ẽke aguyje héra marangátupe pyharekue. Tovy'áke pene korasõ.

53 Ha pehechakuaáke tuichaha Ñandejára konveniokuéra, ha tuichaha imborayhukuéra yvyporakuéra ra'y ndive ñuarã; ha imba'eguasú, ha igrásia ha iporiahuvareko rupi, oñe'ẽme'éva'ekue ñandéve ñane ñemoñarekuéra noñehundipamo'ãiha, pe ho'ópe, ha katu oñongatutaha chupekuéra; ha ñemoñare'aty oútavape oikóta chuguikuéra peteĩ vyramáta rakã hekojojáva Israel rógapegua.

54 Ha ko'ágã, che joyke'ykuéra, añe'ẽseve peẽme; ha katu ko'ẽrõ ha'epáta peẽme che ñe'ẽ rembyre. Amén.

ÑEMBYATY 10

Judio-kuéra ojukáta kurusúre Itupãme—Oñemosarambita chupekuéra oñepyrũ meve ojerovia hese—América ha'éta peteĩ yvy sãso oiháme ha mba'evéichagua rréi noisãmbyhy-mo'ãi—Peñemoĩporã Tupã ndive ha pehupyty pe salvasiõ igrásia rupive. 559–545 ary rupi Cristo mbovyre.

Ha ko'ágã che, Jacob, añe'ẽ jey peẽme, che joyke'ykuéra ahayhuetéva, kóva ko yvyra rakã hekojojáva añe'ẽma haguére.

2 Ha péina ápe, umi ñe'ẽme'ẽ jahupytyva'ekue ha'e ñe'ẽme'ẽ to'opegua ñandéve ñuarã; upévare, ojehechauka haguéicha chéve heta ñande ra'ykuéra omanotaha ho'ópe pe ijerovia'ý rupi, upevére, Tupã oiporiahuvarekóta hetápe, ha ñande ra'ykuérape oñemoĩjeýta, ohupyty haña hikuái umi mba'e ome'ëtava chupekuéra jeikuaa añete pe Irredentórgui.

3 Upévare, ha'e haguéicha peẽme, oñeikotevẽ pe Cristo—ha ange pyhare niko he'i chéve upe ángel peichataha pe héra—oumanteva'erã umi judio-kuéra apytépe, umi yvorapegua hekoivaivéva apytépe; ha ha'ekuéra ojukáta chupe kurusúre—ha upéicha niko oĩ porã ñande Tupãme, ha ndaipóri ambue tetã yvy ariguáva ojukava'erãkuri kurusúre pe Itupãme.

4 Ha ojejapórire ambue tetã apytépe umi techapyrã tuichaitéva oñearrepentiva'erãmo'ã hikuái,

ha oikuaava'erāmo'ā ha'e ha'eha Itupā.

5 Ha katu sacerdote-kuéra mba'evaiñemi ha rembiapovaikuéra rupi, umi Jerusalén-gua omohatāta ijajúra hese, ojejuka hağua ha'e kurusúre.

6 Upévare, hembiapovaikuére, oúta hí'arikuéra ñehundi, ñembyahýi, mba'asyguasu, ha tuguy ñeñohẽ; ha umi noñehundíriva oñemosarambíta opa tetānguéra apytépe.

7 Ha péina ápe, péicha he'i Tupā Ñandejára: Oğuahẽ vove ára ojeroviaha hikuái che rehe, che ha'eha Cristo, ajapova'ekue konvénio ituvakuéra ndive oñemoijeytaha chupekuéra ho'ópe, yvy ári, pe ijyvy jehejapyrépe.

8 Ha ojeju oñembyatýta chupekuéra pe iñemosarambi pukúgui, umi islas del mar, ha irundy yvy renda guive; ha tuicháta che resa renondépe umi Gentil-kuéra retā, he'i Tupā, agueraha hağua chupekuéra ijyvy jehejapyrépe.

9 Heẽ, umi gentil-kuéra rréi ha'éta imongakuaahakuéra, ha irreinakuéra imboherekuaha; upévare, tuicha umi Ñandejára ñe'eme'ẽ gentil-kuérape ġuarā, ha'e he'íkuri, ha máva piko oñorairõta hendive?

10 Ha péina ápe, kóva ko yvy, he'i Tupā, ha'éta nde yvy jehejapyre, ha umi gentil-kuéra ojevohasáta upe yvy ári.

11 Ha kóva ko yvy ha'éta peteĩ yvy isāsóva umi gentil-kuérape ġuarā, ha ndaiporimo'ái rréi upe

yvy ári, opu'áva gentil-kuéra ári.

12 Ha amombaretéta kóva ko yvy opa ambue tetānguéra rehe.

13 Ha pe oñorairõva Sión ndive omanóta, he'i Tupā.

14 Ha pe omopu'áva rréi che-rehe, omanóta, ha che, Ñandejára, rréi yvagapegua, ha'éta irréi, ha tapiate ha'éta peteĩ tesapehára umi ohendúvape ġuarā che ñe'ẽnguéra.

15 Upévare, kóva ko mba'e rupi, oñekumpli hağua che konveniokuéra ajapova'ekue yvy-porakuéra ra'y ndive, ajapótava chupekuéra ġuarā oĩ aja hikuái ho'ópe, ahundiva'erā umi tembiapoñemi ppytũ, ha jejuka, ha umi tembiapovaikuéra rehegua.

16 Upévare, oñorairõva Sión ndive, taha'e judío térã gentil, ojejokuáva ha ojejokua'yva, kuimba'e térã kuña, omanóta; ha ha'ekuéra niko ha'e umi opa yvy arigua hekovaíva; ha umi ndaha'éiva chendivegua, ha'e cherehe oñemoiva, he'i ñande Tupā.

17 Ha akumplíta che ñe'eme'ẽ ajapova'ekue yvy-porakuéra ra'yve, ajapótava chupekuéra ġuarā oĩ aja hikuái ho'ópe—

18 Upévare, che joyke'ykuéra ahayhuetéva, péicha he'i ñande Tupā: ambohasa'asýta ne ñemoñarépe gentil-kuéra po rupive; upevére, amohu'úta gentil-kuéra korasõ, ha'e hağua chupekuéra peteĩ túvaramo; upévare, umi gentil-kuéra ojevohasáta ha

ojeipapáta chupekuéra Israel rogagua apytépe.

19 Upévare, akonsagráta kóva ko vvy ne ñemoñarépe ġuarã, ha umi ojeipapáva ne ñemoñare apytépe, tapiate, ha'e haġua ijyvy jehejapyre; ha ha'e peteĩ vvy ojeiporavopyre, he'i chéve Tupã, opa ambue tetãnguéra ári, upévare ha'e che rembipota totu-paitũ chéve opa yvypóra oikóva ipype, he'i Tupã.

20 Ha ko'áġa, che joyke'ykuéra ahayhuetéva, ome'ẽ haguére ñandéve ñande Tupã ñandereyhuva jeikuaa tuichaite ko'ã mba'égui, ñanemandu'áke hese, ha jaheja ñane angaipakuéra peteĩ tenda gotyo, ha ani ñañañakãity, ñañañemombói niko; upevére, ñañemoséva'ekue ñande vvy jehejapyrégui; ha katu jajegueraha peteĩ vvy iporãévape, ha Ñandejára niko ojapo yguasúgui ñande raperã, ha ñaime peteĩ isla del mar-pe.

21 Ha tuicha Ñandejára ñe'ẽme'ẽnguéra umi oĩva islas del mar-pe ġuarã, upévare he'i haguére islas, oiméne oĩve ambuéva kóvagai, ha avei oikohápe ñande joyke'ykuéra.

22 Ha péina ápe, oĩkuri Tupã Ñandejára oguerahava'ekue pe Israel rógagai, sapy'a py'a, hembipota ha ha'e oipotaháicha. Ha péina ápe, Ñandejára imandu'a opa umi oñemosarambiva'ekuére, upévare imandu'a avei ñanderehe.

23 Upévare, tovy'áke pene korasõ, ha penemandu'a penesãsoha

peiko haġua pende jehegui—peiporavo haġua pe ñemano opave'ỹva rape, térã pe jeikove opave'ỹva rape.

24 Upévare, che joyke'ykuéra ahayhuetéva, peñemoĩporã Tupã rembipota ndive, ani pe aña oipotáva ha to'o oipotáva ndive; ha penemandu'áke, peñemoĩporã rire Tupã ndive, pe Tupã grásiape ha hese añoitente, pejesalvataha.

25 Upévare, Tupã tapenemopu'ã ñemanógui pe jeikovejey pu'aka rupive, ha avei pe ñemano opave'ỹvagui pe expiasiõ rupive, ikatu haġuáicha peike pe Tupã rréino Opave'ỹvape, ikatu haġuáicha pemomorã chupe pe grásia marangatu rupive. Amén.

ÑEMBYATY 11

Jacob ohecha Irredentórpe—Moisés léi omoha'anga Cristo-pe ha ohechauka ha'e outaha. 559–545 ary rupi Cristo mboyye.

HA ko'áġa, Jacob oñe'ẽ upéramo hetave mba'e che tavayguakuérape; upevére ahaiuka ko'ã mba'e añoñte, ha umi mba'e ahaiva'e-kue iporãmante chéve.

2 Ha ko'áġa che; Nefi, ahaive Isaías ñe'ẽgui, che ánga horýgui iñe'ẽme. Amoĩta iñe'ẽnguéra che tavayguakuérare, ha aguerahaukáta opa che ra'ykuérape, ha'e añetehápe ohecha haguére che Rredentórpe, che ahecha haġuéicha chupe.

3 Ha che joyke'y Jacob, ohecha avei chupe che ahecha haguéicha, upévare, aguerahaukáta iñe'ënguéra che ra'ykuérape ahechauka hağua chupekuéra añeteguaha che ñe'ënguéra. Upévare, mbohapy ñe'ë rupi, he'í Tupã, che amoïta che ñe'ë. Upevére; Tupã ombou hetave testígo, ha ohechauka añeteha opa iñe'ë.

4 Péina ápe, che ánga hory ahechaukávo che tavayguakuérape Cristo jeju añeteguaha; ha, upevarã oñeme'ëva'ekue Moisés léi; ha opa mba'e Tupãre oñeme'ëva'ekue yvypórape, yvóra ñepyrũmby guive, ha'e imoha'angaha.

5 Ha che ánga avei hory umi konveniokuéra Ñandejára oja-pova'ekuere ñande rukuéra ndive; heë, che ánga hory igrásia, ha ihustísiape, ha pu'aka, ha poriahuvereko upe tuicha ha opave'yva plan de rredensiõ reheguápe.

6 Ha che ánga hory ahechaukávo che tavayguakuérape, Jesucristo ndoúiramo, opa yvypóra omanova'erãha.

7 Ha ndaipóriramo Cristo, ndaipóri Tupã; ha ndaipóriramo Tupã ñande nañaiméi, ndaiporiva'erãmo'ãigui mba'e'apo. Ha katu oĩ peteĩ Tupã, ha ha'e Cristo; ha ha'e ou pe hi'araita plenitud-pe.

8 Ha ko'ãga ahai mbovymi Isaías ñe'ënguéra, umi che tavayguakuéra ohechátavape ko'ã ñe'ë ikatu hağua omopu'ã ikorasõ ha ovy'a hağua opa yvypórare. Ha ko'ãga ko'áva ha'e umi ñe'ë, ha

ikatu pemoi pendejehe ha opa yvypórare.

ÑEMBYATY 12

Isaías ohecha Témplu ára pahapegua, Israel ñembyaty, pe huisio ha py'aguapy milenario—Umi ijorgullósova ha hembia-povaiva oñemotindyta pe Mokõiha Jejujeype—Ñambojojava'erã Isaías 2 ndive. 559–545 ary rupi Cristo mbovyve.

OHECHAVA'EKUE Isaías, Amós ra'y, Judá ha Jerusalén rehegua:

2 Ha ojuhúta ára pahápe, Ñandejára róga yvyty oñemoïta yvytykuéra ru'ãme ha oñemopu'ãta yvytykuéra ári, ha opa tetãnguéra oñanía ha'e oĩháme.

3 Ha heta tetãnguéra ohojoáta ha he'íta, Peju, ha jajupi Ñandejára yvytýpe, Jacob Tupã rógape; ha ñanehekombó'éta hapekué-rare, ha jaguatáta iguataha rupi; Sión-gui niko osëta pe léi, ha Ñandejára ñe'ë Jerusalén-gui.

4 Ha ha'e ohusgáta tetãnguéra apytépe, ha oja'óta tavayguakueraitápe; ha ha'ekuéra oja-póta ikysepukúgui arádo rréha, ha lansakuéragui óses—Ndohupimo'ãvéima tetã ikysepuku ambue tetãre, ha noñembosako'imo'ãvéima hikuái ñorairõrã.

5 O Jacob róga, peju ha jaguata Ñandejára resapépe; heë, peju, maymáva niko pejavy, opavave pende rape vaíre.

6 Upévare, O Ñandejára, rehejá-kuri nde tavayguakuérape,

Jacob róga, henyhēgui hikuái kuarahyresēmeguakuéra rembiapógui, ha ohendu umi agoréropo filisteo-kuéraicha, ha pytaguara'ykuéra ndive ojoaju.

7 Ijvyv avei henyhē pláta ha órogui, imba'erepykuéra ndopái; avei ijvyv henyhē kavajúgui, ha ikarrokuéra hetaiterei.

8 Ijvyv henyhē avei ídολουkuéragui; otupaitũ hikuái umi mba'e ipópe ojavova'ekuépe, umi ikuãme ojavova'ekuépe.

9 Ha pe yvypóra iñañáva noñakãitýi, ni pe tuicháva noñemomirĩri, upévore, ani reperdona chupe.

10 O peẽ peneñañáva, peike pe itakuápe, ha pekañy pe vvytimbópe. Ñandejára kyhyje ha pe imahesta verapy pendepy'ajopýta.

11 Ha ojuhúta yvypóra jesaupi oñemomiríta, ha yvyporakuéra ñembotuicha oñemotindýta, ha Ñandejára aňonte oñemomba'eguasúta upe árape.

12 Pe Señor de los Ejércitos ára pya'e oútagui opa tetãnguéra ári, heẽ, opavave ári; heẽ, pe ijorgullóso ha oñembotuicháva ári, ha opa oñemomba'eguasúva ári, ha oñemomiríta chupekuéra.

13 Heẽ, ha Ñandejára ára oúta opa cedro líbano-pegua ári, ha'ekuéra ijyvate haguére; ha oñemopu'ãgui; ha opa ensina Basan-pegua ári;

14 Ha opa vvytyrusu ári, ha opa vvyty ári; ha opa tetãnguéra oñembotuicháva, ha opavave tavayguakuéra ári;

15 Ha opa tórre ijyvatéva ári, ha opa tápia mbarete ári;

16 Ha opa yga yguasuegua ári, ha opa yga Tarsis-pegua ári, ha opa ojehecháva ári.

17 Ha pe yvypóra ñemomba'eguasú ojeitýta, yvyporakuéra ñembotuicha oñemotindýta; ha Ñandejára aňonte oñemomba'eguasúta upe árape.

18 Ha ha'e oipe'apáta umi ídολουkuéra.

19 Ha yvyporakuéra oikéta itakuápe, ha umi vvykuápe, pe Ñandejára kyhyje ho'átargui hi'arikuéra ha pe imahesta verapy oipy'ajopýta chupekuéra, opu'ã vove omboryryi vaipaite haña pe vvy.

20 Upe árape yvypóra omobóta anguja ha mbopípe umi hi ídolo pláta, ha órogui, ojavova'ekue otupaitũ haña;

21 Toike itakuápe, ha umi itaguasukuérape, Ñandejára kyhyje oútagui hi'arikuéra, ha iverapy mahesta oipy'ajopýta chupekuéra, opu'ã vove ha'e omboryryi vaipaite haña pe vvy.

22 Pejeheja yvypóragui, ipytu oíva itíme; ha mba'ére katu piko oñemomba'eva'erã?

ÑEMBYATY 13

Judá ha Jerusalén ojevahiráta naiñe'ërendúigui—Ñandejára olitiga itavayguakuéra ndive ha ohusga chupekuéra—Sión membykuéra oñemoñe'ëngái ha oñembohasa'asy hembiapovaikuére—Ñambojojáva'erã

Isaías 3 rehe. 559-545 ary rupi Cristo mboyve.

HA péina ápe, Ñandejára, pe Señor de los Ejércitos, oi-pe'a Jerusalén, ha Judá-gui, pytyvõ ha me'êha, opa mbujape me'êha, ha opa pytyvõ y rehegua—

2 Pe kuimba'e ipu'akapáva ha yvypóra oñorairõkuaáva, pe hue, ha proféta, pe iñakãguapýva, ha itujámava;

3 Upe tendota cincuenta rehegua, ha yvypóra ojehecharamóva, ha oñemoñe'ekuaáva, ha opa mba'e ojavokuaáva, ha pe iñe'ekuaaitéva.

4 Ha amoíta chupekuéra mitã iprincipe-rã, ha mitã tavy michĩ oisãmyhyta chupekuéra.

5 Ha tavayguakuéra ojejopýta, peteíva ambuéva rehe, ha opavave ijykereguäre. Pe mitã ijorgullósota itujáva rehe, ha pe kuimba'e chapĩ kuimba'e ojehecharamóva rehe.

6 Kuimba'e ojagarra vove ijyke'y-pe itúva rogagua apytégui, ha he'ívo chupe: Nde niko nde aopuku, taha'éna oresãmyhyhára, ha ani reheja ko ñehundi ou nde poguýpe—

7 Ha upéva pe arape ha'e oñe'ẽ-me'éta, he'ívo: Che ndaha'emo'ãi mongueraha, che rógape ndaipóri mbujape ni ñamondeva'erã; anína chemoĩ aisãmyhy haña ko tavayguakuérape.

8 Jerusalén niko oñehundi, ha Judá ho'a, ikũ ha hembiapokuéra oñemoĩgui Ñandejárare, ombo-pochy haña hesa verapy.

9 Hovakuéra otestifika hese-kuéra, ha omombe'u iñangaipakuéra ha'éha Sodoma-peguaicha, ha ndaikatúi omokañy hikuái. Ái hi'angakuéragui, oguerúgui hikuái ivaíva ijupe ñuarã.

10 Peje umi hekojojávape oho porãtaha chupekuéra; ho'útagui hikuái hembiapokuéragui hi'a.

11 Ái umi iñañáva, omanótagui hikuái; pe ipopeguakuéra ñemyengovia oútagui hi'arikuéra.

12 Ha che tavayguakuéra, mitãnguéra ha'e ijopyhára; ha kuña oisãmyhy chupekuéra. O che tavayguakuéra, umi neisamyhyva nembojavy ha ohundi nde guatahakuéra rape.

13 Ñandejára oñembo'y olitiga haña, oñembo'y ohusga haña tavayguakuérape.

14 Nandejára oikéta huisio reheve pe itavayguakuéra ymaguare ndive ha iprincipe-kuéra ndive; nde re'upágui nde rógape upe víña ha umi imboriahúva rembíu.

15 Mba'e piko rejapose? Rejopy che tavayguakuérape, ha remongu'í umi imboriahúva rova, he'í pe Señor Dios de los Ejércitos.

16 Ha avei, Ñandejára he'í: Sión membykuñakuéra oñembotuicha haguére, ha oiko haguére ajúra pu'ã ha tesa otí'yme, ha oguata hikuái ojerokyramoguáicha, ha ojapo tintineo ipýpe—

17 Upévare Ñandejára oipy'ajopýta Sión membykuñakuérape akã mbyte kuru reheve, ha Ñandejára ohechaukáta ijopivokuéra.

18 Upe árape Ñandejára oi-pe'áta ijeguakakuéra tintineo mbarete, ha kygua vera, ha namichãi;

19 Mbo'ykuéra, ha pyapy rehegua, ha umi ajúra aho'íha;

20 Akãhoja, tetyma jeguaka, tokadokuéra, mba'e ryakuã'asyva ha namichãi;

21 Kuãirũ ha tĩ namichãi;

22 Ao porã ñemonde, ha ahoja, ha akã aho'íha, ha akãrague myapopẽha;

23 Itangecha, ha líno hechapyrãva, ha akã rehegua ahoja, ha ñuvãha.

24 Ha ojuhúta, tyakuã'asyrangue, oíta tyakuãvai; ku'a jokuarangue vakapi; ha akãrague apopẽrangue, akã perõ; ha ao jeguarangue, silísio; ha kaigue porãrangue.

25 Ne kuimba'ekuéra ho'áta kysepukúpe ha umi ipu'akapáva ñorairõguasúpe.

26 Ha hokẽnguéra ojahe'óta ha oñembyaohũta, ha ha'e ha'eño-reíta, ha uguapýta yvýpe.

ÑEMBYATY 14

Sión ha imembykuñakuéra oñerre-dimi ha oñemopotita pe ára mile-nario-pe—Ñambojojawa'erã Isaías 4 ndive. 559–545 ary rupi Cristo mboyve.

UPE árape, siete kuña ipojáita peteĩ kuimba'ére, he'ívo: Ore mbujape'inte ro'úta, ha ore aoite romondéta; ehejamínte oréve

rogueraha nde réra roipe'a haḡua ore ñemotĩ.

2 Upe árape Ñandejára omohe-ñoipyahúva iporã ha omimbipáta, ha umi yvy ome'éva hechapyrãta ha iporãitereíta umi Israel-pegua okañyva'ekuépe ḡuarã.

3 Ha ojuhúta, umi ojehejava-ékue Sión-pe ha umi opytáva Jerusalén-pe oñehenóita chupekuéra Santo, opa umi héra ojehaiva'ekue oikovéva Jerusalén apytépe.

4 Ñandejára ojohéi vove Sión membykuñakuéra mba'eky'a, ha omopotĩ vove ijapytẽguikuéra Jerusalén ruguy huísio espíritu ha jehapy espíritu rupive.

5 Ha ojaipotã Ñandejára opa monte de Sión ha iñasambleakuéra ári peteĩ arai ha tataĩ arakuépe, ha tata resape ha tatarendy pyharekue, opa Sión verapy ári oĩtagui peteĩ ñemo'ãha.

6 Ha oíta peteĩ tavernákulo ñañemo'ã haḡua arahaku arapeguágui, ha jajeaho'i haḡua, ha ñañemo'ã haḡua amavai ha aguasérogui.

ÑEMBYATY 15

Ñandejára víña (Israel) ojehejareíta, ha itavayguakuéra oñemosarambíta—Oúta hi'arikuéra mba'evaieta iñeime ypytũ ha ñemosarambípe—Ñandejára omopu'áta peteĩ aoveve ha ombyatýta Israel-pe—Oñembojojawa'erã Isaías 5 rehe. 559–545 ary rupi Cristo mboyve.

HA upéramo apurahéita che ahayhuetévape che ahayhuetéva purahéi, pe ivíña rehegua. Che ahayhuetéva oguerekova'ekue peteĩ víña, peteĩ yvyty ijyvy porãitereívape.

2 Ha omongora, ha omopotĩ itágui ha oñotỹ ipype parral jeiporavopyrégui, ha omopu'ã imbytépe peteĩ tórre, ha avei ojapo peteĩ parral ñamiha; ha oha'arõ ome'ẽ úva, ha ome'ẽ úva ka'aguy.

3 Ha ko'ága, O Jerusalén-pe peikóva ha Judá-pegua kuimba'e, pehusga, ajerure'asy peẽme, che ha che víña apytépe.

4 Mba'e piko ikatútara'e ojeja-pove che víñare che ndajapoi-mava'ekue? Upévore, aha'arõvo ome'ẽ úva, úva ka'aguy ome'ẽ.

5 Ha ko'ága ha'éta peẽme; mba'épa ajapótava che víñare—Aipe'áta chugui imongoraha, ha oje'upáta; aityta itápia, ha oñe-pyrũmbáta hese;

6 Ahejáta kokueréicha; noñeha-kã'omo'ãi ni ndojejo'omo'ãi; ha katu ipype okakuaáta ñoatĩ ha javorái; ha umi aráipe ha'éta ani haḡua oñohẽ ama hí'arikuéra.

7 Pe Señor de los Ejércitos víña ha'e Israel róga, ha kuimba'e Judá-pegua ha'e inemitýngue poravopyre. Ha ha'e oha'arõ-kuri hustísia, ha péina ápe te-kojoja'ỹ; tekojoja, ha péina ápe, jerure'asy.

8 Ái umi ombyatýva ogakuéra ojoykére, ndaiporivéi peve tenda, opyta haḡua ha'eñorei yvy mbytépe.

9 Che apysápe, he'íkuri pe Señor de los Ejércitos: Añetehápe, heta ogakuéra opytáta nandi, ha tuicha ha iporáva tavakuéra opytáta avave'ỹre.

10 Heẽ, dies hectárea parralty peteĩ víno rryu omyenyhẽta; ha peteĩ vosa trígo ra'ýigui peteĩ vosa trígonte osẽta.

11 Ái umi opu'ã voíva pyhareve-kue, oka'uve haḡua; ha oka'úva pyhare peve, omyendy peve chupekuéra upe víno.

12 Arpa, mbaraka, tambor ryapu, mimby, ha víno oĩ ivanketekuér-rape; ha ndojapói hikuái Ñandé-jára rembiapo, ni ndohechakuaái hikuái ipo rembiapokuéra.

13 Upévore, che tavayguakuéra oho ñeñapytĩmbýpe, ndogue-rekóigui kuaapy; ha omano ñembyahýigui ikuimba'e jehe-charamóva, ha ijatyguasú ikã y'uhéigui.

14 Upévore, pe añaretã oñembo-puku, ha oipe'a ijuru ndaikatuvéi peve; ha iverapy, ha ijatyguasú ha ijalgasara, ha umi hese ovya'áva, ogeujýta ipype.

15 Ha yvypóra iñañáva oñemoñakãitýta, ha pe kuimba'e ipu'akapáva oñemotindýta, ha pe ijejapóva resa oñemotindýta.

16 Ha pe Señor de los Ejércitos katu oñemomba'eguasúta huísiope, ha pe Tupã Imarangatúva oñemomarangatúta hustísiape.

17 Upéramo umi ovecha ra'y ho'úta kapi'ipe jepiguáicha, ha umi ikyráva tenda nandi ho'úta umi upepegua'ýva.

18 Ái umi oguerotyryryva

tembiapovai itasã vyrorei sãme, ha pe angaipa ha'eramoguáicha karreta sã;

19 Umi he'íva: Tojapuráke; pya'e tojapo hembiaipo, ikatu haġuáicha jahecha; ha toñemoaġui ha tou pe Israel-pegua Imarangatúva ñemoñe'ẽ, roikuaa haġua.

20 Ái umi he'íva ivaíva iporãha, ha iporãva ivaiha, omoíva pytũ tesaperangue, ha tesape pytũrangue; omoíva iróva he'ẽvaramo, ha pe he'ẽva iróvaramo.

21 Ái umi oikuaapáva hesa renondépe, ha ojeroviáva ijupe ġuarã.

22 Ái umi ikatupyryva víno omboy'u haġua, ha kuimba'e imbaretéva likor ombojehe'a haġua;

23 Ohustifikáva iñañávape mba'erepyre, ha oipe'a hekojojávagui hekojoja.

24 Upévare, pe tata ohapyháicha javorái, ha pe tatarendy ombokusugueháicha kapi'i, hapo itujupáta, ha ipotykuéra opareíta vyvimbóicha; omboykégui pe Señor de los Ejércitos léi, ha nohenduséigui pe Israel-pegua Imarangatúva ñe'ẽ.

25 Upévare, Ñandejára pochy hendy itavayguakuérare, ha oipiso hese ipo, ha ojopy chupe; ha oryríi vytykuéra, ha he'õnguekuéra oñembyaipáta tapekuéra mbytépe. Upevére ne'íra opa iñeko'õi, ha katu oipiso gueteri hína ipo.

26 Ha omopu'ãta aoveve te-tãnguéra mombyryguápe, ha oturuñe'ẽta chupekuéra vvy

paha guive; ha péina ápe, ou pya'etereíta hikuái; ha ijapytepekuéra ndaiporimo'ãi ikane'õva ni oñepysangáva.

27 Avave ndokevymo'ávẽima ni ndokemo'ávẽima; ni ndojejoramo'ãi ilómo jokuaha, ni noñemondohomo'ãi isapatu sã.

28 Ha hu'ykuéra haimbéta, ha opa ijyvyrapã imbaretéta; ha ikavaju akãho'íha hatãitereíta, ikarretakuéra rruéda vytyujeréicha, ha ikororõ leõicha.

29 Okororõta hikuái leõ ra'yicha, heẽ, okororõta, ha ojeityta hikuái upe hi'upy ári, ha ogueraháta chupe hikuái kyhyje'yme, ha ndaiporimo'ãi oipe'áva chugui.

30 Ha upe árape okororõta he-sekuéra pe yguasu ryapúicha; ha oma'ẽramo hikuái yvýre, péina ápe, pytũ ha vy'a'y, ha tesape iñipytũta ijyvagakuérape.

ÑEMBYATY 16

Isaías ohecha Ñandejárape—Isaías angaipakuéra oñeperdona—Oñehenói chupe oprofetisa haġua—Oprofetisa judio-kuéra orrechasataha Cristo ñehekombo'e—Peteĩ rembyre ou jeýta—Oñembojojava'erã Isaías 6 ndive. 559–545 ary rupi Cristo mboyyve.

PE ary omanoramoguare rréi Uzías, che ahecha avei Ñandejára oguapýramo Peteĩ apykajegua yvate ha oñemboyvatéva ári, ha pe ijao ruguái omyenyhẽ pe témplo.

2 Pe apykajegua ári oĩ umi serafin; peteĩ teĩva oguereko séi ipepo; mokõime omo'ã hova, ha mokõime omo'ã ipy, ha mokõime oveve.

3 Ha peteĩva oñe'ẽ hatã ambuévape, he'ívo: Imarangatu, imarangatu, imarangatu pe Señor de los Ejércitos; yvy henyhẽmbaite iverapýgui.

4 Ha umi okẽ pyenda oryríi upe oñe'ẽ hatáva ñe'ẽ ryapukuégui, ha pe óga henyhẽ tatañgui.

5 Upémarõ che ha'e: Ái chehegui! Añehundímagui; che ha'égui kuimba'e ijuruky'áva; ha aiko tavayguakuéra ijuruky'áva apytépe; che resa ohechágui-kuri upe Rréipe, pe Señor de los Ejércitos.

6 Upémarõ peteĩ serafín oveve che aĩha meve, peteĩ tatapyi hendýva ipópe, ojagarrava'ekue tenása reheve altárgui;

7 Ha omoĩ che juru ári, ha he'i: Péina ápe, ko'áva opoko nde jurúre; ha ne rembiapovai ojeipe'a, ha ne angaipa oñembogue.

8 Avei ahendu Ñandejára ñe'ẽ, he'ívo: Mávapepa amondóta, ha mavápa ohóta ñanderangue? Upémarõ che ha'e: Ápe aime, chemondo chéve.

9 Ha ha'e he'i: Tereho ha ere ko'ã tavayguakuérape—Pehendu porã, ha katu ha'ekuéra noikũmbýi; pehecha porã, ha katu ha'ekuéra ndohechakuaái.

10 Eheja tahatã ko'ã tavayguakuéra korasõ, ha eheja taipohýi ijapysakuéra; ha toñemboty hesakuéra, ani ohecha hesa reheve,

ha ohendu ijapysa reheve, ha oikumby ikorasõ reheve, ha oñekonverti ha oñemonguera.

11 Upémarõ che ha'e: Ñandejára, araka'e pevépa? Ha ha'e he'i: Umi tavaguasu oñemonandi, ha opytapa peve avave'yre, ha umi óga kuimba'e'yre, ha pe yvy ha'eñoreipa;

12 Ha Ñandejára omosẽ vove yvyporakuérape mombyry, oñtagui tuicha pore'y pe yvy mbytépe.

13 Ha katu oĩta gueteri peteĩ désimo pehẽngue, ha ha'ekuéra ou jeýta, ha oje'úta, terevintoi-cha, ha pe ensínaicha hykuere oñongatúva ipype hoguekuéra oity jave; upéicha pe yvara'yí marangatu ha'éta hykuere.

ÑEMBYATY 17

Efraín ha Siria oñorairõ Judá ndive—Cristo heñóita peteĩ vírgen-gui—Oñembojojáva'erã Isaías 7 rehe. 559–545 ary rupi Cristo mboyve.

HA ojehu Acaz árape Jotam ra'y, Uzias ra'y, Judá-pegua rréi, Rezín, Siria-pegua rréi, ha Peca Remalías ra'y, Israel-pegua rréi, ou hikuái Jerusalén ári oñorairõ ha'gua hendive, ha katu ndaipu'akái hese hikuái.

2 Ha oñemomrandu David rógape, he'ívo: Siria oñemoĩporã Efraín ndive. Ha omovã ikorasõ, ha itavayguakuéra korasõ, umi yvyra ka'aguy oñemováháicha yvytúre.

3 Upémarō he’i Ñandejára Isaías-pe: Esē ko’áğa ejuhu hağua Acaz-pe, nde ha nde ra’y Searjasub, pe estánke tuichavéva ykua rape rembe’yúpe kokue joheihára rapére;

4 Ha ere chupe: Ejesareko, ha eime py’aguapýpe; ani ekyhyje, ha ani ikangy ne korasō ko’ā mokōi tison kávo rendy hatařiva rupi, Rezín ha Siria pochyvai rupi, ha Remalías ra’y rupi.

5 Siria, Efraín, ha Remalías ra’y, imandu’avağui nderehe, he’ivo:

6 Jajupi Judá-re ha ñamyangekōi chupe, ha jajapo ipype tape ñandéve ġuarā, ha ñamoĩ chupe rréi imbytépe, heē, Tabeel ra’yúpe.

7 Péicha he’i Tupā Ñandejára: Ndoikomo’ái, ni ndojehumo’ái upéva.

8 Síria akā niko Damasco, ha Damasco akā, Rezín; ha senta y cinco ary rire Efraín oñehundíta ndaha’evéi peve tavayguakuéra.

9 Ha Efraín akā Samaria, ha Samaria akā Remalías ra’y. Nde-regueroviáiramo añetehápe nderepytamo’ái.

10 Ha avei, oñe’ē jey Ñandejára Acaz-pe, he’ivo:

11 Ejerure ndéve ġuarā peteĩ techaukaha Ñandejára nde Tupā-gui; ejerure yvyguy ipypukuvehápe, térā yvate ijyatevehápe.

12 Ha katu Acaz he’i: Ndajeruremo’ái, ha ndaipy’ara’āmo’ái Ñandejárape.

13 Ha ha’e he’i: Pehendu ko’áğa peē, O David róga, michĩ mba’e

piko peēme pemonguerái yvyporakuérape, pemonguerái hağua avei che Tupāme.

14 Upévare, Ñandejaraite ome’éta peēme peteĩ techaukaha—Péina ápe, peteĩ vírgen hyeguasúta, ha imembýta peteĩ mitākuimba’e, ha ohenóita herarā Emanuel.

15 Mantéka ha eíra ho’úta, ombotovekuua peve ivaíva ha oiporavokuua peve iporāva.

16 Ha pe mitā ombotovekuua mboyve ivaíva ha oiporavo iporāva, pe vyv nde rehayhu’yéteva ipore’yta mokōivéva irréigui.

17 Ñandejára oguerúta nde ári, ha nde tavayguakuéra ári, ha nde rukuéra róga ári, ára araka’evé ndouiva’ekue Efraín ojei guive Judá-gui, upéva Asiria-pegua rréi.

18 Ha ojuhúta upe árape Ñandejára oturuñe’éta mberu oíva mombyry Egipto-pe, ha pe eiru oíva Asiria retāme.

19 Ha oúta hikuái, ha opavave oñemoíta umi ijyvytypa’ũ ha’e-ñóme, ha umi itakuápe, ha opa ñuatĩndy, ha opa ka’avo ári

20 Upe araitépe Ñandejára ohendyva’óta peteĩ kyse ñapĩha ojeiporuva’ekuépe, umi oíva ysyry mboypýri rupive, rréi de Asiria rupi, pe akā, ha hetyma rague; ha avei oipe’áta pe hendyva.

21 Ha ojuhúta upe árape, peteĩ kuimba’e omongakuaáta peteĩ vakara’y ha mokōi ovecha.

22 Ha ojuhúta, heta kamby umíva ome’évare, ha’e ho’úta

kesu; mantéka ha éira ho'útagui opavave umi opytáva yvýpe.

23 Ha ojuhúta upe árape, opa tenda, oihámekuri mil parralty hepýva mil ciclo de pláta, opytáta ñuatĩndy ha javorairã.

24 Hu'y ha vyrapã reheve kuimba'ekuéra oikéta upépe, opaite yvy ha'étagui ñuatĩndy ha javorái.

25 Ha opa yvyty ojejo'otahápe asádape, noġuahẽmo'ái hikuái okyhyjégui umi ñuatĩndy ha javoráigui; ha katu ha'éta kapi'ipe guéi karurã, ha oguata haġua hi'ári mymba michĩ.

ÑEMBYATY 18

Cristo ha'éta ita ñepysangaha ha ita ñeko'õiha—Peheka Ñandejárape, ha ani umi adivino he'ipávape—Pejujey léi ha testimóniope pehupyty haġua tekombo'e—Oñembojojáva'erã Isaías 8 rehe. 559–545 ary rupi Cristo mboyve.

AVEI, Ñandejára ñe'ẽ he'i chéve: Ejagarra peteĩ vyvra tuicháva, ha ehai ipype kuimba'e ohaiháicha, Maher-shalal-hash-baz rehegua.

2 Ha ajagarra testigokuéra ijeroviareková ojapo haġua kuationjehaipyre, sacerdote Urías-pe, ha Zacarías-pe Jeberequías ra'y.

3 Ha aiko pe profetisa ndive, ha hyeguas ha imemby peteĩ kuimba'e. Upéramo he'i chéve Ñandejára: Emoĩ chupe herarã, Maher-shalal-hash-baz.

4 Ha péina ápe, pe mitã he'ikuaa mboyve, Che ru, ha che sy, ojeipe'áta Damasco-gui imba'ehepy ha Samaria mondapyre pe Asirigua rréi renondégui.

5 Ha Ñandejára oñe'ẽ jey chéve, he'ívo:

6 Kóva ko tavayguakuéra ndoi-potáigui Siloe-pegua y osyrýva py'aguapýpe, ha ovy'aiterei Rezín ha Samaria ra'y ndive;

7 Ko'áġa upévare, péina ápe, Ñandejára ohupíta hi'arikuéra ysyrypegua y, mbarete ha hetáva, upéva ha'e Asirigua-rréi ha opa iverapy; ha ha'e ojupíta opa hi'y rape ári, ha ohóta opa hi'y rembe'y ári.

8 Ha ohasáta Judá rupi; ha oñehẽ ha omyenyhẽta; ha oġuahẽta ijajúra peve; ha pe ipepo jepysa omyenyhẽta nde yvy tuichakue, O Emanuel.

9 Peñembyaty, O tavayguakuéra, ha peñemongu'íta; ha pehendu opavave peẽ tetã mombyryguáva; peñembosako'i, ha peñemongu'íta; peñembosako'i ha peñemongu'íta.

10 Peñembyaty consejo-pe, ha nda'emo'ái mba'eve; peje ñe'ẽ ha ndopytamo'ái; Tupã oĩgui orendive.

11 Péicha Ñandejára oñe'ẽgui chéve po mbarete reheve, ha chembo'e ani haġua aiko kóva ko tavayguakuéra rapére, he'ívo:

12 Ani ere, guiryry, opa mba'e ko tavayguakuéra ohenóivape, guiryry, ha ani ekyhyje ha'ekuéra okyhyjévgui, ani ekyhyje.

13 Pemomarangatu Señor de

los Ejércitos-pe; ha ha'e taha'e pendekyhyje, ha ha'e taha'e pendekyhyjeha.

14 Ha ha'éta peëme ñetupaitüháramo; ha katu ita ñepy-sangaha, ha ita ñeko'oiha umi mokoi Israel rógape ġuarã, ñuhã ha lásoramo umi Jerusalén-pe oikóvape ġuarã.

15 Ha heta ijapytepekuéra oñepysanga ha ho'áta, ha ojeipy'ajopýta, ha oñemoñuhãta, ha oñeñapytita.

16 Ejokua pe testimonio; esella pe léi che remimbo'ekuéra apytépe.

17 Ha che aha'arõta Ñandejárape, oñomiva hova Jacob rógagui, ha chupe ahekáta.

18 Péina ápe, che ha umi ta'ýra Ñandejára ome'éva'ekue chéve ha'e Israel-pe ġuarã techaukaha ha techapyrãramo Señor de los Ejércitos-gui, oikóva Monte de Sión-pe.

19 Ha oje'e vove peëme: Peporandu umi ohenóiva omanova'ekue ángape, ha umi adivino he'ipávape ha oñe'éva hãipáũ rupive—ndohekaiva'erã piko tavayguakuéra Itupãme umi oikovéva ohendu haġua omanova'ekuġui?

20 Pe léi ha testimoniope; ha noñe'ëiramo hikuái kóva ko ñe'ëme he'iháicha, upéva ha'e ndaiporigui tesape ipypekuéra.

21 Ha ohasáta hikuái vvy ári jeipy'ajopy'atã ha ñembyahýi; ha ojehu iñembyahýi vove hikuái, ipochýta, ha omoñe'ëngáita irréipe ha Itupãme,

ha ohupíta hikuái hesa yvate gotyo.

22 Ha oma'éta hikuái vvyre ha ohecháta angekói, ha pytũmby, ha ypytũ jeipy'ajopýgui; ha oñemo-sëta chupekuéra pytũmbýpe.

ÑEMBYATY 19

Isaías oñe'ë pe Mesías-re—Tavayguakuéra oikova'ekue pytũmbýpe ohecháta tuicha tesape—Petei mitãkuimba'e oñemoheñoi ñandéve—Ha'éta pe Príncipe de Paz ha oisãmbyhýta David apykajegua ári—Ñambojojáva'erã Isaías 9 ndive. 559–545 ary rupi Cristo mboypve.

UPEVÉRE, pe ypytũ ndaha'emo'ái ijehasa'asypeguaréicha, ha'e oipy'ajopy kangymiramoguare Zabulón retã, ha Neftali retã, ha upéi oipy'ajopy pohyive chupekuéra pe Mar Rojo rapére Jordán mboypýri Galilea retãme.

2 Tavayguakuéra oikova'ekue pytũmbýpe ohecha petei tesape tuicháva; umi vvy ñemano ãme oikóva ári, omimbíkuri tesape.

3 Nde rembohetave pe tetã, ha remoive vy'apavë—ovy'a hikuái nerenondépe ovy'aháicha temitýngue árape, ovy'aháicha vvyvorakuéra omboja'óramo mondapyre.

4 Remopëgui imba'epohýi júgo, ha vvyra ijatí'y arigua, ha ijopy-hára vára.

5 Opa oñorairōkuaáva ñorairō ha'e tyapuguasu reheve, ha ao ogehypýiva tuguýpe; ha katu kóva ha'éta jehapy ha tata kusu-guéicha reheve.

6 Peteĩ mitãkuimba'e niko oñemoheñoĩ ñandéve, peteĩ ta'ýra oñeme'ẽ ñandéve; ha ijati'y ári oĩta pe ñeisãmbyhy; ha oñembohérata Admirable, Consejero, Dios Fuerte, Padre Eterno, Príncipe de Paz.

7 Pe iñeisãmbyhy ñembotuicha ha py'aguapy ndopamo'ãi, David apykajegua ári, ha irréino ári omoĩporã haġua, ha omohenda haġua huísio ha hustísiape, ko'áġa guive tapiapte peve. Pe Señor de los Ejércitos rakate'ý ojapóta ko'áva.

8 Ñandejára ombou iñe'ẽ Jacob-pe, ha oguejy Israel-pe.

9 Ha opa tavayguakuéra oikuaáta, jepeve Efraín ha Samaria-pe oikóva, korasō ñembotuicha ha orgúllo reheve he'íva:

10 Umi ita'yvy ho'a, ha katu romopu'áta ita ñekytĩmbyrépe; umi sicómoro oñekytĩ, ha katu romoĩta hendaguépe cedro.

11 Upévare Ñandejára omoĩta hese ohayhu'ýva Rezín-pe, ha ombyatýta oñondive umi ohayhu'ýva chupe.

12 Sirio-kuéra tenondépe ha Filisteo-kuéra tapykuépe; ha jurupe'aguasúpe ho'úta hikuái Israel-pe. Jepeve ko'áva ne'íra opa ipochy, ha katu ipo ojepyso gueteri.

13 Tavayguakuéra ndojeréi pe oipy'ajopýva chupe gotyo,

ni ndohekái pe Señor de los Ejércitos-pe.

14 Upévare Ñandejára oikytita Israel-gui akã ha huguái, hakã ha piri peteĩ árape.

15 Pe itujáva, ha'e upe akã; ha pe proféta ombo'éva japu, ha'e huguái.

16 Ha umi oisãmbyhýva ko'ã tavayguakuérape niko ombojavychupekuéra; ha umi ha'ekuéra omboguatáva oñehundi.

17 Upévare Ñandejára ndovy'amo'ãi imitãrusukuéra rehe, ha ndoguerekomo'ãi poriahuvereko isy ha ituva'ýva ni imenave'ývare; opavave hovamokōi ha hembiapovaígui, ha opa juru oñe'ẽ mba'e rei. Ha opa ko'ã mba'ére ne'íra opa ipochy, ha ipo ojepyso gueteri.

18 Pe tekoñaña oporohapýgui tatapeguáicha; ombokusuguéta ñuatĩndy ha javorái; ha omopu'áta tatarendy ka'aguy iñypytüveháme, ha ojupíta ha'eramoguáicha tatati.

19 Ha Señor de los Ejércitos ñeko'ōi omoypytüta pe yvy, ha tavayguakuéra opytáta tata kusuguéicha; avave ndoiporiahuverekomo'ãi ijoyke'ýpe.

20 Ha pe kuimba'e ojagarráta ágotyo ha iñembyahýita; ha ho'úta pégotyo ha nahenyhēmo'ãi; ha opavave yvypóra ho'úta ijyva ro'o—

21 Manasés, Efraín-re; ha Efraín Manasés-re; ha ha'ekuéra oñondive oñemoĩta Judá-re. Opa ko'ã mba'ére ne'íra opa ipochy, ha katu ipo ojepyso gueteri.

ÑEMBYATY 20

Asiria ñehundi omoha'anga iñaña-vakuéra ñehundi pe Mokõiha Jejujépe—Sa'i yovpóra opytáta Ñandejára ou jey rire—Jacob rembyre oujeýta upe árape—Ñambojojáva'erã Isaías 10 rehe. 559–545 ary rupi Cristo mboyo.

ÁI umi omoíva ñe'ẽmondo hekojoja'yva, ha ohaíva kuatiáre umi jeipy'ajopy omoíva'ekue;

2 Omboyke haḡua huísiogui umi oikotevẽvape, ha oipe'a haḡua iderécho che tavayguakuéra mboriahúgui; umi imenave'ymava ha'e haḡua hi'upyrã ha omonda haḡua umi tyre'yvape.

3 Ha mba'épa pejapóta pe jehavira árape, ha pe ñemonandi mombyrýgui oúvape? mávape pehóta penepytyvõ haḡua? ha moõ piko pehejáta pende verapy?

4 Cherehe'y ojayvýta hikuái umi ojejokuáva renondépe, ha umi omanóva apytépe ho'áta. Upevére ne'íra opa ipochy, ha ipo ojepyso gueteri.

5 O Asirio, che pochy vára, ha pe báculo ipópe ha'e iñeko'õijoja.

6 Amondóta chupe petẽ tetã hovamokõiva rehe, ha che ñeko'õi tavayguakuéra rehe ame'ëta chupe tembiaporã ohekýi haḡua pe mondapyre, ha ohekýi haḡua pe hi'upy, ha topyrũ hi'arikuéra tuju tapereguáicha.

7 Upevére ndaha'úi upéva ha'e ohekáva, ni pe ikorasõme

oipotáva; ha katu ikorasõme oĩ ohundi ha oikyti tetanguérape ha ndaha'ei mbovymi.

8 Ha ha'e he'i: Ndaha'úi piko rréi opavave umi che príncipe?

9 Ndaha'úi piko Calmo Carquemis-cha? Hamat Arfat-cha?, ha Samaria Damasco-icha?

10 Che po omoĩ haguéicha umi idolokuéra rréino, ha umi ha'anga ojejapopyréva ohasa Jerusalén ha Samaria-guápe;

11 Ndajapomo'ái piko, ajapo haguéicha Samaria idolokuéra ndive, Jerusalén idolokuérare?

12 Upévale ojuhúta Ñandejára ojapopa vove opaite hembiapo Monte de Sión ha Jerusalén ári, che ahaviráta pe Asiria-gua rréi korasõ atãgui osëva, ha pe ijesaupi verapy.

13 Ha'e he'igui: Che po pu'aka ha che arandu rupive ajapo ko'ã mba'e; ha che akãguapýgui; ha amongu'e tavayguakuéra rembe'y, ha amonda chugui-kuéra imba'ehepy, ha amoĩ yvýre umi ipype oikóvape yvypóra py'aguasúicha;

14 Ha che po ojuhu jaitypóicha umi tavayguakuéra mba'ehepy; ha oñembyatyháicha ryguasurupi'a ojehejareiva'ekue upéicha che ambyaty opa yvy; ha ndaipóri avave omomyíva ipepo, ni ojejurupe'áva, ni opiáva.

15 Ojeroviáta piko pe hácha ipype oikytiavare? Oñemomba'eguasúta piko pe kyfiha chupe oiporúvagai? Pe vára ikaturõguáicha ojeityvyro imopu'áhare, térã pe bastón ikaturõguáicha

opu'ã ijehegui ndaha'eiramoguáicha vyvra!

16 Upévare Ñandejára, pe Señor de los Ejércitos, omboúta ñembopiru, umi ikyráva apytépe; ha iverapy guýpe omyendýta peteĩ tata ha'eramoguáicha tata rendy.

17 Ha Israel resape ha'éta tatáramo, ha Imarangatatu tarendýramo, ha ohapy ha ombokusuguéta peteĩ árape ijavorái ha ñuatindy;

18 Ha ombokusuguéta ika'aguy verapy, ha iñu porãgui, mokõive ánga ha tete; ha ha'éta hikuái peteĩ poyvirerahaha ipy'amanóramo.

19 Ha umi vyvra hembýva ika'aguýgui mbovýta, peteĩ mitã jepe oipapakuaátava.

20 Ha ojuhúta upe árape, Israel rembyre, ha umi osëva'ekue Jacob rógagui, araka'eve ndojejokomo'ávéma upe oipy'ajopyva'ekuere chupe, ha katu ojejokóta hikuái Ñandejárare, pe Israel-pegua Imarangatúva, añetehápe.

21 Pe hembyre oujeýta, heë, Jacob rembyre, pe Tupã ipu'akapávape.

22 Jepe nde tavayguakuéra Israel ha'éramo vyvku'i yguasupeguáicha, upevére peteĩ hembyre oujeýta; pe ñehundipa oñemoĩmava'ekue henyhëta tekojoja reheve.

23 Ha Señor Dios de los Ejércitos oja póta upe ñehundipa, jepe oñemoĩmava'ekue opa vyýpe.

24 Upévare, péicha he'i pe Señor Dios de los Ejércitos: O

che tavayguakuéra peikóva Sión-pe, ani pekyhyje Asirio-kuéragui; ha'e vára reheve pendepy'ajopýta, ha omopu'ãta ijyvyra penderehe, Egiptogakuéraicha.

25 Ha ko'águi ára mbykymíme, opáta pe ñeko'õijoja, ha che pochy ñnehundirã.

26 Ha pe Señor de los Ejércitos oguerúta peteĩ tukumbo chupe ñuarã Madián-pegua jejukagua-súicha Horeb itakuápe; ha ivára oĩ haguéicha yguasu ári upéicha omopu'ãta ha'e ivára Egiptogakuéraicha.

27 Ha ojuhúta upe árape ojeipe'áta imba'epohýi nde ati'y árigui, ha ijúgo nde ajúragui, ha pe júgo oñehundíta pe ñemoñandyry rupi.

28 Ha'e oñuahë Ayat peve, ohasa Migrón-pe; ha Micmas-pe oheja ikarrokuéra.

29 Ohasa hikuái pe jehasaha rupi; opyta hikuái Geba-pe; Rama oryrýi; Gabaa Saúl-gui okañy.

30 Ehupi ne ñe'ë, O Galim rajy; eheja toñehendu Lais peve, O Anatot mboriahu.

31 Madmena ova; Gebim-pe oikóva oñembyaty okañy haña.

32 Jepeve ha'e opytáta upe árape Nob-pe; omongu'éta ipo Sión membykuña vvytyre, Jerusalén vvyty.

33 Péina ápe, Ñandejára, pe Señor de los Ejércitos omopëta pe vyvra rakã kyhyjépe, ha ijyvatéva ojeitýta ha umi oñembotuicháva oñemotindýta.

34 Ha oikytíta iérrope umi

ka'aguyty, ha pe líbano ho'áta peteĩ ipu'akapáva po rupi.

NEMBYATY 21

Pe Isaí trónco (Cristo) ohusgáta tekojojápe—Milenio-pe Tupã jeikuaa ojaho'íta yvy—Ñandejára omopu'áta peteĩ aoveve ha ombyatýta Israel-pe—Ñambojojáva'erã Isaías 11 rehe. 559-545 ary rupi Cristo mboyyve.

HA Isaí tronco-gui osëta peteĩ vára, ha peteĩ hakã hokyta hapógui.

2 Ha hi'ári oguejýta Ñandejára Espíritu, pe espíritu arandu ha ñeikũmbykuaa rehegua, pe espíritu omé'ëva ñemoñe'ë ha pu'aka, pe espíritu mba'e-kuaa ha Ñandejáragui jekyhyje rehegua;

3 Ha oñeme'ëta chupe ñeikũmbykuaa Ñandejára kyhyjépe; ha ndohusgamo'ãi hesa ohechá-vare, ni ndoporaja'omo'ãi ijapysa ohendúvare.

4 Ha katu tekojojápe ohusgáta imboriahúvape, ha oporoja'óta hendaitépe umi ipy'agua-pýva yvy ape ári rehe; ha vára ijuruguápe oipy'ajopýta pe yvy, ha hembe pytúpe ojukáta iñañávape.

5 Ha tekojoja ha'éta ilómo jokuaha, ha jeroviapy irriñón jokuaha.

6 Ha avei oikóta pe lóvo ovechara'y ndive, ha pe jaguarete kavarara'y ndive oñenóta; pe mymbarary ha leõ'i ha mymbakyrá oikóta

oñondive, ha peteĩ mitã michi oisãmbyhýta chupekuéra.

7 Ha pe vaka ha óso okarúta, imymbara'ykuéra oñenóta oñondive; ha leõ guéicha ho'úta kapi'i.

8 Ha pe mitã kambu oñemboharáita mbói chumbe kuára ári, ha pe oñemombo'oramóva opo'ëta mbói raitýpe.

9 Nombyaimo'ãi ni nohundi-mo'ãi hikuái opa che yvyty marangatúpe, pe yvy henyhëtagui Ñandejára jeikuaágui, y ojaho'i-háicha yguasu.

10 Ha upe árape oíta peteĩ Isaí rapo, oñemoítava aovevéramo tavayguakuérape; gentilkuéra ohekáta chupe; ha ipytu'u iporãitereíta.

11 Ha ojuhúta upe árape Ñandejára oipyso jeýta mokõiha jave ipo ogueru jey hağua itavayguakuéra rembyre opytátavape, Asiria-gui, ha Egipto-gui, ha Patros-gui, ha Cus, ha Elam-gui, ha Sinar, ha Hamat-gui, ha umi islas del mar-gui.

12 Ha ha'e omopu'áta peteĩ aoveve tetãnguérape, ha ombyatýta Israel-gui oñemosëva'ekuépe, ha ombyatýta oñondive Judá-guigua isarambiva'ekuépe irundy yvy rendágui.

13 Efraín potapy avei opáta, ha Judá-pe ohayhu'ýva oñeikytíta; Efraín ndaipy'arasymo'ãi Judá-re, ha Judá ndoipy'apymo'ãi Efraín-pe.

14 Ha katu ovevéta hikuái fi-listeo-kuéra ati'y ári kuarahyreike gotyo; omondáta hikuái

oñondive kuarahyresēgui; Edom ha Moab ári omoíta hikuái ipo; ha Ammón ra'ykuéra iñe'ërendúta hesekuéra.

15 Ha Ñandejára ohundipáta Egipto-pegua yguasu kũ; ha ijyvytu pu'akápe omongu'éta ipo pe ysyry ári, ha oipy'ajopýta chupe siete ijyvápe ha ohejáta yvyporakuéra ohasa hi'ári yvy rupi.

16 Ha oíta tape porã itavayguakuéra rembyre opytátavape guarã, Asiria guive, oĩ haguéicha Israel-pe guarã ára ojupíramo-guare Egipto retāgui.

ÑEMBYATY 22

Milenio árape mayma yvypóra omomorãta Ñandejárape—Ha'e oikóta ijapytepekuéra—Ñambojojáva'erã Isaías 12 rehe. 559–545 ary rupi Cristo mboyve.

HA upe árape eréta: O Ñandejára, che romomorãta; jepe ndepochýkuri chendive nde pochy ojei, ha chemoangapyhy.

2 Péina ápe, Tupã ha'e che salvasiõ; che ajeroviãta, ha ndakyhyjemo'ãi; JEHOVÁ Ñandejára ha'égui che mbarete ha che purahéi; ha ha'e avei salvasiõ chéve guarã.

3 Upévore, vy'ápe peguenohêta y umi salvasiõ ykuágui.

4 Ha upe árape pejéta: Pemorã Ñandejárape, pehenoi'asy héra, pemombe'u hembiaपो tavayguakuéra apytépe, peje héra oñemopu'aha.

5 Pepurahéi Ñandejárape; ha'e ojapógui mba'e techapyrãva; ha ko'ãva opa tetãme ojeikuaa.

6 Emomorã ha epurahéi, nde reikóva Sión-pe; tuichágui pe Israel-pegua Imarangatúva nde apytépe.

ÑEMBYATY 23

Babilonia ñehundi omoha'anga pe ñehundi oútava Mokõiha Jejúpe—Ha'éta peteĩ ñeko'õi ha vengãnsa ára. Babilonia (pe yvóra) ho'áta tapiante guarã—Ñambojojáva'erã Isaías 13 rehe. 559–545 ary rupi Cristo mboyve.

PE Babilonia mba'epohýi, Isaías Amós ra'y ohechava'ekue.

2 Pemopu'ã peteĩ poyvi vyty yvate ári, pehupi chupekuéra ñe'ë, emongu'e nde po, oike haḡua hikuái umi hekoporãva rokẽ rupi.

3 Ame'ëva'ekue tembiapoukapy che marangatukuérape, ha avei ahenói che py'aguasukuérape, che pochy noirigui umi ovy'áva ndive che verapyre.

4 Atyguasu ryapu vytykuérape ojogua peteĩ tavaygua tuicha ryapúpe, peteĩ tyapu tuicha umi tetã rréino oñembyatýva rehegua, pe Señor de los Ejércitos ombosako'i ehsitokuéra ñorairõra.

5 Ou hikuái tetã mombyrýgui, yvága pahágui, heë, Ñandejára, ha iñeko'õjoja arma-kuéra, ohundipaite haḡua yvy.

6 Peguahu peë, Ñandejára ára hi'aǵuimagui; oúta ha'eramo-guáicha Ipu'akapáva ñehundi.

7 Upévore maymáva po ikangy-páta, opavave yvypóra korasõ hykúta;

8 Ha okyhyjéta hikuái; jepy'apy ha ñembyasy oñemomba'éta hesekuéra; omañáta hikuái ojehe ñemondýipe; hovakuéra ha'éta tatarendýicha.

9 Péina ápe, Ñandejára ára ou, py'ahatã ha ñeko'õi ha pochy hendýva reheve, ombotapere haǵua pe vvy; ha ha'e ohundíta ipypégui iñangaipávape.

10 Ha mbyjakuéra yvagagua ha imbyja'atykuéra nome'ẽmo'ãi hesape; pe kuarahy iñypy-túta osẽnguévo, ha pe ñasaindy nomimbimo'ãi.

11 Ha che ahaviráta yvórape iñañágui, ha umi hekoñañá-vape hembiapovaíre; ha umi ijorgullósova jejapo ambopaháta, ha aityta umi oporomondýiva ñembotuicha.

12 Ha amoporãvéta yvypórape óro ojejapoporãvagui; ha ajapoporãveta Afir-guigua órogui yvypórape.

13 Upévore, amongu'éta yvaguakuéra, ha pe vvy ojeíta hendágui, pe Señor de los Ejércitos ñeko'õire, ha pe ipochyvai árape.

14 Ha ha'éta kórsa oñemuñávai-cha, ha ovecha herekuá'yvaicha; ha opavave yvypóra ohojeyta itávape, ha opavave oñaníta hetãme.

15 Ha maymáva ijorgullósova ojejapyharáta; heë, ha opa

umi iñañávandi oikóva ho'áta kysepukúre.

16 Imitãnguéra avei oñemongu-íta hesa renondépe; hogakuéra oñemondapáta ha hembireko-kuéra oñerairõta.

17 Péina ápe, umi Medo-pe amoíta hesekuéra, ha ha'ekuéra ndohecharamomo'ãi óro ni pláta, ha ndoipotamo'ãi umíva.

18 Ihu'ykuéra avei oikutúta umi mitãrusúpe; ha ndoipo-riahuverekomó'ãi nde ryégui osẽva'ekuépe; ha hesakuéra ndohejareimo'ãi umi mitãme.

19 Ha Babilonia, rreinokuéra verapy, caldeo-kuéra mba'e-jegua paha, ha'éta Tupã ohu-ndiramoguaréicha Sodoma ha Gomorra-pe.

20 Araka'eve ndojeikomo'ãvéima ipype, ni noñeimemo'ãvéima ipype ñemoñare'atýgui ñemoñare'atýpe: pe Árabe nomoímó'ãi upépe hogaa; ha umi ovecharerekua ndoguerekomó'ãi upépe ovecha'aty.

21 Ha katu mymba saite tave'y-megua oñenóta upépe; ha hogakuéra henyhëta mymba saitégui; ha upépe oikóta ñakurutü, ha ojerokýta umi itie'yva.

22 Ha umi mymba saite ka'aguypegua oíva umi isla-pegua oguahúta hóga ha'eñóme, ha umi dragón-kuéra hóga porãme; ha hi'ára hi'aǵuima, ha hi'ára noñembopukumó'ãi. Che ahundi pya'étagui chupe; heë, aiporia-huverekótagui che tavaygua-kuérape, ha katu umi iñañáva omanóta.

ÑEMBYATY 24

Israel oñembyatýta ha ovy'áta pytu'u milenario-pe—Lucifer oñemosẽva'ekue yvágagui iñepu'äre—Israel ipu'akáta Babilonia-re (pe yvóra)—Ñambojojáva'erã Isaías 14 rehe. 559–545 ary rupi Cristo mboypve.

HA Ñandejára oiporiahuverekóta Jacob-pe, ha oiporavóta gueteri Israel-pe, ha omoíta chupekuéra ijyvytépe; ha pytaguakuéra oñembyatýta hendivekuéra, ha ojoajúta hikuái Jacob rógare.

2 Ha tavayguakuéra ojagarráta ha ogueraháta chupekuéra hendápe; heẽ, mombyry guive yvy opaha peve; ha oujeýta hikuái ijyvy ñe'ẽme'ẽngueme. Ha Israel róga oikóta ipype, ha Ñandejára retã ha'éta kuimba'e ha kuñáva tembiguáirã; ha oñapytita hikuái umi chupekuéra oñapytíva'ekuépe; ha oisãmbyhýta ijopyharakuérape.

3 Ha ojuhúta upe árape Ñandejára nembopytu'úta, nde jepy'apy, ha nde kyhyjégui, ha pe ñeñapytí atãgui reñemomba'apo haguépe.

4 Ha ojuhúta upe árape, remoíta kóva ko proverbio Babilonia-pegua rréi rehe, ha eréta: Mba'éichapa opa ko oporojopýva, ko táva oroguigua opa.

5 Ñandejára omopẽ iñañáva-kuéra vára, umi oisãmbyhýva apykajegua.

6 Pe oipy'ajopyva'ekue tavayguakuérape ñeko'õire ñembota

opave'ỹvape, upe oisãmbyhyva'ekue pochýpe tetãnguérape, oñemuña, ha avave ndaikatúi ojoko.

7 Opa yvy opytu'u, ha oĩ py'aguapýpe; yvyporakuéra oñemoĩ opurahéi.

8 Heẽ, avetokuéra ovy'a nde rupi, ha avei umi cedro Líbanopégua, he'ívo: Nde re'a guive ndojupivéi kytíha orerehe.

9 Añaretã ipirĩ iguýpe neruḡuaitĩ haḡua reḡuahẽvo; ha omombáy ndéve ḡuarã umi omanova'ekuépe, opa umi príncipe yvyguápe; opa tetãnguerapegua rréipe omopu'ã ijapykajeguágui.

10 Opavave ko'áva oñe'ẽta he'ívo ndéve: Nde piko avei nekangy oréicha? Oréicha piko nde ha'e?

11 Nde jajáipa oguejy ñeño-týháme; nerehenduvéima nde lira-kuéra ryapu; yso isarambi nde guýpe, ha yso ndeaho'í.

12 Mba'éicha piko re'a yvágagui, O Lucifer, ko'ẽtĩ ra'y! Reñeikytyĩ yvýre, nde remokangyva'ekue tetãnguérape!

13 Ha erékuri ne korasõme: Aju-píta yvága peve, ha omopu'ãta che apykajegua Tupã mbyjakuéra ári; ha avei aguapýta atyguasu yvyty ári, nóрте gotyo;

14 Ajupíta arakuéra ijyvateveha ári; Che ha'éta pe Altísimo-icha.

15 Ha nde katu reñemboguejýta añaretãme, pe yvykua ipypukuveha gotyo.

16 Oma'ẽ aḡuíta nderehe umi

ndereháva, ha omañáta nde-rehe hikuái ha he'íta: Kóva piko ha'e kuimba'e omboryryiva'ekue pe yvy, omongu'eva'ekue rréinokuéra?

17 Ha ojavova'ekue yvóragui tave'yicha, ha ohundi itavakuéra, ha araka'eve ndoipe'aiva'ekue okê umi ka'irãime oïvape?

18 Opavave rréi tetãguerape-gua, heê, mayma ha'ekuérava, oï verapýpe, opavave ha'ekuéra hogaitépe.

19 Ha katu nde reñemosê ne ñeñotýhãgui vyvra rakã ijeja'e'yvaicha, umi omanomava'ekue rembyréicha, oñembohasava'ekue hesekuéra kysepuku, ho'áva umi ita vyvkuápe; te'õngue oñepyrũmbava'ekue heséicha.

20 Nereñeñotýmo'ãi hendi-vekuéra, rehundi haguére ne retã ha rejuka haguére nde tavayguakuérape; umi heko añáva ñemoñare araka'eve ndojehechakuaamo'ãi.

21 Pembosako'i jejuka ita'y-rakuérape ñuarã itavakuéra rembiapovaikuére, ani haña opa'ũ hikuái, ni ohupyty pe yvy, ni omyenyhê hikuái tavaguasukuéra reheve yvóra rova.

22 Ha che apu'ãta hesekuéra, he'i pe Señor de los Ejércitos; ha aikytita Babilonia-gui pe térã, ha tembyre, ha ta'yra, ha joyke'y ra'y, he'i Ñandejára.

23 Ha ajapóta avei chugui guy-rakuéra jeikoha, ha yno'õmegua y; ha aitypeíta chupe typycha ñehundípe, he'i pe Señor de los Ejércitos.

24 Pe Señor de los Ejércitos oñe'ẽme'ẽ, he'ívo: Añetehápe ajepy'amongeta haguéicha, péicha ojuhúta; ha ha'ehaguéicha, upéicha oikóta—

25 Che aguerúta Asirio-pe che retãme, che vyvtykuéra ári apyrũmbáta hesekuéra; upéicha ojeíta chuguikuéra ijúgo, ha pe imba'e-pohýi ojeipe'áta ijatí'ygui.

26 Kóva ha'e tembipota oñemoíva'ekue opa yvy ári; ha kóva ha'e po ojepysóva opa tetãguéra ári.

27 Ha pe Señor de los Ejércitos ome'ẽ hembipota, ha máva piko oipe'áta? Ha ipo ojepyso, ha máva piko omboguevíta?

28 Ary omanoramoguarépe rréi Acáz ha'e'vakue kóva ko mba'epohýi.

29 Ani revy'a nde, opa Palestina, opê haguére pe ndeipy'ajopýva vára; ha katu pe mbói rapógui osêta peteĩ mbói, ha hí'a ha'éta peteĩ mbói veve hendypáva.

30 Ha imboriahúva primohénito okarúta, ha umi oikotevêva opytu'úta kyhyje'yme; ha ajukáta ñembyahýigui nde rapópe, ha ha'e ojukáta ne rembyrépe.

31 Eguahu, O okê; ejerure'asy, O tavaguasu, opa nde Palestina, reñemosarambipa; ha nórtégui oúta peteĩ tatañi, ha avave ndopytamo'ãi ha'eño hí'árape.

32 Mba'e piko ombohováita uperõ umi maranduhára tetãnguéragua? Ñandejára omo-pu'ãhague Sión-pe, ha umi itavayguakuerapegua imboriahúva ojeroviáta hese.

ÑEMBYATY 25

Nefi ovy'a tesakãme—Ara pahápe oñeikũmbýta Isaías profesiakuéra—Judio-kuéra oujeýta Babilonia-gui, ojukáta hikuái Mesías-pe kurusúre; ha oñemosarambi ha ojeipy'ajo-pýta—Oñemoíjeýta chupekuéra ojerovia vove Mesías-re—Ha'e ou pyýta 600 ary Lehi osẽ rire Jerusalén-gui—Nefita-kuéra iñe'ẽrendu Moisés léire ha ojerovia Cristo-re, ha'éva Israel-pegua Imarangatúva. 559-545 ary rupi Cristo mboýve.

HA ko'ágã che, Nefi, añe'ẽ'imíta umi ñe'ẽ ahaiva'ekuére, oje'eva'ekue Isaías juru rupive. Péina ápe, Isaías oñe'ẽ heta mba'e che tavayguakuéra noikũmbýva; ndoikuaáigui mba'éichapa judio-kuéra oprofetisa.

2 Ha katu, che Nefi, nambo'ei chupekuéra heta mba'e umi judio-kuéra ojepokuaaháicha; hembiapokuéra ha'égui tembiapo pytũmegua, ha hembiapokuéra tembiapovai.

3 Upévare, ahai che tavayguakuérape, opa umi upe rire ohupytítavape ko'ã mba'e che ahaiva, oikuaa haɣua Tupã huisiokuéra, ha oikuaa haɣua hikuái ouha opa tetãnguéra ári, pe ñe'ẽ ha'e he'i haɣuéicha.

4 Upévare, pehendu, O che tavayguakuéra, ha'éva Israel rogagua, ha pejapysaka che ñe'ẽnguérare; jepe umi Isaías ñe'ẽ nahesakái peẽme, upevére hesakã opa umi henyhêvape espíritu de profesíagui. Ha katu ha'e peẽme

peteĩ profesía, pe espíritu oíva che pype rupi; upévare aprofetisáta pe tesakã oĩ haguéicha chendive asẽ guive che ru ndive Jerusalén-gui; ha péina ápe, che ánga hory tesakãme che tavayguakuéra ndive ɣuarã, ikatu haɣuáicha oñehekombo'e hikuái.

5 Heẽ, che ánga hory Isaías ñe'ẽre, asẽgui Jerusalén-gui, ha che resa ohecha umi judio-kuéra mba'e, ha aikuaa judio-kuéra oikũmbyha umi profetakuéra mba'e, ha ndaipóri ambue tavayguakuéra oikũmbýva umi mba'e oje'eva'ekue judio-kuérape ha'ekuéraicha, oñembo'e'ýramo chupekuéra umi mba'e judio-kuéra ojepokuaaháicha.

6 Ha péina ápe, che, Nefi, nambo'éiva'ekue che ra'ykuérape umi judio-kuéra ojepokuaaháicha; ha katu péina ápe, che, chete niko, aikova'ekue Jerusalén-pe, upévare aikuaa umi tenda upé-rupi oĩvagui; ha amombe'u che ra'ykuérape umi Tupã huisiokuéra rehegua, oikova'ekue judio-kuéra apytépe, ha amombe'u che ra'ykuérape, opa Isaías oñe'ẽ haguéicha, ha ndahaíri umíva.

7 Ha katu, péina ápe, ame'ẽ che profesiaite, chéve hesakãháicha; ha pévape aikuaa avave ndaikatuíha ojavy; upevére, ára oñekumpli vove Isaías ñe'ẽnguéra yvyporakuéra oikuaáta añetehápe, pe ára oiko vove.

8 Upévare, hepy yvypóra ra'ykuérape ɣuarã, ha umi oimo'áva nda'upeichaiha, umívape che añe'ẽta, ha ame'ẽta che ñe'ẽnguéra

che tavayguakuérape; aikuaágui hepytaha chupekuéra ġuarã ára pahápe; ha upe árape oikũmbýta hikuái; upévale, imba'e porãã ahaiva'ekue umíva.

9 Ha oñehundi haguéicha peteĩ ñemoñare judio-kuéra apytépe tembiapovai rupi, jepe upéicha avei ha'ekuéra oñehundiva'ekue ñemoñare'atýgui ñemoñare'atýpe hembiapovaikuére; ha avave ijapytepekuéra noñehundiriva'ekue oñemomandu'ýre Ñandejára profetakuérrare.

10 Upévale, oje'e chupekuéra pe ñehundi oútavagui hi'arikuéra, che ru osẽ riremí Jerusalén-gui; upevére, omohatã hikuái ikorasõ; ha aprofetisa haguéicha ha'ekuéra oñehundi, ha umi ojegueraháva ñeñapytĩmby Babilonia-pe katu nahániri.

11 Ha añe'ẽ ko'áva pe espíritu oíva chendive rupi. Ha jepeve ojegueraha chupekuéra oujeýta hikuái, ha ohupytyta hikuái tetã Jerusalén; upévale, oñemoi jeýta chupekuéra ijyvy jehejapyrépe.

12 Ha katu, péina ápe, oikóta ijapytepekuéra ñorairõguasu, ha ñorairõguasu terakuã; ha oġuahẽvo ára pe Unihénito del Padre, heẽ, pe yvága ha yvypegua Túva, ojehechaukataha ha'ete chupekuéra ho'ópe, péina ápe, orrechasáta chupe hikuái, hembiapovaikuéra rupi, ha ikorasõ atã rupi, ha pe ijajúra atã rupi.

13 Péina ápe, ojukáta hikuái chupe kurasúre; ha oñemoi rire chupe peteĩ ñeñotýháme mbohapy ára aja opu'ãta umi

omanóva apytégui, ñemonguera ipepópe reheve; ha mayma umi ojeroviáva hérare ojesalváta pe Tupã rréinope. Upévale, che ánga hory aprofetisávo hese, ahechágui hi'ára, ha che korasõ ombotuicha héra marangatu.

14 Ha péina ápe ojuhúta pe Mesías oikovejey rire omanóva apytégui, ha ojehechauka itavayguakuérape, mayma ojeroviátavape hérare, péina ápe, Jerusalén oñehundi jeýta; ha aí umi oñorairõva Tupã ha itupaopegua tavayguakuéra ndive.

15 Upévale, judio-kuéra oñemosarambíta opa tetãnguéra apytépe; heẽ, ha avei Babilonia oñehundíta; upévale, ambue tetãnguéra omosarambíta judio-kuérape.

16 Ha oñemorasambi rire, ha Tupã Ñandejára ohavira rire chupekuéra ambue tetãnguéra rupi heta ñemoñare'aty pukukue aja, heẽ, jepeve ñemoñare'atýgui ñemoñare'atýpe ojeipy'amovã meve chupekuéra oguerovia haġua Cristo-pe, Tupã ra'y, ha pe expiasio, opave'yva, opa yvyporakuéra rehe—ha oġuahẽ vove upe ára oguerovia vove hikuái Cristo-pe, ha otupaitũ Túvape hérape, korasõ mara'y ha po potĩ reheve, ha noha'arõvéi vove ambue Mesías-pe, upéramo, upe árape, oġuahẽta ára oñeikotevõtaha oguerovia hikuái ko'ã mba'e.

17 Ha Ñandejára oipyso jeýta ipo mokõiha jey omojey haġua itavayguakuérape iñeime kañy

ha je'águi. Upévare, ha'e ojapóta peteĩ tembiapo techapyrã ha mba'eguasú yvypóra ra'ykuéra apytépe.

18 Upévare, ha'e ome'ëta chupekuéra ñe'ë, ha umi ñe'ëre ojehusgáta chupekuéra ára pahápe, oñeme'ëtagui chupekuéra oñekonvense hağua hikuái pe Mesías añeteguaha, upe ha'ekuéra orrechasava'ekue; ha oñekonvense hağua chupekuéra anive hağua oha'arõ peteĩ Mesías ouva'erãme, ndoumo'ãvéitama-gui ambue, ndaha'éiramo peteĩ Mesías añeteguay ombotavýva tavayguakuérape; oĩgui peteĩ Mesías añõnte umi proféta oñe'ëhague, ha upéva upe Mesías ha'e pe orrechasátava judio-kuéra.

19 Ha umi proféta ñe'ëme he'iháicha, pe Mesías ou 600 ary che ru osẽ rire Jerusalén-gui; ha umi proféta ñe'ëme he'iháicha, ha avei pe Tupã ángel ñe'ëme he'iháicha, hérata Jesucristo, Tupã Ra'y.

20 Ha ko'ágã, che joyke'ykuéra, añe'ë porã peẽme ani hağua pejavy. Ha oikoveháicha Tupã Ñandejára oguenohẽva'ekue Israel-pe Egipto retãgui, ha ome'ë pu'aka Moisés-pe omonguera hağua tetãnguérape oisu'u rire chupekuéra umi mbói ipopĩava, omoĩramo hikuái hesa pe mbói ha'e omopu'ãva'ekue henondepekuérape, ha avei ome'ë chupe pu'aka oikutu hağua pe ita ha osẽ y; heẽ, péina ápe ha'e peẽme, ko'ã mba'e añeteguaháicha, ha Tupã Ñandejára oikoveháicha, ndaipóri ambue térã oñeme'ëva

yvãga guýpe ndaha'éiramo kóva ko Jesucristo añõnte, añe'ë hağuére, ikatu hağuaícha yvypóra ojesalva.

21 Upévare, kóva rupi Tupã Ñandejára oñe'ëme'ë chève ko'ã mba'e ahaíva oñeñongatúta, ha oñeñangarekotaha, ha oñeme'ë-taha che ñemoñarekuérape, ñemoñare'atýgui ñemoñare'atýpe, oñekumpli hağua ñe'ëme'ë oje-japova'ekue José-pe, ñemoñare nomanomo'ãiha araka'eve yvy oĩ aja.

22 Upévare, ko'ã mba'e ohóta ñemoñare'atýgui ñemoñare'atýpe oĩ aja pe yvy; ha ohóta Tupã oipotaháicha; ha tetãnguéra oguerekótava umíva ojehusgáta umi ñe'ë ojehaiva'ekuere.

23 Ore niko romba'apo jesarekópe rohai hağua, roipy'amovã hağua ore ra'ykuérape, ha avei ore joyke'ykuérape, ojerovia hağua Cristo-re, ha oñemoĩporã hağua Tupã ndive; ha roikuaa niko ha'eha pe grásia rupi rojesalvaha, rojapo rire opa mba'e ikatúva.

24 Ha, jepeve roguerovia Cristo-pe, oreñe'ërendu Moisés léire, ha roha'arõ teko mbaretépe Cristo-pe, oñekumpli peve upe léi.

25 Ha, upevarã niko oñeme'ëva'ekue upe léi; upévare pe léi omanóma oréve ġuarã, ha roñemoingove Cristo-pe ore jerovia rupi; jepeve oreñe'ërendu upe léire umi tembiapoukapy rupi.

26 Ha roñe'ë Cristo-re, ha rovy'a Cristo-pe, rombo'e Cristo-gui, roprofetisa Cristo-gui, ha rohai

ore profesia-pe oiháicha, ore ra'ykuéra oikuaa haġua moġpa ohekava'erā hikuái iñangaipa jora.

27 Upévare, roñe'ẽ upe léire ore ra'ykuéra oikuaa haġua upe léi opamaha; ha, oikuaamarō upe léi opamaha, toma'ẽ hikuái tenonde gotyo pe tekove oiva Cristo-rehe, ha oikuaa haġua hikuái ma'e-rāpa oñeme'ẽva'ekue upe léi. Ha oñekumpli rire upe léi Cristo-pe, ani haġua omohatā hikuái hese ikorasō upe léi opa vove.

28 Ha ko'áġa péina ápe, che tavayguakuéra, peẽ ha'e tavayguakuéra ojerovia'yva; upévare, añe'ẽ porākuri peẽme, ani haġua pejavy. Ha umi ñe'ẽ ha'éva opu'āta testimónioramo pende rehe; ko'áva oĩ porāmagui ñambo'e haġua opavave yvypórape tape ikare'yva; ha katu tape ikare'yva niko ha'e Cristo-pe jeguerovia ha ani oñenega chupe; ha penegáramo chupe avei penega umi proféta ha upe léi.

29 Ha ko'áġa péina ápe, ha'e peẽme tape ikare'yva ha'eha Cristo-pe jeguerovia, ha ani ñambotove chupe; ha Cristo niko ha'e pe Israel-pegua Imarangatúva; upévare peñakāityva'erā henondépe, ha petupaitū chupe opa pende pu'aka, apytu'ũ, ha mbarete reheve, ha opa pene ánga reheve; ha pejapóramo ko'áva mba'evéicharamo napeñemosẽmo'ái.

30 Ha, oñeikotevêha peve, pejapova'erā umi Tupā rembipota ha ordenansakuéra oñekumpli

peve upe léi oñeme'ẽva'ekue Moisés-pe.

ÑEMBYATY 26

Cristo oministráta Nefita-kuérape—Nefi ohecha itavayguakuéra ñehundi—Ha'ekuéra oñe'ẽta yvytimbo guive—Gentil-kuéra omopu'āta tupao añetegua'y ha mba'evai ñemi—Ñandejára ombotove yvyporakuéra ani haġua ojapo umi sacerdote-kuéra mba'evaiñemi. 559–545 ary rupi Cristo mboyyve.

Ha Cristo opu'ā rire omanomava'ekue apytégui ojehechaukáta peẽme, che ra'ykuéra, ha che joyke'ykuéra ahayhuetéva; ha umi ñe'ẽ ha'e oñe'ëtava peẽme ha'éta léi pejapótava.

2 Ha péina ápe, ha'e peẽme ahecha heta ñemoñare'aty omanotaha, ha oíta tuicha ñorairōguasu ha joavy che tavayguakuéra apytépe.

3 Ha pe Mesías ou rire oñeme'ẽta techauka che tavayguakuérape iñemoheñóigui, ha avei iñemano ha ijeikovejéygui; ha tuicha ha ivaietereíta upe ára umi iñañávape ġuarā, omanótagui; ha omanóta hikuái omosẽ haguére umi proféta, ha umi imarangatúvape, ha oita'api ha ojuka chupekuéra; upévare umi imarangatúva ruguy jerure'asy ojupíta hesekuéra yvýgui Tupāme.

4 Upévare, mayma ijorgullósova, ha iñañávape, ára oúva ohapýta chupekuéra, he'i pe

Señor de los Ejércitos, ha'étagui hikuái ñana pirúicha.

5 Ha umi ojukáva profetakuérape, ha imarangatúvape, vygyuy pypuku omokôta, he'i pe Señor de los Ejércitos; ha vvytykuéra ojaho'íta chupekuéra, ha vvytu ojeréva ohekýíta chupekuéra, ha umi ogaguasu ho'áta hí'arikuéra ha omongu'íta ha ojavóta chuguikuéra vvytimbo.

6 Ha oúta chupekuéra arasunu, ha aravera, ha vvyryryi, ha opáichagua ñehundípe, Ñandejára pochy rata hendýtagui hesekuéra, ha ha'éta hikuái ñana pirúicha, ha ára oúva ohundíta chupekuéra, he'i pe Señor de los Ejércitos.

7 O pe che ánga ñembyasy, ha jepy'apy umi che tavayguakuéra omanova'ekue ñehundíre! Che, Nefi, ahechágui, ha upéva haimete cherundi pe Ñandejára renondépe; ha katu ha'e'asyva'erã che Tupãme: Nde rapekuéra niko ijoja.

8 Ha péina ápe, umi hekojojáva ohendúva profetakuéra ñe'ẽ, ha nohundíriva chupekuéra, ha katu oha'arõ mbarete Cristo-pe umi techauka oñeme'eva'ekuere, jepe opa umi ñemuña—péina ápe, ha'ekuéra niko umi nomanomo'áiva.

9 Ha pe Hustísia Ra'y ojehechaukáta chupekuéra; ha ha'e omongueráta chupekuéra, ha oguerékóta hikuái hendive py'aguapy, ohasa peve mbohapy ñemoñare'aty, ha heta umi irundy ñemoñare'atypegua omano rire tekojojápe.

10 Ha ko'ã mba'e oikopa vove oúta peteĩ ñehundi pya'e che tavayguakuérape; ha, jepe upe ñembyasy arekóva che ángape, che ahechákuri; upévare, aikuaa oikotaha; ha ha'ekuéra oñeme'ẽ mba'evére; ha katu, pe ijorgúllo ha hekotavy rekovia omono'óta hikuái ñehundi; oñeme'ẽgui hikuái pe añáme ha oiporavo tembiapo ppytũ tesaperangue, upévare oguejyva'erã hikuái añaretãme.

11 Ha Ñandejára Espíritu niko noñorairõmo'ái akoiete vvyypóra ndive. Ha pe Espíritu noñorairõvéi vove vvyypóra ndive ou peteĩ ñehundi pya'e, ha upéva ojopy che ánga.

12 Ha ha'e haguéicha oñekonvenseva'erãha judio-kuérape, Jesús ha'e ha pe Cristo ahetegua, upéicha avei umi gentil-kuéra oñekonvenseva'erã Jesús ha'e ha pe Cristo, pe Tupã Ijapyra'yva;

13 Ha ha'ete ojehechauka opa chupe ogueroviávape, Espíritu Santo pu'aka rupive; heẽ, opa tetãnguéra, avaretãnguéra, ñe'ẽnguéra, ha tavayguakuérape, ojavóvo tuicha milágro, techauka, ha mba'eguasú, vvyypóra ra'ykuéra apytépe ojeroviaháicha hikuái hese.

14 Ha péina ápe, aprofetisa peẽme ára paha reheguare; umi ára Tupã Ñandejára ohechaukatahápe ko'ã mba'e vvyypóra ra'ykuérape.

15 Che ñemoñare ha che joyke'ykuéra ñemoñare ho'a rire jerovia'yme, ha ojeipy'ajopy

rire chupekuéra gentil-kuérare; heẽ, Tupã Ñandejára opu'ã rire hesekuéra opárupi, ha omongora rire chupekuéra tápia reheve ha omopu'ã táva mbarete hesekuéra; ha ojeity rire chupekuéra yvy-timbópe, jepe ndaha'évúi peve hikuái, upevére umi hekojojáva ñe'ẽ ojehaíta, ha umi ijeroviarekóva ñembo'e oñehendúta, ha opavave umi ho'ava'ekuégui jerovia'yme ndoikomo'ái tesarái.

16 Umi oñehundítava oñe'ëtagui chupekuéra yvy guive, ha iñe'ënguéra osëta yvýgui, ha iñe'ë ha'éta peteicha ohenóiva omanova'ekue ángape; Tupã Ñandejára ome'ëtagui chupe pu'aka, oñe'ëguy haña hesekuéra, ha'eramoguáicha yvýgui; ha iñe'ë oñe'ëguyta yvytimbógui.

17 Péicha he'ígui Tupã Ñandejára: Ha'ekuéra ohaíta umi mba'e ojeapótava ijapytepekuéra, ha ojehai ha ojeselláta peteĩ kua-tiañe'ëme; ha umi ho'ava'ekue jerovia'yme ndoguerekomó'ái umíva, oñeha'ãgui ohundi umi Tupã mba'e.

18 Upévore, umi oñehundiva'ekue oñehundi pya'e haguéicha; ha umi oporomongyhyjéva atyguasu ha'éta kokuerére ohasávaicha—heẽ, péicha he'í Tupã Ñandejára: Oikóta peteĩ tesapi-rĩme, pya'eterei—

19 Ha ojehúta, umi ho'ava'ekue jerovia'yme ojeipy'ajopyta gentil-kuéra po rupive.

20 Ha gentil-kuéra oñemboyvate hesa orgúllope, ha oñepysanga hikuái tuicha haguére

pe iñepysangaha, ha omopu'ã hikuái heta tupao; upevére, nomomba'eguasúi Tupã pu'aka ha milagrokuéra, ha oñombo'e ojupe iñarandu ha ikuaapykuéra, oñem-bopirapire heta ha omongu'í haña mboriahukuéra rova.

21 Ha oñemopu'ã heta tupao oguerúva potapy, ha jeikovai, ha aña.

22 Ha avei oĩ mba'evai ñemi, jepe ymaguaréicha, pe aña mba'évaicha, ha'égui ha'e opa umi mba'e apoha; heẽ, jejuka, ha tembiapo pytūmegua apoha; heẽ, ha ogueraha chupekuéra ijajúragui cordel de líno-pe, ojokua peve chupekuéra isã atáme tapiate peve.

23 Ha péina ápe, che joyke'ykuéra ahayhuetéva, che ha'e peẽme Tupã Ñandejára nomba'apoiha pytūmbýpe.

24 Ha'e ndojapói mba'eve ndaha'éiramo yvóra mba'e porārã; ha'e ohayhúgui yvórape, ome'ë meve hekove ogueru haña mayma yvypórape hendive. Upévore, avavépe ha'e nde'íri ani haña oike isalvasiõme.

25 Péina ápe, osapukái piko ha'e peteĩme, he'ívo: Ejeĩke chehegui? Péina ápe, ha'e peẽme Nahániri; ha katu he'í: Peju cherendápe opa peẽ yvy opahágui, pejugua kamby ha eíra, pirapire'yre ha hepy'yre.

26 Péina ápe, he'í piko ha'e peteĩme osë haña sinagoga-kuéragui, térã umi óga ñetupaituhágui? Péina ápe, ha'e peẽme, Nahániri.

27 He'i piko ha'e peteime ani haġua oike isalvasiõme? Péina ápe ha'e peẽme, Nahániri; ha katu ome'ẽrei mayma yvypórape; ha he'i itavayguakuérape oipy'amovã haġua mayma yvypórape oñearrepenti haġua.

28 Péina ápe, he'i piko Ñandejára peteime ani haġua ohupyty ipy'aporã? Péina ápe ha'e peẽme, Nahániri; ha katu opa yvypóra oñemomba'e peteicha, ha avavepe noñembotovéi.

29 Ha'e he'i ndaiporiva'erãha sacerdote-kuéra mba'evaiñemi; ha, péina ápe, ha'e sacerdote-kuéra mba'evaiñemi yvyporakuéra ombo'éva ha oñemoiva ijupe ha'eramoguáicha peteĩ tesape yvórape, ohupyty haġua pirapire ha yvóra ñemomorã; ha katu ndohekái hikuái Sión ñeimeporã.

30 Péina ápe, Ñandejára ombo-tove ko'ã mba'e; upévare, Tupã Ñandejára ome'ẽ tembiapoukapy opa yvypórape oguerekova'erãha karida, ha kóva ko karida ha'e mborayhu. Ha ndoguerekóiramo karida ndaha'etí mba'eve. Upévare, oguerekórire hikuái karida ndohejaiva'erãmo'ã omano mba'apohára Sión-pe.

31 Ha mba'apohára Sión-pe-gua omba'apóta Sión-pe ġuarã; ha omba'apóramo pirapirére omanóta.

32 Ha avei, Tupã Ñandejára he'i yvyporakuérape ndoporojukaiva'erãha; ndaijapuiva'erã ha nomondaiva'erã; ndoiporureíriva'erã Tupã Iñandejára

rera; ndoipotaiva'erã imba'e'yva; naiñañaiva'erã; noñorairõiva'erã oñondive; ndojapoiva'erã tembiapovai; ha ndojapoiva'erã mavave ko'ã mba'e, ha umi ko'ãva ojavóva omanóta.

33 Ha mavave ko'ã tembiapovai ndoúi Ñandejáragui; ha'e ojavógui iporãva yvypóra ra'ykuéra apytépe; ha mba'eve ndojapói hesakã yva yvypóra ra'ykuérape ġuarã; ha ha'e he'i opavave chupekuérape ou haġua hendápe ha ohupyty haġua ipy'aporã; ha mavave oúvape hendápe ha'e nomoséi, taha'e hũ térã morotiva, oñeñapytĩ térã isásóva, kuimba'e térã kuña; ha imandu'a paganokuérare, ha maymáva peteicha Tupã renondépe, judío ha gentil.

ÑEMBYATY 27

Ypytũ ha apostasía oñuãta yvy ára pahápe—Mormón Kuatiañe'ẽ osẽta tesakãme—Mbohapy testigo ome'ẽta testimõnio pe kuatiañe'ẽgui—Kuimba'e iñarandúva he'íta ndaikatuilha omoñe'ẽ pe kuatiañe'ẽ ojeselláva—Ñandejára ojavóta peteĩ tembiapotuicha ha techapyrã—Ñambojojava'erã Isaías 29 rehe. 559–545 ary rupi Cristo mboyve.

Ha katu, péina ápe, ára pahápe, térã gentil-kuéra árape—heẽ, péina ápe opa gentil-kuéra retã ha avei judío-kuéra, umi oúva kóva ko yvýpe ha umi oíva ambue yvy ári, heẽ, jepe opa tetã yvypegua

ári, péina ápe, oka'úta hikuái tembiapovai ha opáichagua tembiapoky'ápe—

2 Ha ou vove upe ára oúta chu-pekuéra pe Señor de los Ejércitos, arasunu ha vyryryí reheve, ha tyapu guasu, ha aravai, ha ama arapochy reheve, ha tatarendy oporohapyva reheve.

3 Ha opa tetã oñemoíva Sión rehe, ha ojopýva chupe, ha'éta peteí kerarecha pyharepeguáicha; heẽ, ha'éta pe iñembyahýiva ikerarecháramo; ha péina ápe okaru ha katu opáy ha hi'anga nandi; térã peteí ikerarecha ijy'uhéiva; ha péina ápe hoy'u ha opáyvo péina ápe omanombota, ha hi'anga ivare'a; heẽ, jepe upéichata opa tetãnguéra atyguasu oñorairõva Sión vvyty ndive.

4 Ha péina ápe, opavave peẽ pejapóva tembiapovai, pepyta ha pemomba'eguasú, pesapukái ha pejerure'asýtagui; heẽ, peka'úta ha ndaha'emo'ái víno-gui, pevaváta ha ndaha'emo'ái likorgui.

5 Ha péina ápe, Ñandejára omoí pende ári peteí espíritu jeke atã rehegua. Ha péina ápe, pemboty pende resa, ha perrechasa profetakuérape; ha umi peneisãmbyhýva, ha techapaharakuérape ha'e ojaho'i pene rembiapovaígui.

6 Ha ojuhúta Tupã Ñandejára ohechaukáta peẽme peteí kua-tiañe'ẽ ñe'enguéra, ha ha'éta umi okeva'ekue ñe'ẽ.

7 Ha péina ápe pe kua-tiañe'ẽ ojeselláta; ha ipype oíta Tupã

rrevelasiõ, yvóra ñepyrũmby guive ipaha peve.

8 Upévare, umi mba'e ojeselláva rupi, noñeme'ẽmo'ái ko'ã mba'e ojeselláva tavayguakuéra aña ha tembiapoky'a árape. Upévare upe kua-tiañe'ẽ oñeñongatúta chuguikuéra.

9 Ha katu upe kua-tiañe'ẽ oñe-me'ẽta peteí vyypórape, ha ha'e ome'ẽta pe kua-tiañe'ẽmegua ñe'ẽ, ha'éva umi okeva'ekue vvytymbópe ñe'ẽ, ha ha'e ome'ẽta ko'ã ñe'ẽ ambuépe.

10 Ha katu umi ñe'ẽ ojeselláva ha'e nome'ẽmo'ái, ni nome'ẽmo'ái pe kua-tiañe'ẽ. Pe kua-tiañe'ẽ ojesellátagui Tupã pu'aka rupi, ha pe rrevelasiõ ojesellava'ekue oñeñongatúta pe kua-tiañe'ẽme oğuahẽ meve ára Ñandejára he'i vove, ikatuneha osẽ; ha péina ápe, umíva ohechauka opa mba'e yvóra ojejapo ypy guive ipaha peve.

11 Ha oğuahẽ ára pe kua-tiañe'ẽ ñe'ẽnguéra ojesellava'ekue oñemoñe'ẽta ogakuéra ru'ã guive; ha oñemoñe'ẽta Cristo pu'aka rupive; ha ojehechaukáta vyypóra ra'ykuérape opa mba'e araka'eve noíriva vyypóra ra'ykuéra apytépe, ha araka'eve oítava vvy paha peve.

12 Upévare, ára oñeme'ẽ vove kua-tiañe'ẽ pe vyypórape aña'ẽ haguére, oñemokañýta pe kua-tiañe'ẽ yvóra reságui, aní hağua ohecha mavave resa ndaha'éirõ mbohapy testígo aňõnte ohechátava, Tupã pu'aka rupi, ha oñeme'ẽvape upe kua-tiañe'ẽ;

ha otestifikáta hikuái upe kuatione'ẽ ha umi mba'e ipype oíva añeteguaha.

13 Ha mavave ndohechamo'ái, ndaha'éiva mbovymínte, Tupã rembipotáicha, ome'ẽ hağua testimónio in'e'ẽgui yvypóra ra'ykuérape; Tupã Ñandejára he'ígui ijeroviarekóva ñe'ẽ oñe'õtaha umi omanova'ekue apyteguiguáicha.

14 Upévare, Tupã Ñandejára oguenohêta tesakáme pe kuatione'ẽ ñe'ẽnguéra; ha opa testigo ha'e oipotáva jurúpe omoíta in'e'ẽ; ha aí pe orrechasávagui Tupã ñe'ẽ.

15 Ha péina ápe, ojuhúta Tupã Ñandejára he'íta pe kuatione'ẽ ome'ẽvape: Ejagarra ko'ã ñe'ẽ ndojeselláiva ha eme'ẽ ambuépe, ohechauka hağua inarandúvape, he'ívo: Emoñe'ẽmi kóva. Ha pe inarandúva he'íta: Egueru ko'ápe pe kuatione'ẽ, ha che amoñe'ẽta.

16 Ha ko'áğa, pe yvóra verapy rupi ha ohupyty hağua viru he'íta hikuái péicha, ha ndaha'emo'ái Tupã verapyrã.

17 Ha pe yvypóra he'íta: Ndai-katúi agueru pe kuatione'ẽ, ojesellágui.

18 Upémarõ he'íta pe inarandúva: Ndaikatúi amoñe'ẽ.

19 Upévare ojuhúta, Tupã Ñandejára ome'ẽ jeýta pe kuatione'ẽ ha umi ñe'ẽ oguerekóva pe naiñarandúvape; ha pe yvypóra naiñarandúiva he'íta: Nachearandúi.

20 Upémarõ Tupã Ñandejára he'íta chupe: Umi inarandúva

nomoñe'ẽmo'ái ko'áva, orrechasa haguére hikuái umíva, ha che ajapokuaa che rembiapo; upévare nde remoñe'ẽta umi ñe'ẽ che ame'õtava ndéve.

21 Ani epoko umi mba'e ojese-llávare, ahechaukátagui umíva che ha'e vove árape; ahechaukátagui yvypóra ra'ykuérape che ajapokuaaha che rembiapo.

22 Upévare, emoñe'ẽ vove umi ñe'ẽ ha'éva ndéve, ha eguereko vove umi testigo ha'eva'ekue ndéve, upe vove esella jeýta pe kuatione'ẽ, ha emokañýta chéve ġuarã, che añongatu hağua umi ñe'ẽ nde neremoñe'ẽiva'ekue, che arandúpe ahecha peve ikatuha ahechauka opa mba'e yvypóra ra'ykuérape.

23 Ha péina ápe, che ha'e Tupã; ha che ha'e peteí Tupã ojapóva milágro; ha ahechaukáta yvórape che ha'eha peteichaite kuehe, ko ára, ha tapiante peve; ha namba'apói yvypóra ra'ykuéra apytepe ndaha'éirõ ijerovia rupive.

24 Ha ojehu jeýta Ñandejára he'íta chupe omoñe'ẽ hağua umi ñe'ẽ oñeme'õtava chupe:

25 Ha péicha ko tavayguakuéra oñemoağui cherehe ijurúpe, ha hembépe chemomba'e, ha ikorasõ katu omomomyry chehegui, ha ikyhyje chehegui oñehekombo'e chupekuéra yvyporakuéra mbo'epy rupive—

26 Upévare, che ajapóta peteí tembiapo techapyrã ko tavayguakuéra apytepe; heẽ, peteí tembiapo tuicha ha hechapyrãva; umi inarandúva ha

oikuaapáva arandu omanótagui, ha umi iñakāguapýva ñeikūmby oñemokañýta.

27 Ha ái umi oñeha'ãmbaitéva omokañy hembiapo Ñandejáragui! Ha hembiapokuéra ojejapo pytūmbýpe; ha he'í hikuái: Máva piko ñanderecha, ha máva piko ñandekuaa? Ha he'í avei hikuái: Añetehápe, ne ñeha'ã rembyai hağua opa mba'évai ojehecháta alfarero tujúicha. Ha péina ápe, ahechaukáta chupekuéra, he'í pe Señor de los Ejércitos, aikuaaha opa hembiapo. Ha he'íta piko pe tembiapo ijapoharépe, ha'e ndachejapói? Térã he'íta piko oñemopu'áva'ekue imopu'ãharére, ha'e naiñarandúi?

28 Ha péina ápe, he'í pe Señor de los Ejércitos: Ahechaukáta yvypóra ra'ykuérape ko'águi upe rirempe pe Líbano-gui oikotaha ñu porã; ha ñu porã ojehechataha peteĩ ka'aguýicha.

29 Ha upe arape umi nohendúiva ohendúta pe kuatione'ẽmegua ñe'ẽ, ha umi ndohecháiva resa ohecháta pytūmbýpe ha tataĩ ppytũ guive.

30 Ha umi imarangatúva avei hetavéta, ha ivy'akuéra ha'éta Ñandejárape; ha umi imboriahúva yvyporakuéra apytepe ový'áta pe Israel-pegua Imarangatúvape.

31 Ha Tupã Ñandejára oikoveháicha ohecháta hikuái pe oporomondýiva ndaha'eiha mba'ëve, ha oñembokusuguéta pe oñembohoryva; ha opa umi oñangareková tembiapovaíre oñeiky'tita.

32 Ha umi yvypórape oporomoivaiva peteĩ ñe'ẽre, ha oitýva ñuhã pe okẽme oporombo'évape, ha omboykéva hekojojávape vyroréire.

33 Upévore, péicha he'í Ñandejára, ojorava'ekue Abraham-pe, Jacob rógare: Jacob ko'ága notĩmo'ái, ni hova ndahesa'yjumo'ái.

34 Ha ha'e ohecha vove ita'y-rakuérape, che pópe ajapova'ekue, imbytetépe, ha'ekuéra omomarangatúta che réra, ha omomarangatúta pe Jacob-pegua Imarangatúvape, ha okyhyjéta hikuái Israel-gua Tupãgui.

35 Ha avei umi ojavyva'ekue espíritu-pe oúta kuaapýpe; ha umi okaguaiva'ekue oikuaáta doctrina.

ÑEMBYATY 28

Heta tupao añetegua'y oñemopu'áta ára pahápe—Ombo'éta hikuái doctrina añetegua'y, vyroréi, ha tavy—Hetáta pe ñesẽ umi mbo'ehára añetegua'y rupi—Aña ombopochýta yvyporakuéra korasõ—Ha'e ombo'éta opáichagua doctrina añetegua'y. 559–545 ary rupi Cristo mboyo'e.

HA ko'ága, péina ápe, che joyke'ykuéra, añe'ẽ peẽme, pe espíritu he'í haguéicha chéve; upévore, aikuaa añetehápe oikova'erãha.

2 Ha umi mba'e ojehaitava pe kuatione'ẽme hepy tuicháta yvyporakuéra ra'ype guarã, ha ñane ñemoñarape guarã, ha'éva peteĩ Israel róga rembyre.

3 Ha ojuhúta upe árape umi tupao oñemopu'áva'ekue, ha ndaha'úi Ñandejárape ġuarã, he'íta ojupe: Péina ápe, che, che ha'e Ñandejára mba'e; ha he'íta umi ambuéva: che, che ha'e Ñandejára mba'éva; ha péicha oñe'eta opa umi omopu'áva'ekue tupao, ha ndaha'úi Ñandejárape ġuarã—

4 Ha oñorairõta oñondive; ha isacerdotekuéra oñorairõta oñondive, ha ombo'éta hikuái ikuaapy rehe, ha onegáta hikuái pe Espíritu Santo-pe, ome'éva ñe'ekuaa.

5 Ha onega hikuái Ñandejára pu'aka, pe Israel-pegua Imarangatúva; ha he'i tavayguakuérape: Orenderu, ha pehendu rombo'éva; péina ápe ndaipóri Tupã ko árape, pe Ñandejára ha Rredentor ojaopámagui hembiaipo, ha ome'é ipu'aka yvyporakuérape.

6 Péina ápe, pehendu che ambo'éva; he'íramo hikuái oíha peteĩ milágro Ñandejára po ojaopova'ekue, ani peguerovia; ko árape ha'e ndaha'evéimagui peteĩ Tupã ojaopóva milágro; ha'e ojaopóva hembiaipo.

7 Heë, ha oíta heta he'ítava: Pekaru, pey'u, ha pevy'a, ko'ërõ ñamanótagui; ha oho porãta ñandéve.

8 Ha avei oíta heta he'ítava: Pekarú, pey'u, ha pevy'a; upevére, pekyhyje Tupãgui—ha'e niko ohustifikáta mbovymi angaipakuéra; heë, pendejapu'imi, pembotavy peteime iñe'ere, pemoĩ ñuhã pene angirũme; ko'ávape

ndaipóri mba'evai; ha pejapo opa ko'ã mba'e, ko'ërõ ñamanótagui; ha ñanerembiaipovairamo, Tupã ñandehavira'imíta, ha ipahápe jajesalváta Tupã rréinope.

9 Heë, ha oíta heta péicha ombo'éta, añetegua'y, vyrorei ha doctrina tavy, ha ojejaopótava ikorasõme, ha oñeha'ata hikuái omokañy hembiaipo Ñandejáragui; ha hembiaipokuéra ojejaopóta pytũmbýpe.

10 Ha imarangatuvakuéra ruguy opu'ata hesekuéra yvyguy guive.

11 Heë, opavave ha'ekuéra osẽ tapégui, ha oñembyai.

12 Pe orgúllo rupi, ha umi mbo'éhára añetegua'y, ha pe doctrina añetegua'yva rupi, itupaokuéra oñembyaipa, ha itupaokuéra oñembotuicha; ha pe ijorgúllo rupi ojejaipo hikuái.

13 Omonda hikuái imboriahúvape umi itupao jeguaka rupi; omonda hikuái imboriahúvape ijao hepy rupi; ha omuña hikuái umi hekomarangatu ha imboriahúvape ikorasõme, ha ijorgúllore ojejaipo hikuái.

14 Ha'ekuéra omoĩ ijehe ajúra atã ha akã ñemopu'ã; heë, ha pe orgúllo, ha aña, ha tembiapovai, ha tekovai rupi, opavave okañy, ha mbovymínte katu nahániri, umi ha'éva imiríva Cristo rembiguái; upevére, ojegueraha rupi péicha, py'yí ojavý oñembo'égui chupekuéra yvyporakuéra ombo'éháicha.

15 O umi iñarandúva, ha oikuaapáva, ha ipirapire hetáva,

ojejapóva ikorasō orgúllope, ha opa umi ombo'éva doctrina añetegua'ỹ, ha opa umi hekovaíva, ha ombyaíva Ñandejára rape joja, ái, ái, ái ha'ekuéragai, he'í Tupã Ñandejára Ipu'akapáva, oñemombótagui chupekuéra añaretáme!

16 Ái umi ndaija'éiva hekojovávare peteĩ mba'e michire ha oñembohorýva pe oĩporávare, ha he'í ndaha'eíha mba'eve! Oġuahētagui ára Tupã Ñandejára oúta oñeha'arō'ỹre umi yvýpe oikóvape; ha upe árape henyhēmarō hikuái tembiapovaĩgui omanóta.

17 Ha péina ápe, umi yvýpe oikóva oñearrepentíramo hekoñña ha hekovaikuéragai noñehundimo'ái, he'í pe Señor de los Ejércitos.

18 Ha péina ápe, pe tuicha ha ijeja'e'ỹvéva tupao, hekovaivéva opa yvy ári, ho'amanteva'erã ha tuicháta ije'a.

19 Pe aña rréino oku'étagui, ha umi ipype oíva oñearrepentimanteva'erã, térã pe aña ojagarráta chupekuéra isã opave'ỹvape, ha oñemokyre'ỹta pochyra, ha omanóta hikuái;

20 Ha péina ápe, upe árape ha'e omoñeko'ōita yvypóra ra'ykuéra korasō, ha ombopochýta chupekuéra umi mba'e iporáva rehe.

21 Ha ambuévape katu omboypy'aguapy, ha omongéta tete jeroviápe, ha péicha he'íta hikuái: Opa mba'e oĩporã Sión-pe; heẽ, Sión oñakārapu'ã, opa mba'e

oĩporã—ha péicha aña ombotavy hí'angakuéra, ha ogueraha chupekuéra katupyrype añaretáme.

22 Ha péina ápe, ambuévape ombojuruhe'ẽ, ha he'í chupekuéra ndaiporíha añaretã; ha he'í chupekuéra: Che ndaha'ei aña, ndaiporigui—ha péicha oñe'eguy chupekuéra ijapysápe, ojagarra peve chupekuéra itasã vaípe, ndaikatuĩhāgui oñemosāso.

23 Heẽ, oñemomba'éta hesekuéra ñemano, ha añaretã; ha pe ñemano, ha añaretã, ha aña, ha mayma umi ho'ava'ekue ipoguýpe oñembo'yva'erã Tupã apykajegua renondépe, ojehusga haġua hembiapokuére, ha oho haġua tenda oñembosako'iva'ekue chupekuérape ġuarã, jepe peteĩ tata lágo ha asufreguiguávape, ha'éva peteĩ jehasa'asy opave'ỹva.

24 Upévare, ái pe Sión-pe hekoreíva!

25 Ái pe he'íva: Opa mba'e oĩporãmba!

26 Heẽ, ái pe ohendúva yvyporakuéra ombo'éva, ha onegáva Tupã pu'aka, ha pe Espiritu Santo don!

27 Heẽ, ái pe he'íva: Oñeme'ēma oréve, ha noroikotevėvéima!

28 Ha ipahápe, ái opavave umi oryrýiva, ha ipochýva pe Tupã añetegua rupi! Ha péina ápe, pe oñemopu'áva ita ári omoġuahē upéva torýpe; ha pe oñemopu'áva vyvku'í ári katu oryrýi okyhyjégui ho'ataha.

29 Ái pe he'íva: Roguerekóma Tupã ñe'ẽ, ha noroikotevėvéima

ambue Tupā ñe'ē, iporāma niko roguerekóva!

30 Ha péina ápe, péicha he'i Tupā Ñandejára: Ame'ēta yvypóra ra'ykuérape sa'í sa'í, mbo'epy mbo'epy ári, michĩmi ápe ha michĩmi amo; ha ojevovasa umi ohendúva che mbo'epy, ha ojesarekóva che ñemoñe'ēre, oñhehekombo'étagui arandúpe; ha pe oñeme'ēvape ame'ēvéta; ha umi he'ívagui, hetáma roguereko, ojeipe'áta chuguikuéra pe oguerekóva jepe.

31 Taiñe'ēngái pe omoíva ijevovia yvypórare, térã ojapóva to'ógui ijyva, térã ohendúva yvyporakuéra ombo'éva, ko'áva noñeme'ēiramo chupekuéra Espíritu Santo pu'aka rupi.

32 Ái umi gentil-gui, he'i pe Señor Dios de los Ejércitos! Ha jepe aipysóta chupekuéra che jyva ára ha ára, chenegáta hikuái; upevére, che aiporiahuverekóta chupekuéra, he'i Tupā Ñandejára, oñearrepentíramo ha oúramo hikuái cherendápe; che jyva niko ojepyso opa ára pukukue, he'i pe Señor Dios de los Ejércitos.

ÑEMBYATY 29

Heta gentil-kuéra orrechasáta pe Mormón Kuatiañe'ē—He'íta hikuái; noroikotevėvéima Biblia—Ñandejára oñe'ē heta tetãme—Ha'e ohusgáta yvórape umi kuatiañe'ē ojehaivo'ekuére. 559–545 ary rupi Cristo mboyo.

HA péina ápe, oíta heta—upe árape che ajapo vove peteĩ tembapio techapyrã ijapytepekuéra, chemandu'a haġua che konvénio ajapova'ekuére yvypóra ra'ykuéra ndive, aipysojey haġua che po mokõiha jey ambyaty haġua che tavayguakuérape, ha'éva Israel rogagua;

2 Ha avei che chemandu'a haġua umi ñe'ēme'ē ajapova'ekue ndéve, Nefi, ha avei nde rúpe, chemandu'ataha ne ñemoñarére; ha ne ñemoñare ñe'ēnguéra osẽtaha che jurúgui ne ñemoñarépe; ha che ñe'ēnguéra ohóta mbaretépe yvy paha peve, ha'e haġua aoveve che tavayguakuérape, ha'éva Israel rogagua;

3 Ha che ñe'ēnguéra ohótagui—heta gentil-kuéra he'íta: Peteĩ Biblia! Peteĩ Biblia! Roguerekóma peteĩ Biblia, ha ndaikatuvéima oĩ ambue Biblia.

4 Ha péicha he'i Tupā Ñandejára: O tekove tavy, oguerekóta hikuái peteĩ Biblia; ha oúta judio-kuéragui, che konvénio tavayguakuéra ymaguare. Ha mba'e aguyje piko ohechauka hikuái judio-kuérape pe Biblia ohupytyva'ekue chuguikuérare? Heẽ, mba'e piko he'ise péicha umi gentil? Imandu'a piko ha'ekuéra judio-kuéra rembiapo, mba'apo ha jehasa'asy, ha ijesareko chendive ġuarãre, ogueraha haġua hikuái salvasiõ gentil-kuérape?

5 O gentil-kuéra, penemandu'a piko judio-kuérare, che konvénio tavayguakuéra ymaguarére? Nahániri; ha katu pemoñe'ēngái,

ha ndapehayhúí chupekuéra, ha napeñeha'ái pembyatyjey chupekuéra. Ha péina ápe, che ambou jeýta opa ko'ã mba'ekuéra pene akã ári; ha che Ñandejára ndache-resaráiri che tavayguakuéragui.

6 O tekove tavy, eréva: Peteí Biblia, roguerekóma peteí Biblia, ha noroikotevêvéima Biblia. Peguerekova'erãmo'ã piko peteí Biblia ndaha'éirire judio-kuéra rupi?

7 Ndapeikuaái piko oíha ambue tetãnguéra? Ndapeikuaái piko che, Ñandejára pene Tupã, ajapohague mayma yvypórape, che mandu'aha umi islas del mar-pe oikóvare; ha aisãmbyhyha yvate yvágape ha iguýpe yvy ári; ha ahechauka che ñe'ẽ yvypóra ra'ykuérape, heẽ, jepe opa tetã yvy ariguápe?

8 Mba'ére pekaguai, oñeme'éve haguére peẽme che ñe'ẽ? Ndapeikuaái piko mokõi tetã testimónio ha'éha peẽme peteí testígo che ha'éha Tupã, che mandu'áva peteí ha ambue tetãre? Upévare, peteí ñe'ẽnte che añe'ẽ peteí ha ambue tetãme. Ha mokõive tetã ojoaju vove mokõivéva testimónio ojoajúta avei.

9 Ha ajapo ko'áva ahechauka haḡua hetápe che ha'éha peteínte kuehe, ko árape ha tapiaite; ha ame'ẽ che ñe'ẽ che aipotaháicha. Ha ani peimo'ã añe'ẽ haguére peteí ñe'ẽ ndaikatuiha añe'ẽ ambue; ha katu ne'íra gueteri opa che rembiapo; ni ndopamo'ái yvypóra opa peve; ni upe guive ára tapiaite peve.

10 Upévare, peguereko haguére peteí Biblia napeimo'áiva'erã oguerekopaha che ñe'ẽ; ni napeimo'áiva'erã che ndahaiukaveiha ambue.

11 Ha ha'e opa yvypórape, kuarahyresẽ, ha kuarahyreiképe, nóрте, ha súrpe, ha umi islas del mar-pe, ohai haḡua ñe'ẽnguéra che añe'ẽva chupekuéra; ha umi kuatiañe'ẽ ojehaívare che ahusgáta yvórape, opavave yvypóra hembiapóre, ojehaiva'ekuépe oíháicha.

12 Ha péina ápe, añe'ẽta judio-kuérape ha ha'ekuéra ohaíta; ha añe'ẽta avei nefita-kuérape ha ha'ekuéra ohaíta; ha avei añe'ẽta ambue trivukuéra Israel rogaguávape, aguerahava'ekue mombyry, ha ha'ekuéra ohaíta; ha avei añe'ẽta opa yvypegua tetãme ha ha'ekuéra ohaíta.

13 Ha ojehúta judio-kuéra oguerekóta nefita-kuéra ñe'ẽ, ha nefita-kuéra oguerekóta judio-kuéra ñe'ẽ; ha nefita-kuéra ha judio-kuéra oguerekóta umi trívu Israel-pegua okañyva'ekue ñe'ẽ; ha umi trívu Israel-pegua okañyva'ekue oguerekóta nefita-kuéra ha judio-kuéra ñe'ẽ.

14 Ha ojehúta che tavayguakuéra, ha'éva Israel rogapegua, oñembyatýta hógape yvy imba'évape; ha che ñe'ẽ avei oñembyatýta peteíme. Ha ahechaukáta umi oñemoívape che ñe'ẽ ha che tavayguakuérare, ha'éva Israel rogagua, che ha'éha Tupã, ha ajapohague konvénio

Abraham ndive chemandu'ataha iñemoñarére tapiajte peve.

ÑEMBYATY 30

Gentil-kuéra oñekonvertíva ojeipa-páta konvénio tavayguakuéra apytépe—Heta lamaníta ha judio-kuéra ogueroviáta pe ñe'ẽ ha ojeopotapyrãta hikuái—Israel oñemoñeyta ha iña-ñáva oñehundíta. 559–545 ary rupi Cristo mboyve.

HA ko'ãga péina ápe, che joyke'ykuéra ahayhuetéva, aña'ẽta peẽme; ha che, Nefi, ndaipotái peimo'ã penderekojojaveha umi gentil-kuéra ha'etaháichagui. Ha péina ápe, peneñe'ẽrendu'ỹramo umi Tupã rembiapoukapýre añetehápe opavave pemanótante avei; ha umi ñe'ẽ oje'eva'ekuere peẽ napeimo'ãiva'erã umi gentil-kuéra oñehundipataha.

2 Ha péina ápe, ha'e peẽme opavave umi gentil apytégui oñearrepentíva ha'e Ñandejára konvénio tavayguakuéra; ha opavave judio-kuéra noñearrepentíriva oñemombóta; ha katu Ñandejára ndojapói konvénio avave ndive ndaha'éiramo umi oñearrepentíva ndive ha ogueroviáva Ita'ýrape, ha'éva pe Israelpegua Imarangatúva.

3 Ha ko'ãga aprofetisaseve peẽme judío ha gentil-kuéragai. Ha osẽ rire pe kuatiañe'ẽ aña'ẽhague, ha ojehai rire gentil-kuérape, ha ojesella jey Ñandejára

rembipotápe, oíta heta ogueroviátava umi ñe'ẽ ojehaíva; ha ha'ekuéra ogueraháta umíva ñane ñemoñare rembyrépe.

4 Ha uperõ ñane ñemoñare rembyre oikuaáta ñandehogui; mba'éichapa ñaséva'ekue Jerusalén-gui, ha ha'ekuéra ha'eha judio-kuéra ñemoñare.

5 Ha Jesucristo evanhélio oñemomandúta ijapytepekuéra; upévare, oñemo'ijeyta chupekuéra ituvakuéra kuaapýpe, ha avei Jesucristo kuaapýpe, oíva'ekue ituvakuéra apytépe.

6 Ha uperõ ovy'áta hikuái; oikuaátagai ha'eha chupekuéra peteí Tupã pógui jehovasa; ha pe ppytũ omo'áva chupekuéra oñepyrũta ho'a hesakuéragai; ha ohasa mboyve heta ñemoñare'aty ijapytepekuéra, oikóta chuguikuéra tavayguakuéra potĩ ha ipotapyrãva.

7 Ha ojuhúta judio-kuéra isarambíva oñepyrũta avei oguerovia Cristo-pe; ha oñepyrũta oñembyaty hikuái vvy ape ári; ha opavave ogueroviáva Cristo-pe oikóta avei chugui tavayguakuéra potapyrãva.

8 Ha ojuhúta Tupã Ñandejára oñepyrũta hembiaipo opa tetãnguéra, avaretãnguéra, ñe'ẽnguéra ha tavayguakuéra apytépe, omoñey ha'gua itavayguakuérape vvy ári.

9 Ha tekojojápe ohusgáta Tupã Ñandejára imboriahúvape, ha jojápe oporoja'óta umi hekoma-rangatúva vvy ári oíva rehe. Ha ha'e oipy'ajopýta vvy ijurupegua

várape; ha hembe pytúpe ojukáta iñañávape.

10 Ha pya'e oġuahẽ ára Tupã Ñandejára ojapotaha peteĩ tuicha ñemboja' o tavayguakuéra apytépe, ha ohunditaha iñañávape; ha oñongatúta itavayguakuérape, heẽ, ohundiva'erã jepe iñañávape tata rupi.

11 Ha tekojoja ha'éta ilómo jokuaha, ha jeroviapy irriñón jokuaha.

12 Ha avei oikóta pe lóvo ovecha ra'y ndive, ha pe jaguarete kavara ra'y ndive oñenóta; pe mymbara'y ha leõ'i ha mymbakyrá oikóta oñondive, ha peteĩ mitã michĩ oisãmbyhýta chupekuéra.

13 Ha pe vaka ha ósa okarúta, imymbara'ykuéra oñenóta oñondive; ha leõ ho'úta guéicha kapi'i.

14 Ha pe mitã kambu oñemboharáita mbói chumbe kuára ári, ha pe oñemombo'oramóva opo'éta mbói raitýpe.

15 Nombyaimo'ái ha nohunduimo'ái hikuái opa che vvyty marangatúpe; pe vvy henyhêtagui Ñandejára jeikuaágui umi y ojaho'iháicha pe yguasu.

16 Upévore, opa tetãnguéra mba'e ojeikuaáukáta; heẽ, opa mba'e ojeikuaaukáta yvypóra ra'ykuérape.

17 Ndaipóri mba'eve mba'e-ñemi ndojeikuaaukáitava; ndaipóri tembiapo pytũmbypegua nosẽitava tesapépe; ha ndaipóri mba'eve ojeselláva vvy ári ndojejoráitava.

18 Upévore, opa mba'e ojehe-

chaukava'ekue yvypóra ra'ykuérape ojehechaukáta upe árape; ha Satana ndaipu'akamo'ávẽima yvypóra ra'ykuéra korasõre, heta ára pukukue. Ha ko'áġa, che joyke'ykuéra ahayhuetéva, ambopaha che ñe'ẽ.

ÑEMBYATY 31

Nefi omombe'u mba'érepa Cristo oñemongarai—Yvyporakuéra ohova'erã Cristo ndive, oñemongarai, ha oñeme'eva'erã chupekuéra pe Espiritu Santo, ha oñeha'ambaiteva'erã ipahaite peve ojesalva haġua—Pe arrepentimiénto ha ñemongarai ha'e pe okẽ ha tape ipo'ietereíva—Umi iñe'ëndúva tembiapoukapykuérare oñemongarai rire ohupytyta jeikove opave'yva. 559–545 ary rupi Cristo mboyye.

HA ko'áġa che, Nefi, ambopaha che profesía peẽme, che joyke'ykuéra ahayhuetéva. Ha ndaikatúti ahai ndaha'éiramo mbovymi mba'énte, aikuaa poráva oikova'erãha; ni ndaikatúti ahai ndaha'éiramo mbovymínte che joyke'y Jacob ñe'ẽnguéra.

2 Upévore, umi mba'e ahaiva'ekue iporãntema chéve, ndaha'éiramo mbovymi ñe'ẽ ha'eva'erã Cristo doctrina-re; upévore, añe'ẽsakáta peẽme, che profesia kuéra hesakãháicha.

3 Che ánga horýgui tesakãme; Tupã Ñandejára omba'apo haġuere upéicha yvypóra ra'ykuéra apytépe. Tupã Ñandejára

omyesakāgui pe kuaapy; ha ha'e oñe'ẽ yvyporakuérape iñe'ẽme, oikũmby hağua hikuái.

4 Upévore, aipota penemandu'a añe'ẽhague peẽme pe proféta Ñandejára ohechaukava'ekue chéve rehe, omongaraítava Tupã Cordero-pe, oipe'átava angaipa yvóragui.

5 Ha ko'áğa, Tupã Cordero, imarangatúva, oikotevẽramo oñemongarai ýpe, okumpli hağua opa tekojoja, O upéicharamo, mba'eichaiteve piko ñaikotevẽ ñande, ñaneangaipáva, ñañemongarai, heẽ, ýpe jepeve!

6 Ha ko'áğa, aporanduse peẽme, che joyke'ykuéra ahayhuetéva, mba'eicha piko pe Tupã Cordero okumpli opa tekojoja ýpe oñemongaraívo?

7 Ndapekuaái piko imaranga-tuha? Ha jepe ha'e imarangatu, ha'e ohechauka yvypóra ra'ykuérape, ha'e oñemomiríha hetépe Túva renondépe, ha otestifika Túpape iñe'ẽrendutaha ojavóvo hembiapoukapykuéra.

8 Upévore, ha'e oñemongarai rire ýpe pe Espíritu Santo oguejy hi'ári pykasúicha.

9 Ha avei, kóva ohechauka yvypóra ra'ykuérape ipo'íha pe tape, ha ipo'íha pe okẽ, oikeva'eráhárupi hikuái, omoïvo ha'e tenonderã upe techapyrã.

10 Ha he'i yvypóra ra'ykuérape: Peju chendive. Upévore, che joyke'ykuéra ahayhuetéva, ikatu piko jaha Jesús ndive nañane'ẽrenduseíramo Túva rembiapoukapykuérare?

11 Ha pe Túva he'i: Peñearrepenti, peñearrepenti, ha peñemongarai che Ra'y Ahayhuetéva rérape.

12 Ha avei, ou chéve Ta'ýra ñe'ẽ, he'ívo: Oñemongaraíva che rérape, Túva ome'ẽta chupe pe Espíritu Santo, chéve ome'ẽ hağuéicha; upévore, peju chendive, ha pejapo umi mba'e pecherechava'ekue ajapo.

13 Upévore, che joyke'ykuéra ahayhuetéva, che aikuaa pehóramo Ta'ýra ndive, korasõ añetépe, ndaha'úi tova mokõi ni japúpe Tupã renondépe, ha katu añetehápe, peñearrepentívo pende angaipakuéragui, ha peme'ẽ testimónio Túpape pemoïseha pende ári Cristo réra, ñemongarai rupi—heẽ, pehóvo Ñandejára ñande Salvador ndive peguejývo pe ýpe, iñe'ẽme he'iháicha, péina ápe, uperõ oñeme'ẽta peẽme pe Espíritu Santo; heẽ, ha uperõ oúta pe ñemongarai tatápe ha Espíritu Santo-pe; uperõ ikatúta peñe'ẽ angelkuéra ñe'ẽme, ha pehupi ñemomorã Israel-pegua Imarangatúvape.

14 Ha katu, péina ápe, che joyke'ykuéra ahayhuetéva, péicha ou chéve Ta'ýra ñe'ẽ, he'ívo: Peñearrepenti rire pende angaipágui, ha peme'ẽ rire testimónio Túpape pene'ẽrenduseha che rembiapoukapykuérare, pe ýpe ñemongarai rupi, ha oñeme'ẽ rire peẽme ñemongarai tatápe ha Espíritu Santo-pe, ha ikatu rire ñe'ẽ pyahúpe peñe'ẽ, heẽ, angelkuéra ñe'ẽme jepe, ha ko'áva rire

chenegáramo, iporāventeva'erāmo'ā peēme ndachekuaái.

15 Ha ahendu Túva ñe'ē, he'ívo: Heē, pe che Ahayhuetéva ñe'ēnguéra añetegua ha ijeroviapy. Pe oñeha'āmbaitéva ipahaite peve, péva ojesalváta.

16 Ha ko'ága, che joyke'ykuéra ahayhuetéva, ko'āvare che aikuaa pe yvypóra noñeha'āmbaitéramo ipahaite peve, ojavóvo Tupã Ra'y Oikovéva ojavová'ekue, ndaikatumo'ái ojesalva.

17 Upévore, pejapo umi mba'e ha'eva'ekue peēme ahechahague ojavotaha Ñandejára pene Rredentor; ha, pévare ojehechaukava'ekue chéve umíva, peikuaa hağua mba'e okērupipa peikeva'erā. Ha pe okē peikeva'erāha ha'e arrepentimiénto ha ýpe ñemongarai; ha uperō ou pene angaipa jora tata ha Espiritu Santo rupive.

18 Ha péicha peime ko tape ipo'ietereívape oporogueraháva tekove opave'yvape; heē, peikékuri pe okē rupi; pejapókuri pe Túva ha Ta'ýra rembiapoukapykuérape he'iháicha; ha oñeme'ē peēme pe Espiritu Santo, ome'eva testimónio Túva ha Ta'ýragui, oñekumpli hağua pe ñe'ēme'ē ha'e ojavová'ekue, oñeme'ētaha peēme peikéramo upe tapépe.

19 Ha ko'ága, che joyke'ykuéra ahayhuetéva, peike rire ko tape ipo'ietereívape, aporanduse peēme ojevapopámapa? Péina ápe, ha'e peēme, Nahániri; napeğua-hēigui ko'ā peve ndaha'éiramo Cristo ñe'ē rupi jerovia mbaretépe

hese, pejeroviávo pe ipu'akapáva oporosalva hağua méritore.

20 Upévore, peñemotenondeva'erā ñemová'yme Cristo-pe, peguerékóvo peteí ñeha'arōporā mimi, ha mborayhu Tupäre ha mayma yvypórare. Upévore, pehóramo tenonde gotyo, pende rorývo Cristo ñe'ēme, ha peñeha'āmbaitéramo ipahaite peve, péina ápe, péicha he'i pe Túva: Pehupytýta tekove opave'yva.

21 Ha ko'ága, che joyke'ykuéra ahayhuetéva, kóva ha'e pe tape; ha ndaipóri ambue tape ni ambue térā yvága guýpe yvypóra ikatu rupi ojesalva Tupã rréinope. Ha ko'ága, péina ápe, kóva ha'e Cristo doctrina, ha pévante ha'e Túva, ha Ta'ýra, ha Espiritu Santo doctrina añetegua, ha'eva peteí Tupã, opave'yva. Amén.

ÑEMBYATY 32

Angelkuéra oñe'ē Espiritu Santo pu'aka rupive—Yvyporakuéra oñembo'eva'erā ha ohupyty kuaapy ome'eva Espiritu Santo. 559–545 ary rupi Cristo mboýve.

HA ko'ága, péina ápe, che joyke'ykuéra ahayhuetéva, oiméne pejepy'amongeta hína pene korasōme mba'épa pejapóta peike rire pe tapépe. Ha katu, péina ápe, mba'ére piko pejepy'amongeta ko'ā mba'ére pene korasōme?

2 Napenemandu'ái piko ha'e-hague oñeme'ē rire peēme pe Espiritu Santo ikatutaha peñe'ē

angelkuéra ñe'ême? Ha ko'áãa, mba'éicha piko peñe'êta angelkuéra ñe'ême ndaha'éiramo pe Espíritu Santo rupive?

3 Angelkuéra oñe'ê Espíritu Santo pu'aka rupive; upévore, oñe'ê hikuái Cristo ñe'ê. Upévore, ha'e peême, penderory Cristo ñe'ême; ha péina ápe, Cristo ñe'ê he'íta peême opa mba'e pejapova'erã.

4 Upévore, ko'áãa che añe'ê rire ko'ã ñe'ê, ndaikatúiramo peikũmby ha'éta napeporandúigui, ni napehenóigui; upévore, ndapejeguérúiramo tesapépe, pema'ova'erã pytũmbýpe.

5 Ha péina ápe, ha'e jey peême peikéramo upe tapépe, ha oñeme'ê peême pe Espíritu Santo, ha'e ohechaukáta peême opa mba'e pejapova'erã.

6 Péina ápe, kóva ha'e Cristo doctrina, ha noñeme'êmo'ái-véima ambue doctrina ha'e ojehechauka rire peve peême hetépe. Ha ojehechauka vove peême hetépe, umi mba'e ha'e he'ítava pejapóta.

7 Ha ko'áãa che, Nefi, ndaikatuvéima ha'e; pe Espíritu ombopaha che ñe'ê, ha apyta cheaño ambyasy haña pe jeguerovia'y, ha aña, ha jeikuaa'y, ha yvyporakuéra ñemohatã; ha'ekuéra ndohekamo'ãigui kuaapy, ni ndoikũmbyséi pe tuicha kuaapy, oñeme'êvo chupekuéra tesakãme, jepe upe ñe'ê ikatuháicha hesakã.

8 Ha ko'áãa, che joyke'ykuéra ahayhuetéva, ahecha

pejepy'amongeta gueteri pene korasõme; ha hasy chéve añe'êva'erãha peême ko'ã mba'ére. Ha pehendúrire pe Espíritu ombó'eva yvypórape oñembo'e haña, peikuaava'erãmo'ã tekotevêha peñembo'e; ha katu pe espíritu iñaáva nombó'ei yvypórape oñembo'e haña, ha katu ombó'e chupe noñembo'eiva'erãha.

9 Ha péina ápe, ha'e peême peñembo'eva'erãha tapiate, ha ani penepy'amano; mba'eva ndapejapoiva'erã Ñandejárape ñuarã peñembo'e mboyve Túvape Cristo rérape, ha'e okonsagra haña pene rembiapo ijupe ñuarã, pene rembiapo ha'e haña pene ánga ñeime porãrã.

ÑEMBYATY 33

Nefi ñe'ênguéra añetegua—Ko'áva otestifika Cristo-gui—Umi ogueroviáva Cristo-pe ogueroviáta Nefi ñe'ênguéra, ha ãva opu'ãta peteĩ testígoramo pe huísio trivunal renondépe. 559–545 ary rupi Cristo mboyve.

HA ko'áãa che, Nefi, ndaikatúi ahaipa umi mba'e oñembo'eva'e-kue che tavayguakuéra apytépe; ni ndachekatupyryí ahai haña, añe'êkuaaháicha; ha peteĩ yvypóra oñe'êramo Espíritu Santo pu'aka rupive pe Espíritu Santo pu'aka ogueraha chupe yvypóra ra'ykuéra korasõme.

2 Ha péina ápe, oí heta omohatãva ikorasõ pe Espíritu Santo-re,

ha upéicha ndaijái ipype; upé-
vare, omombo heta mba'e oje-
haíva ha ndaha'éi chupekuéra
mba'eve.

3 Ha katu che, Nefi, ahai pe
ahaiva'ekue, ha ha'e chéve ġuarã
mba'e hepýva, ha che tavaygua-
kuérape ġuarãite. Añembo'e
memégui hesekuéra arakue, ha
che resa omboykue che akãngyta
pyharekue, hesekuéra; ha ajeru-
re'asy che Tupãme jeroviápe, ha
che aikuaa ha'e ohendutaha che
jerure'asy.

4 Ha aikuaa Tupã Ñandejára
okonsagrataha che ñembo'e che
tavayguakuéra ñeime porārã. Ha
umi ñe'ẽ ahaiva'ekue kãngýpe
oñemombaretéta chupekuéra
ġuarã; umíva oipy'amovãgui
chupekuéra ojapo haġua iporãva;
ha oikuaauka chupekuéra ituva-
kuéragui; ha oñe'ẽ Jesús-gui, ha
oipy'amovã chupekuéra ojerovia
haġua hese, ha oñeha'ãmbaite ha-
ġua hikuái ipahaite peve, ha'éva
tekove opave'ỹva.

5 Ha oñe'ẽ pohýi hikuái pe angai-
páre, pe añetegua hesakãháicha;
upévale, avave ndaipochymo'ái
umi ñe'ẽ che ahaiva'ekuere nda-
ha'éirõ pe aña espíritu.

6 Cherory tesakãme; cherory
añeteguápe; cherory che Je-
sús-pe, ha'e ojorágui che ánga
añaretãgui.

7 Che aguereko karida che
tavayguakuéra ndive, ha tui-
cha jerovia Cristo-re ajuhutaha
heta ánga ndaiky'áiva itrivunal
renondépe.

8 Aguereko karida judío-pe

ġuarã—ha'e judío, ha'eségui umi
che aju haguégui.

9 Aguereko avei karida gen-
til-kuérape ġuarã. Ha péina
ápe, avave ko'avare ndaikatúi
aguereko ñeha'arõ noñemoĩpo-
rãiramo hikuái Cristo ndive, ha
oike pe okẽ po'í rupi, ha oguata
pe tape po'ire oporogueraháva
tekovépe, ha oguata meme hi-
kuái upe tapére ára jepy'ara'ã
paha peve.

10 Ha ko'áġa, che joyke'ykuéra
ahayhuetéva, ha avei peẽ judio-
kuéra, ha opa yvy opaha peve,
pehendu ko'ã ñe'ẽ ha peguero-
via Cristo-pe, ha ndapeguero-
viáramo ko'ã ñe'ẽ peguero-
via Cristo-pe. Ha peguero-
viáramo Cristo-pe peguero-
viáta ko'ã ñe'ẽ, ha'égui Cristo ñe'ẽ,
ha ha'e ome'éva'ekue chéve; ha
ko'áva ombo'e opa yvypórape
ojapova'ëraha iporãva.

11 Ha ndaha'éiramo Cristo ñe'ẽ,
pehusga—Cristo ohechauká-
tagui peẽme, pu'aka ha tuicha
verapýpe, umíva ha'éha iñe'ẽ-
nguéra, ára pahápe; ha peẽ ha che
ñañembo'ýta ojavare itrivunal
renondépe; ha peẽ peikuaáta ha'e
he'ihague chéve ahai haġua ko'ã
mba'e, chekangýramo jepeve.

12 Ha che añembo'e Túvape
Cristo rérape heta ñande apytépe,
ndaha'éirõ opavave, jajesalva
haġua irréinope upe tuicha ára
pahápe.

13 Ha ko'áġa, che joyke'ykuéra
ahayhuetéva, opavave ha'éva
Israel rogagua, ha opavave peẽ
umi yvy paha peve, añe'ẽ peẽme

peteĩ ñe'ẽ ojerure'asývaicha yvy timbógui: Jajoecha peve ou vove pe ára guasu.

14 Ha peẽ ndapehupytyseiva Tupã py'aporã, ha napemomba'éiva judio-kuéra ñe'ẽ, ni che ñe'ẽ, ni umi ñe'ẽ osêtava Tupã Cordero jurúgui, péina ápe,

pomomaitei ahakuévo tapiaite peve, penekondenátargui ko'ã ñe'ẽ ára pahápe.

15 Ha upe che aselláva yvýpe, oñemoíta pende rehe pe huisio trivunal renondépe; péicha oja-poukágui chéve Ñandejára, ha che añe'ẽrenduva'erã. Amén.

JACOB KUATIAÑE'Ë

NEFI JOYKE'Y

Ñe'ẽ ombo'eva'ekue ijyoke'ykuérape. Ha'e omoapañuãi peteĩ yvy-pórape oityséva Cristo doctrina. Ñe'ẽ mbykymi Nefi tavayguakuéra rembiasakue rehegua.

ÑEMBYATY 1

Jacob ha José oñeha'ã oipy'amovã yvyporakuérape oguerovia hağua Cristo-pe ha ñe'ẽrendu hağua hembiapoukapykuérare—Nefi omano—Oĩ hetave tekoñaña nefita-kuéra apytépe. 544–421 ary rupi Cristo mbovyve.

HA péina ápe, ojehu ohasáma 55 ary Lehi osêhague Jerusalén-gui; upévore, Nefi ome'ẽ chéve, Jacob, peteĩ tembiapoukapy umi pláncha michívéva rehegua, ojehaihápe ko'ã mba'e.

2 Ha ome'ẽ chéve, Jacob, peteĩ tembiapoukapy ahaiva'erãha mbovymi ko'ã pláncha ári umi mba'e chéve ġuarã hepyvéva; ha ani hağua ahai, ndaha'éiramo mbykymi, kóva ko tavayguakuéra

rembiasakue rehe hérava Nefi tavayguakuéra.

3 He'ígui itavayguakuéra rembiasakue ojehaiva'erãha ambue iplanchakuéra ári, ha che añongatuva'erãha ko'ã pláncha ha ambohasa che ñemoñarépe, ñemoñare'atýgui ñemoñare'atýpe.

4 Ha oĩramo mbo'epy imaranga-túva, térã rrevelasiõ tuicháva, térã profesía, che ahaiva'erãha umi ijapytégui imba'eguasuvéva ko'ã pláncha ári, ha ahai umívagui ikatuháicha, Cristo rehe, ha ore tavayguakuéra ñeimeporārãre.

5 Jerovia ha tuicha jepy'apy rupi, añetehápe ojehechauka oréve ore tavayguakuéra rehegua, umi mba'e ojehútava chupekuéra.

6 Ha roguereko avei heta rrevelasiõ, ha heta espíritu profesía

rehegua; upévare, roikuaa Cristo ha irréinogui, ouva'erāha.

7 Upévare romba'apo jesarekópe ore tavayguakuéra apytépe, roipy'amovā haḡua chupekuéra ou haḡua hikuái Cristo-pe, ha ohupyty Tupā py'aporā, oike haḡua hikuái ipytu'úpe, ani haḡua mba'evéicharō ha'e oñe'eme'ẽ iñeko'õime ndoikemo'áiha hikuái, ñembopochypeguaréicha umi jeipy'ara'ã árape Israel ra'ykuéra oĩramoguare tave'ỹme.

8 Upévare, toipota Tupā roipy'amovā mayma yvypórape ani haḡua oñemoi Tupāre, ombopochy haḡua chupe, ha katu opa yvypóra toguerovia Cristo-pe, ha tomaña iñemanóre, ha togueraha ikurusu ha togueropu'aka yvóra ñembohory; upévare, che, Jacob, ajagarra che ári akumpli che joyke'y Nefi rembiapoukapy.

9 Ko'áḡa Nefi oñepyrũ ituja, ha ohecha pya'ema omanotaha; upévare, omoñandyry peteĩ yvypórape ha'e haḡua itavayguakuéra rréi ha sãmbyhyhára, umi rreikuéra rreinádo reheguáicha.

10 Ha tavayguakuéra ohayhuetereĩgui Nefi-pe, ha'égui chupekuéra ḡuarā tuicha mo'ãhára, oiporúgui Labán kysepuku oñorairō haḡua hesekuéra, ha omba'apógui opa hí'ara pukukue iñeimeporā.

11 Upévare, tavayguakuéra oñongatuse mandu'a hérare. Ha umi orreináva hendaguépe oñehenói tavayguakuérare, Nefi mokõiha, Nefi mbohapyha, ha upéicha, umi rreikuéra rreinádoicha; ha

upéicha oñehenói chupekuéra umi tavayguakuérare, taha'e ha'éva herakuéra.

12 Ha ojehu Nefi omano.

13 Ha ko'áḡa umi tavaygua ndaha'éiva lamanita ha'e nefita; upevére, oñehenói chupekuéra nefita-kuéra, jacobita-kuéra, zoramita-kuéra, lamanita-kuéra, lemuelita-kuéra, ha ismaelita-kuéra.

14 Ha katu che, Jacob, ndaikuaaukamo'ái chupekuéra ko'ã térã rupi, ha katu ahenóita lamanita-kuéra umi ohundiséva Nefi tavayguakuérare, ha umi ohayhúva Nefi-pe ahenóita nefita-kuéra, térã Nefi tavaygua, umi rreikuéra rreinádope oĩháicha.

15 Ha ko'áḡa ojehu Nefi tavayguakuéra, rreí mokõiha rreinádo guýpe, oñepyrũ omohatã hikuái ikorasō, ha oñeme'ẽ'imi tembiapo añáme, ha hambireko ha ikuña hetase, David ojapo haguéicha yma, ha avei Salomón, ita'ýra.

16 Heẽ, ha oñepyrũ avei oheka hikuái heta óro ha pláta, ha oñepyrũ oñembotuicha'imi hikuái orgúllope.

17 Upévare che, Jacob, ha'e ko'ã ñe'ẽ chupekuéra ambo'e aja témplope, ahupytyraẽvo che rembiapoukapy Ñandejáragui.

18 Che, Jacob, ha che joyke'y José roñekonsagrágui ha'e haḡua sacerdote ha mbo'ehára ko távape, Nefi po rupive.

19 Ha romomba'e ore rembiapo Ñandejára renondépe, rojagarrávo orejehe pe ojejeruréva oreve, romoĩvo ore akã ári

tavayguakuéra angaipa norombo'éiramo chupekuéra Tupã ñe'ẽ opa jesarekópe; upévore, romba'apóvo opa ore pu'akápe huguykuéra ani hağua ho'a ore ao ári; nda'upéichairamo huguykuéra ho'áne ore ao ári, ha ndorojehumó'ái mara'ỹme ára pahápe.

ÑEMBYATY 2

Jacob okondena pirapire jehayhu, orgúllo, ha tekopotí'ỹ—Yvyporakuéra ikatu oheka pirapire oipytyvõ hağua hapichápe—Jacob okondena pe tembiapo oñembotovéva ha'éva heta tembireko jeguereko—Ñandejára hory kuña rekopotĩme. 544-421 ary rupi Cristo mboyve.

UMI Jacob ñe'ẽ, Nefi joyke'y, oñe'éva'ekue Nefi tavayguakúrape, Nefi omano rire:

2 Ko'áğa, che joyke'ykuéra ahayhuetéva, che, Jacob, tembiapo aguerékóva Tupã renondépe he'iháicha, ajapoporã hağua che rembiapo akãguapýpe, ha amopotí hağua che ao pene angaipágui, ajupi témplope ko árape ha'e hağua peẽme Tupã ñe'ẽ.

3 Ha peẽ peikuaa ajesarekohague ko'áğa peve tembiapo añehenói haguépe; ha katu ko árape chejopy peteĩ potapy tui-chaitereivéva pene ánga ñeimeporãre pe añanduva'ekuégui ko'áğa peve.

4 Ha péina ápe, ko'áğa peve, peneñe'ërendúkuri Ñandejára

ñe'ëre, che ame'éva'ekue peẽme.

5 Ha péina ápe, pecherendu, ha peikuaa pe yvága ha yvy Apohare Ipu'akapáva pytyvõ rupive ikatuha añe'é peẽme pene remiandukuérare, mba'éichapa peñepyrúma hína pejapo angaipa, umi angaipa chéve ġuarã ijeja'e'ỹvéva, heẽ, ha Tupãme ġuarã ijeja'e'ỹvéva.

6 Heẽ, ojopy che ánga ha chemopirĩ ñemotĩgui che Apohare renondépe, che ame'éva'erãha testimónio peẽme pene korasõ tekoñañare.

7 Ha avei ambyasy aiporuvá'erãha ñe'ẽ pohýi penderehe, pene rembireko ha pende ra'y renondépe, heta ijapytepekuéra hemiandu kyrýi ha ipotí ha iporãva Tupã renondépe, mba'e oguerohorýva Tupã.

8 Ha aimo'ã ojupihague hikuái ko'ã peve ohendu hağua Tupã ñe'ẽ iporãitéva, heẽ, ñe'ẽ omongueráva ánga hasýva.

9 Upévore, ojopy che ánga oje'e jey jeyva'erãha chéve, Tupã rembiapoukapy oñeme'éva'ekue chéve rupi, añemoñe'ẽ hağua peẽme pene rembiapovaikuére, amohasyve hağua umi hasýmava mba'e'asy, amoangapyhy ha amonguerarangue chupekuéra imba'e'asy; ha umi imba'e'asy'ỹva, ovy'arangue Tupã ñe'ẽ iporãitévare, amoĩ kyse amohasa hağua hí'angakuérare ha aikutu iñapytu'ũnguéra ikyrýiva.

10 Ha katu, jepe pe tembiapo tuicha, che ajapova'erã umi Tupã

rembiapoukapy he'ihaihaite, ha añe'ẽ peẽme pende rekoñaña ha pene rembiapoky'akuérare, umi ikorasõ potíva renondépe, ha umi ikorasõ miríva, ha pe Tupã Ipu'akapáva resa pypuku renondépe.

11 Upévore, ha'eva'erã peẽme pe añeteguáva Tupã ñe'ẽme hesakãháicha. Ha péina ápe, aporanduháicha Ñandejárape, péicha ou chéve pe ñe'ẽ, he'ivo: Jacob, ejupi témplope ko'ẽrõ, ha ere ko'ã tavayguakuérape ñe'ẽ ame'ëtava ndéve.

12 Ha ko'ágã péina ápe, che joyke'ykuéra, kóva ha'e pe ñe'ẽ ha'éva peẽme, heta peẽkuérava peñepyrũ peheka óro, ha pláta, ha opáichagua mineral iporãitereíva, hetaitéva kóva ko yvýpe, ha'éva peteĩ yvy ñe'ẽme'ẽngue peẽme ha pene ñemoñarépe guarã.

13 Ha Tupã po horypaitégui peẽme, pehupyty heta pirapire; ha oĩgui pende apytépe ohupytyvéva pendejoyke'ykuérargui pepu'ã pene korasõ orgúllope, ha peiko pende ajúra pu'ã ha pene akã yvate umi pende ao hepy haguére, ha pemuña pende joyke'ykuérape peimo'ãgui peẽ pendetuichave chuguikuéra.

14 Ha ko'ágã, che joyke'ykuéra, peimo'ã piko Tupã pende hustifika ko'ã mba'épe? Péina ápe, ha'e peẽme, Nahániri. Ha katu penekondena, ha pejapónteramo hína ko'ã mba'e ihuisiokuéra oúta peẽme pya'e.

15 O ha'e ohechaukárire peẽme ikatuha pendejapyhara, ha peteĩ

hesa ñema'ẽme pendeipy'ajopykuaaha yvytimbo peve!

16 O pendeipe'árire ko tembiapovai ha tekoky'águi. Ha, O pehendúrire umi hembiapoukapy ñe'ẽ, ha ndapehejáirire ko pene korasõ orgúllo ohundi pene angakuéra!

17 Pehecháke pende joyke'ykuérape peẽichaite avei, ha penderory mayma ndive ha pendeipojeráke pene mba'ehepy reheve, ha'ekuéra imba'eheta hağua avei peẽicha.

18 Ha katu peheka mboyve mba'ehepy, peheka Tupã rréino.

19 Ha pehupyty rire peteĩ ñeha'arõ Cristo-pe pehupytyta mba'ehepy, pehekáramo; ha pehekáta pejapo hağua iporãva—pemonde hağua ijopívovape, ha pemongaru hağua iñembyahývape, ha pemosãso hağua oñeñapytívape, ha peme'ẽ hağua pytyvõ hasýva ha oiko'asývape.

20 Ha ko'ágã, che joyke'ykuéra, añe'ẽ peẽme pe orgúllore; ha umi pende apytépe pembohasa'asyva'ekue pende rapichápe, ha pemuña chupe pende orgullósogui pene korasõme, umi mba'e Tupã ome'éva'ekue peẽme rupi, mba'épa pejéta upévore?

21 Napeimo'ãi piko ko'ã mba'e ha'eha ijeja'e'yvéva upe ojapova'ekuépe guarã opa tekovepe? Ha peteĩva iporãiterei ambuéicha hesa renondépe. Ha opa tekove ou yvy timbógui; ha peteĩ mba'erãnte ha'e ojapova'ekue chupekuéra, iñe'ẽrendu hağua hembiapoukapykuérare

ha omomba'eguasu haġua chupe tapiaite peve.

22 Ha ko'áġa nañe'ëvéima pe-
ëme kóva ko orgúllore. Ha nda-
ha'éirō añe'éva'erāgui peëme
peteĩ tembiapo ivaivéva rehe,
che korasō ovy'aitereiva'eramo'ã
peë rupi.

23 Ha katu Tupã ñe'ë chejopy
pene rembiapo ivaivéva rupi.
Ha péina ápe, péicha he'i Ñan-
dejára: Kóva ko táva oñepyrū
ombohetave hembiapovai; noi-
kūmbýi hikuái umi escritura-
kuéra, ha oñeha'ã ohustifika
hembiapovaikuéra, umi mba'e
ojehaiva'ekue rupi David, ha
ta'ýra Salomón-re.

24 Péina ápe, David ha Salo-
món añetehápe oguerekova'ekue
heta tembireko ha kuña, mba'e
chéve ġuarã ijeja'e'yvéva, he'i
Ñandejára.

25 Upévare, Ñandejára he'i
péicha, aguenohéva'ekue kóva
ko távape Jerusalén retāgui, che
jyva pu'aka rupive, amopu'ã
haġua chéve ġuarã peteĩ hakã
hekojojáva José lomoguiguare.

26 Upévare, che, Tupã Ñande-
jára ndahejamo'ãi kóva ko tavay-
gua ojapo umi ymaguare ojapo
haguéicha.

27 Upévare, che joyke'ykuéra,
cherendu, ha pehendu Ñande-
jára ñe'ë: Pende apytépe avave
kuimba'e ndoguerekomo'ãi nda-
ha'éiramo peteĩ tembirekónte; ha
noñemokuñamo'ãi;

28 Ha che, Tupã Ñandejára,
cherory kuñanguéra rekopo-
tíme. Ha umi tekovai ha'e peteĩ

tembiapoky'a chéve ġuarã; péicha
he'i Señor de los Ejércitos.

29 Upévare, kóva ko tavaygua-
kuéra iñe'ërendúta che rembia-
poukapykuérare, he'i Señor de
los Ejércitos, térã oñemoñe'ë-
ngáita pe yvy hesekuéra rupi.

30 Ha che, he'i Señor de los
Ejércitos, amopu'áséramo ñe-
moñare chéve ġuarã, ha'éta che
tavayguakuérape; ndaupéichai-
ramo ha'ekuéra iñe'ërendúta ko'ã
mba'ére.

31 Ha péina ápe, che, Ñandejára,
ahecha pe vy'a'y, ha ahendu
che tavayguakuéra rajykuéra
rasē tetã Jerusalén-pe, heë, ha
opa che tavayguakuéra retāme,
imenakuéra rekoñaña ha rembia-
povaikuéra rupi.

32 Ha ndahejamo'ãi, he'i pe
Señor de los Ejércitos, kóva ko
tavayguakuéra rajykuéra porã
jerure'asy, aguenohéva'ekue
Jerusalén retāgui, ojupi chéve
che tavayguakuéra kuimba'e-
kuéra rehe, he'i pe Señor de los
Ejércitos.

33 Ndoguerahamo'āigui hikuái
ñeñapytíme che tavayguakuéra
rajykuérape ikyrýi rupi, che aju-
ýre chupekuéra peteĩ ñe'ëngái
ivaitereiva reheve, jepe ñehundi
peve; ndojapomo'āigui hikuái te-
mbiapoky'a, umi ymaguaréicha,
he'i pe Señor de los Ejércitos.

34 Ha ko'áġa péina ápe, che
joyke'ykuéra, peë peikuaa ko'ã
tembiapoukapy oñeme'ëhague
ñande ru, Lehi-pe; upévare,
peikuaamava'ekue ko'áva; ha
peike peteĩ tuicha kondensasiöpe;

pejapo haguére ko'ã mba'e ndapejapoiva'erã.

35 Péina ápe, pejapo tembiapovai tuichavéva lamanita-kuéra, ñande joyke'ygui. Pejoka pene rembireko ikyrýiva korasõ, ha ndapeguerekovéima pende ra'ykuéra jerovia, umi techapyrã vai peme'ëva'ekue chupekuéra rupi; ha ikorasõkuéra rasẽ ojupi Tupãme pende rehe. Ha pe Tupã ñe'ẽ oñemovã'yva rupi, ouva pende rehe, heta korasõ omano, ojejapyharágui jekutu pypukúpe.

ÑEMBYATY 3

Umi ikorasõ potíva ohendu Tupã ñe'ẽ iporãitéva—Lamanita-kuéra hekojojave nefita-kuéragui—Jacob omomarandu tekoky'a, tekotie'y, ha opáichagua angaipáre. 544–421 ary rupi Cristo mboýve.

HA péina ápe, che, Jacob, añe'ese peẽ pene korasõ potívape. Pejero-
via Tupãre apytu'ũ mbaretépe, ha peñembo'e chupe jerovaitépe, ha ha'e penemoangapyhýta pende jeiko'asýpe, ha oñorairõta penderhe, ha omboúta hustísia umi ohekáva ári pene ñehundi.

2 O maymáva peẽ pene korasõ potíva, pemopu'ã pene akã ha pehupyty pe Tupã ñe'ẽ iporãitéva, ha penderory imborayhúpe; ha ikatúta pejapo, pene apytu'ũ noñemovãiramo, tapiiaite peve.

3 Ha katu, ái, ái, peẽ pene korasõ naipotírivagui, ko árape pende'ky'áva Tupã renondépe;

napeñarrepentíriramo pe vyv oñemoñe'ëngáita peẽ rupi; ha lamanita-kuéra, ndaiky'áva peẽicha, oñemoñe'ëngáiva jepe ñe'ëngái vaietépe, pendejopýta jepe ñehundi peve.

4 Ha ára pya'e ou, peẽ napeñarrepentíriramo ha'ekuéra ohupytýta pende vyv jehejapyre, ha Tupã Nandejára oguenohëta hekojojávape pende apytégui.

5 Péina ápe, lamanita-kuéra pende joyke'y, ndapehayhúiva iky'áre ha pe ñe'ëngái ouva'ekue ipirekuéra ári rupi, hekojojave pendehegui; ndahesaráigui hikuái Nandejára rembiapoukapýgui, oñeme'ëva'ekue ñande rúpe—oguerékova'erãha hikuái peteĩ tembirekõnte, ha noñemokuñai-va'erãha, ha ndaiporiva'erãha tembiapoky'a ijapytepekuéra.

6 Ha ko'ága, oñeha'ã hikuái iñe'ërendu ko tembiapoukapýre; upévale, oñeha'ã rupi hikuái iñe'ërendu ko tembiapoukapýre, Tupã Nandejára nohundimo'ãi chupekuéra, ha katu iporiahuverekóta hendivekuéra; ha oñuahëta ára oikotaha chuguikuéra peteĩ tavayguakuéra jehovasapyre.

7 Péina ápe, imenakuéra ohayhu hambirekópe, ha hambirekokuéra ohayhu iménape; ha imenakuéra ha hambirekokuéra ohayhu imitãnguérape; ha ijerovia'y ha ijehayhu'y pende rehe ha'e ituvakuéra rembiapovaikue rupi; upévale, mboýpa peẽ pene porãve chuguikuéra, pende Apohare guasu renondépe?

8 O che joyke'ykuéra, akyhyje

napeñearrepentíriramo pene angaipágui ipirekuéra morotívetaha pende pirégui, pejegueraha vove hendivekuéra Tupã apyka-jegua renondépe.

9 Upévare, amé'ẽ peẽme peteĩ tembiapoukapy, ha'éva Tupã ñe'ẽ, anive haña peñe'ẽvai hesekuéra pe ipire hũ haguére; ha ani peñe'ẽvai hesekuéra imba'eky'a rupi; ha katu penemandu'ava'erã pene mba'eky'are, ha penemandu'ava'erã imba'eky'akuéra ouhague ituvakuéra rupi.

10 Upévare, penemandu'ava'erã pende ra'ykuérare, mba'éichapa pejopyva'ekue ikorasõkuéra techapyrã peme'ẽva'ekue chupekuéra rupi; ha penemandu'áke avei, penderokoky'a rupi, ikatuha pegueraha pende ra'ykuérape ñehundípe, ha iñangaipakuéra oñembyatyta pene akã ári pe ára pahápe.

11 O che joyke'ykuéra, pehenduche ñe'ẽnguéra; pemokyre'y pene ánga kuaapy; pejeityvyro pepáy haña pe ñemano kerarechágui; ha pejehekýi umi jehasa'asýgui oíva añaretãme ani haña oiko pendehegui aña ángel, pejeity haña pe lágo tata ha asufreguiguápe ha'éva pe ñemano mokõiha.

12 Ha ko'ága che, Jacob, añe'ëve heta mba'e Nefi tavayguakuérape, amomarandúvo chupekuéra pe tekoky'a ha tekotie'y rehe, ha opáichagua angaipáre, ha'évo chupekuéra ko'áva ogue-ruha heta mba'e ivaietereíva.

13 Ha ni peteĩ pehẽnguemi

ojapova'ekue umi che tavayguakuéra, oñepyrũmava heta, ndaikatúi ojehai ko'ã pláncha ári; ha katu heta hembiapokuéra ojehai umi pláncha tuichavéva ári, ha iñorairõguasú, ha ijeikovaikuéra, ha irreikuéra rreinádo.

14 Ko'ã pláncha oñembohéra Jacob pláncha, ha ojejavova'ekue Nefi po rupi. Ha che ambopaha ko'ã ñe'ẽ.

ÑEMBYATY 4

Opavave proféta otupaitũ Túvape Cristo rérape—Abraham oikua-ve'éramo guare ta'yra Isaac-pe omoha'anga Tupã ha Ta'yra Unihénitope—Yvyporakuéra oñemoĩporãva'erã Tupã ndive pe expiasiõ rupive—Judio-kuéra orrechasáta pe ita oñemopu'áva ári opa mba'e. 544–421 ary rupi Cristo mboyye.

KO'ÁGA, péina ápe, ojehe che, Jacob, heta aministra ñe'ẽme che tavayguakuérape (ha ndaikatúi ahai che ñe'ẽnguéra térã mbovymínte, hasyeteréigui ojehai pláncha ári oreñe'ẽnguéra) ha roikuaa umi rohaíva pláncha-kuéra ári opytava'eraha;

2 Ha katu umi rohaíva ambue mba'e ári ndaha'éiva pláncha omano ha opareiva'erã, ha katu rohaikuaa planchakuéra ári ñe'ẽ mbovymínte, ome'ëtava ore ra'ykuérape, ha avei ore joyke'ykuéra rohayhuetévape, jeikuaa michĩmi orehegui, térã, ituvakuéragui—

3 Ha ko'ã mba'épe rovy'a, ha

romba'apo jesarekópe rohai ha-
 ġua ko'ã ñe'ẽ planchakuéra ári,
 roha'arõvo ore joyke'ykuéra
 rohayhuetéva ha ore ra'ykuéra
 ohupyty ko'áva korasõ aguyjépe,
 ha ojerovia hese oñehekombo'e
 haġua vy'ápe, ha ani vy'a'ỹme,
 ni jeja'e'ỹme, ituvakuéra ypykue
 reheguáva.

4 Ha, upevarã rohaiva'ekue
 ko'ã mba'e, oikuaa haġua hikuái
 ore roikuaahague Cristo-gui, ha
 roguerekohague ñeha'arõ ivera-
 pýre heta ary ha'e ou mboyve;
 ha ndaha'ei orénte roguerekóva
 ñeha'arõ iverapýre, ha katu avei
 opavave umi proféta marangatu
 oikova'ekue ore mboyve.

5 Péina ápe, ha'ekuéra oguero-
 viava'ekue Cristo-pe ha otupaitũ
 Túvape hérape, ha avei ore ro-
 tupaitũ Túvape hérape. Ha upe-
 varã oreñe'ërendu Moisés léire,
 oguerahágui ore ánga chupe; ha
 upévare oñemomarangatu oréve
 tekojojáramo, ojuhuhaguéicha
 Abraham-pe tave'ỹme iñe'ëre-
 ndúgui Tupã rembiapoukapýre
 oikuave'ẽvo ita'ýra Isaac-pe,
 omoha'angáva Tupã ha ta'ýra
 Unihénitope.

6 Upévare, rohesa'ỹijo profeta-
 kuérape, ha roguereko heta rre-
 velasiõ ha espíritu de profesía; ha
 roguerekóvo opa ko'ã testimonio
 rohupyty petei ñeha'arõ, ha ore
 jerovia imbareteve, añetehápe
 ikatu peve roñe'ẽ Jesús rérape ha
 umi vyramáta jepe iñe'ërendu
 orerehe, téra umi vyty, téra umi
 yguasu ypu'ã.

7 Upevére, Tupã Ñandejára

ohechauka oréve orekangyha
 roikua haġua ha'eha igrásia ru-
 pive, ha py'aporãite oguerekóva
 rupi yvypóra ra'ykuéra ndive,
 roguerekoha pu'aka rojapo haġua
 ko'ã mba'e.

8 Péina ápe, tuicha ha techapyrã
 Ñandejára rembiapokuéra. Imba-
 'eñemimbykuéra pypuku niko
 hasyete jaikuaapa haġua; araka-
 'eve yvypóra ndoikuaapamo'ãi
 hapekuéra. Ha ndaipóri avave
 yvypóra oikuaáva umi hape ha'e
 ndohechaukáiramo chupe; upé-
 vare, joyke'ykuéra, ani pembo-
 tove Tupã rrevelasiõnguéra.

9 Ha péina ápe, iñe'ẽ pu'aka
 rupive yvypóra oñemoiva'ekue
 yvy ape ári, yvy ojejapova'ekue
 iñe'ẽ pu'aka rupive. Upévare,
 Tupã ikatúramokuri oñe'ẽ, ha
 pe yvóra oiko; ha oñe'ẽ ha pe
 yvypóra ojejapo, O upéicharõ,
 mba'ére piko ndaikatumo'ãi he'i
 pe yvýpe, téra pe ipo ojavova'e-
 kuépe oiva hí'ári, ha'e oipotahái-
 cha ha oikuaaháicha?

10 Upévare, joyke'ykuéra, ani
 peñemoñe'ëse Ñandejárape, ha
 katu pehendu ñemoñe'ẽ ipógui
 oúva. Ha péina ápe, peẽ peikuaa
 ha'e oñemoñe'ëha arandúpe, ha
 hustísia, ha tuicha poriahuvere-
 kópe, opa hembiapokuéra ári.

11 Upévare, che joyke'ykuéra
 ahayhuetéva, peñemoĩporã he-
 ndive Cristo expiasiõ rupive,
 Ta'ýra Unihénito, ha ikatúta pe-
 hupyty jeikovejey, pe jeikovejey
 pu'aka rupi oiva Cristo-pe, peñe-
 moĩ haġua Cristo yva pyahúramo
 Tupã renondépe, peguerekóvo

jerovia, ha pehupyty rire hese peteĩ ñeha'arõ verapy ha'e ojehechauka mboyve ho'ópe.

12 Ha ko'ágã, ahayhuetéva, ani pemomba'eguasú ha'ehague peẽme ko'ã mba'e; ha mba'e rehe piko ñañañe'ẽmo'ãi Cristo expiasiõ rehe, ha jahupyty peteĩ jeikuaaporã chugui, ha jahupyty jeikuaaporã pe jeikovejey ha pe yvóra oútavagui?

13 Péina ápe, che joyke'ykuéra, oprofetisáva, toprofetisa yvyporakuéra oikuaa haña; pe Espiritu oñe'ẽgui añetegua ha ndaijapúi. Upévore, oñe'ẽ umi mba'e ha'eháicha añetépe, ha umi mba'e ha'etaháicha añetépe; upévore, ko'ã mba'e ojehechauka ñandéve tesakãme, ñane ánga ojesalva haña. Ha katu péina ápe, ndaha'ei ñande añõnte testígo ko'ã mba'égui; Tupã he'ígui avei ko'áva profetakuéra ymaguarépe.

14 Ha katu péina ápe, judio-kuéra ha'ékuri peteĩ tavaygua-kuéra ipy'ahatáva; ha ndoipotái hikuái umi ñe'ẽ hesakáva, ha ojuka profetakuérape, ha oheka mba'e ikatu'yva oikũmby. Upévore, ohecha'y rupi hikuái, techa'y oúva chupekuéra omaña haguére hikuái mombyryve pe jehupytyrãgui, ho'amanteva'erã hikuái; Tupã oipe'águi chugui-kuéra tesakã, ha ome'ẽ chupekuéra heta mba'e ndaikatúiva oikũmby, upéicha oipotágui hikuái. Ha péicha oipotágui hikuái Tupã ojarókuri, oñepysanga haña.

15 Ha ko'ágã che, Jacob,

ajegueraha pe espíriture aprofetisa haña; ahechágui pe Espiritu oíva che pype rupi, judio-kuéra oñepysanga rupi orrechásata pe ita ikatumo'ãhague ári omopu'ã hikuái ha oguereko peteĩ pyenda mbarete.

16 Ha katu péina ápe, umi escritura-pe he'iháicha, kóva ko ita ha'éta tuichavéva, ha ipaháva, ha péva añõnte ha'éta pyenda mbarete, judio-kuéra ikatuhápe omopu'ã.

17 Ha ko'ágã, peẽ ahayhuetéva, mba'éicha piko ko'áva, orrechasa rire upe pyenda mbarete, ikatúta araka'eve omopu'ã hiarí, ha'e haña pe ita upéva ári oñemopu'áva?

18 Péina ápe, che joyke'ykuéra ahayhuetéva, amyesakãta peẽme kóva ko mba'eñemimby; nahániriramo ha'éta nachembaretéigui Espiritu-pe, ha añepysangágui pe jepy'apy aguerekóva pende rehe rupi.

ÑEMBYATY 5

Jacob omombe'u Zenos ñe'ẽnguéra pe olívo oñeñotýva'ekue ha pe olívo ka'aguy rehegua—Ko'áva ojogua Israel ha gentil-kuérape—Oñemoha'anga Israel ñemosarambi ha ñembyaty—Oñeñe'ẽ nefita ha lamanita ha opa Israel rógare—Gentil-kuéra oñeinhertáta Israel-pe—Ipahaitépe ojehapýta pe parralty. 544–421 ary rupi Cristo mboyve.

PÉINA ápe, che joyke'ykuéra,

napenemandu'áipa pemoñe'ẽ-hague proféta Zenos ñe'ẽnguéra, oñe'ẽva'ekue Israel rógape, he'ívo:

2 Pehendu, O Israel róga, ha pehendu che ñe'ẽnguéra, ha'éva Ñandejára proféta.

3 Ha péina ápe, péicha he'í Ñandejára, rombojojáta, O Israel róga, peteĩ olivomáta ñeñotỹmbyrére, peteĩ kuimba'e ojagarrava'ekue ha oñotỹ ivíñape; ha okakuaa, ha ituja, ha oñepyrũ ipiru.

4 Ha ojehu pe víña jára osẽ, ha ohecha pe ijolivomáta oñepyrũmaha ipiru, ha he'í: Ahakã'óta, ha ajo'óta ijerére, ha amombaretéta ikatumba'e hağua hoky pyahu ha ikyrỹi, ha ani omano.

5 Ha ojehu ha'e ohakã'o, ha ojo'o ijerére, ha omombarete he'ihaguéicha.

6 Ha ojehu heta ára rire oñepyrũ hoky'imi, hakã pyahu ha ikyrỹiva; ha katu péina ápe, pe hu'ãme oñepyrũ ipiru.

7 Ha ojehu pe víña jára ohecha upéva ha he'í hembiguáipe: Chepy'apy oñehunditaha chehegui ko vyramáta; upéva, tereho ha eipe'a peteĩ olívo ka'aguy rakã, ha egueru chéve ko'ápe; ha jaipé'áta umi vyramáta rakã mbytepegua oñepyrũmava ipiru, ha jaitýta tatápe okái hağua.

8 Ha péina ápe, he'í pe víña jára, ajagarráta heta ko'ã vyra rakã ipyahu ha ikyrỹivagui, ha ainher-táta che aipotahápe; ha ndaha'úi mba'eve peichahágui kóva ko vyramáta rapo omanóramo,

che ikatúta aňongatu hi'a chéve ġuarã; upéva, ajagarráta ko'ã vyra rakã ipyahu ha ikyrỹiva, ha ainher-táta che aipotahápe.

9 Ejagarra pe olívo ka'aguy rakãnguéra, ha einher-ta umivarangue, ha ko'áva aikyřiva'ekue; aityta tatápe ha ahapyta, ani hağua ombyai che víña vy.

10 Ha ojehu pe víña jára rembiguái ojapo pe víña jára he'í haguéicha, ha oinherta umi olívo ka'aguy rakãnguéra.

11 Ha pe víña jára he'í ojejo'o hağua ijerére, ha oñhakã'o, ha oñemombarete hağua, he'ívo hembiguáipe: Chepy'apy oñehudiva'eraha chehegui ko vyramáta; upéva, ikatu hağua aňongatu hapokuéra ani hağua omano, ha ikatu hağuaicha aňongatu chéve ġuarã, ajapókuri ko'áva.

12 Upéva, tereho; eňangareko pe vyramátare, ha emombarete, che ha'e haguéicha.

13 Ha ko'áva che amoita che víña mombyryvehápe, che aipotahápe, ha ani epena upéva; ha ajapo kóva aňongatu hağua chéve ġuarã umi vyramáta rakãitéva; ha avei, aňongatu hağua chéve hi'a hi'araitépe ġuarã; chepy'apy'gui oñehundíramo ġuarã chehegui ko vyramáta ha hi'a.

14 Ha ojehu pe víña jára osẽ oho, ha oñomi umi olívo ñeñotỹmbyre rakãitéva pe víña mombyryvehápe, ha omoĩ michĩmi peteĩ hendápe ha ambue ambue hendápe, ha'e oipotaháicha.

15 Ha ojehu ohasa rire heta ára, pe víña jára he'í hembiguáipe:

Eju, jaguejy pe víñape ikatu ha-
gũa ñamba'apo pe víñape.

16 Ha ojehu pe víña jára, ha avei
hembiguái; oguejy pe víñape
omba'apo hağua. Ha ojehu pe
tembiguái he'i ijárape: Péina
ápe, emaña ápe; ehecha pe
vyvramáta.

17 Ha ojehu pe víña jára omaña
ha ohecha pe vyvramáta oñein-
herta haguépe olívo ka'aguy rakã;
ha hokýma ha oñepyrũma hi'a.
Ha ohecha iporãha; ha umi hi'a
ha'ete olívo yvaitéicha.

18 Ha he'i pe tembiguái: Péina
ápe, pe vyvramáta ka'aguy
rakãnguéra ohupyty pe hapo he-
'õha, upéicha rupi pe hapo ome'ẽ
tuicha mbarete; ha pe hapo imba-
rete rupi umi vyvramáta ka'aguy
rakã ome'ẽ yva ñeñotýmbyre.
Upéicha, nañainhertáirire ko'ã
vyvramáta rakã, pe vyvramáta
omanova'erãmo'ã. Ha ko'ágã,
péina ápe, añongatúta heta yva,
pe vyvramáta ome'ẽva'ekue; ha
hi'a añongatúta hi'araitépe ġuarã,
chéve ġuarã.

19 Ha ojehu pe víña jára he'i
tembiguái: Eju, jaha pe víña
mombyryvehápe, ha jahecha umi
vyvramáta rakãitévapa nome'ẽi
avei heta yva, ikatu hağua che
añongatu hi'a hi'araitépe ġuarã,
chéve ġuarã.

20 Ha ojehu oho hikuái pe víña
jára oñomi haguépe umi vyv-
ramáta rakãitéva, ha he'i pe
tembiguái: Emaña ko'avare;
ha ohecha upe peteíha hi'a he-
tahague; ha ohecha avei iporãha.
Ha he'i pe tembiguái: Ejarra

hi'a, ha eñongatu hi'araitépe
ğuarã, ikatu hağuaícha añongatu
chéve ġuarã; ha péina ápe, ha'e
he'i, heta ára amombaretékuri
kóva, ha ome'ẽ heta yva.

21 Ha ojehu pe tembiguái he'i
ijárape: Mba'ére piko rejúra'e re-
ñotý ko'ápe kóva ko vyvramáta,
térã ko vyvramáta rakã? Péina
ápe, péva niko ha'e vvy ivaivéva
opa ne víña vvy apytépe.

22 Ha pe víña jára he'i chupe:
Ani eñemoñe'ẽ chéve; che aikua-
ákuri ha'eha peteí tenda ivaíva;
upévare, ha'ékuri ndéve, amo-
mbarete Hague heta ára, ha nde
rehecha ome'ẽha heta yva.

23 Ha ojehu pe víña jára he'i he-
mbiguái: Ema'ẽ ko'ápe; péina
ápe añotýkuri avei ambue vyvra-
máta rakã; ha nde reikuaa kóva
ko vvy ivaiveha upe peteíhãgui.
Ha katu ema'ẽ pe vyvramátare.
Amombarete chupe ko ára puku-
kue, ha ome'ẽ heta yva; upévare,
emono'õ ha eñongatu umíva
hi'araitépe ġuarã, ikatu hağua
añongatu chéve ġuarã.

24 Ha ojehu pe víña jára he'i jey
hembiguái: Ema'ẽ ko'ápe, ha
ehecha avei ambue vyvramáta
rakã, añotýva'ekue; péina ápe
kóva amombaretékuri avei, ha
ome'ẽ yva.

25 Ha he'i tembiguái: Ema'ẽ
ko'ápe ha ehecha pe ipaháva:
Péina ápe, kóva añotýkuri vvy
iporãhápe; ha amombaretékuri
ko ára pukukue, ha peteí hendá-
pente pe vyvramáta ome'ẽ yva
ñeñotýmbyre, ha ambue hendápe
pe vyvramáta ome'ẽ yva ka'aguy;

péina ápe, che amombaretékuri ko vyramáta amombarete ha-guéicha umi ambuévape.

26 Ha ojehu pe víña jára he'i pe tembiguáipe: Eipe'a umi vyramáta rakã nome'ëiva'ekue yva porã, ha eity tatápe.

27 Ha katu péina ápe, pe tembiguái he'i chupe: Ñahakã'ó, ha jajo'ó ijerére, ha ñamombarete michimie, ikatu hañguáicha ome'ë ndéve yva porã, eñongatu hañgua hi'araitépe ñuarã.

28 Ha ojehu pe víña jára ha pe víña jára rembiguái omombarete opa vyramáta hi'áva upe víñape.

29 Ha ojehu ohasa heta ára, ha pe víña jára he'i hembiguáipe: Eju, jaguejy pe víñape, ikatu hañguáicha ñamba'apo jey upe víñape. Péina ápe, hi'agúimagui ára, ha pe ára paha pya'e oúma; upévare, che añongatuva'erã yva hi'araitépe ñuarã, chéve ñuarã.

30 Ha ojehu pe víña jára ha hembiguái oguejy pe víñape; ha oñuahẽ hikuái oiháme pe vyramáta rakãite ojeipe'ava'ekue, ha oñeinhertava'ekue hendaguépe umi vyramáta ka'aguy rakã; ha péina ápe henyhẽ opáichagua yvágui.

31 Ha ojehu pe víña jára ho'u pe yva, oñháichagui opáichagua. Ha pe víña jára he'i: Péina ápe, ko'ã heta ára pukukue ñamombaretékuri ko vyramáta, ha añongatu chéve ñuarã heta yva hi'araitépe ñuarã.

32 Ha katu péina ápe, ko'ãga ome'ë heta yva, ha ndaipóri ni

peteĩ iporãva. Ha péina ápe, oĩ opáichagua yva ivaíva; ha naiporãĩ mba'everã chéve ñuarã; jeye heta ñamba'apo hese, ha ko'ãga chepy'apy oñehundiva'erãha chehegui ko vyramáta.

33 Ha pe víña jára he'i pe tembiguáipe: Mba'e jajapóta pe vyramátare, añongatu jey hañgua chugui yva porã che mba'erã?

34 Ha pe tembiguái he'i ijárape: Péina ápe, reinherta haguére olívo ka'aguy rakãnguera ko'áva omombarete umi hapo, ha péicha rupi oikove ha nomanói; upévare rehecha umíva iporãha gueteri.

35 Ha ojehu pe víña jára he'i hembiguáipe: Naiporãĩ chéve mba'everã pe vyramáta, ha hapokuéra naiporãĩ chéve mba'everã ome'ë aja yva ivaíva.

36 Upevére, che aikuaa hapokuéra iporãha, ha che rembipotarã añongatuva'ekue; ha imbarete rupi, ko'ãga peve ome'ëkuri yva porã vyrrarakã ka'aguygui.

37 Ha katu péina ápe, umi vyrrarakã ka'aguy okakuaa ha imbareteve hapógui; ha umi vyrrarakã ka'aguy imbaretevégui pe hapógui ome'ë heta yva vai; ha ome'ë haguére heta yva ivaíva ehecha oñepyrũmaha omano; ha pya'e hi'ajútama, oñemombo hañgua tatápe, ndajajapóiramo hese peteĩ mba'e ñaipytyvõ hañgua.

38 Ha ojehu pe víña jára he'i hembiguáipe: Jaguejy umi víña mombyryvehápe, ha jahecha umi vyrrarakãitévapa ome'ë avei yva ivaíva.

39 Ha ojehu oguejy hikuái umi víña mombyryvehápe. Ha ojehu ohecha hikuái umi vyvyrarakãitéva yva oñembyaihague avei; heẽ, pe peteĩha, ha pe mokõiha ha avei pe ipaháva; ha opaitéva oñembyaipa.

40 Ha pe ipahapegua yva ka'aguy ipu'akave pe vyvramáta pehẽnguégui ome'ëva'ekue yva porã, ha péicha rupi pe vyvyrarakã ipiru ha omano.

41 Ha ojehu pe víña jára hasẽ, ha he'í pe tembiguáipe: Mba'épa ikatúra'e ajapove che víñare?

42 Péina ápe, che aikuaákuri opa yva viñapegua, ndaha'éiramo ko'áva añõnte, oñembyaipahague. Ha ko'ága ko'áva ome'ëva'ekue yva porã peteĩ árape oñembyaipa avei, ha ko'ága opaite vyvramáta che víñape oíva naiporãi mba'everã ndaha'éiramo oñeikyti ha oñemombo haɣua tatápe.

43 Ha péina ápe ko ipaháva, hakã ipiruva'ekue, añotýkuri peteĩ vvy iporãhápe; heẽ, pe chéve ɣuarã iporavopyréva opa che víña rendágui.

44 Ha nde rehecha aityhague avei kóva ko vvy renda ombyaiva'ekue, ikatu haɣuaicha che añotý kóva ko vyvramáta hendaguépe.

45 Ha nde rehecha peteĩ hendápe ome'ëha yva porã, ha peteĩ hendápe ome'ë yva ka'aguy; ha naikytirigui chugui hakã ha aity tatápe, péina ápe, imbareteve hikuái pe vyvyrarakã iporãvagui ha upéva rupi kóva ipiru.

46 Ha ko'ága, péina ápe, jepe

heta ñañangareko che víñare, ijyvyramatakuéra oñembyaipa, upéicha rupi nome'ëi yva porã; ha che aha'arõkuri añongatu ko'áva, añongatu haɣua hi'a hi'araitépe ɣuarã, chéve ɣuarã. Ha katu, péina ápe, oiko chu-guikuéra olívo ka'aguýicha, ha naiporãi mba'everã ndaha'éiramo oñeikyti ha ojeity haɣua tatápe; ha chepy'apy oñehundiva'erãha chehegui.

47 Ha mba'e piko ikatútara'e ajapove che víñape? Amokangy piko ra'e che po ani haɣua amombarete chupe? Nahániri, amombaretékuri, ha ajo'o ijerére, ha ahakã'o, ha amoporã jyvy; ha aipyso che po haimete ára pukukue aja, ha pe ára paha hi'aɣui. Ha chepy'apy aikyti-va'erãha opa vyvramáta che viñapegua, ha aity tatápe okái haɣua. Máva piko pe ombyaipava'ekue che víña?

48 Ha ojehu pe tembiguái he'í ijárape: Ndaha'éi piko pe nde víña yvatekue—Noiméipa umi vyvyrarakã ipu'akave umi hapo iporãvagui? Ha umi vyvyrarakã ipu'aka haguére hapóre, péina ápe umíva okakuaa pya'eve umi hapo mbaretégui, ha ojagarrara mbarete ijupe ɣuarã. Péina ápe, che ha'e, ndaha'éipa kóvare umi vyvramáta nde viñapegua oñembyaipahague?

49 Ha ojehu pe víña jára he'í tembiguáipe: Jaha ha ñaikyti umi vyvramáta pe viñapegua ha jaity tatápe, ani haɣua ombyai che viñapegua vvy, che ajapopáma

haguére. Mba'e piko ikatúra'e ajapove che víñare?

50 Ha katu, péina ápe, pe tembiguái he'i víña járape: Ehejamiéna.

51 Ha pe víña jára he'i: Heë, ahejamiéta, chepy'apýgui oñehundiva'eráha chehegui vyramatakuéra che víñapegua.

52 Upévare, jajagarra ko'ã vyvyrarakã añotýva'ekue che víña mombyryvehápe, ha ñainherta ko'áva pe vyramátape osë haguégui; ha ñaikytí pe vyramátgui umi vyvyrarakã hi'a irovéva, ha ñainherta hendaguépe umi vyramáta rakáite.

53 Ha kóva ajapóta péicha ani haña omano pe vyramáta, ikatumba'e haña añongatu hapo che rembipotarã.

54 Ha, péina ápe, umi vyramáta rakáite rapo añotýva'ekue che aipotahápe oikove gueteri; upévare, ikatu hañaícha añongatu avei umíva che rembipotarã, ajagarráta kóva ko vyramáta rakãgui, ha ainhertáta umívape. Heë, ainhertáta umívape pe vyramáta sy rakáitéva, ikatu mba'e haña añongatu avei hapokuéra chéve guarã, ha imbarete porã vove ikatu mba'e haña ome'ë chéve yva porã, ha cherory gueteri che víñapegua yva rehe.

55 Ha ojehu ojararra hikuái pe vyramataitévagai oikova'ekue chugui vyvra ka'aguy, ha oinherta hikuái umi vyramataitépe, oikova'ekuegui avei vyvra ka'aguy.

56 Ha avei ojararra hikuái umi

vyramataitévagai oikova'ekue chugui vyvra ka'aguy, ha oinherta hikuái pe vyramáta syre.

57 Ha pe víña jára he'i hembiguái: Ani eikyí umi vyvyrakã ka'aguy vyramatakuéragui, ndaha'éiramo umi irovéva añónte; ha umívape einhertáta che ha'e haguéicha.

58 Ha ñamombarete jeýta vyramatakuéra víñapegua, ha ñaikytíta hakãnguéra; ha ñaikytíta umi vyramátgui umi hakã oñembyaíva, omanova'erã, ha jaitýta tatápe.

59 Ha ajapo kóva, ikatu mba'e haña, umi hapo oñemombarete iporãngue rupive; ha oñemoambue haguére umi hakã, pe iporãva imbareteve ivaívagai.

60 Ha añongatu haguére umi vyvyrakáitéva ha hapokuéra, ha ainherta jey umi hakáite pe ijvyramáta syre, ha añongatu ijvyramáta sy rapokuéra, ikatu mba'e haña, umi che víñapegua vyramáta ome'ë jey yva iporãva; ha cherory jey haña che víñapegua yva rehe, ikatu mba'e haña, che roryterei añongatu haguére pe peteíha yva rapo ha hakãnguéra—

61 Upévare, tereho, ha ehenói tembiguáikuéra, ñamba'apo haña jesarekópe ha opa mbaretépe pe víñape, ñambosako'i haña tape, che ajapo jey haña pe yvaitéva, yva iporãva ha hepyvéva opa ambue yvágui.

62 Upévare, jaha ha ñamba'apo opa ñane mbarete reheve ipahaite, péina ápe hi'añmagui ára

paha, ha kóva niko ipahaitéma ahakã'otaha che víña.

63 Einherta umi vyvramáta rakã; eñepyrũ ipahávagui, ha'e hağua iñepyrũha, ha umi iñepyrũha ha'e hağua ipaháva; ha ejo'ó umi vyvramáta jerére, itujáva ha ipyahúva, ha iñepyrũha ha ipaháva; ha umi ipaháva ha iñepyrũháva, ikatu hağuaícha opavave oñemobarete jey ipahaitéma.

64 Upévore, ejo'ó ijererekuéra, ha ehakã'ó, ha embo'yvy porãjey ipahaitéma, pe ára paha hi'ağuiimagui. Ha peichahágui ko'ã oñeinhertava'ekue ipahápe okakuaáramo ha ome'ẽ pe yvaite, upéicharamo rembosako'íta chupekuéra tape, okakuaa hağua hikuái.

65 Ha okakuaávo ohóvo hikuái reipe'áta umi vyvramáta rakã ome'ẽva yva iróva, umi iporáva imbarete ha tuichaháicha; ha ndereipe'apamo'ái peteime umi vyvramáta ivaíva, ani umi hapo imbareteterei pe inhértope ġuarã, ha omano pe inhérto, ha oñehundi chehegui umi vyvramáta che víñapegua.

66 Chepy'apýgui oñehundiva'erãha chehegui umi vyvramáta che víñapegua, upévore reipe'áta umi ivaíva iporávagui, okakuaaháicha ohóvo, pe hapo ha pe hu'ã imbarete joja hağua, umi iporáva imbareteve peve umi ivaívagui, ha umi ivaíva oñeikyti ha ojeity tatápe, ani hağua ombyai che víñapegua yvy; ha péicha aitypeita ivaíva che víñağui.

67 Ha ainherta jeýta umi

vyvramataitéva rakã pe vyvramataitépe.

68 Ha ainhertáta pe vyvramataite rakãnguéra umi vyvramáta rakãitépe; ha péicha omojeyta oñondive, ome'ẽ hağua hikuái pe yvaite, ha ha'e hağua peteichante.

69 Ha pe ivaíva ojeityta okápe, heẽ, opa che víña yvýgui; ha péina ápe, ko'áğa aňonte ahakã'óta che víña.

70 Ha ojehu pe víña jára omondo hembiguái; ha pe tembiguái oho ha ojapo pe ijára he'iháicha chupe, ha ogueru ambue tembiguaikuéra; ha mbovy hikuái.

71 Ha he'i chupekuéra pe víña jára: Peho ha pamba'apo pe víñape, opa penembarete reheve. Péina ápe, kóva ha'égui ára ipahaitéma amombaretetaha che víña; pe ára paha hi'ağuiimagui, ha pe hi'araite pya'e oúma; ha peẽ pamba'apóramo chendive opa pene mbarete reheve pevy'áta pe yva ambyatýtava reheve chéve ġuarãre ára pya'e oúvape ġuarã.

72 Ha ojehu umi tembiguái oho ha omba'apo imbarete reheve; ha pe víña jára omba'apo avei hendivekuéra; ha iñe'ẽrendu hikuái pe víña jára rembiapoukapykuérare opa mba'épe.

73 Ha oñepyrũjey osẽ yvaite upe víñape; ha umi vyvramátaite oñepyrũ okakuaa ha tuichaiterei; ha oñepyrũ oñeikyti umi vyvramáta ka'aguy ha oñemombo okápe; ha okakuaa peteíha umi hapo ha hu'ã, imbareteháicha hikuái.

74 Ha péicha omba'apo hikuái jesarekópe, pe víña jára rembiapoukapýpe he'iháicha, pe ivaíva oñemombopa peve pe víñagui, ha pe víña jára oñongatu ijupe ġuarã umi vyvramáta ha'e jey haġua yvaite; ha ha'e hikuái peteichaite; ha hi'akuéra peteicha; ha pe víña jára oñongatúkuri ijupe ġuarã pe yvaite, iporãitereiva'ekue chupe ġuarã iñepyrũby guive.

75 Ha ojehu pe víña jára ohechámarõ hi'a iporãha, ha pe ivíña noñembyaiveimaha, ohenói hembiguaikuérape ha he'i chupekuéra: Péina ápe, ñamombaretékuri che víña ipahaitépe; ha pehecha ajapo Hague che aipotaháicha; ha añongatúkuri pe yvaite, ha iporã, iñepyrũby-peguaícha. Ha pejevovasa peẽ; pema'apo haguére chendive jesarekópe che víñape, ha peneñe'ërendúkuri che rembiapoukapykuérape, ha pegueru jey chéve pe yvaite, ha upéicha rupi che víña noñembyaiveíma, ha pe ivaíva oñemombóma okápe, péina ápe peẽ pe vy'áta chendive pe che víñapegua yva rupi.

76 Ha péina ápe, heta ára pukukue añongatúta che víñapegua yva chéve ġuarã hi'araitépe ġuarã, pya'eteri ouva; ha ipahaitéma amombarete che víña, ha ahakã'o, ha ajo'o ijerére, ha amoporã ijyvy; upépare añongatúta chéve ġuarã hi'a, heta ára pukukue, pe añe'ë haguéicha.

77 Ha oġuahêvo ára osẽ jeyha yva ivaíva che víñape, uperõ ambyatykáta iporãva ha ivaíva;

ha pe iporãva añongatúta chéve ġuarã, ha pe ivaíva amombóta hendaitépe. Ha upépe ou pe hi'araité ha ára paha; ha che ahapykáta che víña tatápe.

NEMBYATY 6

Ñandejára ombyatyjeýta Israel-pe ára pahápe—Yvóra ojehapýta tatápe—Yvyporakuéra ohova'erã Cristo ndive ani haġua ho'a pe lágo tata ha asufreguiguápe. 544–421 ary rupi Cristo mboýve.

Ha ko'áġa, péina ápe, che joyke'ykuéra, ha'e haguéicha peẽme aprofetisataha, péina ápe, kóva ha'e che profesía—umi mba'e he'iva'ekue pe proféta Zenos, Israel rógare, omoha'angahápe chupekuéra peteĩ olivomáta ñeñotýmbyrére, añetehápe oikova'erã.

2 Ha ára ha'e oipysó jey vove ijyva mokõiha jey oguerujey haġua itavayguakuérape, ha'éta upe ára, heẽ, jepeve ára ipahaitémava, Ñandejára rembiguaikuéra osétaha ipu'akápe, omombarete ha ohakã'o haġua ivíña; ha upe rire pya'e outa ára paha.

3 Ha tuicha ojehovasa umi omba'apova'ekue jesarekópe ivíñape; ha tuicha oñemoñe'ëngái umi oñemombótava hendaġuaitépe! Ha pe yvóra tatápe ojehapýta.

4 Ha iporiahuverekõite ñandive ñande Tupã, ha'e imandu'águi Israel rógare, umi hapo ha hakã rehe; ha oipysó chupekuéra

ipo opa ára pukukue aja; ha ha'e hikuái tavayguakuéra py'ahatã ha oñorairõséva; ha katu opavave nomohatãiva ikorasõ ojesalváta Tupã rréinope.

5 Upévare, che joyke'ykuéra ahayhuetéva, ajerure'asy peême ñe'ẽ mbaretépe peñearrepenti hağua, ha peju korasõ añetépe, ha pendejeroviareko Tupã ndive ha'e ijeroviarekoháicha penendive. Ha ijyva poriahuvereko ojeipysa aja peême ára hesakã aja, ani pemohatã pene korasõ.

6 Heẽ, ko árape, pehenduséramo iñe'ẽ, ani pemohatã pene korasõ; mba'ére piko pemanose?

7 Ha péina ápe, peñemombarete rire Tupã ñe'ẽ porãre opa ára pukukue aja, peme'ëta piko yva ivaíva, peñeikyti ha peñemombo hağua tatápe?

8 Péina ápe, perrechasáta piko ko'ã ñe'ẽ? Perrechasáta piko profetakuéra ñe'ẽ; ha perrechasáta piko opa ñe'ẽ oje'eva'ekue Cristo rehe, oñe'ẽ hetaitéma rire hese; ha penegáta piko Cristo ñe'ẽ porã, ha Tupã pu'aka, ha pe Espíritu Santo don, ha pemokiririta piko pe Espíritu Santo, ha peñembohoryta piko pe tuicha plan rredensiõ reheguáre, oñemoíva'ekue peême ġuarã?

9 Ndapeikuaái piko pejapóramo ko'ã mba'e, pe rredensiõ ha jeikovejey pu'aka oíva Cristo-pe, pendeguerahataha peñemoí hağua ñemofime ha tuicha ñeñanduvaípe Tupã trivunal renondépe?

10 Ha hustísia pu'aka rupive, pe hustísia ndaikatúgui oñenega,

pehomanteva'erã pe lágo tata ha asufreguiguápe, hendy opave'yva ha hatafi ojupíva tapiáite peve, ha kóva ko lágo tata ha asufreguigua ha'e jehasa'asy opave'yva.

11 O, che joyke'ykuéra ahayhuetéva, peñearrepentíke, ha peike pe okẽ po'i rupi, ha pepyta pe tape ipo'ívape, pehupyty peve pe jeikove opave'yva.

12 O, peneakãguapyke; mba'e piko ikatu ha'eve peême?

13 Ipahaitépe, pomomaitei, potopa peve Tupã trivunal iporãitéva renondépe, trivunal ojopýva iñañavape tuicha ñemondýi ha kyhyjépe. Amén.

ÑEMBYATY 7

Sherem onega Cristo-pe, oñorairõ Jacob ndíve, ojerure petei techaukaha, ha Tupã oipy'ajopy chupe—Opavave profetakuéra oñe'ëva'ekue Cristo ha iñexpiasiõ rehe—Nefita-kuéra oiko ova ovávo, heñói hikuái jehasa'asýpe ha lamanita-kuéra jehayhu'yime. 544–421 ary rupi Cristo mbovyte.

HA ojehu ohasa rire mbovy ary, ou Nefi tavayguakuéra apytépe petei kuimba'e, hérava Sherem.

2 Ha ojehu ha'e oñepyrũ ombo'e tavayguakuéra apytépe, ha he'i chupekuéra ndaiporimo'ãiha Cristo. Ha ombo'e heta mba'e ombojuruhe'ëva tavayguakuérape; ha kóva ojapo ohundi hağua pe Cristo doctrina.

3 Ha omba'apo jesarekópe omovã hağua tavayguakuéra

korasō, ha upéicha ha'e omovã heta korasō; ha ha'e oikuaávo che, Jacob, aguerekoha jerovia upe Cristo ouva'eräre, heta oheka ojotopa hağua chendive.

4 Ha ha'e peteĩ yvypóra arandu, upéicha rupi oikuaaporã tavayguakuéra ñe'ẽ; upévore, ha'e ikatu oiporu heta ñemboju-ruhe'ẽ, ha heta ñe'ẽkuua, pe aña pu'akáicha.

5 Ha ha'e oha'arõkuri chemongu'etaha pe jeroviágui, jepeve umi heta rrevelasiõ ha umi heta mba'e che ahechava'ekue ko'ã mba'e rehegua; ha che niko añetehápe ahechava'ekue angelkuéra, ha cheministra hikuái. Ha avei, ahenduva'ekue Ñandejára oñe'ẽramo chéve ñe'ẽtépe, sapy'a py'a; upévore, che ndaikatúi añemongu'évo.

6 Ha ojehu ou cherendápe, ha kóicha oñe'ẽ chéve, he'ívo: Joyke'y Jacob, heta aheka añe'ẽ hağua nendive; ahendúgui ha avei aikuaa heta reikoha upérupi, rembo'évo pe rehenóiva evanhélio, térã Cristo doctrina.

7 Ha hetápe ko tavaygua apytégui removã ha péicha rupi ombyai hikuái pe Tupã rape ijováva, ha naiñe'ẽrendúi hikuái Moisés léire ha'éva pe tape ijováva; ha pe Moisés léigui rejapo peteĩ yvypóra ñetupaitũ eréva outaha heta ary rire ko ára guive. Ha ko'áğa péina ápe, che, Sherem, ha'e ndéve kóva ha'eha peteĩ Tupãme ñemotie'y; avave yvypóra ndoikuaáigui ko'ã mba'e rehegua; avave ndaikatúigui

omombe'u umi mba'e outavagui. Ha péicha Sherem ñonorairõ chendive.

8 Ha katu péina ápe, Tupã Ñandejára oñohẽ Ijespíritu che ángape, ha upéicha amoapañuái chupe opa ñe'ẽme.

9 Ha ha'e chupe: Renegáta piko nde pe Cristo outavape? Ha ha'e he'i: oĩramo peteĩ Cristo, nanegaichéne chupe; ha katu aikuaa ndaiporihá Cristo, ni ndaiporiva'ekue, ni araka'eva ndaiporimo'áiha.

10 Ha ha'e chupe: Eguerovia piko nde umi escritura? Ha ha'e he'i, Heẽ.

11 Ha che ha'e chupe: Upéicharamo nereikũmbýi umíva; añetehápe niko ome'ẽ hikuái testimonio Cristo-gui. Péina ápe, ha'e ndéve avave umi proféta ndohaíri, ni ndoprofetisaiva'ekue, oñe'ẽ'yre kóva ko Cristo rehe.

12 Ha ndaha'éi kóva añónte—umíva ojehechauka chéve, ahecha ha ahendúgui; ha avei ojehechauka chéve pe Espíritu Santo pu'aka rupive; upévore, che aikuaa ndojejapóiramo peteĩ expiasiõ opa yvyporakuéra oñehundiva'erãha.

13 Ha ojehu ha'e he'i chéve: Ehechauka chéve peteĩ techaukaha kóva ko Espíritu Santo pu'aka rupive, hetaite mba'e oikuaaukáva ndéve.

14 Ha ha'e chupe: Máva piko che aipy'ará'ã hağua Tupãme ohechauka hağua ndéve peteĩ techaukaha ko'ã mba'égui nde

reikuaáva añeteguaaha? Jepe upéicha, renegáta, nde ha'égui añã ndivegua. Upevére, toiko'ỹ che rembipota; ha katu Tupã ndeipy'ajopýramo, taha'e ndéve ñuarã techaukaha ha'e oguerekoha pu'aka, yvága ha yvýpe; ha avei, Cristo outaha. Ha tojejapo ne rembipota, O Ñandejára, ha ani che rembipota.

15 Ha ojehu che Jacob, añe'ẽ rire ko'ã ñe'ẽ, Ñandejára pu'aka ou hi'ári, ha upéicha rupi ho'a yvýpe. Ha ojehu ha'e oñemongaru heta ára pukukue aja.

16 Ha ojehu ha'e he'i tavayguakuérape: Peñembyaty ko'ērõ, che amanótagui; upépare, añe'ẽse tavayguakuérape amano mboýve.

17 Ha ojehu ára ko'ẽme pe atyguasu oñembyaty; ha ha'e oñe'ẽporã chupekuéra ha onega umi mba'e ombo'eva'ekue chupekuéra, ha he'i oiha Cristo, ha pe Espiritu Santo pu'aka, ha pe angelkuéra ministrasiõ.

18 Ha he'i porã chupekuéra, ombotavyhague chupe pe añã pu'aka. Ha oñe'ẽ pe añaretãre, ha pe ára apyra'ỹ, ha pe jehavira opave'ỹva rehe.

19 Ha he'i: Akyhyje oiméne haña ajapo pe angaipa oñeperdona'ỹva, ambotavýgui Tupãme; anegágui Cristo-pe, ha ha'e agueroviaha umi escritura; ha ko'ãva niko añetehápe otestifika chugui. Ha péicha ambotavýgui Tupãme, che akyhyjeterei aivaietereitaha; ha katu añekonfesa Tupã renondépe.

20 Ha ojehu he'ipávo ko'ã ñe'ẽ ndaikatuvéi oñe'ẽ, ha ome'ẽ hi'anga.

21 Ha pe atyguasu ohechámarõ ha'e he'ihague ko'ã mba'e ome'ẽta jave hi'anga, tuicha oñemondýi hikuái; upéicha rupi pe Tupã pu'aka oguejy hi'arikuéra, ha ipu'akapa hesekuéra ha ho'a hikuái yvýpe.

22 Ha ko'áña, ko'ã mba'e chembovy'a chéve, Jacob, ajeruréguikuri che ru oíva yvágape; ha ha'e ohendu che jerure'asy ha ombohová che ñembo'e.

23 Ha ojehu pe py'aguapy ha Tupã mborayhu oí jey tavayguakuéra apytépe; ha ohesa'ỹijo hikuái umi escritura, ha nopनावéima hikuái ko kuimba'e ñaña ñe'ẽnguérare.

24 Ha ojehu ojeheka opai-charei ojeguero jey haña umi lamanita-pe ha oñemoí jey haña chupekuéra pe añetegua jeikuaápe; ha katu opa mba'e ojejaporei, horýgui hikuái ñorairõguasu ha tuguy ñeñoñe, ha oguereko hikuái peteĩ jehayhu'ỹ opave'ỹva ore rehe, ijoyke'ykuéra; ha oñeha'ã meme hikuái orerundi hi'armakuéra pu'aka rupi.

25 Upépare, Nefi tavayguakuéra oñemombarete hesekuéra hi'arma ha opa ipu'aka reheve, ojeroviávo Itupã ha isalvasiõ ita rehe; upépare, ha'ekuéra, ko'áña peve, ipu'aka hína ohayhu'ỹva chupekuéra rehe.

26 Ha ojehu che, Jacob, añepyrũ chetuja; ha kóva ko

tavayguakuéra rembiasakue ñemombe'u ojehaígui ambue Nefi pláncha ári, upévore, ambo-paha ko ñemombe'u, ha'évo ahaiague che aikuaaveháicha, ha'évo pe ára ohasamaha orehegui, ha ore rekove avei ohasáma ha'eramoguáicha peteĩ kerarecha, ha'égui ore peteĩ tavayguakuéra ha'eño ha heko añetéva, ou ha ohóva, oñeguenohëva'ekue Jerusalén-gui, heñóiva'ekue jehasa'asýpe, peteĩ tave'yme, ha rojehayhu'yva ore joyke'ykuérare, mba'e ogueruva'ekue ñorairõguasu ha joavy;

ha upéicha rombyasy ore rekove pukukue aja.

27 Ha che, Jacob, ahecha pya'e ahamava'erãha che ñeñotýháme; Upévore, ha'e che ra'y Enós-pe: Ejagarra ko'ã pláncha. Ha ha'e chupe umi mba'e che joyke'y Nefi he'iva'ekue chéve, ha ha'e oñe'ême'ẽ iñe'ẽrendutaha umi tembiapoukapýre. Ha ambopaha che jehai ko'ã pláncha ári, ha sa'i umi ahaíva'ekue; ha amomaitei pe omoñe'ëvape, aha'arõvo heta che joyke'ykuéra omoñe'ẽ che ñe'ënguéra. Adio mante, che joyke'ykuéra.

ENÓS KUATIAÑE'Ë

Enós oñembo'e mbarete ha ohupyty iñangaipa jora—Ñandejára ñe'ẽ ou iñapytu'ũme, oñe'ême'ëvo salvasiõ lamanita-kuérape guarã peteĩ ára uperireguápe—Nefita-kuéra oñeha'ã oguerujey lamanita-kuérape—Enós ovy'a Irredentor rehe. 420 ary rupi Cristo mboyve.

PÉINA ápe, ojehu che, Enós, aikuaa che ru ha'eha peteĩ kuimba'e hekojojáva—ha'e chembo'égui iñe'ême, ha avei chemongakuaa Ñandejára rekombo'e ha ñemoñe'ême—ha tojehovasa che Tupã réra upévore—

2 Ha amombe'úta peñme pe ñorairõ aguerekova'ekue Tupã renondépe, ahupyty mboyve che angaipa jora.

3 Ha péina ápe, asẽ ajuka haña mymba ka'aguýpe; ha umi ñe'ẽ ahendúmiva che ru oñe'ẽ pe tekove opave'yva ha umi imarangatuvakuéra vy'a rehe, oike pypuku che korasõme.

4 Ha che ánga iñembyahýi; ha añesũ che Apohare renondépe, ha ajerure chupe ñembo'e mbarete ha jerure'asýpe che ánga rehe; ha ajerure'asy chupe ára pukukue aja, heẽ, ha pytũ rire, amopu'ã gueteri che ñe'ẽ yvate oguhãhẽ meve yvágape.

5 Ha ou chéve peteĩ ñe'ẽ he'ívo: Enós, oñeperdona ndéve ne angaipakuéra, ha rejehovasáta.

6 Ha che, Enós, aikuaa Tupã ndaikatuiha ijapu; upévore, che rembiapovaikuéra oñemopotí.

7 Ha che ha'e: Ñandejára, mba'éicha piko ojejapo upéva?

8 Ha ha'e he'i chéve: Nde jerovia rupi Cristo-re, araka'eva nderehechái ni rehendui va'ekuépe. Ha ohasáta heta ary ha'e ojehechauka mboyve hetépe; upéva, tereho, nde jerovia nemopotí.

9 Ha ko'ágã, ojehu ahendu rire ko'ã ñe'ẽ, añepyrũ aipota che joyke'y nefita-kuéra ñeimporã; upéva, añohẽ Tupãme opa che ánga hesekuéra.

10 Ha ajējuha jave péicha año-rairõvo pe espíritu-pe, péina ápe, Ñandejára ñe'ẽ oujey che apytu'ũme, he'ivo: Che ajúta nde joyke'ykuérape ojesarekoháicha hikuái iñe'ẽrendúvo che rembiapoukapykuérare. Che ame'ẽva'ekue chupekuéra ko yvy, ha ha'e peteĩ yvy marangatu; ha namoñe'ẽngái ndaha'ẽirõ tembiapovaíre; upéva, ajúta nde joyke'ykuérape ha'e haguéicha; ha hembiapovaikuéra amboguejýta vy'a'ỹme iñakã ári.

11 Ha che, Enós, ahendu rire ko'ã ñe'ẽ, che jerovia Ñandejárare oñepyrũ imbareteterei; ha añembo'e chupe heta ha are che joyke'ykuéra, lamanita-kuérare.

12 Ha ojehu añembo'e ha amba'apo rire opa jesarekópe, he'i chéve Ñandejára: Ame'ẽta ndéve reipotaháicha, nde jerovia rupi.

13 Ha ko'ágã péina ápe, kóva ha'e potapy che aipotáva chugui—Peichahágui che

tavayguakuéra, Nefita-kuéra, ho'áramo tembiapovaípe, ha oñehundíramo hikuái, ha katu lamanita-kuéra noñehundíramo, Tupã Ñandejára toñongatu peteĩ ñemombe'u che tavaygua nefita-kuéra rehegua, jepe ijyva marangatu pu'aka rupive, peteĩ ára uperireguápe ojegueraha hağua umi lamanita-pe, ikatu mba'e hağua ojegueraha chupekuéra salvasiõme.

14 Ha katu ko'ágã peve ore ñeha'ã romoijey hağua chupekuéra jerovia añetépe mba'everei. Ha oñe'ẽme'ẽ hikuái iñeko'õime, ikatúramo, ohundiva'eráha hikuái ore kuationjehaipyrekuéra ha oréve, ha avei opa ore rukuéra jepokuaa.

15 Upéva, che aikuaávo che Tupã Ñandejára ikatuha oñongatu ore kuationjehaipyrekuéra, ajerure'asy meme chupe, ha'e he'igui chéve: Oimeraẽ mba'e rejeruréva jeroviápe, regueroviáramo oñeme'ẽtaha ndéve Cristo rérape, rehupytýta.

16 Ha che aguereko jerovia, ha ajerure'asy Tupãme oñongatu hağua umi kuationjehaipyre; ha ha'e ojapo chendive konvénio omoğuahõtaha lamanita-kuérape pe ára ha'e oipotahápe.

17 Ha che, Enós, aikuaa ojejapotaha upe konvénio ha'e he'i haguéicha; upéva che ánga opytu'u.

18 Ha he'i chéve Ñandejára: Nde rukuéra ojerureva'ekue avei chéve ko'ã mba'e; ha oñeme'ẽta chupekuéra ojerovaháicha;

ijeroviakuéra ha'égui nde jeroviáicha.

19 Ha ojehu che, Enós, aha Nefi tavayguakuéra apytépe, apofetisávo umi mba'e oútavagui, ha ame'ẽ testimónio umi mba'e ahendu ha ahechava'ekuégui.

20 Ha che atestifika Nefi tavayguakuéra oñeha'ãhague jesarekópe omoijey hağua lamanita-kuérape Tupã jerovia añetépe. Ha katu ore mba'apo mba'everei, ijehayhu'ỹkuéra tuichaiteréigui, ha ojegueraha hikuái heko ñañäre, ha upéicha oiko chuguikuéra tavayguakuéra saite, ñarõ, ha hoy'uséva tuguy, henyhëva ta'angarayhu ha mba'eky'águi; ha ho'u hikuái mymba saite; ha oiko hikuái ogaópe ha oikorei hikuái tave'ỹre, peteĩ mymba pire mbyky ilómo jerére, ha iñakã perõ hikuái; ha ikatupyry hu'ýpe, kysepuku karẽ ha háchape. Ha heta ijapytepekuéra ndo'úi ndaha'éirõ so'ó pýrante; ha oñeha'ã meme hikuái orerundi.

21 Ha ojehu Nefi tavayguakuéra oñemitỹ, ha oñotỹ opáichagua yva ra'ỹi ha yva, ha omongakuaa vaka ha opáichagua mymba aty, ha kavara ha kavara ka'aguy, ha avei heta kavaju.

22 Ha oĩ hetaiterei profeta-kuéra ore apytépe. Ha umi tavayguakuéra ipy'ahatã ha ndoikuaaséi.

23 Ha ndaipóri mba'eve ndaha'éiramo tuicha tekombo'e, oñembo'évo ha ojeprofetisávo ñorairõguasú ha joavy ha ñehundi

rehe, omomandu'a memévo chupekuéra ñemanóre, ha pe ára apyra'ỹ pukukue, ha Tupã pu'aka ha huisiokuérare, ha opa ko'ã mba'e—omokyre'ỹ memévo chupekuéra opyta hağua hikuái Ñandejára kyhyjépe. Ha ha'e ndaiporiha mba'eve, ndaha'éirõ ko'ã mba'e, ha tuicha ñe'ẽ resakã, ndohejamo'ãiva ho'a pya'e hikuái ñehundíme. Péicha ahai hesekuéra.

24 Ha ahecha ñorairõguasú Nefita ha Lamanita-kuéra apytépe aikove aja.

25 Ha ojehu añepyrũ chetuja, ha ohasáma ciento setenta y nueve ary ore ru Lehi osëhague Jerusalén-gui.

26 Ha ahecha pya'e ahamava'erãha che ñeñotyháme, oje'ẽ rire chéve Tupã pu'aka rupive ambo'e ha aprofetisava'erãha ko tavayguakuérape, ha ambo'e pe ñe'ẽ añetegua oiva Cristo-pe. Ha ambo'ékuri péva opa che ára pukukue aja, ha avy'aitereive umívape mba'e yvorapeguávagui.

27 Ha che pya'e aháma pe tenda apytu'u hağuaáme, ha'éva che Rredentor ndive; aikuaágui hendive apytu'utaha. Ha cherory pe ára che rekove omanokuaáva oñemondetaha ñemano'ỹme, ha añembo'ýta henondépe, uperõ che ahechátatorype hova, ha ha'e he'íta chéve: Eju che rendápe, nde rejehovasáva, oĩ peteĩ tenda oñembosako'iva ndéve ġuarã che Ru rógape. Amén.

JAROM KUATIAÑE'Ë

Nefita-kuéra iñe'ërendu Moisés léire, oha'arõ py'arory reheve Cristo jeju ha iñakãrapu'ã pe yvýpe—Heta profetakuéra omba'apo omombyta hağua tavayguakuérape tape añeteguápe. 399–361 ary rupi Cristo mboypve.

KO'ÁĞA péina ápe, che, Jarom, ahai ñe'ë mbovymi che ru, Enós, rembiapoukapýpeicha, oñeñongatu hağua ore genealogía.

2 Ha ko'ã pláncha michĩgui, ha ko'ã mba'e ojehaĩgui ore joyke'y lamanita-kuéra ñeime porãrã, upévore, oñeikotevẽ ahai mbovymi; ha katu che ndahaimo'ãi che profesiakuéragui, ni che rrevelasiõnguéragei. Ha mba'e piko ikatuve che ahai umi che rukuéra ohaimava'ekuégui? Ha'ekuéra piko ndohechaukaiva'ekue pe plan salvasiõ rehegua? Che ha'e peẽme, Heẽ; ha péva iporãma chéve ġuarã.

3 Péina ápe, tekotevẽ ojejapo heta mba'e ko tavayguakuéra apytépe, ikorasõ atãgui hikuái, ha nohenduséigui, ha iñapytu'ũnguéra ndohecháigui, ha ijajúra hatãgui hikuái; upevére, Tupã iporiahuverekoiterei hendivekuéra, ha ko'áğa peve ne'ira gueteri oitypei chupekuéra yvy apéregui.

4 Ha oĩ heta ore apytépe oñeme'ëva chupe heta rrevelasiõ, ndaha'éigui opavave ipy'ahatãva. Ha heta naipy'ahatãiva

ha oguerekóva jerovia, ojoaju pe Espíritu Santo rehe, ojehechaukáva yvypóra ra'ykuérape, ojeroviaháicha hikuái.

5 Ha ko'áğa, péina ápe, ohasáma doscientos ary, ha Nefi tavayguakuéra oñemombarete pe tetãme. Oñeha'ã hikuái iñe'ërendu Moisés léire ha omomarangatu Ñandejárape pe ára japytu'uva'erãháme. Ha noñembohoryi, ni noñemotie'yi hikuái Tupãre. Ha pe tetãmegua leikuéra imbaretereĩ.

6 Ha isarambi hikuái heta tenda yvy ape ári, ha lamanita-kuéra avei. Ha ko'áva hetaitereive Nefita-kuéragui; ha ohayhu hikuái jejuka ha hoy'u hikuái mymba ruguy.

7 Ha ojehu heta ára aja ou hikuái orerehe, Nefita-kuérare, ñorairõme. Ha katu ore rreikuéra ha ore sãmbyhyharakuéra ha'e yvypóra imbareteva Ñandejára jegueroviápe; ha ombo'e hikuái tavayguakuérape umi Ñandejára rape; upévore, orepu'aka umi lamanita-kuérare ha romosẽ chupekuéra ore retãgui, ha roñepyrũ romombarete ore tavaguasu, ha opa umi ore yvy jehejapyre.

8 Ha heta roñemoña, ha oresarambi yvy ape ári, ha heta ore mba'ehepy, óro, ha pláta ha mba'e iporãvape, ha tembiapo porã yvyrágui ojejapóvape, óga guasúpe, ha tembiporúpe, ha avei iérro ha cobre-pe, ha bronce ha

asérope, rojapóvo opáichagua tembiporu roñemitȳ hağua, ha árma ñorairõguasurã—heẽ, pe hu'y hakuáva, ha pe hu'y ryrū, ha pe mba'e hakuáva, ha pe kysepuku, ha opa mba'e ojeporúva ñorairõguasúpe.

9 Ha roimévo péicha ñembo-sako'ípe rombohovake hağua lamanita-kuérape, ha'ekuéra ndaipu'akái orerehe. Ha katu oiko umi Ñandejára ñe'ẽ he'iva'ekue ore rukuérape, he'ívo péicha: Peneñe'ẽrenduháicha che rembiapoukapykuérare peñakãrapu'ãta pe tetãme.

10 Ha ojehu Ñandejára profeta-kuéra oñe'ẽpohýi Nefi tavayguakuérape, Tupã ñe'ẽme he'iháicha, ha'ekuéra naiñe'ẽrendúiramo umi tembiapoukapýre, ha katu ho'áramo hikuái tembiapovaípe, ha'ekuéra oñehunditaha yvy ape arigui.

11 Upévore, umi proféta, ha sacerdote-kuéra, ha mbo'eharakuéra omba'apo jesarekópe, oñemoñe'ẽvo opa mborayhúpe tavayguakuérape ojesareko hağua hikuái; ombo'évo chupekuéra

Moisés léi, ha mba'érepa péva oñeme'ẽva'ekue, oñeipy'amo-vãvo chupekuéra oma'ẽ hağua tenonde gotyo pe Mesías rehe ha oguerovia hağua ha'e outaha oikomarõguáicha. Ha péicha ombo'e hikuái chupekuéra.

12 Ha ojehu ojapo haguére hikuái péicha ndohejái chupekuéra oñehundi pe yvy ape arigui; omokyre'y memégui ikorasõkuéra pe ñe'ẽme, omokyre'yvo chupekuéra oñearrepenti hağua.

13 Ha ojehu ohasa doscientos treinta y ocho ary—opáichagua ñorairõguasúpe, ha joavy, ha ñe'ẽ'api, heta ára pukukue aja.

14 Ha che Jarom, ndahai-véima, umi pláncha michĩgui. Ha katu péina ápe, che joyke'ykuéra, peẽ ikatu peheka ambue Nefi planchakuérape; ha péina ápe, hi'arikuéra oje-haĩgui ore ñorairõguasukuéra rembiasakue, umi rreikuéra ohai haguéicha, térã umi ha'ekuéra ohaiukava'ekue.

15 Ha amoĩ ko'ã pláncha che ra'y Omni pópe, ojegueraha hağua che rukuéra rembipotáicha.

OMNI KUATIAÑE'Ë

Omni, Amarón, Quemis, Abinadom, ha Amalekí, peteĩ teĩ, ohai umi kuatiajehaipyre—Mosiah ojuhu Zarahemla tavayguakuérape, oğuahẽva'ekue Jerusalén-gui Sedequías arape—Mosiah oñemoñandyry

rreiramo hi'arikuéra—Mulek ñemoñarekuéra Zarahemla-pegua ojuhúkuri Coriántumr-pe, ipaháva Jaredita—Pe rreĩ Benjamín opyta Mosiah rendaguépe—Yvyporakuéra oikuave'ẽva'erã Cristo-pe hi'ánga

temikuave'ēramo. 323-130 ary rupi Cristo mbovve.

PÉINA ápe, ojehu che, Omni, ojerurévo chéve che ru, Jarom, ahai haḡua ko'ã pláncha ári, año-ngatu haḡua ore genealogía—

2 Upévare, che ára pukukue aja, che aipota peikuaa heta añorairōhague che kysepukúpe amo'ã haḡua che tavayguakuéra, Nefita-kuérape, ani haḡua ho'a hikuái ihayhu'ỹhakuéra pópe, lamanita-kuérava. Ha katu, péina ápe, che chejehegui ha'e petei yvypóra iñañáva, ha nacheñe'ērendúiva'ekue umi Nandejára rembi-pota ha rembiapoukapykuérare ajapova'erãháichakuri.

3 Ha ojehu ohasáma doscientos setenta y seis ary, ha roguerekókuri py'aguapy heta ára; ha roguereko heta ára ñorairōguasuvai ha tuguy ñeñohē. Heē, ha ipahápe, ohasáma doscientos ochenta y dos ary, ha che año-ngatúkuri ko'ã pláncha che rukuéra rembiapoukapýicha; ha ame'ē che ra'y Amarón-pe. Ha péicha ambopaha.

4 Ha ko'áḡa che Amarón, ahai umi mba'e ahaíva, ha mbovy, che ru kuatione'ēme.

5 Péina ápe, ojehu ohasáma trescientos veinte ary, ha umi nefita-kuéra apytépe heko ñañavéva oñehundipa.

6 Nandejára ndohejamo'āigui, ha'e oguenohē rire chupekuéra Jerusalén retāgui ha oñongatu ha oñangareko rire hesekuéra

ani haḡua ho'a hikuái ihayhu'ỹhakuéra pópe; heē, ndohejasemo'āikuri ojejapo'ỹ umi ñe'ē he'iva'ekue ore rukuérape, he'ivo: Napeneñe'ērendúiramo che rembiapoukapykuérare napeñakārapu'āmo'āi pe yvýpe.

7 Upévare, Nandejára ou chupekuéra tuicha huísio reheve; upevére, ha'e oñongatu umi hekojojávape ani haḡua omano, ha katu oipe'a chupekuéra ihayhu'ỹhakuéra pōgui.

8 Ha ojehu ame'ē umi pláncha che joyke'y Quemis-pe.

9 Ko'áḡa che, Quemis, umi ahai mbovymíva, ahai che joyke'y kuatione'ēme; ha katu péina ápe, che ahecha pe ha'e ohaiva'ekue ipahápe, ohaihague ipo rupiete; ha ohaíkuri pe ára ha'e ome'ēhaguépe chéve umíva. Ha kóicha roñongatu umi kuationehaipyre, ore rukuéra rembiapoukapýicha. Ha péicha ambopaha.

10 Péina ápe, che, Abinadom, ha'e Quemis ra'y. Péina ápe, ojehu ahecha heta ñorairōguasu ha joavy che tavayguakuéra apytépe, Nefita-kuéra, ha lamanita-kuéra; ha che kysepukúpe, aipe'a heta lamanita-kuéra rekove amo'ã haḡua che joyke'ykuérape.

11 Ha péina ápe kóva ko tavayguakuéra kuationehaipyre ojehai umi pláncha rreikuéra oguerékóva ári, ñemoñare'aty ohasaháicha; ha che ndaikuaái mba'eve rrevelasiōgui, ndaha'éiramo umi ojehaiva'ekue,

ni profesíagui; upévare, iporāma pe ojehaíva. Ha upéicha ambopaha.

12 Péina ápe, che ha'e Amalekí, Abinadom ra'y. Péina ápe, añe'ëta peñme peteĩ mba'e Mosíah rehegua, oñemoíva'ekue rréiramo Zarahemla retāme; ha katu péina ápe, omomarandu chupe Ñandejára osẽ hağua Nefi retāgui, ha opavave ohenduséva Ñandejára ñe'ẽ osẽva'erāha avei hendive pe tetāgui tave'y gotyo—

13 Ha ojehu ha'e ojapo Ñandejára he'i haguéicha chupe. Ha opavave ohenduséva Ñandejára ñe'ẽ osẽ tave'y me pe tetāgui; ha ojegueraha chupekuéra heta mbo'epy ha profesía rupi. Ha oñemoñe'ẽ meme chupekuéra pe Tupã ñe'ẽme; ha ojegueraha chupekuéra ijyva pu'aka rupive, pe tave'y rehe, oğuahẽ meve hikuái pe yvy hérava Zarahemla retāme.

14 Ha ojuhu hikuái peteĩ tavayguakuéra, hérava Zarahemla tavayguakuéra. Ko'āğa, oikuri heta vy'a Zarahemla tavayguakuéra apytépe, ha avei Zarahemla ov'y'aiterei Ñandejára omboúgui Mosíah tavayguakúrape umi pláncha bronze-guigua reheve oguerekóva judio-kuéra kuatiajehaipyre.

15 Ha péina ápe, ojehu Mosíah ojuhu umi Zarahemla tavayguakuéra osẽhague Jerusalén-gui Sedequías, judá-pegua rréi, ojeguerahamoguare ñeñapytíme Babilonia-pe.

16 Ha oho hikuái pe tave'yre, ha Ñandejára po ogueraha chupekuéra umi yguasu rupive, pe yvy Mosíah ojuhu haguépe chupekuéra; ha ha'ekuéra oikova'ekue upépe upe ára guive.

17 Ha upe ára Mosíah ojuhuramoguare chupekuéra, hetaitereímakuri hikuái. Upevére, oguerekóma hikuái heta ñorairõguasu ha joavy ivaíva, ha sapy'a sapy'a ho'ákuri hikuái kysepukúre; ha iñe'ẽnguéra oñembyai; ha ndoguerahái hikuái kuatiajehaipyre hendivekuéra; ha onega hikuái Ijapoharépe, ha ni Mosíah, ni itavayguakuéra, ndaikatúi oikũmby chupekuéra.

18 Ha katu Mosíah ombo'euka chupekuéra iñe'ẽ. Ha ojehu oñembo'e rire chupekuéra Mosíah ñe'ẽ, Zarahemla ome'ẽ peteĩ ituvakuéra genealogía, imandu'aháicha; ha umíva ojehai, ha katu ndaha'úi ko'ã plánchape.

19 Ha ojehu Zarahemla ha Mosíah tavayguakuéra ojoaju oñondive, ha Mosíah oñehenói ha'e hağua irréi.

20 Ha ojehu Mosíah árape, ojeguera chupe peteĩ ita tuicháva ojehaipyréva, ha ha'e ohesa'yijo umi jehaipyre pe Tupã don ha pu'aka rupive.

21 Ha omombe'u hikuái peteĩ Coriamturm, ha itavayguakuéra jejuka rehegua. Ha Zarahemla tavayguakuéra ojuhu Corianturm-pe; ha oiko hendivekuéra nueve jasy aja.

22 Ha avei omombe'u ñe'ẽ

mbovymi ituvakuéra rehegua. Ha ituvakuéra ypykue ouva'ekue pe tórregui, Ñandejára omoapañuãiramoguare tavayguakuéra ñe'ẽ; ha Ñandejára jehavira ho'a hi'arikuéra ihuisiokuéraicha, ijojáva; ha ikanguekuéra isarambi vvy nortepeguápe.

23 Péina ápe, che Amalekí, che reñoiva'ekue Mosiah árape; ha aikova'ekue ahecha peve iñemano; ha ita'ýra, Benjamín orreina hendaguépe.

24 Ha péina ápe, ahecha peteĩ ñorairõvai rréi Benjamín árape, ha heta tuguy ñeñohẽ nefita-kuéra ha lamanita-kuéra apytépe. Ha katu, péina ápe, nefita-kuéra tuicha ipu'akave hesekuéra; heẽ, pe rréi Benjamín omosẽ peve chupekuéra Zarahemla retãgui.

25 Ha ojehu añepyrũ chetuja; ha, ndaguerokóigui ñemoñare, ha aikuaávo pe rréi Benjamín ha'eha peteĩ yvypóra hekojojáva Ñandejára renondépe, upévore, ame'ẽta chupe ko'ã pláncha, ha'évo opa yvypórape ou haña Tupãme, Israel-pegua Imarangatúvape, ha oguerovia haña umi profesía, ha rrevelasiõ, ha angelkuéra ministrasiõ, ha pe ñe'ẽ rehegua don, ha pe ñe'ẽ ñemyesakã don, ha opa mba'e iporãva; ha katu ndaipóri mba'e iporãva ndouiva Ñandejáragui: ha pe ivaíva ou añágui.

26 Ha ko'áãga, che joyke'y-kuéra ahayhuetéva, aipota peju Cristo-pe, ha'éva Israel-pegua Imarangatúva, ha peike isalvasiõme ha pe irredensiõ pu'akápe. Heẽ, peju hendápe, ha peikuave'ẽmbaite chupe pene ánga temikuave'ẽramo, ha peajuna ha peñembo'e meme, ha peñeha'ãmbaite ipahaite peve, ha oikoveháicha Ñandejára pejesalváta.

27 Ha ko'áãga ha'ese peẽme peteĩ mba'e umi ohova'ekue tave'ỹme rehe oujey haña Nefi retãme; ha katu oĩ heta oipotáva ijyvy jehejapyre.

28 Upévore, osẽ hikuái tave'ỹme. Ha imburuvicha ha'évo peteĩ yvypóra imbarete ha ipu'akapáva, ha yvypóra ipy'ahatáva, upévore ha'e ojapo peteĩ joavy ijapytepekuéra; ha opavave, cincuenta añõnte katu nahániri, omano upe tave'ỹme, ha ko'áva ohojey Zarahemla retãme.

29 Ha ojehu ogueraha avei hendivekuéra heta ambuvéape, ha oñepyrũ jey oho hikuái pe tave'ỹre.

30 Ha che Amalekí, aguereko peteĩ joyke'y, ohova'ekue avei hendivekuéra; ha upe guive ndaikuaavéi mba'eve chugui-kuéra. Ha che ahátama che ñeñotýháme; ha ko'ã pláncha henyhẽma. Ha ambopaha che ñemombe'u.

MORMÓN ÑE'ËNGUÉRA

Mormón omombyky umi Nefi pláncha tuichavéva—Ha'e omōi umi pláncha michĩvėva ambue planchakuéra ndive—Rrei Benjamín omōi py'aguapy upe tetãme. 385 ary rupi Cristo rire.

HA ko'ãga che, Mormón, hame'ẽmbotávo che ra'y Moroni pópe umi kuatiajehaipyre ajapova'ekue hína, péina ápe che ahecha che tavaygua nefita-kuéra ñehundipapota.

2 Ha heta ary Cristo ou rire, amoĩkuri ko'ã kuatiajehaipyre che ra'y pópe; ha chéve gũarã ha'e ohecháta che tavayguakuéra ñehundipa. Ha katu Tupã toipota ha'e oikove, ikatu hağua oħai mbovymi hesekuéra rehegua, ha Cristo rehegua, ikatu mba'e hağua peteĩ árape taha'e chupekuéra mba'e porãrã.

3 Ha ko'ãga aňe'ẽ'imi umi ahaiva'ekuere; ha che amombyky rire umi Nefi planchakuéra, kóva ko rrei Benjamín rreinádo peve, oňe'ẽhague Amalekí, che aheka umi kuatiajehaipyre che pópe oňemoĩva'ekue apytépe, ha ajuhu ko'ã pláncha, ha oguereko profetakuéra ñemombe'u mbykymi, Jacob guive kóva ko rrei Benjamín rreinádo peve, ha avei heta Nefi ñe'ënguéra.

4 Ha iporã chéve umi mba'e ojeħaĩva ko'ã pláncha ári, umi Cristo jeju profesiare; ha oikuaávo che

rukuéra heta umíva apytépe oňekumplimahague; heẽ, ha che avei aikuaa oňekumplimahague heta mba'e ojeprofetisava'ekue orerehe ko ára peve, ha opa mba'e oútava ko ára rire aňe-teħape oikova'erã—

5 Upévare, che aiporavo ko'ã mba'e, ambopaha hağua che ñemombe'u heseguakuéra, ha ajagarráta Nefi planchakuéragui kóva ko che kuatiajehaipyre ñemombe'u rembyre; ha ndaikatúi aħai ni pe sentésimo pehëngue umi che tavayguakuéra mba'éva.

6 Ha katu péina ápe, ajagarráta ko'ã pláncha oguerekóva ko'ã profesía ha rrevelasiõnguéra, ha amoĩta umíva che kuatiajehaipyrekuéra rembyre ndive, iporãgui chéve; ha aikuaa iporãtaha che ra'ykuérape.

7 Ha ajapo upéva peteĩ mba'e arandurã; péicha oje'e mbeguégui chéve, omba'apoháicha pe Nandejára Espiritu oĩva che ndive. Ha ko'ãga, ndaikuaapái opa mba'e; ha katu Nandejára oikuaapa opa mba'e ouva'erã; upévare, ha'e omba'apo cherehe che ajapo hağua ha'e oipotaháicha.

8 Ha che ñembo'e Tupãme ha'e che joyke'ykuérare, ha'ekuéra oujey hağua pe Tupã jeikuaápe, heẽ, Cristo rredensiõme; taha'ejey hikuái peteĩ tavayguakuéra potapyrã.

9 Ha ko'áğa che, Mormón, ambopaha che kuationjehaipyre, ha ko'áva ajagarra Nefi planchakuéragui; ha ajapo pe kuaapy ha ñeikũmby Tupã ome'éva'ekue chéve rupi.

10 Upévore, ojehu Amalekí omoĩ rire ko'ã pláncha rréi Benjamín pópe, ha'e ojagarra ko'áva ha omoĩ umi ambue pláncha ndive, oguerekóva peteĩ kuationjehaipyre umi rréi ombohasava'ekue ñemoñare'atýgui ñemoñare'atýpe upe rréi Benjamín arakuéra peve.

11 Ha umíva oñembohasa rréi Benjamín guive, ñemoñare'atýgui ñemoñare'atýpe oğuahẽ meve che pópe. Ha che, Mormón, añembo'e Tupãme oñeñongatu hağua ko'áva ko ára guive tenonde gotyo. Ha che aikuaa oñeñongatutaha; hi'arikuéra ojehaígui mba'e tuicháva, ha ko'avare che tavayguakuéra ha ijyke'ykuéra ojehusgava'erã pe ára tuicha ha ipahávape, pe Tupã ñe'ẽ ojehávape oĩháicha.

12 Ha ko'áğa, kóva ko rréi Benjamín rehegua—ha'e oguereko joavy'imi itavayguakuéra apytépe.

13 Ha ojehu avei lamanita-kuéra ehérsito oguejy Nefi retãgui, oñorairõ hağua itavayguakuéra ndive. Ha katu péina ápe, pe rréi Benjamín ombyaty ijehersitokuéra, ha oñemoĩ hesekuéra; ha oñorairõ ijyva pu'aka reheve, Labán kysepuku reheve.

14 Ha Ñandejára pu'aka reheve oñorairõ hikuái ihayhu'yhakuéra ndive, ojuka peve hikuái hetaiterei lamanita-kuéra. Ha ojehu ha'ekuéra oñorairõ lamanita-kuéra ndive omosẽ peve chupekuéra okápe opa ijyvy jehejapyrégui.

15 Ha ojehu oĩ rire Cristo-kuéra añetegua'yva, ha oñemboty rire ijurukuéra, ha ojevavira rire chupekuéra hembiapovaikuérare;

16 Ha oĩ rire profetakuéra añetegua'yva, ha ñemoñe'éhara ha mbo'ehára añetegua'yva tavayguakuéra apytépe, ha opavave ko'áva ojevavira rire hembiapovaikuérare; ha oĩ rire heta joavy ha oĩ rire heta ohóva lamanita-kuéra apytépe, péina ápe, ojehu pe rréi Benjamín, profetakuéra marangatu oĩva itavayguakuéra apytépe ñeipytyvõ rupi—

17 Ha péina ápe, upe rréi Benjamín ha'e peteĩ yvypóra marangatu, ha orreina itavayguakuéra ári tekojojápe; ha heta oĩ yvypóra imarangatúva upe tetãme, ha oñe'ẽ hikuái pe Tupã ñe'ẽ pu'aka ha autorida reheve; ha oiporu hikuái heta ñe'ẽ'atã tavayguakuéra ipy'ahatã rupi—

18 Upévore, ko'áva ñeipytyvõ reheve, upe rréi Benjamín, omba'apóvo opa hete mbarete reheve ha opa hí'ánga ipu'akaháicha, ha avei umi proféta, omoĩjey py'aguapy upe tetãme.

MOSÍAH KUATIAÑE'Ē

ÑEMBYATY 1

Rréi Benjamín ombo'e ita'yrakuérape ituvakuéra ñe'ē ha profesia-kuéra—Oñeñongatúkuri irreligióh ha itekoarandukuéra umi kuatiajehaipyre rupi ojehaíva'ekue umi pláncha ári—Mosíah oñehenói rréiramo ha oñeme'ē chupe umi kuatiajehaipyre ha ambue mba'ekuéra. 130–124 ary rupi Cristo mboyye.

HA upéicha ndaiporivéi ñoirairõ opa Zarahemla retãme, opa rréi Benjamín tavayguakuéra apytépe, ha upéicha upe rréi Benjamín ipy'aguapy meme opa hí'ára rembyre aja.

2 Ha ojehu ha'e mbohapy ita'yra; ha ombohéra chupekuéra Mosíah, ha Helorum, ha Helamán. Ha ombo'euka chupekuéra opa ituvakuéra ñe'ēme, ha'e hağua hikuái yvypóra oikũmbýva; ha oikuaa hağua hikuái umi profesiakuéra oje'eva'ekue ituvakuéra juru rupive, oñeme'ēva'ekue chupekuéra Ñandejára po rupive.

3 Ha avei ombo'e chupekuéra umi kuatiajehaipyre ojehaíva umi pláncha bronze-guigua árigui, he'ívo: Che ra'ykuéra, aipota penemandu'a ndaha'éirire ko'ã pláncha rupi, oguerékóva ko'ã kuatiajehaipyre ha tembiapoukapykuéra, jahasa'asyva'erãmo'ã jeikuaa'yme, jepe

ko'áğaité peve, jaikuaa'yre Tupã mba'eñemimbykuéra.

4 Ndaikatumo'ãigui ñande ru, Lehi, imandu'apa opa ko'ã mba'ére, ombo'e hağua ita'yrakuérape, ndaha'éirire ko'ã pláncha ñepytyvõ rupi; ha oñembo'égui chupe egipcio-kuéra ñe'ēme ha'e ikatúkuri omoñe'ē ko'ã jehaipyre, ha ombo'e ita'yrakuérape, upéicha ha'ekuéra avei ombo'e hağua ita'yrakuérape, ha péicha okumpli hağua hikuái Tupã rembiapoukapykuéra, jepe ko'ára peve.

5 Che ha'e peẽme, che ra'ykuéra, ndaha'éirire ko'ã mba'é rupi, oñeñongatu ha ojeguereko'va'ekue Tupã po rupive, ñande ñamoñe'ē ha ñaikũmby hağua imba'eñemimbykuéragui, ha jaguereko hağua tapiáite hembiapoukapykuéra ñande resa renondépe, jepe ñande rukuéra ho'ava'erãmo'ã jeguero'via'yme, ha ha'eva'erãmo'ã ñande joyke'ykuéraicha, lamanita-kuérava, ndoikuaáiva mba'eve ko'ã mba'égui, ni ndoguero'viaíva oñembo'éramo chupekuéra, umi ituvakuéra jepokuaa rupi, noĩporãiva.

6 O che ra'ykuéra, aipota penemandu'a ko'ã ñe'ē ha'eha añeteguá, ha avei ko'ã kuatiajehaipyre añeteguaha. Ha péina ápe, avei Nefi planchakuéra, oguerékóva ñande rukuéra kuatiajehaipyre ha ñe'ēnguéra osẽ guive hikuái

Jerusalén-gui ko'áğa peve, añeteguaha; ha ikatu jaikuaa añeteguaha jaguerekógui ko'áva ñande resa renondépe.

7 Ha ko'áğa, che ra'ykuéra, aipota penemandu'a pehesa'yijjo hağua ko'áva jesarekópe, peimeporã hağua; ha aipota peneñe'ëndu Tupã rembiapoukapykuérare, peñakãrapu'ã hağua upe tetãme he'iháicha umi ñe'eme'ẽ Ñandejára ojapova'ekue ñande rukuérape.

8 Ha hetave mba'e ombo'e rréi Benjamín ita'yakuérape, ndojehaíriva kóva ko kuatione'eme.

9 Ha ojehu rréi Benjamín ombo'epa rire ita'yakuérape, ituja, ha ohecha pya'e ohomava'erãha opa yvy rape rehe; upévore, iporã chupe ome'ẽ pe rréino peteĩ ita'yrape.

10 Upévore, ogueruka henondépe Mosíah-pe; ha ko'áva ha'e umi ñe'ẽ oñe'eva'ekue chupe, he'ivo: Che ra'y, aipota rejapo peteĩ momarandu opa ko tetãme opavave ko'ã tavayguakuéra apytépe, térã Zarahemla tavayguakuéra, ha Mosíah tavayguakuéra oikóva ko tetãme, péva rupi ikatu hağua oñembyaty hikuái oñondive; ko'ërõ amomarandútagui ko che tavayguakuérape che juru rupive nde ha'eha kóva ko táva rréi ha sãmbyhyhára, Tupã Ñandejára ome'eva'ekue ñandépe.

11 Ha avei, ame'ëta kóva ko tavayguakuérape peteĩ térã, ikatu hağuaícha ojeikuaa chupekuéra opa tavayguakuéra apytépe Tupã

Ñandejára ogueruva'ekue Jerusalén retãgui; ha ajapo kóva ha'égui hikuái tavayguakuéra ojesarekóva iñe'ëndúvo Ñandejára rembiapoukapykuérare.

12 Ha ame'ẽ chupekuéra peteĩ térã araka'eve ndojeipe'amo'áva, ndaha'éiramo tembiapovai rupi.

13 Heẽ, ha ha'eve ndéve, kóva ko tavayguakuéra ojevhasaitéva Ñandejárame ho'áramo tembiapovaipe, ha oikóramo chugui tavayguakuéra tekoñaña ha tekoky'a, Ñandejára ohejáta chupekuéra, péicha ikangy hağua hikuái ijyoke'ykuéraicha; ha noñongatumo'ávéma chupekuéra ipu'aka ijjoja'yva ha hechapyrãva rupive, ko'áğa peve oñongatu haguéicha ñande rukuérape.

14 Ha katu che ha'e ndéve, ndoipysóirire ijyva oñongatu hağua ñande rukuérape ho'ava'erãmo'ã hikuái lamanita-kuéra pópe, ha ohasa'asyva'erãmo'ã ijehayhu'y rupi.

15 Ha ojehu pe rréi Benjamín oñe'ëmba rire ko'ã ñe'ẽ ita'yrape, ome'ëmba chupe ñeñangareko irreinopegua mba'ekuéra ári.

16 Ha avei, ome'ẽ chupe ñeñangareko umi kuatione'eme ojehaíva umi pláncha bronce-guigua ári; ha avei Nefi planchakuéra; ha avei, Labán kysepuku, ha pe esfera térã director, oguerahava'ekue ñande rukuérape tave'yre, oñembosako'iva'ekue Ñandejára po rupive ikatu hağuaícha ojevhasaitéva chupekuéra, oñangareko ha ojesarekoháicha hese hikuái.

17 Upévare, ndahekojojáigui hikuái noñakārapu'ái ni noñemotenondéi hikuái iguatápe, ha katu ojegueraha chupekuéra tapykue gotyo, ha ho'a hikuái Tupã oipotá'yvape; ha upévare ojeipy'ajopy chupekuéra ñembyahýi ha tuicha jeiko'asýpe, oñemokyre'y hağua chupekuéra imandu'a hağua hembiaporäre.

18 Ha ojehu, Mosíah oho ha ojapo itúva he'i haguéicha chupe, ha omomandu opa tavayguakuéra oíva Zarahemla retāme péicha oñembyaty hağua oñondive, ojupi hağua hikuái témplope ohendu hağua umi ñe'ë itúva oñe'ëtava chupekuéra.

ÑEMBYATY 2

Rréi Benjamín oñe'ë itavayguakuérape—Ha'e omombe'u irreinopegua tekojoja, hustísia ha espirituálida—Oñemoñe'ë chupekuéra oipytyvõ hağua Irréi Yvaguápe—Umi Tupã rehe opu'áva oñandúta peteĩ jehasa'asy ha'éva peteĩ tata ogue'yvaicha. 124 ary rupi Cristo mboyye.

HA ojehu Mosíah ojapo rire itúva he'iva'ekue chupe, ha omomandu rire opárupi upe tetāme, tavayguakuéra oñembyaty opaite hendágui, ojupi hağua témplope ohendu hağua umi ñe'ë rréi Benjamín oñe'ëtava chupekuéra.

2 Ha hetaiterei hikuái, hetaiterei ndaikatúiva ojeipapa chupekuéra; oñembohetavetereigui

hikuái ha oñembotuicha hikuái upe tetāme.

3 Ha avei ogueraha hikuái imy-mba'atykuéra heñoiporāvévaguí, oikuave'ë hağua mymbajuka ha mymbajehapy Moisés léipe he'iháicha;

4 Ha avei ome'ë hağua hikuái aguyje Ñandejára Itupāme, ogue-nohēva'ekue chupekuéra Jerusalén retāgui, ha oipe'ava'ekue chupekuéra ihayhu'yhakuéra pógui, ha omoíva'ekue chupekuéra yvypóra hekojojáva mbo'ehararā, ha avei peteĩ yvypóra hekojojáva ha'e hağua irréi, omoíva'ekue py'aguapy Zarahemla retāme, ha ombo'eva'ekue chupekuéra iñe'ërendu hağua Tupã rembiapoukapykuérare, ovy'a hağua hikuái ha henyhë hağua mborayhúgui Tupã ha opa yvypóra rehe.

5 Ha ojehu oğuahëvo hikuái témplope, omoí hogaa upe jerére, opavave yvypóra hogagua-kuéra ndive, ha'éva hembireko, ha ta'yrakuéra, ha tajyakuéra, ha ko'áva ra'y, ha rajykuéra, itujavéva guive imitāvéva peve, opavave ogayguakuéra oñemboykévo peteíva ambuévaguí.

6 Ha omoí hikuái hogaa témplo jerére, opavave yvypóra omo-ma'ëvo pe hogaa rokë témplo gotyo, upéicha opyta hağua hikuái hogaaópe ha ohendu hağua umi ñe'ë rréi Benjamín he'ítava chupekuéra.

7 Ha tuichaitereigui pe atyguasu rréi Benjamín ndaikatúí ombo'e opavavépe pe témplo ryepýpe, upévare omopu'aka peteĩ tórre,

upéicha ikatu haḡua itavaygua-kuéra ohendu umi ñe'ẽ ha'e he'ítava chupekuéra.

8 Ha ojehu oñepyrũ oñe'ẽ itavayguakuérape upe tórrre guive; ha ndaopavavéi ikatu ohendu iñe'ẽ tuichaitereígui pe atyguasu; upévare ojapouka umi ñe'ẽ ha'e he'íva ojehai haḡua ha ojegueraha haḡua umi ndohupyty'ívape iñe'ẽ ryapu, ko'áva ohupyty haḡua avei iñe'ẽnguéra.

9 Ha ko'áva ha'e umi ñe'ẽ ha'e he'íva'ekue ha ohaiukava'ekue, he'ívo: Che joyke'ykuéra, opavave peñembyatyva'ekue oñondive, peẽ ikatúva pehendu che ñe'ẽ ha'étava peẽme ko árape; nda'etí peẽme pejupi haḡua ko'ápe napemomba'etí haḡua umi ñe'ẽ ha'étava, ha katu pechere-ndu haḡua, ha peipe'a haḡua pende apysa pehendu haḡua, ha pene korasõ peikũmby haḡua, ha pene apytu'ũ Tupã mba'eñemi-mbykuéra ojeipysu haḡua pende resa renondépe.

10 Nda'éikuri peẽme pejupi haḡua ko'ápe pekyhyje haḡua chehegui, ni peimo'ã haḡua che chejehegui ha'eveha peteĩ vvy-póra omanokuaávgui.

11 Ha katu che ha'e peëicha, aïva opáichagua mba'asy tete ha apytu'umegua poguýpe; upevére ajeiporavo ko tavayguakuérrare, ha che ru chekonsagra, ha Ñandejára po oheja che taha'e kóva ko tavayguakuéra rréi ha sãmby-hyhára; ha añeñongatu ha ajejo-kókuri ipu'aka ijoja'yva rupive, poipytyvõ haḡua opa pu'aka,

apytu'ũ ha mbarete Ñandejára ome'ëva'ekuére chéve.

12 Ha'e peẽme péicha ojehe-jahague chéve aiporu che arakuéra poiipytyvõ haḡua, jepeve ko ára peve, ha ndajeruréi peẽme óro ni pláta ni mba'evéichagua mba'ehepykuéra;

13 Ni ndahejaiva'ekue peñemboty ka'irãime, ni pejapo ojue-hegui tembiguái, ni peporojuka, ni penepopinda, ni pemonda, ni pejapo ñemoakārati; ni ndahejai-va'ekue pejapo mba'evéichagua tekoñaña, ha pombo'e pene-ñe'ërenduva'erãha Ñandejára rembiapoukapykuérrare, opa mba'épe ha'e he'íva peẽme—

14 Ha jepeve che, chejehegui, amba'apova'ekue che poitére ikatu haḡua poiipytyvõ, ha ani haḡua pejejopy tetãme moĩmbyre reheve, ni ho'a pende ári mba'ëve ipohýiva jagueropu'aka—ha opa ko'ã mba'e añe'ëva'ekuégui, peẽ ha'e testígo ko árape.

15 Upevére, che joyke'ykuéra, ndajapóikuri ko'ã mba'e añembotuicha haḡua, ni ha'e peẽme ko'ã mba'e pomoĩvai haḡua upévare; ha katu añe'ẽ ko'ã mba'e peikuaa haḡua ikatuha ambohováí py'a-potĩ reheve Tupã renondépe ko árape.

16 Péina ápe, ha'e peẽme, che ha'e haguére peẽme aiporuhague che arakuéra poiipytyvõ haḡua, nañembotuichaséi, ha katu aimeñte Tupã pytyvõme.

17 Ha péina ápe, ha'e peẽme ko'ã mba'e penearandu haḡua; peikuaa haḡua peime jave pende

rapicha pytyvōme, peimehánte pende Tupã pytyvōme.

18 Péina ápe, peë cherenói pende rréi; ha che, pehenóiva pende rréi, amba'apóramo poiptyvō haḡua, napemba'apoiva'erã piko peë, peñopytyvō haḡua ojupe?

19 Ha péina ápe avei, che, pehenóiva pende rréi, ahasava'ekue che ára pene pytyvōme, ha jepe upéicha aiménte Tupã ñepytyvōme, añemboaguyjeva'erã penderehe, O mba'eichaite piko peme'éva'erã aguyje pende Rréi Yvaguápe!

20 Ha'e peëme, che joyke'ykuéra, peme'ërire opa aguyje ha momorã pene ánga oguerekóva, Tupã pende apoharépe, ha pendejoko ha peneñongatuva'ekue, ha penembovy'ava'ekue, ha ohejava'ekue peiko py'aguapýpe oñondive—

21 Ha'e peëme peipytyvōramo pende apoharépe iñepyrūmby guive, ha pendejokóva ára ha ára, omé'ëvo peëme pytu peikove haḡua, peñemongu'e ha pemba'apo haḡua pendejehegui, ha jepeve oñangareko penderehe opa ára—ha'e peëme peipytyvōramo jepe chupe opa pene ánga reheve, ha'éta gueteri tembiguái ndaha'éiva mba'ëve.

22 Ha péina ápe, opa ha'e ojeruvéa peëme ha'e peneñe'ërendu haḡua hembiapoukapykuérare; ha oñe'ëme'ë peëme peneñe'ërendúramo hembiapoukapykuérare peñakãrapu'ãtaha upe tetãme; ha ha'e araka'ëve ndojevýiva pe he'iva'ekuégui; upévale,

peneñe'ërendúramo hembiapoukapykuérare ha'e penderovasa ha penemoakãrapu'ã.

23 Ha ko'áḡa, peteĩraëve, ha'eva'ekue pende apohare ha omé'ëva'ekue peëme pende rekove, ha upévale pedevéma chupe.

24 Ha mokōiveha, ha'e ojerure peëme pejapo haḡua pe he'iva'ekue peëme; ha pejapóramo, ha'e penderovasa pya'ete; ha upévale ohepyme'ëma peëme. Ha upéicha pedeve gueteri chupe; ha pedeve ha pedevéta chupe tapiaite peve; upévale, mba'égui piko peñembotuicháta?

25 Ha ko'áḡa aporandu, ikatu piko jepe peteĩ mba'e pendejehegui? Ambohováí peëme, Nahániri. Ndaikatúi jepe peë ha'eha yvytĩmbóicha jepe; upevére, pejejapova'ekue yvytĩmbógui; ha katu péina ápe, upéva ha'e pende apohare mba'e.

26 Ha ni che, heë che, pehenóiva pende rréi, cheporãve pendehegui, ha'égui yvytĩmboguigua avei. Ha pehecha chetujamaha, ha aimemaha ame'ëmbotávo ko tete omanokuaáva isy yvýpe.

27 Upévale, ha'e haguéicha peëme poiptyvōhague, aikóvo py'apotĩme Tupã renondépe, upéicha ko árape pombyatyuka, ajejuhu haḡua kulpa'yre, ha pende ruguy ani haḡua oĩ che ári aha vove Tupã chehusga haḡua umi mba'e ojerureva'ekuére chéve penderehe.

28 Ha'e peëme pombyatyukahague amopotĩ haḡua che aokuéra pende ruguygui, ko árape aime

jave aguejýtavo che ñeñotýháme, aguejy hağua py'aguapýpe, ha che ánga omanokuaa'ýva ojoaju hağua umi yvágape opurahéiva ndive, apurahéi hağua ñemomorã Tupã ijojávape.

29 Ha avei, ha'e peẽme pombyatyukahague ha'e hağua peẽme ndaikatuveimaha ha'e pene mbo'ehára ni pende rréi;

30 Ha jepeve ko'áğa opa che rete oryrieteri, añeha'ãvo añe'ẽ peẽme; ha katu Tupã Ñandejára chejoko ha oheja añe'ẽ peẽme, ha he'i chéve ha'e hağua peẽme ko árape che ra'y Mosíah ha'e ha pende rréi ha pende sãmbyhyhára.

31 Ha ko'áğa, che joyke'ykuéra, aipota pejapo ko'áğa peve pejapo haguéicha. Peneñe'ẽrendu haguéicha che rembiapoukapykuérare, ha avei che ru rembiapoukapykuérare, ha peñakãrapu'ã, ha peñeñongatu ani hağua pe'a penderayhu'ýha pópe, upéicha avei, peneñe'ẽrendúramo che ra'y rembiapoukapykuérare, térã Tupã rembiapoukapykuéra ha'e ome'ëtavare peẽme che ra'y rupive, peñakãrapu'ãta upe te'tãme, ha penderayhu'ýhakuéra ndaipu'akamo'ái penderhe.

32 Ha katu, peñeñangareko, O che tavayguakuéra, ani oĩ joavy pende apytépe, ha peneñe'ẽrenduse pe espíritu ñaña, oñe'ẽva'ekuéra che ru Mosíah.

33 Ha péina ápe, oñemoĩ peteĩ ái pe iñe'ẽrenduséva ári upe espíritu he'ívare, ha iñe'ẽrendúramo hese, ha opyta ha omano iñangaipápe, hoy'u kondenasio

hi'ángape ġuarã; ohupytýgui ijehepyme'ẽrã peteĩ jeipy'ajopy opave'ýva, ohasa haguére Tupã léi ári oñemoĩvo pe ha'e oikuaáva rehe.

34 Che ha'e peẽme, ndaiporiha avave pende apytépe, ndaha'éiramo pene mitã michĩnguéra, noñembo'eiva'ekuéra ko'ã mba'e rehe, ndoikuaaiva pedeveha tapiate peve pende Ru Yvagağúape, peme'ẽ hağua chupe opa mba'e peguerékova ha ha'éva peẽ; ha avei noñembo'eiva chupe umi kuatiajehaipyrére oguerékova profesiakuéra oje'eva'ekue profetakuéra imarangatúva rupive, jepeve ára ñande ru, Lehi, osẽramoguare Jerusalén-gui.

35 Ha avei, opa mba'e ñande rukuéra he'iva'ekue ko'áğa peve. Ha péina ápe, avei, ha'ekuéra oñe'ẽkuri Ñandejára he'iva'ekue chupekuéra; upévale, umíva ijoja ha añetegua.

36 Ha ko'áğa, che ha'e peẽme, che joyke'ykuéra, peikuaa ha peñehekombo'e rire opa ko'ã mba'épe, penerembiapovairamo ha peñemoĩramo pe oñeñe'ẽva'ekue rehe, ha upéicha pejei pe Ñandejára Espíritugui, ani hağua henda pendepype pendegueraha hağua pe tape iñarandúva rehe pejevovasa hağua, peñakãrapu'ã, ha peñeñongatu hağua.

37 Che ha'e peẽme, pe yvypóra ojapóva upéicha, upéva opu'ã ha oñemoĩ Tupã rehe; upévale ha'e iñe'ẽrenduse pe espíritu ñaña rehe, ha oiko chugui opa tekojoja ohayhu'ýva; upévale, Ñandejára

ndajái ipype, ha'e ndoikóigui témplo iky'ávape.

38 Upéicha pe yvypóra noñearrepentírimo, ha opyta ha omano tupãme ohayhu'ývaicha; pe divína hustisia ojeruréva omombáy hi'ánga omanokuaa'ývape peteĩ temiandu resakã hembiapovai-kuérágui omboguevíva chupe Ñandejára renondégui, ha omyenyhẽ ipyti'a ñeñandu-vai, tasy ha vy'a'ýgui, ha'éva peteĩ tata opave'ývaicha, hata opu'áva tapiáite peve.

39 Ha ko'ága ha'e peẽme, poriahuvereco ndaikatuíha ojerure péva pe yvypórare; upévare, henda paha ha'e topyta peteĩ jehasa'asy opave'ývape.

40 O, maymáva peẽ yvypóra itujámava, ha avei peẽ mitãrusukuéra, ha peẽ mitãkuéra ikatúva peikũmby che ñe'ẽnguéra, añe'ẽgui peẽme tesakãme ikatu haña peikũmby, añembo'e pepáy haña peteĩ ñemomandu'a upe ñeimevaietégui oĩvape umi ho'ava'ekue tembiapovaípe.

41 Ha avei, aipota pehecha pe vy'apavẽ ha jehovasápe ñeime ohupytýva umi iñe'ẽrendúva Tupã rembiapoukapykuérare. Ha péina ápe, ha'ekuéra oje-hovasa opa mba'épe, tete ha espirítuguávape; ha opytáramo hikuái jeroviarekópe ipahaite peve oñemoinge chupekuéra yvágape, upéicha oiko haña hikuái Tupã ndive—peteĩ vy'apavẽ opave'ývape. O penemandu'áke, penemandu'áke

ko'ã mba'e añeteguaha; Tupã Ñandejára he'ígui.

ÑEMBYATY 3

Rrei Benjamín oñemoñe'ëve—Ñandejára Ipu'akapáva oministráta yvyporakuéra apytépe peteĩ tete yvyguiguápe—Huguy osêta opa ipirekua rupi oexpiávo yvóra angaipakuéra—Héraipi añónte oguhẽ pe salvasiõ—Yvyporakuéra ikatu oipe'a ijehégui pe expiasiõ rupive tekove ñaña ha oiko chugui imarangatúva—Umi iñañáva jehasa'asy ha'éta peteĩ lágo tata ha asufreguiguáicha. 124 ary rupi Cristo mboyve.

Ha che joyke'ykuéra, aipotajey pejapysaka porã cherehe, aguerkovégui ha'eva'erã peẽme; ha péina ápe, aguereko mba'e ha'eva'erã peẽme umi oútavare.

2 Ha umi mba'e ha'étava peẽme ojeikuaauka chéve peteĩ Tupã ángel rupive. Ha he'i chéve: Epáy; ha apáy, ha péina ápe ha'e oñembo'y cherenondépe.

3 Ha he'i chéve: Epáy, ha ehendu umi ñe'ẽ ha'étava ndéve; ha péina ápe, che aju ha'e haña ndéve mba'e porã pyahu tuicha vy'a rehegua.

4 Ñandejára ohendúgui ne ñembo'e, ha ohusga nde rekojojaha, ha chembou ha'e haña ndéve revy'a haña; ha emomrandu haña nde tavayguakuérape, ha'ekuéra henyhẽ haña avei vy'águi.

5 Ha péina ápe, ou ára, ha

namombyríi, pu'akápe, Ñandejára Ipu'akapáva orreináva, ha'éva'ekue, ha ha'éva ára apyra'ỹgui ára apyra'ỹmeve, oguejyaha yvágagui yvyporakuéra ra'y apytépe, ha oikóta peteĩ tete vyguiguápe, ha ohóta yvyporakuéra apytépe, ojavóvo tuicha milágro, omonguerávo hasývape, omopu'ã omanóvape, omboguata umi uguata'ỹvape, ha ojavóvo umi ohecha'ỹva tohechajey, ha umi ohendu'ỹva tohendujey, ha omonguerávo opáichagua mba'asy.

6 Ha omombóta okápe umi ña, térã umi espíritu ñaña oikóva yvyporakuéra ra'y korasõme.

7 Ha péina ápe, ha'e ohasáta py'ara'ã, ha tete rasy, ñembyahýi, y'uhéi, ha kane'õ, tuichavéva yvypóra ikatúvagui ohasa, omano'ỹre; ha péina ápe, tuguy oséta opa ipirekua rupi, tuichaitereíta ijehasa'asy itavayguakuéra rekoñaña ha rembiapovaire.

8 Ha hérata Jesucristo, Tupã ra'y, Túva yvága ha yvypegua, opa mba'e Apohare ñepyrũmbyguive; ha isy hérata María.

9 Ha péina ápe, ha'e ou imba'ekuéravape, pe salvasiõ oõuahẽ haõua yvyporakuéra ra'ýpe pe hérare jerovia rupive; ha jepeve opa ko'ã mba'e rire, ohecháta chupe hikuái yvypóraicha, ha he'íta hikuái oguerekoha ipype peteĩ ña, ha oinupãta ha ojukáta hikuái chupe kurusúre.

10 Ha mbohapy ára rire opu'ãjeyta omanova'ekue apytégui, ha péina ápe, ha'e opu'ã ohusga

haõua yvórape; ha péina ápe, opa ko'ã mba'e ojejapo oguejy haõua peteĩ huísio ijójava yvyporakuéra ra'y ári.

11 Ha péina ápe, huguy oexpia avei umi Adán rembiapovai rupi ho'ava'ekue angaipakuérame, umi omanova'ekue oikuaa'ỹre Tupã oipotáva chuguikuéra, térã ojapova'ekue angaipa jeikuaa'ỹme.

12 Ha katu ái, ái pe oikuaáva opu'ãha hína Tupã rehe! Mavave ko'ãvape ndo'úigui upe salvasiõ ndaha'éirõ pe arrepentimiénto ha jerovia rupive Ñandejára Jesucristo rehe.

13 Ha Tupã Ñandejára ombou iprofetakuéra marangatúpe opa yvyporakuéra ra'y apytépe, he'i haõua ko'ã mba'e opa rréino, tetã ha ñe'ẽme, péicha rupi opa umi ogueroviáva Cristo outaha, umíva tohupyty ñangaipa jora, ha tovy'a hikuái peteĩ vy'a tui-chaitévape, ha'e oumaramoguáicha ijapytepekuéra.

14 Upevére Tupã Ñandejára ohechákueri itavayguakuéra ha'eha peteĩ tavaygua ipy'ahatáva, ha omoikuri chupekuéra peteĩ léi, heẽ, pe Moisés léi.

15 Ha ohechauka chupekuéra heta techauka, ha techapyrã, ha ta'anga, pe ijeju rehegua; ha avei profetakuéra marangatu oñe'ẽ chupekuéra ijeju rehe; ha upevére omohatã ikorasõkuéra, ha noikũmbýi hikuái pe Moisés léi ndaikatuiha mba'eve ojapondaaha'éiramo pe huguy expiasiõ rupive.

16 Ha jepe ikatúrire umi mitã

michīva ojapo angaipa, ndaikatumo'āikuri ojesalva hikuái; ha katu ha'e ndéve umíva ojevovasapyrevaha; ha péina ápe, Adán-pe, térã pe naturaleza rupi, ha'ekuéra ho'aháicha, upéicha avei Cristo ruguy oexpia iñangaipakuéra.

17 Ha avei, che ha'e ndéve ndaiporimo'áiha ambue térã oñeme'éva ni ambue tape ni guataha oġuahẽ haġua salvasiõ yvyporakuéra ra'ýpe, ndaha'éirõ Cristo rérape ha rupi añõnte, upe Ñandejára Ipu'akapáva.

18 Ha péina ápe ha'e ohusga, ha ihuísio ijoja; ha pe mitã omanóva michí aja nomanói; ha katu yvyporakuéra hoy'u kondensasiõ hi'angakueraitépe ġuarã noñemomiríriramo ha ha'eje hikuái mitã michícha, ha oguerovia hikuái pe salvasiõ ha'ehague, ha ha'e, ha ouva'erãha Cristo, Ñandejára Ipu'akapáva ruguy expiatóriope ha upéva rupive.

19 Ha pe yvypóra inaturálva niko ha'e Tupãme ohayhu'ýva, ha ha'eva'ekue Adán ho'a guive, ha ha'éta tapiaite peve, noñeme'ëiramo Espíritu Santo he'ívape, ha ojehekýi pe yvypóra natural-gui, ha oñemomarangatu pe Cristo Ñandejára expiasiõ rupive, ha ha'eje peteĩ mitã michívaicha, iñe'ërendúva, ndaipochýiva, oñemomiríva, ha oha'arõkuaáva, henyhẽva mborayhúgui, ha oñemoiséva Ñandejára poguýpe opa mba'épe ha'e ohusgáva iporã omoĩ hí'ári, pe mitã michí oñemoiháicha itúva poguýpe.

20 Ha avei, che ha'e ndéve, oúta

ára peteĩ Salvador-gui jeikuaa isarambitaha opa tetã, avaretã, ñe'ẽ ha tavayguakuéra apytépe.

21 Ha péina ápe, oġuahẽ vove upe ára, mavave ndaha'éiramo umi mitã michí, ndojehumoi'ái kulpa'ýre Tupã renondépe, ndaha'éiramo arrepentimiénte ha jeguerovia rupi Tupã Ñandejára Ipu'akapáva rérare.

22 Ha jepe ko'áġa, rembo'é mavo nde tavayguakuérape umi mba'e nde Tupã Ñandejára he'iva'ekue ndéve, upéicha rupi ndojehuvéima hikuái kulpa'ýre Tupã resa renondépe, ndaha'éirõ umi ñe'ẽ añe'éva'ekue ndéve rupi añõnte.

23 Ko'áġa che añe'ëkuri umi ñe'ẽ Tupã Ñandejára he'iva'ekue chéve.

24 Ha péicha he'i Ñandejára: Umíva oíta testimónio omimbipávaramo kóva ko tavayguakuéra rehe, pe huísio árape; ha umíva ojevohusgáta chupekuéra, opavave yvypóra hembiaipo haguéicha, taha'e iporáva térã ivaíva.

25 Ha iñañáramo oñemoíta chupekuéra pe mba'evaietépe ohechaukátava chupekuéra iñangaipa ha hembiapoky'akuéra, omboguevítava chupekuéra Ñandejára renondégui peteĩ teko'asy ñeimépe ha peteĩ jehasa'asy opave'ývape, ndaikatumo'áihágui oujey hikuái; upéva hoy'u hikuái kondensasiõ hi'angakuerape ġuarã.

26 Upéva, hoy'u hikuái pe Tupã ñeko'õi kópagui, ndaikatumo'áiva pe hustísia onega

chupekuéra ndaikatuíháicha onega Adán-pe ho'ataha ho'úramo guare pe yva oje'u'ýva'erãgui; upévare, pe poriahuvereko ndaikatumo'ávéma ojerure he-sekuéra tapiajte peve.

27 Ha ijehasa'asy ha'e peteĩ lágo tata ha asufre-guiguávaicha, hata ogue'ýva, ha hatafí ojupíva tapiajte peve. Péicha he'i chéve Ñandejára. Amén.

NEMBYATY 4

Rrei Benjamín oñemoñe'ëve—Pe salvasiõ ou expiasiõ rupive—Peguerovia Cristo-pe pejesalva haḡua—Pejoko pene angaipa jora tekojoja rupive—Peme'ẽ peguerokovagui imboriahúvape—Pejapo opa mba'e akãguapy ha hekopete. 124 ary rupi Cristo mboyo.

HA ko'áḡa, ojehe rrei Benjamín oñe'ẽmba rire chupekuéra umi ñe'ẽ oje'eva'ekue chupe pe Ñandejára ángel rupi, oma'ẽ ijerepe atyguasú oiháme, ha péina ápe ho'ákuri hikuái yvýpe, Ñandejára kyhyje oúgui hí'arikuéra.

2 Ha ojehecha ijupe hikuái ho'ópe, michíveha hikuái jepe yvytímbogui. Ha maymáva peteĩ ñe'ẽme ojerure'asy, he'ívo: O eguereko poriahuvereko, ha eiporu pe Cristo ruguy expiatório oñeme'ẽ haḡua oréve ore angaipa jora, ha oñemopotí haḡua ore korasõkuéra; rogueroviágui Cristo-pe, pe Tupã ra'y, ojapova'ekue yvága ha yvy, ha

opa mba'e; pe oguejýtava yvy-porakuéra ra'y apytépe.

3 Ha ojehe he'i rire hikuái ko'ã ñe'ẽ Ñandejára Espiritu oguejy hí'arikuéra, ha henyhẽ hikuái vy'águi, ohupytývo iñangaipa jora, ha oguerékovo py'aguapy, pe tuicha jerovia rupi oguerékova hikuái Jesucristo rehe, pe ouva'erã, rrei Benjamín ñe'ẽ he'i haguéicha chupekuéra.

4 Ha rrei Benjamín ojejurupe'a jey ha oñepyrũ oñe'ẽ chupekuéra, he'ívo: Che angirũ ha joyke'ykuéra, che rogaygua ha che tavayguakuéra, che aipota pejesareko jey cherehe, pehendú ha peikũmby haḡua umi ñe'ẽ rembyre ha'étava peẽme.

5 Ha péina ápe, pe Tupã py'aporã jeikuaa ko'áḡa omombáramo pende pype peẽ ndaha'eíha mba'eve, ha peimeha tekojoja'y ha je'ápe—

6 Che ha'e peẽme, peḡuahẽramo pe Tupã py'aporã jeikuaápe, ha pe ipu'aka ijoja'yva, ha iñarandu, iñeha'arõkuua, ha iporiahuverekópe yvy-porakuéra ra'y ndive; ha avei, pe expiasiõ oñembosako'iva'ekue yvy ñepyrũmby guive, upéicha rupi oḡuahẽ haḡua salvasiõ pe omoívape ijerovia Ñandejárare, ha ojesarekova iñe'ẽrendúvo hembiapoukapykuérare, ha opytáva jeroviápe hí'ára paha peve, ha'éva pe tete omanokuaáva ára—

7 Che ha'e, péva ha'eha yvypóra oñeme'ëvape salvasiõ, pe expiasiõ rupive oñembosako'iva'ekue yvóra ñepyrũmby guive mayma

yvyporakuérape ġuarā, ha'eva'ekue Adán ho'a guive, térā oīva, térā oītava tapiaite peve, jepe yvóra paha peve.

8 Ha kóicha ou pe salvasiō. Ha ndaipóri ambue salvasiō ndaha'éiramo kóva ko oñeñe'ē hague; ni ndaipóri ambue mba'éicha ikatuha yvypóra ojesalva ndaha'éirō umi mba'e ha'eva'ekue peēme rupi.

9 Peguerovia Tupāme; peguerovia ha'e oikoveha, ha ojapohague opa mba'e, yvágape ha yvýpe; peguerovia ha'e oguerekoha opa arandu, ha opa pu'aka, yvágape ha yvýpe; peguerovia pe yvypóra ndaikatuiha oikūmby opa mba'e Ñandejára oikūmbykuaáva.

10 Ha avei, peguerovia peñearrepentiva'erāha pene angaipágui ha peheja umíva, ha peñemomirí Tupā renondépe; ha pejerure korasō añetépe ha'e peneperdona haġua; ha ko'áġa, pegueroviáramo opa ko'ā mba'e pehechákena tajejapo.

11 Ha ha'e jey peēme, ha'e haguéicha upe mboyve, peġuahē haguéicha Tupā verapy jeikuaápe, térā peikuaa haguéicha ipy'aporāgui, ha peñandu imborayhu ha oñeme'ē peēme pene angaipa jora, ombovy'aitéva pene ánga, upéicha aipota pene mandu'a ha pejoko tapiaite pene apytu'ūme, mba'eguasueteha pe Tupā, ha peē ndaha'eiha mba'eve, ha iporiahuvareko penendive ġuarā, tekove imarangatu'ýva, ha peñemomirí jepe pe ñemomirí pypukúpe, pehenóivo Ñandejára réra opa

ára, ha peimévo ñemovā'ýme je-roviápe pe oútavare, oje'eva'ekue upe ángel juru rupi.

12 Ha péina ápe, ha'e peēme pejapóramo ko'áva pevy'áta tapiaite, ha penerenyhēta Tupā mborayhúgui, ha tapiaite pejokóta pene angaipa jora; ha peñembotuicháta upe pende apohare verapy jeikuaápe, térā pe ijoja ha añetegua jeikuaápe.

13 Ha napeñe'ēvaisemo'ái ojuehe, ha katu peikoséta py'aguapýpe, ha peme'éta opavavépe chupe ġuaráva.

14 Ni ndapehejamo'ái pende raykuéra oiko vare'áre, térā opívo; ni ndapehejamo'ái oñembohory Tupā léire, ni oñorairō ni oikovai oñondive, ha taha'e hikuái aña rembiaguái, ha'éva pe angaipa jára, térā pe espíritu ñaña ñande rukuéra oñe'eva'ekuégui, ha'éva opa tekojoja ohayhu'ýva.

15 Ha katu pembo'éta chupekuéra oiko haġua tape añetegua ha iñakāguapývare; pembo'éta chupekuéra ojoayhu haġua, ha oñoipytyvō haġua ojupe.

16 Ha avei, peēte voi peipytyvōta umi oikotevévape pende pytyvōre, peme'éta peguerekóvagai oikotevévape, ha ndapehejamo'ái pe imboriahúva ojerure rei peēme, ha pemosē okápe omano haġua.

17 Ikatu ere: Pe yvypóra ogueru hi'ári heko'asy; upévare ajokóta che po, ha name'emo'ái chupe che rembi'u, ni name'emo'ái chupe aguererekóvagai ani haġua ohasa'asy, ijójágui ijehasa'asykuéra.

18 Ha katu che ha'e peême, O yvypóra, opavave kóva ojapóva, upéva oikotevēterei oñearrepenti; ha noñearrepentíriramo ojapova'ekuégui omano tapiaite peve, ha ndoguerékói hendağua Tupã rréinope.

19 Ha péina ápe, ndaha'ei piko opavave ñande imboriahúva? Nañaikotevēi piko opavave ñande peteivarente, heñ Tupã rehe, opa mba'e jaguerékóvare, tembi'u, ha ao rehe, ha óro, ha plátare, ha opa umi mba'ehepy jaguerékóvare?

20 Ha péina ápe, jepe ko'áğa, pehenói hína héra, pejerure'asývo pene angaipa joráre. Ha oheja piko ha'e pejerure rei? Nahániri, ha'e oñohẽ ijespíritu pende ári, ha omyenyhẽ pene korasõ vy'águi, ha omokirirĩ pende juru ha upéicha rupi ndaikatúi peñe'ẽ, tuichaitereíguikuri pende vy'a.

21 Ha ko'áğa, Tupã, pende apohare, peñesaingóvagui peikove hağua ha opa mba'e peguerékóva ha peẽ ha'évare, ome'ẽ peême opa mba'ejaja pejeruréva chupe, jeroviápe, pegueroviávo pehupytytaha, O ha upéicharamo, mba'eichaite piko peẽ peme'eva'erã ojupe pene mba'e hepykuéragui.

22 Ha pehusgáramo yvypóra ojerurévape peême pene mba'ehepýgui ani hağua omano, ha pekonndenáramo chupe, mba'eichaite piko ijojavéta pene kondenasĩ penega haguére chuguikuéra peguerékóvagui, umíva ndaha'eva pene mba'e ha katu ha'e Tupã

mba'e, ha'éva avei pende rekove jára; ha upevére mba'evéichagua jerure ndapejapói, ni napeñearrepentíri pejapova'ekuégui.

23 Che ha'e peême, ái upe yvypóragui, imba'ehepykuéra omanóttagui hendive; ha ko'áğa, che ha'e ko'ã mba'e umi imba'ehepy hetávape ko yvoraguávape.

24 Ha avei, ha'e umi imboriahúvape, peẽ ndapeguerekóiva, ha upevére peguerékóva pehasa hağua peteĩ áragui ambuépe; ha'e opavave peême, pembotováva pe imboriahúvape, ndapeguerekóigui; aipota pene korasõme peje: Che name'ei ndaguerekóigui, ha katu aguerekórire ame'eva'erãmóã.

25 Ha ko'áğa, pejéramo péicha pene korasõme pepyta angaipayre, ndaupéichairamo, peñekondenena; ha pene kondenasĩ ijoja peipotágui umi noñeme'eva'e-kue peême.

26 Ha ko'áğa, ko'ã mba'e añe'eva'ekuére peême—péva ha'e, pejoko hağua pene angaipa jora ára ha ára, peiko hağua angaipayme Tupã renondépe—che aipota pene mba'ehepýgui peme'ẽ imboriahúvape, opavave yvypóra oguerékoháicha, pe iñembyahývape pemongaru, ijopívovape pemonde, hasývape pehecha, ha peministra chupe okuera hağua, espíritu rehegua ha yvy ariguápe, oikotevēháicha.

27 Ha pehecha tojejapopa ko'ã mba'e arandu ha hekoitépe; ndojejeruréigui peteĩ yvypórape oñani hağua pya'eve pe ipu'aka

ome'ēvagui chupe. Ha avei, iporā ojesareko, upéicha ohupyty ha-
 ġua pe hembiaipo repy; upé-
 vare, opa mba'e ojejapova'erā
 hendaitépe.

28 Ha aipotā penemandu'a, pen-
 de apytépe ojeruréva hogayke-
 peguápe oiporuka haġua chupe,
 ome'ējeyva'erā pe oiporuva'ekue,
 he'i haguéicha, nda'upéichai-
 ramo oja póta angaipa; ha ikatu
 pévare hogaykepegua ojaipo avei
 angaipa.

29 Ha ipahaitépe, ndaikatúi
 ha'epa peēme opa mba'e ikatu-
 háicha pejaipo angaipa; oĩgui heta
 tape ha mba'e ikatuhápe jajapo
 angaipa, hetaitereĩgui ndaikatúi
 aipapa.

30 Ha katu péva ikatu ha'e
 peēme, napeñangarekóiramo
 pendejehe, ha pene apytu'ūme
 oĩvare, ha pene ñe'ē ha penere-
 mbiapóre, ha ndapejesarekóiramo
 Tupā rembiapoukapykuérare,
 ni ndapepytái jeroviápe umi
 pehenduva'ekue pe Ñandejára
 jeju rehe, jepe pende rekove opa
 peve, pemanova'erā. Ha ko'áġa,
 O yvypóra, nemandu'áke, ha ani
 remano.

ÑEMBYATY 5

*Imarangatukuéravagui oiko Cristo
 ra'y ha raju kuéra jerovia rupive—
 Upéicha oñehenói chupekuéra Cristo
 réra rupi—Rrei Benjamín oñemoñe'ē
 chupekuéra toñemovã'y ha topyta
 hikuái pe tembiapo porãme. 124 ary
 rupi Cristo mbojve.*

HA ko'áġa, ojehu rréi Benjamín
 oñe'ē rire péicha itavayguakué-
 rape, oporanduka ijapytepe-
 kuéra, oikuaaségui ogueroviápa
 hikuái umi ñe'ē he'iva'ekue
 chupekuéra.

2 Ha opavave ha'ekuéra he'ijoa
 peteĩ ñe'ēme, he'ívo: Heē, rogue-
 rovia opa ñe'ē ereva'ekue oréve;
 ha avei, roikuaa añeteguaha, pe
 Ñandejára Ipu'akapáva Espíritu
 rupive, oja póva peteĩ tuicha
 ñemoambue orepye, térã ore
 korasōme, upévare ndorjapose-
 véima mba'e vai, ha katu rojapo
 meméntema pe iporáva.

3 Ha ore, orejehegui avei, pe
 Tupā py'aporā opave'yva rupive,
 ha umi ijespíritu ohechaukáva
 rupi, roguereko tuicha techauka
 umi oútavagui; ha oñeikote-
 vëramo, ikatu roprofetisa opa
 mba'égui.

4 Ha pe jerovia roguerekova'e-
 kue umi mba'e ore rréi he'iva'e-
 kuére oréve ha'e oreguerúva ko
 tuicha jeikuaápe, upévare rovy'a
 peteĩ vy'a tuichaitereívape.

5 Ha roime porã rojapo haġua
 peteĩ konvénio ore Tupā ndive
 rojapotaha hembipota, ha oreñe-
 'ëndutaha hembiaipoukapykué-
 rare opa mba'e ha'e ojerurévape
 oréve, opa ore ára rembyre, ani
 haġua rogueru ore ári peteĩ jeha-
 sa'asy opave'yva, he'i haguéicha
 upe ángel, ani haġua roy'u pe
 Tupā ñeko'oi káligui.

6 Ko'áġa, ko'áva ha'e umi ñe'ē
 pe rréi Benjamín oipotáva chu-
 guikuéra; ha upévare he'i chu-
 pekuéra: Peē pejekuri umi ñe'ē

che aipotáva; ha pe konvénio pejapova'ekue ha'e peteĩ konvénio ijojáva.

7 Ko'áğa, pe konvénio pejapova'ekue rupi peñehenoíta Cristo ñemoñare, ita'ýra ha itajyrakuéra; ha péina ápe, ko árape ha'e pene-moheñoi espíritu reheguávape; peje niko pene korasõ oñemoa-mbuehague pejerovia haguére hérare; upévale, penereñoi chugui ha oiko pendehegui ita'ýra ha itajyrakuéra.

8 Ha kóva ko térã rupive peñemosãso, ha ndaipóri ambue térã rupi ikatuha peñemosãso. Ndaipóri ambue térã oñeme'eva outaha rupi pe salvasiõ; upévale, che aipota pejagarra pende ári pe Cristo réra, opavave peẽ pejapova'ekue konvénio Tupã ndive peneñe'ërendutaha pende rekove paha peve.

9 Ha ojuhúta ojapóva péva ojejuhúta Tupã po akatúape, oikuaátagui pe térã oñehenoitaha rupi; oñehenoíttagui Cristo réra rupive.

10 Ha ojuhúta, ndojagarráiva hí'ári pe Cristo réra oñehenoiva'erã ambue térã rupi; upévale, oíta Tupã po asúpe.

11 Ha aipota penemandu'a avei, kóva ha'eha pe térã ha'eva'ekue ame'ëtaha peẽme, araka'eva ndojeipe'amo'ãiva, ndaha'éiramo tembiapovai rupi; upévale, peñangareko ani hağua pejapo tembiapovai, pe térã ani hağua ojeipe'a pene korasõgui.

12 Che ha'e peẽme, aipota penemandu'a pehai hağua tapiaite

kóva ko térã pene korasõme, ani hağua peime Tupã po asúpe, ha katu pehendu ha peikuaa hağua pe ñe'ẽ peñehenoitaha rupi, ha avei pe térã ha'e penerenoitaha rupi.

13 Ha mba'éicha piko oikuaa peteĩ yvypóra pe ijára noipytyvõiva'ekuépe, ha'éva oikuaa'ýva ha'e, ha mombyrýva pe ikorasõ remiandu ha rembipotágui?

14 Ha avei, ojagarra piko yvypóra peteĩ mburika hogaykeregua mba'éva ha oñongatu? Che ha'e peẽme, Nahániri; ni ndohejamo'ái okaru hymba apytépe, ha katu omondýita, ha omosëta chupe okápe. Che ha'e peẽme, upéichata avei penendive ndapeikuaáiramo pe térã peñehenoitaha rupi.

15 Upévale, aipota pepyta ha napeñemovãi, penerenyhëvo tapiaite tembiapo porãme, Cristo upe Ñandejára Ipu'akapáva, pendesella hağua imba'éramo, pejegueraha hağua yvágape, ha peguereko salvasiõ opave'ýva, ha tekove opave'ýva, pe arandu, ha pu'aka ha hustisia ha poria-huvereke rupive oguerekóva pe opa mba'e apohare yvága ha yvýpe, ha'éva opa mba'e ári Tupã. Amén.

ÑEMBYATY 6

Rrei Benjamín ohai tavayguakuéra réra ha ohenói sacerdote-kuéra ombo'e hağua chupekuéra—Mosiah oisãmbyhy peteĩ rrei hekojojávaicha. 124–121 ary rupi Cristo mboyo'e.

HA ko'áġa, rréi Benjamín oñandu oñeikotevêha, oñe'ẽmba rire itavayguakuérape, ohai umi terakuéra maymáva ojapova'ekue konvénió rehegua iñe'ẽrendutaha Tupã rembiapoukapykuérare.

2 Ha ojehu ndaipóri avave ánga, ndaha'éiramo umi mitã michĩ, ndoikeiva'ekue upe konvéniópe ha omoĩva'ekue hi'arikuéra Cristo réra.

3 Ha avei, ojehu rréi Benjamín ombopaha rire ko'ã mba'e, ha okonsagra rire ita'ýra Mosíah-pe ha'e haġua sãmbyhyhára ha rréi itavayguakuéra ári, ha ome'ẽ rire chupe opa tembiapo upe rréino reheguáva, ha avei ohenói rire sacerdote ombo'e haġua itavayguakuérape, upéicha ohendu ha oikuaa haġua hikuái Tupã rembiapoukapykuéra, ha omokyre'ỹ haġua chupekuéra ñemomandu'ápe umi ñe'ẽme'ẽ ojapova'ekuégui, ha'e omomaitei pe atyguasúpe, ha oho hikuái, opavave, hogaguakuéra ndive, hogakuérape.

4 Ha Mosíah oñepyrũ orreina itúva rendaguépe. Ha ha'e oñepyrũ orreina pe trigésimo ary hekove aja, ha ohasáma, cuatrocientos setenta y seis ary rupi Lehi osẽ guive Jerusalén-gui.

5 Ha rréi Benjamín oikove mbohapy ary aja, ha omano.

6 Ha ojehu rréi Mosíah oguata Ñandejára rapére, ha ojesareko ihuísio ha hambipotakuérare, ha iñe'ẽrendu hembiapoukapykuérare opa mba'e Ñandejára ojerureva'ekuépe chupe.

7 Ha rréi Mosíah omomba'a-pouka itavayguakuérape oñemitỹ haġua pe yvy. Ha ha'e avei, ha'ete, omba'apo pe yvýre, ani haġua oiko chugui mba'epohýi itavayguakuérape ġuarã, ojapo haġua itúva ojapo haguéicha opa mba'épe. Ha ndaipóri joavy opa itavayguakuéra apytépe mbohapy ary aja.

ÑEMBYATY 7

Ammón ojuhu Lehi-Nefi retã, Limhi orreinahápe. Limhi tavayguakuéra oĩ lamanita-kuéra poguýpe—Limhi omombe'u hembiasakuéra—Peteĩ proféta (Abinadí) otestifikákuri Cristo ha'eha Tupã ha Túva opa mba'e ári—Umi oñotýva mba'eky'akuéra omono'õta pe yvytu'atãjere, ha umi omoĩva ijerovia Ñandejárare oñemosãsóta. 121 ary rupi Cristo mboypve.

HA ko'áġa, ojehu rréi Mosíah oguereko rire py'aguapy mbohapy ary aja, ha'e oikuaase tavayguakuéragui ojupiva'ekue oiko haġua yvy Lehi-Nefi-pe; térã Lehi-Nefi tavaguasúpe; itavayguakuéra ndoikuaáigui mba'eve chuguikuéra ára osẽ guive hikuái Zarahemla retãgui; upévare, omyangekói chupe hikuái ijerure jey jeýpe.

2 Ha ojehu rréi Mosíah oheja diesisei ikuimba'ekuéra imbaretvéva ojupi Lehi-Nefi retãme, oporandu haġua ijoyke'ykuérare.

3 Ha ojehu upe ko'ẽme oñepyrũ

ojupi hikuái, ha oguereko hendivekuéra peteĩ hérava Ammón, kuimba'e imbarete ha ipu'akapáva, ha ha'éva Zarahemla ñemoñare; ha ha'éva avei imburuvichakuéra.

4 Ha ko'ága, ha'ekuéra ndoikuaái moõ gotyopa ohova'erã pe tave'ỹme ojupi haña Lehi-Nefi retãme; upévore, oikorei hikuái heta ára pe tave'ỹre, jepe cuarenta ára aja oikorei hikuái.

5 Ha oikorei rire hikuái cuarenta ára aja, oñuahẽ hikuái peteĩ yvytýpe oíva Shilom retã nórtre gotyo, ha upépe omoĩ hikuái hogaakuéra.

6 Ha Ammón ojarra mbohapy ijoyke'ykuérape, ha héra hikuái Amalekí, Helem, ha Hem, ha oguejy hikuái Nefi retãme.

7 Ha péina ápe, ojuhu hikuái pe rréi tavayguakeragua oikóva Nefi retãme, ha Shilom retãme; ha ojere hesekuéra umi rréi rembiguakuéra, ha ojejarra, ha ojejokua ha oñemoĩ chupekuéra ka'irãime.

8 Ha ojehu oĩ rire hikuái ka'irãime mokõi ára aja, ojeguere jey chupekuéra pe rréi renondépe, ha ojejora chuguikuéra ijokuaha; ha oñembo'y hikuái pe rréi renondépe, ha ojeheja chupekuéra, térã katu, oje'e chupekuéra ombohová haña umi mba'e ha'e oporandútava.

9 Ha ha'e he'i chupekuéra: Péina ápe, che ha'e Limhi, Noé ra'y, ha'eva'ekue Zeniff ra'y, pe oséva'ekue Zarahemla retãgui ohupyty haña kóva ko yvy,

ha'eva'ekue ituvakuéra yvy, pe oñemoíva'ekue rréiramo tavayguakuéra ñe'ẽ rupi.

10 Ha ko'ága aikuaase mba'érepa pende'py'aguasete peñemoa'gui haña ko tavaguasu tápiare, chete aime jave pe okẽme che rembiguakuéra ndive.

11 Ha ko'ága, péva rupi aheja peẽ peñeongatu, che ikatu haña aporandu peẽme, ndaupéichairire, ahejava'erãmo'ã che rembiguakuéra pendejuka. Ojeheja peẽme peñe'ẽ.

12 Ha ko'ága, Ammón ohechamarõ ojehejaha chupe oñe'ẽ, oho ha ojavyvy pe rréi renondépe; ha opu'ãje'yvo, he'i: O rréi, ame'ẽ aguyje Tupãme ko arape aikove haguére, ha ojeheja haguére chéve añe'ẽ; ha añeha'ata añe'ẽ py'aguasúpe;

13 Aikuaa porãgui cheikuaárire nderehejaiva'erãmo'ã oñemoĩ chéve ko'ã jokuaha. Che ha'égui Ammón, peteĩ Zarahemla ñemoñare, ha ajupi Zarahemla retãgui aporandu haña ore joyke'ykuéragui, Zeniff ogueruva'ekue upe tetãgui.

14 Ha ojehu Limhi ohendu rire Ammón ñe'ẽ, ovy'aiterei, ha he'i: Ko'ága aikuaa porã che joyke'ykuéra oíva'ekue Zarahemla retãme oikoveha gueteri. Ha ko'ága avy'ata; ha ko'ẽrõ ahejãta che tavayguakuéra ovy'a avei.

15 Ha péina ápe, roime lamánita-kuéra poguýpe, ha oñemoĩ ore ári peteĩ mba'e hasyeteréiva jagueropu'aka haña. Ha ko'ága, péina ápe, ore joyke'ykuéra

oremosāsóta ore ñeñapytĩmbýgui, térã lamanita-kuéra pógui, ha roikóta hembiguaikuéraramo; iporãvégui roime nefita-kuéra rembiguáiramo rohepymé'érangue pirapire lamanita-kuéra rréipe.

16 Ha ko'ága, rréi Limhi he'i hembiguaikuérape anive hağua ojokua Ammón ha ijoyke'ykuérape, ha katu toheja oho hikuái pe yvytýpe oĩva Shilom nórté gotyo, ha ogueru ijoyke'ykuérape pe tavaguasúpe, ikatu hağua okaru, hoy'u, ha opytu'u hikuái ijeguatágui; ohaságui hikuái heta mba'e, ohasa hikuái ñembyahíi, y'uhéi ha kane'õ.

17 Ha ko'ága, ojehu upe ko'eme rréi Limhi omondo peteĩ momarandu opa itavayguakuéra apytépe, oñembyaty hağua hikuái témplope, ohendu hağua umi ñe'ẽ ha'e he'ítava chupekuéra.

18 Ha ojehu oñembyaty rire hikuái oñe'ẽ chupekuéra péicha, he'ívo: O peẽ, che tavayguakuéra, pemopu'ã pene akã ha peneangapyhy; péina ápe, pe ára hi'aiğuímagui, térã namombyrýi, nañaimemo'ãveimaha ñande rayhu'yha poguýpe, jepeve umi ñane ñorairõ heta, ha'eva'ekue mba'e-rei; upevére ajerovia oĩ gueteriha peteĩ ñorairõ ovalétava.

19 Upépare, pemopu'ã pene akã ha pevy'a, ha pemoĩ pende jerovia Tupãre, pe Tupã ha'eva'ekue Abraham, ha Isaac, ha Jacob Tupã; ha avei, pe Tupã oguenohéva'ekue Israel-pe Egipto retágui, ha ombahasava'ekue chupekuéra mar rojo rupive ha'erõguáicha

yvy ikãva ári, ha omongaruva'ekue chupekuéra mana reheve ani hağua omano hikuái tave'yme; ha hetave mba'e ha'e ojapókuri hesekuéra.

20 Ha avei, upéva upe Tupã ogueruva'ekue ñande rukuérape Jerusalén retágui, ha oñangareko ha oñongatuva'ekue itavayguakuérape jepe ko'ága peve; ha péina ápe, ñane rembiapovai ha ñane rembiapoky'a rupi ha'e ñandeguerúkuri ñeñapytĩmbýpe.

21 Ha opavave peẽ ha'e testígo ko árape, Zeniff, oñemoiva'ekue rréiramo kóva ko tavayguakuéra ári, ha'e ohupytisetereígui pe ituvakuéra yvy, upépare oñembotavy chupe pe rréi Lamán katupyry ha japu rupive, ojapova'ekue peteĩ ñe'ẽme'ẽ rréi Zeniff ndive, ha omoĩ ipópe peteĩ yvy pehẽngue, térã pe tavaguasu Lehi-Nefi, ha Shilom tavaguasu; ha umi yvy ijypypegua—

22 Ha opa ko'ã mba'e ha'e ojapo, oipy'ajopy térã ogueru hağuañte ñeñapytĩmbýpe kóva ko tavayguakuérape. Ha péina ápe, ore ko'ága rome'ẽ tetãme jehepyme'ẽ lamanita-kuéra rréipe, ha'éva ore avati, ha ore cebada, ha jepe opa ore granokuéra mbytere, taha'e ha'éva; ha ore mymbakuéra ha ore mymba'atykuéra ñemoña mbytere; ha lamanita-kuéra rréi ojerure oréve opa mba'e roguerekóva mbytere, térã rome'éva'erã ore rekove.

23 Ha ko'ága, ndahasieterei piko kóva jagueropu'aka hağua? Ha ndatuichái piko, ko ñande

jehasa'asy? Ko'áğa péina ápe, jaguereko heta mba'ére ñanerasẽ hağua.

24 Heẽ, ha'e peẽme, jaguerekoha tuicha mba'ére ñanerasẽ hağua; ha péina ápe, mboy piko ñande joyke'ykuéra ojejukava'ekue, ha huguykuéra oñeñohẽ rei, ha opa ko'ã mba'e pe tembiapovai rupi.

25 Ha kóva ko tavayguakuéra ndo'áirire tembiapovaípe Ñandejára ndohejaiva'erãmo'ã ou hí'arikuéra ko tuicha mba'evai. Ha katu péina ápe, nohenduséi hikuái iñe'enguéra; ha katu oñepyrũ oĩ joavy ijapytepekuéra, hetaiterei, oñohẽ meve hikuái huguykuéra.

26 Ha ojuka hikuái peteĩ Ñandejára profétape; heẽ, peteĩ kuimba'e Tupã oiporavova'ekue, oñe'ẽva'ekue chupekuéra hekoñaña ha hembiapoky'are, ha oprofetisa heta mba'e oikótava rehe; heẽ, jepe Cristo jeju rehe.

27 Ha he'í haguére chupekuéra Cristo ha'eha Tupã, opa mba'e Túva, ha he'í omoítaha ijehe kuimba'e ra'anga, ha ha'éta pe ta'anga kuimba'e ojejapo hağuéicha iñepyrũmbýpe; térã ambue ñe'ẽme, he'í pe kuimba'e ojejapohague Tupã ra'angáicha, ha Tupã oguejytaha yvypóra ra'ykuéra apytépe, ha ojağarráta ijehe to'o ha tuguy, ha ohóta yvy ape ári—

28 Ha ko'áğa, ha'e he'í haguére kóva, ojuka chupe hikuái; ha heta mba'e ojaповe hikuái oguerúva hí'arikuéra Tupã ñeko'oi.

Upévale, máva piko ohecharamóta oĩ haguére hikuái ñeñapytĩmbýpe, ha ojeipy'ajopy haguére chupekuéra tuichaite jeiko'asy reheve?

29 Ha péina ápe, Ñandejára he'íva'ekue: Naipytyvõmo'ãi che tavayguakuérape hembiapovai ára aja; ha katu ambyaíta hapekuéra ani hağua oñakãrapu'ã hikuái; ha hembiapokuéra ha'éta ita ñepysangaháicha henondepekuéra.

30 Ha avei, ha'e he'í: Che tavayguakuéra oñotýramo mba'eky'akuéra omono'õta hatykue pe vyty'atãjerépe; ha upéva ha'e popĩa.

31 Ha ha'e he'í jey: che tavayguakuéra oñotýramo mba'eky'akuéra omono'õta hikuái pe vyty kuarahyresẽvopegua, oguerúva ñehundi pya'e.

32 Ha ko'áğa, péina ápe, Ñandejára ñe'ẽme'ẽ oñekumplĩma, ha peẽ pejeipy'ajopy ha peiko'asy.

33 Ha katu pejeréramo Ñandejára gotyo korasõ añetépe, ha pemoĩramo pende jerovia hese, ha peipytyvõramo chupe opa pene apytu'ũ jesarekópe, peja-póramo kóva, ha'e, he'íháicha ha oipotaháicha, penemosásóta pe ñeñapytĩmbýgui.

ÑEMBYATY 8

Ammón ombo'e Limhi tavayguakuérape—Oikuaa umi veinticuatro pláncha Jaredita-kuéragui—Umi techapahára ikatu ombohasa kua-tiajehaipyre ymaguare—Ndaipóri

don tuichavéva pe techapahára oguerekóvagui. 121 ary rupi Cristo mboyve.

HA ojehu rréi Limhi oñe'ẽmba rire itavayguakuérape, he'ígui chupekuéra heta mba'e ha mbo-vymínte umívagui ahai kóva ko kuatione'ẽme, ha'e omombe'u itavayguakuérape opa mba'e ijoyke'ykuéra oíva Zarahemla retãme rehegua.

2 Ha ha'e oheja Ammón oñembo'y pe atyguasú renondépe, ha omombe'u chupekuéra opa mba'e ojehuva'ekue ijoyke'ykuérape ára Zeniff osẽ guive upe tetãgui ára ha'ete voi ou peve upégui.

3 Ha ha'e avei omombe'u chu-pekuéra umi ñe'ẽ paha rréi Benja-mín ombo'eva'ekue chupekuéra, ha omyesakã porã umíva upe rréi Limhi tavayguakuérape, ikatu hañuaicha oikũmby hikuái opa ñe'ẽ ha'e he'iva'ekue chupekuéra.

4 Ha ojehu ojapopa rire opa ko'ã mba'e, rréi Limhi omomaitei pe atyguasúpe, ha oheja peteĩ teĩ oho hogakuérape.

5 Ha ojehu ha'e ogueruka umi pláncha oguerekóva itavayguakuéra kuationejaipyre, ára osẽ guive hikuái Zarahemla retãgui, ha omoũka Ammón renondépe, ha'e omoñe'ẽ hañua.

6 Ko'ágã, Ammón omoñe'ẽmbávo pe kuationejaipyre, upe rréi oporandu chupe oikuaa hañua ohesa'yijokuaápa ñe'ẽnguéra, ha Ammón ombohová chupe ndaikatuiha.

7 Ha pe rréi he'i chupe: Aimévo py'ajopýpe che tavayguakuéra jeiko'asýre, aheja cuarenta y tres umi che tavayguakuéra apytégui oho upe tave'yre, upéicha ikatu hañua ojuhu Zarahemla retã, rojerure hañua ore joyke'ykuérape oremosãso hañua ñeñapytĩmbýgui.

8 Ha okañy hikuái tave'yre heta ára aja, ha jepeve ojesareko hikuái, ndojuhúí pe Zarahemla retã ha katu oujey hikuái ko tetãme, oguata rire peteĩ tetãre oíva heta y apytépe, ha ojuhu rire peteĩ yvy henyhẽva yvypóra kangue, ha mymba kanguégui, ha henyhẽ avei opáichagua oga-guasú taperégui, ha ojuhu hikuái peteĩ yvy oiko haguépe peteĩ tavayguakuéra hetaitereíva umi Israel-pegua atyguasúicha.

9 Ha testimoniorã ha'eha añetegua umi mba'e he'iva'ekue hikuái, ogueru hikuái veinticuatro pláncha henyhẽva jehaipyrégui, ha ha'éva oroiteguigua.

10 Ha péina ápe, ogueru avei hikuái pyti'amo'ãha, tuichaitereíva, ha ha'e bronce ha cobre-guigua, ha oĩporãiterei gueteri hikuái.

11 Ha avei, ogueru hikuái kysepuku, hyrukuéra oñehundi-pámava, ha hogue ho'upámava ky'a; ha ndaipóri avave upe tetãme ikatúva ohesa'yijjo ñe'ẽ térã jehaipyre ojehaíva umi pláncha ári. Upévare ha'ékuri ndéve: Ikatu piko rembohasa?

12 Ha ha'e jey ndéve: Reikuaa piko nde oípa ikatúva ombohasa? Che aipotágui ko'ã

kuatiajehaipyre oñembohasa ore ñe'ême, ko'áva ikatúgui ome'ẽ ñandéve jeikuaa upe tavayguakuéra oñehundiva'ekue rembyregui, ou haguégui ko'ã kuatiajehaipyre; térã, ikatu oikuaa nãndéve kóva ko tavayguakuéra oñehundiva'ekuégui; ha che aikuaase mba'érepa oñehundi.

13 Ko'ága Ammón he'i chupe: Ikatu añetehápe ha'e ndéve, O rréi, peteĩ kuimba'égui ikatúva ombohasa umi kuatiajehaipyre; ha'e oguerékogui peteĩ mba'e ikatuhápe oma'ẽ ha ombohasa opa kuatiajehaipyre ymaguaréva; ha ha'e peteĩ Tupã don. Ha umi mba'e héra intérprete, ha avave ndaikatúi oma'ẽ ipype ndoje'éiramo chupe, ani haḡua oheka pe ndohekáiva'erã ha upéicha omano. Ha oje'évape oma'ẽ haḡua ipype, upévape oñehenói techapahára.

14 Ha péina ápe, pe rréi tavapegua oíva Zarahemla retãme ha'e kuimba'e oje'évape ojapo haḡua ko'ã mba'e, ha oguerékóva ko tuicha don Tupãgui oúva.

15 Ha pe rréi he'i peteĩ techapahára tuichaveha peteĩ profétagui.

16 Ha Ammón he'i peteĩ techapahára ha'eha avei techaukahára ha proféta; ha ndaiporihá don tuichavéva peteĩ yvypóra ikatúva oguereko, ndaha'éiramo oguerékóva Tupã pu'aka, avave ndaikatúiva oguereko; upevére peteĩ yvypóra ikatu oguereko peteĩ tuicha pu'aka oñeme'éva chupe Tupãgui.

17 Ha katu peteĩ techapahára ikatu oikuaa umi mba'e ohasava'ekue, ha avei umi mba'e oikótavagui, ha hesekuéra rupi opa mba'e ojehechaukáta, térã, ambue ñe'ême, umi mba'e kañy ojehechaukáta, ha umi mba'e oñeñomíva osêta tesakãme, ha umi mba'e ndojeikuaáiva ojeikuaakáta hesekuéra rupive, ha avei ojeikuaakáta hesekuéra rupi umi mba'e ambuéicha ndaikatumo'áva ojeikuaa.

18 Péicha Tupã ome'ẽ peteĩ tape ikatu haḡuaícha yvypóra, jerovia rupive, ojapo tuicha tembiapo ha milagrokuéra; upévare oiko chugui tuicha mba'e porã hapi-chakuérape ḡuarã.

19 Ha ko'ága, Ammón oñe'ẽmba rire ko'ã ñe'ẽ pe rréi ovy'aitei, ha ome'ẽ aguyje Tupãme he'ívo: Añetehápe ko'ã pláncha oguereko tuicha mba'eñemimby, ha ko'ã intérprete añetehápe oñembosako'iva'ekue ohechauka haḡua opa ko'ãichagua mba'eñemimby yvypóra ra'ykuérape.

20 O hechapyrãite Ñandejára rembiapokuéra, ha ogueropu'aka pukuete piko ha'e itavayguakuérape; heẽ, ha hecha'yete ha hatãite piko yvypóra ra'ykuéra ñeikũmby, ndohekáigui hikuái arandu, ni ndoipotái ha'e oisãmbyhy chupekuéra!

21 Heẽ, ha'e hikuái peteĩ mymba'aty saitéicha okañýva herekuágui, ha oñemosarambi, ha oñemuña, ha oje'úva mymba ka'aguýre.

ZENIFF KUATIAJEHAIPYREKUÉRA—
 Peteĩ ñemombe'ú itavayguakuéra
 rehegua, ára osẽ guive hikuái
 Zarahemla retãgui ára oñemo-
 sãso peve hikuái lamanita-kuéra
 pógui.

*Oike ñembyaty 9 guive 22 peve
 avei.*

ÑEMBYATY 9

*Zeniff ogueraha peteĩ aty Zarahemla-
 guáva ohupyty haḡua Lehi-Nefi re-
 tã—Rrẽi lamanita oheja chupekuéra
 ohupyty upe tetã—Oĩ ñorairõguasu
 lamanita-kuéra ha Zeniff tavaygua-
 kuéra apytépe. 200-187 ary rupi
 Cristo mboyve.*

CHE, Zeniff, añembo'évo opa
 Nefita-kuéra ñe'ẽme, ha ai-
 kuaávo Nefi retãgui, térã pe
 ñande rukuéra peteĩha yvy
 jehejapyregui, ha añemondóvo
 ama'ẽñemi haḡua lamanita-
 kuéra apytépe ahecha haḡua
 imbaretépa hikuái, ore ehér-
 sito ho'a haḡua hi'arikuéra ha
 ohundi haḡua chupekuéra—ha
 katu ahechávo pe iporáva oĩva
 ijapytepekuéra ndaipotái oñe-
 hundi hikuái.

2 Upévore, añorairõ che joyke-
 'ykuéra ndive pe tave'ỹme; che
 aipotágui ore mburuvicha ojapo
 peteĩ ñe'ẽme'ẽ hendivekuéra; ha
 katu ha'égui ha'e peteĩ kuimba'e
 ipy'ahatã ha oporojukaséva he'i
 ojeipe'a haḡua chehegui che re-
 kove; ha katu che añemo'ã heta

tuguy ñeñohẽ rupive; túva oño-
 rairõgui túva ndive, ha joyke'y
 joyke'y ndive, hetavéva pe ore
 ehérsito oñehundipa peve pe
 tave'ỹme; ha ore, noromanóiva,
 rohojey Zarahemla retãme, romo-
 mbe'ú haḡua ko'ã mba'e hembire-
 reko ha itá'yraquerape.

3 Upevére, che ahupytysetere-
 ígui ore rukuéra retã, ambyaty
 opa ohosévape ohupyty haḡua
 upe tetã, ha roñepyrũjey roho pe
 tave'ỹre rojupi haḡua upe tetãme;
 ha katu rojeipy'ajopy ñembyahýi
 ha tuicha jeiko'asy reheve; ore-
 mbeguégui oremandu'a haḡua
 Ñandejára ore Tupãre.

4 Upevére, roikorei rire heta ára
 pe tave'ỹre romoĩ ore rogaa pe
 tenda ore joyke'ykuéra omano
 haguépe, oĩva ore rukuéra retã
 ypýpe.

5 Ha ojehu che ahajey irundy
 che kuimba'ekuéra ndive pe
 tavaguasúpe, upe rréi oĩháme,
 aikuaa haḡua pe rréi rembipota,
 ha aikuaa haḡua ikatútapa aha
 che tavayguakuéra ndive ha ro-
 hupyty upe tetã py'aguapýpe.

6 Ha aha pe rréi rendápe, ha
 ha'e ojapo chendive konvénio
 che ikatuha ahupyty Lehi-Nefi
 retã, ha Shilom retã.

7 Ha ha'e avei he'i itavaygua-
 kuérape osẽ haḡua upe tetãgui, ha
 che ha che tavayguakuéra roi-
 ke upe tetãme rohupyty haḡua.

8 Ha roñepyrũ romopu'ã oga-
 guasukuéra, ha romoĩporã jey
 upe tavaguasu tapiakuéra, heẽ,
 jepe Lehi-Nefi ha Shilom tava-
 guasu tapiakuéra.

9 Ha roñepyrũ roñemitỹ pe yvy, heẽ, opáichagua mba'era'yi reheve, avati ra'yi, ha trígo, ha seváda, ha neas, ha sheum reheve, ha opáichagua yva ra'yi reheve; ha roñepyrũ roñemboheta ha roñakārapu'ã upe tetāme.

10 Ha ko'āga, ha'ékuri upe rréi Lamán katupyry ha japúgui, ogueru haḡua che tavayguakuérape ñeñapytĩmbýpe, ha'e ohejahague ore rohupyty upe yvy.

11 Upévare ojehu, roiko rire pe tetāme doce ary aja pe rréi Lamán oñepyrũ ojepy'apy, okyhjégui che tavayguakuéra oñemombaretevéramo ḡuarã upe tetāme, ha upéicha ha'ekuéra ndaikatumo'ái ipu'aka hese-kuéra ha ogueraha chupekuéra ñeñapytĩmbýpe.

12 Ha ha'e hikuái peteĩ tavayguakuéra iñate'ỹ ha ita'āngarayhúva; upévare oregueruse hikuái ñeñapytĩmbýpe, ikatu haḡuáicha henyhẽ hikuái ore po rembiapo reheve; heẽ, okaru haḡua hikuái ore mymba'aty oĩvagui ñúme.

13 Upévare ojehu rréi Lamán oñepyrũ omokyre'ỹ itavayguakuérape oñorairõ haḡua che tavayguakuéra ndive; upévare oñepyrũ oĩ ñorairõguasu ha joavy upe tetāme.

14 Ha decimoterter arýpe che arreinahague Nefi retāme, mombry Shilom retāme sur gotyo, che tavayguakuéra omboy'u ha omongaru jave imymba'atýpe ha oñemitỹ jave, ou hí'arikuéra hetaiterei lamanita-kuéra, ha oñepyrũ ojuka chupekuéra, ha

ogueraha imymba'atykuéra, ha avati ikokuepegua.

15 Heẽ, ha ojehu opavave umi ndojehupytyiva'ekue, oñani Nefi tavaguasu peve, ha ojerure chéve ñemo'ã.

16 Ha ojehu ambosako'i chupekuéra yvyrapã ha hu'y reheve, kysepuku ha simitarra reheve, mása ha ónda reheve, ha opa árma ikatúva rojuhu reheve, ha che ha che tavayguakuéra rosẽ roñorairõ haḡua lamanita-kuéra ndive.

17 Heẽ, Ñandejára pu'aka reheve rosẽ roñorairõ haḡua lamanita-kuéra ndive; che ha che tavayguakuéra rojerure'asýgui Ñandejárape oremosãso haḡua ore rayhu'ỹha pógui, opágui orepype mandu'a ore rukuéra ñemosásóre.

18 Ha Tupã ohendu ore jerure'asy ha ombohováí ore ñembo'e; ha rosẽ ipu'aka reheve; heẽ, rosẽ lamanita-kuéra rehe, ha peteĩ ára ha peteĩ pyhare rojuka tres mil cuarenta y tres-pe; rojuka chupekuéra romosẽ meve ore retāgui.

19 Ha che, chete, che po rupi, aipytyvõ oñeñotỹ haḡua he'õnguekuéra. Ha péina ápe, ore mbyasy ha jahe'o guasurã, doscientos setenta y nueve ore joyke'ykuéra ojeyuka.

ÑEMBYATY 10

Rréi Lamán omano—Itavayguakuéra hesaité ha iñarõ ha oguerovia

jepokuaa añetegua'ýva—Zeniff ha itavayguakuéra ipu'aka hesekuéra. 187–160 ary rupi Cristo mboyve.

Ha ojehu roñepyrũjey romoĩporã pe rréino ha rohupyty jey upe tetã py'aguapýpe. Ha ajapouka árma ñorairõrã opaichaguáva, upéicha che aguereko hağua armakuéra che tavayguakuérape ġuarã, ára lamanita-kuéra osẽ jey vove ġuarã ñorairõguasúpe che tavayguakuéra rehe.

2 Ha amoĩ ñangarekohára upe tetã jerére, ani lamanita-kuéra ho'a jey ñeha'arõ'ýme ore ári ha orerundi; ha péicha amo'ã che tavayguakuéra ha che mymba'atykuéra, ha ndahejaĩ ho'a hikuái orerayhu'ýha pópe.

3 Ha ojehu rohupyty ore rukuéra retã heta ary aja, heẽ, veintidos ary pukukue.

4 Ha ajapo kuimba'ekuéra oñemitỹ pe yvy, ha omongakuaa opáichagua mba'era'yi ha opáichagua yva.

5 Ha ajapo kuñanguéra ombovyvy, ha hembiaapo, ha omba'apo, ha omba'apo opáichagua líno hechapyrãva rehe, heẽ, ha opáichagua ao romonde hağua ore opívoo; ha upéicha roñakãrapu'ã upe tetãme—upéicha roguereko meme py'aguapy upe tetãme veintidos ary aja.

6 Ha ojehu rréi Lamán omano, ha ita'ýra oñepyrũ orreina hendaguépe. Ha ha'e oñepyrũ omokyre'ý itavayguakuérape opu'ã hağua che tavayguakuéra rehe; upévare oñepyrũ oñembosako'i

hikuái ñorairõguasurã, ha ou hağua ñorairõme che tavayguakuéra rehe.

7 Ha katu che amondo che ma'ẽ ñemiharakuéra oma'ẽñemi hağua Shemlón retã jerére, aikuaa hağua iñembosako'ikuéragui, añemo'ã hağua chuguikuéra, ani hağua ou hikuái che tavayguakuéra ári ha ohundi chupekuéra.

8 Ha ojehu ojupi hikuái Shilom retã nóрте gotyo, heta iñorairõharakuéra ndive, kuimba'e oguerékóva yvyrapã ha hu'y, kysepuku ha simitárta, ita ha ónda; ha oñapi hikuái iñakã ha ijopívoo; ha omoĩ ijehe fáha vakapígui ojejavóva ombojeréva ilómoo.

9 Ha ojehu ajapouka kuña ha mitãnguéra che tavayguapegua toñeñomi pe tave'ýme; ha ajapo avei opa tuja ikatúva ogueraha árma, ha opa mitãrusu ikatúva ogueraha árma, oñembyatypa oñondive oho hağua oñorairõ lamanita-kuéra ndive; ha amoĩ chupekuéra hendápe, opavave kuimba'e ary oguererekoháicha.

10 Ha ojehu rosẽ roñorairõ hağua lamanita-kuéra ndive; ha che, che jepeve, che tujámava, aha añorairõ hağua lamanita-kuéra ndive. Ha ojehu rosẽ Ñandejára pu'aka reheve ñorairõme.

11 Ha ko'ãğa, lamanita-kuéra mba'eve ndoikuaái Ñandejáragui, ni pe Ñandejára pu'akágui, upévare ojerovia hikuái ipu'aka rehe. Upevére ha'ekuéra ha'e peteĩ tavayguakuéra imbaretéva, yvypóra imbaretéháicha.

12 Ha'e hikuái peteĩ tavay-

guakuéra saite, ha iñarōva, ha oporojukaséva, ogueroviáva ituvakuéra jepokuaa, ha'éva kóva—Oguerovia hikuái oñemosēhague Jerusalén retāgui ituvakuéra rembiapovai rupi, ha ijoyke'ykuéra ojaheihague hesekuéra tave'ýme, ha ojeaheihague hesekuéra ohasa aja yguasu ári.

13 Ha avei, ojeaheihague hesekuéra oiko aja hikuái ijyvy jehejapyre peteiháme, ohasa rire hikuái pe yguasu ári, ha opa ko'ã mba'e Nefi ijeroviarekove haguére iñe'ëndúvo Ñandejára rembiapoukapykuérare—upévare Ñandejára ohovasa chupe, Ñandejára ohendúgui iñembo'e ha ombohová chupe, ha ha'e oisãmbyhy chupekuéra pe tave'ýre.

14 Ha ijoyke'ykuéra ipochy hendive noikũmbýigui hikuái Ñandejára rembiapo; ha avei ipochy hendive pe y ári omohatāgui hikuái ikorasō Ñandejára rehe.

15 Ha avei, ipochy hendive hikuái oġuahēvo pe yvy ñe'ēme'ēnguéme, he'ígui hikuái ha'e oipe'ahague ipoguikuéra pe tavayguakuéra ñeisãmbyhy; ha oñeha'ã ojuka chupe hikuái.

16 Ha avei, ipochy hikuái hendive osē haguére pe tave'ýme Ñandejára he'í haguéicha chupe, ha ogueraha umi kuationjehaipyre ojeháiva pláncha bronce-guigua ári, he'ígui hikuái ha'e omonda-hague umíva.

17 Ha upéicha ombo'e hikuái ita'yraquerape ndohayhúi haġua chupekuéra, ha ojuka haġua chupekuéra, ha omonda ha

oipe'apa haġua chuguikuéra, ha ojapo haġua hikuái opa mba'e ikatúva ohundi haġua chupekuéra; upévare oguereko hikuái peteí jehayhu'ý opave'ýva Nefi ra'ykuérare.

18 Ha ko'ã mba'ére pe rréi Lamán, ikatupyry, ha ijapu rupi, ha iñe'ēme'ē añetegua'ýva rupi, chembotavy, che agueru haġua che tavayguakuérape kóva ko tetáme, ha'ekuéra ohundi haġua chupekuéra; heë, ha ore rohasa'asy opa ko'ã ary pukukue ko tetáme.

19 Ha ko'āġa che, Zeniff, amombe'upa rire ko'ã mba'e che tavayguakuérape lamanita-kuéra rehegua, amokyre'ý chupekuéra osē haġua oñorairō opa ipu'aka reheve, omoívo ijerovia Ñandejárame; upévare, roñorairō hendivekuéra, ojaváre.

20 Ha ojehu romosējey chupekuéra ore retāgui; ha rojuka chupekuéra tuicha jejukápe, heë hetaitereígui ndaikatúi roipapa.

21 Ha ojehu rojey jey ore retáme, ha che tavayguakuéra oñepyrū jey oñangareko imymba'atýre, ha oñemitý ijyvy.

22 Ha ko'āġa che, chetujámavo, ame'ē upe rréino peteí che ra'ýpe; upévare, nda'evéima mba'eve. Ha ajerure Ñandejára tohovasa che tavayguakuérape. Amén.

ÑEMBYATY 11

*Rréi Noé oisãmbyhy tekoñañáme—
Ha'e hory tekoñaipe hambireko ha*

ikuñanguéra ndive—Abinadí oprofetisa tavayguakuéra ojegerahataha ñeñapytĩmbýpe—Ojukase chupe rréi Noé. 160–150 ary rupi Cristo mboyo.

HA ko'ãga ojehu Zeniff ome'ẽ pe rréino Noé, peteĩ ita'ýrape; upévore Noé oñepyrũ orreina hendaguépe; ha ha'e ndoguatái itúva rapére.

2 Ha péina ápe, ha'e naiñe'ẽrendúĩ Tupã rembiapoukapykuérare, ha katu oguata ikorasõ oipotaháicha. Ha ha'e hembireko ha ikuña heta. Ha ha'e ojapo itavayguakuéra ho'a haña angaipápe ha ojapo pe Ñandejára resa renondépe ijeja'e'ỹvéva. Heẽ, ha ha'ekuéra hekova ha ojapo opáichagua tekoñaña.

3 Ha ha'e omoĩuka peteĩ tetãme jehepyme'ẽ pe quinta párite opa mba'e oguerekóvagai hikuái, kinto pehẽngue pe hí'oro ha iplátogui, kinto pehẽngue pe iziff-gui, ha i-cobre ha i-bronce ha iérrogui; ha kinto pehẽngue imymba oñemongyrávagai; ha avei kinto pehẽngue opa hi'yvara'ỹikuéragui.

4 Ha ojapo opa ko'áva ha'e oñemantene haña, ha hembireko ha ikuñanguérape; ha avei isacerdotekuérape, ha hembireko ha ikuñanguérape; ha péicha ha'e omoambue umi tembiapo upe rreinopegua.

5 Ha ha'e omosẽ opa umi sacerdoté itúva okonsagrava'ekuépe, ha okonsagra sacerdoté pyahu

hendaguépe, umi oñembotuicháva ikorasõ orgúllope.

6 Heẽ, péicha oñemantene hikuái hekoreípe, ha ita'angajehayhu, ha hekovaikuérape, umi tetãme ojehepyme'ẽva rréi Noé omoiva'ekue itavayguakuéra ári rupive; upéicha tavayguakuéra omba'apoiterei omantene haña umi tembiapovai.

7 Heẽ, ha ha'ekuéra avei oñepyrũ ohayhu ta'anga, ombotavýgui chupekuéra upe rréi ha secerdotekuéra ñe'ẽ rei ha añetegua'ỹva, ha'ekuéra oñe'ẽgui chupekuéra ñe'ẽ añetegua'ỹva.

8 Ha ojehu rréi Noé omopu'ã heta ogaguasu tuicha ha iporáva; ha ombojagua vyra oñemba'apo porãitereívape, ha opáichagua mba'e porãme, oro, ha plátogui, ha iérro, ha bronce, ha ziff, ha cobre-gui;

9 Ha ha'e avei omopu'ã ijupe guarã peteĩ ogaporã tuicháva, ha peteĩ apykajagua imbytépe, ha'éva vyra oñemba'apo porãitereívagai ha oñembojeguáva oro ha pláta, ha mba'e iporãitereíva reheve.

10 Ha ha'e avei oheja imba'apoharakuéra ojapo opáichagua tembiapo porã pe témplo tápia ryepýpe, vyra porãgui, ha cobre, ha bronce-gui.

11 Ha umi apyka ojehejava'ekue sumo sacerdotekuérape guarã, oĩva yvateve opa ambue apyka ári, ha'e ombojagua oroitégui; ha ojapouka peteĩ pyti'a jokoha henondepekuéra, ha'ekuéra ombopytu'u haña

hi'ári hete ha ijyvakuéra oñe'ẽ aja ñe'ẽ añetegua'ỹ ha ñe'ẽ rei itavayguakuérape.

12 Ha ojehu ha'e omopu'ã peteĩ tórre pe témplo ypýpe; heẽ, peteĩ tórre ijyvatetereíva, ijyvatetere-ígui ikatúva oñembo'y hu'áme ha ohecha Shilom retã, ha avei Shemlón retã, oikohápe lamanita-kuéra; ha jepe ikatu ohecha opa tetã ijerére.

13 Ha ojehu ha'e ojapouka heta ogaguasu Shilom retãme; ha omopu'ãka peteĩ tórre guasu yvyty ári oíva Shilom yvy nórtre gotyo, ha'eva'ekue peteĩ ñemo'ãha Nefi ra'ykuérape ġuarã ha'ekuéra okañyramoguare upe tetãgui; ha ojapo ko'áva umi pirapire ohupytyva'ekue itavayguakuéra tetãme ojehepyme'ẽva reheve.

14 Ha ojehu ha'e omoĩ ikorasõ imba'ehepykuérare, ha ha'e ohasa hi'arakuéra tekovaípe hambireko ha ikuñanguéra ndive; ha avei isacerdotekuéra ohasa hi'arakuéra kuñarekovai ndive.

15 Ha ojehu ha'e oñotỹ parral-tykuéra pe tetã jerére; ha ojapo peteĩ parral ñamiha, ha ojapo hetaiterei víno; ha upévore oiko chugui peteĩ víno'uha, ha avei itavayguakuéragui.

16 Ha ojehu lamanita-kuéra oñepyrũ ou itavayguakuéra ári, aty michíva ári, ha ojuka chupekuéra ikokuépe, ha oñangareko aja hikuái imymba'atykuérare.

17 Ha rréi Noé omondo ñangarekoharakuéra pe tetã jerére oheja haġua chupekuéra okápe;

ha katu nomondói omondova'erã, ha lamanita-kuéra ou hi'arikuéra ha ojuka chupekuéra, ha oguenohẽ heta hymba'atykuéra pe tetãgui; upéicha lamanita-kuéra oñepyrũ ohundi chupekuéra, ha oñohẽ ijehayhu'ỹ hi'arikuéra.

18 Ha ojehu rréi Noé omondo ehersitokuéra hi'arikuéra, ha omboguevi chupekuéra, térã omboguevi chupekuéra sapy'ami; upévore, ha'ekuéra oujeý ový'avo imondapyrére.

19 Ha ko'áġa, ko tuicha ñemotenonde rupi oñembotuicha hikuái ikorasõkuéra orgúlllope; ha oñemomba'eguasú hikuái imbaretére, he'ívo umi icincuenta ipu'akaha milláres umi lamanita-kuérare; ha péicha oñembotuicha hikuái, ha hory tuguýpe, ha ijyoke'ykuéra ruguy ñeñohẽme, ha kóva upe irréi ha isacerdotekuéra rekoñañare.

20 Ha ojehu oĩ ijapytepekuéra peteĩ kuimba'e hérava Abinadí; ha osẽ ijapytepekuéra, ha oñepyrũ oprofetisa, he'ívo: Péina ápe, péicha he'í Ñandejára, ha péicha he'í chéve, he'ívo, Tereho, ha ere tavayguakuérape, upéicha he'í Ñandejára—Ái ko tavayguakuéragui, ahechágui hembiapoky'akuéra, ha hekoñaña, ha hembiapovaikuéra; ha noñearrepentíriramo che ajúta chupekuéra che pochy reheve.

21 Ha noñearrepentíriramo hikuái ha ojere Ñandejára Itupãme, péina ápe, ame'eta chupekuéra ihayhu'ỹhakuéra pópe; heẽ, ha

ojegueraháta ñeñapytĩmbýpe; ha ojeopýta chupekuéra ihayhu'ỹ-hakuéra po rupive.

22 Ha ojuhúta ha'ekuéra oikuaáta che ha'eha Ñandejára Itupã, ha ha'eha peteĩ Tupã hakate'ýva, ajúva che tavayguakuéra rembiapovaikuéra ári.

23 Ha ojuhúta kóva ko tavayguakuéra noñearrepentíriramo ha ndojeréiramo Ñandejára Itupãme, ojegueraháta ñeñapytĩmbýpe; ha avave nomosāsomo'ái chupekuéra, ndaha'éiramo Ñandejára pe Tupã Ipu'akapáva.

24 Heẽ, ha ojuhúta ha'ekuéra ojerure'asy vove chéve chembeguéta ahendu haña ijerure'asykuéra; heẽ, ha ahéjata ojeipy'ajopy chupekuéra ihayhu'ỹhakuérare.

25 Ha noñearrepentíriramo hikuái silísio ha tanĩmbúpe, ha ojerure'asy hikuái Ñandejára Itupãme, nahendumo'ái iñembo'ekuéra ni namosāsomo'ái chupekuéra ijeiko'asýgui; ha upéicha he'i Ñandejára, ha péicha he'íkuri chéve.

26 Ko'ágã ojehe Abinadí oñe'ẽ rire chupekuéra ko'ã ñe'ẽ, oñeko'õi hendive hikuái, ha oñeha'ã oipe'a chugui hekove; ha katu Ñandejára omosāso chupe ipoguikuéra.

27 Ko'ágã rréi Noé ohendu rire umi ñe'ẽ Abinadí he'iva'ekue tavayguakuérape, oñeko'õi avei; ha he'i: Máva piko Abinadí, che ha che tavayguakuéra rojehusga haña hese, térã máva piko Ñandejára, ogueru haña

che tavayguakuéra ári jeiko'asy tuichaitéva?

28 Che ha'e peẽme pegueru haña ko'ápe Abinadí-pe, ajuka haña chupe, ha'e he'i haguere ko'ã mba'e omokyre'ỹ haña che tavayguakuérape ipochy haña oñondive, ha omoí haña joavy che tavayguakuéra apytépe; upévare ajukáta chupe.

29 Ko'ágã tavayguakuéra resa oñemboty; upévare omohatã hikuái ikorasõkuéra Abinadí ñe'ẽre, ha upe guive oheka hikuái ojagarra haña chupe. Ha rréi Noé omohatã ikorasõ Ñandejára ñe'ẽre, ha noñearrepentíri hembiaipoñañágui.

ÑEMBYATY 12

Abinadí oñemoĩ ka'irāime oprofetisa haguere tavayguakuéra ñehundi ha rréi Noé ñemano—Sacerdote-kuéra añetegua'ýva oñe'ẽ escritura-kuérare ha he'igua'u iñe'ẽrenduha Moisés léire—Abinadí oñepyrũ ombo'e umi diez tembapoukapykuéra. 148 ary rupi Cristo mboýve.

Ha ojehe mokõi ary rire, Abinadí ou ijapytepekuéra oñemondévo ambuéicha, ha upévagui ndoikuaái chupe hikuái, ha oñepyrũ oprofetisa ijapytepekuéra, he'ivo: Péicha he'i chéve Ñandejára, he'ivo—Abinadí, tereho ha eprofetisa kóva ko che tavayguakuérape, ha'ekuéra omohatãgui ikorasõkuéra che ñe'ẽ rehe; noñearrepentíri hikuái hembiaipoñañágui; upévare,

ajúta chupekuéra che pochy reheve, heẽ, che pochyguasu reheve ajúta chupekuéra hembiapovai ha hembiapoky'ápe.

2 Heẽ, ái kóva ko ñemoñare'atýgui! Ha Ñandejára he'i chéve: Eipyso nde po ha eprofetisa, erévo: Péicha he'i Ñandejára, ojuhúta kóva ko ñemoñare'aty, hembiapovai rupi, ojegueraháta ñeñapytĩmbýpe, ha ojeipy'ajopýta hovápe; heẽ, ha oñemuñáta vyvporakuérare ha ojejukáta, ha vyvturehegua yryvu, ha jaguakuéra, heẽ, ha mymbakuéra saite, ho'úta ho'ó.

3 Ha ojuhúta pe rréi Noé rekove oñembohepýta peteĩ ao oĩva tatakua akupeguáicha; ha'e oikuaátagui che ha'eha Ñandejára.

4 Ha ojuhúta che aipy'ajopýta ko che tavayguakuérape jeiko'asyeterei reheve, heẽ, ñembyahýi ha mba'asyvai reheve; ha ahejáta oguahú hikuái opa ára pukukue.

5 Heẽ, ha ahejáta oñemoĩ mba'epohýi ijaperekuéra; ha oñemboguatáta tukumbópe mburika ikiririvaicha.

6 Ha ojuhúta amboúta amandáu ijapytepekuéra, ha oipy'ajopýta chupekuéra; ha ojeipy'ajopýta avei vyvutu kuarahyresẽmegua reheve; ha vichokuéra omyenyhẽta avei hetã, ha ho'úta imba'era'ýingúera.

7 Ha ojeipy'ajopýta chupekuéra tuicha mba'asyvai reheve; ha ajapóta opa ko'ã mba'e hembiapovai ha hembiapoky'akuéra rupi.

8 Ha ojuhúta noñearrepentíriramo

hikuái, che ahundipáta chupekuéra yvy ape árgui; upevére ohejáta hikuái hapykuépe peteĩ kuationjehaipyre, ha che añongatúta umíva ambue tetãnguérape ñuarã ohupytytáva upe tetã; heẽ, jepe kóva ajapóta che ahechauka haña ko tavayguakuéra rembiapoky'a ambue tetãnguérape. Ha heta mba'e oprofetisa Abinadí kóva ko tavayguakuéra rehe.

9 Ha ojehu ipochy hendive hikuái; ha ojagarra chupe ha ogueraha jejokuapyre rréi renondépe, ha he'i hikuái upe rréipe: Péina ápe, rogueru nerenondépe peteĩ kuimba'e oprofetisava'ekue mba'eñaña nde tavayguakuérare, ha he'i Tupã ohunditaha chupekuéra.

10 Ha oprofetisa avei mba'eñaña nde rekove rehegua, ha he'i nde rekove ojoguataha peteĩ ao tatakua akúpe.

11 Ha avei, he'i nde ha'éta peteĩ takuáraicha, jepeve peteĩ takuára piru ñumeguáicha, mymbakuéra saite oitýva ha opyrũ hatáva hese ipýpe.

12 Ha avei, ha'e he'i nde ha'éta kárdo potýicha, hi'ajuporã vove, vyvutu oipejúramo, oñemosambíva yvy ape ári. Ha ha'e he'i Ñandejára he'ihague umíva. Ha ha'e he'i opa ko'áva outaha nde ári nereñearrepentíriramo, ha kóva ne rembiapovaikuéra rupi.

13 Ha ko'ága, o rréi, mba'eñaña tuichaite piko rejapo, térã mba'eichagua tuichaite angaipakuéra piko ojapo nde tavayguakuéra,

Tupã ñanekondena haḡua térã jahusga haḡua ko kuimba'ére?

14 Ha péina ápe, o rréi, péina ápe, ñande ñaime angaipa'yre, ha nde, o rréi, nderejapói angaipa; upévore, ko kuimba'e ijapu he'í-vape nderehe, ha oprofetisarei.

15 Ha péina ápe, ñanembarere; ha ndaja'amo'ái ñeñapytĩmbýpe, ni ndajajeguerahamo'ái ñeñapytĩmbýpe ñanderayhu'yhakuérare; heẽ, ha nde reñakãrapu'ãkuri ko tetãme, ha avei reñakãrapu'áva'erã.

16 Péina ápe, ápe oĩ ko kuimba'e, rome'ẽ nde pópe; ikatu rejapo hendive iporãveháicha ndéve.

17 Ha ojehu rréi Noé omoĩuka Abinadí-pe ka'irãime; ha ohenoiuka sacerdotekuérare, oñembyaty haḡua ikatu haḡuáicha oñemongeta hendivekuéra pe ojapótavare chugui.

18 Ha ojehu he'í hikuái upe rréipe: Egueru ko'ápe roporandu haḡua chupe; ha upe rréi ogueruka chupe henondepekuéra.

19 Ha oñepyrũ ojapo chupe hikuái porandu, omoñe'ẽjoavy haḡua chupe, upéicha oguereko haḡua hikuái mba'érepa omoĩvai chupe; ha katu ha'e ombohováí chupekuéra kyhyje'yme, ha ombohováí opa iporandukuéra, heẽ, ombojurujái peve chupekuéra; ha'e ombohováigui chupekuéra opa iporandúpe, ha omoapañuái opa iñe'enguérare.

20 Ha ojehu peteĩ ijapytepekuéravagui he'í chupe: Mba'e

he'ise umi ñe'ẽ ojehaíva ha oñembo'eva'ekue ñande rukuérare, he'ívo:

21 Iporãite piko yvytykuéra ári pe oguerúva marandu porã py; pe omombe'úva py'agua-pýgui; oguerúva marandu porã imarangatúvagui; omombe'úva salvasiõgui; he'íva Siõn-pe, Nde Tupã orreina;

22 Neñangarekoharakuéra omo-pu'ãta iñe'ẽ; ñe'ẽ oñondivepápe opurahéita, ohechátagui hikuái hesa tee rupi Ñandejára oguerujey vove Siõn-pe;

23 Pesẽ vy'ápe; pepurahéi oñondivepa Jerusalén-pegua tenda nandikuéra; Ñandejára omoangapyhýgui itavayguakuérare, ha'e orredimi Jerusalén-pe;

24 Ñandejára ombo'opívo ijyva marangatu opa tetãnguéra resa renondépe, ha opa yvy opaha peve ohecháta ñande Tupã salvasiõ?

25 Ha ko'ága Abinadí he'í chupekuéra: Peẽ piko ha'e sacerdote, ha peje pembo'eha ko tavayguakuérare, ha peikũmbyha pe espíritu profesía rehegua, ha upevére peikuaase chehegui ko'ã mba'e he'iséva?

26 Che ha'e peẽme, ái pendehegui pembyaigui Ñandejára rape! Peikũmbýramo ko'ã mba'e napembo'etí; upévore, pembyai Ñandejára rape.

27 Napemoĩri pene kora-sõkuéra peikũmby haḡua; upévore, napenearandúi. Upévore, mba'e piko pembo'e ko tavayguakuérare?

28 Ha he'i hikuái: Rombo'e Moisés léi.

29 Ha he'i jey chupekuéra: Pembo'éramo Moisés léi mba'ére piko napeneñe'ërendúi hese? Mba'ére piko pemoĩ pene korasõ mba'ehepykuérare? Mba'ére piko penderekovai ha peiporu pene mbarete kuñarekovai ndive, heë, ha pejapo ko tavayguakuéra ojapo angaipa, Ñandejára oguereko hağua mba'érepa chembou aprofetisa hağua kóva ko tavayguakuéra rehe, heë, jepeve peteĩ tuicha mba'evai ko tavayguakuéra rehe?

30 Ndapeikuaái piko che añe'ëha añetegua? Heë, peikuaa che añe'ëha añetegua; ha peë peryryiva'erã Tupã renondépe.

31 Ha ojuhúta pejeipy'ajopýta pene rembiapovaikuérare, pejégui pembo'eha Moisés léi. Ha mba'e piko peikuaa peë Moisés léigui? Ou piko pe salvasiõ Moisés léi rupi? Mba'épa peje peë?

32 Ha ha'ekuéra ombohová ha he'i pe salvasiõ ouha Moisés léi rupi.

33 Ha katu Abinadí he'i chupekuéra: Che aikuaa peneñe'ërendúramo Tupã rembiapoukapykuérare pejesalvataha; heë, peneñe'ërendúramo umi tembiapoukapykuérare Ñandejára ome'ëva'ekue Moisés-pe Sinai vytytpe, he'ívo:

34 Che ha'e Ñandejára nde Tupã, ndegueruva'ekue Egipto retãgui, pe óga ñeñapytímbýgui.

35 Ndereguerekomó'ai ambue Tupã che renondépe.

36 Nderejapomó'ai mba'evéichagua ta'anga jejapopyre, ni mba'evéichagua ñemoha'anga mba'eve yvate yvágape oiva rehe, ni mba'eve yvyguýpe oiva rehe.

37 Ko'áğa Abinadí he'i chupekuéra, Pejapo piko ra'e opa ko'ã mba'e? Che ha'e peëme, Nahániri, ndapejapói. Ha pembo'e piko ko tavayguakuérarepe ojapopava'e-rãha opa ko'ã mba'e? Che ha'e peëme, Nahániri, ndapejapói.

ÑEMBYATY 13

Abinadí oñemo'ã Tupã rehegua pu'aka rupive—Ha'e ombo'e umi diez tembiapoukapykuéra—Pe salvasiõ ndoúi Moisés léi rupive añónte—Tupãite voi ojapóta peteĩ expiasiõ ha orredimíta itavayguakuérare. 148 ary rupi Cristo mboýve.

HA ko'áğa pe rréi ohendu rire ko'ã ñe'ënguéra, he'i isacerdotekuérare: Pegueraha pe kuimba'épe, ha pejuka; ha mba'e piko ha'e ñandéve ġuarã, ha'e niko itavyrai.

2 Ha oñemotenonde ha oñeha'ã omoĩ hikuái ipo hí'ari; ha katu ha'e ogueropu'aka, ha he'i chupekuéra:

3 Ani pepoko cherehe, Tupã pendepy'ajopýta pemoĩramo pende po che ári, ne'iragui ame'ë pe ñemomandu Ñandejára he'iva'ekue chéve ame'ë hağua; ni nda'ei gueteri peëme pejerureva'ekue chéve ha'e hağua;

upévare, Tupã ndohejamo'ái che añehundi ko'áğa.

4 Ha katu ajapova'erã umi tembiapoukapykuéra Tupã he'iva'ekue chéve; ha ha'égui peëme añetegua pendeepochy chendive. Ha avei, añe'ẽ haguére Tupã ñe'ẽ, chehusga chetavyráha.

5 ko'áğa ojehu Abinadí oñe'ẽ ríre ko'ã ñe'ẽnguéra rreí Noé tavayguakuéra noñanimái omoí ipo hí'ári, Ñandejára Espíritu oĩgui hí'ári, ha hova ojajái mimbí tuichaitereíva reheve, jepe Moiséicha Sinái vyvty'ype, oñe'ẽramo guare Ñandejára ndive.

6 Ha ha'e oñe'ẽ Tupã pu'aka ha autorida reheve; ha oñe'ëve, he'ívo:

7 Peë pehecha ndapeguerekoíha pu'aka chejuka hağua, upévare che ambopaháta che ñemomrandu. Heë, ha ahecha pendejopyha pene korasõme che ha'égui pe añetegua pene rembiapovaikuérare.

8 Heë, ha che ñe'ẽnguéra penemyenyhẽ techaramo ha jurujáigui, ha pochýgui.

9 Ha katu che ambopaháta che ñemomrandu; ha upe ríre taha ahahápe, ajesalváma guive.

10 Ha katu ha'e peëme ko'áva, pejapóva chendive, kóva ríre, ha'éta ñemoha'anga ha ta'anga umi mba'e oútavagui.

11 Ha ko'áğa amoñe'ẽ peëme Tupã rembiapoukapykuéra rembyre, ahechágui umíva ndojeha-íriha pene korasõme; che ahecha peñemoarandu ha pembo'ehague

tembiapovai hetave ára pende rekove aja.

12 Ha ko'áğa, penemandu'a ha'ehague peëme: Nderejapomo'ái mba'evéichagua ta'anga jejapopyre, ni mba'evéichagua mbojoja mba'eve yvate yvágape oíva rehe, ni mba'eve vy'ype oíva rehe, térã umi oíva ykuérape vyvgy'ype.

13 Ha avei: Nereñesũmo'ái henondepekuéra, ni nereipytyvõmo'ái chupekuéra; che Ñandejára nde Tupã ha'égui peteí Tupã hakate'yva, amboúva tuvakuéra rembiapovai ta'yrukuéra ári, mbohapyha ha irundyha ñemoñare'aty peve umi ndacherayhúivagui;

14 Ha ahechauka poria-huvereko miles umi che rayhúvape ha iñe'ẽrendúva che rembiapoukapykuérare.

15 Nderejagarra reimo'ái Ñandejára nde Tupã réra; Ñandejára ndohechamo'áigui iñangaipa'yvaicha héra ojagarrareívape.

16 Nemandu'áke ára japytu'uva'eráháre, emomarangatu hağua.

17 Séi ára remba'apóta, ha reja-popáta ne rembiapo;

18 Ha katu pe sétimo ára, Ñandejára nde Tupã ára japytu'uva'eráhápe, nderejapomo'ái mba'evéichagua tembiapo, nde, ni nde ra'y, ni nde rajy, ni kui-mba'e ne rembiguáiva, ni kuña ne rembiaguáiva, ni ne rymbakuéra, ni nde pytagua oíva ne rokẽ ryepýpe;

19 Ñandejára ojapógui séi árape

yvága ha yvy, ha yguasu, ha opa mba'e ipype oíva; upévare, Ñandejára ohovasa pe ára japytu'uva'eräha, ha omomarangatu.

20 Emomba'eguasu nde sy ha nde rúpe, oñembopuku hağua nde arakuéra yvy ári Ñandejára nde Tupã ome'éva'ekue ndéve.

21 Ndereporojukamo'ái.

22 Nderejapomo'ái ñemoakã-ratí. Neremondamo'ái.

23 Neremopu'ãmo'ái ñe'ẽ añetegua'ỹva nde rapicha rehe.

24 Ndereipotamo'ái nde rapicha róga, ni ndereipotamo'ái nde rapicha rembireko, ni kuimba'e hembiguáiva, ni kuña hembiguáiva, ni iguúi, ni imburika, ni mba'eve ha'éva nde rapicha mba'e.

25 Ha ojehu Abinadí he'ipa rire ko'ã ñe'ẽ, ha'e he'i chupekuéra: Pembo'e piko ko tavayguápe oñeha'áva'eräha ojaopá hikuái ko'ã mba'e iñe'ërendu hağua ko'ã tembiapoukapykuéare?

26 Che ha'e peëme, Nahániri, pejaopórire, Ñandejára ndohejaiva'erämo'ã che aju aprofetisa hağua mba'evai ko tavayguakuéra rehe.

27 Ha ko'ága peë pejëkuri pe salvasiõ ouha Moisés léi rupi. Che ha'e peëme tekotevêha penene'ërendu gueteri pe Moisés léire; ha katu ha'e peëme, outaha ára noñeikotevêmo'ãvéimaha oñe'ërendu Moisés léire.

28 Ha avei, che ha'e peëme, pe salvasiõ ndouiha upe léi rupi añõnte; ha ndaha'éirire pe expiasiõ Tupãite voi ojaopótava itavayguakuéra angaipá ha rembiapovaíre,

ha'ekuéra omanomanteva'erä, upe Moisés léi jepevére.

29 Ha ko'ága ha'e peëme oñeikotevêhague oñeme'ẽ peteí léi Israel ra'ykuérape, heë, jepe peteí léi ipohyietéva; ha'égui hikuái peteí tavayguakuéra ipy'ahatáva, ipya'éva ojaopá hağua tembiapovai ha imbeguéva imandu'a hağua Ñandejára Itupã rehe;

30 Upévare, oñeme'ẽ chupekuéra peteí léi, heë, peteí léi rembipota ha ordenánsa reheguáva, peteí léi ha'ekuéra oñeha'áva'erä ojaopá porã ára ha ára, oñemomandu'a hağua chupekuéra Tupãre ha hembiaoporã hendive ġuaräre.

31 Ha katu péina ápe, che ha'e peëme opa ko'ã mba'e ha'eha ñemoha'anga umi mba'e outavagui.

32 Ha ko'ága, oikũmby piko hikuái upe léi? Che ha'e peëme, Nahániri, ha'ekuéra noikũmbyiete upe léi; ha kóva ikorasõ atã rupi; noikũmbyĩgui hikuái avave yvypóra ndaikatumo'áiha ojesalva ndaha'éiramo tupã rredensiõ rupive.

33 Ha péina ápe, ndoprofetisái piko Moisés chupekuéra pe Mesías jeju rehe, ha Tupã orredimitaha itavayguakuérape? Heë, ha jepeve opa profetakuéra oprofetisava'ekue yvóra ñepyrũmby guive—noñe'ëi piko hetave térã mbovyve ko'ã mba'e rehe?

34 Nde'íri piko hikuái Tupãite voi oguejytaha yvypóra ra'ykuéra apytépe, ha ojagarrataha ijehe

kuimba'e ra'anga, ha ohotaha pu'aka reheve yvy ape ári?

35 Heẽ, ha nde'íri piko avei hi-kuái ha'e ojapotaha omanomava-ekue jeikovejey, ha ha'ete ojejopy ha oñemoingo'asytaha?

ÑEMBYATY 14

Isaías oñe'ẽ pe Mesías rehe—Oñemombe'u pe Mesías ñemotĩndy ha jehasa'asykuéra—Ha'e oikuave'ẽ hi'anga angaipakuérare ha oñemombyte umi tembiapovai'apoháre—Ñambojojáva'erã Isaías 53 rehe. 148 ary rupi Cristo mbojve.

HEË, nde'íri piko Isaías: Máva piko ogueroviákuri ñane ñemombe'u, ha mávape piko ojehechauka Ñandejára jyva?

2 Okakuaátagui henondépe peteĩ ka'avo kyrýicha, ha peteĩ yvy ikáva rapóicha; ndaipóri hese porãngue ni techapyrã; ha jahecha vove, ndaiporimo'ãi hese porã jaipota haɣua chupe.

3 Ha'e ojejahéi ha ojerrechasa vyyporakuérare; kuimba'e ohasa'asyva, ha oikuaáva ñembyasygui; ha ñamokañývaicha chugui ñande rova; ojejahéi hese, ha ndajahayhúi chupe.

4 Añetehápe ha'e ogueropu'aka ñane ñembyasykuéra; ha ogueraha ñande jehasa'asykuéra; upevére jaguereko chupe ohasa'asyvaicha, ojeipy'ajopyva Tupãre ha oiko'asyvaramo.

5 Ha katu ñane rembiapovai-kuérare ha'e ojejopy, ha oñeinupã

ñande rembiapovai-kuérare; ha ñande py'aguapy ñeinupã ho'a hi'ári; ha illagakuérare ñañemonguera.

6 Opavave ñande, ovecháicha, ñasẽ ñande rapégui; ñañemboyke ñande rapére opavave; ha Ñandejára omoĩ hi'ári opa ñane rembiapovai-kuéra.

7 Ha'e ojejopy, ha oiko'asy, ha upevére ndoipe'ái ijuru; ha'e oje-gueraha ovechara'yicha mymba jejukahápe, ha ovecháicha ijuka-harã renondépe opyta kirirĩme, ha péicha ha'e ndoipe'ái ijuru.

8 Ka'irãi ha huísiogui ojeipe'a; ha máva piko omombe'úta iñemoñare'aty? Ojeipe'águi oikovevakuéra retãgui; che tavayguakuéra rembiapovaire ha'e ojeipy'ajopy

9 Iñañáva ndive ha'e omoĩ iñe-ñotýha, ha ipirapire hetáva ndive oĩ iñemanóme; ndojapóigui ha'e mba'eve ivaíva, ni ndaipóri japu ijurupe.

10 Upevére ombohasa'asyse chupe Ñandejára; omoĩ hi'ári ñembyasy; rejapo vove hi'angagui kuave'ẽ angaipare ha'e ohecháta iñemoñare, ombopukúta hi'arakuéra ha Ñandejára rembipota oñakãrapu'áta ipópe.

11 Ha'e ohecháta hi'anga jehasa'asy, ha henyhêta; ikuaapy rupi che rembiguái hekojojáva ohustifikáta hetápe; ogueropu'akátagui hembiapovai-kuéra.

12 Upévore ame'êta chupe peteĩ pehẽngue umi tuicháva ndive, ha ha'e omboja'óta pe mondaypyre umi imbaretéva ndive; ha'e

oñohēgui hi'ánga omano meve, ha ojeipapa chupe tembiapovai apohakuéra ndive; ha ogueropu'aka heta angaipakuéra, ha oñemombyte umi tembiapovai apoha rehe.

NEMBYATY 15

Mba'éicha Cristo ha'e pe Túva ha Ta'ýra—Ha'e oñemombytéta ha ogueropu'akáta itavaguakuéra rembiapovai—Ha'ekuéra ha opavave proféta marangatu ha'e inemoñare—Ha'e ojapo pe jeikovejey—Mitānguéra michíva ogueroko jeikove opave'ýva. 148 ary rupi Cristo mboýve.

HA ko'ánga Abinadí he'i chupekuéra: Che aipota peẽ peikũmby Tupãite voi oguejytaha yvypóra ra'ykuéra apytépe, ha orredimitaha itavayguakuérape.

2 Ha ha'e oikógui ho'ópe oñehenóita chupe Tupã ra'y, ha omoívo ho'ó pe Túva rembipota guýpe, ha'e pe Túva ha pe Ta'ýra—

3 Túva, ha'e heñóigui Tupã pu'aka rupi; ha Ta'ýra, pe to'ó rupive; upéicha oiko chugui Túva ha Ta'ýra—

4 Ha ha'e hikuái peteĩ Tupã, heẽ, pe añetegua Túva Ijapyra'ýva yvága ha yvypegua.

5 Ha péicha pe to'ó oñemoívo pe Espíritu guýpe, térã pe Ta'ýra Túpape, ha'évo peteĩ Tupã, ohasa py'ara'ã, ha katu ndo'ái pe py'ara'ãme, ha katu oheja oñembohory, ha ohavira, ha

omosẽ okápe, ha ombotove chupe itavayguakuéra.

6 Ha opa ko'ã mba'e rire, ojapo rire heta milágro hechapyráva yvypóra ra'ykuéra apytépe, ha'e ojegueraháta, heẽ, jepe Isaías he'i haguéicha, ha ovecha ijukaha renondépeicha opyta kirirĩme, ha ndoipe'ái ijuru.

7 Heẽ, jepe upéicha ojegueraháta, ojuhupíta kurusúre, ha ojekukáta, pe to'ó opytávo jepe ñemano guýpe, upe Ta'ýra rembipota oñemoívo Túva rembipotáicha.

8 Ha péicha Tupã ojora pe ñemano jokuaha, ohupytývo pu'aka pe ñemano ári, ome'évo Ta'ýrape pu'aka oñemombyte ha'gua yvypóra ra'ykuérare—

9 Ojupívo yvágape, henyhẽvo poriahuverekógui ipy'a; henyhẽvo poriahuverekógui yvypóra ra'ykuérare; oñemoívo ha'ekuéra ha pe hustisia mbytépe; ojørávo pe ñemano jokuahakuéra, ojagarrávo ijehe hembiaipoñaña ha hembiapovaikuéra, orredimívo chupekuéra, ha ojapopávo pe hustisia ojeruréva.

10 Ha ko'ánga ha'e peẽme, máva piko omombe'úta inemoñare'aty? Péina ápe ha'e peẽme, hi'ánga oñeikuave'ẽ vove angaipáre ha'e ohecháta inemoñare. Ha ko'ánga, mba'épa peje peẽ? Ha mávapa ha'éta inemoñare?

11 Péina ápe ha'e peẽme, umi ohenduva'ekue profetakuéra ñe'ẽ, heẽ, mayma profetakuéra marangatu oprofetisava'ekue pe Ñandejára jeju rehe—Che ha'e

peême, maymáva umi ohenduva-
'ekue iñe'ënguéra, ha oguerovia-
va'ekue Ñandejára orredimitaha
itavayguakuérape, ha oha'arõ-
'asy upe ára oñerredimi haġua
chupekuéra iñangaipágui, che
ha'e peême, ko'áva ha'e iñemo-
ñare, térã ha'e umi Tupã rréino
ohupytytava.

12 Ko'áva ha'égui umi iña-
ngaipa ha'e o jagarrava'ekue
ijehe; ko'áva ha'e umi ha'e oma-
nova'ekuére, orredimi haġua
chupekuéra hembiapovaigui. Ha
ko'ága, ndaha'ei piko ha'ekuéra
iñemoñare?

13 Heẽ, ha ndaha'ei piko umi
proféta, opavave umi oipe'a-
va'ekue ijuru oprofetisa haġua,
ndo'aiva'ekue tembiapovaípe,
ha'ese opavave umi proféta oĩ-
va'ekue jepe yvóra ñepyrũmby
guive? Che ha'e peême ha'ekuéra
ha'eha iñemoñare.

14 Ha ko'áva ha'e umi omo-
mbe'uva'ekue py'aguapy, umi
ogueruva'ekue marandu porã
mba'eporãgui, omombe'uva'ekue
pe salvasiõ; ha he'íva Siõn-pe:
Nde Tupã orreina!

15 Ha O iporãitekuri ipykuéra
vyty ári!

16 Ha avei, iporãite piko vyty
ári umi py'aguapy omombe'úva
gueteri hína py!

17 Ha avei, iporãite piko vyty
ári umi py'aguapy omombe'ú-
tava upe rire py, heẽ, ko'ára guive
ha tapiaite peve!

18 Ha péina ápe, che ha'e
peême, kóva ndaha'epái. Ha
katu O iporãite piko vyty ári

pe marangatu porã oguerúva
py, ha'éva py'aguapy apohare,
heẽ, jepe pe Ñandejára, orredi-
miva'ekue itavayguakuérape;
heẽ, pe ome'éva'ekue salvasiõ
itavayguakuérape;

19 Ha ndaha'ei rire pe rredensiõ
ha'e o japova'ekue itavaygua-
kuéra rehe, oñembosako'iva-
'ekue yvy ojejapo ypy guive,
che ha'e peême, ndaha'ei rire
upéva rupi, mayma yvypora-
kuéra omanova'erãmo'ã.

20 Ha katu péina ápe, pe ñe-
mano jokuahakuéra ojejeráta, ha
pe Ta'ýra orreináta, ha oguerékóta
pu'aka umi omanomava'ekue ári;
upévale, o japóta umi omanoma-
va'ekue ñemoingovejey.

21 Ha ou petei jeikovejey, jepe
petei jeikovejey peteiha; heẽ, jepe
petei jeikovejey umi oikoveva'e-
kue, oikóva, ha oikovétavagui,
jepé Cristo jeikovejey peve—u-
péicha ha'e oñehenóitagui.

22 Ha ko'ága, mayma profeta-
kuéra jeikovejey, ha opavave umi
ogueroviava'ekue iñe'ënguéra,
térã opavave umi iñe'ërendu-
va'ekue Tupã rembiapoukapy-
kuérare, oje japóta pe jeikovejey
peteiháme; upévale, ha'ekuéra
ha'e pe jeikovejey peteiha.

23 Ha'ekuéra oñemopu'ã oiko
haġua Tupã ndive orremidiva'e-
kue chupekuéra; upéicha ogue-
reko hikuái tekove opave'ýva
Cristo rupive, pe ojavava'ekue
ñemano jokuahakuéra.

24 Ha ko'áva ha'e umi ogue-
rekóva hendaġua pe jeikovejey
peteiháme; ha ko'áva ha'e umi

omanova'ekue Cristo ou mboyve, jeikuaa'ÿme, oñemombe'u'ÿre chupekuéra pe salvasiõgui. Ha péicha Ñandejára ojapo ko'áva ñemoijey; ha oguereko hikuái hendaña pe jeikovejey peteiháme, térã oguereko hikuái tekove opave'ÿva, oñerredimívo hikuái Ñandejára rehe.

25 Ha mitãnguéra michíva oguereko avei tekove opave'ÿva.

26 Ha katu péina ápe, pekyhyje, ha peryrýi Tupã renondépe, peguerekógui mba'érepa peryrýi haña; Ñandejára norredimírigui avave opu'ávape hese ha omanóva iñangaipápe; heẽ, jepe mayma umi omanova'ekue iñangaipápe jepe yvy ñepyrũmbyguive, umi opu'áva Tupã rehe opu'áséguinte, oikuaava'ekue Tupã rembiapoukapykuéra, ha naiñe'ënduséi hese; ko'áva ha'e umi ndoguerekóiva hendaña pe jeikovejey peteiháme.

27 Upévare ndaperyryiva'erã piko? Pe salvasiõ ndougui mavave ko'ávape; Ñandejára norredimírigui avave ko'ávape; heẽ, ni ndaikatúi Ñandejára orredimi chupekuéra; ndaikatúigui ha'e iñe'ẽ'avy; ndaikatúigui ha'e onega hustísiape kóva ojerurévo imba'éva.

28 Ha ko'áña che ha'e peẽme outaha ára pe Ñandejára salvasiõ oñemombe'utaha opa tetãnguéra, avaretãnguéra, ñe'ẽnguéra, ha tavakuérape.

29 Heẽ, Ñandejára, ñangarekoharakuéra omopu'áta iñe'ẽ; oñondivepa opurahéita hikuái;

ohechátgui hikuái hesa tee rupi, Ñandejára oguerujey vove Sión-pe.

30 Pesẽ vy'ápe, pepurahéi oñondivepa, Jerusalén-pegua tenda nandikuéra; Ñandejára omoangapyhýgui itavayguakuérape, ha'e orredimi Jerusalén-pe.

31 Ñandejára ombo'opívo ijyva marangatu opa tetãnguéra resa renondépe; ha opa yvy opaha peve ohecháta ñane Tupã salvasiõ.

ÑEMBYATY 16

Tupã orredimi yvyporakuérape iñeime kañy ha je'águi—Umi oñeme'éva hete oipotávape opyta ndaiporiramoguáicha rredensiõ—Cristo ojapo peteĩ jeikovejey ha'éva tekove opave'ÿva térã kondenasiõ opave'ÿvape ñuarã. 148 ary rupi Cristo mboyve.

HA ko'áña, ojehu Abinadí oñe'ẽmba rire ko'ã ñe'ẽ oipyso ipo ha he'i: Oúta ára maymáva ohechatahápe Ñandejára salvasiõ; opa tetãnguéra, avaretãnguéra, ñe'ẽnguéra, ha tavakuéra ohechataha hesa tee rupi ha omombe'úta Tupã renondépe ihuisiokuéra ijojaha.

2 Ha uperõ umi iñañáva oñemosëta okápe, ha oguerekóta hikuái mba'érepa oguahu ha hasẽ, ojahe'o, ha ombopu hãikuéra; ha upéva nohenduséi haguére hikuái Ñandejára ñe'ẽ; upévare, Ñandejára norredimíri chupekuéra.

3 Ha'ekuéra oñeme'ẽgui hete oipotávape ha iñaña, ha pe aña oguereko pu'aka hesekuéra; heẽ, jepe pe mbói ymaguare ombotavyva'ekue ñande rukuérape, ha'éva'ekue ije'akuéra apoha; ojapova'ekue opa yvypóra oñeme'ẽ hete oipotávape, mba'éva-ípe, ha añauguíape, oikuaávo iporáva ha ivaíva, oñemoívo pe aña poguýpe.

4 Upéicha mayma yvypóra okañy; ha péina ápe, ha'ekuéra okañyva'erāmo'ã tapiate peve Tupã norredimíri rire itavayguakuérape iñeime kañy ha je'águi.

5 Ha katu penemandu'a pe oñeme'ẽva hete oipotávape, ha oho meméva angaipakuéra ha Tupãre ñepu'ã rapére, opyta iñeime je'ápe ha pe aña oguereko opa pu'aka hese. Upévore ha'e opyta ndojejapoiramoguáicha mba'évéichagua rredensiõ, ha'évo Tupã ohayhu'ỹva; ha avei pe aña ha'e Tupã ohayhu'ỹva.

6 Ha ko'ága Cristo ndouí rire yvórape, añe'ẽvo mba'e oikó-tavagui oikomaramoguáicha, ndaiporiva'erāmo'ã rredensiõ.

7 Ha Cristo nopy'airire omanomava'ekue apytégui, térã ndojoráirire ñemano jokuahakuéra pe ñeñotýha ndoguerekói haña pu'aka, ni pe ñemano ndoguerekói haña popia, ndaiporiva'erāmo'ã jeikovejey.

8 Ha katu oĩ peteĩ jeikovejey, upévore pe ñeñotýha ndoguerekói pu'aka, ha pe ñemano popia oñemoí Cristo poguýpe.

9 Ha'e niko ha'e pe yvóra resape ha rekove; heẽ, peteĩ tesape opave'ỹva, araka'eve ndaikatúiva iñypytũ; heẽ, ha avei peteĩ tekove opave'ỹva, anive haña oĩ ñemano.

10 Jepe ko omanokuaáva oñemondéta ñemano'ỹgui, ha ko oñembyaikuaáva oñemondéta ñembyai'ỹgui, ha ojegueraháta oñembo'y haña Tupã trivunal renondépe, ojehusga haña hese hembiapokuérare taha'e iporã térã ivaíva—

11 Iporãramo, peteĩ jeikovejey tekove opave'ỹvape ha vy'apavẽme; ha ivaíramo katu, peteĩ jeikovejey kondensasiõ opave'ỹvape, oñeme'ẽvo pe añáme, omoíva chupekuéra ipoguýpe, ha upéva ha'e kondensasiõ—

12 Ojapóvo hikuái hete rembi-pota ha oipotaháicha; nohenóivo araka'eve Ñandejárape pe ijyva poriahuvereko ojeipysy aja chupekuéra guarã; pe poriahuvereko jyva ojeipysógui chupekuéra guarã, ha ndoipotaiva'ekue hikuái; oje'e rire chupekuéra hembiapovaikuéragui ha upevére ndojeíri hikuái chuguikuéra; ha oje'e chupekuéra oñearrepenti haña ha upevére noñearrepentisetí hikuái.

13 Ha ko'ága, ndaperyryiva'erã piko ha peñearrepenti pene angaipakuéragui, ha penemandu'a Cristo-pe ha ha'e rupi mante ikatuha pejesalva?

14 Upévore, pembo'éramo Moisés léi, pembo'e avei omo-ha'angaha umi mba'e oútava—

15 Pembo'e chupekuéra pe rrendisiõ ouha Cristo-pe Ñandejára rupive, ha'éva pe añetegua Túva Ijapyra'yva. Amén.

NEMBYATY 17

Alma oguerovia ha ohai Abinadí ñe'ënguéra—Abinadí ohasa ñemano tata rupi—Ha'e oprofetisa ijukaharekuéra ári mba'asy ha tata rupi ñemano. 148 ary rupi Cristo mboypve.

HA ko'ágã ojehu Abinadí oñe'ëmba rire, pe rréi he'i umi sacerdote-kuérape ojagarra ha ojuka hağua chupe.

2 Ha katu oĩ ijapytepekuéra peteĩ hérava Alma, ha'éva avei Nefi ñemoñare. Ha ha'e peteĩ kuimba'e imitáva, ha oguerovia umi ñe'ënguéra Abinadí oñe'ëva'ekue, oikuaágui umi tembiapovai Abinadí otestifikava'ekue hesekuéra; upévore ha'e oñepyrũ oñe'ë upe rréipe ani hağua ipochy Abinadí ndive, ha katu toheja chupe toho py'aguapýpe.

3 Ha katu pe rréi oñeko'õivéntema, ha omosëka Alma-pe ijapytepekuéragui, ha omondo hapykuéri hembiguaikuérape ojuka hağua chupe.

4 Ha katu ha'e oñani henondeguikuéra ha okañy ha upéicha ndojuhúi chupe hikuái. Ha okañy aja heta ára ohai opa umi ñe'ënguéra Abinadí oñe'ëva'ekue.

5 Ha ojehu pe rréi omondo hembiguaikuérape ojere hağua

Abinadí rehe ha ojagarra hağua chupe; ha ojokua ha oity hikuái chupe ka'irãime.

6 Ha mbohapy ára rire, oñe'ëvo isacerdotekuéra ndive, ha'e he'i ojegeraha jey hağua chupe henondépe.

7 Ha ha'e he'i chupe: Abinadí, rojuhu peteĩ mba'e ro'eva'erã nderehe, ha upévore rejejukava'erã.

8 Nde ere haguére Tupãite voi oguejytaha yvypóra ra'ykuéra apytépe; ha ko'ágã, upéva rupi ojeipe'áta ndehogui nde rekove nderejevýramo opa umi ñe'ë vai ereva'ekue cherehe ha che tavayguakuéra rehe.

9 Ko'ágã Abinadí he'i chupe: Che ha'e ndéve, ndajevymo'ãiha umi ñe'ë ha'eva'ekue ndéve ko tavayguakuérare, ha'égui añetegua; ha reikuaa hağua añeteguaha che ahejákuri ta'a nde pópe.

10 Heë, ha ahasáta ñemano jepeve, ha ndajevymo'ãi che ñe'ënguérargui, ha ko'áva opu'áta testimónioramo nderehe. Ha chejukáramo reñohëta tuguy iñangaipa'yva, ha kóva opu'áta avei testimónioramo nderehe pe ára pahápe.

11 Ha ko'ágã rréi Noé haimete ojora chupe, okyhyjégui iñe'ëgui; ha'e okyhyjégui Tupã huisiokuéra ouramo ġuarã hí'ári.

12 Ha katu umi sacerdote omopu'ã iñe'ë Abinadí rehe, ha oñepyrũ oñe'ë'api hese he'ivo: Ha'e oñe'ëvai pe rréire. Upévore pe rréi oñemokyre'y hese pochyrã, ha ome'ë chupe ojejuka hağua.

13 Ha ojehu ojagarra ha ojokua

chupe hikuái, ha ohavira hete tatapỹime, heẽ, jepe omano meve.

14 Ha ko'áãga umi tatarendy oñepyũvo ohapy chupe, ha'e osapukái chupekuéra, he'ívo:

15 Péina ápe, jepe pejapo haguéicha cherehe, péicha pene ñemoñare hetápe ombohasaukáta ko'ã mba'e'asy che ahasáva, jepe tata rupi ñemano; ha kóva ogueroviágui hikuái pe Ñandejára Itupã salvasiõ.

16 Ha ojuhúta peẽ pejejopýta opáichagua mba'asy reheve penerembiapovai haguére.

17 Heẽ, ha pejeipy'ajopýta opárupi, ha peñemosẽ ha peñemosarambíta ágoty ha pégoty, jepe peteĩ mymba ka'aguy aty oñemuñaháicha mymba ka'aguy saite ha iñarõvare.

18 Ha upe árape pejejagarráta, ha pe'áta penderayhu'ỹhakuéra pópe, ha pehasa'asyta, che ahasa'asy haguéicha, tata rupi ñemano mba'e'asykuéra.

19 Péicha ojapo Tupã ivengánsa umi itavayguakuérape ohundíva ári. O Tupã, ejagarra che ánga.

20 Ha ko'áãga, Abinadí he'í rire ko'ã ñe'ẽ, ho'a, ohasa rire ñemano tata rupi; heẽ, ojejuka rire chupe nonegaséigui Tupã rembiapoukapykuéra, osella rire iñe'ẽ añetegua iñemano rupi.

NEMBYATY 18

Alma ohekombó'e ñemiháme—Ha'e ombo'e pe konvénio ñemongarai

rehegua ha oporomongarai Mormón ykuérape—Ha'e omopu'ã Cristo Tupao ha o'ordena sacerdote-kuéra—Ha'ekuéra oñemongaru tembiapo ipopegua reheve ha ombo'e tavayguakuérape—Alma ha itavayguakuéra okañy tave'ỹme rréi Noé-gui. 147–145 ary rupi Cristo mboýve.

HA ko'áãga, ojehu Alma, okañy-va'ekue rréi Noé rembiguaukuéragui, oñearrepenti iñangaipa ha hembiapovaikuéragui, ha oho ñemiháme tavayguakuéra apytépe, ha oñepyru' ombo'e Abinadí ñe'ẽnguéra—

2 Heẽ, pe ouva'erã rehe, ha avei umi omanova'ekue jeikovejey rehe ha pe tavayguakuéra rrendensiõ rehe, ojejapótava Cristo pu'aka, jehasa'asy, ha ñemano rupive, ha ijeikovejey ha yvágape ijepupi rupive.

3 Ha opa ohendusévape iñe'ẽ ha'e ombo'e. Ha ha'e ombo'e chupekuéra kañyháme, ani ha'gua pe rréi oikuaa. Ha heta oguerovia iñe'ẽnguéra.

4 Ha ojehu opavave ogueroviáva chupe oho peteĩ tenda hérava Mormón-pe, térã oñeme'ẽva'ekue chupe pe rréi rehe, ha oíva upe tetã rembe'ýpe, ha sapy'a py'a térã hi'araitépe, henyhëva mymba saitégui.

5 Ko'áãga, oĩ Mormón-pe peteĩ ykua yvu satí, ha Alma oho jepi upépe, oĩgui pe y ypýpe peteĩ tenda henyhëva vyramata'ígui, okañyháme arakue aja pe rréi jehekágui.

6 Ha ojehu opavave ogueroviáva

chupe oho upépe ohendu haġua iñe'ēnguéra.

7 Ha ojehu heta ára rire oĩ heta ijatýva pe tenda hérava Mormón-pe, ohendu haġua Alma ñe'ēnguéra. Heẽ, opavave ogue-roviáva iñe'ēnguéra oñemyaty ohendu haġua chupe. Ha ombo'e chupekuéra, ha ombo'e chupekuéra pe arrepentimiénto, ha pe rredensiõ, ha Ñandejárare jeguerovia.

8 Ha ojehu ha'e he'i chupekuéra: Péina ápe, Mormón ykuéra (upéicha oñehenóigui) ha ko'áġa, peikeséramo Tupã rredílpe ha peñehenói itavayguakuéra, ha peguerahase ojupe pene mba'e pohyikuéra ivevúi haġua;

9 Heẽ, ha peneraséséramo umi hasẽva ndive; heẽ, ha pemoangapyhyse umi oikotevẽvape angapyhy, ha ha'eséramo Tupã testigo opa ára, ha opa mba'épe, ha opa tenda peimehápe, jepe ñemano meve, peñerredimi haġua Tupãre, ha pejeipapa haġua umi jeikovejey peteĩha rehegua ndive, peguereko haġua tekove opave'ỹva—

10 Ko'áġa ha'e peẽme, péva ha'éramo pene korasõ oipotáva, mba'ére piko napeñemongaraimo'ái Ñandejára rérape, testimónioramo henondépe pejapohague peteĩ konvénio hendive, peipytyvõtaha chupe ha peneñe'ẽrendutaha hembiapoukapykuérare, ha'e oñohẽve haġua ijespíritu pende ári?

11 Ha ko'áġa umi tavayguakuéra ohendúvo ko'ã ñe'ẽ, ojepopete

hikuái vy'águi, ha he'i: Péva ha'e ore korasõ oipotáva.

12 Ha ko'áġa ojehu Alma ojagarrá Helam-pe, ha'éva peteĩháva, ha oho ha oike ýpe, ha ojerure'asy, he'ivo: O Ñandejára, eñohẽ nde Espiritu ne rembiguái ári, ha'e ojapo haġua ko tembiapo korasõ marangatu reheve.

13 Ha he'i rire ko'ã ñe'ẽ, Ñandejára Espiritu ou hí'ári, ha ha'e he'i: Helam, che romongarai, aguerekóvo Tupã Ipu'akapáva autorida, testimónioramo rejapohague konvénio reipytyvõtaha chupe remano meve pe tete omanokuaávape; ha Ñandejára Espiritu toñeñohẽ nde ári; ha ha'e tome'ẽ ndéve tekove opave'ỹva, Cristo rredensiõ rupive, ha'e ombosako'iva'ekuépe yvy ojajapo ppy guive.

14 Ha Alma he'i rire ko'ã ñe'ẽ, mokõivéva Alma ha Helam oñapymy ýpe; ha opu'ã hikuái ha osẽ pe ýgui vy'ápe, henyhẽgui hikuái pe Espiritugui.

15 Ha avei, Alma ojagarra ambuévape, ha oike ýpe mokõiha jey, ha omongarai chupe ojapo haguéicha pe peteĩha ndive, ha katu ha'e noñapymivéima ýpe.

16 Ha péicha omongarai opavave ohóvape tenda Mormón-pe; ha ha'e hikuái doscientos cuatro ánga; heẽ, ha oñemongarai hikuái Mormón ykuérape, ha henyhẽ hikuái Tupã grásiagui.

17 Ha oñehenói chupekuéra Tupã tupao, térã Cristo Tupao, upe ára guive tenonde peve. Ha ojehu mayma oñemongaraíva

Tupā pu'aka ha autorida rupive, oñemoi itupaope.

18 Ha ojehu Alma, oguerekóvo Tupā pu'aka, o'ordena sacerdote-kuéra, jepe petei sacerdote cincuenta ha'ekueraaguávape guarā ha'e o'ordena ohekombo'e haḡua chupekuéra, ha ombo'e chupekuéra umi mba'e Tupā rreinopegua.

19 Ha he'i chupekuéra ani haḡua ombo'e mba'eve ndaha'éiramo umi mba'e ha'e ombo'eva'ekue, ha oje'eva'ekue profetakuéra marangatu juru rupive.

20 Heē, jepe he'i chupekuéra ani haḡua ombo'e mba'eve ndaha'éiramo pe arrepentimiénto ha jeguerovia Ñandejárare, orredimiva'ekue itavayguakuérape.

21 Ha he'i chupekuéra ndaiporiva'erāha ñorairō ijapytepekuéra, ha katu oma'eva'erāha hikuái tenonde gotyo petei ñema'eme, oguerekóvo petei jerovia ha petei ñemongarai, ombojoajúvo ikorasōkuéra joaju ha mborayhúpe peteiva ambuévare.

22 Ha péicha ha'e he'i chupekuéra ombo'e haḡua. Ha péicha oiko chuguikuéra Tupā ra'y.

23 Ha he'i chupekuéra ojesarekova'erāha pe ára japytu'uva'erāhare, ha omomarangatuva'erā hikuái, ha avei ome'eva'erā aguyje opa ára Ñandejára Itupāme.

24 Ha he'i avei chupekuéra umi sacerdote oñeordenava'ekue omba'apova'erāha ipo rupi oñemongaru haḡua ijupe.

25 Ha o'i petei ára arapokōindypegua oñemoiva'ekue oñembyaty

haḡua hikuái ombo'e haḡua itavayguakuérape, ha otupaitū haḡua Ñandejára Itupāme, ha avei, py'yi ikatuháicha, oñembyatyva'erā hikuái.

26 Ha umi sacerdote nosaingói tavayguakuérare oñemongaru haḡua; ha katu hembiaipo rupi ohupytyva'erā hikuái Tupā grásia, oñemombarete haḡua pe Espiritu-pe, oguerekóvo Tupāgui jeikuaa, ombo'e haḡua hikuái Tupā pu'aka ha autorida reheve.

27 Ha avei Alma he'i pe tupaopegua tavayguakuéra ome'eva'erāha imba'erepýgui, opavave oguerekoháicha; oguereko hetavérō ome'èveva'erā; ha pe oguereko'ivévape, mbovymínte ojejerureva'erā; ha pe ndoguerekóivape oñeme'eva'erā.

28 Ha péicha ome'eva'erā hikuái imba'ehepýgui ha'ekuéra oipotareígui ha ome'eporáségui Tupāme, ha umi sacerdote oikotevévape, heē, ha umi ánga oikotevètereiva, ha ijopívovape.

29 Ha kóva ha'e he'i chupekuéra, he'ígui chupe Tupā; ha uguatajoja hikuái Tupā renondépe, ome'evo ojupe yvy arigua ha espíritu reheguáva oikotevè ha oipotaháicha hikuái.

30 Ha ko'ága ojehu opa ko'áva ojejapo Mormón-pe, heē, Mormón ykuéra ykére, ka'aguype oíva Mormón ykuéra ypýpe; heē, Mormón renda, Mormón ykuéra, Mormón ka'aguy, iporáite piko umíva umi upépe Irredentor jeikuaápe oḡuahēva'ekue resa

renondépe; heē, ha ojevovasaite piko hikuái, ha'ekuéra opurahéi-tagui ñemomorã tapiaite peve.

31 Ha ko'ã mba'e ojejapo pe tetã rembe'ýpe, ani haḡua oikuaa upe rréi.

32 Ha katu péina ápe, ojeheu upe rréi, ohechakuaávo peteĩ ñemomýi itavayguakuéra apytépe, omondo hembiguaiquerape omañañemi haḡua hesekuéra. Upévare ára oñembyaty jave hikuái ohendu haḡua Ñandejára ñe'ẽ oñemombe'u chuguikuéra rréipe.

33 Ha ko'áḡa pe rréi he'i Alma omokyre'ýha tavayguakuérape opu'ã haḡua hese; upévare omondo ijehérsito ohundi haḡua chupekuéra.

34 Ha ojeheu Alma ha Ñandejára tavayguakuérape ojeikuaaouka ouha pe rréi ehérsito; upévare ojagarra hikuái hogaaou ha hogaguakuérape ha osẽ hikuái pe tave'ýme.

35 Ha oĩ hikuái cuatrocientos cincuenta ánga rupi.

ÑEMBYATY 19

Gedeón ojukase rréi Noé-pe—Lamanita-kuéra oike upe tetãme—Rréi Noé ohasa tatápe ñemano—Limhi oisãmbyhy peteĩ tendotáicha ohepyme'ẽva tetãme jehepyme'ẽ. 145–121 ary rupi Cristo mbovyve.

Ha ojeheu pe rréi ehérsito oujey, ohekarei rire Ñandejára tavayguakuérape.

2 Ha ko'áḡa péina ápe, upe rréi ehérsito mbovyymi, oñemomichĩgui, ha oñepyrũ oĩ peteĩ ñemboja'oumi tavayguakuéra rembyre apytépe.

3 Ha umi imbovyvéva oñepyrũ oñe'ẽpohýi upe rréi rehe, ha oñepyrũ oĩ tuicha joavy ijapytepekuéra.

4 Ha ko'áḡa oĩkuri ijapytepekuéra peteĩ kuimba'e hérava Gedeón, ha ha'évo peteĩ kuimba'e imbaretéva ha rréipe ohayhu'ýva, upévare ha'e oguenohẽ ikysepuku, ha oñe'ẽme'ẽ ñeko'õime ojukataha upe rréipe.

5 Ha ojeheu ha'e oñorairõ pe rréi ndive; ha pe rréi ohechávo ha'e ipu'akataamaha hese okañy ha oñani ha ojupi pe tórre oĩva témplo ypýpe.

6 Ha Gedeón oho hapykuéri ha ojupítakuri pe tórrepe ojuka haḡua rréipe, ha upe rréi omaña Shemlón retã gotyo, ha péina ápe, lamanita-kuéra ehérsito oĩma pe tetã rembe'y ryepýpe.

7 Ha ko'áḡa upe rréi ojerure'asy opa hi'ánga jepy'apy reheve, he'ívo: Gedeón, che perdonána, Lamanita-kuéra niko oĩ ñande ári, ha ñanerundíta; heē, ohundíta hikuái che tavayguakuérape.

8 Ha ko'áḡa upe rréi ndojepy'apyiete itavayguakuérare ojepy'apyháicha hekovére; upevére, Gedeón operdona chupe hekove.

9 Ha upe rréi he'i itavayguakuérape okañy haḡua lamanita-kuéra renondégui, ha ha'ete voi oho henonderãkuéra, ha ha'ekuéra

okaňy tave'ỹme, hambireko ha ita'yra kuéra ndive.

10 Ha ojehu lamanita-kuéra oho hapykuerikuéra, ha ohupyty, ha oñepyrũ ojuka chupekuéra.

11 Ha ojehu upe rréi he'í opavave kuimba'ekuéra ohejava'erãha hambireko ha ita'yra kuérape, ha okaňy Lamanita-kuéra renondégui.

12 Ko'áğa oĩ heta ndohejaséiva chupekuéra, ha katu opytase omano hağua hendivekuéra. Ha umi ambuéva oheja hambireko ha ta'yra kuérape ha okaňy.

13 Ha ojehu umi opytava'ekue hambireko ha ita'yra kuéra ndive oheja itajyrakuéra iporãitéva osẽ ha ojerure hesekuéra lamanita-kuérape ani hağua ojuka chupekuéra.

14 Ha ojehu lamanita-kuéra oiporiahuvareko chupekuéra, oguerohoryetereĩgui hikuái umi ikuñanguéra porãngue.

15 Upévore lamanita-kuéra operdona chupekuéra hekove, ha ojararra chupekuéra ñeñapytĩmbýpe ha oguerahajey Nefi retãme, ha oheja chupekuéra ohupyty upe tetã omoĩtaramo hikuái rréi Noé-pe lamanita-kuéra pópe, ha ome'ẽ hikuái imba'ehepykuéra, jepe opa mba'e oguerékóvaguĩ imbytere, hí'óro, ha ipláta, ha opa imba'e porãnguéra mbytere, ha upéicha ohepyme'ẽva'erã hikuái tetãme ojehepyme'ẽva lamanita-kuéra rréipe peteĩ arýgui ambue arýpe.

16 Ha ko'áğa oĩkuri peteĩ upe rréi ra'y umi ojegerahava'ekue

ñeñapytĩmby apytépe, hérava Limhi.

17 Ha ko'áğa Limhi ndoipo-tái itúva oñehundi; upevére, Limhi, oikuaa itúva hembiaopvaiha, he'égui ha'e kuimba'e hekojojáva.

18 Ha ojehu Gedeón omondo kuimba'ekuéra kañyháme tave'ỹme, oheka hağua rréi Noé-pe ha umi hendive oĩvape. Ha ojehu ha'ekuéra ojuhu tavayguakuérape tave'ỹme, opavavépe ha upe rréi ha umi isacerdotekuérape katu nahániri.

19 Ko'áğa ha'ekuéra oñe'ẽme'ẽkuri ikorasõme oujeytaha Nefi retãme, ha hambirekokuéra ha ita'yra kuéra ojejukáramo, ha avei umi opytava'ekue hendivekuéra, oñeha'ãta hikuái oñevenga ha omanóta avei hendivekuéra.

20 Ha upe rréi he'í chupekuéra ani hağua ohojey; ha ipochy hikuái upe rréi ndive, ha ombohasa chupe hikuái, jepe pe tata rupive ñemano.

21 Ha ojagarrapota jave avei hikuái sacerdote-kuérape ha ojuka, ha'ekuéra okaňy henondeguikuéra.

22 Ha ojehu oĩma hikuái ohojey hağuaicha Nefi retãme, ha ojuhu hikuái Gedeón kuimba'ekuérape. Ha Gedeón kuimba'ekuéra omombe'u chupekuéra opa mba'e ojehuva'ekue hambireko ha ita'yra kuérape; ha lamanita-kuéra ohejahague chupekuéra ohupyty upe tetã ohepyme'ẽvo lamanita-kuérape peteĩ tetãme

ojehepyme'ēva ha'ēva opa umi mba'e oguerekóva mbyte.

23 Ha tavayguakuéra omombe'u Gedeón kuimba'ekuérape ojukahague hikuái upe rréipe, ha isacerdotekuéra okañyhague chuguikuéra pe tave'ỹme.

24 Ha ojeju opa rire pe ñembyaty, ohojey hikuái Nefi retãme, vy'ápe, hambireko ha ita'yra kuéra ndojejukái haguére; ha omombe'u Gedeón-pe ojapova'ekue hikuái upe rréi rehe.

25 Ha ojeju pe lamanita-kuéra rréi ojapo chupekuéra peteĩ ñe'ēme'ē, itavayguakuéra ndojukamo'ãiha chupekuéra.

26 Ha avei Limhi, ha'évo pe rréi ra'y, oñeme'ēvo chupe upe rréino tavayguakuéra rupi, ojapo peteĩ ñe'ēme'ē lamanita-kuéra rréipe itavayguakuéra ohepyme'ētaha chupe tetãme ojehepyme'ēva, jepe opa imba'erepykuéra mbytégui.

27 Ha ojeju Limhi oñepyrũ omopu'ã upe rréino ha omoĩ py'aguapy itavayguakuéra apytépe.

28 Ha Lamanita-kuéra rréi omoĩ ñangarekohára upe tetã jerére, ikatu hağua ojoko upe tetãme Limhi tavayguakuérape, ani hağua oho hikuái tave'ỹme; ha omongaru iñangarekoharakuérape upe tetãme ojehepyme'ēva ohupytýva nefita-kuéragui reheve.

29 Ha ko'áğa rréi Limhi oguereko py'aguapy meme irréinope mokõi ary aja, lamanita-kuéra nomyangekói ni noñeha'ávégui ohundi chupekuéra.

ÑEMBYATY 20

Lamanita-kuéra rajy apytégui oĩ oñemokañyva rréi Noé sacerdote-kuéra rupive—Lamanita-kuéra ou ñorairõrã Limhi ha itavayguakuéra ári—Lamanita-kuéra aty ojerrechasa ha oñembopy'aguapy. 145–123 ary rupi Cristo mbovyve.

Ko'ÁĞA oĩ Shemlón-pe peteĩ tenda lamanita-kuéra rajy oñembyatyhápe opurahéi, ha ojeroky, ha ovy'a hağua.

2 Ha ojeju peteĩ ára oñembyaty mbovyymi ijapytepekuéragui opurahéi ha ojeroky hağua.

3 Ha ko'áğa umi rréi Noé sacerdote, otígui ohojey hağua Nefi retãme, heẽ, ha avei okyhyjégui umi tavayguakuéra ojukataha chupekuéra, noñanimái ohojey hikuái hambireko ha ita'yra kuéra rendápe.

4 Ha opytávo pe tave'ỹme, ha ojuhúvo lamanita-kuéra rajýpe, okañy hikuái ha oma'ẽñemi hesekuéra;

5 Ha oñembyaty jave mbovy-mínte ijapytepekuéragui ojeroky hağua, ha'ekuéra osẽ inemihágui, ha ojarra chupekuéra ha ogueraha pe tave'ỹme; heẽ, veinticuatro Lamanita rajykuérape ogueraha hikuái tave'ỹme.

6 Ha ojeju lamanita-kuéra ohechakuaámarõ itajyra kuéra okañyha, ipochy Limhi tavayguakuéra ndive, oimo'águi hikuái ha'ehague Limhi tavayguakuéra.

7 Upévare ha'ekuéra omondo ijehersitokuéra; heẽ, jepe pe

rréi oho itavayguakuéra renondépe; ha ha'ekuéra ojupi Nefi retãme ohundi hağua Limhi tavayguakuérape.

8 Ha ko'áğa Limhi ohecha chupekuéra pe tórre guive, jepe opa ñembosako'ikuéra ñorairōrã ha'e ohecha; upévare ha'e ombyaty itavayguakuérape ha oha'arō chupekuéra kañyhápe umi ñu ha ka'aguýpe.

9 Ha ojehu lamanita-kuéra ojupi vove, Limhi tavayguakuéra oñepyrũ ho'a hi'arikuéra ñemihágui, ha oñepyrũ ojuka chupekuéra.

10 Ha ojehu pe ñorairō ipohyieterei, oñorairōgui hikuái leõicha imondapyrére.

11 Ha ojehu Limhi tavayguakuéra oñepyrũ ogueraha lamanita-kuérape henonderã; jepe ndahetái hikuái umi lamanita-kuéraicha. Ha katu ha'ekuéra oñorairō hekovére, ha hambirekokuéra, ha ita'y-rakuérare; upévare ha'ekuéra oñeha'ãmbaite ha oñorairō dragõicha.

12 Ha ojehu ha'ekuéra ojuhu lamanita-kuéra rréipe he'õnguekuéra apytépe; upevére ha'e nomanói gueteri, ojekutu ha ojehejavo yvýpe, pya'etereĩgui itavayguakuéra ñekañy.

13 Ha ojarra chupe hikuái ha ojokua ojekutu haguépe, ha ogueru chupe Limhi renondépe, ha he'i hikuái: Péina ápe, ko'ápe oĩ lamanita-kuéra rréi; ojekutúvo ho'ákuri he'õnguekuéra apytépe, ha ha'ekuéra oheja chupe; ha péina ápe, ore rogueru

nerenondépe; ha ko'áğa eheja torojuka chupe.

14 Ha katu Limhi he'i chupekuéra: Ndapejukamo'ái chupe, ha katu peguerúta ko'ápe che ahecha hağua. Ha ogueru chupe hikuái. Ha Limhi he'i chupe: Mba'ére piko peju ñorairōme che tavayguakuéra rehe? Péina ápe, che tavayguakuéra niko nomondorói pe ñe'ẽme'ẽ che ajapova'ekue peẽme; upévare, mba'ére piko peẽ pemondorova'erã pe ñe'ẽme'ẽ pejapova'ekue che tavayguakuérape?

15 Ha ko'áğa pe rréi he'i: Che amondoro pe ñe'ẽme'ẽ nde tavayguakuéra oguerahágui che tavayguakuéra rajykuéra; upévare, che pochýpe ajapo che tavayguakuéra ou ñorairōme nde tavayguakuéra rehe.

16 Ha ko'áğa Limhi nohendúikuri mba'eve ko'ã mba'égui; upévare ha'e he'i: Che ahekáta che tavayguakuéra apytépe ha oimeraẽva ojapova'ekue ko mba'e omanóta. Upévare ha'e ohekauka itavayguakuéra apytépe.

17 Ko'áğa Gedeón ohendúvo ko'ã mba'e, ha'évo ha'e upe rréi tendota, osẽ ha he'i upe rréipe: Ajerure'asy ndéve ejejoko hağua, ha ani eheka ko tavayguakuéra apytépe, ha ani emboja ko'ã mba'e hesekuéra.

18 Nanemandu'ái piko nde ru sacerdote-kuérare, ko tavayguakuéra ohundiseva'ekuépe? Ha noĩri piko ha'ekuéra pe tave'ỹme? Ha ndaha'úi piko ha'ekuéra

omondava'ekue lamanita-kuéra rajýpe?

19 Ha ko'áãga, péina ápe, emombe'u ko'ã mba'e upe rréipe, ha'e he'i hağua itavayguakuérape; ha taipý'aguapy ñanendive hikuái; péina ápe oñembosako'íma-gui hikuái ou hağua ñorairōrā ñande rehe; ha rehecha avei ñanembovyha.

20 Ha péina ápe, ou hikuái heta ijaty reheve; ha pe rréi nombopy'aguapýiramo chupekuéra ñanendive ñamanóta.

21 Ha noñekumplíri piko umi Abinadí ñe'ẽ, ha'e oprofetisava'ekue ñande rehe—ha opa ko'ã mba'e ñañahenduséigui Ñandéjára ñe'ẽnguéra, ni ndajahejaséigui ñane rembiapovaikuéra?

22 Ha ko'áãga ñambopy'aguapy upe rréipe, ha ñakumpli pe ñe'ẽme'ẽ jajapova'ekue chupe; iporāvéigui ñaime ñeñapytímbýpe ojeipe'arangue ñandehégui ñande rekove; upévale, ñambopaha hetaite tuguy ñeñoñhẽ.

23 Ha ko'áãga Limhi omombe'u pe rréipe opa mba'e itúva, ha umi sacerdote okañyva'ekue tave'ỹme rehegua, ha omoĩ hesekuéra omondahague itajyrakuéra.

24 Ha ojehu pe rréi oñembopy'aguapy Limhi tavayguakuéra ndive; ha he'i chupekuéra: Ñasẽ ñahuğuaítĩ che tavayguakuérape, arma'ỹre; Ha aña'ẽme'ẽ peẽme peteĩ ñe'ẽme'ẽme che tavayguakuéra ndojukamo'ãiha nde tavayguakuérape.

25 Ha ojehu ha'ekuéra oho pe rréi rapykuéri, ha osẽ hikuái

arma'ỹre ohuğuaítĩ hağua lamanita-kuérape. Ha ojehu ohuğuaítĩ hikuái lamanita-kuérape; ha pe lamanita-kuéra rréi ojaivy he nondepekuéra, ha ojerure Limhi tavayguakuéra rehe.

26 Ha lamanita-kuéra ohechávo Limhi tavayguakuéra, oĩha arma'ỹre, oiporiahuve-reko chupekuéra, ha oñembopy'aguapy hendivekuéra, ha ohojey irréi ndive py'aguapýpe hetānguérape.

ÑEMBYATY 21

Lamanita-kuéra oipy'ajopy ha ipu'aka Limhi tavayguakuérare—Limhi tavayguakuéra ojotopa Ammón ndive ha oñekonverti hikuái—Ha'ekuéra omombe'u Ammón-pe umi veinticuatro pláncha Jaredita-kuéra rehegua. 122–121 ary rupi Cristo mboyye.

HA ojehu Limhi ha itavayguakuéra ohojey Nefi tavaguasúpe, ha oñepyrũ jey oiko upe tetāme py'aguapýpe.

2 Ha ojehu heta ára rire lamanita-kuéra oñepyrũ jey oñemokyre'ỹ pochýpe nefita-kuéra rehe, ha oñepyrũ oike hikuái umi tetā rembe'ýpe oĩva jerére.

3 Ko'áãga ha'ekuéra noñanimái ojukávo chupekuéra, pe ñe'ẽme'ẽ irreikuéra ojapova'ekue Limhi-pe rupi; ha katu ha'ekuéra oinupā chupekuéra hovápe, ha oiporu autorida hí'arikuéra; ha oñepyrũ omoĩ mba'e pohýi hí'arikuéra, ha

ogueraha chupekuéra ha'eramo-guáicha mburika ikiriríva—

4 Heẽ, opa ko'ã mba'e ojejapó-kuri Ñandejára ñe'ẽ oñekumpli haɣua.

5 Ha ko'áɣa nefita-kuéra jeiko'asy tuicha, ha ndaipóri mba'éichapa ikatu hikuái oñemosãso lamanita-kuéra pógui, ha'ekuéra ojerégui hesekuéra opárupi.

6 Ha oñepyrũ tavayguakuéra ichi'õ upe rréipe ijeiko'asykuéra rupi; ha oñepyrũ osẽse hikuái ñorairõme lamanita-kuéra rehe. Ha ojopyeterei hikuái upe rréipe ichi'õme; upévare ha'e oheja ojapo hikuái ojaposeháicha.

7 Ha ha'ekuéra oñembyatyjey, ha omõí hí'armadurakuéra, ha osẽ hikuái lamanita-kuéra rehe oguenohẽ haɣua chupekuéra hetãgui.

8 Ha ojehu Lamanita-kuéra ipu'aka, ha omboguevi chupekuéra, ha ojuka hetápe.

9 Ha oĩ tuicha tasẽ ha jahe'õ Limhi tavayguakuéra apytépe, imenave'ỹva hasẽ iménare, tajýra ha ta'ýra hasẽ itúvare, ha joyke'ykuéra ijoyke'ýre.

10 Ko'áɣa oĩ heta imenave'ỹva upe tetãme, ha ojerure'asy hikuái mbaretépe ára ha ára, oúgui hí'arikuéra peteĩ kyhyje tuicha lamanita-kuéragui.

11 Ha ojehu ijerure'asy meme omokyre'ỹ Limhi tavayguakúerape pochýpe lamanita-kuéra rehe; ha osẽjey hikuái ñorairõme, ha katu oñemboguevi jey chupekuéra, ohasávo hikuái heta ñemano.

12 Heẽ, osẽ jey hikuái jepe mbopapyjey jave, ha ohasa'asy jey hikuái ohasa haguéicha; ha umi ndojejukaiva'ekue oho jey Nefi retãme.

13 Ha oñemomirí hikuái jepe vytyimbo peve, oñemoivo hikuái pe ñeñapytĩmby poguýpe, oñemoivo ojeipy'ajopy haɣua, ha ojegerahávo chupekuéra ágotyo ha pégotyo, ha oguerahávo mba'épohýi, oipotaháicha ihayhu'ýhakuéra.

14 Ha oñemomirí hikuái jepe ñemomirí pypuku peve; ha ojerure'asy mbaretépe Tupãme; heẽ, jepe opa ára ojerure'asy hikuái Itupãme oipe'a haɣua chupekuéra ijeiko'asygui.

15 Ha ko'áɣa Ñandejára imbegue ohendu haɣua ijerure'asy hembiapovaikuéra rupi; upevére Ñandejára ohendu ijerure'asykuéra, ha oñepyrũ omohu'ũ lamanita-kuéra korasõ, upéicha oñepyrũ omboveví imba'epohyikuéra; upevére Ñandejára ndohechaporãi omosãso gueteri chupekuéra ñeñapytĩmbýgui.

16 Ha ojehu oñepyrũ oñakãrapu'ã mbeguekatu hikuái upe tetãme, ha oñepyrũ omongakuaave yvara'ýi, ha ovecha, ha vaka atykuéra, upéicha ndohasái hikuái ñembyahýi.

17 Ko'áɣa oĩ heta kuña, ha hetave kuimba'égui; upévare rréi Limhi he'i mayma kuimba'e ome'ẽva'erãha umi imenave'ỹva ha imembykuérape ikarurã, ani omano hikuái ñembyahýigui; ha ojapo

hikuái ko'áva oĩgui hetaiterei omanova'ekue.

18 Ko'áña Limhi tavayguakuéra ojoaju peteĩ atýpente ikatuha peve, ha oñongatu hi'yvara'yikuéra ha imymba'atykuéra;

19 Ha pe rréi noñanimái osẽvo tavaguasu tápiagui, ogueraha'yre iñangarekohakuéra hendive, okyhyjégui oimeháicha ho'áramo guarã lamanita-kuéra pópe.

20 Ha ha'e oja pouka itavayguakuéra omañañemi umi tetã oĩva jerére, ikatúramo guarã oja garra hikuái umi sacerdote okañyva'ekue tave'yme, omokañyva'ekue lamanita-kuéra rajýpe, ha oja pova'ekue tuichaite ñehundi ou hi'arikuéra.

21 Ha'ekuéra oja garraségui chupekuéra ikatu hañuáicha ohavira chupekuéra; oúgui hikuái Nefi retãme pyharekue, ha ogueraha hi'yvara'yikuéra ha heta imba'eporãkuéra; upévore ha'ekuéra oha'arõ ñemi chupekuéra.

22 Ha oje hu ndaiporivéi joavy lamanita-kuéra ha Nefi tavayguakuéra apytépe, jepe ára Ammón ha ijoyke'ykuéra oñuahẽ meve upe tetãme.

23 Ha upe rréi oĩvo tavaguasu rokégui okápe iñangarekohakuéra ndive, ohecha Ammón ha ijoyke'ykuérape, ha oimo'ãgui ha'e hikuái upe rréi Noé sacerdote-kuéra upévore oja garrauka ha ojokuauka ha oityka chupekuéra ka'irãime. Ha ha'érire hikuái Noé sacerdote-kuéra ojuka ukava'erãmo'ã chupekuéra.

24 Ha katu ohechakuaávo

ndaha'eiha hikuái, ha katu ha'eha ijoyke'ykuéra, ouva'ekue Zarahemla retãgui, henyhẽ tuicha vy'apavëgui.

25 Ko'áña rréi Limhi omondo, Ammón ou mboyve, mbovyumi kuimba'ekuéra oheka haña Zarahemla retã; ha katu ndojuhúi hikuái, ha okañy pe tave'yme.

26 Upevére, ojuhu hikuái peteĩ vvy ojeiko haguépe; heẽ, peteĩ tetã henyhẽva kangue pirúgui; heẽ, peteĩ tetã ojeiko haguépe ha oñehundiva'ekue; ha ha'ekuéra, oimo'ãvo ha'e Zarahemla retã, ohojey Nefi retãme, oñuahẽvo upe tetã rembe'ype ndahetái ára ou mboyve Ammón.

27 Ha ogueru hendivekuéra peteĩ kuatiajehaipyre, jepe umi tavayguakuéra ikangue ojuhuva'ekue kuatiajehaipyre; ha oje hai pláncha oroguigua ári.

28 Ha ko'áña Limhi henyhẽ jey vy'águi ohendúvo Ammón juru rupi upe rréi Mosíah oguerekoha peteĩ Tupã don, ikatúva rupi ohesa'yijó umi jehaipyre; heẽ, ha Ammón avei ovy'a.

29 Upevére Ammón ha ijoyke'ykuéra henyhẽ vy'a'ygui heta ijoyke'ykuéra ojejuka haguére;

30 Ha avei upe rréi Noé ha isacerdotekuéra oja poukãgui tavayguakuérape heta angaipa ha tembiapovai Tupã rehe; ha ha'ekuéra avei ombyasy Abinadí ñemano; ha avei Alma jeha ha tavayguakuéra ohova'ekue hendive, omopu'áva'ekue peteĩ Tupã tupao pe Tupã mbarete ha pu'aka rupive, ha jerovia

oguerekova'ekue umi ñe'ë Abinadí he'iva'ekuere.

31 Heë, ha'ekuéra ombyasy ije'oikuéra, ndoikuaáigui hikuái moõpa okañyva'ekue. Ha'ekuéra vy'ápe ojoajuva'erámo'ãgui hendivekuéra, ko'áva ojapo haguere peteĩ konvénio Tupã ndive oipytyvõ ha ñe'ërendutaha hembiapoukapykuérare.

32 Ha ko'ága Ammón ou guive, rréi Limhi oike avei peteĩ konvénio peTupã ndive, ha avei heta itavayguakuéra apytégui, oipytyvõ ha ñe'ërendutaha hembiapoukapykuérare.

33 Ha ojehu rréi Limhi ha heta itavayguakuéra apytégui oñemongaraise; ha katu ndaipóri avave upe tetãme oguerékova Tupã autorida. Ha Ammón ndojaposéi ko'ã mba'e, oimo'ãgui ha'e ha'eha peteĩ tembiguái hekojoja'yva.

34 Upévore noñembyatyí hikuái tupaoicha upe árape, oha'arõvo Ñandéjara Espiritu-pe. Ko'ága ha'ese hikuái Alma ha ijoyke'ykuéraicha, okañyva'ekue pe tave'yme.

35 Ha'ekuéra oñemongaraise testígo ha testimónioramo oipytyvõseha hikuái Tupãme opa ikorasõkuéra reheve; upevére omoha'arõ hikuái upe ára; ha oñeme'ëta tenondeve peteĩ ñemongaraikuéra ñemombe'u.

36 Ha ko'ága opa mba'e oipotáva Ammón ha itavayguakuéra, ha Limhi ha itavayguakuéra, ha'e oñemosãso lamanita-kuéra poguýgui ha ñeñapytímbýgui.

ÑEMBYATY 22

Oñembohape tavayguakuéra oñemosãso hağua lamanita-kuéra ñeñapytímbýgui—Lamanita-kuéra oñemonga'u—Tavayguakuéra okañy, ohojey Zarahemla-pe, ha oñemoi rréi Mosíah poguýpe. 121–120 ary rupi Cristo mboýve.

Ha ojehu Ammón ha rréi Limhi oñepyrũ oporandu tavayguakuérape mba'éichapa ikatu oñemosãso hikuái pe ñeñapytímbýgui; ha ombyatyuka hikuái opa tavayguakuérape; ha péva ojapo hikuái oguereko hağua tavayguakuéra ñe'ë upe mba'ére.

2 Ha ojehu ndojuhúi hikuái mba'éichapa oñemosãsóta ñeñapytímbýgui, ndaha'éiramo ojarra hambireko ha ta'yra-kuéra, ijovecha, ha ivaka'atykuéra, ha hogaaokuéra, ha okañy pe tave'yme; lamanita-kuéra hetaitereígui, ndaikatumo'ái Limhi tavayguakuéra oñorairõ hendivekuéra, oimo'ãvo oñemosãsotaha ñeñapytímbýgui pe kysepuku rupi.

3 Ha ojehu Gedeón osë ha oñembo'y pe rréi renondépe, ha he'i chupe: O rréi, ko'ága peve rehenduva'ekue heta ára che ñe'ënguéra ñañorairõramoguare ñande joyke'y, lamanita-kuéra ndive.

4 Ha ko'ága O rréi, ndachejuhúiramo tembiguái oñeikotevë'yva, téra ko'ága peve oimeháicha rehendúramokuri che ñe'ënguéra, ha ha'ekuéra neipytyvõva'ekue,

upéicharamo aipota rehendú che ñe'ënguéra ko'áŕa, ha che ha'éta ne rembiguái ha amosásóta nde tavayguápe ñeñapytĩmbýgui.

5 Ha upe rréi oheja chupe oñe'ë. Ha Gedeón he'i chupe:

6 Péina ápe pe tape po'i tapykuepegua, ohasáva pe tápia tapykueguaré, upe tavaguasu rapykuépe. Lamanita-kuéra, térã lamanita-kuéra ñangarekohára, oka'u pyharekue; upévore ñamondóta peteĩ momarandu opa ko tavayguakuéra apytépe, ombyaty haŕua hikuái ijovecha ha ivaka'atykuéra, ikatu haŕuáicha ogueraha tave'ýme pyharekue.

7 Ha aháta nde ereháicha ha ahépyme'éta ipaháva tetãme ojehepyme'éva víno rehegua Lamanita-kuérape, ha ha'ekuéra oka'úta; ha ñande jahasáta pe tape po'i ñemi rupive iñu asu gotyo ha'ekuéra oka'u ha oke aja.

8 Upéicha jaje'óita ñane rembi-reko ha ñande ra'ykuéra ndive, ñande ovecha ha vaka'atykuéra reheve pe tave'ýme; ha jaguatáta Shilom retã rembe'ýre.

9 Ha ojehu upe rréi ohendu Gedeón ñe'ënguéra.

10 Ha rréi Limhi ombyatyuka itavayguakuérape imymba'atykuéra; ha omondo pe tetãme jahépyme'éva víno rehegua lamanita-kuérape; ha avei omondove víno temime'éicha chupekuéra guarã; ha ha'ekuéra hoy'u hoy'useháicha upe vínogui rréi Limhi omondova'ekue chupekuéra.

11 Ha ojehu rréi Limhi tavayguakuéra oje'ói pyharekue pe tave'ýme ijovecha ha ivaka'atykuéra reheve, ha oho hikuái Shilom retã rembe'ýre pe tave'ýme, ha omoĩ ijeho Zarahemla retã gotyo, ojeguerahávo Ammón ha ijoyke'ykuérare.

12 Ha oguerahákuri hikuái hendive opa hí'oro, ha pláta, ha imba'e porãnguéra ikatúva ogueraha, ha avei hembí'urãkuéra, pe tave'ýme; ha omoñepyrũ ije'ói.

13 Ha oĩ rire hikuái heta ára pe tave'ýme oŕuahẽ hikuái Zarahemla retãme, ha ojoaju Mosíah tavayguakuéra ndive, ha oñemoĩ hikuái ipoguyépe.

14 Ha ojehu Mosíah omoŕuahẽ chupekuéra vy'ápe; ha avei ojagarra ikuatiajehaipyrekuéra, ha avei umi kuatiajehaipyre ojuhuva'ekue Limhi tavayguakuéra.

15 Ha ojehu lamanita-kuéra ohechakuaávo Limhi tavayguakuéra osẽhague pe tetãgui pyharekue, omondo peteĩ ehérsito pe tave'ýme omuña haŕua chupekuéra.

16 Ha omuña rire chupekuéra mokõi ára aja, ndaikatuvéi oho hikuái hapykuerikuéra; upévore okañy hikuái pe tave'ýme.

Peteĩ ñemombe'u Alma ha Ñandejára tavayguakuéra rehegua, oñemosẽva'ekue tave'ýme upe rréi Noé tavayguakuérare.

Oike ñembyaty 23 ha 24.

ÑEMBYATY 23

Alma ndoikoséi rréiramo—Oipytyvõ sumo sacerdote-icha—Ñandejára ohavira itavayguakuérape, ha lamanita-kuéra ojagarra Helam retã—Amulón, upe rréi Noé sacerdote-kuéra hekoñañáva tendota, oisãmbyhy lamanita-kuéra rréi po guýpe. 145–121 ary rupi Cristo mboýve.

KO'ÁGA Alma, oñemomarendúvo Ñandejárame pe rréi Noé ehersitokuéra ho'ataha hi'arikuéra, ha oikuaaukávo itavayguakuérape, upévare ombyaty hikuái hymba'atykuéra, ha ojagarra hi'yva ra'yigui, ha osẽ hikuái pe tave'yme, ohóvo rréi Noé ehersitokuéra renondépe.

2 Ha Ñandejára omombarete chupekuéra, upéicha pe rréi Noé tavayguakuéra ndaikatúi ohupyty chupekuéra ohundi haḡua.

3 Ha okañy hikuái ocho ára aja pe tave'yre.

4 Ha oḡuahẽ hikuái peteĩ tetãme, heẽ, peteĩ tetã iporãitereiva ha ojev'y'ahápe, peteĩ tetã hi'y safívape.

5 Ha omoĩ hikuái hogaaokuéra, ha oñepyrũ oñemitỹ pe yvy, ha oñepyrũ omopu'ã ogaguasukuéra; heẽ, ha'ekuéra omba'apokuaa, ha heta omba'apo hikuái.

6 Ha tavayguakuéra oipota Alma taha'e irréi, itavayguakuéra ohayhúgui chupe.

7 Ha katu ha'e he'i chupekuéra: Péina ápe, naiporãi jaguereko rréi; péicha he'igui Ñandejára:

Nderehayhuvemo'ái peteĩ to'o ambuégui, ni peteĩ kuimba'e he'íta ijehe iporãveha ambuégui; upévare che ha'e peẽme naiporãiha peguereko rréi.

8 Upevére, ikatútarire peguereko tapiate kuimba'ekuéra hekojojáva pende rréiramo iporãva'erãmo'ã peguereko rréi.

9 Ha katu penemandu'a pe rréi Noé ha isacerdotekuéra rembiapovaire; ha chete ha'a pe ñuhãme, ha ajapo heta mba'e ivaietereiva Ñandejára resa renondépe, ogueruva'ekue chève arrepentimiénto ipohýiva.

10 Upevére, heta jehasa'asy rire, Ñandejára ohendu che jerure'asy, ha ombohová che ñembo'ekuéra, ha chemoĩ tembiporúramo ipópe agueru haḡua heta pende apytégui hi'añetegua jeikuaápe.

11 Upevére, kóvape ñañemboverapyi, nachemarangatúigui añemboverapy haḡua chejehe.

12 Ha ko'ága ha'e peẽme, upe rréi Noé pendejopy, ha peñemoĩ hembiguái ha isacerdotekuéra rembiguáiramo, ha ha'ekuéra pendegueraha tembiapovaipe; upévare pejejokuákuri pe tembiapovai sãme.

13 Ha ko'ága peñemosásóramo ko'ã ñemosãgui Tupã pu'aka rupive; heẽ, rréi Noé po ha itavayguakuéragui, ha avei umi tembiapovai sãgui, péicha aipota pepyta ko ñemosãso peñemosãso haguépe, ha ani pejerovia avave kuimba'ére ha'e haḡua rréi pende ári.

14 Ha avei ndapejeroviaiva'erã

avavére ha'é haḡua penembo'éhára ni pene ministro, ndaha'éiramo peteĩ kuimba'e Tupã ndivegua, oguatáva hapére ha iñe'érendúva hembiapoukapykuérare.

15 Péicha ombo'e Alma itavayguakuérape, opavave yvypóra ohayhuva'erá hapichápe ijupe-ramoguáicha, ani haḡua oĩ joavy ijapytepekuéra.

16 Ha ko'áḡa, Alma ha'e isumo-sacerdote-kuéra, ha'e omopu'ã haguére itupaokuéra.

17 Ha ojehu avave ndohupytyĩ autorida ohekombo'e ni ombo'e haḡua ndaha'éirõ Alma rupive, Tupãgui. Upévare ha'e okonsagra opa isacerdote ha imbo'eharakuérape; ha avave noñekonsagrái ndaha'éiramo kuimba'e hekojojáva.

18 Upévare oñangareko hikuái itavayguakuérare, ha omombarete chupekuéra umi mba'e ha'éva tekojoja rehegua reheve.

19 Ha ojehu oñepyrũ oñakárapu'ã tuicha hikuái upe tetãme; ha ohenói hikuái upe tetãme Helam.

20 Ha ojehu oñemboheta ha oñakárapu'ã tuicha hikuái pe Helam retãme; ha omopu'ã peteĩ tavaguasu, ombohérava hikuái Helam tavaguasu.

21 Upevére Ñandejára ohecha porã ohavira itavayguakuérape; heẽ, ha'e oha'ã iñeha'arõkuua ha ijeroviakuéra.

22 Upevére—umi omoĩva ijero-via hese oñembotuicháta upe ára pahápe. Heẽ, ha péicha oikókuri ko tavayguakuérare.

23 Ha katu péina ápe, ahechaukáta peẽme oñemoihague chupekuéra ñeñapytĩmbýpe, ha avave ndaikatúi omosãso chupekuéra ndaha'éiramo Ñandejára Itupã, heẽ, jepe Abraham ha Isaac ha Jacob Tupã.

24 Ha ojehu ha'e omosãso chupekuéra, ha ohechauka chupekuéra ipu'aka guasu, ha tuicha pe ivy'akuéra.

25 Ha katu péina ápe, ojehu oĩ aja hikuái Helam retãme, heẽ, Helam tavaguasúpe, omba'apo jave hikuái pe yvy jerereguápe, péina ápe peteĩ lamanita-kuéra ehérsito oĩ pe tetã rembe'ýpe.

26 Ko'áḡa ojehu Alma joyke'ykuéra oñani iñúgui, ha oñembyaty hikuái Helam tavaguasúpe; ha oñemondyieterei hikuái lamanita-kuéra ñeḡuahẽre.

27 Ha katu Alma osẽ ha oho ijapytepekuéra, ha oñemoñe'ẽ chupekuéra ani haḡua oñemondýi, ha katu imandu'a haḡua Ñandejára Itupãre ha ha'e omosãsóta chupekuéra.

28 Upévare omboguapy hikuái ikyhyje, ha oñepyrũ ojerure'asy Ñandejárape omohu'ũ haḡua lamanita-kuéra korasõ, ani haḡua ojuka chupekuéra, ha hembirekokuéra, ha ita'yraquérape.

29 Ha ojehu Ñandejára omohu'ũ lamanita-kuéra korasõ. Ha Alma ha ijoyke'ykuéra osẽ ha oñemoĩ ipopekuéra; ha lamanita-kuéra ojagarra Helam retã.

30 Ko'áḡa lamanita-kuéra ehérsito, ohova'ekue rréi Limhi

tavayguakuéra rapykuéri, okañý-kuri pe tave'ýme heta ára aja.

31 Ha péina ápe, ojuhúkuri hikuái umi rréi Noé sacerdote-pe, peteĩ tenda ombohéravape hikuái Amulón; ha ko'áva oñepyrúkuri oiko pe Amulón retâme ha oñepyrú oñemitý hikuái pe yvy.

32 Ko'ága umi sacerdote mburuvicha réra ha'e Amulón.

33 Ha ojehu Amulón ojerure'asy lamanita-kuérape; ha ha'e omondo avei hambirekokuérape, ha'éva lamanita-kuéra rajy, ojerure haḡua ijoyke'ykuérape, ani haḡua ohundi hikuái imenakuéra.

34 Ha lamanita-kuéra oiporiahuvareko Amulón ha ijoyke'ykuérape, ha nohundíri chupekuéra, hambirekokuéra rupi.

35 Ha Amulón ha ijoyke'ykuéra ojoaju lamanita-kuéra ndive, ha oguata oikóvo hikuái tave'ýre ohekávo Nefi retã ha upe ojuhu hikuái Helam retã, Alma ha ijoyke'ykuéra oikohápe.

36 Ha ojehu lamanita-kuéra oñe'ême'ê Alma ha ijoyke'ykuérape, ohechaukáramo hikuái chupekuéra pe tape ogueraháva Nefi retâme ha'ekuéra ohejataha chupekuéra hekove ha isãso.

37 Ha katu Alma ohechauka riré chupekuéra pe tape ogueraháva Nefi retâme lamanita-kuéra nokumplisíi iñe'ême'ê; ha katu omoi hikuái ñangarekoharakuéra Helam retã jerére, Alma ha ijoyke'ykuéra ári.

38 Ha umi hembyre oho Nefi retâme; ha oi ijapytepekuéragui ohojeýva Helam retâme, ha

ogueraha avei hendivekuéra umi ñangarekohára ojehejava'ekue upe tetâme rembireko ha ta'yraakuéra.

39 Ha lamanita-kuéra rréi oheja Amulón-pe ha'e haḡua rréi ha sãmbyhyhára itavayguakuéra ári, oíva Helam retâme; upevére ndoguerekomo'ai pu'aka ojapo haḡua mba'eve ndaha'éiva pe lamanita-kuéra rréi oipotáva.

ÑEMBYATY 24

Amulón omyangekói Alma ha itavayguakuérape—Ojeipe'áta chuguikuéra hekove oñembo'éramo—Ñandejára ombovevói imba'epohyikuéra—Ha'e omosãso chupekuéra ñeñapytĩmbýgui, ha ohojey hikuái Zarahemla-pe. 145–120 ary rupi Cristo mbovoye.

HA ojehu Amulón opytãporã lamanita-kuéra rréi resa renondépe; upévale, lamanita-kuéra rréi oheja chupe ha ijoyke'ykuérape toñehenói mbo'eháramo itavayguakuéra ári, heẽ, jepe tavayguakuéra oíva Shemlón retâme ḡuarã, ha Shilom retâme, ha Amulón retâme.

2 Lamanita-kuéra ojagarráguikuri opa ko'ã yvy; upévale, lamanita-kuéra rréi ohenóikuri rreikuéra opa ko'ã tetã ári.

3 Ha ko'ága pe lamanita-kuéra rréi réra ha'e Lamán, oñeme'ëvo chupe itúva réra; ha upévale oñehenói chupe rréi Lamán. Ha ha'e rréi tavayguakuéra hetaite-reíva ári.

4 Ha ha'e ohenói mbo'eharakuéra Amulón joyke'ykuéra apytégui opa umi tetã itavayguakuéra oguerékóvape gũarã; ha péicha oñepyrũ oñembo'e Nefi ñe'ẽ opa lamanita-kuéra tavayguakuéra apytépe.

5 Ha ha'ekuéra ha'e peteĩ tavayguakuéra ipy'aporãva oñondive; upevére ndoikuaái hikuái Tupãme; ni Amulón joyke'ykuéra nombo'ei chupekuéra mba'eve pe Ñandejára Itupã rehegua, ni pe Moisés léi; ni nombo'ei chupekuéra umi Abinadí ñe'ẽ;

6 Ha katu ombo'e chupekuéra oguerahava'erãha hikuái ikuatijehaipyre, ha ohaiva'erã ojupe hikuái.

7 Ha péicha lamanita-kuéra oñepyrũ oñembotuichave pirapirépe, ha oñepyrũ oñemu oñondive ha oñembotuicha, ha oiko chuguikuéra tavayguakuéra ikatupyry ha iñarandúva, pe yvóra iñaranduháicha, heẽ, peteĩ tavayguakuéra ikatupyryva, horýva opáichagua tekoñaña ha ñemondápe, ha katu nda'upéichai ijoyke'ykuéra apytépe.

8 Ha ko'ága ojehu Amulón oñepyrũ oiporu autorida Alma ha ijoyke'ykuéra ári, ha oñepyrũ omuña chupe, ha ojapo ita'yra kuéra omuña umíva ra'ykuérape.

9 Amulón oikuaágui Alma-pe, ha ehague peteíva umi rréi sacerdote-kuéra apytégui, ha ha'e ogueroviahague Abinadí ñe'ẽ ha upévore oñemosëva'ekue pe rréi renondégui, ha upévore

ipochy hendive; oĩgui ha'e rréi Lamán poguýpe, upevére oiporu autorida hí'arikuéra, ha ome'ẽ chupekuéra hembiaporã, ha omoĩ mburuvicha hí'arikuéra.

10 Ha ojehu tuichaiterei ijehasa'asykuéra ha oñepyrũ ojerure'asyeterei hikuái Tupãme.

11 Ha Amulón he'i chupekuéra anive haña ojerure'asy; ha omoĩ ñangarekoharakuéra omaña haña hesekuéra, ikatu hañaicha ojetopávape oñembo'éva hína Tupãme ojejuka.

12 Ha Alma ha itavayguakuéra ndohupivéi iñe'ẽ Ñandejára Itupãme, ha katu oñohẽ hikuái chupe ikorasõ; ha ha'e oikuaa ikorasõkuéra oipotáva.

13 Ha ojehu Ñandejára ñe'ẽ ou chupekuéra ijeiko'asýpe, he'ívo: Pehupi pene akã ha peñemokyre'y, aikuaágui pe konvénio pejapova'ekue chendive; ha che ajapóta konvénio che tavayguakuéra ndive ha amosásóta chupekuéra ñeñapytĩmbýgui.

14 Ha avei ambovevýita umi mba'epohýi oñemoíva pene lómo ári, jepe ndaikatúi peve peñandu pende apére, jepeve peime aja ñeñapytĩmbýpe; ha kóva che ajapóta peẽ ha'e haña chéve testígoramo ko'ága guive, ha peikuaa porã haña che, pe Tupã Ñandejára, ajuha che tavayguakuérape ijeiko'asýpe.

15 Ha ko'ága ojehu umi mba'epohýi oñemoíva'ekue Alma ha ijoyke'ykuéra ári oñembovevýi; heẽ; Ñandejára omombarete chupekuéra ha upéicha ogueropu'aka

hikuái imba'epohyikuéra ndaha-sýi hağua, ha oñeme'ẽ hikuái vy'ápe ha ñeha'arõkuaa reheve opa Ñandejára rembipotápe.

16 Ha ojehu tuichaitereígui ijero via ha iñeha'arõkuaa Ñandejára ñe'ẽ oujey chupekuéra, he'ívo: Peñemokyre'ỹ, ko'ērõ pomasāsótgui ñeñapytĩmbýgui.

17 Ha he'í Alma-pe: Nde rehóta ko tavayguakuéra renonderã, ha che aháta nendive ha amosāsóta ko tavayguakuérape ñeñapytĩmbýgui.

18 Ko'áğa ojehu pyharekue Alma ha itavayguakuéra ombyaty hymba'atykuéra, ha avei hi'yva ra'ỹikuéragui; heẽ, jepe pyhare pukukue ombyaty hikuái hymba'atykuéra.

19 Ha pyhareve Ñandejára ojapo peteĩ jeke atã tou lamanita-kuéra ári, heẽ, ha opa huvichakuéra oke hatã.

20 Ha Alma ha itavayguakuéra osẽ pe tave'ỹme; ha oho rire pe ára pukukue aja omoĩ hikuái hogaaokuéra peteĩ vvytyta'ũme, ha ombohéra hikuái upe vvytyta'ũme Alma, ha'e ogueraha ha guére chupekuéra pe tave'ỹre.

21 Heẽ, ha vvytyta'ũ Alma-pe oñohẽ hikuái hi'aguyje Tupãme ha'e oiporiahuverekko haguére chupekuéra, ha ombovevíkuri imba'epohyikuéra, ha omosãso chupekuéra ñeñapytĩmbýgui; ha'ekuéra oĩguikuri ñeñapytĩmbýpe, ha avave ndaikatúí omosãso chupekuéra ndaha'éiramo Ñandejára Itupã.

22 Ha ome'ẽ hikuái aguyje

Tupãme, heẽ, opa ikuimba'e ha opa kuña ha opa imitãnguéra ikatúva oñe'ẽ omopu'ã iñe'ẽ momorãme Itupãme.

23 Ha ko'áğa Ñandejára he'í Alma-pe: Ejapura ha esẽ nde ha ko tavayguakuéra ko tetãgui, lamanita-kuéra opáymagui ha nemuña; upévare esẽ ko tetãgui, ha che ajokóta lamanita-kuérape ko vvytyta'ũme anive omuña hikuái ko tavayguakuérape.

24 Ha ojehu osẽ hikuái pe vvytyta'ũgui, ha omoñepyrũ hikuái iguata pe tave'ỹre.

25 Ha oĩ rire hikuái pe tave'ỹre doce ára aja oğuahẽ Zarahemla retãme; ha rréi Mosíah omoğuahẽ avei chupekuéra vy'ápe.

ÑEMBYATY 25

Mulek ñemoñarekuéragui Zarahemla-pegua oiko nefita-kuéra—Oikuaa hikuái Alma ha Zeniff tavayguakuéragui—Alma omongarai Limhi ha opa itavayguakuérape—Mosíah he'í Alma-pe omopu'ã hağua Tupã tupao. 120 ary rupi Cristo mboyye.

Ha ko'áğa rréi Mosíah ojapo opa tavayguakuéra toñembyaty.

2 Ko'áğa ndahetái Nefi ta'yra-kuéra, térã ndahetái umi Nefi ñemoñaréva, pe Zarahemla tavayguakuéraicha, ha'éva Mulek ñemoñare, ha umi ouva'ekue hendive tave'ỹme.

3 Ha ndahetái umi Nefi tavayguakuéra ha Zarahemla tavayguakuéra, hetaháicha umi

lamanita-kuéra, heë, ndaha'úi ni imbytere.

4 Ha ko'ága opa Nefi tavayguakuéra oñembyaty, ha avei opa Zarahemla tavayguakuéra, ha oñembyaty hikuái mokõi atýpe.

5 Ha ojehu Mosíah omoñe'ẽ, ha omoñe'ẽuka, Zeniff kuationehaipyrekuéra itavayguakuérape; heë, omoñe'ẽ Zeniff tavayguakuéra kuationehaipyrekuéra, osẽ guive hikuái Zarahemla retãgui ára oujey peve hikuái.

6 Ha avei omoñe'ẽ Alma ha ijoyke'ykuéra ñemombe'u, ha opa ijeiko'asykuéra, ára osẽ guive hikuái Zarahemla retãgui ára oujey peve hikuái.

7 Ha ko'ága, Mosíah omoñe'ẽmbávo umi kuationehaipyre, itavayguakuéra oikóva upe tetãme henyhẽ ñemomba'eguasu ha techaramógui.

8 Ndoikuaái mba'épa ojepy'amongetáta hikuái; ohechávogui hikuái umi oñemosãsova'ekue ñeñapytĩmbýgui, henyhẽ peteĩ vy'a tuichaitereívagui.

9 Ha avei, ojepy'amongetávo ijoyke'ykuérare lamanita-kuéra ojokava'ekuépe henyhẽ hikuái vy'a'ygui, ha jepe oñohẽ hikuái heta tesay vy'a'ygui.

10 Ha avei, ojepy'amongetávo hikuái pe Tupã py'aporã hi'añguetévare, ha ipu'aka omosãso haña Alma ha itavayguakuérape lamanita-kuéra pógui ha ñeñapytĩmbýgui, omopu'ã hikuái iñe'ẽ ha ome'ẽ aguyje Tupãme.

11 Ha avei, ojepy'amongetávo hikuái lamanita-kuérare, ha'éva ijoyke'ykuéra, ha pe iñeime angaipa ha mba'evaípe, henyhẽ hikuái vy'a'y ha jepy'apýgui hi'angakuéra ñeimeporãre.

12 Ha ojehu umi ha'éva Amulón ra'y ha ijoyke'ykuéra, omenda'ekue lamanita-kuéra rajýre, ipochy ituvakuéra ojavova'ekuére, ha ndoguerahasevéima hikuái ituvakuéra réra, upévare ojagarra hi'arikuéra Nefi réra, oñehenói haña Nefi ra'y ha ojeipapa haña umi oñehenóiva nefita apytépe.

13 Ha ko'ága opa Zarahemla tavayguakuéra ojeipapa nefitakuéra ndive, ha ojejapo upéicha pe rréino noñeme'ẽigui avavépe ndaha'éiva umi Nefi ñemoñarépente.

14 Ha ko'ága ojehu Mosíah oñe'ẽmba rire ha omoñe'ẽmba rire tavayguakuérape, ha'e oipota Alma avei oñe'ẽ itavayguakuérape.

15 Ha Alma oñe'ẽ chupekuéra, ijatývo hikuái tuicha atýpe, ha oho peteĩ atýgui ambuévape, ombó'évo tavayguakuérape arrepentimiénto ha Ñandejárare jeguerovia.

16 Ha ha'e oñemoñe'ẽ Limhi tavayguakuéra ha ijoyke'ykuérape, opa umi oñemosãsova'ekuépe ñeñapytĩmbýgui, imandu'a haña hikuái Ñandejára omosãsohague chupekuéra.

17 Ha ojehu Alma ombó'e rire tavayguakuérape heta mba'e, ha oñe'ẽmba rire chupekuéra, pe rréi Limhi oñemongaraise; ha opa

itavayguakuéra oñemongaraise avei.

18 Upévare, Alma oike pe ýpe ha omongarai chupekuéra; heẽ, omongarai chupekuéra ojapo haguéicha ijyoke'ykuérape Mormón ýpe; heẽ, ha opa ha'e omongaraívape oike Tupã tupaópe; ha kóva oguerovia haguére hikuái Alma ñe'ẽ.

19 Ha ojehu rréi Mosíah oheja Alma omoĩ tupaokuéra opa Zarahemla retãme; ha ome'ẽ chupe pu'aka o'ordena hağua sacerdote ha mbo'eharakuéra opa tupao ári.

20 Ko'ága kóva ojejapo hetaitereĩgui umi tavayguakuéra ha peteĩ mbo'ehárante ndaikatúi ombo'e chupekuéra; ni opavave ndaikatúi ohendu Tupã ñe'ẽ peteĩ ñembyatýpe.

21 Upévare oñembyaty hikuái opáichagua atýpe, oñehenóiva tupao; ha opavave tupao ogueroko isacerdote ha imbo'eharakuéra, ha opa sacerdote ombo'e pe ñe'ẽ oñeme'ẽháicha chupe Alma juru rupive.

22 Ha péicha, jepe oĩ heta tupao opavave ha'e peteĩ tupao, heẽ, jepe Tupã tupao; mba'eve noñembo'ėigui opa tupaokuérape ndaha'ėirõ pe arrepentimiénto haTupãre jeguerovia.

23 Ha ko'ága siete tupao oĩ pe Zarahemla retãme. Ha ojehu opavave ojagarraséva hi'ári Cristo réra, térã Tupã réra, ojoaju hikuái Tupã tupaokuérape;

24 Ha oñehenói hikuái Tupã tavayguakuéra. Ha Ñandejára

oñohẽ ijespíritu hi'arikuéra, ha ojevovasa hikuái, ha oñakārapu'ã upe tetãme.

ÑEMBYATY 26

Heta tupaopeguápe ojegueraha angaipápe umi ijerovia'ýva rupi—Alma-pe oñeñe'ẽme'ẽ tekove opave'ýva—Umi oñearrepenti ha oñemongaraíva oñeperdonáta—Umi tupaogua ojapóva angaipa ha oñearrepentíva ha omombe'úva Alma ha Ñandejárape oñeperdonáta; ndaupéichairamo, ndojeipapamo'ãĩ tupaogua tavayguakuéra apytépe. 120–100 ary rupi Cristo mboyye.

Ha ojehu oĩ heta pe ñemoñare'aty pyahu apytépe ndaikatúiva oikũmby rréi Benjamín ñe'ėnguéra, michĩgui gueteri hikuái ára ha'e oñe'ėramoguare itavayguakuérape; ha ndogueroviái hikuái ituvakuéra jepokuaa.

2 Ndogueroviái hikuái oje'e-va'ekue umi omanomava'ekue jeikovejeýre, ni ndogueroviái hikuái pe Cristo jeju rehegua.

3 Ha ko'ága ijeguerovia'ý rupi ndaikatúi oikũmby hikuái Tupã ñe'ẽ; ha oñemohatã ikorasõkuéra.

4 Ha noñemongaraiséi hikuái; ni ndojoajuséi pe tupaópe. Ha oiko chuguikuéra peteĩ tavayguakuéra ojeíva ijeroviápe, ha péicha opyta hikuái upe ára guive, ho'o ha angaipa ñeimépe; nohenoiséigui hikuái Ñandejára Itupãme.

5 Ha ko'ága rréi Mosíah

oisãmbhyh aja ndohupytyí hikuái ni pe Tupã tavayguakuéra mbytere; ha katu pe joavy oíva joyke'ykuéra apytépe rupi oñembohetave hikuái.

6 Ha ojehu ha'ekuéra ñe'ẽ mbojuruhe'eme ombotavy hetápe, ha'éva tupaopégua, ha oja pouka chupekuéra heta angaipa; upévare oñekotevẽ umi tupaopégua oja póramo angaipa, tupao toñemoñe'ẽ chupekuéra.

7 Ha ojehu ojegueraha chupekuéra umi sacerdote renondépe, ha umi mbo'ehára ome'ẽ chupekuéra umi sacerdote-pe; ha umi sacerdote ogeraha chupekuéra Alma renondépe, ha'éva pe sumo sacerdote.

8 Ko'ágã rréi Mosíah ome'ẽkuri Alma-pe autorida tupao ári.

9 Ha ojehu Alma ndoikuaái mba'eve chuguikuéra; ha katu oí heta testígo hesekuéra; heẽ, heta umi tavayguakuéra ou ha otestifika hembia-povaikuéragui.

10 Ko'ágã ko'ã mba'e ndojehúiva'ekue pe tupaópe upe mboyve; upévare Alma ojejpoy ijespíritupe, ha ogerahauka chupekuéra pe rréi renondépe.

11 Ha he'í upe rréipe: Péina ápe, hetápe rogeru nerenondépe, ijoyke'ykuéra ombojáva hesekuéra tembiapovai; heẽ, ha ojejuhu chupekuéra opáichagua tembiapovápe. Ha ha'ekuéra noñearrepentíri hembia-povaikuéragui; upévare rogeru nerenondépe, nde rehusga haña chupekuéra hembia-povaikuérare.

12 Ha katu upe rréi Mosíah he'í

Alma-pe: Péina ápe, che ndahusgái chupekuéra; upévare amoí chupekuéra nde pópe ojehusga haña.

13 Ha ko'ágã Alma espíritu ojepy'apy jey; ha ha'e oho ha oporandu Ñandejárape mba'épa oja-pova'erã upe mba'ére, ha'e okyhyjégui oja póramo guarã ivaíva Ñandejára renondépe.

14 Ha ojehu oñohẽmba rire hí'anga Tupãme, Ñandejára ñe'ẽ ou chupe, he'ívo:

15 Rejehovasáva nde, Alma, ha ojehovasáva umi oñemongarai-va'ekue Mormón ykuérape. Ha nde rejehovasa rejerovia rupi che rembiguái Abinadí ñe'ẽrente.

16 Ha ojehovasáva ha'ekuéra ijerovia tuicha rupi umi ñe'ẽ nde ereva'ekuérente chupekuéra.

17 Ha rejehovasáva nde remoí haguére peteí tupao ko tavayguakuéra apytépe; ha ha'ekuéra oñemoíta, ha ha'éta hikuái che tavayguakuéra.

18 Heẽ, ojehovasáva ko tavayguakuéra oíporãgui hikuái ogeraha haña che réra; che réra rupi oñehenóitaguí chupekuéra; ha chemba'e hikuái.

19 Ha reporandu haguére chéve pe hembia-pováiva rehe, nde rejehovasa.

20 Nde ha'e che rembiguái; ha ajapo nendive konvénio rehupytytaha tekove opave'yva; ha nde chepytyvõta ha resẽta che rérape, ha rembyatýta che ovechakuéra.

21 Ha ohenduséva che ñe'ẽ ha'éta che ovecha; ha remoñuahẽta

chupe tupaópe, ha che avei amo-
g̃uahêta chupe.

22 Ha katu péina ápe, kóva
ha'e che tupao; opavave oñe-
mongaraíva oñemongaraíta
arrepentimientorã. Ha opavave
emoḡuahêvape ogueroviava'erã
che réra; ha che pojerápe aperdo-
náta chupe.

23 Che ha'égui ajagarráva che-
jehe yvóra angaipakuéra; che ha-
'égui ajapova'ekue chupekuéra;
ha che ha'e ame'êva pe oguero-
viávape ipahaite peve peteĩ tenda
che po akatúape.

24 Ha katu péina ápe, che réra
rupi oñehenói hikuái; ha ha'e-
kuéra cheikuaáramo oúta, ha
oguerékóta hikuái peteĩ tenda che
po akatúape tapiaite peve.

25 Ha ojuhúta upe trompéta mo-
kõiha ipu vove upéramo umi ara-
ka'eve ndachekuaaiva'ekue oúta
ha oñembo'ýta che renondépe.

26 Ha upéramo ha'ekuéra oikua-
áta che ha'eha Ñandejára Itupã,
che ha'eha Irredentor; ha katu ha-
'ekuéra noñerredimiseiva'ekue.

27 Ha upéramo che ha'éta chu-
pekuéra araka'eve ndaikuaai-
hague chupekuéra; ha ohóta
hikuái peteĩ tata opave'yvape
oñembosako'iva'ekue aña ha
hi'angelkuérape ḡuarã.

28 Upévare che ha'e ndéve, pe
nohenduséivape che ñe'ẽ, upé-
vape neremoḡuahêmo'ãi che tu-
paópe, che namoḡuahêmo'ãigui
chupe upe ára pahápe.

29 Upévare che ha'e ndéve,
tereho, ha opavave hembiapova-
ívape cherehe, pévape rehusgáta

umi angaipa ojavova'ekuére; ha
omombe'úramo iñangaipakuéra
nerenonde ha cherenondépe, ha
oñearrepentíramo ikorasõ añe-
tépe, reperdonáta chupe, ha che
avei aperdonáta chupe.

30 Heẽ, ha opa ára che tavay-
guakuéra oñearrepentíramo
aperdonáta chupekuéra umi
hembiapovai cherehe.

31 Ha peẽ avei peñoperdonáta
ojupe pene rembiapovaikuéra;
añetehápe ha'égui ndéve, pe
noperdonáiva hembiapovaikue
hapichápe, ha'e he'írõ oñearre-
pentiha, upéva ogueru hi'ári
kondenasiõ.

32 Ko'ãḡa che ha'e ndéve,
tereho; ha opavave noñearre-
pentiséiva iñangaipágui upéva
ndojeipapamo'ãi che tavaygua-
kuéra apytépe; ha kóva ojejpóta
ko'ãḡa guive tenondeve peve.

33 Ha ojeju Alma ohendúvo
ko'ã ñe'ẽ ha'e ohai ikatu ha-
ḡuáicha oguereko umíva, ha
ikatu haḡua ohusga tupaogua
tavayguakuérape umi Tupã re-
mbiapoukapy he'iháicha.

34 Ha ojeju Alma oho ha ohusga
umi ojejuhuva'ekue tembiapova-
ípe, Ñandejára ñe'ẽ he'iháicha.

35 Ha opavave oñearrepentíva
iñangaipágui ha omombe'úva,
umívape ha'e oipapa tupaogua
tavayguakuéra apytépe.

36 Ha umi nomombe'uséiva
iñangaipakuéra ha noñearrepen-
tiséiva hembiapovaígui, umívape
ndojeipapái tupaogua tavaygua-
kuéra apytépe, ha herakuéra
ojeipe'a.

37 Ha ojehu Alma omboguata opa mba'e tupaogua; ha oñepyrũ jey oguereko hikuái py'aguapy ha oñakãrapu'ã tuicha umi mba'e tupaopeguápe, oguatávo hikuái ñeñangarekópe Tupã renondépe, omoġuahêvo hetápe, ha omonga-raívo hetápe.

38 Ha ko'ága Alma ha umi ipy-tyvõhára oisãmbyhýva pe tupao ojapo opa ko'ã mba'e, oguatávo opa jesarekópe, ombo'évo Tupã ñe'ẽ opa mba'épe, ohasávo opáichagua jeiko'asy, oñemuñávo hikuái opa umi ndaha'éiva Tupã tupaopeguáre.

39 Ha ha'ekuéra oñemoñe'ẽ ijoyke'ykuérape; ha avei oñemoñe'ẽ hikuái, opavave Tupã ñe'ẽ rupi, iñangaipakuérare, térã umi angaipa ojapova'ekuére, he'ívo chupekuéra Tupã, oñembo'e meme haġua, ha ome'ẽ haġua aguyje opa mba'épe.

ÑEMBYATY 27

Mosiah ombotove ñemuña ha omõuka tembijoja—Alma upe ta'yra ha irundy Mosiah ra'ykuéra ohundise pe tupao—Peteĩ ángel ojehechauka ha he'i chupekuéra oheja haġua hape ñaña—Alma opyta ñe'ẽ'yre—Opa yvypóra heñoijeyva'erã ohupyty haġua salvasiõ—Alma ha Mosiah ra'ykuéra omomarandu mba'e porã pyahu. 100–92 ary rupi Cristo mboyye.

HA ko'ága ojehu ñemuña ojapóva umi oguerovia'yva pe tupao ári

tuichaiterei ha umi tupaoguáva oñepyrũ okaguai, ha ochi'õ ko'ã mba'ére umi oisãmbyhýva chupekuérape; ha ha'ekuéra ochi'õ Alma-pe. Ha Alma ogueraha umi mba'e upe rréi Mosiah renondépe. Ha Mosiah oporandu isacerdotekuérape.

2 Ha ojehu rréi Mosiah omondo peteĩ momarandu opa tetã jere-reguápe avave oguerovia'yva nomuñava'erãha avave ha'éva Tupã tupaoguápe.

3 Ha oĩkuri peteĩ tembiapoukapy mbarete opa tupaokuéra apytépe ndaiporiva'erãha ñemuña ijapytepekuéra, oiva'erãha tembijoja opa yvypóra apytépe.

4 Ha ani oheja hikuái pe orgúllo ni pe ñembotuicha ombyai ipy'aguapykuéra; ha opavave yvypóra ohayhuva'erã hapichápe ha'e ojehayhuháicha, omba'apóvo ipópe okaru haġua.

5 Heẽ, ha mayma isacerdote ha imbo'eharakuéra omba'apova'erã ipópe oñemongaru haġua, opa ára ndaha'éiramo hasy aja, térã ñekotevẽvaípe; ha ojapóvo opa ko'ã mba'e, henyhẽ hikuái Tupã grásiagui.

6 Ha oñepyrũ oĩjey heta py'aguapy upe tetãme; ha umi tavayguakuéra oñepyrũ oñembohetaiterei, ha oñepyrũ oñemosarambi hikuái pe vyv ape ári, heẽ, nóрте ha sur gotyo, kuarahyresẽ, ha kuarahyreike gotyo, omopu'ãvo tavaguasukuéra ha táva opa tetã renda rupi.

7 Ha Ñandejára ou henda-pekuéra ha omoakãrapu'ã

chupekuéra, ha oiko chuguikuéra peteĩ tavayguakuéra tuicha ha ipirapire hetáva.

8 Ko'áña Mosíah ra'ykuéra ojeipapa umi oguerovia ýva apytépe; ha avei peteĩ Alma ra'y ojeipapa ijapytepekuéra, pe oñehenóiva Alma, itúvaicha; upevére, oiko chugui peteĩ yvypóra iñañaitereíva ha ita'angarayhúva. Ha ha'e peteĩ yvypóra iñe'ẽ hetáva, ha heta ombojuruhe'ẽ tavayguakuérape; upéicha ogueraha heta umi tavayguakuérape ojapo haña tembiapovai ha'e ojapóva.

9 Ha oiko chugui tuicha ñepysangaha pe Tupã tupao ñemoakãrapu'ãme ghuarã; oñemomba'évo tavayguakuéra korasõre; ojapóvo heta joavy tavayguakuéra apytépe; ome'ẽvo tenda pe Tupã ohayhu ýva oiporu haña ipu'aka hi'arikuéra.

10 Ha ko'áña ojehu ha'e oñeha'ã aja ohundi pe Tupã tupao, ha'e ohóguikuri ñemiháme Mosíah ra'ykuéra ndive, oñeha'ãvo ohundi pe tupao, ha omovã umi Ñandejára tavayguakuérape, mba'e oñemoíva Tupã rembiapoukapýre, ha jepe upe rréire—

11 Ha ha'e haguéicha peẽme, oho aja hikuái ápe ha pégotyo oñemoívo Tupãre, péina ápe, Ñandejára ángel ojehechauka chupekuéra; ha oguejy oĩramoguáicha aráipe; ha oñe'ẽ chupekuéra arasunúmegua ñe'ẽmeicha, omboryryíva pe yvy ha'ekuéra oĩháme.

12 Ha tuichaiterei iñemondyikuéra, ha ho'a hikuái pe yvýpe,

ha noikũmbýi hikuái umi ñe'ẽ ha'e he'iva'ekue chupekuéra.

13 Upevére oñe'ẽ jey, he'ívo: Alma epu'ã ha eñemoagui, mba'ére piko remuña Tupã tupaope? Ñandejára he'ígui: Kóva ha'e che tupao, ha che amopu'ãta; ha mba'eve nohundimo'ãi, ndaha'éirõ che tavayguakuéra rembiapovai.

14 Ha avei, pe ángel he'i: Péina ápe, Ñandejára ohendu itavayguakuéra ñembo'e, ha avei hembiguái, Alma, ñembo'e ha'éva nde ru; ha'e oñembo'égui tuicha jeroviápe nderehe rejeguero haña pe añetegua jeikuaápe; upévale, upevarã che ajúkuri rokõnense haña pe Tupã pu'aka ha autoridágui, hembiguaiakuéra ñembo'e oñembohováí haña ojeroviaháicha hikuái.

15 Ha ko'áña péina ápe, ikatu piko nde reñemoí Tupã pu'akáre? Ha katu péina ápe, nomboryryí piko che ñe'ẽ pe yvy? Ha ndache rechái piko avei nerenondépe? Ha che añembou Tupãre.

16 Ko'áña ha'e ndéve: Tereho, ha nemandu'a nde rukuéra ñeñapytĩmbýre Helam retãme, ha Nefi retãme; ha nemandu'a tuichaita mba'e ojapohague ha'e hesekuéra; ha'ekuéra oĩguikuri ñeñapytĩmbýpe, ha ha'e omosãso chupekuéra. Ha ko'áña che ha'e ndéve, Alma, tereho nde rapére, ha anive ehundise pe tupao, iñembo'ekuéra oñembohováí haña, ha kóva, jepeve nde ndejehegui reñemombosérõ.

17 Ha ko'áña ojehu ko'áva

ha'e ñe'ē pahakuéra pe ángel oñe'ēva'ekue Alma-pe, ha ha'e osē oho.

18 Ha ko'áğa Alma ha umi oíva hendive ho'a jey pe yvýpe, tuichaitereígui ñemondýi; hesa rupiete ohechágui hikuái peteĩ Ñandejára ángel; ha ñe'ē ha'e arasunúicha, omboryryva pe yvy; ha ha'ekuéra oikuaa ndaiporihá mba'eve ndaha'éiramo Tupã pu'aka ikatúva oityvyro ha omboryryi pe yvy oñemboja'otarõguáicha.

19 Ha ko'áğa Alma oñemondýi tuichaitereígui opyta ñe'ēngu, upéicha ha'e ndaikatúi ojejurupe'a; heẽ, ha ha'e ikangy, jepe ndaikatuvéi peve omongu'e ipo; upéva ha'e ojegueraha umi oíva'ekue hendive rehe, ha ogueraha chupe hikuái kangypápe, jepe ojepyso peve itúva renondépe.

20 Ha omombe'u hikuái itúvape opa mba'e ojehuva'ekue chupekuéra; ha itúva ovy'a, ha'e oikuaágui péva ha'ehague Tupã pu'aka.

21 Ha ha'e ojapouka peteĩ atyguasú oñembyaty otestifika hağua hikuái Ñandejára ojapova'ekue ita'ýra rehe, ha avei umi hendive oíva rehe.

22 Ha ha'e ojapouka umi sacerdote oñembyaty atyguasúpe; ha oñepyrũ hikuái oajuna, ha oñembo'e Ñandejára Itupãme oipe'a hağua Alma juru, ikatu hağua oñe'ē, ha avei hete oguereko hağua mbarete—pe tavayguakuéra resa ojeipe'a hağua ohecha ha

oikuaa hağua hikuái Tupã py'a-porã ha verapygui.

23 Ha ojehu oajuna ha oñembo'e rire hikuái mokõi arakue ha pyharekue aja, Alma rete imbarete jey, ha ha'e oñembo'y ha oñepyrũ oñe'ē chupekuéra, he'ívo oñemokyre'y hağua hikuái.

24 Ha, ha'e he'i, añearrepentíkuri che angaipakuéragui, ha añerredimi Ñandejárame; péina ápe chereñoi pe espíritugui.

25 Ha Ñandejára he'í chéve: Ani remomba'eguasú opavave yvyropakuéra, heẽ, kuña ha kuimba'e, opa tetã, avaretã, ñe'ēnguéra ha tavakuéra, heñoijeyva'erãha; heẽ, heñoi Tupãgui, oñemoambuévo to'o ha je'a ñeimégui, peteĩ tekojoja ñeimépe, oñerredimívo Tupãre, oikóvo chuguikuéra ita'ýra ha itajyrakuéra;

26 Ha péicha oiko chuguikuéra tekove pyahu; ha ndojapóiramo ko'áva, mba'evéicharamo ndaikatumo'ái ohupyty Tupã rréino.

27 Ha che ha'e ndéve, ndaupéichairamo, oñemombova'erã hikuái; ha kóva che aikuaa, che haimetégui añemombo.

28 Upevére, ahasa rire heta jehasa'asy, añearrepentívo haimete ñemano meve, Ñandejára iporiahuverekópe ohechaporã cheipe'a peteĩ tata opave'yvagai, ha chereñoi Tupãgui.

29 Che ánga oñerredimíkuri pe vy'a'y írovévagai ha umi tembiapovai sãgui. Aimékuri pe vyvkua ypytũme; ha katu ko'áğa ahecha pe Tupã resape hechapyrãva. Ojopykuri che ánga peteĩ

jehasa'asy opave'yva; ha katu añeguenohẽ, ha che ánga noñanduvéima mba'embyasy.

30 Che arrechasákuri che Rredentórpe, ha anega ore rukuéra oñe'ẽva'ekue; ha katu ko'ága ha'ekuéra oikuaa haɣua upe mboyve ha'e outaha, ha ha'e imandu'aha opa tekove ojapova'ekuere, ha'e ojehechaukáta opavavépe.

31 Heẽ, opa tenypy'ã oñesũta, ha opa ñe'ẽnguera oñekonfesáta henondépe. Heẽ, jepe ára pahápe, mayma yvypóra oñembo'y vove ojehusga haɣua hese, upéramo okonfesáta hikuái ha'e ha'eha Tupã; upéramo ha'ekuéra okonfesáta, umi oikóva Tupã'yre yvórape, pe huisio oguerúva peteĩ jehavira opave'yva hi'arikuera ijajaha; ha ha'ekuéra ipirĩ ha oryrýita, ha oñemoakurũchĩta pe hesa opa mba'e ohecháva guýpe.

32 Ha ko'ága ojehu Alma ha umi oĩva'ekue hendive pe ángel ojehechaukaramoguare chupekuera oñepyrũ upe guive ombo'e tavayguakuérape, oguatávo opa tetã jerére, omomaránduvo opa tavayguakuérape umi mba'e ha'ekuera ohendu ha ohechava'ekue, ombo'évo Tupã ñe'ẽ heta jehasa'asýpe, tuicha oñemuñávo hikuái umi oguerovia'yvare, ojeipy'ajopývo heta hesekuera.

33 Ha katu jepe opa ko'áva, ha'ekuera ome'ẽ heta ñemoangapyhy tupaopeguakuérape, omoañetévo ijerovia, ha oñemoñe'évo chupekuera py'aporã

reheve ha tuicha ñeha'áme iñe'ẽrendu haɣua hikuái Tupã rembiapoukapykuérape.

34 Ha irundy ijapytepekuera ha'e Mosiah ra'ykuera; ha herakuera ha'e Ammón, ha Aarón, ha Omner, ha Himni; ha ko'áva ha'e Mosiah ra'ykuera réra.

35 Ha oguata hikuái opa Zarahemla retãre, ha opa tavayguakuera apytépe oĩva rreĩ Mosiah rreinádo guýpe, oñeha'ã mbarretévo omoĩporã opa mba'evai ojapova'ekue hikuái pe tupaóre, okonfesávo opa iñangaipakuera, ha omombe'úvo hikuái opa mba'e ohechava'ekue, ha omyesakãvo umi profesía ha escritura opavave ohenduséva chupekuérape.

36 Ha péicha ha'e hikuái tembiaporu Tupã pópe ogueru haɣua hetápe pe añetegua jeikuaápe, heẽ, Irredentor jeikuaápe.

37 Ha tuicha ojevovasa ha'ekuera! Omombe'úgui hikuái py'aguapy; omombe'u hikuái marandu porã mba'e porãgui; ha ha'ekuera omomarándu tavayguakuérape Ñandejára orreinaha.

ÑEMBYATY 28

Mosiah ra'ykuera ombo'e lamanitakuérape—Oĩporúvo umi mokõi ita techapahára, Mosiah ombohasa umi pláncha Jaredita-kuera rehegua. 92 ary rupi Cristo mboyve.

KO'ÁGA, ojehu Mosiah ra'ykuera ojapopa rire ko'ã mba'e, ojagarra

hikuái mbovymíme ha ohojey itúva rendápe, upe rréi, ha oipota chugui hikuái toheja chupekuéra, umi ha'ekuéra oiporavova'ekue ndive, tojupi Nefi retâme ombo'e hağua umi mba'e ohenduva'ekue hikuái, ha ikatu hağua oikuaauka Tupã ñe'ê ijoyke'ykuéra, umi lamanita-pe—

2 Ikatumba'e hağua ogueru chupekuéra Ñandejára Itupã jeikuaápe, ha okonvense chupekuéra ituvakuéra rembiapovaígui; ha ikatumba'e hağua omonguera chupekuéra ijehayhu'ỹgui nefita-kuérare, ojegueraha hağua avei chupekuéra ovy'a hağua Ñandejára Itupãme, ojoayhu hağua hikuái oñondive, ha ndaiporivéi hağua joavy opa tetã Ñandejára Itupã ome'êva'ekue chupekuérape.

3 Ko'ága oipota hikuái pe salvasiõ oñemombe'u mayma tekovépe, ndaikatúigui ogueropu'aka hikuái avave yvypóra ánga omano; heẽ, jepe ojepy'amongetáramo hikuái oimeraẽ ánga ohasava'erãha peteĩ jehasa'asy opave'ỹva omopirĩ ha omboryrĩ chupekuéra.

4 Ha péicha pe Ñandejára Espíritu omba'apo hi'arikuéra, ha'égui hikuái iñañavéva angaipa apohare. Ha Ñandejára ohecha porã iporiahuvareko opave'ỹvape operdona chupekuéra; upevére ha'ekuéra ohasa heta jepy'apy hi'ángape hembiapovaikuéra rupi, heta ohasa'asy ha okyhyje oñemombóramo ġuarã chupekuéra tapiajte peve.

5 Ha ojehu heta ára aja ojerure'asy hikuái itúvape oheja hağua chupekuéra ojupi Nefi retâme.

6 Ha rréi Mosíah oho ha oporandu Ñandejárape ohejava'erãpa ta'yraçuera oho lamanita-çuera apytépe ombo'e hağua upe ñe'ê.

7 Ha Ñandejára he'i Mosíah-pe: Eheja toho hikuái, heta ogueroviátagui iñe'ẽnguéra, ha ha'ekuéra ohupytýta tekove opave'ỹva; ha che amosásóta nde ra'ykuérape lamanita-çuera pógui.

8 Ha ojehu Mosíah oheja ha'ekuéra oho ha ojapo ojerure haguéicha hikuái.

9 Ha omoñepyrũ hikuái iguata pe tave'ỹme oho ha ombo'e hağua pe ñe'ẽ lamanita-çuera apytépe; ha tenondeve ame'êta peteĩ ñemombe'u hembiapokuéra rehegua.

10 Ko'ága rréi Mosíah ndoguerekói avave ome'ê hağua me upe rréino, ndaipórigui avave ita'yraçuera apytépe oipotáva upe rréino.

11 Upévare ha'e ojarra umi kuatiajehaipyre ojehaíva pláncha bronze-guiguápe, ha avei Nefi planchakuéra, ha opa mba'e ha'e oñongatu ha oñangarekova'ekue Tupã rembiapoukapykuéra he'i-háicha, ombohasa rire ha ohaiuka rire pe tembiasakue oíva umi pláncha oroguigua ári Limhi tavayguakuéra ojuhuva'ekue, ha umíva oñeme'êva'ekue chupe Limhi po rupive;

12 Ha ko'áva ha'e ojapo itavayguakuéra oipotaitereígui;

oikuaasetereígui hikuái upe tavayguakuéra oñehundiva'ekuegui.

13 Ko'ágã ombohasákuri umíva umi mokõi ita rupi oíva umi mokõi áro pe arkoguiguápe.

14 Ko'ágã ko'ã mba'e oñembo-sako'íva'ekue ñepyrúmby guive, ha oñembohasa ñemoñare'atýgui ñemoñare'atýpe, oñehesa'yíjo hağua ñe'ënguéra;

15 Ha umíva oñeñongatu ha oñeñangareko Ñandejára po rupive, ha'e ohechauka hağua opa tekove oikóva upe tetãmepe itavayguakuéra rembiapovai ha rembiapoky'akuéra;

16 Ha opavavépe oguerekóva ko'ã mba'e oñehenói techapahára, ára ymaguarépeicha.

17 Ko'ágã Mosíah ombohasapa rire ko'ã kuationjehaipyre, péina ápe, ko'áva ome'ë peteí ñemombe'u umi tavayguakuéra oñehundiva'ekue rehegua, ára ha'ekuéra oñehundi guive oguevívó pe tórré guasu oñemopu'ãramoguare peve, Ñandejára omoypytũramoguare umi tavayguakuéra ñe'ë ha oñemosarambíramoguare hikuái opa yvy ape ári, heë, jepe upe ára guive oguevívó Adán ojejaporamoguare peve.

18 Ko'ágã ko ñemombe'u rupi Mosíah tavayguakuéra oñembyasyeterei, heë, henyhẽ hikuái vy'a'ygui; upevére kóva ome'ë chupekuéra heta jeikuaa, ha ko'ávape ha'ekuéra ovy'a.

19 Ha kóva ko ñemombe'u ojehaíta tenondeve; ha péina ápe, tekotevẽ opavave tavayguakuéra

oikuaa umi mba'e ojehaíva ko ñemombe'úpe.

20 Ha ko'ágã, ha'ehaguéicha peẽme, upe rréi Mosíah ojapo rire ko'ã mba'e, ha'e ojagarra umi pláncha bronze-guigua, ha opa mba'e ha'e oñongatuvá'ekue, ha ome'ë Alma-pe, ha'éva Alma ra'y; heë, opa kuationjehaipyre, ha avei umi intérprete, ha ome'ë chupe, ha he'i chupe oñongatu ha oñangareko hağua umívare, ha avei ogueraha hağua peteí kuationjehaipyre pe tavayguakuéra rehegua, ombohasávo peteí ñemoñare'atýgui ambuépe, umíva oñembohasa haguéicha ára Lehi osẽ guive Jerusalén-gui.

ÑEMBYATY 29

Mosíah he'i ojeiporavo hağua huekuéra rreirangue—Rreikuéra ndahekojojáiva ogueraha itavayguakuérape angaipápe—Alma pe ta'yra ojeiporavo hue mburuovicháramo tavayguakuéra ñe'ë rupi—Ha'e avei pe sumo sacerdote tupao ári—Omano Mosíah ha Alma upe túva. 92–91 ary rupi Cristo mboyve.

KO'ÁGÃ Mosíah ojapo rire ko'áva ha'e omondo peteí momarandu opa tetãme, opa tavayguakuéra apytépe, oikuaaségui mba'épa he'i hikuái mávapa ha'eva'erã irreikuéra.

2 Ha ojehe upe tavayguakuéra ñe'ë ou, he'ívo: Ore roipota Aarón nde ra'y taha'e ore rréi ha ore sãmbyhyhára.

3 Ko'ága Aarón ojupíkuri Nefi retāme, upévale upe rréi ndai-katúi ome'ē chupe upe rréino; ni Aarón ndojagarraséi imba'erā upe rréino; ni mavave Mosíah ra'ykuéra ndojagarraséi imba'erā upe rréino.

4 Upévale rréi Mosíah omondo-jey tavayguakuéra apytépe; heē, jepe peteĩ momarandu jehaipyre omondo tavayguakuéra apytépe. Ha ko'áva ha'e umi ñe'ē ojehai-va'ekue, he'ívo:

5 Péina ápe, O peē che tavay-guakuéra, térā che joyke'ykuéra, che pohayhúgui ha'erōguáicha, che aipota pejepy'amongeta upe mba'e oje'eva'ekuere peēme pejeipy'amongeta haḡua—peē peguerekoségui peteĩ rréi.

6 Ko'ága ha'e peēme upe oñe-me'eva'erāme hekoitépe upe rréino ndoipotái, ha ndojagarraséi imba'erā upe rréino.

7 Ha oñehenóiramo ambue hendaguépe, péina ápe akyhyje oĩramo ḡuarā joavy pende apytépe. Ha máva piko oikuaa che ra'y, imba'éva pe rréino, ikatumba'e ipochy ha ogueraha hapykuéri tavayguakuéra apytégui, oguerútava ñorairōguasu ha joavy pende apytépe, ha péva oguerúta heta tuguy ñeñohē ha Ñandejára rapekuéra ñembyai, heē, ha ohundíta heta tavayguakuéra ánga.

8 Ko'ága che ha'e peēme ñane-akāguapýna ha jajepy'amongeta ko'á mba'ére, ndajaguerekóigui derécho ñahundívo che ra'yípe, ni ñahundívo ambue oñehenóivape hendaguépe.

9 Ha che ra'y oñemovā jeýramo ijorgúllo ha umi mba'e vyroreípe ojevýne umi he'iva'ekuégui, ha ojerure iderécho pe rréinope, mba'e ojapoukátava chupe ha avei ko tavayguakuérape heta angaipa.

10 Ha ko'ága ñaneakāguapýna ha ñañemotenonde ko'á mba'ére, ha jajapo umi mba'e omo-mbaretétava ko tavayguakuéra py'aguapy.

11 Upévale che pende rréita che ára rembyre aja; upevére, ñahenói huekuéra, ohusga haḡua ko tavayguakuérape ñande léi he'iháicha; ha ñamoíporāta umi mba'e ko tavayguakuéra rehegua ambuéicha, ñahenóita-gui kuimba'ekuéra iñarandúva ha'e haḡua hue, ohusgátava ko tavayguakuérape Tupā rembiapoukapykuérape he'iháicha.

12 Ko'ága iporāve yvypóra ojehusga Tupāre ojehusgarangue yvypórare, ijójagui tapiate Tupā huisiokuéra, ha katu yvypóra huisiokuéra nameméi ijoja.

13 Upévale, ikatúrire peē pegue-reko yvypóra ijójava ha'e haḡua pende rréi, omoíva Tupā leikuéra, ha ohusgáva ko tavayguakué-rape hembiapoukapykuérape he'iháicha, heē, peguerekóirire rréiramo kuimba'e ojapóva jepe che ru Benjamín ojapo haguéicha ko tavayguakuérare—Che ha'e peēme, tapiate péicharire oĩpo-rāta peguereko tapiate rreikuéra pene sãmbyhy haḡua.

14 Ha jepe chete amba'apo opa pu'aka ha katupyry aguerekóva

reheve, pombo'e haġua Tupã rembiapoukapykuéra, ha amoĩ haġua py'aguapy opa ko te-tãme, ani oĩ ñorairõguasu ni joavy, ni ñemonda, ni jejavyky, ni jejuka, ni mba'evéchagua tembiapovai;

15 Ha opavave ojavóva tembiapovai, che ahavira chupe pe mba'evai ojavova'ekuere, umi léi ñande rukuéra ome'ëva'ekue ñandéve he'iháicha.

16 Ko'áġa ha'e peẽme, ndahekojojáigui opavave yvypóra naiporái peguereko peteĩ rréi térã rreikuéra penesãmbyhy haġua.

17 Ha péina ápe, mboy tembiapovai piko ojavouka peteĩ rréi iñañáva, heẽ, ha tuichaitéva ñehundi!

18 Heẽ, penemandu'a rréi Noé rehe, hembiapovai ha hembiapoky'akuéra, ha avei itavayguakuéra rembiapovai ha rembiapoky'akuéra. Péina ápe tuichaite ñehundi ho'ava'ekue hi'arikuéra; ha avei hembiapovaikuéra rupi oje-guerahava'ekue chupekuéra ñeñapytĩmbýpe.

19 Ha ndojeruréirire hese-kuéra Ijapohare oikuaapáva, ha upéva oñearrepentígui hikuái añetehápe, opytaveva'eramo'ã hikuái ñeñapytĩmbýpe ko'áġaite peve.

20 Ha katu péina ápe, ha'e omosãso chupekuéra oñemomirĩ haguére hikuái henondépe; ha ojerure'asy mbarete haguére hikuái chupe omosãso haġua

chupekuéra ñeñapytĩmbýgui; ha péicha omba'apo Ñandejára ipu'aka reheve opa mba'épe yvypóra ra'ykuéra apytépe, oipysóvo ijyva poriahuvereco umi omoĩva gotyo hese ijerovia.

21 Ha péina ápe, ko'áġa ha'e peẽme, ndaikatúi pemosẽ peteĩ rréi hembiapovaívape ndaha'éirõ heta joavy, ha heta tuguy ñeñohe rupi.

22 Ha péina ápe, ha'e oguerekógui iñirĩnguéra tembiapovaípe, ha ha'e oguereko iñangarekoharakuéra ijerére; ha ha'e ombyai umi léi omoĩva'ekue umi orreinava'ekue tekojojápe ha'e mboyve; ha opyrũ ipýpe Tupã rembiapoukapykuérare.

23 Ha ha'e ojapo leikuéra, ha omondo itavayguakuéra apytépe, heẽ, leikuéra hekoñañaichaite; ha oimeraẽ naiñe'ërendúivape ileikuérare ha'e ohundika; ha oimeraẽ oñemoĩva hesépe ha'e omboíta ijehersitokuéra oñorairõ haġua hendive, ha ikatúramo ohundíta chupekuéra; ha péicha peteĩ rréi hekojoja'yva ombyai opa tekojoja rape.

24 Ha ko'áġa péina ápe che ha'e peẽme, naiporái peichagua tembiapoky'akuéra ou pende ári.

25 Upévore, peiporavo kóva ko tavayguakuéra ñe'ẽ rupive, huekuéra, pejehusga haġua umi leikuéra oñeme'ëva'ekue peẽme ñande rukuérare he'iháicha, ojavvy'yva, ha oñeme'ëva'ekue chupekuéra Ñandejára po rupive.

26 Ko'áğa ndajepiguái pe tavayguakuéra ñe'ẽ oipota peteĩ mba'e ndaijojáiva; ha katu jepive pe tavayguakuéra michĩvéva oipota pe ndaijojáiva; upévare kóvare pejesarekóta ha pejapóta chugui pende léi—pejapóta pene mba'ekuéra tavayguakuéra ñe'ẽ rupi.

27 Ha oğuahẽramo ára tavayguakuéra ñe'ẽ oiporavo pe tembiapovai, upéramo ha'e ára Tupã huisiokuéra outaha pende ári; heẽ, upéramo ha'e ára ha'e outaha peẽme tuicha ñehundi reheve jepe ha'e ou haguéicha ko'áğa peve ko tetãme.

28 Ko'áğa peguerekóramo hue ha ha'ekuéra ndohusgáiramo upe léi oñeme'ẽva'ekuépe he'iháicha, peẽ ikatu pehusgaka chupekuéra peteĩ hue tuichavéva rupi.

29 Ha pende hue tuichavéva ndohusgáiramo huisio ijójáva, peẽ pejápota mbovymi pende hue michĩvéva oñembyaty, ha ha'ekuéra ohusgáta pende hue tuichavévape, tavayguakuéra ñe'ẽ he'iháicha.

30 Ha ha'e peẽme pejapo hağua ko'ã mba'e Ñandejára jekyhýjepe; ha che ha'e peẽme pejapo hağua ko'ã mba'e, ha ani hağua peguereko rréi; kóva ko tavayguakuéra ojapóramo angaipa ha tembiapovaikuéra umíva ojeguero hağua iñakã arikuéra.

31 Ha péina ápe che ha'e peẽme, heta tavayguakuéra angaipakuéra ojepapo irreikuéra

rembiapovai rupi; upévare hembiapovaikuéra ho'a irreikuéra akã ári.

32 Ha ko'áğa che aipota ko joja'y anive oĩ ko tetãme, ko che tavayguakuéra apytépe voi; ha katu che aipota ko tetã taha'e peteĩ tetã oĩháme sãso, ha opavave yvypóra tohupyty iderécho ha hemime'ẽ peteichaite, Ñandejárape iporã aja jaiko ha jahupyty upe tetã, heẽ, jepe oimeraẽva ñane ñemoñarekuéra opyta aja peve yvy ape ári.

33 Ha hetave mba'e ohai chupekuéra rréi Mosíah, ohechaukávo chupekuéra opa jepy'apy ha py'arasy ohasáva peteĩ rréi hekojojáva, heẽ, opa hi'ánga ñembyasy itavayguakuéra rehe, ha avei opa chi'õ ojapóva tavayguakuéra irréipe; ha omyesakã chupekuéra opa ko'ã mba'e.

34 Ha ha'e he'i chupekuéra opa ko'ã mba'e ndaiporiva'erãha; ha katu pe mba'epohýi oíva'erãha opa tavayguakuéra ári, opavave yvypóra ogueropu'aka hağua imba'éva.

35 Ha ha'e ohechauka avei chupekuéra opa mba'evai guýpe omba'apotaha hikuái, oisámbyhýramo chupekuéra peteĩ rréi hekojoja'yva;

36 Heẽ, opa hembiapovai ha hembiapoky'akuéra, ha opa ñorairõguasu, ha joavy, ha tuguy ñeñohe, ha ñemonda, ha jejavyky, ha tekovaikuéra jejapo, ha opáichagua tembiapovai ndaikatúiva ojeipapa—he'ívo chupekuéra ko'ã mba'e

ndaiporiva'erāha, umíva añete-hápe ombohovai haguére Tupã rembiapoukapy.

37 Ha ko'ága ojehu, rréi Mosíah omondo rire ko'ã mba'e tavayguakuéra apytépe ha'ekuéra oñekonvense iñe'ẽ añeteguaha.

38 Upévare ndoguerekosevéima hikuái rréi, ha oipotaiterei hikuái opa yvypóra oguereko jehupyty joja upe tetãme; heẽ, ha opavave yvypóra he'i oĩporāha chupekuéra ogueru hi'ári iñangaipakuéra.

39 Upévare, ojehu ha'ekuéra oñembyaty atyguasúpe opárupi upe tetãme, ome'ẽ hağua iñe'ẽ mávapa ha'éva'erā ihuekuéra, ohusga hağua chupekuéra upe léi oñeme'éva'ekue chupekuérare he'iháicha; ha ovy'aiterei hikuái pe sãso oñeme'éva'ekue chupekuérare.

40 Ha oñemombareteve pe mborayhu oñandúva hikuái Mosíah rehe; heẽ, ohayhuve chupe hikuái opa yvypóragui; ndohecháigui chupe hikuái peteĩ mburuvicha ñañáramo ohekáva imba'erānte, heẽ, pe pirapire ombyaíva pe ánga; ha'e ndojeruréigui chupekuéra pirapire, ni ndahoryiva'ekue tuguy ñeñohẽme; ha katu ha'e omoíva'ekue py'aguapy upe tetãme, ha ha'e ohejava'ekue itavayguakuéra isãso opáichagua ñeñapytĩmbýgui; upévare ohayhu chupe hikuái, heẽ, ohayhueterei chupe hikuái, ndaikatúiva ja'epa.

41 Ha ojehu ohenói hikuái huekuéra oisãmbyhy hağua hi'arikuéra, térã ohusga hağua chupekuéra upe léipe he'iháicha; ha ko'áva ojapo hikuái opárupi upe tetãme.

42 Ha ojehu Alma oñehenói ha'e hağua hue mburuvicha peteĩha, ha'évo avei pe sumo sacerdote, ome'évo chupe itúva pe tembiapo, ha ome'évo chupe ñeñangareko opa mba'e tupaopeguare.

43 Ha ko'ága ojehu Alma oguatákuri Nandejára rapekuérare, ha ha'e iñe'ẽrendu hembiapoukapykuérare, ha ohusga huisiokuéra ijójava; ha oĩ meme py'aguapy upe tetãme.

44 Ha péicha oñepyrũ huekuéra ñeisãmbyhy opa Zarahemla retãme, opa tavayguakuéra hérava Nefita-kuéra apytépe; ha Alma ha'ékuri hue mburuvicha peteĩha.

45 Ha ko'ága ojehu itúva omano, oguerekóvo ochenta y dos ary, oikóvo okumpli hağua Tupã rembiapoukapykuéra.

46 Ha ojehu Mosíah omano avei, pe trigésimo tercer ary orreina haguépe, sesenta y tres ary oguerekópe, ha upe peve ohasámakuri quinientos nueve ary Lehi osẽhague Jerusaléngui.

47 Ha péicha opa rreikuéra rreinádo Nefi tavayguakuéra ári; ha péicha opa Alma arakuéra, ha'éva itupaokuéra mopu'ahare.

ALMA KUATIAÑE'Ë

ALMA RA'Y

Alma ñemombe'u, ha'eva'ekue Alma ra'y, upe hue peteïha ha hue guasu Nefi tavayguakuéra ári, ha avei sumo sacerdote pe tupao ári. Peteï ñemombe'u huekuéra ñeisãmyhy rehegua, ha umi ñorairõ-guasu ha joavy tavayguakuéra apytépe. Ha avei peteï ñemombe'u ñorairõguasu oikova'ekue Nefita ha lamanita-kuéra apytépe, Alma, upe hue peteï ha hue guasu, kuatiajehaipyrépe oïháicha.

ÑEMBYATY 1

Nehor ombo'e doctrina añetegua'ÿva, omopu'ã peteï tupao, omoinge upe sacerdote-kuéra mba'evaiñemi ha ojuka Gedeón-pe—Nehor-pe ojejuka hembiaopovaikuére—Oñemosarambi tavayguakuéra apytépe upe sacerdote-kuéra mba'evaiñemi ha umi ñemuña—Sacerdote-kuéra okaru hembiaopokuéra rupi, tavayguakuéra oñangareko imboriahúvare ha pe tupao oñakārapu'ã. 91–88 ary rupi Cristo mboyo.

KO'ÁGA, ojehu upe ary peteïha huekuéra ñeisãmyhy aja Nefi tavayguakuéra ári, ko ára guive tenonde gotyo, rréi Mosiah ohóvo opa yvy rapére, oñorairõvo ñorairõ porã, oguatávo kare'ÿme Tupã renondépe, ndohejáivo avave orreina haña hendaguépe; upevére ha'e omoïva'ekue leikuéra, ha umíva tavayguakuéra omoañeteva'ekue; upévare iñe'ërendumanteva'erã hikuái umi léi ha'e ojapova'ekuere.

2 Ha ojehu upe ary peteïháme Alma orreinahague huekuéra apykápe, ogueru chupe hikuái

peteï kuimba'e ojehusga haña, peteï kuimba'e tuicháva, ha ojehechaporáva imbaretereigui.

3 Ha ha'e oikókuri ápe ha pépe tavayguakuéra apytépe, ombo'évo chupekuéra pe ha'e he'íva ha'eha Tupã ñe'ë, oñemoïvo pe tupao rehe; he'ívo opa sacerdote ha mbo'ehára herakuáva'erã tavayguakuéra apytépe; ha nomba'apoiva'erãha ipópe, ha katu tavayguakuéra omongaruva'erã chupekuéra.

4 Ha ha'e otestifika avei tavayguakuérape opa yvypóra ojesalvataha ára pahápe, ha noikotevêiha okyhyje ni oryríi hikuái, ha katu ikatuha omopu'ã hikuái iñakã ha ovy'a; Ñandéjára ojapo haguére opa yvypórape, ha avei orredimi haguére opa yvypórape; ha, ipahápe, mayma yvypóra oguerekóta tekove opave'ÿva.

5 Ha ojehu hetaiterei ombo'e haguére ko'ã mba'e oï heta oguero-viáva umi iñe'ë, jepe hetaitereigui oñepyrũ omongaru chupe hikuái ha ome'ë chupe pirapire.

6 Ha ha'e oñepyrũ opu'ã iko-rasõ orgúllope, ha omonde ao

hepyetereíva; heë, jepe oñepyrũ omopu'ã peteĩ tupao umi mba'e ha'e ombo'eháicha.

7 Ha ojehu ha'e oho jave ombo'e hağua umi ogueroviávape iñe'ẽ, ojuhu peteĩ kuimba'e ha'éva Tupã tupaogua, heë, jepe peteĩ imbo'ehára; ha ha'e oñepyrũ ojoavy mbarete hendive, omovã hağua tavayguakuéra tupaoguápe; ha katu pe kuimba'e ombohová chupe, oñemoñe'ẽvo chupe Tupã ñe'ẽ rehe.

8 Ko'áğa pe kuimba'e réra ha'e Gedeón; ha ha'e pe ha'eva'ekue peteĩ tembiporu Tupã pópe omosãso hağua ñeñapytĩmbýgui Limhi tavayguakuérape.

9 Ko'áğa, Gedeón ombohová haguere chupe Tupã ñe'ẽ rehe ha'e ipochyeteri Gedeón ndive, ha oguenohẽ ikysepuku ha oñepyrũ oinupã chupe. Ko'áğa Gedeón itujaitereíma, upépare ha'e ndaikatúikuri ogueropu'aka iñembyepoti, upépare omano kysepuku rupi.

10 Ha pe kuimba'e ojukava'ekue chupe ojejarra upe tavayguakuéra tupaopeguáre, ha ojeğueraha Alma renondépe, ojeğusga hağua umi mba'evai ojavova'ekuere.

11 Ha ojehu ha'e oñembo'y Alma renondépe ha oñe'ẽ katu-pyrýpe ijehe.

12 Ha katu Alma he'i chupe: Péina ápe, kóva ha'e peteĩha ára oñemoingehague upe sacerdote-kuéra mba'evaiñemi ko tavayguakuéra apytépe. Ha péina ápe, ndaha'ei sacerdote-kuéra

mba'evaiñemi aňonte pe ne rembiapovai, ha katu remoingese péva mbaretépe kysepuku rupi; ha umi sacerdote-kuéra mba'evaiñemi oñemoĩramo mbaretépe ko tavayguakuéra apytépe, upéva ohundipaitéta chupekuéra.

13 Ha nde reňohẽ peteĩ kuimba'e hekojojáva ruguy, heë, peteĩ kuimba'e ojavova'ekue heta mba'e porã ko tavayguakuéra apytépe; ha ore roperdonáramo ndéve huguy oúta ore ári ohekávo vengánsa.

14 Upépare nde reñekondena remano hağua, léi ome'eva'ekue oréve Mosiah-pe he'iháicha, ore rréi paha; ha péva oñemoañeteva'ekue ko tavayguakuérape; upépare ko tavayguakuéra iñe'ẽrendumanteva'erã upe léire.

15 Ha ojehu ojarra chupe hikuái; ha héra ha'e Nehor; ha ogueraha chupe hikuái pe yvyty Manti ru'áme, ha upépe oje'euka chupe, térã ambue ñe'eme he'i yvága ha yvy apytépe, pe ha'e ombo'eva'ekue tavayguakuérape oñemoĩha Tupã ñe'ẽre; ha upépe ohasa peteĩ ñemanovai.

16 Upevére, kóva nombopahái sacerdote-kuéra mba'evaiñemi ñemosarambi upe tetäre; oĩgui heta ohayhúva yvóra mba'ereikuéra, ha osẽ hikuái ombo'évo umi doctrina aňetegua'y; ha ko'áva ojapo hikuái ohekágui pirapire ha ñemoherakuãporã.

17 Upevére, ha'ekuéra noñani-mái ijapu, ojeikuaáramo ġuarã, okyhyjégui upe léigui, umi ijapúva ojevahirágui; upépare

ha'ekuéra he'igua'u ombo'eha ogueroviaháicha hikuái; ha ko'ága upe léi ndoguerekói pu'aka avave yvypóra ári ijeguerovia rupi.

18 Ha ha'ekuéra noñanimái omonda, okyhyjégui upe léigui, umívape ojevahirágui; ni noñanimái hikuái omonda, ni oporojuka, pe oporojukáva ojevahirágui ñemano reheve.

19 Ha katu ojeheu umi ndaha'éiva Tupã tupaopegua oñepyrũ omuña umi Tupã tupaoguávape, ha umi ojagarrava'ekue hi'ári Cristo rérape.

20 Heẽ, ha'ekuéra omuña chupekuéra, ha ojopy chupekuéra opaíchagua ñe'ẽ reheve, ha kóva inemomirĩ rupi; ndaijorgullósoigui hikuái hesa renondépe, ha oñombo'égui ojupe hikuái Tupã ñe'ẽ, pirapire'ỹre ha ñehepyme'ẽ'ỹre.

21 Ko'ága oikuri peteĩ léi mbarete pe tavayguakuéra tupaogua apytépe, avave yvypóra tupaopegua, nomoñepyrũiva'erã ñemuña umi ndaha'éivape tupaogua, ha ndaiporiva'erã ñemuña ijapytepekuéra.

22 Upevére, oĩ ijapytepekuéra heta oñepyrũva ijorgullóso, ha oñepyrũ ojoavy mbarete ihayhu'ỹhakuéra ndive, jepe oñombyepoti peve; heẽ, oñoi-nupã hikuái ipópe peteĩva ambuévape.

23 Ko'ága, kóva oiko mokõiha Alma reinádope, ha ogueru heta jehasa'asy upe tupaópe; heẽ, ogueru heta jeiko'asy tupaópe.

24 Heta korasókuéra oñemohatãgui, ha herakuéra ojeipe'a, anive hağua oñemomandu'a Tupã tavayguakuéra apytépe. Ha avei heta ojei ijapytepekuéragui.

25 Ko'ága kóva oguerúkuri tuicha jeiko'asy umi inemovã'ỹva ijeroviápe; upevére, ha'ekuéra noñemovái ha ndoku'etí in'e'ere-ndúvo Tupã rembiapoukapykué-rare, ha ha'ekuéra ogueropu'aka ñeha'arókuaápe pe ñemuña oñemoĩva hi'arikuéra.

26 Ha sacerdote-kuéra oheja vove hembiaapo ombo'e hağua Tupã ñe'ẽ tavayguakuérape, tavayguakuéra oheja avei hembiapokuéra ohendu hağua Tupã ñe'ẽ. Ha pe sacerdote ombo'epa rire chupekuéra Tupã ñe'ẽ opavave ohojey jesarekópe hembiapokuérape; ha upe sacerdote, noñemomba'eguasuvéi chupe ohendúvagui, pe ohekombo'éva naiporãvéigui upe ohendúvagui, ni pe mbo'ehára naiporãvéigui temimbo'égui; ha péicha ijojapa hikuái, ha maymáva ha'ekuéra omba'apo, opavave yvypóra imbareteháicha.

27 Ha oguerekoháicha, opavave yvypóra omboja'o imba'erepykuéragui, pe imboriahúvape, ha oikotevéva, ha hasýva, ha oiko'asývape; ha ha'ekuéra nomondéi ao hepy, upevére ipotĩ ha iporã hikuái.

28 Ha péicha omohenda hikuái umi mba'e tupao reheguáva; ha péicha oñepyrũ oguerekojoy hikuái py'aguapy meme, jepe heta oñemuña hikuái.

29 Ha ko'āga, pe tupao ñemo-vā'ỹ rupi oñepyrũ ipirapire hetaiterei hikuái, oguereko hetávo opa mba'e oikotevēva—heta vaka ha ovecha'aty, ha opáichagua mymbara'y'atykuéra, ha avei heta yva ra'ỹikuéra, ha óro, ha pláta, ha mba'e hechapyráva, ha heta séda, ha líno ojejapoporãite-reíva, ha opáichagua ao iporáva ojegua'ỹva.

30 Ha péicha, iñakārapu'āme, ndohejareíri hikuái avave ijopívova, térã iñembyahýiva, térã ijy'uhéiva, térã hasýva, térã noñemongaruíva'ekuépe; ha ha'ekuéra nomoíri ikorasókuéra umi pirapiré; upévare ha'ekuéra ipojera opavave ndive, itujáva térã imitáva, ojejokuáva térã isāsóva, kuña térã kuimba'e, ha'éva tupaogua térã umi tupaogua'ỹva ndive, ha ndojapói hikuái mbojoavy avavépe oikotevēramo.

31 Ha péicha ha'ekuéra oñakārapu'ā ha hetaitereive ipirapire hikuái umi ndaha'éivagui itupaopeguáva.

32 Umi itupaopegua'ỹva oñeme'ēgui pajekuérape, ha ta'angajehayhúpe térã tekoreípe, ha ñe'ereípe, ha mba'epota ha ñorairōme; omondévo ao hepy, oñembotuichávo hesa orgúllope; omuñávo, ombotavývo, ojavkývo, omondávo, ojavóvo tekovai, jejuka, ha opáichagua tekoñaña; upevére, upe léi ojeiporu opa umi ombojapyharáva ári, ikatuháicha.

33 Ha ojehu oñemoĩgui péicha upe léi hi'arikuéra, opavave

yvypóra ohasa'asývo umi mba'e ojapo haguéicha, oñembopy'aguapyve hikuái, ha noñanimái ojapo mba'evéichagua tekoñaña ojeikuáaramo gñarã; upévare oĩ heta py'aguapy Nefi tavayguakuéra apytépe kinto ary huekuéra reinádo peve.

ÑEMBYATY 2

Amlici oikose rréiramo ha ojerrechasa tavayguakuéra ñe'ē rupi—Umi hanykuerigua ojapo chugui rréi—Amlicita-kuéra ojapo ñorairōguasú Nefita-kuérape ha ko'áva ipu'aka hesekuéra—Lamanita ha amlicita-kuéra ombojoaju imbarete ha ipu'aka hikuái hesekuéra—Alma ojuka Amlici-pe. 87 ary rupi Cristo mboyyve.

Ha ojehu oñepyrũvo pe kinto ary irreinádo aja oñepyrũ oĩ joavy tavayguakuéra apytépe; peteĩ kuimba'e, hérava Amlici, ha'évo peteĩ kuimba'e ikatupyryva, heẽ, peteĩ kuimba'e iñarandúva pe yvóra arandúpe, ha'éva pe kuimba'e ojukava'ekue Gedeón-pe kysepukúpe atygua, ha ojejukava'ekue léipe he'iháicha.

2 Ha ko Amlici, ikatupyry rupi, omokyre'ỹ hetápe oho haña hanykuéri; jepe hetaitereípe ha oñepyrũ imbarete hikuái; ha oñepyrũ oñeha'ã hikuái omoĩ haña Amlici-pe rréiramo tavayguakuéra ári.

3 Ko'āga kóva omongyhyje

tupaogua tavayguakuérape, ha avei mayma umi ndojeguerahai-va'ekuépe Amlici ñemokyre'ỹre; ha'ekuéra oikuaágui ileikuéra he'iháicha umi mba'e oñemo-íva'erāha tavayguakuéra ñe'ẽ rupi.

4 Upévare, ikatúrire Amlici ohupyty pe tavayguakuéra ñe'ẽ, ha'e, ha'évo peteĩ yvypóra ñaña, oipe'ava'erāmo'ã chuguikuéra iderécho ha imba'e porārã pe tupaógui; ha'e ohekágui Tupã tupao ñehundi.

5 Ha ojehu tavayguakuéra oñembyaty atyguasúpe oñondivepa opa tetã rupi, opavave yvypóra hemianduháicha, taha'e Amlici-pe ohayhúva térã oñemoíva hese, ñemboja' o atýpe, ha oĩ heta joavy ha tuicha ñorairõ peteíva ambue ndive.

6 Ha péicha oñembyaty hikuái atyguasúpe he'i hağua iñe'ẽ upe mba'ére; ha omoĩ hikuái umíva huekuéra renondépe.

7 Ha ojehu pe tavayguakuéra ñe'ẽ oñemoĩ Amlici rehe, ha upéicha ndoikói chugui rréi tavayguakuéra ári.

8 Ko'áğa kóva ogueru heta vy'a umi hendive oĩ'ỹva korasõme; ha katu Amlici omokyre'ỹ pochýpe umi hendive oĩvape umi noĩriva hendive rehe.

9 Ha ojehu oñembyaty hikuái, ha okonsagra Amlici-pe ha'e hağua irreikuéra.

10 Ha ko'áğa Amlici oñemoívo rréiramo hi'arikuéra ha'e he'i chupekuéra ojararra hağua hi'armakuéra ijoyke'ykuéra rehe;

ha kóva ha'e ojapo omoĩ hağua chupekuéra ipoguype.

11 Ko'áğa Amlici tavayguakuéra ojeikuaa Amlici réra rupi, oñehenóivo amlicita-kuéra; ha umi hembýva oñehenói nefita-kuéra, térã Tupã tavayguakuéra.

12 Upévare, nefita-kuéra tavayguakuéra oikuaa amlicita-kuéra oipotáva, ha upévare oñembosako'i hikuái oñemoĩ hağua hesekuéra; heẽ, oñearma hikuái kysepuku, ha simitarra reheve, guyrapã ha hu'y reheve, ha ónda ha opáichagua árma ñorairõrã, opaichaguáva reheve.

13 Ha péicha oñembosako'i hikuái oñemoĩ hağua amlicita-kué-rare ou vove hikuái. Ha oñehenói mburuvicha, ha mburuvicha guasu, ha mburuvicha tendota, ojeipapaháicha hikuái.

14 Ha ojehu Amlici oarma ikuimba'ekuérape opáichagua árma ñorairõguasurã reheve; ha ha'e avei ohenói tendota ha sãmbyhyhára itavayguakuéra ári, ogueraha hağua chupekuéra ñorairõme ijoyke'ykuéra rehe.

15 Ha ojehu amlicita-kuéra ojupi vyty Amnihu-pe, opytáva ysyry Sidón kuarahyresẽ gotyo, ohasáva Zarahemla retã ykére rupi, ha upépe oñepyrũ ojapo hikuái ñorairõguasúpe nefita-kuérape.

16 Ko'áğa Alma, ha'évo pe hue guasu ha Nefi tavayguakuéra mburuvicha, upévare ha'e oho itavayguakuéra ndive, heẽ, imburuvicha, ha imburuvicha tendota ndive, heẽ, ijehérsito akãme, amlicita-kuéra rehe ñorairõrã.

17 Ha ha'ekuéra oñepyrũ ojuka amlicita-kuérape yvyty oĩvape Sidón kuarahyresẽ gotyo. Ha amlicita-kuéra oñorairõ nefita-kuéra ndive tuicha mbaretépe, upéicha rupi heta nefita-kuéra ho'a amlicita-kuéra renondépe.

18 Upevére Ñandejára omo-mbarete nefita-kuéra po, upévare ha'ekuéra ojuka amlicita-kuérape tuicha jejuka reheve, upéicha oñepyrũ oñani hikuái henonderãkuéra.

19 Ha ojehu nefita-kuéra omuña amlicita-kuérape opa upe ára pukukue, ha ojuka chupekuéra tuicha jejuka reheve, tuichaitereĩgui omano amlicita-kuéra apytégui doce mil quinientos treinta y dos ánga; ha omanókuri nefita-kuéra apytépe seis mil quinientos sesenta y dos ánga.

20 Ha ojehu Alma ndaikatuvéi vove omuña amlicita-kuérape ha'e omoĩuka itavayguakuérape hogaaokuéra yvytypá'ũ Gedeón-pe, pe yvytypá'ũ oñemboherava'ekue péicha Gedeón rehe pe ojejukava'ekue Nehor po rupi kysepukúpe; ha ko yvytypá'ũme nefita-kuéra omopu'ã hogaaokuéra ohasa hağua pyhare.

21 Ha Alma omondo oma'ẽ-ñemíva amlicita-kuéra rembyre rapykuéri, ha'e oikuaa hağua ijapopyrã ha hembiaopoñemikuéra, upéicha ikatu hağua ha'e oñemo'ã chuguikuéra, oñongatu hağua itavayguakuérape ani hağua oñehundi.

22 Ko'ága umi ha'e omondo-va'ekue omaña hağua amlicita-

kuéra renda rehe héra Zerom, ha Amnor, ha Manti, ha Limher; ko'áva ha'e umi ohova'ekue ikui-mba'ekuéra ndive omaña hağua amlicita-kuéra renda rehe.

23 Ha ojehu ko'ẽ rire ohojey hikuái pya'eterei nefita-kuéra renda oĩháme, tuicha ñemondýipe, ha henyhẽvo kyhyjégui, he'ívo:

24 Péina ápe, roho amlicita-kuéra renda gotyo, ha tuicha ñemondýipe rohecha hetaiterei lamanita-kuéra Minón retãme, Zarahemla retã mboypýri, Nefi retã gotyo; ha péina ápe, amlicita-kuéra ojoaju hendivekuéra.

25 Ha ho'a hikuái ñande joyke'ykuéra ári upe tetãme; ha oñani hína hikuái henonderãkuéra hymba'atykuéra reheve, ha hambirekokuéra reheve, ha imitãnguéra reheve ñande tavaguasu gotyo, ha ndajajapuráiramo, o jagarráta hikuái ñande tavaguasu, ha ñande rukuéra, ha ñande rembirekokuéra, ha ñane mitãnguéra ojejukáta.

26 Ha ojehu Nefi tavayguakuéra ohupi hogaaokuéra, ha oho Gedeón yvytygui itavaguasukuéra gotyo, ha'éva Zarahemla tavaguasu.

27 Ha péina ápe, ohasa jave hikuái Sidón ysyry, lamanita ha amlicita-kuéra, hetaitereíva yvyku'i yguasupeguáicha, ho'a hi'arikuéra ohundi hağua chupekuéra.

28 Upevére, nefita-kuéra oñemombaretévo Ñandejára po rupi, oñembo'e mbaretévo chupe omosãso hağua chupekuéra

ihayhu'ýha pógui, upévare Ñandejára ohendu ijerure'asykuéra, ha omombarete chupekuéra, ha lamanita ha amlicita-kuéra ho'a henondepekuéra.

29 Ha ojehu Alma oñorairō Amlici ndive kysepukúpe ojova rehe, ha oñorairō mbarete hikuái, peteíva ambue ndive.

30 Ha ojehu Alma ha'évo peteí yvypóra Tupã ndivegua, ha omomba'apóvo tuicha jerovia, ojerure'asy, he'ívo: O Ñandejára, erekomína poriahuvereko ha esalva che rekove, che ha'e hağua tembiporu nde pópe asalva ha amo'ã hağua ko'ã tavayguakuérape.

31 Ko'ága Alma he'i rire ko'ã ñe'ẽ oñorairō jey Amlici ndive; ha tuicha oñemombarete, ojuka peve Amlici-pe kysepukúpe.

32 Ha ha'e oñorairō avei lamanita-kuéra rréi ndive; ha katu pe rréi oñani Alma renondégui ha omondo iñangarekoharakuérape oñorairō hağua Alma ndive.

33 Ha katu Alma, iñangarekoharakuéra ndive, oñorairō lamanita-kuéra rréi ñangarekoharakuéra ndive ojuka ha ombojevvy peve chupekuéra.

34 Ha péicha ha'e omopotí upe tenda, térã pe yvy rembe'y, opytáva ysyry Sidón kuarahyreike gotyo, oitývo lamanita-kuéra omanova'ekue rete Sidón ykuérape, upéicha itavayguakuéra oguereko hağua tenda ohasa hağua ha oñorairō hağua lamanita-kuéra ha amlicita-kuéra ndive

oíva pe ysyry Sidón kuarahyreike gotyo.

35 Ha ojehu opavave ha'ekuéra ohasa rire ysyry Sidón lamanita ha amlicita-kuéra oñepyrū okañy henondeguikuéra, jepe hetaiterei hikuái ndaikatúiva ojeipapa.

36 Ha oñani hikuái nefita-kuéra renonderã upe tave'ýme oíva kuarahyreike ha nóрте gotyo, upe tetã rembe'y mboypýri; ha nefita-kuéra omuña chupekuéra mbaretepe, ha ojuka chupekuéra.

37 Heẽ, osẽ chupekuéra opárupi, ha ojuka ha ombojevvy chupekuéra, oñemosarambi peve chupekuéra kuarahyreike, ha nóрте gotyo, oğuahẽ meve hikuái upe tave'ýme, oñehenóiva Hermounts; ha ha'éva pe tave'ý renda henyhëva mymba saite ha iñarõvagui.

38 Ha ojehu heta omano upe tave'ýme ijekutukuéra rupi, ha ho'u chupekuéra umi mymba saite ha avei umi yryvu; ha ikanguekuéra ojejuhu ha oñemono'õ yvy ári.

ÑEMBYATY 3

Amlicita-kuéra oñemboparapa umi profesiakuérape he'iháicha—Lamanita-kuéra oñemoñe'ëngaíva'ekue iñepu'ãre—Yvyporakuéra ogueru hi'ári iñe'ëngaikuéra—Nefita-kuéra ipu'aka ambue lamanita-kuéra ehérsitore. 87–86 ary rupi Cristo mboyye.

Ha ojehu nefita-kuéra nomanoi-va'ekue árma ñorairõguasugua

rupi, oñotỹ rire umi omanova'ekue—ko'áğa umi omanova'ekue ndojeipapái, hetaitereĩgui hikuái—ha oñotỹmba rire hikuái he'õnguekuéra, opavave ohojey hetãme, ha hógape, ha hembireko, ha ita'yrakuérape.

2 Ko'áğa heta kuña ha mitã omanókuri kysepukúpe, ha avei heta ivaka ha ijovecha'atykuéra; ha avei heta hi'yva ra'yikuéra ñu oñehundi, opyrũgui hesekuéra kuimba'e atykuéra.

3 Ha ko'áğa opa lamanita ha amlicita-kuéra omanova'ekue ysyry Sidón rembe'ýpe oñemo-mbo Sidón ykuérape; ha péina ápe ikanguekuéra oĩ pe yguasu ruguápe, ha hetaiterei hikuái.

4 Ha amlicita-kuéra ojoavy nefita-kuérargui ombopara pytãgui hikuái isyvakuéra, lamanita-kuéraicha; upevére nomoperõĩ hikuái iñakã lamanita-kuéraicha.

5 Ko'áğa lamanita-kuéra oñemoakãperõ; ha oiko hikuái opívo, ndaha'éiramo peteĩ ao mymba pirégui ojejapóva omoĩva hikuái ilómore, ha avei iñarmadúra, omoĩva hikuái ijerére, ha iguyrapã, ha ihu'ykuéra, ha ijita, ha hi'õnda, ha opa mba'e.

6 Ha lamanita-kuéra ipire hũ, pe para oñemoĩva'ekue ituvakuéra áricha, ha'eva'ekue peteĩ ñe'ẽngái hi'arikuéra hembiapovaikuérare ha opu'ã haguére ijoyke'ykuérare, ha'éva Nefi, Jacob, José, ha Sam, ha'eva'ekue yvypóra hekojoja ha imarangatúva.

7 Ha ijoyke'ykuéra ohundise

chupekuéra, upévare ha'ekuéra oñemoñe'ẽngái; ha Tupã Ñandejára omoĩ peteĩ para hi'arikuéra, heẽ, Lamán ha Lemuel ári, ha avei Ismael ra'ykuéra, ha kuña ismaelita-kuéra ári.

8 Ha ojejapo kóva iñemoñare oñembojavy hağua ijoyke'ykuéra ñemoñarégui, péicha Tupã Ñandejára oñongatu hağua itavayguakuérape, ani hağua ojehe'a ni oguerovia jepokuaa añeteguayva oguerútava iñehundikuéra.

9 Ha ojehe ombojehe'áva iñemoñare lamanita-kuéra ñemoñare ndive ogueru avei upe ñe'ẽngái iñemoñare ári.

10 Upévare, opavave ojehejava oñemovã lamanita-kuérare oñehenói upéva upe térã rupi, ha oñemoĩ hi'ári peteĩ para.

11 Ha ojehe umi ndogueroviáva lamanita-kuéra jepokuaa, ha katu oguerovia umi kuatiajehaipyrekuéra ojegeruva'ekue Jerusalen retãgui, ha avei ituvakuéra jepokuaa rehe, ha umíva ijoja, ogueroviáva Tupã rembiapoukapykuéra ha iñe'ẽrendu hese, oñehenói nefita-kuéra, térã Nefi tavayguakuéra, upe guive tenonde peve—

12 Ha ha'ekuéra ha'e umi ogue-rahava'ekue kuatiajehaipyre añeteguáva itavayguakuéra rehegua, ha avei lamanita-kuéra tavayguakuéra rehegua.

13 Ko'áğa jahajeýta amlicita-kuérape, hi'arikuéra oñemoĩgui avei peteĩ para; heẽ, ha'ekueraité oñemoĩ ijehe pe para, heẽ, jepe

peteī para pytāva isyvakuéra rehe.

14 Kóicha oñekumpli Tupã ñe'ẽ, ko'áva ha'égui ñe'ẽ ha'e he'iva'ekue Nefi-pe: Péina ápe, che amoñe'ëngái lamanita-kuérape, ha amoíta hi'arikuéra peteī para ha'ekuéra ha iñemoñarekuéra ojeipe'a haḡua ndehegui ha ne ñemoñarégui, ko'áḡa guive tenondeve ha tapiajte peve, noñearrepentíriramo hikuái hembiapoñañakuéragui ha oujey chéve che aiporiahuvereko haḡua chupekuéra.

15 Ha avei: Che amoíta peteī para pe ombojehe'áva iñemoñare nde joyke'ykuéra ñemoñare ndive, oñemoñe'ëngái haḡua avei hikuái.

16 Ha avei: Che amoíta peteī para umi oñorairõva nendive ha ne ñemoñare ndive ári.

17 Ha avei, che ha'e umi ndehégui ojeiva noñehenoimo'ãveimaha ne ñemoñare; ha che rohovasáta, ha umi oñehenóivape ne ñemoñare, ko'áḡa guive tenondeve ha tapiajte peve; ha kóva ha'ékuri Ñandejára ñe'ëme'ë Nefi ha iñemoñarépe.

18 Ko'áḡa amlicita-kuéra ndoikuaái okumpliha hína Tupã ñe'ẽ oñepyrũramoguare ombopara hikuái isyva; upevére opu'ã hikuái añetehápe Tupãre; upévale tekotevẽ ho'a hi'arikuéra upe ñe'ëngái.

19 Ko'áḡa che aipota peẽ pehecha ha'ekuéra ogueruhague hi'arikuéra pe ñe'ëngái; ha upei-chajte avei mayma yvypóra

oñemoñe'ëngáiva ogueru hi'ári ikondenasiõ.

20 Ko'áḡa ojehu ndahetái ára oñorairõ rire lamanita ha amlicita-kuéra Zarahemla retãme, ou ambue lamanita-kuéra ehérsito Nefi tavayguakuéra ári, upe tenda oñorairõ haguépe amlicita-kuéra ndive pe ehérsito peteīha.

21 Ha ojehu oñemondo peteī ehérsito omosẽ haḡua chupekuéra hetāgui.

22 Ha Alma voi, ohasa'asýgui peteī jeikutukuére, ndohói upe jave oñorairõ lamanita-kuéra ndive.

23 Ha katu omondo peteī ehérsito tuichaitereíva hesekuéra, ha ha'ekuéra ojupi ha ojuka heta lamanita-kuérape, ha ombojevuy hembyrekuéra upe tetã rembe'ygui okápe.

24 Ha upéicha ou jey hikuái ha oñepyrũ omoijey py'aguapy upe tetãme, oñemyangekoí'yre hikuái ihayhu'yhakuérare sapy'ami.

25 Ko'áḡa opa ko'ã mba'e ojejapo, heẽ, opa ko'ã ñorairõguasu ha joavykuéra oñepyrũ ha opa kinto ary huekuéra orreina aja.

26 Ha peteī arýpe milláres ha decenas de milláres angakuéra oñemondo pe yvóra opave'yvape, omono'õ haḡua hepyme'ẽ tembiapo ojapo haguéicha, taha'e iporã, térã ivaíva, omono'õ haḡua vy'a opave'yva, térã teko'asy opave'yva, pe espíritu ha'ekuéra iñe'ërendu haguéicha, taha'e peteī espíritu imarangatúva térã iñaáva.

27 Opavave yvypóra ohupy-týgui hepyme'ē pe iñe'ērendu haguégui, ha kóva pe espíritu de profesía ñe'ēme he'iháicha; upévare tojejapo pe añeteguápe oiháicha. Ha péicha opa pe kínto ary huekuéra rreinádo.

NEMBYATY 4

Alma omongarai hetaiterei konvérsopé—Tembiapovai oike tupaópe; ha pe tupao akārapu'ā ojejoko—Nefíah oñehenói hue guasúramo—Alma; ha'évo sumo sacerdote; omba'apo pe ministériope. 86-83 ary rupi Cristo mboyve.

Ko'áãa ojehu pe sexto ary huekuéra rreinádope Nefi tavayguakuéra ári, ndaipóri joavy ni ñorairōguasu Zarahemla retāme;

2 Ha katu pe tavayguakuéra ojejopy, heē, tuichaiterei ojejopy hikuái ijoyke'ykuéra omano haguére, ha avei oñehundi haguére ivaka ha ijovecha'atykuéra, ha avei oñehundi haguére hi'yva ra'yíkuéra ñu, oñepyrumba ha oñehundiva'ekue lamanita-kuéra py guýpe.

3 Ha tuichaiterei ijeiko'asykuéra, ha opavave ánga oguereko mba'érepa hasē haḡua; ha ha'ekuéra oguerovia ha'ehague Tupā huísio oñemboúva hi'arikuéra hembiapovaikuéra ha hembiapoky'akuéra rupi; upévare oñemombáy chupekuéra hembiaporā ñemomandú'ape.

4 Ha oñepyrū omoimbave hikuái pe tupao; heē, ha heta oñemongarai Sidón ykuérape ha ojoaju upe Tupā tupaópe; heē, ha ha'ekuéra oñemongarai Alma po rupive, oñekonsagrava'ekue ha'e haḡua sumo sacerdote pe tupaogua tavayguakuéra ári, itúva Alma po rupive.

5 Ha ojehu pe séptimo ary huekuéra rreinádope oĩ tres mil quinientos ánga ojoajúva Tupā tupaópe ha oñemongarai. Ha péicha opa pe séptimo ary huekuéra rreinádo Nefi tavayguakuéra ári; ha oĩ py'aguapy meme opa upe ára pukukue.

6 Ha ojehu pe octávo ary huekuéra rreinádope, umi tupao-pegua tavayguakuéra oñepyrū henyhē orgúllogui, ipirapire hetaitereígui hikuái, ha ijaokuéra hechapyrāva rupi, ha linokuéra ojejapoporāitereíva, ha heta ivaka ha ijovecha'atýgui hikuái, ha hi'oro ha ipláta, ha opáichagua mba'e porā ohupytyva'ekue hikuái hembiaipo katupyry rupi; ha opa ko'ā mba'épe oñembotuicha hikuái hesa orgúllope, oñepyrūgui oiporu hikuái ao hepyetereíva.

7 Ko'áãa kóva ogueru heta jeiko'asy Alma-pe, heē, ha heta umi tavayguakuéra apytégui ha'e okonsagrava'ekupe ha'e haḡua mbo'ehára, ha sacerdote, ha élder pe tupao ári; heē, heta ha'ekuéra ojepy'apyeterei ohechágui pe tekoñaña oíva tavayguakuéra apytépe.

8 Oma'ē ha ohechágui hikuái

tuicha ñembyasýpe pe tupaugua tavayguakuéra oñepyrûha oñembotuicha hesa orgúllope, ha omoĩ ikorasõ umi pirapire ha mba'erei yvoragua rehe, upéicha oñepyrû ndojohayhúi hikuái, ha omuña hikuái umi ndogue-roviáivape ha'ekuéra he'í ha oipotáva.

9 Ha péicha, ko octávo ary huekuéra rreinádope, oñepyrû oĩ tuicha joavy tupaogua tavayguakuéra apytépe; heẽ, oĩ potapy, ha joavy, ha ñaña, ha ñemuña, ha orgúllo, jepe tuichave umi ndaha'éiva Tupã tupaogua orgúllogui.

10 Ha péicha opa octávo ary huekuéra rreinádo; ha umi tupaogua tekoñañakuéra ha'ékuri tuicha ñepysangaha umi ndaha'éivape gũarã tupaogua; ha péicha upe tupao oñepyrû opyta iñakãrapu'ãme.

11 Ha ojehu oñepyrûvo pe novéno ary, Alma ohecha tupao tekoñaña, ha avei ohecha umi tupaogua techapyrã oñepyrûha ogueraha umi oguerovia'yvape peteĩgui ambue tembiapovaípe, oguerúvo péicha upe tavayguakuéra ñehundi.

12 Heẽ, ohecha tuichaiterei joavy umi tavayguakuéra apytépe, oĩ oñemomba'eguasúva ijorgúllope, omboykévo ambuépe, ome'ẽvo ijatukupe pe oikotevẽva ha ijopívovape ha umi iñembyahýivape, ha umi ijy'uhéivape, ha umi hasy ha oiko'asývape.

13 Ko'ãga péva ogueru tuicha ñemyasẽ pe tavayguakuéra

apytépe, ha katu oĩ ambuéva oñemomiríva, ome'ẽvo pytyvõ oikotevẽvape ipytyvõre, ome'ẽvo imba'erepykuéragui pe imboriahúva ha oikotevẽvape, omongarúvo iñembyahýivape, ha ohasávo opáichagua jeiko'asy Cristo rupi, ouva'erã, pe espíritu de profesíape he'iháicha.

14 Oha'arõ kyre'yvo hikuái upe ára, ojokóvo upéicha iñangaipa jora; henyhẽvo tuicha vy'águi umi omanova'ekue jeikovejey rehe, pe tembipota ha pu'aka ha Cristo ñemosãso ñemano jejo-kuapy rupi.

15 Ko'ãga ojehu Alma, ohechávo umi imiríva Tupã rapykuerigua jehasa'asykuéra, ha umi ñemuña ombojo'áva hi'arikuéra itavayguakuéra rembyre, ha ohechávo opa ijoja'ykuéra, oñepyrû ojepy-apyeterei; upevére pe Ñandejára Espíritu ndohejái chupe.

16 Ha oiporavo peteĩ kuimba'e iñarandúva umi tupaopegua élder apytégui, ha ome'ẽ chupe pu'aka pe tavayguakuéra ñe'ẽme he'iháicha, oguereko haña pu'aka ojapo haña leikuéra umi leikuéra oñeme'ẽmava'ekuépe he'iháicha, ha oiporu haña umi léi tavayguakuéra hembiaipoñaña ha hembiaopovaiháicha.

17 Ko'ãga ko yvypóra réra ha'e Nefíah, ha ha'e oñehenói hue gusa-súramo; ha oguapy pe huekuéra apykápe ohusga ha oisãmbyhy haña tavayguakuérape.

18 Ko'ãga Alma nome'ẽi chupe pe sumo sacerdote rembiapo tupa-ari, ha katu oheja imba'erã

pe sumo sacerdote rembiapo; ha katu ome'ē Nefiah-pe pe huekuéra apyka.

19 Ha kóva ojapo ikatu haḡuáicha ha'ete osē itavayguakuéra apytépe, térā Nefi tavayguakuéra apytépe, ombo'e haḡua chupekuéra Tupã ñe'ē, omokyre'ỹ haḡua chupekuéra ñemomandu'a hembiaporãre, ha oity haḡua, pe Tupã ñe'ē rupi, opa orgúllo ha japu, ha opa joavy oíva itavayguakuéra apytépe, ndohecháigui mba'éichapa ikatu omyatyrõ chupekuéra omopu'ã mbarete'ỹvo hesekuéra peteĩ testimónio añetéva.

20 Ha péicha oñepyrũvo pe novéno ary huekuéra rreinádo Nefi tavayguakuéra ári, Alma ome'ē pe huekuéra apyka Nefiah-pe, ha oñeme'ẽmbaite pe sumo sacerdocio Tupã marangatu ordenpeguápe, ome'ē haḡua testimónio upe ñe'ẽgui, rrevelasiõ espíritu ha profesíape he'iháicha.

Alma ñe'ē, pe Sumo Sacerdote Tupã marangatu ordenpeguáicha, ome'ēva'ekue tavayguakuérape itavaguasu, ha itávape tetã tuichakue javére.

Oike ñembyaty 5.

ÑEMBYATY 5

Ojehupyty haḡua salvasiõ, yvyporakuéra oñearrepentíva'erã ha iñe'ẽrenduva'erã tembiapoukapykuérare,

heñoijejyva'erã, omopotíva'erã ijao-kuéra Cristo ruguy rupi, oñemomirĩ, oipe'a ijehegui pe orgúllo ha potapy, ha ojapova'erã tembiapo ijojáva—Pe ovecharerekua marangatu ohenói itavayguakuérape—Umi ojapóva tembiapo ñaña ha'e aña ra'y—Alma ome'ē testimónio idocrina añeteguaha ha he'i yvyporakuérape oñearrepenti haḡua—Umi hekojováva réra ojehaita tekove rehegua kuatiañe'ẽme. 83 ary rupi Cristo mboyye.

Ko'ÁGA ojehu Alma oñepyrũ ome'ē Tupã ñe'ē pe tavayguakuérape, Zarahemla retãme raë, ha upe guive opa tetã tuichakue javére.

2 Ha ko'áva ha'e umi ñe'ē ha'e he'iva'ekue tavayguakuérape upe tupaópe oñemoíva'ekue Zarahemla tavaguasúpe, ikuatiajehaipyrépe he'iháicha, he'ívo:

3 Che, Alma, añekonsagravo che ru, Alma rehe, ha'e haḡua peteĩ sumo sacerdote pe Tupã tupao ári, oguerekóvo ha'e Tupã pu'aka ha autorida ojapo haḡua ko'ã mba'e, péina ápe, che ha'e peẽme ha'e oñepyrũhague omopu'ã peteĩ tupao upe tetã oíva Nefi rembe'ýpe; heë, tetã oñehenóiva Mormón retã; heë, ha omongarai ijoyke'ykuérape Mormón ykuérape.

4 Ha péina ápe, che ha'e peẽme, ha'ekuéra oñemosãsohague rréi Noé tavayguakuéra pógui, Tupã poriahuvereko ha pu'aka rupive.

5 Ha péina ápe, péva rire,

ojegueraha chupekuéra ñeña-pytĩmbýpe pe tave'ýme lamanita-kuéra po rupi; heẽ, che ha'e peẽme, ha'ekuéra oĩkuri teko'apytĩme, ha Ñandejára omosãsojey chupekuéra ñeñapytĩmbýgui iñe'ẽ pu'aka rupive; ha jajeguerúkuri ko tetãme, ha ko'ápe ñañepyrũ ñamopu'ã avei Tupã tupao ko tetã tuichakue javére.

6 Ha ko'ága péina ápe, che ha'e peẽme, che joyke'ykuéra, peẽ ha'éva ko tupaogua, peñongatu porã piko pene ñemandu'ápe pende rukuéra ñeñapytĩmby? Heẽ, ha peñongatu porã piko pene ñemandu'ápe Tupã poriahuvereko ha py'aporã hendivekuéra ġuarã? Ha avei, peñongatu porã piko pene ñemandu'ápe ha'e omosãsohague hi'angakuéra añaretãgui?

7 Péina ápe, ha'e omoambuékuri ikorasõkuéra; heẽ, ha'e omombáy chupekuéra peteĩ jeke atãgui, ha opáy hikuái Tupãme. Péina ápe, oĩkuri hikuái pytũmby mbytépe; upevére, upe ñe'ẽ opave'ýva resape omyesakã hi'angakuéra; heẽ, ojejokuákuri hikuái ñemano sãme ha umi añaretã sãme, ha oha'arõkuri chupekuéra peteĩ ñehundi opave'ýva.

8 Ko'ága che aporandu peẽme, che joyke'ykuéra, oñehundi piko hikuái? Péina ápe, che ha'e peẽme, Nahániri, noñehundíri hikuái.

9 Ha avei che aporandu, ojejora piko pe ñemano jokuaha, ha umi añaretã sã ojokuava'ekue chupekuéra, ojejora piko umíva? Che

ha'e peẽme, Heẽ, umíva ojejorava'ekue, ha hi'angakuéra ojejora, ha opurahéi hikuái pe mborayhu orredimíva. Ha che ha'e peẽme ojesalvaha hikuái.

10 Ha ko'ága che aporandu peẽme mba'éichapa ojesalva hikuái? Heẽ, mba'ére piko oha'arõne hikuái pe salvasiõ? Mba'ére piko oñemosãso chupekuéra pe ñemano sãgui, heẽ, ha avei umi añaretã sãgui?

11 Péina ápe, che ikatu ha'e peẽme—ndogueroviái piko che ru Alma umi ñe'ẽ oñeme'éva'ekue Abinadí juru rupi? Ha ndaha'eiva'ekue ha'e peteĩ proféta imarangatúva? Noñe'ei piko ha'e Tupã ñe'ẽ, ha che ru Alma oguerovia umíva?

12 Ha ojeroviaháicha ojejapo peteĩ tuicha ñemoambue ikorasõme. Péina ápe che ha'e peẽme opa ko'ã mba'e añetegua.

13 Ha péina ápe, ha'e ombo'e upe ñe'ẽ pende rukuérape, ha tuicha oñemoambue avei ikorasõkuéra, ha oñemomirĩ hikuái ha omoĩ hikuái ijerovia pe Tupã añetegua ha oikovéva rehe. Ha péina ápe, ijeroviareko hikuái ipahaite peve; upévare ojesalva hikuái.

14 Ha ko'ága péina ápe, che aporandu peẽme, che joyke'ykuéra tupaopegua, penereñoi piko Tupãgui? Oñeme'ẽ piko peẽme ha'anga pende rovápe? Peñandu piko ko tuicha ñemoambue pene korasõme?

15 Pemomba'apo piko jerovia pende apohare rrendensiõ rehe?

Pema'ē piko tenonde gotyo tesa jeroviápe, ha pehecha piko ko tete omanokuaáva opu'ávo ñemano'yme, ha ko ñembyai opu'ávo ñembyai'yme, oñembo'y hağua Tupã renondépe ojehusga hağua umi tembiapo ojejapova'ekuére upe tete omanokuaávape?

16 Che ha'e peême, ikatu piko peñandu pehenduha Ñandejára ñe'ẽ, he'ívo peême, upe árape: Peju cherendápe pejevhasáva, ha katu péina ápe, pene rembiapokuéra ha'e tembiapo ijojáva vvy ape ári?

17 Térã peimo'ã piko ikatutaha pembrovavy Ñandejárape upe ára, ha pejéta—Ñandejára, ore rembiapo ijoja nikokuri vvy ape ári—ha ha'e pende salvataha?

18 Térã ndaupéichairamo, ikatu piko peimo'ã pejgueraháramo Tupã trivunal renondépe pene ánga henyhêvo tembiapovai ha ñeñanduvaígui, penemandu'ávo opa pene rembiapovaíre, heẽ, penemandu'a porãvo opa pende rekoñañáre, heẽ, penemandu'ávo peñemoihague Tupã rembiapoukapykuérare?

19 Che ha'e peême, ikatúta piko upe ára pema'ē Tupãre petei korasõ potĩ ha po potĩ reheve? Che ha'e peême, ikatúta piko pema'ē, peguerekóvo Tupã ra'anga jehaiipyre pende rováre?

20 Che ha'e peême, ikatúta piko pejepy'amongeta pejesalvataha peñeme'ẽ rire pepyta hağua aña poguýpe?

21 Che ha'e peême, peikuaáta upe árape ndaikatuiha pejesalva;

ndaikatúgui pe yvypóra ojesalva ojejohei'yramo ijaokuéra morotĩ meve; heẽ, ijaokuéra oñemopotiva'erã ipotĩ meve opa mba'eky'águi, upe ñande rukuéra oñe'eva'ekue ruguy rupive, oútava orredimi hağua itavaygua kuérape iñangaipakuéragui.

22 Ha ko'ága aporandu peême, che joyke'ykuéra, mba'éichapa oñeñandúta oimeraéva pende apytépe oñembo'yramo Tupã trivunal renondépe, pende aoiky'apávo tuguýgui ha opáichagua mba'eky'águi? Péina ápe, mba'épa otestifikáta ko'ã mba'e penderehe?

23 Péina ápe ko'áva piko ndotestifikamo'ái peẽ ha'eha porojukahára, heẽ, ha avei penere rembiapovaihague opáichagua tembiapoñaña reheve?

24 Péina ápe, che joyke'ykuéra, peimo'ã piko péichagua tekove ikatuha oguereko tenda oguapy hağua Tupã rréinope, Abraham, ha Isaac, ha Jacob ndive, ha avei opavave proféta imarangatúva ndive, ijaokuéra ipotiva ha imarã'yva, ipotiporã ha morotĩ'asýva?

25 Che ha'e peême, Nahániri; pejapo'yramo ñande Apoharégui ijapúva iñepyrũmby guive, térã peimo'ã ha'e ijapuhague iñepyrũmby guive, ndaikatúi peimo'ã umíva umi tekove ikatuha ojuhu hendağua yvágape; ha katu oñemosêta hikuái ha'égui pe aña rréino ra'ykuéra.

26 Ha ko'ága péina ápe, che ha'e peême, che joyke'ykuéra,

peñandúramokuri peteĩ ñemoambue pene korasōme, ha peñandúramokuri pepuraheiseha pe mborayhu purahéi orredimíva, che aporanduse peñeme, ikatu piko peñandu upéva ko'ágaite?

27 Peguata piko ra'e, peñeñongatúvo kulpa'ỹ Tupã renondépe? Pemanóramo ko'ágaite ikatúta piko peje, pende py'ápe, peñemomirĩporãhague? Pende aokuéra ojejohéi ha oñemomorfihague pe Cristo ruguy rupive, óutava orredimi haña tavaygua kuérape iñangai págui?

28 Péina ápe, peipe'a piko pende jehegui pe orgúllo? Che ha'e peñeme, ndaupéichairamo napeñembosako'iri peñemoĩ haña Tupã renondépe. Péina ápe py'a'e peñembosako'iva'erã, pe yvága rréino hi' añaímagui, ha pe noñembosako'iriva ndohupyty mo'ái tekove opave'ỹva.

29 Péina ápe, che ha'e peñeme, oĩ piko pende apytépe ndoipe'aiva'ekue ijehegui potapy? Che ha'e peñeme upéva noñembosako'iriha; ha aipota oñembosako'ipy'a'e, pe ára hi' añaímagui, ha ha'e ndoikuaái araka'épa oña hēta pe ára; upe tekove noĩrigui angaipa'ỹre.

30 Ha avei che ha'e peñeme, oĩ piko pende apytépe oñembohorýva ijoyke'y rehe, téra ombojo'áva ñemuña hi'ári?

31 Ái upévagui, ha'e noĩrigui ñembosako'ípe, ha ára hi' añaíma oñearrepentiva'erãha téra ha'e ndaikatumo'ái ojesalva!

32 Heẽ, ái opavave peẽ

tembiapovai apohágui; peñearrepentíke, peñearrepetíke, Tupã Ñandejára he'ígui!

33 Péina ápe, ha'e ohenói opa yvypórape, poriahuvereko jyva ojeipysógui chupekuérape gñarã, ha ha'e he'i: Peñearrepenti, ha che pomoña hēta.

34 Heẽ, ha'e he'i: Peju che rendápe, ha pe'u pe yvyramáta tekove rehegua yvágui; heẽ, pe'úta ha pey'úta peipotahái cha pe mbujape ha y tekove reheguágui.

35 Heẽ, peju cherendápe ha pejapo tembiapo joja, ha napeñeikyty'mo'ái ha napeñemombomo'ái tatápe—

36 Ha katu péina ápe, ára hi'añaíma opavave nome'ẽiva yva porã, téra ndojapóiva tembiapo joja, oguerékota mba'érepa osapukái ha hasẽ.

37 O tembiapovaikuéra apohára; peẽ peñeme'ẽva'ekue yvóra mba'éreípe, peẽ pejeva'ekue peikuaaha tekojoja rape upevére pesẽ pe tapégui, ovecha herekua'ỹvaicha, jepe peteĩ ovecharerekua penerenóikuri, ha penerenói gueteri, ha katu peẽ napehenduséi iñe'ẽ!

38 Péina ápe, che ha'e peñeme, pe ovecharerekua marangatu penerenoiha; heẽ, ha penerenói heraitépe, ha'éva Cristo réra; ha napehendúiramo pe ovecharekua marangatu ñe'ẽ, pe téra peñehenoiháre, péina ápe, peẽ ndaha'etí pe ovecharerekua marangatu ovecha.

39 Ha ko'ága peẽ ndaha'éiramo pe ovecharerekua marangatu

ovecha, mba'e atygua piko peẽ? Péina ápe, che ha'e peẽme, pe aña ha'eha pende ovecharere-kua, ha peẽ ha'e ijatypegua; ha ko'áãa, máva piko onegáta péva? Péina ápe, che ha'e peẽme, péva onegáva ha'e peteĩ ijapúva ha aña ra'y.

40 Ha katu che ha'e peẽme opa mba'e iporáva ouha Tupãgui, ha opa mba'e ivaíva ouha añágui.

41 Upévore, peteĩ yvypóra oja-póramo tembiapo porã ha'e ohen-du pe ovecharerekua marangatu ñe'ẽ, ha oho hapykuéri; ha katu pe oja-póva tembiapovai, pévagai oiko aña ra'y, ha'e ohendúgui iñe'ẽ ha oho hapykuéri.

42 Ha opavave oja-póva kóva ohupytyva'erã chugui hepy-me'ẽ; upévore ohupyty ñemano hepy-me'ẽrã, umi mba'e ha'éva tekojoja reheguápe, omanógui opa tembiapo porãme.

43 Ha ko'áãa, che joyke'ykuéra, che aipota cherendu, che aña'ẽgui che ánga mbarete reheve; ha katu péina ápe, aña'ẽporã peẽme ani ha'gua pejavy, térã aña'ẽ peẽme Tupã rembiapoukapykuérape oiháicha.

44 Añehenógui aña'ẽ ha'gua péicha, pe Tupã marangatu orden rupive, oíva Cristo Jesús-pe; heẽ, oje'e chéve apu'ã ha ame'ẽ ha'gua testimónio ko tavayguakuérape umi mba'e ñande rukuéra oñe'ẽ-va'ekue mba'e oútava rehe.

45 Ha ndaha'ei ko'avante. Pei-mo'ã piko aikuaaha ko'ã mba'é-gui che jehegui? Péina ápe, che atestifika peẽme che aikuaaha

ko'ã mba'e aña'ẽhague añete-guaha. Ha mba'éicha peimo'ã che aikuaa añeteguaha?

46 Péina ápe, che ha'e peẽme pe Tupã Espiritu Imarangatúva oikuaaukaha chéve. Péina ápe, che a'ajuna ha aña'mbo'e heta ára ikatu ha'gua aikuaa ko'ã mba'e chejehegui. Ha ko'áãa aikuaa chejehegui añeteguaha; Tupã Ñandejára ohechaukágui chéve Ijespíritu Santo rupive; ha péva ha'e pe rrevelasiõ espíritu oíva chepype.

47 Ha avei, che ha'e peẽme péicha ojehechauhague chéve, umi ñe'ẽ ñande rukuéra oñe'ẽva-ekue añeteguaha, jepe profesía espíritu chepype oívape he'ihái-cha, ha'éva avei pe Tupã Espiritu techauka rupive.

48 Che ha'e peẽme, che aikuaaha chejehegui opa mba'e ha'étava peẽme, umi mba'e oútava rehe, añeteguaha; ha che ha'e peẽme, che aikuaaha Cristo outaha, heẽ, pe Ta'yra, pe Túva Unihénito, henyhëva grásiagui, poriahuve-reko, ha añetégui. Ha péina ápe, ha'e voi pe oúva oipe'a ha'gua yvóra angaipakuéra, heẽ, opa yvypóra oguerovia mbaretéva hérare angaipakuéra.

49 Ha ko'áãa che ha'e peẽme kóva ha'eha pe órden che aña-henoiha, heẽ, ahekombo'e ha'gua che joyke'ykuéra ahayhuetévape, heẽ, ha opa oikóvape ko tetãme; heẽ, ahekombo'e ha'gua opava-vépe, taha'e tuja, térã mitárusu, isásóva, térã isásó'yva; heẽ, che ha'e peẽme itujámava, ha avei

ndaitujaitéiva, ha umi imitāvape; heē, ha'e haḡua chupekuéra oñearrepentiva'erāha hikuái ha heñoijeyva'erāha.

50 Heē, pe Espíritu péicha he'í chéve: Peñearrepenti, opavave peē vyv rembe'ykueragua, pe yvága rréino hí'aḡuímagui; heē, Tupã Ra'y ou iverapýpe, ipu'akápe, imba'eguasú, ha ipu'akapápe. Heē, che joyke'ykuéra ahayhuetéva, che ha'e peēme pe Espíritu he'íha: Péina ápe pe opa tetã Rréi; ha avei yvagakuéra Rréi verapy ojaíta pya'e opavave yvypóra ra'ykuéra apytépe.

51 Ha avei pe Espíritu he'í chéve, heē, cherenói ñe'ẽ mbaretépe, he'ívo: Tereho ha ere ko tavayguakuérape—Peñearrepenti, ha napeñearrepentíriramo mba'evéicharõ ndapehupytymo'ái pe yvága rréino.

52 Ha avei che ha'e peēme, pe Espíritu he'íha: Péina ápe, pe hácha oñemoíma vyvra rapóre; upévare opa vyvramáta nome'ẽiva yva porã, oñeiky'títa ha ojeity'ta tatápe; heē, peteĩ tata ndaikatúiva oñembogue, jepe peteĩ tata opave'yva. Péina ápe, ha penemandu'áke, pe Imarangatúva péicha he'íkuri.

53 Ha ko'áḡa che joyke'ykuéra ahayhuetéva, che ha'e peēme, ikatu piko pegueropu'aka ko'ã ñe'ẽ; heē, ikatu piko pemombo ko'ã mba'e ha pepyrũ pende pýpe pe Imarangatúvare; heē, ikatu piko peñembotuicha pene korasõ orgúllope; heē, peiporúta gueteri piko ao hepy ha pemoíta

gueteri piko pene korasõ umi yvoragua mba'erei rehe, pende pirapirekuéra rehe?

54 Heē, pejéta piko gueteri peteíva peneporãveha ambuévagui; heē, pemuñáta gueteri piko pende joyke'ykuérape, oñemomiríva ha oguatáva pe Tupã órden marangatúpe he'iháicha, ogueruva'ekue chupekuéra ko tupaópe, oñemomarangatúvo pe Santo Espíritu rehe, ha ojapo hikuái tembiapo ohechaukáva arrepentimiénto—

55 Heē, ha peme'ẽta gueteri piko pende atukupe imboriahúva ha oikotevévape, ha penegáta gueteri piko chuguikuéra pene mba'erepykuéra?

56 Ha ipahápe, opavave peē pepytaséva pene rembiapoñañakuérape, che ha'e peēme, ko'áva ha'e umi oñeiky'títava ha oñemombótava tatápe pya'e noñearrepentíriramo.

57 Ha ko'áḡa che ha'e peēme, opavave peē pehoséva pe ovecharerekua marangatu ñe'ẽ rapykuéri, pesẽ umi hekoñañáva apytégui, ha pejei chuguikuéra, ha ani pepoko imba'eky'akuérare; ha péina ápe, herakuéra ojeipe'átagui, umi hekoñañáva réra ani ojeipapa hekojojáva réra apytépe, oñekumpli haḡua Tupã ñe'ẽ, he'íva: Hekoñañakuérava réra noñembojehe'amo'ái che tavayguakuéra réra rehe.

58 Umi hekojojáva réra ojehaíttagui pe kuatiañe'ẽ tekove reheguápe, ha chupekuéra ame'ẽta peteĩ tenda che po akatúape. Ha

ko'áğa, che joyke'ykuéra, mba'e peguereko pejeva'erã ko'áva rehe? Che ha'e peẽme peñe'ẽramo ko'áva rehe, ndaha'úi mba'eve, Tupã ñe'ẽ oñekumpliva'erãgui.

59 Ha máva ovecharerekua piko oĩ pende apytépe oguerekóvo heta ovecha noñangarekói hese-kuéra, ani oike umi aguaraguasu ha ho'ujovecha atýgui? Ha péina ápe peteĩ aguaraguasu oikéramo ijovecha apytépe, nomondýi piko chupe? Heẽ, ha ipahápe, ikatúramo, ohundíta chupe.

60 Ha ko'áğa che ha'e peẽme pe ovecharerekua marangatu penerenói; ha pehendúramo iñe'ẽ pendegueraháta irredílpe, ha ha'éta ijovecha; ha ha'e he'i peẽme ani peheja oike mba'evéichagua aguaraguasu ñembyahýi pende apytépe, ani hağua peñehundi.

61 Ha ko'áğa che, Alma, ha'e peẽme, pe he'iva'ekue chéve ñe'ẽme, peñeha'ã hağua pekumpli umi ñe'ẽ añe'ẽva'ekue peẽme.

62 Che añe'ẽ peẽme tembiapoukapy rupive peẽ ha'éva pe tupaogua; ha peẽ tupaopegua'yvape poinvita, ha'évo: Peju ha peñemongarai arrepentimientorã, pe'u hağua avei pe yva yvyramáta tekove reheguágui.

NEMBYATY 6

Tupao Zarahemla-pegua oñemopotĩ ha oñemohendaporã—Alma oho Gedeón-pe oporohekombo'e hağua. 83 ary rupi Cristo mboyyve.

HA ojehu Alma oñe'ẽmba rire tavayguakuéra tupaoguápe, oĩva Zarahemla tavaguasúpe, ha'e o'ordena élder ha sacerdote-kuéra, omoĩ rupi ipo hi'arikuéra, pe Tupã orden reheguápe, oisãmbyhy ha oñangareko hağua pe tupaóre.

2 Ha ojehu umi ndaha'éiva tupaogua oñearrepentíva iñangaipágui oñemongarai arrepentimientorã, ha oñemoğuahẽ chupekuéra tupaópe.

3 Ha avei ojehu umi tupaogua noñearrepentíriva hembiapovaikuérágui ha noñemomiríriva Tupã renondépe—térã umi oñembotuicháva ikorasõ orgúllope—ko'áva oñemosẽ, ha herakuéra ojeipe'a, ani hağua herakuéra ojeipapa umi hekojojáva réra apytépe.

4 Ha péicha ha'ekuéra oñepyrũ omohendaporã pe tupao Zarahemla tavaguasúpe.

5 Ko'áğa aipota peikũmby pe Tupã ñe'ẽ ha'ehague opavavépe ġuarã, upéicha avavépe ndoje'úi ani hağua oñembyaty ohendu hağua Tupã ñe'ẽ.

6 Upevére oje'e Tupã ra'ykuérape py'yí oñembyatyva'erãha, ha ojoajuva'erã ajúno ha ñembo'e mbaretépe umi Tupãme oikuaa'yva angakuéra ñeime porãrã.

7 Ha ko'áğa ojehu Alma omoĩ rire ko'ã mba'e ojejavova'erã oho chuguikuéra, heẽ, pe tupao oĩva Zarahemla tavaguasúgui, ha oho ysyry Sidón kuarahyresẽ gotyo, Gedeón yvytypa'ũme, oñemopu'ã haguépe peteĩ tavaguasu,

oñehenóiva Gedeón tavaguasu, oíva vvytypa'ũ hérava Gedeón-pe, oñehenoiva'ekue upéicha pe kuimba'e réra Nehor ojukava'ekuépe kysepuku rupi.

8 Ha Alma oho ha oñepyrũ ome'ẽ Tupã ñe'ẽ tupao oíva Gedeón vvytypa'ũme, umi ñe'ẽ ituvakuéra oñe'ẽva'ekue añetegua rrevelasiõ rupive, ha profesía espíritu oíva ipype rupi, Jesucristo testimonio he'iháicha, Tupã ra'y, ouva'erã orredimi haḡua itavayguakuérape iñangaipakuéragui, ha pe órden marangatu Alma oñehenoihague rupive. Ha péicha ojehai. Amén.

Alma ñe'ẽ ome'ẽva'ekue tavayguakuérape Gedeón-pe, ikuatia-jehaipyrépe he'iháicha.

Oike ñembyaty 7.

NEMBYATY 7

Cristo heñóita María-gui—Ha'e oyoráta ñemano sã ha ogueropu'akáta itavayguakuéra angaipa—Umi oñearrepentíva, oñemongaráíva ha iñe'ẽrendúva tembiapoukapykuérare ohupytýta tekove opave'yva—Mba'eky'a ndaikatúi ohupyty Tupã rreino—Oñeikotevẽ ñemomirĩ, jerovia, ñeha'arõ, ha karida. 83 ary rupi Cristo mboyve.

PÉINA ápe che joyke'ykuéra ahayhuetéva, ahechávo ojehejaha chéve aju penerendápe, añeha'ata

upévare añe'ẽ peẽme che ñe'ẽme, heẽ, che juru rupi, kóva ha'égui peteíha ára añe'ẽha peẽme che juru ñe'ẽme, añembotýgui pe huekuéra apykápe, aguerékóvo heta mba'e ajapova'erã ha ndaikatúikuri aju penerendápe.

2 Ha jepe ko'áḡa ndaikatumo'ái-kuri aju, noñeme'ei rire ambuépe huekuéra apyka, orreina haḡua cherendaguépe. Ha Ñandejára tuicha poriahuvereko reheve oheja aju penerendápe.

3 Ha péina ápe, che aju aguerékóvo tuicha ñeha'arõ ha ajuhuse peñearrepentihague Tupã renondépe, ha pejerure'asy memehague igrásiare, ha pojuhuse peimeha kulpa'yre henondépe, ha pojuhuse napeimeiha ñeimevaiete oĩ haguéicha ñande joyke'ykuéra oíva Zarahemla-pe.

4 Ha katu tojehovasa Tupã réra, ha'e oikuaaukágui chéve, heẽ, ome'ẽva'ekue chéve vy'a tuichaiterei aikuaávo oĩ jeyha hikuái hekojoja rapépe.

5 Ha che ajerovia, pe Tupã Espíritu oíva chepype rupi, aguerekotaha avei vy'a pende rehe; upevére ndaipotáí che vy'a pende rehe ou hetaite jehasa'asy ha vy'a'y añanduva'ekue joyke'ykuéra Zarahemla-pegua rehe, ha péina ápe, che vy'a hesekuéra ou ahasa rire heta jehasa'asy ha vy'a'y.

6 Ha katu péina ápe, che ajerovia peẽ napeimeiha peteí tuicha jeguerovia'yme oĩhaguéicha pende joyke'ykuéra; che ajerovia napeñembotuichaiha pene korasõ orgúlllope; heẽ, ajerovia

napemoĩrihague pene korasõ pirapirekuéra ha mba'erei yvora-pegua rehe; heẽ, ajerovia napetupaitũiha ta'angakuérape, ha katu petupaitũha pe Tupã añetegua ha oikovévape, ha peha'arõ kyre'ỹ pene angaipa jora, peteĩ jerovia opave'ỹva reheve, outaha.

7 Ha katu péina ápe, che ha'e peẽme oĩ heta mba'e ouva'erã; ha péina ápe, oĩ peteĩ mba'e tuichavéva opaitévagui—ha péina ápe, namombyryí ára pe Rredentor oikovéta ha outaha itavayguakuéra apytépe.

8 Péina ápe, nda'etí outaha ñande apytépe oikove aja hete omanótavape; ha péina ápe, pe Espíritu nde'irigui chéve peichataha. Ko'ága kóva ko mba'égui ndaikuaái; ha katu kóva aikuaa; Tupã Ñandejára oguerekoha pu'aka ojapo hağua opa mba'e ha'éva umi ñe'ẽ ha'e he'iháicha.

9 Ha péina ápe, pe Espíritu he'íkuri chéve kóva, he'ívo: Esapukái ko tavayguakuérape, erévo—Peñearrepentíke, ha pembosako'i Ñandejára rape, ha peguata hapekuérare, ikare'ỹva; péina ápe, yvága rréino hi'ağuímagui, ha Tupã Ra'y ou yvy ape ári.

10 Ha péina ápe, ha'e heñóita María-gui, Jerusalén-pe, ha'éva ñande rukuéra retã, ha'évo ha'e peteĩ vírgen, peteĩ mba'yru iporãitereíva ha ojeiporavopyréva, oñemo'átava ha hyeguasúta pe Espíritu Santo pu'aka rupive, ha imembýta peteĩ mitãkuimba'e, heẽ, jepe Tupã Ra'y.

11 Ha ha'e osêta, ohasávo

mba'e'asy ha jeiko'asy ha jeipy'ara'ã opaichaguáva; ha kóva oñekumpli hağua pe ñe'ẽ he'íva ojagarrataha hi'ári itavayguakuéra mba'e'asy ha imba'asykuéra.

12 Ha ha'e ojagarráta hi'ári ñemano, ojora hağua umi ñemano jokuaha ojopýva itavayguakuérape; ha ha'e ojagarráta hi'ári imba'asykuéra, ipy'a henyhẽ hağua poriahuverekógui, pe tete rupive, oikuaa hağua pe tete rupive mba'éichapa oipytyvõva'erã itavayguakuérape, mba'asy oguerekoháicha hikuái.

13 Ko'ága pe Espíritu oikuaa opa mba'e; upevére Tupã Ra'y ohasa'asy tete rupive ojagarra hağua hi'ári itavayguakuéra angaipa, oipe'a hağua chupekuéra hembiaopovaikuéragui pe iñemosãso pu'aka rupive; ha ko'ága péina ápe, kóva ha'e pe testimónio oĩva che pype.

14 Ko'ága che ha'e peẽme peñearrepentiva'erãha ha penereñoijey; pe Espíritu he'ígui napenereñoijeyramo ndaikatumo'áiha pehupyty yvága rréino. Upévale peju ha peñemongarai arrepentimientorã, peñemopotí hağua pene angaipágui, peguereko hağua jerovia pe Tupã Cordero rehe, oipe'áva yvóra angaipakuéra, ipu'akapáva oporosalva hağua ha oporomopotí hağua opa joja'ỹgui.

15 Heẽ, che ha'e peẽme peju ha ani pekyhyje, ha peheja opa angaipa, ndahasyietéva pendeaho'i hağua, pendejokuáva

ñehundi peve; heë, peju ha pesë ha pehechauka pene Tupãme peimeporãha peñearrepenti hağua pene angaipakuéragai ha pejapo hağua hendive peteĩ konvénio peneñe'ërendutaha hembiapoukapykuérare, ha pe testifika chupe ko árape, pehóvo y ñemongaraípe.

16 Ha umi ojavóva kóva, ha ñe'ërendúva Tupã rembiapoukapykuérare upe guive tenonde peve, péva imandu'áta ha'eha chupe, heë, imandu'áta ha'ehague chupe, ha'e ohupytytaha tekove opave'ýva, pe Espíritu Santo testimónio he'iháicha, otestifikáva chepype.

17 Ha ko'áğa che joyke'ykuéra ahayhuetéva, peguerovia piko ko'ã mba'e? Péina ápe che ha'e peëme, heë, che aikuaa pegueroviaha ko'ã mba'e, ha che aikuaa peë pegueroviaha ko'áva pe Espíritu oíva chepype ohechauka haguére chéve. Ha ko'áğa pende jerovia tuicha haguére ko'ávare, heë, umi mba'e añe'ë haguére, tuichaiterei avy'a.

18 Ha ha'e haguéicha peëme ñeypyrũmby guive, aipotaiterei-hague napeiméi ñeimevaitépe pende joyke'ykuéraicha, ha ajuhu oikohague umi che aipotáva.

19 Che añandúgui peimeha tekojoja rapére; añandu peimeha pe tape oporogueraháva Tupã rréinope; heë, añandu pembojojaha hína hapekuéra.

20 Che añandu ojeikuaaukaha peëme, ñe'ë testimónio rupive, ha'e ndaikatuiha oguata tape

karëre; ni ndojeréi pe he'iva'e-kuégui; ni nomoha'angái oñemovãtaha akatúagui asúpe, térã pe oĩporãvagui oívaívape; upévore hape ha'e peteĩ jere opave'ýva.

21 Ha ha'e ndoikói témplo ky'ápe; ni ndaikatúi mba'eky'akuéra térã mba'evéichagua mba'e ipotí'ýva oñemoinge Tupã rréinope; upévore ha'e peëme outaha ára, heë, ha ha'éta ára pahápe, pe iky'áva opytáta imba'eky'ápe.

22 Ha ko'áğa che joyke'ykuéra ahayhuetéva, ha'ékuri peëme ko'ã mba'e pomombáy hağua pene rembiaporãme Tupã ndive ġuarã, peguata hağua henondépe kulpa'ýre, peguata hağua Tupã marangatu órdenpe, peñemoğuahëhague rupi.

23 Ha ko'áğa che aipota peñemomirí, ha peneñe'ërendu, ha penemarangatu; ndahasýivo pejehekombó'e hağua; penerenyhëvo ñeha'arókuaa ha py'aporágui; peneakãguapývo opa mba'épe; pejesarekóvo peneñe'ërendu hağua Tupã rembiapoukapykuérare opa ára; pejerurévo opa mba'e peikotevëvare, espíritu ha yvy'ári reheguávape; peme'ëvo aguyje tapiate Tupãme opa mba'e oñeme'ëvare peëme.

24 Ha pehecha tapeguereko hağua jerovia, ñeha'arõ, ha karida, ha upéicha tapiate penerenyhëta tembiapo porágui.

25 Ha Ñandejára tapenderovasa, ha peñongatu poti pende aokuéra, pejegueraha hağua ipahápe peguapy hağua yvága rréinope, Abraham, Isaac, ha Jacob ndive,

ha umi proféta marangatu oīva-
'ekue yvóra ñepyrũmby guive
ndive, peguereko potīvo pende
aokuéra napesēvéima haḡua, jepe
ijaokuéra ipotiháicha.

26 Ha ko'áḡa che joyke'ykuéra
ahayhuetéva, añe'ékuri peēme
ko'ã mba'e pe Espiritu otestifi-
káva chepype rupi; ha che ánga
ovy'aiterei, pe tuicha jesareko ha
ñangareko peme'éva'ekue rupi
che ñe'ẽ rehe.

27 Ha ko'áḡa Tupã py'aguapy
topytu'u pende ári, ha pende
rogakuéra ha pende vvykuéra
ári, ha pende vaka ha ovecha'a-
tykuéra ári, ha opa mba'e pegue-
rekóva ári, pene rembireko ha
pene mitānguéra, pende jerovia
ha tembiapo porāháicha, ko'áḡa
guive tenondépe ha tapiate peve.
Ha upéicha añe'ékuri. Amén.

ÑEMBYATY 8

*Alma oporohekombo'e ha omongarai
Melek-pe—Ha'e ojerrechasa Ammo-
níah-pe ha osẽ upégui—Peteĩ ángel
he'i chupe ohojey haḡua ha oñe'ẽ
haḡua arrepentimiéntore pe tavay-
guakuérape—Amulek omoḡuahẽ
chupe ha mokõivéva oporohekombo'e
Ammoníah-pe. 82 ary rupi Cristo
mboyve.*

Ha ojehu Alma oujey Gedeón
retāgui, ohekombo'e rire Gedeón
tavayguakuérape heta mba'e
ndaikatúiva ojehai, omoĩvo upépe
upe tupao ñemohendaporã,
ojapo haguéicha upe mboyve

Zarahemla retāme, heẽ, ha'e
ohojoy hógape Zarahemla-pe,
opytu'u haḡua tembiapokuéra
ojapova'ekuégui.

2 Ha péicha opa pe novéno
ary huekuéra ñeisāmbyhy Nefi
tavayguakuéra ári.

3 Ha ojehu oñepyrũvo décimo
ary huekuéra ñeisāmbyhy Nefi
tavayguakuéra ári, Alma osẽ
upégui ha oguata ohóvo Melek
retã gotyo, syry Sidón kuarahy-
reike gotyo, pe tave'ỹ rembe'ýre
kuarahyreiképe.

4 Ha oñepyrũ ombo'e tavay-
guakuérape Melek retāme pe
Tupã orden marangatu rupive,
ha'e oñehenoihague rupi; ha
ha'e oñepyrũ ohekombo'e tavay-
guakuérape opa pe Melek retã
tuichakue javére.

5 Ha ojehu tavayguakuéra ou
hendápe opa tetã rembe'ýgui oīva
pe tave'ỹ gotyo. Ha oñemongarai
chupekuéra opa pe tetã tuichakue
javére.

6 Upéicha ombopahávo he-
mbiapo Melek-pe osẽ upé-
gui, ha oguata mbohapy ára
aja Melek retã nóрте gotyo; ha
oḡuahẽ peteĩ tavaguasu hérava
Ammoníah-pe.

7 Ko'áḡa Nefi tavayguakuéra
ojepokuaa ombohéra hikuái hetã
ha itavaguasukuéra, ha itapỹi-
kuéra, heẽ jepe opa itapỹi'ikué-
rape, pe ohupytyraéva'ekue
réra rupi; ha péicha oikókuri
Ammoníah retāre.

8 Ha ojehu Alma oḡuahẽ vove ta-
vaguasu Ammoníah-pe oñepyrũ
ombo'e Tupã ñe'ẽ chupekuéra.

9 Ko'ága Satana ohupytýkuri tuicha pu'aka tavaguasu Ammoníah tavayguakuéra korasõ ári; upévare ha'ekuéra nohenduséikuri Alma ñe'ẽ.

10 Upevére Alma heta omba'apo upe espíritu-pe, ojerurévo Tupãme ñembo'e mbaretépe ha'e oñohẽ haġua ijespíritu tavayguakuéra ári oíva upe tavaguasúpe, ikatu haġua avei ha'e oheja omongarai chupekuéra arrepentimientorã.

11 Upevére, omohatã hikuái ikorasõ, ha he'i chupe: Péina ápe, ore roikuaa nde ha'eha Alma; ha roikuaa nde ha'eha sumo sacerdote pe tupao ári nde remoíva'ekue heta hendápe upe tetãme, pende jepokuaaháicha; ha ore ndaha'ei nde tupaogua, ha ndorogueroviái umi jepokuaa vyrorei.

12 Ha ko'ága roikuaa ore ndaha'ei haguére nde tupaogua roikuaa nde ndereguerekoiha pu'aka ore ári; ha nde reme'ekuri pe huekuéra apyka Nefíah-pe; upévare nde ndaha'ei pe hueguasúpe ore ári.

13 Ko'ága tavayguakuéra he'i rire ko'áva, ha ombohováí rire opa iñe'ẽ, ha ojahéi hese, ha ondyvu hese, ha omosẽ rire chupe hikuái itavaguasukuérágui, ha'e oho upégui ha oguata ohóvo tavaguasu hérava Aarón-pe.

14 Ha ojehu oho jave pe tenda gotyo, ojopývo chupe vy'a'y, ohasávo heta jeiko'asy ha py'apy hi'ángape, umi tavaygua Ammoníah-pegua tekoñaña rehe, ojehu Alma upéicha ojejopývo

vy'a'yme, péina ápe peteĩ Ñandejára ángel ojehechauka chupe, he'ívo:

15 Ejevohasapyre nde, Alma; upévare, emopu'ã ne akã ha evy'a, eguerekógui tuicha mba'érepa revy'a haġua; ndejero-viarekógui neñe'ẽrendúvo Tupã rembiapoukapykuérare ára oñeme'ẽ guive ndéve pe marandu peteĩha chugui. Péina ápe, che ha'e pe ame'ẽva'ekue ndéve.

16 Ha péina ápe, che añemondo ha'e haġua ndéve rehojey haġua Ammoníah tavaguasúpe, ha ehekombó'ejeje upe tavaguasugua tavayguakuérape; heẽ, ehekombó'e chupekuéra. Heẽ, ere chupekuéra, noñearrepentíriramo, Tupã Ñandejára ohunditaha chupekuéra.

17 Ha péina ápe, ko'ága ohecha hína hikuái mba'éichapa ikatu ohundi nde tavayguakuéra sãso, (péicha he'ígui Ñandejára) mba'e ojoavýva Tupã rembiapoukapy ndive ha'e ome'ẽva'ekue itavayguakuérape.

18 Ko'ága ojehu oñeme'ẽ rire Alma-pe imarandu pe Ñandejára ángel rupi ohojey pya'e Ammoníah retãme. Ha ha'e oike pe tavaguasúpe ambue tape rupi, heẽ, tape opytáva tavaguasu Ammoníah rupi sur gotyo.

19 Ha oikévo upe tavaguasúpe iñembyahýi, ha he'i peteĩ kuimba'épe: Eme'ẽne piko mba'e ho'u haġua peteĩ Ñandejára rembiguái imirívape?

20 Ha pe kuimba'e he'i chupe:

che ha'e peteī nefita, ha che aikuaa nde ha'eha peteī Tupā proféta marangatu, nde ha'égui pe kuimba'e pe ángel he'i haguére chéve peteī techaukápe: Nde remoġuahēta chupe. Upévale eju chendive che rógape ha ame'ēta ndéve che rembi'úgui; ha aikuaa nde ha'etaha peteī jehovasa chéve ha che rógape ġuarā.

21 Ha ojeġu pe kuimba'e omoġuahē chupe hógape; ha pe kuimba'e héra Amulek; ha ogueru mbujape ha so'o ha omoī Alma renondépe.

22 Ha ojeġu Alma ho'u pe mbujape ha hyġuatā; ha ha'e ohovasa Amulek ha hógape, ha ome'ē aguyje Tupāme.

23 Ha okaru ha hyvatā rire he'i Amulek-pe: Che ha'e Alma, ha ha'e sumo sacerdote Tupā tupao ári ko tetā tuichakue javére.

24 Ha péina ápe, che añehenói ambo'e haġua Tupā ñe'ē opa ko tavayguakuéra apytépe, rrevelasiō espíritu ha profesía he'iháicha; ha aimékuri ko tetāme ha nachemoġuahēséi hikuái, ha katu chemosē okápe ha haimete ajere ko tetāgui tapiaite ġuarā.

25 Ha katu péina ápe, oje'e chéve ajujey haġua ha aprofetisa ko tavayguakuérape, heē, ha atestifika haġua hesekuéra hembiapovaikuérape.

26 Ha ko'áġa, Amulek, ejehovasáva nde chemongaru, ha chemoġuahē haguére, cheñembyahýigui, a'ajuna haguérekuri heta ára aja.

27 Ha Alma opyta Amulek

ndive heta ára oñepyrū mbovyve ohekombo'e tavayguakuérape.

28 Ha ojeġu tavayguakuéra oñemohatāve hembiapovai-kuérape.

29 Ha pe ñe'ē ou Alma-pe, he'ívo: Tereho ha ere avei che rembiguái Amulek-pe, pesē ha peprofetisa haġua ko tavayguakuérape, pejévo: Peñearrepentíke, péicha he'ígui Ñandejára, napeñearrepentíriramo che ajúta ko tavayguakuérape che pochy reheve; heē, ha namboykemo'ái che pochyvaiete.

30 Ha Alma osē, ha avei Amulek, tavayguakuéra apytépe, ome'ē haġua chupekuéra Tupā ñe'ē; ha henyhē hikuái pe Espíritu Santo-gui.

31 Ha oñeme'ē chupekuéra pu'aka, tuichaitereígui ndaikatúí oñemoinge chupekuéra ka'irāime; ni ndaikatúí avave yvypóra ojuka chupekuéra; upevére, ndoiporúí hikuái ipu'aka ojejokua peve chupekuéra jokuahápe ha ojeity ka'irāime. Ko'áġa, ko'áva ojejapo Ñandejára ohechauka haġua ipu'aka hesekuéra.

32 Ha ojeġu osē hikuái ha oñepyrū ohekombo'e ha oprofetisa tavayguakuérape, pe espíritu ha pu'aka Ñandejára ome'éva'ekue chupekuéra rupive.

Alma ñe'ē, ha avei Amulek ñe'ē, oñeñe'éva'ekue tavayguakuéra oíva Ammoníah retāme. Avei oñemoí ka'irāime ha oñemosāso Tupā pu'aka imilágrova oíva

ipypekuéra rupive, Alma kua-
tiajehaipyrépe oĩháicha.

*Oike ñembyaty 9 guive 14 peve
avei.*

ÑEMBYATY 9

*Alma he' i Ammoniah tavayguakué-
rape oñearrepenti hağua—Ñandejára
iporiahuverekóta lamanita-kuéra
ndive ára pahápe—Nefita-kuéra
ohejárano tesape, oñehundíta la-
manita-kuéra rupive—Tupã Ra'y
ou pya'éta—Ha'e orredimíta umi
oñearrepentíva, oñemongaraíva, ha
oguerékova jerovia hérare. 82 ary
rupi Cristo mboyve.*

HA avei, che, Alma, he'ívo chéve
Tupã ajagarra hağua Amulek-pe
ha aha ha ahekombo'e jey ha-
ğua ko tavayguakuérape, térã
tavayguakuéra oíva Ammoniah
tavaguasúpe, ojehu che añepy-
rũvo ahekombo'e chupekuéra,
ha'ekuéra oñepyrũ oñorairõ
chendive, he'ívo:

2 Máva piko nde? Reimo'ã piko
rogueroviáta peteĩ kuimba'e tes-
timónio, he'íramo jepe oréve pe
yvy opataha?

3 Ko'áğa ha'ekuéra noikũmbýi
umi ñe'ẽ he'íva'ekue; ndoikuaái-
gui hikuái pe yvy opataha.

4 Ha he'í avei hikuái: Ndoro-
gueroviamo'ái ne ñe'ẽ reprofeti-
sáramo ko tavaguasu tuichaitéva
oñehunditaha peteĩ árape.

5 Ko'áğa ha'ekuéra ndoikuaái
Tupã ikatuha ojapo umi tembiapo

techapyrã, ha'égui hikuái ta-
vayguakuéra ikorasõ hatã ha
ipy'ahatãva.

6 Ha he'í hikuái: Máva piko
Tupã, nombouvéiva hetave au-
torida peteĩ kuimba'éguinte ko
tavayguakuérape, he'í hağua
chupekuéra añete oíva umi mba'e
tuicha ha hechapyrãvape?

7 Ha ou hikuái omoĩ hağua ipo
che ári; ha katu péina ápe, nda-
chejagarrái hikuái. Ha ambohová
mbaretépe ha'e hağua chupe-
kuéra, heẽ, atestifika chupekuéra
katupyrype, ha'évo:

8 Péina ápe, O peẽ ñemoñare
ñaña ha py'ahatãva, mba'ei-
chapa penderesarái pende
rukuéra jepokuaágui; heẽ, pya-
'ete piko penderesarái Tupã
rembiapoukapykuéragui.

9 Napenemandu'ái piko ñan-
de ru, Lehi, ojegeruhague
Jerusalén-gui Tupã po rupive?
Napenemandu'ái piko ha'e ogue-
rahağue opavave chupekuéra
pe tave'ỹre?

10 Ha pya'ete piko penderesarái
heta ára ha'e omosãsohağue ñan-
de rukuérape ihayhu'ỹhakuéra
pógui, ha oñongatu chupekuéra
aní oñehundi, jepe ijoyke'ykuéra
po rupive?

11 Heẽ, ha ndaha'éirire ipu'aka
ijoje'yva, ha iporiahuvereko, ha
ipy'aporã ñanendive ġuarã rupi,
jajeipe'amanteva'erākuri yvy
ape árigui heta ko ára mboyve,
ha ñañemoíva'erāmo'ākuri peteĩ
teko'asy ha ñembyasy ñeime
opave'ỹvape.

12 Péina ápe, ko'áğa ha'e peẽme

ha'e he'íha peëme peñearrepenti hağua; ha napeñearrepentíriramo, mba'évéicharõ ndapehupytymo'ái Tupã rréino. Ha katu péina ápe, ndaha'éí ko'ávante—ha'e he'íkuri peëme peñearrepenti hağua, nda'upéichairõ ha'e penerundipaitéta yvy ape árigui; heë, oúta peëme ipochy reheve, ha ipochyvaietetépe ha'e noñemovãmo'ái.

13 Péina ápe, napenemandu'ái piko ñe'ë ha'e he'íva'ekue Lhi-pe, he'ívo: Peneñe'ërenduháicha che rembiapoukapykuérare, peñakárapu'áta upe tetãme? Ha avei oje'ékuri: Peneñe'ërendu'yháicha che rembiapoukapykuérare pejeipe'áta Nandejára renondégui.

14 Ko'áğa che aipota penemandu'a, lamanita-kuéra naiñe'ërendúí haguére Tupã rembiapoukapykuérare, ojeipe'ava'ekue Nandejára renondégui. Ko'áğa jahecha Nandejára ñe'ë oñekumpliha ko'ã mba'épe, ha lamanita-kuéra ojeipe'ákuri henondégui, oñepyrũ guive hembiapovai hikuái ko tetãme.

15 Upevére che ha'e peëme, ivevyivéta chupekuéra ġuarã pe huísio árape peëme ġuarãgui, pepytáramo pene angaipakuerape, heë, ha jepe ivevyivéta chupekuéra ġuarã kóva ko tekovépe peëme ġuarãgui, napeñearrepentíriramo.

16 Heta ñe'ëme'ë ojeipysógui lamanita-kuérare ġuarã; ha'égui ituvakuéra jepokuaa rupi opytahague hikuái iñeime

jeikuaa'yñe; upévare Nandejára oiporiahuverekóta chupekuéra ha ombopukúta iñeimekuéra upe tetãme.

17 Ha peteí ára ojeguerúta chupekuéra oguerovia hağua iñe'ë, ha oikuaa hağua ituvakuéra jepokuaa oívaiha; ha heta ijapytepekuéra ojesalváta, Nandejára oiporiahuverekótagui umi oheñoívape héra.

18 Ha katu péina ápe, che ha'e peëme pepytáramo pende rekoñañáme, pende ára noñembopukumo'ái upe tetãme, lamanita-kuéra oñemboútagui pende ári; ha napeñearrepentíriramo oúta hikuái peteí ára peë peikuaa'yvape, ha oúta peëme peteí ñehundipaite reheve; ha ha'éta Nandejára pochy mbarete rupi.

19 Ha'e ndohejamo'áigui peëme peiko pene rembiapovaikuérare, pehundi hağua itavayguakuérare. Che ha'e peëme, Nahániri; ha katu ohejáta uvei lamanita-kuéra ohundi opa itavayguakuérare oñehenóiva Nefi tavayguakuéra, peichahágui ho'áramo hikuái angaipá ha tembiapovaipe, oñeme'ë rire chupekuéra hetaite tesakã ha hetaite kuaapy Nandejára Itupãgui;

20 Heë, ha'e rire hikuái peteí tavayguakuéra ojehayhueteréiva Nandejáre; heë, ojehayhuve rire chupekuéra opa ambue tetã, avaretã, ñe'ë, ha tavayguakuérare; ojehechauka rire chupekuéra, ha'ekuéra oipota, ojerovia ha oñembo'eháicha, opa mba'e umi

oikova'ekue, ha oikóva, ha oú-tava rehegua.

21 Ou rire chupekuéra Ñandejára Espíritu, oñe'ẽ rire hikuái angelkuéra ndive ha oñe'ẽ rire chupekuéra Ñandejára ñe'ẽ rupi; ha oguereko rire pe profesía ha rrevelasiõ espíritu, ha avei heta don, don oñe'ẽ haḡua ambue ñe'ẽme, ha don oporohekombó'e haḡua, ha Espíritu Santo don, ha pe don ombohasa haḡua peteĩgui ambue ñe'ẽme.

22 Heẽ, ha Tupã oipe'a rire chupekuéra Jerusalén retāgui Ñandejára po rupive, ojesalva rire chupekuéra ñembyahýi, ha mba'asygui, ha opa mba'asy opaichaguágui, oñemombarete rire chupekuéra ñorairõguasúpe ani haḡua oñehundi, oñemosāso rire chupekuéra ñeñapytĩmbýgui heta ára aja, ha oñeñangareko ha oñeñongatu rire chupekuéra ko'áḡa peve, ha oñemoakārapu'ã chupekuéra ipirapire heta peve opa mba'épe—

23 Ha ko'áḡa péina ápe che ha'e peẽme, ko tavayguakuéra, oñeme'eva'ekuẽpe hetaitẽ jehovasa Ñandejára po rupive, hembia-povaíramo pe tesape ha jeikuaa oguerekóva rehe, che ha'e peẽme upéicharamo, ho'áramo hikuái tembiapovaípe, ivevyietereivéta lamanita-kuérape ḡuarã chupekuérape ḡuarāgui.

24 Péina ápe, Ñandejára ñe'ẽme'ẽ ojeipysógui lamanita-kuérape, ha katu ndaha'ei peẽme ḡuarã penerembiapovaíramo; noñe'ẽme'ẽporāi piko ha nde'i

mbaretéi piko Ñandejára, pepu'ãramo hese peñehundipataha yvy ape árigui?

25 Ha ko'áḡa upévale, ani haḡua peñehundi, Ñandejára omondo hi'ángelpe ou haḡua hetápe itavayguakuéra apytégui, he'ívo chupekuéra oséva'erāha ha oñe'ẽ mbarete ko tavayguakuérape, he'ívo: Peñearrepentíke, yvága rreino hi'aguímagui;

26 Ha ko'águi mbovy árape Tupã Ra'y oúta iverapýpe; ha iverapy ha'éta pe Túva Unihénito verapy, henyhëva grásia, joja ha añetégui, henyhëva ñeha'arõkuaágui, poriahuvereko, ha py'aporāgui, ipya'éva ohendu haḡua itavayguakuéra jerure'asy ha ombohovái haḡua iñembo'ekuéra.

27 Ha péina ápe, ou orredimi haḡua umi oñemongaraítavape arrepentimientorã, ojerovia rupive hérare.

28 Upévale, pembosako'i Ñandejára rape, hi'aguímagui ára opa yvypóra omono'õtaha hembiapokuéra repyme'ẽ, ha'e haguéicha hikuái—ijojáramo omono'õta hi'ánga salvasiõ, Jesucristo pu'aka ha ñemosāso rupive; iñañáramokuri omono'õta hi'ánga kondenasiõ, pe añã pu'aka ha ñeñapytĩmby rupive.

29 Ko'áḡa péina ápe, kóva ha'e pe ángel ñe'ẽ, ojerure'asýva tavayguakuérape.

30 Ha ko'áḡa, che joyke'ykuéra ahayhuetéva, peẽ ha'égui che joyke'y, ha pejahyhuva'erã, ha peja-pova'erã tembiapo ohechaukáva

arrepentimiénto, ahechágui pene korasōkuéra oñemohatãitereiha Tupã ñe'ẽ rehe, ha ahechágui peẽ ha'eha peteĩ tavayguakuéra okañýva ha ho'áva.

31 Ko'áña ojehu che, Alma, añe'ẽ rire ko'ã ñe'ẽ, péina ápe, pe tavayguakuéra ipochy chendive ha'e haguére chupekuéra ha'eha hikuái tavaygua ikorasō hatã ha ipy'ahatáva.

32 Ha avei ipochy chendive hikuái ha'e haguére chupekuéra ha'eha peteĩ tavaygua okañýva ha ho'áva, ha oñeha'ã omoĩ hikuái ipo che ári, chereity haña ka'irãime.

33 Ha katu Ñandejára ndohejái upéramo chejagarra hikuái ha chereity ka'irãime.

34 Ha ojehu Amulek osẽ ha oñembo'y ha oñepyrũ ohekombo'e avei chupekuéra. Ha ko'áña ndojehaipái pe Amulek ñe'ẽ, upevére mbovymi ñe'ẽ apytégui ojehai ko kuatiajehaipyrépe.

ÑEMBYATY 10

Lehi ha'e Manasés ñemoñare—Amulek omombe'u pe ángel he'ihague chupe oñangareko haña Alma-re—Hekojokakuérava ñembo'e rupi tavayguakuéra noñehundíri—Avogadokuéra ha huekuéra hekojoja'yva omõ pe tavayguakuéra ñehundi pyenda. 82 ary rupi Cristo mbovoe.

KO'ÁÑA ko'áva ha'e ñe'ẽ Amulek ohekombo'eva'ekue

tavayguakuérape oiva Ammoniah retãme, he'ívo:

2 Che ha'e Amulek; che ha'e Gidona ra'y, ha'éva Ismael ra'y, ha'éva Aminadí ñemoñare; ha péva ha'e pe Aminadí ohesa'yijova'ekue jehai oiva'ekue témplo tápia ári, ojehaiva'ekue Tupã po rupive.

3 Ha Aminadí ha'e Nefi ñemoñare, ha'éva'ekue Lehi ra'y, ouva'ekue Jerusalén retãgui, ha'éva Manasés ñemoñare, ha'éva'ekue José ra'y ojehepyme'eva'ekue Egipto-pe ijoyke'ykuéra po rupi.

4 Ha péina ápe, che ha'e avei peteĩ kuimba'e herakuãporáva opa chekuaáva apytépe; heẽ, ha péina ápe, che aguereko heta che rogaygua ha che angirũnguéra, ha ahupytýkuri avei heta pirapire che rembiapo katupyry rupive.

5 Upevére, jepe opa ko'ã mba'e, araka'eva ndaikuaahetaiva'ekue Ñandejára rapekuéra ni imba'eñemimby, ha ipu'aka hechapyrãvagai. Che ha'e araka'eva ndaikuaahetaiva'ekue ko'ã mba'égui; ha katu péina ápe, che ajavy, ahecháguikuri heta imba'eñemimby ha ipu'aka techapyrã; heẽ, jepe ko tavayguakuéra rekove ñeñongatúpe.

6 Upevére, che amohatã che korasō, añehenóigui heta ára ha nahenduséi; upévare aikuaákuri ko'ã mba'égui, ha katu ndaikuaaséi; upévare añemoikuri gueteri Tupã rehe, che korasō rembiapovaípe, jepe irundy ára

peve séptimo jasýpe, décimo ary huekuéra ñeisãmyhy aja.

7 Aha jave ahecha haḡua peteĩ che rogaygua aḡuíme, péina ápe ojehechauka chéve peteĩ Ñandejára ángel ha he'í: Amulek, terehojey nde rógape, remongarútagui peteĩ Ñandejára proféta; heẽ, peteĩ kuimba'e marangatu, ha'éva peteĩ kuimba'e Tupã poravopyre; ha'e oajunáguikuri heta ára ko tavayguakuéra angaipa rehe, ha iñembyahýi, ha nde remoḡuahêta chupe nde rógape ha remongarúta, ha ha'e nderovasáta ndéve ha nde rógape; ha Ñandejára jehovasa oúta nde ha nde róga ári.

8 Ha ojehu cheñe'ẽrendu upe ángel ñe'ẽ rehe, ha ahajey che rógape. Ha upépe aha jave ajuhu pe kuimba'e upe ángel he'íva'ekuére chéve: Remoḡuahêta nde rógape—ha péina ápe péva ha'e pe kuimba'e oñe'ẽva'ekue hína peẽme Tupã mba'ekuéra rehe.

9 Ha pe ángel he'í chéve ha'eha peteĩ kuimba'e imarangatúva; upépare che aikuaa ha'eha peteĩ kuimba'e imarangatúva upéicha oje'e haguére peteĩ Tupã ángel rupi.

10 Ha avei, che aikuaa umi mba'e ha'e otestifikava'ekue añeteguaha; ha péina ápe ha'e peẽme, Ñandejára oikoveháicha, jepe ha'e omboúkuri hi'ángelpe ohechauka haḡua chéve ko'ã mba'e; ha ha'e ojapókuri ko'áva ko Alma oiko aja che rógape.

11 Ha péina ápe, ohovasákuri che róga, che rovasa chéve, ha

umi kuña oíva che rógape, ha che ra'ykuéra, ha che ru ha che rogayguakuérape; heẽ, jepe ohovasa opa che rogayguakuérape, ha Ñandejára jehovasa oḡuejýkuri ore ári umi ñe'ẽ ha'e he'í haguéicha.

12 Ha ko'áḡa, Amulek he'ívo ko'ã ñe'ẽ tavayguakuéra oñepyrú oñemondýi, ohechávo oíveha peteĩ testígo ome'ẽva testimónio umi mba'e oje'eva'ekuégui hesekuéra, ha avei umi mba'e ouva'erāgui, profesía espíritu ipypekuéra oiháicha.

13 Upevére, oĩ ijapytepekuéra ojaposéva chupekuéra porandu, ikatupyry rupi oity haḡua chupekuéra iñe'ẽme, ojuhu haḡua hikuái testimónio hesekuéra, ome'ẽ haḡua ihuekuérape ohusga haḡua chupekuéra ileikuérape he'iháicha, ha ojejuka térã oñemoĩ haḡua chupekuéra ka'irāime, umi tembiapovai ikatúva ha'ekuéra ohechaukagua'u térã otestifika hesekuéra.

14 Ko'áḡa ko'ã kuimba'e ohundiséva chupekuéra, ha'e avogádo tavayguakuéra ojokuái térã ohenoiva'ekue oiporu haḡua upe léi oĩ jave ojehusgava'erā, térã tavayguakuéra ojehusga jave hembiapovaire huekuéra renondépe.

15 Ko'áḡa ko'ã avogádo iñarandu opa tavayguakuéra rembiapo ha katupyrype; ha kóva ha'e oñembosako'í haḡua chupekuéra ikatupyry haḡua hembiapópe.

16 Ha ojehu oñepyrú oporandu hikuái Amulek-pe, upéicha

omoĩvai haġua chupe hikuái iñe'eme, térã ombojoavy haġua umi ñe'ẽ ha'e he'íva.

17 Ko'áġa ndoikuaáikuri hikuái Amulek oikuaaha ijepy' amonetakuéra. Ha katu oñepyrũvo ojapo hikuái chupe porandu, ha'e ohecha hemiandukuéra, ha he'í chupekuéra: O ñemoñare ñaña ha py'ahatã, pendejapúva ha penerovamokõiva, pemoĩgui hína pe aña pyendarã; pembosako'ĩgui hína pokarẽ ha ñuhã peity haġua Tupã marangatukuérape.

18 Pejapo hína tape pembyai haġua umi hekojojáva rape ha pegueru haġua Tupã pochy pene akã ári, jepe ko tavayguakuéra ñehundipaite.

19 Heẽ, he'í porãmava'ekue Mosiah, ñande rréi paha, omé'eta jave pe rréino, ndoguerékõivo avápepa ohejáta, ojapóvo péicha ko tavayguakuéra oñeisãmbyhy iñe'ete rupi—heẽ, ha'e he'íporãva'ekue oġuahẽramo ára ko tavayguakuéra ñe'ẽ oiporavóramo tembiapovai, kóva ha'e, oġuahẽramo ára ko tavayguakuéra ho'áramo tembiapovaipe, oĩmbátama hikuái ñehundirã.

20 Ha ko'áġa che ha'e peẽme ojapo porã Ñandejára ohusgávo pene rembiapovaiukuéra; he'í porãma ko tavayguakuérape hi'angelkuéra ñe'ẽ rupive; Peñearrepentíke, peñearrepentíke, yvagakuéra rréino hí'agúimagui.

21 Heẽ, he'í porã, hí'angelkuéra ñe'ẽ rupive: Aguejýta che tavayguakuéra apytépe, joja ha hustísia reheve che pópe.

22 Heẽ, ha che ha'e peẽme ndaha'éirire hekojojavakuéra ñembo'e rupi, ko'áġa oĩva upe tetãme, ko'áġaite oñembouva'erãmó'a peẽme peteĩ ñehundipaite; jepe ndaha'emo'ái ýpe moñeñuvã rupi, oiko haguéicha tavayguakuéra Noé araguápe, ha katu ha'éta ñembyahýi, ha mba'asyvai, ha kysepuku rupive.

23 Ha katu umi hekojojáva ñembo'e rupi napeñehundíri; ko'áġa upévore, pemosẽrõ hekojojávape pende apytégui upéramo Ñandejára ndojokomo'ái ipo; ha katu ipochyvaietépe oúta pende rehe; upéramo pejejopýta ñembyahýi, ha mba'asyvai, ha kysepuku rupive; ha pe ára pya'e ou napeñearrepentíriramo.

24 Ha ko'áġa ojehu umi tavayguakuéra ipochyve Amulekndive, ha osapukái, he'ívov: Ko yvypóra oñe'evai ñande léi ijóva rehe, ha ñande avogadokuéra iñarandúva rehe jaiporavova'ekuẽpe.

25 Ha katu Amulek oipyso ijyva, ha osapukái hatãve chupekuéra, he'ívov: O ñemoñare ñaña ha py'ahatã, mba'ére piko Satana ojokua atãite pene korasõ? mba'ére piko peñemoĩse ipoguýpe ipu'aka haġua pende rehe, omoypytũ haġua pende resa, ha péva rupi napeikũmbyséi hí'añetépe, umi ñe'ẽ oje'éva?

26 Ha péina ápe, atestifika piko che pende leikuéra rehe? Peẽ napeikũmbýi; peje añe'ehague pende léi rehe; ha katu nda'upéichai, ha katu añe'eporã pende léi rehe, pene kondenasiorã.

27 Ha ko'áġa péina ápe, che ha'e peême, pende avogadokuéra ha huekuéra rekojoja'ỹ ñeġpyrũma omoĩ pyenda ko tavayguakuéra ñehundirã.

28 Ha ko'áġa ojehu Amulek oñe'ẽmba rire ko'ã ñe'ẽ tavayguakuéra osapukái hese, he'ívo: ko'áġa jaikuaa ko kuimba'e ha'eha aña ra'y, ñanembotavy haguére; oñe'ẽvaigui ñande léi rehe. Ha ko'áġa he'i noñe'ẽvairihague umíva.

29 Ha avei, oñe'ẽvaikuri ñande avogádo, ha ñande huekuéra rehe.

30 Ha ojehu umi avogádo omoĩ ikorasõmekuéra imandu'ava'erãha hikuái ko'ã mba'ére omoĩ haġua hese.

31 Ha oĩ ijapytepekuéra peteĩ hérava Zeezrom. Ko'áġa péva ha'e oñe'ẽvaivéva Amulek ha Alma rehe, ha'évo ikatupyryvéva ijapytepekuéra, oguerékóvo heta tembiapo tavayguakuéra apytépe.

32 Ko'áġa ko'ã avogádo oipotáva ha'e pirapire; ha ojehepyme'ẽ chupekuéra tembiapo ojapóva rehe.

ÑEMBYATY 11

Oñemombe'u mba'éichapa nefita-kuéra pirapire repy—Amulek oñorairõ Zeezrom ndive—Cristo ndosalvamo'ãi tavayguakuérape iñangaipápe—Umi ohupytýva yóága rréino añõnte ojesalváta—Opavave yovpóra opu'ãta ñemanove'ỹme—

Ndaipóri ñemano Jeikovejey rire. 82 ary rupi Cristo mbojve.

KO'ÁĠA Mosiah léipe he'i opavave ha'éva léi rehegua hue, téra umi oñehenóiva huerã, ohupytyva'erã hepyme'ẽ ára omba'apohaguéicha ohusga haġua umi ojeguerúvape chupekuéra ojehusga haġua.

2 Ko'áġa peteĩ kuimba'e odevéramo ambuépe, ha ndohepyme'ẽiramo chupe pe odevéva, oñemombe'u pe huépe; ha pe hue oiporu autorida, ha omondo tembiguaikuéra ogueru haġua pe kuimba'e henondépe; ha ha'e ohusga pe kuimba'e léipe he'iháicha ha umi mba'e oje'eháicha hese; ha upéicha ojehepyme'ẽuka pe kuimba'épe ideveha, téra ojeipe'a chugui umi mba'e oguerékóva, téra oñemosẽ tavayguakuéra apytégui ipokovi ha imondavaramoguáicha.

3 Ha pe hue ohupyty ijehepyme'ẽ ára omba'apoháicha—peteĩ árare peteĩ seníne oroguigua, téra peteĩ senum plátaguigua, ha'éva peteĩ seníne oroguiguáicha; ha kóva umi léi oñeme'ẽva'ekuépe he'iháicha.

4 Ko'áġa ko'áva ha'e umi monéda oroguigua, ha plataguigua réra, hepyháicha. Ha umi téra oñeme'ẽ nefita-kuéra rupi, ndoipapáigui hikuái judio-kuéra oikóva Jerusalén-pe ojapoháicha; ni nomedíri hikuái ojapoháicha judio-kuéra; ha katu omoambue hikuái ijeipapa ha iñemedikuéra, umi tavaygua oipota ha

oikotevēháicha, opa ñemoñarépe, huekuéra ñeisāmyhy peve, oñemoíva'ekue rréi Mosíah rupive.

5 Ko'áãa péicha oipapa hikuái—peteĩ seníne oroguigua, peteĩ seón oroguigua, peteĩ shum oroguigua, ha peteĩ limna oroguigua.

6 Peteĩ senum plataguigua, peteĩ amnor plataguigua, peteĩ ezrom plataguigua ha peteĩ onti plataguigua.

7 Peteĩ senum plataguigua ha'e peteĩ seníne oroguiguáicha, ha peteĩ térã ambuéva ha'e peteĩ cebada medídaicha, ha avei peteĩ medída opaichagua yva ra'ýicha.

8 Ko'áãa peteĩ seón oroguigua ha'e mokõi seníne repýicha.

9 Ha peteĩ shum oroguigua ha'e mokõi seón repýicha.

10 Ha peteĩ limna oroguigua ha'e opaite umíva repýicha.

11 Ha peteĩ amnor plataguigua ha'e mokõi senumes repýicha.

12 Ha peteĩ ezrom plataguigua ha'e irundy senumes repýicha.

13 Ha peteĩ onti ha'e opaite umíva repýicha.

14 Ko'áãa kóva ha'e umi michívéva jeipapa repyme'ẽ, ijeipapakuéra apytégui—

15 Peteĩ shiblón ha'e peteĩ senum mbytéicha; upévore, peteĩ shiblón ha'e peteĩ cebada medída mbytéicha.

16 Ha peteĩ shiblum ha'e peteĩ shiblón mbytéicha.

17 Ha peteĩ léah ha'e peteĩ shiblum mbytéicha.

18 Ko'áãa kóva ha'e ijeipapa, ha'ekuéra oipapaháicha.

19 Ko'áãa peteĩ antión oroguigua ha'e mbohapy shiblon repýicha.

20 Ko'áãa, ha'ékuri oñembopirapire haçuante hikuái, ohupytýgui hepyme'ẽ hembiapokuére, upévore, omokyre'ý hikuái tavayguakuérape ñembohováí, ha opáichagua joavy ha tekoñañame guarã, upéicha oguerekove haña hikuái tembiapo, ohupyty haña pirapire tembiapo oñeme'ẽháicha chupekuéra; upévore omokyre'ý hikuái tavayguakuérape Alma ha Amulek rehe.

21 Ha ko Zeezrom oñepyrũ oporandu Amulek-pe, he'ívo: Rembohováitapa chéve mbovymi porandu ajapótava ndéve? Ko'áãa Zeezrom ha'e peteĩ kumbá'e katupyry aña rembiapópe, ohundi haña mba'e iporáva; upévore, ha'e he'i Amulek-pe: Rembohováita piko chéve porandu ajapótava ndéve?

22 Ha he'i chupe Amulek: Heẽ, oĩporáramo Ñandejára Espíritu ndive, oíva che pype; nda'emo'ãigui mba'eve oñemoíva pe Ñandejára Espíritu rehe. Ha Zeezrom he'i chupe: Péina ápe, ko'ápe oĩ sei onti plataguigua, ha opa ko'áva ame'embáta ndéve renegáramo oíha peteĩ Tekove Ipu'akapáva.

23 Ko'áãa Amulek he'i: O añaretã ra'y, mba'ére piko cheipy'ara'ã? Ndereikuaái piko nde umi hekojojáva noñeme'ẽiha umichagua jeipy'ara'ãme?

24 Reguerovia piko nde ndaiporíha Tupã? Che ha'e ndéve,

Nahániri, nde reikuaa oíha peteĩ Tupã, ha katu rehayhuve chugui pe pirapire.

25 Ha ko'áña nde chembotavýkuri Tupã renondépe. Nde erékuri chéve—Péina ápe ko'ã sei onti, hepyetéva, ame'éta ndéve—ha katu ne korasóme erékuri nereme'emo'áiha chéve; ha pe nde reipotávante ha'e che anega Tupã añetegua ha oikovévape, reguereko haña mba'érepa cherundi haña. Ha ko'áña péina ápe, ko tuicha mba'eñaña rehe rehupytyta nde repyme'ẽ.

26 Ha Zeezrom he'i chupe: Ere piko nde oíha peteĩ Tupã añetegua ha oikovéva?

27 Ha Amulek he'i: Heẽ, oĩ peteĩ Tupã añetegua ha oikovéva.

28 Ko'áña Zeezrom he'i: Oíve piko peteĩ Tupãgui?

29 Ha ha'e ombohováí, Nahániri.

30 Ko'áña Zeezrom he'i jey chupe: Mba'éicha piko reikuaa ko'ã mba'e?

31 Ha ha'e he'i: Peteĩ ángel oikuaaukákuri chéve.

32 Ha Zeezrom he'i jey: Máva piko pe outava? Ha'e piko Tupã Ra'y?

33 Ha ha'e he'i chupe, Heẽ.

34 Ha Zeezrom he'i jey: Osalváta piko ha'e tavayguakuérape iñangaipápe? Ha Amulek ombohováí ha he'i chupe: Che ha'e ndéve ndojapomo'ái upéva, ndaikatúigui ha'e onega iñe'ẽ.

35 Ko'áña Zeezrom he'i tavayguakuérape: Pema'ẽke penemandu'a haña ko'ã mba'ére; ha'e

he'íguikuri ndaiporiha ndaha'éirõ peteĩ Tupã añónte; upevére ha'e he'i Tupã Ra'y outaha, ha katu ndosalvamo'ái itavayguakuérape—oguerekoromoguáicha ha'e autorida he'i haña Tupãme ojapova'erã.

36 Ko'áña Amulek he'i jey chupe: Péina ápe nde ndejapúkuri, erégui añe'ẽhague aguerekoromoguáicha autorida ha'e haña Tupãme ojapova'erã, ha'e haguére ha'e ndosalvamo'áiha itavayguakuérape iñangaipápe.

37 Ha che ha'e jey ndéve ndaikatuiha osalva chupekuéra iñangaipápe; che ndaikatúigui anega iñe'ẽ, ha ha'e he'íkuri mba'eve ipotí'ýva ndaikatumo'áiha ohupyty yvága rréino; upévale, mba'éicha piko pejesalváta, ndapehupytyíramo pe yvága rréino. Upévale, ndaikatúi pejesalva pene angaipápe.

38 Ko'áña Zeezrom he'i jey chupe: Ha'e piko Tupã Ra'y pe Tupã Ijapyra'yvaite?

39 Ha Amulek he'i chupe: Heẽ, ha'e niko ha'e pe Túva Ijapyra'yvaite yvága ha yvy, ha opa mba'e ipype oivapegua; ha'e iñepyrũmby ha ipaha, peteíha ha ipaháva;

40 Ha ouíta yvórape orredimi haña itavayguakuérape; ha ojagarráta hí'ári umi hérare ojeroviáva rembiapovaikuéra; ha ko'áva ha'e umi ohupytytava tekove opave'ýva, ha avavépema ndoúi upe salvasiõ.

41 Upévale umi iñañaáva opyta ndojejapoiramoguáicha

mba'evéichagua rredensiō, ndaha'éiramo umi ñemano sānguéra jejoránte; ha péina ápe, ou ára opavave opu'ātaha omanovakuéra apytégui ha oñembo'ýta Tupã renondépe, ha ojehusgáta chupekuéra hembiapokuérare.

42 Ko'áğa, oĩ peteĩ ñemano hérava yvy'arigua ñemano; ha Cristo ñemano ojoráta ko yvy'arigua ñemano sã, opavave oñemopu'ã hağua ko yvy'arigua ñemanógui.

43 Pe espíritu ha pe tete ojoaju porãmbaite jeýta; umi tete pehëngue ha kangue joajuha oñemoijeyta oĩhaguéicha voi, jepe ko'áğa ñaimenháicha; ha jajegueraháta ñañembo'y hağua Tupã renondépe, jaikuaávo ko'áğa jaikuaaháicha, ha ñanemandu'a porãvo opa ñane rembiapovaikuérare.

44 Ko'áğa, kóva ko ñemoijey outa opavavépe, ituja ha imitáva, ojejokua ha isásóva, kuimba'e ha kuña, iñaña térã hekojojávape; ha ni peteĩ akārague jepeve nokañymo'ãi iñakāgui; ha katu opa mba'e oñemoĩporãmba jeýta, ko'áğa oĩháicha, térã pe tetépe, ha ojegueraháta chupekuéra oñembo'y hağua Cristo pe Ta'ýra trivunal renondépe, ha Tupã pe Túva, ha pe Espiritu Santo, ha'éva peteĩ Tupã Opave'yva, ojehusga hağua hembiapokuére, taha'e iporã térã ivaíva.

45 Ko'áğa, péina ápe, añe'ěkuri ndéve pe tete omanokuaáva ñemano rehe, ha avei pe tete omanokuaáva jeikovejey rehe. Che ha'e ndéve ko tete omanokuaáva

oñemopu'ãha tete omanokuaa'yvaicha, kóva ha'e ñemanógui, jepe ñemano peteĩhágui jeikovépe, ndaikatuvéi hağuaama omano; ijesperitukuéra ojoajúta hetekuéra ndive, anivéma hağua ojei ojehegui; ha upéicha ko joaju ha'e espíritu rehegua ha omanove'yva, anive hağuaama oñembyai.

46 Ko'áğa, Amulek oñe'ẽmbávo ko'ã ñe'ẽ tavayguakuéra oñepyrũ jey oñemondyieterei, ha avei Zeezrom oñepyrũ oryrýi. Ha péicha opa Amulek ñe'ẽ, térã ko'avante ha'e umi che ahaiva'ekue.

ÑEMBYATY 12

Alma oñorairõ Zeezrom ndive—Tupã mba'eñemimbykuéra ojeikuaauma umi ijeroviarekóvápente—Yvyporakuéra ojehusga ijepy'amongeta, ijeguerovia, iñe'ẽ, ha hembiapokuérare—Umi iñañáva ohasáta ñemano espíritu reheguáva—Ko tekove omanokuaáva ha'e peteĩ ñeime py'ara'ārã—Upe plan rredensiõ rehegua rupive oiko Jeikovejey ha, jerovia rupive, umi angaipa jora—Umi oñearrepentíva ojerurekuua poriahuvereko pe Ta'ýra Unihénito rupive. 82 ary rupi Cristo mboyve.

KO'ÁĞA Alma, ohechávo Amulek ñe'ẽ omokirirĩ Zeezrom-pe, ha'e ohechágui Amulek ojagarraha chupe ijapu ha iñe'ẽreípe ohundi hağua chupe, ha ohechávo ha'e oñepyrũha oryrýi oikuaágui hembiapovaiha, Alma oipe'a

ijuru ha oñepyrũ oñe'ẽ chupe, ha he'í oĩporãha Amulek ñe'ẽ, ha omyesakãve umi mba'e, téra ohesa'ỹijove umi escritura Amulek ojapo haguégui.

2 Ko'áña umi ñe'ẽ Alma he'iva'ekue Zeezrom-pe ohendu tavayguakuéra oĩva upe jerére; tuichaitereĩgui pe atyguasu, ha péicha ha'e oñe'ẽ:

3 Ko'áña Zeezrom, rehecha rejegarraha ne ñe'ẽrei ha nde japúpe, nandejapúigui yvyporakuérape añónte ha katu ndejapúgui Tupãme; ha péina ápe, ha'e oikuaa opa nde jepy'amongeta, ha rehecháma umi nde jepy'amongeta ojeikuaaaukaha oréve Ijespíritu rupive;

4 Ha rehecha roikuaaha ne plan ha'ehague peteĩ plan katupyry, pe ña katupyryicha, pembrota ha peñe'ẽrei haña ko tavayguakuérape ikatu haña pemopu'ã chupekuéra ore rehe, oñemoĩ haña orerehe ha oremosẽ haña okápe—

5 Ko'áña kóva ha'ékuri peteĩ nderayhu'ỹha plan, ha ha'e omo mba'apo ipu'aka nde rehe. Ko'áña aipota nemandu'a upe ndéve ha'éva ha'eha opavavépe.

6 Ha péina ápe ha'e opavavépe kóva ha'ehague peteĩ penderayhu'ỹva ñuhã, ha'e omoĩva omoñuhã haña ko tavayguakuérape, penemoĩ haña ipogúype, penemosã haña isãme, ikatu haña penemosã ñehundi opave'ỹvape, iñeñapytĩmby pu'akaháicha.

7 Ko'áña Alma oñe'ẽmba rire ko'ã ñe'ẽ, Zeezrom oñepyrũ

tuichave oryrýi, oñekonvensevégui Tupã pu'akágui; ha ha'e oñekonvense avei Alma ha Amulek oikuaaha chugui, oñekonvenségui ha'ekuéra oikuaaha ikorasõ oñandu ha oipotáva; oñeme'ẽ haguére chupekuéra pu'aka oikuaa haña ko'ã mba'égui pe profesía espíritu rupive.

8 Ha Zeezrom oñepyrũ oporandu chupekuéra jesarekópe, ha'e oikuaave haña pe Tupã rréinogui. Ha ha'e he'í Alma-pe: Mba'e piko he'ise ko'ã mba'e he'iva'ekue Amulek umi omanomava'ekue jeikovejey rehe, opavave opu'átaha omanomava'ekue apytégui, hekojoja ha hekojoja'ỹva, ha ojeguerahataha chupekuéra oñembo'y haña Tupã renondépe ojehusga haña hembiapokuére?

9 Ha ko'áña Alma oñepyrũ omyesakã chupe ko'ã mba'e, he'ívo: Hetápe ojeikuaaauka Tupã mba'eñemimbykuéra; upevére, oñeme'ẽ chupekuéra peteĩ tembiapoukapy mbarete ndoikuaaaukaiva'erãha hikuái umíva ndaha'éiramo umi iñe'ẽ pehẽngue añónte ha'e ome'ẽva yvypóra ra'ykuérape, pe ñangareko ha jesareko ha'ekuéra ome'ẽháicha chupe.

10 Ha upévale, pe omohatáva ikorasõ, pévape oñeme'ẽ'ive iñe'ẽ; ha pe nomohatáva ikorasõ, pévape oñeme'ẽ hetave iñe'ẽgui, ojeheja peve chupe oikuaa Tupã mba'eñemimbykuéra oikuaapaite peve.

11 Ha umi omohatáva ikorasõ,

umívape oñeme'ẽ'ive iñe'ẽgui, ndoikuaái peve mba'evete imba'eñemimbykuéragai; ha upéramo aña ogueraha chupekuéra ñeñapytĩmbýpe, ha oisãmbyhy chupekuéra oipotaháicha ñehundípe. Ko'ága kóva ha'e upe he'iséva umi añaretã sã.

12 Ha Amulek oñe'ẽ porã pe ñemano rehe, ha ñañemopu'ã kóva ko jeikove ñemanokuaágui peteĩ ñemanove'ỹ ñeimépe, ha jajegueraha Tupã trivunal renondépe jajehusga hağua ñane rembiapokuérare.

13 Upéicha ñane korasõ oñemohatãramo, heẽ, ñamohatãramo ñane korasõ pe ñe'ẽ rehe, ndaipóri peve ñande pype; upéicharamo ñaimevaietereíta, ñañekondenátagai.

14 Ñane ñe'ẽ ñanekondenátagai, heẽ, opa ñane rembiapokuéra ñanekondenáta; ndajajehumomó'ái ky'a'ỹre; ha ñande jepy'amongetakuéra ñanekondenáta avei; ha ko ñane ñaimevaietépe nañañanimamomó'ái ñamaña ñande Tupã rehe; ha katu javy'áta ikatúramo ja'e itakuéra vyvypeguápe to'a ñande ári ñaneñomi hağua henondégui.

15 Ha katu péva ndaikatumomó'ái; jahamanteva'erã ha ñañembo'y henondépe iverapýpe, ha ipu'aka, ha imbarete, ha imba'eguasú, ha ipu'akapápe, ha jahechakuaa ñane ñemotĩ opave'ỹ ġuarã opa ihuisiokuéra ijojaha; ha'e ijojaha opa hembiaopépe, ha oiporiahuverekoha opa vyvypóra ra'ykuérape, ha oguerekoha opa pu'aka osalva

hağua mayma vyvypóra ojeroviávape hérare ha ome'ẽva yva joja arrepenimientorã.

16 Ha ko'ága péina ápe, che ha'e peẽme upéramo ou peteĩ ñemano, jepe pe ñemano mokõiha, ha'eva peteĩ ñemano espíritu rehegua; upéramo ha'e peteĩ ára mayma omanóva iñangaiapápe, pe vyv'arigua ñemanóme, omanotaha avei pe ñemano espíritu reheguápe opa mba'e ha'eva tekojoja rehegua.

17 Upéramo ijehasa'asykuéra ha'éta peteĩ lágo tata ha asufreguiguáicha, hata ojupíva tapiate ġuarã; ha upéramo ha'e ára oñemosãtaha chupekuéra peteĩ ñehundi opave'ỹvape, pe Satana pu'aka ha ñeñapytĩmbýicha, ojopýtagui chupekuéra ha'e oipotaháicha.

18 Upéramo, che ha'e peẽme, oĩtaha hikuái ndojejapoíramoguáicha mba'evéchagua rrendensiõ; ndaikatúigui oñerredimi chupekuéra Tupã hustisia rupive; ha ndaikatúi omano hikuái, ndaiporivéimagai ñembyai.

19 Ko'ága ojehu Alma oñe'ẽmba rire ko'ã ñe'ẽ, tavayguakuéra oñepyrũ oñemondyive;

20 Ha katu oĩ peteĩ Antiona, ha'eva peteĩ sãmbyhyhára guasu ijapytepekuéra, osẽva ha he'i chupe: Mba'e piko pe eréva, vyvypóra oikovejeytaha umi omanomava'ekue apytégui ha oñemoambuetaha ko ñeime ñemanokuaágui ñemanove'ỹme, ha pe ánga ndaikatuiha omano araka'eve?

21 Mba'épa he'ise pe escritura he'íva, Tupã omoĩhague keruvinkuéra ha peteĩ kysepuku hendýva pe jardín edén-pegua kuarahyresẽ gotyo, ani hağua ñande rukuéra peteĩha oike ha ho'u pe vyramáta tekove rehegua yvágui, ha oikove tapiaite peve? Ha péicha jahecha ndaiporihá mba'éichapa ikatu oikove hikuái tapiaite.

22 Ko'ágã he'i chupe Alma: Péva ha'e amyesakátavakuri. Ko'ágã jahecha Adán ho'ahague ho'u haguére pe yva ja'u'yva'erãgui, Tupã ñe'eme he'iháicha; ha upéicha jahecha, ijé'a rupi, opa vyvoporakuéragui oiko tavayguakuéra okañy ha ho'áva.

23 Ha ko'ágã péina ápe, che ha'e ndéve ikatúrire Adán ho'u upéramo pe yva vyramáta tekove reheguágui, ndaiporiva'erãmo'ã ñemano, ha pe ñe'ẽ ndaha'eiva'erãmo'ã mba'eve, ha ombojapuva'eramo'ã Tupãme, ha'e he'íguikuri: Re'úramo, añetehápe remanóta.

24 Ha jahecha pe ñemano ouha vyvoporakuéra ári, heẽ, pe ñemano oñe'ẽhague Amulek, ha'éva pe yvy'arigua ñemano; upevére, oñeme'ẽ vyvopórape peteĩ ára oñearrepenti hağua; upévale ko tekovégui oiko peteĩ jeipy'ará'ãme ñeime; peteĩ ára ñañembosako'i hağua ñañemoĩ hağua Tupã renondépe; peteĩ ára ñañembosako'i hağua pe ñeime opave'yvape ġuarã roñe'ẽhaguére, oúva omanova'ekue jeikovejey rire.

25 Ko'ágã, ndaha'éirire pe plan

rredensiõ rehegua rupive, oñemoiva'ekue yvóra ñepyrũmby guive, ndaiporiva'erãmo'ã ñemanógui jeikovejey; ha katu oñemoĩkuri peteĩ plan rredensiõ rehegua, ojapótava umi omanomava'ekue jeikovejey, oñe'ẽma haguére.

26 Ha ko'ágã péina ápe, ñande rukuéra peteĩha ikatúrire ohupyty ha ho'u pe vyramáta tekove reheguágui, heko'asyva'erãmo'ã tapiaite ġuarã, ndoguerekóivo peteĩ ñembosako'ípe ñeime; ha upéicha plan rredensiõ rehegua oñehundiva'erãmo'ã, ha Tupã ñe'ẽ opytareiva'erãmo'ã, mba'everoğuaicha.

27 Ha katu péina ápe, ndaha'éí upéicha; ha katu oje'emava'ekue vyvoporakuérape omanova'erãha, ha pe ñemano rire, ouva'erã hikuái huísiope, jepe pe huísio roñe'ẽ haguégui, ha'éva pe ipaha.

28 Ha Tupã he'i rire ko'ã mba'e ouva'erãha vyvoporakuérape, péina ápe, upéramo ha'e ohecha oñeikotevẽha ko'áva oikuaa umi mba'égui ha'e omoiva'ekue chupekuéra ġuarã.

29 Upévale ombou angelkuéra oñe'ẽ hağua hendivekuéra, ha umíva ohechauka vyvoporakuérape iverapy.

30 Ha upe guive tenonde gotyo ha'ekuéra oñepyrũ ohenói héra; upévale Tupã oñe'ẽ vyvoporakuéra ndive, ha oikuaauka chupekuéra upe plan rredensiõ rehegua, oñembosako'iva'ekue yvóra ñepyrũmby guive; ha upéva oikuaauka chupekuéra ojerovia

ha oñearrepenti ha hembiaipo marangatuháicha hikuái.

31 Upévore, ome'ẽ tembiapoukapy vyvporakuérape, ojapyhara raévo hikuái umi tembiapoukapy peteïha ha'éva yvy'arigua rehegua, oikóvo chuguikuéra tupãicha, ohechakuaávo iporãva ivaívagui, oñemoïvo ijupe peteï ñeime omba'apo haḡuáme, térã oñemoïvo chupe ojapo haḡua hembipota ha oipotaháicha, taha'e ojapo haḡua ivaíva térã iporãva.

32 Upévore Tupã ome'ẽ chupekuéra tembiapoukapy, oikuaauka riré chupekuéra pe plan rredensiõ rehegua, ani haḡua ojapo hikuái mba'évai, oguerútava pe ñemano opave'yva umi mba'e ha'éva tekojoja reheguápe; ko'ãvare pe plan rredensiõ rehegua ndoguerrekomo'ãigui pu'aka, umi hustísia rembiapokuéra ndaikatúigui oñehundi, pe tuichaite Tupã py'aporã rupi.

33 Ha katu Tupã ohenoiva'ekue vyvporakuérape, Ita'yra rérape, (kóva ha'égui pe plan rredensiõ rehegua oñeme'éva'ekue) he'ívo: Peñearrepentíramo ha napemohatãiramo pene korasõ, upéicharõ poiporiahuverekóta, che Ra'y Unihénito rupive;

34 Upévore, opavave oñearrepentíva, ha nomohatãiva ikorasõ, ikatúta ojerure poriahuvereco che Ra'y Unihénito rupive, iñangaipa jorarã; ha ha'ekuéra oikéta che pytu'úpe.

35 Ha opavave omohatãva

ikorasõ ha ojavóva tembiapovai, péina ápe, che añe'ẽme'ẽ che ñeko'õime péva ndoikemo'ãiha che pytu'úpe.

36 Ha ko'áḡa, che joyke'ykuéra, péina ápe che ha'e peẽme, pemohatãramo pene korasõ ndapeikemo'ãi Ñandejára pytu'úpe; upévore pene rembiapovaikuéra ombopochy chupe ombou haḡua iñeko'õi pende ári peteïha ñembopochypeguáicha, heẽ, iñe'ẽme he'iháicha pe ñembopochy paha ha peteïhámeicha, pene angakuéra ñehundi opave'yva ḡuarã; upévore, iñe'ẽme he'iháicha, ñemano pahápe ḡuarã, ñemano peteïháme ḡuarãicha.

37 Ha ko'áḡa, che joyke'ykuéra, jaikuaamarõ ko'ã mba'e, ha umíva ha'e anetegua, ñañearrepenti ha ani ñamohatã ñane korasõkuéra, ani haḡua ñambopochy Ñandejára ñane Tupãme omboguejy haḡua iñeko'õi ñande ári ko'ã hembiaipoukapy mokõiha ome'éva'ekuépe ñandéve; ha jaike pe Tupã pytu'úpe, oñembosako'iva'ekue iñe'ẽme he'iháicha.

ÑEMBYATY 13

Vyvporakuéra oñehenói ha'e haḡua sumo sacerdote tuicha ijeroivia ha hembiaipo porãkuéra rupi—Ombo'éva'erã hikuái tembiapoukapykuéra—Tekojoja rupive oñemomarangatu ha oike hikuái Ñandejára pytu'úpe—Melquisedec ha'ékuri peteï ko'ãva apytégui—Angelkuéra omombe'u mba'e porã pyahu opa tetã tuichakue

javére—Ohechaukáta hikuái pe Cristo jeju ko'áǵagua. 82 ary rupi Cristo mboyve.

HA avei, che joyke'ykuéra, che amoïse pene apytu'ũme umi ára mombyry Tupã Ñandejára ome'ëramoguare ko'ã tembiapoukapy ita'yraquerape; ha che aipota penemandu'a Tupã Ñandejára o'ordenahague sacerdotekuéra, hi'orden marangatu rupive, ha'éva Ita'ýra orden rupive, ombo'e haǵua ko'ã mba'e tavayguakuérape.

2 Ha umi sacerdote oñe'ordena Ita'ýra orden rupive, oikuaauka haǵuáicha tavayguakuérape mba'éichapa oha'arõ mbareteva'erã hikuái Ita'yrape ohupyty haǵua hikuái rredensiõ.

3 Ha péicha oñe'ordena chupekuéra—oñehenóivo ha oñembosako'ívo yvóra ñepyrũmby guive pe Tupã oikuaaháicha, ijerovia mbarete ha hembiaipo porãkuéra rupi; ojeheja raëvo chupekuéra oiporavo haǵua iporã térã iva'íva; upévore oiporavóvo hikuái iporãva, ha omomba'apóvo hikuái tuicha jerovia, oñehenói chupekuéra peteĩ ñehenói marangatúpe, heẽ, peteĩ ñehenói marangatu oñembosako'i haguépe hikuái, ha upéva reheguápe, peteĩ rredensiõ ñembosako'irã chupekuéra ñuarã.

4 Ha péicha oñehenói chupekuéra ko ñehenói marangatúpe ijerovia rupi, ha katu ambuekuéra orrechasákuri Tupã Espíritu ikorasõkuéra atãgui

ha iñapytu'ũnguéra ndohecháigui, ha katu ndaha'éirire ko'ãvare ha'ekuéra oguereko-va'erãmo'ã tuichaite mba'e porã ijoyke'ykuéraicha.

5 Térã ipahápe, iñepyrũmbýpe oĩkuri hikuái ijoyke'ykuéra oĩháme; péicha ko ñehenói marangatu oñembosako'íkuri yvóra ñepyrũmby guive umi nomohatãivape ñuarã ikorasõ, ha'évo pe Ta'ýra Unihénito expiasiõ rupive, oñembosako'iva'ekue—

6 Ha upéicha oñehenói chupekuéra ko ñehenói marangatu rupive, ha oñe'ordena chupekuéra pe sumo sacerdocio Tupã orden marangatúpe, ombo'e haǵua hembiaipoukapykuéra yvypóra ra'ykuérape, oike haǵua avei hikuái ipytu'úpe.

7 Ko sumo sacerdocio ha'e Ita'ýra ordenpeguáicha, orden oĩva'ekue yvóra ñepyrũmby guive; térã ambue ñe'ëme, ndoguerekóiva ára ñepyrũmby ni ary paha, oñembosako'íva ára apyra'ýgui ára apyra'ýmeve, opa mba'e ha'e oikuaaháicha.

8 Ko'áǵa péicha oñe'ordena chupekuéra—Oñehenói chupekuéra peteĩ ñehenói marangatu reheve, ha oñe'ordena peteĩ ordenánsa marangatúpe, ha ojarra hikuái hi'ári pe sumo sacerdocio pe orden marangatu rehegua; ha kóva ko ñehenói, ordenánsa ha sumo sacerdocio ndoguerekói ñepyrũmby ni ipaha—

9 Upéicha oiko chuguikuéra sumo sacerdote tapiate ñuarã, pe Ta'ýra orden rupive, pe Túva

Unihénito, ndoguerekóiva ára ñepyrũmby ni ary paha, henyhẽva grásia, joja, ha añetégui. Ha upéicha amén.

10 Ko'áãga, ha'e haguéicha pe órden marangatu rehe, térã ko sumo sacerdocio rehe, oïkuri heta oñeordenava'ekue ha oiko chuguikuéra Tupã sumo sacerdote; ha péva ha'e tuicha jerovia ha iñarrepentimiénto rupi, ha hekojoja rupi hikuái Tupã renondépe, oiporavógui hikuái oñearrepenti ha hembiajo joja omanorangue;

11 Upévare oñehenoiva'ekue chupekuéra ko órden marangatu rupive, ha oñemomarangatu chupekuéra, ha ijaokuéra oñemomorotĩ pe Cordero ruguy rupive.

12 Ko'áãga ha'ekuéra, oñemomarangatu rire pe Espíritu Santo rupive, oñemomorotĩvo ijaokuéra, ojejuhúvo hikuái potĩ ha mara'ỹme Tupã renondépe, ndaikatúi ohecha hikuái angaipa ndaha'éirõ jeguaru reheve; ha oĩ heta, he-taiterei, oñemopotĩva ha oikéva Ñandejára Itupã pytu'úpe.

13 Ha ko'áãga, che joyke'ykuéra, che aipota peñemomirĩ Tupã renondépe, ha peme'ẽ yva joja arrepentimientorã, peike haãua avei peẽ upe pytu'úpe.

14 Heẽ, peñemomirĩ jepe Melquisedec tavayguakuéra arapeguáicha, ha'eva'ekue avei peteĩ sumo sacerdote, ko orden añe'ẽhague reheguáicha, ojagarrava'ekue avei hí'ari pe sumo sacerdocio tapiaite guarã.

15 Ha kóva ha'e pe Melquisedec

Abraham ohepyme'eva'ekuépe diesmokuéra; heẽ, jepe ñande ru Abraham ohepyme'ẽ diésramo peteĩ désimo pehẽngue opa mba'e oguerekóvagui.

16 Ko'áãga ko'ã ordenánsa oñeme'eva'ekue kóicha, upéicha rupi tavayguakuéra oha'arõ haãua kyre'ỹme Tupã Ra'ýpe, ha'évo hí'orden ra'anga, térã ha'e hí'orden, ha kóva ha'ekuéra oha'arõ haãua chupe kyre'ỹme iñangaipa jorarã, oike haãua hikuái Ñandejára pytu'úpe.

17 Ko'áãga ko Melquisedec ha'eva'ekue rreí Salem retãme; ha itavayguakuéra oñemombareteva'ekue tembiapovai ha tembiapoky'ápe; heẽ opavave hikuái okañymba; henyhẽ hikuái opáichagua tembiapoñañágui;

18 Ha katu Melquisedec omo-mba'apóvo peteĩ jerovia mbarete, ha oñeme'ẽvo chupe pe sumo sacerdocio rembiajo Tupã órden marangatu rupive, ombo'e pe arrepentimiénto itavayguakuérape. Ha péina ápe, ha'ekuéra oñearrepenti; ha Melquisedec omoĩ hí'arape py'aguapy upe tétãme; upévare ha'e oñehenói príncipe de paz, ha'égui ha'e pe Salem-rréi; ha orreina itúva poguýpe.

19 Ko'áãga, oïkuri heta ha'e mboyve, ha avei oïkuri heta ha'e rire, ha katu avave ndatuichavéi chugui; upévare, oñe'ëve hese hikuái.

20 Ko'áãga che naikotevẽi amombe'upaite upe mba'e; umi ha'eva'ekue iporãma. Péina ápe,

peguereko umi escritura pene-renondépe; ha pemokaréséramo ha'éta peneñehundirã.

21 Ha ojehu Alma he'ívo chu-pekuéra ko'ã ñe'ẽ, oipyso ipo chupekuéra gotyo ha osapukái ñe'ẽ mbaretépe, he'ívo: Ko'ága ha'e ára peñearrepenti haña, pe salvasiõ ára hi'añmagui.

22 Heẽ, ha Ñandejára ñe'ẽ, angelkuéra juru rupi, he'i opa tetãme; heẽ, he'i ko'áva, ogue-reko haña hikuái mba'e porã pyahu tuicha vy'arã; heẽ, ha he'i ko'ã mba'e porã pyahu opa itavayguakuéra apytépe, heẽ, jepe umi oñemosarambívape vyvape ári; upévore oñuahẽ ñandéve umíva.

23 Ha ojeikuaauka ñandéve tesakãme, ñaikũmby haña, ani haña jajavy; ha ojejapo péicha ñande ha'égui okañýva peteĩ tetã ndaha'éiva ñane mba'épe; upévore, jajehovasaiterei, oje'égui ñandéve ko'ã mba'e porã pyahu opárupi ñane víñape.

24 Ha péina ápe, angelkuéra omombé'u hína umíva hetápe ñane retãme ko árape; ha péva ombosako'i haña yvypóra ra'ykuéra korasõ ohupyty haña iñe'ẽ pe ára ha'e ou vove iverapype.

25 Ha ko'ága ñande niko ñaha'arõnte ñahendu umi mba'e porã pyahu oje'éva ñandéve angelkuéra juru rupi ijeju rehe; ára ougui, ha ndajaikuaái araka'etéta. Toipota Tupã taha'e che árape; ha katu taha'e voi térã areve, umívape che avy'áta.

26 Ha ojeikuaaukáta yvypóra ijoja ha imarangatúvape, angelkuéra juru rupi, ára ha'e ou vove, oñekumpli haña ñande rukuéra ñe'ẽ, umi ñe'ẽme ha'ekuéra oñe'eva'ekue hese he'iháicha, ha'eva'ekue pe espíritu rehegua profesía oíva ipyepkuéra rupive.

27 Ha ko'ága, che joyke'ykuéra, che aipota che korasõ mbytete guive, heẽ, tuicha mba'epotápe jepe hasy peve chéve, pehenduche ñe'ẽ, ha pemombo pene angaipakuéra, ha ani pemoha'arõ ára peñearrepenti haña;

28 Ha katu peñemomirĩ Ñandejára renondépe, ha pehenói héra marangatu, ha pemaña ha peñembo'e meme, ani haña pejeipy'ara'ave ikatúva peguero-pu'akágui, he péicha pejegueraha haña pe Espíritu Santo rupive, peñemomirívo, penerekomarangatúvo, peneñe'ërendúvo, peha'arõkuaávo, penerenyhëvo mborayhu ha py'aporãgui;

29 Peguerekóvo jerovia Ñandejárame; peguerekóvo ñeha'arõ pehupytytaha tekove opave'yva; peguerekóvo tapiate Tupã mborayhu pene korasõme, ára pahápe peñemopu'ã haña ha peike haña ipyту'úpe.

30 Ha Ñandejára toheja peẽme peñearrepenti, ani haña pegueru iñeko'õi pende ári, ani haña pejejekua añaretã sãme, ani haña pehasa pe ñemano mokõiha.

31 Ha Alma oñe'ẽ hetave ñe'ẽ tavayguakuérape, ndojehairiva ko kuatiañe'ẽme.

ÑEMBYATY 14

Alma ha Amulek ojeity ka'irãime ha oñenupã—Umi ogueroviáva ha ijescritura marangatukuéra oje-hapy tatápe—Ko'ã omanova'ekue oñemoĝuahẽ verapyépe Ñandejá-rare—Ka'irãĩ tapiakuéra ojeka ha ho'a—Alma ha Amulek oñemosãso ha imuñahakuéra ojejuka. 82-81 ary rupi Cristo mboyyve.

Ha ojehu Alma oñe'ẽmba rire tavayguakuérape heta ijapytepekuéra oguerovia iñe'ẽ, ha oñepyrũ oñearrepenti ha ohesa'ỹijo hikuái umi escritura.

2 Ha katu hetave ijapytepekuéra ohundise Alma ha Amulek-pe; ipochýgui hikuái Alma ndive, oñe'ẽ hesakã haguére Zeezrom-pe; ha he'i avei hikuái Amulek ombotavyhague chupekuéra, ha oñe'ẽvai ileikuérare ha avei ijavogádo ha ihuekuérare.

3 Ha avei ipochy hikuái Alma ha Amulek ndive; ha ha'ekuéra otestifika porã haguére hembia-poñañakuéragui, oñeha'ã ohundi chupekuéra hikuái kañyháme.

4 Ha katu ojehu ndojapói hikuái upéicha; ha katu ojagarra ha ojokua hikuái chupekuéra ñemosã atãme, ha ogueraha chupekuéra pe hue guasu tetãgua renondépe.

5 Ha tavayguakuéra ou ha otestifika hesekuéra—otestifika oñe'ẽvaihague hikuái upe léi rehe, ha avei ijavogádo ha huekuéra upe tetãgua rehe, ha avei opa tavayguakuéra oĩva upe tetãme rehe;

ha otestifikahague avei hikuái ndaiporiha ndaha'éiramo peteĩ Tupãnte, ha omboutaha Ita'ýrape yvyporakuéra apytépe, ha katu ha'e ndosalvamo'ãiha chupekuéra; ha heta mba'e peichagua otestifika tavayguakuéra Alma ha Amulek rehe. Ko'áĝa péva ojejapo pe hue guasu tetãgua renondépe.

6 Ha ojehu Zeezrom oñemo-ndýi umi ñe'ẽ oñeñe'ẽva'ekue rehe; ha oikuaa avei pe apytu'ũ jehecha'ýgui, ha'e ojapova'ekue tavayguakuéra apytépe iñe'ẽ japu rupi; ha hi'ángã oñepyrũ ojepy'apy oñandúgui hembia-po-vaikuéra; heẽ, oñepyrũ ojere hese añaretãmegua jehasa'asykuéra.

7 Ha ojehu oñepyrũ ojerure'asy tavayguakuérape, he'ivo: Péina ápe, che cherembiapovai, ha ko'ã yvypóra ha'e imarã'ýva Tupã renondépe. Ha oñepyrũ ojerure hesekuéra upe guive; ha katu ha'ekuéra ojahéi hese, he'ivo: Nde piko reime avei aña poguýpe? Ha ondyvu hikuái hese, ha omosẽ chupe ijapytepekuéragui, ha avei opa umi ogueroviávape ñe'ẽ Alma ha Amulek he'iva'ekue chupekuéra; ha omosẽ chupekuéra okápe, ha omondo kuimba'ekuéra oita'api haĝua chupekuéra.

8 Ha ombyaty hikuái hambireko ha ta'yraquérape, ha opavave ogueroviápe térã oñembo'eva'ekuépe oguerovia haĝua Tupã ñe'ẽ oityka hikuái tatápe; ha ogueru avei hikuái ikuatiajehaipyrekuéra oguerekóva umi escritura

marangatu, ha omombo avei hikuái tatápe okái haḡua, ogehapy ha oñehundi haḡua tata rupi.

9 Ha ojehu ojararra hikuái Alma ha Amulek-pe, ha ogueraha chupekuéra tenda ojejukahápe hína, ha'e haḡua hikuái testígo umi tatápe okáiva ñehundígui.

10 Ha Amulek ohechávo kuña ha mitānguéra jehasa'asy okáiva pe tatápe, ojeipy'apy avei, ha he'i Alma-pe; mba'éicha piko ikatu ñamaña ko'ã mba'evaietére? Upé-vare jaipysó ñande po, ha jaiporu Tupã pu'aka oíva ñande pype, ha jasalva chupekuéra tatágui.

11 Ha katu Alma he'i chupe: Pe Espíritu he'i chéve ndaipysoiva'eráha che po; péina ápe Ñandéjára omoḡuahēgui chupekuéra verapýpe imba'erã; ha ha'e oheja ha'ekuéra ojapo ko'ã mba'e, térã pe tavayguakuéra ojapo ko'ã mba'e hesekuéra, ikorasōkuéra hatāháicha, umi huísio omboútava hi'arikuéra ipochýpe ijoja haḡua; ha pe hekojojáva ruguy ha'éta testimónio hesekuéra, heẽ, ha osapukái mbaretéta hesekuéra ára pahápe.

12 Ko'áḡa Amulek he'i Alma-pe: Péina ápe, ikatu ñanderapy avei hikuái ñandéve.

13 Ha Alma he'i: Tojejapo Ñandéjára oipotaháicha. Ha katu, péina ápe, ñane rembiapo ne'ira gueteri opa; upé-vare nañandera-pymo'ái hikuái.

14 Ha ojehu okaipa rire umi ojeityva'ekue rete pe tatápe, avei umi kuatiajehaipyre omombova'ekue hendivekuéra, pe

hue guasu tetāgua ou ha oñemoi Alma ha Amulek renondépe, oívo ha'ekuéra jejokuapýpe, ha oinupã hovárupi chupekuéra ipópe, ha he'i chupekuéra: Pe-hecha rire ko'áva pembo'e jeýta piko ko tavayguakuérape ha'ekuéra ojeitytaha peteĩ lágo tata ha asufreguiguápe?

15 Péina ápe, pehecháma ndapeguerekoihague pu'aka pesalva haḡua umi ojeityva'ekue tatápe; ni Tupã ndosalvá chupekuéra ha'e haguére hikuái pende jerovia rehegua. Ha pe hue oinupājey chupekuéra hovárupi, ha oporandu chupekuéra: Mba'e piko pejéta pendejehe?

16 Ko'áḡa ko hue ha'e Nehor órden ha jerovia rehegua, pe ojukava'ekue Gedeón-pe.

17 Ha ojehu ni Alma ni Amulek nombohováiri chupe mba'eve; ha oinupājey chupekuéra, ha ome'ẽ umi tembiguaikuérape oity haḡua chupekuéra ka'irāime.

18 Ha oĩ rire hikuái mbohapy ára ka'irāime, ou heta avogádo, ha hue, ha sacerdote, ha mbo'eharakuéra, ha'éva Nehor jerovia rehegua; ha oike hikuái ka'irāime ohecha haḡua chupekuéra, ha oporandu chupekuéra heta ñe'ẽ rehe; ha katu ha'ekuéra nombohová chupekuéra mba'eve.

19 Ha ojehu pe hue oñemoi henondepekuéra ha he'i chupekuéra: Mba'ére piko napembohováiri ko tavayguakuéra ñe'ẽ? Ndapeikuaái piko aguerekoha pu'aka poity haḡua tata rendýpe? Ha he'i chupekuéra oñe'ẽ haḡua;

ha katu ha'ekuéra nombohováiri chupe mba'eve.

20 Ha ojehu osẽ ha oho hikuái hapére, ha katu oujey upe ko'ẽme; ha pe hue oinupãjey Alma ha Amulek-pe hovárupi. Ha heta osẽ ha oinupã avei chupekuéra, he'ívo: Peñemojjeýta piko ha pehusga ko tavayguakuérape, ha pekondena ore léi? Peguerekóramo tuichaite pu'aka mba'ére piko napeñemosásói pendejupe?

21 Ha he'i chupekuéra opa mba'e upeichagua, ombohyapúvo hã hesekuéra, ha ondyvúvo hi'arikuéra, ha he'ívo: Mba'éicha piko rojehecháta roñekondena vove?

22 Ha heta mba'e upeichagua, heẽ, opa upeichagua mba'e he'i hikuái chupekuéra; ha péicha oñembohory hesekuéra heta ára aja. Ha nome'ei chupekuéra tembí'u ohasa haɣua hikuái ñembyahýi, ni y ohasa haɣua y'u'héi; ha oipe'a avei chuguikuéra ijao oĩ haɣua opívo; ha péicha ojejokua hikuái ñemosã atãme, ha oñemboty ka'irãime.

23 Ha ojehu ohasa'asy rire hikuái heta ára aja, (ha ha'e pe duodésimo ára pe dėsimo jasýpe, dėsimo ary huekuéra ñeisãmbyhy aja Nefi tavayguakuéra ári), pe hue guasu Ammoniah retãmegua, ha heta imbo'ehára ha avogadokuéra, oho upe ka'irãime Alma ha Amulek oĩháme jejokuapýpe.

24 Ha pe hue guasu oñembo'y henondepekuéra, ha oinupãjey chupekuéra, ha he'i chupekuéra:

Peguerekóramo Tupã pu'aka peñemosãso ko'ã jokuahágui, ha upéramo rogueroviáta Ñandejára ohunditaha ko tavayguakuérape peñe'ẽ haguéicha.

25 Ha ojehu opavave ha'ekuéra ou ha oinupã chupekuéra, he'i jojávo umi ñe'ẽ, jepe ipahaitéva; ha pe ipahaitéva oñe'ẽ rire chupekuéra Tupã pu'aka oguejy Alma ha Amulek ári, ha opu'ã ha oñembo'y hikuái.

26 Ha Alma ojerure'asy he'ívo: Mboy ára piko rohasa'asýta ko'ã tuicha jehasa'asy, O Ñandejára? O Ñandejára oremombarete ore jerovia rupi ha'éva Cristo-pe jepe roñemosãso haɣua. Ha ojoka hikuái umi ñemosã ojejokuaha-guépe; ha tavayguakuéra ohechávo ko'áva, oñepyrũ oñani, pe ñehundígui jekyhyje oúgui hi'arikuéra.

27 Ha ojehu ikyhyjekuéra tui-chaitereígui ho'a hikuái yvýpe ha noɣuahẽi hikuái pe okẽ oĩva ka'irãigui okápe; ha pe yvy tuicha oryrýi, ha pe ka'irãi tapiakuéra oñemboja'o mokõime ha ho'a yvýpe; ha ho'ávo ojukapa hue guasúpe ha umi avogádo ha sacerdote ha mbo'eharakuéra oinupáva'ekue Alma ha Amulek-pe.

28 Ha Alma ha Amulek osẽ ka'irãigui, ha ndojehúi chupekuéra mba'eve, Ñandejára ome'ẽguikuri chupekuéra pu'aka ijerovia rupi oĩva Cristo-pe. Ha osẽ hikuái upéi pe ka'irãigui, ha ojejora chupekuéra ijokuahágui; ha pe ka'irãi ho'ákuri yvýpe, ha

mayma ánga oíva hyepýpe ománókuri, Alma ha Amulek katu nahániri; ha ko'áva oho upe rire pe tavaguasúpe.

29 Ko'ága tavayguakuéra ohendúvo peteĩ tyapu guasu oġuahẽ atyguasúpe oikuaa haġua mba'érepa péva, ha ohechávo hikuái Alma ha Amulek-pe osẽha pe ka'irãigui, ha ho'apahague umi itapiakuéra, ojagarra chupekuéra peteĩ kyhyje tuichaitereíva, ha oñani Alma ha Amulek renondégui, peteĩ kavara ha ta'ýra okañyháicha mokõi leõgui; ha péicha okañy hikuái Alma ha Amulek renondégui.

ÑEMBYATY 15

Alma ha Amulek oho Sidom-pe ha omopu'ã peteĩ tupao—Alma omonguera Zeezrom-pe, ha ha'e ojoaju pe tupaóre—Hetápe oñemongarai, ha pe tupao oñakãrapu'ã—Alma ha Amulek oho Zarahemla-pe. 81 ary rupi Cristo mboýve.

Ha ojehu oje'e Alma ha Amulek-pe osẽ haġua upe tavaguasúgui; ha osẽ hikuái ha oho hikuái Sidom retãme; ha péina ápe, upépe ojuhu hikuái mayma osẽva'ekuẽpe Ammoníah retãgui, umi oñemosẽ ha oñembo'ita'apiva'ekue ogueroviãgui Alma ñe'ẽ.

2 Ha omombe'u chupekuéra opa mba'e ojehuva'ekue hembireko ha ta'yrakuerape, ha avei hesekuéra rehegua, ha pe

pu'aka omosãsova'ekuégui chupekuéra.

3 Ha avei Zeezrom ho'a hasy Sidom-pe, peteĩ akãnundu guasu reheve, ogueruva'ekue chupe tuicha jehasa'sy iñapytu'ũme hembiapoñañakuéra rupi, oimo'ãgui Alma ha Amulek ndoikovéima, ha ha'e oimo'ã ojejukahague chupekuéra hembiapovaikuérare. Ha ko tuicha angaipa, ha heta ambue iñangaipakuéra, ojopyeteri iñapytu'ũ, hasyeteri peve, ndojuhúivo ñemosãso; upépare, oñepyrũ ojopy chupe peteĩ akãnundu guasu.

4 Ko'ága, ha'e ohendúvo Alma ha Amulek oíha Sidom retãme, ikorasõ oñepyrũ oñemombarete; ha pya'e omondo peteĩ momarandu chupekuéra, ojerure'asývo oho haġua hikuái ohecha chupe.

5 Ha ojehu ha'ekuéra pya'e oho hendápe, iñe'ẽrendúvo upe momarandu oguerahakava'ekue chupekuérare, ha oike hikuái Zeezrom rógape, ha ojuhu chupe hikuái tupápe, hasy ha oívaiaeteri peteĩ akãnundu guasu reheve; ha avei iñapytu'ũ ojejopyeteri hembiapovaikuéra rupi; ha ohechávo chupekuéra oipyso ipo, ha ojerure'asy chupekuéra omonguera haġua chupe.

6 Ha ojehu Alma he'i, ojagarrávo chupe ipógui: Egueroviápa Cristo oguerekoha pu'aka oporosalva haġua?

7 Ha ha'e ombohováí ha he'i: Heẽ, aguerovia opa ñe'ẽ nde rembo'eva'ekue.

8 Ha Alma he'i: Regueroviáramo Cristo rredensiõ nde ikatu reñemonguera.

9 Ha ha'e he'i; Heë, che aguerovia nde reñe'eháicha.

10 Ha upérõ Alma ojerure'asy Ñandejárape, he'ivo: O Ñandejára ñande Tupã, eiporiahuvereco ko yvypóra ha emonguera chupe ojeroviaháicha Cristo rehe.

11 Ha Alma he'ivo ko'ã ñe'ë, Zeezrom opo ha oñembo'y ha oñepyrũ oguata; ha péva ojejapo tavayguakuéra tuicha ñeimo'ã-ýme; ha ko'áva rehegua jeikuaa oho opa Sidom retã tuichakue javére.

12 Ha Alma omongarai Zeezrom-pe Ñandejárape; ha upe guive oñepyrũ Zeezrom oheko mbo'e tavayguakuérape.

13 Ha Alma omopu'ã peteĩ tupao Sidom retãme, ha okonsagra sacerdote ha mbo'eharakuéra upe tetãme oporomongarai hağua Ñandejárape opa umi oñemongaraisévape.

14 Ha ojehu oĩ heta; oğuahẽgui hikuái atyguasúpe opa tenda oĩvagui Sidom jerére, ha oñemongarai hikuái.

15 Ha umi oĩva Ammoníah retãme katu ha'e gueteri tavayguakuéra ikorasõ atã ha ijajúra hatáva; ha noñearrepentíri hikuái iñangaipágui, he'ígui hikuái Alma ha Amulek pu'aka ha'e ha aña pu'aka; ha'égui hikuái Nehor jerovia rehegua, ha ndogueroviái hikuái oñearrepentiva'erãha iñangaipakuéragui.

16 Ha ojehu Alma ha Amulek,

Amulek ohejapávo opa hi'oro, ipláta ha imba'erepykuéra oĩva Ammoníah retãme, Tupã ñe'ë rehe, ha orrechasa chupe umi upe mboyve ha'eva'e-kue iñangirũ, ha avei itúva ha hogaguakuéra.

17 Upévare, Alma omopu'ã rire tupao Sidom-pe, ohechávo peteĩ tuicha ñemoambue, heë, ohechávo tavayguakuéra ohejaha ikorasõ orgúllo, ha oñepyrũha oñemomirĩ Tupã renondépe, ha oñepyrũha oñembyaty henda marangatukuérape otupaitũ hağua Tupãme ijaltar renondépe, oñangareko ha oñembo'e memévo oñemosãso hağua chupekuéra satanágui, ha ñemano ha ñehundígui—

18 Ko'ãğa che ha'e haguéicha, Alma ohechávo opa ko'ã mba'e, upévare ojagarra hendive Amulek-pe ha oho Zarahemla retãme, ha ogueraha chupe hógape, ha oñangareko hese ijehassa'asýpe ha omombarete chupe Ñandejárape.

19 Ha péicha opa pe désimo ary huekuéra ñeisãmbyhy Nefi retã ári.

ÑEMBYATY 16

Lamanita-kuéra ohundi Ammoníah tavayguakuérape—Zoram oisãmbyhy nefita-kuérape ipu'aka hağua lamanita-kuéra rehe—Alma ha Amulek ha heta ambuekuéra ombo'e upe ñe'ë—Ha'ekuéra ombo'e Cristo oikovejey rire ojehechaukataha

nefita-kuérape. 81–77 ary rupi Cristo mbovyé.

HA ojehu undésimo ary jave huekuéra ñeisambyhýpe Nefi tavayguakuéra ári, po ára jasy mokõiha vove, oívo heta py'aguapy Zarahemla retãme, ndaiporivéivo ñorairõ ni joavy heta ára aja, jepe kinto ára peve jasy mokõiha vove pe undésimo arýpe, oñehendúkuri peteĩ ñorairõguasú sapukái opa pe tetãre.

2 Ha péina ápe, lamanita-kuéra ehérsito oikékuri tave'ý guive gotyo, pe tetã rembe'ýpe, jepe Ammoníah tavaguasu peve, ha oñepyrũ ojuka hikuái tavayguakuérape ha ohundi pe tavaguasu.

3 Ha ko'áña ojehu, nefita-kuéra ikatu mbovyé omopu'ã peteĩ ehérsito tuicháva oguenohẽ haña chupekuéra upe tetãgui, ohundíma hikuái tavayguakuéra oíva Ammoníah tavaguasúpe, ha avei mbovymi oíva Noé retã rembe'ýpe, ha ambuépe katu ogueraha hikuái ñeñapytĩmbýpe upe tave'ýme.

4 Ko'áña ojehu nefita-kuéra ohupytyse umi ojeguerahava'ekuépe ñeñapytĩmbýpe upe tave'ýme.

5 Upévare, pe oñehenoiva'ekue tendota mburuvicháramo nefita-kuéra ehérsito ári, (ha héra ha'e Zoram, ha oguereko mokõi ta'ýra, Lehi ha Aha)—ko'áña Zoram ha mokõive ita'ýra oikuaávo Alma ha'eha sumo sacerdote tupao ári, ha ohendúvo hikuái ha'e oguerekoha espíritu profesía rehegua,

upévare oho hendápe ha oikuaase chugui moõpa oipota Ñandejára oho hikuái upe tave'ýme oheka haña ijoyke'ykuérape, lamanita-kuéra oguerahava'ekue ñeñapytĩmbýpe.

6 Ha ojehu Alma oporandu Ñandejárape upe mba'ére. Ha Alma oujey ha he'i chupekuéra: Péina ápe, lamanita-kuéra ohasáta ysyry Sidón rupi pe tave'ý súrpe, mombyry Manti retã rembe'ýgui. Ha péina ápe upépe pejuhúta chupekuéra, ysyry Sidón kuarahyreiképe, ha upépe Ñandejára ome'eta peẽme pende joyke'ykuéra lamanita-kuéra oguerahava'ekue ñeñapytĩmby.

7 Ha ojehu Zoram ha ita'ýra-kuéra ohasa pe ysyry Sidón rupi, ijehersitokuéra ndive, ha oguata hikuái pe Manti rembe'y mboypýri pe tave'ý súrpe, opytáva ysyry Sidón kuarahyresẽ gotyo.

8 Ha ou hikuái lamanita-kuéra ehérsito ári, ha lamanita-kuéra oñemosarambi ha ojegueraha pe tave'ýre; ha ojararra jey hikuái ijoyke'ykuérape lamanita-kuéra oguerahava'ekue ñeñapytĩmbýpe, ha ndaipórikuri ni peteĩ ánga okañýva umi ojeguerahava'ekuégui ñeñapytĩmby apytépe. Ha ijoyke'ykuéra ogueraha chupekuéra ohupyty haña hikuái ijyvy teete.

9 Ha péicha opa undésimo ary huekuéra ñeisambyhy, ha lamanita-kuéra oñemosékuri upe tetãgui, ha Ammoníah tavayguakuéra oñehundíkuri; heẽ, opavave ánga oikovéva ha'éva

ammoniahita oñehundíkuri, ha avei itavaguasu tuicha, he'iva'ekue hikuái Tupã ndaikatuilha ohundi, tuichaitereígui.

10 Ha katu péina ápe, peteĩ árape oñehundipa; ha umi jagua ha mymba saite tave'ymegua omondryry umi te'ongue.

11 Upevére, heta ára rire oñembyaty he'onguekuéra yvy ape ári, ha ojaho'i pererimínte hikuái umíva. Ha tuichaiterei inégui, heta ary aja tavayguakuéra ndohovéi ohupyty hağua Ammoniah retã. Ha ombohéra hikuái upe tenda Nehor-kuéra jehejarei; umi omanova'ekue ha'égui Nehor jerovia rehegua; ha ijyvykuéra ojehejareígui.

12 Ha lamanita-kuéra ndouvéi ñorairõguasúpe nefita-kuéra rehe desimocuárto ary peve huekuéra ñeisambyhýpe Nefi tavayguakuéra ári. Ha péicha mbohapy ary aja Nefi tavayguakuéra oguereko py'aguapy meme opa tetã tuichakue javeve.

13 Ha Alma ha Amulek osẽ ombo'évo arrepentimiénto tavayguakuérape itémplope, ha henda marangatukuérape, ha avei isinagogakuérape, oñemopu'áva judio-kuéra ojapoháicha.

14 Ha opavave ohendusévape iñe'ẽ, umívape ha'ekuéra ome'ẽ Tupã ñe'ẽ, ha nombojoavýi hikuái avavépe, opa ára.

15 Ha péicha osẽ Alma ha Amulek, ha avei heta ambue ojeiporavova'ekue pe tembiaporã, ombo'e hağua upe ñe'ẽ opa pe tetã tuichakue javeve. Ha oñemoĩ

heta tupao opa upe tetã tuichakue javeve, opa tendápe oíva ijerére, opavave nefita-kuéra tavayguakuéra apytépe.

16 Ha ndaipóri joavy ijapytepekuéra; ha Ñandejára oñohẽ Ijespíritu opa yvy ape ári ombo-sako'i hağua yvyporakuéra ra'y apytu'ũ, térã ombosako'i ikorasõkuéra ohendu hağua upe ñe'ẽ oñembo'étava ijapytepekuéra ára ha'e ou vove—

17 Ani hağua oñemohatã hikuái pe ñe'ẽ rehe, ani hağua ojerovia'y hikuái, ha oho ñehundípe, ha katu ohupyty hağua hikuái pe ñe'ẽ vy'ápe, ha peteĩ yvyra rakãicha oñeinherta chupekuéra pe parralty añeteguápe, oike hağua Ñandejára Itupã pytu'úpe.

18 Ko'áğa ko'ã sacerdotekuéra osẽva'ekue tavayguakuéra apytépe ombo'e opáichagua japu rehe, ha ñembotavy, ha potapy, ha joavy, ha tekoñaña, ha ñembohory, ha javyky, monda, pokarẽ, jejuka, ha ñemoakārati, ha opáichagua tembiapoky'a, he'ívo hikuái ko'ã mba'e ndaiporiva'erãha—

19 Ombo'évo hikuái umi mba'e hi'ağuímavagui; heẽ, ombo'évo Tupã Ra'y jejúgui, ijehasa'asykuéra ha iñemano, ha avei ijeikovejey omanova'ekue apytégui.

20 Ha heta tavayguakuéra apytégui oporandu pe tenda Tupã Ra'y outahágui; ha oñembo'e chupekuéra ha'e ojehechaukaha chupekuéra oikovejey rire; ha tavayguakuéra ohendu péva tuicha vy'a ha vy'apavẽ rehe.

21 Ha ko'áğa pe tupao oñemo-

pu'ã rire opa pe tetã tuichakue javeve—ojehupytyvo pu'aka pe aña ári, ha oñembo'évo Tupã ñe'ẽ añetegua opa pe tetã tuichakue javeve, ha oñohëvo Ñandejára hovasapy tavayguakuéra ári—péicha opákuri pe desimocuárto ary huekuéra ñeisãmbyhy Nefi tavayguakuéra ári.

Peteĩ ñemombe'u Mosiah ra'ykuéra rehegua, umi orrechasa-va'ekue iderécho pe rréinope Tupã ñe'ẽ rehe, ha ojupiva'ekue Nefi retãme ombo'e haġua lamanita-kuérape; ijehasa'asy ha iñemosãsokuéra—Alma kuation-jehaipyrépe oĩháicha.

Oike ñembyaty 17 guive 27 peve avei.

NEMBYATY 17

Mosiah ra'ykuéra oguereko pe espíritu profesía ha revelasiõ rehegua—Ha'ekuéra oho hapekuéra rehe ombo'e haġua pe ñe'ẽ lamanita-kuérape—Ammón oho Ismael retãme ha oiko chugui rréi Lamoni rembiguai—Ammón osalva rréi Lamoni mymba'atykuéra ha ojuka ihayhu'yhakuérape Sebús ykuérape. Verso 1-3 peve, 77 ary rupi Cristo mboyve; verso 4, 91-77 ary rupi Cristo mboyve; ha verso 5-39 peve, 91 ary rupi Cristo mboyve.

HA ko'ãġa Alma oho jave Gedeón retãgui sur gotyo, mombyry

Manti retãme, péina ápe, ñei-mo'ã'yme, ojuhu Mosiah ra'ykuérape ohóva hina Zarahemla retã gotyo.

2 Ko'ãġa ko'ã Mosiah ra'ykuéra oikuri Alma ndive pe ángel ojehechauramoguare chupe peteĩha aja; upévore Alma ovy'aiterei ohechávo ijoyke'ykuérape; ha pe ombotuichavéva ivy'a, ha'ekuéra ha'e haguére gueteri ijoyke'ykuéra Ñandejárape; heẽ, ha ha'ekuéra oñemombaretékuri pe añetegua jeikuaápe; ha'égui hikuái yvypóra oikũmby porãva ha ohesa'yijókuri hikuái umi escritura jesarekópe, oikuaa haġua Tupã ñe'ẽ.

3 Ha katu ndaha'úi upéva añõnte; ha'ekuéra oñeme'ékuri heta ñembo'épe, ha ajúnoppe; upévore oguereko hikuái espíritu profesía rehegua, ha espíritu revelasiõ rehegua, ha ombo'erãmo hikuái, ombo'e Tupã pu'aka ha autorida reheve.

4 Ha ombo'e hikuái Tupã ñe'ẽ katorse ary aja lamanita-kuéra apytépe, ohoporãitereívo chupekuéra oguerúvo hetápe añetegua jeikuaápe; heẽ, iñe'ẽnguéra pu'aka rupive hetápe ojeguero Tupã altar renondépe, ohenói haġua héra ha okonfesa haġua henondépe iñangaipakuéra.

5 Ko'ãġa ko'ãva ha'e umi mba'e ojehuva'ekue chupekuéra iguatápe, oguerekógui hikuái heta jehasa'asy; heta ohasa'asy hikuái, hetépe ha iñapytu'ũme, ñembyahýi, y'uhéi ha kane'õ, ha avei heta mba'apo espíritupe.

6 Ko'áŋa ko'áva ha'e iguata-kuéra: Ohejávo itúva, Mosíah-pe, peteíha huekuéra ñeisãmbyhy aja; ombotove rire upe rréino itúva ome'éseva'ekue chupekuéra, ha ha'éva avei pe tavayguakuéra oipotáva;

7 Upevére osẽ hikuái Zarahemla retãgui, ha ogueraha hikuái iky-sepuku, ha ilánsa, ha ijyvyrapã, ha ihu'y, ha hi'ondakuéra; ha ojapo hikuái péva ohupyty haŋua tembi'u upe tave'yme.

8 Ha péicha osẽ hikuái upe tave'yme peteí aty oiporavova'ekue ndive, ojupi haŋua Nefi retãme, ombo'e haŋua Tupã ñe'ẽ lamanita-kuérape.

9 Ha ojehu uguata hikuái heta ára aja pe tave'yre, ha heta oajuna ha oñembo'e hikuái Ñandejárape oheja haŋua peteí ijespíritu pehẽngue oho, ha opyta hendivekuéra, ha'e haŋua hikuái tembiporu Tupã pópe ogueraha haŋua ijoyke'ykuéra, lamanita-kuérape, ikatúramo, pe añetegua jeikuaápe, oikuaa haŋua ituvakuéra jepokuaa iñañaha, ha umíva oivaiha.

10 Ha ojehu Ñandejára ou hendapekuéra Ijespíritu reheve, ha he'i chupekuéra: Peñemoangapyhy; ha oñemoangapyhy chupekuéra.

11 Ha Ñandejára he'i avei chupekuéra: Peho lamanita-kuéra apytépe, pende joyke'ykuéra, ha pemoí che ñe'ẽ; ha katu peha'arõkuaáta py'aporãme ha jehasa'asykuérape, peme'ẽ haŋua chupekuéra techapyrã porã chéve

ŋuarã; ha ajapóta pendehegui tembiporu che pópe, heta ánga ojesalva haŋua.

12 Ha ojehu Mosíah ra'y, ha avei umi hendivekuéra oíva korasõkuéra oñemombarete oho haŋua lamanita-kuérape ombo'e haŋua chupekuéra Tupã ñe'ẽ.

13 Ha ojehu oġuahẽvo hikuái lamanita-kuéra retã rembe'ýpe, ojei hikuái ojuehegui ha osẽ oho hikuái hapépe, ojeroviávo Ñandejárape oñembyaty jeytaha hikuái omonó'õ rire inemityngue; ogueroviágui hikuái tuichaha pe tembiapo ojapova'erã.

14 Ha añetehápe tuichaiteré-íkuri, ojaġarrágui hembiaporã ombo'e hikuái Tupã ñe'ẽ peteí tavayguakuéra hesaite, ipy'ahatã ha iñarõvape; peteí tavayguakuéra horýva nefita-kuéra jejukápe, ha omonda ha omoperõ chupekuéra, ha ikorasõkuéra oí mba'ehepykuérape, térã óro ha pláta ha ita hechapyrãvape; ohupytyse peve ko'ã mba'e jekua ha ñemonda rupi, ani haŋua omba'apo ipo reheve ohupyty haŋua ko'áva.

15 Péicha ha'ekuéra ha'e peteí tavayguakuéra ate'y, heta ijapytepekuéra otupaitúva ta'angápe, ha Tupã ñe'ẽngái ho'ákuri hi'arikuéra ituvakuéra jepokuaa rupi; upevére Ñandejára ñe'ẽme'ẽnguéra ojeipysókuri chupekuéra oñearrepentíramo hikuái.

16 Upévore, kóva ha'e mba'érepa Mosíah ra'ykuéra ojaġarrákuri upe tembiapo, ikatu mba'e haŋua ogueru chupekuéra

arrepentimiéntope; ikatu mba'e haḡua ogueru chupekuéra pe plan rredensiõ rehegua jeikuaápe.

17 Upévore ha'ekuéra ojei ojuehegui, ha oho ijapytepekuéra, opavave kuimba'e ha'eñõnte, Tupã ñe'ẽ ha pu'aka oñeme'ẽ haguéicha reheve chupe.

18 Ko'áḡa Ammón ha'évo tendota ijapytepekuéra, térã oisãmbyhýva chupekuéra, oho chuguikuéra, ohovasa rire oikotevêháicha hikuái, ome'ẽvo chupekuéra Tupã ñe'ẽ, térã oipytyvõ chupekuéra oho mboyve; ha péicha ha'ekuéra ojagarra hapekuéra pe tetã tuichakuére.

19 Ha Ammón oho Ismael retãme, tetã oñehenoiva'ekue péicha Ismael ra'ykuérare, oikova'ekuégui avei lamanitakuéra.

20 Ha Ammón oikévo Ismael retãme, lamanitakuéra ojagarra ha ojokua chupe, ojepokuaaháicha hikuái ojokua opa nefita ho'áva ipópe, ha ogueraha chupekuéra pe rréi renondépe; ha péicha ojeheja pe rréi rembiopotápe ojuka chupekuéra, térã ogueraha ñeñapytĩmbýpe, térã oity ka'irãime, térã omosẽ chupekuéra hetãgui, hembipotáicha ha oipotaháicha.

21 Ha péicha Ammón ojegeraha pe rréi oisãmbyhýva Ismael retã renondépe; ha héra Lamoni; ha ha'e peteĩ Ismael ñemoñare.

22 Ha pe rréi oporandu Ammón-pe oikosépa upe tetãme lamanitakuéra apytépe, térã itavayguakuéra apytépe.

23 Ha Ammón he'í chupe: Heẽ, che aikose ko tavayguakuéra apytépe sapy'arã; heẽ, ha ikatu mba'e ára amano meve.

24 Ha ojehu rréi Lamoni ovy'aiterei Ammón reheve, ha ojorauka chupe ijokuahágui; ha ha'e oipota Ammón ojagarra hembirekorã peteĩ itajýra.

25 Ha katu Ammón he'í chupe: Nahániri, ha katu che ha'éta ne rembiguái. Upévore Ammón oñemoĩ rréi Lamoni rembiguáiramo. Ha ojehu omoĩ hikuái chupe ambue tembiguaikuéra ndive oñangareko haḡua Lamoni mymba'atýre, lamanitakuéra ojapoháicha.

26 Ha oĩ rire mbohapy ára pe rréi ñepytyvõme, oho jave lamanitakuéra rembiguái ndive, oguerahávo hymba'atykuéra tenda hoy'u haḡuáme, hérava Sebús ykuéra, ha opavave lamanitakuéra ogueraha upépe hymba'atykuéra hoy'u haḡua—

27 Upévore, Ammón ha pe rréi rembiguaikuéra ogueraha jave hymba'atykuéra ko tenda hoy'u haḡuáme, péina ápe, mbovyimi lamanitakuéra, oimava hína upépe omboy'u haḡua hymba'atykuéra, opu'ã ha omosarambi hikuái Ammón ha rréi Lamoni rembiguaikuéra mymba'aty, ha omosarambietereígui oñanimba opárupi.

28 Ko'áḡa upe rréi rembiguaikuéra oñepyrũ okaguai, he'ívo: Ko'áḡa rréi ñandejukáta, ha'e ojapo haguéicha ñande joyke'ykuéra ndive hymba'atykuéra

oñemosarambi haguére ko'ã kuimba'e ñaña rupi. Ha oñepyryrũ hasẽvai, he'ivo: Péina ápe, ñane mymba'atykuéra oñemosarambipáma.

29 Ko'áña hasẽ hikuái okyhyjégui ojejúkaramo ġuarã. Ko'áña Ammón ohechávo péva henyhẽ vy'águi ikorasõ; he'igui, ahechaukáta che pu'aka térã pe pu'aka oĩva chepype ko'ã che rapichakuérape, ambyatývo ko'ã mymba'atykuéra rréipe ġuarã, ahupyty haġua ko'ã che rapichakuéra korasõ, agueraha haġua chupekuéra oguerovia haġua che ñe'ẽ.

30 Ha ko'áña, péicha Ammón ojepy'amongetákuri, ohechávo ohasa'asyha umi ha'e ohenóiva ijoyke'ykuéra.

31 Ha ojehu omokyre'ỹ chupekuéra iñe'ẽme, he'ivo: Che joyke'ykuéra, penderory ha jaha jaheka umi mymba'atykuéra, ha ñambyatýta ha jaguerujeýta chupekuéra tenda hoy'u haġuáme; ha péicha ñañongatúta mymba'atykuéra rréipe ġuarã ha ñañandejukamo'ái.

32 Ha ojehu osẽ oheka hikuái umi mymba'atykuéra, ha oho hikuái Ammón rapykuéri, ha oñani hatã hikuái ha ojoko umi rréi mymba'atýpe, ha ombyatyjey chupekuéra pe tenda hoy'u haġuáme.

33 Ha umi kuimba'e oñemoijey omosarambi haġua hymba'atykuéra; ha katu Ammón he'i ijoyke'ykuérape: Pemongora ko'ã mymba'atykuéra ani haġua

okañy; ha che añorairõta ko'ã kuimba'e omosarambíva ñane mymba'atykuéra ndive.

34 Upévare, ojapo hikuái Ammón he'i haguéicha chupekuéra, ha ha'e osẽ ha oñemoi oñorairõ umi oĩva Sebús ykuéra ypýpe ndive; ha nambovy'i hikuái.

35 Upévare ndokyhyjéi hikuái Ammón-gui, oimo'ãgui hikuái peteĩ ikuimba'ekuéra ikatuha ojuka chupe oipotaháicha, ndoikuaáigui hikuái Ñandejára oñe'ẽme'ẽhague Mosiah-pe omosãsotaha ita'yrukuérape ipoguikuéra; ni ndoikuaái hikuái mba'eve Ñandejáragui; upévare hory hikuái ijoyke'ykuéra ñehundípe; ha pévare oñemoi hikuái omosarambi haġua rréi mymba'atykuéra.

36 Ha katu Ammón osẽ ha oñepyryrũ oita'api chupekuéra hi'óndape; heẽ, tuicha pu'aka reheve ojapi chupekuéra itápe; ha péicha ojuka hetápe ijapytepekuéragui ha upévare oñepyryrũ oñemondýi hikuái pu'aka ha'e oguerekóvare; upevére ipochy hikuái ijoyke'ykuéra omanova'ekuére, ha he'i hikuái oitytaha chupe; upévare, ohechávo hikuái ndaikatuha ojapi chupe ijítape, ou hikuái heta máso reheve ojuka haġua chupe.

37 Ha katu péina ápe, opavave kuimba'e omopu'áva imáso oinupã haġua Ammón-pe, ha'e oikyfĩ chugui ijyva ikysepukúpe; ha ogueropu'akágui iñenupãnguéra oikyfĩvo ijyvakuéra ikysepuku rãimbépe, oñepyryrũ oñemondýi,

ha oñani hikuái henondégui; heë, ha nambovíi hikuái; ha omboguevi chupekuéra ijyva mbarete rupi.

38 Ko'ága séi ijapytepekuéra ho'a pe ónda rupive, ha katu ndojukái avavépe ndaha'éiramo itendotakuérape añónte kysepukúpe; ha Ammón oikyti opa jyva opu'áva hese, ha nambovíi.

39 Ha ogueraha rire chupekuéra mombyry porã, ojevvyjey ha ha'e ha umi rréi rembiguái omboy'u imymba'atykuéra ha oguerahajey chupekuéra rréi ñúme, ha upéramo oho hikuái rréi renondépe oguerahávo umi jyva Ammón oikyti'ava'ekue ikysepukúpe, ha'éva umi ojukaseva'ekue chupekuéra jyva; ha ogueraha hikuái rréipe testimónioramo umi mba'e ha'ekuéra ojapova'ekuégui.

ÑEMBYATY 18

Rréi Lamoni oimo'ã Ammón ha'e pe Espíritu Guasu—Ammón ombo'e rréipe pe jejapo'ypýgui, Tupã rembiapo yvyporakuéra ndive, ha pe rredensiõgui oúva Cristo rupive—Lamoni oguerovia ha ho'a yvópe omanorõguáicha. 90 ary rupi Cristo mboyye.

HA ojehu rréi Lamoni ojapouka hembiguaikuéra ou ha otestifika opavavépe umi mba'e ohechava'ekuégui hikuái ko'ávare.

2 Ha opavave ome'ë rire testimónio umi mba'e ohechava'ekuégui, ha ha'e ohechakuaávo

Ammón jeroviapy oñangareko haḡua hymba'atykuérare, ha avei pe tuicha ipu'aka oñorairõvo umi oipe'aséva chugui hekove ndive, ha'e oñemondyieterei, ha he'i: Añetehápe, kóva tuichave peteĩ yvypóragui. Péina ápe, ndaha'éi piko kóva pe Espíritu Guasu omboúva tuichaite jehavira ko tavayguakuéra ári, oporojuka haguére?

3 Ha ha'ekuéra ombohová pe rréipe, ha he'i: Ha'éro pe Espíritu Guasu térã peteĩ kuimba'e, ore ndoroikuaái; ha katu kóva roikuaa, ndaikatuiha ojuka chupe rréi rayhu'yhakuéra, ni ndaikatúi omosarambi hikuái rréi mymba'atykuéra ha'e oĩ aja orendive, ikatupyry ha tuicha imbarete rupi; upévare, roikuaa ha'e ha'eha peteĩ rréi angirũ. Ha ko'ága, O rréi, ndorogueroviái peteĩ kuimba'e oguerokoha tuichaite pu'aka, roikuaágui ha'e ndaikatuiha ojehuka.

4 Ha ko'ága, pe rréi ohendúvo ko'ã ñe'ë, he'i chupekuéra: Ko'ága aikuaa ha'eha pe Espíritu Guasu; ha oguejy ko árape oñongatu haḡua pende rekove, ani che pojuka ajapo haguéicha pende joyke'ykuérare. Ko'ága kóva ha'e pe Espíritu Guasu ñande rukuéra oñe'ehague.

5 Ko'ága kóva ha'e Lamoni jepokuaa, ohupytyva'ekue ituvakuéragai, oíha peteĩ Espíritu Guasu. Ha katu jepeve ha'ekuéra oguerovia peteĩ Espíritu Guasúpe, oimo'ã hikuái opa hembiapokuéra ijojaha;

upevére, Lamoni oñepyrũ oñemondyieterei, okyhyjégui oimérõ ãguarã ojapo vai ojukávo hembiguaikuérape;

6 Ha'e ojukágui heta ijapytepekuéragui ijoyke'ykuéra omosarambi haguére hymba'atykuéra pe tenda hoy'u haçuáme; ha péicha, oñemosarambipa haguére chuquikuéra hymba'atykuéra ojuka chupekuéra.

7 Ko'áã ko'ã lamanita-kuéra jepokuaa ha'ékuri oñemoĩ Sebús ykuéra jerére omosarambi haçuava tavayguakuéra mymba'aty, ha péicha ogueraha haçuava hetãme heta umi oñemosarambíva apytégui, upéicha oñemondágui ijapytepekuéra.

8 Ha ojehu rréi Lamoni oporandu hembiguaikuérape, he'ívo: Moõ piko oime ko kuimba'e oguerékóva pu'aka guasute?

9 Ha he'i chupe hikuái: Péina ápe, ha'e omongaru hína nde kavajukuéra. Ko'áã katu pe rréi he'íkuri hembiguaikuérape, oho mboyve omboy'u imymba'atykuéra, ombosako'i haçuava ikavaju ha ikarrokuéra, ogueraha haçuava chupe Nefi retãme; Lamoni ru, ha'éva rréi opa upe tetãme, ombosako'ikágui peteĩ vy'apaguasu Nefi retãme.

10 Ko'áã rréi Lamoni oheñdúvo Ammón ombosako'íha hína ikavaju ha ikarrokuéra oñemondyive, Ammón jeroviareko rehe, ha he'i: Añetehápe ndaiporiva'ekue opa che rembiguái apytépe ijeroviarekóva ko kuimba'éicha; jepe ha'e

imandu'apa ojapo haçuava che rembiapoukapykuéra.

11 Ko'áã añetehápe aikuaa kóva ha'e ha pe Espiritu Guasu, ha aipota ou cherdápe, ha katu nañanimái.

12 Ha ojehu Ammón ombosako'ípa ríre kavaju ha karrokuéra rréi ha hembiguaikuérape ãguarã, ha'e oho rréi renondépe, ha ohecha pe rréi rova oñemoambueha; upévare haimete oguevi henondégui.

13 Ha peteĩ rréi rembiguái he'i chupe, Rabbánah, ha péva he'ise, ipu'akapáva térã rréi guasu, oimo'ãgui ha'ekuéra irreikuéra ipu'akapa; ha péicha ha'e he'i chupe: Rabbánah, pe rréi oipota repyta.

14 Upévare Ammón ojere pe rréi gotyo ha he'i chupe: Mba'épa reipota ajapo nderehe, O rréi? Ha katu pe rréi nombohováiri chupe peteĩ aravo aja, ára ha'ekuéra oipapaháicha, ndoikuaágui mba'épa he'íta chupe.

15 Ha ojehu Ammón he'i jey chupe: Mba'épa reipota chehegui? Ha katu pe rréi nombohováiri chupe.

16 Ha ojehu Ammón, henyhẽ pe Tupã Espiritugui, upévare ohechakuaa pe rréi jeipy'amongetakuéra. Ha he'i chupe: Rehendu haguére amo'ãhague ne rembiguaikuéra ha ne mymba'atykuéra, ha ajuka siete ijoyke'ykuérape onda ha kysepukúpe, ha ambuévagai aikytĩ ijyva, amo'ã haçuava ne mymba'atykuéra ha ne rembiguaikuérape;

péina ápe, kóva piko ko nemo-ndyietéva?

17 Che ha'e ndéve, mba'ére piko, remomba'eguasueterei upéva? Péina ápe, che ha'e peteĩ kuimba'e, ha ha'e ne rembiguái; upéva, opa mba'e reipotáva ijórámo, che ajapóta.

18 Ko'áña pe rréi ohendúvo ko'ã ñe'ẽ, oñemondýi jey, ohechágui Ammón oikuaaha ijeipy'amongnetakuéra; ha katu upevére, rréi Lamoni oipe'a ijuru, ha he'i chupe: Máva piko nde? Nde piko pe Espíritu Guasu, oikuaáva opa mba'e?

19 Ammón ombohováí ha he'i chupe: che ndaha'ei.

20 Ha pe rréi he'i: Mba'éicha reikuaa che korasõ jeipy'amongnetakuéra? Nde ikatu reñe'ẽ kyhyje'ỹme, ha emombe'u chéve ko'ã mba'ére; ha emombe'u avei chéve mba'e pu'aka rupivépa rejuka ha reikyti umi che joyke'ykuéra jyva omosarambiva'ekue che mymba'atykuéra—

21 Ha ko'áña, remombe'úramo chéve ko'ã mba'e, ame'eta ndéve oimeraẽ mba'e reipotáva; ha oñeikotevẽramo, che romo'ata che ehersitokuéra ndive; ha katu aikuaa ndepu'akaveha opa chuguikuéra; upevére, ame'eta ndéve oimeraẽ mba'e reipotáva.

22 Ko'áña Ammón iñarandúvo, upevére aña'ỹre, ha'e he'i Lamoni-pe: Rehendútapa che ñe'ẽ, amombe'úramo ndéve mba'e pu'aka rupivépa ajapo ko'ã mba'e? Ha kóva ha'e pe che aipotáva ndehogui.

23 Ha rréi ombohováí chupe, ha he'i: Heẽ, che agueroviáta opa ne ñe'ẽ. Ha péicha katupyrype omoñuhã chupe.

24 Ha Ammón oñepyrũ oñe'ẽ chupe kyhyje'ỹme, ha he'i chupe: Eguerovia piko nde oïha peteĩ Tupã?

25 Ha ha'e ombohováí, ha he'i chupe: Che ndaikuaái mba'épa he'ise upéva.

26 Ha Ammón he'i: Eguerovia piko nde oïha peteĩ Espíritu Guasu?

27 Ha ha'e he'i, Heẽ.

28 Ha Ammón he'i: Péva ha'e Tupã. Ha Ammón he'i jey chupe: Eguerovia piko nde pe Espíritu Guasu, ha'éva Tupã, ojapohague opa mba'e oïva yvága ha yvýpe?

29 Ha ha'e he'i: Heẽ, che aguerovia ha'e ojapohague opa mba'e oïva yvýpe; ha katu che ndaikuaái mba'eve yvagakuéragui.

30 Ha Ammón he'i chupe: Yvagakuéra ha'e tenda Tupã ha opa hi'angelkuéra marangatu oikoha.

31 Ha rréi Lamoni he'i: Oï piko yvate yvy ári?

32 Ha Ammón he'i: Heẽ, ha ha'e oma'ẽ opa yvypóra ra'ykuéra ári; ha oikuaapa opa korasõ jeipy'amongeta ha temiandukuéra; ipo rupive opa mba'e ojejapóguikuri iñepyrũmby guive.

33 Ha rréi Lamoni he'i: Che aguerovia opa ko'ã mba'e reñe'ẽva'ekue. Nde piko ha'e Tupã remimbou?

34 Ammón he'i chupe: Che

ha'e peteī yvypóra; ha pe yvypóra ñeipyurũmbýpe ojejapókuri Tupã ra'angáicha, ha añehenói Ijespíritu Santo rupive ambo'e haḡua ko'ã mba'e ko tavayguakuérape, ojejeru haḡua chupekuéra pe ijoja ha añetegua jeikuaápe;

35 Ha oī chepye peteī pe Espíritu pehẽngue, ome'eva chéve kuaapy, ha avei pu'aka che jerovia ha che rembipotakuéra rupive oīva Tupã ndive.

36 Ko'áḡa Ammón he'ivo ko'ã ñe'ẽ, ha'e oñeipyurũ pe yvy jeja-po'ypýgui, ha avei pe Adán jeja-po'ypýgui, ha omombe'u chupe opa mba'e ha'éva yvypóra je'a rehegua, ha he'i jey ha omyesakã chupe umi tavayguakuéra kuation-jehaipyre ha escritura marangatu, oje'eva'ekue profetakuéra rehe, jepe ára itúva, Lehi, osẽ guive Jerusalén-gui.

37 Ha ha'e avei omombe'u chupekuéra (he'igui pe rreí ha hembiguaikuérape) opa itúva jeguatakuéra pe tave'yre, ha opa ijehasa'asykuéra ñembyahýi ha y'uhéigui, ha hembiapokuéra, ha ambuekuéra.

38 Ha avei omombe'u chupekuéra Lamán ha Lemuel ha Ismael ra'ykuéra ñemopu'āgui, heẽ, omombe'u chupekuéra opa ñemopu'ākuéra; ha omyesakã chupekuéra opa kuation-jehaipyre ha escritura-kuéra, ára Lehi osẽ guive Jerusalén-gui upe ára peve.

39 Ha katu ndaha'ei upévante; ha'e omyesakāgui chupekuéra

plan rredensiõ rehegua, oñembosako'iva'ekue yvóra ñeipyurũby guive; ha avei oikuaaauka chupekuéra Cristo jejúgui, ha opa Ñandejára rembiapo ha'e oikuaaauka chupekuéra.

40 Ha ojehu he'ipa rire ko'ã mba'e, ha omyesakã rire ko'áva upe rreípe, ha'e oguerovia opa ñe'ẽ.

41 Ha ha'e oñeipyurũ ojerure'asy Ñandejárape he'ivo: O Ñandejára, eguereko poriahuvereko; tuicha nde poriahuverekoháicha Nefi tavayguakuéra ndive, eguerekóna chendive, ha che tavayguakuéra ndive.

42 Ha ko'áḡa, he'ipa rire ko'áva, ho'a yvýpe, omanoramoguáicha.

43 Ha ojehu hembiguaikuéra ojagarrá ha ogueraha chupe hembireko rendápe, ha oipysu chupe hikuái peteī tupa ári; ha ha'e oī omanoramoguáicha mokõi ára ha pyhare aja; ha hembireko, ha ita'yraquéra, ha itajyraquéra hasẽ hese, lamanita-kuéra ojepokuaaháicha, tuicha ombyasývo ñemano.

ÑEMBYATY 19

Lamoni ohupyty tekove opave'yva resape ha ohecha upe Rredentórpe—Hogaguakuéra ho'a peteī jeképe, ha heta ohecha angelkuéra—Ammón oñeñongatu milágro rupive—Ha'e omongarai hetápe ha omoī peteī tupao ijapytepekuéra. 90 ary rupi Cristo mboýve.

Ha ojehu mokōi ára ha mokōi pyhare rire ha'ekuéra haimete ojarra hete ha omōi petēi ñeñotýháme, ha péva ojapo hikuái oñotý hağua omanova'ekuépe.

2 Ko'áğa pe rréina ohendúvo Ammón terakuãgui, upévore ha'e he'ika chupe oipotaha ou hendápe.

3 Ha ojehu Ammón ojapo ha'e he'i haguéicha, ha oho pe rréina rendápe, ha oporandu chupe mba'épa oipota ha'e ojapo.

4 Ha ha'e he'i chupe: Che ména rembiguaikuéra oikuaauka chéve nde ha'eha petēi Tupā Marangatu proféta, ha ndepu'akaha rejapo hağua heta tembiapo mbarete hérape;

5 Upévore, upéicharamo, che aipota eike ha ehecha che ménape ha'e ojeipysógui hupápe mokōi ára ha mokōi pyhare aja; ha oĩ he'íva ha'e nomanoiha, ha katu ambue he'í ha'e omanoha ha hyakuāvaimaha, ha ha'e oñemoíva'erāha ñeñotýháme; ha katu chéve guarā, ha'e nahyakuāvairi.

6 Ko'áğa, kóva ha'e Ammón oipotava'ekue, ha'e oikuaágui rréi Lamoni oiha Tupā pu'aka guýpe; ha'e oikuaa pe jahó'íha pytū jeguerovia'y rehegua ojeipe'aha hína iñapytū'ũgui, ha tesape ohe-sapeha iñapytū'ũ, ha'éva Tupā verapy tesape, ha'éva petēi tesape techapyrāva ipy'aporā rehegua—heë, ko tesape ome'ékuri tuicha vy'a hí'angape, ha pe arai ypytū osékuri, ha pe tekove opave'yva resape hendýkuri hí'angape, heë, ha'e oikuaákuri ipu'akahague

hete natural rehe, ha ha'e ojegue-rahaha Tupāme—

7 Upévore, pe rréina ojerureva'ekue chupe ha'e upe ha'e oha'arōva'ekue hína. Upévore, oike ohecha hağua rréipe ojerure haguéicha chupe pe rréina; ha ohecha rréipe, ha oikuaa nomanoiha.

8 Ha ha'e he'í pe rréinape: Ha'e nomanói, ha katu oke Tupāme, ha ko'ērō opu'ãjeyta; upévore ani eñotý chupe.

9 Ha Ammón he'í chupe: Egue-rovíapa nde ko'áva? Ha ha'e he'í chupe: Ndaguerékói testimónio ndaha'éiramo ne ñe'ẽ añónte, ha ore rembiguaikuéra ñe'ẽ; upevére che aguerovia ojejapotaha nde ere haguéicha.

10 Ha Ammón he'í chupe: Ejehovasáva nde tuicha rejeroivia rupi; che ha'e ndéve, kuña, araka'eva ndaiporiva'ekue jeroviatuichaite opa nefita-kuéra tavayguakuéra apytépe.

11 Ha ojehu ha'e oñangareko iména rupa ykére, upe guive ambue ára peve, ára Ammón he'ihague ha'e opu'õtaha.

12 Ha ojehu ha'e opu'ã, Ammón oñe'ẽ haguéicha; ha opu'ãvo, oipysa ipo upe kuña gotyo, ha he'í: Tojehovasa Tupā réra, ha ejehovasáva nde.

13 Añetehápe nde reikoveháicha, péina ápe, ahecha che Rrendentórpe; ha ha'e oúta, ha heñóita petēi kuñágui, ha orredimíta opa yvypóra oguerovíava hérape. Ko'áğa, he'ívo ko'ã ñe'ẽ, hory ikorasō, ha ho'ajey vy'águi; ha

ho'a avei pe rréina, ipu'akágui hese pe Espíritu.

14 Ko'áğa ohechávo Ammón Ñandejára Espíritu oñehêha ha'e oñembo'e haguéicha lamánita-kuéra ári, ijoyke'ykuéra, ogueruva'ekue tuichaite vy'a'y nefita-kuéra apytépe, térã opa Tupã tavayguakuéra apytépe hembiapovai ha ijepokuaakuéra rupi, ha'e ho'a oñesũ ha oñepyrũ oñohê hi'ánga ñembo'e ha aguyjépe Tupãme pe ha'e ojapova'ekuere ijoyke'ykuéare; ha ipu'aka avei hese pe vy'a; ha upéicha mbohapyvéva ho'ákuri yvýpe.

15 Ko'áğa, rréi rembiguakuéra ohechávo ho'aha hikuái, oñepyrũ avei ojerure'asy Tupãme, Ñandejára jekyhyje oúgui avei hi'arikuéra, ha'égui ha'ekuéra umi ohova'ekue rréi renondépe ha otestifika chupe Ammón pu'aka guasúre.

16 Ha ojehu ohenoi'asy hikuái Ñandejára réra, opavave ho'a peve pe yvýpe, ha katu peteĩ kuña lamanita, hérava Abish añõnte nahániri, ha'e oñekontvertiva'ekue Ñandejárape heta ára upe mboyve, peteĩ techauka tuicha rupi oguerekova'ekue itúva—

17 Upéicha, oñekontvertiva'ekue Ñandejárape, ha araka'eve ndoikuaaukaiva'ekue, upévale, ohechávo opa Lamoni rembiguakuéra ho'ahague yvýpe, ha avei ijára, pe rréina, ha pe rréi, ha Ammón ojeipysoha hína pe yvýpe, ha'e oikuaa ha'eha Tupã pu'aka;

ha oimo'ãvo péva ha'eha ára, oikuaauka hağua tavayguakuérape pe oikova'ekue ijapytepekuéra, ha ohecha rupi péva ikatumba'e oguerovia hikuái Tupã pu'aka, upévale oho peteĩgui ambue ógape, oikuaaukavo ko'áva umi tavayguakuérape.

18 Ha ha'ekuéra oñepyrũ oñembyaty upe rréi rógape. Ha ou peteĩ atyguasu ha iñemondyirã ha'ekuéra ohecha pe rréi, ha rréina, ha hembiguaikuérape ojeipysoha yvýpe, ha oíha hikuái omanoramoguáicha; ha ohecha avei hikuái Ammón-pe, ha péina ápe, ha'e peteĩ nefita.

19 Ha ko'áğa tavayguakuéra oñepyrũ okaguai hikuái oñondive; oĩ he'íva ha'eha peteĩ mba'evai guasu oúva hi'arikuéra, térã pe rréi ha hóga ári, ha'e oheja haguére pe nefita opyta upe tetãme.

20 Ha katu ambuekuéra oja'ochupekuéra, he'ívo: Pe rréi oguerúkuri ko mba'evai hóga ári, ha'e ojuka haguére hembiguaikuérape oñemosarambiva'ekuégui hymba'atykuéra Sebús ykuérape.

21 Ha avei oja'ochupekuéra umi kuimba'e oíva'ekue Sebús ykuérape ha omosarambiva'ekue rréi mymba'atykuéra, ipochýgui hikuái Ammón ndive heta ijoyke'ykuéra ha'e ojukava'ekuere Sebús ykuérape, omo'ã jave rréi mymba'atykuéra.

22 Ko'áğa peteĩ ijapytepekuéragui, ijoyke'y ojejukava'ekue Ammón kysepuku rupi, ipochyeteréivo Ammón ndive, oguenohê

ikysepuku ha osē oity haġua Ammón ári, ojuka haġua chupe; ha omopu'ávo ikysepuku oikutu haġua chupe, péina ápe, ho'a omano.

23 Ko'áġa péicha jahecha ndai-katuiha ojejuka Ammón-pe, Nā-ndejára he'i haguére Mosíah, itúvape: Che añangarekóta hese, ha ojejapóta hendive nde reje-roviaháicha—upévare, Mosíah omoĩ chupe Nāndejára pópe.

24 Ha ojeheu pe atyguasu ohechávo pe kuimba'e ho'aha omano, upe omopu'áva'ekue kysepuku ojuka haġua Ammón-pe, ou kyhyje opavave hi'arikuéra, ha noñanimái oipysu hikuái ipo opoko haġua hese térã oimeraẽ umi ho'ava'ekue rehe; ha oñepyrũ jey oñemondýi hikuái pe mba'e ogueruva'ekue tuichaite pu'aka rehe, térã mba'épa he'iséne opa umi mba'e.

25 Ha ojeheu oĩkuri heta ijapytepekuéra he'íva Ammón ha'eha pe Espíritu Guasu, ha ambuéva katu he'i oñembouhague pe Espíritu Guasúre;

26 Ha ambuéva katu oja' o opavavépe, he'ívo ha'e ha'eha peteĩ tekove ñañaiterei oñembouva'ekue nefita-kuérare ombohasa'asy haġua chupekuéra.

27 Ha oĩ he'íva Ammón oñembouhague pe Espíritu Guasúre ombohasa'asy haġua chupekuéra hembiaopovaikuérare; ha ha'eha pe Espíritu Guasu tapiaite oñangarekova'ekue nefita-kuérare, ha tapiaite omosásova'ekue chupekuéra ipokuérargui; ha

ha'ekuéra he'i ha'eha pe Espíritu Guasu ohundiva'ekue hetaite ijoyke'ykuérape, umi lamanitakuéra.

28 Ha péicha upe joavy oñepyrũ okakuaa ijapytepekuéra. Ha ojoavy aja hikuái péicha, pe tembiguái kuñáva ojavova'ekue pe atyguasu ou, ha ohechávo pe joavy oĩva atyguasu apytépe ombyasyeterei, jepe hasẽ meve.

29 Ha ojeheu ha'e oho ha ojagarrá rréinape ipógui, ikatu mba'e haġua ha'e omopu'ã chupe yvýgui; ha opokomi vove ipo rehe pe rréina opu'ã ha oñembo'y, ha osapukái ñe'ẽ hatáme, he'ívo: O Jesús Ejevovasapýva, chesalvava'ekue peteĩ añaretã ivaietereívagui! O Tupã Ejevovasapýva, eguereko poriahuvereko ko tavayguakuérare!

30 Ha ha'e he'ívo kóva, ojepopete, henyhẽvo vy'águi, oñe'ẽvo heta ñe'ẽ noñeikũmbýiva; ha ojapo rire kóva, ojagarrá rréi, Lamoni-pe, ipo rupi, ha péina ápe ha'e opu'ã ha oñembo'y.

31 Ha ha'e, upepete, ohechávo pe joavy itavayguakuéra apytépe, osẽ ha oñepyrũ oja' o chupekuéra, ha ombo'e chupekuéra umi ñe'ẽ ha'e ohenduva'ekue Ammón jurúgui; ha opa ohendúva iñe'ẽ oguerovia, ha oñekonverti Nāndejárare.

32 Ha katu oĩ heta ijapytepekuéra nohenduséiva iñe'ẽ; upévare ha'ekuéra ohónte hapekuérare.

33 Ha ojeheu Ammón opu'ávo ha'e avei oministra chupekuéra, ha

ha avei ojapo upéicha opa Lamoni rembiguaikuéra; ha opavave ha'ekuéra omombe'u tavayguakuérape peteicha upe mba'e—ikorasōkuéra oñemoambuehague; ndojaposevéimaha hikuái mba'evai.

34 Ha péina ápe, heta omombe'u tavayguakuérape ohechahague angelkuéra ha oñe'ēhague hendivekuéra; ha péicha ha'ekuéra omombe'u chupekuéra Tupã mba'ekuéragai, ha hekojojágui.

35 Ha ojehu oĩ heta ojeroviava'ekue iñe'ē rehe; ha heta ogueroviaháicha oñemongarai; ha oiko chuguikuéra peteĩ tavayguakuéra hekojojáva, ha omoĩ hikuái peteĩ tupao ijapytepekuéra.

36 Ha péicha Ñandejára rembiapo oñepyrũ lamanita-kuéra apytepe; ha péicha Ñandejára oñepyrũ oñohẽ Ijespíritu hi'arikuéra; ha jahecha ijyva ojeipysoha opa tavayguakuérape oñearrepentiséva ha oguerovia-séva hérape.

ÑEMBYATY 20

Ñandejára omondo Ammón-pe Middoni-pe omosāso haḡua ijoyke'ykuéra oĩva jejokuapýpe—Ammón ha Lamoni ojuhu Lamoni rúpe, ha'éva rréi opa upe tetãme—Ammón ojopy upe rréi tujápe oheja haḡua isāso ijoyke'ykuéra. 90 ary rupi Cristo mboýve.

Ha ojehu omoĩ rire hikuái peteĩ tupao upe tetãme, rréi Lamoni

oipota Ammón oho hendive Nefi retãme, oikuaauka haḡua chupe itúvape.

2 Ha Ñandejára ñe'ē oḡuahẽ Ammón-pe, he'ívo: Nderejupimo'ái Nefi retãme, péina ápe, pe rréi oñeha'ātagui oipe'a ndehogui nde rekove; ha katu rehóta Middoni retãme; péina ápe, nde joyke'y Aarón ha avei Muloki ha Amma oĩgui ka'irãime.

3 Ko'āḡa ojehu ohendúvo péva Ammón, he'í Lamoni-pe: Péina ápe, che joyke'y ha che irũnguéra oĩ ka'irãime Middoni-pe, ha aháta amosāso haḡua chupekuéra.

4 Ko'āḡa Lamoni he'í Ammón-pe: Che aikuaa Ñandejára pu'aka reheve ikatuha rejapo opa mba'e. Ha katu péina ápe, aháta nendive Middoni retãme; upe rréi upe tetãmegua, hérava Antiomno, ha'e che angirũ; upévare aháta Middoni retãme, añemoĩporã haḡua rréi upe tetãmegua ndive, ha ha'e oipe'áta nde joyke'ykuérape ka'irãigui. Ko'āḡa Lamoni he'í chupe: Máva piko he'í ndéve nde joyke'ykuéra oĩha ka'irãime?

5 Ha Ammón he'í chupe: Avave nde'íri chéve, ndaha'éiramo Tupã añõnte; ha ha'e he'í chéve—Teraho ha emosāso nde joyke'ykuérape, oĩgui hikuái ka'irãime Middoni retãme.

6 Ko'āḡa Lamoni ohendúvo kóva he'í hembiguaikuérape ombosako'i haḡua ikavaju ha ikarrokuéra.

7 Ha he'í Ammón-pe: Eju, che aháta nendive Middoni retãme,

ha upépe añe'êta nderehe upe rreípe oguenohê hağua nde joyke'ykuérape ka'irâigui.

8 Ha ojehu Ammón ha Lamoni oho jave upe gotyo, ojuhu hikuái Lamoni ru rehe, ha'éva rreí opa upe tetâme.

9 Ha péina ápe, Lamoni ru he'í chupe: Mba'ére piko nderehói vy'aguasuhápe pe ára tuicha ajapo jave vy'aguasu che ra'ykuéra ha che tavayguakuérape ġuarã?

10 Ha he'í avei: Moõ piko nde reho ko Nefita ndive, ha'éva peteĩ pe ijapuetéva ra'y?

11 Ha ojehu Lamoni omombe'u chupe moõpa oho hína, okyhyjégui ombopochýramo ġuarã chupe.

12 Ha omombe'u avei chupe mba'épa ombo'are chupe irréinope, ha upépare ndohóikuri vy'aguasu itúva ombosako'iva'ekuépe.

13 Ha ko'áğa Lamoni omombe'upa rire chupe opa ko'ã mba'e, péina ápe, inemondyrirã, itúva ipochy hendive, ha he'í: Lamoni, remosásóta piko ko'ã nefita-pe, ha'éva peteĩ ijapúva ra'ykuéra. Péina ápe, ha'e omondava'ekue ñande rukuérape; ha ko'áğa ita'yraquéra ou avei ñande apytépe, ikatupyry ha ijapu rupi, ñanembotavy hağua, oipe'ajey hağua ñandehegui ñane mba'erepykuéra.

14 Ko'áğa Lamoni ru he'í chupe ojuka hağua Ammón-pe kysepukúpe. Ha avei he'í chupe ani hağua oho Middoni retâme, ha katu ohojey hağua hendive Ismael retâme.

15 Ha katu Lamoni he'í chupe: Che ndajukamo'ái Ammón-pe, ni ndahajeymo'ái Ismael retâme, ha katu aháta Middoni retâme amosãso hağua Ammón joyke'ykuérape, che aikuaágui ha'ekuéra ha'éha yvypóra hekojojáva ha Tupã añetegua proféta marangatu.

16 Ko'áğa itúva ohendúvo ko'ã ñe'ê, ipochy hendive, ha oguenohê ikysepuku oinupã hağua chupe ha oity yvýpe.

17 Ha katu Ammón oñemotonde ha he'í chupe: Péina ápe, ani ejuka nde ra'ýpe; upevére, iporãveva'erã ha'e ho'a ha ani nde, péina ápe, ha'e oñearrepentímagui inangaipakuéragui; ha katu nde re'áramo ko'áğa nde pochýpe, ne ánga ndaikatumo'ái ojesalva.

18 Ha avei, iporãve rejekoko; rejukáramo nde ra'ýpe, ha'évo ha'e yvypóra inangaipa'yva, huguy osapukáita vvy guive Ñandejára Itupãme, pe vengansa ho'a hağua nde ári; ha ikatu oñehundi ne ánga.

19 Ko'áğa Ammón he'ívo chupe ko'ã ñe'ê, ha'e ombohováí chupe, he'ívo: Che aikuaa ajukáramo che ra'ýpe, añohêtaha tuguy inangaipa'yva; nde ha'égui pe reñeha'áva rehundi chupe.

20 Ha oipysu ipo ojuka hağua Ammón-pe: Ha katu Ammón ogueropu'aka inenupãnguéra, ha avei oinupã chupe ijyvápe ani hağua oiporu.

21 Ko'áğa pe rreí ohechávo Ammón ikatuha ojuka chupe,

oñepyrũ ojerure'asy Ammón-pe oheja haḡua chupe oikove.

22 Ha katu Ammón omopu'ã ikysepuku, ha he'í chupe: Péina ápe, roikutúta ndacherejáiramo aguenohẽ che joyke'ykuérape ka'irãigui.

23 Ko'ãḡa pe rréi okyhyjégui ojeipe'aramo ḡuarã chugui hekove, he'í: Rehejáramo chéve aikove ame'ẽta ndéve oimeraẽ mba'e rejeruréva chéve, pe rréino mbyte jepe.

24 Ko'ãḡa Ammón ohechávo ojapoha ha'e oipotaháicha pe rréi tuja ndive, he'í chupe: Ehejáramo che joyke'ykuéra oñeguenohẽ ka'irãigui, ha avei ehejáramo Lamoni ojoko irréino, ha anive ndepochy hendive, ha katu eheja ha'e ojapo oipotaháicha oimeraẽ mba'e ha'e ojepy'amongetávape, upéicharamo ndorojukamo'ãi; ha ndaupéichairamo katu roinupãta ha roityta yvýpe.

25 Ko'ãḡa Ammón he'ipávo ko'ã ñe'ẽ, pe rréi oñepyrũ ovy'a hekovére.

26 Ha ohechávo Ammón nohundiseiha chupe, ha ohechávo avei tuicha mborayhu oguerékóva ita'ýra Lamoni-re, oñemondyieterei, ha he'í: Kóva ha'égui opa mba'e nde reipotava'ekue, che amosãso nde joyke'ykuérape, ha aheja che ra'y Lamoni ojoko pe irréino, péina ápe, ahejáta ndéve che ra'y ojoko pe irréino ko'ãḡa guive tapiaite peve; ha naisãmbyhymo'ávéma chupe—

27 Ha ahejáta avei ndéve

toñeguenohẽ nde joyke'ykuéra ka'irãigui, ha nde ha nde joyke'ykuéra pejúta cherendápe, che rréinope; che rohechasetereíta-gui. Pe rréi oñemondyieterei-gui ñe'ẽ Ammón he'iva'ekuegui, ha avei umi ñe'ẽ he'iva'ekue ita'ýra Lamoni, upévare oikuaaseterei umívagui.

28 Ha ojehu Ammón ha Lamoni oho jey iguatápe Middoni retã gotyo. Ha Lamoni ho'a porã upe tetãmegua rréi resa renondépe; upévare Ammón joyke'ykuéra oñeguenohẽ ka'irãigui.

29 Ha Ammón ohechávo chupekuéra ombyasyeterei, péina ápe oĩgui hikuái opívo, ha ipirekuéra oñembyaipa oje-jokua haguére hikuái ñemosã atãme. Ha avei ohasákuri hikuái ñembyahýi, y'uhéi, ha opáichagua jehasa'asy; upevére oha'arõkuua hikuái opa ijehasa'asykuérape.

30 Ha, ojuhúkuri, ipo'akuéra ha'e ho'a hikuái tavayguakuéra ipy'ahatãve ha ijajúra hatãvéva pópe; upévare, nohenduséikuri umíva iñe'ẽnguéra ha omosẽ chupekuéra, ha oinupã hikuái chupekuéra, ha omosẽ chupekuéra petei ha ambue ógagui ha petei ha ambue tendágui oḡuahẽ meve hikuái Middoni retãme; ha upépe ojaḡarra hikuái ha oity chupekuéra ka'irãime, ha ojokua chupekuéra ñemosã atãme, ha oguereko chupekuéra ka'irãime heta ára aja, ha oñemosãso chupekuéra Lamoni ha Ammón rupive.

Peteĩ ñemombe'ú Aarón, ha Mulo, ha ijoyke'ykuéra ñehekombo'e lamanita-kuéra apytépe.

Oike ñembyaty 21 guive 26 peve avei.

NEMBYATY 21

Aarón ombo'e Amalekita-kuérape Cristo ha ñexpiasiõ rehe—Aarón ha ijoyke'ykuéra oñemoĩ ka'irãime Middoni-pe—Oñemosãso rire chupekuéra, ombo'e hikuái sinagogakuérape ha okonverti hetápe—Lamoni ome'ẽ sãso tavayguakuérape oiporavo haḡua religión-kuéra Ismael retãme. 90–77 ary rupi Cristo mboyve.

Ko'ãga Ammón ha ijoyke'ykuéra ojeívó ojuehegui lamanita-kuéra retã rembe'ýpe, péina ápe Aarón oñepyrũ iguata upe tetã umi lamanita-kuéra ohenóiva Jerusalén gotyo, oñembohérava péicha upe tetãre ituvakuéra heñói haguépe; ha opyta mombyry, Mormón rembe'ýpe.

2 Ko'ãga lamanita ha amalekita-kuéra ha Amulón tavayguakuéra omopu'ãkuri peteĩ tavaguasu tuicháva, hérava Jerusalén.

3 Ko'ãga lamanita-kuéra ijehuguintevoi ipy'ahatã, ha katu amalekita ha amulonita-kuéra ipy'ahatãvéntema; upévare ha'ekuéra omohatã lamanita-kuéra korasõ, imbareteve haḡua hikuái hekoñaña ha hembiapovaípe.

4 Ha ojehu Aarón oḡuahẽ Jerusalén retãme, ha oñepyrũ

ombo'e amalekita-kuérape raẽ. Ha oñepyrũ ombo'e chupekuéra isinagogape, omopu'ãgui hikuái sinagogakuéra, Nehor-kuéra atypeguáicha; heta amalekita ha amulonita-kuéra ha'égui Nehor atypegua.

5 Upévare, oikévo Aarón peteĩ isinagogakuérape ombo'e haḡua tavayguakuérape, ha oñe'ẽ aja chupekuéra, péina ápe opu'ã peteĩ amalekita ha oñepyrũ oñorairõ hendive, he'ívo: Mba'e piko upe retestifikáva? Rehecha piko ra'e nde peteĩ ángel? Mba'ére piko angelkuéra ndojehechakái oréve? Péina ápe naiporái piko ko'ã tavayguakuéra nde tavayguakuéraicha avei?

6 Nde ere avei, noroñearrepentiriramo romanotaha. Mba'éicha piko nde reikuaa pe ore korasõ jeipy'amongeta ha temiandu? Mba'éicha piko reikuaa roguerrekoha mba'érepa roñearrepentiva'erã? Mba'éicha piko reikuaa ore ndaha'eiha peteĩ tavayguakuéra hekojojáva? Péina ápe, romopu'ãkuri santuario-kuéra, ha roñembyaty rotupaitũ haḡua Tupãme. Ore roguerovia Tupã osalvataha opa yvypórape.

7 Ko'ãga Aarón he'i chupe: Egueroviápa nde Tupã Ra'y outaha orredimi haḡua yvyporakuérape ñangaiipágui?

8 Ha pe kuimba'e he'i chupe: Ndorogueroviái nde reikuaaha umi mba'e. Ore ndorogueroviái umi jepokuaa tavy. Ndorogueroviái nde reikuaaha mba'e ouva'rãgui, ni ndorogueroviái nde

rukuéra ni ore ru oikuaahague umi mba'e oñe'êva'ekue hikuái, umi oútaguái.

9 Ko'áãa Aarón oñepyrũ omyesakã chupekuéra escritura oñe'êva Cristo jeju rehe, ha avei omanova'ekue jeikovejey rehe, ha ndaiporimo'ãiha rredensiõ pe yvyporakuérape ġuarã ndaha'éiramo pe Cristo ñemano ha jehasa'asy, ha huguy expiatório rupive.

10 Ha ojehu oñepyrũvo omyesakã chupekuéra ko'ã mba'e ipochy hikuái hendive, ha oñepyrũ oñembohory hese; ha nohenduséi hikuái umi ñe'ê he'íva chupekuéra.

11 Upévore, ohechávo nohenduseiha hikuái iñe'ê, ha'e osẽ isinagógagui, ha oho peteĩ tapỹi hérava Ani-Anti-pe, ha upépe ojuhu Muloki-re ombo'éva hína chupekuéra pe ñe'ê; ha avei Amma ha ijoyke'ykuérape. Ha heta ndive oñorairõ hikuái upe ñe'ê rehe.

12 Ha ojehu ohecha hikuái tavayguakuéra omohatãha ikorasõkuéra, upévore osẽ ha oho hikuái Middoni retãme. Ha ombo'e hikuái hetápe upe ñe'ê, ha mbovy oguerovia umi ñe'ê ombo'eva'ekue hikuái.

13 Upevére, Aarón ha ijoyke'ykuéra oíva hendive apytégui ojejagarra ha ojeity ka'irãime, ha hembyrekuéra oñani Middoni retãgui ha oho umi yvy oíva ijerepe.

14 Ha umi oñemoíva'ekue ka'irãime ohasa heta mba'e, ha

oñemosãso Lamoni ha Ammón po rupi, ha oñemongaru ha oñemonde chupekuéra.

15 Ha osẽ jey hikuái ombo'e haġua pe ñe'ê, ha péicha oñemosãso peteĩha jave chupekuéra ka'irãigui, ha péicha ohasa'asykuri hikuái.

16 Ha oho hikuái ogueraha-hápe chupekuéra Ñandejára Espiritu, ombo'évo Tupã ñe'ê opa amalekita sinagógape, térã opa lamanita-kuéra atyguasúpe oñemoġuahẽhápe chupekuéra.

17 Ha ojehu Ñandejára oñepyrũ ohovasa chupekuéra, ha upéicha ogueru hikuái hetápe añetegua jeikuaápe; heẽ, okonvense hikuái hetápe iñangaipágui, ha ituva-kuéra jepokuaa oĩ vaiha.

18 Ha ojehu Ammón ha Lamoni oujey Middoni retãgui Ismael retãme, ha'éva ijyvy jehejapyre.

19 Ha rréi Lamoni ndohejaséi Ammón oipytyvõ chupe, térã oiko hembiguáiramo.

20 Ha katu omopu'aka sinagogakuéra Ismael retãme; ha ojapo itavayguakuéra, térã umi ha'e oisãmbyhýva oñembyaty.

21 Ha ovy'a hendivekuéra, ha ombo'e chupekuéra heta mba'e. Ha avei he'i chupekuéra ha'eha hikuái tavayguakuéra oíva ipoguýpe, ha ha'eha hikuái peteĩ tavayguakuéra isãsóva, isãsoha hikuái upe rréi, itúva, jejopýgui; itúva ohejáguikuri chupe oisãmbyhy tavayguakuéra oíva Ismael retãme ha opa pe tetã jerere.

22 Ha avei he'i chupekuéra

oitupaitūkuaaha hikuái Ñandejára Itupāme ha'ekuéra oipotaháicha, opa tenda oĩháme hikuái, oĩramo tetã ha'éva rréi Lamoni oisãmbyhyhápe.

23 Ha Ammón ombo'e rréi Lamoni tavayguakuérape; ha ojehu ha'e ombo'e chupekuéra opa mba'e ha'éva tekojoja rehegua. Ha oñemoñe'ẽ porã chupekuéra jesarekópe opa ára; ha ha'ekuéra ojapysakaporã iñe'ẽre, ha haka-te'y hikuái iñe'ẽrendúvo Tupã rembiapoukapykuérare.

ÑEMBYATY 22

Aarón ombo'e Lamoni rúpe Jejapo'yypy rehegua, Adán je'a ha pe plan rredensio rehegua Cristo rupive—Pe rréi ha opa hogaguakuéra oñekonverti—Oñemyesakã mba'éichapa oñemboja'o pe yoy nefita ha lamanita-kuéra apytépe. 90–77 ary rupi Cristo mboyve.

Ko'ágã, Ammón ombo'e meme aja péicha Lamoni tavayguakuérape, jaha jeýta Aarón ha ijoyke'ykuéra ñemombe'úpe; ha'e osẽgui Middoni retãgui, ojeguerahávo pe Espiritu rupive Nefi retãme, jepe pe rréi róga peve, oisãmbyhýva opa upe tetãme ha Ismael retãme katu nahániri; ha péva ha'e Lamoni ru.

2 Ha ojehu ha'e oho hendápe pe rréi rogaguasúpe, ijoyke'ykuéra ndive, ha ojavyv pe réi renondépe, ha he'i chupe: Péina ápe, O rréi, ore ha'e Ammón

joyke'ykuéra, nde remosãsova'ekue ka'irãigui.

3 Ha ko'ágã, O rréi, nde re-perdonáramo oréve ore rekove, ore ha'éta ne rembiguái. Ha pe rréi he'i chupekuéra: Pepu'ã, ahejãtagui peẽ peikove, ha ndahejamo'ãi oiko pendehegui che rembiguái; ha katu ajeruréta peẽme cheministra haña; che apytu'ũ ojejopy'imíguikuri nde joyke'y Ammón ñe'ẽ py'aporã ha mba'eguasú rupi, ha aikuaase mba'érepa ha'e ndojupíri Middoni-gui nendive.

4 Ha Aarón he'i pe rréipe: Péina ápe, Ñandejára Espiritu ohenói chupe ambue hendápe; ha'e ohókuri Ismael retãme, ombo'e haña Lamoni tavayguakuérape.

5 Ko'ágã pe rréi he'i chupekuéra: Mba'e piko upe eréva Ñandejára Espiritu rehegua? Péina ápe, kóva ha'e pe mba'e chepy'apýva.

6 Ha avei, mba'e he'ise ko'ã he'iva'ekue Ammón—Peñearrepenitíramo pejesalváta, ha napeñearrepenitíramo, peñemombóta ára pahápe?

7 Ha Aarón ombohováí chupe ha he'i: Eguerovia piko nde oĩha peteĩ Tupã? Ha pe rréi he'i: Che aikuaa amalekita-kuéra he'iha oĩha peteĩ Tupã, ha ahejãkuri chupekuéra omopu'ã santuario-kuéra oñembyaty haña hikuái otupaitũ haña chupe upépe. Ha ko'ágã nde eréramo oĩha peteĩ Tupã, péina ápe che agueroviáta.

8 Ha ko'ágã Aarón ohendúvo kóva, ikorasõ oñepyrũ ovy'a, ha

he'i: Péina ápe, añetehápe nde reikoveháicha, O rréi, oĩ peteĩ Tupã.

9 Ha pe rréi he'i chupe: Ha'e piko Tupã pe Espiritu Guasu ogueruva'ekue ñande rukuérape Jerusalén retãgui?

10 Ha Aarón he'i chupe: Heẽ, ha'e niko ha'e pe Espiritu Guasu, ha ha'e ojapova'ekue opa mba'e yvãga ha yvýpe. Egueroviãpa kóva?

11 Ha ha'e he'i: Heẽ, che aguerovia pe Espiritu Guasu ojapohague opa mba'e, ha che aipota remombe'u chéve opa ko'ã mba'e rehegua, ha che agueroviãta ne ñe'ẽ.

12 Ha ojehu Aarón ohechávo pe rréi ogueroviataha iñe'ẽ, ha'e oñepyrũ Adán jejapo'ypy guive, omoñe'ẽvo pe rréipe umi escritura—mba'éichapa ojapo Tupã yvypórape ha'angáicha, ha Tupã ome'ẽhague chupe tembiapoukapykuéra, ha pe tembiapovai rupi, yvypóra ho'ahague.

13 Ha Aarón omyesakã chupe umi escritura Adán jejapo'ypy guive, omombe'úvo chupe pe yvypóra je'a, ha iñeime ho'ope ha avei pe plan rredensiõ rehegua, oñembosako'iva'ekue yvóra ñepyrũmby guive, Cristo rupive, opa héra ogueroviasévape gũarã.

14 Ha yvypóra ho'a haguére ha'e ndaikatúí ohupyty pytyvõ ijupe gũarã; ha katu Cristo expiasiõ ha ñemano ohepyme'ẽ iñangaipakuérare, pe jerovia ha arrepentimiénto rupive, ha upéicha; ha

ha'e ojora ñemano sãnguéra, pe ñeñotyha ani hağua ipu'aka, ha pe ñemano popĩa oñembogue hağua verapy ñeha'arõme; ha Aarón omyesakã opa ko'ã mba'e upe rréipe.

15 Ha ojehu Aarón omyesakã rire ko'ã mba'e chupe, upe rréi he'i: Mba'épa ajapova'erã ahupyty hağua ko tekove opave'yva reñe'ẽhague? Heẽ, mba'épa ajapóta chereñoĩ hağua Tupãgui, ahekýivo che py'águi ko espíritu ñaña, ha ahupyty Ijespíritu, cherenyhẽ hağua vy'águi, ha ani hağua añemombo ára pahápe? Péina ápe, ha'e he'i, ame'eta opa mba'e aguerekóva, heẽ, ahejãta che rréino, ahupyty hağua ko vy'apavẽ tuicháva.

16 Ha katu Aarón he'i chupe: Nde reipotáramo ko'ã mba'e, ha reñesũramo Tupã renondépe, heẽ, reñearrepentíramo opa ne angaipãgui, ha reñesũ Tupã renondépe, ha jeroviãpe rehenóiramo héra, regueroviãvo rehupytytaha, upéramo rehupytyta pe ñeha'arõ reipotáva.

17 Ha ojehu Aarón he'ivo ko'ã ñe'ẽ, pe rréi oñesũ Ñandejára renondépe, henypy'ã ári; heẽ, jepeve ojeipysy yvýpe, ha ojerure'asy, he'ivo:

18 O Tupã, Aarón he'íkuri chéve oĩha peteĩ Tupã; ha oĩramo peteĩ Tupã, ha nde ha'éramo Tupã, rejekuaaukátapa chéve, ha che ahejãta opa che angaipakuéra roikuaa hağua, ha añemopu'ã hağua omanóva apytégui, ha ajesalva hağua ára pahápe. Ha

ko'áğa pe rréi he'ívo ko'ã ñe'ê, ha'e ho'a omanoramoguáicha.

19 Ha ojehu hembiguaikuéra oñani ha omombe'u rréinape oje-huva'ekue upe rréipe. Ha ha'e ou rréi rendápe; ha ohechávo chupe ojeipysoha omanoramoguáicha, ha avei Aarón ha ijoyke'ykuérape oñembo'yvo upépe ha'eróguáicha ha'ekuéra oityva'ekue chupe, ha'e ipochy hendivekuéra, ha he'i hembiguaikuéra, térã pe rréi rembiguaikuérape, ojagarra ha ojuka hağua chupekuéra.

20 Ko'áğa, umi tembiguái ohechávkuri mba'érepa ho'a upe rréi, upépare noñanimái omoĩ ipo Aarón ha ijoyke'ykuéra ári; ha oñe'ê hesekuéra pe rréinape he'ívo: Mba'ére piko eréta oréve rojuka hağua ko'ã kuimba'épe, rohechávo peteíva chuguikuéra imbareteveha opa orehegui? Upépare ro'áta henondepekuéra.

21 Ko'áğa, pe rréina ohechávo umi tembiguái kyhyje ha'e avei oñepyrũ okyhyjeterei, oúramo ġuarã hi'ári mba'e vai. Ha he'i hembiguaikuérape oho ha ohe-nói hağua tavayguakuérape, ojuka hağua hikuái Aarón ha ijoyke'ykuérape.

22 Ko'áğa, Aarón ohechávo pe rréina ojapótava, ha'e, oikuaávo avei pe tavayguakuéra korasõ atã, okyhyje oñembyatýramo ġuarã peteĩ atyguasu ha oĩ peteĩ ñorairõ tuicha ha joavy ijapytepekuéra; upépare oipysõ ipo ha omopu'ã pe rréipe yvýgui, ha he'i chupe: Epu'ã. Ha ha'e oñembo'y, oguerekoje'yvo imbarete.

23 Ko'áğa, kóva ojejapo upe rréina ha heta tembiguaikuéra renondépe. Ha ohechávo hikuái tuicha oñemondýi, ha oñepyrũ okyhyje. Ha pe rréi oñemotonde ha oñepyrũ oministra chupekuéra. Ha tuicha omistrágui chupekuéra, opa hogagua oñekonverti Ñandejárape.

24 Ko'áğa, oñembyatýkuri peteĩ atyguasu pe rréina rembiapoukapy rupi, ha oñepyrũ oĩ tuicha jeikaguai ijapytepekuéra Aarón ha ijoyke'ykuéra rupi.

25 Ha katu pe rréi oñembo'y ijapytepekuéra ha oipytyvõ chupekuéra. Ha ha'ekuéra oñembo-py'aguapy Aarón ha umi hendive oíva ndive ġuarã.

26 Ha ojehu pe rréi ohechávo tavayguakuéra oñembo-py'agua-pyha, ojapouka Aarón ha ijoyke'ykuéra oñembo'y pe atyguasu mbytépe, ha ombo'e chupekuéra upe ñe'ê.

27 Ha ojehu pe rréi omondo peteĩ momarandu opa upe tetã rupi, opa itavayguakuéra apytépe oíva opa hetãme, oíva opa tetã ijerereguápe, oguerekóva hembey pe yguasu peve, kuarahyresê ha kuarahyreike gotyo, ha oñemboja'óva Zarahemla retãgui peteĩ yvy tave'y po'i rupive, ojeipysóva yguasu kuarahyresêgui jepe yguasu kuarahyreike peve, ha pe yguasu rembey jerére, ha pe tave'y rembey oíva nóртеpe, Zarahemla retã ypýpe, Manti rembeyre, ysyry Sidón ykua ypýpe, jahávo kuarahyresêgui kuarahyreike gotyo; ha péicha

oñemboja' o lamanita-kuéra nefita-kuéragui.

28 Ko'áña, lamanita-kuéra iña-te'ývéva oiko pe tave'ýme, ha oiko hikuái ogaaópe, ha oñemosarambi hikuái pe tave'ýre kuarahyreike gotyo; Nefi retāme, heē, ha avei Zarahemla retā kuarahyreike gotyo, pe hembé'ýre yguasu yképe, Nefi retāme ha kuarahyreiképe, tenda ituvakuéra peteíha jehejapyrépe, ha péicha pe yguasu rembe'y pukukue jáveve.

29 Ha avei oí heta lamanita-kuéra kuarahyresē gotyo pe yguasu rembe'y ypýpe, nefitakuéra omosē haguépe chupekuéra. Ha péicha nefita-kuéra haimete oñemongora lamanitakuérare; upevére, nefita-kuéra oñemomba'e opa vvy nóртеpe oí vare oñuahēva pe tave'ý rembe'y peve, ysry Sidón yvúpe, kuarahyresēgui kuarahyreike peve, tave'ý gotyo, ha nóрте gotyo, ñaḡuahē meve tetā ohenóiva hikuái Abundancia-pe.

30 Ha oñuahē pe vvy ha'ekuéra ohenóiva Desolación peve, oíva norteitépe oñuahēva pe tetā oiko haguépe tavayguakuéra oñehundipava'ekue, ikanguekuéra ñañe'ēma haguégui, ojejuhuva'ekue Zarahemla tavayguakúerare, ha'éva upe tenda oñuahē ppyhague hikuái.

31 Ha upégui oñuahē hikuái pe tave'ý oíva súrpe. Upé vare pe vvy nóрте gotyoguápe oñehenói Desolación, ha pe vvy surgotyoguápe oñehenói Abundancia,

ha'évo tave'ý henyhēva opáichagua mymba saitégui, oñuahēva'ekue vvy nortepeguágui ohekávo tembi'u.

32 Ha ko'áña, pe ipukukue ha'e peteí ára ha ambue ára mbyténte ijeguata peteí nefitape ḡuarā, Abundancia rembe'ýre ha Desolación yvýre, yguasu kuarahyresēgui kuarahyreike gotyo; ha péicha Nefi ha Zarahemla retā haimete oñemongora ykuérare, ha oí peteí vvy po'imi pe vvy nortepegua ha vvy surpegua mbytépe.

33 Ha ojehu nefita-kuéra oikova'ekue tetā Abundancia-pe, jepe yguasu kuarahyresē guive yguasu kuarahyreike peve; ha péicha nefita-kuéra iñarandúpe omongora iñangarekoharakuéra ha ijehersitokuérare lamanitakuérape súrpe, upéicha anive haḡua oguereko hikuái vvy upe nóртеpe, ha upéicha ndaikatúi haḡua oike hikuái vvy norteaguápe.

34 Upé vare lamanita-kuéra ndaikatuvéi oguereko vvy ndaha'éirō Nefi retāmente ha pe tave'ý ojerévape hese. Ha pévape iñarandu nefita-kuéra—lamanitakuéra ha'égui ihayhu'ýhakuéra, ha'ekuéra ndohejamo'ai ojopy hikuái chupekuéra opárupi, ha avei oguerekóta hikuái peteí tetā ikatuhápe okañy ha'ekuéra oipotaháicha.

35 Ha ko'áña che, ha'epávo ko'ā mba'e, ahajey Ammón, ha Aarón, ha Omner, ha Himni, ha ijoyke'ykuéra ñemombe'úpe.

ÑEMBYATY 23

Oñemombe'u oïha religión jeiporavokuaa—Siete tetã ha tavaguasupegua lamanita-kuéra oñekonverti—Oñembohéra hikuái anti-nefi-lehita ha ojeipe'a chuguikuéra pe ñe'êngái—Amalekita ha amulonita-kuéra orrechasa pe añetegua. 90-77 ary rupi Cristo mboyve.

PÉINA ápe, ko'ága ojehu lamanita-kuéra rréi omondo peteĩ momarandu opa itavayguakuéra apytépe, nomoíriva'erãha hikuái ipo Ammón ári, ni Aarón ári, ni Omner, ni Himni, ni avave ijoyke'ykuéra ári ombo'éva oikóvo Tupã ñe'ẽ, opa tenda oiháme hikuái, opavave hetã rupi.

2 Heẽ, omondo peteĩ momarandu ijapytepekuéra, nomoíriva'erãha hikuái ipo hi'arikuéra ojokua hağua chupekuéra, térã oity hağua ka'irãime; ni nondyvuiva'erã hikuái hi'arikuéra, ni noinupãiva'erã, ni nomosëiva'erã chupekuéra isinagogakuéragui, ni ndohaviraiva'erã hikuái chupekuéra, ni ndo'ita'apíriva'erã hikuái chupekuéra, ha katu ikatuva'erã oike hikuái hogapekuéra, ha avei itémplo ha isantuariokuérape.

3 Ha péicha ikatu osẽ ombo'é hikuái pe ñe'ẽ oipotaháicha, pe rréi oñekoverti haguére Ñandejárape, ha opa hogagua avei; upévore omondo imomarandu itavayguakuérape opa upe tetãme, pe Tupã ñe'ẽ ani hağua ojejoko, ha katu ojeipysu hağua

opa tetã rupi, itavayguakuéra oñekonvense hağua ituvakuéra jepokuaa iñañaha, ha oñekonvense hağua opavave ha'ekuéra ha'eha ojoyke'y, ha ndoporojukai-va'erã, ni ndaipokarëi, ni nomondái, ni ndojapoiva'erãha hikuái ñemyakaratĩ, ni ndojapoiva'erã mba'evéchagua tekoñaña.

4 Ha ko'ága ojehu pe rréi omondo rire ko momarandu, Aarón ha ijoyke'ykuéra oho peteĩ tavaguasúgui ambue tavaguasúpe, ha peteĩ óga ñetupaitühágui ambuépe, omopu'ávo tupaukuéra, ha okonsagravo sacerdote-kuéra ha mbo'eharakuéra opa upe tetãme lamanita-kuéra apytépe, ohekombó'e ha ombo'e hağua Tupã ñe'ẽ ijapytepekuéra; ha péicha oñepyrũ oho porãiterei chupekuéra.

5 Ha miles-pe ojegeru Ñandejára jeikuaápe, heẽ, miles-pe ojegeru oguerovia hağua nefitakuéra jepokuaáre; ha oñembo'e chupekuéra umi kuatiajehaipyre ha profesiakuéra ojegerahava'ekue jepe ko ára peve.

6 Ha añetehápe Ñandejára oikoveháicha, opavave ogueroviáva, térã opavave ojegeruva'ekue pe añetegua jeikuaápe, Ammón ha ijoyke'ykuéra rekombo'e rupi, pe espíritu rrevelasiõ ha profesía rehegua rupi, ha Tupã pu'aka ojapóva milágro ipypekuéra—heẽ, che ha'e peẽme, Ñandejára oikoveháicha, opavave lamanita ogueroviáva hekombo'ekuéra, ha oñekonvertiva'ekue Ñandejárape, araka'eve noñemovávëima.

7 Oikógui chuguikuéra peteĩ tavayguakuéra hekojojáva; oheja hikuái hi'armakuéra ñemopu'ã rehegua, anive haña oñorairõ hikuái Tupã ndive, ni avave ijyke'ykuéra ndive.

8 Ko'ága, ko'áva ha'e umi oñekontvertiva'ekue Ñandejárape:

9 Lamanita-kuéra tavayguakuéra oíva Ismael retãme;

10 Ha avei lamanita-kuéra tavayguakuéra oíva Middoni retãme;

11 Ha avei lamanita-kuéra tavayguakuéra oíva Nefi tavaguasúpe;

12 Ha avei lamanita-kuéra tavayguakuéra oíva Shilom retãme, ha oíva Shemlon retãme, ha Lemuel tavaguasúpe, ha Shimmilom tavaguasúpe.

13 Ha ko'áva ha'e lamanita-kuéra tavaguasu réra oñekontvertiva'ekue Ñandejárape; ha ko'áva ha'e umi ohejava'ekue hi'arma ñemo'ã rehegua, heẽ, opa hi'armakuéra ñorairõguasus rehegua; ha opavave ha'ekuéra ha'ékuri lamanita.

14 Ha amalekita-kuéra noñekontvertíri, ndaha'éiramo peteĩ añõnte; ni umi amulonita-kuéra; ha katu omohatã hikuái ikorasõkuéra, ha avei lamanita-kuéra korasõ upe tetã renda ha'ekuéra oikohápe, heẽ, ha opa itapýi ha itavaguasukuérape.

15 Upévare, ro'éma opa lamanita-kuéra tavaguasu réra ha'ekuéra oñearrepenti ha ou haguépe pe añetegua jeikuaápe, ha oñekontverti haguépe hikuái.

16 Ha ko'ága ojehu pe rréi ha umi oñekontvertiva'ekue oguerekoseterei peteĩ térã, ikatuha rupi oñembojuavy chupekuéra ijyke'ykuéragai; upévare pe rréi oñe'ẽ Aarón ha heta isacerdotekuéra ndive, pe térã ojagarrava'erãre hikuái ijehe, oñembojuavy haña hikuái.

17 Ha ojehu oñembohéra hikuái anti-nefi-lehita; ha oñehenói hikuái ko térã rupi ha noñehenoivéima chupekuéra lamanita-kuéra.

18 Ha ha'ekuéra oñepyrũ ha'e peteĩ tavayguakuéra omba'apokuaáva; heẽ, ha ipy'aporã hikuái nefita-kuéra ndive; upévare, omoñepyrũ hikuái peteĩ ñomongeta hendivekuéra, ha pe Tupã ñe'ẽngái ndohovéima hapykuerikuéra.

ÑEMBYATY 24

Lamanita-kuéra ou Tupã tavayguakuéra rehe—Anti-nefi-lehitakuéra ovy'a Cristo-pe ha angelkuéra ou hendapekuéra—Ha'ekuéra oiporavo ohasa uvei ñemano oñemo'ã rãngue—Heta lamanita-kuéra oñekontverti. 90–77 ary rupi Cristo mboyye.

Ha ojehu amalekita ha amulonita ha lamanita-kuéra oíva Amulón retãme, ha avei Helam retãme, ha umi oíva Jerusalén retãme, ha ipahápe, opa tetã jerereguápe, noñekontvertiriva'ekue ha ndojagarrava'ekue hi'ari pe Anti-nefi-

lehi réra, oñemokyre'ỹ amalekita ha amulonita-kuérare ipochy hağua ijoyke'ykuéra ndive.

2 Ha ijehayhu'ỹ tuichaiterei hesekuéra, tuchaitereígui oñepyryũ jepeve opu'ã hikuái irréi rehe, ha ndoipotavéi hikuái chupe irreirã; upévore, ojararra hikuái hi'árma Anti-nefi-lehi tavayguakuéra rehe.

3 Ko'áğa upe rréi ome'ẽ pe rréino ita'yrape, ha ombohéra chupe Anti-nefi-lehi.

4 Ha pe rréi omano upéva upe ary lamanita-kuéra oñepyryũ haguépe oñembosako'i ñorairõguasurã Tupã tavayguakuéra ndive.

5 Ko'áğa Ammón ha ijoyke'ykuéra ha opavave umi ouva'ekue hendive ohechávo lamanita-kuéra oñembosako'i ohundi hağua ijoyke'ykuérape, ha'ekuéra oho Midián retãme, ha upépe Ammón ojuhu opa ijoyke'ykuérape; ha upégui oho hikuái Ismael retãme oñembyaty hağua atyguasúpe Lamoni ha avei ijoyke'y Anti-nefi-lehi ndive, ohecha hağua mba'épa ojapova'erã hikuái oñemo'ã hağua lamanita-kuéragui.

6 Ko'áğa ndaipóri ni peteĩ ánga opa tavayguakuéra apytépe oñekonvertiva'ekue Ñandejárape ojagarraséva hi'árma ijoyke'ykuéra rehe; nahániri, ha'ekuéra ndojaposéi mba'evéichagua ñembosako'i ñorairõrã; heẽ, ha avei irréi he'í chupekuéra ani hağua ojapo umíva.

7 Ko'áğa, ko'áva ha'e ñe'ẽ ha'e he'iva'ekue tavayguakuérape

upe mba'ére: Che ame'ẽ aguyje che Tupãme, che tavayguakuéra ahayhuetéva, ñane Tupã guasu ipy'aporãme omboúkuri ñandéve ko'ã ñande joyke'ykuéra, nefitakuéra, ñanembo'e hağua, ha ñanekonvense hağua ñande rukuéra rekoñaña jepokuaakuéragui.

8 Ha péina ápe, che ame'ẽ aguyje che Tupã guasúpe ha'e ome'ẽ haguére ñandéve peteĩ jiespíritu pehẽngue omohu'ũ hağua ñane korasõ, upéicha ñamoñepyryũ ñemongeta ko'ã joyke'y, nefitakuéra ndive.

9 Ha péina ápe, che avei ame'ẽ aguyje che Tupãme, ñamoñepyryũgui rupi ko'ã ñemongeta ñañekonvensékuri ñane angaipakuéragui, ha heta jejuka jajapova'ekuégui.

10 Ha avei ame'ẽ aguyje che Tupãme, heẽ, che Tupã guasúpe, ha'e oheja haguére ñandéve ñañearrepenti ko'ã mba'égui, ha avei ha'e ñaneperdona haguére umi heta ñane angaipakuéra ha jejuka jajapova'ekue, ha oipe'ákuri ñeñanduvai tembiapovaikuérare ñane korasõgui, pe Ita'yra mérito rupive.

11 Ha ko'áğa péina ápe, che joyke'ykuéra, hasyetereígui ñandéve (ha'égui ñande oívaivéva opa yvypóra apytégui) ñañearrepenti hağua opa ñane angaipa ha heta jejuka jajapova'ekuégui, ha jahupyty Tupã oipe'a ko'áva ñane korasõgui, hasyetereígui-kuri ñañearrepentipa hağua Tupã renondépe ha'e oipe'a hağua ñane mba'eky'a—

12 Ko'áğa, che joyke'ykuéra ahayhuetereíva, Tupã oipe'á-marõ ñane mba'eky'akuéra, ha ñande kysepuku oñembovera, upémarõ anive ñamongy'a ñande kysepuku ñande joyke'ykuéra ruguy reheve.

13 Péina ápe, che ha'e peême, Nahániri, jajoko ñande kysepuku ani hağua oñamongy'a ñande joyke'ykuéra ruguy reheve; ikatu mba'égui, ñamongy'a jeýramo ñande kysepuku ndaikatuvéima oñemopotí ñane Tupã Guasu Ra'y ruguy rupive, oñeñohtëtava ñane angaipakuéra expiasiõrã.

14 Ha pe Tupã guasu ogue-rekókuri poriahuvereko ñane-ndive, ha oikuaauka ñandéve ko'ã mba'e ani hağua ñamano; heê, ha ha'e oikuaauka ñandéve ko'ã mba'e tenonderã, ha'e ohayhúgui ñane ánga ohayhuháicha ñande ra'ykuérape; upévaré, iporiahuverekópe ombou ñane rendápe hí'angelkuéra, pe plan salvasiõ rehegua ojeikuaauka hağua ñandéve ha umi ñemoñare oútavape.

15 O, iporiahuverekoite piko ñane Tupã! Ha ko'áğa péina ápe, hasyetereíguikuri ñandéve ojeipe'a hağua ñane mba'eky'akuéra, ha ñande kysepuku oñembovera hağua, ñaño mína oñongatu hağua iverakue, ha'e hağua testimónioramo ñane Tupãme ára pahápe, térã pe ára jajegueraha vove ñañoembo'y hağua henondépe jajehusga hağua, nañamongy'aihague ñande kysepuku ñande joyke'ykuéra

ruguy reheve ha'e ome'ẽ guive ñandéve iñe'ẽ ha upéva rupi ñanemopotikuri.

16 Ha ko'áğa, che joyke'ykuéra, ñande joyke'ykuéra ñanerundis-ramo, péina ápe, ñaño míta ñande kysepuku, heê, jepe ñaño tÿta pypuku vyvuyúpe, oñeño ngatu hağua iverakue, testimónioramo ára pahápe, araka'eve ndajaipo-ruiha; ha ñande joyke'ykuéra ñanerundíramo, péina ápe, jaháta ñane Tupãme ha jajesalváta.

17 Ha ko'áğa ojehu pe rreí he'ipa rire ko'ã ñe'ẽ, oñemyaty jave opa tavayguakuéra, ojagarra hikuái ikysepukukuéra ha opa árma ojeiporúva oñeño hẽ hağua yvypóra ruguy, ha oñotÿ hikuái umíva pypuku vyvuyúpe.

18 Ha ojapo hikuái kóva, ha'égui hesa renondépe peteí testimónio Tupãme, ha avei vyvporakuérape, araka'eve ndoiporumo'áveimaha hikuái umi árma oñohẽjey hağua yvyporakuéra ruguy; ha kóva ojapo hikuái, oñe'ẽme'ẽ ha ojapóvo konvénio Tupã ndive, ome'õtaha hikuái hekovekuéra oñohẽrangue ijoyke'ykuéra ruguy; ha oipe'arangue ijoyke'ykuéragui ha'ekuéra ome'õta chupekuéra; ha ohasarangue hí'arakuéra tekoreípe omba'apóta hikuái ipópe katupyrype.

19 Ha péicha jahecha, ko'ã lamanita-kuéra ojeguero rire oguerovia ha oikuaa hağua pe añetegua, noñemovãvéi hikuái, ha ohasaseve ñemano ojapora-ngue angaipa; ha péicha jahecha oñotÿhague hikuái ikysepuku

py'aguapyrã, térã oñotỹ hikuái hi'armakuéra ñorairõguasurã re-hegua py'aguapyrã.

20 Ha ojehu ijoyke'ykuéra, lamanita-kuéra, oñembosako'i ñorairõguasurã, ha ojupi hikuái Nefi retãme ohundi haña upe rréipe, ha omói haña ambue hendaguépe, ha avei ohundi haña Anti-nefi-lehi tavayguakuéra opa upe tetãme.

21 Ko'ãga tavayguakuéra ohechávo ouha hikuái hi'arikuéra osẽ ohuñuaiti haña chupekuéra, ha ojavy hikuái yvy peve hendepekuéra, ha oñepyrũ ohenói hikuái Ñandejára réra; ha péicha oĩkuri hikuái lamanita-kuéra oñepyrũvo ho'a hi'arikuéra, ha oñepyrũ ojuka chupekuéra kysepukúpe.

22 Ha péicha ojuhu'ỹme hikuái mba'évéichagua ñemo'ã, ojuka mil cinco ijapytepekuéragui; ha jaikuaa ojehovasapyvaha hikuái, ohógui oiko hikuái Itupã ndive.

23 Ko'ãga lamanita-kuéra ohechávo ijoyke'ykuéra nokañyirihha kysepukúgui, ni noñemovãihha hikuái akatúa ni asu gotyo, ha katu ojeipysa ha omano, ha omomorãha hikuái Tupãme jepe omano aja kysepukúpe—

24 Ko'ãga lamanita-kuéra ohechávo ko'ãva ndojukavéi chupekuéra; ha oĩ heta ikorasõ ikangyva'ekue ijoyke'ykuérare ho'ava'ekue kysepukúre, oñearrepentígui hikuái umi mba'e ojapova'ekuegui.

25 Ha ojehu omombo hikuái hi'arma ñorairõguasurã, ha

ndojagarrasevéi hikuái, ojejopygui umi jejuka ojapova'ekue; ha ha'ekuéra ojavy jepe ijoyke'ykuéraicha, ojeroviávo umi ohupíva hi'arma oporujuka haña poriahuvareko rehe.

26 Ha ojehu umi oikeva'ekue Tupã tavayguakuéra apytépe upe árape hetave umi omanova'ekuegui; ha umi omanova'ekue ha'ékuri tavayguakuéra hekojojáva, upévare ndajaguerekói mba'érepa ndajaroviái haña ojesalvaha hikuái.

27 Ha ndaipóri ni peteĩ kumbae hekoñañáva umi omanova'ekue apytépe; ha katu hetave mil-gui umi ojeguervava'ekue pe añetegua jeikuaápe; péicha jahecha Ñandejára omba'apoha heta hendáicha osalva haña itavayguakuérape.

28 Ko'ãga hetave lamanita-kuéra apytégui, ojukava'ekue hetaite ijoyke'ykuérape, ha'e amalekita ha amulonita-kuéra, ha hetave umívagui ha'e Nehor atypegua.

29 Ko'ãga, umi ojoajúva Ñandejára tavayguakuéra apytépe, ndaipóri ni peteĩ ha'éva amalekita térã amulonita, térã ha'éva Nehor atypegua, ha katu ha'e hikuái Lamán ha Lemuel ñemoñareitéva.

30 Ha péicha ikatu jahecha porã, peteĩ tavayguakuéra ojehesape rire Tupã Espiritu rehe, ha ohupyty rire tuicha jeikuaa Tupã mba'e tekojoja reheguágui, ha upéi ho'áramo angaipa ha tembiapovaípe, ipy'ahatãveha

hikuái, ha péicha oĩvaive ndoi-
kuaairamoguarégui mba'eve ko'ã
mba'égui.

NEMBYATY 25

*Oñemosarambi lamanita-kuéra
ñemuña—Sacerdote Noé ñemoña-
rekuéra omano Abinadí oprofetisa
haguéicha—Heta lamanita-kuéra
oñekonverti ha ojoaju Anti-nefi-lehi
tavayguakuéra ndive—Oguero-
via hikuái Cristo-pe ha iñe'ërendu
Moisés léire. 90-77 ary rupi Cristo
mboyo.*

HA péina ápe, ko'ágã ojehu umi
lamanita-kuéra ipochyve ojuka
haguére hikuái ijoyke'ykuérape;
upépare oñe'ême'ẽ hikuái oñe-
vengataha nefita-kuérare; ha
noñeha'ãvéi ohundi hikuái Anti-
nefi-lehi tavayguakuérape upe
árape.

2 Ha katu ojarra hikuái ije-
hersitokuéra ha oho hikuái Za-
rahemla retã rembe'ýpe, ha ho'a
hikuái tavayguakuéra ári oĩva
Ammoniah retãme ha ohundi
chupekuéra.

3 Ha péva rire, oguereko hikuái
heta ñorairõguasú nefita-kuéra
ndive, oñemboguevi ha ojejuka-
hápe chupekuéra.

4 Ha lamanita-kuéra omanova-
'ekue apytégui haimete opaite
ha'e Amulón ha ijoyke'ykuéra
ñemoñare, ha'eva'ekue Noé sa-
cerdote-kuéra, ha omano hikuái
nefita-kuéra po rupive;

5 Ha hembyrekuéra, okañývo

tave'y kuarahyresẽmeguápe,
ha omoĩvo pu'aka ha autorida
lamanita-kuéra ári, ojapo heta
lamanita-kuéra tomano tata rupi
umi mba'e ogueroviáva hikuái
rehe—

6 Heta ijapytepekuéragui, ohasa
rire heta ñemano ha jehasa'asy,
oñepyrũ oñemokyre'y imandu'a
hağua Aarón ha ijoyke'ykuéra
ñe'ẽ ohekombó'eva'ekuére
chupekuéra hetãme; upépare
oñepyrũ ndogueroviavéi hi-
kuái ituvakuéra jepokuaa, ha
oguerovia Ñandejárape, ha ha'e
ome'ehague tuicha pu'aka nefita-
kuérape; ha péicha heta ijapyte-
pekuéragui oñekonvertiva'ekue
pe tave'y me.

7 Ha ojehu umi mburuvicha ha-
'éva Amulón ñemoñare rembyre
ojapouka toñemoĩ pe jejuka, heẽ,
opa ogueroviáva ko'ã mba'épe
ğuarã.

8 Ko'ágã ko jejuka ojapo heta
ijoyke'ykuéra tahenyhẽ pochý-
gui; ha upépe oñepyrũ oĩ joavy
upe tave'y me; ha lamanita-kuéra
oñepyrũ omuña ha ojuka Amu-
lón ha ijoyke'ykuéra ñemoña-
répe, ha ko'áva oñani pe tave'y
kuarahyresẽmeguápe.

9 Ha péina ápe lamanita-kuéra
omuña chupekuéra ko ára peve.
Ha péicha oñekumpli Abinadí
he'iva'ekue umi sacerdote-kuéra
ñemoñare rehe, ojapova'ekue
ha'e tohasa ñemano tata rupi.

10 Ha'e he'iguikuri chupekuéra:
Pejapóva chendive ha'éta ñemo-
ha'anga mba'e oútavagui.

11 Ha ko'ágã Abinadí ha'e

peteïha ohasava'ekue ñemano tata rupi oguerovia haguére Tupãme; ko'áãa kóva ha'e pe ha'e he'iseva'ekue, heta ohasataha ñemano tata rupi, ha'e ohasa'asy haguéicha.

12 Ha ha'e he'i Noé sacerdote-kuérape iñemoñarekuéra ojapota ha hetápe tojejuka, ha'e ojejuka haguéicha, ha ha'ekuéra oñemosarambi ha ojejukataha, jepe pe ovecha herekua'ýva oñemuña ha ojejukaháicha mymba saitére; ha ko'áãa péina ápe, oñekumplíkuri ko'ã ñe'ẽ, oñemosarambígui hikuái lamanita-kuérare, ha oñemuña, ha ojeipy'ajopy chupekuéra.

13 Ha ojehu lamanita-kuéra ohechávo ndaikatuiha ipu'aka nefita-kuérare ohojey hetáme; ha heta ijapytepekuérargui ou oiko haãua Ismael retã ha Nefi retáme, ha ojoaju hikuái Tupã tavayguakuéra ndive, ha'éva Anti-nefi-lehi tavayguakuéra.

14 Ha ha'ekuéra avei oñotýkuri hi'arma ñorairõrã, ojapo haguéicha ijoyke'ykuéra, ha oñepyrũ oiko chuguikuéra peteï tavaygua hekojojáva; ha uguata hikuái Tupã rapére, ha oñeha'ã oñe'ẽrendu hikuái hembiapoukapykuéra ha hembipotakuérare.

15 Heẽ, ha iñe'ẽrendu hikuái Moisés léire; oñeikotevëgui iñe'ẽrendu gueteri hikuái Moisés léire, noñekumplipáigui gueteri. Ha jepe pe Moisés léi, ha'ekuéra oha'arõiterei Cristo jeju, ohechávo hikuái pe Moisés léi ha'eha peteï ñemoha'anga ijeju

rehegua, ha ogueroviávo oñongatuva'erãha hikuái umi tembiapokuéra ára ha'e ojehechauka peve chupekuéra.

16 Ko'áãa, ha'ekuéra ndogueroviái pe salvasiõ ouha Moisés léi rupi; ha katu pe Moisés léi oipytyvõha chupekuéra omombarete haãua hikuái ijerovia Cristo rehe; ha péicha pe jerovia rupi ojoko hikuái pe salvasiõ opave'ýva ñeha'arõ, ojeroviávo hikuái pe espíritu profesia reheguáre, oñe'eva'ekue umi mba'e outava rehe.

17 Ha ko'áãa péina ápe, Ammón, ha Aarón, ha Omner, ha Himni, ha ijoyke'ykuéra ovy'aiterei, pe mba'eporã ohupytyva'ekuére hikuái lamanita-kuéra apytépe, ohechávo hikuái Ñandejára ome'ẽhague chupekuéra oñembo'e haguéicha, ha avei okumplihague hendivekuéra iñe'ẽ opa mba'épe.

ÑEMBYATY 26

Ammón hory Ñandejárape—Ñandejára omombarete umi ijeroviarekóvape ha ome'ẽ chupekuéra kuaapy—Pe jerovia rupi, yvyporakuéra ikatu ogueru hetaiterei ángape arrepentimiéntope—Tupã ogueroko opa pu'aka ha oikuaa opa mba'e. 90–77 ary rupi Cristo mboyve.

HA ko'áãa, ko'áva ha'e Ammón ñe'ẽ ijoyke'ykuérape, péicha he'íva: Che joyke'ykuéra ha che joyke'ýva, péina ápe che ha'e

peême, jaguerekoha tuicha mba'érepa javy'a hağua; ikatúgui piko ñaimo'ára'e ñasēramoguare Zarahemla retāgui Tupã ome'ētahague ñandéve tuichaite jehovasa?

2 Ha ko'áğa, che aporandu peême, mba'e jehovasa guasu piko ha'e ome'ēva'ekue ñandéve? Ikatu piko peje?

3 Péina ápe, che ambohováí penderehe; ñande joyke'ykuéra, lamanita-kuéra, oĩguikuri pytũmbýpe, heẽ, jepe ypytũ pypukúpe, ha katu péina ápe, mboy ijapytepekuérape piko ojehechaukákuri Tupã resape hechapyráva! Ha kóva ha'e pe jehovasa oñemo'iva'ekue ñande ári, ha'ehague tembiporu Ñandejára pópe jajapo hağua ko tembiapo guasu.

4 Péina ápe, miles ijapytepekuéra ovy'a, ha ojeguérúkuri hikuái Tupã rredílpe.

5 Péina ápe, pe ñu hi'ajúmakuri, ha pejevhasapýva peẽ, pemoiñge haguére pende kysekarapã, ha pemono'ókuri pene mbaretépe; heẽ, pamba'apókuri opa ára pukukue; ha péina ápe tuicha pene ñemono'ó! Ha oñembyatýta hikuái umi yvara'yí rendápe, ani hağua oñehundi.

6 Heẽ, arapochy ndoitymo'ái chupekuéra ára pahápe; heẽ, ni vytyjere ndojopymo'ái chupekuéra; ha katu ou vove arapochy ha'ekuéra oñembyatýta hendaghuáme, ani hağua arapochy oike oiháme hikuái; heẽ, ni ndojeguerahamo'ái vyty atã rupi ihayhu'yhakuéra oguerahasehápe chupekuéra.

7 Ha katu péina ápe, oĩ hikuái Ñandejára omono'óva pópe, ha ha'ekuéra imba'e; ha ha'e omopu'āta chupekuéra ára pahápe.

8 Ojevhasapýva ñande Tupã réra; japurahéi chupe ñemomorã, heẽ, ñame'ẽ aguyje héra marangatúpe, ha'e ojavógui tapiajte tekojoja.

9 Ha ndajajupíririre Zarahemla retāgui, ko'áva ñande joyke'ykuéra hepyete ha jahayhuetéva, ñande rayhueteva'ekue, ojejopyva'erāmo'ā gueteri ijehayhu'y ñande rehe rupi, heẽ, ha avei ha'eva'erāmo'ā hikuái pytagua Tupã ndive ġuarã.

10 Ha ojehu Ammón he'ipávo ko'ā ñe'ẽ, oja'ó chupe ijoyke'y Aarón, he'ívo: Ammón, akyhyje nde vy'a ndegueraháramo ġuarã jeroviapópe.

11 Ha katu Ammón he'i chupe: Ndajeroviái che mbaretégui, ni che arandúgui; ha katu péina ápe, che vy'a henyhẽ, heẽ, che korasõ henyhẽ vy'águi, ha avy'áta che Tupãme.

12 Heẽ, che aikuaa ndaha'eiha mba'eve; che mbaretépe chekangy; upévare che ndajeroviamo'ái chejehe, ha katu ajeroviáta che Tupãme, ipu'aka reheve ikatúgui ajapo opa mba'e; heẽ, péina ápe, heta milágro jajapókuri ko tetãme, umívare ñamomorãta héra tapiajte peve.

13 Péina ápe, mboy mil ñande joyke'ykuérape piko ha'e omosāsova'ekue pe añaretã ñeime'asýgui; ha opuraheise hikuái pe purahéi oporredimíva, ha kóva

pe iñe'ē pu'aka oíva ñande pype rupi, upévore ndajaguerekói piko heta mba'érepa javy'a haḡua.

14 Heē, jaguereko mba'érepa ñamomorãvo chupe tapiate, ha'égui ha'e Tupã llyvatevéva, ha omosásókuri ñande joyke'y-kuérape añaretã sãgui.

15 Heē, ojerékuri hesekuéra ypytũ opave'yva ha ñehundi; ha katu péina ápe, ha'e oguerúkuri chupekuéra hesape opave'yvape, heē, salvasiõ opave'yvape; ha ojere hesekuéra ijoja'yva py'aporã imborayhu rehegua; heē, ha ñande ha'ékuri tembiporu ipópe jajapo haḡua ko tembiapo tuicha ha hechapyrãva.

16 Upévore, ñanderory, heē, ñanderoryta Ñandejárape; heē, javy'áta, henyhëgui ñande vy'a; heē, ñamomorãta ñande Tupãme tapiate. Péina ápe, máva piko ikatu horyeterei Ñandejárape? Heē, ha máva piko ikatúta he'ieterei ipu'aka guasu, ha iporiahuve-reko, ha ipy'aporã rehe yvypóra ra'ykuéra ndive ḡuarã? Péina ápe, che ha'e peëme, ndaikatúi ha'e ni michími pe añandúva.

17 Máva piko oimo'áta ñane Tupã iporiahuverekoitetaha ñaneguenohë haḡua ñane ñeime vaiete, angaipápe, ha ñembyai-pávagui?

18 Péina ápe, ñasë jepeve ñeko-õime, ñe'ëpohýi mbarete reheve ñahundi haḡua itupao.

19 O upécharamo, mba'ére piko ha'e ñañanemoíri petei ñehundi-vaípe, heē, mba'ére piko ndohejái ihustísia kysepuku ho'a ñande

ári, ha ñanekondena pe py'aropu opave'yvape?

20 O, che ánga, haimete osë chehegui, ikatu ja'e, ajepy'amongetáramo umívore. Péina ápe, ha'e nomomba'apói ihustísia ñande ári, ha katu poriahuve-reko tuichápe ñaneguenohëkuri ko vvykua pypuku opave'yva ha heko'asývagui, jepe ñande angakuéra salvasiõ peve.

21 Ha ko'áḡa péina ápe, che joyke'ykuéra, mba'e yvypóra natural piko oĩ oikuaáva ko'ã mba'e? Che ha'e peë, ndaipóri oikuaáva ko'ã mba'e, ndaha'éiramo pe oñembyasýva.

22 Heē, pe oñearrepentíva ha omomba'apóva jerovia, ha oja-póva tembiapo porã, ha oñembo'e meméva opa ára—pévape ojeheja oikuaa Tupã mba'eñemimbykuéra; heē, pévape ojehejáta ohechauka umi mba'e araka'eve ndojehechaukaiva'ekue; heē, ha pévape ojehejáta ogueru hetaiterei ángape arrepentimiéntope, ñandéve ojeheja haguéicha jagueru ko'ã ñande joyke'ykuérape arrepentimiéntope.

23 Ko'áḡa penemandu'a piko, che joyke'ykuéra, ja'ehague ñande joyke'ykuérape Zarahemla retãme, jajupitaha Nefi retãme, ñambo'e haḡua ñande joyke'ykuéra, lamanita-kuérape, ha ha'ekuéra oñembohoryhague ñande rehe?

24 He'ígui hikuái ñandéve: Peimo'ã piko peë ikatuha pegueru lamanita-kuérape añetegua jeikuaápe? Peimo'ã piko ikatuha

pekonvense lamanita-kuérape ituvakuéra jepokuaa oĩvaiha, ha'évo hikuái peteĩ tavayguakuéra ipy'ahatáva; ikorasõkuéra ovy'áva tuguy ñeñoñeme; ohasáva hi'arakuéra tembiapovai ivaiévape; hape ha'eva'ekue hembiapovaíva rape iñepyrũmby guive? Ko'ága che joyke'ykuéra, penemandu'a péicha oñe'ẽhague hikuái.

25 Ha avei he'i hikuái: Jajagarrána umi árma hesekuéra, ñahundi hağua chupekuéra ha hembiapovai yvy árigui, ani hağua ou hikuái ñande ári ha ñanerundi.

26 Ha katu péina ápe, che joyke'ykuéra ahayhuetéva, jajúkuri ko tave'ỹme ndaha'úi ñahundi hağua ñande joyke'ykuérape, ha katu ikatu mba'e hağua jasalva jepe mbovymi hi'angakuéra.

27 Ko'ága ñane korasõkuéra oĩramoguare vy'a'ỹme, ha haimete jave jahajey, péina ápe, Ñandejára ñanemoangapyhýkuri, ha he'i: Peho pende joyke'ykuéra apytépe, lamanita-kuéra, ha pehasa ñeha'arõme pende jehasa'asykuéra, ha che ame'ẽta peẽme po'a.

28 Ha ko'ága, péina ápe, jaju ha ñaimékuri ijapytepekuéra; ha ñaha'arõkuaákuri ñande jehasa'asykuérape, ha jagueropu'akákuri opáichagua jehasa'asy; heẽ, jaguatákuri peteĩgui ambue ógape, jajeroiviávo yvóra poriahuverekóre—ha ndaha'úi yvóra poriahuverekórente ha katu Tupã poriahuverekóre.

29 Ha jaikékuri hogapekuéra ha ñambo'e chupekuéra, ha ñambo'ékuri chupekuéra hapekuérape; heẽ, ñambo'ékuri chupekuéra ijyvyty yvate ári; ha avei jaikékuri itemplokuéra ha isinagogakuérape ha ñambo'ékuri chupekuéra; ha ñañemosékuri okápe, ha oñembohory ñanderehe, ha oñendyvu ñande ári, ha ñañenupã ñande rova rupi, ha jaje'ita'apíkuri, ha jajejagarra, ha jajejokua ñemosã atãme, ha ñañemoĩ ka'irãime, ha Tupã pu'aka ha arandu rupive ñañemosãso jeýkuri.

30 Ha jahasákuri opáichagua jeiko'asy, ha opa ko'ã mba'e, ikatu mba'e hağua ñande rupive ojesalva peteĩ ángante jepe; ha ñaimo'ákuri ñande vy'a henyhõtaha ikatu mba'éramo ñande rupive oĩ ojesalváva.

31 Ko'ága péina ápe, ikatu jai-pyso ñande resa ha jahecha ñande rembiapokue; ha mbovy piko hikuái? Che ha'e peẽme, Nahániri; heta hikuái; heẽ, ha ikatu jatestifika añeteguaha, mborayhu oguerekóva rupi ijoyke'ykuéra rehe ha ñande rehe avei.

32 Péina ápe, ome'ẽsevégui hikuái hekove oipe'arangu hekove jepe ihayhu'yhakuérape; ha oñotýkuri hikuái hi'árma ñorairõrã yvyguy pypukúpe, pe mborayhu oguerekóva rupi hikuái ijoyke'ykuérame.

33 Ha ko'ága péina ápe che ha'e peẽme, oíva'ekuépa mborayhu tuichaitéva opa upe tetãme? Péina ápe, che ha'e peẽme, nahániri,

ndaiporiva'ekue, nefita-kuéra apytépe jepeve.

34 Péina ápe, ha'ekuéra ojagaránegui hí'arma ijyoke'ykuéra rehe; ndohejamo'áigui hikuái ojejuka chupekuéra. Ha katu péina ápe, mboy piko ko'áva apytégui ome'ékuri hekove; ha jaikuaa ohoha hikuái Itupāme, imborayhu rupive, ha ndohayhúigui hikuái angaipa.

35 Ko'ága ndajaguerékói piko ñande mba'érepa javy'a haḡua? Heẽ, che ha'e peẽme, ndaiporiva'ekue yvypóra oguerékova'ekue tuichaite mba'érepa ovy'a haḡua ñande jaguerékoháicha, yvóra ñe-pyrũmby guive; heẽ, ha che vy'a henyhẽ, jepe añemomba'eguasupeve che Tupāme; ha'e oguerékogui opa pu'aka, opa arandu, ha opa ñeikũmby; ha'e oikuaapa opa mba'e, ha ha'e peteĩ tekove iporiahuverekóva, jepe osalva peve, umi oñearrepentiséva ha ogueroviáva hérape.

36 Ko'ága kóva ha'éramo ñembojerovia, jepe péicha añembojeroviáta, kóva ha'égui che rekove ha che resape, che vy'a ha che salvasiõ, ha che rredensiõ vy'a'ỹ opave'ỹvagui. Heẽ, ojevovasapýva che Tupā réra, imandu'áva ko tavayguakuérare, ha'éva Israel vyvramáta rakā, ha okañyva'ekue hapógui peteĩ tetã ojeikuaa'ỹvape; heẽ, che ha'e, ojevovasapýva che Tupā réra, oñangarekova'ekue ñande rehe, jaikoreíva peteĩ tetãme ndaha'éiva ñane mba'e.

37 Ko'ága che joyke'ykuéra,

jahecha Tupā imandu'aha opa tavayguakuérare, taha'e ha'éva tetã oĩháme hikuái; heẽ, ha'e oipapa itavayguakuérape, ha ipy'a poriahuverekó oĩ opa yvy ári. Ko'ága kóva ha'e che vy'a ha che aguyje tuichaiterei; heẽ, ha che ame'ẽta aguyje che Tupāme tapiaite peve. Amén.

ÑEMBYATY 27

Ñandejára he'i Ammón-pe ogueraha haḡua Anti-nefi-lehi tavayguakuérape peteĩ tenda oĩporã haḡuáme—Ojevuhúvo Alma ndiove, Ammón vy'a tuichaiterei ha omokangy imbarette—Nefita-kuéra ome'ẽ Jersón retã ijyoke'ykuéra anti-nefi-lehi tavayguakuérape—Oñehenói chupekuéra Ammón tavayguakuéra. 90–77 ary rupi Cristo mboyve.

KO'ÁGA umi lamanita-kuéra ohova'ekue ñorairõguasúpe nefita-kuéra rehe ohechávo, heta oñeha'ã rire ohundi haḡua chupekuéra, oñeha'ãreiha hikuái, ohojey hikuái Nefi retãme.

2 Ha ojehu amalekita-kuéra, umi oñehundiva'ekue ijapytepekuéra rupi, henyhẽ pochýgui. Ha ohechávo hikuái ndaikatuilha oñevenga nefita-kuérare, oñepyrũ omokyre'ỹ tavayguakuérape pochýpe ijyoke'ykuéra, Anti-nefi-lehi tavayguakuéra rehe; upévale ha'ekuéra oñepyrũ ohundijey chupekuéra.

3 Ko'ága ko tavayguakuéra ndojagarraséi jey umi arma, ha

ojejukauka hikuái ihayhu'ýhakuéra oipotaháicha.

4 Ko'áãga Ammón ha ijoyke'ykuéra ohechávo ko ñehundi rembiapo umi ohayhuetéva apytépe, ha umi ohayhuetéva'ekue chupekuéra apytépe—ojapógui hendivekuéra ha'eramoguáicha hikuái ángel Tupã ombouva'ekue oipe'a hağua chupekuéra peteĩ ñehundi opave'ývagui—upévare, Ammón ha ijoyke'ykuéra ohechávo ko ñehundi guasu rembiapo, oñemovã hikuái poriahuverekópe, ha he'i hikuái upe rréipe:

5 Ñambyaty ko Ñandejára tavayguakuérape, ha jaguejy Zarahemla retãme ñande joyke'ykuéra nefita-kuérape, ha ñañani ñande rayhu'ýhakuéra pógui, ani hağua ñañehundi.

6 Ha katu upe rréi he'i chupekuéra: Péina ápe, nefita-kuéra ñanerundíta, heta jejuka ha angaipakuéra jajapova'ekuere hesekuéra.

7 Ha Ammón he'i: Che aháta ha aporandúta Ñandejárape, ha ha'e he'iramo ñandéve jaha hağua ñande joyke'ykuérape, pehótapa peẽ?

8 Ha pe rréi he'i chupe: Heẽ, Ñandejára he'iramo oréve roho hağua, ore rohóta ore joyke'ykuéra oiháme, ha ha'éta hembiguaikuéra roñemoĩporã meve hendivekuéra umi heta jejuka ha angaipa rojapova'ekuere hesekuéra.

9 Ha katu Ammón he'i chupe: Oñemoĩ niko ñande joyke'ykuéra

léi rehe, oñemoĩva'ekue che ru rehe, toĩ oimeháichagua tembiaguái ijapytepekuéra; upévare jaguejy ha jajerovia ñande joyke'ykuéra poriahuvereko rehe.

10 Ha katu pe rréi he'i chupe: Eporandu Ñandejárape, ha ha'e he'iramo oréve roho hağua, rohóta; ndaupéichairamo romanóta upe tetãme.

11 Ha ojehu Ammón oho ha oporandu Ñandejárape, ha Ñandejára he'i chupe:

12 Eguenohẽ ko tavayguakuérape ko tetãgui, ani hağua omano; Satana oguerekógui tuicha pu'aka amalekita-kuéra korasõ ári, omokyre'ýva lamanita-kuérape pochýpe ijoyke'ykuéra rehe ojuka hağua chupekuéra; upévare esẽ ko tetãgui; ha ojevovasapýva ko tavayguakuéra ko ñemoñaremegua, che añongatútagui chupekuéra.

13 Ha ko'áãga ojehu Ammón oho ha he'i upe rréipe opa ñe'ẽ Ñandejára he'iva'ekue chupe.

14 Ha ombyaty hikuái opa itavayguakuérape, heẽ, opa Ñandejára tavayguakuérape, ha ombyaty hikuái opa ivaka ha ovecha'atykuéra, ha osẽ hikuái upe tetãgui, ha oğuahẽ hikuái tave'ýme omboja'óva Nefi retã Zarahemla retãgui, ha oğuahẽ hikuái pe tetã rembe'ýpe.

15 Ha ojehu Ammón he'i chupekuéra: Péina ápe, che ha che joyke'ykuéra rohóta Zarahemla retãme, ha peẽ pepytáta ko'ápe ore rojujey peve; ha roipy'ara'áta ore joyke'ykuéra korasõ, rohecha

hağua ohejåtapa hikuái peike hetãmekuéra.

16 Ha ojehu Ammón oguata jave pe tetãre, ha'e ha ijoyke'ykuéra ojuhu Alma-pe, upe tendápe oñe-ñe'ëva'ekuére; ha péina ápe, ha'e peteĩ jejuhu vy'apavẽme.

17 Ko'ága Ammón vy'a tuichaiterei jepe omyenyhẽ peve chupe; heẽ, henyhẽ Itupã vy'águi, jepe ikangypa peve chugui imbarete; ha ho'a jey yvype.

18 Ko'ága ndaha'etí piko kóva peteĩ vy'aguasujete? Péina ápe, kóva ha'e peteĩ vy'a avave ndohupytyíva ndaha'éiramo pe oñembyasy añetéva ha ñemomirĩme ohekáva vy'apavẽ.

19 Ko'ága Alma vy'a ojuhúvo ijoyke'ykuérape añetehápe tui-chákuri, ha avei Aarón vy'a, ha Omner, ha Himni; ha katu péina ápe ivy'a ndoguerohasái imbarete.

20 Ha ko'ága ojehu Alma ogue-
raha jey ijoyke'ykuérape Zarahemla retãme; jepe hogaita peve. Ha oho hikuái ha omombe'u pe hue guasúpe opa mba'e ojehuva'ekue chupekuéra Nefi retãme, ijoyke'ykuéra, lamanita-kuéra apytépe.

21 Ha ojehu pe hue guasu omondo peteĩ momarandu opa upe tetã jerére, oikuaaségui mba'épa ha'e tavayguakuéra ñe'ẽ pe ijoyke'ykuéra, ha'éva Anti-nefi-lehi tavayguakuéra, ñemoinge rehe.

22 Ha ojehu tavayguakuéra ñe'ẽ ou, he'ívo: Péina ápe, ñame'eta Jersón retã, oíva kuarahyresẽme pe yguasu ypype, ha oñembojáva

pe Abundancia retãre, ha oíva Abundancia súrpe, ha ko Jersón retã ha'e ñame'ëtava ñande joyke'ykuérape ijyvy jehejapyrerã.

23 Ha péina ápe, ñamoíta ñande ehersitokuéra Jersón retã ha Nefi retã mbytépe, ñamo'ã hağua ñande joyke'ykuérape Jersón retãme; ha jajapo ko'áva ñande joyke'ykuéra rehe, okyhyjégui hikuái oiporu hağua árma ijoyke'ykuéra rehe ani ojapo hikuái angaipa; ha ko tuicha ikyhyjekuéra oúkuri pe arrepenimíento pypuku oguerekova'ekue hikuái rupi, umi heta ijyuka ha tekoñaña vaietégui.

24 Ha ko'ága péina ápe, jajapóta ko'áva ñande joyke'ykuérare, ohupyty hağua hikuái Jersón retã; ha ñamo'íta chupekuéra ihayhu'yhakuéragui ñande ehérsito reheve, ha'ekuéra ome'ëtaramo ñandéve peteĩ imba'ehepykuéra pehẽngue ñanepytyvõ hağua ñande ehersitokuéra ndive.

25 Ko'ága, Ammón ohendúvo ko'áva, ohojey Anti-nefi-lehi tavayguakuérape, ha avei Alma oho hendive, pe tave'yme, omoĩ haguépe hikuái hogaaokuéra, ha oikuaauka chupekuéra opa ko'ã mba'e. Ha Alma omombe'upa avei chupekuéra ikonversiõ, Ammón ha Aarón, ha ijoyke'ykuéra ndive.

26 Ha ojehu upéva ogueru peteĩ vy'a guasu ijapytepekuéra. Ha oguejy hikuái Jersón retãme, ha ojararra hikuái upe tetã; ha nefita-kuéra ohenói chupekuéra Ammón tavayguakuéra; upévale

ojeikuaa hikuái upéva upe térare upe guive tenonde peve.

27 Ha oĩ hikuái Nefi tavayguakuéra apytépe, ha avei ojeipapa chupekuéra tavayguakuéra ha'éva Tupã tupaopégua apytépe. Ha avei ojeikuaa chupekuéra ipy'aporãgui Tupã ndive ãuarã, ha avei yvyporakuéra ndive ãuarã; ha'égui hikuái heko japu'ỹva ha oĩporãmbáva opa mba'épe; ha noñemovãi hikuái ijeroviãgui Cristo-re, jepe ipahaite peve.

28 Ha ohecha hikuái tuicha mba'evaíramo oñohẽ ijoyke'ykuéra ruguy; ha araka'eve ndaikatúí ojegueraha chupekuéra ojarra haãua armakuéra ijoyke'ykuéra rehe, ha ndohechái hikuái ñemano mba'evéchagua kyhyje reheve, iñeha'arõ ha jerovia oguerékova rupive Cristo ha jeikovejey rehe; upévale, chupekuéra ãuarã pe ñemano oñemboque pe pu'aka Cristo oguerékova rupive hi'ári.

29 Upévale, ohasa hikuái ñemano ivaivéva ikatúva ijoyke'ykuéra ojapo hesekuéra, ojagarrarangu kysepuku téra simitarra oikutu haãua chupekuéra.

30 Ha péicha ha'e hikuái peteĩ tavayguakuéra ipy'aporáva ha ojehayhúva, peteĩ tavayguakuéra ojehechaporãitereíva Ñandejáre.

ÑEMBYATY 28

Lamanita-kuéra ojeity peteĩ ñorairõguasú vaípe—Deséna de milláres

ojejuka—Umi iñañáva oñekondena peteĩ jehasa'asy opave'ỹva ñeimépe; umi hekojojáva ohupyty peteĩ vy'a opave'ỹva. 77–76 ary rupi Cristo mbovyve.

HA ko'áãa ojehe Ammón tavayguakuéra oñemoĩ rire Jersón retãme, ha oñemopu'ã avei peteĩ tupao Jersón retãme, ha nefitakuéra ehérsito oñemoĩkuri Jersón retã jerére, heẽ, opa Zarahemla retã rembe'y jerére; péina ápe lamanita-kuéra ehérsito ohókuri ijoyke'ykuéra rapykuéri upe tave'ỹme.

2 Ha upéicha oñepyrũ peteĩ ñorairõguasú ivaietereíva; heẽ, araka'eve ndojeikuaái haguéicha opa tavayguakuéra tetãmegua apytépe ára Lehi osẽ guive Jerusalén-gui; heẽ, ha deséna de milláres lamanita-kuéra ojejuka ha oñemosarambi.

3 Heẽ, ha oĩkuri avei peteĩ jejukavai tuicha Nefi tavayguakuéra apytépe; upevére, lamanita-kuéra oñembojevý ha oñemosarambi, ha Nefi tavayguakuéra ohojey hetãme.

4 Ha ko'áãa upéva upe ára ha'ékuri oñehendu haguépe tuicha tasẽ ha jahe'o opa upe tetãme, opa Nefi tavayguakuéra apytépe—

5 Heẽ, imenave'ỹva osapukáí hasẽvo iménare, ha avei túva hasẽva ita'yraquerare, ha tãjýra ikyvýre, heẽ, ha pe tyvýra itúvare; ha upéicha pe tasẽ sapukaipópe oñehendu opa ijapytepekuéra, hasẽvo hikuái hogagua omanova'ekuere.

6 Ha ko'ága añetehápe ha'ékuri peteĩ vy'a'y'ára; heẽ, peteĩ tovasy ára, ha peteĩ ajúno guasu ha ñembo'e ára.

7 Ha péicha opa upe désimo kinto ary huekuéra ñeisãmbyhy Nefi tavayguakuéra ári;

8 Ha kóva ha'e Ammón ha ijoyke'ykuéra ñemombe'u, ije-guatakuéra Nefi retãme, ijeha-sa'asykuéra upe tetãme, ivy'a'y', ha ijeiko'asykuéra, ha ivy'a ndaikatúiva ñaikũmby, ha umi joyke'ykuéra ñemoğuahẽ ha ñeimaporã Jersón retãme. Ha ko'ága Ñandejára, opa yvypóra Rredentor, tohovasa hi'angakuéra tapiaite ġuarã.

9 Ha kóva ha'e ñorairõguasukuéra ñemombe'u Nefita-kuéra apytépe, ha avei ñorairõguasu nefita ha lamanita-kuéra apytépe; ha désimo kinto ary huekuéra ñeisãmbyhy opákuri.

10 Ha ary peteĩha guive désimo kinto peve oñehundíkuri heta miles tekovekuéra; heẽ, oikókuri peteĩ mba'evaiete tuguy ñeñohe rehegua.

11 Ha heta miles rete oĩ yvy guýpe, hetaiterei rete oñembyaipa jave hína ojo ári yvy ape ári; heẽ, ha hetaiterei hasẽ hogaguakuérare, oguerekógui hikuái mba'érepa okyhyje, Ñandejára ñe'ẽme'ẽme he'iháicha, oñekondenava'erãha hikuái peteĩ vy'a'y' opave'yva ñeimépe.

12 Ha oĩ ambue heta miles hasẽva añetehápe hogaguakuéra ñemanóre, upevére ovy'a ha hory hikuái ñeha'arõme, ha oikuaávo

jepe, Ñandejára ñe'ẽme'ẽ rupi, opu'õtaha hikuái oiko hağua Tupã po asúpe, peteĩ vy'apavẽ opave'yva ñeimépe.

13 Ha péicha jahecha tuichaitiha yvypóra ñembojuavy pe angaipa ha tembiapovai rupi, ha pe aña pu'aka, oúva umi tape katupyry rupi ha'e omoíva'ekue ombotavy hağua yvyporakuéra korasõ.

14 Ha péicha jahecha tuicha ñehenói jesarekópe ojejapóva yvyporakuérape omba'apo hağua Tupã víñape; ha péicha jahecha tuicha mba'érepa vy'a'y', ha avei vy'apavẽ—vy'a'y' yvyporakuéra apytépe oĩ haguére ñemano ha ñehundi, ha vy'apavẽ Cristo resape rupi tekoverã.

ÑEMBYATY 29

Alma osapukaise pe arrepentimiénto umi ángel rehegua rakate'y reheve—Ñandejára ome'ẽ mbo'ehára opa tetãme—Alma hory Ñandejára rembiapópe ha Ammón ha ijoyke'ykuéra po'a reheve. 76 ary rupi Cristo mboyye.

O HA'ÉRIRE che peteĩ ángel, ha oñeme'ẽrire chéve che korasõ oipotáva, asẽ ha añe'ẽ hağua Tupã trompéta reheve, peteĩ ñe'ẽ yvy omboryrýiva reheve, ha asapukái pe arrepentimiénto opa tavayguakuérape!

2 Heẽ, che amombe'uva'erã opa ángape, ñe'ẽ arasunumeguáicha reheve, pe arrepentimiénto ha

pe plan rredensiō reheguágui, oñearrepentiva'erāha hikuái ha ou ñande Tupāme, anive hağua oĩve vy'a'y opa yvy ape ári.

3 Ha katu péina ápe, che ha'e peteĩ yvypóra, ha ajapo angaipa pe che aipotávape; avy'ava'erāmo'águi umi mba'e Ñandejára ome'eva'ekue chéve reheve.

4 Che namyangekoiva'erāmo'ã che rembipotápe peteĩ Tupã hekojojáva rembiapouka, aikuaágui ha'e ome'ēha yvyporakuérape ha'ekuéra oipotaháicha, taha'e ñemano térã jeikoverã; heẽ, che aikuaa ha'e ome'ēha yvyporakuérape, heẽ, ome'ē chupekuéra tembiapouka ndaikatúiva oñemoambue, ha'ekuéra oipotaháicha, taha'e salvasiō térã ñehundirã.

5 Heẽ, ha aikuaa iporãva ha ivaiva oĩha opa yvypóra renondépe; ha pe ndohechakuaáiva iporãva ivaivagui oĩ kulpa'yre; ha katu pe oikuaáva iporãva ha ivaiva, pévape oñeme'ē oipotaháicha, taha'e oipotarõ iporã térã ivaiva, jeikove térã ñemano, vy'a térã py'ajejopy.

6 Ko'áğa, che aikuaávo ko'ã mba'e, mba'ére piko ajaposevéne ambue mba'e amba'aporangue tembiapo añehenói haguépe?

7 Mba'ére piko ha'eséne peteĩ ángel, añe'ē hağua opa tetã opaha peve?

8 Péina ápe, Ñandejára ohejágui opa tetãme, hetã ha iñe'ēgui, tombo'e iñe'ē, heẽ, arandúpe, opa ha'e ohecháva iporãha ogue-reko hikuái; upévere jahecha

Ñandejára oñemoñe'ēha arandúpe, pe ijoja ha añeteguáva he'iháicha.

9 Che aikuaa Ñandejára he'iva'ekue chéve, ha umívape cherory. Ha che ndacheroryí chejehe, ha katu cherory pe Ñandejára he'iva'ekuépe chéve; heẽ, ha kóva ha'e cherory, ikatu mba'éramo che ha'e peteĩ tembiporu Tupã pópe agueru hağua oimeraẽ ángape arrepentimiéntope; ha kóva ha'e che vy'a.

10 Ha péina ápe, ahechávo heta che joyke'ykuéra oñearrepenti añetéva, ha oúva Ñandejára Itupāme, che ánga henyhẽ vy'águi; uperõ chemandu'a Ñandejára ojapova'ekue cherehe, heẽ, jepe ohenduhague che ñembo'e; heẽ, uperõ chemandu'a ijyva poriahuvereko oipysohague chéve.

11 Heẽ, ha chemandu'a avei che rukuéra ñeñapytĩmbýre; añetehápe che aikuaágui Ñandejára omosāsohague chupekuéra ñeñapytĩmbýgui, ha péicha rupi omoĩkuri itupao; heẽ, Tupã Ñandejára, pe Abraham Tupã, Isaac Tupã, ha Jacob Tupã, omosāsova'ekue chupekuéra ñeñapytĩmbýgui.

12 Heẽ, che, tapiaite chemandu'áva che rukuéra ñeñapytĩmbýre; ha pe Tupã omosāsova'ekue chupekuéra egipcio-kuéra pógui omosāso avei chupekuéra ñeñapytĩmbýgui.

13 Heẽ, ha upéva upe Tupã omoĩkuri itupao ijapytepekuéra; heẽ, ha upéva upe Tupã cherenóikuri peteĩ ñehenói marangatu rupi, ambo'e hağua pe ñe'ē ko

tavayguakuérape, ha ome'ékuri chéve heta po'a, ha ko'āvape che vy'a henyhẽ.

14 Ha katu ndavy'ái che po'a añórente, ha katu che vy'a henyhẽve che joyke'ykuéra, ojupiva'ekue Nefi retãme po'are.

15 Péina ápe, omba'apo he-taitereíkuri hikuái, ha ogueru heta yva; ha tuichaitéta piko ñemyengovia!

16 Ko'áãa, ajepy'amongetáramo ko'ã che joyke'y po'a rehe che ánga ojupi, ojeitaramoguáicha che retégui, tuichaite niko che vy'a.

17 Ha ko'áãa toheja Tupã ko'ã, che joyke'ykuéra, toguapy Tupã rréinope; heẽ, ha avei opavave umi ha'éva hembiapokuéra yva, anivéma haãua osẽ hikuái, ha katu omomorã haãua hikuái chupe tapiate. Ha toheja Tupã tojejapo che añe'ẽ haguéicha, jepe che ha'e haguéicha. Amén.

ÑEMBYATY 30

Korihor, pe anti Cristo, oñembohory Cristo-re, pe expiasiõ, ha pe espíritu de profesiare—Ha'e ombo'e ndaiporiha Tupã, ni yoypõra je'a, ni jehavira angaipãre, ha ndaiporiha Cristo. Alma otestifika Cristo outaha ha opa mba'e ohechauhaha oïha peteĩ Tupã—Korihor ojerure peteĩ techauhaha ha opyta ñe'ẽngu—Pe añã ojehechauhákuri Korihor-pe ha'eramoguáicha peteĩ ángel ha ombo'e chupe umi he'ítava—Korihor ojeity

ha oñepyrũmba hese omano meve. 76–74 ary rupi Cristo mboyve.

PÉINA ápe, ko'áãa ojehu Ammón tavayguakuéra oñemoĩ rire Jersón retãme, heẽ, ha avei lamanitakuéra oñemosẽ rire upe tetãgui, ha he'õnguekuéra oñeñotỹ upe tetãmegua tavayguakuéra rehe—

2 Ko'áãa ndojeipapái he'õnguekuéra hetaitereígui; ni umi nefita-kuéra te'õnguekuéra ndojeipapái—ha katu ojehu oñotỹmba rire hikuái he'õnguekuéra, ha avei ajúno ára rire, ha tasẽ, ha ñembo'e, (ha ha'ékuri désimo sexto ary huekuéra ñeisambyhýpe Nefi tavayguakuéra ári), oñepyrũ oĩ py'aguapy meme opa tetã tuichakue javeve.

3 Heẽ, ha pe tavayguakuéra oñeha'ã ñe'ẽrendu Nandejára rembiapoukapykuérare; ha ojapo porãmbaite hikuái umi Tupã ordenansakuéra, pe Moisés léipe he'iháicha; oñembo'égui chupekuéra ñe'ẽrendu haãua Moisés léire oñekumpliha peve.

4 Ha péicha ndaipórikuri joavy tavayguakuéra apytépe opa désimo sexto ary huekuéra ñeisambyhýpe Nefi tavayguakuéra ári.

5 Ha ojehu oñepyrũvo désimo sétimo ary huekuéra ñeisambyhýpe, oĩkuri py'aguapy meme.

6 Ha katu ojehu opávo pe désimo sétimo ary, oãuahẽ peteĩ kuimba'e Zarahemla retãme, ha ha'e peteĩ Anti-Cristo, oñepyrũ haguére ombo'e tavayguakuérape

oñemoïvo umi profesía oje'eva'e-kue rehe profetakuéra rupi, upe Cristo jeju rehe.

7 Ko'áãa ndaipórikuri mba'e-veíchagua léi oñemoïva kuimba'e ogueroviávare; oñemoïhaguére Tupã rembiapoukapýre toĩ peteĩ léi ombojuavýva vyvporakuérape ojuehegui.

8 Péicha he'igui umi escritura: Eiporavo ko'áãa mávapepa eipytyvõta.

9 Ko'áãa peteĩ kuimba'e oipytyvõramo Tupãme, ojeheja chupe; térã, ogueroviáramo Tupãme ojeheja chupe oipytyvõ chupe; ha katu ndogueroviáramo chupe ndaipóri léi ohaviráva upévape.

10 Ha katu ha'e oporojúkaramo ojevavira ñemanóme; ha omondáramo ojevavira avei, ha ipokarëramo ojevavira avei; ha ojapóramo ñemyakaratĩ ojevavira avei; heẽ, opa ko'ã tembiapovaire ojevavira.

11 Oĩgui peteĩ léi opavave vyvpora ojehusgava'erãha hembia-povaikuére. Upevére ndaipóri léi vyvpora ogueroviáva rehe ñuarã; upévare, ojevavira chupe umi tembiapovai ojapova'ekuérente; upévare, opavave vyvpora oĩ peteichaite.

12 Ha ko Anti-Cristo, hérava Korihor (ha pe léi ndaikatúi ojoko chupe), oñepyrũ ombo'e tavayguakuérape ndaiporiha mba'evéchagua Cristo. Ha kóicha ombo'eva'ekue he'ivo:

13 O peẽ peiméva peteĩ ñeha'arõ tavy ha vyrorei poguýpe.

Mba'ére piko pejejoko péichagua mba'e tavýpe? Mba'ére piko peha'arõ peteĩ Cristo-pe? Avave vyvpora ikatu oikuaa mba'eve pe oútavagui.

14 Péina ápe, ko'ã mba'e pehenóiva profesía, pejéva omombe'uha umi proféta marangatu, péina ápe, ko'áva niko ha'e pende rukuéra jepokuaa vyrorei.

15 Mba'éicha piko peikuaa añeteguaha? Péina ápe, ndaikatúi peikuaa umi mba'e ndapehecháivagui; upévare ndaikatúi peikuaa oĩtaha peteĩ Cristo.

16 Pema'ẽ umi ouva'erã rehe ha peje pehechaha pene angaipa jora. Ha katu péina ápe, péva ha'e peteĩ apytu'ũ oĩvaiva rembiapokue, ha ko apytu'ũ ñeimevai ou pende rukuéra jepokuaa rupi, pendegueraháva peguerovia haña umi mba'e ndaipóri.

17 Ha hetave péichagua mba'e oñe'ẽ chupekuéra, he'ivo chupekuéra ndaikatuiha ojejapo mba'evéchagua expiasiõ vyvporakuéra angaipáre, ha katu kóva ko tekovépe oñeme'ẽ opavavépe ikatupyry rupi; upévare opa vyvpora oñakãrapu'ã ikatupyry rupi, ha opa vyvpora ohupyty imbarete rupi; ha ndaha'eiha mba'eve ivaiva peteĩ vyvpora ojapóramo ojaposéva.

18 Ha péicha ha'e ombo'e chupekuéra, ombojerévo heta korasõ, omokyre'ỹvo oñakãrapu'ã haña hembiañoñañame; heẽ, omokyre'ỹvo heta kuña, ha avei kuimba'épe, ojapo haña tembiapoky'a—he'ivo chupekuéra

yvypóra omano vove, upépe opaha upéva.

19 Ko'áğa ko kuimba'e oho avei Jersón retãme, ombo'e hağua ko'ã mba'e Ammón tavayguakuéra apytépe, peteĩ ára ha'eva'ekue lamanita-kuéra tavayguakuéra.

20 Ha katu péina ápe ko'áva iñaranduve heta nefita-kuéragui; ojagarra, ha ojokua, ha oguerahágui hikuái chupe Ammón renondépe, ha'eva peteĩ sumo sacerdote upe tavayguakuéra ári.

21 Ha ojehu omosëuka chupe upe tetãgui. Ha oğuahẽ Gedeón retãme, ha oñepyrũ ombo'e avei chupekuéra; ha péina ápe ha'e ndaipo'ái upépe, ojagarrágui ha ojokua chupe hikuái ha ogueraha pe sumo sacerdote renondépe, ha avei pe hue guasu upe tetãme ári renondépe.

22 Ha ojehu pe sumo sacerdote he'i chupe: Mba'ére piko reiko rembyai hína Ñandejára rape? Mba'ére piko rembo'e ko tavayguakuérape ndaiporimo'áiha Cristo, rembyai hağua ivy'akuéra? Mba'ére piko reñe'ëvai opa proféta marangatu profesia-kuéra rehe?

23 Ko'áğa pe sumo sacerdote réra ha'e Giddona. Ha Korihor he'i chupe: Nambo'úi haguére pende rukuéra jepokuaa vyrorei, ha che nambo'úi haguére ko tavayguakuérape oñemoĩ hağua umi ordenánsa vyrorei poguýpe, ha jepokuaa omoĩva'ekue sacerdote-kuéra ymaguare, ohupyty hağua pu'aka ha autorida

hi'arikuéra, oguereko hağua chupekuéra jeikuaa'ýme, ani hağua omopu'ã hikuái iñakã, ha katu oñemotindy hağua hikuái ne ñe'ë he'iháicha.

24 Peje kóva ha'eha peteĩ tavayguakuéra isásóva. Péina ápe, che ha'e peẽme oĩha hikuái ñeñapytĩmbýpe. Peje umi profesía ymaguare añeteguaha. Péina ápe, che ha'e peẽme ndapeikuaaiha añeteguápa.

25 Peje kóva ha'eha peteĩ tavayguakuéra hembiaopovaiva ha ho'áva, peteĩ túva rembiapovai rupi. Péina ápe, che ha'e peẽme peteĩ mitã ndaha'úi hembiaopovaiva ituvakuéra rupi.

26 Ha avei peje Cristo outaha. Ha katu péina ápe, che ha'e peẽme ndapeikuaaiha oĩtapa peteĩ Cristo. Ha avei peje ha'e ojejukataha yvóra angaipa rehe—

27 Ha péicha pegueraha ko tavayguakuérape pende rukuéra jepokuaa vyrorei rapykuéri, ha peẽ peipotaháicha; ha pejopy chupekuéra, jepe ñeñapytĩme-ğuaicha, peñemyenyhẽ hağua ipokuéra rembiapógui, upépare noñanimái omopu'ã hikuái hesa kyhyje'ýme, ha noñanimái ovy'a hikuái iderécho ha imba'éva reheve.

28 Heẽ, noñanimái hikuái oiporu pe imba'éva ani ombopochy hikuái isacerdotekuérape, ojopýva chupekuéra jejokuápe oipotaháicha, ha ogueroviakava'ekue chupekuéra, ijepokuaa ha ikerarecha rupi, ha ipotapy ha techauka ha mba'eñemimby añete'ýva rupi,

ndo japóiramo hikuái iñe'ême he'iháicha, ombopochytaha peteĩ tekove ojeikuaa'ỹvape, he'íva hikuái ha'eha Tupã—peteĩ tekove araka'eve ndojehechá ni ndojeikuaáiva, araka'eve ndaipóiriva ni ndaiporimo'áiva.

29 Ko'ága pe sumo sacerdote ha hue guasu ohechávo ikorasõ atãha, heẽ, ohechávo oñe'ẽvaiha Tupã rehe jepeve, nombohovaiséi iñe'ẽ; ha katu ojokuauka hikuái chupe; ha ome'ẽ hikuái chupe tendotakuéra pópe, ha omondo hikuái chupe Zarahemla retãme, upépe oñemoi hağua Alma renondépe, ha umi hue guasu renondépe oisãmbyhýva opa upe tetã ári.

30 Ha ojehe ojeguerahávo chupe Alma ha pe hue guasu renondépe, oñe'ẽ ha'e oñe'ẽ hağueicha Gedeón retãme; heẽ, ohovente oñemotie'ỹ meve.

31 Ha oñepyrũ oñe'ẽ hatã Alma redondépe, ha oñe'ẽvai sacerdote ha mbó'eharakuérare, he'ívo hesekuéra omovãha tavayguakuérape ituvakuéra jepokuaa vyrerei rapykuéri, oñemyenyhẽ hağua hikuái tavayguakuéra rembiapo reheve.

32 Ko'ága, Alma he'í chupe: Nde reikuaa ore noroñemyenyhẽiha ko tavayguakuéra rembiapo reheve; ha péina ápe, che amba'apókuri huekuéra ñeisãmbyhy ñepyrũmby guive ko'ága peve, che po rupiete akaru hağua, jepe heta che je'ói upe tetã tuichakue jave ambo'e hağua Tupã ñe'ẽ ko tavayguakuérape.

33 Ha jepe umi heta tembiapo ajapova'ekue pe tupaópe, che araka'eve ndahupytyíva ni peteĩ seníne che rembiapokuére; ni avave che joyke'ykuéra, ndaha'éiramo aguapy jave pe huekuéra apykápe; ha upéi-charõ ojehepyme'ěkuri oréve ára romba'apo haguérente léipe he'iháicha.

34 Ha ko'ága, ndorohupytyíro mba'eve ore rembiapo tupaopegua rehe, mba'e porã piko oréve ġuarã romba'apo pe tupaópe ndaha'éiramo rombo'e hağua pe añetegua, rovy'a hağua ore joyke'ykuéra vy'ápe?

35 Mba'ére piko ere rombo'eha ko tavayguakuérape rohupyty hağua jehepyme'ẽ, nde ndejehegui, reikuaávo noñeme'ẽiha oréve mba'eve? Ha ko'ága, reguerovia piko nde rombotavyha ko tavayguakuérape, ha péva ogueruha tuichaita vy'a ikorasõkuérape?

36 Ha Korihor ombohová chupe, Heẽ.

37 Ha upéramo Alma he'í chupe: Eguerovia piko nde oíha peteĩ Tupã?

38 Ha ha'e ombohová, Nahániri.

39 Ko'ága Alma he'í chupe: Renega jeýta piko oíha peteĩ Tupã, ha avei renegáta piko pe Cristo-pe? Péina ápe, che ha'égui ndéve, che aikuaa oíha peteĩ Tupã, ha avei Cristo outaha.

40 Ha ko'ága eguerekópa mba'érepa ere hağua ndaiporíha Tupã, térã Cristo ndoumo'áiha? Che ha'e ndéve ndereguerekoiha

mba'eve, ndaha'éiramo ne ñe'ẽ añónte.

41 Ha katu, péina ápe, che aguereko opa mba'e testimónioramo ko'ã mba'e añeteguaha; ha avei nde reguereko opa mba'e testimónioramo ndéve ġuarã ko'ãva ha'eha añetegua; ha renegáta piko umíva? Eguerovia piko ko'ã mba'e añeteguaha?

42 Péina ápe, che aikuaa regueroviahaha, ha katu ndejagarra peteĩ espíritu japu rehegua, ha remombo Tupã Espíritu ndaikatuvéi peve oike ndepype; ha katu añã ipu'aka nderehe, ha ndegueraha peteĩ ha ambue hendápe, reja-póvo ñuhã ha'e ohundi haġua Tupã ra'ykuérape.

43 Ha ko'áġa Korihor he'i Alma-pe: Rehechaukáramo chéve peteĩ techauka, añekonvense haġua oĩha peteĩ Tupã, heẽ, ehechauka chéve ha'e oguerekoha pu'aka, ha upéramo añekonvenséta ne ñe'ẽ añeteguaha.

44 Ha katu Alma he'i chupe: Eguerekómakuri heta techauka; eipy'ara'ãse piko nde Tupãme? Eréta, piko ehechauka chéve peteĩ techauka, reguerekómarõ opa nde joyke'ykuéra testimónio, ha avei opa proféta marangatukuéra testimónio? Escritura-kuéra oĩ nerenondépe, heẽ, ha opa mba'e ohechauka oĩha peteĩ Tupã; heẽ, jepe upe yvy ha opa mba'e oĩva hí'ári, heẽ, ha iñemongu'e, heẽ, ha avei opa planéta oñemongu'éva oñemoi haguéicha otestifika oĩha peteĩ Apohare Ipu'akapáva.

45 Ha jepe ko'ãva reiko upérupi,

removãvo ko tavayguakuéra korasõ, etestifikávo ndaiporihha peteĩ Tupã? Ha renegáta gueteri piko opa ko'ã testimónio jepe? Ha ha'e he'i: Heẽ, che anegáta, nderehechaukáramo chéve peteĩ techauka.

46 Ha ko'áġa ojehu Alma he'i chupe: Péina ápe, che ajejopy ne korasõ atãre, heẽ, reñemoiségui gueteri pe espíritu añeteguáva rehe, oñehundi haġua ne ánga.

47 Ha katu péina ápe, iporãve ne ánga oñehundi ha'erangue tembiporu egueraha haġua heta ángape ñehundípe, ndejapu ha ñeñe'erei rupi; upévale renega jeýramo, péina ápe Tupã ndeipy-ajopyta repyta haġua ñe'ẽngu, anive haġua araka'eve reipe'a nde juru, rebotavy haġua ko tavayguakuérape.

48 Ko'áġa Korihor he'i chupe: Che nanegái Tupã oikoveha, ha katu ndagueroviái oĩha peteĩ Tupã; ha che ha'e avei, nde ndereikuaiha oĩha peteĩ Tupã; ha nderehechaukáramo chéve peteĩ techaukaha che ndagueroviamo'ái.

49 Ko'áġa Alma he'i chupe: Kóva ame'ëta ndéve techaukaháramo, epytáta reñe'ë'yre, che añe'ë haguéicha; ha che ha'e, Tupã rérape repytataha ñe'ẽngu, upéicha ndaikatumo'ãvéima reñe'ë.

50 Ko'áġa Alma he'i vove ko'ã ñe'ë, Korihor opyta iñe'ẽngu, ha ndaikatuvéima oñe'ë, Alma he'i haguéicha.

51 Ha ko'áġa pe hue guasu

ohechávo upéva, oipyso ipo ha ohai Korihor-pe, he'ívo: Reñe-konvensémapa Tupã pu'aká-gui? Mávare piko reipota Alma ohechauka ndéve pe techauka? Reipota piko ombohasa'asy ambuépe, ohechauka hağua ndéve peteĩ techauka? Péina ápe, ha'e ohechaukáma ndéve peteĩ techauka; ha ko'áğa reñorairōvéta gueteri piko?

52 Ha Korihor oipyso ipo ha ohai, he'ívo: Che aikuaa ndaikatuiha añe'ẽ ndaikatúigui ha'e mba'eve; ha aikuaa mba'eve ndaha'éiramo Tupã pu'aka añõnte ikatuha ogueru ko'áva che ári; heẽ, ha che tapiaite aikuaákuri oĩha peteĩ Tupã.

53 Ha katu péina ápe, chembotavy pe aña; ojehechaukágui chéve ha'eramoguáicha peteĩ ángel, ha he'i chéve: Tereho ha egueru ko tavayguakuérape, ha'ekuéra oñemovágui peteĩ Tupã ojeikuaa'ỹva rapykuéri. Ha ha'e he'i chéve: Ndaipóri peteĩ Tupã; heẽ, ha chembo'e pe ha'eva'erã. Ha ambo'ékuri iñe'ẽ; ha ambo'ékuri chupekuéra oguerohorýgui hikuái pe apytú'ũ to'o reheguáva; ha ambo'ékuri chupekuéra, jepe ahupyty peve heta po'a, tuichaiterei, aguerovia peve umíva añeteguaha; ha pévare añemoĩ añetegua rehe; jepe agueru peve ko tuichaithe ñe'ëngái che ári.

54 Ko'áğa he'ívo ko'áva, ha'e ojerure'asy Alma oñembo'e hağua Tupãme, ojeipe'a hağua chugui pe ñe'ëngái.

55 Ha katu Alma he'i chupe:

Ojepe'áramo ndehégui ko ñe'ëngái reñepyrũ jeyta removã ko tavayguakuéra korasõ; upévare, tojejapo nendive Ñandejára oipotaháicha.

56 Ha ojehu pe ñe'ëngái ndojeipe'ái Korihor-gui, ha katu oñemosẽ okápe, ha oiko peteĩgui ambue ógape ojerurévo hembí'urã.

57 Ko'áğa ojeikuaa opa tetãme pe mba'e ojehuva'ekue Korihor-pe; heẽ, pe hue guasu omondo momarandu opa tavayguakuéra upe tetãguápe, omombe'úvo umi ogueroviava'ekue Korihor ñe'ëme oñearrepentiva'erãha pya'e, ani ou hí'arikuéra upeichagua huísio.

58 Ha ojehu opavave oñekonvense Korihor rembiapoñañagui; upévare opavave oñekonverti jey Ñandejára-pe; ha kóva ombopaha tembiapovai Korihor omoíva'ekue. Ha Korihor oho peteĩgui ambue ógape, ojerurévo tembi'u okaru hağua.

59 Ha ojehu oho jave tavayguakuéra apytépe, heẽ, umi ojeiva'ekue nefita-kuéra apytégui ndive ha ojagarrava'ekue herarã zoramita, ojeguerahakágui peteĩ kuimba'e hérava Zoram-re—ha oho jave ijapytepekuéra, péina ápe, oity ha opyrũmba hese hikuái, jepe omano meve.

60 Ha péicha jahecha mba'éichapa opa pe ombyaíva Ñandejára rape; ha péicha jahecha aña nomo'amo'áiha ta'yraquérape ára pahápe, ha katu ombotyryry chupekuéra pya'e pe añaretãme.

ÑEMBYATY 31

Alma omotenonde peteĩ misiõn oguerujey hağua zoramita-kuérape ho'ava'ekue jeguerovia'yme—Zoramita-kuéra onega Cristo-pe, oguerovia peteĩ ñe'ẽ añetegua'y jeiporavo rehegua, ha otupaitũ hikuái ñembo'e peteĩme—Misionero-kuéra henyhẽ Espiritu Santo-gui—Ijehasa'asykuéra ojeguero pu'aka Cristo vy'ape. 74 ary rupi Cristo mboypa.

Ko'ÁGA Korihor omano rire, Alma oikuaávo zoramita-kuéra ombyaiha hína Ñandejára rape, ha Zoram, ha'éva huvichakuéra, oguerahaha hína tavayguakuéra korasõ oñesũ hağua ta'anga oñe'ẽ'yva renondépe, ikorasõ oñepy-rũjey ojejopy pe tavayguakuéra rembiapovaire.

2 Ojopygui Alma-pe oikuaávo tembiapovai oiva itavayguakuéra apytépe; upévore ikorasõ ojejopyeterei zoramita-kuéra ojei haguére nefita-kuéragui.

3 Ko'ága zoramita-kuéra oñembyaty peteĩ tetãme ohenóiva hikuái Antiónum, opytáva Zarahemla retã kuarahyresẽ gotyo, oiva pe yguasu rembe'y ypýpe, Jersón retã sur gotyo, omohembe'yva avei pe tave'y oiva súrpe, henyhẽva lamanita-kuéragui.

4 Ko'ága nefita-kuéra okyhyjeterei zoramita-kuéra oñemongetáramo ġuarã lamanita-kuéra ndive, ha taha'e upéva tuicha ñehundirã nefita-kuérape ġuarã.

5 Ha ko'ága, pe ñe'ẽ jehekombó'e oguereko haguére tuicha

pu'aka ogueraha hağua tavayguakuérape ojapo hağua pe ijójáva—heẽ, oikeve kysepukúgui iñapytu'ũnguérape, térã oimeraẽ mba'e ojehuva'ekue chupekuéragui—upévore Alma ohechaporã omoĩ hikuái py'ara'ãme pe Tupã ñe'ẽ pu'aka.

6 Upévore ojagarra Ammón, ha Aarón, ha Omner-pe; ha oheja Himni-pe Zarahemla-pegua tupaópe; ha katu ogueraha hendive umi mbohapy, ha avei Amulek ha Zeezrom-pe, oiva Melek-pe; ha ogueraha avei mokõi ita'yra.

7 Ko'ága ndoguerahái hendive ita'yra ppykuépe, hérava Helamán; ha katu umi ogueraháva hendive rerakuéra ha'e Shiblón ha Coriantón; ha ko'áva ha'e umi ohova'ekue hendive zoramita-kuéra apytépe réra, ombo'e hağua chupekuéra pe ñe'ẽ.

8 Ko'ága zoramita-kuéra ha'e ojeiva'ekue nefita-kuéragui; upévore oñembo'eva'ekue chupekuéra Tupã ñe'ẽ.

9 Ha katu ho'ava'ekue hikuái tuicha jejavýpe, noñeha'ãigui hikuái iñe'ẽrendu Tupã rembiapoukapykuérare, ni hembipotakuérare, Moisés léipe he'iháicha.

10 Ni ndojapói hikuái tupaopégua ojapóva, ojesarekóvo ñembo'e ha jerurépe Tupãme opa ára, ani hağua oike hikuái py'ara'ãme.

11 Heẽ, ipahaitépe, ombyai hikuái Ñandejára rape heta mba'épe; upévore, ko mba'ére, Alma ha ijoyke'ykuéra oho upe tetãme

ombo'e haḡua chupekuéra pe ñe'ẽ.

12 Ko'áḡa, oḡuahêvo hikuái upe tetãme, péina ápe, iñemondyirã ojuhu umi zoramita-kuéra omopu'ãhague sinagogakuéra, ha oñembyatyha hikuái peteĩ ára jave, ohenóiva hikuái Nandejára ára; ha otupaitũ hikuái Alma ha ijoyke'ykuéra ndohechái haguéicha araka'eve;

13 Omopu'ãgui hikuái isinagóga mbytépe, peteĩ tenda akãgui ijyvatevéva; ha pe ijyvatevehápe ija peteĩ tekovénte.

14 Upévore, opavave otupaitũséva ohova'erã ha oñembo'y upe tenda yvatépe, ha ohupi ipo yvága gotyo, ha ojerure'asy sapukáipe he'ívo:

15 Marangatu, Tupã Marangatu; roguerovia nde ha'eha Tupã, ha roguerovia nemarangatuha, ha nde ha'ehague peteĩ espíritu, ha ha'eha peteĩ espíritu, ha ha'etaha peteĩ espíritu tapiaite.

16 Tupã marangatu, ore roguerovia nde oreipe'ahague ore joyke'ykuéra apytégui; ha ndorogueroviái ore joyke'ykuéra jepokuaa, oñembohasava'ekue chupekuéra ituvakuéra imitãreko rupi; ha katu roguerovia oreiporavohague ha'e haḡua nde ra'ykuéra marangatu; ha avei reikuaauka oréve ndaiporimo'ãiha Cristo.

17 Ha katu nde peteĩnte kuehe, ko'áḡa, ha tapiaite; ha oreiporavo rojesalva haḡua, ha katu opa umi ojeréva ore rehe ojeiporavo oñemombo haḡua ne ñeko'õi

rupi añaretãme; ha kóva ko marangatu rehe, O Tupã, rome'ẽ ndéve aguyje; ha avei rome'ẽ ndéve aguyje oreiporavo haguére, ani haḡua rojegeraha umi ore joyke'ykuéra jepokuaa vyroreíre, omoíva chupekuéra peteĩ Cristo jegueroviápe, ogue-raháva ikorasôkuéra mombyry ndehegui, ore Tupã.

18 Ha rome'ẽ jey ndéve aguyje, O Tupã, ore ha'égui peteĩ tavayguakuéra ojeiporavopyréva ha imarangatúva. Amén.

19 Ha ojehu Alma ha ijoyke'ykuéra ha ita'yraquéra ohendu rire ko'ã ñembo'e, tuichaiterei oñemondýi.

20 Péina ápe, opavave kuimba'e ohógui ha ome'ẽ kóva ko ñembo'e.

21 Ko'áḡa ombohéra hikuái pe tenda Rameumptom, oñehesa'yijóramo, he'iséva, tenda marangatu.

22 Ko'áḡa, kóva ko tenda guive ome'ẽ, opavave kuimba'e, peteichagua ñembo'e Tupãme, ome'êvo aguyje Tupãme oiporavo haguére chupekuéra, ha ndoguerahái haguére chupekuéra ijoyke'ykuéra jepokuaa rapykuéri, ha ikorasôkuéra noñeñapytírigui oguerovia haḡua mba'e oútava, ndoikuaáivagui hikuái mba'eve.

23 Ko'áḡa, opa tavayguakuéra ome'ẽ rire aguyje péicha, ohojey hikuái hógape, oñe'ëve'yre Itupãre oñembyaty jey peve upe tenda marangatúpe, ome'ẽ haḡua hikuái aguyje ojepokuaaháicha.

24 Ko'áŋa Alma ohechávo kóva ojejopy ikorasõ; ohechágui ha'éha hikuái petẽ tavayguakuéra hekoñaña ha hembiapovaíva; heẽ, ohecha ikorasõkuéra oíha óro, ha pláta, ha opáichagua mba'e hechapyrãvape.

25 Heẽ, ha ohechágui avei ikorasõkuéra opu'ãha tuicha ñembotuicha reheve, ijorgúllo rupi.

26 Ha ha'e omopu'ã ñe'ẽ yvãgape, ha ojerure'asy, he'ívo: O, araka'e peve piko, O Ñandejára, ehjãta ne rembiguaikuéra oikove ko'ápe ho'ópe, ohecha haŋua tuichaite tembaponaña yvypóra ra'ykuéra apytépe?

27 Péina ápe, O Tupã, ojerure'asy hikuái ndéve, ha ikorasõkuéra katu henyhẽ orgúllogui. Péina ápe, O Tupã, nerenói hikuái ijuru rupi, oñembotuichávo, jepe oñembovu hikuái, umi yvorapegua mba'erei reheve.

28 Péina ápe, O che Tupã, ijao hepykuéra, ha ikuairũ, ha ijyvajeguaka, ha imba'ejeguaka oroguigua, ha opa imba'e hepykuéra oñembojeguakaha reheve; ha péina ápe, ikorasõkuéra oĩ ko'ã mba'épe, ha jepeve ojerure'asy ndéve hikuái ha he'i—Rome'ẽ ndéve aguyje, O Tupã, ha'égui ore ndéve ñuarã petẽ tavayguakuéra jeiporavopyre, ha umi ambuéva katu oñehundíta.

29 Heẽ, ha he'i hikuái nde reikuaakahague chupekuéra ndaiporimo'ãiha Cristo.

30 O Tupã Ñandejára, araka'e peve piko rehejáta oĩ peichagua tekoñaña ha tekojoja'y ko

tavayguakuéra apytépe? O Ñandejára, eme'ẽ chéve mbarrete, agueropu'aka haŋua che kangykue. Chekangýgui, ha kó'ãichagua tekoñaña ko tavayguakuéra apytépe ombohasá'asy che ánga.

31 O Ñandejára, che korasõ ojejopyeterei; emoangapyhýna che ánga Cristo-pe. O Ñandejára, eme'ẽna chéve taguereko mbarrete, ahasa haŋua ñeha'arõkuaápe ko'ã jehasa'asy oútava che ári, ko tavayguakuéra rembiapovai rupi.

32 O Ñandejára, emoangapyhýna che ánga, ha eme'ẽ chéve po'a, ha avei umi chendive omba'apóvape—heẽ, Ammón, ha Aarón, ha Omner, ha avei Amulek ha Zeezrom, ha avei mokõi che ra'y—heẽ, jepe emoangapyhýna opa ko'ãvape, O Ñandejára. Heẽ, emoangapyhýna hi'angakuéra Cristo-pe.

33 Eme'ẽna chupekuéra ta'imbarrete hikuái, ogueropu'aka haŋua ijehasa'asy oútava hi'arikuéra ko tavayguakuéra rembiapovai rupi.

34 O Ñandejára, eme'ẽ oréve toroguereko po'a roguerujévo chupekuéra ndéve, Cristo-pe.

35 Péina ápe, O Ñandejára, hi'angakuéra iporãiterei, ha heta ha'ekuéra ha'e ore joyke'ykuéra; upévore, eme'ẽ oréve, O Ñandejára, pu'aka ha arandu roguerujey haŋua ndéve ko'ã, ore joyke'ykuérape.

36 Ko'áŋa ojehe Alma he'i rire ko'ã ñe'ẽ, omoĩ ipo opa umi

hendive oīva ári. Ha péina ápe, omoīvo ipo hí'arikuéra, henyhē hikuái Espíritu Santo-gui.

37 Ha upéva rire ojei hikuái ojuehegui, ojepy'amongeta'ýre hembí'urákuérare, ni pe hoy'útavare, ni pe omondétavare.

38 Ha Ñandejára ome'ē chupekuéra ani hağua ohasa ñembyahýi, ni y'uhéi; heē, ha ome'ē avei chupekuéra mbarete, ani hağua ohasa mba'évéchagua jehasa'asy noñemboguéiva Cristo vy'ápe. Ko'áğa péva oikókuri Alma oñembo'e haguéicha; ha kóva oñembo'e haguére jeroviápe.

ÑEMBYATY 32

Alma ombo'e imboriahúvape umi ijehasa'asy rupi oñemomiríva'ekue—Jerovia ha'e pe jahecha'ýva ñeha'arō ha añeteguáva—Alma otestifika angelkuéra oministraha kuimba'e, ha kuña, ha mitāme—Alma ombojoja pe ñe'ē peteī yvara'ýi rehe—Kóva oñeñotý ha oñemongakuaava'erā—Upéicha okakuaa oiko peve chugui peteī yvyramáta oñemono'ōhágui pe tekove opave'ýva yva. 74 ary Cristo mboyove rupi.

HA ojehu osē hikuái, ha oñepyrū ombo'e tavayguakuérape Tupã ñe'ē, oikévo isinagogakuérape, ha hogakuérape; heē, ha jepe hapekuérape ombo'e hikuái pe ñe'ē.

2 Ha ojehu omba'apo heta rire hikuái ijapytepekuéra, oñepyrū

ohupyty hikuái po'a umi imboriahúva apytépe; péina ápe, ko'áva oñemosēgui umi sinagógagui ijao vai haguére—

3 Upévale ndojehejái chupekuéra oike isinagogakuérape otupaitū hağua Tupāme, oñema'ēgui hesekuéra mba'eky'ái-cha; upéicha imboriahu hikuái; heē, ijoyke'ykuéra ohecha chupekuéra ytýicha; upévale imboriahu hikuái mba'e yvorağúape; ha avei imboriahu hikuái ikorasōme.

4 Ko'áğa, Alma ombo'e ha oñe'ē jave tavayguakuérape yvyty Onida ári, ou hendápe peteī tuicha atyguasu, ha'éva umi ñañe'ēhague hína, umi imboriahúva ikorasōme, imboriahu haguére umi yvorapegua mba'épe.

5 Ha ou hikuái Alma rendápe; ha peteī tuichavéva ijapytepekuéra he'i chupe: Péina ápe, mba'épa ojavóta ko'ā che joyke'ykuéra, ojehayhu'ýva opa yvy-pórare imboriahu haguére, heē, ha avei ojehayhu'ýve umi ore sacerdote-kuérare; oremosēgui hikuái ore sinagogakuéragui he-taite mba'apópe romopu'áva'e-kue ore pópe; ha oremosē hikuái oremboriahu haguére; ha ndoroguerékoi peteī tenda rotupaitū hağua ore Tupāme; ha péina ápe, mba'e piko rojavóta?

6 Ha ko'áğa ohendúvo Alma upéva, ojere, ha omoī hova hesete, ha omaña tuicha vy'ápe; ohechágui ijehasa'asykuéra añetehápe omomiríha chupekuéra,

ha oĩmaha hikuái ohendu haġuái-cha pe ñe'ẽ.

7 Upévare nde'ivéima mba'eve pe ambue atyguasúpe; ha katu oipysu ipo, ha he'í'asy umi ohechávape, umi añetehápe oñembyasyva'ekuépe, ha he'í chupekuéra:

8 Che ahecha penemarangatuha pene korasõme; ha péicharamo, pejevohasapyréva.

9 Péina ápe pende joyke'y he'íkuri, mba'épa rojapóta?—roñemosẽgui ore sinagogakuéragui, upévare ndaikatúí rotupaitũ ore Tupãme.

10 Péina ápe che ha'e peẽme, peimo'ã piko ndaikatuiha petupaitũ pende Tupãme ndaha'éirõ pene sinagogakuérape añõnte?

11 Ha avei, che aporanduse peẽme, peimo'ã piko petupaitũva'erã Tupãme peteĩ ára añõnte?

12 Che ha'e peẽme, oĩporã peñemosẽ pende sinagogakuéragui, peñemomirĩ haġua, ha peikuaa haġua arandu; tekotevẽgui peikuaa arandu; ha peñemosẽ haguére, pende joyke'ykuéra napenderayhúí haguére pene mboriahuetereĩgui, upévare peġuahẽ pe korasõ ñemomirĩme; peñemomirĩmanteva'erãgui.

13 Ha ko'ãġa, pejevueraha haguére peñemomirĩ haġua pejevohasapyre; oĩgui ára pe yvypóra, ojegueraháramo oñemomirĩ haġua, oheka pe arrepentimiénto; ha ko'ãġa añetehápe, opa oñearrepentíva ojuhúta poriahuvereko; ha pe ojuhúva poriahuvereko ha

oñeha'ãmbaitéva ipahaite peve ojesalváta.

14 Ha ko'ãġa, che ha'e haguéicha peẽme, pejevueraha haguére peñemomirĩ haġua pejevohasákuri, napeimo'ãi piko ojevohasaveha umi oñemomirĩva añetehápe pe ñe'ẽ rupi?

15 Heẽ, pe añetehápe oñemomirĩva, ha oñearrepentíva iñangaipágui, ha oñeha'ãmbaitéva ipahaite peve, ojevohasáta—heẽ, ojevohasavéta umi ojeguerahávagui oñemomirĩ haġua imboriahuetereĩgui.

16 Upévare, ojevohasapyre umi oñemomirĩva ojegueraha'yre oñemomirĩ haġua; térã, ambue ñe'ẽme, ojevohasapyréva pe ogueroviáva Tupã ñe'ẽ, ha oñemongaraíva omohatã'yre ikorasõ, heẽ, ojegueraha'yre chupe oikuaa haġua pe ñe'ẽ, térã jepe ojeikuaaauka chupe, oguerovia mboyye.

17 Heẽ, oĩ heta he'íva: Rehechaukáramo oréve peteĩ techauka yvágagui, upéicha añetehápe roikuaáta; ha upéicharamo rogueroviáta.

18 Ko'ãġa che aporandu peẽme, péva piko ha'e jerovia? Péina ápe, che ha'e peẽme, Nahániri; pe kuimba'e oikuaáramo peteĩ mba'e, ndoguerekói mba'érepa ogueroviávo, oikuaámagui.

19 Ha ko'ãġa, mbo'ypa oñemoñe'ẽngaive pe oikuaáva Tupã rembipota ha ndojapóiva, pe ogueroviávaguente, térã oguerokónteva mba'érepa ogueroviávo, ha ho'áva tembiapovaípe?

20 Ko'ága ko mba'épe peẽ pehusgáta. Péina ápe, che ha'e peẽme, péicha ha'e peteĩme ambue mba'épeicha; ha opa yvypórape ojejápoáta hembiapokuéicha.

21 Ha ko'ága che ha'e haguéicha pe jerovia rehe—Jerovia ndaha'ei jaguereko peteĩ jeikuaa porã umi mba'égui; upévore peguerékóramo jerovia peguereko ñeha'arõ umi mba'e ndojehecháiva rehe, ha ha'éva añetegua.

22 Ha ko'ága, péina ápe, che ha'e peẽme, ha che aipota penemandu'a, Tupã oiporiahuverekoha opa ogueroviáva hérape; upévore ha'e oipota, peteĩháme, pegueroivia, heẽ, jepe ñe'ẽ.

23 Ha ko'ága, ha'e omombe'u ñe'ẽ yvyporakuérape umi ángel rupi, heẽ, ndaha'ei kuimba'épe aõnte ha katu kuñáme avei. Ko'ága ndaha'ei pévante; heta jave oñeme'ẽ mitáme ñe'ẽ, omoypytúva ñarandu ha oikuaapávape.

24 Ha ko'ága, che joyke'ykuéra ahayhuetéva, peikuaaségui chehegui mba'épa pejapova'erã peñemobhasa'asy ha peñemoségui—ko'ága che ndaipotái peimo'ã pohusgase ndaha'éirõ pe añeteguapeguáicha—

25 Nda'eséigui opavave peẽ pejeguerahahague peñemomirĩ hağua; añetehápe agueroviágui oĩha pende apytépe oñemomirĩneva, oimeháicha.

26 Ko'ága, che ha'e haguéicha pe jerovia rehe—ndaha'eiha peteĩ jeikuaa porã—péicha ha'e che ñe'ẽ ndive avei. Ndaikatúi

peikuaa añeteguaha ñeypyrũme, jeikuaa porã reheve, upe jerovia ndaha'eiháicha peteĩ jeikuaa porã.

27 Ha katu péina ápe, pepáy ha pemokyre'yramo pene apytu'ũ, jepe pemoĩ peve che ñe'ẽ py'ara'áme, ha pemomba'apóramo michĩmi jerovia, heẽ, taha'e jepe pegueroviasénteva, peheja ko potapy tomba'apo pendepype, jepe pegueroivia peve ha péicha peme'ẽ peteĩ tenda che ñe'ẽ pehẽnguépe.

28 Ko'ága, ñambojojáta pe ñe'ẽ peteĩ yvara'yire. Ko'ága, peme'ẽramo tenda oñeñotỹ hağua peteĩ yvara'yi pene korasõme, péina ápe, ha'éramo peteĩ yvara'yi añetegua, térã yvara'yi iporáva, ha napemombóiram pende jerovia'y rupi, peñemoivo Ñandejára Espíriture, péina ápe, oñeypyrũta okakuaa pene korasõme; ha peñandúvo upe kakuaa, peñeypyrũta peje pende pype—Kóva ha'éne peteĩ yvara'yi porã, térã pe ñe'ẽ iporã, oñeypyrũgui ombotuicha che ánga; heẽ, oñeypyrũ omyesakã che apytu'ũ, heẽ, oñeypyrũ heterei chéve.

29 Ko'ága péina ápe, kóva piko nomombaretemo'ái pende jerovia? Che ha'e peẽme, Heẽ; upevére ndaha'ei gueteri peteĩ jeikuaa porã.

30 Ha katu péina ápe, pe yvara'yi oñembotuichávo, hoky, ha oñeypyrũ okakuaa, upéicharamo pejetamante pe yvara'yi iporãha; péina ápe oñembotuicha, ha hoky, ha oñeypyrũ okakuaa. Ha ko'ága,

péina ápe, kóva piko nomombaretemo'ái pende jerovia? Heë, omombaretéta pende jerovia: pe-jétagui aikuaa kóva ha'eha peteĩ yvara'yí porã; péina ápe hokýgui ha oñepyrũgui okakuaa.

31 Ha ko'ága, péina ápe, peikuaa porãmapa ko'ága ha'eha yvara'yí iporãva? Che ha'e peëme, Heë; opa yvara'yí ome'ẽgui ambue ha'eichagua.

32 Upévore, peteĩ yvara'yí okakuaáramo ha'e yvara'yí iporãva, ha katu ndokakuaáramo, péina ápe naiporãi, upévore oñemombo.

33 Ha ko'ága, péina ápe, pejapo haguére pe ñeha'ã, ha peñotỹ haguére pe yvara'yí, ha kóva oñembotuichágui, ha hoky, ha oñepyrũ okakuaa, peikuaátamante pe yvara'yí iporãha.

34 Ha ko'ága, péina ápe, peikuaa porãmapa? Heë, peikuaa porãma ko'ã mba'e, ha pende jerovia nomba'apovéima; ha kóva peikuaágui, peikuaágui pe ñe'ẽ ombotuichahague pene ánga, ha avei peikuaa hokyhague, pende kuaapy oñepyrũha hesakã, ha pene apytu'ũ oñepyrũ ojeipysa.

35 Upéicharamo, ndaha'etí piko kóva añetegua? Che ha'e peëme, Heë, ha'égui tesape; ha ha'éva tesape, iporã, ikatúgui ojehesa'yíjo, upévore peikuaava'erã iporãha; ha ko'ága péina ápe, peikuaa porãmapa peñandu rire ko tesape?

36 Péina ápe che ha'e peëme, Nahániri; ni ndapehejareíriva'erã pende jerovia, pemomba'apo

hagueréntekuri pende jerovia peñotỹ hağua pe yvara'yí pejapo hağua pe ñeha'ã peikuaa hağua pe yvara'yípa iporã.

37 Ha péina ápe, pe vyramáta oñepyrũ vove okakuaa, pejéta: Ñañangareko porã hese, oñembohapo hağua, okakuaa hağua, ha tome'ẽ ñandéve yva. Ha ko'ága péina ápe, peñangareko porãramo hese oñembohapóta, ha okakuaáta, ha ome'éta yva.

38 Ha katu pehejareíramo pe vyramáta, ha ndapejesarekóiramó peñangarekóvo hese, péina ápe ndahapomo'ái; ha kuarahy aku oğuahẽ vove ha ohapy, ipirúta ndahapóigui, ha pehekýita ha pemombóta okápe.

39 Ko'ága, kóva ndaha'etí pe yvara'yí naiporãigui, ni pe hí'a ndahéigui ipotapyrãva; ha katu ha'e pende vvy hatãgui, ha napeñangarekoséigui pe vyramáta rehe, upévore ndaikatúi pehu-pyty pe hí'a.

40 Ha upéicha, napeñangarekóiramó pe ñe'ẽre, pema'évo tenonde gotyo tesa jeroviápe hí'a rehe, araka'eve napemono'õmo'ái pe yva vyramáta tekove reheguágui.

41 Ha katu peñangarekóramo pe ñe'ẽre, heë, ha peñangarekóramo pe vyramáta rehe oñepyrũ jave okakuaa, tuicha jesarekópe pende jerovia rupive, ha ñeha'arõme, pema'évo tenonde gotyo hí'a rehe, oñembohapóta; ha péina ápe ha'éta peteĩ vyramáta hokýva tekove opave'yvape ġuarã.

42 Ha pende jesareko, ha pende jerovia ha ñeha'arõ rupi peñangarekóvo pe ñe'ëre, oñembohapo hağua pendepype, péina ápe, pya'e pemono'õta hi'a, iporãitereíva, ha he'ëvéva opa mba'e he'ëvagui, ha morotívéva opa mba'e morotívagui, heë, ha ipotívéva opa mba'e ipotívagui; ha pe'úta ko yvágui penerenyhë meve, upéicha napeneñembyahyimo'ái ni napende'y'uheimo'ái.

43 Upéicha, che joyke'ykuéra, pemono'õta pende jerovia, ha pende jesareko, ha ñeha'arõ, ha pende gueropu'akakuaa repyme'ë, peha'arõvo pe vyramáta ome'ë peëme hi'a.

ÑEMBYATY 33

Zenós ombo'ékuri yvyporakuéra oñembo'eva'erãha ha otupaitũ opa tendápe, ha umi huísio ojeipe'aha pe Ta'yra rupi—Zenoc ombo'eva'ekue pe poriahuvereko oñeme'ëha pe Ta'yra rupi—Moisés omopu'ã tave'yme peteĩ Tupã Ra'y ñemoha'anga. 74 ary rupi Cristo mbojve.

KO'ÁGA Alma oñe'ë rire ko'ã ñe'ë, oporanduka hikuái chupe oikuaaségui ogueroviava'erãpa hikuái peteĩ Tupãme, ohupyty hağua hikuái pe yva ha'e oñe'ëhague, térã mba'éichapa oñotýva'erã hikuái pe yvara'yí, térã pe ñe'ë oñe'ë haguégui, ha'e he'iva'ekue oñeñotýva'erãha ikorasókuérape; térã mba'éichapa

oñepyrũva'erã omomba'apo hikuái ijerovia.

2 Ha Alma he'i chupekuéra: Péina ápe, pejékuri ndaikatuiha petupaitũ pende Tupãme peñemoségui pene sinagogakuéragui. Ha katu péina ápe, che ha'e peëme, peimo'ãramo ndaikatuiha petupaitũ pende Tupãme, tuicha pejavy, ha pehesa'yijova'erã umi escritura; peimo'ãramo kóva ha'e umi penembo'eva'ekue, he'ise napeikũmbyiha.

3 Napenemandu'ái piko pemoñe'ëva'ekue Zenós, pe proféta ymaguare, he'iva'ekue pe ñembo'e térã ñetupaitũ rehe?

4 Ha'e he'ígui: Ndeporiahuvereko, O Tupã, rehendúgui che ñembo'e, jepe aime jave pe tave'yme; heë, ndeporiahuverekókuri añembo'e jave umi cherayhu'yvare, ha nde rembojerejey chupekuéra chéve.

5 Heë, O Tupã, ha ndeporiahuverekókuri chendive ajerure'asy jave ndéve che kokuépe; ajerure'asy jave ndéve che ñembo'e rupi, ha nde cherendúkuri.

6 Ha avei, O Tupã, aha jave che rógape cherendúkuri che ñembo'épe.

7 Ha aike jave che kotýpe, O Ñandejára, ha añembo'e ndéve, nde cherendúkuri.

8 Heë, nde ndeporiahuvereco nde ra'ykuéra ndive ojerure'asyvo ndéve hikuái, oñhenduka hağua nderehe ha katu yvyporakuérare nahániri, ha nde rehendúta chupekuéra.

9 Heë, O Tupã, nde ndepo-

riahuverekókuri chendive, ha rehendúkuri che jerure'asykuéra nde atyguasu mbytépe.

10 Heẽ, ha avei cherendúkuri che rayhu'yhakuéra chemosẽ ha ndacherayhuiramoguare; heẽ, rehendúkuri che jerure'asykuéra, ha hendy nde pochy che rayhu'yhakuéra rehe, ha rejúkuri chupekuéra nde pochýpe ñehu-ndi pya'e reheve.

11 Ha cherendúkuri che jehasa'asy ha che rekoañete rupi; ha nde Ra'y rupi niko ndeporiahuverekókuri chendive, upévore ajerure'asyta ndéve opa che jehasa'asype, nendive oĩgui che vy'a; reipe'águi chehegui nde huisiokuéra nde Ra'y rupi.

12 Ha ko'ága Alma he'i chupekuéra: Peguerovia piko ko'ã escritura umi ymaguare ohaiva'ekue?

13 Péina ápe, pegueroviáramo, pegueroviava'erã Zenós he'iva'ekue; ha, péina ápe ha'e he'íkuri: Reipe'ákuri nde huisiokuéra nde Ra'y rupi.

14 Ko'ága péina ápe, che joyke'ykuéra, aporanduse peẽme pemoñe'ẽpa umi escritura? Ha pejapóramo upéva, mba'éicha piko ndapegueroiái pe Tupã Ra'yype?

15 Ndojeháiri piko ndaha'eiha Zenós ańonte oñe'ẽva'ekue ko'ã mba'égui, ha katu avei Zenoc oñe'ẽkuri ko'ã mba'égui.

16 Ha katu péina ápe, ha'e he'iva'ekue: Ndepochy, O Ñandejára, ko tavayguakuéra ndive, noikũmbyséigui hikuái nde

poriahuvereko reme'ẽva'ekue chupekuéra nde Ra'y rupi.

17 Ha ko'ága, che joyke'ykuéra, pehecháma mokõiha proféta ymaguare otestifikákuri pe Tupã Ra'ygui, ha tavayguakuéra noikũmbyséigui iñe'ẽ oita'api chupe hikuái omano meve.

18 Ha katu péina ápe, nda'upévainte; ndaha'ei ko'áva ańonte oñe'ẽva'ekue pe Tupã Ra'y rehe.

19 Péina ápe, Moisés oñe'ẽva'ekue hese; heẽ, ha péina ápe oñemopu'áva'ekue peteĩ ñemoha'anga pe tave'yime, oimeraeva oma'eva hese, oikove hağua. Ha heta oĩ oma'eva ha oikovéva.

20 Ha katu sa'i oĩ oikũmbyva'ekue mba'épa he'ise umi mba'e, ha kóva ikorasõ atã rupi hikuái. Ha katu oĩ heta ipy'ahatãitereiva ha nomañaséiva, upévore omano hikuái. Ko'ága nomañaséikuri hikuái ndogueroviáigui upéva omonguerataha chupekuéra.

21 O che joyke'ykuéra, peñemongueráire pemaña haguérente peñemonguera hağua, napemaña pya'emo'ái piko, térã pemohatãsevéta pene korasõ jerovia'yime, ha peñemoate'y, ha napemañamo'ái, péicha pemento hağua?

22 Péicharamo, teko'asy oúta pende ári; ha katu nda'upéichairamo, pema'ẽ ha peñepyrũ peguerovia Tupã Ra'yype, oútava orredimi hağua itavayguakuérape, ha ohasa'asytava ha omanótava oexpia hağua iñangaipakuéra; ha opu'átava omanova'ekue apytégui, oguerútava

pe jeikovejey, opa yvypóra ou haġua henondépe, ojehusga haġua upe ára pahápe, hembiaapo haguéicha.

23 Ha ko'áġa, che joyke'ykuéra, che aipota peñotý ko'ã ñe'ẽ pene korasõme; ha oñepyrũvo oñembotuicha, peñangareko hese pende jerovia reheve. Ha péina ápe, oikóta chugui peteĩ vyramáta, okakuaátava pendepype tekove opave'yvape ġuarã. Ha upéramo Tupã toheja taivevýi pene mba'e-pohýi Ita'yra vy'apavẽ rupi. Ha añetehápe opa ko'ã mba'e ikatu pejapo pejaposéramo. Amén.

ÑEMBYATY 34

Amulek otestifika pe ñe'ẽ oíha Cristo-pe salvasiõrã—Ndojeyapóiramo peteĩ expiasiõ, opa yvypóra omanova'erã—Opa Moisés léi ohechauka pe Tupã Ra'y jehasa'asyre—Upe ijapyra'yva plan rredensiõ rehegua oñemopyenda jerovia ha arrepentimiénto rehe—Peñembo'e jehovasa yvy'arigua, ha espíritu reheguare—Kóva ko tekove ha'e ára yvypóra oñembosako'iva'erãha oñemoi haġua Tupã renondépe—Pemba'apo pene salvoasiõ rehe kyhyjépe Tupã renondépe. 74 ary rupi Cristo mboyve.

HA ojehu Alma oñe'ẽ rire chupekuéra ko'ã ñe'ẽ, oguapy yvýpe, ha Amulek opu'á ha oñepyrũ ombo'e chupekuéra, he'ívo:

2 Che joyke'ykuéra, ndaikatúi aguerovia ndapeikuaaiha umi mba'e oñe'ẽva'ekue pe Cristo

jeju rehe, ore rombo'éva ha'eha Tupã Ra'y; heẽ, che aikuaa oñembo'e porãhague peẽme ko'ã mba'e pejei mboyve ore apytégui.

3 Ha pejerure haguere che joyke'y ahayhuetévape oikuaauka haġua peẽme mba'épa pejapova'erã, pende jehasa'asy rupi; ha ha'e he'íkuri peẽme peteĩ mba'e ombosako'i haġua pene apytu'ũ; heẽ, ha ojerure peẽme peguereko haġua jerovia ha ñeha'arõkuaa—

4 Heẽ, jepe peguereko haġua heta jerovia peñotý haġua pe ñe'ẽ pene korasõme, pehecha haġua pe iporãngue.

5 Ha rohecha upe tuicha porandu oíva pene apytu'ũme ha'e ha upe ñe'ẽpa oĩ Tupã Ra'yype, téra ndaiporimo'áipa Cristo.

6 Ha avei pehechákuri che joyke'y ohechauhague peẽme, heta hendápe, pe ñe'ẽ oíha Cristo-pe salvasiõrã.

7 Che joyke'y oñe'ẽkuri Zenós ñe'ẽ rehe, he'íva pe rredensiõ ouha Tupã Ra'y rupi, ha avei Zenoc ñe'ẽre; ha avei oñe'ẽkuri Moisés rehe, ohechauka haġua ko'ã mba'e añeteguaha.

8 Ha ko'áġa, péina ápe, che atestifikáta peẽme chejehegui ko'ã mba'e añeteguaha. Péina ápe, che ha'e peẽme, che aikuaaha Cristo outaha yvypóra ra'ykuéra apytépe, ojagarra haġua hí'ári itavayguakuéra rembiapovaikuéra, ha oexpiataha yvóra angaipakuéra; Tupã Ñandejára he'ígui.

9 Tekotevègui ojejapo peteĩ

expiasiō; pe Tupā Ijapyra'ŷva plan guasúpe he'ígui, ojejapova'erāha peteī expiasiō, upeicha'ŷramo opa yvyporakuéra omanomanteva'erā; heē, opavave oñemohatā; heē, opavave ho'ákuri ha okañy, ha omanomanteva'erā hikuái ndaha'éiramo pe expiasiō tekotevêva ojejapo rupive.

10 Tekotevêgui ojejapo peteī jehasa'asy tuicha ha ipaháva; heē, ndaha'éi peteī kuimba'e jehasa'asy, ni mymba, ni mba'e-veichagua guyra; ndaha'emo'āi-gui peteī yvypóra jehasa'asy; ha katu ha'eva'erā peteī jehasa'asy opave'ŷva ha ijapyra'ŷva.

11 Ko'ága ndaipóri avave yvypóra ikatúva oñohê huguy oexpiatava ambue angaipakuéra. Ko'ága, peteī kuimba'e oporojukáramo, péina ápe pe ñande léi ijojáva piko ojağarráta ijoyke'y rekove? Che ha'e peême, Nahániri.

12 Ha katu pe léi ojerure pe oporojukava'ekue rekove; upévare ndaipóri mba'eve ndaha'éiramo peteī expiasiō opave'ŷva oñemoítava yvóra angaipakuérame.

13 Upévare, tekotevê oī peteī jehasa'asy tuicha ha ipaháva, ha upéramo oñemoíta, térã oñemoimanteva'erā tuguy ñeñoñê ñembopaha; upéramo oñekumplíta Moisés léi; heē, oñekumplipáta, opa hóta ha tílde, ha mba'eve ndohasareimo'ái.

14 Ha péina ápe, kóva ha'e opa upe léi he'iséva, opa pehêngue'í ohechaukágui pe jehasa'asy tuicha ha ipaháva; ha pe

jehasa'asy tuicha ha ipaháva ha'éta Tupā Ra'y, heē, ijapyra'ŷva ha opave'ŷva.

15 Ha péicha ha'e ogueru salvasiō opa ogueroviátavape héra; ha upevarã ojejapo ko jehasa'asy ipaháva, oñemomba'apo hağua pe poriahuvereko ryepy, ipu'akáva pe hustisiare, ha ome'éva yvyporakuérape mba'éichapa oguerekova'erã jerovia oñearrepenti hağua.

16 Ha péicha upe poriahuvereko ikatu omyenyhê pe hustisia ojeruréva, ha oñuã yvyporakuérape jyva mbaretépe, ha katu pe nomomba'apóiva jerovia arrepentimientorã opyta opa mba'e upe léi ha hustisia ojeruréva poguýpe; upévare, pe oguerekóva jerovia arrepentimientorãme ġuarã añoñte ojejapóta pe plan rredensiō rehegua tuicha ha ijapyra'ŷva.

17 Upévare Tupā toheja peême, che joyke'ykuéra, peñepyrũ pemomba'apo pende jerovia peñearrepenti hağua, peñepyrũ hağua pehenói héra marangatu, pende poriahuvereko hağua;

18 Heē, pejerure'asy chupe poriahuvereko; ha'e ipu'akapágui oporosalsa hağua.

19 Heē, peñemomirĩ, ha peñembo'e meme chupe.

20 Pejerure'asy chupe peime aja pende kokuépe, heē, opa pene mymba'aty rehe.

21 Pejerure'asy chupe pende rógape, heē, opa pende rogaygua rehe, pyharevekue, ha asaje, ha pyharekue.

22 Heē, pejerure'asy chupe

penderayhu'ŷhakuéra pu'aka ñembohováire.

23 Heẽ, pejerure'asy chupe pe aña ñembohováire, ha'éva opa joja ja'e'ŷha.

24 Pejerure'asy chupe pende kokuepegua ñemitŷngue rehe, peñakárapu'ã haġua pype.

25 Pejerure'asy pene mymba'aty pende kokuepegua rehe, oñembohetave haġua.

26 Ha katu ndaha'úi pévante; peñohéva'erã pene ánga pende kotýpe, ha pene renda ñemíme, ha pende tave'ŷme.

27 Heẽ, ha ndapejerure'asýi jave Ñandejárape, peheja tahenyhẽ pene korasõ, peñeme'ẽ memévo chupe ñembo'épe pene ñeime porãrã, ha avei pende jerére oíva ñeime porãrã.

28 Ha ko'áġa péina ápe, che joyke'ykuéra ahayhuetéva, che ha'e peẽme, ani peimo'ã ko'ã mba'e ha'epáma; ha katu peja-popa rire opa ko'ã mba'e, peme'ẽramo pene lómo imboriahúva, ha ijopívovape, ha ndapehói hasýva ha ohasa'asýva rendápe, ha napeme'ei pene mba'ehepýgui, peguerekóramo, umi oikotevêvape—che ha'e peẽme, ndapejapóiramo mba'eve ko'ã mba'e, péina ápe, pene ñembo'e ndaha'úi mba'eve, ha ndovaléi peẽme ġuarã mba'eve, ha peẽ ha'e umi hovamokõivaicha onegáva pe jerovia.

29 Upévare, napenemandu'áiramo pendeporiahuvereco haġua, peẽ ha'e umi ytýicha, mba'apoharakuéra omombóva okápe,

(ndovaléigui mba'eve) ha oñepy-rũmbáva yvyporakuérare.

30 Ha ko'áġa, che joyke'ykuéra, che aipota, pehupyty rire hetaite testimónio, pehechávo umi escritura marangatu otestifikaha ko'ã mba'e rehe, peju ha peme'ẽ yva arrepentimientorã.

31 Heẽ, che aipota peju ha anive pemohatã pene korasõ; ha péina ápe, ko'áġa ha'e pe ára pejesalva haġua; ha upévare, peñearrepentíramo ha napemohatãiramo pene korasõ, upepete omba'apóta peẽme ġuarã upe tuicha plan rredensiõ rehegua.

32 Ha péina ápe, kóva ko tekove ha'e pe ára yvypóra oñembosako'iva'erãha oñemoi haġua Tupã renondépe; heẽ, péina ápe kóva ko tekove aja ha'e ára yvypóra ojapova'erãha hembiaipo.

33 Ha ko'áġa, che ha'e haguéicha peẽme upe mboyve, pegue-reko haguére hetaite testimónio, upévare, che ajerure peẽme ani peha'arõ ára ipahaite peve peñearrepenti haġua; ha kóva ko tekove ára rire, oñeme'ẽva ñandéve ñañembosako'i haġua ára apyra'ŷme ġuarã, péina ápe, ndajaioporuporãiramo ñande ára kóva ko tekove aja, upéi ou pe pyhare ypytũ ndaikatuíhabe ojejapo mba'evéichagua tembiapo.

34 Ndaikatumo'ái peje, peje-gueraha vove pe ñeimevaietépe, añearrepentita, ajerejeýta che Tupãme. Nahániri, ndaikatumo'ái peje upéva; pe espíritu oguere-kóva pende rete pesêvo ko teko-végui, upéva upe espíritu ipu'aka

jeýtagui oguereko haḡua pende rete upe yvóra opave'ývape.

35 Ha péina ápe, pemoha'arõramo upe ára peñearrepenti haḡua jepe pemanomeve, péina ápe, peñemoĩ pe aña espíritu poguýpe, ha ha'e pendesella imba'eramoguáicha; upévale, ojei pendehegui pe Ñandejára Espíritu, ha nahendái pendepype, ha pe aña oguereko opa pu'aka penderehe; ha kóva ha'e umi iñañáva ñeime paha.

36 Ha kóva che aikuaa, Ñandejára he'ígui ndoikoiha témplo ky'ápe, ha katu hekojojáva korasõme ha'e oiko; heẽ, ha avei he'íkuri hekojojáva oguapytaha irréinope, anive haḡuáma osẽ; ha ijaokuéra oñemomorotita pe Cordero ruguy rupive.

37 Ha ko'áḡa, che joyke'ykuéra ahayhuetéva, che aipota penemandu'a ko'ã mba'ére, ha pamba'apo kyhyjépe pene salvasiõ rehe Tupã renondépe, ha anive penega pe Cristo jeju;

38 Anive peñemoĩ pe Espíritu Santo rehe, ha katu pemoḡuahẽ chupe, ha pemoĩ pende ári pe Cristo réra; ha peñemomirĩ jepe yvytimbo peve, ha petupaitũ Tupãme, oimeraẽ hendápe peimehápe, espíritu ha añetépe; ha tapeiko opa ára aguyjépe, umi heta poriahuvereko ha jehovasa ha'e omoĩva pende ári rehe.

39 Heẽ, ha avei ha'e peẽme, che joyke'ykuéra, peñangarekóke haḡua peñembo'e memévo, ani haḡua pejegueraha umi aña jeipy'ara'ã rehe, ani haḡua ipu'aka

pende rehe, ani haḡua oiko pendehegui hembiguái ára pahápe; péina ápe, ha'endohepyme'ẽmo'ãigui peẽme mba'eveichagua mba'e porã reheve.

40 Ha ko'áḡa che joyke'ykuéra ahayhuetéva, ha'ese peẽme peguereko haḡua ñeha'arõkuaa, ha pegueropu'aka haḡua opáichagua jehasa'asy; ani peñemoĩ umi penemosẽva rehe penemboriahu haguére, ani haḡua oiko pendehegui angaipa apoha ha'ekuéraicha.

41 Ha katu peguereko ñeha'arõkuaa, ha pegueropu'aka umi jehasa'asy, peteĩ ñeha'arõ oñemovã'ývape oḡuahõtaha ára pepytu'utaha opa pende jehasa'asýgui.

ÑEMBYATY 35

Pe ñe'ẽ ñehekombo'e ohundi zoramita-kuéra ñuhã—Omosẽ hikuái umi oñekonvertiva'ekuépe, ha umítva ojoaju Jersón-pe Ammón tavayguakuéra ndive—Alma ojepy'apy itavayguakuéra rekoñañáre. 74 ary rupi Cristo mbojve.

KO'ÁḠA ojehu Amulek he'ipávo ko'ã ñe'ẽ, ojei hikuái pe atygua-súgui ha oho Jersón retãme.

2 Heẽ, ha umi ambue joyke'ykuéra, ombo'e rire pe ñe'ẽ zoramita-kuérape, oho avei Jersón retãme.

3 Ha ojehu umi herakuãporãvéva zoramita-kuéra apytépe oporandu rire ojupe umi ñe'ẽ

oñembo'eva'ekue chupekuéra rehe, ipochy hikuái umi ñe'ẽ rehe, ohundígui iñuhãnguéra; upévare nohenduséi hikuái umi ñe'ẽ.

4 Ha omondo ha ombyatyka hikuái opa upe tetã tuichakue jave opa tavayguakuérape, ha oporandu chupekuéra umi ñe'ẽ oje'eva'ekue rehe.

5 Ko'ágã itendota ha isacerdotekuéra ha imbo'eharakuéra ndohejái tavayguakuéra oikuaa pe ha'ekuéra oipotáva; upévare oporandu hikuái kiririháme mba'épa he'i opa tavayguakuéra.

6 Ha ojehu oikuaa rire hikuái mba'épa he'i opa tavayguakuéra, umi ohecha poráva umi ñe'ẽ he'iva'ekue Alma ha ijoyke'ykuéra oñemosẽ hetãgui; ha heta hikuái; ha oho avei hikuái Jersón retãme.

7 Ha ojehu Alma ha ijoyke'ykuéra oministra chupekuéra.

8 Ko'ágã zoramita tavayguakuéra ipochy Ammón tavayguakuéra ndive oíva Jersón-pe, ha zoramitakuéra tendota guasu, ha'égui peteĩ kuimba'e iñañaitereíva, oñe'ẽ Ammón tavayguakuéra ndive omokyre'yvo chupekuéra omosẽ hağua hikuái opa umi ijapytepekuéragui oğuahêva hetãme.

9 Ha ojapo heta ñe'ẽpohýi hesekuéra. Ha ko'ágã Ammón tavayguakuéra ndokyhyjéi iñe'ẽnguéragei; upévare nomoséi chupekuéra okápe, ha katu omoguahẽ hikuái mayma zoramita imboriahúva oúvape hendapekuéra; ha omongaru chupekuéra,

ha omondo, ha ome'ẽ chupekuéra yvy jehejapyre; ha oñangareko hesekuéra oipotaháicha hikuái.

10 Ko'ágã kóva omopu'ã zoramita-kuérape pochýpe Ammón tavayguakuéra rehe, ha oñepyrũ ojehe'a hikuái lamanita-kuéra ndive ha omokyre'y avei chupekuéra pochyrã hesekuéra.

11 Ha péicha zoramita-kuéra ha lamanita-kuéra oñepyrũ oñembo-sako'i ñorairõguasurã Ammón tavayguakuéra ndive, ha avei nefita-kuéra ndive.

12 Ha péicha opa pe désimo sétimo ary huekuéra ñeisãmbyhy Nefi tavayguakuéra ári.

13 Ha Ammón tavayguakuéra osẽ Jersón retãgui, ha oho Melek retãme, ha ome'ẽ Jersón retãme nefita-kuéra ehérsito rendarã, oñorairõ hağua lamanita-kuéra ha zoramita-kuéra ehérsito ndive; ha péicha oñepyrũ peteĩ ñorairõguasu lamanita-kuéra ha nefitakuéra apytépe, pe désimo octávo ary huekuéra ñeisambyhýpe; ha tenondeve oñeme'ẽta peteĩ iñorairõguasukuéra ñemombe'u.

14 Ha Alma, ha Ammón, ha ijoyke'ykuéra, ha avei mokõive Alma ra'y ohojey Zarahemla retãme, ha'e rire hikuái tembiporu Tupã pópe ogueru hağua heta zoramita arrepentimiéntope; ha opa ojguerúva arrepentimiéntope oñemosẽkuri hetãgui; ha katu oguereko hikuái ijyvy jehejapyrerã Jersón retãme, ha ojagarra hikuái umi árma oñemo'ã hağua ijupe, hambirekokuéra, ita'yra-kuéra, ha hetãnguéra.

15 Ko'áğa Alma, ojepy'apy itavayguakuéra rembiapovaíre, heẽ umi ñorairõguasu rehe, ha pe tuguy ñeñoñe, ha joavy oĩva ijapytepekuéra rehe; ha osẽvo ombo'e hağua pe ñe'ẽ, térã omondóvo oñembo'e hağua pe ñe'ẽ, opa tavayguakuéra apytépe oikóva opa tavaguasúpe; ha ohechávo tavayguakuéra korasõ oñepyrũha oñemohatã, ha ipochyha pe ñe'ẽ oñemovã'ỹva rupi, ikorasõ ojepy'apyeteri.

16 Upévore, ombyatyuka ita'y-rakuéra, ome'ẽ hağua opavavépe chupekuéra hembiaporã, peteĩ teĩme, umi mba'e ha'éva tekojoja rehegua rehe. Ha roguereko peteĩ ñemombe'u hembiapokapykuéragui, ome'ẽva'ekue chupekuéra, ikuatiajehaipyrépe oĩháicha.

Alma rembiapokapykuéra ita'ýra Helamán-pe

Oike ñembyaty 36 ha 37.

ÑEMBYATY 36

Alma otestifika Helamán-pe mba'éichapa oñekonverti ohecha rire peteĩ ángel—Ha'e ohasa peteĩ ánga oñekondenáva jehasa'asy; ha'e ohenói Jesús réra, ha upéi heñói Tupãgui—Vy'a he'ẽva omyenyhẽ hi'ánga—Ohecha angelkuéra aty omomorãva Tupãme—Heta oñekonvertíva oñandu ha ohecha ha'e oñandu ha ohecha haguéicha. 74 ary rupi Cristo mboyo.

CHE ra'y, ehendu che ñe'ẽ; che añe'ẽme'ẽgui ndéve, neñe'ẽrenduháicha Tupã rembiapoukapykuérare reñakãrapu'õtaha upe tetãme.

2 Che aipota rejapo pe che ajapo haguéicha, nemandu'ávo ñande rukuéra rekoapytĩre; oĩgui hikuái ñeñapytĩmbýpe, ha avave ndaikatúi oguenohẽ chupekuéra ndaha'éirõ pe Abraham Tupã añõnte, ha Isaac Tupã, ha Jacob Tupã; ha ha'e añetehápe omosãso chupekuéra ijeiko'asykuérape.

3 Ha ko'áğa, O che ra'y Helamán, péina ápe, nemitã niko nde, ha upévore, ajerure'asy ndéve ehendu hağua che ñe'ẽ ha eñhekombo'e chehegui; che aikuaágui umi omoĩva ijerovia Tupã rehe ojejokotaha ijepy'apýpe, ha ijejopy, ha ijehasa'asýpe, ha oñemopu'ãta ára pahápe.

4 Ha che ndaipotái reimo'ã che aikuaaha chejehegui—ndaha'éi upe yvy'ariguávagui ha katu pe espíritu reheguávagui, ndaha'éi pe apytu'ũ to'óvagai ha katu Tupãgui.

5 Ko'áğa, péina ápe, che ha'e ndéve, nachereñóirire Tupãgui ndaikuaaiva'erãmo'ã ko'ã mba'e; ha katu Tupã, hi'ángel juru rupi, oikuaauka chéve ko'ã mba'e, ndaha'éi che cherekomarangatúgui;

6 Che aikógui Mosiah ra'ykuéra ndive, añeha'ávo ahundi Tupã tupao; ha katu péina ápe, Tupã ombou hi'ángel marangatu orejoko hağua tapépe.

7 Ha péina ápe, ha'e oñe'ẽ oréve, ha'eramoguáicha arasunu ñe'ẽ, ha opa yvy oryrýi ore py guýpe; ha ore opavave ro'a yvýpe, Ñandejára kyhyje oúgui ore ári.

8 Ha katu péina ápe, pe ñe'ẽ he'i chéve: Epu'ã. Ha che apu'ã ha añembo'y, ha ahecha pe ángel.

9 Ha ha'e he'i chéve: Nde ndejehegui reñehundiséramo, anive reñeha'ã rehundi Tupã tupao.

10 Ha ojehu ha'a pe yvýpe; ha mbohapy ára aja ha mbohapy pyharekue ndaikatúi aipe'a che juru, ni ndaikatúi amongu'e che rete.

11 Ha pe ángel he'ive chéve heta mba'e, che joyke'ykuéra ohendúva, ha katu che nahendúi umíva; che ahendúvogui umi ñe'ẽ—Nde ndejehegui reñehundiséramo, anive reñeha'ã rehundi Tupã tupao—ajejopy tuichaiterei kyhyje ha ñemondýi reheve peichahágui añehundíramo ġuarã, ha ha'a yvýpe ha nahenduvéima.

12 Ha katu chejopy peteĩ jehasa'asy opave'ỹva, che ánga oí'asyetereígui ha ojejopy opa che angaipakuéra rupi.

13 Heẽ, chemandu'a opa che angaipa ha che rembiapovai-kuérare, ha umíva che ajejopy añaretã jehasa'asy reheve; heẽ, ahecha añemoĩhague che Tupãre, ha nacheñe'ẽrenduihague hembiapoukapykuéra marangatúre.

14 Heẽ, ha che ajukákuri heta

ita'yrape, ja'eporāsérō ague-rahava'ekue chupekuéra ñehundípe; heẽ, ha ipahaitépe tuichaiterei che rembiapovai-kuéra, ha ajejopy'amongetávo ahajeytaha che Tupã renondépe che ánga ojejopy ja'ekuaa'ỹva kyhyje reheve.

15 O, ajejopy'amongeta, añemosẽ ha añehundírire ánga ha tetépe, ani haġua ajegueraha añembo'y haġua che Tupã renondépe, ajehusga haġua che rembiapokuére.

16 Ha ko'áġa, mbohapy ára ha mbohapy pyharekue ajejopy, jepe peteĩ ánga oñekondenáva jehasa'asy reheve.

17 Ha ojehu péicha ajejopy jave ko jehasa'asy reheve, chejopývo opa che angaipakuéra ñemomandu'a, péina ápe, chemandu'a avei ahenduhague che ru oprofetisáramo tavayguakuérape upe Jesucristo jeju rehe, pe Tupã Ra'y, oexpia haġua yvóra angaipakuérare.

18 Ko'áġa, amoĩvo che apytu'ũ ko temiandúpe, ajerure'asy che korasõme: O Jesús, Tupã Ra'y, cheporiahuverekóna, aimégui pe vy'a'ỹ pahápe, ha ajejokua ñemano sã opave'ỹvape.

19 Ha ko'áġa, péina ápe, ajejopy'amongetávo pévare, nache-mandu'avéima che jehasa'asyre; heẽ, ndachejopyvéima che angaipakuéra ñemomandu'a.

20 Ha O, mba'e vy'a tuichaite, ha tesape hechapyrãva piko ha'e pe ahecháva; heẽ, che ánga

henyhē petēi vy'a pahágui ha'e haguéicha che vy'a'ỹ!

21 Heē, che ha'e ndéve, che ra'y, ndaiporihague mba'eve imbaretévva ni irovéva che mba'embyasykuéragai. Heē, ha avei che ha'e ndéve, che ra'y, ambue hendápe, ndaiporihague mba'eve imbaretévva ha he'ēvéva ha'e haguéicha che vy'a.

22 Heē, ha'étevaicha chéve ahecha, jepe ñande ru Lehi ohecha haguéicha, Tupã oguapývo ijapykajeguápe, ojerévo hese angelkuéra aty heta, opurahéi ha omomoráva Itupãme; heē, ha che ánga oíse'asy upépe.

23 Ha katu péina ápe, che rete ohupytyjey imbarete, ha añembo'y, ha ha'e tavayguakuérape chereñoihague Tupãgui.

24 Heē, ha upe ára guive jepeve ko'ága peve, amba'apo meménte, agueru haña angakuéra oñearrepenti haña; agueru haña chupekuéra oñandu haña pe vy'a tuichaite che añanduva'ekue; heñoi haña avei hikuái Tupãgui, ha henyhē haña pe Espíritu Santo-gui.

25 Heē, ha ko'ága péina ápe, O che ra'y, Ñandejára ome'ē chéve tuichaiterei vy'a che rembiapokuéra yvágui;

26 Pe ñe'ē ha'e oikuaaukava'ekue chéve rupi, péina ápe, heta heñoi Tupãgui, ha oñandu che añandu haguéicha, ha ohechá-kuri hesa hesaitépe che ahecha haguéicha; upépare ha'ekuéra oikuaa ko'ã mba'e che añe'ēva'ekuégui, che aikuaaháicha;

ha upe kuaapy aguerekóva ou Tupãgui.

27 Ha ajejokova'ekue opáichagua jepy'apy ha jejopýpe, heē, ha opáichagua jehasa'asýpe; heē, Tupã chemosásova'ekue ka'irãigui, ha jejokua, ha ñemanógui; heē, ha amoí che jerovia hese, ha ha'e chemosásóta gueteri.

28 Ha che aikuaa ha'e chemopu'ātaha ára pahápe, aiko haña hendive verapýpe; heē, ha che amomoráta chupe tapiate, oguenohégui ñande rukuérape Egipto-gui, ha omoñapymi egipcio-kuérape Mar Rojo-pe; ha ipu'aka rupi oguerahava'ekue ñande rukuérape yvy ñe'ēme'ēnguéme; heē, ha omosásova'ekue chupekuéra ñeñapytĩmby ha teko'apytĩgui heta ára.

29 Heē, ha oguenohéva'ekue avei ñande rukuérape Jerusalén retãgui; ha ha'e avei, ipu'aka opave'ýva rupi, omosáso chupekuéra ñeñapytĩmby ha teko'apytĩgui, heta ára, jepe ko'ára peve; ha che añongatu meme heko'apytĩngué-rare momandu'a; heē, ha nde avei nemandu'ava'erã heko'apytĩ rehe, che ajapo haguéicha.

30 Ha katu péina ápe, che ra'y, ndaha'ái kóva añónte; nde reikuaava'erãgui, che aikuaaháicha, ñe'ērenduháicha Tupã rembiapoukapykuérare reñakãrapu'áta upe tetãme; ha reikuaava'erã avei, nane'ērendúiramo Tupã rembiapoukapykuérare, reñemosétaha henondégui. Ko'ága kóva ha'e iñe'ēme he'iháicha.

ÑEMBYATY 37

Umi pláncha bronze-guigua ha ambue escritura-kuéra oñeñongatu ogueraha hağua angakuérape salvasiō peve—Jaredita-kuéra oñehundi-va'ekue hekoñaña rupi—Iñe'eme'ẽ ha ikonvénio ñemimbykuéra oñeñomi-va'erã tavayguakuéragui—Eporandu Ñandejárape opa ne rembiaporã-re—Pe Liahona ogueraha haguéicha Nefita-kuérape, upéicha avei Cristo ñe'ẽ ogueraha yvyporakuérape tekove opave'ỹvape. 74 ary rupi Cristo mboyve.

HA ko'ága, che ra'y Helamán, che ha'e ndéve ejagarra hağua umi kuationjehaipyre oñeme'ẽva'ekue chéve;

2 Ha che avei ha'e ndéve egueraha hağua peteĩ kuationjehaipyre ko tavayguakuéra rehegua, che ajapo haguéicha, Nefi planchakuéra ári, ha eñongatu marangatupe opa ko'ã mba'e che añongatuva'ekue, jepe che añongatu haguéicha; oñeñongatúgui peteĩ mba'e arandurã.

3 Ha ko'ã pláncha bronze-guigua, oguerékova ko'ã jehaipyre, oguerékova hi'ári umi escritura marangatu ñemombe'u, ha oguerékova ñande rukuéra genealogía, jepe iñepyrũmby guive—

4 Péina ápe, ñande rukuéra oprofetisava'ekue, oñeñongatuva'erãha ha oñeme'ẽva'erã peteĩgui ambue ñemoñare'atýpe, ha oñeñangareko ha oñeñongatuva'erã Ñandejára po rupi oho peve opa tetã, avaretã,

ñe'ẽ ha tavakuérape, oikuaa hağua hikuái umi mba'eñemimby oguerékovagui.

5 Ha ko'ága péina ápe, oñeñongatúramo oñongatuva'erã iverakue; heẽ, ha oñongatúta iverakue; heẽ, ha avei opa pláncha oguerékova jehaipyre marangatu.

6 Ko'ága ikatu reimo'ã ko'áva ha'eha vyrorei che ajapóva; ha katu péina ápe che ha'e ndéve, mba'e michĩ ha mba'e ndaha'ei-vaicha mba'eve rupive ojejapo tuicha mba'e; ha heta hendáicha umi mba'e michĩva omoapañuái iñarandúvape.

7 Ha Tupã Ñandejára omba'apo mba'e michĩ reheve ojapo hağua hembipota tuicha ha ijapyra'ỹva; ha mba'e michieteréiva rupi Ñandejára omoapañuái iñarandúvape ha ojapo heta ánga salvasiō.

8 Ha ko'ága, ko'ára peve ha'ékuri Tupã arandúpe ko'ã mba'e oñeñongatuha; ha péina ápe, oipy-sókuri hikuái ko tavayguakuéra mandu'a, heẽ, ha okonvensékuri hetápe hape oĩvaiha, ha oguerúkuri chupekuéra Itupã jeikuaápe hi'angakuéra salvasiōrã.

9 Heẽ, che ha'e ndéve, ndaha'éirire ko'ã mba'e ko'ã kuationjehaipyre oguerékova rupi, oĩva ko'ã pláncha ári, Ammón ha ijoyke'ykuéra ndaikatui-va'erãmo'ã okonvense hetaite miles lamanita-kuérape ituva-kuéra jepokuaa oĩvaiha; heẽ, ko'ã kuationjehaipyre ha iñe'ẽnguéra oguerahava'ekue chupekuéra arrepentimiéntope; térã,

ogueraha chupekuéra Ñandejára Itupã jeikuaápe, ha ovy'a haġua Jesucristo Irredentórpe.

10 Ha máva piko oikuaa ndaha'emo'áipa upéva rupi ojegue-rútaha heta miles chupekuéra, heë, ha avei heta miles ñande joyke'ykuéra, umi Nefita, ipy'ahatávape, ko'áġa omohatáva ikorasôkuéra angaipa ha tembiapovápe, oikuaa haġua hikuái Irredentórgui?

11 Ko'áġa ne'ira gueteri ojehchaukapa chéve ko'ã mba'e ñemimby; upéva arejokóta.

12 Ha iporântema ha'éramo oñeñongatuha peteĩ mba'e arandurã, Tupã oikuaáva; ha'e omotenondégui arandúpe opa hembiaipo, ha hapekuéra naikarëi, ha hape ha'e peteĩ ñembojere ijapyra'yva.

13 O nemandu'áke, nemandu'áke, che ra'y Helamán, noñemováiha Tupã rembiapoukapykuéra. Ha ha'e he'íkuri: Peneñe'ërendúramo che rembiapoukapykuérare peñakārapu'áta upe tetãme—ha katu napeneñe'ërendúramo hembiaipoukapykuérare peñemosëta henondégui.

14 Ha ko'áġa nemandu'áke, che ra'y, Tupã ome'ëhague ndéve ko'ã mba'e imarangatúva, ha'e oñongatuva'ekue marangatúpe, ha oñangareko ha oñongatútava avei peteĩ hembipota arandurã, ohechauka haġua ipu'aka ñemoñare'aty oútavape.

15 Ha ko'áġa péina ápe, ha'e ndéve pe espíritu profesía rehegua rupive, rejapyharáramo Tupã rembiapoukapykuéra, péina

ápe, ko'ã mba'e imarangatúva ojeipe'áta ndehegui Tupã pu'aka rupive, ha reñeme'ëta Satanápe, nemongu'e haġua mba'e raty-kuéicha yvytúpe.

16 Ha katu neñe'ërendúramo Tupã rembiapoukapykuérare, ha rekumplíramo ko'ã mba'e imarangatúva Ñandejára he'iháicha ndéve, (rehova'erāgui Ñandejárape opa mba'e umíva rejaipotavare) péina ápe, mba'evéichagua pu'aka yvy térã añaretāmegua ikatúta oipe'a ndehegui ko'áva, Tupã ipu'akapágui okumpli haġua opa iñe'ë.

17 Ha'e okumplítagui opa ñe'ëme'ë ojapóva ndéve, okumplígui iñe'ëme'ë ojapova'ekue ñande rukuérape.

18 Oñe'ëme'ëgui chupekuéra oñongatutaha ko'ã mba'e peteĩ hembipota arandurã, ohechauka haġua ipu'aka ñemoñare'aty oútavape.

19 Ha ko'áġa péina ápe, okumplíkuri peteĩ tembipota, jepe heta miles lamanita-kuéra oñemoñey pe añetegua jeikuaápe; ha umívape ha'e ohechaukákuri ipu'aka, ha avei ohechaukáta gueteri umíva rupi ipu'aka ñemoñare'aty oútavape; upéva oñeñongatúta ko'áva.

20 Upéva ha'e ndéve, che ra'y Helamán, rejesareko haġua rekumplívo opa che ñe'ë, ha rejesareko haġua neñe'ërendúvo Tupã rembiapoukapykuérare umíva ojehaiháicha.

21 Ha ko'áġa, añe'ëta ndéve umi veinticuatro pláncha rehe,

reñongatuva'erā, umi mba'e-ñemimby ha tembiapo ppytũ rehegua, ha hembiapo ñeminguera, térã pe tavayguakuera oñehundiva'ekue rembiapo ñeminguera, ojehechauka hağua ko tavayguakuera; heẽ, opa ijekakuera, ha ñemonda, ha ipokarẽ, ha opa hembiapoñaña ha hembiapoky'akuera, ikatu hağua ojehechauka ko tavayguakuera; heẽ, ha reñongatuva'erā ko'ã intérprete.

22 Ha katu péina ápe, Ñandejára ohechákuri itavayguakuera oñepyrũha omba'apo pytũmbýpe, heẽ, ojapo jejuka ha tembiapoky'a ñemi; upévore Ñandejára he'íkuri, noñarrepentíramo oñehunditaha chupekuera yvy ape árigui.

23 Ha he'i Tupã: Che ambosako'íta che rembiguái Gazelem-pe guarã, peteĩ ita, omimbítava pytũmbýpe ome'ẽ peve tesakã, ahechauka hağua che tavayguakuera chepytyvõvape, ahechauka hağua chupekuera ijoyke'ykuera rembiapo, heẽ, hembiapo ñeminguera, hembiapokuera ppytũmegua, ha hekoñaña ha hekoky'akuera.

24 Ha ko'ága, che ra'y, oñembosako'iva'ekue ko'ã intérprete oñekumpli hağua Tupã ñe'ẽ, ha'e oñe'ẽva'ekue, he'ívo:

25 Che aguenohëta pytũmbýgui tesakãme opa hembiapo ñemi ha hembiapoky'akuera; ha noñarrepentíramo hikuái ahundíta chupekuera yvy ape árigui; ha aguenohëta tesakãme

opa imba'eñemi ha hembiapoky'akuera, opa tetãme ára pahápe ohupytytava upe tetã.

26 Ha ko'ága, che ra'y, jahecha noñarrepentirihague hikuái; upévore oñehundi chupekuera, ha ko'ága peve oñekumplíkuri Tupã ñe'ẽ; heẽ, hembiapoky'a ñeminguera osëkuri pytũmbýgui ha ojeikuaaukákuri ñandéve.

27 Ha ko'ága, che ra'y, ha'e ndéve ejoko hağua opa iñe'ẽme'ẽnguera, ha ikonveniokuera, ha iñemopeteĩ hembiapoky'a ñeminguera; heẽ, ha opa hechauhakuera ha hechapyrãkuera reñongatúta ko tavayguakuera; ani hağua oikuaa hikuái, ani peichahágui ho'a avei hikuái pytũmbýpe ha oñehundi.

28 Ha péina ápe, oĩ peteĩ ñe'ẽngái opa ko tetã ári, outaha peteĩ ñehundi opavave umi ojapóva tembiapo ppytũ ári, Tupã pu'aka rupi, hi'ajupa vove hikuái; upévore che ndaipotái ko tavayguakuera oñehundi.

29 Upévore reñomíta ko tavayguakuera ko'ã plan ñemi iñe'ẽme'ẽnguera ha ikonveniokuera rehegua, ha hekoñañakuera ha ijekakuera ha hembiapoky'akuera reikuaaukáta chupekuera; ha rembo'éta chupekuera ani hağua ohayhu ko'ã tekoñaña ha tembiapoky'a ha jejuka; ha rembo'eva'erã avei chupekuera ko'ã tavayguakuera oñehundihağue hekoñaña ha hembiapoky'a ha jejukakuera rupi.

30 Ha péina ápe, ojuka hikuái

opa Ñandejára proféta ouva'ekue ijapytepekuéra oñemoñe'ẽ haġua chupekuéra hembiapovaiquerare; ha umi ojukava'ekue hikuái ruguy ojerure'asy Ñandejára Itupãme ovenga haġua chupekuéra umi ijukaharégui; ha péicha Tupã huisiokuéra oguejy ko'ã tembiapo ppytũ ha tembiapoñemi apohakuéra ári.

31 Heẽ, ha oñemoñe'ẽngái ko tetã tapiaite ġuarã umi tembiapo ppytũ ha tembiapovaiñemi apohára rupi, jepe oñehundi peve, noñearrepentíriramo hikuái hi'ajupa mboyve.

32 Ha ko'áġa, che ra'y, nemandu'a ko'ã ñe'ẽ ha'eva'ekue ndéve rehe; ani remombe'u umi plan ñemi ko'ã tavayguakerape, ha katu embo'e chupekuéra oguereko haġua jehayhu'ỹ opave'ỹva pe angaipa ha tembiapovai rehe.

33 Ehekombo'e chupekuéra pe arrepentimiénto, ha jerovia Ñandejára Jesucristo rehe; embo'e chupekuéra oñemomirĩ haġua ha ipy'aguapy ha imirĩ haġua ikorasõme; embo'e chupekuéra ipu'aka haġua opa aña jeipy'ara'ã rehe, ijerovia reheve Ñandejára Jesucristo-re.

34 Embo'e chupekuéra ani haġua ikane'õ tembiapo porãgui, ha katu taipy'aguapy ha taimirĩ hikuái ikorasõme; ko'ãva ojuhúta haguére pytu'u hi'ángape ġuarã.

35 O, nemandu'áke, che ra'y, ha eñehekombo'e arandúpe ndepyahu aja; heẽ, eñehekombo'e

ndepyahu aja neñe'ẽrenduva'erãha Tupã rembiapoukapykuérare.

36 Heẽ, ha ejerure'asy Tupãme opa mba'e reikotevẽvare; heẽ, opa ne rembiapo taha'e Ñandejárape, ha opa tenda rehohápe taha'e Ñandejárape; heẽ, eheja opa ne remiandu toho Ñandejára gotyo; heẽ, eheja ne korasõ mbo-rayhukuéra toĩ Ñandejára ndive tapiaite peve.

37 Eporandu Ñandejárape opa ne rembiapópe, ha ha'e neisambyhýta mba'eporãrã; heẽ, reñenóvo pyharekue eñeno Ñandejárape, ha'e oñangareko haġua nderehe reke jave; ha repu'avo pyharevekue tahenyhẽ ne korasõ aguyjégui Tupãme; ha rejapóramo ko'ã mba'e, reñemopu'ãta ára pahápe.

38 Ha ko'áġa, che ra'y, aguereko peteĩ mba'e ha'eva'erã pe ñande rukuéra ohenóiva esfera, térã director rehe—térã ha'ekuéra ohenoiva'ekue Liahona, oñehesa'ỹijóvo he'iséva, brújula; ha Ñandejára ombosako'iva'ekue.

39 Ha péina ápe, avave kui-mba'e ndaikatúi péicha omba'apo porãite. Ha péina ápe, oñembo-sako'iva'ekue ohechauka haġua ñande rukuérape tape ohova'e-rãháre hikuái tave'ỹre.

40 Ha omba'apo chupekuéra ġuarã ojerovia haguéicha hikuái Tupãre; upévare, oguerokóramo hikuái jerovia oguerovia haġua Tupã ikatuha ojapo umi ju ohechauka pe tape ohova'erãha hikuái, péina ápe, upéicha oiko; upévare ojejapo chupekuéra ko

milágro, ha avei heta ambue milágro ojejapova'ekue ára ha ára Tupã pu'aka rupive.

41 Upevére, ojejapógui ko'ã milágro mba'e michĩ rupive ojehechaukákuri chupekuéra tembiapo hechapyrãva. Ha katu iñate'ỹ hikuái, ha hesarái hikuái omo-mba'apo haḡua ijerovia ha ijesa-reko ha upéva rupi umi tembiapo techapyrãva opa, ha noñemotendondeí hikuái ijeguatápe;

42 Upévore, hi'are hikuái pe tave'ỹme, térã ndoguatái hikuái kare'ỹme, ha ohasa hikuái ñembyahí ha y'uhéi, hembiapovai rupi.

43 Ha ko'áḡa, che ra'y, aipota reikũmby ko'ã mba'e ha'e ha peteĩ ñemoha'anga; ñande rukuéra imbeguégui ojesareko haḡua pe brújula rehe (ko'áḡa ko'ã mba'e yvy'ariguákuri) ha'ekuéra noñakãrapu'ãikuri; jepe upéicha avei ha'e umi mba'e espíritu reheguáva ndive.

44 Ha katu péina ápe, ndahasyiete niko jajesareko haḡua pe Cristo ñe'ẽ rehe, ohechaukátava ndéve peteĩ tape ikare'ỹva pe vy'apavé opave'ỹvape, ha'e haguéicha ñande rukuérape ojesareko ko brújula rehe, ohechaukáva chupekuéra peteĩ tape ikare'ỹva pe yvy ñe'ẽme'ẽngue gotyo.

45 Ha ko'áḡa che ha'e, ndaipóri piko ko'ã mba'épe peteĩ ñemoha'anga? Ha añetehápe ogueru haguéicha ko director ñande rukuérape, pe yvy ñe'ẽme'ẽnguépe, ojapo haguére hikuái he'íva ipype, péicha Cristo ñe'ẽ,

jajapóramo pe he'íva, ñandegueraháta ko yvytupa'ũ mboypýrigui oĩháme vy'a'ỹ peteĩ yvy jehejapyre iporãvévape.

46 O che ra'y, ani ñaneate'ỹ pe tape ndahasýi haguére; péicha ojuhúgui ñande rukuérape; péicha oñembosako'ígui chupekuéra ḡuarã, oikove haḡua omañáramo; péicha avei ñanendive. Pe tape oñembosako'íma, ha ñamañaséramo ikatúta jaikove tapiate peve.

47 Ha ko'áḡa, che ra'y, eñanga-reko ko'ã mba'e marangatúre, heẽ, eñeha'áke tereho Tupãme reikove haḡua. Tereho ko tavayguakuéra apytépe ha emombe'u pe ñe'ẽ, ha ne akãguapy. Che ra'y, jajoecha peve.

Alma rembiapoukapykuéra ita'yra Shiblón-pe.

Oike ñembyaty 38.

ÑEMBYATY 38

Shiblón hekojojágui oñemuña—Pe salvasiõ oĩ Cristo-pe, ha'éva yvóra rekove ha resape—Ejoko opa ne rembipotakuéra. 74 ary rupi Cristo mboyye.

CHE ra'y, ehendu che ñe'ẽ, che ha'égui ndéve, jepe ha'e haguéicha Helamán-pe, neñe'ẽrenduháicha Tupã rembiapoukapykué-rare reñakãrapu'ãta upe tetãme; ha naneñe'ẽrendúiramo Tupã

rembiapoukapykuérare reñemo-sēta henondégui.

2 Ha ko'áğa, che ra'y, ajerovia aguerekotaha tuicha vy'a nde rupive, neñemovã'y ha ndejeroviarekóre Tupã ndive; ha reñepyrũ haguéicha rejerovia Ñandejára nde Tupã rehe ndepyahu aja, jepe upéicha aipota neñe'ẽrendu rehóvo hembiapoukapykuérare; ojevohasapyrégui upe oñeha'ãmbaitéva ipahaite peve.

3 Che ha'e ndéve, che ra'y, aguerekomahákuri tuicha vy'a nderehe, nde jeroviareko ha nde jesareko, ha ne ñeha'arõkuua ha nde py'aporã rupi zoramitakuéra apytépe.

4 Aikuaágui reimehague jejukuapýpe; heẽ, ha avei aikuaa rejé'íta'apihague ñe'ẽ rupi; ha nde regueropu'akákuri ñeha'arõkuua reheve opa ko'ã mba'e Ñandejára oĩgui nendive; ha ko'áğa reikuaa Ñandejára nemosãsohague.

5 Ha ko'áğa che ra'y, Shiblón, aipota nemandu'a, rejeroviaháicha Tupãre reñemosãsóta ndejepy'apy, ha jejopy, ha ndejeiko'asykuérargui, ha reñemopu'ãta ára pahápe.

6 Ko'áğa, che ra'y, che ndaipotái reimo'ã aikuaaha ko'ã mba'e chejegui, ha katu Tupã Espiritu oĩva chepype oikuaauka chéve ko'ã mba'e; ha nachereñóirire Tupãgui ndaikuaaiva'erãmo'ã ko'ã mba'e.

7 Ha katu péina ápe, Ñandejára iporiahuvereko tuichápe ombou hí'ángelpe omombe'u hağua chéve ambopahava'erãha

ñehundi rembiapo itavaygua-kuéra apytépe; heẽ, ha ahechákuri peteĩ ángel che rova renondépe, ha oñe'ẽ chéve, ha iñe'ẽ ha'e arasunúicha, ha omboryryi opa pe yvy.

8 Ha ojehu mbohapy arakue ha mbohapy pyharekue aimékuri tuichaitereivéva ánga vy'a'y ha jepy'apýpe; ha ndaha'éi, ajerure'asy peve poriahuverekóre Ñandejára Jesucristo-pe, ahupytíkuri che angaipa jora. Ha katu péina ápe, ajerure'asy chupe ha ajuhu py'aguapy che ángape ğuarã.

9 Ha ko'áğa, che ra'y, ha'ékuri ndéve kóva reñemoarandu hağua, reikuaa hağua chehegui ndaiporiha ambue mba'éichapa ni mba'erupive yvypóra ikatuha ojesalva, ndaha'éiramo Cristo-pe ha hese rupive. Péina ápe, ha'e niko pe yvóra rekove ha resape. Péina ápe, ha'e niko pe ñe'ẽ añetegua ha tekojoja rehegua.

10 Ha ko'áğa, reñepyrũ haguéicha rembo'e pe ñe'ẽ, péicha aipota rembo'eve rehóvo; ha aipota rejesareko ha neakãguapy opa mba'épe.

11 Eñeha'ãke ani eñembotuicha pe orgúllope; heẽ, eñeha'ã ani ejerovia ne arandúre, ni nembareteitereĩgui.

12 Eiporu py'aguasu, ha katu ani ñembotuicha; ha eñeha'ã avei ejejoko opa ne rembiptápe, nerenyhẽ hağua mborayhúgui; eñeha'ã emombia ate'y.

13 Ani reñembo'e zoramitakuéraicha, ehechágui ha'ekuéra

oñembo'eha oñehenduka ha-
 ñgua yvyporakuérare, ha oñemo-
 morã hañua iñarandu haguére
 hikuái.

14 Ani ere: O Tupã, che ame'ẽ
 ndéve aguyje oreporãvégui ore
 joyke'ykuéragai; ha katu ere: O
 Ñandejára, eperdona che rembia-
 povai, ha nemandu'a che joyke'y-
 kuérare poriahuverekópe—heẽ,
 ehechakuaa nderekojoja'ỹ Tupã
 renondépe opa ára.

15 Ha Ñandejára tohovasa ne
 ánga, ha tanemoñuahẽ ára pa-
 hápe irréinope, eguapy hañua
 py'aguapýpe. Ko'áña tereho, che
 ra'y, ha embo'e upe ñe'ẽ ko tavay-
 guakuérape. Neakãguapýke. Che
 ra'y, jajoecha peve.

Alma rembiapoukapykuéra ita-
 'ýra Coriantón-pe.

*Oike ñembyaty 39 guive 42 peve
 avei.*

ÑEMBYATY 39

*Pe angaipa meña rehegua ha'e peteĩ
 tembiapoky'a—Coriantón angai-
 pakuéra rupi zoramita-kuéra no-
 henduséi pe ñe'ẽ—Cristo rredensio
 omba'apo jepe osalva hañua umi
 ijeroviarekova'ekue ha'e ou mboyve.
 74 ary rupi Cristo mboyve.*

HA ko'áña, che ra'y, aguerekove
 mba'e ha'eva'erã ndéve ha'eva-
 'ekuégui nde joyke'ýpe; ha katu
 péina ápe, nde piko nderehechái

nde joyke'y ñemovã'ỹ, ijerovia-
 reko, ha ijesareko iñe'ẽrendu
 hañua Tupã rembiapoukapy-
 kuérare? Péina ápe, nome'ẽi
 piko ndéve ha'e peteĩ techapyrã
 iporãva?

2 Nde nderejesarekoietékuri
 che ñe'ẽre nde joyke'y ojapo ha-
 guéicha, zoramita tavayguakuéra
 apytépe. Ko'áña kóva ha'e pe
 aguerekóva nderehe; nde reñe-
 mbotuichákuri ne mbarete ha
 ne arandúre.

3 Ha ndaha'ei kóvante, che
 ra'y. Nde rejapókuri chéve ñuarã
 ipohyietereíva; rehejágui pe mi-
 nistério, ha reho Sirón retãme
 lamanita-kuéra rembe'ýpe, pe
 kuña rekovai Isabel rapykuéri.

4 Heẽ, ha'e omondákuri heta
 korasõ; ha katu ndaha'ei upéva
 rehente, nde rejapova'erã avei
 upéicha, che ra'y. Nde rejesare-
 kova'erãmo'ákuri pe ministério
 oñeme'eva'ekue ndéve rehe.

5 Ndereikuaái piko nde, che
 ra'y, ko'ã mba'e ha'eha peteĩ
 tembiapoky'a Ñandejára resa
 renondépe; heẽ, ijeja'e'ỹvéva opa
 angaipágui ndaha'éiramo tuguy
 ipotíva ñeñohẽ térã pe Espiritu
 Santo ñenega?

6 Ha péina ápe, renegáramo
 pe Espiritu Santo oiko rire nde-
 pype, ha reikuaa renegaha hína,
 péina ápe, péva ha'e angaipa
 noñeperdonáiva; heẽ, ha pe opo-
 rojukáva Tupã resape ha jeikuaa
 rehe, hasy chupe ñuarã ohupyty
 perdón; heẽ, che ha'e ndéve, che
 ra'y, hasy chupe ñuarã ohupyty
 perdón.

7 Ha ko'ága, che ra'y, toipota Tupã ani oime rejapo ra'e ko tembiapovaiete. Ha nañe'ëveiva'erãmo'ã ne rembiapovai rehe, ajopy hağua ne ánga, ndaha'éirire ne ñeime porãrã.

8 Ha katu péina ápe, ndaikatúi reñomi ne rembiapovaikuéra Tupãgui; ha nereñearrepentíriramo opu'ãta nderehe testimónioramo ára pahápe.

9 Ko'ága che ra'y, aipota reñearrepenti ha reheja ne angaipakuéra, ha anive ejegueraha nde resa oipotáva rehe, ha katu ejekoko opa ko'ã mba'égui; ha rejapo'yramo péva mba'éveícharamo nderehupytymo'ãi Tupã rréino. O, nemandu'áke, ha ejepy'amoí, ha ejekoko ko'ã mba'égui.

10 Ha ha'e ndéve reñe'ême'ẽ hağua eporandutaha nde joyke'ykuéra kakuaavévape ne rembiapokuéra rehegua; ha katu péina ápe, nde ndepyahu, ha reikotevẽ oñangareko nderehe nde joyke'ykuéra. Ha ejapysaka iñemoñe'ẽnguérare.

11 Ani ejeguerahauka mba'eve mba'erei ha vyrorei rehe; ani eheja aña ogueraha jey ne korasõ umi kuña rekovai rapykuéri. Péina ápe, O che ra'y, tuichaite tembiapovai piko reguerúkuri zoramita-kuéra ári; ohechávogui hikuái pe nde rejapóva ndogueroviaséi che ñe'ẽ.

12 Ha ko'ága Ñandejára Espíritu he'i chéve: Ere nde ra'ykuérape tojapo pe iporáva, ani hağua omovã hetágui ikorasõ oñehundi

peve; upévare che ha'e ndéve, che ra'y, Tupã kyhyjépe, ejekoko hağua ne rembiapovaikuéragui;

13 Ejere hağua Ñandejára go-tyo opa ne apytu'ũ, pu'aka, ha mbarete reheve; anive emovã ambue korasõ ojapo hağua tembiapoñaña; ka katu ehojey hendapekuéra, ha ehechakuaa ne rembiapovaikuéra ha umi tekoñaña rejapova'ekue.

14 Ani eheka mba'ehepy ni umi yvorapegua mba'erei; péina ápe, ndaikatúigui egueraha umíva nendive.

15 Ha ko'ága, che ra'y, ha'ese ndéve peteí mba'e pe Cristo jeju rehe. Péina ápe, ha'e ndéve, ha'e ha'eha pe oútava oipe'a hağua angaipakuéra yvóragui; heẽ, ha'e ou omombe'u hağua itavaygua-kuérape umi mba'e porã salvasiõ rehegua.

16 Ha ko'ága, che ra'y, kóva ha'ékuri pe ministério reñehenói haguépe, remombe'u hağua ko'ã mba'e porã ko tavayguakuérape, embosako'i hağua iñapytu'ũnguéra; térã pe salvasiõ ou hağua chupekuéra, ombosako'i hağua hikuái ita'yraquéra apytu'ũ ohendu hağua pe ñe'ẽ ára ha'e ou vove.

17 Ha ko'ága ambopy'aguapy'imíta ne apytu'ũ ko mba'e rehe. Péina ápe, remomba'eguasu mba'érepa ojeikuaava'erã ko'ã mba'égui upe mboyvete. Péina ápe, che ha'e ndéve, naiporãi piko Tupãme ġuarã peteí ánga ko árape iporãtaháicha chupe ġuarã ára ha'e ou vovépe?

18 Natekotevëi piko ojeikua-
auka pe plan rredensiõ rehegua
ko tavayguakuérape ha upéicha
avei ita'y rakuérape?

19 Hasy piko Tupãme ombou
hi'ángel ko árape omombe'u
hağua ko'ã mba'e porã ñandéve
ha upéicha avei ñande ra'ykué-
rape, ojabatoháicha ára ha'e ou
vovépe?

ÑEMBYATY 40

*Cristo ojapo opa yvypóra jeikove-
jey—Hekojojáva omanova'ekue
oho paraísope ha umi hekoñañáva
yppytũ okapeguápe oha'arõ hağua
ára oikovejey hağua—Opa mba'e
oñemoĩjéyta oĩ haguéicha ha oĩporã-
mbáta pe jeikovejéype. 74 ary rupi
Cristo mboypve.*

Ko'ÁĞA che ra'y, péina ápe peteĩ
mba'e ha'esevéva ndéve; ahechá-
gui ne apytũ'ũ ojepy'apyha umi
omanova'ekue jeikovejey rehe.

2 Péina ápe, che ha'e ndéve,
ndaiporiha jeikovejey—térã,
ambue ñe'ême, ha'ese, ko oma-
nokuaáva noñemoĩmo'ãi ñe-
manove'yramo, ko ñembyai
noñemoĩmo'ãi ñembyai'yra-
mo—ndaha'éiramo Cristo jeju
rire peve.

3 Péina ápe, ha'e ojapo omano-
va'ekue jeikovejey. Ha katu péina
ápe, che ra'y, pe jeikovejey ne'ĩra
gueteri oğuahẽ. Ko'áğã, aikuaau-
káta ndéve peteĩ mba'eñemimby;
upevére, oĩ heta mba'eñemimby
oñeñomíva, avave ndoikuaáva

ndaha'éirõ Tupã añõnte. Ha katu
ahechauka ndéve peteĩ mba'e
aporanduva'ekue jesarekópe
Tupãme aikuaa hağua—pe jei-
kovejey rehegua.

4 Péina ápe, oñemoĩva'ekue pe-
teĩ ára opavave opu'áva'erähápe
omanova'ekue apytégui. Ko'áğã,
araka'épa ouíta ko ára avave
ndoikuaái; ha katu Tupã oikuaa
upe ára oñemoĩva'ekue.

5 Ko'áğã, oĩtapa peteĩha, térã
mokõiha, térã mbohapyha ára
yvyporakuéra opu'átaha oman-
nova'ekue apytégui, ndaha'éi
mba'eve; Tupã oikuaapágui opa
mba'e; ha iporãntema chéve ai-
kuaa upeichataha—oĩha peteĩ ára
oñemoĩva'ekue opavave opu'á-
taha omanova'ekue apytégui.

6 Ko'áğã, oĩmanteva'erã peteĩ
pa'ũ pe ára oñemanoha ha pe ára
ojeikovejeyha mbytépe.

7 Ha ko'áğã che aporanduse
mba'épa oiko yvyporakuéra
ángagui ko ára ñemanoha guive
pe ára oñemoĩva'ekue ojeikovejey
hağua peve?

8 Ko'áğã, ndaha'éi mba'eve
oĩvéramo peteĩ áragui oñemoĩ-
va'ekue yvyporakuéra oikovejey
hağua; nda'opavavéi omanógui
peteĩ ára jave, ha péva ndaha'éi
mba'eve; opa mba'e ha'e peteĩ
áranter Tupãme ġuarã, ha yvypó-
rape ġuarãnte ojeipapa ára.

9 Upépare, oñemoĩva'ekue yvy-
porakuérape peteĩ ára oikovejey
hağua omanova'ekue apytégui;
ha oĩ peteĩ pa'ũ pe ára ñemanoha
ha pe jeikovejeyha mbytépe. Ha
ko'áğã, ko ára pa'ũ rehe, mba'épa

oiko yvyporakuéra ángagui, ha'e pe mba'e aporanduva'ekue jesarekópe Ñandejárape aikuaa ha'gua, ha péva ha'e pe mba'e che aikuaáva.

10 Ha o'guahẽ vove ára opavave opu'ájeyha, upéramo oikuaáta hikuái Tupã oikuaaha opa ára oñemoiva'ekue yvypórape.

11 Ko'ága, pe ánga ñeime re-hegua pe ñemano ha jeikovejey pa'ũme—péina ápe, ojeikuaaucha chéve peteĩ ángel rupive, opa yvyporakuéra espíritu, ojeívó ko tete omanokuaávagui, heẽ, opa yvypóra espíritu, taha'e hekoporã térã hekoñaáva, ojeguerahajey upe Tupãme ome'eva'ekue chu-pekuéra tekove.

12 Ha upérõ ojuhúta, umi hekojjava'ekue espíritu oñemo-guahêta peteĩ vy'a ñeimépe, hérava paraíso, peteĩ pytu'u ñeimépe, peteĩ ñeime py'agua-pýpe, opytu'utahápe hikuái opa ijehasa'asy ha jepy'apy, ha vy'a'ygui.

13 Ha upéramo ojuhúta, umi iñaáva espíritu, heẽ, umi hi'a-ñaáva—péina ápe, ndoguerékói hikuái pe Ñandejára Espíritugui tenda ni pehẽngue; péina ápe, oiporavo haguére hikuái tembiapo ñaña iporãvarangue; upéva pe aña espíritu oike ipypekuéra, ha oñemomba'e hogakuérare—ha ko'áva oñemosêta ypytũ okape-guápe; oíta tasẽ, ha pyahẽvai, ha tái ñembopu, ha kóva hembia-povaikuéra rupi, ojeguerahágui chu-pekuéra ñeñapytĩmbýpe aña oipotaháicha.

14 Ko'ága péva ha'e umi iña-ñaáva angakuéra ñeime, heẽ, py-tũmbýpe, ha peteĩ ñeimevai, ha ñanemongyhyjéva ñeha'aharõme pe Tupã pochy hendypáva ou hi'arikuéra; ha péicha opyta hikuái ko ñeimépe, umi hekoj-jáva oiháicha upe paraísope, ára oikovejey peve hikuái.

15 Ko'ága, oĩ oimo'áva ko vy-ápe ñeime ha pe ánga teko'asýpe ñeime, jeikovejey mboyve, ha'eha upe peteĩha jeikovejey. Heẽ, che ha'e ikatuha oñehenói upévape peteĩ jeikovejey, ko espíritu térã ánga ñemopu'ã, ha iñemoi vy'a térã teko'asýpe, umi ñe'ẽ oje'e-va'ekuépe he'iháicha.

16 Ha péina ápe, oje'eva'ekue avei, oĩha jeikovejey peteĩha, peteĩ jeikovejey opa umi oiva'e-kue, oiva, térã oĩtavagui, Cristo oikovejey peve omanova'ekue apytégui.

17 Ko'ága, nañaimo'ái ñande ko jeikovejey peteĩha, oñeñe'ẽ haguégui péicha, ha'eha pe angakuéra jeikovejey ha iñemohenda vy'a térã teko'asýpe. Ndaikatúi reimo'ã kóva he'iseha.

18 Péina ápe, che ha'e ndéve, Nahániri; ha katu he'ise ánga ha rete ñembojoaju, umi oikove-va'ekue Adán ára guive Cristo jeikovejey peve.

19 Ha katu umi ánga ha rete-kuéra oñeñe'ẽhague hína oñembojoajupataha peteĩ jave, iñaña térã hekojojáva, che nda'ei; ipo-rãntema chéve ha'e opavave opu'átaha; térã ambue ñe'eme, jeikovejeykuéra oikotaha umi

omanótava Cristo jeikovejey rire mboyve.

20 Ko'áğa, che ra'y, nda'úi ijeikovejeykuéra ouha Cristo jeikovejépe; ha katu, ha'e chejegui, umi hekojojáva ánga ha rete oñembojoajutaha, ára Cristo oikovejey vove, ha ojupi vove yvágape.

21 Ha katu upévapa oikóta ára ha'e oikovejey vove térã upe rire, upéva che nda'úi, ha katu che ha'e, oíha peteĩ pa'ũ pe tete ñemano ha jeikovejey mbytépe, ha peteĩ ánga ñeime vy'a térã teko'asyépe upe ára peve Tupã omoíva'ekue opu'ã hağua hikuái omanova'ekue apytégui, ha ojoaju hağua, pe ánga ha tete, ha ojgueraha oñembo'y hağua Tupã renondépe, ha ojehusga hağua hembiapokuérare.

22 Heẽ, kóva rupi ojejapo umi mba'e ñemoijey oje'eva'ekue profetakuéra juru rupive.

23 Pe ánga oñemoijeyta tetépe, ha pe tete ángape; heẽ, ha opa tete pehëngue ha kangue ojoajuha oñemoijeyta hetépe; heẽ, ni peteĩ akãrague nokañymoi'ái akãgui; ha katu opa mba'e oñemoĩporãmbajeyta ko'áğa oíháicha.

24 Ha ko'áğa, che ra'y, kóva ha'e pe ñemoijey oñemombe'uva'ekue profetakuéra juru rupive—

25 Ha upéramo umi hekojojáva omimbíta Tupã rréinope.

26 Ha katu péina ápe, peteĩ ñemanovaita ou umi iñañavape; omanógui hikuái umi mba'e ha'éva tekojoja reheguápe;

iky'águi hikuái, ha mba'eve iky'áva ndaikatúi ohupyty pe Tupã rréino; ha katu oñemosẽ hikuái okápe, ha oñemoĩ ohupyty hağua ojavova'ekue térã hembiapokuéra yva, ivaiva'e-kue; ha hoy'u hikuái peteĩ káli iróva ratykue.

ÑEMBYATY 41

Pe jeikovejépe yvyporakuéra oikovejey peteĩ ñeime vy'a opavé'yvape térã peteĩ teko'asy opavé'yvape—Tekoñaña ndaha'eiva'ekue araka'eve vy'apavẽ—Yvyporakuéra ho'oñeiméva oĩ Tupã'yre yvórape—Pe ñemoijépe opavave yvypórape oñeme'ejey umi heko ha ijepokuaa ohupytyva'ekue hekove ñemanokuaápe. 74 ary rupi Cristo mboyve.

HA ko'áğa, che ra'y, aguereko peteĩ mba'e ha'e hağua ndéve pe ñemoijey oñeñe'eva'ekue rehe; péina ápe, oĩ tekove omokarëva umi escritura, ha oñemovã mombyry ko'ã mba'e rupi. Ha che ahecha ne apytu'ũ ojepy'apyhague avei ko mba'e rehe. Ha katu péina ápe, amyesakãta ndéve upéva.

2 Che ha'e ndéve, che ra'y, pe plan ñemoijey rehegua oñeikotevëha Tupã hustisiápe; teko-tevëgui opa mba'e oñemoijey hendaitépe. Péina ápe, tekotevë ha ijoja, Cristo pu'aka ha jeikovejeypeguaícha, pe yvypóra ánga toñemoijey hetépe, ha hetépe toñemoijey ipehënguekuéra.

3 Ha tekotevē Tupā hustísiape yvyporakuéra ojehusga hembia-pokuére; ha hembiapokue iporã-ramo ko tekovépe, ha iporãramo ikorasõ oipotáva, toñemoijey avei chupekuéra pe iporãvape ára pahápe.

4 Ha hembiapokuéra ivaíramo oñemoijeyta chupekuéra mba'e-vairã. Upévare, opa mba'e oñemoijeyta hendaitépe, opa mba'e oíva'erãháicha—pe ñemanokuaa opu'ãta ñemano'ỹme, ñembyai ñembyai'ỹme—oñemopu'ã peteĩ vy'a opave'ỹvape ohupyty haḡua Tupā rréino, térã peteĩ teko'asy opave'ỹvape ohupyty haḡua aña rréino, peteĩva peteĩ hendápe, ha ambuéva ambue hendápe—

5 Peteĩme oñemopu'ã vy'ápe oipota haguéicha vy'a, térã pe iporãvape oipota haguéicha iporãva; ha ambuevape mba'e vaípe oipota haguéicha ivaíva; ha ojapose haguéicha ivaíva opa ára péicha ohupytyta avei hepyme'ẽ ivaívagui oḡuahẽ vove pyhare.

6 Ha péicha oiko ambue hendápe. Oñearrepentíramo iñangaipágui, ha oipotáramo hekojojáva hí'ára paha peve, upéicha avei ojehepyme'ẽta chupe tekojojápe.

7 Ko'áva ha'e Ñandejára orredimíva; heẽ, ko'áva ha'e umi ojeoráva, umi oñemosásóva pe pyhare ypytũ opave'ỹvagui; ha péicha ojejoko térã ho'a hikuái; ha katu péina ápe, ha'e hikuái hue ijupekuéra ḡuarã, taha'e ojapo haḡua iporáva térã ivaíva.

8 Ko'ága, Tupā rembipota

ndaikatúi oñemovã; upévare, oñembosako'iva'ekue upe tape opavave oipotáva oiko haḡua ipype ha ojesalva haḡua.

9 Ha ko'ága péina ápe, che ra'y, anive reñeha'ã reñemoĩ Tupãre umíva umi doctrina-pe, ko'ága peve reñeha'ã haguéicha reja-póvo angaipa.

10 Ani reimo'ã, oñeñe'ẽ haguére pe ñemoijey rehe, reñemoijeytaha angaipágui vy'ápe. Péina ápe, che ha'e ndéve, pe tekoñaña ndaha'eva'ekue araka'eve vy'apavẽ.

11 Ha ko'ága, che ra'y, opa yvy-póra oíva peteĩ ñeime natural-pe, térã ha'ese, peteĩ to'o ñeimépe, oĩ hikuái vy'a'ỹ pahápe ha tembiapovai sãme; oĩ hikuái Tupã'ỹre yvórape, ha ojapo hikuái ndaha'eva Tupã reko; upévare, oĩ hikuái peteĩ ñeime oñemoivape upe vy'a reko rehe.

12 Ha ko'ága péina ápe, he'ise piko pe ñemoijey, jajagarra peteĩ mba'e iñeime natural-gui ha ñamoĩ peteĩ ñeime ndaha'eva natural-pe, térã ñamoĩ peteĩ ñeime oñemoivape heko natural-re?

13 O, che ra'y, ndaha'etí upéicha; ha katu pe ñe'ẽ ñemoijey he'ise oñeme'ẽjey ivaíva ivaíva rehe, térã ho'óva to'ópe, térã aña reheguáva añáme; iporáva iporãvape, hekojojáva hekojojáva rehe, ijojáva ijojáva rehe, iporiahuverekóva iporiahuverekóva rehe.

14 Upévare, che ra'y, eñeha'ã ndeporiahuvereco nde joyke'ykuéra ndive; ejapo hustísia, ehusga hustísia reheve, ha ehusga tekojojápe, ha ejapo pe iporáva

opa ára; ha rechapóramo opa ko'ã mba'e, upéicharamo rehupytýta nde repyme'ẽ; heẽ, pe poriahuvereko oñemoiñeýta ndéve ãuarã; pe hustisia oñemoiñeýta ndéve ãuarã; oñemoiñeýta ndéve peteĩ huísio ijojáva; ha ojehepyme'ẽjeýta ndéve iporãvape.

15 Ha ndehogui osêva niko ou jeýta ndéve, ha oñeme'ẽ jeýta ndéve; upévore pe ñe'ẽ ñemoiñeý okondenave iñangaipávape, ha mba'évepe ndohustifikái chupe.

ÑEMBYATY 42

Ko ñemanokuaápe ñeime ha'e peteĩ py'ara'ãrã ñeime ohejáva yvypórape toñearrepenti ha tomba'apo Tupãme ãuarã—Pe je'a ogueruva'ekue ñemano yvy'arigua ha espíritu rehegua opa yvyporakuéra ári—Pe rredensio ou arrepentimiénto rupive—Tupãite voi oexpia angaipakuéra yvorapeguáre—Pe poriahuvereko ha'e umi oñearrepentívape ãuarã—Opavave hembýva opyta Tupã hustisiapape—Poriahuvereko ou pe expiasio rupi—Umi oñearrepenti añetéva añónte ojesalváta. 74 ary rupi Cristo mboyve.

HA ko'ãga, che ra'y, che ahecha oíveha peteĩ mba'e ojopýva ne apytu'ũ, ndaikatúiva reikũmby—ha ha'e pe Tupã hustisia iñangaipávape jehavira rehegua; reimo'ãgui ndaijojaiha oñemoi pe iñangaipávape peteĩ teko'asy ñeimépe.

2 Ko'ãga péina ápe, che ra'y, che amyesakãta ndéve ko'ã mba'e. Péina ápe, Tupã Ñandejára omosẽ rire ñande ru ypykuérape upe jardín Edén-peguágui, oñemity haña pe yvy, ojejapo haguégui hikuái—heẽ, oguenohẽ yvypórape, ha omoĩ keruvinkuéra upe jardín Edén-pegua kuarahyresẽ rembe'yype, ha peteĩ kysepuku hendýva ojeréva opárupi, oñongatu haña pe vyramáta tekove rehegua—

3 Ko'ãga, jahecha pe yvypóra ha'ehague Tupãicha, oikuaávo iporã ha ivaíva; ha ani haña oipysa ipo, ha ho'u avei pe vyramáta tekove reheguágui, ha ho'u ha oikove tapiate, Tupã Ñandejára omoĩ keruvinkuéra ha pe kysepuku hendýva, ani haña ho'u hí'águi—

4 Ha péicha jahecha, oñeme'ẽhague yvypórape peteĩ ára oñearrepenti haña; heẽ, peteĩ ára jeipy'ara'ãrã, peteĩ ára oñearrepenti haña ha omba'apo haña Tupãme ãuarã.

5 Ha péina ápe, Adán oipy-sórire ipo upe jave, ha ho'u pe vyramáta tekove reheguágui, oikoveva'erãmo'ã tapiate, Tupã ñe'ẽme he'iháicha, oguereko mboyve peteĩ ára oñearrepenti haña; heẽ, ha avei Tupã ñe'ẽ opytava'erãmo'ã mba'évécharamo, ha pe tuicha plan salvacio rehegua opareiva'erãmo'ã.

6 Ha katu péina ápe, oje'eva'ekue yvypórape omanova'erãha—upévore, ojeipe'aháicha

chupekuéra pe vyvramáta tekove reheguágui, péicha ojeipe'áta chupekuéra yvy ape árigui—ha pe vyypóra okañy tapiajte peve guarã, heẽ, oiko chugui vyypóra ho'apyréva.

7 Ha ko'ága, rehecha ko'áva rupi ñande ru pyykuéra ojeipe'ahague Ñandejára renondégui yvy arigua ha espíritu reheguávape; ha péicha jahecha oikohague chuguikuéra vyypóra isásóva oho haña oipotáva rapykuéri.

8 Ko'ága péina ápe, naiporãikuri pe vyypóra oñembohasa ko yvy'arigua ñemanógui, upéva ohundimo'ã haguére pe plan guasu vy'a rehegua.

9 Upévare, pe ánga araka'eve ndaikatúigui omano, ha je'a oguerúgui opa vyyporakuéra ári peteĩ ñemano espíritu ha yvy'ariguáva, péva he'ise, ojeipe'a chupekuéra Ñandejára renondégui, pévare oñeikotevẽ pe vyypóra oñeipysyrõ ko ñemano espíritu reheguávagui.

10 Upévare, oikógui chugui-kuéra tekove ho'oñeiméva, oñeme'éva ho'o oipotávape, ha ñañaáva, ijeheguiete, ko ñeime jeipy'ara'arã ha'e chupekuéra guarã peteĩ ñeime oñembosako'i haña; ha'e peteĩ ñeime ñembosako'irã.

11 Ha ko'ága nemandu'áke, che ra'y, ndaha'éirire upe plan rredensiõ rehegua rupive (oñemboykérõ upéva) hi'angakuéra heko'asyva'erãmo'ã ha'ekuéra omano vove, ojeipe'águi chupekuéra Ñandejára renondégui.

12 Ha ko'ága, ndaiporimo'ãikuri mba'éichapa oñepysyrõ haña vyypórape ko je'a ñeimégui, ha'ete voi ogueruva'ekue hi'ári naiñe'ẽrendúigui;

13 Upévare, pe hustisia he'iháicha, upe plan rredensiõ rehegua ndaikatumo'ãikuri ojejapo, ndaha'éiramo pe vyypóra oñearrepentíramomante ko jeipy'ara'arãme ñeimépe; heẽ, ko ñembosako'irãme ñeimépe; ha upeicha'yramo, pe poriahuvereko ndaikatumo'ãikuri ojapo mba'eve ohundi'yramo pe hustisia rembiapo. Ko'ága pe hustisia rembiapo ndaikatúikuri oñehundi; upéicharire, Tupã ndaha'eveimava'erãmo'ã Tupã.

14 Ha péicha jahecha opa vyyporakuéra ho'ahague, ha oña pe hustisia pópe; heẽ, Tupã hustisia, ogueraháva chupekuéra ojeipe'a haña tapiajte guarã henondégui.

15 Ha ko'ága, ndaikatúikuri ojejapo upe plan poriahuvereko rehegua ndojejapóiramo peteĩ expiasiõ; upévare Tupãite voi oexpia yvóra angaipakuéra, ojapo haña upe plan poriahuvereko rehegua, omyenyhẽ haña pe hustisia ojeruréva, Tupã ha'e haña peteĩ Tupã hekoporãmbaitéva, Tupã ijojáva, ha avei Tupã iporiahuverekóva.

16 Ko'ága, pe arrepentimiénto ndaikatúikuri oñuahẽ vyyporakuérape ndaipóiramo peteĩ jehavira, ha'éva avei opave'yva pe ánga rekovéicha, oñemoiva ombohováivo upe plan vy'a

rehegua, ha'éva avei opave'yva pe ánga rekovéicha.

17 Ko'áğa, mba'éichapa ikatútara'e pe yvypóra oñearrepenti ndojapóiramo angaipa? Mba'éichapa ikatútara'e ojapo angaipa ndaipóririre léi? Mba'éichapa ikatútara'e oĩ peteĩ léi ndaipóriramo peteĩ jehavira?

18 Ko'áğa, oñemoĩkuri peteĩ jehavira, ha oñeme'ẽ peteĩ léi ijová, oguerúva py'ã ñembyasy yvypórape.

19 Ko'áğa, noñeme'ẽirire peteĩ léi—pe yvypóra oporójukáva omanova'erã—okyhyjeva'erãmo'ã piko omanotaha oporójukáramo?

20 Ha avei, ndaipóririre mba'évéichagua léi oñemoĩva pe angaipa rehe yvyporakuéra ndokyhyjeiva'erãmo'ã ojapo hağua angaipa.

21 Ha noñeme'ẽirire mba'évéichagua léi, mba'épa ikatútara'e ojapo pe hustisia yvyporakuéra ojapóramo angaipa, térã pe poriahuvereko, ndoguerekomó'ãgui hikuái derécho ojerurévo tekovekuérare?

22 Ha katu oñeme'ẽva'ekue peteĩ léi, ha oñemoĩ peteĩ jehavira, ha oñeme'ẽkuri peteĩ arrepentiénto; ha poriahuvereko ojerure upe arrepentiénto; nda'upéichairamo, pe hustisia ojerure pe tekovére ha okumpliuka pe léi, ha pe léi ojerure peteĩ jehavira; ndaupéichairamo, hustisia rembiapokuéra oñehundíta, ha Tupã ndaha'emo'ávéma Tupã.

23 Ha katu Tupã ha'e gueteri

Tupã, ha poriahuvereko ojerure pe oñearrepentíva rehe, ha poriahuvereko ou pe expiasiõ rupive; ha pe expiasiõ rupive omanomava'ekue oikovejey; ha omanomava'ekue jeikovejey ogueraha yvyporakuérape Tupã renondépe; ha péicha oñemoĩjey hikuái henondépe, ojehusga hağua hembiapokuére, pe léi ha hustisiape he'iháicha.

24 Ha katu péina ápe, pe hustisia omomba'apo opa iderécho, ha avei pe poriahuvereko ojerure imba'éva rehe; ha péicha, avave ndojesalvái ndaha'éiramo pe añetehápe oñembyasyva.

25 Mba'épa, reimo'ã piko nde pe poriahuvereko ikatuha omonda upe hustisiape? Che ha'e ndéve, Nahániri; ni michími. Upéicharire, Tupã ndaha'eveimava'erãmo'ã Tupã.

26 Ha péicha Tupã ojapo hembipotakuéra tuicha ha ijapyra'yva, oñembosako'iva'ekue yvóra ñepyrũmby guive. Ha péicha ou yvypóra salvasiõ ha rredensiõ, ha avei ñnehundi ha heko'asy.

27 Upévare, O che ra'y, opavave ouséva ikatu ou ha hoy'u oipotaháicha y tekove reheguágui; ha opavave ndousévape ndoje'ei ou hağua; ha katu ára pahápe oñemoĩjeýta chupe hembiapokuéicha.

28 Ojaposéramokuri pe ivaíva, ha noñearrepentíriramo oikoveaja, péina ápe, pe ivaíva oñeme'ẽjeýta chupe, pe Tupã ñemoĩjeýpe he'iháicha.

29 Ha ko'áğa, che ra'y, che

ndaipotavéima reheja ndejopy ko'ã mba'e, ha eheja tandejopy ne angaipakuérante, pe py'apy reheve ndeguerahátava arrepentimiéntope.

30 O che ra'y, che aipota anive renega pe Tupã hustísia. Anive reñeha'ã eñemoĩporã ni michĩmi ne angaipakuérare, renegávo Tupã hustísia; ha katu eheja pe Tupã hustísia, ha iporiahuvereco, ha ipy'aporã tomyenyhẽ ne korasõ; ha eheja upéva tanemomirĩ yvytimbo peve.

31 Ha ko'ágã, O che ra'y, reñehenói Tupãgui rembo'e haña Tupã ñe'ẽ ko tavayguakuérape. Ha ko'ágã, che ra'y, tereho, emombe'u pe ñe'ẽ añete ha akãguapýpe, egueru haña angakuéra arrepentimiéntope, pe tuicha plan poriahuvereco rehegua ikatu haña ojerure hesekuéra. Ha tome'ẽ ndéve Tupã che añe'ẽ haguéicha. Amén.

ÑEMBYATY 43

Alma ha ita'yra kuéra ombo'e pe ñe'ẽ—Zoramita-kuéra ha ambue nefita-kuéra ojeiva'ekuégui oiko lamanita-kuéra—Lamanita-kuéra ou ñorairõguasúpe nefita-kuéra rehe—Moroni o'arma nefita-kuérape áarma omo'áva chupekuérape—Ñandejára ohechauka Alma-pe Lamanita-kuéra plan—Nefita-kuéra omo'ã hogakuéra, hekosãsokuéra, hogaguakuéra, ha irreligionkuéra—Moroni ha Lehi ehersitokuéra

omongora lamanita-kuérape. 74 ary rupi Cristo mboyve.

Ha ko'ágã ojehu Alma ra'ykuéra osẽ tavayguakuéra apytépe, ombo'e haña chupekuéra pe ñe'ẽ. Ha Alma, avei, ha'ete, ndaikatúi opytu'u, ha osẽ avei.

2 Ko'ágã ndoro'emo'ávéima mba'eve hekombo'ekuérare, ndaha'éiramo ombo'ehague hikuái pe ñe'ẽ, ha pe añetegua, pe espíritu profesía ha revelasiõ rehegua he'iháicha; ha ombo'e hikuái pe Tupã orden marangatúre oñehenoihague rupi chupekuéra.

3 Ha ko'ágã che ahajey peteĩ ñemombe'úpe ñorairõguasú nefita ha lamanita-kuéra apytépe rehegua, désimo octávo ary huekuéra ñeisambyhýpe.

4 Ha katu péina ápe, ojehu zoramita-kuéragui oiko lamanita-kuéra; upévale, oñepyrũvo pe désimo octávo ary nefita-kuéra tavayguakuéra ohecha lamanita-kuéra ouha hi'ári; upévale oñembosako'i hikuái ñorairõguasurã; heẽ, ombyaty hikuái ijehersitokuéra Jersón retãme.

5 Ha ojehu lamanita-kuéra ou imilkuéra reheve; ha oñuahẽ hikuái Antiónum retãme, ha'éva zoramita-kuéra retã; ha peteĩ kuimba'e hérava Zerahemna ha'ékuri imburuvicha.

6 Ha ko'ágã, amalekita-kuéra, ijehégui, iñañavégui ha oporokasevégui lamanita-kuéragui, upévale, Zerahemna ohenói mburuvicha guasu lamanita-

kuéra ári, ha opavave ha'e amalekita ha zoramita.

7 Ko'áña ojapo upéva oñongatu haña ijehayhu'ỹ oguerekóva nefita-kuéra rehe, omoĩ haña chupekuéra ipoguýpe ojapo haña hikuái ojaposéva.

8 Ha katu péina ápe, pe ha'e oipotáva niko ha'e omokyre'ỹ lamanita-kuérape pochyra nefita-kuéra rehe; ha kóva ha'e ojapo ohupyty haña tuicha pu'aka hiarikuéra, ha avei oguereko haña pu'aka nefita-kuéra ári omoivo chupekuéra ñeñapytĩmbype.

9 Ha ko'áña, nefita-kuéra oipotáva niko ha'e omo'ã ijyvy, ha hogakuéra, ha hambireko, ha ita'yraakuéra, omo'ã haña chupekuéra ihayhu'ỹhakuéra pógui; ha avei omo'ã haña iderécho ha ñeme'ẽmbyrekuéra, heẽ, ha avei hekosãso, otupaitũ haña hikuái Tupãme ojaposeháicha.

10 Oikuaágui ho'áramo hikuái lamanita-kuéra pópe, oimeraëva otupaitũramo Tupãme espíritu ha añetépe, pe Tupã añetegua ha oikovévape, lamanita-kuéra ohunditaha chupe.

11 Heẽ, ha oikuaa avei hikuái jehayhu'ỹete oguerekóva lamanita-kuéra ijoyke'ykuérare, ha'éva Anti-Nefi-Lehi tavayguakuéra, oñehenoiva'ekue Ammón tavayguakuéra—ha ko'ãva ndojagarraséikuri umi arma, heẽ, ojapova'ekue hikuái peteĩ konvénio ha ndojapyharaséi umiva—upévare, ho'áramo hikuái lamanita-kuéra pópe oñehundíta.

12 Ha nefita-kuéra ndohejamo'ãi

oñehundi hikuái; upévare ome'ẽ chupekuéra yvy ijehejapyrerã.

13 Ha Ammón tavayguakuéra ome'ẽ nefita-kuérape heta imba'ehepykuéragui omongaru haña ijehersitokuéra; ha péicha nefita-kuéra oñemoimante, ha'ekuéra año, lamanita-kuérare, ha'éva Lamán ha Lemuel ra'ykuéra aty, ha Ismael ra'ykuéra, ha opavave oséva'ekue nefita-kuéragui, ha'éva amalekita ha zoramita-kuéra, ha umi rréi Noé sacerdote-kuéra ñemoñare.

14 Ko'áña ko'ã ñemoñarekuéra hetaiterei, haimete, nefita-kuérai-cha; ha péicha nefita-kuéra oñemoimante oñorairõ ijoyke'ykuéra ndive, oñeñohe peve tuguy.

15 Ha ojehu oñembyatývo lamanita-kuéra ehérsito Antiónum retãme, péina ápe, nefita-kuéra ehérsito oñembosako'ima hína oñemoi haña hesekuéra Jersón retãme.

16 Ko'áña, nefita-kuéra mburuvicha, térã pe kuimba'e oñehenoiva'ekue ha'e haña nefita-kuéra mburuvicha guasu—ko'áña pe mburuvicha guasu oisãmbyhy opa nefita-kuéra ehérsitope—ha héra ha'e Moroni;

17 Ha Moroni ojagarrapa pe ñeisãmbyhy, ha ñorairõkuéra ñemboguata. Ha ha'e oguereko veinticinco arýnte oñehenoiramoguare mburuvicha guasu nefita-kuéra ehérsito ári.

18 Ha ojehu ha'e ojejuhu lamanita-kuéra ehérsito ndive Jersón rembe'ýpe, ha itavayguakuéra oñe'arma kysepukúpe, simitarra,

ha opáichagua árma ñorairõgua-surã reheve.

19 Ha lamanita-kuéra ehérsito ohechávo Nefi tavayguakuéra, térã Moroni, ombosako'ihague itavayguakuérape pyti'amo'ãha ha mo'ãha jyvaregua reheve, ha avei tetemo'ãha omo'ã hağua hikuái iñakã, ha avei oñemonde hikuái ao anambusúpe—

20 Ko'áğa Zerahemna ehérsito noñembosako'íri mba'eve ko'ã mba'e reheve; oguerékókuri hikuái ikysepuku ha isimitárrante, ihu'y ha ijvyrapã, ijita ha hi'ondakuéra; ha ijopívo hikuái, ndaha'éiramo peteĩ pire ogue-raháva hikuái ilómore añónte; heẽ, opavave ha'ekuéra ijopívo, ha zoramita ha amalekita-kuéra katu nahániri.

21 Ha katu noñe'armái hikuái pyti'amo'ãha, ni tetemo'ãha reheve—upévore, okyhyjeterei hikuái nefita-kuéra ehérsitogui hí'armadurakuéra rupi, jepe hetaitereive hikuái nefita-kuéragui.

22 Péina ápe, ko'áğa ojehu noñanimái oñemoivo hikuái nefita-kuéra rehe pe Jersón retã rembe'ýpe; upévore osẽ hikuái Antiónum retãgui pe tave'ýme, ha ojapo hikuái peteĩ ñembojere pe tave'ýre, amo pe ysry Sidón ykua yvúpe, oğuahẽ hağua Manti retãme ha ojagarra hağua hikuái upe tetã; noimo'ãigui hikuái Moroni ehersitokuéra oikuaataha moõ gotyopa ohóra'e hikuái.

23 Ha katu ojehu, osẽmívo hikuái pe tave'ýme Moroni omondo oma'ẽnemíva tave'ýme

oma'ẽñemi hağua hendakuérare; ha Moroni, avei, oikuaágui Alma profesiakuéra, ombou hendápe kuimba'ekuéra, ojerure hağua chupe oporandu hağua Ñandejárape moõ gotyopa ohova'erã nefita-kuéra ehérsito oñemo'ã hağua lamanita-kuéragui.

24 Ha ojehu Ñandejára ñe'ẽ ou Alma-pe, ha ha'e omombe'u umi Moroni mombe'uhárape, lamanita-kuéra ehérsito ojereha hína pe tave'ýre, oğuahẽ hağua Manti retãme, omoñepyrũ hağua peteĩ ñorairõ pe tavayguakuéra ikangyvehápe. Ha umi mombe'uhára oho ha ome'ẽ pe marandu Moroni-pe.

25 Ko'áğa Moroni, ohejávõ mbovymi ijehérsito Jersón retãme, ani peichahágui oĩ umi lamanita-kuéra apytégui oikéva upe tetãme ha ojagarra pe tavaguasu, ojagarra ijehérsito rembyre ha oho Manti retãme.

26 Ha ha'e ojapouka opa tavayguakuéra upe tetãmegua toñembyaty ñorairõrã lamanita-kuéra ndive, omo'ã hağua ijvykuéra ha hetã, iderécho ha hekosāsokuéra; upévore oĩ hikuái ñembosako'ípe ára lamanita-kuéra oğuahêtahápe ġuarã.

27 Ha ojehu Moroni ojapouka ijehérsito okañy vytytapa'ũ oĩva ysry Sidón rembe'y ypýpe, oĩva ysry Sidón kuarahyreike gotyo pe tave'ýme.

28 Ha Moroni omoĩ oma'eñemíva ijerére, oikuaa hağua araka'épa oğuahêta lamanita-kuéra ehérsito.

29 Ha ko'áŕa, Moroni oikuaágui lamanita-kuéra ojaposéva, ha pe ha'ekuéra ojaposéva ha'e ohundi ijoyke'ykuérape, téra ipu'aka hesekuéra ha ogueraha chupekuéra ñeñapytĩmbýpe omopu'ã haŕua hikuái ijupe ŕuarã peteĩ rréino opa upe tetãme;

30 Ha ha'e oikuaávo avei nefita-kuéra oipotáva ha'eha ijyvy, ha hekosãso, ha itupao ñeñongatũnte, upévore noimo'ãi angaipaha omo'ã chupekuéra ñembotavy rupi; upévore, oikuaa umi oma'ẽ-ñemíva rupi moõ gotyopa ohóta lamanita-kuéra.

31 Upévore, ha'e omboja'o ijehérsito ha ogueru peteĩ ijapyteguigua pe vytyta'ũme, ha omokañy chupekuéra kuarahyresẽ gotyo, ha vyty Ripla sur gotyo;

32 Ha hembyre omokañy vytyta'ũme kuarahyreike gotyo, ysry Sidón kuarahyreike gotyo, ha upéicha, Manti retã rembe'y peve.

33 Ha omohendávo upéicha ijehérsito ha'e oipotaháicha, ha'e oñembosako'íkuri ojotopa haŕua hendivekuéra.

34 Ha ojehu lamanita-kuéra ojupi pe vyty nóртеpe, okañyháme peteĩ Moroni ehérsito aty.

35 Ha lamanita-kuéra ohasa rire vyty Ripla, ha oikévo pe vytyta'ũme, ha oñepyrũvo ohasa pe ysry Sidón, upe ehérsito súrpe okañýva hína vytytýpe, oñeisa-mbyhýva peteĩ kuimba'e hérava Lehi rehe, ha ha'e ogueraha ijehérsitokuéra kuarahyreikére

gotyo ha ombojere lamanita-kuérape hapykuépe.

36 Ha ojehu lamanita-kuéra, ohechávo nefita-kuéra ouha chupekuéra hapykuéguio, ojerejey hikuái ha oñepyrũ oñorairõ Lehi ehérsito ndive.

37 Ha oñepyrũ pe jejuka ambue henda gotyo, ha katu ivaive lamanita-kuéra apytépe, hete opívokuéra noñemo'ãgui umi ñenupã'atã nefita-kuéra ome'ëvagai chupekuéra ikysepuke ha isimitarra reheve, ojukáva chupekuéra haimete peteĩ teĩ ñenupãme.

38 Ha ambue hendápe katu, sapy'a py'a ho'a jepi peteĩ kuimba'e nefita-kuéra apytégui, kysepuku rupi ha huguypágui, oñemo'ãgui hete pehẽnguekuéra tekoverã, téra umi hete tekoverã pehẽnguekuéra oñemo'ã lamanita-kuéra ñenupãgui ipyti'amo'ãhakuéra, ijyvaregua mo'ãhakuéra ha iñakãmo'ãhakuéra rupi; ha upéicha nefita-kuéra ogueru ñemano lamanita-kuéra apytépe.

39 Ha ojehu lamanita-kuéra tuicha oñemondýi, upe ñehundi guasu oíva ijapytepekuéra rupi, jepe oñepyrũ meve okañy hikuái Sidón ysry gotyo.

40 Ha omuña chupekuéra Lehi ha kuimba'ekuéra oíva hendive; ha ojgueraha hikuái Lehi rehe ysry Sidón ykuéra peve, ha ohasa hikuái ysry Sidón rupi. Ha Lehi ojoko ijehérsito ysry Sidón rembe'ýpe, ani haŕua ohasa hikuái.

41 Ha ojehu Moroni ha ijehérsito

ohuġuaitī lamanita-kuérape pe vytypa'úme, ysyry Sidón mboypýri, ha oñepyrũ ho'a hi'arikuéra ha ojuka chupekuéra.

42 Ha lamanita-kuéra okañjey chuguikuéra, Manti retã gotyo; ha ojotopajey hikuái Moroni ehersitokuéra ndive.

43 Ko'áġa ko árape lamanita-kuéra oñorairõ mbarete; heẽ, araka'eve ndojeikuaaiva'ekue lamanita-kuéra oñorairõha pu'aka tuichaite ha kyhyje'yme, nahániri, ni iñepyrũmby guive jepeve.

44 Ha omokyre'y chupekuéra zoramita ha amalekita-kuéra, ha'éva itendota guasu ha imburuvichakuéra, ha avei Zerahemna, ha'éva imburuvicha guasu, térã tendota guasu ha mburuvicha; heẽ, oñorairõ dragõicha hikuái, ha heta nefita-kuéra omano iporupikuéra, heẽ, omboja'ógui mokõi hendápe heta iñakãmo'ãhakuéra, ha ojapyhara heta ipyti'amo'ãhakuéra, ha hetágui oikyti hikuái ijyva; ha péicha lamanita-kuéra oipy'ajopy chupekuéra ipochyvaietépe.

45 Upevére, omokyre'y nefita-kuérape peteĩ mba'e iporãvéva, noñorairõigui hikuái mbarete ni pu'aka rekávo, ha katu oñorairõ hikuái hõga ha hekosãso rehe, hembireko ha ita'yraquerare, ha opa mba'e oguererekóvare hikuái, heẽ, iñembo'e tupaitũrã rehe ha itupaokuéra rehe.

46 Ha ojapo hikuái pe ha'ekuéra oñandúva ha'eha hembiaporã Itupã ndive ġuarã; Ñandejára

he'íguikuri chupekuéra, ha ituvakuérape avei, péicha: Ndapejapoíramo peẽ pe ñemyrõ peteĩha, ni mokõiha, ndapehejamo'ãi pejejuka penderayhu'yhakuéra po rupi.

47 Ha avei, Ñandejára he'iva'ekue: Pemo'ãta pende rogayguakuéra tuguy ñeñohe meve jepeve. Upévare péva rupi nefita-kuéra oñorairõ lamanita-kuéra ndive, oñemo'ã haġua ijupe, ha hogaguakuérape, ha ijyvy, ha hetã, ha iderécho, ha irreligionkuéra.

48 Ha ojehu Moroni kuimba'ekuéra ohechávo lamanita-kuéra ñarõ ha pochy, haimete ojevvy ha okañy chuguikuéra. Ha Moroni, ohechávo pe ojaposéva hikuái, omondo ha omokyre'y ikorasõkuéra ko'ã py'amongeta reheve—heẽ, ijyvykuéra py'amongeta reheve, isãsokuéra, heẽ, iñemosãso ñeñapytĩmbýgui.

49 Ha ojehu ohojey hikuái lamanita-kuéra ári, ha ojerure'asy hikuái peteĩ ñe'ẽme Ñandejára Itupãme, hekosãso rehe ha iñemosãso ñeñapytĩmbýgui rehe.

50 Ha oñepyrũ oñemoĩ hikuái lamanita-kuéra rehe pu'akápe; ha pe ára oñembo'e jave hikuái Ñandejárape hekosãsóre, lamanita-kuéra oñepyrũ oñani henderãkuéra; ha oñani hikuái jepe Sidón ykuéra peve.

51 Ko'áġa, lamanita-kuéra hetave, heẽ, mokõi jey ohasave hetaitereivépe nefita-kuéragui; upevére, oñemuña chupekuéra oñembyaty peve hikuái peteĩ

atýpe pe vyvitypa'ũ, ysyry Sidón rembe'y ári.

52 Upévare Moroni ehersitokuéra ojere hesekuéra, heẽ, jepeve mokõive ysyry rembe'y rupi, péina ápe, kuarahyresẽ gotyo oĩgui Lehi ehersitokuéra.

53 Upévare Zerahemna ohechávo Lehi kuimba'ekuérare oĩva pe ysyry Sidón kuarahyresẽ gotyo, ha Moroni ehersitokuérare ysyry kuarahyreike gotyo, ha nefita-kuéra ojereha hesekuéra, ojagarra chupekuéra kyhyjevai.

54 Ko'ága Moroni, ohechávo ikyhyjevaikuéra, he'i kuimba'ekuéra oĩvape hendive anive haña oñohẽ huguykuéra.

ÑEMBYATY 44

Moroni he'i lamanita-kuérare ojapo haña hikuái petei konvênio py'agua-pyrã térã oñehundíta chupekuéra—Zerahemna ombotove pe jerure, ha ñorairõ oñepyrũjey—Moroni ehersitokuéra ipu'aka lamanita-kuérare. 74–73 ary rupi Cristo mboyye.

HA ojehu opyta hikuái ha ojei aũguimi chuguikuéra. Ha Moroni he'i Zerahemna-pe: Péina ápe, Zerahemna, ore noroñohẽsevéma yvyporakuéra ruguy. Nde reikuaa peimeha ore pópe, upevére ndoporojukasevéima.

2 Péina ápe, ndorojúi roñorairõ haña penendive roñohẽ haña pende ruguy rohekávo pu'aka; ni noromoiséi pe ñeñapytĩmby júgo avave ári. Ha katu upévare

peẽ pejúkuri orerehe; heẽ, ha pendepochy orendive ore religiõn rupi.

3 Ha katu ko'ága, pehecha Ñandejára oĩha orendive; ha pehecha peneme'ẽha oréve ore pópe. Ha ko'ága aipota peikũmby ko'áva ojejapoha orendive ore religiõn ha ore jerovia Cristo rehe rupi. Ha ko'ága pehecháma ndaikatuiha pehundi ko ore jerovia.

4 Ko'ága, pehecha kóva ha'eha Tupã jerovia añetegua; heẽ, pehecha Tupã oremo'ata, ha oñangarekotaha orerehe, ha oreñongatúta, orejeroviareko aja hese, ha ore jeroviáre, ha ore religiõn-re; ha araka'eve Ñandejára ndohejamo'ái roñehundi ndaha'éiramo ro'a haguére tembiapovaípe ha ronega ore jerovia.

5 Ha ko'ága, Zerahemna, che ha'e ndéve, pe Tupã ipu'akapáva rérape, omombareteva'ekue ore jyva rohupyty haña pu'aka pende ári, ore jerovia rupi, ha ore religiõn, ha ore ñembo'e tupaitũrã, ha ore tupao rupi, ha pe ñangareko marangatu roguerekóva rupi ore rembirekokuéra ha ore ra'ykuéra ndive, pe tekosãso orembojoajúva ore yvy ha ore retã rehe; heẽ, ha avei oreñe'ẽrendu haguére Tupã ñe'ẽ marangatúre, ome'ẽva oréve opa ore vy'apavẽ; ha opa mba'e rohayhúvare—

6 Heẽ, ha ndaha'éi pévante; che ha'e peẽme, peikoveseháicha, peme'ẽ haña oréve pene árma ñorairõguasurã, ha noroñohẽmo'ái pende ruguy, ha katu rohejáta peẽme peikove, pehóramo pende

rape rupi ha anivéma peju ñorairõguasúpe orerehe.

7 Ha ko'áãa, ndapejapóiramo kóva, péina ápe, peime ore pópe, ha ha'éta che ehersitokueraaguápe ho'a haãua pende ári, ha omoï haãua pende retére ñemano jekutu, péicha peñehundi haãua; ha upéramo jahecháta mávapa oguereko pu'aka ko tavayguakuéra ári; heë, jahecháta mávapa ojegueraháta ñeñapytĩmbýpe.

8 Ha ko'áãa Zerahemna ohendúvo ko'ã ñe'ẽ oñemotenonde ha ome'ẽ ikysepuku ha isimitarra, ha ijyvyrapã Moroni pópe, ha he'ï chupe: Péina ápe, ko'ápe oï ore árma ñorairõguasurã; rome'éta ndéve, ha katu ndorojapomo'ãi peteï ñe'ẽme'ẽ nendive, roikuaáva ndorojapomo'ãiha, ha avei ore ra'ykuéra; ha katu ejagarra ore árma ñorairõguasurã, ha eheja toroho pe tave'yme; ndaupéichairamo rojokóta ore kysepuku, ha ore pu'akáta penderehe, ýramo romanóta.

9 Péina ápe, ore ndaha'úi pende jerovia rehegua; ndorogueroviái ha'éha Tupã oreme'éva'ekue pende pópe; ha katu roguerovia ha'éha pende katupyry peneñongatuva'ekue ore kysepukúgui. Péina ápe, ha'e pende pyti'amo'ãha ha pende retemo'ãhakuéra peneñongatuva'ekue.

10 Ha ko'áãa Zerahemna oñe'ẽmbávo ko'ã ñe'ẽ, Moroni ome'ẽjey ikysepuku ha umi árma ñorairõguasurã, oñeme'éva'ekue chupe, Zerahemna-pe, he'ivo: Péina ápe, ñamohu'áta ko ñorairõ.

11 Ko'áãa che ndaikatúi ajevuyumi ñe'ẽ añe'éva'ekuégui, upévare Ñandejára oikoveháicha, ndapehomo'ãi pejapo'ýramo peteï ñe'ẽme'ẽ ndapejumo'ãveimaha ñorairõme orerehe. Ko'áãa peimémaramo ore pópe roñohëta pende ruguy yvýpe, téra pejapóta pe ha'eva'ekue peëme.

12 Ha ko'áãa Moroni he'ivo ko'ã ñe'ẽ, Zerahemna ojagarra ikysepuku, ha ipochy Moroni ndive, ha ojeity hi'ári ojuka haãuaícha Moroni-pe; ha katu omopu'ávo ikysepuku, péina ápe, peteï Moroni soldádo oity hi'ári peteï ñenupã oityva chugui yvýpe ikysepuku, ha omopë hi'yva; ha avei oikutu Zerahemna-pe ha oikyti chugui iñakãpire ha upéva ho'a yvýpe. Ha Zerahemna ojei chuguikuéra isoldadokuéra apytépe.

13 Ha ojehu pe soldádo oiva upépe, pe oikytiva'ekue Zerahemna akãpire, omopu'ã yvýgui ipire iñakãraguégui, ha omoï ikysepuku apýrare, ha oipyso ha'ekuéra gotyo, he'ivo chupekuéra ñe'ẽ sapukáipe:

14 Jepe ho'a haguéicha yvýpe ko akãpire, ha'éva pende ruvicha mba'e, péicha pe'áta peë yvýpe peme'ẽ'ýramo pene armakuéra ñorairõguasurã ha peho mboyve pejapo peteï konvénio py'aguapyrã.

15 Ko'áãa oï heta, ohendúvo ko'ã ñe'ẽ ha ohechávo pe akãpire kysepuku ári, ojejopyva kyhyje reheve; ha heta ohasa ha oity hi'árma ñorairõguasurã Moroni py gotyo, ha ojapo peteï konvénio

py'aguapyrã. Ha opavave oja-póvape konvénio ojeheja oho tave'ýme.

16 Ko'áãa ojehu Zerahemna oñeko'õieterei, ha omokyre'ý pochyã isoldádo rembyrépe, oñorairõ mbareteve haãua hikuái nefita-kuéra ndive.

17 Ha ko'áãa, Moroni ipochy, lamanita-kuéra ñemohatã rupi; upévare he'i itavayguakuérape ho'a haãua hi'arikuéra ha ojuka haãua chupekuéra. Ha ojehu oñepyrũ hikuái ojuka chupekuéra; heẽ, ha lamanita-kuéra oñorairõ imbarete ha ikysepekukuéra reheve.

18 Ha katu péina ápe, ipire ijopívo ha iñakãnguéra oñemo'ã'ýva opyta nefita-kuéra kysepuku rãimbe jehupytype. Heẽ, péina ápe ojekutuvaipa ha ojeipy'ajopy chupekuéra, heẽ, ha pya'eterei ho'a hikuái nefita-kuéra kysepuku renondépe; ha oñepyrũ ojeity chupekuéra, jepe oprofetisa haguéicha pe Moroni soldádo.

19 Ko'áãa Zerahemna, ohechávo opavave oñehundi potaitaha, ojeruré'asy Moroni-pe, oñe'ẽme'évo chupe ha'e ha itavayguakuéra ojaipotaha konvénio hendivekuéra, ohejárano hikuái hekove umi hembývape, araka'eve ndoumo'ãveimaha hikuái ñorairõguasu reheve hesekuéra.

20 Ha ojehu Moroni ombopaha jey pe jejuka tavayguakuéra apytépe. Ha ojararra lamanita-kuéra árma ñorairõguasurã; ha

ojapo rire hikuái peteĩ konvénio hendive py'aguapyrã, ojeheja chupekuéra osẽ tave'ýme.

21 Ko'áãa, ndojeipapái he'õ-nguekuéra hetaitereígui; heẽ, he'õnguekuéra hetaiterei, péicha nefita ha lamanita-kuéra apytépe.

22 Ha ojehu oity hikuái umi he'õ-nguekuéra ysry Sidón ykuérape, ha ojegueraha chupekuéra ha ojepoi yguasu ipypukuvehápe.

23 Ha nefita-kuéra ehérsito, téra Moroni mba'éva, ohojey ha oãuahẽ hóga ha hetãmekuéra.

24 Ha péicha opa upe désimo octávo ary huekuéra ñeisãmbyhy Nefi tavayguakuéra ári. Ha péicha opa Alma kuationjehaipyre, ojehaiva'ekue Nefi pláncha ári.

Nefi tavayguakuéra, ha iñorairõguasu ha iñesẽnguéra ñemombe'u, Helamán ára aja, Helamán kuationjehaipyrépe he'iháicha, ha'e ohaiva'ekue hi'ára aja.

Oike ñembyaty 45 guive 62 peve avei.

ÑEMBYATY 45

Helamán oguerovia Alma ñe'ẽ—Alma oprofetisa nefita-kuéra ñehundi—Ha'e ohovasa ha omoñe'ẽngái upe tetã—Ikatu oime Alma ojeguerahara'e pe espíritu rehe, ojegueraha haguéicha Moisés—Hetave upe ñesẽ tupaógui. 73 ary rupi Cristo mboype.

PÉINA ápe, ko'ága Nefi tavayguakuéra ovy'aiterei, Ñandejára omosãso jey haguére chupekuéra ihayhu'ýhakuéra pógui; upévare ome'ë hikuái aguyje Ñandejára Itupãme; heë, ha oajuna ha oñembo'e heta hikuái, ha otupaitũ hikuái Tupãme peteĩ vy'a tuichaitereíva reheve.

2 Ha ojehu pe désimo novéno ary huekuéra ñeisambyhýpe Nefi tavayguakuéra ári, Alma ou ita'ýra Helamán rendápe ha he'í chupe: Regueroviápa umi ñe'ë ha'eva'ekue ndéve ko'ã kuationehaipyre ojehaiva'ekuere?

3 Ha Helamán he'í chupe: Heë, che aguerovia.

4 Ha Alma he'í jey chupe: Regueroviápa Jesucristo, pe ouva'erãme?

5 Ha ha'e he'í: Heë, che aguerovia opa ñe'ë nde ereva'ekue.

6 Ha Alma he'í jey chupe: Ne-ñe'ërendútapa che rembiapoukapykuérare?

7 Ha ha'e he'í: Heë, cheñe'ërendúta ne rembiapoukapykuérare opa che korasõ reheve.

8 Ha upémarõ he'í chupe Alma: Ejehovasapyréva nde; ha Ñandejára nemoakãrapu'ãta ko tetãme.

9 Ha katu péina ápe, che aguereko peteĩ mba'e aprofetisa haña ndéve; ha katu che aprofetisátava ndéve neremombe'umo'ãi; heë, pe che aprofetisátava ndéve ndojeikuaaukamo'ãi, jepe oñekumpli peve upe profesía; upévare ehai umi ñe'ë ha'étava.

10 Ha ko'áva ha'e umi ñe'ë:

Péina ápe, che ahecha kóva ko tavayguakuéra, nefita-kuéra, pe espíritu rrevelasiõ rehegua oíva chepype rupi, cuatrocientos arýpe ára Jesucristo ojehechauka rire chupekuéra, ho'áta jerovia'ýme.

11 Heë, ha upéramo ohecháta hikuái ñorairõguasu ha mba'asyvai, heë, ñembyahýi ha tuguy ñeñohe, jepe Nefi tavayguakuéra ojejukapa peve—

12 Heë, ha kóva ho'átgui hikuái jeguerovia'ýme ha ho'áta hikuái tembiapo ppytũme, ha tekotie'ý, ha opáichagua tembiapovaípe; heë, che ha'e ndéve, iñangaipátgui hikuái tuichaitesape ha jeikuaa rehe, heë, che ha'e ndéve, upe ára guive, nomanombajepemo'ãi pe irundy ñemoñare ou mbovyve ko tuichaites tembiapovai.

13 Ha oñuahë vove upe ára guasu, péina ápe, pya'e oñuahë ára umi ko'ága ha'éva, térã, umi ko'ága ojeipapáva Nefi tavayguakuéra apytépe ñemoñare, ndojeipapamo'ãveimaha Nefi tavayguakuéra apytépe.

14 Ha katu umi opytáva, ha noñehundíriva upe ára tuicha ha oporomondyietévape, ojeipapáta lamanita-kuéra apytépe, ha ha'éta ha'ekuéraicha, maymáva, ndaha'éiramo mbovymi oñehenóitava Ñandejára remimbo'e; ha ko'ávape lamanita-kuéra omuñáta jepe ojejukapa peve. Ha ko'ága, pe tembiapovai rupi, kóva ko profesía oñekumplíta.

15 Ha Ko'ága, ojehu Alma he'í

rire ko'ã mba'e Helamán-pe, ha'e ohovasa chupe, ha avei ambue ita'y rakuérape; ha ha'e avei ohovasa pe yvy hekojojavakuéra ñeimeporã.

16 Ha ha'e he'i: Péicha he'i Tupã Ñandejára—Oñemoñe'engáita pe yvy, heë, kóva ko yvy, oñehundi hağua opa tetã, avaretà, ñe'ë, ha tavaygua, hembiaapo ñañáva, hi'ajupa vove hikuái; ha che ha'e haguéicha ojuhúta; kóva ha'égui Tupã ñe'engái ha Jehovaha upe tetã ári, Ñandejára ndaikatúigui ohechaporã ni michími pe angaipa.

17 Ha ko'áğa, Alma he'ipávo ko'ã ñe'ë ohovasa tupaópe, heë, opa opytávape jerovia ñemovã'yme upe ára guive tenondeve peve.

18 Ha Alma ojapo rire upéva osë Zarahemla retãgui, ohoramoguaicha Melek retãme. Ha ojehu ndojeikuaavéiva mba'eve chugui araka'eve; ha iñemano térã iñeñotýgui mba'eve ndoroikuaái.

19 Péina ápe, kóva katu roikuaa, ha'ékuri peteĩ vypóra hekojojáva; ha oje'e pe tupaópe ha'e ojeguerahahague pe Espíriture, térã oñeñotýhague Ñandejára póre, jepe Moiséicha. Ha katu péina ápe, umi escritura he'i Ñandejára ojagarrahague Moisés-pe imba'erã; ha ro'e avei ore oiménehague omoğuahë Alma-pe avei pe espíritu-pe, imba'erã; upévale, upe mba'ére mba'eve ndoroikuaái iñemano ha iñeñotýgui.

20 Ha ko'áğa ojehu oñepyrũvo

désimo novéno ary huekuéra ñeisãmbyhy Nefi tavayguakuéra ári, Helamán osëkuri tavayguakuéra apytépe ombo'e hağua chupekuéra upe ñe'ë.

21 Ha katu péina ápe, iñorairõkuéra rupi lamanita-kuéra ndive ha umi heta osëva'ekue ha pe joavy oíva'ekue tavayguakuéra apytépe rupive, oñeikotevëkuri oñembo'e ijapytepekuéra pe Tupã ñe'ë, heë, ha oñemoĩ peteĩ mba'e ojejavova'erã opa upe tupaópe.

22 Upévale, Helamán ha ijoyke'ykuéra osë omopu'ã jey hağua pe tupao opa upe tetãme, heë, ha opa tavaguasu oíva opavave tetã ha'évape Nefi tavayguakuéra mba'e. Ha ojehu ohenói hikuái sacerdote ha mbo'eharakuéra opavave tetã javeve, opa tupao ári.

23 Ha ko'áğa ojehu Helamán ha ijoyke'ykuéra ohenói rire sacerdote ha mbo'eharakuéra umi tupao ári oñepyrũ peteĩ joavy ijapytepekuéra, ha nohenduséi hikuái Helamán ha ijoyke'ykuéra ñe'ë;

24 Ha katu ijorgullóso hikuái, oñembotuichávo ikorasõme, imba'erepy heta haguére hikuái; upévale oñembopirapire heta hikuái hesa renondépe, ha nohenduséi umi ñe'ë, oguata kare'y hağua hikuái Tupã renondépe.

ÑEMBYATY 46

Amalickiah oporombotavy ojupi hağua rrëiramo—Moroni omopu'ã pe sãso poyvi—Ha'e omokyre'y

tavayguakuérape omo'ã haḡua irreligióñ—Umi ogueroviáva añetehápe oñehenói cristiano—Peteĩ José ñemoñare rembyre oñeñongatúta—Amalickiah ha umi osēva'ekue okañy Nefi retāme—Umi noipytyvõiva upe sāsorã ojejuka. 73 ary rupi Cristo mboyo.

HA ojehu opa nohenduséiva Helamán ha ijoyke'ykuéra ñe'ẽ oñemyaty oñemoĩ haḡua hesekuéra.

2 Ha ko'áḡa péina ápe, oñeko'õiterei hikuái, ojukase peve hikuái chupekuéra.

3 Ko'áḡa, umi oñeko'õietéva ijoyke'ykuéra ndive mburuvicha ha'e peteĩ kuimba'e tuicha ha imbaretéva; ha héra Amalickiah.

4 Ha Amalickiah ha'ese rréi; ha umi tavayguakuéra oñeko'õiva oipota avei chupe irreirã; ha ko'áva ha'e memékuri umi hue michivéva upe tetāmegua, ha oheka hikuái pu'aka.

5 Ha omokyre'ỹkuri chupekuéra Amalickiah ñembojuruhe'ẽ, oipytyvõramo ha ohupíramo chupe hikuái irréiramo ha'e omoitaha chupekuéra oisāmbyhy haḡua tavayguakuéra ári.

6 Péicha ogueraha chupekuéra Amalickiah osẽ haḡua hikuái, Helamán ha ijoyke'ykuéra ñehekombo'e jepevéramo, heẽ, tuicha oñangarekóramojepekuri hikuái pe tupao rehe, ha'égui hikuái sumo sacerdote upe tupaópe.

7 Ha oĩ heta pe tupaópe

ogueroviava'ekue umi Amalickiah ñe'ẽ ñembojuruhe'ẽ, upévare osẽ hikuái pe tupaógui jepe; ha upéicha Nefi tavayguakuéra mba'éva oĩ ñemomyi ha ñeimevaípe, upevére tuichaite pu'aka ohupytyva'ekue hikuái lamanitakuéra ári, ha tuicha vy'a oñanduva'ekue hikuái oñemosāso haguére chupekuéra Ñandejára po rupive.

8 Ha péicha jahecha mba'éichapa yvypóra ra'ykuéra pya'ete hesarái Ñandejára Itupāgui, heẽ, mba'éichapa ipya'ete hikuái ojapo haḡua tembiapovai, ha ojegueraha haḡua aña rehe.

9 Heẽ, ha jahecha avei tuicha tekoñaña ikatúva ojapo peteĩ kuimba'e hembiapovaitereiva yvypóra ra'ykuéra apytépe.

10 Heẽ, jahecha ko Amalickiah, ha'égui peteĩ kuimba'e ikatupyryva mba'evairã ha peteĩ kuimba'e oñe'eva heta ñembojuruhe'ẽ reheve, omokyre'ỹ heta tavayguakuéra korasõ hekoñaña haḡua; heẽ, ha oñeha'ã haḡua ohundi Tupã tupao, ha ohundi haḡua hikuái pe tekosāso pyenda Tupã ome'eva'ekue chupekuéra, téra jehovasapy Tupã ombouva'ekue yvy ape ári hekojojakuérava ñeimeporã.

11 Ha ko'áḡa ojehu Moroni, ha'éva nefita-kuéra ehérsito mburuvicha guasu, ohendúvo ko'ã ñesēgui, ipochy Amalickiah ndive.

12 Ha ojehu omondoro ijao; ha ojagarra peteĩ ipehēngue, ha ohai hí'ari—Ore Tupã mandu'a rehe,

ore religi3n, ha tekos3so, ha ore py'aguapy, ore rembireko, ha ore ra'yku3era rehe—ha omoĩ peteĩ vyvyrarak3 apýrare.

13 Ha ha'e omoĩ ñnak3mo'3ha ha ipyti'amo'3ha, ha hetemo'3haku3era, ha omoĩ il3more ññarmaduraku3era; ha ojagarra pe vyvyrarak3, oguerek3va ijapýrare pe ijao oñemondorova'ekue, (ha ha'e omboh3era s3so poyvi) ha ha'e oñesũ vvy peve, ha oñembo'e mbarete Itup3ame umi tekos3so jehovasapy oguejy haġua ijoyke'yku3era 3ri, oĩ aja peteĩ cristiano aty ohupyty haġua upe tet3—

14 Opavave Cristo-pe oguerovia añet3va, ha'3va pe Tup3 tupaopegua, up3icha oñehen3igui umi ndaha'3iva tupaopegu3re.

15 Ha umi tupaopegua ijerovia-reko; he3, opavave umi oguerovia añet3va Cristo-pe, vy'3pe, ojagarra hiku3i hi'3ri Cristo r3ra, t3r3 cristiano oñehenoih3icha chupeku3era, oguerovia hagu3ere hiku3i Cristo outavape.

16 Ha up3vare, upe 3rape, Moroni oñembo'e oñemo'3 haġua cristiano-ku3era jerovia, ha upe tet3 s3so.

17 Ha ojehu oñoh3 rire hi'3nga Tup3ame, omboh3era opa tenda oĩvape tet3 Desolaci3n sur gotyo, he3, peteĩ ñe'3eme, opa upe tet3ame, n3rte ha súrpe—Peteĩ tet3 ojeiporavopyr3va, ha tet3 hekos3s3va.

18 Ha ha'e he'3i: Añeteh3pe Tup3 ndohejamo'3i ore, ndorojehayhũiva rojagarra hagu3ere ore 3ri

Cristo r3ra, rojeity ha roñehundi, rogueru'yramo up3eva ore 3ri ore rembiapovai rupi.

19 Ha Moroni he'3ivo ko'3 ñe'3, oho tavayguaku3era apyt3pe, ombovev3o vyvtũre ijao peh3ngue omondorova'ekue, opavave ohecha haġua pe mba'e ohaiva'ekue upe peh3ngue oñemondoro hagu3epe, ha ojerure'asy ñe'3 sapuk3ipe, he'3ivo:

20 P3ina 3pe, opavave umi ohejas3va ko poyvi tet3 3ri, peju Ññandej3ra mbarete reheve, ha pejapo konv3nio pejokotaha pende der3cho, ha pene religi3n, Tup3 Ññandej3ra penderovasa haġua.

21 Ha ojehu Moroni he'3ipa rire ko'3 ñe'3, p3ina 3pe, tavayguaku3era ou pya'e omoĩvo il3more ññarmaduraku3era, omondor3vo ijaoku3era techaukar3, t3r3 konv3nioramo, ndohejamo'3iha hiku3i Ññandej3ra Itup3ame; t3r3, ambue ñe'3eme, ojapyhar3ramo hiku3i Tup3 rembiapoukapyku3era, t3r3 ho'3ramo hiku3i tembiapovaĩpe, ha oĩramo hiku3i ojagarra haġua hi'3ri Cristo r3ra, Ññandej3ra omondorotaha chupeku3era ha'eku3era omondoro hagu3icha ijaoku3era.

22 Ko'33ga k3va ha'e upe konv3nio ojapova'ekue hiku3i, ha ha'eku3era oity ijaoku3era Moroni py gotyo, he'3ivo: Rojapo konv3nio ore Tup3 ndive, roñehunditaha, jepe ore joyke'yku3eraicha oĩva vvy nortegu3ape, ro'3ramo tembiapovaĩpe; he3, ha'e ikatu orereity orerayhu'yha pýpe, roity hagu3icha jepe ore

aokuéra nde py gotyo oñepyrũmba hağua hesekuéra, ro'áramo tembiapovaípe.

23 Moroni he'i chupekuéra: Péina ápe, ñande peteĩ Jacob ñemoñare rembyre; heẽ, ñande ha'e peteĩ José ñemoñare rembyre, ijao ijoyke'ykuéra omondorova'ekue heta pehẽnguẽpe; heẽ, ha ko'áğa péina ápe, ñanemandu'áke ñaneñe'ẽrendu hağua Tupã rembiapoukapykuérare, térã ñande aokuéra oñemondoróta ñande joyke'ykuérare, ha jajeityta ka'irãime, térã jajehepyme'ëta, térã jajejukáta.

24 Heẽ, ñañongatu ñande rekosaño José rembyréicha; heẽ, ñanemandu'a Jacob ñe'ëre, ha'e omano mboyve, péina ápe, ha'e ohechãgui José ao rembyre pehẽngue oñeñongatuhague ha noñembyairihague. Ha ha'e he'i—Ko che ra'y ao rembyre oñeñongatuhaguéicha, péicha Tupã oñongatúta peteĩ che ra'y ñemoñare rembyre, ha ojagarráta imba'erã, ha José ñemoñare rembyre katu omanóta, ijao rembyréicha jepe.

25 Ko'áğa péina ápe, kóva nombovy'ái che ánga; upevére, che ánga ovy'a che ra'y rehe, pe iñemoñare pehẽngue Tupã ojagarrátava imba'erã rehe.

26 Ko'áğa péina ápe, péicha oñe'ëkuri Jacob.

27 Ha ko'áğa máva piko oikuaáta José ñemoñare rembyre, omanótava ijaóicha, ndaha'éipa ko'ã oséva'ekue ñande apytégui? Heẽ, ha jepe ha'ëta ñandete voi

ndajapytáiramo ñemovã'yme Cristo jeroviápe.

28 Ha ko'áğa ojehu Moroni he'ívo ko'ã ñe'ë oho, ha avei omondo opa tetã renda ñesẽ oiháme, ha ombyaty opa tavayguakuéra oñongatuséva hekosãso, oñemoĩ hağua Amalickiah rehe ha umi oséva'ekue rehe, oñehenóiva amalickiahita-kuéra.

29 Ha ojehu Amalickiah ohechávo Moroni tavayguakuéra hetaveha amalickiahita-kuéragui—ha ha'e avei ohecha itavayguakuéra ndojeroviaiha hína pe mba'e omotenondeva'ekue hikuái ijojaha—upévore, okyhyjégui ndohupytyíramo ġuarã pe oipotáva, ojagarra itavayguakuéra ohosévape ha oho Nefi retãme.

30 Ko'áğa, Moroni ohecha nainporãiha lamanita-kuéra oñemombareteve; upévore oñandu ojokova'erãha Amalickiah tavayguakuérape, térã ojagarra chupekuéra ha ombojevuy jey, ha ojuka Amalickiah-pe; heẽ, oikuaãgui ha'e omokyry'taha pochyrã hesekuéra lamanita-kuérape, ha ojaipotaha ou hağua hikuái ñorairõme hesekuéra; ha oikuaa Amalickiah ojaipotaha upéva ohupyty hağua imba'epota.

31 Upévore Moroni ohecha oĩ porãha ojagarra ijehersitokuéra, oñembyatyva'ekue, ha oñearmava'ekue, ha ojaipova'ekue konvênio oñongatutaha hikuái pe py'aguapy—ha ojehu ojagarra ijehersito ha oho hogaaokuéra

reheve pe tave'ýme, ojoko hağua Amalickiah rape tave'ýme.

32 Ha ojehu ojapo oipotaháicha, ha oho pe tave'ýme, ha ojoko Amalickiah ehersitokuéra.

33 Ha ojehu Amalickiah oñani mbovymi ijehersitokuéra ndive, ha hembyrekuéra oñeme'ẽ Moroni pópe ha ojegueraha jey Zarahemla retáme.

34 Ko'áğa, Moroni oñehenóivo hue guasukuéra rehe ha tavayguakuéra ñe'ẽ rupi, upévare ha'e oguereko pu'aka ha'e oipotaháicha nefita-kuéra ehersito apytépe, omoí ha omomba'apo hağua autorida hí'arikuéra.

35 Ha ojehu opa amalickiahita ndojaposéiva konvénio ojokóvo pe sāsorã, oguereko hağua hikuái peteí ñeisãmbyhy isāsóva, ha'e ojapo upévape tojejuka; ha mbovy oí orrechasáva pe konvénio sāsorã.

36 Ha ojehu avei, ojapo oñemboveve pe sãso poyvi opa tórre ári oíva opa upe tetáme, ha'éva nefita-kuéra mba'e; ha péicha Moroni oñotý pe sãso poyvi nefita-kuéra apytépe.

37 Ha oñepyrüjey oguereko hikuái py'aguapy upe tetáme; ha péicha oñongatu hikuái py'aguapy upe tetáme opapota peve désimo novéno ary huekuéra ñeisãmbyhy.

38 Ha Helamán ha umi sumo sacerdotekuéra oñongatu avei orden upe tupaópe; heẽ, irundy ary aja jepe oguereko hikuái heta py'aguapy ha vy'a upe tupaópe.

39 Ha ojehu oí heta omanóva, oguerovia atãvo Ñandejára Jesucristo orredimihague hí'anguakuéra; upéicha osẽ hikuái vy'ápe yvóragui.

40 Ha oí omanóva akānundúgui, oí memévajepi ary pukukue upe tetáme—ha katu ndahetái omanova'ekue akānundúgui, iporãitereígui umi pohã ñana ha hapokuéra Tupã ombosakóiva'ekue omonguera hağua umi mba'asy oguerúva, ohupytyva yvyporakuérape umi arapytu ñemboheko rupi—

41 Ha katu oí heta omanóva tujágui; ha umi omanova'ekue Cristo jeroviápe ovy'a ipype, roimo'áva'eráháicha.

ÑEMBYATY 47

Amalickiah oiporu ñuhã, jejuka, ha japu ha'e hağua lamanita-kuéra rréi—Nefita-kuéra osẽva'ekue iñañave ha iñarõve lamanita-kuéragui. 72 ary Cristo mbovyve.

Ko'ÁĞA jahajeýta ñande kua-tiajehaipyrépe Amalickiah ha umi okañyva'ekuépe hendive tave'ýme; ha, péina ápe, ha'e ojagarrákuri umi ohova'ekue hendivépe, ha oho Nefi retáme lamanita-kuéra apytépe, ha omokyre'ý lamanita-kuérape pochyra nefita-kuéra rehe, upéicha rupi lamanita-kuéra rréi omondo peteí momarandu opa hetã tuichakue, opa itavayguakuéra apytépe, oñembyaty jey hağua hikuái oho

haġua ñorairōme nefita-kuéra rehe.

2 Ha ojehu pe momarandu oho rire opavave ijapytepekuéra okyhyjeterei hikuái; heñ, okyhyje hikuái ombopochýramo ġuarã upe rréipe, ha avei okyhyje hikuái oho haġua ñorairōme nefita-kuéra rehe ani ojeipe'a chuguikuéra hekove. Ha ojehu ndoipotái hikuái, térã hetave ijapytepekuéra naiñe'ënduséi upe rréi rembiapoukapykuérare.

3 Ha ko'áġa ojehu pe rréi oñeko'oi naiñe'ëndúi haguére hikuái; upévale ome'ë Amalickiah-pe oisãmbyhy haġua umi ijehérsito apytégui iñe'ënduva'ekue hembiapoukapykuérare, ha he'i chupe toho ha tojopy chupekuéra ojagarra haġua umi árma.

4 Ko'áġa péina ápe, kóva ha'e Amalickiah oipotáva; ha'égui petei kuimba'e ikatupyryva mba'evairã upévale ojapo ikorasōme petei plan oipe'a haġua lamanita-kuéra rréipe ijapykajeguágui.

5 Ha ko'áġa ha'e ohupytykuri pu'aka oisãmbyhy haġua umi lamanita-kuéra rréi ndive oivape; ha oheka oñemoïporã umi naiñe'ëndúiva ndive; upévale oho tenda hérava Onida-pe, upépe okañýgui opa lamanita-kuéra; oikuaágui hikuái oñemoaġuiha hína pe ehérsito, ha oimo'ãgui hikuái ouha ohundi haġua chupekuéra, upévale okañy hikuái Onida-pe, oiháme umi árma.

6 Ha ohenóikuri hikuái petei kuimba'e ha'e haġua rréi ha mburuvicha hi'arikuéra, omoïvo

hikuái iñapytu'ümekuéra petei mba'e ñemovã'y ndojejopymo-áiha chupekuéra oñemoï haġua nefita-kuéra rehe.

7 Ha ojehu oñembyatykuri hikuái petei vvyty hérava Antipas ru'áme, oñembosako'ivo ñorairōrã.

8 Ko'áġa, ndaha'ei Amalickiah oikeséva ñorairōme hendivekuéra he'i haguéicha upe rréi; ha katu péina ápe, pe ha'e oipotáva ha'e oñemoïporã lamanita-kuéra ehérsito ndive, oisãmbyhy haġua chupekuéra ha oipe'a haġua ijapykajegua upe rréigui ha ojagarra haġua upe rréino.

9 Ha péina ápe, ojehu ojapo ijehérsito omoï hogaaokuéra pe vvytypa'ũ oïva vvyty Antipas ypýpe.

10 Ha ojehu oġuahévo pyhare omondo petei aty ñemi vvyty Antipas-pe, ojerurévo umi oïva pe vvyty ru'ã ári mburuvichápe, hérava Lehonti, oguejy haġua pe vvyty rembe'ýpe, ha'e oñe'éségui hendive.

11 Ha ojehu Lehonti oikuaávo pe momarandu noñanimái oguejývo pe vvyty guýpe. Ha ojehu Amalickiah omondojey chupe mokoiha momarandu, ojerurévo chupe oguejy haġua. Ha ojehu Lehonti ndoguejyséi; ha ha'e omondo mbohapyha jey.

12 Ha ojehu Amalickiah ohechávo ndaikatuiha omboguejy Lehonti-pe pe vvytygui, ha'e ojupi pe vvyty ru'áme, haimete Lehonti ñu meve; ha omondo jey irundyha momarandu Lehonti-pe,

oipotágui ha'e oguejy, ha togueru hendive iñangarekoharakuéra.

13 Ha ojehu Lehonti oguejývo iñangarekoharakuéra ndive oĩháme Amalickíah, ko Amalickíah he'i chupe oguejy haḡua pyharekue ijehérsito reheve, ha omongora haḡua oĩháme umi rréi ome'éva'ekue chupe oisámbyhy haḡua, ha ome'étaha chupekuéra Lehonti pópe, ha'e omoĩramo chupe (Amalickíah) mburuvicha mokõiháramo opa upe ehérsito ári.

14 Ha ojehu Lehonti oguejy ijehersitokuéra ndive ha omongora hikuái Amalickíah ehersitokuérape, ha upéicha opu'ã mboyve hikuái ko'ětívo ojeréma hesekuéra Lehonti ehersitokuéra.

15 Ha ojehu ñemongorápe ojejuhúvo hikuái, ojerure'asy Amalickíah-pe oheja haḡua chupekuéra ojoaju hikuái ijyke'ykuéra ndive, ani haḡua oñehundi chupekuéra. Ko'áḡa péva ha'e pe mba'e Amalickíah oipotava'ekue.

16 Ha ojehu ome'ẽ ijehersitokuérape, oñemoĩvo upe rréi he'iva'ekuere. Ko'áḡa kóva ha'e Amalickíah oipotava'ekue, ojapo haḡua ha'e ojaposéva oipe'ávo ijapykajeguágui upe rréipe.

17 Ko'áḡa ha'ékuri lamanitakuéra jepokuaa, ojejukáramo huvicha guasukuéra, ohenói hikuái pe mburuvicha mokõihápe hendaguépe mburuvicha guasúramo.

18 Ha ojehu Amalickíah oja-pouka peteĩ hembiguápe tome'ẽ

sa'i sa'i venéno Lehonti-pe, omano meve.

19 Ko'áḡa, Lehonti omano rire, lamanita-kuéra ohenói Amalickíah-pe imburuvicha ha tendota guasúramo.

20 Ha ojehu Amalickíah oho ijehersitokuéra reheve (ohupytýgui oipotava'ekue) Nefi retáme, Nefi tavaguasúpe, ha'éva hína tavaguasu oñemomba'eguasuvéva.

21 Ha pe rréi osẽ iñangarekoharakuéra reheve ohuḡuaití haḡua chupe, oimo'águi ha'e Amalickíah okumpliague hembia-poukapykuéra, ha Amalickíah ombyatyhague tuichaite ehérsito oho haḡua hikuái ñorairõme nefita-kuéra rehe.

22 Ha katu péina ápe, osẽvo pe rréi ohuḡuaití haḡua chupe Amalickíah ojapouka hembiguaikuéra tosẽ ojotopa haḡua pe rréi ndive. Ha oho ha oñesũ hikuái upe rréi renondépe, ommoráramoḡuáicha hikuái chupe tuicha haguére.

23 Ha ojehu upe rréi oipysó ijyva omopu'ã haḡua chupekuéra, ojejepokuaaháicha lamanita-kuéra apytépe, ojehechauka haḡua py'aguapy, jepokuaa ojagarrava'ekue hikuái nefita-kuéragui.

24 Ha ojehu omopu'ã vove yvýgui upe peteĩme, péina ápe ha'e oikutu rréipe ikorasõme; ha ha'e ho'a yvýpe.

25 Ko'áḡa pe rréi rembiguáikuéra oñani; ha Amalickíah rembiguáikuéra osapukái, he'ívo:

26 Péina ápe, umi rréi rembiguáikuéra oikutu chupe ikorasõme,

ha ho'a ha ha'ekuéra oñani; péina ápe, peju ha pehecha.

27 Ha ojehu Amalickiah he'i ijehersitokuérape oho hağua ha ohecha mba'épa ojehu rréipe; ha oğuahẽvo hikuái upe tendápe, ha ojuhúvo pe rréi huguypaha, Amalickiah ojapo oñeko'oietereriramoğuaicha, ha he'i: Opavave ohayhuvá'ekue upe rréipe, tosẽ, ha tomuña hembiguaikuérape ojuka hağua chupekuéra.

28 Ha ojehu opavave ohayhuvá'ekue pe rréipe, ohendúvo ko'ã ñe'ẽ, osẽ ha omuña umi rréi rembiguápe.

29 Ko'ága, umi rréi rembiguái ohechávo omuñaha chupekuéra peteĩ ehérsito, henyhẽ jey hikuái kyhyjégui, ha okañy tave'ỹme, ha oğuahẽ hikuái Zarahemla retãme ha ojoaju Ammón tavayguakuéra ndive.

30 Ha pe ehérsito omuñava'ekue chupekuéra ojevvyjey, ohorei rire hapykuerikuéra; ha péicha Amalickiah, ijapu rupi, oñemomba'e tavayguakuéra korasõre.

31 Ha ojehu upe ko'ẽme oike Nefi tavaguasúpe ijehersitokuéra ndive, ha ojagarra upe tavaguasu.

32 Ha ko'ága ojehu pe rréina, ohendúvo rréi ojejukahague—Amalickiah omondóguikuri peteĩ aty omombe'u hağua rréinape ojejukahague rréi hembiguaikuérare, ha ha'e omuñahague chupekuéra ijehérsito reheve, ha katu reihague, okañýgui ha'ekuéra—

33 Upévore, pe rréina oikuaávo

ko marandu ombohovái Amalickiah-pe, ojerurévo chupe operadona hağua hekove umi yvypóra tavaguasuguápe; ha avei he'ika chupe ou hağua hendápe; ha avei ojerure chupe ogueru hağua testigo hendive pe rréi ñemano rehegua.

34 Ha ojehu Amalickiah ogueraha pe tembiguái ojukava'ekue upe rréipe, ha opavave oiva'ekue hendive, ha oike hikuái rréina oĩháme, pe tenda ha'e oguapyhápe; ha opavave ha'ekuéra otestifika chupe hembiguaikuéra ojukahague rréipe; ha ha'ekuéra he'i avei: Oñani hikuái; ndotestifikái piko kóva hesekuéra? Ha péicha omoañete hikuái rréinape upe rréi jejuka reheguáre.

35 Ha ojehu Amalickiah oñeha'ã oñemoĩporã pe rréina ndive, ha ojagarra chupe hambirekorã; ha péicha ijapu rupi, ha hembiguaikuéra katupyry pytyvõ rupi, ha'e ohupyty upe rréino; heẽ, ojeikuaa chupe rréiramo opa upe tetãme, opa lamanita tavayguakuéra apytépe, ha'éva lamanita, ha lemuelita ha ismaelita-kuéra, ha opa nefita-kuéragui osẽva'ekue, Nefi rreinađo guive ko ára peve.

36 Ko'ága ko'ã osẽva'ekue, oguerékóvo nefita-kuéra tekombó'e ha kuaapy, heẽ, oñhekombo'égui chupekuéra peteĩcha Ñandejára jeikuaápe, upevére, mba'eguasú ñamombe'u, nda'aréi osẽ rire hikuái ipy'ahatãve ha ipire'atãve hikuái, ha iñarõve, iñañave ha hesaitteve lamanita-kuéragui—oñapymi meve hikuái

lamanita-kuéra jepokuaápe; oñe-me'ẽvo tekoreípe, ha opáichagua tekotie'ỹme; heẽ, hesaraipaitévo Ñandejára Itupãgui.

NEMBYATY 48

Amalickiah omokyre'ỹ lamanita-kuérape nefita-kuéra rehe—Moroni ombosako'i itavayguakuérape omo'ã hağua Cristiano-kuéra mba'éva—Moroni hory pe tekosāso ha ñemosāsóme ha ha'e peteĩ Tupã rehegua kuimba'e ipu'akapáva. 72 ary rupi Cristo mboyve.

HA ko'ãğa ojehu, Amalickiah ohupytymívo pe rréino oñepyrũ omokyre'ỹ lamanita-kuéra korasõ Nefi tavayguakuéra rehe; heẽ, ohenói kuimba'ekuérape itórre guive oñe'ẽ hağua lamanita-kuérape, nefita-kuérare.

2 Ha péicha ha'e omokyre'ỹ ikorasõkuéra nefita-kuérare, upéichagui opávo pe désimo novéno ary huekuéra ñeisãmbyhy, ojapóvo hembipota ko ára peve, heẽ, oñemoivo chupe lamanita-kuéra rréiramo, orreinasékuri avei opa upe tetã ári, heẽ, ha opa tavayguakuéra oíva upe tetã ári, nefita ha lamanita-kuérava.

3 Upévare ha'e ohupytykuri hembipota, omohatãgui lamanita-kuéra korasõ ha omopytũ iñapytu'ũnguéra, ha omokyre'ỹkuri chupekuéra pochyra, ombyaty peve peteĩ ehérsito guasu oho hağua ñorairõme nefita-kuéra rehe.

4 He'imagui ha'e ijupe, hetaitere-ígui itavayguakuéra, ipu'akataha nefita-kuérare ha oguerahataha chupekuéra ñeñapytĩmbýpe.

5 Upéicha ha'e ohenói mburuvicha guasu zoramita-kuéra apytépegui, ko'áva oikuaavégui nefita-kuéra mbaretégui, ha tenda okañyha hikuái, ha itavagua-sukuéra renda ikangyvehápe; upévare ha'e ohenói chupekuéra mburuvicha guasúramo ijehérsito ári.

6 Ha ojehu omopu'ã hikuái henda, ha oho hikuái Zarahemla retã gotyo pe tave'ỹme.

7 Ko'ãğa, ojehu péicha Amalickiah ohupyty aja ohóvo pu'aka pokarẽ ha mbotavy rupi, Moroni katu, ambue hendápe, ombosako'i oikóvo tavayguakuéra apytu'ũ ijeroviareko hağua hikuái Ñandejára Itupã ndive.

8 Heẽ, ha'e omombaretékuri oikóvo nefita-kuéra ehérsito, ha omopu'ã mo'ãha michími, téra tenda oñemo'ã hağua hikuái; omopu'ãvo tápia yvyguigua ijehérsito jerére, ha omopu'ã avei tápia itãgui omongora hağua chupekuéra, itavaguasukuéra jerére ha hetãnguéra rembe'ýpe; heẽ, opa pe tetã jerére.

9 Ha umi tendamo'ãha ikangyvehápe omoĩ hetave kuimba'ekuéra; ha upéicha omo'ã ha omombarete upe tetã nefita-kuéra mba'éva.

10 Ha kóicha ha'e oñembosako'íkuri omo'ã hağua hekosāso, hetã, hembireko, ha ita'yraçuera, ha ipy'aguapy, ha upéicha oikove

hağua hikuái Ñandejára Itupâme ġuarã, ha oňongatu hağua ihayhu'ÿhakuéra ohenóiva cristiano-kuéra mba'éva.

11 Ha Moroni ha'ékuri peteĩ yvypóra imbarete ha ipu'aka-páva; peteĩ kuimba'e oikũmby porãmbáva; heẽ, peteĩ yvypóra ndahorýiva tuguy ñeňohẽme; peteĩ kuimba'e hi'ánga horýva hetã ha ijoyke'ykuéra rekosãso ha ñemosãsóme, ñeňapytĩmby ha teko'apytĩgui;

12 Heẽ, peteĩ yvypóra ikorasõ renyhẽva aguyégui Itupâme, he-taite mba'eporã ha jehovasa ome'éva rehe ha'e itavayguakuérape; peteĩ yvypóra omba'apoitereíva itavayguakuéra ñeimeporã ha ñemo'arãre.

13 Heẽ, ha ha'e peteĩ yvypóra oñemovã'ÿva Cristo jeroviápe, ha ha'e oñe'ẽme'éva'ekue omo'ãtaha itavayguakuérape, iderécho, ha hetã, ha irreligiõn, jepe oňohẽ meve huguy.

14 Ko'ãğa oñembo'eva'ekue nefita-kuérape oñemo'ã hağua ihayhu'ÿhakuéragui, jepe teko-tevẽramo tuguy ñeňohẽ meve; heẽ, ha oñembo'eva'ekue avei chupekuéra araka'eve nombopochyiva'erãha hikuái avavépe, heẽ, ha araka'eve nomopu'ãiva'erãha kysepuku ndaha'éiramo ihayhu'ÿhakuéra rehe, térã omo'ã hağua hikuái hekove.

15 Ha kóva ha'eva'ekue ijerovia-kuéra, ojavóramo hikuái upéicha Tupã omoakãrapu'ãta chupekuéra upe tetãme, térã ambue ñe'ẽme, ijeroviarekóramo hikuái

iñe'ẽrendúvo Tupã rembiapoukapykuérare ha'e omoakãrapu'ãta chupekuéra upe tetãme; heẽ, omomarendúta chupekuéra okañy, térã oñembosako'í hağua ñorairõguasurã, mba'evaípe oĩ-háicha hikuái.

16 Ha avei, Tupã oikuaaukataka chupekuéra moõpa ohova'erã oñemo'ã hağua ihayhu'ÿhakuéragui, ha ojavóvo upéva, Ñandejára omosãsóta chupekuéra; ha kóva ha'e Moroni jerovia, ha ikorasõ oñemboverapy umívape; ndaha'éi tuguy ñeňohẽme ha katu mba'eporã apópe, omo'ãvo itavayguakuérape, heẽ, iñe'ẽrendúvo Tupã rembiapoukapykuérare, heẽ, ha oñemoivo tembiapovai rehe.

17 Heẽ, aňetehápe, aňetehápe che ha'e peẽme, opavave yvypóra ha'érire, ha ha'éramo, ha ikatúramo ha'e tapiaite, Moronichagua, péina ápe, aňaretãmegua pu'akakuéra ojeityvyrova'erãmo'ã tapiaite; heẽ, pe aña ndoguerekoiva'erãmo'ã pu'aka araka'eve yvypóra ra'ykuéra korasõ ári.

18 Péina ápe, ha'eva'ekue ha'e peteĩ kuimba'e Ammón chagua, Mosíah ra'y, heẽ, ha jepe ambue Mosíah ra'ykuéraicha, heẽ, ha avei Alma ha ita'yrakuéraicha, opavave ha'ekuéra ha'eva'ekuégui Tupã rehegua kuimba'e.

19 Ko'ãğa péina ápe, Helamán ha ijoyke'ykuéra omba'apo avei tavayguakuérape ġuarã Moroni ojavoháicha; ombo'égui hikuái Tupã ñe'ẽ, ha omongarai hikuái

arrepentimientorā opavave yvy-póra ohendusévape iñe'ẽ.

20 Ha péicha osẽkuri hikuái, ha tavayguakuéra oñemomirĩ umi iñe'ẽ rupi, oñemoĩporãiterei peve hikuái Ñandejára ndive, ha péicha oñemosãso chupekuéra ñorairõguasu ha joavýgui ijapy-tepekuéra, heẽ, jepe irundy ary pukukue aja.

21 Ha katu, che ha'e haguéicha, pe dėsimo novėno ary pahávo, heẽ, py'aguapy oĩjepevéřo ijapy-tepekuéra, ndojaposėiramo jepe hikuái, oñorairõmante ijoyke'y-kuéra, lamanita-kuéra ndive.

22 Heẽ, ha ipahápe, iñorairõguasu lamanita-kuéra ndive ndopái heta ary pukukue aja, jepe heta ndojaposėi hikuái.

23 Ko'áğa, ombyasyeterei hikuái omopu'ã haguére hi'árma lamanita-kuéra rehe, ndahoryĩgui hikuái tuguy ñeñoñe; heẽ, ha ndaha'ėi upévante—ombyasyetereĩgui hikuái ha'ėkuéra rupi oñemondotaha hetaitė ijoyke'y-kuéra ko yvóragui peteĩ yvóra opave'ỹvape, oñembosako'i-ỹre hikuái oñemoĩ hağua Itupã renondėpe.

24 Upevére, ndaikatúi oheja hikuái ojeipe'a hekovekuéra, hambireko ha ita'yraquėra ojejukavai hağua umi peteĩ ára ha'eva'ėkuére ijoyke'ykuéra heko ñarõitėva, heẽ, ha osėva'ėkue itupaógui, ha ohova'ėkue ijapytepekuėragui ha osėva'ėkue ohundi hağua chupekuéra ojoajúvo hikuái lamanita-kuéra ndive.

25 Heẽ, ndaikatúi oheja hikuái ijoyke'ykuéra hory nefita-kuéra ruguy rehe, oĩ aja iñe'ẽrendúva Tupã rembiapoukapykuėrare, Ñandejára ñe'ėme'ẽ ha'ėguikuri, iñe'ẽrendúramo hembiapoukapykuėrare oñakārapu'ātaha hikuái upe tetāme.

ÑEMBYATY 49

Lamanita-kuéra ojasuruva'ėkue ndaikatúi ojararra Ammoniah ha Noé tavaguasukuéra ñemo'āpyrėva—Amalickiah omoñe'ėngái Tupāme ha oñe'ėme'ẽ hoy'utaha Moroni ruguy—Helamán ha ijoyke'ykuéra omombaretėnte hína pe tupao. 72 ary rupi Cristo mboyve.

HA ko'áğa ojehe pe undėsimo jasy desimonovėno arýpe, ára diez jasy jave, ojehecha lamanita-kuéra ehėrsito oñemoağuiha hína Ammoniah retā gotyo.

2 Ha péina ápe, pe tavaguasu oñemopu'ājeykuri, ha Moroni omoikuri peteĩ ehėrsito pe tavaguasu rembe'y ypýpe, ha omopu'ākuri hikuái peteĩ mo'āha vyvyguigua oñemo'ā hağua hikuái lamanita-kuéra hu'y ha itágui; péina ápe, oñorairõgui hikuái ita ha hu'y reheve.

3 Péina ápe, che ha'ėkuri Ammoniah tavaguasu oñemopu'ājey hague. Che ha'e peñe, heẽ, oñemopu'ājeyhague peteĩ pehėngue, ha lamanita-kuéra ohundĩguikuri peteĩ arape tavayguakuéra hembiapovai rupi, oimo'ā hikuái

ha'ejeýta hi'upy hasy'yva chupekuéra ãuarã.

4 Ha katu péina ápe, tuichaite niko ipo'a'y; péina ápe, nefitakuéra omopu'ãguikuri peteĩ mo'ãha vvyguigua ijererekuéra, ijyvatetereígui lamanita-kuéra ndaikatúi ojapi porã chupekuéra ijita ha ihu'ykuéra reheve, ni ndaikatúi ho'a hikuái hi'arikuéra ndaha'éirõ pe okẽ rupive.

5 Ko'ãga ko árape umi lamanitakuéra mburuvicha guasu oomba'eguasueterei, nefita-kuéra arandu ombosako'i haguére umi henda ñemo'ãha.

6 Ko'ãga lamanita-kuéra mburuvicha oimo'ãkuri, hetaiterei haguére hikuái, heẽ, oimo'ãkuri horytaha hikuái ho'ávo hi'arikuéra ojapóma haguéicha; heẽ, ha oñembosako'íkuri avei hikuái tetemo'ãha, ha pyti'amo'ãha reheve; ha oñembosako'íkuri avei hikuái ao mymba pirégui reheve; heẽ, ao iñanambusuetereíva omo'ã haãua hete opívo.

7 Ha oñembosako'ívo hikuái upéicha oimo'ã ndahasymo'ãi chupekuéra ipu'aka hesekuéra ha ojopytaha ijyke'ykuérape pe ñeñapytĩmby júgo poguýpe, térã ojukáta ha ojukavaitaha chupekuéra ha'ekuéra oipotaháicha.

8 Ha katu péina ápe, omomba'eguasuve haãua hikuái, ha'ekuéra oñembosako'íkuri ojotopa haãua hendivekuéra, araka'eve ndojeikuaái haguéicha Nefi ra'ykuéra apytépe. Ko'ãga oñembosako'íkuri hikuái oñorairõ haãua

lamanita-kuéra ndive, Moroni he'ihaguéicha chupekuéra.

9 Ha ojehu lamanita-kuéra, térã amalickiahita-kuéra, omomba'eguasueterei ohechávo mba'éichapa oñembosako'i hikuái ñorairõguasurã.

10 Ko'ãga, pe rréi Amalickiah oguejýrre Nefi retãgui, ijehérsito renonderã, ikatumba'ékuri ojapo lamanita-kuéra oñemoĩ nefita-kuéra rehe pe Ammoniah retãme; péina ápe, ndaha'éigui chupe mba'eve itavayguakuéra ruguy.

11 Ha katu péina ápe, Amalickiah ha'ete ndo'úi ñorairõme. Ha péina ápe, imburuvicha guasukuéra noñanimái oñemoĩvo nefita-kuérare Ammoniah tavaguasúpe, Moroni omoambuégui umi mba'e nefita-kuéra apytépe, upéicha lamanita-kuéra ojecha po'a'yme umi henda ñemo'ãha rupi ha ndaikatúi oñemoĩ hikuái hesekuéra.

12 Upévare oho hikuái pe tave'yme, ha omopu'ã hikuái hendaãgua ha oguata Noé retã gotyo, oimo'ãgui péva ha'eha tenda mokõiha iporãvéva ou haãua hikuái nefita-kuérare.

13 Ndoikuaáigui hikuái Moroni omombaretehague, térã omopu'ãhague tenda ñemo'ãha, opa tavaguasúpe opa tetã jerépe; upévare, oguata hikuái tenonde gotyo Noé retã gotyo peteĩ ñe'ẽme; heẽ, imburuvicha guasukuéra oñemotenonde ha oñe'ẽme'ẽ ohunditaha tavayguakuéra upe tavaguasuguápe.

14 Ha katu péina ápe, iñemondyirã, pe Noé tavaguasu, ha'éva'ekue peteĩ tenda naimbaretéiva, ko'ãga, Moroni rupive, oñemombaretékuri, heë, jepe imbareteteve Ammoníah tavaguasúgui.

15 Ha ko'ãga, péina ápe, ko'ávape Moroni iñarandúkuri; oimo'ãguikuri oñemondyitaha hikuái Ammoníah tavaguasúpe; ha Noé tavaguasu ha'éguikuri upe mboyve tenda ikangyvéva upe tetãme, upévare oguatákuri hikuái upépe oñorairõ hağua; ha péicha oikókuri ha'e oipota hağuéicha.

16 Ha péina ápe, Moroni ohenóikuri Lehi-pe ha'e hağua mburuvicha guasu upe tavaguasupegua kuimba'ekuéra ári; ha ha'e pe Lehi oñorairõva'ekue lamanitakuéra ndive pe vytytapa'úme ysyry Sidón kuarahyresẽ gotyo.

17 Ha ko'ãga péina ápe ojehu, lamanita-kuéra ohechávo Lehi oisãmyhyha pe tavaguasu ojehechajey hikuái po'a'yme, okyhyjetereígui hikuái Lehi-gui; upevére imburuvicha guasukuéra oñe'ẽme'ekuri oñemoítaha pe tavaguasu rehe; upévare, ogueru hikuái ijehérsito.

18 Ko'ãga péina ápe, lamanitakuéra ndaikatúikuri oike henda mo'ãhakuérape ndaha'éiramo pe okẽ rupi, ijyvatetereígui pe tápia oñemopu'áva'ekue, ha pe vykua pypuku ojejo'ova'ekue ijerére, pe okẽme añõnte nahániri.

19 Ha péicha nefita-kuéra oñembosako'íkuri ohundi hağua oimeraëva oñeha'áva ojupi oike

hağua oimeha rupirei upe tenda mo'ãháme, ojaívó chupekuéra ita ha ihu'ýpe.

20 Ha péicha oĩkuri hikuái ñembosako'ípe, heë, peteĩ ikuimba'ekuéra imbaretévava aty, ikysepuku ha hi'ondakuéra reheve, oipy'ajopy hağua opavave oñeha'ávape oike hağua henda mo'ãhakuérape upe okẽ rupi; ha péicha oĩkuri hikuái ñembosako'ípe oñemo'ã hağua lamanitakuéragui.

21 Ha ojehu umi lamanita-kuéra mburuvicha ogueraha ijehérsitokuéra upe tenda okẽ renondépe, ha oñepyrũ oñorairõ hikuái nefitakuéra ndive, oike hağua henda mo'ãhakuérape; ha katu péina ápe, ojerrechasa chupekuéra heta ára aja, upéicha rupi ojejuka hikuái tuicha jejukavaípe.

22 Ko'ãga ohechávo hikuái ndaikatuíha ipu'aka nefita-kuérare pe okẽ rupive, oñepyrũ ojo'o hikuái itapiakuéra vyvyguigua ojapo hağua peteĩ tape ohasa hağua ijehérsitokuéra, oñorairõ hağua hendivekuéra peteĩcha; ha katu péina ápe, ko'ã mba'e ojaposévape oñehundi chupekuéra umi ita ha hu'ykuéra ojaíviva hikuái hesekuéra rupi; ha omyenyhẽrangué ijyvykuakuéra oitývo umi tápia vyvyguigua, ha'ekuéra omyenyhẽ he'õnguekuéra ha hete jekutupyrévape.

23 Ha péicha nefita-kuéra ipu'aka opa mba'épe ihayhu'yhakuérare; ha péicha lamanita-kuéra oñeha'ákuri ohundi nefita-kuérape omanomba peve opa imburuvicha

guasukuéra; heë, ha oïvékuri milgui omanova'ekue lamanita-kuéra apytépe; ha, ambue hendápe katu, nomanóikuri ni petei ánga nefitakuérava.

24 Oïkuri cincuenta rupi ojekutuva'ekue, oïva'ekue upe okême lamanita-kuéra hu'y jehupytyépe, ha katu omo'ã chupekuéra hetemo'ãhakuéra, ha ipyti'amó'ãhakuéra, ha iñakãmo'ãhakuéra, upéicha rupi ojekutu chupekuéra hetymámente, heta oï oïvaietereíva.

25 Ha ojehu, lamanita-kuéra ohechávo mayma huvicha guasukuéra ojejukahague oñani hikuái pe tave'yme. Ha ojehu ohojey hikuái Nefi retãme, omombe'u hağua irrei, Amalickiah-pe, nefitava, heñoigui chuguikuéra, tuicha iñehundikuéragui.

26 Ha ojehu ha'e ipochyete-reikuri itavayguakuéra ndive, ndohupytyigui hembipota nefitakuéra ári; ha ndojopyyigui kuri chupekuéra pe ñeñapytĩmby júgope.

27 Heë, ha'e oñeko'oieteréikuri, ha omoñe'engái Tupãme, ha avei Moroni-pe, oñe'ême'ëvo hoy'utaha huguy; ha péva Moroni iñe'ërendu haguére Tupã rembiapoukapykuérare oñembosako'ívo omo'ã hağua itavayguakuérape.

28 Ha ojehu, ambue hendápe, Nefi tavayguakuéra ome'ëkuri aguyje Ñandejára Itupãme, ipu'aka ijoja'yva rehe omosáso hağua chupekuéra ihayhu'yhakuéra pógui.

29 Ha péicha opákuri pe désimo novéno ary huekuéra ñeisãmbyhy Nefi tavayguakuéra ári.

30 Heë, oïkuri py'aguapy meme ijapytepekuéra, ha tuichaiterei akãrapu'ã pe tupaópe pe ñangareko ha jesareko ome'ëva rupi hikuái Tupã ñe'ë rehe, oje'ëva chupekuéra Helamán, ha Shiblón, Coriantón, ha Ammón ha ijoyke'ykuéra rupi, heë, ha opavave umi oñeordenava'ekue pe Tupã órden marangatu rupive, oñemongaraívo arrepentimientorã, ha oñemondóvo ombo'e hağua tavayguakuéra apytépe.

ÑEMBYATY 50

Moroni omombarete nefita-kuéra retã—Omopu'ã hikuái heta tavağuasú pyahu—Ñorairõğuasú ha ñehundi ohasava'ekue nefita-kuéra ára hekoñaña ha hembiapovai jave—Teáncum ipu'aka Moriantón ha umi osëva'ekue rehe—Nefiah omano, ha ita'yra Pahorán oğua py pe apyka hudisiálpe. 72–67 ary rupi Cristo mbovy.

Ha ko'ãğa ojehu Moroni ndohejái ñembosako'i ñorairõğuasurã, ni omo'ã hağua itavayguakuéra lamanita-kuéragui; ha oñepyrũvo ary veinte huekuéra ñeisãmbyhy, ha'e ojapouka ijehersitokuéra oñepyrũ omopu'ã heta vvy opa umi tavaguasú jerére, opa tetã ha'ëva nefita-kuéra mba'épe.

2 Ha ko'ã vvy'aty ári omoika vvyra, heë, tembiapo vvyraguigua

oñemopu'áva peteĩ kuimba'e pukukuéicha, umi tavaguasu jerére.

3 Ha ha'e ojapouka ko'ã tembiapo vyraguigua ári oñemopu'ã estakáda opa hendáre; ha umíva ijyvate ha imbarete.

4 Ha ha'e omopu'auka tórre ijyvatevéva umi estakádagui, ha ha'e omopu'auka mo'ãha ko'ã tórre ári, lamanita-kuéra ita ha hu'y ani haḡua ojapi chupekuéra.

5 Ha ombosako'i hikuái umíva opoi haḡua ita pe hu'ãgui, oipota ha imbaretcháicha hikuái, ha ojuka haḡua oñeha'áva oñemoaḡui pe tavaguasu tápiare.

6 Ha péicha Moroni ombosako'íkuri mo'ãhakuéra ihayhu'yhakuéra oúramo ḡuarã, opa tavaguasu jerére opa upe tetãme.

7 Ha ojehu Moroni ojapouka ijehérsito oho pe tave'y kuarahyresēmeguápe; heẽ, ha oho ha omosẽ hikuái opavave lamanita-kuéra oíva tave'y kuarahyresēme hetānguéra peve, oíva Zarahemla retã sur gotyo.

8 Ha Nefi retã ojeipyso kare'y jojápe pe yguasú kuarahyresēgui kuarahyreike gotyo.

9 Ha ojehu Moroni omosēmbávo opa lamanita-kuérape pe tave'y kuarahyresēmeguágui, opytáva umi yvy imba'ekuéravavoi nórtepe, ha'e ojapouka umi oikóva tetã Zarahemla-pe ha tetã oíva ijerérepe toho tave'y oíva kuarahyresēme, jepe hembey oíva yguasú ypy peve, ha ojarra hikuái upe tetã.

10 Ha ha'e omoĩ avei ehérsito súrpe, hetānguéra rembe'ype, ha omopu'auka mo'ãhakuéra omo'ã haḡua ijehersitokuéra ha itavayguakuéra ihayhu'yhakuéra pógui.

11 Ha péicha oipe'apa lamanita-kuéra mo'ãha pe tave'y kuarahyresēmegua, heẽ, ha avei kuarahyreikepegua, omombaretévo pe tape oíva nefita-kuéra ha lamanita-kuéra mbytépe, Zarahemla retã ha Nefi retã mbytépe, yguasú kuarahyreike guive, ohasávo ysyry Sidón ykua yvu rupi—ha nefita-kuéra oguereko opa yvy nortepegua, heẽ, opa yvy opytáva tetã Abundancia nórte gotyo, ha'ekuéra oipotaháicha.

12 Ha péicha Moroni, ijehersitokuéra reheve, hetavéva ohóvo pe kyhyje'y ha mo'ã ome'eva chupekuéra hembiapokuéra, oñeha'ã ohundi lamanita-kuéra mbarete ha pu'aka tetã imba'éva ári, ani haḡua oguereko hikuái mba'eveichagua pu'aka tetã imba'ekuéra ári.

13 Ha ojehu nefita-kuéra omoñepyrũ peteĩ tavaguasu ñemopu'ã, ha ombohéra hikuái upe tavaguasúpe Moroni; ha opyta yguasú kuarahyresēmegua ypýpe; ha opyta sur gotyo lamanita-kuéra mba'éva rembey ypýpe.

14 Ha omoñepyrũ avei hikuái peteĩ tavaguasu ñemopu'ã pe Moroni tavaguasu ha Aarón tavaguasu mbytépe, ombojoajúvo Aarón ha Moroni rembeykuéra; ha ombohéra hikuái pe tavaguasu, tērã upe tetã, Nefíah.

15 Ha upe arýpe oñepyrũ avei omopu'ã hikuái heta tavaguasu nórtepe, peteĩ ijojaha'ýva ombohérava hikuái Lehi, opytáva nórtepe pe yguasu rembe'y ypype.

16 Ha péicha opákuri pe ary veinte.

17 Ha ko akārapu'ãme ñeimépe oĩkuri Nefi tavayguakuéra oñepyrũvo ary veintiuno huekuéra ñeisāmyhy Nefi tavayguakuéra ári.

18 Ha oñakārapu'aitereĩkuri hikuái, ha ipirapire hetaireĩkuri hikuái; heẽ, ha oñemoña ha oñemombareteterei hikuái upe tetãme.

19 Ha péicha jahecha iporiahuverecoiterei ha ijojaha opa Ñandejára rembiapokuéra, oñekumpli hağua opa iñe'ẽ yvypóra ra'ykuérape; heẽ, ikatu jahecha oikoha iñe'ẽ, jepe ko árape, ha'e oñe'eva'ekue Lehi-pe, he'ívo:

20 E Jehovahasapyréva nde ha nde ra'ykuéra; ha ha'ekuéra o Jehovahasáta, ha iñe'ẽrenduháicha che rembiapoukapykuérare ha'ekuéra oñakārapu'ãta upe tetãme. Ha katu nemandu'áke, naiñe'ẽrendúiramo hikuái che rembiapoukapykuérare oñemoséta chupekuéra Tupã renondégui.

21 Ha jahecha ko'ã ñe'ẽme'ẽ oikohague Nefi tavayguakuérare; ha'égui inñenupã ha ijoavykuéra rupi, heẽ, ijejuka ha mondakuéra, ita'angajehayhu, ha hembiapoky'akuéra, ha hembiapovaikuéra oĩva ijapytepekuéra rupi, ogueruva'ekue hi'arikuéra, iñorairõguasu ha iñehundikuéra.

22 Ha umi ijeroviarekova'ekue iñe'ẽrendúvo Ñandejára rembiapoukapykuérare oñemosāsókuri opa ára, ha katu miles ijoyke'ykuéra hembiapoñañávape oñemoĩ ñeñapytĩmbýpe, térã omanókuri kysepuku rupi, térã ho'a sa'i sa'i jeguerovia'ýme, ha ojehe'a hikuái lamanita-kuérare.

23 Ha katu péina ápe araka'eve ndaiporiva'ekue ára ojevyy'avehápe Nefi tavayguakuéra apytépe, Nefi ára guive, Moroni arapeguáicha, heẽ, jepe ko árape, veintiún ary huekuéra ñeisambyhype.

24 Ha ojehu ary veintidos huekuéra ñeisāmyhy opa avei py'aguapýpe; heẽ, ha avei ary veintitres.

25 Ha ojehu oñepyrũvo ary veinticuatro huekuéra ñeisāmyhy aja, oĩva'erāmo'ã avei py'aguapy Nefi tavayguakuéra apytépe ndaipóririre peteĩ joavy ijapytepekuéra pe Lehi ha Moriantón retã rehe, ojoajúva Lehi ykérendi; ha mokõivéva opyta pe yguasu rembe'ýpe.

26 Ha péina ápe, tavayguakuéra oguerekóva Moriantón retã ojerrure Lehi retã pehẽngue; upévale oñepyrũ ijapytepekuéra peteĩ joavyvai, upéicha rupi umi Moriantón-pegua ojararra hi'árma ijoyke'ykuéra rehe, ha he'íma hikuái ojukataha chupekuéra kysepukúpe.

27 Ha katu péina ápe, tavayguakuéra oguerekóva Lehi retã okañy Moroni renda oiháme, ha ojerure chupe pytyvõ; péina

ápe hendivekuéra noĩrigui pe jejavy.

28 Ha ojehu tavayguakuéra Moriantón-pegua, oñeisambyhýva peteĩ kuimba'e hérava Moriantón rehe, oikuaávo Lehi tavayguakuéra ohohague pe Moroni renda oĩháme, okyhyjeteri ani mba'e Moroni ehersitokuéra ou hí'arikuéra ha ohundi chupekuéra.

29 Upévare, Moriantón omoĩ ikorasõkuérape oñaniva'erãha hikuái tetã oĩva nóртеpe, henyhëva y yguasukuéragui, ha ojarra haḡua hikuái imba'erã umi tetã nortepegua.

30 Ha péina ápe, ojarra'era'mo'ã hikuái ko plan, (mba'e oñembyasyva'erãmo'ãre) ha katu péina ápe, Moriantón ha'évo kuimba'e hekovaiva, upévare ipochy peteĩ kuña hembiguáiva ndive, ha upéva ári ojeity ha ombyepoti heta.

31 Ha ojehu ha'e oñani ha oho Moroni renda oĩháme, ha omo'mbe'upa chupe upe mba'e rehegua, ha avei okañyseha hikuái yvy nortepeguápe.

32 Ko'áḡa péina ápe, tavayguakuéra oĩva tetã Abundancia-pe, térã ja'e Moroni-pe, okyhyje ko'áva ohendúramo ḡuarã Moriantón ñe'ẽ ha ojoaju itavayguakuéra ndive, ha péicha ojarra ha'e umi tetã upepegua, mba'e ogueruva'erã mba'evaieterei Nefi tavayguakuéra apytépe, heẽ, mba'e ogueruva'erãmo'ã hekosãsokuéra ñehundi.

33 Upévare Moroni omondo peteĩ ehersito, imo'ãhakuéra reheve,

ojoko haḡua Moriantón tavayguakuérape, ojoko haḡua ije'oikuéra upe yvy nortepeguápe.

34 Ha ojehu ndohupytyĩ hikuái chupekuéra ndaha'éiramo oḡuahẽ meve hikuái tetã Desolación rembe'ýpe; ha upépe ojoko hikuái chupekuéra, pe tape po'ĩ oporogueraháva yguasúgui yvy nortepeguápe, heẽ, yguasúre, kuarahyresẽ ha kuarahyreiképe.

35 Ha ojehu pe ehersito Moroni omondova'ekue, oñeisambyhýva peteĩ kuimba'e hérava Teáncum-re, ojejuhu Moriantón tavayguakuéra ndive; ha ipy'ahatãite Moriantón tavayguakuéra, (omokyre'yvo chupekuéra hembiañoña ha ñembojuruhe'ẽkuéra) oñepyrũ peteĩ ñorairõ ijapytepekuéra, Teáncum ojuka'hápe Moriantóm-pe ha ipu'aka ijerhersitokuéra rehe, ha ojarra chupekuéra ñeñapytĩme, ha ohojey Moroni renda oĩháme. Ha péicha opákuri ary veinticuatro huekuéra ñeisambyhy Nefi tavayguakuéra ári.

36 Ha péicha ojeguerahajey Moriantón tavayguakuéra. Ha ojarra'era' hikuái konvénio oñongatutaha py'aguapy oñemoijey chupekuéra Moriantón retãme, ha ojejapo peteĩ joaju ijapytepekuéra ha Lehi tavayguakuéra ndive; ha ha'ekuéra oñemoijey avei hetãme.

37 Ha ojehu upe ary oñemoijey haguépe py'aguapy Nefi tavayguakuéra apytépe, Nefiah, pe hue guasu mokõilha, omano, oguapyvo pe huekuéra apykápe

tekojoja iporāmbávape Tupā renondépe.

38 Upevére, ha'e ombotovékuri Alma-gui ojarra hağua umi kuatiajehaipyre ha umi mba'e Alma ha ituvakuérape ġuarā imarangatueterewa'ekue; upé-vare Alma ome'ēva'ekue umíva itá'ýra, Helamán-pe.

39 Péina ápe, ojeħu ohenói hikuái Nefiah ra'ýpe oguapy hağua pe huekuéra apykápe, itúva oguapy haguépe; heē, oñehenói hue guasu ha sāmbyhyháramo tavayguakuéra ári, peteĩ ñe'ēme'ē ha pe ordenánsa marangatu reheve ohusgataha tekojojápe, ha oñongatutaha tavayguakuéra py'aguapy ha ñemosāso, ha ohejataka chupekuéra hembiapokuéra marangatu otupaitúvo Ñandejára Itupāme, heē, oipytyvõtaha ha oñongatutaha Tupā mba'ēva opa hekove aja, ha ohusgáta iñañávape hembiapovaikuéra rupi.

40 Ko'áğa péina ápe, herava'ekue Pahorán. Ha Pahorán oguapy itúva apykápe, ha oñepyrũ oisāmbyhy opávo ary veinticuatro, Nefi tavayguakuéra ári.

ÑEMBYATY 51

Umi rréi potaha omoambuese upe léi omoĩ hağua peteĩ rréi—Pahorán ha umi kuimba'e isāsosévape oipytyvõ tavayguakuéra ñe'ē—Moroni omyaña umi rréi potahápe omo'ã hağua hetã térã ohasáta hikuái ñemano—Amalickiah ha lamanita-kuéra ojarra heta tavaguasu

oñemo'áva'ekue—Teáncum ombojevũ lamanita-kuéra jeike ha ojuka Amalickiah-pe hogaaópe. 67–66 ary rupi Cristo mboyve.

Ha ko'áğa ojeħu oñepyrũvo ary veinticinco huekuéra ñeisāmbyhy Nefi tavayguakuéra ári, omoĩvo ha'ekuéra py'aguapy Lehi tavayguakuéra ha Moriantón tavayguakuéra apytépe umi hetānguéra reheguápe, ha oñepyrũvo ary veinticinco py'aguapýpe;

2 Upevére, noñongatúikuri hikuái peteĩ py'aguapypa heta ára pukukue upe tetāme, oñepyrũgui oĩ peteĩ joavy tavayguakuéra apytépe pe hue guasu Pahorán rupi; ha katu péina ápe, oĩ tavayguakuéra apytépe oipotáva pe léi oñemoambue heta hendápe.

3 Ha katu péina ápe, Pahorán nomoambueséi ni ndoipotái oñemoambue pe léi; upé-vare, ha'e nohendúi umi omondova'ekue iñe'ē ojerurévo pe léi oñemoambue hağua.

4 Upé-vare, umi oipotava'ekue oñemoambue upe léi ipochy hendive, ha ndoipotavéima hikuái ha'e hue guasu upe tetã ári; upé-vare oiko peteĩ ñe'ē'api upe mba'ére, ha katu noğuahēi tuguy ñeñoħēme.

5 Ha ojeħu umi oipotávape Pahorán ojeipe'a pe huekuéra apykágui oñehenói rréi potaha, oipotágui hikuái oñemoambue upe léi ojeity hağua pe ñemosāso ñeisāmbyhy ha oñemoĩ hağua peteĩ rréi upe tetã ári.

6 Ha umi oipotáva gueteri

Pahorán taha'e hue guasu tavayguakuéra ári omoĩ ijehe herarã yvypóra isãsoséva; ha péicha oĩkuri ko ñemboja'ó ijapytepekuéra, umi yvypóra isãsoséva oñe'eme'ẽgui térã ojapóguikuri konvénio oñongatúvo iderécho ha irreligión mba'eporã, peteĩ ñeisãmbyhy isãsóva rupi.

7 Ha ojehu ko mba'e ijoavykuéra rehegua oñembopaha tavayguakuéra ñe'ẽ rupive. Ha ojehu tavayguakuéra ñe'ẽ osẽ umi yvypóra isãsoséva ndive, ha Pahorán ojoko pe huekuéra apyka, ha péva ogueru heta vy'a Pahorán joyke'ykuéra apytépe ha avei heta tavayguakuéra hekosãsóvape, omokirirĩva avei umi rreí potahápe, upévare noñeha'ãi hikuái oñemoĩ umíva ha katu ojokómante umi mba'e sãsorã.

8 Ko'ãga umi oipotáva ojehupi rreikuéra ha'e umi hogaguakuéra herakuã porãva, ha ha'ekuéra oikose rreíramo; ha oipytyvõ chupekuéra umi ohupytyséva pu'aka ha autorida tavayguakuéra ári.

9 Ha katu péina ápe, kóva ha'ékuri peteĩ ára ivaíva oĩ haña péichagua joavy Nefi tavayguakuéra apytépe; péina ápe, Amalickiah omokyre'y jeymaguikuri lamanita tavayguakuéra korasõ nefita tavayguakuéra rehe, ha ombyaty hínakuri soldadokuéra opa hetã rendágui, ha oarma, ha ombosako'íkuri hína chupekuéra ñorairõguasurã opa jesarekópe; oñe'eme'ẽgui hoy'utaha Moroni ruguy.

10 Ha katu péina ápe, jahecháta upe ñe'eme'ẽ ha'e ojapova'ekue reihague; upevére, oñembosako'i ijupe ha ijehersitokuérape ou haña ñorairõme nefita-kuéra rehe.

11 Ko'ãga ijehersitokuéra ndahetái yma guaréicha, umi heta miles ojejukava'ekuégui nefita-kuéra po rupi; ha katu upevére heta ñehundikuéra, Amalickiah ombyatýkuri peteĩ ehérsito guasu hechapyrãva, upévare ndokyhyjeíkuri oho haña Zarahemla retãme.

12 Heẽ, Amalickiah jepe voi ou, lamanita-kuéra renonderã. Ha ha'ékuri ary veinticinco huekuéra ñeisãmbyhy aja; ha péva ha'ékuri ára oñepyrũ jave omoĩ porã hikuái ijoavy hue guasu, Pahorán rehegua.

13 Ha ojehu yvyporakuéra oñehenóiva rreipotaha ohendúvo lamanita-kuéra ouha ñorairõme hesekuéra, ovy'a hikuái ikorasõme; ha ombotove hikuái ojagarra haña umi árma, oñeko'õietereígui hikuái pe hue guasu ndive, ha avei umi tavayguakuéra hekosãsóva ndive, upévare ndojagarraséi hikuái árma omo'ã haña hetã.

14 Ha ojehu Moroni ohechávo péva, ha ohecha avei lamanita-kuéra oñuhẽmaha hína tetã rembe'yépe, oñeko'õieterei ipy'ahatã haguére umi tavayguakuéra ha'e oñangarekova'ekue jesarekópe; heẽ, oñeko'õieterei; hi'ánga henyhẽ pochýgui hesekuéra.

15 Ha ojehu omondo peteĩ

momarandu, tavayguakuéra ñe'ẽ reheve, pe tetãgua sãmbyhyhárape, ojerurévo chupe omoñe'ẽ haġua, ha ome'ẽ haġua chupe (Moroni) pu'aka omyaña haġua umi osëva'ekupe omo'ã haġua hetã térã oipe'a haġua chugui-kuéra hekove.

16 Peteĩ mba'e ha'e ojapose raëvévakuri ha'e ombopaha tavayguakuéra apytépe upe joavy ha ñesë; ha katu péina ápe, kóva ha'égui upe mbove peteĩ mba'e oñehundipahaguére chupekuéra. Ha ojehu oiko tavayguakuéra ñe'ẽme he'iháicha.

17 Ha ojehu Moroni he'i ijehersitokuérape oho haġua umi rreipotaha rehe, oity haġua ijorgullokuéra ha iñembotuicha ha omotĩndy haġua chupekuéra yvytimbo peve, térã ojagarrauka chupekuéra umi árma ha ombarete pe tekosãsorã.

18 Ha ojehu umi ehérsito oho hesekuéra; ha oity ijorgullokuéra ha iñembotuicha, upéicharupi omopu'ãvo hikuái hi'árma ñorairõguasurã oñemoĩ haġua Moroni kuimba'ekuére, oñeikytĩ ha ojeity chupekuéra yvýpe.

19 Ha ojehu oĩkuri cuatro mil umi osëva'ekue oñeikytĩva kysepukúpe; ha imburuvichakuéra ndojejukaiva'ekue ñorairõme ojejagarra ha ojeity ka'irãime, ndaipórigui ára ojehusga haġua chupekuéra upe jave.

20 Ha umi osëva'ekue rembyre, ojeityrangue yvýpe kysepuku

rupi, oñemoĩ pe ñemosãso poyvi poguýpe, ha oñemyaña chupekuéra ohupi haġua pe ñemosãso poyvi itorrekuéra ári, ha itavaguasukuérape, ha ojagarra haġua hikuái umi árma omo'ã haġua hetã.

21 Ha péicha Moroni ombopaha umi rréi potahápe, upéicha ndaipóri avave oñembohérava rréi potaha; ha péicha ha'e ombopaha umi he'íva oguerekoha tuguy iporãvéva py'ahatã ha orgúllo; ha katu oñemyaña chupekuéra oñemomirĩ haġua ijoyke'ykuéraicha, ha oñorairõ haġua py'aguasúpe oñemosãso haġua ñeñapytĩmbygüi.

22 Ha katu péina ápe, ojehu Moroni omoĩporã jave hína ñorairõguasu ha joavy oĩva itavayguakuéra apytépe, ha omoĩvo chupekuéra py'aguapy ha tekoarandúpe, ha omboguatávo ñembosako'i ñorairõguasurã lamanita-kuéra ndive, péina ápe, lamanita-kuéra oikémakuri Moroni retãme, oĩva pe yguasu rembe'y ypýpe.

23 Ha ojehu nefita-kuéra naimbaretetereíri Moroni retãme; upévore Amalickiah omosë chupekuéra, ojukávo hetápe. Ha ojehu Amalickiah ojagarra pe tavaguasu, heë, oñemomba'e opa henda mo'ãhakuéra rehe.

24 Ha umi oñaniva'ekue Moroni tavaguasúgui ou Nefiah tavaguasúpe; ha avei tavaguasu Lehi-pegua tavayguakuéra oñembyaty oñondive, ha oñembosako'i ha oñemoĩporã hikuái

ogueropu'aka haḡua ñorairōme lamanita-kuérape.

25 Ha katu ojehu Amalickiah ndohejái lamanita-kuéra oho Nefiah tavaguasu rehe oñorairō haḡua, ha katu ojoko chupekuéra pe yguasu ypýpe, ohejávo kumba'ekuéra peteítei tavaguasúpe oñongatu ha omo'ã haḡua umíva.

26 Ha upéicha ha'e oho teno-ndévo, o jagarrávo heta tavaguasu, Nefiah tavaguasu, ha Lehi tavaguasu, ha Moriantón tavaguasu, ha Omner tavaguasu, ha Gid tavaguasu, ha Mulek tavaguasu, opavave umíva opytáva kuarahyresē rembe'ýpe yguasu ypýpe.

27 Ha péicha lamanita-kuéra ohupytýkuri, Amalickiah katupyry rupi, heta tavaguasu, ijehérsito hetaité reheve, opavave oñemo'ã mbaretéva Moroni omo'ã haguéicha; ha opaite ome'eva tenda mbarete lamanita-kuérape.

28 Ha ojehu uguata hikuái tetã Abundancia rembe'y peve, oitývo nefita-kuérape henonderákuéra ha ojukávo hetápe.

29 Ha katu ojehu osē chupekuéra Teáncum, pe ojukava'ekue Moriantón-pe ha ojokova'ekue itavayguakuérape okañy vove.

30 Ha ojehu ojoko avei Amalickiah-pe, kóva oho jave ijehérsito hetaitéva ndive ojagarra haḡua Abundancia retã, ha avei yvy nortepégua.

31 Ha katu péina ápe ndaipó'ái oñembojevýgui Teáncum

ha ijehérsitore, ha'égui hikuái soldádo mbarete; opavave Teáncum soldadokuéra ohaságui lamanita-kuérape imbarete ha ikatupyrype ñorairōguasurāme, upéicha rupi ipu'aka hikuái lamanita-kuérare.

32 Ha ojehu ojopyvai chupekuéra, jepe ojuka peve chupekuéra pytū meve. Ha ojehu Teáncum ha ijehérsito omoĩ hogaaokuéra Abundancia retã rembe'ýpe; ha Amalickiah omoĩ hogaaokuéra umi y rembe'ýpe pe yguasu ypýpe, ha péicha oñembojevý chupekuéra.

33 Ha ojehu oúvo pe pytū, Teáncum ha hembiguái osē kañyhápe pyharekue, ha oike hikuái Amalickiah renda oĩháme; ha péina ápe, topehýi ipu'akákuri lamanita-kuéra rehe ikane'õitereígui hikuái, umi tembiapo ha ára haku haguére.

34 Ha ojehu Teáncum oike kañyhápe pe rréi ogaaópe, ha oikutu chupe ikorasōme peteĩ havalínape; ha upepete ojuka rréipe ha upéicha rupi nomombáy hembiguakuérape.

35 Ha ohojey kañyháme henda oĩháme, ha péina ápe, ijehérsitokuéra oke hína, ha omombáy ha he'i chupekuéra opa mba'ekue.

36 Ha ha'e ombosako'iuka ijehérsitokuéra, ani mba'e lamanita-kuéra opáy ha ou hesekuéra.

37 Ha péicha opa ary veinticinco huekuéra ñeisāmyhy Nefi tavayguakuéra ári; ha péicha opa Amalickiah arakuéra.

ÑEMBYATY 52

Ammorón opyta lamanita-kuéra rréiramo Amalickiah rendaguépe—Moroni, Teáncum, ha Lehi ogueraha nefita-kuérape petei ñorairõguasu oñemotenondehápe lamanita-kuéra rehe—Ojejagarrajey tavaguasu Mulek, ha Jacob upe zoramita ojejuka. 66-64 ary rupi Cristo mboyme.

HA ko'áãga, ojehu ary veintiseis huekuéra ñeisãmbyhy aja Nefi tavayguakuéra ári, péina ápe, opáyvo lamanita-kuéra upe ko'ẽ peteiha jasy peteiháme, péina ápe, ojuhu hikuái Amalickiah omanohague hogaa ryepýpe; ha ohecha avei hikuái Teáncum oĩmaha oñorairõ haãguáicha hendivekuéra upe ára.

2 Ha ko'áãga, lamanita-kuéra ohechávo upéva okyhyje; ha ohejarei hikuái ijeguata yvy nor-tepeguápe, ha ojevy hikuái opa ijehérsito reheve Mulek tavaguasúpe, ha oheka hikuái ñemo'ã henda mo'ãhakuérape.

3 Ha ojehu Amalickiah joyke'y oñehenói rréiramo tavayguakuéra ári; ha héra Ammorón; ha péicha rréi Ammorón, rréi Amalickiah joyke'y, oñehenói rréiramo hendaguépe.

4 Ha ojehu ha'e ojapouka itavayguakuéra toñongatu umi tavaguasu, ha'ekuéra ojagarrava'ekue tuguy ñeñohẽ rupi; ndojagarráiguikuri hikuái ni petei tavaguasu oñohẽ'ỹre heta tuguy.

5 Ha ko'áãga, Teáncum ohecha lamanita-kuéra he'ima

oñongatutaha umi tavaguasu ojagarrava'ekue hikuái, ha umi tetã pehẽngue ha'ekuéra ojagarrava'ekue; ha ohechávo avei hetaitereiha hikuái, Teáncum ojeipy'amongeta noĩporãiha oñeha'ã oñemoĩ hesekuéra henda mo'ãhakuérape.

6 Ha katu ojoko ijehérsitokuéra upe jerére, oñembosako'iramo-guáicha hína ñorairõguasurã; heẽ, ha añetehápe oñembosako'íkuri hína oñemo'ã haãguachuiguakuéra, omopu'ãvo tápia upe jerére ha ombosako'ivo tenda oñekañy haãgu.

7 Ha ojehu péicha oñembosako'ive ohóvo ñorairõguasurã Moroni ombou peve chupe kumbae atyguasu omombarete haãgu ijehérsito.

8 Ha Moroni omondo avei chupe ñe'ẽ ojoko haãgu opa prisionéro ho'áva ipópe; lamanita-kuéra ojagarráiguikuri heta prisionéro, ha'e ojokova'erã opavave prisionéro lamanítava umi lamanita-kuéra ojagarrava'ekue rendaguépe.

9 Ha avei omondo chupe ñe'ẽ omombarete haãgu Abundancia retã, ha omo'ã haãgu upe tape po'í ohóva tetã nórtete, ani lamanita-kuéra ojagarrava upe tenda'imi ha oguereko pu'aka oñemoĩ haãgu hesekuéra opa rupiete.

10 Ha Moroni avei oikuaauka chupe, oipotaha ijeroviareko oñongatúvo upéva upe yvy rinda, ha oiporu haãgu opa po'a oguerékova oñemoĩ haãgu lamanita-kuérare upe tendápe, ipu'akaha peve, peichahágui

ojagarra jeýramo ġuarā ñuhā térā ambue mba'e rupive umi tavaguasu oipe'ava'ekue hikuái ipoguikuéra; ha avei omo'ã ha omombarete haġua umi tavaguasu ijereregua, ndo'aiva'ekue lamanita-kuéra pópe.

11 Ha avei ha'e he'i chupe, che ahava'erāmo'ã penerendápe, ha katu péina ápe, lamanita-kuéra oĩ ore ári tetã rembe'ýpe yguasu kuarahyreike gotyo; ha péina ápe, che aha hesekuéra, upévare ndaikatúi aha penerendápe.

12 Ko'áġa, upe rréi (Ammorón) osěkuri Zarahemla retāgui, ha oikuaaukákuri rréinape ijoyke'y ñemano rehegua, ha ombyatýkuri tuicha kuimba'e'aty, ha ohókuri nefita-kuéra rehe umi tetã rembe'ýpe yguasu kuarahyreikegua ypýpe.

13 Ha péicha oñeha'ākuri oipy'apy nefita-kuérape, ha ogueraha peteĩ ijehersitokuéra pehēngue hapykuéri upe tetã pehēnguépe, ha upe jave he'íkuri avei umi ohejava'ekuépe oiko haġua umi tavaguasu ha'e ojagarrava'ekuépe, ha'ekuéra oipy'apy haġua avei nefita-kuérape oiva pe tetã rembe'ýpe yguasu kuarahyresē ypýpe, ha ojagarra haġua hetānguéra ipu'akakuéra ikatuha peve, ipu'akaháicha ijehersitokuéra.

14 Ha peichagua ñeimevaietépe oĩkuri nefita-kuéra opakuévo ary veintiseis huekuéra ñeisāmyhy Nefi tavayguakuéra ári.

15 Ha katu péina ápe, ojehu ary veintisiete huekuéra ñeisāmyhy

aja, Teáncum, Moroni he'ígui chupe—ha kóva omoĩkuri ehérsito omo'ã haġua umi tetã rembe'y surpegua ha kuarahyreikegua, ha omoñepyrũkuri jeguata tetã Abundancia gotyo, oipytyvõ haġua Teáncum-pe ikuimba'ekuéra ndive ojagarrajey haġua hikuái umi tavaguasu ohundiva'ekue hikuái—

16 Ha ojehu oje'ékuri Teáncum-pe oñemoĩ haġua Mulek tavaguasu rehe, ha ojagarrajey haġua ikatúramo.

17 Ha ojehu Teáncum ojapo ñembosako'i oñemoĩ haġua Mulek retã rehe, ha oñemotonde haġua ijehersitokuéra reheve lamanita-kuéra rehe; ha katu ohecha ndaikatuimo'áiha ipu'aka hesekuéra oĩ aja hendamó'āhakuéra ryepýpe; upévare oheja upe ojaposéva ha oho jey Abundancia retāme, oha'arõ haġua Moroni ñeġuahē, omombarete haġua ijehérsito.

18 Ha ojehu Moroni oġuahē tetã Abundancia-pe ijehérsito reheve, opakuévo ary veintisiete huekuéra ñeisāmyhy Nefi tavayguakuéra ári.

19 Ha oñepyrũvo ary veintiocho, Moroni ha Teáncum ha heta mburuvicha guasu oguereko peteĩ ñomongeta ñorairõguasu rehegua—ohecha haġua mba'épa ojapova'erã hikuái lamanita-kuéra osē haġua ñorairõme hesekuéra; térã oimeháicha oguenohē haġua chupekuéra henda mo'āhakuéragui, ipu'aka haġua hikuái hesekuéra

ha ojarrajey hağua Mulek tavaguasu.

20 Ha ojehu omondo hikuái kuimba'e'aty lamanita-kuéra ehérsitope, omo'áva Mulek tavaguasu, imburuvichápe, hérava Jacob, ojerurévo chupe osê hağua ijehérsito reheve oñorairõ hağua hendivekuéra yvy oíva umi mokõi tavaguasu mbytépe. Ha katu péina ápe, Jacob, ha'éva zoramita, ndouséi ijehérsito reheve oñemoĩ hağua hesekuéra upe yvy ári.

21 Ha ojehu Moroni, ndogue-rekóivo ñeha'arõ oñemoĩtaha hesekuéra peteicha, upépare, ha'e ombosako'i peteĩ plan ombotavy hağua lamanita-kuérape osê hağua hikuái henda mo'áhakuéragui.

22 Upépare ojapo Teáncum ojararra mbovymi kuimba'e'aty ha omboguata pe yguasu rembe'y ypýpe; ha Moroni ha ijehérsito, pyharekue, oguata pe tave'ýre, Mulek tavaguasu kuarahyreike gotyo; ha péicha, ko'ẽ rire, lamanita-kuéra ñangarekohára ohechávo Teáncum-pe, oñani ha omombe'u Jacob, imburuvichakuéra.

23 Ha ojehu lamanita-kuéra ehérsito osê oñemoĩ Teáncum rehe, oimo'ãgui hikuái mbovymi haguére isoldadokuéra reheve ikatutaha ipu'aka hikuái Teáncum rehe. Ha ohechávo Teáncum lamanita-kuéra ehérsito ouha hese oñepyrũ ojevvy pe yguasu rembe'ýre, nóрте gotyo.

24 Ha ojehu lamanita-kuéra ohechávo ha'e oñepyrũha oñani,

ojararra hikuái kyhyje'ỹ ha oñani mbarete hapykuéri. Ha péicha Teáncum omomomyry aja lamanita-kuérape omuñareíva chupekuéra, péina ápe, Moroni ojapouka ijehérsito pehẽngue ohóva hína hendive toike pe tavaguasúpe ha tojararra.

25 Ha upéicha ojapókuri hikuái, ha ojuka opavave opytava'ekuépe omo'ã hağua upe tavaguasu, heẽ, opavave nome'ẽséivape hi'árma ñorairõguasurã.

26 Ha péicha Moroni ojararrákuri Mulek tavaguasu ijehérsito pehẽngue reheve, ha'e oho aja hembyre reheve ohuğuaiĩ hağua lamanita-kuérape umíva oujeývo omuña rire Teáncum-pe.

27 Ha ojehu lamanita-kuéra omuña Teáncum-pe oğuahẽ meve hikuái tavaguasu Abundancia ypýpe, ha upéramo osê chupekuéra Lehi ha mbovymi ehérsito, opytava'ekue omo'ã hağua tavaguasu Abundancia.

28 Ha ko'áğa péina ápe, lamanita-kuéra mburuvicha guasu ohechávo Lehi ijehersitokuéra reheve ouha hesekuéra, oñani hikuái tuicha apañuãime, okyhyjévo ndaikatúiramo ġuarã oğuahẽ hikuái Mulek tavaguasúpe, ohupyty mboyve chupekuéra Lehi; ikane'õgui hikuái oguatahague, ha Lehi ehersitokuéra naikane'õi.

29 Ko'áğa lamanita-kuéra ndoi-kuaáikuri Moroni oĩhague hapykuerikuéra ijehérsito reheve; ha opa icyhyjeha ha'ékuri Lehi ha ijehersitokuerante.

30 Ko'ága Lehi ndohupytyséi chupekuéra ojuhu'ỹ meve Moroni ha ijehérsitope.

31 Ha ojeju lamanita-kuéra ojevy heta mboyve nefita-kuéra omongora chupekuéra, Moroni ehersitokuéra peteĩ hendápe, ha Lehi ehersitokuéra ambue hendápe, opavave ha'ekuéra naikane'õi ha henyhẽ mbaretégui; ha katu lamanita-kuéra ikane'õkuri ijeguata puku rupi.

32 Ha Moroni ojapouka ijehersitokuéra ho'a hi'arikuéra ome'ẽ peve hikuái hi'arma ñorairõguasurã.

33 Ha ojeju Jacob, ha'évo imburuvichakuéra, ha'évo avei zoramita, ha oguerékóvo peteĩ espíritu ikatu'ỹva oñehekombo'e, ogueraha lamanita-kuérape ñorairõrã Moroni rehe pochyvaieítei.

34 Moroni ohapejokógui iguata; upévare Jacob he'íma ojukataha chupekuéra ha oipe'ataha hape Mulek tavaguasu peve. Ha katu péina ápe, Moroni ha ijehersitokuéra imbaretave; upévare nome'ëi hikuái tape lamanita-kuérape.

35 Ha ojeju oñorairõ hikuái ambue hendáguio pochyvaieíteire; ha oĩkuri heta omanóva peteĩ ha ambue hendápe; heẽ, ha Moroni ojeikutu ha Jacob ojejuka.

36 Ha Lehi ojopy chupekuéra hapykuéguio pochyvai reheve kumba'ekuéra imbaretéva ndive, ha lamanita-kuéra oĩva hapykuépe ome'ẽ hi'arma ñorairõguasurã; ha

umi hembýva, tuicha apañuãime, ndoikuaái moõ gotyopa ohóta térã mávarepa oñemoíta.

37 Ko'ága, Moroni ohechávo iñapañuãikuéra, he'i chupekuéra: Peguerúramo ha peme'ẽ pene arma ñorairõguasurã, péina ápe noroñohẽmo'ávẽima pende ruguy.

38 Ha ojeju lamanita-kuéra ohendúvo ko'ã ñe'ẽ, imburuvicha guasukuéra, opavave umi ndojejukaiva'ekue, ou ha oity hi'armakuéra ñorairõguasurã Moroni py gotyo, ha avei he'i ijehersitokuérape ojapo haḡua upéicha.

39 Ha katu péina ápe, oĩ heta ndoipotáiva; ha umi nome'ëséiva ikysepukukuéra ojejagarra ha ojejokua, ha ojeipe'a chugui-kuéra hi'arma ñorairõguasurã, ha oñemyaña chupekuéra oguata haḡua ijoyke'ykuéra ndive tetã Abundancia-peve.

40 Ha ko'ága prisionerokuéra ojejagarrava'ekue hetave umi ojejukava'ekuégui, heẽ, hetave umi ojejukava'ekuégui mokõive hendápe.

ÑEMBYATY 53

Ojeiporu prisionerokuéra lamanita oñemombarete haḡua tavaguasu Abundancia—Nefita-kuéragui ñesẽ ogueru lamanita-kuéra pu'aka—Helamán ojagarra dos mil mitã-rusu Ammón tavayguakueragua oisãmbyhy haḡua. 64–63 ary rupi Cristo mboyve.

HA ojehu omoī hikuái lamanita-kuéra prisionéro ári ñangarekohára, ha oñemyaña chupekuéra oho ha oñotỹ haġua ite'õnguekuéra, heẽ, ha avei nefita-kuéra omanova'ekue re'õngue; ha Moroni omoī hiarikuéra ñangarekohára oma'ẽ haġua hesekuéra ojapo aja hembiaapo.

2 Ha Moroni oho Mulek tavaguasúpe Lehi ndive, ha ojararra pe tavaguasu ñeisãmbyhy ha ome'ẽ Lehi-pe. Ko'áġa péina ápe, kóva ko Lehi ha'e pe oiva'ekue Moroni ndive hetave ñorairõme; ha ha'éva'ekue peteĩ kuimba'e Moroni joguaha, ha ovy'ava'ekue hikuái peteĩ ha ambue ñemo'ãme; heẽ, ojoayhuvava'ekue peteĩva ambuẽpe, ha avei ohayhuvava'ekue chupekuéra opa Nefi tavayguakuéra.

3 Ha ojehu lamanita-kuéra oñotỹmba rire he'õnguekuéra, ha avei nefita-kuéra re'õngue, ojeguerahajey chupekuéra Abundancia retãme; ha Teáncum, Moroni rembiapoukapy rupi, ojo'ouka chupekuéra peteĩ vvykua tetã jerére, térã tavaguasu, Abundancia jerére.

4 Ha omopu'ãuka peteĩ ñemo'ãha vvyrágui pe vvykua rembe'y hyepy gotyogua ári; ha oity hikuái pe vvy osẽva'ekue vvykuágui pe ñemo'ãha vvyra rehe; ha péicha omomba'apouka hikuái lamanita-kuérape omongora peve tavaguasu Abundancia peteĩ tápia vvyrágui ha vvyguigua imbareteva reheve, ijyvatekuẽpe ndaijoháiva.

5 Ha ko tavaguasúgui oiko upe guive peteĩ mo'ãha imbaretereiva; ha ko tavaguasúpe oñongatuva'ekue hikuái lamanita-kuéra prisionéro; heẽ, jepe peteĩ tápia ryepýpe omopu'ãukava'ekue chupekuéra ipópe. Ko'áġa Moroni omyaña lamanita-kuérape omba'apo haġua, ndahasýgui oñangareko hesekuéra hembiaapo aja; ha ha'e oguerekose opa isoldádo lamanita-kuéra oñemoī vove ġuarã hesekuéra.

6 Ha ojehu péicha Moroni ohupytykuri pu'aka peteĩ lamanita-kuéra ehérsito tuichavéva ári, ha ojagarrákuri Mulek tavaguasu, ha'éva peteĩ lamanita-kuéra renda imbaretevéva Nefi retãme; ha péicha avei ha'e omopu'ákuri peteĩ mo'ãha mbarete ojoko haġua iprisionerokuérape.

7 Ha ojehu noñeha'ávẽima ogueru ñorairõ lamanita-kuéra rehe upe arýpe, ha katu omomba'apo ijehersitokuérape ñorairõguasurã ñembosako'ípe, heẽ, ha omopu'ã haġua tendamo'ãha oñeñongatu haġua lamanita-kuéragui, heẽ, ha avei omosãso haġua ikuña ha ita'yraquérape ñembyahýi ha jehasa'asýgui, ha omoī haġua tembi'u ijehersitokuérape ġuarã.

8 Ha ko'áġa ojehu lamanita-kuéra ehérsito, yguasu kuarahyreikepegua, sur gotyo, Moroni ndaipóri aja, mba'eñemi oiva nefita-kuéra apytépe rupi, oguerúva ñesẽ ijapytepekuéra, ohupytykuri pu'aka nefita-kuéra renda rehe, heẽ, ojararra peve hikuái

heta itavaguasukuéra upéva upe tetãme.

9 Ha péicha tembiapovai oïva ijapytepekuéra rupi, heẽ, umi ñesê ha mba'eñemi oïva ijapytepekuéra rupi ha'ekuéra ojehecha ñeime vaietépe.

10 Ha ko'ágã péina ápe, che aguereko mba'e ha'eva'erã Ammón tavayguakuéra rehe, ha'eva'ekue, iñepyrũmbýpe, lamanita-kuéra; ha katu Ammón ha ijoyke'ykuéra rupi, térã ja'eporã hağua Tupã pu'aka ha ñe'ẽ rupi, ha'ekuéra oñekonvertiva'ekue Ñandejarape; ha ojeguerahava'ekue chupekuéra Zarahemla retãme, ha nefitakuéra omo'ãva'ekue chupekuéra upe guive.

11 Ha iñe'eme'ẽnguéra rupi ojejokókuri chupekuéra ani hağua ojagarrã umi árma ijoyke'ykuéra rehe; ojapóguikuri hikuái ñe'eme'ẽ noñohẽmo'ãveimaha tuguy; ha iñe'eme'ẽnguérape he'iháicha omanova'erãmo'ãkuri hikuái; heẽ, ha'ekuéra ojeitykava'erãmo'ã ijoyke'ykuéra pópe, ndaha'éirire pe poriahuvereko ha tuicha mborayhu rupi Ammón ha ijoyke'ykuéra oñandúva hesekuéra.

12 Ha upéva rupi ojeguerahava'ekue chupekuéra Zarahemla retãme; ha upe guive omo'ãva'ekue chupekuéra nefita-kuéra.

13 Ha katu ojehu ohechávo hikuái upe mba'evai, ha umi heta jehasa'asy ha jeiko'asy nefita-kuéra ohasáva hesekuéra, henyhẽ hikuái poriahuverekógui

ha ojagarrase umi árma omo'ã hağua hetãme.

14 Ha katu péina ápe, oïma jave hikuái ojagarrã hağuaicha hi'árma ñorairõguasurã, okonvense chupekuéra Helamán ha ijoyke'ykuéra ñe'ẽ, haimetégui ojapyhara hikuái pe ñe'eme'ẽ ojapova'ekuere.

15 Ha Helamán okyhyje ojapóramo hikuái upéva ohunditaha hi'angakuéra; upévale opavave umi ojapova'ekue kóva ko konvênio oñemyañámante chupekuéra ohechávo ijoyke'ykuérape ohasa ko'ã jehasa'asy, ko'ã iñeimevaieetépe ko árape.

16 Ha katu péina ápe, ojehu oguererekókuri hikuái heta ita'yra-kuéra, ojapo'yva'ekue konvênio ndogarramo'ãiha hi'árma ñorairõrã oñemo'ã hağua ihayhu'yha-kuérãgui; upévare oñembyaty hikuái upe árape, opavave ikatúva ojagarrã árma, ha oñembohéra hikuái nefita.

17 Ha ojapo hikuái peteĩ ñe'eme'ẽ oñorairõtaha nefita-kuéra tekosãso rehe, heẽ, omo'ãvo upe tetã hekove reheve jepe; heẽ, jepe ojapo hikuái konvênio araka'eve nomboykemo'ãiha hekosãso, ha katu oñorairõtaha hikuái opa ára omo'ã hağua nefita-kuérãpe ha ijupekuéra ñeñapytĩmbýgui.

18 Ko'ágã péina ápe, oïkuri dos mil ko'ã mitãrusu, ojapova'ekue péva pe konvênio ha ojagarrava'ekue hikuái hi'árma ñorairõguasurã omo'ã hağua hetã.

19 Ha ko'ágã péina ápe, upéicha araka'eve nomokangyiva'ekue

hikuái nefita-kuérape, oiko chuguikuéra upe jave peteĩ tuicha pytyvõ; o jagarrágui hikuái hí'árma ñorairõguasurã, ha oipotákuri Helamán taha'e imburuvichakuéra.

20 Ha opavave ha'ekuéra mitãrusu, ha ikatupyryeterei hikuái py'aguasúpe, ha avei mbarete ha tembiapokuaápe; ha katu péina ápe, ndaha'ei péva añónte—ha'e hikuái yvypóra ijeroviarekóva opa ára opáichagua mba'e oñeme'ëvape chupekuéra.

21 He'e, ha'ékuri hikuái kumba'e añetegua ha iñakãguapýva, oñembo'éguikuri chupekuéra iñe'ërendu ha'gua Tupã rembiapoukapykuérare ha oiko ha'gua kare'ýme henondépe.

22 Ha ko'ága ojehu Helamán oguata idos mil soldadokuéra mitãrusu renonderã, oipytyvõ ha'gua tavayguakuérape tetã surpegua rembe'ýpe yguasu kuarahyreikepegua ypy gotyo.

23 Ha péicha opákuri ary veintiocho huekuéra ñeisãmyhy aja Nefi tavayguakuéra ári.

ÑEMBYATY 54

Ammorón ha Moroni oñemongeta ojapo ha'gua prisionerokuéra ñemyengovia—Moroni ojerure lamanitakuéra ojevuy ha'gua ha ombopaha ha'gua iñorairõ jejukarã—Ammorón ojerure nefita-kuéra ome'ë ha'gua hí'árma ha oñemoi ha'gua lamanitakuéra poguýpe. 63 ary rupi Cristo mboyo.

HA ko'ága ojehu oñepyruvo ary veintinueve huekuéra ñeisãmyhy rehegua, Ammorón he'ika Moroni-pe ojaposeha peteĩ prisionerokuéra ñemyengovia.

2 Ha ojehu Moroni-pe ogueru tuicha vy'a pe ojejeruréva, oipotágui umi tembi'u oñeme'ëva lamanita-kuéra prisionerope opyta oñemongaru ha'gua itavayguakuérape; ha avei ha'e oipota itavayguakuérape omombarete ha'gua ijehérsito.

3 Ko'ága, lamanita-kuéra ojagarrákuri heta kuña ha mitã, ha ndaipórikuri ni peteĩ kuña ni mitã opa Moroni prisionerokuéra apytépe, téra prisionero Moroni ojagarrava'ekue apytépe; upévare Moroni oiporu peteĩ mbotavy ohupyty ha'gua heta prisionero nefítava ikatúva umi lamanita-kuérarupi.

4 Upévare oha'i peteĩ kuatione'ë, ha omondo Ammorón rembiguái rupive, pe ogueruva'ekuevoi peteĩ kuatione'ë Moroni-pe. Ko'ága ko'áva ha'e ñe'ë ohaiva'ekue Ammorón-pe, he'ívo:

5 Péina ápe, Ammorón, che ahaíkuri ndéve ñe'ë ko ñorairõguasurã rehegua regueruva'ekue che tavayguakuéra rehe, téra ja'eporáséramo nde joyke'y ogueruva'ekue orerehe, ha reguerahasevénteva hina jepe ha'e omano riréma.

6 Péina ápe, che ha'ese ndéve peteĩ mba'e upe Tupã hustisia rehe, ha iñeko'oi ipu'akapáva kysepuku, ojeiporútava penderhe peñarrepenti'ýramo ha

pembojevý'ýrō pende ehérsito pene retā meve, térā tetā pene mba'évape, ha'éva Nefi retā.

7 Heē, che ha'ese ndéve ko'ā mba'e ikatútarire rehendu umíva; heē, ha'éva'erāmo'ā ndéve pe añaretā vaiete oímava omoġuahē haġua péicha oporojukávape nde ha nde joyké'y ha'eháicha, napeñearrepentíriramo ha peheja pende jejukase, ha pehojey pende ehersitokuéra reheve pene retāme.

8 Ha katu upe mbojve perrechasa haguéicha ko'ā mba'e, ha peñemoikuri Nādejára tavayguakuéra rehe, upéicha che aha'arōjey pejapo.

9 Ha ko'áġa péina ápe, roiméma ñembosako'ípe pomoġuahē haġua; heē, ha peheja'ýramo umi mba'e pejaposéva, péina ápe, pejapóta upe Tupā perrechasa'ekue ñeko'oi ho'a pende ári, jepe peñehundipaite peve.

10 Ha katu, Nādejára oikoveháicha, ore ehersitokuéra oúta pende ári napeñembyasýiramo, ha ko'águi pya'e oúta peēme ñemano, rojokótagui ore tavaguasu ha ore retā; heē, ha romo'āta ore religión ha ore Tupā mba'éva.

11 Ha katu péina ápe, ha'etévaicha chéve añe'éreiha ndéve ko'ā mba'ére; térā ha'etévaicha chéve nde ha'eha peteī añaretā ra'y; upévale che ambopaháta che kuatione'ē ha'évo ndéve namyengoviamo'āiha prisionerokuéra, ndereme'ēiramo peteī kuimba'e ha hambireko ha ita'yraquéra

peteī prisionéro rangue; péicha jajapótaramo, che ajapóta ñemyengovia.

12 Ha péina ápe, nderejapóiramo upéva, che aháta penderehe che ehérsito reheve; heē, jepe amo'ármata kuña ha mitānguéra, ha che aháta pende rehe, ha aháta penderapykuéri pene retā meve, ha'éva tetā ñande jehejapyre peteīha; heē, ha ha'éta tuguy tuguýre, heē, tekove tekovére; ha che añemoíta penderehe jepe peñehundi peve yvy ape árigui.

13 Péina ápe, che chepochy, ha avei che tavayguakuéra; peē orejukasékuri, ha ore roñeha'ānte roñemo'ā. Ha katu péina ápe, peñeha'ā jeýramo orerundi ore roñeha'āta pohundi peēme; heē, ha roñeha'āta rohupyty haġua ore retā, tetā ore jehejapyre peteīha.

14 Ko'áġa che ambopaha che kuatione'ē. Che ha'e Moroni; che ha'e peteī nefita tavayguakuéra mburuvicha.

15 Ko'áġa ojehu Ammorón, oġuahēvo chupe ko kuatione'ē, ipochýkuri; ha ohai ambue kuatione'ē Moroni-pe, ha ko'áva ha'e ñe'ē ohaiva'ekue, he'ívo:

16 Che ha'e Ammorón, lamanita-kuéra rréi; che ha'e Amalickiah joyké'y pejukava'ekue. Péina ápe, che avengáta huguy pende ári, heē, ha che ajúta pende ári che ehersitokuéra reheve ndakyhyjéigui ñe'ēpohýi pejevagui.

17 Ha katu péina ápe, pende rukuéra ndaijojaiva'ekue ijoyke'ykuéra ndive, omonda peve chuguikuéra iderécho oisámbyhy

hağua ha'évakuri añetete imba'ekuéra.

18 Ha ko'áğa péina ápe, peme'ẽramo pene árma, ha peñemoĩramo peneisãmbyhy hağua umi ñeisãmbyhy imba'éva añetete, upéramo che ajapóta che tavayguakuéra oheja hí'árma ha anivéma oĩ ñorairõguasúpe.

19 Péina ápe, heta ñe'ẽpohýi erékuri che rehe ha che tavayguakuéra rehe; ha katu péina ápe, naoremongyhyjéi ne ñe'ẽpohyikuéra eréva.

20 Upevére, che ahejáta prisionerokuéra oñemyengovia nde ejerure haguéicha, vy'ápe, año ngatu hağua che rembi'ukuéra che ehersitokuéra ñorairõguasurãme ġuarã; ha rojapóta peteĩ ñorairõguasu opave'ýtava, taha'e romoĩ hağua nefita-kuérape ore autorida guýpe térã rojukapa hağua chupekuéra tapiate peve ġuarã.

21 Ha pe Tupã nde erehague ore rorreasava'ekue, péina ápe, ore ndoroikuaái upe tekovépe; ni peẽ avei; ha katu peichahágui oĩramo péichagua tekove, ikatúra'e oime ha'e oreapo oréve pendeapo haguéicha peẽme.

22 Ha oĩramo peteĩ aña ha peteĩ añaretã, péina ápe napenemondomo'ái piko ha'e upépe peiko hağua che joyke'y pejukava'ekuépe ndive, pejéva ohohague upe tendápe? Ha katu péina ápe ko'ã mba'e ndaha'ei mba'eve.

23 Che ha'e Ammarón, ha ha'e Zoram ñemoñare, upe pende

rukuéra omyañava'ekue ha ogue-nohẽ Jerusalén-gui.

24 Ha péina ápe ko'áğa, che ha'e peteĩ lamanita ipy'aguasúva; péina ápe, ojejavova'ekue ko ñorairõguasu oñevenga hağua ijoja'ykuéra, ha oñeñongatu ha ojhupyty hağua iderechokuéra oisãmbyhy hağua; ha ambopaha che kuatiañe'ẽ Moroni-pe.

NEMBYATY 55

Moroni ombotove oñemyengovia prisionerokuéra—Oñemokyre'y lamanita-kuéra ñangarekoharakuéra oka'u hağua, ha oñemosãso opa prisionerokuéra nefitava—Ojejagarra tavaguasu Gid oñenohé'yre tuguy. 63–62 ary rupi Cristo mboyve.

KO'ÁĞA ojehu oğuahêvo pe kuatiañe'ẽ Moroni-pe ha'e ipochyve, oikuaágui Ammorón oikuaa porãitereiha pe japu he'íva; heẽ, ha'e oikuaáguikuri Ammorón oikuaahague ndaha'eiha mba'e joja oguerahava'ekue chupe ojapo hağua ñorairõguasu Nefi tavayguakuéra rehe.

2 Ha ha'e he'i: Péina ápe, namyengoviamo'ái prisionerokuéra Ammorón ndive oheja'yramo pe ojaposéva, che ha'e haguéicha chupe che kuatiañe'ẽme; ndahejamo'áigui chupe oguerekove pu'aka pe oguerékómagui.

3 Péina ápe, che aikuaa tenda lamanita-kuéra oñongatuhápe che tavayguakuéra ojagarrava'ekue prisionéroramo; ha Ammorón

nomoneimaramo pe che kua-tiañe'ẽmegua, péina ápe, che ajapóta hendive añe'ẽ haguéicha; heẽ, añeha'ãta agueru ñemano ijapytepekuéra ojerure peve hikuái py'aguapy.

4 Ha ko'ága ojehu Moroni he'ívo ko'ã ñe'ẽ; ohekauka isoldadokuéra apytépe, peichahágui ojuhúramo gũarã ijapytepekuéra peteĩ ha'éva Lamán ñemoñare.

5 Ha ojehu ojuhu hikuái peteĩme, hérava Lamán; ha ha'e peteĩ upe rréi Amalickiah ojukava'ekue rembiguái.

6 Ko'ága Moroni oja pouka Lamán ha peteĩ ijehérsito aty'imi oho oiháme umi ñangarekohára oma'éva hína nefita-kuérare.

7 Ko'ága nefita-kuéra oĩkuri ñe-ñangarekoharakuéra poguýpe tavaguasu Gid-pe; upévore Moroni ohenói Lamán-pe, ha omondouka hendive peteĩ kuimba'e aty'imi.

8 Ha pyharévo Lamán oho oiháme umi ñangarekohára oma'éva hína nefita-kuérare, ha péina ápe, ohecha chupe hikuái ouha hína ha osapukái chupe; ha katu ha'e he'í chupekuéra: Ani pekyhyje; péina ápe, che ha'e lamanita. Péina ápe, ore rokañýkuri nefitakuéragui, ha ha'ekuéra oke hína; ha péina ápe rogueru orendive ivinokuéra.

9 Ko'ága lamanita-kuéra ohe-ndúvo ko'ã ñe'ẽ omoġuahẽ chupe vy'ápe; ha he'í chupe hikuái: Eme'ẽ oréve ne vínogui, romboy'u haġua; rovy'a regueru haguére nendive víno ore kane'õitereĩgui.

10 Ha katu Lamán he'í chupekuéra: Ñañongatu ñane víno ñasẽ meve ñorairõme nefita-kuéra rehe. Ha katu ko'ã ñe'ẽ omokyre'yvéntema chupekuéra omboy'u haġua upe víno;

11 Ha'ekuéra, he'ĩgui: Orekané'õ, upévore ñamboy'u upe vínogui, ha pya'e ojeguerútama ñandéve víno ñane mba'éva, ñanemombaretétava ñasẽ haġua nefita-kuéra rehe.

12 Ha Lamán he'í chupekuéra: Ikatu pejapo peẽ pejaposeháicha.

13 Ha ojehu omboy'u kyre'y hikuái upe vínogui; ha heterei chupekuéra, upévore omboy'u kyre'yve hikuái; ha imbarete, ojejapóguikuri imbarete haġuaicha.

14 Ha ojehu hoy'u ha ovy'a hikuái, ha upe riremí oka'upáma hikuái.

15 Ha ko'ága Lamán ha kuimba'ekuéra ohechávo oka'upa ha oke atãmbaha hína, ohojey hikuái Moroni rendápe ha omombe'u chupe opa mba'e ojehuva'ekue.

16 Ha ko'ága, péva oiko Moroni oipota haguéicha. Ha Moroni ombosako'imakuri kuimba'ekuérare arma ñorairõguasurã reheve; ha ohókuri Gid tavaguasúpe, lamanita-kuéra oke atã ha oka'u aja, ha oity hikuái arma ñorairõguasurã umi prisionérove, upéicha maymáva opyta arma reheve.

17 Heẽ, ikuñanguéra jepe, ha opa imitãnguéra, ikatúva oiporu arma ñorairõguasurã, Moroni

oarma rire opa umi prisionero-kuérape; ha ojejapókuri opa ko'ã mba'e kiriri guasúpe.

18 Ha katu omombáyrire hikuái lamanita-kuérape, péina ápe oka'úkuri hikuái ha nefita-kuéra ikatútakuri ojuka chupekuéra.

19 Ha katu péina ápe, ndaha'úi upéva Moroni oipotava'ekue; ha'e ndaipy'arorýi jejuka ni tuguy ñeñoñe, ha katu ha'e hory osalvávo itavayguakuérape ñehundígui; ha upéva rupi, ani hağua ojapo ijoja'yva, ha'e ndo'aséi lamanita-kuéra ári oka'u aja hikuái ha ohundi chupekuéra.

20 Ha katu ohupytykuri oipotáva; omo'ármagui umi prisionéro nefita oíva tavaguasu tápia ryepýpe, ha ome'ékuri chupekuéra pu'aka ojagarra hağua hikuái umi tenda oíva upe tápia ryepýpe.

21 Ha upémarõ ojapouka umi kuimba'e oíva hendive tojei chuguikuéra peteĩ jeguata rupi, ha tomongora lamanita-kuéra ehérsito.

22 Ko'áğa, péina ápe upéva ojejapókuri pyharekue, upéicha opáyvo lamanita-kuéra upe ko'eme ohecha hikuái omongoraha chupekuéra nefita-kuéra okáguio, ha hyepýpe prisionerokuéra oíha árma reheve.

23 Ha péicha ohecha hikuái nefita-kuéra oguerekoha pu'aka hi'arikuéra; ha peichagua ñeimépe oikuaa hikuái naiporãiha oñorairõ nefita-kuéra ndive; upévare imburuvicha guasukuéra ojerure chupekuéra hí'árma ñorairõguasurã, ha ogueraha hikuái ha oity

nefita-kuéra py gotyo, ojerurévo poriahuvereko.

24 Ko'áğa péina ápe, upéva ha'e Moroni oipotava'ekue. Ojapo chuguikuéra ñorairõguasu prisionéro, ha ojagarra pe tavaguasu, ha omosãsouka opa prisionéro, nefita-kuérava; ha ojoaju hikuái Moroni ehérsito ndive, ha tuicha omombarete hikuái ijehérsito.

25 Ha ojehu ojapouka lamanita-kuéra, ojagarrava'ekue prisionéroramo, omoñepyrũ tembiapo omombarete hağua umi tendamo'ãha oíva tavaguasu Gid jerére.

26 Ha ojehu omo'ã rire tavaguasu Gid, ha'e oipota haguéicha, ha'e oguerahauka iprisionerokuéra tavaguasu Abundancia-pe; ha omo'ã avei upe tavaguasu peteĩ pu'aka imbaretetereíva reheve.

27 Ha ojehu ha'ekuéra, jepeve opa mbotavy lamanita-kuéra oha'áva'ekue, oñongatu ha omo'ákuri opa prisionéro ojagarrava'ekuépe, ha avei oñongatúkuri opa tenda ha po'a ohupytyjeyva'ekue hikuái.

28 Ha ojehu péicha nefita-kuéra oñepyrũ jey ipo'a, ha oguerekojey iderécho ha imba'eporãkuéra.

29 Heta ára lamanita-kuéra oñeha'ã omongora chupekuéra pyharekue, ha katu upéva ojapokuévo ohundi hikuái heta prisionéro.

30 Ha heta ára oñeha'ã hikuái omboy'u nefita-kuérape ivínogui, ojuka hağua chupekuéra venénope térã ka'úgui.

31 Ha katu péina ápe, nefitakuéra naimbeguékuri imandu'a haḡua Ñandejára Itupã rehe ára ohasa'asy jave. Ndaikatúikuri oity hikuái chupekuéra iñuhãme; heë, ndoy'úi hikuái ivinokuéragui, omboy'uka mboyve iprisionerokuéra lamanita-vape.

32 Ha péicha ojesareko hikuái ani haḡua oñeme'ẽ chupekuéra venéno; pe víno oenvenenáramo peteĩ lamanita-pe avei oenvenenáta peteĩ nefita-pe; ha péicha ojapókuri hikuái opa ilikor reheve.

33 Ha ko'áḡa ojehu oñeikotevẽkuri Moroni ojapo ñembosako'í oñemoĩ haḡua Moriantón tavaguasu rehe; ha katu péina ápe, lamanita-kuéra, hembiaapo rupi, omombaretékuri Moriantón tavaguasu oiko peve chugui peteĩ tenda imbareretereíva.

34 Ha ogueru memékuri hikuái mbarete pyahu upe tavaguasúpe, ha avei hi'upy ipyahúva.

35 Ha péicha opákuri ary veintinueve huekuéra ñeisãmyhy aja Nefi tavayguakuéra ári.

ÑEMBYATY 56

Helamán omondo peteĩ kuatione'ẽ Moroni-pe, omombe'uhápe chupe mba'éichapa oĩ pe ñorairõguasúpe Lamanita-kuéra ndive—Antipus ha Helamán ohupyty tuicha pu'aka lamanita-kuéra ári—Umi dos mil Helamán ra'ykuéra oñorairõ pu'aka techapyrãva reheve, ha avave ijapytepekuéra nomanói. Verso 1,

62 ary rupi Cristo mboyve; verso 2–19, 66 ary rupi Cristo mboyve; ha verso 20–57, 65–64 ary rupi Cristo mboyve.

Ha ko'áḡa ojehu oñepyrũvo ary treinta huekuéra ñeisãmyhy aja, mokõiha ára peteĩha jasýpe, oñemoḡuahẽ Moroni-pe peteĩ kuatione'ẽ Helamán-gui, omombe'uhápe chupe tavayguakuéra rehegua upe tetã pehẽnguépe.

2 Ha ko'áva ha'e ñe'ẽ ha'e ohaiva'ekue, he'ívo: Che joyke'y ahayhuetéva, Moroni, jepe Ñandejárape térã ñande ñorairõguasúpe jehasa'asýpe; péina ápe, che joyke'y ahayhuetéva, che agueroko peteĩ mba'e ha'eva'erã ndéve ñande ñorairõguasúpe kóva ko tetã pehẽnguépe.

3 Péina ápe, dos mil umi kumbae ra'ykuéra Ammón ogueruva'ekue Nefi retãgui—ko'áḡa reikuaáma ko'áva ha'eha Lamán ñemoñare, ñande ru Lehi ra'y ppykue;

4 Ko'áḡa che natekotevẽi ha'ejeý ndéve ijepokuaakuéra ha ijeguerovia'ykuéra rehegua, nde reikuaágui opa ko'ã mba'égui—

5 Upévore iporãntema che ha'e ndéve dos mil ko'ã mitãrusu ojagarrahague hi'arma ñorairõguasurã, ha oipota hikuái che ha'e imburuvichakuéra; ha rosékuri romo'ã haḡua ore retã.

6 Ha ko'áḡa reikuaa avei pe konvénio ojapova'ekue ituvakuéra, nomopu'ãmo'ãiha hikuái arma

ñorairōguasurā ijoyke'ykuéra rehe oñohē haḡua tuguy.

7 Ha katu ary veintiseis-pe, ohechávo hikuái ore jeiko'asy ha jehasa'asy rohasáva hesekuéra, haimete ojapyhara hikuái pe konvénio ojapova'ekue ha omopu'ã hi'árma ñorairōguasurā oremo'ã haḡua.

8 Ha katu che ndahejaséi chupekuéra ojapyhara hikuái upe konvénio ojapova'ekue, aimo'āgui Tupã oremombaretetaha, upéicha ndorhasa'asymo'āvéima, oñekumpli haguére pe ñe'ême'ē ha'ekuéra ojapova'ekue.

9 Ha katu péina ápe, oĩ peteĩ mba'e ikatúvape jaguereko tuicha vy'apavē. Ha péina ápe, ary veintiseis-pe, che, Helamán, aguata ko'ã dos mil mitārusu renonderā tavaguasu Judea peve, aipytyvō haḡua Antipus-pe, reheroiva'ekue mburuvicháramo tavaygua-kuéra ári upe tetã pehēnguépe.

10 Ha amoinge dos mil che ra'ykuérape, (hekomarangatúgui hikuái oñehenói haḡua che ra'y) Antipus ehérsitope, ha ko'ã soldádo reheve ha'e ovy'aitei; péina ápe, ijehérsito oñemomichívékuri lamanita-kuérare ijehérsitokuéra ojukáguikuri heta ore kuimba'ekuérape, upévale roguereko mba'érepa orerasēvo.

11 Upevére, ikatu oreangapyhy ko'āvape, omanohague hikuái hetãre ha Itupãre, heē, ha ovy'a hikuái.

12 Ha lamanita-kuéra ojokókuri avei heta prisionerokuérape, ha'éva opavave mburuvicha

guasu, avave ambuépe ndohejáigui hikuái oikove. Ha roimo'ã oimeha hikuái ko'áḡa Nefi retãme; noiméiramo ojuka hikuái chupekuéra.

13 Ha ko'áḡa ko'áva ha'e tavaguasu lamanita-kuéra oja-garrava'ekue oñohēvo hetaite ore joyke'ykuéra ipy'aguasúva ruguy.

14 Manti retã, térã Manti tava-guasú, ha tavaguasu Zeezrom, ha tavaguasu Cumeni, ha tavaguasu Antipara.

15 Ha ko'áva ha'e tavaguasu oguerekova'ekue hikuái che aḡuahēramoguare tavaguasu Judea-pe; ha ajuhu Antipus ha kuimba'ekuérape omba'apo hína opa ipu'aka reheve omombarete haḡua upe tavaguasu.

16 Heē, ha ikane'ōkuri hikuái hetépe ha ijespíritupe, oñorairōguikuri hikuái py'aguasúpe arakue ha omba'apóguikuri hikuái pyharekue oñongatu haḡua itavaguasukuéra; ha upéicha ohasákuri hikuái tuicha jeiko'asy opaichaguáva.

17 Ha ko'áḡa he'íma hikuái ipu'akataha hesekuéra upe tendápe térã omanóta; upévale ikatu reimo'ã porã ko mbarete'imi agueruva'ekue chendive, heē, umi che ra'ykuéra, ome'ēkuri chupekuéra tuicha ñeha'arō ha heta vy'apavē.

18 Ha ko'áḡa ojehu lamanita-kuéra ohechávo oñemoḡuahēveha Antipus-pe heta soldádo ijehérsitope ḡuarã, oñemyaña chupekuéra Ammorón he'ígui,

ani haḡua ou hikuái oñemoĩ Judea tavaguasu rehe, térã orerehe, ñorairõme.

19 Ha péicha Ñandejára oremoĩ-porākuri; ha ourire hikuái ore ári orekangy aja ikatuva'erāmo'ākuri ohundi hikuái ore ehersito'imi; ha katu péicha roñeñongatúkuri.

20 Ammorón he'íkuri chupekuéra ojoko haḡua hikuái umi tavaguasu ojagarrava'ekue. Ha péicha opākuri ary veintiseis. Ha oñepyrũvo ary veintisiete rombosako'íkuri ore tavaguasu ha orejupe roñemo'ã haḡua.

21 Ko'áḡa, ore roipotākuri lamanita-kuéra ou ore ári; noroñemoĩséigui hesekuéra hendambaretekuérape.

22 Ha ojehu romoĩ ma'ẽñemiharakuéra umi jerére, rohecha haḡua lamanita-kuéra oja póva, ani haḡua oike hikuái oréve pyharekue ni arakue oñemoĩvo ambue ore tavaguasukuéra ári opytáva nóрте gotyo.

23 Roikuaágui umíva umi tavaguasúpe naimbaretereiriha hikuái roñemoĩ haḡua hesekuéra; upévare ore ro'asékuri hí'arikuéra hapykuéguio, ohasáramo hikuái ore roimehápe, ha péicha roñemoĩ haḡua hesekuéra hapykuéguio ojejopy jave avei hikuái tenondéguio. Roimo'ākuri orepu'akataha hesekuéra; ha katu péina ápe, rohecha ndoikoiha ko'ã mba'e roipotáva.

24 Noñanimái hikuái ohasávo ijehersitokuéra reheve ore roimeha rupi, ni noñanimái hikuái ohasávo ipehẽngue reheve, ani

mba'e ndoguerekói hikuái mbarere oikotevẽva ha ho'a.

25 Ni noñanimái hikuái oguatávo oñemoĩ haḡua Zarahemla retã rehe; ni noñanimái hikuái ojapyharávo ysyry Sidón ykua yvu, Nefiah retã gotyo.

26 Ha péicha, imbaretekuéra reheve, he'íma hikuái ojokotaha umi tavaguasu ojagarrava'ekue.

27 Ha ko'áḡa ojehu kóva ko arýpe mokõiha jasy jave, oñemoḡuahẽ oréve heta tembi'u umi dos mil che ra'ykuéra tuvakuéragui.

28 Ha ojeguerruka avei oréve dos mil kuimba'e Zarahemla retãgui. Ha péicha roñembosako'íkuri diez mil kuimba'e reheve, ha hí'upy chupekuéra ḡuarã reheve, ha avei ikuña ha ita'yrukuérape ḡuarã.

29 Ha lamanita-kuéra, ohechávo, péicha ore mbaretekuéra oñembotuichaveha ára ha ára, ha oḡuahẽha hí'upy ore karurã, oñepyrũ okyhyje hikuái, ha oñepyrũ osẽ, ohecha haḡua ikatúpa ombopaha hikuái umi hí'upy ha soldádo jegueru.

30 Ko'áḡa, rohechávo lamanita-kuéra oñepyrũha ojepy'apy péicha, roiporuse hesekuéra peteĩ mbotavy; upévare Antipus he'i chéve asẽ haḡua kuimba'e aty'imi reheve peteĩ tavaguasúpe namombyrýiva upégui, rogueraharamoguáicha hína hí'upy upe tavaguasúpe.

31 Ha rohasava'erākuri tavaguasu Antipara rupi, rohoramoguáicha tavaguasu

mombyryvévape, pe yguasu rembe'y ypýpe.

32 Ha ojehu rosẽ roguata, rogueraharamoguáicha ore hi'upykuéra, roho hağua upéva upe tavaguasúpe.

33 Ha ojehu Antipus osẽ ijehérsito pehẽngue reheve, ohejávo hembyre omó'ã hağua pe tavaguasu. Ha katu nosẽi che aha mboyve che ehersito'imi ndive, ha añemoağui rire tavaguasu Antipara rehe.

34 Ha ko'áğa, tavaguasu Antipara-pe oĩ lamanita-kuéra ehérsito imbaretévva: heẽ, pe hetavéva.

35 Ha ojehu umi ima'ẽñemihára omombe'úvo chupekuéra, ou hikuái ijehérsito reheve ha oñemoĩ orerehe.

36 Ha ojehu roñani henonderákuéra, nóрте gotyo. Ha péicha rogueraha ore rapykuéri lamanita-kuéra ehérsito tuichavéva;

37 Heẽ, jepe peteĩ tuicha pukukue jave, upéicha ohechávvo hikuái Antipus ehérsito, omuña mbaretéva hína chupekuéra, ndojeréi hikuái akatúa ni asu gotyo, ha katu oguata kare'ỹnte ohóvo hikuái ore rapykuéri; ha, ore roimo'ákuri, ha'ekuéra orejukaseha Antipus ohupyty mboyve chupekuéra, ha péva ani hağua oñemongora hikuái ore tavayguakuérare.

38 Ha ko'áğa Antipus, ohechávvo roimevaiha, ombopya'eve ijehérsito jeguata. Ha katu péina ápe, oğuahẽ pytũ; upévale ha'ekuéra nda'orerupytyi, ni

Antipus ndaikatuíkuri ohupyty chupekuéra; upévale ropytu'upyharekue.

39 Ha ojehu ko'ẽ mboyve, péina ápe, lamanita-kuéra oúma hína ore rapykuéri. Ko'áğa ndorogue-rekóikuri mbarete oñeikotevéva roñorairõ hağua hendivekuéra; heẽ, che ndahejaséi che ra'yimikuéra ho'a ipopekuéra; upévale roguatave rohóvo, ha roho tave'ỹ gotyo.

40 Ko'áğa, ha'ekuéra noñanimái ohóvo akatúa ni asu gotyo okyhyjégui opytáramo ġuarã hikuái ñemongorápe; ni che ndajereséi akatúa ni asu gotyo akyhyjégui cherupytýramo ġuarã hikuái, ha ndaikatuiramo ġuarã roñemo'ã chuguikuéra, ha orejuka, ha okañýramo ġuarã hikuái; upéicha roñani pe tave'ỹme upe ára pukukue, jepe pytũ meve.

41 Ha ojehu upéicha jey, ko'ẽvo, rohecha lamanita-kuérape ou ore ári, ha roñani henonderákuéra.

42 Ha katu ojehu naoremuña pukúu ha opyta hikuái; ha ha'ékuri mbohapyha ára ko'ẽme pe sétimo jasy jave.

43 Ha ko'áğa, ndoroikuaáikuri ohupytýpara'e chupekuéra Antipus, ha katu che ha'e kuimba'ekuérape: Péina ápe, ñande ndajaikuaái opytápara'e hikuái jaju hağua hesekuéra, péicha ha'ekuéra ñandereity hağua iñuhãme;

44 Upévale mba'épa peje, che ra'ykuéra, pehosépa peñorairõ hendivekuéra?

45 Ha ko'áğa che ha'e ndéve,

Moroni che joyke'y ahayhuetéva, araka'eve che ndahechaiva'ekue tuichaite py'aguasu, nahániri, ni opavave nefita-kuéra apytépe.

46 Ha che ahenóiguikuri chupekuéra tapiaite che ra'ykuéra (opavave ha'ekuéra imitãitereígui) jepe péicha he'i chéve hikuái: Túva, péina ápe ñane Tupã oĩ ñanendive, ha ha'e ndohejamo'ãi ja'a; upéicha jahákatu; ndajajukaiva'erãmo'ã ñande joyke'ykuérape ñanderejárre hikuái py'aguapýpe; upévare jahákatu, ani ipu'aka hikuái Antipus ehérsito rehe.

47 Ko'ágã araka'eve noñorairõiva'ekue hikuái, upevére ndokyhyjéikuri ñemanógui; ha ohayhuve hikuái ituvakuéra rekosãso hekovégui; heẽ, isykuéra ombo'eva'ekue chupekuéra ndodudáiramo hikuái, Tupã omosãsotaha chupekuéra.

48 Ha he'ijey chéve hikuái isykuéra ñe'ẽ, he'ívo: Ndorodudái ore sykuéra oikuaahague ko'áva.

49 Ha ojehu ahajey dos mil che ra'ykuéra reheve umi lamanita oremuñava'ekue rehe. Ha ko'ágã péina ápe, Antipus ehersitokuéra ohupytykuri chupekuéra, ha omoñepyry peteĩ ñorairõ ivaietereíva.

50 Ha Antipus ehérsito ikane'õvo, uguata puku haguére mbovy árape, haimetékuri ho'a lamanita-kuéra pópe; ha che ndajevýirire che dos mil reheve ha'ekuéra ohupytyva'erãmo'ã pe oipotáva.

51 Antipus ho'águikuri kysepuku rupi, ha heta imburuvichakuéra avei, ikane'õ, uguata pya'e haguére—upévare Antipus ehersitokuéra, oñemoapañuãivo imburuvichakuéra omano haguére, oñepyry ojevvy lamanitakuéra renondépe.

52 Ha ojehu lamanita-kuéra oñembopy'aguasu, ha oñepyry omuña chupekuéra; ha péicha lamanita-kuéra omuña mbarete javékuri chupekuéra, Helamán ho'a hapykuéguio idos mil reheve, ha oñepyry ojuka hetaiterei chupekuéra, jepe opa lamanitakuéra ehérsito opyta peve ha ojere Helamán ári.

53 Ko'ágã Antipus tavayguakuéra ohechávo lamanita-kuéra ojerejeyha, ombyaty jey kuimba'ekuérape ha ou jey hikuái lamanita-kuéra ári hapykue gotyo.

54 Ha ko'ágã ojehu ore, Nefi tavayguakuéra, Antipus tavayguakuéra, ha che umi che dos mil ndive, romongora lamanitakuérape, ha rojuka chupekuéra; heẽ, ohecha peve hikuái ome'ẽmanteva'erãha hi'árma ñorairõguasurã ha avei oñemoĩ hikuái ñorairõguasu prisioneroicha.

55 Ha ko'ágã ojehu oñemoĩvo hikuái ore poguýpe, péina ápe, aipapa umi mitãrusu oñorairõva'ekue chendive, akyhyjégui heta ha'ekuéra oiméramo ñuarã omanora'e.

56 Ha katu péina ápe, tuicha che vy'apavẽrã, ajuhu ni peteĩ ánga ndo'aihague yvýpe; heẽ, ha oñorairõkuri hikuái Tupã

mbareteramoguáicha reheve; heë, araka'eve ndojeikuaáiva kuimba'e ñorairõha mbarete imilagrosoitéva reheve; ha pu'aka imbaretetéva reheve ho'ákuri hikuái lamanita-kuéra ári, omongyhyje peve chupekuéra; ha péva rupi lamanita-kuéra oñemoĩ ñorairõguasu prisionéroramo.

57 Ha ndoroguerékóigui tenda ore prisionerokuérape ġuarã, roma'ë haġua hesekuéra ani haġua ogueraha chupekuéra lamanita-kuéra ehérsito, upévale romondo chupekuéra Zarahemla retãme, ha Antipus ehersitokuéra nomanoiva'ekue pehëngue, oho hendivekuéra; ha ajagarra hembyre ha ambojoaju che mitãrusukuéra ammonita ndive, ha rohojey Judea tavaguasúpe.

NEMBYATY 57

Helamán omombe'u tavaguasu Antipara ojejagarraramoguare ha tavaguasu Cumeni ho'aramoguare ha oñemo'āramoguare upe rire—Mitãrusu ammonita-kuéra ñorairõ py'aguasu reheve; opavave ojekutu, ha katu avave nomanói—Gid ome'ë momarandu lamanita-kuéra jejuka ha prisionerokuéra ñekañýgui. 63 ary rupi Cristo mboyve.

HA ko'áġa ojehu oñemoġuahëkuri chéve peteĩ kuatione'ë Ammorón-gui, upe rréi, he'ihápe chéve che ame'ëramo chupe umi prisionéro ñorairõguasugua

rojagarrava'ekue ha'e ome'ëtaha oréve tavaguasu Antipara.

2 Ha katu che amondo peteĩ kuatione'ë upe rreípe, roikuaaporãha ore soldadokuéra hetaha ha ikatuha rojagarra pe tavaguasu Antipara ore soldadokuéra reheve; ha rome'ëramo chupekuéra umi prisionéro upéva upe tavaguasu rehe roimo'áta naorearanduiha, ha rome'ëta ore prisionerokuéra oñemyengoviáramo ambue rehe añoñte.

3 Ha Ammorón orrechasa che kuatione'ë, nomyengoviaséigui umi prisionerokuéra; upévale romoñepyrũ ñembosako'i roho haġua tavaguasu Antipara ári.

4 Ha katu tavayguakuéra Antipara-gua ohejákuri pe tavaguasu, ha okañy hikuái ambue tavaguasu oguerékóvape ombarete haġua upéva; ha péicha tavaguasu Antipara ho'ákuri ore pópe.

5 Ha péicha opákuri ary veintiocho huekuéra ñeisãmbyhy aja.

6 Ha ojehu oñepyrũvo ary vientinueve, oñemoġuahëkuri oréve hi'upykuéra, ha avei rombohetave haġua ore ehérsito, Zarahemla retãgui, ha tetã ijere-reguágui, seis mil kuimba'e, ha avei sesenta ammonita-kuéra ra'y oúva ojoaju haġua ijoyke'ykuéra ndive, che ehersito'imi dos mil rehe. Ha ko'áġa péina ápe, orembaretékuri, heë, ha avei roguereko hetaiterei hi'upy ojeguervava'ekue oréve.

7 Ha ojehu ore roipotávani-ngo ha'e roñorairõ ehérsito

oñemoïva'ekue omo'ã haġua tavaguasu Cumeni ndive.

8 Ha ko'ãġa péina ápe, che ahechaukáta ndéve pya'e rohu-pythyague pe roipotáva; heë, ore ehérsito mbarete reheve, térã peteï ore ehérsito mbarete pehëngue reheve, romongora, pyharekue, tavaguasu Cumeni, oñemoġuahë mboyvemi chupekuéra hi'upyrakuéra.

9 Ha ojehu romoïkuri ore rendakuéra upe tavaguasu jerére heta pyhare aja; ha katu rokékuri ore kysepukukuéra ári, ha romoï ñangarekoharakuéra, ani haġua lamanita-kuéra ho'a ore ári pyharekue ha orejuka, mba'e oha'ãva hikuái heta ára; ha heta ára oha'ã jave hikuái, oñeñohëkuri huguykuéra.

10 Ha heta ára rire oġuahë hi'upykuéra, ha haimetémakuri oïke hikuái pyharekue upe tavaguasúpe. Ha ha'erangue lamanitakuéra, ha'e ore nefita-kuéra; upévare rojagarra chupekuéra ha hi'upykuéra.

11 Ha jepe lamanita-kuéra opyta upéicha hembí'urã'ÿre, he'i gueteri hikuái ojokotaha pe tavaguasu; upévare tekotevë rojagarrákuri umi hi'upyrakuéra ha roguerahauka Judea-pe, ha ore prisionerokuéra Zarahemla retãme.

12 Ha ojehu ndohasáikuri heta ára lamanita-kuéra oñepyrũ mboyve ndoguerekovéi ñeha'arõ ohupytyvo pytyvõ; upévare ome'ë hikuái pe tavaguasu ore pópe; ha péicha rojapókuri

roipotáva rojagarrávo Cumeni tavaguasu.

13 Ha katu ojehu ore prisionerokuéra hetaiterei, ha jepe ore-retaiterei, upevére roiporu opa ore mbaretekuéra roñangareko haġua hesekuéra, térã roipe'a haġua chuguikuéra hekove.

14 Péina ápe, oï hetaiterei oñemoïva, ha oñorairõ hikuái ita reheve, ha yvyra, térã opáichagua mba'e ohupytyva ipópe reheve, upéicha rupi rojuka dos mil chupekuéra oñemoï rire ore ñorairõguasu prisionéroramo.

15 Upévare roikotevëikuri, roipe'a chuguikuéra hekove, térã roñangareko hesekuéra, kysepuku ore pópe, roguejy peve Zarahemla retãme; ha avei ore hi'upykuéra ore tavayguakuérape ġuarãminte ohupyty'imíkuri, rojagarra'ekuéramo jepe lamanita-kuéragui.

16 Ha ko'ãġa, péichagua ñei-mevaietépe, hasyeterei roikuaa haġua mba'épa rojapóta ko'ã ñorairõguasu prisionerokuéragui; upevére, ro'e romondotaha chupekuéra Zarahemla retãme; upévare roiporavo peteï ore ehérsito pehëngue, ha rome'ë chupekuéra ore prisionerokuéra oġuejy haġua heseve Zarahemla retãme.

17 Ha katu ojehu oujey hikuái upe ko'ëme. Ha ko'ãġa péina ápe, ore noroporandúi chupekuéra umi prisionéro rehe; péina ápe, lamanita-kuéra oïmagui ore ári, ha ou hikuái ára porãme oresalva haġua ani ro'a lamanitakuéra pópe. Ha katu péina ápe,

Ammorón omondókuri oipytyvō haḡua chupekuéra hi'upykuéra ipyahúva ha avei peteĩ ehérsito ikuimba'e hetaitereívagui.

18 Ha ojehu kuimba'ekuéra romondova'ekue prisionerokuéra ndive oḡuahē ára porāme orepytyvō haḡua, haimete jave ipu'aka hikuái orerehe.

19 Ha katu péina ápe, umi dos mil sesenta che ehersito'imi oñorairō kyhyje'ỹme; heẽ, opyta hikuái ñemovã'ỹme lamanitakuéra renondépe, ha ojuka opa oñemoivape hesekuéra.

20 Ha ore ehérsito rembyre haimete jave ojevvy lamanita-kuéra renondépe, péina ápe, ko'ã dos mil sesenta opyta ñemovã'ỹ ha kyhyje'ỹme.

21 Heẽ, ha iñe'ẽrendu ha oñeha'ã hikuái okumpli porãmbaite opa ñe'ẽ oje'eháicha chupekuéra; heẽ, ha ojejapo chupekuéra ojero-viaháicha hikuái; ha chemandu'a umi ñe'ẽ, ha'ekuéra he'iva'ekue chéve, isy ombo'eva'ekue chupekuéra.

22 Ha ko'áḡa péina ápe, ko'ã che ra'ykuéra, ha umi kuimba'e roiporavova'ekue ogueraha haḡua prisionerokuérape, umíva ha'e ohupytykava'ekue oréve ko pu'aka tuichaite; ha'ekuéra ipu'akágui lamanita-kuérare; upévare ombojevvy chupekuéra Manti retã meve.

23 Ha ore roñongatúkuri ore tavaguasu Cumeni, ha noroñehundipáikuri kysepukúpe; upevére, rohasákuri tuicha ñehundi.

24 Ha ojehu lamanita-kuéra

okañy rire, pya'e ajapouka kuimba'ekuéra ojekutuva'ekue tojeipe'a umi omanova'ekue apytégui, ha ajapouka tojejokua umi ojekutu haguépe.

25 Ha ojehu doscientos, umi che dos mil sesenta apytégui, ipy'amanókuri huguypa haguére; upevére, Tupã py'aporã rupi, ha tuicha ore ñemondyirã, ha avei opa ore ehérsito vy'apavērã, ni peteĩ ijapytepekuéra nomanói; heẽ, ha ndaipóri ijapytepekuéra ni peteĩ ojekutuvai'ỹvakuri.

26 Ha ko'áḡa, iñeñongatukuéra oñemomba'eguasu opa ore ehérsito rehe, heẽ, ha'ekuéra oñemo'ahague oñjavékuri mil ore joyke'ykuéra ojejukava'ekue. Ha romboja ha'ehague Tupã pu'aka imilágrova rupi, ijerovia tuicháre umi oñehekombo'eva'ekue chupekuéra oguerovia haḡua—oiha peteĩ Tupã ijojáva, ha opavave ndodudáiva, oñeñongatutaha ipu'aka hechapyrãva rupi.

27 Ko'áḡa kóva ha'e umi añe'ẽva'ekuégui jerovia; imitã hikuái, ha iñapytu'únguera noñemovãi, ha omoĩ meme hikuái ijerovia Tupã rehe.

28 Ha ko'áḡa ojehu roñangareko rire umi kuimba'e ojeikutuva'ekuére, ha roñotỹ rire ore te'õnguekuéra ha avei lamanitakuéra re'õnguekuéra, hetaitereíva, péina ápe, roporandu Gid-pe umi prisionéore oñepyrüva'ekue ogueraha hikuái Zarahemla retãme.

29 Ko'áḡa Gid ha'ékuri pe aty

mburuvicha guasu oñehenoiva'ekue oñangareko haḡua hesekuéra oguejy aja upe tetãme.

30 Ha ko'ãḡa, ko'áva ha'e ñe'ẽ Gid he'iva'ekue chéve: Péina ápe, rohókuri roguejy haḡua Zarahemla retãme ore prisionerokuéra reheve. Ha ojehu rojuhu umi ore ehérsito ma'ẽ-ñemihára, oñemondova'ekue oma'ẽñemi haḡua lamanitakuéra rendáre.

31 Ha osapukái oréve hikuái, he'ivo—Péina ápe, lamanita-kuéra ehérsito oho hína tavaguasu Cumeni gotyo; ha péina ápe, ho'áta hikuái hí'arikuéra, heẽ, ha ohundíta ñande tavayguakuérape.

32 Ha ojehu ore prisionerokuéra ohendu isapukaikuéra, ha péva ombopy'aguasu chupekuéra; ha opu'ã hikuái ha oñemoĩ orerehe.

33 Ha ojehu oñemoĩ rupi hikuái orerehe roity ore kysepuku hí'arikuéra. Ha ojehu ou hikuái ojo'ári ore kysepukukuéra rehe, upéicha rupi haimete omanombákuri hikuái; ha hembyre oñani ha okañy orehegui.

34 Ha péina ápe, okañy rupi hikuái ha ndaikatúí rohupyty chupekuéra, rojagarra pya'e ore guata tavaguasu Cumeni gotyo; ha péina ápe, roḡuahẽ ára porãme roipytyvõ haḡua ore joyké'ykuérape oñongatu haḡua upe tavaguasu.

35 Ha péina ápe, roñemosãso jey ore rayhu'ýhakuéra pógui. Ha tojehovasapyre ore Tupã réra; péina ápe, ha'égui kuri ha'e

oremosãsova'ekue; heẽ, pe oja-pova'ekue ko mba'e tuichaite orerehe.

36 Ha ojehu che, Helamán, ahendúvo ko'ã ñe'ẽ Gid he'iva'ekue, cherenyhẽ peteĩ tuicha vy'apavẽgui pe Tupã py'aporã oreñongatu rupi, ani haḡua opavave romano; heẽ, ha ajerovia umi omanova'ekue ánga oikéne haḡua Itupã pytu'úpe.

ÑEMBYATY 58

Helamán, Gid, ha Teómner ojararra tavaguasu Manti peteĩ mbotavy rupi—Lamanita-kuéra okañy—Amón tavayguakuéra ra'y oñeñongatu omo'ãvo py'aguasúpe hekosãso ha ijerovia. 63–62 ary rupi Cristo mboyve.

Ha péina ápe, ko'ãḡa ojehu ore rohupyty séva niko rojagarra upe tavaguasu Manti; ha katu péina ápe, ndaipóri mba'éichapa roguenohẽvo chupekuéra pe tavaguasúgui ore aty'imi reheve. Péina ápe, imandu'águikuri hikuái upe mboyve rojapova'ekue hesekuérare; upévale ndaikatúí rombotavy chupekuéra osẽ haḡua hikuái henda mbaretégui.

2 Ha hetaitereíkuri hikuái, hetaitereive ore ehérsitogui, upévale noroñanimái roñemoĩvo hesekuéra henda mbaretépe.

3 Heẽ, ha oñeikotevẽkuri romoĩ kuimba'ekuérape omo'ã haḡua hikuái umi tetã renda oremba'evavoi rojagarrajeyva'ekue;

upévare tekotevēmante roha'arō, oñemoḡuahēve peve oréve soldádo Zarahemla retāgui ha avei hi'upykuéra ipyahúva.

4 Ha ojehu amondo peteī aty ore retāmegua mburuvichápe, aikuaauka haḡua chupe mba'éichapa oī ore tavayguakuéra. Ha ojehu roha'arō oñemoḡuahē oréve hi'upy ha soldadokuéra Zarahemla retāgui.

5 Ha katu péina ápe, upéva sa'imínte oremoīporā; lamanitakuérape oñemoḡuahēgui avei mbaretekuéra ára ha ára, ha avei heta hi'upykuéra; ha péicha roimékuri ko árape.

6 Ha lamanita-kuéra osēkuri orerehe sapy'a py'a, he'ívo hikuái orerunditaha mbotavy rupi; upevére ndaikatúikuri rosē chupekuéra ñorairō reheve, henda kañyhakuéra ha henda mbaretekuéra rupi.

7 Ha ojehu péichagua ñeimevaie tépe roha'arōkuri heta jasy pukukue aja, jepe haimete peve romano tembí'u roikotevēgui.

8 Ha ojehu oñemoḡuahē oréve tembí'u, ha umíva oñeñangareko peteī ehérsito oguerekóvare dos mil kuimba'e ore pytyvōtava; ha péva ha'e opa pytyvō oñemoḡuahēva'ekue oréve, roñemo'ā haḡua ore ha ore retā ani ro'a ore rayhu'yhakuéra pópe, heē, roñorairō haḡua peteī hayhu'yha hetaitereíva ndive.

9 Ha mba'érepa rojejopýkuri péicha, térā mba'érepa ndogue-rukavéi hikuái oréve mbarete, ore ndoroikuaaíkuri; upévare

rojepy'apy ha avei orerenyhē kyhyjégui, ani mba'e peichahágui Tupā huisiokuéra ou ore retā ári, orereity ha orerundipa haḡua.

10 Upévare roñohē ore ánga ñembo'épe Tupāme, rojerurévo chupe taoremombarete ha taoremósaso orerayhu'yhakuéra pógui, heē, ha tome'ē avei oréve mbarete roñongatu haḡua ore tavaguasukuéra, ha ore retā, ha ore vyvakuéra, roñangareko haḡua ore tavayguakuérare.

11 Heē, ha ojehu Ñandejára ore Tupā oremoangapyhy omoañetévo oréve oremosāsotaha; heē, upéicha oñe'ē py'aguapy ore ángape, ha ome'ē oréve tuicha jerovia, ha ojapo toromoī hese ore ñemosāso ñeha'arō.

12 Ha rojagarra py'aguasu umi ore ehersito'imi oñemoḡuahēva'ekue oréve reheve, ha noñemovāi orepype orepu'akataha ore rayhu'yhakuérare, ha roñongatutaha ore retā, ha ore vyv, ha ore rembi- rekokuéra, ha ore ra'ykuéra, ha ore rekosāsoräre.

13 Ha péicha rosē opa ore mbarete reheve lamanita-kuérare, umi oíva tavaguasu Manti-pe; ha romoī ore roгааokuéra upe tave'y gotyo, opytáva upe tavaguasu ypýpe.

14 Ha ojehu upe ko'ēme, lamanita-kuéra ohechávo roimemaha pe tave'y rembe'y oíva tavaguasu ypýpe, omondo ima'ēñemiha- rakuéra orejerére oikuaa haḡua mboýpa ha imbaretépa ore ehérsito.

15 Ha ojehu ohechávo hikuái

naorembareteiha, ndaoreretáigui, ha okyhyjégui romomombyrýramo ġuarã chupekuéra hí'upykuéragui ndoúiramo hikuái orerehe ñorairõme ha orejuka, ha oimo'ãgui avei ndahasymo'ãiha orerundi ijehérsito hetaite reheve, upévare oñepyrũ hikuái oñembosako'í ou haġua ñorairõme orerehe.

16 Ha rohechávo oñembosako'íha hikuái ou haġua orerehe, péina ápe, che ajapouka Gid tokañy pe tave'ỹme, peteĩ kuimba'e aty'imi reheve, ha avei Teómner peteĩ kuimba'e aty'imi reheve okañy avei upe tave'ỹme.

17 Ko'áġa Gid ha kuimba'ekuéra oĩ akatúa gotyo ha ambuekuéra katu asu gotyo; ha okañyvo hikuái upéicha, péina ápe, che apyta, che ehérsito rembyre reheve, upe tenda romoĩ ñepyrũ haguépe ore rogaaokuéra ára lamanita-kuéra ou vove ġuarã ñorairõrã.

18 Ha ojehu ou lamanita-kuéra ijehérsito hetaitére orerehe. Ha oúvo hikuái ha haimete jave ho'a ore ári kysepuku reheve, che ajapouka kuimba'ekuéra, umi oíva chendive, tojevny pe tave'ỹ gotyo.

19 Ha ojehu lamanita-kuéra oremuña pya'e, orerupytysetereígui hikuái orejuka haġua; upévare oremuña hikuái tave'ỹ meve; ha rohasa Gid ha Teómner mbyte rupi, upéicha lamanita-kuéra ndohechái chupekuéra.

20 Ha ojehu ohasávo lamanita-kuéra, térã ohasávo pe ehérsito,

Gid ha Teómner osẽ tenda okañyhágui, ha ohapejoko umi lamanita-kuéra ma'ẽnemihárape ani haġua ohojey hikuái upe tavaguasúpe.

21 Ha ojehu ojoko rire chupekuéra, oñani hikuái upe tavaguasúpe ha ho'a umi ñangarekohára ári opytava'ekue omo'ã haġua pe tavaguasu, upéicha rupi ohundi chupekuéra ha ojagarra hikuái upe tavaguasu.

22 Ko'áġa kóva ojehupyty lamanita-kuéra ohejágui opa ijehérsito, ndaha'éiramo mbovymi ñangarekohára, tojegueraha pe tave'ỹme.

23 Ha ojehu péicha Gid ha Teómner ohupytykuri henda mbaretekuéra. Ha ojehu rojagarra ore rape, heta roguata rire pe tave'ỹre Zarahemla retã gotyo.

24 Ha lamanita-kuéra ohechávo oguataha hikuái ohóvo Zarahemla retã gotyo, okyhyjeteri hikuái, ani mba'e ha'e peteĩ plan ojegueraha haġua chupekuéra ñehundípe; upévare oñepyrũ ojevnyjey hikuái pe tave'ỹme, heẽ, pe tape ou haguégui voi hikuái.

25 Ha péina ápe, oġuahẽ pyhare ha omoĩ hikuái hogaaokuéra, lamanita-kuéra mburuvicha guasu oimo'ãgui nefita-kuéra ikane'õtaha oguata haguére; ha oimo'ãgui omuñahague hikuái opa upe ehérsitope upévare ndojepy'apýi hikuái tavaguasu Manti rehe.

26 Ko'áġa ojehu oġuahẽvo pyhare, che ajapouka kuimba'ekuéra ani oke, ha katu oguatava'erã

ambue tape rupi Manti retā gotyo.

27 Ha ko ore guata pyharekue rupi, péina ápe, ko'évo roiméma lamanita-kuéra mboypýri, upéicha roġuahē ha'ekuéra mboyve Manti retāme.

28 Ha ojehu péicha, ko mbotavy rupive rojagarrákuri tavaguasu Manti oñeñoñé ýre tuguy.

29 Ha ojehu lamanita-kuéra ehérsito oñemoaġuívo pe tavaguasúpe, ha ohechávo roime-maha ñembosako'ípe roñemoĩ haġua hesekuéra, oñemondyieterei hikuái ha ou chupekuéra tuicha kyhyje, upévagui okañy hikuái upe tave'ýme.

30 Heē, ha ojehu lamanita-kuéra ehérsito oñani opa upe tetā rendágui. Ha katu péina ápe, ogueraha heta kuña ha mitānguéra hendi-vekuéra upe tetāgui.

31 Ha umi tavaguasu lamanita-kuéra ojagarrava'ekue, umíva oĩmbaite ko árape ore poguýpe; ha ore rukuéra ha ore kuñanguéra ha ore ra'ykuéra ohojey hína hógape, ha opa umi lamanita-kuéra ojagarrava'ekue ha ogueraha-va'ekue prisionéroramo añónte katu nahániri.

32 Ha katu péina ápe, ore ehérsito michĩ roñongatu haġua hetaite tavaguasu ha tuichaite tendakuéra.

33 Ha katu péina ápe, rojerovia ore Tupā rehe ome'éva'ekue oréve pu'aka umíva umi tetā ári, upéicha rupi rohupytýkuri umi tavaguasu ha tetā, ha'eva'ekue oremba'e.

34 Ko'áġa ndoroikuaái mba'é-repa upe tetā ñeisāmyhy nome'évéi oréve mbarete; ni ko'ā kuimba'e ouva'ekue ore rendápe ndoikuaái mba'érepa noñemo-ġuahēvéi oréve mbarete.

35 Péina ápe, ndoroikuaái noiméipa napendepo'áira'e, ha peguerahapára'e umi mbarete upéva upe tenda pehēnguépe; péicharamo, ore ndorokaguaiséi.

36 Ha ndaupéichairamo, péina ápe, rokyhyje oĩramo ġuarā joavy upe tetā ñeisambyhýpe, upévare ndoguerukavéi oréve hikuái kuimba'e orepytvō haġua; roikuaágui hetaveha hikuái umi oguerukava'ekugui oréve.

37 Ha katu, péina ápe, ndaha'éí mba'eva—rojeroviágui Tupā oremosāsotaha, ikangýramo jepe ore ehérsito, heē, ha oremosāsóta ore rayhu'ýhakuéra pógui.

38 Péina ápe, roime ary veintinuevepe, ipahakuévo, ha roiko ore retāme; ha lamanita-kuéra okañykuri Nefi retāme.

39 Ha ko'ā Ammón tavay-guakuéra ra'y, añe'ē poráite-va'ekuere, oĩ chendive Manti tavaguasúpe; ha Ñandejára oipytyvōkuri chupekuéra, heē, ha omo'ā chupekuéra ani ho'a kysepuku rupi, upéicha ni peteĩ tekove nomanóikuri.

40 Ha katu péina ápe, heta ojekutúkuri chupekuéra; upevére opyta hikuái ñemovā'ýme pe tekosāso Tupā omosāsova'ekuepe chupekuéra; ha ojesareko hikuái imandu'ávo Ñandejára Itupäre ára ha ára; heē, oñeha'ā

iñe'ērendu hikuái hembipotáre, ha ihuisiokuérare, ha hembiapoukapykuérare tapiaite; ha ijeroviakuéra imbarete profesiakuérape umi mba'e oútavare.

41 Ha ko'ága, che joyke'y ahayhuetéva, Moroni, Ñandejára ñande Tupã, ñaneredimiva'ekue ha ñanemosãsova'ekue, taneñongatu tapiaite henondépe; heë, ha tomoĩporã ko tavayguakuérape, jepe pehupyty peve opa mba'e lamanita-kuéra oipe'ava'ekue ñandehogui, ha'éva ñanepytyvõrã. Ha ko'ága, péina ápe, che ambopaha che kuatione'ẽ. Che ha'e Helamán, Alma ra'y.

ÑEMBYATY 59

Moroni ojerure Pahorán-pe ombarete hağua Helamán ehersitokuéra—Lamanita-kuéra ojagarra Nefiah tavaguasu—Moroni ipochy upe tetã ñeisãmbyhy ndive. 62 ary rupi Cristo mboypve.

Ko'ÁGA ojehu ary treinta huekuéra ñeisambyhýpe Nefi tavayguakuéra ári, Moroni-pe oñemoğuahẽ rire ha omoñe'ẽ rire pe Helamán kuatione'ẽ, ha'e ovy'aitei iñeimeporãre, heë, pe tuicha pu'aka Helamán ohupytyva'ekuere, ojagarrávo umi tetã ojepe'ava'ekue chuguikuéra.

2 Heë, ha ha'e oikuaauka opa itavayguakuérape, opa tetã ojeréva upe tendáre ha'e oiháme, ovy'a hağua avei hikuái.

3 Ha ojehu pya'e omondouka

peteĩ kuatione'ẽ Pahorán-pe, ojerurévo chupe tombyatyka kuimba'e ombarete hağua Helamán-pe, terã Helamán ehersitope, ikatu hağuaicha upéicha hasy'yme ojoko upéva upe tetã renda milágro rupive ojehupytyjeyva'ekue.

4 Ha ojehu Moroni omondoukavo ko kuatione'ẽ Zarahemla retãme, ha'e oñepyrũjey omoheñoĩ iñapyty'ũme peteĩ plan ojagarra hağua umi yvy ha tavaguasu rembyre lamanita-kuéra oipe'ava'ekue chuguikuéra.

5 Ha ojehu Moroni péicha oñembosako'i jave oho hağua ñorairõme lamanita-kuéra rehe, péina ápe, Nefiah tavayguakuéra, oñembyatyva'ekue tavaguasu Moroni-gui, tavaguasu Lehi ha tavaguasu Moriantón-gui, lamanita-kuéra oñemoĩ hesekuéra.

6 Heë, jepe umi oñemyaña'ave'ekue osẽ hağua Manti retãgui, ha umi tetã jeréregui, oğuahẽkuri ha ojoaju lamanita-kuéra ndive ko tetã pehẽnguẽpe.

7 Ha péicha hetaitereívo hikuái, heë, ha oñemoğuahẽvo chupekuéra mbarete ára ha ára, Ammorón rembiapoukapýre ou hikuái Nefiah tavayguakuéra rehe, ha oñepyrũ ojuka chupekuéra tuicha jejukavaípe.

8 Ha hetaitereíkuri ijehersitokuéra upéicha rupi Nefiah tavayguakuéra rembyre oñemyaña okañy hağua henonderãkuéra; ha oğuahẽ ha ojoaju hikuái Moroni ehersito ndive.

9 Ha ko'ága, Moroni oimo'ągui

omondotaha hikuái kuimba-
'ekuéra tavaguasu Nefíah-pe,
oipytyvõ haḡua tavayguakuérape
oñongatu haḡua upe tavaguasu,
ha oikuaápype ndahasyveiha
ojejoko upe tavaguasu ani ho'a
lamanita-kuéra pópe ojeipe'a-
jeyrangué chuguikuéra, ha'e oi-
mo'ákuri ndahasymo'áiha ojoko
hikuái upe tavaguasu.

10 Upévore ojoko opavave isol-
dádo oñongatu haḡua umi tenda
ojagarrajeyva'ekue hikuái.

11 Ha ko'áḡa, Moroni ohechávo
oñehundihague Nefíah tava-
guasu ombyasyeterei, ha oñepyrũ
oduda, tavayguakuéra tekoñaña
rupi, ho'áramo ḡuarã hikuái
ijoyke'ykuéra pópe.

12 Ko'áḡa péicha ojuhúkuri opa
imburuvichakuéra ndive. Ha'e-
kuéra oduda avei ha omomba'e-
guasu tavayguakuéra tekoñaña,
ha péva lamanita-kuéra ipu'aka
rupi hesekuéra.

13 Ha ojehu Moroni ipochy
upe tetã ñeisãmbyhyha ndive,
nomomba'ei haguére hetã
ñemosãsorã.

ÑEMBYATY 60

*Moroni ochi'õ Pahorán-pe upe tetã
ñeisãmbyhyha ndojesarekói haguére
umi ehérsito rehe—Ñandejára oheja
umi hekojojáva omano—Nefita-
kuéra oiporuva'erã opa ipu'aka ha
ikatúva oñemosãso haḡua ihayhu-
'y'hakuéraguí—Moroni oñe'ëpohíji
oñorairõtaha pe tetã ñeisãmby-
hyha ndive noñeme'ëiramo pytyvõ*

*ijehersitokuérape. 62 ary rupi Cristo
mboyyve.*

Ha ojehu ohaijey upe tetãmegua
mburuvichápe, ha'éva Pahorán,
ha ko'áva ha'e ñe'ë ohaiva'ekue,
he'ívo: Péina ápe, amondo che
kuatiañe'ë Pahorán-pe, tavaguasu
Zarahemla-pe, ha'éva hue guasu
ha mburuvicha upe tetã ári, ha
avei mayma ko'ã tavayguakuéra
oiporavova'ekuépe oisãmbyhy
ha ombohape haḡua opa mba'e
ko ñorairõguasu rehegua.

2 Péina ápe, che aguereko peteĩ
mba'e ha'eva'erã peẽme konde-
nasiõ raperã; péina ápe, peẽte
voi peikuaa peñehenoihague
pembyaty haḡua kuimba'ekuéra,
ha pe'armava'erãha chupekuéra
kysepuku reheve, ha simitárta, ha
opáchagua árma ñorairõguasurã
reheve, ha pemondova'erãha
chupekuéra lamanita-kuéra rehe,
opa tenda oikehápe hikuái ñane
retãme.

3 Ha ko'áḡa péina ápe, che ha'e
peẽme, chete, ha che ehersito-
kuéra avei, ha Helamán ha ijehersito-
kuéra, rohasákuri tuichaiterei
jehasa'asy; heẽ, jepe ñembyahýi,
y'uhéi, ha kane'õ, ha opa jeiko-
'asy opaichaguáva.

4 Ha katu péina ápe, ko'ávante
ha'érire opa mba'e rohasava'e-
kue, ndorokaguairiva'erãmo'ã
ni norochiõiva'erãmo'ã.

5 Ha katu péina ápe, tuichákuri
jejuka ore tavayguakuéra apy-
tépe; heẽ, miles ho'a kysepuku
rupi, ndaupeichaiva'erãmo'ã,
reme'érire ore ehérsitope soldádo

ha pytyvõ oikotevêva. Heẽ, tui-chákuri pende jeheja orendive ġuarã.

6 Ha ko'ãġa péina ápe, roikuaase mba'érepa ko jeheja tuichaitereíva; heẽ, roikuaase mba'érepa ko peneñeñandu'ỹme ñeime.

7 Peimo'ã piko ikatuha peguapy pende apykajeguápe petei apytu'ũ ñeñandu'ỹme ñeimépe, penderayhu'ỹhakuéra omosarambi aja ñemano pende jerére? Heẽ, ojuka aja hikuái miles pende joyke'ykuérape—

8 Heẽ, jepe umi ojeroviava'ekue peme'ětaha chupekuéra ñemo'ã, heẽ, penemoíva'ekue tenda ikatuháta guive peipytyvõ chupekuéra, heẽ, ikatútakuri pemondo ehérsito, pemombarete haġua chupekuéra, ha pesalva haġua miles chupekuéra ani ho'a kysepukúpe.

9 Ha katu péina ápe, ndaha'úi pévante—penegákuri chugui-kuéra pende hi'upykuéra, jepe heta oñorairõkuri ha ome'èkuri hekove oipotaitereígui ko tavayguakuéra ñeimeporã; heẽ, ha ojapókuri hikuái upéva omanombotaitévo ñembyahýigui, pende tuicha jeheja rupi hendivekuéra ġuarã.

10 Ha ko'ãġa, che joyke'ykuéra ahayhuetéva—pejehayhuva'erãmo'ãguikuri; heẽ, ha pejepy'apyveva'erãmo'ákuri jesarekópe ko tavayguakuéra ñeimeporã ha rekosãso rehe; ha katu péina ápe, ndapejesarekóikuri hesekuéra upéicha rupi miles huguykuéra oġuejýta pene akã ári ojerurévo

vengánsa; heẽ, oikuaágui Tupã opa ijerure'asykuéra, ha opa ijehasa'asykuéra—

11 Péina ápe, peimo'ã piko ikatutaha peguapy pende apykajeguápe, ha Tupã py'aporã tuicháva rupi peẽ ikatútara'e ndapejapói mba'eve ha ha'e penemosásóta? Péina ápe, peimo'ãramokuri upéva peimo'ãrei.

12 Peimo'ã piko, ojejukahague hetaité pende joyke'ykuéra hekoky'águi hikuái? Che ha'e peẽme, peimo'ãramokuri upéva, peimo'ãrei; che ha'égui peẽme, oĩ heta ho'ava'ekue kysepukúpe; ha péina ápe ha'e pene kondenasiorã;

13 Ñandejára ohejágui hekojojáva ojejuka ihustísia ha ihuisiokuéra ou haġua iñañáva ári; upéva ani peimo'ã umi hekojojáva oñehundiha ojejuka haguere chupekuéra; ha katu péina ápe, oike hikuái Ñandejára Itupã pytu'úpe.

14 Ha ko'ãġa péina ápe, che ha'e peẽme, akyhyjeterei Tupã huísio oġuejýtaha ko tavayguakuéra ári, ndojesarekoietégui hikuái, heẽ, jepe ñane retã ñeisãmbyhyha jehejágui, ha noñangarekoietégui ijoyke'ykuérare, heẽ, umi omanova'ekue rehe.

15 Ha ndaha'éirire upe tekoñaña rupi oñemoñepyrúva'ekue umi ñane akãme oĩ raëvévare, ñandepu'akava'erãmo'ákuri ñande rayhu'ỹhakuérare ha péicha ndohupytyyiva'erãmo'ã hikuái pu'aka ñande ári.

16 Heẽ, ndaha'éirire pe

ñorairōguasu oñepyrūva'ekue rupi ñande apytépe; heë, ndaha'éirire umi rreipotaha rupi, ogueruva'ekue hetaite tuguy ñeñohe ñande apytépe; heë, ára ñaño-rairōramoguare oñondivekuéra, ñambojoajúrire ñane mbarete jajapo haguéicha upe mboyve; heë, ha ndaha'éirire pe pu'aka ha autorida oguererekoseva'ekuere ñande ári umi rreipotaha; hekojojárire hikuái ñande rekosāsoráme, ha ojojárire hikuái ñanendive, ha osërre hikuái ñande rayhu'yhakuéra rehe, ohupirangue ikysepukukuéra ñande rehe, ogueruva'ekue hetaite tuguy ñeñohe ñande apytépe; heë, jahárire hi'arikuéra Nandejára mbarete reheve, ñamosarambiva'erāmo'ākuri ñande rayhu'yhakuérape, ojejpóta haguére, oñekumpli-háicha iñe'ẽ.

17 Ha katu péina ápe, ko'ága lamanita-kuéra ou ñande ári, ojagarrávo ñane retã, ha ojuka hikuái ñande tavayguakuérape kysepukúpe, heë, ñane rembi-reko ha ñande ra'ykuérape, ha ogueraha avei chupekuéra te-ko'apytíme, ombohasaukávo opáichagua jeiko'asy, ha péva upe tuicha tekoñaña oguerekóva umi ohupytyseva pu'aka ha autorida rupi, heë, jepe umi rreipotaha.

18 Ha katu mba'ére piko che ha'etereiva'erã ko mba'ére? Ndajaikuaáigui noiméipa peë-voi pehupytyse hína autorida. Ndajaikuaái noiméipa peëvoi peñemoi pene retãre.

19 Térãpa napeñangarekói

orerehe peimégui pe tetã mby-tépe ha penemongora ña-ngarekoharakuéra, upévare ndapeguerukái oréve tembi'u, ha avei kuimba'e romombarete hağua ore ehérsito?

20 Penderesarái piko Ñandejára pende Tupã rembiapoukapykuéragui? Heë, penderesarái piko pende rukuéra ñeñapytymbýgui? Penderesarái piko hetaite jey ñañemosāsohague ñande rayhu'yhakuéra pógui?

21 Térã peimo'ã piko Ñandejára ñanemosāsotaha gueteri, jaguapy aja ñande apykajeguápe ha ndajaiporúi umi tembiporu Ñandejára ome'éva'ekue ñandéve?

22 Heë, peguapyta piko ñei-mereípe ojere aja penderehe milláres, heë, deséna de milláres, oguapyreíva hína avei, ha upe aja katu upe jerére tetã rembe'ýpe milláres ho'a hína kysepukúpe, heë, ojekutu ha huguýva hína?

23 Peimo'ã piko Tupã he'íta peë peimeha angaipa'yre peguapy aja ñemovã'yme ha pehecha ko'ã mba'e? Péina ápe che ha'e peëme, Nahániri. Ko'ága aipota penemandu'a Tupã he'ihague pe váso ryepyraë oñemopotíva'erãha, ha upéramo oñemopotitaha avei okágui.

24 Ha ko'ága, napeñearrepentíriramo umi pejapova'ekuégui, ha peñepyrū pejesareko, ha pe-mbouka oréve tembi'u ha kui-mba'ekuéra, ha avei Helamán-pe, ha'e oñongatu hağua umi tenda ñane retãmegua ojagarrajeyva'ekue, ha ore rojagarrajey hağua

avei ore yvy rembyrekuéra ko'ã tendápe, péina ápe iporã noroñorairõvéi lamanita-kuéra ndive romopotĩ mboyve ore váso ryepy, heẽ, pe ore retã ñeisãmbyhyha akã tuichakue jepeve.

25 Ha napepenáiramo ko che kuatione'ẽre, ha peje ha pehechauka chéve peteĩ espíritu tekosãsorã aňeteguáva, ha peñeha'ã pemombarete ha pemo'ã ore ehérsito, ha peme'ẽ chupekuéra tembi'u okaru hağua, péina ápe ahejãta che ehérsito aty'imi isãsóva oňongatu hağua ko ore retã pehẽngue, ha ahejãta Tupã mbarrete ha jehovasa hi'arikuéra, ani mba'evéchagua ambue pu'aka ikatu oňemoĩ hesekuéra—

26 Ha kóva ijerovia tuicha rupi, ha iñeha'arõkuua rupi ijehasa'asykuérape—

27 Ha ajúta peẽme, ha ndaipóriramo pende apytépe oipotáva tekosãso, heẽ, jepe topytara'e peteĩ tekosãso pehẽngue'imi, péina ápe amokyre'ỹta ñepu'ã pende apytépe, jepeve umi ohupytyseva pu'aka ha autorida omanomba peve.

28 Heẽ, péina ápe ndakyhyjéi pende pu'aka ni pende autoridãgui, ha katu che Tupãgui che akyhyje; ha ha'e hembiapoukapýpe he'iháicha che ajagarráva che kysepuku amo'ã hağua che retã mba'éva, ha ha'e pene rembiapovai rupi rohasaha hetaite ñehundi.

29 Péina ápe ára oğuahẽma, heẽ, ára hi'agũima, pempa'apo'ỹramo pene retã rekosãsorã ha pene

mitãnguéra rehe, pe hustisia kysepuku oğuejýma pende ári; heẽ, ha ho'áta pende ári ha oğuahẽta peẽme penerundipaite peve.

30 Péina ápe, che aha'arõ pytyvõ pendehegui; ha ndapemboukáiramo oréve pytyvõ, péina ápe, che ajúta penderehe, jepe Zarahemla retãme, ha poikutúta kysepukúpe, ndapeguerekovéi peve pu'aka pejoko hağua ko tavayguakuéra akãrapu'ã ore rekosãsorã.

31 Ha péina ápe, Ñandejára ndohejamo'ãigui peiko ha peñembohetave pende rekovaikuérape pehundi hağua itavayguakuéra hekojojávape.

32 Péina ápe, peimo'ã piko Ñandejára peneňongatúta peẽme ha oúta huísio reheve lamanita-kuéra rehe, ha'éguikuri ituvakuéra jepokuaa oğueruva'ekue pe ijehayhu'ỹkuéra, heẽ, ha ombotuichavékuri upéva umi oséva'ekue ñande apytégui, ha katu pende rembiapovaikuéra ou peẽ pehayhúgui yvoragua verapy ha mba'ereikuéra?

33 Peikuaa pejapyharaha Tupã leikuéra, ha peikuaa pepyruha hese pende pýpe. Péina ápe, Ñandejára he'ichéve: Umi pehenoi-va'ekue ha'e hağua mburuvicha noňearrepentíriramo iňangaipa ha hembiapovaikuéragai, rehóta ñorairõme hesekuéra.

34 Ha ko'áğa péina ápe, che, Moroni, aňemyaña, pe konvénio ajapo haguéicha cheñe'ërendutaha che Tupã rembiapoukapykuérare; upévale aipota pejejoko

Tupã ñe'ëre, ha pembouka chéve pya'e pende hí'upykuéragui ha pende kuimba'ekuérágui, ha avei Helamán-pe.

35 Ha péina ápe, ndapejapóiramó péicha che ajúta penderehe pya'e; péina ápe, Tupã ndohejamó'áigui romano ñembyahýigui; upévare ha'e ome'ëta oréve pene rembi'úgui, taha'e jepe kysepukurupive. Ko'áña pehecháke pekumpli Tupã ñe'ë.

36 Péina ápe, che ha'e Moroni, pene mburuvicha guasu. Che ndahekái pu'aka, ha katu añeha'ã aity upéva. Che ndahekái yvóra terakuãporã, ha katu che Tupã verapy, ha che retã rekosãso ha ñeimeporã. Ha péicha che ambo-paha che kuatione'ë.

ÑEMBYATY 61

Pahorán omombe'u Moroni-pe ñemoi ha ñepu'ã oiva upe tetã ñeisambyhýre—Umi rréi potaha ojagarra Zarahemla ha oñembojoaju lamánita-kuéra ndive—Pahorán ojerure soldadokuéra ñeipytyvõ oñemoi hañua umi opua'áva'ekuere. 62 ary rupi Cristo mbojve.

PÉINA ápe, ko'áña ojehu Moroni omondo riremí ikuatiane'ë upe tetã oisambyhývape, oñemo-ğuahẽ chupe peteĩ kuatione'ë Pahorán-gui, ha'éva upe sãmbyhyhára. Ha ko'áva ha'e ñe'ë oñemoğuahẽva'ekue chupe:

2 Che, Pahorán, ko tetã sãmbyhyhára, amondo ko'ã ñe'ë

Moroni-pe, mburuvicha guasu pe ehérsito ári. Péina ápe, che ha'e ndéve, Moroni, ndavy'aiha pende jehasa'asy tuicha rehe, heẽ, ko'áva ojopy che ánga.

3 Ha katu péina ápe, oĩ ovy'áva pende jehasa'asyre, heẽ, opu'ã jepe hikuái cherehe, ha avei che tavayguakuéra isãsoséva rehe, heẽ, ha umi opu'áva'ekue hetaiterei hikuái.

4 Ha ha'e umi oipe'aseva'ekue chehegui pe huekuéra apyka oguerúva ko tembiapovai tuichaite; oiporúgui hikuái heta ñembojuruhe'ë, ha ombojere heta tavayguakuéra korasõ, oguerútava tuicha jeiko'asy ñande apytépe; ha'ekuéra ojokókuri ñande hí'upy, ha ojokókuri umi isãsosévape ani hañua oho pene rendápe.

5 Ha péina ápe, chembojevuy hikuái henonderákuéra, ha aka-ñýkuri Gedeón retãme, opa kuirmba'e reheve ikatúva ambyaty chendive.

6 Ha péina ápe, che amondókuri peteĩ momarandu opa tendápe ko tetãme; ha péina ápe, ojoaju hína hikuái orendive opa ára, ojagarrávo umi árma, omo'ã hañua hetã ha isãso, ha ovenga hañua jejahéi ojejapova'ekue orerehe.

7 Ha oúkuri hikuái oréve, upéicha rupi umi opu'áva'ekue ore-rehe ñemoĩme ojehechavai, heẽ, okyhyje peve hikuái orehegui, ha noñanimái hikuái ou ñorairõme orerehe.

8 Ojagarrákuri hikuái upe tetã, térã Zarahemla tavaguasu; ohenói

hikuái irreirã, ha upéva ohaíkuri lamanita-kuéra rréipe, ha ojaópokuri hendive peteĩ ñembojoaju; ha ko ñembojoajúpe he'íkuri oñongatutaha Zarahemla tavaguasu, ñongatu ha'e oimo'áva lamanita-kuérape ohupytyukataha umi tetã rembyre, ha ha'e oñehenoitaha rréi ko tavayguakuéra ári lamanita-kuéra ipu'aka vove hesekuéra.

9 Ha ko'ága, reñe'évaíkuri cherehe nde kuatiañe'ẽme, ha katu péva ndaha'etí mba'eve; che ndachepochýi, ha katu avy'a ne korasõ tuicha haguére. Che, Pahorán, ndaipotái pu'aka, ndaha'éiramo ajoko hağua huekuéra apyka chemba'éva aňongatu hağua che tavayguakuéra derécho ha hekosãso. Che ánga opyta ñemovã'ỹme upe tekosãso Tupã ñanemosãsova'ekuépe.

10 Ha ko'ága, péina ápe, rogueropu'akáta pe tekoñaña jepeve tuguy ñeñoñe meve. Ore noroñoñeiva'erãmo'ã lamanita-kuéra ruguy opytárire hikuái hetãme.

11 Ore noroñoñeiva'erãmo'ã ore joyke'ykuéra ruguy nopu'áirire hikuái ñemoĩme ha ndojagarráirire kysepuku orerehe.

12 Ore roñemoĩva'erãmo'ã ñeñapytĩmby júgope Tupã hustisia péicha ojeruréramo, térã ha'e he'iramo oréve rojapo hağua.

13 Ha katu péina ápe ha'e nde'íri oréve roñemoĩ hağua ore rayhu'ỹhakuéra poguýpe, ha katu romoĩ hağua hese ore jerovia, ha ha'e oremosãsotaha.

14 Upévore, che joyke'y ahayhuetéva, Moroni, jagueropu'akána pe ñaña, ha ñaña ndaikatúiva jagueropu'aka ñane ñe'ẽme, heẽ, umi ñepu'ã ha ñesẽicha, jagueropu'aka ñande kysepukúpe, jajoko hağua ñande rekosãso, javy'a hağua upe ñande tupao ñeimeporã tuichávape, ha ñande Rredentor ha ñane Tupã mba'évape.

15 Upévore, eju pya'e chere ndápe mbovymi kuimba'ekuéra ndive, ha eheja hembyre Lehi ha Teáncum poguýpe; eme'ẽ chupekuéra pu'aka oisãmbyhy hağua pe ñorairõguasu upéva upe tetã rendápe, Tupã Espiritu he'iháicha, ha'éva avei pe sãso Espiritu oĩva ipypekuéra.

16 Péina ápe che amondókuri chupekuéra michĩmi hi'upy, ani omano hikuái ikatu peve eju chere ndápe.

17 Embyaty opa soldádo ikatúva reguata aja ko'ã gotyo, ha jaha pya'éta umi oséva'ekue rehe, ñane Tupã mbarete reheve jerovia oiháicha ñande pype.

18 Ha jajagarráta Zarahemla tavaguasu, jahupytyve hağua tembi'u ñamondo hağua Lehi ha Teáncum-pe; heẽ, jaháta hesekuéra Ñandejára mbarete reheve, ha ñambopaháta ko tuichaite tembiapovai.

19 Ha ko'ága, Moroni, avy'a oñemoğuahẽ haguére chéve nde kuatiañe'ẽ, ajepy'apy'imíguikuri mba'e rojapova'erãre, ijójapa rohórõ ore joyke'ykuéra rehe.

20 Ha katu erékuri, noñea-rreptíriramo hikuái Ñandejára he'íha ndéve reho hağua hesekuéra.

21 Eñeha'ã emombarete Lehi ha Teáncum-pe Ñandejárape; ere chupekuéra ani hağua okyhyje, Tupã omosásotagai chupekuéra, heẽ, ha avei opavave umi opytávape ñemovã'ỹme upe tekosãso Tupã omosãso haguépe chupekuéra. Ha ko'áğa ambopaha che kuatiañe'ẽ che joyke'y ahayhuevéva, Moroni-pe.

ÑEMBYATY 62

Moroni oho oipytyvõ hağua Pahorán-pe Gedeón retãme—Ojejuka umi rreipotaha nomo'ãséiva hetãme—Pahorán ha Moroni ojagarrajey Nefiahretã—Heta lamanita-kuéra ojoaju Ammón tavayguakuéra ndive—Teáncum ojuka Ammorón-pe ha omano avei ha'e—Lamanita-kuéra oñemosẽ upe tetãgui, ha oñemoĩ py'aguapy—Helamán ohojey pe ministériope ha omopu'ã pe tupao. 62–57 ary rupi Cristo mbojyve.

HA ko'áğa oñemoğuahẽvo Moroni-pe ko kuatiañe'ẽ ikorasõ ojagarra py'aguasu, ha henyhẽ tuichaiterei vy'apavẽgui Pahorán hekojoja haguére, ha'e ndaha'úi haguére avei peteĩ oñemoĩva ñemosãso ni hetãre.

2 Ha katu ojepy'apyeterei avei umi omosẽva'ekue Pahorán-pe huekuéra apykágui rembiapovaíre, heẽ, peteĩ ñe'ẽme umi

opu'áva'ekuere oñemoĩ hağua hetã ha avei Itupã rehe.

3 Ha ojehu Moroni ogueraha hendive kuimba'e aty'imi, Pahorán oipota haguéicha, ha ome'ẽ Lehi ha Teáncum-pe ijehérsito rembyre ñeisãmbyhy, ha uguata Gedeón retã gotyo.

4 Ha omboveve upe sãso poyvi opa tenda oikehápe, ha ombyaty opa soldádo ikatúva, uguata aja Gedeón retã gotyo.

5 Ha ojehu miles oñembyaty ipoyvi rehe, ha ojagarra ikysepuku omo'ã hağua isãso, ani hağua ho'a ñeñapytĩmbýpe.

6 Ha péicha, Moroni ombyaty rire kuimba'e ikatúva opa iguata pukukue aja, ha'e ou Gedeón retãme; ha ombojoajúvo isoldadokuéra Pahorán mba'éva ndive imbareteterei hikuái, jepe imbareteteve hikuái Pacus kuimba'ekuérargui, ha'éva umi osẽva'ekue rreí, umi omosẽva'ekue yvyporakuéra isãsosévape Zarahemla retãgui ha ojagarrava'ekue upe tetã.

7 Ha ojehu Moroni ha Pahorán ogojey ijehérsito reheve Zarahemla retã meve, ha oho hikuái pe tavaguasu rehe, ha oñorairõ hikuái Pacus kuimba'ekuéra ndive, upéicha osẽ hikuái ñorairõme.

8 Ha péina ápe, Pacus ojejuka ha ikuimba'ekuéra ojejagarra prisióneroramo, ha Pahorán oñemoĩjey huekuéra apykápe.

9 Ha Pacus kuimba'ekuérape ojejapo huísio, léipe he'iháicha, ha avei umi rreipotahápe ojejagarrava'ekue ha oñemoĩ ka'irãime; ha ojejuka chupekuéra léipe

he'iháicha; heë, opavave umi Pacus kuimba'e ha umi rreipotaha, opavavépe umi ojararrangue hi'árma omo'ã hağua hetãme, oñemoïseva'ekue hese, ojejukákuri.

10 Ha péicha oñeikotevëkuri oñembojesarekoporã ko léi rehe oñeñangareko hağua upe tetãre; heë, ha oimeraëva ojejuhúva onegaha hína isãso pya'e ojejuka upe léipe he'iháicha.

11 Ha péicha opákuri ary treinta huekuéra ñeisãmbyhy Nefi tavayguakuéra ári; Moroni ha Pahorán omoïjeýkuri py'aguapy Zarahemla retãme, itavayguakuéra apytépe, ojukávo opa ndaijeroviarekóiva ñemosãsorãre.

12 Ha ojehu oñepyrũvo ary treinta y uno huekuéra ñeisãmbyhy Nefi tavayguakuéra ári, Moroni pya'e oguerahauka Helamán-pe hi'upykuéra, ha avei peteï ehérsito oïháme seis mil kuimba'e, oipytyvõ hağua chupe omo'ã hağua upe tetã renda.

13 Ha omondouka avei peteï ehérsito oguerekóva seis mil kuimba'e, tembí'u oñeikotevëva reheve, Lehi ha Teáncum ehérsitope. Ha ojehu ojejapo upéva oñemombarete hağua lamanitakuéragui upe tetã.

14 Ha ojehu Moroni ha Pahorán, ohejávo tuicha kuimba'e aty Zarahemla retãme, ojararra iguata heta kuimba'e reheve Nefiah retã gotyo, he'ímavo hikuái ipu'akataha lamanitakuérare upe tavaguasúpe.

15 Ha ojehu oguata aja hikuái

upe tetã gotyo, ojararra hikuái peteï lamanita-kuéra atyetápe, ha heta ojuka hikuái chupekuéra, ha ojararra hikuái hi'upykuéra ha hi'armakuéra ñorairõguasurã.

16 Ha ojehu ojararra rire chupekuéra, ojarouka hikuái chupekuéra peteï konvénio ndojagarramo'aveimaha hikuái hi'árma ñorairõguasurã nefita-kuéra rehe.

17 Ha ojapo rire hikuái upéva upe konvénio omondo chupekuéra oiko hağua hikuái Ammón tavayguakuéra ndive, ha ha'ékuri cuatro mil rupi umi nomanoiva'ekue.

18 Ha ojehu omondo rire chupekuéra oguatajey hikuái Nefiah retã gotyo. Ha ojehu oğuahëvo hikuái Nefiah tavaguasúpe, omoï hogaaokuéra Nefiah ñume, oïva Nefiah tavaguasu ypýpe.

19 Ko'áğa, Moroni oipotákuri lamanita-kuéra osë ñorairõme hesekuéra, pe ñu ári; ha katu lamanita-kuéra, oikuaávo ipy'aguasuetereiha hikuái, ha ohechávo ijaty guasu, upévare noñanimái hikuái osëvo hesekuéra; upévare nosëi hikuái ñorairõme upe árape.

20 Ha oğuahëvo pyhare, Moroni osë upe pyhare pytũ, ha ojupi pe tápia ijyvateveha ári oma'ëñemi hağua moõpa oñemoï lamanitakuéra ijehérsito ndive upe tavaguasúpe.

21 Ha ojehu oï hikuái pe kuarahyresë gotyo, pe okëme; ha okejoa hína hikuái. Ha ko'áğa Moroni ohojey ijehérsito rendápe, ha ojarouka ñembosako'i pya'e

ñemosā atā ha ñemosā ojejupi haḡua reheve, oguejy haḡua hikuái pe tápia iyyvatevehárupi pe hyepýpe.

22 Ha ojehu Moroni ojapouka ikuimba'ekuéra oguata ha ojupi pe tápia iyyvatevehápe, ha oguejy hikuái upéva upe tavaguasu pehēnguépe, heē, jepe pe kuarahyreike gotyo, lamanita-kuéra no-ĩriháme ijehersitokuéra ndive.

23 Ha ojehu opavave ha'ekuéra oguejy upe tavaguasu ryepýpe pyharekue, isā atānguéra ha isā ñemosāingo rupi oguejy haḡua; upéicha ko'ē rire opavave oíma pe tavaguasu tápia ryepýpe.

24 Ha ko'áḡa, lamanita-kuéra opáyvo ha ohecha Moroni ehersitokuéra oímaha pe tápia ryepy gotyo, okyhyjeteri hikuái, jepe okañy meve hikuái pe tape pa'ũ rupi.

25 Ha Moroni ohechávo oñaniha hikuái henonderā, ha'e ojapouka ikuimba'ekuéra toho hesekuéra, ha hetápe ojuka, ha heta ambuépe omongora hikuái, ha ojagarra chupekuéra prisionéroramo; ha hembyrekuéra okañy Moroni retāme, opytáva pe yguasu rembe'y ypýpe.

26 Ha upéicha Moroni ha Pahorán ohupytyva'ekue Nefíah tavaguasu oñehundí'ýre ni peteĩ ánga; ha oĩkuri heta lamanita-kuéra omanova'ekue.

27 Ko'áḡa ojehu heta lamanita-kuéra prisionérova ojoajuse Ammón tavayguakuéra ndive oiko haḡua chuguikuéra tavayguakuéra isāsóva.

28 Ha ojehu opavave oipotá-vape, oñeme'ē oipotaháicha.

29 Upévare, opa prisionéro lamanítava ojoaju Ammón tavayguakuéra ndive, ha oñepyrũ omba'apoiterei hikuái, oñemityvo, oñotývo opaichagua yva ra'ýi, ha opaichagua mymba'aty; ha péicha nefita-kuéra opytu'uve peteĩ mba'e pohýigui; heē, upéicha opytu'u hikuái opa prisionéro lamanítavagui.

30 Ko'áḡa ojehu Moroni, ohupyty rire Nefíah tavaguasu, ojagarra rire heta prisionéro, omopokāitereíva lamanita-kuéra ehérsito, ha omosāso rire hikuái heta nefita ojejagarrava'ekue prisionéroramo, mba'e omombaretetereíva Moroni ehersitokuéra; upévare Moroni oho Nefíah retāgui Lehi retā gotyo.

31 Ha ojehu ohechávo lamanita-kuéra Moroni ouha hesekuéra, okyhyjeteriejey hikuái, ha oñani Moroni ehérsito renonderā.

32 Ha ojehu Moroni ha ijehérsito oho hapykuerikuéra tavaguasúgui tavaguasúpe, ojojuhu peve hikuái Lehi ha Teáncum ndive; ha lamanita-kuéra oñani Moroni ha Teáncum-gui, jepe oguejy peve hikuái yguasu rembe'y ypýpe, oḡuahē meve Moroni retāme.

33 Ha lamanita-kuéra ehérsito oñembyatypa, upéicha oĩ hikuái peteĩ atýpente Moroni retāme. Ko'áḡa Ammorón, lamanita-kuéra rréi, oĩ avei hendivekuéra.

34 Ha ojehu Moroni ha Lehi ha Teáncum omoĩ hendaḡua-kuéra ijehérsito ndive Moroni

retã rembe'y jerére, upéicha lamanita-kuéra oñemongora upe hembe'ýpe tave'ỹ sur gotyo, ha pe hembe'ýpe tave'ỹre kuarahy-resẽ gotyo.

35 Ha péicha omoĩ hikuái hendaña pyharekue. Ha péina ápe, nefita-kuéra ha lamanita-kuéra avei ikane'õiterei uguata heta rupi; upévare noha'ãi hikuái mba'ëveichagua mbotavy pyharekue, ndaha'éiramo Teáncum; ipochyeteréigui Ammorón ndive, jepe ha'e oimo'ã Ammorón, ha ijyke'y Ammalickiah, ha'ehague ogueruva'ekue upe tuicha ha ipukúva ñorairõguasu ijaytepekuéra ha lamanita-kuéra apytépe, ogueruva'ekue hetaite ñorairõ ha tuguy ñeñohe, heẽ, ha hetaite ñembyahýi.

36 Ha ojehu Teáncum ipochýpe oike lamanita-kuéra oiháme, ha oguejy pe tavaguasu tápia rehe. Ha ha'e oho peteĩ sã reheve, peteĩ tendágui ambue tendápe ojuhu peve rreípe; ha ojapi chupe peteĩ havalínape, oikutúva chupe ikorasõme. Ha katu péina ápe, upe rreí omobáy inãngarekoharakuérape omano mboyve, upéicha omuña hikuái Teáncum-pe, ha ojuka chupe.

37 Ko'ága Moroni ha Lehi oikuaávo Teáncum omanohague ombyasyeterei hikuái; péina ápe, ha'éguikuri ha'e peteĩ kuimba'e oñorairõ mbaretéva hetãre, heẽ, peteĩ tekosãso angirũ añete; ha ohasákuri heta jeiko'asy guasu. Ha katu péina ápe, ha'e omanókuri, ha oho opa yvy rapépe.

38 Ko'ága ojehu ko'ẽ rire Moroni uguata, ha ho'a lamanita-kuéra ári, upéicha ojuka chupekuéra tuichaiterei jejuka reheve; ha omosẽ hikuái chupekuéra upe tetãgui; ha oñani hikuái, jepe ndouvéi peve hikuái nefita-kuéra rehe upe árape.

39 Ha péicha opákuri ary treinta y uno huekuéra ñeisãmbyhy Nefi tavayguakuéra ári; ha péicha uguerekókuri hikuái ñorairõguasu, ha tuguy ñeñohe, ha ñembyahýi, ha jeiko'asy, heta ary aja.

40 Ha oĩkuri jejuka, ha ñorairõ, ha ñesẽ, ha opáchagua tembiapovai Nefi tavayguakuéra apytépe; upevére hekojojavakuéra ñeimeporãrã, heẽ, umi hekojojáva ñembo'e rupi, oñeñongatu chupekuéra.

41 Ha katu péina ápe, ipukueteréigui ñorairõguasu nefita-kuéra ha lamanita-kuéra apytépe, oĩkuri heta oñembopy'ahatáva, ipukueteréimagui pe ñorairõguasu; ha oĩkuri heta omohu'úva ikorasõ ijeiko'asykuéra rupi, oñemomirĩ meve hikuái Tupã renondépe, jepe ñemomirĩ pypuku reheve.

42 Ha ojehu Moroni omombarete rire umi yvy renda hí'agüivéva lamanita-kuéragui, oñemombarete porã meve, ha'e ohojey Zarahemla tavaguasúpe; ha avei Helamán ohojey ijyvy jehejapyrépe; ha oñemoijey py'aguapy Nefi tavayguakuéra apytépe.

43 Ha Moroni ome'ẽ ijehérsito ñeisãmbyhy ita'yrape, hérava

Moroníah; ha oho hógape ohasa hağua py'aguapýpe ára hembýva chupe.

44 Ha Pahorán ohojey huekuéra apykápe; ha Helamán oñepyrũ jey ombo'e Tupã ñe'ẽ tavayguakuérape; hetaite ñorairõguasu ha joavy rupi tekotevẽ oñemojey tupaópe mba'e pyahu ojejpova'erã.

45 Upévore, Helamán ha ijoyke'ykuéra osẽ, ha ombo'e Tupã ñe'ẽ tuicha pu'akápe okonvensévo heta tavayguakuérape hekoñañágui, omoarrepentíva chupekuéra iñangaipakuéragui ha oñemongarai hikuái Ñandejára Itupãme ġuarã.

46 Ha ojehu omojey hikuái Tupã tupao, opa upe tetã rupi.

47 Heẽ, ha oñemoĩkuri apopyrã léi rehegua. Ha oñehenói ihuekuéra, ha ihue guasukuéra.

48 Ha Nefi tavayguakuéra oñakãrapu'ã jey upe tetãme, ha oñepyrũ jey oñemoña ha oñemombareteterei upe tetãme. Ha oñepyrũ ipirapire hetaiterei hikuái.

49 Ha ipirapire hetáramo jepe hikuái, térã imbarete, ha oñakãrapu'ã, nopu'ái hikuái hesa orgúllope; ni naimbeguúi hikuái imandu'a hağua Ñandejára Itupãre; ha katu tuicha oñemomirĩ hikuái henondépe.

50 Heẽ, imandu'a hikuái tuiçhайте mba'e Ñandejára ojapova'ekuere hesekuéra, mba'éichapa omosãsova'ekue chupekuéra ñemanógui, ha tekoapytĩgui, ha ka'irãigui, ha opáichagua

jeiko'asýgui, ha oipe'ava'ekue chupekuéra ihayhu'ỹhakuéra pógui.

51 Ha oñembo'e meme hikuái Ñandejára Itupãme, jepe ha'e ohovasa peve chupekuéra, iñe'ẽme he'iháicha, upéicha oñemombareteterei hikuái ha oñakãrapu'ã upe tetãme.

52 Ha ojehu ojejpopa ko'ã mba'e. Ha omanókuri Helamán, ary treinta y cinco huekuéra ñeisãmbyhy jave Nefi tavayguakuéra ári.

ÑEMBYATY 63

Shiblón ha upe rire Helamán oñangareko umi kuationjehaipyre marangatúre—Heta nefita-kuéra oho yvy norteguápe—Hagot ojapo yga, ohóva yguasu kuarahyreiképe—Moroníah ipu'aka lamanita-kuérare peteĩ ñorairõme. 56–52 ary rupi Cristo mbojyve.

Ha ojehu oñepyrũvo ary treinta y seis huekuéra ñeisãmbyhy Nefi tavayguakuéra ári, Shiblón ohupyty umi mba'e marangatu Alma ome'eva'ekue Helamán-pe.

2 Ha ha'ékuri ha'e peteĩ kumbae hekojojáva, ha oguata kare'ýme Tupã renondépe; ha oñeha'ã ojapo meme iporãva, ha iñe'ẽrendu Ñandejára Itupã rembiapoukapykuérare; ha upéicha avei ojapókuri ijoyke'y.

3 Ha ojehu omano avei Moroni. Ha péicha opákuri ary treinta y seis huekuéra ñeisambyhýpe.

4 Ha ojehu ary treinta y siete huekuéra ñeisambyhýpe, oĩkuri heta kuimba'e aty, jepe cinco mil cuatrocientos kuimba'e, hembireko ha ita'yra kuéra reheve, osëva'ekue Zarahemla retãgui upe tetã oĩva nórte gotyo.

5 Ha ojehu Hagot, ha'égui peteĩ kuimba'e oikuaasetereíva, upévare oho ha ojapo peteĩ yga tuichaitereíva, pe tetã Abundancia rembe'ýpe, tetã Desolación ypýpe, ha oike yguasú kuarahyreiképe, pe yvy po'iyypýpe ohóva yvy norteguápe.

6 Ha péina ápe, oĩ heta nefita oikéva ipype ha oho pe yguasúre heta hi'upy reheve, ha avei heta kuña ha mitã; ha ojarra hikuái hape nórte gotyo. Ha péicha opákuri ary treinta y siete.

7 Ha ary treinta y ocho-pe, ko kuimba'e ojapo ambue ygakuéra. Ha pe peteĩha yga oujey avei, ha hetave tavayguakuéra oike ipype; ha ogueraha avei hendivekuéra heta hi'upy, ha oho jey yvy nortegua gotyo.

8 Ha ojehu araka'eve ndojeikuaavéi chuguikuéra. Ha roimo'ã ojahoga hikuái yguasú pypukúpe. Ha ojehu ambue yga avei oike yguasúpe; ha moõpa oho ndoroikuaái.

9 Ha ojehu ko arýpe oĩkuri heta tavayguakuéra osëva'ekue yvy nortegua gotyo. Ha péicha opákuri ary treinta y ocho.

10 Ha ojehu ary treinta y nueve huekuéra ñeisambyhýpe, omano avei Shiblón, ha Coriantón osëkuri yvy nortegua gotyo peteĩ

ygápe, ogueraha haña hi'upy tavayguakuéra ohova'ekuepe upe tetãme.

11 Upévare oñeikotevëkuri Shiblón ome'ẽ umi mba'e marangatu, omano mboyve, Helamán ra'ýpe, hérava avei Helamán, oñeme'ëgui chupe itúva réra.

12 Ko'ágã péina ápe, opa umi jehaipyre oĩva'ekue Helamán pópe ojehaikuri ha oñemondo yvypóra ra'ykuéra apytépe opa tetãme, ndaha'éiramo umi tendápe Alma he'iva'ekue noñemondoiva'eráháme.

13 Upevére, ko'ã mba'e oñeñongatuvaverākuri marangatúpe, ha oñembohasaverã peteĩgui ambue ñemoñare'atýpe; upévare, oñeme'ëkuri, ko arýpe, Helamán-pe, Shiblón omano mboyve.

14 Ha ojehu avei ko arýpe oĩkuri osëva'ekue ojoajúva lamánita-kuérare; ha oñemokyre'ỹ jey hikuái pochýpe nefitakuérare.

15 Ha avei ko arýpe oñuahẽ hikuái peteĩ ehérsito guasu reheve ñorairõguasurã Moroniah tavayguakuéra rehe, térã Moroniah ehérsito rehe, ipu'akahápe hikuái hesekuéra ha oñemondo jey chupekuéra hetãme, ohasávo hikuái tuicha ñehundi.

16 Ha péicha opákuri ary treinta y nueve huekuéra ñeisambyhý aja Nefi tavayguakuéra ári.

17 Ha péicha opákuri Alma ñemombe'u, ha Helamán ita'yra, ha avei Shiblón, ha'eva'ekue Alma ra'y.

HELAMÁN KUATIAÑE'Ë

Peteĩ nefita-kuéra ñemombe'u. Iñorairõguasu ha ijoavy, ha iñesẽnguéra. Ha avei heta proféta marangatu profesiakuéra, Cristo ou mboyve, Helamán kuationjehaipyrépe oĩháicha, ha'eva'ekue Helamán ra'y, ha avei ita'y rakuéra kuationjehaipyrépe oĩháicha, jepe Cristo jeju peve. Ha avei heta lamanita-kuéra oñekonverti. Peteĩ ko'áva oñekonvertiramoguare ñemombe'u. Peteĩ ñemombe'u lamanita-kuéra tekojoja rehegua, ha nefita-kuéra tekoñaña ha rembiapoky'akuéra rehegua, Helamán ha ita'y rakuéra kuationjehaipyrépe oĩháicha, jepe Cristo jeju peve, oñehenóiva Helamán kuatione'ë, ha ambue mba'e.

ÑEMBYATY 1

Pahorán mokõihágui oiko hue guasu ha Kishkumen ojuka chupe—Pacumeni oguapy apyka hudisiálpe—Coriántumr oisãmbyhy lamanita-kuéra ehérsito, ojararra Zarahemla, ha ojuka Pacumeni-pe—Moroniah ipu'aka lamanita-kuérare ha ojagarrajey Zarahemla, ha Coriántumr ojejuka. 52–50 ary rupi Cristo mboyve.

HA ko'ága péina ápe, ojeu hoñepyrũvo ary cuarenta huekuéra ñeisãmbyhy Nefi tavayguakuéra ári, oñepyrũ oĩ tuicha ñepysanga nefita-kuéra apytépe.

2 Péina ápe, Pahorán omanókuri, ha oho opa yvy rapére; upévare oñepyrũ oĩ peteĩ joavy vai avápa umi ijoyke'ykuéragui, umi ha'éva Pahorán ra'y, oguapýta huekuéra apykápe.

3 Ko'ága, ko'áva ha'e umi ojoavyva'ekue pe huekuéra apykáre rerakuéra, ombojoavykava'ekue

avei tavayguakuérape: Pahorán, Paanqui, ha Pacumeni.

4 Ko'ága, ndaha'ei ko'avante Pahorán ra'ykuéra (ha'e oguerekóguikuri heta), ha katu ko'áva ha'e umi ojoavyva'ekue pe huekuéra apykáre; upévare, ogueru hikuái mbohapy ñemboja'o tavayguakuéra apytépe.

5 Upévare, ojeu tavayguakuéra ñe'ë oiporavo Pahorán-pe oiko haɣua hue guasu ha sãmbyhyháraramo Nefi tavayguakuéra ári.

6 Ha ojeu Pacumeni, ohechávo ndaikatuiha ohupyty pe huekuéra apyka, ha'e ojoaju tavayguakuéra ñe'ë ndive.

7 Ha katu péina ápe, Paanqui, ha umi tavayguakuéra apytégui oipotava'ekue ha'e oisãmbyhy chupekuéra, oñeko'oieteri; upévare, ha'e haimete omokyre'y chupekuéra opu'ã haɣua hikuái ijoyke'ykuérame.

8 Ha ojeu ojaopóta jave upéva, péina ápe, ojejarra chupe, ha ojehusga tavayguakuéra ñe'ë he'iháicha, ha oñekondena chupe

omano haḡua; ha'e opu'āgui ha oñeha'ānguikuri ohundi tavayguakuéra rekosāso.

9 Ko'āḡa, umi tavayguakuéra oipotava'ekue chupe isāmyhyhararā ohechávo oñekondenaha chupe omano haḡua, upévare ipochy hikuái, ha péina ápe, omondo peteĩ hérava Kishkumen-pe, jepe huekuéra apyka Pahorán oguapyhápe, ha ojuka Pahorán-pe oguapy aja huekuéra apykápe.

10 Ha Pahorán rembiguakuéra omuña chupe; ha katu péina ápe, pya'eteri Kishkumen oñani ha avave ndaikatúikuri ohupyty chupe.

11 Ha ha'e ohojey umi chupe omondova'ekue rendápe, ha opavave ha'ekuéra ojapo peteĩ konvénio, heẽ, oñe'eme'ẽvo hikuái upe Ijapohára opave'yva rehe, nde'imo'áiha hikuái avavépe Kishkumen ojukahague Pahorán-pe.

12 Upévare, Kishkumen-pe ndojeikuaái Nefi tavayguakuéra apytépe, ha'e ojedisfraságuikuri ojukaramoguare Pahorán-pe. Ha Kishkumen ha hi'aty, ojapova'ekue hendive konvénio, ojehe'a tavayguakuéra apytépe, upéva rupi ndaikatúikuri ojejuhu opavavépe; ha katu mayma ojejuhúvape oñekondena omano haḡua.

13 Ha ko'āḡa péina ápe, Pacumeni oñehenóikuri, tavayguakuéra ñe'ẽ he'iháicha, ha'e haḡua hue guasu ha sāmbyhyhára tavayguakuéra ári, orreina haḡua jjoyke'y Pahorán rendaguépe; ha

ha'ékuri ideréchoicha. Ha opa ko'ā mba'e oikókuri ary cuarenta huekuéra ñeisambyhýpe; ha oḡuahẽ ipahápe.

14 Ha ojehu ary cuarenta y uno huekuéra ñeisambyhýpe, lamanita-kuéra ombyaty peteĩ ehérsito hetaitereíva kuimba'e-guigua, ha oarma chupekuéra kysepuku reheve, ha simitárta ha hu'y reheve, ha yvyrapã, ha akāmo'āha reheve, ha pyti'amó'āha reheve, ha opa mó'āha opáichagua reheve.

15 Ha oujey hikuái oñorairõ haḡua nefita-kuéra ndive. Ha oisāmbyhy chupekuéra peteĩ kuimba'e hérava Coriántumr; ha ha'ékuri Zarahemla ñemoñare; ha ha'ékuri peteĩ oséva'ekue nefita-kuéra apytégui; ha peteĩ yvypóra tuicha ha imbaretéva.

16 Upévare, lamanita-kuéra rréi, hérava Tubalót, Ammorón ra'y, oimo'ã pe Coriántumr, ha'égui kuimba'e imbaretéva, ikatútakuri ipu'aka nefita-kuérare, imbarete ha avei iñarandu guasu reheve, upéicha rupi oimo'ã omondónteramo chupe ha'e ohupytytamaha pu'aka nefita-kuéra ári—

17 Upévare omokyre'y chupekuéra pochyra, ha ombyaty ijehersitokuéra, ha ohenói Coriántumr-pe ha'e haḡua imburuvicha, ha he'i chupekuéra oho haḡua hikuái Zarahemla retã gotyo oñorairõ haḡua nefita-kuéra ndive.

18 Ha ojehu hetaita joavy ha ñeimevai rupi upe tetã ñeisambyhýpe, ndohejáikuri hikuái

ñangarekohára oñeikotevêva Zarahemla retâme; noimo'ái-guikuri hikuái lamanita-kuéra oiketaha hetã mbytépe oñemoĩ hağua Zarahemla tavaguasu tuicháva rehe.

19 Ha katu ojehu Coriántumr osê ijehérsito hetaite renonderã, ha ho'a upe tavaguasúpe oikóva ári, ha iguatakuéra py'eteréŕgui ndaipórikuri ára nefita-kuéra ombyaty hağua ijehérsito.

20 Upévare Coriántumr ojukákuri ñangarekohára oivape tavaguasu rokême, ha opaite ijehérsito reheve oike pe tavaguasúpe, ha ojuka hikuái opavave oñemoivape hesekuéra, upéicha rupi ojararrapa hikuái upe tavaguasu.

21 Ha ojehu Pacumeni, ha'éva hue guasu, oñani Coriántumr renonderã, jepe tavaguasu tápia peve. Ha ojehu Coriántumr oipy'ajopy chupe tápiare, upéicha rupi ojuka chupe. Ha péicha opákuri Pacumeni ára.

22 Ha ko'áğa, Coriántumr ohechávo oguerékoha ipoguýpe Zarahemla retã, ha ohechávo nefita-kuéra oñaniha henonderãkuéra, ha ojukahague chupekuéra, ha oityhague chupekuéra ka'irãime, ha ha'e ojarrahague tenda imbaretevéva opa upe tetâme, upéicha rupi ikorasõ ojararra py'aguasu oho hağua oñemoĩ opa upe tetã rehe.

23 Ha ko'áğa, ha'e ndopytái Zarahemla retâme, ha katu oguata peteĩ ehérsito guasu reheve, jepe tavaguasu Abundancia gotyo;

ha'e he'ímaguikuri ohotaha ha oipe'ataha hape kysepuku reheve, ojararra hağua umi tetã renda oiva nórté gotyo.

24 Ha, oimo'ãgui hikuái umi ehérsito tuichavêva oĩa upe tetã mbytépe, upévare ha'e oguata tenonde gotyo, ome'ẽ'yre chupekuéra ára oñembyaty hağua hikuái ndaha'éiramo aty'imíme; ha péicha ho'ákuri hikuái hi'arikuéra ha oity chupekuéra yvýre.

25 Ha katu péina ápe, ko jeguata ojarpova'ekue Coriántumr upe tetã mbytépe ome'ẽ tuicha po'a Moroniah-pe hi'arikuéra, jepeve hetaite nefita-kuéra omanova'ekue.

26 Ha péina ápe, Moroniah oimo'ákuri lamanita-kuéra ndoikemo'áiha pe tetã mbytépe, ha katu oiketaha umi tavaguasu oiva rembe'ýpe ojapo haguéicha hikuái upe ára peve; upévare Moroniah omo'ãjukákuri ijehérsito imbaretevévape umi tenda opytáva hembey yýpe.

27 Ha katu péina ápe, lamanita-kuéra ndokyhyjéikuri ha'e oipota haguéicha, ha katu ha'ekuéra oikékuri upe tetã mbytépe, ha ojararra upe tavaguasu akã ha'éva Zarahemla tavaguasu, ha oguata hikuái umi tetã renda akã rehe, ojukávo tavayguakuérape tuicha jejukápe, peteĩcha kuinta'e, kuña, ha mitã, ojararrávo hikuái heta tavaguasu ha heta tenda mbarete.

28 Ha katu Moroniah ohechávo upéva, omondo pya'e Lehi-pe

peteī ehérsito reheve ojoko hağua chupekuéra oğuahē mboyve hikuái tetã Abundancia-pe.

29 Ha péicha ojavókuri; ha ojoko chupekuéra oğuahē mboyve tetã Abundancia-pe, ha oñorairō hendivekuéra, upéicha rupi oñepyryū ojevy hikuái Zarahemla retã gotyo.

30 Ha ojehu Moroniah ojoko chupekuéra ijeyýgui, ha oñorairō hendivekuéra, upéicha rupi oiko peteī ñorairō huguyeteréiva; heē, heta ojejuka, ha umi ojejukava'ekue apytépe ojejuhu avei Coriántumr.

31 Ha ko'āğa, péina ápe, lamanita-kuéra ndaikatúikuri ojevy, ni norte, ni sur gotyo, ni kuarahyresē, ni kuarahyreike gotyo, nefita-kuéra omongorágui chupekuéra opárupi.

32 Ha upéicha Coriántumr omyañákuri lamanita-kuérape nefita-kuéra mbytépe, upéicha rupi oī hikuái nefita-kuéra pu'akápe, ha ha'ete ijehegui ojejuka, ha lamanita-kuéra oñemoī nefita-kuéra po guýpe.

33 Ha ojehu Moroniah ojagarrajey Zarahemla retã, ha ojapo prisionéro lamanita-kuérava osē upe tetāgui py'aguapýpe.

34 Ha péicha opákuri ary cuarenta y uno huekuéra ñeisambyhýpe.

Kishkumen atýpe—Peteī Helamán rembiguái ojuka Kishkumen-pe, ha Gadiantón aty oñani tave'yíme. 50–49 ary rupi Cristo mboyve.

Ha ojehu ary cuarenta y dos huekuéra ñeisambyhýpe, Moroniah omoī jey rire py'aguapy nefita ha lamanita-kuéra apytépe, péina ápe ndaipórikuri oguapyva'erã pe huekuéra apykápe; upévare oñepyryū jey oī peteī joavy tavayguakuéra apytépe mávapa oguapyva'erã pe apyka hudisiálpe.

2 Ha ojehu Helamán, ha'éva Helamán ra'y, ojeiporavo oguapy hağua huekuéra apykápe, tavayguakuéra ñe'ē rupive.

3 Ha katu péina ápe, Kishkumen, pe ojukava'ekue Pahorán-pe, oñemoī ohundi hağua Helamán-pe avei; ha umi ijatypagua oipytyvō chupe, umi ojavova'ekue peteī konvénio ani hağua avave oikuaa hembiañoñakuéragui.

4 Ha oīkuri peteī Gadiantón, ha ikatupyryetereíkuri ñe'ē hetápe, ha avei hekoky'ápe, ojapo hağua tembiapoñemi jejuka ha ñemondarã; upévare oikókuri chugui Kishkumen aty mburuvicha.

5 Upévare ombojuruhe'ē chupekuéra, ha avei Kishkumen-pe, he'ívo chupekuéra omoĩramo hikuái chupe pe huekuéra apykápe ohejataha umi aty hendive oīva oñemoī tenda oguerekotahápe pu'aka ha autorida tavayguakuéra apytépe; upévare Kishkumen oñeha'ã ohundi Helamán-pe.

6 Ha ojehu oho jave pe huekuéra

ÑEMBYATY 2

Helamán, Helamán ra'y, ha'e hueguasu—Gadiantón oisāmyhy

apyka gotyo ohundi hağua Helamán-pe, péina ápe peteĩ Helamán rembiguaí, ohova'ekue pyharekue, ha ohupytyva'ekue, ojedisfrasa rupi, peteĩ jeikuaa umi plangui ojapova'ekue pe aty ohundiséva Helamán-pe—

7 Ha ojehu ha'e ojuhu Kishkumen-pe, ha ome'ẽ chupe peteĩ techaukaha; upévare Kishkumen omombe'u chupe mba'épa ojapose, ojerurévo ogueraha hağua chupe pe huekuéra apykápe ojuka hağua Helamán-pe.

8 Ha Helamán rembiguaí oikuaapávo mba'e oíva Kishkumen korasōme, ha pe ha'e oipotáva ha'eha jejuka, ha avei umi aty hendivegua oipotáva ha'eha jejuka, ha ñemonda, ha pu'aka jehupyty, (ha péva ha'ékuri iplan ñemimby, ha ombojoajúva chupekuéra) Helamán rembiguaí he'i Kishkumen-pe: Jaha huekuéra apykápe.

9 Ko'ága péva oguerohoryete-rei Kishkumen, ha'e oimo'ãgui ojapotaha hembipota; ha katu péina ápe, Helamán rembiguaí, oho jave hikuái huekuéra apyka gotyo, oikutu Kishkumen-pe jepe ikorasōme, upéicha ho'a he'i ýre mba'eve. Ha ha'e oñani ha omombe'u Helamán-pe opa mba'e ohechava'ekue, ha ohenduva'ekue, ha ojapova'ekue.

10 Ha ojehu Helamán ojagarrauka umi aty omonda ha oprojuka ñemívape, ojukauka hağua chupekuéra léipe he'iháicha.

11 Ha katu péina ápe, Gadiantón ohechávo Kishkumen ndouijeyha,

okyhyje oñehundíramo ġuará chupe; upévare ojapo umi aty hendivegua oho hapykuéri. Ha okañy hikuái upe tetãgui, peteĩ tape ñemi rupi, pe tave'yme; ha upéicha Helamán he'i jave ojejarra hağua chupekuéra ndaikatúi ojuhu hikuái chupekuéra mamove.

12 Ha tenondeve oje'évéta ko Gadiantón-gui. Ha péicha opákuri ary cuarenta y dos huekuéra ñeisãmbyhy aja Nefi tavayguakuéra ári.

13 Ha péina ápe, opávo ko kuatione'ẽ pehecháta ko Gadiantón ohechauka ha'ehague ohundiva'ekue, heẽ, jepe haimete ohundipaite peve Nefi tavayguakuérape.

14 Péina ápe che nañ'ẽi Helamán kuatione'ẽ paháre, ha katu Nefi kuatione'ẽ paháre, ajagarrá haguégui opa ñemombe'u ahaiva'ekue.

ÑEMBYATY 3

Heta nefita-kuéra oho yvy nortegua gotyo—Omopu'ã hikuái heta óga seméntogui ha ogueraha hikuái heta kuatione'ẽyha—Hetaiterei yvypóra oñekonverti ha oñemongarai—Tupã ñe'ẽ ogueraha yvyporakuérape salvasiōme—Nefi, Helamán ra'y oguapy pe apyka hudisiálpe. 49–39 ary rupi Cristo mboyye.

HA ko'ága ojehu ary cuarenta y tres huekuéra ñeisambyhýpe, ndaipórikuri joavy Nefi

tavayguakuéra apytépe ndaha'éiramo orgullo'imi oíva upe tupaópe, ogueruva'ekue ñesẽ mbovymi tavayguakuéra apytépe, ha ko'áva opákuri ary cuarenta y tres paha rupi.

2 Ha ndaipórikuri joavy tavayguakuéra apytépe ary cuarenta y cuatro aja; ni ndaipórikuri heta joavy ary cuarenta y cinco-pe.

3 Ha ojehu ary cuarenta y seis-pe, heẽ, oĩkuri heta joavy ha ñesẽ; upéicha oĩkuri hetaiterei osẽva Zarahemla retãgui, ha oho hikuái yvy nortegua gotyo ohupyty haña upe yvy.

4 Ha oho mombryetereĩkuri hikuái, upéicha rupi oñuahẽ hikuái oĩháme ykuéra ha heta ysyry.

5 Heẽ, ha jepe oñemosarambi hikuái opa upe tetã renda rupi, opa tenda ndopytaiva'ekue nandi ha yvyra'ýre, umi hetaiter ohupytyva'ekue rupi upe tetã upe mbovy.

6 Ha ko'áña ndaipórikuri tetã renda oñemonandíva, ndaha'éiramo oĩ'ýgui yvyra; ha katu tuichaitereĩguikuri ñehundi umi tavayguakuéra apytépe oikova'ekue upe tetãme upe mbovy oñehenói upévape nandipyre.

7 Ha ndaipóri, ha katu michiminte oĩgui yvyra upe yvy ape ári, upevére tavayguakuéra ohova'ekue upépe ikatupyryterei tembiapo sementoguiguápe; upévare ojapo hikuái óga sementoguigua, ha umívape oiko hikuái.

8 Ha ojehu oñemoña ha oñemosarambi hikuái, ha osẽ hikuái

yvy surpeguágui oho haña yvy norteguápe, ha oñemosarambi hikuái ha upéicha rupi oñepyrũ oñuã pe yvy ape, yguasu surguive yguasu nórtete peve, yguasu kuarahyreike guive yguasu kuarahyresẽ meve.

9 Ha tavayguakuéra oíva yvy norteguápe oiko ogaaópe, ha óga sementoguiguápe, ha oheja hikuái okakuaa opa yvyra osẽva yvy ape ári, upe rire oguereko haña hikuái yvyra omopu'ã haña hogarãkuéra, heẽ, itavaguasukuéra, itemplokuéra, ha isinagogakuéra, ha itupaitũhakuéra, ha opáichagua óga.

10 Ha ojehu mbovyetereĩgui yvyra upe tetã norteguápe, ogueruka heta hikuái ygakuérape y rupive.

11 Ha péicha rupi oheja hikuái tavayguakuéra oikóva yvy norteguápe omopu'ã heta tavaguasu, yvyrágui ha avei seméntogui.

12 Ha ojehu heta ha'éva Ammón tavayguakuéra, ha'éva lamanita reñoimbyre, oho avei upe tetãme.

13 Ha ko'áña heta oĩ kuantiajehaipyre ko'ã tavayguakuéra rembiapo rehegua, ojehaíva heta ko'ã tavayguakuérase, hesekuera-guaitéva ha ipukúva, ha'ekuéra reheguáva.

14 Ha katu péina ápe, ni sentésimo pehẽngue ko tavayguakuéra rembiapokuéragui, heẽ, lamanita-kuéra ha nefita-kuéra ñemo-mbe'u, ha iñorairõguasukuéra, ha joavykuéra, ha ñesẽnguéra, ha hekombo'ekuéra, ha iprofesiakuéra,

ijyga ha ijyga apokuéra, ha itém-plo ñemopu'ã, ha isinagogakuéra ha itupaitũha, ha hekojojakuéra, ha hekoñaña, ha iporojukakuéra, ha iñemonda, ha ipokarẽ, ha opáichagua tembiapoky'a ha tembiapotie'ỹ, ndaikatúi oñemoĩ ko tembiapópe.

15 Ha katu péina ápe, oĩ heta kuatione'ẽ ha heta kuationehaipyre opáichagua, ha hetave umíva apytépe ojehaikuri nefitakuérare.

16 Ha nefita-kuéra ombohasákuri peteĩgui ambue ñemoñare'atýpe, jepe ho'a peve hikuái tembiapovaípe ha ojejuka peve chupekuéra, oñemonda, ha oñemuña, ha oñemosẽ, ha ojejuka, ha oñemosarambi chupekuéra yvy ape ári, ha ojoaju hikuái lamanita-kuérare noñehenoivéi peve chupekuéra nefita-kuéra, oikóvo chuguikuéra hembiaopñañaña, ha hesaite, ha iñarõva, heẽ, jepe oiko peve chuguikuéra lamanita.

17 Ha ko'ágã che aju jey che ñemombe'úpe; upépare, pe che ha'eva'ekue oikókuri oĩ rire tuicha joavy, ha ñemopu'ã, ha ñorairõguasú, ha ñesẽ, Nefi tavayguakuéra apytépe.

18 Ha opa ary cuarenta y seis huekuéra ñeisãmyhy;

19 Ha ojehu oĩ gueteri tuicha joavy upe tetãme, heẽ, jepeve ary cuarenta y siete aja, ha avei ary cuarenta y ocho-pe.

20 Upevére Helamán oguapy huekuéra apykápe hustísia ha jojápe; heẽ, oñeha'ã iñe'ẽrendu

umi tembipota, ha huisiokuérare, ha Tupã rembiapoukapykuérare; ha ojapomemeva'ekue ijojáva Tupã renondépe; ha oguatava'ekue itúva rape rupi, upéicha rupi oñakãrapu'ã upe tetãme.

21 Ha ojehu oguerekókuri mokõi ita'ýra. Ijypykuépe ombohéra Nefi, ha ipahaguévape, ombohéra Lehi. Ha oñepyrũ okakuaa hikuái Ñandejára ndive ġuarã.

22 Ha ojehu umi ñorairõguasú ha joavy oñepyrũ sa'ive ohóvo, mbeguekatu, Nefi tavayguakuéra apytépe, opakuévo ary cuarenta y ocho huekuéra ñeisãmyhy aja Nefi tavaguakuéra ári.

23 Ha ojehu ary cuarenta y nueve huekuéra ñeisãmyhýpe, oñemoĩkuri py'aguapy meme upe tetãme, opa mba'épe ndaha'éiramo umi mba'évaiñeminguérare Gadiantón, pe mondaha, omoíva'ekue upe tetã renda hetave ojeikohápe, ha umíva upe árape ndoikuaaikuri umi tetã ñeisãmyhýpe oíva; upépare noñehundíri upe tetãgui.

24 Ha ojehu kóva ko arýpe oĩkuri avei peteĩ tuichaiterei ñakãrapu'ã pe tupaópe, upéicha rupi miles ojoaju pe tupaópe ha oñemongarai arrepentimientorã.

25 Ha tuichaitereĩkuri tupao akãrapu'ã, ha heta jehovasa oñeñoñe hēva tavayguakuéra ári, umi sumo sacerdote jepeve ha mbo'eharakuéra omomba'eguasueterei.

26 Ha ojehu Ñandejára rembiapopu'ã jepe oñemongarai ha oĩke peve Tupã tupaópe, heta ánga, heẽ, jepe decenas ha miles.

27 Péicha jahecha Ñandejára oiporiahuverekoha opa umi, korasō añetépe, ohenoiséva héra marangatúpe.

28 Heē, péicha jahecha yvága rokē ojepe'aha maymávape ġuarā, jepe opa ogueroviaséva Jesucristo rérape, ha'éva Tupā Ra'y.

29 Heē, jahecha opa oipotáva ikatuha ojejarra Tupā ñe'ere, oikovéva ha ipu'akapáva, omboja'ótava opa añña katupyry ha ñemosā ha ñuhā, ha oguerahátava Cristo ndivegua yvypórape petē tape ipo'ietereíva jepe pe vyvkua opave'yva teko'asy rehegua rupive oñembosako'iva'ekue ojeity haġua umi hekoñañávape—

30 Ha omoíta hi'ángá, heē, hi'ángá omanokuaa'yva, Tupā akatúape yvága rréinope, oguapy haġua Abraham, ha Isaac, ha Jacob ndive, ha mayma ñande rukuéra imarangatúva ndive, anivéma haġua osē.

31 Ha ko arýpe oĩkuri vy'apavē meme Zarahemla retāme, ha opa tenda ijerereġuápe, jepe opa tetā nefita-kuéra mba'évape.

32 Ha ojehu oíva'ekue py'aguapy ha tuicha vy'apavē ary cuarenta y nueve rembyrépe; heē, ha oíva'ekue avei py'aguapy meme ha tuicha vy'apavē ary cincuenta huekuéra ñeisambyhýpe.

33 Ha ary cincuenta y uno huekuéra ñeisambyhýpe oĩkuri avei py'aguapy, ndaha'éiramo pe orgúllo oñepyrüva oike'imi tupao apytépe—ndaha'ei Tupā tupao apytépe, ha katu tavayguakuéra

korasōme he'íva ijehe hikuái Tupā tupaopeguaha—

34 Ha opu'ā hikuái orgúllope, jepe omuña peve heta ijoyke'y-kuérape. Ko'áġa upéva ha'ékuri tuicha añña, ojapóva tavayguakuéra, oñemomirívéva tohasa heta ñemuña, ha tohasa heta jeiko'asy.

35 Upevére oajuna ha oñembo'e py'yí hikuái, ha oñemombareteve ohóvo iñemomiríme, ha ijero-viarekove hikuái ohóvo Cristo jerovia rehe, omyenyhē peve hi'ángá vy'a ha angapyhýgui, heē, jepe omopotí ha omomarangatu peve hikuái ikorasōkuéra, ñemomarangatu oúva ome'ē rire hikuái ikorasō Tupāme.

36 Ha ojehu ary cincuenta y dos opa avei py'aguapýpe, ndaha'éiramo tuichaite orgúllo oikeva'ekue tavayguakuéra korasōme; ha upéva ipirapire hetaitereígui ha oñakarāpu'āgui hikuái upe tetāme; ha oñembotuichave hikuái umívape ára ha ára.

37 Ha ojehu ary cincuenta y tres huekuéra ñeisambyhýpe, Helamán omano, ha ita'yra ypykue Nefi oñepyrü orreina hendaguépe. Ha ojehu oguapy pe huekuéra apykápe hustísia ha jojápe; heē, ha'e iñe'erendu Tupā rembiapoukapykuérare, ha oguata itúva rapére.

ÑEMBYATY 4

Nefita-kuéra osēva'ekue ha lamanita-kuéra ombojoaju imbarete ha ojagarra

Zarahemla retā—Nefita-kuéra ho'a hekoñaña haguére—Pe tupao oñemoherakuã'ive, ha tavayguakuéra ikangy lamanita-kuéraicha. 38-30 ary rupi Cristo mbojve.

Ha ojehu ary cincuenta y cuatro-pe oĩkuri heta pe tupaógui ñesē, ha oĩkuri avei peteĩ joavy tavayguakuéra apytépe, upéicha rupi oĩ heta tuguy ñeñoñhē.

2 Ha umi opu'áva'ekue ojeyuka ha oñemosē upe tetāgui, ha oho hikuái lamanita-kuéra rréi rendápe.

3 Ha ojehu oñeha'ã hikuái omokyre'ỹ lamanita-kuérape ñorairōguasurã nefita-kuéra rehe; ha katu péina ápe, lamanita-kuéra okyhyjetereĩkuri, upéicha rupi nohenduséi hikuái umi osēva'ekue ñe'ē.

4 Ha katu ojehu ary cincuenta y seis huekuéra ñeisambyhýpe, oĩkuri osēva'ekue ohóva nefita-kuéragui lamanita-kuéra ndive; ha ambuekuéra ndive omokyre'ỹ chupekuéra pochyrañ nefita-kuéra rehe; ha opa upe ary aja oñembosako'i hikuái ñorairōguasurã.

5 Ha ary cincuenta y siete-pe ohókuri hikuái ñorairōme nefita-kuéra rehe, ha omoñepyrũ hikuái tembiapo jejuka rehegua; heẽ, upéicha rupi ary cincuenta y ocho huekuéra ñeisambyhy aja ojararra hikuái Zarahemla retā; heẽ, ha avei opa tetā, upe oĩva tetā Abundancia ypýpe jepeve.

6 Ha nefita-kuéra ha Moroniah

ehérsito oñembojey jepe tetā Abundancia peve;

7 Ha upépe oñemombarete hikuái lamanita-kuéra rehe, yguasu kuarahyreikégui, jepe kuarahyresē meve; pe tape omombareteva'ekue hikuái ha omoĩ haguépe ijehérsito omo'ã haña hetā nortegua, opyta peteĩ ára guatáicha nefita-pe ġuarã.

8 Ha péicha umi nefita osēva'ekue, lamanita-kuéra ehérsito guasu pytyvõ reheve, ojararrákuri opa nefita-kuéra yvy oĩva yvy súrpe. Ha opa ko'ã mba'e oikókuri ary cincuenta y ocho ha cincuenta y nueve huekuéra ñeisambyhy aja.

9 Ha ojehu ary sesenta huekuéra ñeisambyhýpe, Moroniah ha ijehersitokuéra ohupyty heta upe tetā renda; heẽ, ojararrajey hikuái heta tavaguasu ho'ava'ekue lamanita-kuéra pópe.

10 Ha ojehu ary sesenta y uno huekuéra ñeisambyhýpe ojagarrajey hikuái jepeve opa ijyvykuéra mbytere.

11 Ko'áña, ko tuichaite ñehuñdi nefita-kuérape ġuarã, ha ko jejukavaiete ijapytepekuéra, ndoikoiva'erāmo'ākuri ndaha'éirire tekoñaña ha tekoky'a oĩva ijapytepekuéra rupi; heẽ, ha oĩ avei umi he'íva ijehe hikuái Tupã tupaopeguaha apytépe.

12 Ha upéva ijorgúllogui hikuái ikorasōme, ipirapire hetaitereĩgui hikuái, heẽ, ojopýgui hikuái imboriahúvape, onegávo hembí'u iñembyahývavagui, ha ijao ijopívo-vavagui, ha ojopývo ijoyke'ykuéra

imirivape hovápe, oñemboho-rývo hikuái imarangatúvare, onegávo pe espíritu profesía ha rrevelasiõ rehegua, oporojukávo, omondávo, ijapúvo, ipokarêvo, ojavóvo ñemoakāratí, opu'ávo hikuái tuicha joavýpe, ha oka-ñývo ha oho hikuái Nefi retāme, lamanita-kuéra apytépe.

13 Ha tuicha hekoñaña rupi hikuái, ha oñembotuicha haguére imbaretére, ojehejarei chupekuéra imbaretekuéra reheve; upévare noñakārapu'ái hikuái, ha katu oñemoingo'asy ha ojeipy'ajopy chupekuéra, ha lamanita-kuéra oity chupekuéra henonderā-kuéra, haimete ohundipa peve hikuái opa hetā rendakuéra.

14 Ha katu péina ápe, Moroniah ombo'ékuri heta mba'e tavayguakuérape hembiapovai haguére, ha avei Nefi ha Lehi, ha'éva Helamán ra'ykuéra, ombo'e heta mba'e tavayguakuérape, heë, ha oprofetisa chupekuéra heta mba'e hembiapovaikué-rare, ha pe oútavare chupekuéra noñarrepentíriramo hikuái iñangaipakuéragui.

15 Ha ojehu oñarrepenti hikuái, ha upéicha oñarrepentívo hikuái, oñepyrū oñakārapu'ā.

16 Ha Moroni ohechávo oñarrepentíha hikuái oñanima ogueraha chupekuéra peteĩgui ambue tendápe, ha tavaguasúgui tavaguasúpe, jepe ojagarrajey peve hikuái imba'e mbyte, ha opa hetānguéra mbyte.

17 Ha péicha opákuri ary sesenta y uno huekuéra ñeisambyhýpe.

18 Ha ojehu ary sesenta y dos huekuéra ñeisambyhýpe, Moroniah ndaikatuvéimakuri ojagarrave yvy lamanita-kuéragui.

19 Upévare oheja hikuái umi tetã rembyre jehupytyse, hetaitereĩgui lamanita-kuéra ndaikatúi nefita-kuéra ohupytyve pu'aka hí'arikuéra; upévare Moroniah oiporu opa ijehérsito oñongatu haḡua umi tenda ha'e ojagarrava'ekue.

20 Ha ojehu, lamanita-kuéra hetaitereĩgui nefita-kuéra okyhyjeterei, ani mba'e ipu'aka hikuái hesekuéra, ha opyrũmba hese-kuéra, ha ojejuka, ha oñehundi.

21 Heë, oñepyrū imandu'a hikuái Alma profesiakuérrare, ha avei Mosiah ñe'ẽ rehe; ha ohecha ha'ehague hikuái tavayguakuéra ipy'ahatáva, ha nomomba'eihague hikuái Tupã rembiapoukapykuéra.

22 Ha ombyai ha opyrũmba hikuái ipýpe Moisés léire, téra umi Ñandejára he'iva'ekuére chupe ome'ẽ haḡua tavayguakué-rare; ha ohecha hikuái ileikuéra oñembyaihague, ha oikohague chuguikuéra peteĩ tavayguakuéra iñañáva, upéicha rupi iñaña hikuái lamanita-kuéraicha jepeve.

23 Ha hembiapovai rupi hikuái pe tupao oñepyrūkuri ho'a; ha oñepyrū ndoguerovíavéi hikuái pe espíritu profesía rehegua ha pe espíritu rrevelasiõ rehegua; ha Tupã huisiokuéra oúma hí'arikuéra.

24 Ha ohecha hikuái ikangyha,

ijoyke'ykuéra, lamanita-kuérai-cha, ha Ñandejára Espiritu noñongatuveimaha chupekuéra; heë, ojeíkuri chuguikuéra, Ñandejára Espiritu ndoikóigui témplo ipotí'yvape—

25 Upévare Ñandejára noñongatuvéima chupekuéra imilágrova ha ijoja'yva pu'aka reheve, ho'águikuri hikuái peteĩ jegue-rovia'y ñeimépe ha tembiapo ñañaitereípe; ha ohecha hikuái lamanita-kuéra hetaitereiveha chuguikuéra, ha oñemoagui'yramo hikuái Ñandejára Itupãre, omanomanteva'erãha hikuái.

26 Ha péina ápe, ohecha hikuái lamanita-kuéra mbarete tuichaitereiha ha'ekuerachaite, jepe kuimba'e kuimba'e rehe. Ha péicha ho'ákuri hikuái ko tuichaitete tembiapovaípe; heë, péicha ikangýkuri hikuái, hembiapovai rupi, ndahetái ary pukukue rire.

ÑEMBYATY 5

Nefi ha Lehi oñemoĩ oporombo'e—Herakuéra omokyre'y chupekuéra ogueraha haḡua hekovékuéra ituva-kuéra rekovéicha—Cristo orredimi umi oñearrepentívape—Nefi ha Lehi okonverti hetápe ha ojeity chupekuéra ka'irãime, ha oñemongora chupekuéra tata reheve—Peteĩ arai ypytũ oñuã trescientos tavayguakúerape—Pe yoy oryrýi, ha peteĩ ñe'ẽ he'i tavayguakúerape oñearrepenti haḡua—Nefi ha Lehi oñe'ẽ angel-kuéra ndíve, ha umi atyguasupegua

oñemongora tata reheve. 30 ary rupi Cristo mboypve.

Ha ojehu kóva ko arýpe, péina ápe, Nefi ome'ẽ huekuéra apyka peteĩ kuimba'e hérava Cezóram-pe.

2 Tavayguakuéra ñe'ẽ omoĩgui iléi ha hetã ñeisãmbyhykuéra, umi oiporavova'ekue ivaíva hetave umi oiporavova'ekue iporãvagui, upévare hi'ajúmakuri hína hikuái ñehundirã, umi leikuéra oñembyaigui.

3 Heë, ha ndaha'ei upévante; ha'ékuri hikuái tavayguakuéra ipy'ahatáva, upéicha rupi ndaikatúikuri oñeisãmbyhy chupekuéra pe léi ni pe hustisia rehe, ndaha'éiramo iñehundirãkuéra.

4 Ha ojehu Nefi ikane'õma hembiapovaĩgui hikuái; ha oheja huekuéra apyka, ha oñemoĩ ombo'e Tupã ñe'ẽ opa hi'ára rembyre, ha avei ijoyke'y Lehi, opa hi'ára rembyre;

5 Imandu'agui hikuái ñe'ẽ itúva Helamán oñe'ẽva'ekue chupekuéra. Ha ko'áva ha'e ñe'ẽ ha'e he'iva'ekue chupekuéra:

6 Péina ápe, che ra'ykuéra, che aipota penemandu'a pene-ñe'ërendu haḡua Tupã rembiapoukapykuérare; ha che aipota peje ko'ã ñe'ẽ tavayguakúerape. Péina ápe, che ame'ëkuri peẽme ñande rukuéra peteĩha osëva'ekue Jerusalén retãgui réra; ha ajapókuri upéva penemandu'ávo pende rérare penemandu'a haḡua hesekuéra; ha penemandu'ávo hesekuéra penemandu'a haḡua

hembiapokuérare; ha penemandu'ávo hembiapokuérare peikuaa hağua mba'érepa oje'e, ha avei ojehai, hekojojahague hikuái.

7 Upévare, che ra'ykuéra, che aipota pejapo pe iporáva, oje'e hağua, ha avei ojehai hağua, jepe oje'e ha ojehai haguéicha hesekuéra.

8 Ha ko'áğa che ra'ykuéra, péina ápe oive peteĩ mba'e che aipotáva pendehegui, ha péva ha'e ani hağua pejapo ko'ã mba'e peñemomba'eguasú hağua, ha katu pejapova'erã ko'ã mba'e pejapo hağua peẽme ġuarã peteĩ mba'erepy yvágape, heẽ, opave'yva, ha ndopareíriva; heẽ, peguereko hağua pe don porãite ha'éva tekove opave'yva, ore roimo'ãháicha oñeme'ehague ñande rukuérape.

9 O penemandu'áke, penemandu'áke, che ra'ykuéra, rréi Benjamín ñe'ẽ he'iva'ekue itavayguakuérape; heẽ, penemandu'áke ndaiporihá mba'éicha ni mba'erehehápe yvypóra ikatuha ojesalva, ndaha'éiramo Jesucristo ruguy expiatório rupivémante, pe oútava; heẽ, penemandu'áke ha'e ouha orredimi hağua yvórape.

10 Ha penemandu'a avei ñe'ẽ Amulek oñe'ẽva'ekue Zeezrom-pe tavaguasu Ammoniah-pe; he'íguikuri chupe añetehápe Ñandejára outaha orredimi hağua itavayguakuérape, ha katu ndoumo'áiha orredimi hağua chupekuéra iñangaipápe, ha

katu orredimi hağua chupekuéra iñangaipágui.

11 Ha oñeme'ékuri chupe pu'aka oñeme'ẽva'ekue chupe Itúvare orredimi hağua yvyporakuérape iñangaipágui upe arrepenimíento rupi; upévare ha'e omboúkuri hí'angelkuérape omombe'u hağua umi mba'e pyahu oñeikotevẽva arrepenimíentorã, ha péva oporogueraha upe Rredentor pu'akápe, hí'angukuéra salvasiõrã.

12 Ha ko'áğa, che ra'ykuéra, penemandu'áke, penemandu'áke pene Rredentor ita ári, ha'éva Cristo, Tupã Ra'y, pemoiva'erãha pene pyenda; upéicha pe añã omondo vove ijyvytu vai, heẽ, hakuáva vyvutjerépe, heẽ, opa iñamandáu ha hí'arapochy vai pendehavira vove, upéva ani oguereko pu'aka pendegueraha hağua vyvkua teko'asy ha jehasa'asy opave'yvape, pe ita peñemopu'ãhague ári rupi, ha'éva peteĩ pyenda atã, peteĩ pyenda yvyporakuéra omopu'ãramo hí'ári, ndo'amo'ái.

13 Ha ojehu ko'áva ha'ékuri ñe'ẽ Helamán ombo'eva'ekue itayrakuérape; heẽ, ombo'ékuri chupekuéra heta mba'e ndojehaíriva, ha avei heta mba'e ojehaiva'ekue.

14 Ha imandu'ákuri hikuái iñe'ẽre; ha upévare iñe'ẽrendúvo Tupã rembiapoukapykuérare, osékuri ombo'e hikuái Tupã ñe'ẽ opa Nefi tavayguakuéra apytépe, oñepyrúvo hikuái tetã Abundancia-gui;

15 Ha upégui ohókuri hikuái
Gid tavaguasúpe; ha Gid tava-
guasúgui Mulek tavaguasúpe;

16 Ha jepe peteĩgui ambue
tavaguasúpe, oho peve hikuái
opa Nefi tavayguakuéra apytépe
oĩva yvy surguápe; ha upégui
oho hikuái Zarahemla retãme,
lamanita-kuéra apytépe.

17 Ha ojehu ombo'e hikuái
tuicha pu'aka reheve, upéicha
rupi omoapañuái hikuái heta
umi osēva'ekuépe nefita-kué-
ragui, jepe oñemotenonde peve
hikuái ha okonfesa iñangaipa-
kuéra ha oñemongarai arre-
pentimientorã, ha pya'e ohojey
hikuái nefita-kuéra rendápe
oñeha'ã hağua omoĩporã umi
mba'evai ojapova'ekue hikuái
hesekuéra.

18 Ha ojehu Nefi ha Lehi ombo'e
lamanita-kuérape tuichaite pu-
'aka ha autorida reheve, oñe-
me'ẽguikuri chupekuéra pu'aka
ha autorida oñe'ẽ hağua, ha
avei oje'ékuri chupekuéra pe
oñe'eva'erã—

19 Upévare oñe'ěkuri hikuái
lamanita-kuéra tuicha ñemo-
ndyirã, okonvense peve hikuái
chupekuéra, upéicha rupi ocho
mil lamanita-kuéra oĩva'ekue
Zarahemla retãme oñemongarai
arrepentimientorã, ha oñekon-
vense hikuái ituvakuéra jepokuaa
iñañaha.

20 Ha ojehu Nefi ha Lehi osẽ
upégui oho hağua Nefi retãme.

21 Ha ojehu ojagarra chupe-
kuéra peteĩ lamanita-kuéra ehér-
sito ha oity chupekuéra ka'irãime;

heẽ, jepe pe ka'irãi Ammón ha
ijoyke'ykuéra ojeity haguépe
Limhi rembiguaikuérare.

22 Ha oĩ rire hikuái ka'irãime
heta ára aja tembi'u'ỹre, péina
ápe, ha'ekuéra oğuahẽ upe ka'i-
rãime oguenohẽ ha ojuka hağua
chupekuéra.

23 Ha ojehu Nefi ha Lehi oñe-
mongora tatareramoguáicha, jepe
upéicha rupi noñanimái hikuái
opoko hesekuéra okyhyjégui
okáiramo ġuarã. Upevére, Nefi
ha Lehi ndokáiri; ha oĩkuri hi-
kuái pe tata mbytépe ha ndokáiri
hikuái.

24 Ha ohechávo hikuái omo-
ngoraha chupekuéra peteĩ pi-
lar tataguigua, ha ndohapyiha
chupekuéra, ikorasõkuéra
oñemombarete.

25 Ohechágui hikuái lamanita-
kuéra noñanimaiha omoĩvo ipo
hi'arikuéra; ni noñanimái oñe-
moağuívo hikuái hesekuéra, ha
katu opyta hikuái iñe'engúvaicha
oñemondýigui.

26 Ha ojehu Nefi ha Lehi oñe-
mbo'y ha oñepyrũ oñe'ẽ chu-
pekuéra, he'ívo: Ani pekyhyje,
ha katu péina ápe, ha'égui Tupã
ohechaukáva peẽme ko'ã mba'e
hechapyrãva, péva rupi ha'e
ohechaukákuri peẽme ndaika-
tuiha pemoĩ pende po orerehe
orejuka hağua.

27 Ha péina ápe, ha'ekuéra he-
'ívo ko'ã ñe'ẽ, pe yvy tuicha ory-
rýi, ha pe ka'irãi tapiakuéra omýi
ho'atarõguáicha pe yvýpe; ha
katu péina ápe, ndo'ái. Ha péina
ápe, umi oĩva hína ka'irãime

ha'e lamanita ha nefita-kuéra osêva'ekue.

28 Ha ojehu oñuã chupekuéra peteĩ arai ypytũ, ha ojagarra chupekuéra peteĩ kyhyje vaiete ha oporomondyietereíva.

29 Ha ojehu ou peteĩ ñe'ẽ ouvaicha pe arai ypytũ árigui, he'ívo: Peñarrepentike, peñarrepentike, ha anive peñeha'ã pehundi che rembiguaukuérape che ambouva'ekue omombe'u haġua peẽme marandu porã.

30 Ha ojehu ohendúvo hikuái ko ñe'ẽ, ha ohechávo hikuái ndaha'eíha pe arai ñe'ẽ, ni peteĩ tyapuvai ñe'ẽ, ha katu péina ápe, ha'ékuri peteĩ ñe'ẽguapy mbeguemi rupive, ha'eramoguáicha ñe'ẽvy, ha oikéva ñane ánga peve jepe—

31 Ha jepe pe ñe'ẽ mbeguemi, péina ápe pe yvy tuicha oryrýi-kuri, ha oñemomyí jey pe ka'irãi tapiakuéra, ho'ataramoguáicha yvýpe; ha péina ápe pe arai ypytũ, oñuãva'ekue chupekuéra, ndojeíri—

32 Ha péina ápe ou jey pe ñe'ẽ, he'ívo: Peñarrepentike, peñarrepentike, yvagakuéra rréino hi'aġuimagui; ha anive peñeha'ã pehundi che rembiguaukuérape. Ha ojehu pe yvy oryrýi jey, ha umi tápia oñemomyimba.

33 Ha avei ou jey pe ñe'ẽ mbopathyha jey, ha oñe'ẽ chupekuéra ñe'ẽ hechapyrãva yvypóra ndaikatúiva he'i; ha umi tápia oñemomyí jey, ha pe yvy oku'e oñemboja'otaramoguáicha.

34 Ha ojehu lamanita-kuéra

ndaikatúi oñani pe arai ypytũ oñuãva chupekuéra rupi; heẽ, ha avei ndaikatúi oñemongu'e hikuái pe kyhyje ouva rupi chupekuéra.

35 Ko'áġa oĩkuri ijapytepekuéra peteĩ ha'éva nefita reñoimbyre, ha'eva'ekue ambue ára Tupã tupaogua ha katu osékuri chugui.

36 Ha ojehu ha'e ojere, ha péina ápe, ohecha pe arai apytépe Nefi ha Lehi rova; ha péina ápe, omimbieterei, jepe angelkuéra rováicha. Ha ha'e ohecha ohupiha hikuái hesa yvága gotyo; oñe'eramoguáicha térã ohupiramoguáicha iñe'ẽ peteĩ tekovépe omañávere hína hikuái.

37 Ha ojehu ko kuimba'e osapukái pe aty guasúpe, ojere ha oma'ẽ haġua hikuái. Ha péina ápe, oñeme'ẽ chupekuéra pu'aka ojere ha oma'ẽ haġua; ha ohecha hikuái Nefi ha Lehi rova.

38 Ha he'i hikuái pe kuimba'épe: Péina ápe, mba'e piko he'ise opa ko'ã mba'e, ha mávandi piko oñe'ẽ ko'ã kuimba'e?

39 Ko'áġa ko kuimba'e héra Amínadab. Ha Amínadab he'i chupekuéra: Oñe'ẽ hína hikuái Tupã angelkuéra ndive.

40 Ha ojehu he'i chupekuéra lamanita-kuéra: Mba'épa rojapova'erã, ojeipe'a haġua orehegui ko arai ypytũ oreñuãva?

41 Ha Amínadab he'i chupekuéra: Peñarrepentiva'erã, ha pejerure'asy pe ñe'ẽme, jepe peguereko peve jerovia Cristo rehe, penembo'eva'ekuégui Alma, ha

Amulek, ha Zeezrom; ha pejaporo upéva, ojeipe'áta pe arai ppytũ peneñuáva.

42 Ha ojeju opavave oñepyrũ ojerure'asy upe ñe'ẽ omboryryiva'ekuépe yvy; heẽ, ojerure'asy hikuái jepe ojeipe'a peve arai ppytũ oñuáva'ekue chupekuéra.

43 Ha ojeju oma'ẽvo hikuái ijerére, ha ohecha ojeihague pe arai ppytũ oñuáva'ekue chupekuéra, péina ápe, ohecha hikuái oñemongoraha chupekuéra, heẽ, peteĩ teĩ ha'ekuéra, peteĩ pilar tataguiguápe.

44 Ha Nefi ha Lehi oĩkuri ija-pytepekuéra; heẽ, oñemongora chupekuéra; heẽ, oĩkuri hikuái oĩramoguáicha tata rendy mbytépe, ha ndojapói hesekuéra mba'eve, ni ndohapýi umi ka'irái tápia; ha henyhẽkuri hikuái pe vy'apavẽ ijohaja'yva ha henyhẽva verapýgui.

45 Ha péina ápe, pe Tupã Espiritu Santo oguejykuri yvágagui, ha oikékuri ikorasõkuérape, ha henyhẽvaichakuri hikuái tatágui, ha he'íkuri hikuái ñe'ẽ hechapyrãva.

46 Ha ojeju oñuahẽ chupekuéra peteĩ ñe'ẽ, heẽ, peteĩ ñe'ẽ iporãitereiva, ha'eramoguáicha ñe'ẽvy, he'ívo:

47 Py'aguapy, py'aguapy peẽme, pende jerovia rupi pe che Ahayhuporãitévare, ha'eva'ekue yvy jejapo ppy guive.

48 Ha ko'ága, ohendúvo hikuái upéva ohupi hesa ohecha hañua moõguipa ou pe ñe'ẽ; ha

péina ápe, ohecha hikuái ojepe'a pe yvága; ha oguejy angelkuéra yvágagui ha oministra chupekuéra.

49 Ha oĩkuri trescientos tekoverupi ohecha ha ohendúva ko'ã mba'e; ha oje'e chupekuéra oho hañua ha ani hañua oñemondýi, ha ani hañua oduda hikuái.

50 Ha ojeju oho hikuái, ha oministra tavayguakuérape, omombe'úvo opa tenda jereguápe opa mba'e ohendu ha ohechava'ekue hikuái, upéicha rupi heta lamanita-kuéra oñekonvense umívagui, tuichaitereígui umi mba'e ojehechaukava'ekue chupekuéra.

51 Ha opavave oñekonvenséva oheja hi'árma ñorairõguasurã, ha avei ijehayhu'y ha ituvakuéra jepokuaa.

52 Ha ojeju ome'ẽ hikuái nefitakuérape yvy imba'ekuérava.

ÑEMBYATY 6

Lamanita-kuéra hekojojáva ombo'e nefita-kuéra iñañávape—Mokõive tavayguakuéra oñakãrapu'ã peteĩ ára oĩ aja py'aguapy ha mba'ere-taite—Lucifer, pe angaipa apohára, omokyre'y iñañáva korasõ ha umi mondaha Gadiantón ndivegua jejuka ha tekoñañarã—Mondahakuéra ojagarra nefita retã ñeisãmbyhy. 29–23 ary rupi Cristo mboyve.

Ha ojeju opakuévo ary sesenta y dos huekuéra ñeisãmbyhýpe, oikókuri opa ko'ã mba'e ha

lamanita-kuéragui, hetavéva ijapytepekuéragui, oiko peteĩ tavayguakuéra hekojojáva, upéicha rupi hekojojave hikuái nefita-kuéragui, noñemovãigui hikuái ha opytágui ijeroviápe.

2 Ha péina ápe, oĩkuri heta nefita-kuéra ipy'ahatáva ha ipire'atáva ha iñañaitereíva, upéicha rupi orrechasa hikuái Tupã ñe'ẽ ha opa tekombo'e ha profesía oúva ijapytepekuéra.

3 Upevére, tavayguakuéra tupaopegua ovy'aiterei lamanita-kuéra oñekonverti haguére, heẽ, Tupã tupao rupi, oñemopu'áva'ekue ijapytepekuéra. Ha peteĩ ha ambue ohayhu hapichápe, ha ovy'a hikuái peteíva ambue ndive, ha oguereko hikuái tuicha vy'apavẽ.

4 Ha ojehu heta lamanita-kuéra oguejy Zarahemla retãme, ha omombe'u hikuái Nefi tavayguakuérape mba'éichapa oñekonvertíkuri hikuái, ha oñemoñe'ẽ chupekuéra jerovia ha arrepentimientorã.

5 Heẽ, ha heta oporombo'e tuichaité pu'aka ha autorida reheve, upéicha ogueraha hetápe ñemomirĩ añetépe, ha'e hağua Tupã ha pe Cordero rembiguái oñemomiríva.

6 Ha ojehu heta lamanita-kuéra ohókuri yvy norteguápe; ha avei Nefi ha Lehi oho yvy norteguápe, ombo'e hağua tavayguakuérape. Ha péicha opákuri ary sesenta y tres.

7 Ha péina ápe, oĩkuri py'aguapy opa upe tetãme, upéicha

rupi nefita-kuéra ohókuri opa tetã renda ohosehápe, taha'e nefita térã lamanita-kuéra apytépe.

8 Ha ojehu lamanita-kuéra avei oho ohosehápe, taha'e lamanita-kuéra térã nefita-kuéra apytépe; ha péicha oguereko hikuái myengovia isásóva peteíva ambue ndive, ojogua térã ohepyme'ẽ hağua, ha ohupyty hağua tembiaporepykue, oipotaháicha.

9 Ha ojehu ipirapire hetaite-rei hikuái, mokõivéva lamanita-kuéra ha nefita-kuéra; ha oguerekókuri hikuái hetaite óro, ha pláta, ha opáichagua metal hepýva, mokõivéva yvy sur ha nortepégua.

10 Ko'áğa yvy surgua héra Lehi, ha yvy nortegua héra Mulek, Sedequías ra'y rupi; Ñandejára ogueraháguikuri Mulek-pe tetã nórtepe, ha Lehi-pe tetã súrpe.

11 Ha péina ápe, oĩkuri mokõive tetãme opáichagua óro, ha pláta, ha mineral iporãitereíva opaichagua'va; ha oĩkuri avei kuimba'e hembiaipoporãva, omba'apóva ha omboveráva oimeháichagua mineral; ha péicha oñembopirapire hetákuri hikuái.

12 Oñotý hikuái heta yva ra'yí, nórtepe súrpeicha; ha tuicha oñakarãpu'ã hikuái, nórte ha súrpe. Ha oñemoña ha imbareteterei hikuái upe tetãme. Ha omongakuaa hikuái heta vaka ha ovecha'aty, heẽ, heta mymbara'y'aty.

13 Péina ápe ikuñanguéra omba'apo ha ombovyvy, ha ojapo hikuái opáichagua ao, líno ojeipyaha porãitereívagui

ha opáichagua ao omo'ã haḡua hikuái ijopívo. Ha péicha ohasákuri py'aguapýpe ary sesenta y cuatro.

14 Ha ary sesenta y cinco-pe oguerekókuri avei hikuái tuicha vy'apavē ha py'aguapy, heē, ha heta ñehekombo'e ha profesia-kuéra umi oupotáva rehegua. Ha péicha ohasákuri ary sesenta y cinco.

15 Ha ojehu ary sesenta y seis huekuéra ñeisambyhýpe, péina ápe, Cezóram ojejuka ojeikuaa-ýva po rupi uguapy aja huekuéra apykápe. Ha ojehu upe arýpe, ita'ýra, tavayguakuéra ohenoiva'ekue hendaguépe, ojejuka avei. Ha péicha opákuri ary sesenta y seis.

16 Ha oñepyrũvo ary sesenta y siete oñepyrũjey tavayguakuéra iñañaiterei.

17 Ha péina ápe, Ñandejára ohovasa pukuetereíkuri chupekuéra yvorapegua mba'erepykuéra reheve, upéicha rupi noñemokyre'ýi hikuái pochy, ñorairõguasu, ni tuguy ñeño-hērã; upévare oñepyrũ omoĩ hikuái ikorasõ imba'erepykuéra rehe; heē, oñepyrũ oheka hikuái mba'éichapa ohupytyta mbarete opu'ã haḡua peteiva ambue ári; upévare oñepyrũ ojapo hikuái jekuañemi, ha omonda ha ipokarē, ohupyty haḡua mba'erepy.

18 Ha ko'áḡa péina ápe, ko'ã oporojuka ha omondáva ha'e peteĩ aty ojapova'ekue Kishkumen ha Gadiantón. Ha ko'áḡa ojehu oĩkuri heta, jepe nefita-kuéra

apytépe, Gadiantón atypegua. Ha katu péina ápe, hetavékuri hikuái umi lamanita-kuéra iñañavéva apytépe. Ha oñehenóikuri chupekuéra Gadiantón mondaha ha oporojukavakuéra.

19 Ha ha'ekuéra ha'e ojukava'ekue hue guasu Cezóram-pe, ha ita'ýrape, uguapy aja huekuéra apykápe; ha péina ápe, ndojeju-húikuri chupekuéra.

20 Ha ko'áḡa ojehu lamanita-kuéra ohechávo oĩha mondaha ijapytepekuéra ojepy'apyeterei hikuái; ha oiporu hikuái opáichagua pu'aka oguerekóva ohundi haḡua umívape yvy ape árigui.

21 Ha katu péina ápe, Satana omokyre'ỹ hetave nefita-kuéra korasõ, upéicha rupi ojoaju hikuái umi mondaha aty ndive, ha ojapo ikonvénió ha iñe'ẽme'ẽnguéra, oñomo'ã ha oñangarekotaha peteiva ambue oimeháichagua ñeimevai oĩháme hikuái, ani haḡua ojevavira chupekuéra oporojuka haguére, ha omonda, ha ipokarē haguére.

22 Ha ojehu oguereko hikuái iseñakuéra, heē, iseña, ha iñe'ẽne-ninguéra; ha péva oikuaa haḡua hikuái joyke'y ojapova'ekuépe upe konvénió, oimeháichagua tembiapoñaña ijoyke'y ojapóvape ani haḡua omoĩvai chupe ijoyke'y, ni umi ha'éva upe atygua ha ojapova'ekuékuri upéva upe konvénió.

23 Ha péicha ikatútakuri oporojuka hikuái, ha omonda, ha ipokarē, ha ojapo tembiapovai ha opáichagua tembiapoñaña,

oñemoiva hetāmegua leikuérare ha avei Itupā leikuérare.

24 Ha opavave ha'éva pe atypegua ohechaukārō yvórape hekoñaña ha hembiapoky'akuéra, ojehusgava'erā, ndaha'úi hetāmeguakuéra léi rupive, ha katu hekoñañakuéra léi rupive, ome'éva'ekue chupekuéra Gadiantón ha Kishkumen.

25 Ko'ága péina ápe, ko'áva ha'e ñe'eme'ẽ ñemi ha konveniokuéra Alma he'iva'ekue ita'yraquérare ani haḡua araka'eve ojeikuaauka yvórape, ani haḡua oiko chugui tembiporu ojegueraha haḡua tavayguakuérare ñehundípe.

26 Ko'ága péina ápe, ko'ã ñe'eme'ẽ ñemi ha konveniokuéra ndoúikuri Gadiantón-pe umi kua-tiajehaipyre oñeme'ẽva'ekuégui Helamán-pe; ha katu péina ápe, omoikuri Gadiantón korasōme upe ombojuruhe'eva'ekue ñande rukuéra peteiháme ho'u haḡua pe yva oñembotovéguai—

27 Heẽ, pe tekove hembiaपो-ñemiva'ekue Caín ndive, ojukáramo ijoyke'y Abel-pe yvóra ndoikuaamo'áiha. Ha upe guive hembiaपोñemi Caín ha ha'eicha-guakuéra ndive.

28 Ha ha'e avei upe tekove omoiva'ekue tavayguakuéra korasōme ojapo haḡua peteĩ tórre ijyvatetereiva oḡuahẽ haḡua yvágape. Ha ha'e pe tekove ombotavyva'ekue umi tavayguakuérare ouva'ekue upe tórregui ko tetāme; omosarambiva'ekue tembiaपो ypytũ ha tembiapoky'akuéra opa yvy ape ári, omboguejy

peve tavayguakuérare peteĩ ñehundipaitépe, ha peteĩ añaretã opave'yvape.

29 Heẽ, ha'e pe tekove omoiva'ekue Gadiantón korasōme ojapove haḡua tembiaपो ypytũ, ha jejuka ñemi; ha ha'e ojapouká-kuri ko'áva yvypóra ñepyrũmby guive ko ára peve.

30 Ha péina ápe, ha'e niko opa angaipa apoha. Ha péina ápe, ha'e oisāmbhy hembiaपो ypytũnguéra ha jejuka ñemi, ha ome'ẽ chupekuéra iplan ñeminguéra, ha iñe'eme'ẽnguéra, ha ikonveniokuéra, ha iplan vai tekoñaña rehegua, ñemoñare'atýgui ñemoñare'atýpe pu'aka ohupytyháicha yvypóra ra'ykuéra korasōme.

31 Ha ko'ága péina ápe, ha'e ohupytykuri heta pu'aka nefitakuéra korasōme; heẽ, upéicha rupi iñañaiterei hikuái; heẽ, ha heta ijapytepekuéra osẽkuri tekojoja rapégui, ha ipýpe opyrũmba Tupā rembiaपोkapykuérare, ha ohókuri hapekuéra rehe, ha omo-pu'ã hikuái ijupe ḡuarã ta'anga hi'oro ha iplátagui.

32 Ha ojehu opa ko'ã tembiaपो-vai oúkuri hi'arikuéra ndahetái ary rire, upéicha hetavéva oúkuri hi'arikuéra ary sesenta y siete huekuéra ñeisambyhýpe Nefi tavayguakuéra ári.

33 Ha hetavékuri hembiaपोvai hikuái ary sesenta y ocho-pe avei, hekojojáva vy'a'y ha jahe'o guasurã.

34 Ha péicha jahecha nefitakuéra oñepyrũha ho'a jeguerovia-y'me, ha oñembotuicha tekoñaña

ha tembiapoky'ápe, ha upe aja lamanita-kuéra oñepyrũ oñembotuichaiterei Itupã jeikuaápe; heẽ, oñepyrũ iñe'érendu hikuái hembipota ha hembiapoukapykuérare, ha oguata henonderã añete ha tekojojápe.

35 Ha péicha jahecha Ñandejára Espíritu oñepyrũha ojei nefitakuéragai, hekoñaña ha ikorasõ atã haguére.

36 Ha péicha jahecha Ñandejára oñepyrũha oñoñe ljespíritu lamanita-kuéra ári, oñemoĩporã ha oñeme'éségui hikuái oguerovia haġua iñe'ẽ.

37 Ha ojehu lamanita-kuéra omuña Gadiantón mondahakuéra atýpe; ha ombo'e hikuái Tupã ñe'ẽ tenda hekoñañavéva ijapytepekuérape, upéicha rupi ko mondaha aty oñehundipaite lamanita-kuéra apytépe.

38 Ha ojehu ambue hendápe, nefita-kuéra omombarete ha oipytyvõ chupekuéra, oñepyrũvo umi iñañavéva ijapytepekuéragai, oñemosarambi peve hikuái opa nefita-kuéra retã rupi, ha omokyre'ỹ hetave hekojojávape oguerovia peve hikuái hembiapokuéra ha oiporu peve imondapyrekuéragai, ha ojoaju hendivekuéra ijejuka ñemi ha hembiapoñeminguérape.

39 Ha péicha ohupytykuri hikuái pe tetã ñeisãmbyhy, upéicha ipýpe opyrũmba hikuái ha oipy'ajopy ha ombohasa'asy ha ome'ẽ ilómo imboriahu ha hekomarangatúvape, ha umi Tupã rembiguái imirívape.

40 Ha péicha jahecha oĩha hikuái peteĩ ñeimevaietépe, ha h'ajumaha hikuái peteĩ ñehundirã opave'ỹva.

41 Ha ojehu péicha opákuri ary sesenta y ocho huekuéra ñeisãmbyhy Nefi tavayguakuéra ári.

Nefi, Helamán Ra'y, Profesía—Tupã oñe'ẽpohýi Nefi tavayguakuérape outaha chupekuéra ipochýpe, oñehundipaite peve hikuái noñearrepentíriramo hekoñañanguéragai. Tupã oipy'ajopy Nefi tavayguakuérape mba'asyvai reheve; oñearrepenti ha oujey hikuái chupe. Samuel, upe lamaníta, oprofetisa nefitakuérape.

Oike ñembyaty 7 guive 16 peve avei.

ÑEMBYATY 7

Nefi ojerrechasa nórtete ha oujey Zarahemla-pe—Ha'e oñembo'e tórrre oĩva ijyvotytype ha upéi he'i tavayguakuérape noñearrepentíriramo hikuái omanotaha. 23–21 ary rupi Cristo mbojve.

PÉINA ápe, ko'áġa ojehu ary sesenta y nueve huekuéra ñeisambyhýpe Nefi tavayguakuéra ári, Nefi, Helamán ra'y, oujey yvy norteguágui Zarahemla retãme.

2 Ha'e ohóguikuri tavayguakuéra apytépe oĩva yvy norteguápe, ha ombo'e chupekuéra

Tupã ñe'ê, ha oprofetisa chupekuéra heta mba'e;

3 Ha ha'ekuéra orrechasa opa iñe'ê, upéicha rupi ndaikatúi opyta ijapytepekuéra, ha oho jey hetã heñói haguépe.

4 Ha ohechávo tavayguakuérape peteí tekoñañavaiete ñeimépe, ha umi Gadiantón mondaha oguapyha huekuéra apyakuérape—oñemomba'éguikuri hikuái upe tetã pu'aka ha autorida rehe; ojapyharávo Tupã rembiapoukapykuéra, ha mba'évépe ndahekojojáikuri hikuái henondépe; ndojapóivo pe hustísia yvypóra ra'ykuérape;

5 Okondenávo ijojávape hekojoja haguére; ohejávo ohorei hembiapovaíva ha iñañávape ipirapirégui; ha avei oñeipytyvõ chupekuéra hendakuérape upe tetã ñeisãmbyhy akãme, oisãmbyhy ha ojapo haña oipotaháicha, ohupyty haña mba'ehepy ha yvóra verapy, ha, avei, hasy'ỹ haña chupekuéra ojapo ñemoakãratí, ha omonda, ha oporojuka, ha'ekuéra oipotaháicha.

6 Ko'áña ko tuichaite tembiapovai oúkuri nefita-kuérape nda hetái ary rire; ha Nefi ohechávo upéva, ikorasõ henyhẽ ipyti'ápe vy'a'ỹgui; ha he'í'asy hi'ánga jehasa'asýpe:

7 O, che aikórire che ru Nefi osẽ ppyramoguare Jerusalén retãgui, avy'a haña hendive pe yvy ñe'ẽme'ẽngueme; upéramo itavayguakuéra ndahasýi ojehekombó'e haña, noñemovái iñe'ẽrendu haña Tupã rembiapoukapykuérare,

ha imbegue ojegueraha haña tembiapovaire; ha ipya'e ohendu haña Ñandejára ñe'ẽ—

8 Heẽ, ha'érire umíva che ára, upéicharamo che ánga ovy'a-va'erãmo'ã che joyke'ykuéra rekojojápe.

9 Ha katu péina ápe, che añaheñói ko'áva ha'e haña che ára, ha che ánga henyhẽ haña vy'a'ỹgui che joyke'ykuéra tekoñaña rupi.

10 Ha péina ápe, ko'áña péva oikókuri peteí tórrepe, oíva Nefi yvotytype, opytáva upe tape guasu ypýpe ohóva ñemuharenda tuichavévape, oíva Zarahemla retãme; upévare, Nefi oñesükuri upe tórre oívape ijyvytytype, opytáva avei upe yvotyty rokẽ ypýpe ohóva tapeguasúpe gotyo.

11 Ha ojehu ohasákuri upérupi kuimba'ekuéra ha ohecha hikuái Nefi-pe oñohẽ jave hi'ánga Tupãme upe tórrepe; ha oñani ha omombe'u hikuái tavayguakuérape ohechava'ekue, ha ou tavayguakuéra atyguasúpe oikuaa haña mba'érepa pe jache'o tuichaite tavayguakuéra tekoñañare.

12 Ha ko'áña, Nefi opu'ávo ohecha tavayguakuéra atyguasúpe oñembyatyva'ekue.

13 Ha ojehu ha'e oipe'a ijuru ha he'í chupekuéra: Péina ápe, mba'ére piko peñembyaty? Añe'ẽ haña peñe penerembiapovaire piko?

14 Heẽ, ajupi haguére che tórre ári añahe haña che ánga che

Tupāme, tuichaitégui che korasō vy'a'ỹ, pene rembiapovai rupi!

15 Ha cherasē ha ajahe'o haguére peñembyatykuri, ha pemomba'eguasú; heẽ, ha peikotevẽ pemomba'eguasú; heẽ, pemomba'eguasúva'erã pejeguerahauka haguére pe añña ojagarra hatãiteva'ekuére pene korasō.

16 Heẽ, mba'éicha piko peñeme'ẽ pe oñeha'ávape oity pene ánga peteĩ ñembojuruhe'ẽme vy'a'ỹ ha teko'asy opave'ỹvape?

17 O peñarrepentíke, peñarrepentíke! Mba'ére piko pema-nose? Pejujey, pejujey Ñandejára pende Tupāme. Mba'ére piko ha'e pendereja?

18 Pemohatã haguére pene korasō; heẽ, napehenduséi pe ovecharerekua imarangatúva ñe'ẽ; heẽ, pembopochýkuri chupe penderehe.

19 Ha péina ápe, penembyaty-rangue, napeñarrepentíriramo, péina ápe, ha'e penemosarambíta oiko hağua pendehegui jagua ha mymba saite rembi'u.

20 O, mba'éicha piko penderesarái pende Tupāgui araité penemosāso haguépe?

21 Ha katu péina ápe, pejapo upéva pehupyty hağua mba'ehepy, pejeguerohory hağua yvyporakuérare, heẽ, ha pehupyty hağua óro ha pláta. Ha pemoikuri pene korasō pirapire ha mba'érei yvorapeguáre, ha umíva rehe peporójuka, ha pemon-da, ha penepokarẽ, ha pe testifika añnetegua'ỹva pende

rapicha rehe, ha pejapo opáichagua tembiapovai.

22 Ha upéva rupi oúta peẽme mba'evai napeñarrepentíriramo. Ha napeñarrepentíriramo, péina ápe, ko tavaguasu tuicha, ha avei opa umi tavaguasu oíva ijere, oíva yvy ñanemba'évape, ojeipe'áta pendehegui ha ndaiporimo'ái ipype tenda peẽme ġuarã; ha péina ápe, Ñandejára nome'ẽmo'ái peẽme mbarete, ojapo haguéicha ko'áğa peve, pende pu'aka hağua pende rayhu'ỹhakuéra rehe.

23 Ha péina ápe, péicha he'i Ñandejára: Che ndahechakamo'ái che mbarete iñañávape, peteĩvape hetave ambuévagai, ndaha'éiramo umi oñearrepentíva iñangaipakuéragai, ha ohendúva che ñe'ẽ. Ko'áğa upéva, che aipota pehechakuaa, che joyke'ykuéra, iporãvetaha lamanitakuérape ġuarã peẽme ġuarãgui napeñarrepentíriramo.

24 Ha péina ápe, ha'ekuéra hekojojave pendehegui, ndojapoigui hikuái angaipa upe tuichaité jeikuaa peẽme oñeme'ẽva'ekue rehe; upéva Ñandejára iporiahuverekóta hendivekuéra, heẽ, ha'e ombopukúta hí'arakuéra ha ombotuichavéta iñemoñare, peẽ peñehundipaitéramo jepe ndapeñarrepentíriramo.

25 Heẽ, aí pendehegui pe tuichaité tembiapoky'a rupi ouva'ekue pende apytépe; ha pejoajúkuri umíva, heẽ, pe aty ñemi omoíva'ekuére Gadiantón!

26 Heẽ, oúta peẽme mba'evai

pe orgúllo rupi pehejava'ekue oike pene korasōme, penemopu- 'āveva'ekue pe iporāvagui pende pirapire hetaiterei rupi.

27 Heē, ái pendehegui pende rekoñaña ha rembiapoky'akuéra rupi.

28 Ha napeñearrepentíriramo pemanóta; heē, jepe pende vyv ojeipe'áta pendehegui, ha peñehundíta vyv ape árigui.

29 Péina ápe ko'áğa, che nda'úi peēme, chejehegui, ko'ā mba'e ojehutaha, ndaha'éigui chejehegui aikuaáva ko'ā mba'e; ha katu péina ápe, che aikuaa ko'ā mba'e añeteguaha Tupã Ñandejára oikuaaukágui chéve, upévare atestifika oikotaha.

ÑEMBYATY 8

Huekuéra ipokarēva oñeha'ã omoĩ tavayguakuérape Nefi rehe—Abraham, Moisés, Zenós, Zenoc, Ezías, Isaías, Jeremías, Lehi, ha Nefi, maymáva ha'ekuéra otestifika Cristo-gui— Iñapytu'ũroky rupi Nefi omombe'u hue guasu ojejukaha. 23–21 ary rupi Cristo mboyye.

HA ko'áğa ojehu Nefi he'ívo ko'ā ñe'ē, péina ápe, oĩkuri upépe umi kuimba'e huekuérava, ha'éva avei aty ñemi Gadiantón ndivegua, ha ipochy hikuái, ha osapukái hese, he'ívo tavayguakuérape: Mba'ére piko ndapejagarrái ko kuimba'e ha pegueraha chupe, oñekondena hağua tembiapovai ojapova'ekuere?

2 Mba'ére piko pema'ē ko kui-mba'ére, ha pehendú chupe oñe- 'ēvaiha ko tavayguakuérrare ha ñande léi rehe?

3 Ha péina ápe, Nefi he'íkuri chupekuéra ileikuéra oñembyaiha; heē, heta mba'e he'íkuri Nefi ndaikatúiva ojehai; ha mba'eve nde'irikuri oñemoiva Tupã rembiapoukapykuérrare.

4 Ha umi huekuéra ipochy hendive oñe'ē hesakā haguere chupekuéra hembiaipo ypytũ ñeminguéra rehe; upevére, noñanimái hikuái omoivo ipo hi'ári, okyhyjégui tavayguakuéra osapukáiramo ġuarā hesekuéra.

5 Upévare osapukái hikuái tavayguakuérrape, he'ívo: Mba'ére piko peheja oñe'ēvai ñande rehe ko kuimba'e? Ha péina ápe ha'e niko okondena opa ko tavayguakuérrape, jepe ñehundirá; heē, ha he'i avei ko'ā tavaguasu tuichaitéva ojeipe'ataha ñandehegui, ha ndaiporimo'áiha ipype tenda ñandéve ġuarā.

6 Ha ko'áğa jaikuaa upéva ndaikatuiha oiko, péina ápe, ñande ñandepu'akapágui, ha ñande tavaguasukuéra tuicha, upévare ñande rayhu'yhakuéra ndaikatúipu'aka ñanderehe.

7 Ha ojehu péicha omokyre'y hikuái tavayguakuérrape pochyra Nefi rehe, ha omopu'ã joavy ijapytepekuéra; oĩgui osapukáiva: Peheja py'aguapýpe ko kuimba'épe, ha'égui peteĩ vyv-póra iñaña'yva, ha umi mba'e ha'e he'íva añetehápe oikóta nañañearrepentíriramo;

8 Heē, péina ápe, opa huisio-kuéra otestikava'ekue ñandéve ho'áta ñande ári; jaikuaágui otestifikahague ñandéve añetépe ñande rembiapovaikuérare. Ha péina ápe heta umíva, ha ha'e oikuaa opa mba'e oútava ñandéve oikuaaporáháicha ñane rembiapovaikuéra;

9 Heē, ha péina ápe, ndaha'éire proféta ndaikatuíva'erāmo'ā otestifika umi mba'ére.

10 Ha ojehu umi tavayguakuéra ohundiséva Nefi-pe ojejoko okyhýgui, ha upévare nomoíri hikuái ipo hi'ári; upévare ha'e oñepyrú oñe'ē jey chupekuéra, ohechávo oíha oguerohorýva chupe, upéicha rupi ambuekuéra okyhýje.

11 Upévare oje'e jey chupe oñe'ēveva'erāha he'ívo: Péina ápe, che joyke'ykuéra, nape-moñe'ei piko Tupā ome'ehague pu'aka petei yvypórape, jepe Moisés-pe, oinupā haḡua y Mar Rojo-pegua, ha ojepe'a umíva petei ha ambue hendápe, upéicha rupi israelita-kuéra, ha'eva'ekue ñande ru, ohasa yvy ikāva rupi, ha ykuéra oñembotyjej egipcio-kuéra ehérsito ári ha omokō chupekuéra?

12 Ha ko'áḡa péina ápe, Tupā ome'eramokuri tuichaite pu'aka ko yvypórape, mba'ére piko peñe'ēapi ojupe, ha peje ha'e nome'ehague chéve pu'aka aikuaa haḡua umi huisiokuéra rehegua ho'átava pende ári napeñearrepentíriramo?

13 Ha, péina ápe, ndaha'éire

penegáva che ñe'ē añónte, ha katu avei penega opa ñe'ē ñande rukuéra he'iva'ekue, ha avei umi ñe'ē ko kuimba'e, Moisés, oñe'ēva'ekue, oñeme'ēva'ekuépe tuichaite pu'aka, heē, ñe'ē ha'e he'iva'ekue pe Mesías jeju rehe.

14 Heē, ndotestifikái piko ha'e outaha Tupā Ra'y? Ha ha'e omo-pu'ā haguéicha mbói bronce-guigua upe tave'yme, jepe upéicha oñemopu'áta pe ouva'erā.

15 Ha opavave oma'ēva'ekue pe mbói rehe oikove haguéicha, jepe upéicha opavave oma'ēva Tupā Ra'yre jeroviápe, oguerekóvo espíritu ñembyasy, oikovéta avei, jepe tekove opave'yvape.

16 Ha ko'áḡa péina ápe, ndaha'éire Moisés añónte otestifikava'ekue ko'ā mba'égui, ha katu avei opavave proféta marangatu, hi'ára guive Abraham ára peve.

17 Heē, ha péina ápe, Abraham ohechá kuri ijeju, ha henyhē torýgui ha ovy'a.

18 Heē, ha péina ápe che ha'e peñe, ndaha'éihague Abraham añónte oikuaava'ekue ko'ā mba'égui, ha katu oí heta Abraham ára mboyve oñehenoiva'ekue Tupā órden rupive; heē, jepe Ita'yra ordenpeguáicha; ha péva ojehechauka haḡua tavayguakuérape, heta miles ary ha'e ou mboyve, pe rredensiō outaha chupekuéra.

19 Ha ko'áḡa che aipota peikuaa, jepe Abraham ára guive oikuri heta proféta otestifikava'ekue ko'ā mba'égui; heē, péina ápe, pe proféta Zenós otestifikákuri

kyhyje'ýme; ha upévare ojúkákuri hikuái chupe.

20 Ha péina ápe, avei Zenoc, ha avei Ezías, ha Isaías, ha Jeremías, (Jeremías ha'e pe proféta otestifikava'ekue Jerusalén oñehunditaha) ha ko'áña jaikuaa Jerusalén oñehundihague Jeremías he'i haguéicha. Upéicharamo mba'ére piko ndouiva'erã Tupã Ra'y, iprofesiápe he'iháicha?

21 Ha ko'áña penegáta piko tavaguasu Jerusalén oñehundihague? Pejéta piko Sedequías ra'ykuéra nomanoihague, maymáva ndaha'éiramo Mulek? Heë, ha ndapehechái piko Sedequías ñemoñare oíha ñanendive, ha oñemosēhague Jerusalén retāgui? Ha katu péina ápe, ndaha'éí upévante—

22 Ñande ru Lehi oñemosēkuri Jerusalén-gui otestifika haguére ko'ã mba'égui. Nefi avei otestifikava'ekue ko'ã mba'égui, ha avei haimete opa ñande rukuéra, jepe ko ára peve; heë, ome'ēva'ekue hikuái testimonio Cristo jejúgui, ha oma'ēkuri tenonde gotyo, ha ovy'ákuri hi'ára oútamavare.

23 Ha péina ápe, ha'e niko Tupã, ha oí hendivekuéra, ha ojehechaukákuri chupekuéra, upéicha ha'e orredimi chupekuéra; ha ha'ekuéra katu omboverapy chupe, upe oútava rupi.

24 Ha ko'áña, peikuaámavo ko'ã mba'e ha ndaikatúí penega pendejapu'ýre, upévare pejapókuri angaipa pévape, perrechasaquíakuri opa ko'ã mba'e,

jepeve hetaite jehechauka oñeme'ēva'ekue peëme; heë, jepe oñeme'ēkuri peëme opa mba'e, mba'e oíva yvágape, ha opa mba'e oíva yvýpe, testimonio-ramo añeteguaha.

25 Ha katu péina ápe, perrechasaquíakuri pe añeteguaha, ha pepu'ákuri pende Tupã imarangatúva rehe; ha jepe ko árape, pejaporangue mba'ehepy yvágape, mba'eve noñembyairihápe, ha mba'e ipotí'ýva ndaikatuihápe oíke, pembyaty hína ñeko'oi peëme guarã huísio árape guarã.

26 Heë, jepe ko árape pende'aju hína, pende jejuka ha tembiapoky'a ha pende rekoñaña rupi, ñehundirã opave'ýva; heë, ha napeñearrepentíriramo pya'e oúta peëme.

27 Heë, péina ápe oí hína ko'áña pene rokëme; heë, tapeho huekuéra apykápe; ha peporandu; ha péina ápe, pende hue ojejúkákuri, ha ojepysy hína huguýpe; ha ojúkákuri chupe ijoyke'y, oguapyséva pe huekuéra apykápe.

28 Ha péina ápe, mokōivéva ha'e pende aty ñemimegua, ojapova'ekue Gadiantón ha pe tekove aña oñeha'áva ohundi yvypóra angakuéra.

ÑEMBYATY 9

Maranduharakuéra ojuhu hue guasu ojejúkaha apyka hudisiálpe—Oñemoi chupekuéra ka'irāime ha upe rire ojepoi chuguikuéra—Iñapytu'uroky rupi Nefi oikuaa Seántum ha'eha

pe oporojukava'ekue—Oĩ tekove ohechaporāva Nefi-pe profétaramo. 23-21 ary rupi Cristo mboyve.

PÉINA ápe, ko'áğa ojehu Nefi oñe'ẽvo ko'ã ñe'ẽ, umi kuimba'e oĩva'ekue ijapytepekuéra oñani huekuéra apyka peve; heẽ, jepe ha'ékuri cinco umi ohova'ekue, ha he'í ojupe, oho aja:

2 Péina ápe, ko'áğa jaikuaaporāta ko kuimba'épa ha'e proféta ha omboúpara'e chupe Tupã oprofetisa hağua ñandéve mba'e hechapyrãitéva. Péina ápe, ñande ndajagueroviái ha'e ojapohague upéva; heẽ, ni ndajagueroviái ha'eha proféta; upevére, ha'éramo añetegua pe ha'e he'iva'ekue hue guasu rehegua, omanohague, upéicharamo jagueroviáta ambue ñe'ẽ he'iva'ekue añeteguaha avei.

3 Ha ojehu oñani hikuái opa imbarete reheve, ha oğuahẽ huekuéra apykápe; ha péina ápe, pe hue guasu ho'ákuri yvýpe, ha ojepyso huguýpe.

4 Ha ko'áğa péina ápe, ohechávo upéva oñemondyieterei hikuái, upéicha rupi ho'a hikuái yvýpe; ndogueroviáiguikuri Nefi he'iva'ekue pe hue guasu rehe.

5 Ha katu ko'áğa, ohechávo hikuái oguerovia, ha ou chupekuéra kyhyje ho'áramo ġuarã tavayguakuéra ári opa huísio Nefi he'iva'ekue; upévale oryrýi, ha ho'a hikuái yvýpe.

6 Ko'áğa, pe hue ojejuka ririmi—ijoyke'y oikutúkuri chupe, kañyhápe, ha oñani, ha

rréi rembiguaukuéra oñani ha omombe'u tavayguakuérape, oguerosapukáivo pe jejuka ijapytepekuéra;

7 Ha péina ápe tavayguakuéra oñembyaty pe huekuéra apyka oĩháme—ha péina ápe, iñemondyirãkuéra ohecha hikuái umi cinco kuimba'e ho'ava'ekue yvýpe.

8 Ha ko'áğa péina ápe, tavayguakuéra ndoikuaáikuri mba'ëve pe atyguasu oñembyatyva'ekuégui Nefi yvotytype; upévale he'í hikuái ojupe: Ko'ã kuimba'e ha'e umi ojukava'ekue pe huépe, ha Tupã oipy'ajopy chupekuéra ani hağua okañy ñandehegui.

9 Ha ojehu ojararra hikuái chupekuéra, ha ojokua ha omoĩ ka'irãime. Ha oñemondo peteĩ momarandu pe hue ojejukahague, ha ojejararra ha oñemoĩhague ka'irãime umi oporojukava'ekuepe.

10 Ha ojehu upe ko'ẽme tavayguakuéra oñembyaty ojahe'o ha oajuna hağua, ombyasy hağua pe hue guasu ojejukava'ekue ñeñotýtaháme.

11 Ha upéicha avei umi hue oĩva'ekue Nefi yvotytype, ha ohenduva'ekue iñe'ẽ, oho avei ñeñotýtaháme.

12 Ha ojehu oporandu hikuái tavayguakuéra apytype, he'ívo: Moõ piko oime umi cinco oñemondova'ekue ohecha hağua omanópara'e pe hue guasu? Ha ha'ekuéra ombohováí ha he'í: Umi cinco kuimba'e pejeva'ekue pemondo haguégui,

ndoroikuaái mba'eve; ha katu oĩ cinco ha'éva ijukahare, roityva'ekue ka'irāime.

13 Ha ojehu huekuéra ojerure ojegeru hağua umíva; ha ojegeru chupekuéra, ha péina ápe ha'e umi cinco oñemondova'ekue; ha péina ápe umi hue oporandu chupekuéra oikuaa hağua umi mba'e, ha ha'ekuéra omombe'u chupekuéra opa mba'e ojapova'ekue, he'ívo:

14 Roñani ha roğuahẽ pe huekuéra apyka oĩháme, ha rohechávo opa mba'e jepe Nefi otestifika haguéicha, roñemondyieterei ha ro'a yvýpe; ha roñemoĩporāmívo ore ñemondýigui, péina ápe orereity hikuái ka'irāime.

15 Ko'ága, ko kuimba'e jejuka rehe katu, ndoroikuaái avápa ojapora'e; ha kóvante roikuaa, roñani ha rojuhague peipotaháicha, ha péina ápe omano, Nefi he'i haguéicha.

16 Ha ko'ága ojehu huekuéra he'i tavayguakuérape umi mba'e rehegua, ha oguerosapukái Nefi-pe, he'ívo: Péina ápe, roikuaa ko Nefi oñemoĩporã hague ambue ndive ojuka hağua pe huépe, ha upéi omombe'u hağua ñandéve, ñanekonverti hağua ijeroviápe, oñembotuicha hağua peteĩ kuimba'e guasúicha, ojeiporavova'ekue Tupãre, ha peteĩ profétaicha.

17 Ha ko'ága péina ápe, japilláta ko kuimba'épe, ha omombe'úta hembiapovai ha oikuaaukáta ñandéve pe hue jukahare añete.

18 Ha ojehu opoi hikuái umi cinco-gui upe ñeñotýha árape. Upevére, ko'áva oikovai huekuéra ndive umi ñe'ẽ he'iva'ekuére Nefi rehe, ha ojoavy hikuái hendivekuéra peteĩ teĩ, upéicha rupi omoapañuái chupekuéra.

19 Upevére, huekuéra ojagarrauka Nefi-pe ha ojokua ha oguerahauka hikuái chupe atyguasú renondépe, ha oñepyrũ oporandu hikuái chupe opai-charei, omoñe'ẽjoavy hağua hikuái chupe ha okondena hağua ñemanorã—

20 Ha he'i hikuái chupe: Nde reime mba'evai apohare ndive; máva ha'e pe kuimba'e oporajukava'ekue? Ere oréve, ha ehchauka ne rembiapovai; erévo: Péina ápe ko pirapire; ha avei rohejáta reikove reikuaaukáramo oréve, ha eréramo pe ñe'ẽme'ẽ rejapova'ekue hendive.

21 Ha katu Nefi he'i chupekuéra: O tekove tavy, pene korasõ potí'ỹva; tavayguakuéra ohecha'ỹva, ha ipy'ahatáva, peikuaa piko araka'e pevépa Ñandejára pende Tupã ohejáta pepyta pene angaipa ñeimépe?

22 O peñepyrũmava'erã pesapukái ha pejahe'ó, pe tuichaite ñehundi ko'ága penera'arõvare, napeñearrepentíriramo.

23 Péina ápe peje añemoĩporãhague peteĩ kuimba'e ndive ojuka hağua Seezóram-pe, ñande hue guasu. Ha katu péina ápe, che ha'e peẽme, péva ha'e atestifikáguikuri peẽme peikuaa

hağua upe mba'égui; heë, jepe testimónioramo peëme, aikuaaha tekoñaña ha tekokoky'a oïva pende apytépe.

24 Ha ajapo haguére upéva, peje añemoïporã hague peteï kuimba'e ndive ojapo hağua ko mba'e; heë, ahechaukágui peëme ko techauka pendepochy chendive ha peñeha'ã pehundi che rekove.

25 Ha ko'ága péina ápe, che ahechaukáta peëme ambue techauka, ha jahecháta pévapepa peñeha'ãta cherundi.

26 Péina ápe che ha'e peëme: Tapeho Seántum rógape, ha'éva Seezóram joyke'y, ha peje chupe—

27 Nefi, upe proféta gua'u, oprofetisáva hetaita mba'evai ko tavayguakuéra rehe, oñemoïporã piko ra'e ndive, rejuka hağua Seezóram nde joyke'ýpe?

28 Ha péina ápe, ha'e he'íta peëme, Nahániri.

29 Ha pejëta chupe: Nde piko rejukára'e nde joyke'ýpe?

30 Ha ha'e henyhëta kyhyjégui, ha ndoikuaamo'ãi mba'épa he'íta. Ha péina ápe, onegáta pendehégui; ha oja póta oñemondyiramoğuaicha; upevére, he'íta ha'e ndojapoihague upe mba'evai.

31 Ha katu péina ápe, pejepovyvýtá hese, ha pejuhúta tuguy ijaóre.

32 Ha pehechávo upéva, pejëta: Moögui piko ou ko tuguy? Ndoroukuaáinga'u nde joyke'y ruguyha?

33 Ha upéramo oryrýta, ha

hesa'yjúta, jepe oğuahëramoğuaicha chupe ñemano.

34 Ha upéi pejëta peë: Ko kyhyje ha tesa'yju oúva rupi nde roväre, péina ápe, roikuaa nde ha'eha pe oporojukava'ekue.

35 Ha upéramo ouvéta hi'ári kyhyje; ha upéi omombe'úta peëme, ha nonegamo'ávëima ha'e oja pohague ko jejuka.

36 Ha upéi he'íta peëme, che Nefi, ndaikuaaiha mba'eve upe mba'égui noñeme'ëirire chëve Tupã pu'aka rupive. Ha upéramo peikuaáta che ha'eha peteï kuimba'e ijapu'yva, ha añembouha peëme Tupäre.

37 Ha ojehu oho ha ojapo hikuái Nefi he'i haguéicha chupekuéra. Ha péina ápe, ñe'ë ha'e he'iva'ekue ha'e añetegua; ha pe ñe'ëme he'i haguéicha ha'e onega; ha avei pe ñe'ëme he'iháicha ha'e omombe'u.

38 Ha ojeguero ojeikuaauka hağua ha'eha pe oporojukava'ekue, upéicha rupi opoi hikuái umi cinco-gui, ha Nefi-gui avei.

39 Ha oï nefita-kuéra oguero-viáva Nefi ñe'ë; ha oï avei, oguero-viáva umi cinco testimónio rupi, ko'áva oñekonvertíguikuri oï aja ka'iráime.

40 Ha ko'ága oï tavayguakuéra apytépe he'iva'ekue Nefi ha'eha proféta.

41 Ha oï ambue he'iva: Péina ápe, ha'e peteï tupã, ha ndaha'ëirire peteï tupã ndaikatumo'áikuri oikuaa opa mba'égui. Ha péina ápe, ha'e he'íkuri ñandëve ñane korasö oñandúva, ha avei he'íkuri

ñandéve heta mba'e; ha jepe oikuaauka ñandéve mávapa ha'e pe ojukava'ekue ñande huépe.

NEMBYATY 10

Ñandejára ome'ẽ Nefi-pe pu'aka osella haḡua—Oñeme'ẽ chupe pu'aka ojokua ha ojora haḡua yvy ha yvágape—He'i tavayguakuérape oñearrepenti haḡua térã omanóta—Pe Espíritu ogueraha chupe atyguasúgui atyguasúpe. 21–20 ary rupi Cristo mboýve.

HA ojehu oiko peteĩ ñemboja'ó tavayguakuéra apytépe, upéicha rupi ojei hikuái ojuehegui peteĩva peteĩ hendápe ha ambuéva katu ambue hendápe ha oje'ói hapére, ohejávo Nefi-pe ha'eño, ha'e oí aja imbytepekuéra.

2 Ha ojehu Nefi oho hóga gotyo, omomba'eguasúvo umi mba'e Ñandejára ohechaukava'ekue chupe.

3 Ha ojehu péicha ojepy'amongeta jave—ndovy'aietereívo Nefita tavayguakuéra hekoñaña rupi, hembiaipoñemi ypytũnguéra, ha ijekua, ha iñemonda, ha opáichagua hembiaповai rupi—ha ojehu ojepy'amongeta jave péicha ikorasõme, péina ápe, oḡuahẽ chupe peteĩ ñe'ẽ he'íva:

4 Ejevovasapyréva nde, Nefi, umi mba'e rejapova'ekuére; ahechágui rembo'ehague kane'õ'ýre ko tavayguakuérape umi ñe'ẽ, ame'eva'ekue ndéve. Ha nderekyhyjéi chuguikuéra, ni nereñeha'ái

nde rekovére, ha katu reñeha'ã rejapo che aipotáva, ha neñe'ẽrendu che rembiapoukapykuérare.

5 Ha ko'áḡa, rejapógui upéva kane'õ'ýme, péina ápe, che rohovasáta tapiate; ha rombarretéta ñe'ẽ ha mba'apópe, jerovia ha tembiapópe; heẽ, jepe opa mba'e ojejapóta ndéve ereháicha, nde nderejeruremo'ãigui che aipota'ýva.

6 Péina ápe, nde ha'e Nefi, ha che ha'e Tupã. Péina ápe, ha'e ndéve che angelkuéra renondépe, reguerekotaha pu'aka ko tavayguakuéra ári, ha rejopýta yvy ñembyahýi reheve, ha mba'asyvai reheve, ha ñehundi, ko tavayguakuéra hekoñañaháicha.

7 Péina ápe, che ame'ẽ ndéve pu'aka, opa reselláva yvýpe ojesellataha yvágape; ha opa rejoráva yvýpe ojejorataha yvágape; ha péicha reguerekóta pu'aka ko tavayguakuéra apytépe.

8 Ha upéicha eréramo ko témplope oñemboja'ó haḡua mbyte rupi, oikóta.

9 Ha eréramo ko yvytýpe, re'a ha eñembope, oikóta.

10 Ha péina ápe, eréramo Tupã oipy'ajopytaha ko tavayguakuérape, péicha oikóta.

11 Ha ko'áḡa péina ápe, che ha'e ndéve, tereho ha ere ko tavayguakuérape, péicha he'íha Tupã Ñandejára, Ipu'akapáva: Napeñearrepentíriramo pejeipy'ajopýta, peñehundi peve jepe.

12 Ha péina ápe, ko'áḡa ojehu oñe'ẽvo Ñandejára ko'ã ñe'ẽ Nefi-pe, ha'e opyta ha noḡuahẽi

hógape, ha katu ohojey atyguasúpe oñemosarambíva yvy ape ári, ha oñepyrũ he'í chupekuéra umi ñe'ẽ Ñandejára he'íva'ekue chupe, iñehundikuéra rehegua noñearrepentíramo hikuái.

13 Ko'ága péina ápe, upevére pe tuichaite milágro Nefi ojavova'ekue oikuaaukávo chupekuéra pe hue guasu jejuka, omohatã hikuái ikorasõ ha nohendúi Ñandejára ñe'ẽ.

14 Upévare Nefi he'í chupekuéra Ñandejára ñe'ẽ, he'ívo: Napeñearrepentíramo, péicha he'í Ñandejára, pejeipy'ajopýta, jepe peñehundi peve.

15 Ha ojehu Nefi he'ívo chupekuéra pe ñe'ẽ, péina ápe, omohatã gueteri hikuái ikorasõ ha nohenduséi iñe'ẽ; upévare oñembohory hese hikuái ha oñeha'ã ojararra chupe oity haḡua ka'irãime.

16 Ha katu péina ápe, Tupã pu'aka oĩ hendive, ha ndaikatúi ojararra hikuái chupe oity haḡua ka'irãime, pe Espíritu oguerahágui chupe ha oipe'a ijapytepekuéragui.

17 Ha ojehu péicha ojegeraha pe Espíritupe, atyguasúgui atyguasúpe, omombe'úvo Tupã ñe'ẽ, jepe omombe'u peve opavavépe, téra omondo peve opa tavayguakuéra apytépe.

18 Ha ojehu nohenduséi hikuái iñe'ẽ; ha oñepyrũ oĩ joavy, upéicha rupi oĩ ñemboja'o ijapytepekuéra ha oñepyrũ ojojuka hikuái kysepukúpe.

19 Ha péicha opákuri ary setenta

y uno huekuéra ñeisambyhýpe Nefi tavayguakuéra ári.

ÑEMBYATY 11

Nefi oipy'amovã Ñandejárape omyengovia haḡua ñorairõguasu ñembyahýi rehe—Heta yovypóra omano—Oñearrepenti hikuái, ha Nefi ojerure Ñandejárape ama rehe—Nefi ha Lehi-pe oñeme'ẽ heta rrevelasiõ—Gadiantón mondahakuéra oñemombarete upe tetãme. 20–6 ary rupi Cristo mbojave.

Ha ko'ága ojehu ary sesenta y dos huekuéra ñeisambyhýpe hetave umi joavy, upéicha rupi oĩ ñorairõguasu opa upe tetãme Nefi tavayguakuéra apytépe.

2 Ha ko mondaha aty ñeminguéra ha'ékuri ojavóva ko tembiapo ñehundi ha tembiapoñañarakuéra. Ha ko ñorairõguasu oikókuri opa upe ary pukukue; ha avei ary setenta y tres-pe.

3 Ha ojehu ko arýpe Nefi ojerure'asy Ñandejárape, he'ívo:

4 O Ñandejára, ani eheja ko tavayguakuéra oñehundi kysepukúpe; ha katu O Ñandejára, toĩ ñembyahýi yvy ári, omokyre'y haḡua chupekuéra imandu'a haḡua hikuái Ñandejára Itupãre, ha ikatu mba'e oñearrepenti hikuái ha ou nerendápe.

5 Ha péicha oikókuri, Nefi oñe'ẽ haguéicha. Ha oikuri ñembyahyivai upe tetãme, opa Nefi tavayguakuéra apytépe. Ha péicha oĩve ñembyahýi ary setenta y

cuatro-pe, ha opa ñehundi kysepuku rupi ha katu ivaive pe ñembyahíi rupi.

6 Ha oíve ko tembiapo ñehundi rehegua ary setenta y cinco-pe. Pe vvy ojeipy'ajopýgui upéicha ikā, ha nome'ēi yvara'yi yvara'yi árape; ha opa pe vvy ojeipy'ajopy, lamanita ha nefita-kuéra apytépe jepe, ha ojeipy'ajopy hikuái omano peve milláres pe tetā hekoñañavehápe.

7 Ha ojehu tavayguakuéra ohecha haimetemaha omano hikuái ñembyahígui, ha oñepyrū imandu'a hikuái Ñandejára Itupāre; ha oñepyrū imandu'a hikuái Nefi ñe'ē rehe.

8 Ha tavayguakuéra oñepyrū ojerure ihue ha imburuvichakuérape, he'í haḡua Nefi-pe: Péina ápe, ore roikuaa ha'éha Tupā yvypóra, ha upévale ejerure'asy Ñandejára ñane Tupāme oipe'a haḡua orehegui ko ñembyahíi, ani oñekumpli opa ñe'ē ereva'ekue ore ñehundi rehegua.

9 Ha ojehu huekuéra oñe'ē Nefi-pe, ñe'ē ojerure haguéicha hikuái. Ha ojehu Nefi ohechávo tavayguakuéra oñearrepenti ha oñemomirihague ha oñemondehague silísioqui, ha'e ojerure'asy jey Ñandejárape, he'ívo:

10 O Ñandejára, péina ápe ko tavayguakuéra oñearrepenti; ha ojukapa ijapytepekuéragui umi Gadiantón aty, ha oñomi hikuái hembiaapo ñeminguéra yvýpe.

11 Ko'áḡa, O Ñandejára, oñemomirígui hikuái tojei nde pochy chuguikuéra, ha tahyḡuatā nde

pochy umi kuimba'e ñaña rehundimava'ekue ñehundípe.

12 O Ñandejára, emombia nde pochy, heẽ, nde pochy hendypáva, ha embopaha ñembyahíi ko tetāme.

13 O Ñandejára, cherendu, ha toiko che aña'ēháicha, ha embou ama vvy ape ári, ome'ē haḡua hi'yva, ha yvara'yi yvara'yi árape.

14 O Ñandejára, nde rehendúkuri che ñe'ē che ha'eramoguare: Toíke ñembyahíi, opa haḡua ñehundi kysepukúpe; ha che aikuaa, ko árape jepe, rehendutaha che ñe'ē, eréguikuri: Ko tavayguakuéra oñearrepentíramo aperdonáta chupekuéra.

15 Heẽ, O Ñandejára, ha nde rehecha oñearrepentihague hikuái, ñembyahíi, mba'asyvai ha ñehundi ouva'ekue chupekuéra rupi.

16 Ha ko'áḡa, O Ñandejára, ndereipe'amo'ái piko nde pochy, ehecha jey haḡua iñe'ēredútapa hikuái? Ha upéicharamo, O Ñandejára, ikatu rehovasa chupekuéra ne ñe'ē ereva'ekuépeicha.

17 Ha ojehu ary setenta y seis-pe Ñandejára oipe'a ipochy tavayguakuéragui, ha ojapo ho'a ama vvy ári, upéicha ome'ē hi'yva yva árape. Ha ojehu ome'ē yvara'yi yvara'yi árape.

18 Ha péina ápe, tavayguakuéra ovy'a ha omboverapy Tupāme, ha opa vvy ape henyhẽ vy'apavẽgui; ha noñeha'ávẽima hikuái ohundi Nefi-pe, ha katu ohayhu

chupe hikuái peteĩ profétaicha, ha Tupã yvypóraicha, oguerekóva tuicha pu'aka ha autorida Tupã ome'eva'ekue chupe.

19 Ha péina ápe, Lehi, ijoyke'y, ndaha'ei ituchave'ỹva chugui umi mba'e hekojojávape.

20 Ha péicha Nefi tavayguakuéra oñepyrũ oñakarapu'ã jey upe tetãme, ha oñepyrũ omopu'ã hikuái henda nandikuéra, ha oñepyrũ oñemoña ha oñemosarambi hikuái, oñuãmba peve jepe pe vvy ape, norte ha sur gotyo, yguasu kuarahyreikégui yguasu kuarahyresẽmeve.

21 Ha ojehu ary setenta y seis opa py'aguapýpe. Ha ary setenta y siete oñepyrũ py'aguapýpe; ha tupao ojeipyso opa vvy ape ári; ha hetave tavayguakuéra, taha'e lamanita ha nefita-kuéra, ha'e tupaogua, ha oĩkuri py'aguapy tuichaitereíva upe tetãme; ha péicha opa ary setenta y siete.

22 Ha oguereko avei hikuái py'aguapy ary setenta y ocho-pe, ndaha'éiramo joavy'imi umi doctrina rehegua omoíva'ekue profetakuéra.

23 Ha ary setenta y nueve-pe oñepyrũ oĩ heta joavy. Ha katu ojehu Nefi ha Lehi, ha heta ijoyke'kuéra oikuaáva upe doctrina añeteguáva rehegua, oñeme'ẽgui chupekuéra heta rrevelasiõ opa ára, upévare ombo'e hikuái tavayguakuérape, upéicha rupi ombopaha hikuái ijoavykuéra upe arýpe.

24 Ha ojehu ary ochenta huekuéra ñeisambyhýpe Nefi

tavayguakuéra ári, oĩkuri Nefi tavayguakuéra osẽva'ekue, ary upe mboyve ohova'ekue lamanita-kuéra ndive, omoíva'ekue ijeherarã lamanita, ha avei umi ha'eva'ekue lamanita-kuéragui ñemoñare añetegua, oñemokyre'ỹva pochýpe umívare, térã umi osẽva'ekuere, upévare omoñepyrũ hikuái peteĩ ñorairõguasu ijoyke'ykuérame.

25 Ha ojapo hikuái jejuka ha ñemonda; ha upéi okañy hikuái umi vytytýpe, ha tave'ỹme ha tenda kañyháme, okañyvo ani hağua ojejuhu, hetavévo hikuái opa ára, umi osẽva'ekue ojoajúva hendivekuéra rupi.

26 Ha péicha ára ohasávo, heẽ, ndahetái ary rire, oiko chugui-kuéra peteĩ mondaha aty tuichaitereíva; ha oheka hikuái opa Gadiantón plan ñeminguera; ha péicha oiko chugui-kuéra Gadiantón mondahakuéra.

27 Ko'ágã péina ápe, ko'ã mondaha ojapo tuicha mba'evai, heẽ, tuicha ñehundi Nefi tavayguakuéra apytépe jepe, ha avei lamanita-kuéra tavayguakuéra apytépe.

28 Ha ojehu oñeikotevẽ oñembo-paha ko tembiapo ñehundi; upévare omondo hikuái peteĩ ehérsito kuimba'e imbaretéva reheve pe tave'ỹme ha umi vytytýpe oheka hağua upe mondaha aty, ha ohundi hağua chupekuéra.

29 Ha katu péina ápe, ojehu upe arýpe pe ehérsito oñembo-jevý jepe hetã meve. Ha péicha opákuri ary ochenta huekuéra

ñeisāmbhyhy Nefi tavayguakuéra ári.

30 Ha ojehu oñepyrũvo ary ochenta y uno ohojey hikuái ko mondaha aty rehe, ha ohundi hikuái hetápe; ha ou avei chupekuéra heta ñehundi.

31 Ha oñemyaña chupekuéra ohojey haḡua pe tave'ỹ ha yvytýgui hetāmekuéra, hetaitereĩgui umi mondaha oikóva yvyty ha tave'ỹme.

32 Ha ojehu péicha opa ko ary. Ha hetave umi mondaha ha oñemombareteve hikuái ohóvo, upéicha oñemoĩ hikuái opa nefita-kuéra ehérsito rehe, ha lamanita-kuérare avei; ha ogueru hikuái tuicha kyhyje tavayguakuéra ári opa upe yvy ape ári.

33 Heẽ, oúgui hikuái heta tetã rendápe, ha ojapo hesekuéra tuicha ñehundi; heẽ, ojuka hikuái hetápe, ha ambuẽpe ogueraha hikuái ñeñapytĩmby upe tave'ỹme, heẽ, ha oguerahave hikuái mitã ha kuñanguérape.

34 Ko'áḡa ko tuichaité mba'e-vai, ouva'ekue tavayguakuéra hembiapovai rupi, oñemokyre'ỹ jey chupekuéra imandu'a haḡua Ñandejára Itupãre.

35 Ha péicha opákuri ary ochenta y uno huekuéra ñeisambyhýpe.

36 Ha ary ochenta y dos-pe oñepyrũ jey hesarái hikuái Ñandejára Itupãgui. Ha ary ochenta y tres-pe oñepyrũ jey oñemombareteve hikuái tembiapovaípe. Ha ary ochenta y cuatro-pe nomoĩporái hikuái hape.

37 Ha ojehu ary ochenta y

cinco-pe oñemombareteve hikuái upe orgúllope, ha hembiaipoña-ñáme; ha péicha hí'aju jey hína hikuái ñehundirã.

38 Ha péicha opákuri ary ochenta y ocho.

ÑEMBYATY 12

Yvyporakuéra oñemovã ha naiñarandúí ha ipya'e añarã—Ñandejára oja'ó itavayguakuérape—Yvypóra ndaha'éiva mba'eve oñembojoja Tupã pu'aka rehe—Huísio árape, yvyporakuéra ohupytyta tekove opave'ỹva térã kondensasiõ. 6 ary rupi Cristo mboyve.

Ha péicha jahecha añetegua'ỹha, ha oñemovãha yvypóra ra'ykuéra korasõ; heẽ, jahecha Ñandejára ipy'aporã tuicha ha opave'ỹvape, ohovasaha ha omo'akãrapu'ã umi hese omoivape ijerovia.

2 Heẽ, ha jahecha omoakarã-pu'ã jave itavayguakuérape, heẽ, iñu ñembotuichápe, ivaka ha imymbakuéra ñemoñáme, ha óro, ha pláta, ha opa mba'e hechapyrãva opáichagua ha ojejapo porãvape; omo'ãvo hekovekuéra, ha omosãsóvo chupekuéra ihayhu'ỹhakuéra pógui; omohu'úvo ohayhu'ỹva chupekuéra korasõ ani haḡua ogueru chupekuéra ñorairõguasú; heẽ, ha peteĩ ñe'ẽme, ojapóvo opa mba'e itavayguakuéra vy'apavẽ ha ñeimeporãrã; heẽ, upéramo ha'e ára omohatãha hikuái ikorasõ, ha hesarái Ñandejára

Itupāgui, ha opyrū ipýpe pe Imarangatúvare—heẽ, ha upéva oĩporãitereĩgui hikuái, ha oñakãrapu'ã guasuetereĩgui.

3 Ha péicha jahecha Ñandejára ndohavirairámo itavaygua-kuérape heta jehasa'asýpe, heẽ, ndoúiramo chupe ñemano ha ñemondýi reheve, ha ñembyahýi ha opáichagua mba'asyvai reheve, naimanduaiha hese hikuái.

4 O iñarandu'ỹ, imba'erei, iñaña, ha hekoñaña, ha ipya'ete piko ojapo hağua tembiapovai, ha imbeguete piko ojapo hağua iporãva, yvypóra ra'ykuéra; heẽ, ipya'ete piko ohendu hağua aña ñe'ẽ, ha omoĩ hağua ikorasõ yvóra mba'ereire!

5 Heẽ, ipya'ete piko hikuái oñembotuicha hağua pe orgúllope; heẽ, ipya'ete piko oñembotuicha hağua, ha ojapo hağua opáichagua mba'e ha'éva tembiapovai; ha imbeguete piko imandu'a hağua Ñandejára Itupãre, ha ohendu hağua iñemoñe'ẽ, heẽ, imbeguete piko hikuái oiko hağua arandu rapére!

6 Péina ápe, ndoipotái Ñandejára Itupã, ijapoharakuéra, oisãmyhy ha orreina hi'arikuéra; jepeve tuicha ipy'aporã ha iporiahuvareko hendivekuéra, ndoipotái hikuái iñemoñe'ẽ, ha ndoipotái ha'e omboguata chupekuéra.

7 O mba'eguasujete piko yvypóra ra'ykuéra ndaha'éiva mba'eve; heẽ, michive hikuái jepe vyv timbógui.

8 Ha péina ápe, yvypegua vyv

oku'e ápe ha pégotyo, oñemboja'óvo mbyte rupi ñande Tupã guasu Ijapyra'ỹva he'iháicha.

9 Heẽ, péina ápe iñe'ẽ rupi oryrí ha oñemongu'e yvytypu'ã ha yvytykuéra.

10 Ha iñe'ẽ pu'aka rupi oñemboja'o ha oñembope, heẽ, peteĩ yvytypu'ũicha.

11 Heẽ, iñe'ẽ pu'aka rupive oryrypa pe vyv;

12 Heẽ, iñe'ẽ pu'aka rupive, umi pyenda oñemongu'e, jepe mbytetépe.

13 Heẽ, hahe'ipevyýpe—Eku'e—ha oku'e.

14 Heẽ, ha he'i pe vyýpe—Tereho tapykue gotyo, oñembo-puku hağua upe ára heta aravo aja—ha oiko;

15 Ha péicha, iñe'ẽme he'iháicha pe vyv oho tapykue gotyo, ha yvypórape ha'etevaicha pe kuarahy opytáva ñemovã'ỹme; heẽ, ha péina ápe, péicha; añetehápe pe vyv niko pe oku'éva ha ndaha'ei kuarahy.

16 Ha péina ape, avei, he'íramo ykuéra yguasuguápe—peñemokã, péichata.

17 Péina ápe, he'íramo ko yvytýpe—Epu'ã, ha eho ha re'a ko tavaguasu ári, oñeñotỹ hağua—péina ápe upéichata.

18 Ha péina ápe, peteĩ kuimba'e oñomíramo mba'ehepy vyv-guýpe, ha Ñandejára he'íramo chupe—Toñemoñe'ẽngái, pe oñomiva'ekue rembiapovai rupi—péina ápe, oñemoñe'ẽngáita.

19 Ha Ñandejára he'íramo—Eñemoñe'ẽngái nde, avave

nandehuí ha ģua ko ára guive tapiate peve—péina ápe, avave kuimba'e ndohupyty mo'ái upe guive tapiate peve.

20 Ha péina ápe, Ñandejára he'íramo peteĩ yvypórape—Ne rembiapovaikuérare, eñemoñe- 'ëngáita tapiate—upéichata.

21 Ha Ñandejára he'íramo—Ne rembiapovaikuérare rejeipe'áta cherenondégui—ha'e ojapóta péicha oiko ha ģua.

22 Ha ái pe ha'e he'ívape upéicha, upéicha ojeapótagui pe ojapóva tembiapovai ndive, ha ndaikatumo'ái ojesalva; upévore, upéva rupi, yvyporakuéra ojesalva ha ģua, oñemomarendúkuri pe arrepentimiénto.

23 Upévore, ojevovasapyre umi oñearrepentiséva ha ohenduséva Ñandejára Itupã ñe'ë; ko'áva ha'égui umi ojesalvátava.

24 Ha tome'ë Tupã, imarangatu guasúpe, yvyporakuéra ojegueraha ha ģua arrepentimiénto ha tembiapo porãme, oñemoñey ha ģua chupekuéra grásia, grásia reheve, hembiapokuéicha.

25 Ha che aipota mayma yvypóra ojesalva. Ha katu ñamoñe'ë oíha oñemosétava pe ára paha guasúpe, heë, oñemombótava Tupã renondégui.

26 Heë, oñekondenataha peteĩ teko'asy opave'yvape, oñekumpli ha ģua ñe'ë he'íva: Umi ojapova'ekue iporáva oguerékóta tekove opave'yva; ha umi ojapova'ekue mba'evai oguerékóta kondenasiõ opave'yva. Ha péicha, Amén.

Samuel, upe lamanita profesia-kuéra, nefita-kuérape.

Oike ñembyaty 13 guive 15 peve avei.

ÑEMBYATY 13

Samuel upe lamanita oprofetisa nefita-kuéra ñehundi noñearrepentíriramo hikuái—Ha'ekuéra ha ipirapirekuéra oñemoñe'ëngái—Orrechasa ha oita'api hikuái profetakuérape, ojere hesekuéra umi aña, ha oheka hikuái vy'apavõ ojapóvo tembiapovai. 6 ary rupi Cristo mboyve.

HA ko'á ģa ojehu ary ochenta y seis-pe, nefita-kuéra hekoñañave gueteri, heë, tuicha tembiapoñañáme, lamanita-kuéra katu upe aja oñeha'ã iñe'ërenduporã Tupã rembiapoukapykuérare, Moisés léipe he'iháicha.

2 Ha ojehu ko arýpe peteĩ tekove hérava Samuel, upe lamanita, oġuahë Zarahemla retãme, ha oñepyrũ ombo'e tavayguakuéra apytépe. Ha ojehu ombo'e, heta ára aja, pe arrepentimiénto tavayguakuérape, ha omosë chupe hikuái okápe, ha haimete ohojey hetãme.

3 Ha katu péina ápe, ou chupe Ñandejára ñe'ë, ohojey ha ģua, ha oprofetisa ha ģua opa mba'e oúva ikorasõme.

4 Ha ojehu ndohejái hikuái chupe oike pe tavaguasúpe; upévore oho ha ojupi pe tápia ári, ha oipyso ipo ha he'i sapukáipe, ha

oprofetisa tavayguakuérape opa mba'e Ñandejára omoïva'ekue ikorasōme.

5 Ha he'i chupekuéra: Péina ápe, che, Samuel, lamanítava, ha'e Ñandejára ñe'ẽ ha'e omoïva che korasōme; ha péina ápe ha'e omoïkuri che korasōme ha'e haġua ko tavayguakuérape hustísia kysepuku oïmaha ko tavayguakuéra ári; ha ndohasamo'ái cuatrociento ary pe hustísia kysepuku ho'a haġua ko tavayguakuéra ári.

6 Heẽ, tuicha ñehundi oha'arõ ko tavayguakuérape, ha añetehápe oúta ko tavayguakuérape, ha mba'eva ndaikatúï osalva ko tavayguakuérape ndaha'éiramo pe arrepentimiénto ha Ñandejára Jesucristo rehe jeroviámante, añetehápe oútava yvórape, ha ohasáta heta mba'e ha omanóta itavayguakuérare.

7 Ha péina ápe, peteï Ñandejára ángel he'íkuri chéve, ha ha'e ome'ekuri mba'eporã pyahu che ángape. Ha péina ápe, che añembou ha'e haġua avei peẽme, oñeme'ẽ haġua peẽme mba'eporã pyahu; ha katu péina ápe napechemoġuahēséikuri.

8 Upévare, péicha he'i Ñandejára: Nefita-kuéra tavayguakuéra korasõ atã rupi, noñearrepentíriramo hikuái che aipe'áta chuguikuéra che ñe'ẽ, ha aipe'áta chuguikuéra che Espíritu, ha ndahējareimo'ávéima chupekuéra, ha ambojeréta ijoyke'ykuéra korasõ hesekuéra.

9 Ha ndohasamo'ái cuatrociento ary che ajapoukamboyve

tojeipy'ajopy chupekuéra; heẽ, ajúta chupekuéra kysepuku reheve ha ñembyahýi ha mba'asyvai reheve.

10 Heẽ, ajúta chupekuéra che pochy hendypáva reheve, ha oíta ñemoñare irundyhapegua, penderayhu'ýva, oikovétava ohecha haġua pene ñehundipaite; ha añetehápe péva oikóta napeñearrepentíriramo, he'i Ñandejára; ha umi ñemoñare irundypegua oguerúta peẽme ñehundipa.

11 Ha katu peñearrepentíriramo ha pejeréramo Ñandejára pene Tupãme che amombiáta che pochy, he'i Ñandejára; heẽ, péicha he'i Ñandejára, ojevovasapyre umi oñearrepentíva ha ojeréva cherendápe, ha katu ái pe noñearrepentírivagui.

12 Heẽ, ái ko tuicha tavaguasu Zarahemla-gui; ha péina ápe, umi hekojojáva rupi niko ojesalvákuri; heẽ, ái ko tuicha tavaguasúgui, che ahechágui, he'i Ñandejára, oïha heta, heẽ, jepe hetave ko tavaguasu apytégui, omohatátava ikorasõ cherehe, he'i Ñandejára.

13 Ha katu ojevovasa umi oñearrepentíva, chupekuéra ahovasátagui. Ha péina ápe, ndaha'éirire umi hekojojáva rupi oïva ko tavaguasúpe, péina ápe, che agueruva'erãmo'ãkuri tata yvágagui ohundi haġua chupekuéra.

14 Ha katu péina ápe, hekojojakuérava ñeimeporãrã oñeperdona chupekuéra. Ha katu péina ápe, he'i Ñandejára, ou ára pemoséramo hekojojávape pende

apytégui, upéramo pende'ajúma ñehundirã; heë, ái ko tuicha tavaguasúgui, umi tembiapoñaña ha tembiapoky'a oïva rupi ipype.

15 Heë, ha ái Gedeón tavaguasúgui, tembiapoñaña ha tembiapoky'a oïva rupi ipype.

16 Heë, ái opa tavaguasu oïvagui upe jerére, oïva nefita-kuéra poguýpe, tembiapoñaña ha tembiapoky'a oïva rupi ipypekuéra.

17 Ha péina ápe, ouita peteï ñe'ëngái yvy ári, he'i pe Señor de los Ejércitos, tavayguakuéra oïva rupi yvy ári, heë, hembiaapoñaña ha hembiapoky'akuéra rupi.

18 Ha ojuhúta, he'i pe Señor de los Ejércitos, heë, ñande tuicha ha añeteguáva Tupã, umi oñongatúva imba'ehepykuéra vyvuyýpe ndojuhumo'ávéma, pe tuichaite yvy ñemoñe'ëngái rupi, ndaha'éiramo peteï vyvypóra hekojojáva ha oñomíramo Ñandejára mba'erã.

19 Che ha'égui, he'i Ñandejára, oñomi hağua hikuái imba'ehepykuéra chéve ġuarã; ha toñemoñe'ëngái umi noñomíriva chéve ġuarã; avave noñongatúigui imba'ehepy chéve ġuarã; ndaha'éiramo umi hekojojáva; ha pe noñomíriva imba'ehepykuéra chéve ġuarã, oñemoñe'ëngái, ha avave norredimimo'ái chupe pe yvy oñemoñe'ëngáigui.

20 Ha oğuahêta ára oñomitaha hikuái imba'ehepykuéra, omoïgui ikorasõkuéra ipirapire rehe; ha oñomíta hikuái imba'ehepykuéra oñanígui ihayhu'yhakuéragui; ha noñomimo'áigui hikuái chéve

ğuarã, oñemoñe'ëngáita ha'ekuéra ha avei imba'ehepykuéra, ha upe árape ojeipy'ajopýta chupekuéra, he'i Ñandejára.

21 Péina ápe peë, tavayguakuéra tavaguasu tuichavagua, ha pehendúva che ñe'ë; heë, pehendú ñe'ë Ñandejára he'íva; ha péina ápe, ha'e he'i peñemoñe'ëngaiha pende pirapirekuéra rupi; ha pende pirapirekuéra oñemoñe'ëngái avei pemoïgui pene korasõ umíva, ha napehendúikuri pe ñe'ë ome'ëva'ekue peëme.

22 Ha napenemandu'ái Ñandejára pende Tupãre umi mba'e penderovasa haguépe, ha katu tapiate penemandu'a pende pirapirekuérare, ndaha'éí peme'ë hağua aguyje Ñandejára pende Tupãme umíva; heë, pene korasõ niko noñemo'aguirí Ñandejárare, ha katu oñembotuicha orgúllo ijoja'yvape, oğuahê meve jejapópe, ha mba'ereikuérape, mba'epota, aña, ha ñemuñape, jejuka ha opáichagua tembiapovaípe.

23 Péva rupi Ñandejára omboúkuri ñe'ëngái yvy ári, ha avei pende pirapirekuéra ári, ha péva penerembiapovaikuéra rupi.

24 Heë, ái ko tavayguakuéragui, ko ára oğuahêva rupi, pemosêhape profetakuérape, ha peñembohory hesekuéra, ha pejapi chupekuéra itápe, ha pejuka chupekuéra, ha pejapo hesekuéra opáichagua tembiapovai, jepe ojapo haguéicha hikuái umi ymaguare rehe.

25 Ha ko'áğa peñe'ëramo,

peje: Jaikovérire ñande rukuéra ymaguare árape, ndajajukai-va'erãmo'ã profetakuérape; ndajaita'apíriva'erãmo'ã ni nañamosëiva'erãmo'ã chupekuéra.

26 Péina ápe peneñaave chu-
guikuéra; ha Ñandejára oiko-
veháicha, oúramo peteĩ proféta
pende apytépe ha he'íramo
peẽme Ñandejára ñe'ẽ, otesti-
fikáva pene angaipa ha pene
rembiapovaikuéragui, pendepo-
chy hendive, ha pemosë okápe
ha peheka opaicharei pehundi
hağua chupe; heẽ, peje ha'eha
peteĩ proféta añetegua'yva, ha-
'eha peteĩ angaipa apohára, ha
aña rehegua, otestifikágui pene
rembiapo ivaiha.

27 Ha katu péina ápe, peteĩ
yvypóra oúramo pende apytépe
ha he'i: Pejapo péva, ha ndaivaíri;
pejapo amóva ha ndapehasa-
'asymo'ãi; heẽ, he'íta: Peguata
pene korasõ orgullopeguáicha;
heẽ, peguata pende resa orgu-
llopeguáicha, ha pejapo opa
pene korasõ oipotáva—ha peteĩ
yvypóra oúramo pende apytépe
ha he'íramo peẽme ko'áva, pemo-
ğuahêta chupe, ha pejeta ha'eha
proféta.

28 Heẽ, pembotuicháta ha pe-
me'êta chupe pene mba'ehepy-
kuéragui; peme'êta chupe pende
óro, ha pende plátogui, ha pemo-
ndéta chupe ao hechapyrãvagui;
ha oñe'ëgui peẽme ñe'ẽ japu, ha
he'i opa mba'e oĩporãha, ndape-
juhúi mba'evai hese.

29 O ñemoñare aña ha iña-
ñáva; tavayguakuéra hatã ha

ipy'ahatáva, araka'e peve piko
peimo'ã Ñandejára pendegue-
ropu'akataha? Heẽ, araka'e peve
piko pejeguerahaukáta sãmbyhy-
hára iñakãguapy'yva ha hesatüva
rehe? Heẽ, araka'e peve piko pe-
hayhuvéta pytũmby tesapégui?

30 Heẽ, péina ápe Ñandejára po-
chy hendýma pende rehe; péina
ápe, ha'e omoñe'ëngáikuri pe vyv
pene rembiapovai rupi.

31 Ha péina ápe, hi'águima ára
omoñe'ëngaitaha pende pirapi-
rekuéra, ha ndaha'emo'ávéma
mba'eve, ndaikatuvéi peve pe-
ñongatu; ha ára penemboriahu
vove ndaikatumo'ãi pejoko.

32 Ha ára penemboriahu vove
pejerure'asyta Ñandejárape; ha
pejerure reíta, pene ñehundi
oĩmagui pende ári, ha pene ñehu-
ndi oñemoañetéma; ha upéramo
penerasë ha penepyahêta upe
árape, he'i pe Señor de los Ejérci-
tos. Ha upéramo penerasë'asyta,
ha pejeta:

33 O añearrepentírire, ha nda-
jukáirire profetakuérape, ni
nda'ita'apíri, ha namosëirire
chupekuéra okápe. Heẽ, upe
árape pejeta: O ñanemandu'árire
Ñandejára ñande Tupãre ára
ome'ëramo guare ñandéve ñande
pirapirekuéra, ha upéicharire
ndoikoiva'erãmo'ã chuguikuéra
mba'erei ñahundi hağua; ha katu
péina ápe, ñande pirapirekuéra
oho ñandehogui.

34 Péina ápe, jaheja ko'ápe pe-
teĩ tembiporu ha pyharevéramo
ğuarã ndaiporivéima; ha péina
ápe, ojeipe'a ñandehogui ñande

kysepuku ára jahekaramoguare ñorairōrã.

35 Heẽ, ñañomíkuri ñane mba'ehepykuéra ha ojekuri ñandehegui, pe yvy oñemoñe'ëngáigui.

36 O ñañearrepenitĩre ára ou jave ñandéve Ñandejára ñe'ẽ; ha péina ápe pe yvy oñemoñe'ëngái, ha opa mba'e ojeipa, ha ndaikatúí jajesareko hesekuéra.

37 Péina ápe, ñanemongora añanguéra, heẽ, ojere ñande rehe pe ohundiseva'ekue ñane ánga. Péina ápe, tuicha ñane rembiapovaikuéra. O Ñandejára, ndaikatúí piko rembojere nde pochy orehegui? Ha ko'ávata pene ñe'ẽ umíva umi árape.

38 Ha katu péina ápe, pende ára jeipy'ara'ãrã ohasáma; pembo-puku pende ára pejesalva haña ha hí'are tapiaite ġuarãma, ha pene ñehundi oñemoañetéma; heẽ, pende rekove ára peñeha'ãguikuri pehupyty umi ndaikatúíva peguereko; ha pehekákuri vy'apavẽ pejapóvo tembiapovai, oñemoíva pe hustísia naturaleza rehe oíva ñande tuicha ha Opa-ve'yva Mburuvichápe.

39 O tavayguakuéra tetãmegua, pehendúmorá'e che ñe'ẽ! Ha añembo'e ojei haña pendehegui Ñandejára pochy, ha peñearrepeniti ha pejesalva haña.

ÑEMBYATY 14

Samuel oprofetisa oítaha tesape pyharekue ha ojekuaataha peteĩ mbyja pyahu Cristo heñói vove—Cristo

orredimi yvypórape pe ñemano yvy'arigua ha espíritu reheguáva-gui—Iñemano rechauka apytépe oíta mbohapy ára ypytũ, itakuéra oñemboja'óta, ha oíta tuicha mba'evai. 6 ary rupi Cristo mboyve.

HA ko'áña ojehu Samuel, upe lamanita, oprofetisa heta mba'e ndaikatúíva ojehei.

2 Ha péina ápe, ha'e he'i chupekuéra: Péina ápe, che ame'ẽ peẽme peteĩ techaukaha; ohasavétagui cinco ary, ha péina ápe, upéramo ou Tupã Ra'y orredimi haña opavave ogueroviáva hérape.

3 Ha péina ápe, péva ame'ẽta peẽme techaukaháramo ára ha'e ou vove; ha péina ápe, oíta tesape guasu yvágape, upéicha rupi pe pyhare ha'e ou mboyve ndaiporimo'ãi ypytũ, upéicha rupi yvyporakuérape ha'etétavaicha ha'eha arakue.

4 Upévare, oíta peteĩ ára ha peteĩ pyhare ha peteĩ ára ha'eramoguáicha peteĩ árante ha ndaiporiramoguáicha pyhare; ha péva ha'éta peẽme techaukaháramo; peikuaáttagui osẽha kuarahy ha avei oikeha; upévare peikuaáta añetehápe oítaha mokõi ára ha peteĩ pyhare; upevére pyharekue naiñypytũmo'ãi; ha ha'éta upe pyhare ha'e heñói mboyve.

5 Ha péina ápe, ojekuaáta peteĩ mbyja pyahu, araka'eve ndapehecháí haguéicha; ha upéva ha'éta avei peẽme techaukarã.

6 Ha péina ápe ndaha'ei

upévante, oïta heta techauka ha mba'eguasú yvágape.

7 Ha ojehu penerenyhêta ñemondýigui, ha ñemomba'eguasúgui, upéicha rupi pe'áta yvýpe.

8 Ha ojehu opavave ogueroviaá Tupã Ra'ýpe, ohupytyta tekove opave'yva.

9 Ha péina ápe, péicha he'íkuri chéve Ñandejára, hí'ángel rupi, ajuva'erãha ha ame'ê peême ko'ã mba'e; heê, he'íkuri chéve aprofetisa hağua peême ko'ã mba'e; heê, ha'e he'íkuri chéve: Esapukái ko tavayguakuérape, peñarrepenti ha pembosako'i Ñandejára rape.

10 Ha ko'áğa, che ha'égui lamanita, ha ha'égui peême ñe'ê Ñandejára he'iva'ekue chéve, ha hatãgui peême ġuarã, pende-pochy chendive, ha peñeha'ã cherundi, ha chemosêkuri pende apytégui.

11 Ha pehendúta che ñe'ê, upevarã niko ajupíkuri tavaguasu tápia rehe, pehendu ha peikuaa hağua Tupã huisiokuéra penera'arõva pene rembiapovai haguére, ha avei peikuaa hağua mba'éichapa peñarrepentiva'erã.

12 Ha avei peikuaa hağua Cristo jejúgui, Tupã Ra'y, yvy ha yvága Ru, opa mba'e Apohare iñepy-rũmby guive; ha peikuaa hağua techaukakuéra ijeju reheguágui, peguerovia hağua héra.

13 Ha pegueroviaáramo héra peñarrepentíta opa pene angaipágui, upéicha pehupyty hağua peteĩ jejora umívagui imérito rupive.

14 Ha péina ápe, avei, che ame'ê peême ambue techaukaha, heê, peteĩ techaukaha iñemanógui.

15 Ha péina ápe, añetehápe omanova'erã ou hağua pe salvasiõ; heê, ha'e ojapova'erã péva ha oñeikotevê ha'e omano, ojapo hağua omanova'ekue jeikovejey, upéva rupi yvyporakuéra ojegueraha hağua Ñandejára renondépe.

16 Heê, péina ápe, ko ñemano ogueru jeikovejey, ha orredimi opa yvypórape upe ñemano peteĩhágui—pe ñemano espíritu rehegua; opa yvypóra, Adán je'a rupi oñemosê haguére Ñandejára renondégui, ha oje'e omanoha, taha'e mba'e yvy'arigua ha mba'e espíritu reheguávape.

17 Ha péina ápe, Cristo jeikovejey orredimi opa yvypórape, heê, jepe opa yvypórape, ha oguerujey chupe Ñandejára renondépe.

18 Heê, ha ojapopa pe arrepentimiénto ojeruréva upéicharupi, opavave oñearrepentíva noñeikytĩmo'ái ha noñemombomo'ái tatápe; ha katu noñearrepentíriva oñeikytíta ha oñemombóta tatápe; ha ou jey hí'arikuéra peteĩ ñemano espíritu rehegua, heê, ñemano mokõiha, ojeipe'ajeýgui mba'e tekojoja reheguágui.

19 Upévare peñarrepenti, peñarrepenti, ani peikuaa haguére ko'ã mba'e ha napekumplirigui pejeity kondenasíõ guýpe, ha peñembotyryry ko ñemano mokõihápe.

20 Ha katu péina ápe, ha'e hağuéicha peême ambue techauka

rehe, peteĩ ñemano rechauka, péina ápe, ára ohasa vove ñemano pe kuarahy ñypytũta ha nome'ẽsemo'ãi peẽme hesape; ha avei jasy ha mbyjakuéra; ha ndaiporimo'ãi tesape ko vvy ári, jepe ára ha'e ohasa guive ñemano, ára oikovejey peve omanomava'ekue apytégui.

21 Heẽ, ára ome'ẽ vove ijespíritu oĩta arasunu ha aratiri heta aravo aja, ha pe vvy oku'e ha oryrýta; ha itakuéra oĩva vvy ape ári, oĩva vvy ári ha iguýpe, ha ko árape peikuaáva ndojekaiha, térã heta ndojekáiva, ojekapaitéta.

22 Heẽ, oñemboja'óta mbyte rupi, ha tapiate peve otiríta ha ojeka pypukúta, ha ipehẽnguéta opa vvy apére, heẽ, vvy ári ha iguýpe.

23 Ha péina ápe, oĩta tuicha aravai, ha oĩta heta vvyty oñembopéva, peteĩ vvy ipereivaicha, ha oĩta heta tenda ko'ágã hérava vvy ipereiva oikótava chugui vvyty, ijyvatetereíva.

24 Ha heta tape ojekáta, ha heta tavaguasu oñemonandíta.

25 Ha ojeipe'áta heta ñeñotýha, ha ome'ẽta heta omanova'ekue; ha heta imarangatúva ojehechaukáta hetápe.

26 Ha péina ápe, péicha oñe'ẽkuri chéve upe ángel; he'ígui chéve oĩtaha arasunu ha aratiri heta aravo aja.

27 Ha he'í chéve oĩ aja arasunu ha aratiri, ha aravai, oikotaha ko'ã mba'e, ha ypytũ oñuãtaha opa vvy ape mbohapy ára aja.

28 Ha he'í chéve upe ángel oĩtaha

heta ohecháva mba'e tuichavéva ko'ãvagui, oguerovia haña ko'ã techaukaha ha mba'eguasukuéra oikotaha opa vvy apére, anive haña oĩ jeguerovia'ỹ yvypóra ra'ykuéra apytépe—

29 Ha péva umi ogueroviáva ojesalva haña, ha umi ndogueroviáva ári, ou haña peteĩ huisio ijójava; ha avei oñekondenáramo chupekuéra ogueru hi'arikuéra ikondenasiõ.

30 Ha ko'ágã penemandu'a, penemandu'a, che joyke'ykuéra, pe omanóva, omano ipoite rupi; ha pe ojavóva tembiapovai, ojapo ijehe; ha péina ápe, penesãso; oñeme'ẽ peẽme pejapo haña pejaposeháicha; ha péina ápe, Tupã ome'ẽkuri peẽme jeikuaa ha pende'apo ñemosásóme.

31 Ha ome'ẽ peẽme peikuaa haña iporáva ivaívagui, ha ome'ẽ peẽme peiporavo haña tekove térã ñemano; ha ikatu pejapo pe iporáva ha peñemoijey pe iporávape, térã pejapo oñeme'ẽjey peẽme pe iporáva; térã ikatu pejapo pe ivaíva, ha pejapo oñeme'ẽjey peẽme pe ivaíva.

ÑEMBYATY 15

Ñandejára ohavira nefita-kuéra ohayhúgui chupekuéra—Lamanita-kuéra oñekonvertiva'ekue noñemovái ha opyta ijeroviápe—Ñandejára oiporiahuverekóta lamanita-kuérape ára pahápe. 6 ary rupi Cristo mboyyve.

HA ko'ága, che joyke'ykuéra ahayhuetéva, péina ápe, ha'e peême napeñearrepentíriramo pende rogakuéra oñemonandi-paitéta.

2 Heẽ, napeñearrepentíriramo, umi kuñanguéra oguerékóta mba'érepa hasêvo ára imemby vove; peñeha'átargui pekañy ha ndaiporimo'ái tenda peike ha-ğua; heẽ, ái umi hyeguasúvagui, hete pohýigui ndaikatumo'áiva oñani; upévare, ojejosóta hesekuéra ha ojehejareíta omano hağua.

3 Heẽ, ái ko tavayguakuéra oñehenóiva Nefi tavayguakuéra noñearrepentíriramo hikuái, ohecha vove opa ko'á techaukaha ha mba'eguasú ojehechaukátava chupekuéra; ha péina ápe, ha'é-kuri hikuái peteĩ tavayguakuéra Ñandejára oiporavova'ekue; heẽ, ha'e ohayhúkuri Nefi tavayguakuérape, ha ohavirákuri avei chupekuéra; heẽ, ohavirákuri ohayhúgui chupekuéra.

4 Ha katu péina ápe che joyke'ykuéra, ndohayhúikuri lamani-ta-kuérape hembiapokuéra ivai memégui, ha péva ituvakuéra jepokuaa rembiapovai rupi. Ha katu péina ápe, oğuahẽ chupekuéra salvasiõ nefita-kuéra ñehekombó'e rupi; ha upevarã Ñandejára ombopukuva'ekue hi'arakuéra.

5 Ha aipota pema'ẽ hetave ijapy-tepekuéra oiha tape porãme, ha oiko jesarekópe Tupã renondépe, ha oñeha'ã iñe'ërendu hembia-poukapykuéra ha hembipota

ha ihuisiokuérare Moisés léipe he'iháicha.

6 Heẽ, ha'e peême hetave ha'ekuéra ojapo hína upéva, ha jesareko ijoja'yva reheve oñeha'ã hína hikuái ogueru hağua ijoy-ke'ykuéra rembyrépe añetegua jeikuaápe; upévare heta ojoaju hikuái hendivekuéra opa ára.

7 Ha péina ápe, peikuaa pendejehégui, ha'éhague testígo, opa ijapytepekuéra oğuahẽva añetegua jeikuaápe, ha oikuaáva ituvakuéra jepokuaa rembiapovaikuéragui, ha ojegueraha chupekuéra oguerovia hağua umi escritura, heẽ, profesia-kuéra ohaiva'ekue profetakuéra marangatu, ogueraháva chupekuéra Ñandejára jeroviápe, ha arrepentimiéntope, upe jerovia ha arrepentimiénto oguerúva chupekuéra peteĩ korasõ ñemoambue—

8 Upévare, mayma oğuahẽva upévape, peikuaa pendejehégui noñemovái ni nosẽiha ijeroviá-gui, ha umi mba'e oñemosãso haguépe chupekuéra.

9 Ha peikuaa avei oñotyhague hikuái hi'arma ñorairõguasurã, ha okyhyje oiporu hağua umíva ani peichahágui ojapo hikuái angaipa; heẽ, pehecha okyhyjeha ojapo hağua angaipa—ha péina ápe oheja hikuái ihayhu'yhakuéra opyrũ ha ojuka chupekuéra, ha nomopu'ái hikuái kysepuku hesekuéra, ha upéva ijerovia rupi Cristo rehe.

10 Ha ko'ága, iñemovã'ykuéra rupi ogueroviáramo hikuái umi

ogueroviáva, ojehesape vove chupekuéra iñemovã'ỹkuérare, péina ápe, Ñandejára ohovasáta chupekuéra ha ombopukúta hi'arakuéra hembiapovairamo jepe hikuái—

11 Heẽ, ho'áramo jepe hikuái jeguerovia'ỹme Ñandejára ombopukúta hi'arakuéra, oꝓuahẽ meve ára ñande rukuéra oñe'ẽhague, ha avei proféta Zenós, ha heta ambue profetakuéra, ñande joyke'ykuéra ñemoĩjey rehegua, lamanita-kuéra, añetegua jeikuaa jeýpe.

12 Heẽ, che ha'e peẽme, Ñandejára ñe'ẽme'ẽnguéra ojeipysoha ñande joyke'y, lamanita-kuérape, upe ára pahápe; ha jepe heta jehasa'asy ohasáta hikuái, ha jepe oñemosẽta chupekuéra peteĩgui ambue hendápe pe vyv ape ári, ha oñemuñáta chupekuéra, ha ojeipy'ajopýta ha oñemosarambíta, oguereko'ỹme moõpa okañýta, Ñandejára oiporiahuverekóta chupekuéra.

13 Ha upéva profesíape he'iháicha ojeguerejeytaha chupekuéra añetegua jeikuaápe, ha'éva Irredentor jeikuaa, ha tuicha ha pe añetegua ijovecharerekuágui, ha ojeipapáta hikuái ijovecha apytepekuéra.

14 Upéva che ha'e peẽme, iporãvetaha chupekuérape ĝuarã peẽmegui napeñearrepentíriramo.

15 Ha péina ápe, chupekuéra ojehechaukárيره tembiapo hechapyrãva peẽme ojehechaukava'ekue, heẽ, ko'ã

ho'ava'ekue jeguerovia'ỹme ituvakuéra jepokuaa rupi, ikatu pehecha pendejhegui araka'eve ndo'aijeyva'erãmo'ã hikuái jeguerovia'ỹme.

16 Upéva, Ñandejára he'i: Nahundipamo'ãi chupekuéra, ha katu ajapóta ára che arandúpe tou jey hikuái chéve, he'i Ñandejára.

17 Ha péina ápe, he'i Ñandejára, nefita tavayguakuéra rehe: Noñearrepentíriramo hikuái, ha noñeha'airamo ojapo haꝓua che rembipota, ahundipaitéta chupekuéra, he'i Ñandejára, ijeguerovia'ỹkuéra rupi jepeve hetaite tembiapo techapyrã che ajapova'ekue ijapytepekuéra; ha añetehápe oikoveháicha Ñandejára oikóta ko'ã mba'e, he'i Ñandejára.

ÑEMBYATY 16

Nefi omongarai Nefita-kuéra ogueroviáva Samuel-pe—Ndaikatúí ojuka Samuel-pe nefita-kuéra oñearrepenti'ỹva ita ha hu'ykuéra—Oĩ omohatáva ikorasõ, ha ambue katu ohecha angelkuéra—Umi oguerovia'ỹva he'i naiñaranduiha Cristo rehe jeguerovia ni pe ijeju Jerusalén-pe. 6–1 ary rupi Cristo mboyve.

HA ko'áğa, oĩ heta ohendúva Samuel, upe lamanítape, oñe'ẽva'ekue tavaguasu tápia guive. Ha opavave ogueroviáva iñe'ẽ oho ha oheka Nefi-pe; ha oho ha ojuhu rire hikuái chupe

okonfesa iñangaipakuéra ha nonegái, oñemongaraisévo Ñandejárape.

2 Ha katu opavave ndogueroviáiva Samuel ñe'ẽ ipochy hendive; ha omombo hese ita upe tápia ári, ha avei heta oha'ã chupe hu'y reheve oĩ aja tápia ári; ha katu Ñandejára Espíritu oĩkuri hendive, upévare ndaikatúi ojapi hikuái chupe ijita ni ihu'ykuérape.

3 Ko'ága ohechávo hikuái ndaikatuiha ojapi chupe, oĩ hetaitereive ogueroviáiva iñe'ẽ, upéicha rupi oho Nefi-pe oñemongarai haḡua.

4 Ha péina ápe, Nefi oporomongarai, ha oprofetisa, ha oporombo'e, ojerurévo arrepentimiénto umi tavayguakuérape, ohechaukávo techaukaha ha mba'eguasukuéra, ha ojaíso milágro tavayguakuéra apytépe, oikuaa haḡua hikuái pe Cristo outamaha—

5 Oñe'ẽvo chupekuéra mba'e oikopotáva rehe, oikuaa ha imandu'a haḡua hikuái ára oiko vove ko'áva oikuaaauhague chupekuéra upe mboyve, oñeha'ávo oguerovia haḡua hikuái; upévare opavave ogueroviáiva Samuel ñe'ẽ oho Nefi rendápe oñemongarai haḡua, oḡuahēgui hikuái arrepentimiéntope ha okonfesa iñangaipakuéra.

6 Ha katu hetave ijapytepekuéra ndogueroviái Samuel ñe'ẽ; upévare ohechávo ndaikatuiha ojapi chupe ijita ni ihu'ykuérape, osapukái imburuvichakuérape,

he'ívo: Pejagarra ha pejokua chupe, péina ápe oĩgui ipype aña; ha pe aña oĩva ipype pu'aka rupi ndaikatúi rojapi chupe ore ita ni ore hu'ykuérape; upévare pejagarra ha pejokua chupe, ha pegueraha.

7 Ha ohóvo hikuái omoĩ haḡua hese ipo, péina ápe, ojeity upe tápiagui, ha okañy hetāguikuéra, heẽ, jepe hetā meve, ha oñepyrũ ombo'e ha oprofetisa itavayguakuéra apytépe.

8 Ha péina ápe, araka'eve noñehenduvéiva chugui mba'eve nefita-kuéra apytépe; ha upéicha oĩkuri tavayguakuéra ñeime.

9 Ha péicha opákuri ary ochenta y seis huekuéra ñeisāmyhy Nefi tavayguakuéra ári.

10 Ha péicha opákuri avei ary ochenta y siete huekuéra ñeisāmyhy, opytávo hetave tavayguakuéra ijorgúllo ha hembiapoñañáme, ha tenda mbovyvéva oguatávo jesarekovépe Tupã renondépe.

11 Ha péicha oñeimékuri avei, ary ochenta y ocho huekuéra ñeisambyhýpe.

12 Ha oĩkuri mbovy ñemoambue tavayguakuéra ñeimépe, ndaha'éiramo tavayguakuéra oñepyrũ hatāve tembiapovaípe, ha ojapo japove umi oñemoĩva Tupã rembiapoukapykuérare, ary ochenta y nueve huekuéra ñeisambyhýpe.

13 Ha katu ojehu ary ochenta y nueve huekuéra ñeisambyhýpe, ojehechauka tavayguakuérape heta techaukaha, ha

mba'eguasukuéra; ha oñepyrũ oñekumpli profetakuéra ñe'ẽ.

14 Ha ojehechauka angelkuéra yvyporakuérape, yvyporakuéra iñarandúvape, ha he'i chupekuéra mba'e porã pyahu; upéicha ko arýpe oñepyrũ oñekumlipa umi escritura.

15 Upevére, tavayguakuéra oñepyrũ omohatã ikorasõ, maymáva ndaha'éiriramo umi ojeroviavéva ijapytepekuéra, nefita-kuéra ha lamanita-kuéra apytépe, ha oñepyrũ ojerovia hikuái imbarete ha iñarandu rehe, he'ívo:

16 Oïkuri mba'e ikatúva ojaserta hikuái, heta mba'e apytégui; ha katu péina ápe, roikuaa ko'ã tembiapo tuicha ha hechapyrãva oñeñe'ẽhague ndaikatuilha oiko.

17 Ha oñepyrũ ojepy'amongeta hikuái ha ojoavy oñondivekuéra, he'ívo:

18 Naiñarandúi niko outaha peteĩ tekove Cristo-ichagua; upéicharamo, ha ha'éramo Tupã ra'y, yvága ha yvy Túva, oje'e haguéicha, mba'ére piko ndojehechaukamo'ãi ñandéve umi oíva Jerusalén-peicha?

19 Heẽ, mba'ére piko ndojehechaukamo'ãi ko tetãme Jerusalén retãmeicha?

20 Ha katu péina ápe, ore roikuaa péva ha'éha peteĩ jepokuaa ñaña, ohejava'ekue oréve ore rukuéra, ogueroviauka haña oréve peteĩ mba'e tuicha ha hechapyrãva oikótava, ha katu ndaha'éi ore apytépe, ha katu

peteĩ tetã mombyry oivape, tetã ndoroikuaaiva; upévare ikatu oreguereko hikuái jeikuaa'ỹme, ndaikatúigui rohecha ore resápe añeteguaha.

21 Ha ha'ekuéra, japu rupi ha aña katupyry mba'eñemimby rupi, oja póta tuicha mba'eñemimby ore ndaikatúiva roikũmby, ha péva orejokóta ha'e haña iñe'ẽnguéra rembiguái, ha hembiguaikuéra avei, roñesaingógui hesekuéra orembo'e haña hikuái upe ñe'ẽ; ha péicha oreguerekóta hikuái jeikuaa'ỹme opa ára roikove aja roñemoiramo ipoguypekuéra.

22 Ha hetave mba'e tavayguakuéra oñandu ikorasõme, mba'erei ha vyrerei; ha oĩ hikuái korasõpererépe, Satana omokyre'ỹ memégui chupekuéra ojapo haña tembiapovai; heẽ, oiko oñotývo ñe'ẽ japu ha joavy opa yvy ape ári, omohatã haña tavayguakuéra korasõ umi mba'e iporãva ha umi outava rehe.

23 Ha jepeve umi techaukaha, ha mba'eguasú ojejapóva Ñandejára tavayguakuéra apytépe, ha heta milágro oja póva hikuái, Satana ohupyty tuicha pu'aka tavayguakuéra korasõ ári opa pe yvy ape ári.

24 Ha péicha opákuri ary noventa huekuéra ñeisãmbyhy Nefi tavayguakuéra ári.

25 Ha péicha opákuri Helamán kuatione'ẽ, Helamán ha ita'yra kuéra kuatione'ẽ oiháicha.

MBOHAPYHA NEFI NEFI KUATIAÑE'Ĕ

NEFI RA'Y, HA'EVA'EKUE HELAMÁN RA'Y

Ha Helamán ha'ékuri Helamán ra'y, ha'éva Alma ra'y, ha'éva'ekue Alma ra'y, Nefi ñemoñare ha'éva'ekue Lehi ra'y, upe oséva'ekue Jerusalén-gui peteïha ary Sedequías Judá-pegua rréi rreinádope.

NEMBYATY 1

Nefi, Helamán ra'y, osé upe tetāgui, ha ita'yra Nefi oñongatu umi kuatiajehaipyre—Jepeve oï heta techaukaha ha mba'eguasú, iñañáva ojapo plan ojuka hağua hekojojávape—Oğuahē Cristo heñoihague pyhare—Oñeme'ē techaukaha, ha ojekuaa peteï mbyja pyahu—Oñembohetave japu ha añetegua'y, ha Gadiantón mondahakuéra ojuka hetápe. 1–4 ary rupi Cristo rire.

KO'ÁĞA ojehu ary noventa y uno opákuri ha ohasáma seisiénto ary ára Lehi osēhague Jerusalén-gui; ary Laconeo ha'éramoguare hue guasu ha tetā sāmbhyyhára opa upe tetāme.

2 Ha Nefi, Helamán ra'y, osékuri Zarahemla retāgui, ome'ēvo ita'yra Nefi-pe, ha'éva ita'yra ypykue, umi pláncha bronze-guigua, ha opa kuatiajehaipyre oñeñongatuvá'ekue, ha opa umi mba'e oñeñongatuvá'ekue marangatúpe Lehi osē guive Jerusalén-gui.

3 Upe rire ha'e osē upe tetāgui, ha moõpa oho, avave ndoikuaái; ha ita'yra Nefi ogueraha umi kuatiajehaipyre ha'erangue, heē, ko tavayguakuéra kuatiajehaipyre.

4 Ha ojehu oñepyrũvo ary noventa y dos; péina ápe, oñepyrũ oñekumpliave profetakuéra profesía; oñepyrũgui oï techaukaha tuichavéva ha ojejapo milágro tuichavéva tavayguakuéra apytépe.

5 Ha katu oï he'íva ohasamáma ára oñekumpli hağua umi ñe'ē, he'íva'ekue Samuel, upe lamanita.

6 Ha oñepyrũ opuka hikuái ijoyké'ykuérare, he'ívo: Péina ápe ohasáma pe ára, ha noñekumplíri Samuel ñe'ē; upévare, mba'erei ra'e pende vy'apavē ha pende jerovia ko'ā mba'e rehe.

7 Ha ojehu ojapo hikuái tuicha ayvu opa upe tetā rupi; ha tavayguakuéra ogueroviáva oñepyrũ ojepy'apyeterei, ani mba'e peichahágui ndojehúí umi mba'e oje'eva'ekue oikotaha.

8 Ha katu péina ápe, oha'arõkuri hikuái ñemovā'yme upe ára ha pyhare ha ambue ára ñeğuahē ha'éva peteï áraichante ndaiporiramoguáicha pyhare, oikuaa hağua hikuái ijeroviakuéra ndareírihague.

9 Ko'áğa ojehu umi ogueroviáyva omoï peteï ára, ojejukava'eráhame mayma ogueroviáva

umi jepokuaa rehe, oiko'ýramo upe techaukaha, ome'ëva'ekue proféta Samuel.

10 Ko'áğa ojehu Nefi, Nefi ra'y, ohechávo itavayguakuéra rembiapoñaña, ikorasõ ojepy'apyeterei.

11 Ha ojehu oho ha oñesũ yvýpe, ha ojerure'asy Itupãme itavayguakuéra ñeimeporãre, heẽ, umi oñehundipotaitéva oguerovia haguére ituvakuéra jepokuaa.

12 Ha ojehu ha'e ojerure'asy Ñandejárape opa upe ára pukukue; ha péina ápe, Ñandejára ñe'ẽ ou chupe, he'ívo:

13 Emopu'ã ne akã ha evy'a; ha péina ápe, pe ára oġuahẽma, ha ko pyharépe oñeme'ëta pe techaukaha, ha ko'ërõ che ajúta yvórape, ahechauka haġua yvórape akumpliataha umi che ha'eukava'ekue che profetakuéra marangatu juru rupi.

14 Péina ápe, che aju chemba'ekuérape, akumpli haġua opa mba'e che aikuaaukava'ekue yvypóra ra'ykuérape yvóra ñepyrũmby guive, ha ajapo haġua, peteicha Túva ha Ta'ýra rembipota—Túva rembipota che rupi, ha pe Ta'ýra che rete rupi. Péina ápe, oġuahẽma ára, ha ko pyharépe oñeme'ëta upe techaukaha.

15 Ha ojehu oñekumpli umi ñe'ẽ oñeme'ëva'ekue Nefi-pe, oje'e haguéicha; ha péina ápe, pe kuarahy oikévo ndaipórikuri pytũ; ha tavayguakuéra oñepyrũ oñemondýi napytũigui oúvo upe pyhare.

16 Ha oikuri heta, ndogueroviaiva'ekue profetakuéra ñe'ẽ, ho'áva yvýpe ha opyta omanoramoguáicha, oikuaágui hikuái oñembyaiha pe plan ñehundirã tuicháva ojaposeva'ekue hikuái umi ogueroviáva profetakuéra ñe'ẽ rehe; pe techaukaha oñeme'ëva'ekue oĩmagui upépe.

17 Ha oñepyrũ oikuaa hikuái Tupã ra'y pya'e ojehechaukatamaha; heẽ, peteĩ ñe'ẽme, opa tavayguakuéra yvy ape arigua kuarahyreike guive kuarahyresẽ meve, yvy nortegua ha surpegua, oñemondyieterei hikuái ho'a peve yvýpe.

18 Oikuaágui hikuái profetakuéra otestifikahague ko'ã mba'égui heta ary aja, ha pe techaukaha oñeme'ëva'ekue oĩmaha hendepekuéra; ha oñepyrũ okyhyje hikuái hembiapovai ha ojerovia'ý haguére.

19 Ha ojehu ndaipóri pytũ opa upe pyhare aja, ha katu hesakã asajeramoguáicha. Ha ojehu pyhareve osẽ jey kuarahy, osẽháicha jepivoi; ha oikuaa hikuái upéva ha'eha pe ára heñoiva'erãha Ñandejára, upe techaukaha oñeme'ëva'ekue rupi.

20 Ha ojuhúkuri, heẽ, opa mba'e, opa pehẽngue'i, profetakuéra ñe'ẽme he'iháicha.

21 Ha ojehu ojekuaa avei peteĩ mbyja pyahu, upe ñe'ẽme he'iháicha.

22 Ha ojehu upe ára guive Sataña oñepyrũ omosarambi japu tavayguakuéra apytépe, omohatã haġua ikorasõkuéra, ani haġua

oguerovia hikuái umi techaukaha ha mba'eguasukuéra ohecha-va'ekue; ha jepeve ko'ã japu ha añetegua'ỹ, hetave tavayguakuéra oguerovia, ha oñekonverti Ñandejárape.

23 Ha ojehu Nefi osẽ tavayguakuéra apytépe, ha avei heta ambue, oporomongaraívo arre-
pentimientorã, ha upéva rupi oĩ peteĩ tuicha angaipa jora. Ha péicha tavayguakuéra oñepyrũ ipy'aguapy jey upe tetãme.

24 Ha ndaipórikuri joavy, ndaha'éiramo mbovymi oñepyrũva ombo'e, oñeha'ãvo ohechauka umi escritura rupive natekotevẽi-maha oñeñe'érendu Moisés léire. Ko'ágã upévape ojavy hikuái, noikũmbýigui umi escritura.

25 Ha katu ojehu nda'aréi oñekonverti hağua hikuái, ha ohecha oĩha jejavyépe, ojeikuaaukágui chupekuéra pe léi ne-
ĩra gueteriha oñekumpli, ha oñekumpliva'erãha opaite mba'épe; heẽ, oğuahẽ chupekuéra ñe'ẽ tekotevẽha oñekumpli; heẽ, ni peteĩ hóta ni peteĩ tilde ndohasamo'ãiha oñekumpli mboyve opa mba'e; upévare ko arýpe ojeikuaauka chupekuéra ijeyavy ha okonfesa hikuái hembiapovaikuéra.

26 Ha péicha opákuri ary noventa y dos, oguerúvo mba'e porã pyahu tavayguakuérape umi techaukaha ojehechaukava'ekue rupi, opavave profetakuéra marangatu ñe'eme he'iháicha.

27 Ha ojehu ary noventa y tres ohasa avei py'aguapyépe,

ndaha'éiramo Gadiantón mondahakuéra rupi, oikóva umi yvytýpe, ha omyenyhẽva upe tetã; imbaretetereígui henda mo'ãha ha henda kañyhakuéra tavayguakuéra ndaikatúí ipu'aka hesekuéra; upévare ojapo hikuái heta jejuka, ha ogueru tuicha ñemano tavayguakuéra apytépe.

28 Ha ojehu oñepyrũ hetaiterei hikuái ary noventa y cuatro-pe, oĩgui heta nefita-kuéra osẽva'e-kue oho ijapytepekuéra, ha upéva ogueru tuicha vy'a'ỹ nefita-kuéra opytava'ekuépe upe tetãme.

29 Ha oĩ avei tuicha jepy'apyrã lamanita-kuéra apytépe; ha péina ápe, oguereko hikuái ta'yrakuéra okakuaáva ha oñembotuicháva ohóvo arýpe, ojapo hağua mba'e ijeheguikuéra, ha oĩ zoramita, ogueraháva chupekuéra ijapu ha ñe'ẽ tie'ỹme, ojoaju hağua hikuái umi Gadiantón mondahakuéra ndive.

30 Ha upéicha oñemoingo'asy avei lamanita-kuérape, ha oñepyrũ omomichĩ hikuái ijerovia ha hekojoja, umi ñemoñare pyahu rembiapovai rupi.

ÑEMBYATY 2

Tembiapoñaña ha tembiapoky'a hetave tavayguakuéra apytépe—Nefita ha lamanita-kuéra ojoaju oñemo'ã hağua Gadiantón mondahakuéragui—Lamanita-kuéra oñekonvertiva'ekue oñemomorotĩ hikuái ha oñehenói chupekuéra nefita. 5–16 ary rupi Cristo rire.

HA ojehu upéicha ohasa avei ary noventa y cinco, ha tavayguakuéra oñepyrũ hesarái umi techaukaha ha mba'eguasukuéra ohechava'ekue, ha oñepyrũ oñemondyí ÿve ohóvo peteĩ techaukahágui térã mba'eguasúva yvágagui, upéicha rupi oñepyrũ omohatã hikuái ikorasõ, ha omoypytyũ ñnapytu'ũnguéra, ha oñepyrũ ndogueroviavéi hikuái opa mba'e ohecha ha ohenduvá'ekue—

2 Oimo'ãvo mba'erei ikorasõkuérape, umíva oikoha kuimba'ekuérare ha ãña pu'aka rupi, ombojere ha ombotavy haña tavayguakuéra korasõ; ha péicha Satana ojagarrajey tavayguakuéra korasõ, upéicha rupi omoypytyũ hesakuéra ha ogueraha chupekuéra oguerovia haña hikuái pe Cristo doctrina ha'eha peteĩ vyrorei ha mba'erei.

3 Ha ojehu tavayguakuéra oñepyrũ imbaretete tembiapoñaña ha tembiapoky'ápe; ha ndogueroviái hikuái ojehechavetaha techaukaha ha mba'eguasukuéra; ha Satana oiko opárupi, ombojerévo tavayguakuéra korasõ, oipy'ara'ãvo chupekuéra ha ojapoukávo chupekuéra tuicha tembiapoñaña upe tetãme.

4 Ha péicha ohasákuri ary noventa y seis; ha avei ary noventa y siete; ha avei ary noventa y ocho; ha avei ary noventa y nueve.

5 Ha avei ohasámakuri cien ary Mosíah ára guive, ha'eva'ekue rréi nefita tavayguakuéra ári.

6 Ha ohasámakuri seicientos nueve ary Lehi osẽhague Jerusalén-gui.

7 Ha ohasámakuri nueve ary ojehechauhague upe techaukaha, profetakuéra oñe'ẽhague, pe Cristo outaha yvórape.

8 Ko'ãga nefita-kuéra oñepyrũ oipapa hí'ára ojehechauka guive upe techaukaha, térã Cristo jeju guive; upévare, ohasámakuri nueve ary.

9 Ha Nefi, pe Nefi ru, upe oguerekova'ekue hendive kuatiajehaipyrekuéra, ndojevyíjey Zarahemla retãme, ni ndaikatúikuri ojejuhu chupe opa upe tetãme.

10 Ha ojehu tavayguakuéra opyta gueteri hembiapoñaña, jepeve heta ñehekombo'e ha profesiakuéra oñemondóva ijapytepekuéra; ha upéicha ohasa avei ary dẽsimo; ha ary once ohasa avei tembiapovaípe.

11 Ha ojehu ary trece-pe oñepyrũ oĩ ñorairõguasúva ha joavy opa upe tetãme; Gadiantón mondahakuéra hetaitereígui, ha ojuka hikuái heta tavayguakuérape, ha omonandi hikuái heta tavaguasu, ha omosarambi hikuái heta jejuka ha mba'evai opa upe tetãme, upévare oñeikotevẽ opavave tavayguakuéra, nefita ha lamanítava, tojagarra umi árma hesekuéra.

12 Upévare, opa lamanita-kuéra oñekonvertiva'ekue Ñandejárape ojoaju ijyoke'ykuéra, nefita-kuéra, ndive, ha oñemyaña chupekuéra, omo'ã haña hekovekuéra ha

hembireko ha ita'yraquérape, ojarra hağua umi árma Gadiantón mondahakuéra rehe, heë, ha avei oñongatu hağua iderechokuéra, ha itupao ha itupaitũkuéra mba'éva, ha isãso ha hekosãsokuéra.

13 Ha ojeju opa mboyve ko ary trece oñemoñe'ëpohýu nefitakuéra ári peteĩ ñehundipaite ko ñorairõguasu rupi, ivaietereíva.

14 Ha ojeju umi lamanita-kuéra ojoajuva'ekue nefita-kuérare ojeipapa nefita-kuéra apytépe.

15 Ha ojeipe'a chuguikuéra iñemoñe'ëngái, ha ipirekuéra morotĩ nefita-kuéra piréicha;

16 Ha ikuimba'ekuéra imitãva ha itajyakuéra iporãiterei, ha ojeipapa chupekuéra nefita-kuéra apytépe, ha oñehenói chupekuéra nefita. Ha péicha opákuri ary trece.

17 Ha ojeju oñepyrũvo ary catorce, oive ñorairõguasu umi mondaha ha Nefi tavayguakuéra apytépe ha ivaieterei; upevére, Nefi tavayguakuéra ipu'aka'imi umi mondaháre, upéicha rupi omosë chupekuéra hetãgui vyty ha henda ñeminguérape.

18 Ha péicha opákuri ary catorce. Ha ary quince-pe ou hikuái Nefi tavayguakuéra rehe; ha Nefi tavayguakuéra tekoñaña rupi, ha heta ijoavy ha iñesënguéra rupi, Gadiantón mondahakuéra heta ipu'akave hesekuéra.

19 Ha péicha opákuri ary quince, ha péicha oĩkuri tavayguakuéra heta jhasa'asy ñeimépe; ha ñehundi kysepukúpe oĩma hí'arikuéra,

upéicha rupi haimete oipy'ajopy chupekuéra, ha péva hembiaopovaíre hikuái.

ÑEMBYATY 3

Giddiani, Gadiantón mburuvicha, ojerure Laconeo ha nefita-kuérape toñemoi ipoguypekuéra ha tome'ë hikuái ijyvy—Laconeo ohenói Giddioni-pe ha'e hağua mburuvicha guasu umi ehérsito ári—Nefitakuéra oñembyaty Zarahemla ha Abundancia retãme oñemo'ã hağua. 16–18 ary rupi Cristo rire.

HA ko'ága ojeju ary diesiseis-pe Cristo ou rire, Laconeo, upe tetã sãmbyhyhárape, oñemoğuahë peteĩ kuartiañe'ë ko mondaha aty mburuvicha ha sãmbyhyháragui; ha ko'áva ha'e ñe'ë ojehaiva'ekue, he'ívo:

2 Laconeo, sãmbyhyhára hekoporãvéva ha tuichavéva upe tetãme, péina ápe, che ahai ndéve ko kuartiañe'ë, ha ame'ë ndéve tuicha ñemomorã ndejeroviareko haguére, ha avei nde tavayguakuéra ijeroviareko haguére, peñongatúvo peë peimo'áva ha'e pende derécho ha pende rekosãso; heë, pejapo porã pejesarekóvo, pendejokoramoguáicha peteĩ tupã po, pemo'ã hağua pende rekosãso, ha pende vyty, ha pene retã, térã péicha peë pehenóiva.

3 Ha ha'ete chéve peteĩ mba'e-asy, Laconeo guasu, tapenearendu'y ha penemba'erei peimo'ã

hağua ikatuha peñemo'ã hetaite kuimba'e ipy'aguasúva aguerekóvagai chendive, ko'áğa oíva umi árma ári, ha oha'arõ'asýva hína oje'e chupekuéra—Tapeho pe'a nefita-kuéra ári ha pehundi chupekuéra.

4 Ha che, aikuaa ijepiritukuéra oñeisãbyhy'ýva, amoĩguikuri chupekuéra py'ara'ãme ñorairõ aja, ha aikuaávo jehayhu'ý opave'ýva oguerekóva hikuái penderhe hetaite mba'evai pejapova'ekuere hesekuéra, upévale ho'áramo hikuái pende ári oúta peẽme ñehundipaite reheve.

5 Upévale che ahaikuri ko kuaña'ẽ, asellávo che po rupive, ajepy'apyvo pene ñeimeporã rehe, pende jeroviarekógui umi pegueroviávare ijojaha, ha pende espíritu hekoporãva rupi pe ñorairõme.

6 Upévale che ahai ndéve, reme'ẽ hağua che tavayguakuérape, pende tavaguasukuéra, pene retã, ha pene mba'ekuéra, aju mboyve peẽme kysepuku reheve ha ou peẽme ñehundi.

7 Térã ambue ñe'ẽme, peñemoĩ ore poguýpe ha pejoaju orendive, ha peikũmby ore rembiapo ñemi, ha toiko pendehegui ore joyke'ykuéra ha'e hağua oréicha—nda ha'ei ore rembiguái, ha katu ore joyke'ykuéra ha ore angirũ opa ore mba'évape.

8 Ha péina ápe, che ha'eporã ndéve, ñe'ẽme'ẽ reheve, pejapóramo upéva, napeñehundimo'ãi; ha katu ndapejapóramo upéva, che ha'eporã ndéve ñe'ẽme'ẽ

reheve, ko'ērõ ha'etaha che eher-sitokuérape tou pende rehe, ha ndojokomo'ãi hikuái ipo ni noperdonamo'ãi, ha katu pendejukáta, ha oityta kysepuku pende ári peñehundipa peve.

9 Ha péina ápe, che ha'e Giddiani; ha che ha'e ko Gadiantón aty ñemi sãmyhyhára; ha aikuaa ko aty ha hembiapokuéra oĩporãha; ha ha'e ymaguaréva ha oñeme'ekuri oréve.

10 Ha che ahai ndéve ko kuaña'ẽ, Laconeo, ha aha'arõ peme'ẽ pene retã ha pene mba'ekuéra, tuguy ñeñohe'ýre, ko che tavayguakuéra ohupytyjey hağua iderécho ha hetã ñeisãmyhy, umi oséva'ekue pendehegui penerembiapoñaña haguere napeme'ëivo chupekuéra iderécho upe tetã ñeisambyhýpe, ha ndapejapóramo kóva, che avengáta iñeko'õikuéra. Che ha'e Giddiani.

11 Ha ko'áğa ojehu oñemoğua-hẽvo Laconeope ko kuaña'ẽ oñemondyieterei, Giddiani hova'atãite haguere ojerure hağua nefita-kuéra retã, ha avei oñe'ẽpohýi haguere tavayguakuérape, ha ovengasere ñemyrõ umi noñeme'ëiva'ekuépe araka'eve mba'eveichagua ñemyrõ, ndaha'éiramo oñemyrõra'e hikuái ijupekuéra voi ohasakuévo umi mondaha aña ha ijeja'e'ývéva ndive.

12 Ko'áğa péina ápe, Laconeope sãmyhyhára, ha'ekuri peteĩ kuimba'e hekojojáva, ha nomongyhyjeĩ chupe peteĩ mondaha ñe'ẽpohýi ha jerure; upévale

nopenái Giddiani kuatione'ē rehe, mondahakuéra sāmbyhyhára, upevarangue katu ojapo itavayguakuéra ojerure'asy Nandejárape imbarete haḡua hikuái upe ára mondahakuéra oúramo ḡuarā hesekuéra.

13 Heē, ha'e omondo peteĩ ñemomrandu opa tavayguakuéra apytépe, ombyaty haḡua hikuái peteĩ hendápe hambirekokuéra ha imitānguéra, ivaka ha ijovecha'atykuéra, ha opa imba'ehepykuéra, ha ijyvykuéra añónte katu nahániri.

14 Ha ojapouka toñemopu'ã tendambarete ijerekuérare, ha umíva imbaretereíva'erã. Ha ojapouka nefita ha lamanitakuéra ehérsito, térã opavave ojeipapáva nefita-kuéra apytépe, toñemoĩ upe jerére ñangarekoháramo, oñangareko ha omo'ã haḡua chupekuéra umi mondahágui ára ha pyhare.

15 Heē, ha he'i chupekuéra: Ñandejára oikoveháicha, napeñe-arrepentíraramo opa pene rembiapovaikuérargui, ha pejerure'asy Nandejárape, mba'evécharamo ndaikatumo'ãi penesāso umi Gardiantón mondahakuéra pógui.

16 Ha tuichaite ha hechapyrāgui umi Laconeo ñe'ē ha profesía omoinge kyhyje opa tavayguakuéra ári; ha oñeha'ã hikuái opa imbarete reheve ojapo haḡua Laconeo he'iháicha.

17 Ha ojehu Laconeo oiporavo tendota guasu opa nefita-kuéra ehérsito ári, oisāmbyhy haḡua chupekuéra ára umi mondaha

osēramo ḡuarā tave'ygui hesekuéra.

18 Ko'áḡa oñehenói tuichavéva opa tendota apytépe ha mburuvicha guasu mayma nefitakuéra ehérsito apytépe, ha héra Gidgiddoni.

19 Ko'áḡa ojepekuaákuri opa nefita-kuéra apytépe tojeiporavo mburuvicha guasúramo (ndaha'éiramo ára hembiapovai aja hikuái) peteĩ oguerekóva pe espíritu rrevelasiō rehegua ha avei espíritu profesía rehegua; upévare, Gidgiddoni ha'ékuri peteĩ proféta guasu ijapytepekuéra, ha'eháicha avei hue guasu.

20 Ko'áḡa tavayguakuéra he'i Gidgiddoni-pe: Eñembo'e Nandejárape, ha jajupi umi vytytpe tave'yme jajeity haḡua mondahakuéra ári ha ñahundí chupekuéra ijyvýpe.

21 Ha katu Gidgiddoni he'i chupekuéra: Ñandejára tombotove; jaháramo hesekuéra Ñandejára ñanemoíta ipopekuéra; upévare ñañembosako'íta ñande retã mbytépe, ha ñambyatýta opa ñande ehérsito, ha nañasēmo'ãi hesekuéra, ha katu ñaha'arõta ou peve hikuái ñande rehe; upévare Ñandejára oikoveháicha, jajapóramo upéicha ha'e omoíta chupekuéra ñande pópe.

22 Ha ojehu ary diesisiétepe, ary pahávo, Laconeo momrandu ohókuri opa upe yvy ape ári, ha ombyatýkuri hikuái ikavajukuéra, ha ikárro, ha hymba, ha ivaka ha ijovecha'atykuéra, ha hi'yvara'yí, ha opa imba'ehepykuéra,

ha oguata miles ha decenas de miles, maymáva oġuahē peve upe tenda ojeiporavova'ekuēpe oñembyatyvo hikuái, oñemo'ã haġua ihayhu'ŷhakuérágui.

23 Ha tenda ojeiporavova'ekue ha'e Zarahemla retã, ha tetã oíva Zarahemla ha Abundancia retã mbytépe, heë, upe tape oíva upe línea ohóva tetã Abundancia ha tetã Desolación mbyte peve.

24 Ha oíkuri heta miles tavayguakuéra oñehenóiva nefita, oñembyatyva ko tetãme. Ko'áġa Laconeo ombyatyka chupekuéra yvy surguápe, pe tuicha ñe'engái oĩ haguére yvy norteguápe.

25 Ha oñemombarete hikuái ihayhu'ŷhakuéra rehe; ha oiko hikuái peteĩ tetãme, ha peteĩ atýicha, ha okyhyje hikuái ñe'ẽ Laconeo he'íva'ekuégui, upéicha rupi oñearrepenti hikuái opa iñangaipágui; ha ohupi hikuái iñembo'e Ñandejára Itupãme, omosãso haġua chupekuéra ára ihayhu'ŷhakuéra ou vove hesekuéra ñorairõme.

26 Ha ohasa'asyeterei hikuái ihayhu'ŷhakuéra rupi. Ha Gidgiddoni ojapouka chupekuéra opáichagua árma ñorairõġuasurã, ha oñemombarete haġua hikuái armadúra reheve, ha mo'ãha ha jyvamo'ãha reheve, oñeheko-mbo'e haguéicha chupekuéra.

ÑEMBYATY 4

Nefita-kuéra ehérsito ipu'aka Gadiantón mondahakuérare—Gíddiani

ojejuka, ha hendaguepegua, Zemnáriah, oñemosaingo—Nefita-kuéra omomorã Ñandejárape ohupytyva'e-kuére. 19–22 ary rupi Cristo rire.

HA ojehu opakuévo ary diesiocho umi mondaha ehersitokuéra oñembosako'í ñorairõrã, ha oñepyrũ oguejy ha osẽ tenda yvatégui, ha yvyty, ha tave'ŷgui, ha hendambarete, ha henda ñemimbygui, ha oñepyrũ ojagarra hikuái umi tetã, tetã nortegua ha tetã surgua, ha oñepyrũ ojagarra hikuái opa tetã nefita-kuéra ohejareiva'ekue, ha umi tavaguasu oñemonandiva'ekue.

2 Ha katu péina ápe, ndaipórikuri mymba saite ni mymba ojejuka haġua umíva umi tetã nefita-kuéra ohejareiva'ekuēpe, ha ndaipóri mymba ojuka haġua umi mondaha ndaha'éiramo tave'ŷmente.

3 Ha umi mondaha ndaikatúí oikove ndaha'éiramo upe tave'ŷmente, ndaipórigui tembí'u; nefita-kuéra omonandíguikuri hetã, ha ombyatykuri ivaka ha imymba'atykuéra ha opa mba'ehepy oguerekóva, ha oñembyaty hikuái peteĩ atýpente.

4 Upévore, ndaipóri mba'éichapa umi mondaha omonda ni ohupytyvo tembí'u, ndohóiramo ñorairõme nefita-kuéra rehe; ha nefita-kuéra oĩ peteĩ atýpente, ha hetaiterei hikuái, ha ogue-reko hikuái hí'upy ha kavaju, ha vaka, ha mymba'aty opáichagua, oikove haġua hikuái siete ary aja, ára oha'arõva ikatutahápe

ohundi hikuái yvy ape árigui umi mondaha; ha péicha opákuri ary diesiocho.

5 Ha ojehu ary diesinuévepe, Giddiani ohecha tekotevêha oho ñorairõme nefita-kuéra rehe, ndoguererekóigui mba'éichapa oikovéta hikuái ndaha'éiramo ñemonda, pokarê, ha jejuka rupive.

6 Ha noñanimái oñemosarambivo hikuái yvy ape ári oñotý haḡua yvara'yí, ani mba'e nefita-kuéra ho'a hi'arikuéra ha ojuka chupekuéra; upévare Giddiani he'i ijehersitokuérape toho upe arýpe ñorairõme nefita-kuérame.

7 Ha ojehu oho hikuái ñorairõme; ha ha'ékuri sexto jasýpe; ha péina ápe, tuicha ha ivaieterei ára ohoramoguare hikuái ñorairõrã; ha oñemonde hikuái mondaha oñemondeháicha; ha ogueraha peteí ovecha pire ilómore, ha oñembopara tuguýpe, ha oñemoakãperõ hikuái, ha oñemo'ã akãmo'ãhápe; ha tuicha ha ivaieterei Giddiani ehérsito ñarmadúra rupi ha oñemboparapágui hikuái tuguýpe.

8 Ha ojehu nefita-kuéra ehérsito, ohechávo mba'éichapa oí Giddiani ehersitokuéra, ho'apaite hikuái yvýpe, ha ohupi ñe'ẽ Ñandejára Itupãme, operdona ha omosãso haḡua chupekuéra ihayhu'yhakuéra pógui.

9 Ha ojehu ohechávo hikuái péva, Giddiani ehersitokuéra oñepyrũ osapukái, ovy'aite-reígui, oimo'ãgui nefita-kuéra

ho'a okyhyjégui ijehersitokuéra oporomondývagui.

10 Ha katu upévape ojavy hikuái, nefita-kuéra ndokyhyjégui chuguikuéra; ha katu okyhyje hikuái Itupãgui ha ojerure'asy hikuái chupe ñemo'ã rehe; upévare, Giddiani ehersitokuéra ou vove hi'arikuéra oí hikuái ñembosako'ípe ipu'aka haḡua hesekuéra; heẽ, ombohová chupekuéra Ñandejára pu'aka reheve.

11 Ha oñepyrũ ñorairõ ko sexto jasýpe; ha tuicha ha ivaieterei upe ñorairõ, heẽ, tuicha ha ivaieterei pe jejuka guasu, jepe ndojeikua-aiva'ekue araka'eve upeichagua jejuka tuichaite opa Lehi tavayguakuéra apytépe osẽ guive Jerusalén-gui.

12 Ha jepeve umi ñe'ẽpohýi ha ñe'ẽme'ẽ ojapova'ekue Giddiani, péina ápe, nefita-kuéra ipu'aka hesekuéra, upéicha rupi ojevuy hikuái henonderãkuéra.

13 Ha ojehu Gidgiddoni he'i ijehersitokuérape omuñava'erãha chupekuéra pe tave'y rembe'y peve, ha ani haḡua ohejarei tapére avave ho'avape ipopekuéra; ha péicha omuña ha ojuka hikuái chupekuéra, pe tave'y rembe'y peve, jepe okumplipa peve hikuái Gidgiddoni he'iháicha.

14 Ha ojehu Giddiani, oñembo'y ha oñorairõva'ekue py'aguasu reheve, oñemuña oñani aja; ha ikane'õvo hetaite oñorairõ haḡuere ohupyty hikuái chupe ha ojuka. Ha péicha ipaha Giddiani upe mondaha.

15 Ha ojehu nefita-kuéra ehérsito

oho jey hendambaretépe. Ha ohasa pe ary diesinueve, ha mondahakuéra ndouvéi ñorairõme; ni ary veintepe ndouvéi hikuái.

16 Ni ary veintiúnope ndoúi hikuái ñorairõme, ha katu oġuahẽ hikuái opáguio omongora haġua Nefi tavayguakuérape; oimo'āgui hikuái omoha'eñóramo chupekuéra hetākuéragui ha ojeréramo hesekuéra opárupi, ha oipe'áramo chuguikuéra imba'ekuéra ambue tetāme, omyañataha chupekuéra oñemoĩ haġua ipoguýpe oipotaháicha hikuái.

17 Ko'āġa, ohenói hikuái ambue mburuvicha, hérava Zemnaríah; upéicha Zemnaríah ha'e pe omoĩukava'ekue ñemongora.

18 Ha katu péina ápe, péva ouporã nefita-kuérape; ndaikatúigui mondahakuéra ojoko upe tenda heta ára ikatu haġuaícha omovã nefita-kuérape, oguereko rupi hikuái heta hí'upyra,

19 Ha ndaipórigui hí'upy mondahakuéra apytépe; ha péina ápe, ndoguerekóigui hikuái mba'eve oikove haġua ndaha'éiramo so'ó, ha ohupyty hikuái upe so'ó tave'ỹme;

20 Ha ojehu sa'ive mymbajekua pe tave'ỹme upéicha rupi mondahakuéra haimete omano ñembyahýigui.

21 Ha nefita-kuéra osẽ meme jeguatápe arakue ha pyharekue, ha ho'a ijehersitokuéra ári, ha omboja'ó chupekuéra miles ha decenas de miles-pe.

22 Ha upéicha Zemnaríah tavayguakuéra ohejase hembipota,

tuichaite ñehundi oúva rupi chupekuéra ára ha pyhare.

23 Ha ojehu Zemnaríah he'í itavayguakuérape omopu'ã haġua upe ñemongora, ha oguata haġua tenda yvy norte mombryryvehápe.

24 Ha ko'āġa, Gidgiddoni oikuaávo ha'ekuéra ojaposéva, ha oikuaávo ikangyha hikuái ndoguerekóigui tembi'u, ha tuichaite mba'evai ojejapova'e-kue ijapytepekuérare, upépare omondo pyharekue ijehérsito, ha ojoko chuguikuéra iñesẽ, ha omoĩ ijehersitokuérape tenda ojevytahárupi hikuái.

25 Ha ojapo hikuái upéva pyharekue, ha oñemotenonde hikuái mondahakuérare, upéicha upe ko'ẽme, ko'áva oñepyrũvo oguata, ojojuhu nefita-kuéra ehérsito ndive henonde ha hapykue gotyo.

26 Ha mondahakuéra oíva sur gotyo avei oñemomombryry hendakuéragui ojevytaha rupi. Ha opa ko'ã mba'e ojejapókuri Gidgiddoni he'ígui.

27 Ha oĩ hetaiterei miles ijapytepekuéra oñemoíva prisionéramo nefita-kuéra poguýpe, ha hembyrépe ojuka hikuái.

28 Ha ojagarra hikuái imburuvichakuéra, Zemnaríah-pe, ha omo-saingo chupe peteĩ vyvra rehe, heẽ, pe vyvra rakāgui omano meve. Ha omo-saingo rire chupe omano meve, oity hikuái upe vyvramáta yvýpe, ha osapukái, he'ívo:

29 Ñandejára toñongatu

itavayguakuérape tekojoja ha korasō marangatúpe, ojeity ha-
 ġua yvýpe opavave ojukaséva
 chupekuéra pu'aka ha mba'evai
 ñemi rupi, jepeve ojeity haguéi-
 cha ko kuimba'épe yvýpe.

30 Ha ovy'a hikuái, ha osa-
 pukái jey peteĩ ñe'ême, he'ívo:
 Abraham Tupã, ha Isaac Tupã,
 ha Jacob Tupã tomo'ã ko tavay-
 guakuérape tekojojápe, ohenói
 aja pukukue Itupã réra ojerurévo
 ñemo'ã rehe.

31 Ha ojeju opurahéi hikuái,
 oñondivepa, ha omomorã Itu-
 pãme tuichaite mba'eporã ojapo-
 va'ekue hesekuérare, oñongatúvo
 chupekuéra ani haġua ho'a ihay-
 hu'ýhakuéra pópe.

32 Heẽ, ha ojerure'asy hikuái:
 Hosana Tupã Ijyvatevévape. Ha
 ojerure'asy hikuái: Tojehovasa
 Tupã Ñandejára Ipu'akapáva
 réra, Tupã Ijyvatevéva.

33 Ha ikorasōkuéra henyhẽ
 vy'apavẽgui, oñohẽ meve heta
 tesay, Tupã py'aporã guasu rupi
 omosāsóvo chupekuéra ihay-
 hu'ýhakuéra pógui; ha oikuaa
 hikuái ha'ehague iñarrepenti-
 miénto ha iñemomirĩ rupi ojei-
 pe'aha chupekuéra peteĩ ñehundi
 opave'ývagui.

ÑEMBYATY 5

*Nefita-kuéra oñearrepenti ha oheja
 iñangaipakuéra—Mormón ohai
 itavayguakuéra rembiasakue ha
 omombe'u upe ñe'ẽ ijapyra'ýva—
 Israel oñembyatýta iñemosarambi*

*pukúgui. 22–26 ary rupi Cristo
 rire.*

Ha ko'áġa péina ápe, ndaipóri oi-
 kovéva opa nefita tavayguakuéra
 apytépe odudáva ni michĩmi opa
 ñe'ẽ he'iva'ekue profetakuéra
 marangatu; oikuaágui hikuái
 tekotevéha oñekumpli.

2 Ha oikuaa hikuái tekote-
 véha Cristo oúkuri, hetaite
 techaukaha oñeme'ẽva'ekuére,
 profetakuéra oñe'ẽ haguéicha;
 ha umi mba'e oikomava'ekue
 rupi opavave oikuaa tekotevéha
 oñekumpli opa mba'e oñeñe'ẽ
 haguéicha.

3 Upévore oheja hikuái opa
 iñangaipakuéra, ha hembia-
 poky'akuéra, ha hembiapovaikuéra,
 ha oipytyvõ hikuái Tupãme jes-
 rekópe ára ha pyhare.

4 Ha ko'áġa ojeju ojagarra rire
 hikuái opavave mondahakuérape
 prisionéroramo, upéicha rupi
 nokañýi ni peteĩ umi omano'ýva,
 omboty hikuái ka'irãime ipri-
 sionerokuérape, ha ombo'euka
 hikuái chupekuéra Tupã ñe'ẽ;
 ha opavave oñearrepentívape
 iñangaipágui ha ojapóva kon-
 vénio ndoporojukamo'ãveimaha
 oñemosāso.

5 Ha katu opavave ndojapóiva
 konvénio, ha ojapove umi jejuka
 ñemi ikorasōme, heẽ, opa ojeju-
 húa oñe'ẽpohýi hína ijoyke'ýpe
 oñekondena ha ojevavira léipe
 he'iháicha.

6 Ha péicha ombopahákuri
 hikuái umi ñaña, ñemi, ha ijeja'e-
 'ýva ñembojoaju, ojeiporuva'ekue

ojejapo haġua hetaite tembiapo-ñaña, ha hetaite jejuka.

7 Ha upéicha opákuri ary veintidos, ha ary veintitres avei, ha veinticuatro, ha veinticinco; ha péicha ohasákuri veinticinco ary.

8 Ha heta mba'e oikókuri, oíva tesa ohecháva tuicha ha imba'e-guasúvaicha; upevére, ndaikatúi ojehaipa ko kuatione'ême; heë, ko kuatione'ê ndaikatúi oguereko ni sentésimo pehêngue ojejapova'ekue hetaite tavayguakuéra apytépe veinticinco ary pukukue aja;

9 Ha katu péina ápe oí kuationehaipyre oguerekóva opa ko tavayguakuéra rembiapo; ha Nefi ojapókuri petei ñemombe'u mbykyvéva ha katu añeteguáva.

10 Upévare che ahaíkuri che kuationehaipyre ko'ã mba'égui Nefi kuationehaipyrépe oiháicha, ojehaiva'ekue pláncha ári hérava Nefi pláncha.

11 Ha péina ápe, che ahai kuationehaipyre pláncha ajapova'ekue che pópe ári.

12 Ha péina ápe, che réra Mormón, añehenóiva upéicha tetã Mormón rupi, tetã Alma omopu'ã haguépe pe tupao tavayguakuéra apytépe, heë, peteiha tupao oñemopu'áva'ekue ijapytepekuéra hembiapovai rire hikuái.

13 Péina ápe, che ha'e Cristo remimbo'e, pe Tupã Ra'y. Ha'e cherenói amombe'u haġua iñe'ê itavayguakuéra apytépe, oguereko haġua hikuái tekove opave'yva.

14 Ha tekotevêkuri che, Tupã rembipotáicha, umi omanomava'ekue ñembo'e, imaranga-tuva'ekue, oñekumpli haġua ojeroviaháicha hikuái, ajapo petei kuationehaipyre ko'ã mba'e oikova'ekuégui—

15 Heë, petei kuationehaipyre mbykymi oikova'ekuégui ára Lehi osëramoguare guive Jerusalén-gui, jepe ko ára peve.

16 Upévare che ajapo che kuationehaipyre umi ñemombe'u ohaiva'ekue che mboveguaré-gui, oñepyrũ meve che ára;

17 Ha upéi ajapo petei kuationehaipyre umi mba'e che ahechava'ekuégui che resápe.

18 Ha che aikuaa kuationehaipyre ajapóva ijoja ha añeteguaha; upevére oí heta mba'e, ore ñe'ême, ndaikatúiva rohai.

19 Ha ko'áġa ambopaha che ñe'ê, chereheguáva, ha ame'ê che ñemombe'u mba'e oikova'ekuégui che mbove.

20 Che ha'e Mormón, ha ha'e Lehi ñemoñare añete. Aguereko mba'érepa ahovasávo che Tupã ha che Salvador Jesucristo, oguenohëgui ñande rukuérape Jerusalén retãgui, (ha avave ndoikuaaiva'ekue ndaha'éiramo ha'e ha umi oguenohëva'ekue upe tetãgui) ha ome'ê haguére chéve ha che tavayguakuérape hetaite jeikuaapy ñane ánga salvasiõrã.

21 Añetehápe ha'e ohovasákuri Jacob róga, ha iporiahuverekókuri José ñemoñare ndive.

22 Ha upéicha rupi Lehi ra'ykuéra iñe'êrenduháicha

hembiapoukapykuérare ha'e ohovasava'ekue chupekuéra ha omoakārapu'ã iñe'ẽme he'iháicha.

23 Heẽ, ha añetehápe ha'e ogueru jeýta José ñemoñare rembyrépe Ñandejára Itupã jeikuaápe.

24 Ha añetehápe oikoveháicha Ñandejára, ombyatýta irundy tetã pehẽnguégui opavave Jacob ñemoñare rembyrépe, oñemosarambíva opa vvy ape ári.

25 Ha ojapo haguéicha konvénio opa Jacob róga ndive, upéicha upe konvénio ojapova'ekue Jacob róga ndive oñekumplíta hí'árape, oñemoijey hağua jeikuaápe opa Jacob rógape upe konvénio ha'e ojapova'ekuégui hendivekuéra.

26 Ha upéramo oikuaáta hikuái Irredentórpe, ha'éva Jesucristo, Tupã Ra'y; ha upéramo oñembyatýta chupekuéra irundy tetã pehẽnguégui hetãme, oñemosarambí haguégui; heẽ, oikoveháicha Ñandejára upéicha oikóta. Amén.

ÑEMBYATY 6

Nefita-kuéra oñakārapu'ã—Oñepyrũ orgúllo, mba'ehepy, ha aty ñembojoavy—Tupao oñemboja'õ ñesẽnguéra rupi—Satana ogueraha tavayguakuéra oti'yme opu'ã hağua—Heta profetakuéra ojerure pe arrepentimiénto ha ojejuka—Ijukaharekuéra opu'ã ojagarra hağua upe tetã ñeisãmbyhy. 26–30 ary rupi Cristo rire.

HA ko'áğa ojehu nefita tavayguakuéra ohopajey hetãme ary veintiseis-pe, mayma yvypóra, hogaguakuéra ndive, ivaka ha ijovecha'atykuéra reheve, ikavaju ha hymbakuéra reheve, ha opa mba'e imba'ekuérava reheve.

2 Ha ojehu ndo'upái hikuái hi'upykuéra; upévore ogueraha hendivekuéra opa mba'e ndo'uiva'ekue, opa hi'yvara'yí opaichaguáva, ha hí'óro, ha ipláta, ha opa imba'ehepykuéra, ha ohojey hikuái hetãme ha imba'ekuérape, norte ha súrpe, vvy norte ha vvy surguápe.

3 Ha ome'ẽ hikuái vvy mondahakuérape ojapova'ekue konvénio oñongatutaha tetãmegua py'aguapy, umi ha'eséva gueteri lamanita, hetaháicha hikuái, oguereko hağua, hembiapokuéra rupi, hembí'urã; ha péicha omoĩ hikuái py'aguapy opa upe tetãme.

4 Ha oñepyrũ jey oñakārapu'ã ha oñembotuichaiterei hikuái; ha ohasa ary veintiseis ha veintisiete, ha oĩ tuicha ñemohendaporã upe tetãme; ha ojapókuri hikuái ileikuéra tekojoja ha hustísiape he'iháicha.

5 Ha ko'áğa ndaipóri mba'eve opa upe tetãme ndohejáiva tavayguakuéra oñakārapu'ã meme, ndo'áiramo hikuái tembiapovaípe.

6 Ha ko'áğa, ha'ékuri Gidgidoni, ha upe hue, Laconeo, ha umi oñehenoiva'ekue mburuvicharã, umi omoíva'ekue ko tuichaite py'aguapy upe tetãme.

7 Ha ojehu oĩ heta tavaguasu oñemopu'ã jeýva, ha heta tavaguasu tuja oñemyatyrõva.

8 Ha ojejapo heta tape, ha oñemoĩ heta jeguataha, oporogueraháva tavaguasúgui tavaguasúpe, ha peteĩ tetãgui ambue tetãme, ha peteĩ hendágui ambue hendápe.

9 Ha péicha ohasa ary veintiocho, ha tavayguakuéra oguereko py'aguapy meme.

10 Ha katu ojehu ary veintinuevepe oñepyrũ oĩ joavy'imi tavayguakuéra apytépe; ha oĩ opu'áva orgúllo ha jejapópe hetaitereĩgui ipirapirekuéra, heẽ, ojapo peve hikuái tuicha ñemuña;

11 Ha oĩkuri heta ohepyme'ẽva upe tetãme, ha avei heta avogádo, ha heta tendota.

12 Ha tavayguakuéra oñepyrũ ojoavy ojuehegui oguerekóva rupi, ipirapire ha oñemoarandukuaaháicha rupi; heẽ, oĩ oĩva jeikuaa'ỹme imboriahúgui, ha ambuekuéra katu ohupyty heta kuaapy ipirapire hetágui.

13 Oĩ oñembotuicháva ijorgúllope, ha ambuekuéra oñemomirĩterei; ha oĩ ome'ėjeýva mba'evai mba'evaíre, ha upe aja ambuekuéra katu ohasa mba'evai ha ñemuña ha opáichagua jeiko'asy, ha ndojevýi hikuái ome'ėjeývo mba'evai, ha katu oñemomirĩ ha oñembyasy hikuái Tupã renondépe.

14 Ha upéicha oĩkuri tuicha ñembojoavy opa upe tetãme, upéicha rupi oñepyrũ oñemboja'õ upe tupao; heẽ, upéicha rupi ary

treinta-pe oñemboja'õ pe tupao opa upe tetãme ndaha'éiramo mbovymi lamanita-kuéra apytépe oñekonvertiva'ekue jerovia añetépe; ha ha'ekuéra ndojeiseĩ upévagui, ha opyta atã hikuái, ñemovã'ỹme, ha ndoku'ei, ha oñemoĩporã hikuái iñe'ẽrendu haɣua Ñandejára rembiapoukapykuérare opa jesarekópe.

15 Ko'ágã, ko tavayguakuéra rembiapovai ha'ékuri kóva rupi—Satana oguereko tuicha pu'aka, omokyre'ỹ meve tavayguakuérape ojapo haɣua opáichagua tembiapovai, ha ombotuicha chupekuéra orgúllope, oipy'ara'ãvo chupekuéra oheka haɣua pu'aka, ha autorida, ha pirapire, ha mba'erei yvorapegua.

16 Ha upéicha Satana ombojere tavayguakuéra korasõ ojapo haɣua opáichagua tembiapovai; upévare ovy'ákuri hikuái py'aguapýpe mbovymi arýnte.

17 Ha upéicha, oñepyrũvo ary treinta—tavayguakuéra oñeme'ẽvo heta ára aja ojeguerahauka haɣua aña jeipy'ara'ãre ha'e oguerahashápe chupekuéra, ha ojapo haɣua opáichagua tembiapovai ha'e oipotáva—ha upéicha oñepyrũvo ko, ary treinta, oĩkuri hikuái peteĩ tembiapoñaña vaiete ñeimépe.

18 Ko'ágã, ndojapói hikuái angaipa jeikuaa'ỹme, oikuaágui hikuái Tupã rembipota hendivekuéra ɣuarã, oñembo'éguikuri chupekuéra; upévare oñemoĩ hikuái Tupã rehe oñemoiséguinte.

19 Ha ko'āva oikókuri Laconeo árape, Laconeo ra'y, oguapýgui Laconeo itúva apykápe ha oisāmbhyhy tavayguakuérape upe arýpe.

20 Ha oñepyrũ oĩ yvypóra yvágagui iñapytu'úrokýva ha oñemboúva, oikóva tavayguakuéra apytépe opa upe tetãrupi, oporombo'e ha otestifikáva kyhyje'ýme tavayguakuéra angaipakuéra ha rembiapovai kuéragui, ha otestifika chupekuéra pe rredensiõ Ñandejára ojapótava itavayguakuéra rehe, térã ambue ñe'ẽme, Cristo jeikovejey rehe; ha otestifika hikuái kyhyje'ýme iñemano ha ijehasa'asykuéragui.

21 Ko'āğa oĩ tavayguakuéra apytépe ipochyeteréiva umi otestifikáva'ekue ko'ã mba'e rupi; ha umi ipochýva ha'e hue guasukuéra, ha umi ha'éva'ekue sumo sacerdote ha avogádo; heẽ, mayma umi ha'éva avogádo ipochy umi ome'ẽva ndive testimónio ko'ã mba'égui.

22 Ko'āğa ndaipórikuri avogádo ni hue ni sumo sacerdote ipu'akáva ojuka hağua peteĩme ndaha'éiramo upe tetãmegua sãmbyhyhára okondenáramo chupe.

23 Ko'āğa oĩkuri heta umi otestifikáva'ekue mba'e Cristo reheguáva apytégui, otestifikáva'ekue kyhyje'ýme, umívape huekuéra ojagarra ha ojuka ñemiháme, upévagui ijejukakuéra jeikuaa noğuahẽi tetãmegua sãmbyhyhárape.

24 Ko'āğa péina ápe, upéva ombohováikuri umi tetãmegua léi ndojeipe'aiva'erãha peteĩ kuimba'égui hekove, nde'íriramo upe tetãmegua sãmbyhyhára.

25 Upévare oñeme'ẽ peteĩ jerure Zarahemla retãme, upe tetãmegua sãmbyhyhárape, umi hue rehe okondenáva'ekue ñemanóme Ñandejára profetakuérape, ndaha'éire léipe he'iháicha.

26 Ko'āğa ojehu ojagarra ha ogueraha hikuái chupekuéra hue renondépe, ojehusga hağua hembiapovai rehe, léipe oñeme'ẽva'ekue tavayguakuérare he'iháicha.

27 Ko'āğa ojehu umi hue heta iñangirũ ha hogaguakuéra; ha hembyre, heẽ, jepeve opa avogádo ha sumo sacerdote, oñembyaty oñondive, ha ojoaju umi hue ojehusgátava léi rupive rogayguakuéra ndive.

28 Ha ojapo hikuái konvénio oñondive, heẽ, jepeve konvénio omoíva'ekue umi ymaguare, konvénio aña ome'ẽ ha oisãmbyhyva'ekue, oñemoĩ hağua hikuái opa tekojoja rehe.

29 Upévare oñemoĩ hikuái Ñandejára tavayguakuéra rehe, ha ojapo hikuái konvénio ohundi hağua chupekuéra, ha omosãso hağua hustisia poguýgui umi hembiapovaívape oporojuka haguére ojejapótargui léipe he'iháicha.

30 Ha ojapyhara hikuái hetãmegua léi ha derécho; ha ojapo hikuái konvénio oñondive ohunditaha sãmbyhyhárape, ha

omoïtaha peteï rréi upe tetã ári, anivéma haġua isãso ha katu oï haġua rréi poguýpe.

NEMBYATY 7

Pe hue guasu ojejuka, ohundi hikuái upe tetã ñeisãmbyhy, ha tavayguakuéra oñemboja'ó trívupe—Jacob, peteï anti Cristo-gui, oiko rréi peteï mba'evai aty ñemígui—Nefi ombo'e arrepentimiénto ha jerovia—Angelkuéra oministra chupe opa ára, ha ha'e omopu'ã ijoyke'ýpe omanova'ekue apytégui—Oï heta oñearrepenti ha oñemongaraíva. 30–33 ary rupi Cristo rire.

KO'ÁĠA péina ápe, che ahechaukáta peñme nomoïrihague hikuái rréi upe tetãme; ha katu kóva ko arýpe, heë, ary treinta-pe, oporohundi hikuái huekuéra apyka ári, heë, ojuka hikuái hue guasu upe tetãmeguápe.

2 Ha tavayguakuéra oñemboja'ó peteïva ambuéva rehe; ha oñemboja'ó hikuái trívupe; opavave kuimba'e hogaguakuéra ha ipehënguekuéra ha iñangirünguéra oguerekoháicha; ha upéicha ohundi hikuái upe tetãmegua ñeisãmbyhy.

3 Ha opavave trívu ohenói peteï mburuvicha térã tendota hi'arikuéra; ha upéicha oiko chuguikuéra trívu ha trivugua tendota.

4 Ko'áġa péina ápe, ndaipóri kuimba'e ijapytepekuéra ogue-reko'ýva heta hogaguakuéra ha

pehëngue ha angirünguéra; upé-vare itrivukuéra tuichaiterei.

5 Ko'áġa ojejapo opa ko'ã mba'e, ha ndaipórikuri gueteri ñorairõ ijapytepekuéra; ha opa ko tembapovai oúkuri tavayguakuéra ári oñeme'ëgui hikuái Satana pu'akápe.

6 Ha oñehundi upe tetã ñeisãmbyhy apopyrã, umi profetakuéra jukahare angirü ha pehënguekuéra mba'evaiñemi rupi.

7 Ha omoñepyrü hikuái tui-cha joavy upe tetãme, upéicha rupi haimete opavave tavayguakuéra hekojojávégui oiko hekoñañáva; heë, ijapytepekuéra niko mbovymínte oï kuimba'e hekojojáva.

8 Ha upéicha ohasa'ýre seis ary, hetave tavayguakuéra apytégui oikóma hekoñañáva, pe jagua ho'ujeyháicha ivómito, térã kure ojapajereiháicha tujúpe.

9 Ko'áġa ko mba'evai ñemi, ogueruva'ekue tuichaite tembapovai tavayguakuéra ári, oñembyaty chupekuéra ha omoï iñakãhárãmo peteï kuimba'épe ohenóiva hikuái Jacob.

10 Ha ohenói hikuái chupe irréiramo; upévare opyta peteï rréiramo ko aty ñaña ári; ha ha'ékuri peteïva umi ohupi hatãveva'ekue iñe'ë profetakuérare otestifikava'ekue Cristo rehe.

11 Ha ojehu naimbaretéi hikuái hetakuépe umi tavayguakuéra trívuicha, opytáva joajúpe ndaha'éiramo imburuvichakuéra umi omoïva ileikuéra, opavave

itrívuicha; upevére ndojoayhúi hikuái; ha jepeve ndaha'úi hikuái tavayguakuéra hekojojáva, ojoaju hikuái ijehayhu'ýme umi ojapova'ekue rehe konvénio ohundi haḡua upe tetã ñeisãmbyhy.

12 Upévare, Jacob ohechávo ihayhu'ýhakuéra hetaveha chuguikuéra, ha'évo ha'e pe atypegua rréi, upévare he'í tavayguakuérape tokañy tenda mombyryvéva tetã norteguápe, ha upépe tomopu'ã hikuái peteĩ rréino ijupekuéra ḡuarã, ojoaju peve hendivekuéra umi oséva'ekue, (ombojuruhe'ēgui chupekuéra he'ívo oĩtaha heta oséva) ha ohupyty hikuái mbarete oikotevéva oñorairõ haḡua tavayguakuéra trívu rehe; ha upéicha ojapo hikuái.

13 Ha ipya'etereígui iguatakuéra ndaikatúí ojejoko ha ohóma hikuái tavayguakuéra ikatu'ýháme ohupyty chupekuéra. Ha upéicha opa ary treinta; ha upéicha oĩkuri Nefi tavayguakuéra rembiapokuéra.

14 Ha ojehu ary treinta y uno-pe oñemboja'ó hikuái trívupe, opavave kuimba'e hogayguakuéraicha, ipehēngue ha iñangirũguéra; upevére he'íkuri hikuái ndohomo'áiha ñorairõme peteíva ambuéva rehe; ha katu ndojoajúi hikuái ileikuérape, ha hetã ñeisambyhýpe, ko'áva oñemoĩgui imburuvicha ha hendotakuéra oipotaháicha. Ha katu omoĩ hikuái léi mbarete peteĩ trívu ndojapoiva'eraha ivaíva ambue rehe, upéicha rupi ohupyty'imi hikuái

py'aguapy upe tetãme; upevére, ikorasõkuéra oñemomombyry Ñandejára Itupãgui, ha oita'api hikuái profetakuérape ha omosē hikuái ijapytepekuéragui.

15 Ha ojehu Nefi—oúguikuri hendápe angelkuéra ha avei Ñandejára ñe'ē, upévare ohechá vokuri ángel, ha ha'égui testigo hesápe, ha oñeme'ēgui chupe pu'aka oikuaa haḡua Cristo ministériogui, ha ha'égui avei testigo hesa rupive tavayguakuéra ojevyyha tekojojágui tekoñaña ha tembiapoky'akuérape;

16 Upévare, oipy'apýgui chupe ikorasõ atã ha iñapytu'ũ ypytũ—osē ijapytepekuéra upe arýpe, ha oñepyrũ otestifika, kyhyje'ýme, pe arrepentimiénto ha angaipa jorágui Ñandejára Jesucristo-re jerovia rupi.

17 Ha oministra chupekuéra heta mba'e; ha ndaikatúí ojehaipa, ha ipehēnguente ndohupyty'oi, upévare ndojehaíri ko kuatiañe'ēme. Ha Nefi oministra pu'aka ha autorida tuicha reheve.

18 Ha ojehu ipochy hendive hikuái, jepe ha'e ipu'akavégui chuguikuéra, ndaikatúgui ogue rovia'ý hikuái iñe'ēnguéra, tui chaitereígui ijerovia Ñandejára Jesucristo rehe upévare angelkuéra oministra chupe opa ára.

19 Ha Ñandejára rérape omosē okápe aña ha espíritu ky'a; ha jepeve omopu'ã peteĩ ijoyke'ýpe omanova'ekue apytégui, tavayguakuéra oita'api ha ojuka rire chupe.

20 Ha tavayguakuéra ohecha, ha ha'e testígo umívagui, ha ipochy hendive ipu'aka rupi; ha ojapo avei ha'e heta ambue milágro, tavayguakuéra resa renondépe, Jesús rérape.

21 Ha ojehu opa ary treinta y uno, ha ndaipóri oñekonvertíva Ñandejárape ndaha'éiramo mbovymínte; ha katu opavave oñekonvertíva ohechauka tavayguakuérape añetehápe ouhague hendapekuéra Tupã pu'aka ha Espíritu, oíva Jesucristo ndive, ha'ekuéra ojeroviávare.

22 Ha opavave umi oñeguenohéva'ekuégui aña, ha oñemonguerava'ekue imba'asy ha imba'evaígui, ohechauka tavayguakuérape añetehápe Tupã Espíritu omba'apohague hesekuéra, ha oñemonguerahague hikuái; ha avei ohechauka hikuái techaukaha ha ojapo'imi milágro tavayguakuéra apytépe.

23 Péicha opa avei ary treinta y dos. Ha Nefi ojerure'asy tavayguakuérape oñepyrũvo ary treinta y tres; ha ombo'e chupekuéra pe arrepentimíento ha umi angaipa jora.

24 Ko'áña che aipota penemandu'a avei, ndaiporihague ni peteĩ oñearrepentíva noñemongaraíriva ýpe.

25 Upévare, Nefi o'ordena kuimba'épe kóva ko ministério, opavave oúvape chupekuéra oñemongaraíva'erã ýpe, ha upéva ha'e haña testígo ha testimónioramo Tupãme, ha

tavayguakuérape, oñearrepentihague hikuái ha oñeme'êhague chupekuéra iñangaipa jora.

26 Ha oĩkuri heta oñepyrũvo ko ary oñemongaraíva'ekue arrepentimientorã; ha upéicha ohasa hetave upe ary.

ÑEMBYATY 8

Aravai, yvyryryí, tatarendy, torvellino, ha tuicha mba'evai otestifika Cristo oñemoihague kurusúre—Heta tavayguakuéra oñehundi—Ypytũ oñuã upe tetã mbohapy ára aja—Umi oikovéva ojahe'o mba'e oha'arõvare chupekuéra. 33–34 ary rupi Cristo rire.

HA ko'áña ojehu ore kuatiajehaipyrépe he'iháicha, ha roikuaa añeteguaha, ha péina ápe, peteĩ kuimba'e hekojojáva oguerahákuri umi kuatiajehaipyre—añetehápe ha'e ojapókuri heta milágro Jesús rérape; ha ndaipóri ni peteĩ kuimba'e ikatúva ojapo milágro Jesús rérape naipotimbáiramo iñangaipágui.

2 Ha ko'áña ojehu, ko yvy-póra ndojavýirirekuri ore ára jeipapápe, ohasáma ary treinta y tres.

3 Ha tavayguakuéra oñepyrũ oha'arõ mbarete techaukaha ome'êva'ekue proféta Samuel, upe lamanita, heẽ, ára oĩtahápe pytũ vyv ape ári mbohapy ára pukukue aja.

4 Ha oñepyrũ oĩ joavy tuicha ha ñorairõ tavayguakuéra apytépe, ha

ojehechaukáramo jepékuri hetaite techaukaha.

5 Ha ojehe ary treinta y cuatro-pe, jasy peteĩháme, irundy ára jave, ou peteĩ aravai tuicháva, araka'eve ojeikuaaháicha opa upe tetãme.

6 Ha oĩ avei peteĩ vytytu tuicha ha ivaietereíva; ha oĩ arasunu vai, upéicha rupi omboryrýi pe vvy oñemboja'opataramoguáicha.

7 Ha oĩ aravera omimbipáva, araka'eve ndojeikuaaháicha opa upe tetãme.

8 Ha tavaguasu Zarahemla okaipa.

9 Ha tavaguasu Moroni ojahoga yguasu ipypukuehápe, ha oikóva ipype ojahogapa.

10 Ha oñembyaty vvy tavaguasu Moroníah ári, ha upéicha tavaguasurangue opyta peteĩ vytytu guasu.

11 Ha oĩ peteĩ ñehundi tuicha ha ivaietereíva vvy surguápe.

12 Ha katu péina ápe, oĩ peteĩ ñehundi tuichaitereíve ha ivaietereívava vvy norteguápe; ha péina ápe, opa vvy ape oñemoambue, pe aravai ha torvellíno rupi, ha arasunu ha aravera, ha umi tuichaite vyryryrýi oíva opa tetãme rupi.

13 Ha ojeka umi tape, ha umi jequataha oñembyai, ha heta tenda ipereiva'ekue ojoavypa.

14 Ha ojahoga heta tavaguasu tuicha ha hechapyrãva, ha heta okaipa, ha heta oñemomýi ho'apa peve vyýpe hogaguasukuéra, ha oikóva ipype omano, ha umi tenda oñemonandi.

15 Ha oĩ tavaguasu opytáva; ha katu mba'évai ohasáva tuichaiterei, ha heta ipype oikóva omano.

16 Ha oĩ ojegueraháva torvellíno rehe; ha avave ndoikuaái moõpa oho, oikuaánte hikuái ojeguerahahague.

17 Ha péicha oñembyaipa vvy ape, umi aravai, ha arasunu, ha aravera, ha vyryryrýi rupi.

18 Ha péina ápe, itakuéra ojeka; ha oñemboja'ó opa vvy ape ári, ha upéicha rupi oñemopehënguepaite, ha otiri ha ojeka, opa upe tetã ape ári.

19 Ha ojehe opávo umi arasunu, ha aravera, ha vytyvui, ha arapochy, ha vyryryrýi—péina ápe, hí'are mbohapy aravo rupi—ha oĩ he'íva ipukuehague; upevére, opa ko'ã mba'é tuicha ha ivaieteva oikókuri mbohapy aravo aja rupi—ha péina ápe, upéramo oĩ pytytu vvy ape ári.

20 Ha ojehe oĩ pytytu iñanambusúva opa vvy ape ári, upéicha rupi umi tekove ndo'aiva'ekue oikóva upépe ikatu oñandu pe pytytu timbo;

21 Ha ndaikatúi oĩ tesape, pe pytytu rupi, ni tataindy, ni tesape kangymi, ni ndaikatúi ombojepota tata ijyvyra porã ha ipirúva reheve, ha upéicha ndaikatúi oĩ mba'évéichagua tesape;

22 Ha ndojekuaái mba'évéichagua tesape, ni tata, ni tesape kangymi, ni kuarahy, ni jasy, ni mbyjakuéra, tuichaitereígui pytytu timbo oíva vvy ape ári.

23 Ha ojehe mbohapy ára aja

pukukue upéicha ndojehechái ni peteĩ tesape; ha oĩ tuicha jahe'ó ha sapukái ha tasẽ meme opa tavayguakuéra apytépe; heẽ, tuicha tavayguakuéra pyahẽ, pe ypytũ ha ñehundi guasu ouva'ekuere chupekuéra.

24 Ha peteĩ tendápe oñehendu chupekuéra ojerure'asy, he'ívo: O ñañearrepentírire ko tuicha ha ivaieteva ára mboyve, upéramo ojesalvava'erãmo'ã ñande joyke'ykuéra, ha ndokairiva'erãmo'ã hikuái pe tavaguasu tuichaite Zarahemla-pe.

25 Ha ambue tendápe oñehendu chupekuéra ojerure'asy ha ojahe'ó, he'ívo: O ñañearrepentírire ko tuichaite ha ivaieteva ára mboyve, ha ndajajukái ha ndaja'ita'apíriri, ha ñañosẽirire okápe profetakuérape; upéicharire ñande sy ha ñande rajy porãnguéra, ha ñane mitãnguéra ojesalvava'erãmo'ã, ha noñeñotýiva'erãmo'ã tavaguasu tuichaitéva Moroniah-pe. Ha péicha tuicha ha ivaiete tavayguakuéra jahe'ó.

ÑEMBYATY 9

Ypytũ apytépe, Cristo ñe'ẽ omomandu oñehunditaha heta tavayguakuéra ha tavaguasukuéra hembiañoña rupi—Ha'e omombe'u avei iverapy, omombe'u Moisés léi oñekumplimaha, ha ohenói yvyporakuérape ou haña hendápe ha ojesalva haña. 34 ary rupi Cristo rire.

Ha ojehe oñehendu peteĩ ñe'ẽ opa umi oikóva apytépe upe tetãme, opa ko yvy ape ári, ojerure'asyvo:

2 Ái, ái, ái ko tavayguakuéragui; ái umi oikóvagai opa tetãme noñearrepentíramo; aña opuka haguere ha hi'angelkuéra ový'águi, che tavayguakuéra ra'y ha rajy porã porã ñemano rupi; ha hembiapovai ha hembiapoky'a haguere ho'ava'ekue hikuái.

3 Péina ápe, che ahapy tatápe Zarahemla tavaguasu tuicha ha umi ipype oikóvape.

4 Ha péina ápe, upe Moroni tavaguasu tuicha che amoñapymi yguasu pypukúpe, ha ambojahoga umi ipype oikóvape.

5 Ha péina ápe, ajaho'í yvýpe pe Moroniah tavaguasu tuicha, ha umi ipype oikóvape, añomi haña hembiapovai ha hembiapoky'akuéra che renondégui, profetakuéra ha imarangatuvakuéra ruguy anive haña ojupi chéve hesekuéra.

6 Ha péina ápe, che ajapo toñapymi vyvuyépe Gilgal tavaguasu, ha umi ipype oikóva toñeñotý vyvuy pypukúpe.

7 Heẽ, ha tavaguasu Oniah ha umi ipype oikóva, ha tavaguasu Mocum ha umi ipype oikóva, ha tavaguasu Jerusalén ha ipype oikóva, che ajapo ykuéra toñemoïkuri hendaguepekuéra, añomi haña hembiañoña ha hembiapoky'akuéra che renondégui, profetakuéra ha imarangatuvakuéra

ruguy anive hağua ojupi chéve hesekuéra.

8 Ha péina ápe, Gadiandi tavaguasu, ha Gadiaomna tavaguasu, ha Jacob tavaguasu, ha tavaguasu Gimgimno, opa ko'áva che ajapókuri toñapymi, ha ajapo yvy ty'ã ha vvyty'ã hendaguépe; ha añotỹ umi ipype oikóvape vvyguy pypukúpe, añomi hağua hembiañoña ha hembiapoky'akuéra che renondégui, profetakuéra ha imarangatuvakuéra ruguy anivéma hağua ojupi chéve hesekuéra.

9 Ha péina ápe, upe Jecobugat tavaguasu tuicha, oiko haguépe rréi Jacob tavayguakuéra, che ahapykákuri tatápe iñangaipa ha hembiañoña haguére, ohasáva opa tembiañoña tetãmeguápe, ijejuka ñemi ha imba'evai ñeminguéra rupi; ha'ekuéra ohundígui che tavayguakuéra py'aguapy ha upe tetã ñeisãmbyhy; upévare ahapyuka chupekuéra, ahundi hağua chupekuéra che renondégui, profetakuéra ha imarangatuvakuéra ruguy anivéma hağua ojupi chéve hesekuéra.

10 Ha péina ápe, Lamán tavaguasu, ha Josh tavaguasu, ha Gad tavaguasu, ha Kishkumen tavaguasu, che ahapyuka tatápe, ha umi ipype oikóvape, hembiañoñañgui omosëvo profetakuérape okápe ha oita'api umi che amondova'ekuépe he'i hağua chupekuéra hembiañoña ha hembiapoky'akueragui.

11 Ha omosë haguére hikuái maymávape, upéicha ndaipóri hekojojáva ijapytepekuéra, che amondo tata ha ahundi chupekuéra, hembiañoña ha hembiapoky'akuéra oñeñomi hağua che renondégui, profetakuéra ha imarangatuvakuéra ruguy che amondova'ekue ijapytepekuéra ani hağua ojerure chéve vvyguy guive hesekuéra.

12 Ha che ajapo ou hağua ñehuñdi tuicha ko tetã ári, ha ko tavayguakuéra ári, hembiañoña ha hembiapoky'akuéra rupi.

13 O opavave peë peñeñongatuva'ekue penderekojovégui chuguikuéra, ndapejeremo'ãi piko ko'ága cherendápe, ha napeñarrepentimo'ãi piko pene angaipágui, ha napeñekonvertimo'ãi piko che pomonguera hağua?

14 Heë, añetehápe ha'e peëme, pejúramo che rendápe peguerékóta tekove opave'ýva. Péina ápe, che jyva poriahuvereko ojeipysa peëme, ha opavave oúvape, che amoğuahëta; ha ojevovasapyre umi oúva che rendápe.

15 Péina ápe, che ha'e Jesucristo Tupã Ra'y. Che ajapova'ekue yvága ha vvy, ha opa mba'e ipype oíva. Che aimeva'ekue Túva ndive iñepyrũmby guive. Che ha'e pe Túvape, ha pe Túva chepype, ha che rupi pe Túva omboverapýkuri héra.

16 Che aju chemba'éva rendápe, ha chemba'éva nachemoğuahëi. Ha escritura-kuéra che jeju rehegua oñekumplíma.

17 Ha maymáva chemoğua-hēvape, ame'ēkuri chupekuéra taha'e Tupā Ra'y; ha jepe upéicha che ajapóta opa ogueroviávape che réra, ha péina ápe, che rrendensiō oúma, ha chepype Moisés léi oñekumplíma.

18 Che ha'e yvóra resape ha rekove. Che ha'e pe Alfa ha Oméga, iñepyrũmby ha ipaha.

19 Ha peẽ napeikuave'ẽmo-ãvéima chéve tuguy ñeñoñhẽ; heẽ, pende mymbajuka ha pende mymbajehapy opátama, namoporãmo'ãigui ni peteĩ pende mymbajuka ni pene mymbajehapykuéra.

20 Ha peikuave'ẽta chéve ñeikuave'ẽramo peteĩ korasõ mirĩ ha peteĩ espíritu ñembyasy. Ha oúva cherendápe peteĩ korasõ mirĩ ha espíritu ñembyasy reheve, che amongaraíta chupe tata ha Espíritu Santo-pe, jepe lamanita-kuéraicha, ijerovia rupi che rehe ára oñekonvertiramoguare, oñemongaraiva'ekue avei tata ha Espíritu Santo-pe, ha ndoikuaaikuri hikuái.

21 Péina ápe, che ajúkuri yvórape agueru hağua rrendensiō yvórape, asalva hağua yvórape angaipágui.

22 Upévore, oñearrepentíva ha oúvape cherendápe peteĩ mitã michicha, che amoğuahêta, umichaguávagui ha'e Tupã rréino. Péina ápe, ko'ãvare che ame'ẽva'ekue che rekove, ha ajagarrajey; upévore peñearrepenti, ha peju chéve peẽ vyv apýra, ha pejesalva.

ÑEMBYATY 10

Oĩ kirirĩ upe tetãme heta aravo aja—Cristo ñe'ẽ oñe'ẽme'ẽ ombyatyta itavayguakuérape ryguasu ombyatyháicha iryguasura'ykuérape—Tavaguasu pehẽngue hekojojavévape oñeñongatu. 34–35 ary rupi Cristo rire.

Ha ko'ága péina ápe, ojehu opa tavayguakuéra ohendu ko'ã ñe'ẽ, ha ha'e hikuái testígo umívagui. Ha ko'ã ñe'ẽ rire oĩ kirirĩ upe tetãme heta aravo aja;

2 Tuichaitereígui tavayguakuéra ñemondýi ndojahe'ovéi ha nahasévéi hikuái ipehẽnguekuéra omanova'ekue ñehundi rehe; upéicha oĩ kirirĩ opa upe tetãme heta aravo aja;

3 Ha ojehu ou jey peteĩ ñe'ẽ tavayguakuérape, ha opa tavayguakuéra ohendu, ha ome'ẽ testimonio upévagui, he'íva:

4 O tavayguakuéra ko'ã tavaguasu tuichagua ho'ava'ekue, ha'éva Jacob ñemoñare, heẽ, ha'éva Israel rogaygua, mboy ára piko pombyatyva'ekue ryguasu ombyatyháicha iryguasura'ykuérape ipepo guýpe, ha pomongaru.

5 Ha avei, mboy ára piko pombyatyva'erãmo'ã ryguasu ombyatyháicha iryguasura'ykuérape ipepo guýpe, heẽ, O tavayguakuéra Israel rogapegua, pe'ava'ekue; heẽ, O tavayguakuéra Israel rogapegua, peikóva Jerusalén-pe, ha peẽ pe'ava'ekue avei; heẽ, mboy ára piko

pombyatyva'erāmo'ā ryguasu ombyatyháicha iryguasura'ykuérape, ha ndapeipotái.

6 O peẽ Israel rogagegua año-ngatuva'ekuépe, mboy ára piko pombyatýta ryguasu ombyatyháicha iryguasura'ykuérape ipepo guýpe, peñearrepentíramo ha pejere chéve korasõ añetépe.

7 Ha katu nahániriramo, O Israel róga, nde koty renda oñemonandíta ára oñekumpli peve konvénio ojejapova'ekue nde rukuéra ndive.

8 Ha ko'ãga ojehu tavayguakuéra ohendu rire ko'ã ñe'ẽ, péina ápe oñepyrũ jey osapukái ha hasẽ ipehẽngue ha iñangirũnguéra ñehundíre.

9 Ha ojehu péicha ohasa mbopahy ára. Ha ha'ékuri pyhareve, ha ojei pytũ vvy ape árigui, ha pe vvy ndoryryivéima, ha ndojekavéima umi ita, ha opa umi pyahẽvaiete oñembopaha, ha opa ayvuvai ndaiporivéi.

10 Ha oñembyaty jey pe vvy, ha oñemohatã; ha umi jahe'õ, ha tasẽ, ha umi tavayguakuéra oikoveva'ekue pyahẽ opa; ha ijahe'okuéragui oiko vy'a, ha isapukáikuéragui Ñandejára Jesucristo, Irredentórpe momorã ha aguyje.

11 Ha ko'ã peve oñekumplíkuri umi escritura profetakuéra oñe'ẽva'ekue.

12 Ha tavayguakuéra hekojojavéva ha'e umi ojesalváva, ha ha'e umi omoğuahẽva'ekue profetakuérape ha ndo'ita'apíriva'ekue chupekuéra; ha ha'e umi

noñoheiva'ekue imarangatuvakuéra ruguy, umi ojesalváva—

13 Ha oñeñongatu ha noñemoñapymíri ha ndojeha'óri chupekuéra yvýpe; ni noñembojahogái chupekuéra yguasu pypukúpe; ni ndojehapýi chupekuéra tatápe, ni nomanói hikuái ho'águi mba'epohýi hi'arikuéra, ni ndoguerahái chupekuéra umi torvellíno; ni ndaipu'akái hesekuéra umi tatañ timbo ha ipytũva.

14 Ha ko'ãga, omoñe'ẽva, toikũmby; upe oguerekóva umi escritura tohesa'yjijo, ha tohecha ha toma'ẽ opa ko'ã ñemano ha ñehundi tata rupive, ha tatañ, ha aravaikuéra, ha torvellino, ha vvy ojepe'ava'ekue omoğuahẽ hağua chupekuéra, ha opa ko'ã mba'e, ndaha'éipa oñekumpli hağua heta profetakuéra marangatu profesiakuéra.

15 Péina ápe, che ha'e peẽme, Heẽ, heta oĩ otestifikava'ekue ko'ã mba'ére Cristo ouramogware, ha ojuka hikuái chupekuéra otestifika hağuére ko'ã mba'égui.

16 Heẽ, proféta Zenós otestifikava'ekue ko'ã mba'égui, ha avei Zenoc oñe'ẽva'ekue ko'ã mba'e rehe, ha'ekuéra otestifikágui ñande rehekueraite voi, ha'éva iñemoñarekuéra rembyre.

17 Péina ápe, ñande ru Jacob otestifikava'ekue avei peteĩ José ñemoñare rembyrégui. Ha péina ápe, ndaha'éi piko ñande peteĩ José ñemoñare rembyre? Ha ko'ã mba'e otestifikáva ñande rehe, ndojehañri piko pláncha bronce-

gui ári ñande ru Lehi ogueruva-
'ekue Jerusalén-gui?

18 Ha ojehu opávo ary treinta y cuatro, péina ápe, che ahechaukátá peñme Nefi tavayguakuéra oñeñongatuva'ekuépe, ha avei umi oñehenoiva'ekuépe lamaníta, oñeñongatuva'ekue, ojehechaukákuri chupekuéra tuicha mba'eporã, ha oñeñohêkuri tuicha jehovasa iñakã arikuéra, upéicha rupi Cristo ojupi riremí yvágape ha'e añetehápe ojehechaukákuri chupekuéra—

19 Ohechaukávó chupekuéra hete, ha oministrávo chupekuéra; ha tenondeve ojejapóta peteĩ ñemombe'u iministériogui. Upévare ambopaha che ñe'ẽ ko'ágaité.

Jesucristo ojehechauka Nefi tavayguakuérape, atyguasú ijaty aja tetã Abundancia-pe, ha oministra chupekuéra; ha upéicha ojehechauka chupekuéra.

Oike ñembyaty 11 guive 26 peve avei.

ÑEMBYATY 11

Túva ome'ẽ testimonio Ita'ýra Ohayhuetévagui—Cristo ojehechauka ha omombe'u iñexpiasio—Tavayguakuéra opoko jekutu rendaguépe ipo, ipy, ha ijyképe—Ha'ekuéra osapukái Hosana—Ha'e ohechauka mba'éicha ha mba'eichaitépa oñemongarai-va'erã—Pe espíritu joavy rehegua ou añágui—Cristo doctrina he'i

yvyporakuéra ogueroviava'erãha ha oñemongarai ha oñeme'eva'erãha chupekuéra upe Espíritu Santo. 34 ary rupi Cristo rire.

Ha péina ápe ojehu oñembyaty peteĩ atyguasú tuicháva, Nefi tavayguakuérava, upe témplo jerére, oíva tetã Abundancia-pe; ha omomba'eguasú ha ohecharamo oñondive, ha ohechauka peteíva ambuépe upe tuicha ha hechapyráva ñemoambue oikova'ekue.

2 Ha oñe'ẽ avei hikuái ko Jesucristo rehe, oñeme'eva'ekuégui iñemano rehegua techaukaha.

3 Ha ojehu péicha oñe'ẽ jave hína hikuái oñondive, ohendu peteĩ ñe'ẽ ouvaicha yvágagui; ha oma'ẽ hikuái pe jerére, noikũmbýigui upe ñe'ẽ ohendúva; ha ndaha'úi peteĩ ñe'ẽ pohýi, ni ndaha'úi peteĩ ñe'ẽ atã; upevére, jepeve ha'e peteĩ ñe'ẽ kangymi oike ipypukuvehápe umi ohendúva ryepýpe, upéicha rupi ndaipóri hete pehẽngue oryryí'ỹva; heẽ, oike hí'angakueraitépe, ha ohapy ikorasõkuéra.

4 Ha ojehu ohendu jey hikuái upe ñe'ẽ, ha noikũmbýi.

5 Ha mbohapyha jey ohendu hikuái upe ñe'ẽ, ha ojapysaka hikuái ohendu hağua, ha oma'ẽ hikuái pe tyapu gotyo; ha oma'ẽ hikuái ñemovã'ỹme yvága gotyo, ouhágui upe tyapu.

6 Ha péina ápe, mbohapyha jeýpe oikũmby hikuái upe ñe'ẽ ohendúva, ha he'i chupekuéra:

7 Péina ápe che Ra'y Ahayhue-téva, chembovy'avéva, ambove-rapy haguépe che réra—pehendu chupe.

8 Ha ojehu, oikũmbývo oma'ẽ jey hikuái yvága gotyo; ha péina ápe, ohecha hikuái peteĩ Kuimba'e oguejýva yvágagui; ha oñemonde peteĩ ao morotĩme; ha ha'e oguejy ha oñemoĩ imbytepekuéra; ha opa atypegua resa omaña hese, ha noñanimái hikuái oipe'a ijuru, ni oñe'ẽ haġua peteĩva ambuendi, ha ndoikuaái hikuái mba'épa he'ise upéva, oimo'ãgui hikuái ha'eha peteĩ ángel ojehechaukáva chupekuéra.

9 Ha ojehu ha'e oipyso ipo ha oñe'ẽ tavayguakuérape, he'ivo:

10 Péina ápe, Che ha'e Jesu-cristo, profetakuéra otestifikahague outaha yvórape.

11 Ha péina ápe, che ha'e yvóra resape ha rekove; ha hay'úkuri pe kópa iroitévagui Túva ome'ẽva'ekue chéve, ha amboverapy Tuvape amoĩvo che ári yvóra angaipakuéra, ha upéva rupi añemoĩ Túva rembipotápe opa mba'épe ñepyrũby guíve.

12 Ha ojehu Jesús he'ipávo ko'ã ñe'ẽ pe atyguasú ho'a yvýpe; imandu'ãgui hikuái ojeprofetisahague ijapytepekuéra Cristo ojehechaukataha chupekuéra ijepupi rire yvágape.

13 Ha ojehu Ñandejára oñe'ẽ chupekuéra he'ivo:

14 Pepu'ã ha peju cherendápe, pemoinge haġua pende po che yképe, ha avei peñandu haġua klávo rendague che po ha che

pýpe, peikuaa haġua che ha'eha Israel-gua Tupã, ha opa yvype-gua Tupã, ha ajejukahague yvóra angaipakuérame.

15 Ha ojehu atyguasugua oñemotenonde, ha omoinge hikuái ipo ijyképe, ha oñandu hikuái klávo rendague ipo ha ipýpe; ha upéva ojapo hikuái, oñemotenondévo peteĩ teĩme opavave oñemotenonde peve, ha ohecha hikuái hesápe ha oñandu ipópe, ha oikuaa añetehápe ha ome'ẽ hikuái testimónio, ha'e ha'eha, upe ohaiva'ekuégui profetakuéra, ouva'erãha.

16 Ha opavave oho ha ohecha rire ijehegui, osapukái peteĩ ñe'ẽme, he'ivo:

17 Hosana! Ojevohasapyre Tupã Ijyvatevéva réra! Ha ho'a hikuái Jesús py gotyo, ha otupaitũ chupe.

18 Ha ojehu ha'e oñe'ẽ Nefi-pe (Nefi oĩgui atyguasú apytépe) ha he'i chupe ou haġua hendápe.

19 Ha Nefi opu'ã ha oñemoaġui, ha ojavyv Ñandejára renondépe ha ohetũ ipýpe.

20 Ha Ñandejára he'i chupe opu'ã haġua. Ha ha'e opu'ã ha oñembo'y henondépe.

21 Ha Ñandejára he'i chupe: Che ame'ẽ ndéve pu'aka emongarai haġua ko'ã tavayguakuérape che ajupi jey vove yvágape.

22 Ha avei Ñandejára ohenói ambuépe, ha he'i chupekuéra upéicha; ha ome'ẽ chupekuéra pu'aka oporomongarai haġua. Ha he'i chupekuéra: Péicha peporomongaraíta; ha ndaiporimo'ãi joavy pende apytépe.

23 Añetehápe che ha'e peẽme, oñearrepentíva iñangaipágui pene ñe'ẽ rupi, ha oñemongaraiséva che rérape, péicha pemongaraíta chupekuéra—Péina ápe, peguejýta ha peñembo'ýta ýpe, ha che rérape pemongaraíta chupekuéra.

24 Ha ko'ága péina ápe, ko'áva ha'e umi ñe'ẽ pejétava, pehenóivo chupekuéra héra rupi, pejévo:

25 Jesucristo ome'ẽvo chéve autorida, che romongarai Túva, ha Ta'ýra, ha Espíritu Santo rérape. Amén.

26 Ha upémarõ pemoñapymi-mbaitéta chupekuéra ýpe, ha pesẽ jeýta upe ýgui.

27 Ha upéicha pemongaraíta che rérape; ha péina ápe, añetehápe che ha'e peẽme, pe Túva, ha Ta'ýra, ha Espíritu Santo ha'e peteí; ha che ha'e Túva ryepýpe, ha pe Túva chepype, ha Túva ha che peteĩnte.

28 Ha ha'e haguéicha peẽme, upéicha pemongaraíta. Ha ndaiporimo'ái ñe'ẽ'api pende apytépe, ko'ága peve oĩ haguéicha; ni ndaiporimo'ái ñe'ẽ'api pende apytépe che doctrina reheguávape, ko'apeve oĩ haguéicha.

29 Añetehápe, añetehápe che ha'e peẽme, upe oguerekóva joavy rehegua espíritu ndaha'úi che mba'e, ha katu ha'e aña mba'e, ha'éva joavy túva, ha ha'e omokyre'ỹ pochýpe yvyporakuéra korasõ, oñorairõ haña peteíva ambue ndive.

30 Péina ápe, péva ndaha'úi

che doctrina, yvyporakuéra korasõ toñemokyre'ỹ pochýpe, peteíva ambue rehe; ha katu kóva ha'e che doctrina, topa umi mba'e.

31 Péina ápe, añetehápe, añetehápe, che ha'e peẽme, che amombe'úta peẽme che doctrina.

32 Ha kóva ha'e che doctrina, ha ha'e doctrina Túva ome'ẽva'ekue chéve; ha che ame'ẽ testimonio Túvagui, ha Túva ome'ẽ testimonio chehegui, ha Espíritu Santo ome'ẽ testimonio Túvagui ha chehegui; ha che atestifika Túva he'íha mayma yvypórape, opa hendápe, toñearrepenti ha tojerovia cherehe.

33 Ha opavave ojeroviáva cherehe, ha oñemongaraíva, upéva ojesalváta; ha umíva ha'e umi ohupytytáva Tupã rréino.

34 Ha umi ndojeroviáva cherehe, ni noñemongaraíva, oñekondenáta.

35 Añetehápe, añetehápe, che ha'e peẽme, kóva ha'eha che doctrina, ha che ame'ẽ testimonio Túva mba'eha; ha opavave ojeroviáva cherehe ojerovia avei Túvare; ha Túva otestifikáta chupe chehegui, oútagui chupe tata ha Espíritu Santo reheve.

36 Ha upéicha Túva ome'ẽta testimonio chehegui, ha Espíritu Santo ome'ẽta chupe testimonio Túvagui ha chehegui; Túva, ha che, ha Espíritu Santo ha'e haguére peteí.

37 Ha che ha'e jey peẽme, peñearrepentiva'eráha, ha toiko pendehegui mitã michívaicha,

ha peñemongarai che rérape, térã mba'evécharamo ndapehupyty-mo'ái ko'ã mba'e.

38 Ha che ha'e jey peñeme, peñearrepentiva'erãha, ha peñemongarai che rérape, ha peiko mitã michĩvaicha, térã mba'evéicharõ ndapehupyty-mo'ái Tupã rréino.

39 Añetehápe, añetehápe, che ha'e peñeme, kóva ha'eha che doctrina, ha umi ojogapóva upéva ári, ojogapo che ita ári, ha umi añaretã rokẽ ndaipu'akamo'ái hesekuéra.

40 Ha umi he'íva hetave térã sa'ive kóvagai, ha omoíva che doctrinarõguáicha, umíva ou añágui, ha ndojogapói che ita ári; ha katu ojogapo peteĩ vyguigua pyenda ári, ha umi añaretã rokẽ ojepe'a omoñuahẽ haña chupekuéra ou vove amaguasu ha oipeju vove vyty hi'arikuéra.

41 Upévore, peho ko tavaygua-kuérape, ha pemombe'u umi ñe'ẽ che añe'ẽva'ekue, vvy opaha peve.

ÑEMBYATY 12

Jesús ohenói umi doce-pe ha oautorisa chupekuéra—Ome'ẽ nefitakuérape peteĩ ñemoñe'ẽ ojoguáva Sermón del Monte-pe—Ha'e oñe'ẽ umi Bienaventuranza-re—Imbo'epykuéra tuichave ha imba'eguasuve Moisés léigui—He'i vyvporakuérape tahekoporãmbaite jepe ha'e ha Itúva hekoporãmbaiteháicha—

Ñambojojáva'erã Mateo 5 rehe. 34 ary rupi Cristo rire.

Ha ojehu Jesús oñe'ẽ rire ko'ã ñe'ẽ Nefi-pe, ha umi oñehenoiva'ekuépe, (ko'áña, ojeipapa doce umi oñehenoiva'ekue, ha oñeme'ẽ chupekuéra pu'aka ha autorida omongarai haña) ha péina ápe, ha'e oipyso ipo upe atyguasú goyto, ha osapukái chupekuéra, he'ívo: Pejehovasapyre peẽ pehendúramo ko'ã doce ñe'ẽ che aiporavova'ekue pende apytégui peneministra haña, ha ha'e haña pene rembiguái; ha chupekuéra ame'ẽ pu'aka penemongarai haña ýpe; ha peñemongarai rire ýpe, péina ápe, che pomongaraíta tata ha Espiritu Santo-pe; upévore pejehovasapyre peẽ pejeroviáramo cherehe ha peñemongaraíramo, pecherecha rire ha peikuaa ha'eha che.

2 Ha avei, ojehovasapyreve umi ogueroviáva pene ñe'ẽ pe-testifikátagai cherechahague, ha peikuaaha che ha'eha. Heẽ, ojehovasapyre umi ogueroviáva pene ñe'ẽ, ha oguejýva ñemomirĩ añetépe ha oñemongaraíva, oútagui chupekuéra tata ha Espiritu Santo, ha ohupytyta hikuái iña-ngaipa jora.

3 Heẽ, ojehovasapyre umi imboriahúva ijespíritupe oúva chere-ndápe, ha'égui imba'ekuéra pe yvága rréino.

4 Ha avei, ojehovasapyre mayma haséva, ha'ekuéra oñemoangapy-hýtagui.

5 Ha ojevohasapyre hekomaranga-tátuva, ha'ekuéra ohupytýtagui pe yvy.

6 Ha ojevohasapyre mayma ohasáva ñembyahýi ha y'uhéi tekojojágui, ha'ekuéra henyhêtare Espíritu Santo-gui.

7 Ha ojevohasapyre umi iporiahuverekokuaáva, ha'ekuéra ohupytýtagui poriahuvereko.

8 Ha ojevohasapyre mayma ikorasõ potíva, ha'ekuéra ohechátagui Tupãme.

9 Ha ojevohasapyre mayma oporomoingoporáva, ha'ekuéra oñehenóitagui Tupã ra'y ha raijykuéra.

10 Ha ojevohasapyre mayma umi che rérare oñemuñáva, imba'ekuéragai yvága rréino.

11 Ha pejevohasapyre yvyporakuéra oñe'ẽvaíramo penderehe ha penemuñáramo, ha oje'ereíramo opaichagua mba'evai penderehe, chendive peikógui;

12 Pevy'átagai ha tuicha pende-py'arorýtagui, tuichátagai pende jopói yvágape; péicha omuña haguére hikuái umi proféta peẽ mboyveguarépe.

13 Añetehápe, añetehápe, che ha'e peẽme, peẽ ha'e haña yvypegua juky; ha upe jukýgui opáramo he'ẽngue mba'épe oñemohe'eta pe yvy? Upe guive pe juky naiporãmo'ãvéima mba'e-verã, ndaha'éiramo oñemombo haña okápe ha yvyporakuéra opyrũmba haña hese.

14 Añetehápe, añetehápe che ha'e peẽme, peẽ ha'e haña tesape tavayguakuérape ġuarã. Peteĩ

tavaguasu oñemopu'áva yvyty ári ndaikatúi oñemokañy.

15 Péina ápe, omyendy piko yvyporakuéra peteĩ tataindy ha upéi omoĩ mba'yru guýpe? Nahá-niri, ha katu omoĩ peteĩ tataindy ryrúpe, ha ohesape opavave óga ryepýpe oĩvape;

16 Upévare péicha aveíke tojekuaa pende resape ko tavayguakuéra renondépe, ohecha haña hikuái pene rembiapo porãngue ha omboverapy haña pende Ru oĩva yvágape.

17 Aní peimo'ã che ajuhague ahundi haña pe léi térã umi proféta. Che ndajúikuri ahundi haña ha katu aju akumpli haña;

18 Añetehápe che ha'égui peẽme, ni peteĩ hóta ni peteĩ tilde ndohasái pe léigui, ha katu che-pype opa mba'e oñekumpli.

19 Ha péina ápe, che ame'ekuri peẽme che ru rembiapoukapy ha leikuéra, pejerovia haña cherehe, ha peñarrepenti haña pene angaipakuéragai, ha peju haña cherendápe peteĩ korasõ miri ha espíritu ñembyasy reheve. Péina ápe, peguereko tembiapoukapykuéra penerenondépe, ha léi oñekumplíma.

20 Upévare peju cherendápe ha pejesalva; añetehápe che ha'égui peẽme, napeneñe'ẽrendúiramo che rembiapoukapykuérare, ame'ẽva peẽme ko árape, mba'evéicharamo ndapeikemo'ái yvága rréinope.

21 Ha pehendúkuri umi ymaguare he'ihague, ha avei ojehai

penerenondépe, ndapeporojukai-va'erāha, ha oimeraēva oporoju-káva oīta Tupā huísio guýpe;

22 Ha katu che ha'e peēme, pe ipochýva ijoyke'y ndive ikatúma oñemoī Tupā huísiope. Ha oimeraēva he'íva ijoyke'yype, rráka, oñemoīta pe konsílope; ha pe he'íva chupe, Tekove tavy, ikatúta oñemoī añaretā ratápe.

23 Upévore, rejúramo chere-ndápe, térã rejuséramo chere-ndápe, ha nemandu'áramo nde joyke'y ipochyha nendive—

24 Tereho nde joyke'y rendápe, ha eñemoīporāraē hendive, ha upéi eju chere-ndápe korasō añetepe, ha che romoĝuahēta.

25 Eñemoīporā pya'e nderayhu-ýva ndive rejehuhu aja hendive tapére, ani oimeraē ára ndejagara, ha eñemombo ka'irāime.

26 Añetehápe, añetehápe, che ha'e ndéve, neresēmo'áiha upégui rehepyme'ē mboyve upe seníne ipaha peve. Ha reime aja ka'irāime ikatúta piko rehepyme'ē peteī seníne jepeve? Añetehápe, añetehápe, che ha'e ndéve, Nahániri.

27 Péina ápe, ojehaiva'ekue umi ymaguarére, nderejapoiva'erāha ñemyakāratī;

28 Ha katu che ha'e peēme, oma'éva peteī kuñáre, oipotágui chupe ĝuarã, ojavóma myakāratī ikorasóme.

29 Péina ápe, che ame'ē peēme tembiapoukapy, ani haĝua peheja mba'eve ko'áichagua oike pene korasóme;

30 Iporāve niko ndapeguere-

kóiramo ko'ã mba'e, pejagarrávo péicha pende kurusu, peñemo-mbo rāngue añaretāme.

31 Ha ojehaiva'ekue, oimeraēva ndohayhuvéiva hembirekópe, tome'ē chupe kuatione rehegua.

32 Añetehápe, añetehápe, che ha'e peēme, opavave ohejáva hembirekópe, ndaha'éiramo tembiapoky'áre, ojapo pe kuña ho'a ñemoakāratíme; ha oimeraēva omendáva pe kuña ojehajapyréva ndive ojapo ñemyakāratī.

33 Ha avei ojehai, nereñe'ēme'ēmo'áiha, ha katu rejapóta Ñandéjara pe opa ne ñe'ēme'ēnguéra.

34 Ha katu añetehápe, añetehápe, che ha'e peēme, ani peñe'ēme'ē mba'evéicharamo; ni yvágare, ha'égui Tupā apykajegua;

35 Ni yvýre, ha'égui ipyrenda;

36 Ni napeñe'ēme'ēmo'ái pene akāre, ndaikatúigui pemohū térã pemomorotī ni peteī pene akārague;

37 Ha katu taha'e pene ñe'ē Heē, heē; Nahániri, nahániri; hetavéva upévagui ivai.

38 Ha péina ápe, ojehaíkuri, tesa tesáre, ha tã tāire;

39 Ha katu che ha'e peēme, ani peha'ã pe añáme, ha katu pe neinupāvape nde rova akatúape, eme'ē avei chupe ambue;

40 Ha yvypóra ndegueraháramo léi renondépe ha oipe'a ndehégui nde ao, eheja avei chupe nde ahoja;

41 Ha oimeraē nemyañáva reguata haĝua hendive peteī mílla, tereho hendive mokōi.

42 Ha ojerurévape ndéve eme'ē, ha oiporusévape ndehogui ani ere nahániri.

43 Ha péina ape ojehai avei, rehayhuva'erāha nde ykereguápe ha nderehayhuiva'erā nde rayhu'yvape;

44 Ha katu che ha'e peēme, pehayhu penderayhu'yhakuérape, pehovasa okaguaiévape penderhe, pejapo iporāva ija'e'yvape penderhe, ha peñembo'e pende poruvaiva ha penemuñáva rehe;

45 Ha'e haḡua pende Ru oiva yvágape ra'y ha rajykuéra; ha'e oguenohēgui ikuarahy iñañáva ha iñaña'yva ári.

46 Upévare ko'ā mba'e oiva'ekue yma, oiva'ekue upe léi guýpe, oñekumlipa chepype.

47 Ymaguare mba'e ohasapáma, ha opa mba'e oñembopyahupa.

48 Upévare che aipota penderkoporāmbaite jepe chéicha, térā pende Ru oiva yvágape hekoporāmbaiteháicha.

ÑEMBYATY 13

Jesús ombo'e nefita-kuérape Ña-ndejára ñembo'e—Ombyatyva'erā hikuái mba'ehepy yvágape—He'i umi doce-pe oministra aja ani oje-py'apy umi mba'e yvy'ariguáva rehe—Oñembojojáva'erā Mateo 6 rehe. 34 ary rupi Cristo rire.

AÑETEHÁPE, añetehápe, che ha'e peēme, aipota peme'ē tupāmba'e imboriahúvape; ha katu aníke

peme'ēse pene tupāmba'e yvy-porakuéra renondépe pejehechauka haḡua; ndaupéichairamo ndapeguerekomo'ái ni peteĩ jehepyme'ē ñande Ru yvágape oivagui.

2 Upévare, pejapo vove pene tupāmba'e ani pembopu trompéta penerenondépe, ojavoháicha umi hovamokōiva sinagóga ha tapére, oguereko haḡua yvy-porakuéra verapy. Añetehápe che ha'e peēme, oguerekóma hikuái ijehepyme'ē.

3 Ha katu nde rejapo vove tupāmba'e ani oikuaa nde po asu ojavóva nde akatúa;

4 Ne tupāmba'e oiko haḡua ñemiháme; ha nde Ru ohecháva ñemiháme, ohepyme'ēta ndéve aty renondépe.

5 Ha nde reñembo'e jave ani rejapo umi hovamokōivaicha, ha'ekuéra oñembo'eségui ñembo'yhápe sinagógape ha tape yképe, ojehechauka haḡua yvy-porakuérape. Añetehápe che ha'e peēme oguerekomaha hikuái ijehepyme'ē.

6 Ha katu nde, reñembo'e vove, eike nde rógape, ha emboty rire pe okē, eñembo'e nde Ru oivape ñemiháme; ha nde Ru, ohecháva ñemiháme, ohepyme'ēta ndéve aty renondépe.

7 Ha katu eñembo'évo, ani eiporu ñe'ē jey rei, paganokuéra ojavoháicha, ha'ekuéra oimo'āgui iñe'ē hetáre oñehendutaha chupekuéra.

8 Upévare ani peē ha'ekuéraicha, pende Ru oikuaámagui

mba'épa peikotevê pejerure mboyve chupe.

9 Péicha uvei peñembo'e: Ore Ru yvágape reiméva, toñemomarangatu nde réra.

10 Tojejapo ne rembipota yvýpe yvagapeguáicha.

11 Oreperdona ore rembiapovaikue, ore roperdonaháicha ore rapichápe hembiapovaikuéra.

12 Ani reheja ro'a jeipy'ara'áme, ha katu orepe'a aña poguýgui.

13 Ne mba'égui upe rréino, ha pu'aka, ha verapy, tapiajte peve. Amén.

14 Ha, peperdonáramo yvyporakuérape hembiapovaikue peneperdonáta avei pende Ru yvagapegua;

15 Ha katu napeperdonáramo yvyporakuérape hembiapovaikue, pende Ru noperdonamo'ái avei peême pene rembiapovaikue.

16 Ha avei, peajunáramo ani pejapo umi hovamokõivaicha, hova ñembyasýva, omoambuéva hova ohechauka haḡua yvyporakuérape oajunaha hína. Añetehápe che ha'e peême, oguerékoma hikuái ijehepyme'ẽ.

17 Ha katu nde, reajuna vove, emoñandyry ne akã, ha ejovahéi;

18 Ani haḡua rehechauka yvyporakuérape reajunaha hína, ha katu nde Rúpe, oíva ñemiháme añónte, ha nde Ru, ohecháva ñemiháme, ohepyme'ẽta ndéve aty renondépe.

19 Ani pembyaty peême ḡuarã mba'ehepy yvy ári, aoraso ha

havê ombyaihápe, ha mondahakuéra oike ha omondahápe;

20 Ha katu pembyaty mba'ehepy peême ḡuarã yvágape, aoraso ha havê ombyai'ýhápe, ha mondahakuéra oike'ý ha omonda'ýhápe.

21 Oiháme pene mba'ehepy, upépe oítahui avei pene korasõ.

22 Tete resapeha niko ha'e tesa; upévare, nde resa ipotiramo, opa nde rete henyhêta tesapégui.

23 Ha katu nde resa ivaíramo, opa nde rete henyhêta pytúgui. Ha, upéicha, tesape oíva nde pype ñipytyramo, ndatuichaitemo'ái piko umi ypytũ!

24 Avave yvypóra ndaikatúi omba'apo mokõi karaípe ḡuarã; ndohayhumo'ãigui peteíme ha katu ohayhúta ambuépe, térã ojáta peteire ha ojahéita ambuére. Ndaikatúi peipytyvõ Tupáme ha Mamón-pe.

25 Ha ko'áḡa Jesús oñe'évo ko'ã ñe'ẽ oma'ẽ umi doce oiporavova'ekue gotyo, ha he'i chupekuéra: Penemandu'áke ñe'ẽ ha'eva'ekuére. Ha péina ápe, peẽ ha'e umi aiporavova'ekue oministra haḡua ko'ã tavayguakuéra apytépe. Upévare che ha'e peême, ani pejepy'apy pende rekovére, mba'épa pe'úta, térã mba'épa pey'úta; ni pende rete rehe, mba'épa pemondéta. Ndaha'évéi piko tekove tembi'úgui, ha tete aógui?

26 Pema'ẽ guyra yvagapeguáre, noñemitýiva, ni nomono'õiva alfolípe; upevére Pende Ru yvagapegua omongaru chupekuéra.

Napeneporãitereivéi piko peẽ chuguikuéra?

27 Máva piko pende apy-tépe heta omba'apóramo jepe ikatúta omoïve peteĩ kódo ijyvatekuépe?

28 Ha mba'ére piko pejepy'apyta aóre? Pema'ẽ umi lírio ñumeguáre mba'éichapa okakuaa; nomba'apói, ni nombovyvyí hikuái;

29 Ha upevére che ha'e peẽme, Salomón jepeve, opa ive-rapýpe, noñemondeiva'ekue ha'ekuéraicha.

30 Upévore, Tupã omondéramo péicha yvoty ñumegua, ko árape oïva, ha ko'ërõ ojeitýva tatakuápe, jepeve upéicha ha'e penemondéta, namichĩriramo pende jerovia.

31 Upévore ani pejepy'apy, pejévo, Mba'épa ja'úta? térã, Mba'épa jay'úta? térã, mba'épa ñamondéta?

32 Pende Ru yvagapegua oikuaágui peikotevêha opa ko'ã mba'e.

33 Ha katu peheka raëve Tupã rréino ha hekojoja, ha opa ko'ã mba'e oñeme'eta peẽme.

34 Upévore ani pejepy'apy ko'ërõ ġuarãre, ko'ërõ oguerútagui jepý'apy imba'évare. Iporãntema pe ára imba'evairã.

NEMBYATY 14

Jesús he'í: Ani pehusga; pejerure Tupãme; peñeñangarekóke proféta añetegua'ỹvagui—Ha'e oñe'eme'ẽ

ome'etaha salvasiõ umi ojavópape Itúva rembipota—Ñambojojáva'erã Mateo 7 rehe. 34 ary rupi Cristo rire.

HA ko'ãġa Jesús he'í rire ko'ã ñe'ẽ ojere jey pe atyguasú gotyo, ha oñe'ẽ jey chupekuéra, he'ívo: Añetehápe, añetehápe, che ha'e peẽme, ani pehusga, pejehusga'ỹ haġua peẽ.

2 Pe huísio peporohusgávape, pejehusgáta avei peẽ; ha medída peporomedívape, peñemedi jeýta peẽ.

3 Ha mba'ére piko rehecha kapi'í oïva nde joyke'y resápe, ha nderehechái pe víga oïva nde resápe?

4 Térã mba'éicha piko eréta nde joyke'ýpe: Eheja taipé'a kapi'í nde reságui—ha péina ápe, oï peteĩ víga nde resápe?

5 Nde tovamokõi, eipe'a raẽ pe víga nde reságui; ha upéi rehe-chaporãta renohẽ haġua kapi'í nde joyke'y reságui.

6 Ani peme'ẽ umi imarangatúva jaguápe, ni peity pende pérta kure renondépe, aníntemo opyrũmba hikuái hese ipýpe, ha ojere jey ha peneipeha'ã.

7 Pejerure, ha oñeme'eta peẽme; peheka ha pejuhúta; pehenói, ha ojepe'áta peẽme.

8 Opavave ojerurévape, oñeme'etágui; ha pe ohekáva, ojuhúta; ha pe ohenóivape, ojepe'áta.

9 Térã máva yvypóra piko pende apytépe, ita'ýra ojeruréramo chupe mbujape, ome'eta chupe peteĩ ita?

10 Tērā ojeruréramo peteī pira, ome'ēta chupe peteī mbói?

11 Ha peē, peneñañáva, pe-me'ēkuaáramo mba'eporā pende ra'ykuérape, mboyve piko pende Ru oīva yvágape ome'ēta mba'e porā ojerurévape chupe?

12 Upévare, opa mba'e peipotáva vyvporakuéra ojapo pende-rehe, jepe upéicha pejapo peē hesekuéra, ha'égui upéva léi ha profetakuéra.

13 Peike okē po'í rupi; tuichágui okē, ha ipyrusu tape, oporogue-raháva ñehundípe, ha heta oī oikéva upérupi;

14 Ipo'ígui okē, ha ipo'í upe tape, oporogue-raháva tekovépe, ha mbovy umi ojuhúva.

15 Peñeñangarekóke profetakuéra añetegua'yvaguí, oúva peēme ovecha ao reheve, ha katu hyepýpe aguaraguasu ñarō hína.

16 Hi'áre peikuaáta. Oñemo-no'ō piko ñuatígui parral, térā ñanágui ígo?

17 Upéicha avei opa vyvramáta porā ome'ē yva porā; ha katu peteī vyvramáta vai ome'ē yva vai.

18 Peteī vyvramáta iporáva ndaikatúí ome'ē yva vai, ni peteī vyvramáta vai ndaikatúí ome'ē yva porā.

19 Opa vyvramáta ome'ē'yva yva porā oñekytí, ha oñemombo tatápe.

20 Upéicha, hi'áre peikuaáta.

21 Nda'opavavéi he'íva chéve, Ñandejára, Ñandejára, oikéta

yvága rréinope; ha katu pe ojapóva che Ru oīva yvágape rembipota.

22 Upe árape oīta heta he'íva chéve: Ñandejára, Ñandejára, ndoroprofetisái piko ra'e nde rérape, ha nde rérape noromosēiraka'e aña, ha ndorojapói piko nde rérape heta tembiapo hechapyrāva?

23 Ha upéramo ha'éta chupekuéra: Che araka'eve ndapoikuaáiva; pejei chehegui, tembiapovai apohára.

24 Upévare, oimeraē ohendúva ko'ã che ñe'ē ha ojapóva, che ambojojáta chupe peteī kuimba'e iñakāguapývare, omopu'áva'e-kue hóga peteī ita ári—

25 Ha oguejy pe ama, ha ou heta y, ha oipeju vyvutukuéra, ha oinupã atã upe ógare; ha ndo'ái, oñemopu'äre peteī ita ári.

26 Ha opavave ohendúvape ko'ã ñe'ē ha ndojapóiva oñembojojáta kuimba'e iñakāguapy'yvare, omopu'áva'ekue hóga vyvku'í ári—

27 Ha oguejy pe ama, ha ou heta y, ha oipeju vyvutukuéra, ha oinupã atã upe ógare; ha ho'a, ha tuicha upe ije'a.

ÑEMBYATY 15

*Jesús omombe'u Moisés léi oñekum-
plimaha ipype—Nefita-kuéra ha'e
umi ambue ovecha oñe'ēhaguégui Je-
rusalén-pe—Tembiapovai rupi, Ña-
ndejára tavayguakuéra Jerusalén-pe
ndoikuaái umi Israel ovechakuéra*

ambuégui oñemosarambiva'ekue. 34 ary rupi Cristo rire.

HA ko'ãga ojehu Jesús he'ipa rire ko'ã mba'e oma'ẽ pe atyguasu jerére, ha he'i chupekuéra: Péina ápe, peẽ pehendúkuri umi mba'e ambo'eva'ekue ajupi mboyve che Ru rendápe; upévore, oimera'eva imandú'áva ko'ã che ñe'ẽre ha ojavópape, amopu'ãta ára pahápe.

2 Ha ojehu Jesús he'i rire ko'ã ñe'ẽ ohechakuaa oïha ijapytepekuéra ohecharamóva, ha oomba'eguasúva mba'épa pe ha'e oipotáva Moisés léigui; noikūmbýigui hikuái ñe'ẽ he'iva mba'e ymaguare ohasamaha, ha opa mba'e oñembopyahuha.

3 Ha he'i chupekuéra: Ani pehecharamo ha'e haguére peẽme mba'e ymaguare ohasamaha, ha opa mba'e oñembopyahuha.

4 Péina ápe, che ha'e peẽme oñekumplímaha léi Moisés-pe oñeme'eva'ekue.

5 Péina ápe, che ha'e upe ame'eva'ekue upe léi, ha che ha'e ajapova'ekue konvénio che tavayguakuéra Israel ndive; upévore, upe léi oñekumpli chepype, che ajúguikuri akumpli hağua upe léi; upévore ohasáma.

6 Péina ápe, che ndahejareíri profetakuéra, ha opa mba'e che pype noñekumpliriva'ekue, añetehápe ha'e peẽme, oñekumplipataha.

7 Ha ha'e haguére peẽme mba'ekuéra ymaguaréva ohasamahague, che ndahejareíri umi oje'eva'ekue mba'e ouva'eräre.

8 Péina ápe, konvénio ajapova'ekue che tavayguakuéra ndive noñekumplipái gueteri; ha katu léi oñeme'eva'ekue Moisés-pe oñembopaha chepype

9 Péina ápe, che ha'e upe léi ha tesape. Pema'ẽ cherehe, ha peñeha'ambaite ipahaite peve, ha peikovéta; ha upe oñeha'ambaitévape ipahaite peve ame'ëta tekove opave'ÿva.

10 Péina ápe, che ame'ẽ peẽme tembiapoukapykuéra; upévore peneñe'ërendu che rembiapoukapykuérare. Ha upéva ha'e léi ha profetakuéra, ha'ekuéra añetehápe otestifikágui chehegui.

11 Ha ko'ãga, ojehu Jesús oñe'ẽmbarire ko'ã ñe'ẽ, he'i umi doce ha'e oiporavova'ekuépe:

12 Peẽ ha'e che remimbo'ekuéra; ha ha'e peteĩ tesape ko'ã tavayguakuérape, ha'éva José ñemoñare rembyre.

13 Ha péina ápe, kóva ha'e pende yvy jehejapyre; ha Túva omé'eva'ekue peẽme.

14 Ha Túva araka'eve nome'ëiva'ekue chéve tembiapoukapy amombe'u hağua upéva pende joyke'ykuérape Jerusalén-pe.

15 Ni araka'eve Túva nome'ëiva'ekue chéve tembiapoukapy añe'ẽ hağua chupekuéra umi ambue trívú Israel rogaguére, Túva oguerahava'ekue hetãgui okápe.

16 Kóvante Túva he'i chéve, ha'e hağua chupekuéra:

17 Aguerrekoha ambue ovecha ndaha'éiva ko rredilpegua; umívape che agueruva'erã avei,

ha ohendúta hikuái che ñe'ẽ; ha oĩta peteĩ ovecha'aty ha peteĩ ovecharerekua.

18 Ha ko'áğa, py'ahatã ha jegue-rovia'ỹ rupi noikũmbýi hikuái che ñe'ẽ; upévare he'i chéve Túva anive hağua aña'ẽ chupekuéra ko'ã mba'ére.

19 Ha katu, añetehápe, che ha'e peẽme Túva he'ihague chéve, ha che ha'e peẽme, peẽ pejeipe'ahague ijapytepekuéragui hembiapovaikuéra rupi; upévare hembiapovai rupi hikuái ndoikuaái mba'eve pendehegui.

20 Ha añetehápe, che ha'e peẽme avei Túva oipe'ahague chuguikuéra ambue trivukuéra; ha hembiapovai rupi ndoikuaái hikuái mba'eve chuguikuéra.

21 Ha añetehápe che ha'e peẽme, peẽ ha'eha umi che ha'e haguégui: Aguereko ambue ovecha ndaha'éiva ko rredilpegua; umívape che agueruva'erã avei, ha ohendúta hikuái che ñe'ẽ; ha oĩta peteĩ ovecha'aty, ha peteĩ ovecharerekua.

22 Ha nacheikũmbýikuri hikuái, oimo'ãgui ha'eha umi gentil; noikũmbýigui hikuái gentil-kuéra oñekonvertitaha iñehekombó'ekuéra rupi.

23 Ni nacheikũmbýi hikuái ha'éro ohendutaha hikuái che ñe'ẽ; ha noikũmbýi hikuái gentil-kuéra araka'eve nohendumo'ãiha che ñe'ẽ—ha ndajehechaukamo'ãiha chupekuéra ndaha'éiramo Espíritu Santo rupive.

24 Ha katu péina ápe, peẽ pependu che ñe'ẽ, ha avei che

rechákuri; ha ha'e che ovecha, ha pejeipapa umi Túva ome'éva'e-kue chéve apytépe.

ÑEMBYATY 16

Jesús ohóta ambue Israel-gua ovechakuéra kañymbyre rendápe—Ára pahápe, upe evanhélio ohóta gentil-kuérape ha upe rire Israel rógape—Ñandejára tavayguakuéra ohecháta hesaite rupi ha'e ogueru jey vove Sión-pe. 34 ary rupi Cristo rire.

HA añetehápe, añetehápe, che ha'e peẽme aguerekoha ambue ovechakuéra, ndaha'éiva ko tetãmegua, ni Jerusalén retãmegua, ni peteĩ umi yvy jereregua aime haguépe ajapo hağua che ministério.

2 Umi aña'ẽha hína ha'e umi ne'irava gueteri ohendu che ñe'ẽ; ni araka'eve ndajehechaukaiva'ekue chupekuéra.

3 Ha katu Túva ome'ẽ chéve tembiapoukapy aha hağua hendapekuéra, ha ohendúta hikuái che ñe'ẽ, ha ojeipapáta che ovecha apytépe, oĩ hağua peteĩ ovecha'aty ha peteĩ ovecharerekua; upévare che aha ajehechauka hağua chupekuéra.

4 Ha ha'e peẽme pehai hağua ko'ã ñe'ẽ aha rire, peichahágui che tavayguakuéra Jerusaléngua, umi cherecháva ha oĩva'e-kue chendive che ministério, ndojeruréiramo ġuarã Túpape che rerape, Espíritu Santo rupive oikuaa hağua hikuái pendehegui,

ha avei ambue trivukuéragui ndoikuaáivagui hikuái mba'eve, ha ko'ã ñe'ẽ peẽ pehaítava toññongatu ha tojehechauka, ha gentil-kuéra plenitud rupive, umi ñemoñare rembyre oñemosarambítavape yvy ape ári ijeguerovia'ỹ rupi, tojegueraha, térã ojegueraha ikatu chekuaa hañgua chéve, Irredentórpe.

5 Ha upéramo ambyatýta chupekuéra irundy yvy rendágui; ha upéramo akumplíta konvénio ojapova'ekue Túva opa tavayguakuéra Israel rogagua ndive.

6 Ha ojevovasapyre gentil-kuéra, ijerovia haguére cherehe, pe Espíritu Santo rupive, otestifikátava chupekuéra cherehe ha Túvagui.

7 Péina ápe, ojerovia haguére cherehe hikuái, he'i pe Túva, ha pendejeguerovia'ỹ rupi, O Israel róga, ára pahápe añetéva oñuahêta gentil-kuérape, ojehechauka hañgua chupekuéra ko'ã mba'e paha.

8 Ha katu ái, he'i Túva, gentil-kuéra oguerovia'ỹvagui—jepe oúramokuri hikuái ko yvy ape ári, ha omosarambi che tavayguakuérape ha'éva Israel rogagua; ha omosẽ ijapytepekuéragui che tavayguakuérape ha'éva Israel rogagua, ha opyrũmba hikuái hesekuéra;

9 Ha Túva poriahuvereko rupive gentil-kuéra ndive, ha avei che Ru huisiokuéra che tavayguakuéra ári ha'éva Israel rogagua rupive, añetehápe, añetehápe, che ha'e peẽme, opa ko'ãva rire, ha che

ajapo rire che tavayguakuéra ha'éva Israel rogagua tojeipy'ajopy, ha toñemoingo'asy, ha tojejuka, ha oñemosẽ rire ijapytepekuéragui, ha ojevahéi rire hesekuéra, ha oiko rire chuguikuéra peteĩ ojehayhu'ýva ha oñeñe'ẽvaiha ijapytepekuéra—

10 Ha péicha he'i Túva ha'e hañgua peẽme: Ára gentil-kuéra ojapo vove angaipa che evanhélio rehe, ha orrechasa vove che evanhélio plenitud, ha opu'ã vove ikorasõ orgúllo rupi opa tetãnguéra ári, ha opa yvypegua tavayguakuéra ári, ha henyhẽ vove opáichagua japu, añetegua'ýgui, ha mba'eñaña, ha opáichagua tovamokõigui, ha jejuka, ha sacerdote-kuéra mba'evaiñemi, ha tekovai, ha tembiapoky'a ñemimbykuéragui; ha ojapóramo hikuái opa ko'ã mba'e, ha orrechásaramo hikuái che evanhélioplenitud, péina ápe, he'i upe Túva, che aipe'áta che evanhélio plenitud ijapytepekuéragui.

11 Ha upéramo chemandu'áta che konvénio ajapova'ekuere che tavayguakuéra ndive, O Israel róga, ha aguerúta chupekuéra che evanhélio.

12 Ha ahechaukáta ndéve, O Israel róga, gentil-kuéra ndoguerekomó'ãiha pu'aka nde ári; ha katu chemandu'áta che konvénio nendivegua rehe, O Israel róga, ha rejúta che evanhélio plenitud jeikuaápe.

13 Ha katu gentil-kuéra oñearepentíramo ha oujey chéve, he'i

upe Túva, péina ápe ojeipapáta chupekuéra che tavayguakuéra apytépe, O Israel róga.

14 Ha ndahejamo'ái che tavayguakuéra, ha'éva Israel rogagua, oho ijapytepekuéra, ha opyrũmba hesekuéra, he'i upe Túva.

15 Ha katu ndojevýramo chere-ndápe, ni nohendúiramo hikuái che ñe'ẽ, che ahejáta chupekuéra, heẽ, che ahejáta che tavayguakuérava, O Israel róga, ohasa imbytepekuéra, ha opyrũmba hesekuéra, ha ha'éta hikuái juky nahe'ëvéimavaicha, upe guive naiporãvéimava mba'everã ha katu oñemombo hağua, ha oñepyrũmba hağua hese che tavayguakuéra pyguýpe, O Israel róga.

16 Añetehápe, añetehápe, che ha'e peẽme, péicha he'ihague chéve Túva—Ame'ẽ hağua ko tavayguakuérape ko vvy ijehejapyrerã.

17 Ha upéramo oñekumplíta proféta Isaías ñe'ẽnguéra, he'íva:

18 Neñangarekoharakuéra omopu'ãta ñe'ẽ; ñe'ẽ joajúpe opurahéita, ohechátogui hikuái hesaitépe Ñandejára ogueru jey vove Sión-pe.

19 Pepurahéi vy'águi, pepurahéi oñondivepa, Jerusalén renda nandikuéra; Ñandejára omoangapyhýgui itavayguakuérape, ha'e orredimi Jerusalén-pe.

20 Ñandejára ombo'opívo ijyva marangatu opa tetãnguéra resa renondépe; ha opa vvy paha peve ohecháta hikuái Tupã salvasiõ.

ÑEMBYATY 17

Jesús he'i tavayguakuérape tojepy'amongeta ñe'ẽnguérare ha toñembo'e kuaapyre. Ha'e omonguera hasývape—Ha'e oñembo'e tavayguakuérare, oiporúvo ñe'ẽ ndaikatúiva ojehai—Angelkuéra omínistra imitãnguérape ha tata omongora chupekuéra. 34 ary rupi Cristo rire.

PÉINA ápe, ojehu Jesús he'i rire ko'ã ñe'ẽ oma'ẽ jey ijerére atyguasu gotyo, ha he'i chupekuéra: Péina ápe, che ára hi'ãguíma.

2 Ahecha penekangyha, ndaikatuiha peikũmbypa che ñe'ẽnguéra Túva he'íva'ekue chéve añe'ẽ hağua peẽme ko árape.

3 Upévale, tapeho pende rógape, ha pejepy'amongeta umi mba'e ha'eva'ekuere peẽme, ha pejerure Túpape, che rérape, ikatu hağua peikũmby, ha pembosako'i pene apytu'ũ ko'ërõ ġuarã, ha che aju jeýta peẽme.

4 Ha katu ko'áğa che aha Túpape, ha avei ajehetchaukáta umi Israel-pegua trívu kañymbyrépe, nokañyígui Túpape ġuarã, ha'e oikuaágui moõpa ogueraha raka'e chupekuéra.

5 Ha ojehu Jesús oñe'ẽmba rire péicha, ha'e oma'ẽ jey ijerére pe atyguasu gotyo, ha ohecha hasẽha hína hikuái, ha oma'ẽ hese ñemovã'ỹme ojerureseramoguáicha chupe topytave hendivekuéra.

6 Ha ha'e he'i chupekuéra: Péina ápe, che py'a henyhẽ poriahuve-rekõgui penderehe.

7 Peguerekópa hasýva pende apytépe? Pegueru ko'ápe. Peguerekópa ikarēva, térã ohecha'ýva, térã noĩporãmbáiva, hete oñekytíva'ekue, imba'asyvaíva, ijypíva, ohendu'ýva, térã oguerekóva oimeháichagua mba'asy? Pegueru ko'ápe ha che amongueráta chupekuéra, poiporiahuverekógui; che py'a henyhẽ poriahuverekógui.

8 Ahechágui peipotaha ahechauka peẽme ajapova'ekue pende joyke'ykuérare Jerusálén-pe, ahechágui pende jerovia ohupytyha pomonguera haḡua.

9 Ha ojehu ha'e oñe'ẽmba rire péicha, opa upe atyguasú, peteĩ ñe'ẽme, oñemboja hasýva ha oiko'asýva ndive, ha ikarēva, ha ohecha'ýva, ha ohendu'ýva, ha opáichagua oiko'asýva reheve, ha ha'e omonguera opavavépe oguerahaháicha hikuái chupe.

10 Ha maymáva ha'ekuéra, umi oñemonguerava'ekue ha umi hesáiva, oñesũ ipy rendépe, ha otupaitũ chupe; ha opavave pe atyguasúgui ikatúva oñemoaḡui ohetũ chupe ipýpe, upéicha rupi ombojahu hikuái ipy hesáype.

11 Ha ojehu ojerure togueru hikuái imitãnguérape.

12 Ha upéicha ogueru hikuái umi imitã michívape ha omboꝑy chupekuéra ijerere yvýpe, ha Jesús oĩ mbytépe; ha pe atyguasú oheja ohasa hikuái ojegue-rupa peve.

13 Ha ojehu ogueru rire hikuái opavavépe, ha Jesús oĩ mbytépe, ha'e he'i atyguasuguápe toñesũ hikuái yvýpe.

14 Ha ojehu oñesũ rire hikuái yvýpe, Jesús ipyahẽ ipype, ha he'i: Túva, ajepy'apy tavayguakuéra Israel rogagua rekoñañare.

15 Ha ha'e he'ivo ko'ã ñe'ẽ, oñesũ ha'ete avei pe yvýpe; ha péina ápe oñembo'e Tuvape, ha umi mba'e ha'e oñembo'eva'ekue ndaikatúti ojehai, ha umi atyguasugua ohenduva'ekue chupe ome'ẽ testimónio.

16 Ha péicha otestifika hikuái: Araka'eva tesa ndohechaiva'ekue, ni apysa nohendui'ekue, ko ára mboyyve, mba'e tuichaite ha hechapyrãitéva rohecha ha rohendu haguéicha Jesús oñe'ẽha Tuvape;

17 Ha ndaipóri kũ ikatúva he'i, ni avave yvypóra ikatúva ohaí, ni yvypóra korasõ ikatúva ojepy'amongeta tuichaite ha hechapyrãitéva mba'e rohecha ha rohendu haguéicha Jesús oñe'ẽ; ha avave ndaikatúti ojepy'amongeta vy'apavẽre omyehyhẽva ore ánga rohendúvo chupe ojereha orerehe Tuvape.

18 Ha ojehu Jesús oñembo'epa rire Tuvape, ha'e opu'ã; ha katu tuichaitégui pe vy'apavẽ atyguasú oñandúva ipu'akapa hesekuéra.

19 Ha ojehu Jesús oñe'ẽ chupekuéra, ha he'i opu'ã haḡua hikuái.

20 Ha opu'ã hikuái pe yvýgui, ha ha'e he'i chupekuéra:

Pejehovasapyre peë pendejerovia rupi. Ha ko'áğa péina ápe, che vy'apavě henyhě.

21 Ha he'ívo ko'ã ñe'ě, hasě, ha atyguasúpe ome'ě testimónio upévagui, ha ha'e ojarra imitānguérape, peteĩ teĩ, ha ohovasa chupekuéra, ha oñembo'e hesekuéra Túvape.

22 Ha ojapo rire ha'e upéva, hasě jey;

23 Ha ha'e oñe'ě pe atyguasúpe, ha he'i chupekuéra: Pema'ě pene mitānguérare.

24 Ha omopu'ãvo hesa oma'ě hağua péina ápe ojere hikuái oma'ěvo yvágare, ha ohecha yvága ojepe'ávo, ha ohecha hikuái angelkuéra oguejýva yvágagui tata mbyte rupiguáicha; ha oguejy ha omongora hikuái umi mitāme, ha oñemongora chupekuéra tatápe; ha angelkuéra oministra chupekuéra.

25 Ha atyguasúpe ohecha ha ohendu ha ome'ě testimónio; ha oikuaa hikuái itestimoniokuéra añetegua ha ha'ekuéra ohecha ha ohendúgui, opavave ijehegui; ha ojeipapa hikuái dos mil quinientos tekove; ha'éva hikuái kuimba'e, kuña, ha mitā.

ÑEMBYATY 18

Jesús omoĩ upe Santa Cena nefitakuéra apytépe—He'i chupekuéra oñembo'e tapiava'erāha hérape—Umi ho'úva ho'o ha hoy'úva huguy tekojoja'yme oñekondena—Ome'ě temimbo'ekuérape pu'aka ome'ě

hağua Espiritu Santo. 34 ary rupi Cristo rire.

Ha ojehu Jesús he'i hemimbo'ekuérape togueru chupe mbujape ha víno.

2 Ha oho aja ogueru hikuái mbujape ha víno, he'i atyguasúpe oguapy hağua yvýpe.

3 Ha oğuahěvo temimbo'ekuéra mbujape ha víno reheve, ha'e ojarra pe mbujape ha omboja'o ha ohovasa, ha ome'ě temimbo'ekuérape ha he'i chupekuéra ho'u hağua.

4 Ha ho'u ha henyhě rire hikuái, he'i toñeme'ě atyguasúpe.

5 Ha atyguasúpe ho'u ha henyhě rire, ha'e he'i temimbo'ekuérape: Péina ápe oĩta peteĩva pende apytépe oñeordenátava, ha chupe ame'eta pu'aka omboja'o hağua mbujape ha ohovasa ha ome'ě hağua che tupaogua tavayguakuérape, opavave umi oguero-viáva ha oñemongaraívape che rérape.

6 Ha akóinte peñeha'āta pejapo upéva, jepe che ajapo haguéicha, jepe che amboja'o haguéicha mbujape ha ahovasa ha ame'ě peñeme.

7 Ha pejapóta upéva penemandu'ávo che rete rehe, ahechaukava'ekue peñeme. Ha ha'éta testimónio Túvape akóinte penemandu'ataha cherehe. Ha penemandu'áramo tapiate cherehe peguerékóta che Espiritu oĩ hağua penendive.

8 Ha ojehu ha'e he'ívo ko'ã ñe'ě, he'i hemimbo'ekuérape toy'u

víno upe kópagui, ha tome'ē avei atyguasuguápe hoy'u haḡua hikuái.

9 Ha ojehu péicha ojapo hikuái, ha hoy'u ha henyhē hikuái; ha ome'ē hikuái atyguasuguápe, ha ko'áva hoy'u, ha henyhē hikuái.

10 Ha temimbo'ekuéra ojapo rire upéva, Jesús he'i chupekuéra: Pejehovasapyre ko'ã mba'e pejapova'ekuére, péva okumplígui che rembiapoukapykuéra, ha kóva otestifika Túvape pejaposeha umi mba'e ha'eva'ekue peēme.

11 Ha tapiaite pejapóta upéva umi oñearrepentíva ha oñemongaraíva rehe che rérape; ha pejapóta che ruguýre penemandu'a haḡua, añoñeva'ekue penderhe, petestifika haḡua Túvape tapiaite penemandu'aha cherehe. Ha penemandu'áramo tapiaite cherehe, peguerékóta che Espíritu oĩ haḡua penendive.

12 Ha ame'ē peēme tembiapoukapy pejapo haḡua ko'ã mba'e. Ha pejapóramo tapiaite ko'ã mba'e pejehovasapyre peē, pejogapógui che ita ári.

13 Ha katu umi pende apytépe ojapóva hetave térã sa'ive ko'ávagui ndojogapói che ita ári, ha katu ojogapo peteĩ pyenda yvyku'igua ári; ha oguejy vove ama, ha ou vove y heta, ha oipeju vove vytykuéra, ha oinupã vove hesekuéra, ho'áta, ha umi añaretã rokē ojepe'áma omoḡuahē haḡua chupekuéra.

14 Upéva pejehovasapyre peē

peneñe'ēredúramo che rembiapoukapykuérare, Túva he'iva'ekue chéve ame'ē haḡua peēme.

15 Añetehápe, añetehápe, che ha'e peēme, peñangareko ha peñembo'eva'erã tapiaite, ani añña penepy'ara'ã, ha pejegaraha hese ñeñapytímbýpe.

16 Ha añembo'e haguéicha pende apytépe jepeve upéicha peñembo'éta che tupaópe, che tavayguakuéra apytépe oñearrepentíva ha oñemongaraíva che rérape. Péina ápe che ha'e tesape; che ame'ēva'ekue peēme techapyrã.

17 Ha ojehu Jesús he'ipa rire ko'ã ñe'ē hemimbo'ekuérare, ojere jey atyguasugoty ha he'i chupekuéra:

18 Péina ápe, añetehápe, añetehápe, che ha'e peēme, peñangareko ha peñembo'eva'erã tapiaite ani peike jepy'ara'ãme; Satana pendeipotágui, pendetyvyro haḡua avatimirícha.

19 Upéva akóinte peñembo'eva'erã Túvape che rérape.

20 Ha oimeraëva mba'e pejeruréva Túvape che rérape, ijjaráramo, pegueroviáramo oñeme'ētaha peēme, péina ápe oñeme'ēta peēme.

21 Peñembo'e Túvape pende rogayguakuéra ndive, che rérape tapiaite, ojehovasa haḡua pene rembireko ha pende ra'ykuéra.

22 Ha péina ápe, py'yi peñembyatýta; ha avavépe napembotovemo'ái oĩ haḡua penendive peñembyaty jave, ha katu peheja chupekuéra toñemoaḡui

penderehe ha ani pembrotove chupekuéra.

23 Ha katu peñembo'éta hese-kuéra, ha napemosẽmo'ãi chupekuéra okápe; ha ou py'ỹiramo hikuái penderdápe pejeruréta hesekuéra Túvape, che rérape.

24 Upévore, pehupi pende resape omimbi haña yvóra renodépe. Péina ápe che ha'e upe tesape pehupiva'erã yvate—umi mba'e pehechava'ekue ajapo. Péina ápe pehechákuri añembo'ehague Túvape, ha opavave peẽ ha'ékuri testígo.

25 Ha pehechákuri ha'ehague ni peteiva pende apytépe noñemomomyryiva'erã, ha katu ha'ékuri peju haña cherendápe, peñandu ha pehecha haña; jepe upéicha pejapóta peẽ yvórape; ha ojapyharáva ko tembiapoukapy ojeguerahauka jeipy'ara'äre.

26 Ha ko'ága ojehu Jesús he'ipa rire ko'ã ñe'ẽ, ha'e ojere jey oma'ẽ temimbo'ekuéra oiporavova'ekuere, ha he'i chupekuéra:

27 Péina ápe añetehápe, añetehápe, che ha'e peẽme, ame'eta peẽme ambue tembiapoukapy, ha upéi ahava'erã che Rúpe akumpli haña ambue tembiapoukapykuéra ha'e ome'eva'ekue chéve.

28 Ha ko'ága péina ápe, kóva ha'e tembiapoukapy che ame'eva peẽme, peikuaávo ani peheja avave ho'u hekojoja'ỹme che ro'o ha che ruguýgui, peme'ẽ jave;

29 Pe ho'úva che ro'o ha hoy'úva che ruguy tekojoja'ỹme, ho'u ha hoy'u kodenasiõ hi'ángape guarã; upévore peikuaáramo

peteĩ yvypóra ndahekojojaiha ho'u ha hoy'u haña che ro'o ha che ruguýgui pembrotovéta chugui.

30 Upevére, napemosẽmo'ãi chupe pende apytégui, ha katu peministráta chupe ha peñembo'éta Túvape hese, che rérape; ha oñearrepenti ha oñemongaraíramo che rérape, upéramo pemoñuahêta, ha peme'eta chupe che ro'o ha che ruguýgui.

31 Ha katu noñearrepentíramo ndojeipapamo'ãi che tavayguakuéra apytépe, ani haña ohundi che tavayguakuérape, péina ápe che aikuaágui che ovechakuéra, ha ojeipapa hikuái.

32 Upevére, napemosẽmo'ãi chupekuéra pene sinagógagui, téra tenda petupaituhágui, peministráta haguere gueteri ko'avare; ndapeikuaáigui peichahágui ojeréramo guarã hikuái ha oñearrepenti, ha ou cherendápe korasõ añete reheve, ha che amongueráta chupekuéra; ha peẽ ha'eta tembiaporu pegueru haña chupekuéra salvasiõ.

33 Upévore, peneñe'ẽrendu ko'ã mba'e che ha'évare peẽme ani haña pe'a kondenasiõme; ái upe Túva okondenávagui.

34 Ha ame'ẽ peẽme ko'ã tembiapoukapykuéra ñe'ẽ'api oĩ haguere pende apytépe. Ha pegehovasapyre ndaipórirõ ñe'ẽ'api pende apytépe.

35 Ha ko'ága che aha Túvape; tekotevẽgui aha Túvape pene ñeimeporã.

36 Ha ojehu Jesús ombopahávo

ko'ã ñe'ẽ, ha'e opoko ipópe temimbo'ekuéra oiporavova'ekuére, peteĩ teĩme, jepe opoko peve opavavére, ha oñe'ẽ chupekuéra opokokuévo hesekuéra.

37 Ha atyguasúpe nohendúí ñe'ẽnguéra ha'e he'íva, upévare nome'ei testimónio; ha katu temimbo'ekuéra ome'ẽ testimónio ha'e ome'ẽhague chupekuéra pu'aka ome'ẽ ha'gua Espíritu Santo. Ha tenondeve ahechaukáta pe'ẽme ko testimónio añeteguaha.

38 Ha ojehu Jesús opoko rire opavavére, ou peteĩ arai ha ojaho'í atyguasúpe upévare ndohechái hikuái Jesús-pe.

39 Ha ojaho'í aja chupekuéra ha'e osẽ ijapytepekuéragui, ha ojupi yvágape. Ha temimbo'ekuéra ohecha ha ome'ẽ testimónio ojupi jeyhague yvágape.

ÑEMBYATY 19

Umi doce temimbo'e oministra tavayguakuérape ha oñembo'e pe Espíritu Santo-re—Temimbo'ekuéra oñemongarai ha oñeme'ẽ chupekuéra pe Espíritu Santo ha angelkuéra ministério—Jesús oñembo'e oiporúvo ñe'ẽ ndaikatúvo ojehai—Ha'e ome'ẽ testimónio jerovia guasuede oguerékóvare umi nefita. 34 ary rupi Cristo rire.

HA ko'ãga ojehu Jesús ojupi rire yvágape, pe atyguasúpe isarambi, ha opa kuimba'e ojagarra hembireko ha ita'yrukuéra ha ohojey hógape.

2 Ha oñemombe'u pya'e tavayguakuéra apytépe, o'guahẽ mboyve pyhare, atyguasúpe ohechahague Jesús-pe, ha ha'e oministrahague chupekuéra, ha ko'ẽ rire ojechaukajeytaha atyguasúpe.

3 Heẽ, ha jepeve opa pyhare pukukue oñemombe'u mba'epyahu Jesús rehegua; ha upéicha rupi oñemosarambi tavayguakuéra apytépe ha heta oĩ, heẽ, hetaiterei oĩ omba'apo mbaretéva opa pyhare pukukue oĩ ha'gua ko'ẽ rire Jesús ojehechaukatahápe atyguasúpe.

4 Ha ojehu ko'ẽ rire, pe atyguasúpe oñembyaty jave, péina ápe, Nefi ha ijoyke'y, ha'e omo'pu'ãva'ekue omanóva apytégui, ha hérava Timoteo, ha avei ita'yra, hérava Jonás, ha avei, Matoni, ha Matoniah, ijoyke'y, ha Kumen, ha Kumenoni, ha Jeremías, ha Shemnón, ha Jonás, ha Sedequías, ha Isaías—ko'ãga ko'ãva temimbo'e Jesús oiporavova'ekue réra—ha ojehu ohasa ha oñemoĩ hikuái pe atyguasúpe mbytépe.

5 Ha péina ápe, tuichaitereígui pe atyguasúpe oñemboja'o hikuái doce pehẽnguépe.

6 Ha umi doce ombo'e pe atyguasúpe; ha péina ápe, omoñesũka hikuái atyguasúpe yvy ape ári, ha toñembo'e Túvape Jesús rérape.

7 Ha umi temimbo'e oñembo'e avei Túvape Jesús rérape. Ha ojehu opu'ã ha oministra hikuái tavayguakuérape.

8 Ha oministra rire hikuái umi ñe'ẽ Jesús he'iva'ekue—omoa-mbue'ỹre mba'évépe ñe'ẽ Jesús he'iva'ekue—péina ápe, oñesũ jey hikuái ha oñembo'e Túvape Jesús rérape.

9 Ha oñembo'e hikuái pe oipotavéva rehe; ha pe ha'ekuéra oipotáva ha'e toñeme'ẽ chupekuéra upe Espiritu Santo.

10 Ha oñembo'e rire péicha oguejy hikuái pe y rembe'ýpe, ha atyguasú oho hapykuerikuéra.

11 Ha ojehu Nefi oike pe ýpe ha oñemongarai.

12 Ha osẽ ýgui ha oñepyrũ oporomongarai. Ha omongarai opavave umi Jesús oiporavova'ekuépe.

13 Ha ojehu opavave oñemongarai ha osẽ rire pe ýgui, pe Espiritu Santo oguejy hi'arikuéra, ha henyhẽ hikuái Espiritu Santo ha tatágui.

14 Ha péina ápe, oñemongora chupekuéra ha'eramoguáicha tatáre; ha oguejy yvágagui, ha atyguasú ha'e testígo, ha ome'ẽ testimónio; ha oguejy angelkuéra yvágagui ha oministra chupekuéra.

15 Ha ojehu angelkuéra oministra aja temimbo'ekuérape, péina ápe, Jesús ou ha oñembo'y imbytepekuéra ha oministra chupekuéra.

16 Ha ojehu ha'e oñe'ẽ atyguasúpe, ha he'í chupekuéra oñesũ jey haḡua yvýpe, ha avei hemimbo'ekuéra oñesũ haḡua upe yvýpe.

17 Ha ojehu opavave oñesũ rire

yvýpe, he'í hemimbo'ekuérape oñembo'e haḡua.

18 Ha péina ápe, oñepyrũ oñembo'e hikuái; ha oñembo'e hikuái Jesús-pe, ohenóivo chupe Iñandejára ha Itupã.

19 Ha ojehu Jesús ojei ijapytepekuéragui, ha oñemomombyry'imi chuguikuéra ha ojavy ha'etevoi yvýpe, ha he'í:

20 Túva, che ame'ẽ ndéve aguyje reme'ẽ haguére Espiritu Santo ko'ã aiporavova'ekuépe; ha ijerovia rupi cherehe aiporavókuri chupekuéra yvóra apytégui.

21 Túva, che ajerure ndéve reme'ẽ haḡua pe Espiritu Santo opavave ogueroviáva iñe'ẽnguérape.

22 Túva, reme'ẽkuri chupekuéra Espiritu Santo ojeroviágui hikuái cherehe; ha rehecha ojeroviaha cherehe rehendúgui chupekuéra, ha oñembo'e hikuái chéve; ha oñembo'e hikuái chéve aime haguére hendivekuéra.

23 Ha ko'áḡa Túva, ajerure ndéve hesekuéra, ha avei maymáva umi ogueroviáva'erã iñe'ẽnguéra rehe, ojerovia haḡua hikuái cherehe, che ha'e haḡua ipypekuéra nde, Túva, ha'eháicha chepype, ñande ha'e haḡua peteĩte.

24 Ha ojehu Jesús oñembo'e rire péicha Túvape, ou jey hemimbo'ekuérape, ha péina ápe, oñembo'e meme gueteri hikuái chupe; ha nombojo'ái hikuái ñe'ẽreieta, oñeme'ẽgui chupekuéra pe oñembo'eva'erã, ha henyhẽ hikuái ñeha'arõgui.

25 Ha ojehu Jesús ohovasa

chupekuéra oñembo'e aja hikuái chupe; ha hova rory ou hí'ari-kuéra, ha hova resape omyesakã chupekuéra, ha péina ápe morotĩporã hikuái Jesús rova ha ijaóicha; ha péina ápe morotĩve opa morotĩvagui, heẽ, ndaikatúi oĩ yvy ape ári mba'e morotĩeteva imorotĩháicha.

26 Ha Jesús he'í chupekuéra: Peñembo'eve; ha katu nombopahái hikuái iñembo'e.

27 Ha ojei jey chuguikuéra, ha oñemomombyry'imi ha oñesũ yvýpe; ha oñembo'e jey Túvape, he'ívo:

28 Túva, che ame'ẽ ndéve aguyje remopotĩ haguére umi aiporavova'ekuépe, ijerovia rupi, ha añembo'e hesekuéra, ha avei umi ogueroviava'erãre iñe'ẽnguéra, oñemopotĩ hağua hikuái chepype, ojerovia rupi iñe'ẽnguérare, jepe ha'ekuéra oñemopotĩháicha chepype.

29 Túva, che nañembo'úi ndéve yvórare, ha katu umi reme'ẽva'ekuére chéve yvóragui, ijerovia rupi, oñemopotĩ hağua hikuái chepype, che ha'e hağua ipy-pekúera nde, Túva, ha'eháicha chepype, ñande ha'e hağua pe-teĩnte, che añemboverapy hağua ipypekúera.

30 Ha Jesús he'í rire ko'ã ñe'ẽ ou jey hemimbo'ekuérare; ha péina ápe oñembo'e hikuái ñemovã-ýme, ha nombopahái iñembo'e chupe, ha ha'e hory jey chupekuéra; ha péina ápe morotĩmba hikuái, Jesúicha jepe.

31 Ha ojehu ojei'imi jey

chuguikuéra ha oñembo'e Túvape;

32 Ha pe kũ ndaikatúi he'í ñe'ẽnguéra ha'e he'iva'ekue, ni ndaikatúi ojehai avave yvypórare ñe'ẽnguéra ha'e oñembo'eva'ekue.

33 Ha atyguasú ohendu ha ome'ẽ testimónio; ha ojepe'a ikorasókuéra ha oikũmby hikuái ikorasóme umi ñe'ẽ ha'e oñembo'eva'ekue.

34 Upevére, tuichaité ha hechapyrãgui ñe'ẽnguéra ha'e oñembo'eva'ekue ndaikatúi ojehai, ni ndaikatúi yvypóra omombe'u.

35 Ha ojehu Jesús oñembo'epa rire ou jey hemimbo'ekuérare, ha he'í chupekuéra: Araka'eve ndahechaiva'ekue jerovia tuichaité judio-kuéra apytépe; upévare ndaikatúikuri ahechauka chupekuéra milágro tuichaitéva, ijguerovia'y rupi.

36 Añetehápe che ha'e peẽme, ndaiporiha ni peteĩ ijapytepekuéra ohechava'ekue mba'e tuichaitéva peẽ pehecha haguéicha; ni ohenduva'ekue tuichaité mba'e peẽ pehendú haguéicha.

ÑEMBYATY 20

Jesús ome'ẽ milágro rupi mbujape ha víno ha ome'ẽ jey upe sacramento tavayguakuérare—Jacob rembyre ojgueraháta Ñandejára Itupã jeikuaápe ha ohupytyta umi América—Jesús ha'e proféta Moiseichagua, ha nefitakuéra katu ha'e profetakuéra ra'y—Ambue Ñandejára tavayguakuérava

oñembyatýta Jerusalén-pe. 34 ary rupi Cristo rire.

Ha ojehu he'i atyguasúpe ha avei hemimbo'ekuérape tombopaha iñembo'e. Ha he'i chupekuéra ani hağua ombopaha iñembo'e ikorasōme.

2 Ha he'i chupekuéra topu'ã ha toñembo'y. Ha opu'ã ha oñembo'y hikuái.

3 Ha ojehu omboja'o jey mbujape ha ohovasa, ha ho'uka temimbo'ekuérape.

4 Ha ho'upa rire hikuái he'i chupekuéra tomboja'o mbujape, ha tome'ẽ atyguasúpe.

5 Ha ome'ẽ rire hikuái atyguasúpe ome'ẽ avei chupekuéra víno hoy'u hağua, ha he'i chupekuéra tome'ẽ atyguasúpe.

6 Ko'ãğa katu, ndogueraháikuri mbujape, ni víno, umi temimbo'ekuéra, ni atyguasukueragua.

7 Ha katu añetehápe ha'e ho'uka chupekuéra mbujape, ha avei omboy'uka chupekuéra víno.

8 Ha he'i chupekuéra: Pe ho'úva ko mbujapégui ho'u che retégui hi'ángape ġuarã; ha omboy'úva ko vínogui hoy'u che ruguýgui hi'ángape ġuarã; ha hi'ंगा araka'eve naiñembyahýi ni ndaijy'u-heimo'ái, ha katu henyhêta.

9 Ko'ãğa katu, opa atyguasúpe ho'u ha hoy'u rire, péina ápe, henyhê hikuái Espíritugui; ha osapukái hikuái peteĩ ñe'ẽme, ha omboverapy hikuái Jesús-pe, ohecháva ha ohendúvape.

10 Ha ojehu opavave omboverapy rire Jesús-pe, ha'e he'i

chupekuéra: Péina ápe ko'ãğa che ajapopáma tembiapoukapy Túva ome'ẽva'ekue chéve ko'ã tavayguakuéra rehegua, ha'éva hikuái peteĩ Israel róga rembyre.

11 Penemandu'áke che añe'ẽhague peẽme, ha ha'ehague oñekumpli vove Isaías ñe'ẽnguéra—péina ápe umíva ojehai, peguereko penerenondépe, upévare pehesa'ỹijo—

12 Ha añetehápe, añetehápe, che ha'e peẽme, umíva oñekumpli vove, upéramo oñekumplíta konvénio Túva ojapova'ekue itavayguakuéra ndive, O Israel róga.

13 Ha upéramo umi hembyre, oñemosarambítava yvy ape ári, oñembyatýta kuarahyresêgui ha kuarahyreikêgui, ha sur ha nórtégui; ha ojegueraháta chupekuéra Ñandejára Itupã jeikuaápe, orredimiva'ekue chupekuéra.

14 Ha Túva he'íkuri chéve ame'ẽ hağua peẽme ko yvy, pende jehejapyrerã.

15 Ha che ha'e peẽme, gentil-kuéra noñearrepentíriramo, jehovasa oñeme'ẽ rire chupekuéra, omosarambi rire hikuái che tavayguakuérape—

16 Upéramo peẽ, ha'éva peteĩ Jacob róga rembyre, pehóta ijapytepekuéra; ha peiméta umi hetáva mbytépe; ha peẽ ha'éta ijapytepekuéra peteĩ leõ mymba ka'aguy apytépeicha, ha leõ ra'y ovecha'aty apytépeicha, ha upéva, ohasáramo mbyte rupi, opyrú ha oipeha'ã, ha avave ndaikatúti ojoko.

17 Nde po opu'āta nde rayhu'ỹ-hakuéra ári, ha mayma nderayhu'ỹva ojeipe'áta.

18 Ha che ambyatýta che tavayguakuérape kuimba'e ombyatyháicha igavílla yvara'ỹirendápe.

19 Ajapótagui che tavayguakuérape upe Túva ojapova'ekue ndive konvénio, heẽ, che ajapóta ne ratĩ iérrogui, ha ne pyapẽ bronze-gui. Ha remongu'íta heta tavayguakuérape; ha akonsagráta Nandejárape ipirapirekuéra, ha imba'ehepykuéra opa tetãmegua Ñandejárape. Ha péina ápe, che ha'e pe ajapóva.

20 Ha ojehu, he'i upe Túva, che hustísia kysepuku oguejýta hi'arikuéra upe árape; ha noñearrepentíriramo ho'áta hi'arikuéra, he'i Túva, heẽ, jepe opa gentilkuéra tetãnguéra ári.

21 Ha ojehu amopu'āta che tavayguakuérape, O Israel róga.

22 Ha péina ápe, amoíta ko tavayguakuérape ko tetãme, oñekumpli haɣua konvénio ajapova'ekue nde ru Jacob ndive; ha ha'éta peteĩ Jerusalén Pyahu. Ha umi yvága pu'aka oíta ko tavayguakuéra mbytépe; heẽ, jepe chetevoi aiméta pende apytépe.

23 Ha péina ápe, che ha'e pe Moisés oñ'eñague, he'ívo: Ñandejára pende Tupã omopu'āta peẽme peteĩ proféta pende joyke'ykuéra apytégui, cheichagua; ha chupe pehendúta opa mba'e he'ívape peẽme. Ha ojehúta opa

tekove nohendúiva upe profétape oñemoséta tavayguakuéra apytégui.

24 Añetehápe che ha'e peẽme, heẽ, ha mayma proféta Samuel guive ha umi ha'e rireguáva, opa umi oñe'ẽva'ekue, otestifikava'ekue chehegui.

25 Ha péina ápe, peẽ ha'e profetakuéra ra'y; ha ha'e Israel rogagua; ha ha'e konvéniogua Túva ojapova'ekue pende rukuéra ndive, he'ívo Abraham-pe: Ne ñemoñarépe ogehovasáta opa yvypegua avaretãnguéra.

26 Túva chemopu'āgui ajuraẽ haɣua peẽme, ha chembou pohovasa haɣua opavave peẽme poipe'ávo pende rembiapovaiakuéragui; ha péva peẽ ha'égui upe konvénio ra'y—

27 Ha pegehovasa rire upéramo Túva okumplíta upe konvénio ojapova'ekue Abraham ndive, he'ívo: Ne ñemoñarépe ogehovasáta opa yvypegua avaretãnguéra—oñeñoñe meve che rupive Espíritu Santo gentilkuéra ári, ha ko jehovasa gentilkuérape, omombaretevéta chupekuéra opavavégui, upéicha omosarambíta hikuái che tavayguakuérape, O Israel róga.

28 Ha ha'éta hikuái peteĩ tukumbo ko tetãgua tavayguakuérape. Upevére, oñemoɣuahẽ vove chupekuéra che evanhélio plenitud, ha omohatãramo ikorasõkuéra cherehe ambojeréta hembiapovaiakuéra iñakã arikuéra, he'i upe Túva.

29 Ha chemandu'áta konvénio ajapova'ekuére che tavayguakuéra ndive; ha ajapova'ekue konvénio hendivekuéra ambyatytaha chupekuéra ára oĩ porã vove chéve, ha ame'ẽ jeytaha chupekuéra ijehejapyrerã ituvakuéra retã, ha'éva Jerusalén retã, ha'éva chupekuéra ġuarã vvy ñe'ẽme'ẽngue tapiate peve ġuarã, he'i upe Túva.

30 Ha ojehu oúta ára, oñhehekombo'etahápe chupekuéra che evanhélio plenitud.

31 Ha ojeroviáta cherehe hikuái, che ha'éha Jesucristo, Tupã Ra'y, ha Túvape oñembo'éta hikuái che rérape.

32 Upéramo iñangarekoharakuéra omopu'áta iñe'ẽ, ha opurahéita oñondivepa; ohechátagu hikuái hesa teépe.

33 Upéramo Túva ombyaty jeyta chupekuéra, ha ome'éta Jerusalén ijyvy jehejapyrerã.

34 Upéramo opurahéita hikuái vy'ápe—Pepurahéi oñondivepa, tenda nandikuéra Jerusalén-gua; Túva omoangapyhy haguére itavayguakuérape, ha'e orredimi Jerusalén-pe.

35 Túva omboi ijyva marangatu opa tetã resa renondépe; ha opa vvy opaha peve ohecháta pe Túva salvasiõ; ha Túva ha che ha'e peteĩ.

36 Upéramo oikóta pe ojehai-va'ekue: Epáy, epáy jey, ha eñemonde ne mbaretégui, O Sión; emonde nde aoporãita, O Jerusalén, tavaguasu marangatu, araka'eve ndoumo'ávéimagui

ndéve oñemoñandyry'ýva ni ipotí'ýva.

37 Ejeityvyro vvy timbógui; epu'ã, eguapy, O Jerusalén; ejora nde ajúra jokuaaha, O Sión membykuña ñeñapytímbýva.

38 Péicha he'ígui Ñandejára: Pejehepyme'ẽ mba'évére, ha pirapire'ýre peñerredimíta.

39 Añetehápe, añetehápe, che ha'e peẽme, che tavayguakuéra oikuaataha che réra; heẽ, upe árape oikuaáta hikuái che ha'éha pe añe'ẽva.

40 Ha upéramo he'íta hikuái: Iporãite piko vvytykuéra ári umi oguerúva chupekuéra marandu porãita pykuéra, pe py'aguapýgui omomaradúva; oguerúva marandu rory porãva, omombe'úva salvasiõgui; he'íva Sión-pe: nde Tupã orreina!

41 Ha upéramo oñehendúta sapukái: Pejei, pejei, pesẽ upégui, ani pepoko ipotí'ývare; pesẽ ijaypitégui; penepotike peẽ pegue-raháva Ñandejára vasokuéra.

42 Napesẽmo'ãi haguére pya'e ni kañyháme; Ñandejára ohótagui penerenonderã, ha Israel-gua Tupã ha'éta pende rapykuergua.

43 Péina ápe, che rembiguái hembiaapo rekokuaáta; oñemomba'eguasúta ha oñemomorãta ha oñemoíta yvatete.

44 Heta oñemondyiháicha ndehégui—ijaipa niko kuri hova, hetave kuimba'égui, ha ha'anga hetave vyvporakuéra ra'ýgui.

45 Péicha ohypýita ha'e heta tetãme; henondépe rreikuéra

ombotýta ijuru, ohechátaguí umi noñemombe'uiva'ekue chupekuéra; ha ohendútaguí pe nohenduseiva'ekue.

46 Añetehápe, añetehápe che ha'e peême, opa ko'ã mba'e añetehápe oikotaha, jepeve Túva he'i haguéicha chéve. Upéramo oñekumplíta ko konvénio Túva ojapova'ekue itavayguakuéra ndive; ha upéramo che tavayguakuéra oiko jeýta Jerusalén-pe, ha ha'éta ijyvy jehejapyre.

ÑEMBYATY 21

Israel oñembyatýta osẽ vove tesakãme Mormón Kwatiañe'ẽ—Gentil-kuéra oñemoíta América-pe tavayguakuéra isãsóvaicha—Ojesalvãta hikuái oguerovia ha iñe'ẽrendúramo; ndaupéichairamo, oñemosẽta ha oñehundíta—Israel omopu'ãta Jerusalén Pyahu, ha umi trívũ kañymbyre oujeýta. 34 ary rupi Cristo rire.

HA ha'e peême añetehápe, che ame'ẽ peême peteĩ techaukaha, peikuaa hağua ára oikopota vove ko'ã mba'e—ambyatytaha che tavayguakuérape iñemosarambi pukúgui, O Israel róga, ha amoĩ jeýta ijapytepekuéra che Sión;

2 Ha péina ápe, kóva ame'ẽta peême techaukaháramo—añetehápe ha'égui peême, ko'ã mba'e ha'éva peême, ha tenondeve ha'é-tava chejehegui, ha Espíritu Santo pu'aka rupi oñeme'ẽtava peême Túvaguí, ojeikuaa vove gentil-kuérape oikuaa hağua hikuái

ko tavayguakuéraguí ha'éva peteĩ Jacob róga rembyre, ha ko che tavayguakuéraguí ha'ekuéra omosarambítava;

3 Añetehápe, añetehápe, che ha'e peême, Túva oikuaa vove chupekuéra ko'ã mba'e, ha Túvaguí ou vove peême ko'ã mba'e chuguikuéra;

4 Ha'e haguére Túva arandúpe toñemoĩ chupekuéra ko tetãme, ha toñemoĩ chupekuéra tavaygua isãsóvaramo Túva pu'aka rupive, ko'ã mba'e ou hağua chuguikuéra peteĩ pene ñemoñare rembyrépe, oñekumpli hağua Túva konvénio ojapova'ekue itavayguakuéra ndive, O Israel róga;

5 Upévale, ko'ã mba'apo ha tembiapo ko'ága guive ojejapótava pende apytépe oútava gentil-kuéraguí pene ñemoñare ho'átavape jeguerovia'ýme tembiapovai rupi;

6 Péicha oĩporãgui Túvape tou gentil-kuéraguí, ohechauka hağua ipu'aka gentil-kuérape, ikatu hağua ko'áva, nomohatãiramo ikorasõ, oñearrepenti ha ou chereñdápe ha oñemongarai che rérape ha toikuaa che doctrina rehegua añeteva, ojeipapa hağua chupekuéra che tavayguakuéra apytépe, O Israel róga;

7 Ha ko'ã mba'e ojeju vove ha pene ñemoñare oñepyrũ oikuaa ko'ã mba'e—upéva ha'éta chupekuéra techaukaháramo, oikuaa hağua hikuái Túva rembiapo oñepyrũmaha, okumpli hağua konvénio ojapova'ekue tavayguakuéra ndive ha'éva Israel rogagua.

8 Ha ou vove upe ára, ojuhúta rreikuéra ombotýta ijuru; ohechátagui pe noñemombe'uiva'ekue chupekuéra; ha ojavysakáta pe nohenduiva'ekuére.

9 Upe árape, ojavóttagui Túva che rupi peteĩ tembiapo, peteĩ tembiapo ha'étava tembiapo guasu ha hechapyrãva ijapytepekuéra; ha oíta ijapytepekuéra ndoguero-viamo'ãiva, jepeve peteĩ yvypóra he'íramo chupe.

10 Ha katu péina ápe, che rembi-guái rekove oíta che pópe; upé-vare ndojaheimo'ái hese hikuái, ojeikutúramo jepe hesekuéra rupi. Upevére che amongueráta chupe, ahechaukáttagui chupekuéra che arandu tuichaveha añã katupyrygui.

11 Upévare ojuhúta umi che ñe'ẽ ndogueroivaiva, che ha'éha Jesu-cristo, Túva ojavótava ha'e ogue-rraha gentil-kuérape, ha ome'éta chupe pu'aka ogueraha haña gentil-kuérape, (ojejavóta Moisés he'i haguéicha jepe), oñemosëta hikuái che tavayguakuéra ha'éva konvénio-gua apytégui.

12 Ha che tavayguakuéraguáva ha'éva peteĩ Jacob rembyre oíta gentil-kuéra apytépe, heë, imbytepekuéra leõicha mymba saite apytépe, ha leõ ra'yicha ovecha'aty apytépe, ha péva, ohasáramo imbyte rupi opyrũmba ha omongu'í, ha avave ndaikatúi ojoko.

13 Ipo opu'ãta ihayhu'yhakuéra rehe, ha mayma ihayhu'yhakuéra oñemosëta.

14 Heë, ái gentil-kuéragui

noñearrepentíriramo; ojuhútagui upe árape, he'i pe Túva, aipe'ataha nde kavajukuéra ne mbytégui, ha ahundíta nde karrokuéra;

15 Ha aipe'áta ne retã tava-guasukuéra, ha aityta opa ne rendambarete;

16 Ha aipe'áta ne retãgui pajekuéra, ha ndereguerekomo'ãvéima adivino;

17 Ne ta'anga jejapopyre che aipe'áta avei, ha ne ta'angukuéra ne mbytégui, ha araka'eveneretupaitũmo'ãvéima nde po ojavova'ekuépe;

18 Ha aipe'áta nde ka'aguykuéra ne mbytégui; ha ahundíta nde tavaguasukuéra.

19 Ha ojuhúta, opa japu, ha añetegua'y ha sacerdote-kuéra mba'evaiñemi, ha tembiapoky'a, ojeipe'apáta.

20 Ojuhútagui, he'i pe Túva, upe árape oimeraëva noñearrepentíriva ha ndoúiva che Ra'y Ahayhuetévape, amosëta che tavayguakuéra apytégui, O Israel róga;

21 Ha aguerúta vengansa ha pochy vai hí'arikuéra, jepe paganokuéra áricha, araka'evenohendúi haguéicha hikuái.

22 Ha katu oñearrepenti ha ohendúramo hikuái che ñe'ẽ, ha nomohatãiramo ikorasõ, che amopu'ãta che tupao ijapytepekuéra, ha oikéta hikuái pe konvéniope ha ojeipapáta chupekuéra ko Jacob rembyre apytépe, ame'ëva'ekuépe ko tetã jehejapyréramo;

23 Ha oipytyvōta hikuái che tavayguakuérape, Jacob rembyre, ha avei opa Israel rogagua oúvape, omopu'ã hağua hikuái peteĩ tavaguasu hératava Jerusalén Pyahu.

24 Ha upéramo oipytyvōta hikuái che tavayguakuérape, oñemosarambíva yvy ape ári, oñembyaty hağua chupekuéra Jerusalén Pyahúpe.

25 Ha upéramo yvagapegua pu'aka oguejýta ijapytepekuéra; ha che avei aiméta imbytepekuéra.

26 Ha upéramo oñepyrūta Túva rembiapo upe árape, jepe oñembo'e vove ko evanhélio ko tavayguakuéra rembyre apytépe. Añetehápe che ha'e peẽme, upe ára oñepyrūta Túva rembiapo opa che tavayguakuéra isarambíva apytépe, heẽ, jepe umi trívu kañymbyre apytépe, Túva oguenohēva'ekue Jerusaléngui.

27 Heẽ, oñepyrūta tembiapo opa che tavayguakuéra oñemosarambíva'ekue apytépe, ha Túva ombosako'íta tape ikatu hağua rupi ou hikuái cherendápe, ohenói hağua hikuái Tuvape che rérape.

28 Heẽ, ha upéramo oñepyrūta tembiapo, ha Túva ombosako'íta tape opa tetã apytépe ikatutaha rupi itavayguakuéra oujey hetã jehejapyrépe.

29 Ha oúta hikuái opa tetãgui; ha nosẽ pya'emo'ãi hikuái, ni ndohomo'ãi kañyháme, che ahátagni henonderákuéra, he'i pe Túva, ha che ha'éta hapykuerigua.

ÑEMBYATY 22

Umi ára pahápe, Sión ha ijestakakuéra oñemopu'ãta, ha Israel oñembyatyta poriahuvereko ha mborayhúpe—Ha'ekuéra osēta tenonde—Ñambojojáva'erã Isaías 54 rehe. 34 Ary rupi Cristo rire.

HA upéramo ojuhúta ojehaiva'ekue: Epurahéi, O nememby'ỹva, nde neremoheñóiva mitã; esapukái purahéipe, ha esapukái vy'águi, nde araka'eve nanembyyiva'ekue; hetavégui imemby ojehejareiva'ekue pe omendávgui, he'i Ñandejára.

2 Eipyso nde rogao renda, ha tojeipyso nde koty ahoja; ani remombyky, emombuku umi ne sã ha emombareteve nde estakakuéra;

3 Rejeipysótagui po asu ha akatúa gotyo, ha ne ñemoñare ohupytýta gentil-kuéra retã ha ojapóta tojeiko tavaguasu nandikuérape.

4 Ani ekyhyje, nereñemotimo'ãigui; ani eñemoypytũ, noñembohorymo'ãigui nderehe hikuái; nderesaráitagui nemitãramoguare ñemotĩgui, ha nanemandu'amo'ãi ndepyahúramoguare jeja'óre, ha nemenave'ỹramoguare ñe'ẽpohýire nanemandu'amo'ãvéima araka'eve.

5 Nde apohare, ne ména, Señor de los Ejércitos ha'égui héra; ha ne Rredentor, pe Israel-gua Imarangatúva—oñehenóita chupe Tupã opa tetãmegua.

6 Ñandejára nerenói haguére

kuña ojehejareiva'ekue ha espíritupe ohasa'asýva, ha pyahupegua tembireko, rejehejareíramoguare, he'i Tupã.

7 Sapy'ami rohejákuri, ha katu tuicha poriahuverekópe rombyatýta.

8 Ñeko'oi'imíme amokañy sapy'ami che rova ndehegui, ha katu poriahuvereko opave'yvape roiporiahuverekóta, he'i Ñandejára ne Rredentor.

9 Ha Noé ykuéraicha; che añe'ême'ẽ haguéicha Noé ykuéra araka'eve ndojaho'imo'ávémaha yvy, upéicha añe'ême'eva'e-kue ndachepochymo'ávémaha nendive.

10 Yvytykuéra okañýtagui ha yvypu'ãnguéra ojeipe'áttagui, ha katu che mborayhu ndojeipe'amo'ãi ndehegui, ni ndojeipe'amo'ãi che py'aguapy konvénió, he'i Ñandejára ndeporiahuverekóva.

11 O nde reiko'asýva, neinupáva aravai, ha nderejuhúiva angapyhy! Péina ápe, che amoíta nde ita parakuéra iporãvéva reheve, ha safírope amopu'ãta ne pyendakuéra.

12 Ne rovetã ajapóta ágatagui, ha ne rokënguéra karvúnkulogui, ha opa ne rembe'y ajapóta ita hechapyrãvagui.

13 Ha mayma nde ra'ykuéra oñemoarandúta Ñandejárare; ha tuicháta nde ra'ykuéra py'aguapy.

14 Tekojojápe reñemopu'ãta; reiméta mombyry jejopýgui nderekhyjemo'ãigui, ha kyhyjevaígui, noñemoaçuimo'ãigui nderehe.

15 Péina ápe, oñembyatýta hikuái nderehe oñemoivo, ha ndaha'úi chehegui; ha oñembyatýta oñemoi hağua nderehe, nde rupi ho'áta.

16 Péina ápe, che ajapova'ekue erréro oiipejúva tatapyi tatápe, ha oguenohéva tembiporu hembia-porã; ha ajapova'ekue mba'évai apohára oporohundi hağua.

17 Mba'évéichagua árma ojejapóva oñemopu'ã hağua nderehe noñakãrapu'ãmo'ãi; ha opa kũ opu'ãvape huísiope nderehe nde rekondenáta. Kóva ha'e Ñandejára rembiguaikuéra jehejapyre, ha hekojoja ou chehegui, he'i Ñandejára.

ÑEMBYATY 23

Jesús omoporã Isaías ñe'ẽnguéra—He'i tavayguakuérape tohesa'yijo profetakuéra—Samuel upe lamaníta ñe'ẽnguéra oñe'eva jeikovejey rehe oñemoive ikuatiajehaipyrekuérape. 34 ary rupi Cristo rire.

HA ko'áğa, péina ápe, che ha'e peẽme, pehesa'yijova'erãha ko'ã mba'e. Heẽ, petei tembiapoukapy ame'ẽ peẽme jesarekópe pehesa'yijo hağua ko'ã mba'e; tuichágui Isaías ñe'ẽnguéra.

2 Ha'e aňetehápe oñe'ẽ opa mba'e ha'éva che tavaguakuéra reheguáre ha'éva Israel rogagua; upévare tekotevẽ avei ha'e oñe'ẽ gentil-kuérape.

3 Ha opa mba'e ha'e oñe'eva'ekue oñekumplíkuri ha

oñekumplíta, jepe ñe'ë he'i haguéicha.

4 Upévare pehendu che ñe'ë-
nguéra; pehai umi mba'e ha-
'eva'ekue peñme: ha Túva ára
ha rembipotáicha ohóta gentil-
kuérape.

5 Ha opavave ohendúva che
ñe'ë ha oñearrepenti ha oñemo-
ngaraíva, ojesalváta. Pehesa'yijo
profetakuéra, hetágui umi otes-
tifikáva ko'ã mba'égui.

6 Ha ojehu Jesús he'ipa rire
ko'ã ñe'ë oñe'ë jey chupekuéra,
omyesakamba rire opa escri-
tura oñeme'éva'ekue chupe-
kuéra, ha he'i: Péina ápe, aipota
pehai ambue escritura-kuéra
ndapeguerekóiva.

7 Ha ojehu he'i Nefi-pe;
Egueru umi kuationjehaipyre
reñongatuvá'ekue.

8 Ha Nefi ogueraha rire umi
kuationjehaipyre, ha omoĩ heno-
ndépe, Jesús oma'ë hesekuéra
ha he'i:

9 Añetehápe che ha'e peñme,
che ha'ékuri che rembiguái Sa-
muel, upe lamanítape, otestifika
hağua ko tavayguakuérape, ára
Túva omboverapy vove héra che-
pype oítaha heta imarangatúva
opu'átava omanóva apytégui,
ha ojehechaukataha hetápe, ha
oministrataha chupekuéra. Ha
he'i chupekuéra: Nda'upéichai
piko ra'e?

10 Ha hembiguaikuéra omboho-
vái chupe ha he'i: Heë, Ñande-
jára, Samuel oprofetisava'ekue
nde reñe'éháicha, ha opaite
oñekumpliva'ekue.

11 Ha Jesús he'i chupekuéra:
Mba'ére piko ndapehairiva'ekue
umi mba'e, heta umi imaranga-
túva opu'áhague ha ojehechauka-
hague hetápe ha oministrahague
chupekuéra?

12 Ha ojehu Nefi imandu'a umi
mba'e ndojehairihague.

13 Ha ojehu Jesús he'i oje-
hai hağua; upévare ojehai ha'e
he'iháicha.

14 Ha ko'ága ojehu Jesús omyesa-
kamba rire peteime opa umi escri-
tura ha'ekuéra ohaiva'ekue, he'i
chupekuéra ombo'e hağua umi
mba'e ha'e omyesakáva'ekue.

ÑEMBYATY 24

*Ñandejára remimbou ombosako'íta
tape Jejura Mokõihápe ġuarã—
Cristo oguapýta ohusga hağua—
Oje'e Israel-pe ohepyme'ë hağua umi
diésmo ha temikuave'ë—Ojehai peteĩ
kuatione'ë momandu'arã—Ñambo-
jojava'erã Malaquíás 3 rehe. 34 ary
rupi Cristo rire.*

HA ojehu he'i chupekuéra ohai
hağua umi ñe'ë Túva ome'éva'e-
kue Malaquíás-pe, ha'e he'ítava
chupekuéra. Ha ojehu ojehaipa
rire, ha'e omyesakã umíva. Ha
ko'áva ha'e umi ñe'ë he'iva'e-
kue chupekuéra, he'ívo: Péicha
Túva he'iva'ekue Malaquíás-
pe—Péina ápe amondóta che
maranduhárape, ha ha'e ombo-
sako'íta tape che renonderã, ha
upe Ñandejára pehekáva oúta
sapy'a itémplope, jepe upe

konvénio momaranduhára, peguerohorývape; péina ápe, ha'e oúta, he'i pe Señor de los Ejércitos.

2 Ha máva katu piko ogueropu-akáta ijeju ára, ha máva piko ikatúta oñembo'y ha'e ojehechauka vove? Ha'égui tata omopotívai-cha ha havõme ojohéivaicha.

3 Ha uguapýta pláta omboveráva ha omopotívaicha; ha omopotíta Leví ra'ykuérape, ha omboveráta chupekuéra óro ha plátaicha, oikuave'ẽ haḡua hikuái tekojojápe Ñandejárape peteĩ temikuave'ẽ.

4 Upéramo Judá ha Jerusalén temikuave'ẽ iporáta Ñandejárape, ára ymaguaréicha, ha ary ymaguarépeicha.

5 Ha che añemoaḡuita pende-rehe huisiorã; ha pya'e che ha'éta testígo echiserokuéra rehe, ha oporomoakaratíva rehe, ha umi oñe'ẽme'ẽreíva rehe, ha umi ojopýva jehepyme'ẽme omba'apóvape, imenave'yva ha ityre'yvape, ha umi pytaguáre ojahéiva rehe, ha umi okyhyje'yva chehegui, he'i pe Señor de los Ejércitos.

6 Ha che ha'égui Ñandejára, ha nacheambuéi; upévore peẽ Jacob ra'ykuéra napeñehundipái.

7 Jepe pende rukuéra ára guive pejeĩkuri che ordenansakuéragui, ha napeneñe'ẽrendúikuri umíva. Pejujey chéve ha che ajujeýta peẽme, he'i pe Señor de los Ejércitos. Ha katu peẽ peje: mba'épe piko rojujeyva'erã?

8 Omondáta piko Tupãme

yvypóra? Ha katu peẽ pechemo-ndákuri. Ha katu peje: Mba'épe piko romondára'e? Umi diésmo ha temikuave'ẽme.

9 Peneñe'ẽngái peẽ ñe'ẽngái-pe, jepeve peẽ opa ko tetã, pechemo-nda haguére.

10 Peguerupa diésmo alfolípe, oĩ haḡua tembi'u che rógape; ha chera'ã pévape, he'i pe Señor de los Ejércitos, ndaípe'amo'ãipa peẽme yvága rokẽ, ha añohëta pende ári peteĩ jehovasa ndaiporivéi peve moõpa oñemoĩmbáta.

11 Ha aja'óta oporohundívape pene ñeime porarã, ha nohundi-mo'ãi pene ñemitýngue; ni pene víña nome'ẽmo'ãi yva ñúme hí'ára mboyve, he'i pe Señor de los Ejércitos.

12 Ha opa tetã penerenóita jehovasapyre, ha'étagui peẽ yvy ojeguerohorýva, he'i pe Señor de los Ejércitos.

13 Hatákuri pene ñe'ẽnguéra cherehe, he'i Ñandejára. Upevére peẽ peje: Mba'e piko roñe'ëra'e nderehe?

14 Pejékuri: Ñamba'aporei Tupãme ḡuarã, ha mba'erã ñaño-ngatúra'e iñordenansakuéra ha jaikókuri jejopýpe pe Señor de los Ejércitos renondépe?

15 Ha ko'áḡa ñambohéra ovy-áva oñembotuichávape; heẽ, umi hembiañoñañáva oñemomorã; heẽ, jepe umi Tupãme oipy'ara-áva oñemosãso.

16 Upéramo umi okyhyjéva Ñandejáragui oñe'ẽ py'yí peteĩ teĩ hapichápe, ha Ñandejára oja-pysaka ha ohendu; ha ojehai peteĩ

kuatiañe'ē mandu'arā henondépe umi okyhyjéva Tupāgui ha imandu'ávape ġuarā hérare.

17 Ha ha'éta hikuái chemba'e, he'i pe Señor de los Ejércitos, ára che ambyaty vove che jeguakakuéra; ha aperdonáta chupekuéra kuimba'e operdonaháicha ita'yraquéra oservívape chupe.

18 Ha upéramo peẽ pejujeýta ha pehechakuaáta imarangatúva iñañavagui, pe omba'apóva Tupāme ġuarā nomba'apóivagui.

ÑEMBYATY 25

Upe jeju mokõihápe, ijorgullóso ha hembiaipoñañáva ñanáicha ojehapýta—Elías upe proféta oúta pe ára tuicha ha oporomondyietéva mboyve—Ñambojojáva'erā Malaquías 4 rehe. 34 ary rupi Cristo rire.

HA péina ápe, oúta ára hendytaha tatakuáicha; ha opa oñembotuicháva, heẽ, opa hekoñañáva, ha'éta ñana pirúicha; ha upe ára oúva ohapypáta chupekuéra, he'i pe Señor de los Ejércitos, ha ndohejamo'ái chupekuéra hapo ni hakã.

2 Ha katu peẽ pekyhyjévape che réragui, oúta pe Tekojoja Ra'y ñemonguera ipepópe reheve; ha peséta ha peñemongakuaáta vakara'y hendapeguáicha.

3 Ha pepyrumbáta iñañavare; ha'étagui hikuái tanimbúicha

pende pyguýpe ára che ajapo vove ko'áva, he'i pe Señor de los Ejércitos.

4 Penemandu'a Moisés léire, che rembiguái, ame'ëva'ekue Horeb-pe opa Israel-pe ġuarā, léi ha huisiokuéra reheve.

5 Péina ápe, che amboúta peẽme upe proféta Elías-pe ou mboyve Ñandejára ára tuicha ha oporomondyietéva;

6 Ha ha'e oguerujeýta tuvakuéra korasõ ta'yraquerape, ha ta'yraquéra korasõ ituvakuérape, ani che aju ha aipy'ajopy yvy peteĩ ñe'ëngái reheve.

ÑEMBYATY 26

Jesús omombe'u opa mba'e iñepyrũmby guive ipaha peve—Mitãra'y ha mitãnguéra oñe'ë mba'e hechapyrãva ndaikatúva ojehai—Cristo tupaogua oguereko mingape opa mba'e. 34 ary rupi Cristo rire.

HA ko'áña ojeju Jesús omombe'u rire ko'ã mba'e omyesakã umíva atyguasúpe; ha omyesakã chupekuéra opa mba'e, tuicháva ha michíva.

2 Ha ha'e he'i: Ko'ã escritura, ndaperekoiva'ekue penendive, Túva he'i chéve ame'ë hağua peẽme; ha'e iñarandúpe he'i haguére toñeme'ë ñemoñare'atykuéra uperireguápe.

3 Ha omyesakã chupekuéra opa mba'e, jepeve iñepyrũmby guive ára ha'e outaha peve iverapype—

heë, jepe opa mba'e oikótava yvy ape ári, jepe umi mba'e hykupa peve hakueteréigui, ha pe yvy oñemocha'ĩ vove rrólloicha, ha ohasáta yvága ha yvy;

4 Ha jepe ára paha guasu peve, opa tavayguakuéra, ha opa avaretã, ha opa tetãnguéra ha ñe'ënguéra oñembo'y vove Tupã renondépe, ojehusga hağua hembiapokuére, taha'e iporãva téra ivaíva—

5 Iporãramo, tekove opave'yva jeikovejéype; ha ivaíramo, kondensasiõ jeikovejéype; ha upéicha ko'áva oho ojoykére, peteíva peteí henda gotyo ha ambuéva ambue gotyo, poria-huerekóicha, ha hustísia, ha tekomarangatu oíva Cristo-peguáicha, oímava yvóra ñepyrũmby mboyve.

6 Ha ko'áğa, ndaikatúi oje-hai ko kuatiañe'ëme ni centésimo pehëngue umi mba'e Jesús añetehápe ombo'eva'ekue tavayguakuérape;

7 Ha katu péina ápe Nefi planchakuéra oguereko hetave umi mba'e ha'e ombo'eva'ekue tavayguakuérape.

8 Ha ahaíkuri ko'ã mba'e, sa'ivéva umi mba'e ombo'eva'ekue tavayguakuérape; ha ahaíkuri oğuahẽ jey hağua ko tavayguakuérape, gentil-kuéragui, Jesús he'i haguéicha.

9 Ha oñemoğuahẽ vove chupekuéra ko'ã mba'e, tekotevëva oguereko raẽ hikuái, ohechauka hağua ijerovia, ha ogueroviáramo hikuái ko'ã mba'e upéicharamo

ojehechaukáta chupekuéra mba'e tuichavéva.

10 Ha ndogueroviáramo hikuái ko'ã mba'e, upéicharamo noñeme'ëmo'ãi chupekuéra mba'e tuichavéva, ikondenasiõrakuéra.

11 Péina ápe, haimetémakuri ahai, opa ojehaiva'ekue Nefi planchakuéra ári, ha katu Ñandejára ombotove, he'ívo: Che aipy'ara'ãta che tavayguakuéra jerovia.

12 Upévale che, Mormón, ahai umi mba'e Ñandejára he'iva'ekue chéve. Ha ko'áğa che, Mormón, ambopaha che ñe'ë, ha añemoĩ ahai umi mba'e oje'eva'ekue chéve.

13 Upévale, che aipota peikuaaporã Ñandejára añetehápe ombo'ehague tavayguakuérape, mbohapy ára aja; ha upéva rire ha'e py'yí ojehechauka chupekuéra ha omboja'o mbujape, ha ohovasa, ha ome'ë chupekuéra.

14 Ha ojehe ombo'e ha oministra mitãnguérape pe atyguasugua oñeñe'ë haguégui, ha ha'e ojora ikũnguéra, ha he'i hikuái mba'e tuicha ha hechapyrãva ituvakuérape, jepe mba'e tuichavéva ha'e ohechaukava'ekuégui tavayguakuérape; ha ojora ikũnguéra ikatu hağuaícha oñe'ë hikuái.

15 Ha ojehe ojupi rire yvágape—mokõiha jey ojehechauka rire chupekuéra, ha ohojey Túvape, omonguera rire opa hasýva, ha ikarévape, ha oipe'a rire ohecha'yva resa ha oipe'a rire ohendu'yva apysa, ha jepe oja-pókuri ñemonguera opaíchagua

ijapytepekuéra, ha omopu'ã peteĩ kuimba'épe omanóva apytégui, ha ohechauka chupekuéra ipu'aka, ha ojupi Túva rendápe—

16 Péina ápe, upe ko'ême oñembyaty atyguasukuéra, ha ohecha ha ohendu hikuái ko'ã mitãme; heë, umi michĩvéva jepe ojejurupe'a ha oñe'ẽ mba'e hechapyrãva; ha umi mba'e he'iva'ekue hikuái oñembotove ani haña avave kuimba'e ohai.

17 Ha ojehu temimbo'ekuéra Jesús oiporavova'ekue oñepyrũ upe guive omongarai ha ombo'e opavave oúvape hendapekuéra; ha opavave oñemongaraíva Jesús rérape henyhẽ Espíritu Santo-gui.

18 Ha heta ijapytepekuérava ohecha ha ohendu mba'e ikatu'yva ja'e, ha ndojehaíriva'erã.

19 Ha oñombo'e, ha oñominastra hikuái peteíva ambuépe; ha oguereko hikuái míngape opa mba'e, mayma kuimba'e oñemboheko hustísiape, peteíva ambue ndive.

20 Ha ojehu ojapo hikuái opa mba'e Jesús he'i hagueichaite chupekuéra.

21 Ha umi oñemongaraíva'ekue Jesús rérape oñehenói Cristo tupao.

ÑEMBYATY 27

Jesús he'i chupekuéra ome'ẽ haña hikuái héra upe tupaópe—Imisiõ ha ijehasa'asy expiatório ha'e pe iñevanhélio—Oje' e yoyporakuérape

toñearrepenti ha toñemongarai oñemomarangatu haña Espíritu Santo rehe—Ha'ekuéra ha'eva'erã Jesúicha jepeve. 34–35 ary rupi Cristo rire.

Ha ojehu Jesús remimbo'ekuéra oguata ha ombo'e aja umi mba'e ohendu ha ohechava'ekue, ha oporomongarai aja Jesús rérape, ojehu temimbo'ekuéra oñembyaty ha oñembojoaju ñembo'e mbarete ha ajúnope.

2 Ha Jesús ojehechauka jey chupekuéra, hérape ojerurégui hikuái Túvape; ha ou Jesús ha oñembo'y imbytepekuéra, ha he'i chupekuéra: Mba'e peipota ame'ẽ peñme?

3 Ha ha'ekuéra he'i chupe: Ñandejára, roipota ere oréve mba'éichapa rombohérata ko tupao; oĩgui ñe'ẽjoavy tavayguakuéra apytépe ko mba'e rehe.

4 Ha Ñandejára he'i chupekuéra: Añetehápe, añetehápe, che ha'e peñme, mba'ére piko tavayguakuéra okaguai ha ojoavy ko'ã mba'e rehe?

5 Nomoñe'ẽi piko hikuái umi escritura, he'iva pejagarrava'erãha pende ári Cristo réra, ha'éva che réra? Kóva ko térã rupi peñhenóitagui ára pahápe;

6 Ha ojagarráva hí'ári che réra, ha oñeha'ãmbaitéva ipahaite peve, péva ojesalváta ára pahápe.

7 Upévale, opa mba'e pejapóva, pejapóta che rérape; upévale pe-me'eta che réra tupaópe; ha che rérape pejeruréta Túvape ohovasa haña upe tupao che rupive.

8 Ha mba'éicha piko ha'éta

che tupao ndogueraháiramo che réra? Ha peteĩ tupao ogueraháramo Moisés réra upéicharõ ha'e Moisés tupao; térã oñeme'ëramo chupe kuimba'e réra, upéicharõ ha'e upe kuimba'e tupao; ha katu ogueraháramo che réra upéicharõ ha'e che tupao, oñemopu'áramo che evanhélio ári.

9 Añetehápe che ha'e peẽme, peñemopu'ãha che evanhélio ári; upévare opa mba'e pehenóiva, pehenóita che réra rupi; upévare pejeruréramo Túpape, pe tupaóre, pejapóramo che rérape, Túva penerendúta;

10 Ha tupao oñemopu'áramo che evanhélio ári, upéicharõ Túva ohechaukáta ipype hembiapokuéra.

11 Ha katu noñemopu'áiramo che evanhélio ári, ha oñemopu'áramo yvporakuéra rembiapo ári, térã aña rembiapo ári, añetehápe che ha'e peẽme ov'y'ataha hikuái sapy'ami hembiapópe, ha ko'águi nda'aréi rire ou ipaha, ha ha'e-kuéra oñeikyti ha oñemombo tatápe, ndaikatuveimahágui ojeju.

12 Hembiapokuéra ohógui hapykuéri, ha hembiapokuéra rupi oñemombo chupekuéra; upévare penemandu'a umi mba'e ha'eva'ekuere peẽme.

13 Péina ápe che ame'ëkuri peẽme che evanhélio, ha kóva ha'e evanhélio ame'ëva'ekue peẽme—ajuhague yvórape akumpli haña che Ru rembipota, che Ru chemboúgui.

14 Ha che Ru chemboúkuri añemopu'ã haña kurusúre; ha

añemopu'ã rire kurusúre, ikatu haña agueru cherendápe opa yvporape, añemopu'ã haguéicha yvporakuérare upéicha avei yvporakuéra toñemopu'ã Túpape, oñembo'y haña cherendépe, ojehusga haña hembiapokuere, taha'e iporã térã ivaíva—

15 Ha upevarã añemopu'ã-kuri; upévare, Túva pu'aka rupive aguerúta opa yvporape cherendápe, ojehusga haña hembiapokuere.

16 Ha ojehúta, oimeraëva oñearrepentíva ha oñemongaraíva che rérape henyhëta; ha oñeha'ãmbaitéramo ipahaite peve, péina ápe, che aguerékóta chupe ikulpa'yvaramo che Ru renondépe ára añembo'y vove ahusga haña yvórape.

17 Ha pe noñeha'ãmbaitéiva ipahaite peve, péva ha'e avei pe oñeikyti ha oñemombóva tatápe, ndaikatumo'ëveimahágui araka'eve ou, Túva hustísia rupi.

18 Ha kóva ha'e ñe'ë ha'e ome'ëva'ekue yvypóra ra'ykuérape. Ha upéva rupi ha'e okumpli umi ñe'ë ome'ëva'ekue, ha ha'e ndaijapúi, ha katu oñekumplihaite opa iñe'ë.

19 Ha mba'eva ipotí'yva ndaikatúi oike irréinope; upévare mba'eva ndoikéi ipytu'úpe ndaha'éiramo umi ijao ojoheiva'ekue che ruguype, ijerovia rupi, ha opa iñangaipágui ñearrepentí rupi, ha ijeroviareko ipahaite peve.

20 Ko'ága kóva ha'e tembiapoukapy: Peñearrepentíke, opa

peë vyv paha, ha peju chere-ndápe ha peñemongarai che rérape, peñemomarangatu hağua Espíritu Santo ñemoğuahẽ rupive, peñembo'y hağua mara'y me cherenondépe ára pahápe.

21 Añetehápe, añetehápe, che ha'e peëme, kóva ha'e che evanhélio; ha peë peikuaa umi mba'e pejapova'erã che tupaópe; umi tembiapo cherechava'ekue ajapo umíva pejapóta avei; ha umi cherechava'ekue ajapo peë pejapóta;

22 Upévore, pejapóramo ko'ã mba'e pejehovasapyre, peñemopu'ãtagui ára pahápe.

23 Pehaíke umi mba'e pehecha ha pehenduva'ekue, umi oñembo-
tovéva añónte katu nahániri.

24 Pehaíke ko tavaygua-
kuéra rembiapo, oikótava, jepe ojehai haguéicha, umi oikomava'ekuégui.

25 Ha péina ápe, umi kuatione'ẽ ojehaiva'ekuére, ha umi ojehaitavare, ojehusgáta ko tavayguakuéra, ha'ekuéra rupi ojeikuaaukáttagui yvyporakué-
rape hembiapokuéra.

26 Ha péina ápe, opa mba'e ojehai Túva rupi; upévore kuan-
tiañe'ẽnguéra ojehaíavare yvóra ojehusgáta.

27 Ha peikuaa peë ha'etaha ko tavayguakuéra hue, huísio che ame'eva peëme he'iháicha, ijo-
játava. Upévore, mba'eichagua kuimba'e piko ha'eva'erã peë? Añetehápe che ha'e peëme, chéi-
cha jepeve.

28 Ha ko'ága che aha Túvape. Ha añetehápe che ha'e peëme, oimeraẽ mba'e pejeruréva Tú-
vape che rérape, oñeme'ẽta peëme.

29 Upévore, pejerure, ha oñe-
me'ẽta peëme; pembota, ha oje-
pe'áta peëme; pe ojerurévape, oñeme'ẽgui; ha pe ohenóivape, ojepe'áttagui.

30 Ha ko'ága, péina ápe, tuicha che vy'a, jepe henyhẽ meve, peë rupi, ha avei ko ñemoñare rupi; heë, ha avei Túva ovy'a, ha avei opa ángel marangatukuéra, peë ha ko ñemoñare rupi; ni peteĩ noñehundírigui.

31 Péina ápe, che aipota pei-
kũmby; añe'ẽgui ko ñemoñare ko'ága oikóvare; ha ni peteĩ no-
ñehundíri; ha henyhẽ che vy'a hesekuéra.

32 Ha katu péina ápe, ajepy-
'apy umi irundyha ñemoñare kóva riregua rehe, ojeguera-
háttagui hese ñeñapytĩmbýpe, jepe ojegueraha haguéicha añ-
ra'y; cheme'ẽtagui hikuái pláta ha órore, ha umi mba'e ao raso ha havẽ ombyaívare, ha umi mondahakuéra ikatúvare oike ha omonda. Ha upe árape ajúta chupekuéra, jepeve ambojerévo hembiapokuéra iñakã ári.

33 Ha ojehu Jesús oñe'ẽmba rire ko'ã mba'e he'i hemimbo-
'ekuérape: Peike pe okẽ po'i rupi, ipo'ígui okẽ, ha ipo'ígui tape ogueraháva tekovépe, ha sa'i umi ojuhúva; ha katu ipy-
rusu pe okẽ, ha tuicha pe tape ogueraháva ñemanóme, ha heta

umi oguatáva hese, oġuahē meve pyhare, avave kuimba'e ikatu'ŷháme omba'apo.

NEMBYATY 28

Nueve umi doce apytégui oipota, ha oñeñe'ẽme'ẽ chupekuéra peteĩ jehejapyre Cristo rréinope omano rire—Umi mbohapy nefita oipota ha oñeme'ẽ chupekuéra ñemano ári pu'aka opyta haġua ko yoy ári Jesús ou jey peve—Ojegueraha chupekuéra ha ohecha hikuái mba'e ndaikatúiva oje'e, ha ko'áġa oministra hína hikuái yoypóra apytépe. 34–35 ary rupi Cristo rire.

HA ojehu Jesús he'i rire ko'ã ñe'ẽ, oñe'ẽ hemimbo'ekuérape, peteĩ teĩme, he'ívo chupekuéra: Mba'épa peipotava chehegui, aha rire Túvape?

2 Ha opavave ombohováí, mbohapynte nahániri, he'ívo: Roipota roikove rire yvypóra ára peve, pe ministério, orerenói haguépe, topa, roju pya'e haġua nerendápe ne rréinope.

3 Ha he'í chupekuéra: Pejehovasapyre peipotágui upéva chehegui; upévale, peguahē rire setenta y dos arýpe pejúta chere ndápe che rréinope; ha chendive pejuhúta pytu'u.

4 Ha oñe'ẽ rire chupekuéra, ojere umi mbohapy gotyo, ha he'í chupekuéra: Mba'épa peipotava chehegui, aha rire Túvape?

5 Ha ikorasõkuéra ojepy'apy,

noñanimáigui he'ívo chupe pe oipotáva hikuái.

6 Ha ha'e he'í chupekuéra: Péina ápe, che aikuaa pene apytu'ũme oíva, ha peipotava chehegui Juan, pe che ahayhuetéva, oipotava'ekue chehegui, pe oíva'ekue chendive che ministériope, añemopu'ã mboyve judio-kuérare.

7 Upévale, pejehovasapyre peẽ, araka'eve ndapehasamo'ãigui ñemano; ha katu peikovéta pehecha haġua opa Túva rembiapo yvypóra ra'ykuérape ġuarã, jepe oñekumpli pa peve opa mba'e Túva rembipotáicha, che aju vove che verapýpe yvága pu'aka reheve.

8 Ha araka'eve napeñandumo'ãi ñemano asykie; ha katu che aju vove che verapýpe peñemoambuéta ñemanokuaágui ñemanokuaa'ỹme peteĩ tesa pirĩme; ha upéramo pejehovasáta che Ru rréinope.

9 Ha avei, ndahasymo'ãi peẽme mba'eve peikove aja pende retépe, ni ndapeguerekomo'ãi vy'a'ỹ ndaha'éiramo yvóra angaipakuéra rupi añoñte; ha opa ko'ã mba'e ajapóta pe mba'e peipotava'ekue rupi chehegui, pegueruségui chéve yvypóra angakuéra, oĩ aja pe yvóra.

10 Ha upéva rupi peguerékóta vy'apavẽ paha; ha peguapýta che Ru rréinope; heẽ, pende vy'apavẽ henyhêta, jepe Túva ome'ẽ haguéicha chéve vy'apavẽ paha; ha peẽ ha'éta chéicha jepeve, ha che ha'e Túva jepevéicha, ha Túva ha che peteĩnte.

11 Ha pe Espíritu Santo ome'ē testimónio Túvagui ha chehegui; ha Túva ome'ē Espíritu Santo yvy-póra ra'ykuérape, cherehehápe.

12 Ha ojehu Jesús he'ipa rire ko'ã ñe'ē, opoko peteĩ teire ikuáme ha katu umi mbohapy opytava'eräre ndopokói, ha upéi oho.

13 Ha péina ápe, yvága oje-pe'a, ha ojegueraha chupekuéra yvágape, ha ohecha ha ohendu hikuái mba'e ikatu'yva oje'e.

14 Ha oje'e chupekuéra ani haḡua oñe'ē; ni noñeme'ēi chu-pekuéra pu'aka omombe'u haḡua umi mba'e ohecha ha ohenduva'ekue;

15 Ha ndaikatúi he'i hikuái oĩpa hetépe térã okápe; ha'é-tégui chupekuéra oikova'ekue peteĩ ñemoambue ipypekuéra, oñemoambueramoguáicha chu-pekuéra ko hete ho'óvagui peteĩ ñemano'yṙã ñeimépe, upéicha rupi ikatu ohecha hikuái Tupã mba'ekuéra.

16 Ha katu ojehu ojapo jey hikuái iministério yvy ape ári; upevére noministrái hikuái umi mba'e ohendu ha ohechava'ekue rehe, pe tembiapoukapy oñe'ē-me'éva'ekue rupi chupekuéra yvágape.

17 Ha ko'áḡa, omanokuaápa térã omanokuaa'yṙpa hikuái, ára oñemoambue guive chupekuéra, che ndaikuaái;

18 Ha katu péva che aikuaa, oñemombe'u haguéicha—osē-hague hikuái yvy ape ári, ha oministrahague hikuái opa tavayguakuérape, ombojoajúvo

tupaópe opavave ogueroviáva hekombo'ekuérare; omongaraívo chupekuéra, ha mayma oñemo-ngaraívape oñeme'ē Espíritu Santo.

19 Ha ojeity chupekuéra ka'i-rāime umi ndaha'éiva tupaope-gua rehe. Ha ka'irāi ndaikatúi ojoko chupekuéra, oñemboja'ógui mbytépe.

20 Ha ojeity chupekuéra yvýpe; ha katu oipy'ajopy hikuái pe yvy Tupã ñe'ēme, upéicha ipu'aka rupi oñemosāso chu-pekuéra yvyguy pypukúgui; ha upévare ndaikatúi ojo'o hikuái yvykua ipypukúva ikatúva ojoko chupekuéra.

21 Ha mbohapyha jey ojeity chupekuéra peteĩ tatauápe ha ndojehúi chupekuéra mba'eve.

22 Ha mokõiha jey ojeity chu-pekuéra mymba saite kuápe; ha péina ápe oñombojaru hikuái mymba saite ndive peteĩ mitáicha ovecha ra'y ndive, ha ndojehúi chupekuéra mba'eve.

23 Ha ojehu péicha oiko hikuái opa Nefi tavayguakuéra apy-tépe, ha ombo'e hikuái Cristo evanhélio opa tavayguakuérape yvy ape ári; ha ko'áva oñekon-verti Ñandejárape, ha ojoaju Cristo tupao rehe, ha péicha ojehovasa ko ñemoñarepegua tavayguakuéra, Jesús oñe'ē haguéicha.

24 Ha ko'áḡa che, Mormón, nañe'ēmo'avéi ko'ã mba'e rehe mbovymi ára aja.

25 Péina ápe, haimete ahai umi nomanomo'áiva réra, ha katu

Ñandejára ombotove chéve; upévare che ndahaíri, oñemokañýgui hikuái yvóragui.

26 Ha katu péina ápe, che ahechá kuri chupekuéra, ha ha'ekuéra cheministra.

27 Ha péina ápe oíta hikuái gentil-kuéra apytépe, ha gentil-kuéra ndoikuaamo'ái chupekuéra.

28 Oíta avei hikuái judio-kuéra apytépe, ha judio-kuéra ndoikuaamo'ái chupekuéra.

29 Ha ojuhúta, Ñandejára iñarandúpe ohecha porã vove, oministráta hikuái opa Israel trívu oñemosarambiva'ekue apytépe, ha opa tetã, avaretã, ñe'ẽ ha tavaygua apytépe, ha ijapytépegui oguerúta hikuái Jesús-pe heta ánga, oñekumpli haḡua upe oipotáva hikuái, ha avei Tupã pu'aka oporogueroviaukáva oíva rupi ipypekuéra.

30 Ha ha'e hikuái Tupã angelkuéraicha, ha ojeruréramo hikuái Túvape Jesús rérape ikatu ojehechauka oimeraẽ yvypóra ojehechaukasévape.

31 Upévare, ha'ekuéra ojavóta tembiapo tuicha ha hechapyrãva, upe ára guasu mboyve oútava opavave tavayguakuéra añetehápe oñembo'ytahápe Cristo trivunal renondépe.

32 Heẽ jepe gentil-kuéra apytépe ojavóta hikuái peteĩ tembiapo tuicha ha hechapyrãva, upe huísio ára mboyve.

33 Ha peguerékórire opa escritura omombe'úva opa Cristo rembiapo hechapyrãva, peikuaava'erãmo'ã, Cristo ñe'ẽme

he'iháicha, ko'ã mba'e añetehápe outaha.

34 Ha ái pe nohendúiva Jesús ñe'ẽ, ha avei umi ha'e oiporavo ha ombouva'ekuépe ijapytepekuéra; ha umi nomoḡuahẽiva Jesús ñe'ẽ ni umi ha'e ombouva'ekue ñe'ẽ, nomoḡuahẽi chupe; ha upévare ha'e nomoḡuahẽmo'ái ko'avape ára pahápe;

35 Ha iporãveva'erãmo'ã chupekuéra naheñoi. Peimo'ã piko ikatutaha pejoko peteĩ Tupã oñemyrõva hustísia, oñepyrymbava'ekue hese yvypóra pýpe, ha upéva rupi ou haḡua salvasiõ?

36 Ha ko'áḡa péina ápe, añe'ẽ haguéicha umi Ñandejára oiporavova'ekuére, heẽ, jepe umi mbohapy ojeguerahava'ekue yvágape, che ndaikuaaiva'ekue oñemopotipara'e ñemanokuaágui ñemanokuaa'ýme.

37 Ha katu péina ápe, ahai rire, aporandu Ñandejárape, ha ha'e he'i chéve tekotevẽha ojejapo hetekuérape peteĩ ñemoambue, ndaupéichairamo oñandumanteva'erã hikuái ñemano;

38 Upévare, ani haḡua oñandu hikuái ñemano ojejapo peteĩ ñemoambue hetekuérape, ani haḡua ohasa mba'e'asy ni vy'a'y ndaha'éiramo yvóra angaipáre.

39 Ko'áḡa ko ñemoambue ndaha'ei upe ojevapótavaicha ára pahápe; ha katu ojejapo peteĩ ñemoambue hesekuéra, upéicha rupi Satana ndoguerékói pu'aka hí'arikuéra, ani oipy'ara'ã chupekuéra; ha oñemomarangatu hikuái ho'ope, imarangatu haḡua

hikuái, ha ani hağua ipu'aka he-sekuéra yvypegua pu'aka.

40 Ha ko ñeimépe oíva'erã hikuái Cristo huísio ára peve; ha upe árape ohasava'erã hikuái ñemoambue tuichavéva rupi, ha oñemoğuahẽ chupekuéra Túva rréinope nosëvéima hağua araka'eve, ha katu oiko hağua yvágape tapiaite Tupã ndive.

ÑEMBYATY 29

Mormón Kuatiañe'ẽ ñeguenohẽ ha'e petei techaukaha Ñandejára oñepyrymaha ombyaty Israel-pe ha okumpli ikonveniokuéra—Umi orrechasáva irrevealasiõnguéra ha idonkuéra ára pahapegua oñemoñe'ẽngáita hikuái. 34–35 ary rupi Cristo rire.

HA ko'ãğa péina ápe, che ha'e peême Ñandejára ohecha porã vove, iñarandúpe, oğuahẽ ko'ã mba'e gentil-kuérape iñe'eme he'iháicha, upéramo peikuaáta konvénio Túva ojapova'ekue Israel ra'ykuéra ndive, iñemoñjeykuéra rehegua ijyvy jehejapyrépe, oñepyrymaha oñekumpli.

2 Ha peikuaáta Ñandejára ñe'ẽ, oñemombe'uva'ekue profetakuéra marangatu rupive, oñekumpliataha; ha natekotevẽmo'ãi peje Ñandejára ombopukuha ijeju Israel ra'ykuérape.

3 Ha natekotevẽi pejepy'amongeta pene korasõme reiha umi ñe'ẽ oñeñe'ẽva'ekue, ha péina ápe, Ñandejára imanduatáta ikonvénio ojapova'ekuere

itavayguakuéra Israel roğagua ndive.

4 Ha pehecha vove ko'ã mba'e ojekuaa pende apytépe, upéramo anivéma pembotove Ñandejára rembiapokuéra, ihustisia kysepuku oimagui ipo akatúape; ha péina ápe, upe árape, perrechasáramo hembiapokuéra ha'e ojapóta pya'e tapenderupyty.

5 Ái pe orrechasávagui Ñandejára rembiapokuéra; heẽ, ái pe onegávagui Cristo ha hembiapokuéra!

6 Heẽ, ái pe onegátava Ñandejára rrevealasiõnguéra, ha pe he'íva Ñandejára nomba'apoveimaha rrevealasiõ rupive, térã profesia, térã don, térã ñe'ẽ, térã ñemonguera, térã Espiritu Santo pu'aka rupive!

7 Heẽ, ái upe árape he'ítavagui, ohupyty hağua jehepyme'ẽ, Jesucristo ndaikatuiha ojapo mba'e véichagua milágro; péicha he'íva ha'étagui aña ra'yicha, ndohupytyiva'ekue poriahuvereko, Cristo ñe'ẽme he'iháicha!

8 Heẽ, ha natekotevẽvéima peñembohory, ni perrechasa judiokuérape, ni pepuka hesekuéra, ni avave Israel róga rembyreguáre; ha péina ápe, Ñandejára imandu'a ikonvénio hendivekuerağuaré, ha ojapóta hendivekuéra oñe'ẽme'ẽ haguéicha.

9 Upépare, ani peimo'ã pembojeretaha Ñandejára po akatúagui asúpe, ojapo'y hağua ihuísio okumpli hağua konvénio ojapova'ekue Israel róga pe.

ÑEMBYATY 30

Ára pahápe oje'e gentil-kuérape toñe-arrepenti, ha tou Cristo-pe, ojeipapa hağua Israel roğua ndive. 34–35 ary rupi Cristo rire.

PEJAPYSAKA, O gentil-kuéra, ha pehendú Jesucristo ñe'ẽ, Tupã oikovéva Ra'y, ha'e he'iva'ekue añe'ẽ hağua pende rehe, ha, péina ápe ha'e he'i chéve ahai hağua, he'ívo:

2 Pejere, opa peẽ gentil-kuéra, pende rape ñañágui; ha peñearrepenti pene rembiapovaikuéragui,

pende japu ha añetegua'ygui, pene rembiapoky'a, ha pene rembiapoky'a ñeminguéragui, ha pene ta'angajehayhu, ha pende jejukakuéra, ha pende sacerdotekuéra mba'evaiñemi, ha pende potapy, ha pende joavykuéra, ha opa pene rembiapoñaña ha rembiapoky'akuéragui, ha peju cherendápe, ha peñemongarai che rérape, oñeme'ẽ hağua peẽme pene angaipa jora, ha penere-nyhẽ hağua Espíritu Santo-gui, pejeipapa hağua che tavayguakuéra ndive ha'éva hikuái Israel roğua.

IRUNDYHA NEFI NEFI KUATIAÑE'Ë

HA'ÉVA NEFI RA'Y—PETEÍ JESUCRISTO REMIMBO'E

Nefi tavayguakuéra ñemombe'u, ikuatiajehaipyrépe he'iháicha.

Opa nefita ha lamanita-kuéra oñekonverti Ñandejárape—Oguereko hikuái míngape opa mba'e, ojapo milágro, ha oñakárapu'ã upe tetãme—Mokõi síglo rire, oĩ ñemboja'o, tembiapovai, tupao añetegua'yva, ha ñemuña—Trescientos ary rire, mokõivéva, nefita ha lamanita-kuéra hekoñaña—Anmarón oñomi kuatiajehaipyrekuéra marangatu. 35–321 ary rupi Cristo rire.

HA ojehu ohasa ary treinta y cuatro, ha avei treinta y cinco, ha péina ápe Jesús remimbo'ekuéra omoĩkuri peteí Cristo

tupao opa umi tetã jerereguápe. Ha opavave oúva hendapekuéra, ha oñearrepenti añetéva iñangai-pakuéragui, oñemongarai Jesús rérape; ha oñeme'ẽ avei chupekuéra pe Espíritu Santo.

2 Ha ojehu ary treinta y seis-pe, opavave tavayguakuéra oñekonverti Ñandejárape, opa yvy ape ári, mokõivéva nefita ha lamanita-kuéra, ha ndaipóri joavy ni jeikovai ijapytepekuéra, ha ijoja hikuái peteíva ambue ndive.

3 Ha oguereko hikuái míngape opa mba'e; upévare ndaipóri ipirapiréva ni imboriahúva,

oñeñapytīva ni isāsóva, ha katu opavave isāso, ha ohupyty pe yvagapegua don.

4 Ha ojehu ohasa avei ary treinta y siete, ha oĩ meme gueteri py'aguapy upe tetãme.

5 Ha Jesús remimbo'ekuéra ojapo tembiapo tuicha ha hechapyrãva, upéicha omonguera hikuái hasývape, ha omopu'ã omanova'ekuépe, ha ojapo umi oguata'yva toguatajey, ha ohecha'yva tohechajey, ha ohendu'yva tohendujey; ha ojapo hikuái opáichagua milágro yvypóra ra'ykuéra apytépe; ha ndojapói hikuái mba'evéchagua milágro ndaha'éiramo Jesús rérape.

6 Ha upéicha ohasa ary treinta y ocho, ha avei ary treinta y nueve, ha cuarenta y uno, ha cuarenta y dos, heẽ, ary cuarenta y nueve jepe ohasa, ha avei cincuenta y uno, ha cincuenta y dos; heẽ, ohasa jepe cincuenta y nueve ary.

7 Ha Ñandejára omoakãrapu'ã tuicha chupekuéra upe tetãme; heẽ, upéicha rupi omopu'ã jey hikuái tavaguasukuéra ojehapy haguépe ambue.

8 Heẽ, jepeve tuicháva tavaguasu Zarahemla omopu'ãuka jey hikuái.

9 Ha katu oĩkuri heta tavaguasu oñapymiva'ekue, ha ykuéra oúkuri hendaguépe; upévare ko'ã tavaguasukuéra ndaikatúi oñemopu'ãjey.

10 Ha ko'ãga, péina ápe, Nefi tavayguakuéra oñemombareteterei, ha oñembohetave

py'aeterei, ha oiko chugui petei tavayguakuéra iporãitereíva ha ojeguerohorýva.

11 Ha omenda, ha oñeme'ẽ hikuái ñemendápe, ha ojevovasa chupekuéra heta ñe'eme'ẽnguéra Ñandejára ojapova'ekuépe he'iháicha.

12 Ha ndojeguerahavéima hikuái Moisés léi jepokuaa ha ordenansakuérare; ha katu ojegueraha hikuái tembiapoukapy oñeme'ẽva'ekue chupekuéra Ñandejára Itupãre rehe, ojesarekóvo ajúno ha ñembo'épe, ha oñembyaty py'yí oñembo'e ha ohendu ha'gua Ñandejára ñe'ẽ.

13 Ha ojehu ndaipóri joavy opa tavayguakuéra apytépe, opa tetãme; ha katu Jesús remimbo'ekuéra ojapo tuicha milágro.

14 Ha ojehu ohasa ary setenta y uno, ha avei ary setenta y dos, heẽ, ha ipahápe, ohasa ary setenta y nueve jepeve; heẽ, jepe cien ary ohasáma, ha Jesús remimbo'ekuéra, ha'e oiporavova'ekue, ohopa Tupã paraísope, ha umi mbohapy opytava'erã ańonte katu nahániri; ha oñeordena ambue temimbo'e hendaguépe; ha avei heta upe ñemoñarepegua omanómakuri.

15 Ha ojehu ndaipóri joavy upe tetãme, Tupã mborayhu oĩva rupi tavayguakuéra korasõme.

16 Ha ndaipóri potapy, ni joavy, ni japu, ni tekovai, ni ańetegua'y, ni jejuka, ni mba'evéchagua tekotie'y; ha ańetehápe ndaikatúi oĩ tavayguakuéra ovy'avéva opa

tavayguakuéra Tupã po ojavova-
'ekue apytépe.

17 Ndaipóri mondaha, ni opo-
rojukáva, ni lamaníta, ni mba'e-
véichagua ita; ha katu ha'e hikuái
peteĩ, Cristo Ra'y, ha Tupã rréino
ohupyýtava.

18 Ha mba'eichaitépa ojevova-
sákuri chupekuéra! Nandejára
ohovaságui chupekuéra opa
hembiapópe; heẽ, jepe ojevovasa
ha oñakãrapu'ã hikuái ohasa
peve ciento diez ary; ha peteĩha
ñemoñare Cristo rire omanóma-
kuri, ha ndaipóri joavy opa upe
tetãme.

19 Ha ojehu Nefi, oguerahava-
'ekue ko'ã kuationehaipyre paha,
omano, (ha ha'e ohaíkuri Nefi
pláncha ári), ha ita'ýra Amós
ogueraha hendaguépe; ha ohai
avei Nefi planchakuéra ári.

20 Ha ha'e ohai ochenta y cuatro
ary, ha oivénte py'aguapy upe
tetãme, ndaha'éiramo mbovymi
tavayguakuéra apytépe opu'áva-
'ekue tupaóre ha oñembohérava
lamaníta; upéicha oñepyrũ jey oĩ
lamanita upe tetãme.

21 Ha ojehu Amós omano avei,
(ha ha'e ciento noventa y cuatro
ary Cristo ou rire) ha ita'ýra
Amós ohai hendaguépe pe kua-
tiationehaipyre; ha ohai avei Nefi
planchakuéra ári; ha ojehai avei
Nefi kuatione'ẽme, ha'éva ko
kuatione'ẽ.

22 Ha ojehu ohasákuri doscien-
tos ary; ha mokõiha ñemoñaregua
omanomba mbovymínte katu
nahániri.

23 Ha ko'ágã che, Mormón,

aipota peikuaa tavayguakuéra
oñemoñahague, upéicha rupi
oñemosarambi opa yvy ape ári,
ha ipirapire hetaiterei hikuái, oña-
kãrapu'ãgui hikuái Cristo-pe.

24 Ha ko'ágã, ko ary doscientos
uno-pe oñepyrũ oĩ ijapytepe-
kuéra oñembotuicháva orgú-
llope, ha omonde ao hepýva, ha
opáichagua pérla iporáva, ha
mba'ehepy yvoragua.

25 Ha upe ára guive ndoguere-
kovéima hikuái mingape imba-
'ehepy ha imba'ekuéra.

26 Ha oñepyrũ oñemboja'o hi-
kuái ñemohendápe; ha oñepyrũ
omopu'ã hikuái tupao imba'e-
kuerarã ohupyty haña hembia-
porepy, ha oñepyrũ onega Cristo
tupao añetegua.

27 Ha ojehu ohasa rire doscien-
tos diez ary, oĩma upe tetãme heta
tupao; heẽ, oĩ hetaiterei tupao
he'íva oikuaaha Cristo-pe, ha
katu onega hetave iñevanhélio
pehẽngue, upéicha omoporã
opáichagua tembiapoñaña, ha
ome'ẽ pe imarangatúvagai umi
oñembotoveva'erãme naheko-
marangatúgui.

28 Ha ko tupao oñembotui-
chaiterei pe tembiapovai rupi,
ha Satana ipu'aka rupi ohupyty
ikorasõkuéra.

29 Ha avei, oĩ ambue tupao
onégáva Cristo-pe; ha ko'áva
Omuña Cristo tupao añeteguápe,
imirĩgui ha ojeroviágui hikuái
Cristo-re; ha ndohayhúi hikuái
chupekuéra umi milágro ojeja-
póva rupi ijapytepekuéra.

30 Upévare oiporu hikuái pu'aka

ha autorida Jesús remimbo'e-kuéra opytava'ekue hendiekuéra ári, ha oity chupekuéra ka'irãime; ha katu Tupã ñe'ẽ pu'aka rupi, oïva ipypekuéra, ka'irãikuéra oñemboja'ó mokõi hendápe, ha osẽ hikuái ojapóvo tuicha milágro ijapytepekuéra.

31 Upevére, ha jepeve opa ko'ã milágro, tavayguakuéra omohatã ikorasõ, ha ojukase chupekuéra, jepe judio-kuéra Jerusalén-pegua ojukase haguéicha Jesús-pe, ha'e he'i haguéicha.

32 Ha oity hikuái chupekuéra tatakua hendývape, ha osẽ hikuái ojehu'ýre chupekuéra mba'eve.

33 Ha oity avei chupekuéra mymba saite kuápe, ha oñembojaru hikuái mymba saite ndive peteĩ mitãicha ovecha ndive; ha osẽ ijapytepekuéragui ojehu'ýre chupekuéra mba'eve.

34 Upevére, tavayguakuéra omohatã ikorasõ, oisãmyhýgui chupekuéra heta sacerdote ha proféta añetegua'ýva omopu'ã haḡua heta tupao, ha ojapo haḡua opáichagua tembiapovai. Ha oipy'ajopy hikuái Jesús tavayguakuérape; ha katu Jesús tavayguakuévava ndoipy'ajopyijey chupekuéra. Ha péicha ho'a hikuái jeguerovia'ý ha tembiapoñañáme, peteĩgui ambue arýpe, ohasa peve doscientos treinta ary.

35 Ha ko'áḡa ojehu ko arýpe, heẽ, ary doscientos treinta y uno-pe, oĩ tuicha ñemboja'ó tavayguakuéra apytépe.

36 Ha ojehu ko arýpe opu'ã

peteĩ aty oñembohévava nefita, ha ha'e umi Cristo-re ojerovia añetéva, ha ko'áva apytépe oĩ umi lamanita-kuéra ohenóiva—jacobita, ha josebita ha zoramita;

37 Upévare umi Cristo-re ojerovia añetéva, ha otupaitũ añetéva Cristo-pe, (ijapytepekuéra oĩ umi mbohapy Jesús remimbo'ekuéra opytava'erã) oñehenói nefita, ha jacobita, ha josebita, ha zoramita-kuéra.

38 Ha ojehu umi orrechasáva pe evanhélio oñehenói lamanita, ha lemuelita, ha ismaelita-kuéra; ha ko'áva ndo'ái jeguerovia'ýme, ha katu oñemoiségui hikuái oñemoĩ Cristo evanhélio rehe; ha ombo'e hikuái imembykuérape ani haḡua oguerovia, jepe ituvakuérai-cha, iñepyrũmby guive, ho'ama haguéicha.

39 Ha ha'ékuri ituvakuéra rembiapoñaña ha rembiapoky'a rupi, jepe ha'e haguéicha iñepyrũmbýpe. Ha ombo'e chupekuéra ndohayhúi haḡua Tupã ra'ykuérape, jepe oñembo'e haguéicha lamanita-kuérape ndohayhúi haḡua Nefi ra'ykuérape iñepyrũmby guive.

40 Ha ojehu ohasáma doscientos cuarenta y cuatro ary, ha péicha oĩ tavayguakuéra mba'éva. Ha tavayguakuéra hekoñañavéva oñemombareteterei, ha hetaite-reive Tupã tavayguakuéragui.

41 Ha omopu'ave hikuái tupao ijupekuerarã, ha ombojegua opáichagua mba'e porãme. Ha péicha ohasa doscientos cincuenta ary, ha avei doscientos sesenta ary.

42 Ha ojehu umi tavayguakuéra hekoñañavéva oñepyrũjey omopu'ã Gadiantón ñe'ẽme'ẽ ha mba'evai ñeminguéra.

43 Ha avei tavayguakueraгуáva oñehenóiva Nefi tavayguakuéra oñepyrũ oguereko orgúllo ikorasõme, ipirapire hetaitereígui, ha ijepapo hikuái ijoyke'y, lamanitakuéraicha.

44 Ha upe guive umi temimbo'ekuéra oñepyrũ ojepy'apy yvóra angaipakuérare.

45 Ha ojehu ohasa rire trescientos ary, mokõivéva nefita ha lamanita tavayguakuéra hekoñañaiterei, peteíva ambuéicha.

46 Ha ojehu Gadiantón monda-hakuéra isarambi opa yvy ape ári; ha ndaipóri hekojojáva ndaha'éiramo umi Jesús remimbo'ekuéra. Ha ombyaty ha oñongatu hikuái hetaiterei óro ha pláta, ha ojogua

ha ohepyme'ẽ hikuái opáichagua temiñemu.

47 Ha ojehu ohasa rire trescientos cinco ary, (ha tavayguakuéra hekoñañante gueteri) omano Amós; ha ijoyke'y, Ammarón, ohai hendaguépe kuatiajehaipyrekuéra.

48 Ha ojehu ohasa rire trescientos veinte ary, Ammarón, Espíritu Santo he'ígui chupe, oñomi umi kuatiajehaipyre imarangatúva—heẽ, opa kuatiajehaipyrekuéra imarangatúva ojegueraһava'ekue ñemoñare'atýgui ñemoñare'atýpe, ha umíva imarangatu—jepe ary trescientos veinte peve Cristo jeju rire.

49 Ha oñomi Ñandejára mba'erã, ou jey haḡua Jacob róga rembyrépe, Ñandejára profesia ha ñe'ẽme'ẽme he'iháicha. Ha péicha opa Ammarón kuatiajehaipyre.

MORMÓN KUATIAÑE'Ë

ÑEMBYATY 1

Ammarón ombo'e Mormón-pe umi kuatiajehaipyre marangatúre—Oñepyrũ ñorairõguasu nefita ha lamanita-kuéra apytépe—Ojepe'a umi mbohapy nefita-kuérape—Tekoñaña, jeguerovia'y, paje, ha echiseriakuéra oñemotenonde. 321–326 ary rupi Cristo rire.

HAko'ãḡa che, Mormón, ajapo peteĩ kuatiajehaipyre umi

mba'e ahecha ha ahenduva'e-kuégui, ha ambohéra Mormón Kuatiañe'ẽ.

2 Ha ára Ammarón oñomiranguare rupi Ñandejárape ḡuarã kuatiajehaipyrekuéra, ha'e ou chéve, (che oiméne aguerekókuri upéramo 10 ary, ha añepyrũ añehekombo'e'imi che tavayguakuéra kuaapýpe) ha Ammarón he'í chéve: Ahecha nde ha'eha peteĩ mitã iñakāguapýva, ha ipya'éva ojesareko haḡua;

3 Upévore, reguereko vove veinticuatro ary aipota nemandu'a umi mba'e rehechava'ekue ko tavayguakuéra reheguáre; ha rehupyty vove upe ary tereho Antum retãme, peteĩ vvyty héra-tava Shim-pe; ha upépe amoikuri Ñandejára rembipotápe opa kuatiajehaipyre marangatu ko'ã tavayguakuéra rehegua.

4 Ha péina ápe, rejagarráta nendive Nefi planchakuéra, ha ambuekuéra rehejáta tenda oĩhámevoi; ha Nefi planchakuéra ári rehaíta opa mba'e rehechava'ekue ko'ã tavayguakuéra rehegua.

5 Ha che, Mormón, ha'évo Nefi ñemoñare, (ha che ru rera ha'ékuri Mormón) chemandu'a umi mba'e Ammarón he'iva'ekuére chéve.

6 Ha ojehu aguerekópe che, once ary, che ru chegueraha surgotyogua retãme, jepe Zarahemla retãme.

7 Ha opa vvy ape henyhékuri ogaguasúgui, ha tavayguakuéra hetaiterei, haimete vvykui'iyguasupeguáicha.

8 Ha ojehu ko arýpe oñepyrũ peteĩ ñorairõguasu nefita-kuéra apytépe, ha'éva nefita, jacobita, josebita ha zoramita-kuéra; ha ko ñorairõguasu ha'ékuri nefita, ha lamanita ha lemuelita ha ismaelita-kuéra apytépe.

9 Ko'áña lamanita, lemuelita ha ismaelita-kuéra oñembohéra lamanita, ha mokõive aty héra nefita ha lamanita-kuéra.

10 Ha ojehu oñepyrũ ñorairõguasu ijapytepekuéra Zarahemla

rembe'ýpe, Sidón ykuéra ypype.

11 Ha ojehu nefita-kuéra ombyaty heta kuimba'e, jepe hetave treinta mil-gui. Ha ojehu ko arýpe oikókuri heta ñorairõ, nefita-kuéra ipu'akahápe lamanita-kuérare ha heta ojuka chupekuéra.

12 Ha ojehu lamanita-kuéra ohejarei pe ojaposéva, ha oĩ py'aguapy upe tetãme; ha py'aguapy hi'are irundy ary aja, ha upéicha ndaipóri tuguy ñeñohe.

13 Ha katu imbaretete tekoñaña vvy ape ári, upéicha rupi Ñandejára oipe'a hemimbo'ekuéra marangatu, ha ndaiporivéi milágro ha ñemonguera tavayguakuéra rembiapovai rupi.

14 Ha ndaipóri umi Ñandejára don, ha pe Espiritu Santo ndoguejýi avave ári, hekoñaña ha ijguerovia'y rupi.

15 Ha che, aġuahêvo quince arýpe ha cherekokatu haguére, upévore Ñandejára ou chere ndápe, ha añandu ha aikuaa Jesús py'aporã.

16 Ha añeha'ã ahekombo'e ko'ã tavayguakuérape, ha katu ajejurumboty, ha oñembotove chehegui ahekombo'e haġua chupekuéra; péina ápe oñemoĩ haguére hikuái oñemoĩséguikuri Itupãre; ha umi temimbo'e oje hayhuetéva ojeipe'ákuri vvy ape árigui, hembiapovai rupi.

17 Ha katu che apyta ijapytepekuéra, ha katu oñembotove chehegui ahekombo'e haġua

chupekuéra, ikorasõ atãgui hikuái; ha ikorasõ atã haguére yvy oñemoñe'ẽngái hesekuéra rupi.

18 Ha ko'ã Gadiantón mondahakuéra, oĩva lamanita-kuéra apytépe, omyenyhẽ upe tetã, upéicha rupi umi upépe oikóva oñepyrũ oñomi imba'ehepykuéra yvyguýpe; ha umíva okañyrei, Ñandejára omoñe'ẽngáigui pe yvy, upéicha rupi ndaikatúi ojoko ni ohupyty jey hikuái imba'ehepykuéra.

19 Ha ojehu oĩ paje, ha echisería, magia; ha aña pu'aka omba'apo opa upe yvy ape ári, jepe oñekumlipa peve ñe'ẽ he'iva'ekue Abinadí ha avei Samuel upe lamanita.

ÑEMBYATY 2

Mormón omyakã nefita-kuéra ehérsito—Oĩ tuguy ha jejuka yvy ape ári—Nefita-kuéra ipyahẽ ha ojahé'õ oñekondenava'ekue vy'á'yicha reheve—Igrásia ára ohasáma—Mormón ohupyty Nefi planchakuéra—Ñorairõguasú ndopái. 327–350 ary rupi Cristo rire.

Ha ojehu upe arýpe oñepyrũ jey oĩ ñorairõguasú nefita ha lamanita-kuéra apytépe. Ha jepeve chemitã, che yvate; upévore Nefi tavayguakuéra cherenói imburuvicháramo, térã ijehersitokuéra mburuvicha.

2 Upévore ojehu aguereko jave diesiséis ary che asẽ peteĩ nefita ehérsito akãme, lamanita-kuéra

rehe; upéramo ohasámakuri trescientos veintiseis ary.

3 Ha ojehu ary trescientos veintisiete-pe lamanita-kuéra ou ore ári peteĩ pu'aka tuichaiterei reheve, upéicha rupi omyenyhẽ hikuái kyhyjégui che ehérsitope; upévore ñoñorairõséi hikuái, ha oñepyrũ ojevy nortegua tetãnguéra gotyo.

4 Ha ojehu roḡuahẽ tavaguasu Angola-pe, ha rojagarra pe tavaguasu, ha roñembosako'í roñemo'ã haḡua lamanita-kuéragui. Ha ojehu romombarete pe tavaguasu ore mbarete reheve; ha katu jepeve heta ore rendambarete, lamanita-kuéra ou ore ári ha oremosẽ upe tavaguasúgui.

5 Ha avei oremosẽ David retãgui.

6 Ha roguata ha roho Josué retã gotyo, opytáva kuarahyreike rembe'ýpe yguasú ypýpe.

7 Ha ojehu rombyaty ore tavayguakuérape pya'eveháicha, rombyaty haḡua chupekuéra peteĩ atýpente.

8 Ha katu péina ápe, upe tetã henyhẽ mondaha ha lamanita-kuéragui; ha jepeve tuichaite ñehundi oúva che tavayguakuéra ári, ñoñearrepentíri hikuái hembiapovaigui; upévore oĩ tuguy ha jejuka oñemosarambíva opa upe yvy ape ári, mokõive hendápe, nefita ha avei lamanita-kuéra apytépe; ha opa yvy ape ári oĩ peteĩ ñepu'ãmba guasu.

9 Ha ko'ãḡa, lamanita-kuéra oguereko peteĩ rréi, ha héra Aarón; ha ou ore ári peteĩ ehérsito

oguerékóva cuarenta y cuatro mil reheve. Ha péina ápe, che añemoĩ hesekuéra cuarenta y dos mil reheve. Ha ojehe che pu'aka hese che ehérsito reheve ha oñani cherenonderã. Ha péina ápe, oiko opa ko'ã mba'e, ha ohasáma trescientos treinta ary.

10 Ha ojehe nefita-kuéra oñepyrũ oñearrepenti hembia-povaĩgui, ha oñepyrũ hasẽ, jepeve proféta Samuel oprofetisa haguéicha; ha péina ápe, avave ndaikatúi ojoko upe imba'éva, umi hembia-povaíva rupi, ha omondáva, ha oporojukáva, ha ojavógavui paje, ha aña rembiapo oíva rupi upe tetãme.

11 Ha upéicha oñepyrũ oĩ pyahẽ ha jahe'ó opa upe tetãme ko'ã mba'e rupi, ha oĩve Nefi tavay-guakuéra apytépe.

12 Ha ojehe che, Mormón, ahechávo ijahe'ó ha ipyahẽ ha ivy'a'ỹ Ñandejára renondépe, che korasõ oñepyrũ ovy'a chepype, aikuaávo Ñandejára poriahuvereko ha py'aporã, aimo'ãgui ha'e iporiahu-verekotaha hendivekuéra oiko jey haḡua chuguikuéra tavaguakuéra hekojojáva.

13 Ha katu péina ápe rei che vy'a, ijehasa'asykuéra ndaha'etí-guirá'e arrepentimientorã, Tupã py'aporã rupi; ha katu ha'éntera'e pe oñekondenáva vy'a'ỹ, Ñandejára ndohejamo'ãi haguére ovy'a tapia hikuái angaipápe.

14 Ha ndoúi hikuái Jesús-pe korasõ mirĩ ha espíritu ñembyasy reheve, ha katu omoñe'ëngái hikuái Tupãme, ha omanose.

Upevére oñorairõ kysepuku reheve hekovekuérare.

15 Ha ojehe che jepy'apy ou jey chéve, ha ahecha grásia ára ohasamaha chupekuéra ḡuarã, yvy arigua ha espíritu reheguávape; ahechãgui miles ijapytepekuéra ojeity oñemoĩgui Itupãre, ha oñembyaty mymba repotícha yvy ape ári. Ha upéicha ohasákuri trescientos cuarenta y cuatro ary.

16 Ha ojehe ary trescientos cuarenta y cinco-pe nefita-kuéra oñepyrũ oñani lamanita-kuéra renonderã; ha oñemuña chupekuéra oḡuahẽ meve Jasón retãme jepe, ikatu mboyve ojejoko chu-pekuéra ijevýpe.

17 Ha ko'ãḡa, Jasón tavaguasu hi'aḡui upe tetãgui Ammarón oñongatu haguépe umi kuatione-haipyre Ñandejárape ḡuarã, ani haḡua oñehundi. Ha péina ápe che ahákuri Ammarón he'i haguéicha, ha ajagarra Nefi planchakuéra, ha ajapo petẽ ñemombe'ú Ammarón he'i haguéicha.

18 Ha Nefi planchakuéra ári ajapo ñemombe'upa opa tembiapoñaña ha tembiapoky'akuéragui; ha katu ko'ã pláncha ári che namombe'upái hembia-poñaña ha hembia-poky'akuéragui, ha péina ápe, ikatu guive ahecha yvypóra rapekuéra, oĩkuri che resa renondépe tembiapoñaña ha tembiapoky'a opave'yva.

19 Ha ái chehegui hembia-poñañanguéra rupi; che korasõ henyhẽguikuri vy'a'ỹgui hembia-poñañanguéra rupi, opa che ára;

upevére, che aikuaa añemopu'ã-taha ára pahápe.

20 Ha ojehu ko arýpe Nefi tavayguakuéra oñemuña ha oñemosé jey. Ha ojehu roñemuña roġuahê meve nórtepe, tetã hé-rava Shem-pe.

21 Ha ojehu romombarete Shem tavaguasu, ha rombyaty opa ore tavayguakuéra ikatúvape, ikatu mba'e haġua romo'ã chupekuéra ñehundígui.

22 Ha ojehu ary trescientos cuarenta y seis-pe lamanita-kuéra oñepyrú jey ou ore ári.

23 Ha ojehu che añe'ẽ che tavayguakuérape, ha ha'e mbarere chupekuéra, opyta haġua hikuái kyhyje'ỹme lamanita-kuéra rovake, ha oñorairõ haġua hambirekóre, ha ita'ýra, ha hogakuérare.

24 Ha che ñe'ẽ omokyre'ỹ'imi chupekuéra imbarete haġua, upéicha rupi noñaníri hikuái lamanita-kuéragui, ha katu oñemoĩ hesekuéra kyhyje'ỹme.

25 Ha ojehu peteĩ ehérsito oguerekóva treinta mil kumba'e reheve roñorairõ peteĩ ehérsito oguerekóva cincuenta mil ndive. Ha ojehu rogueropu'aka chupekuéra ñemovã'ỹme ha upévagui oñani hikuái ore renonderã.

26 Ha ojehu oñani rire hikuái romuña chupekuéra ore ehérsito reheve, ha rojojuhu jey hendivekuéra, ha orepu'aka hesekuéra; upevére Ñandejára pu'aka noñiri orendive; heẽ, rojehejarei, ha Ñandejára Espíritu noñiri

orepype; upévare orekangy ore joyke'ykuéraicha.

27 Ha chejopy che korasõ ko tuichaite mba'e oúvare che tavayguakuérape, hembiaipoñaña ha hembiapoky'a rupi. Ha katu péina ápe, roho lamanita-kuéra ha Gadiantón mondahakuéra rehe, rojagarra jey peve ore yvykuéra jehejapyre.

28 Ha ohasákuri ary trescientos cuarenta y nueve. Ha ary trescientos cincuenta-pe romboguapy kuatiápe peteĩ ñe'ẽ lamanita-kuéra ha Gadiantón mondahakuéra ndive, ha péva rupi oñemboja'o ore yvykuéra jehejapyre.

29 Ha lamanita-kuéra ome'ẽ oréve yvy nortegua, heẽ, jepe tape po'i ohóva surgua yvy peve. Ha ore rome'ẽ lamanita-kuérape opa umi yvy surpegua.

ÑEMBYATY 3

Mormón ombo'e pe arrepentimiénto nefita-kuérape—Ohupyty hikuái tui-cha pu'aka ha oñembotuicha imbarete haguére—Mormón noisãmbyhyséi chupekuéra, ha ñembo'épe hesekuéra ndaipóri jerovia—Mormón Kuatia-ñe'ẽ he'i umi doce trívu Israel-guápe oguerovia haġua upe evanhélio. 360–362 ary rupi Cristo rire.

HA ojehu lamanita-kuéra ndouvéi ñorairõme ohasa peve diez ary. Ha péina ápe, che amomba'apókuri che tavayguakuéra, nefita-kuérape, ombosako'i haġua

hikuái ijyvy ha hi'armakuéra ñorairõ árape ñuarã.

2 Ha ojehu Ñandejára he'í chéve: Ere ko'ã tavayguakuérape—Peñearrepenti, ha peju cherendápe, ha peñemongarai, ha pemoĩ jey che tupao, ha pejesalváta.

3 Ha ha'e ko'ã tavayguakuérape, ha katu ha'erei; ha ndohechakuaái hikuái Ñandejára operdonahague chupekuéra, ha ohejahague chupekuéra oñearrepenti haña. Ha péina ápe omohatã hikuái ikorasõ Ñandejára Itupã rehe.

4 Ha ojehu ohasa rire ko désimo ary, ha'évo, trescientos sesenta ary Cristo jeju guive, lamanitakuéra rréi ombou chéve peteĩ kuatione'ẽ oikuaaukávó oñembosako'íha hína hikuái ou jey haña ñorairõme orerehe.

5 Ha ojehu ambyatyka che tavayguakuéra tetã Desolación-pe, peteĩ tavaguasú oíva rembe'yépe, tape po'í ohóva surgua vvy ypýpe.

6 Ha upépe romoĩ ore ehérsito, rojoko haña lamanitakuéra ehérsito, ani haña ohupyty hikuái ni peteĩ ore vvykuéra; upévare roñemombarete hesekuéra opa ore soldádo reheve.

7 Ha ojehu ary trescientos sesenta y uno-pe lamanitakuéra oñuarã tetã Desolación-pe oñorairõ haña orendive; ha ojehu orepu'aka hesekuéra upe arýpe, upéicha rupi oho jey hikuái hetãme.

8 Ha ary trescientos sesenta y dos-pe ou jey hikuái ñorairõme. Ha orepu'aka jey hesekuéra, ha

rojuka hetápe, ha he'õnguekuéra oñemombo yguasúpe.

9 Ha ko'áña, ko tuichaite mba'e ohupytyva'ekuere che tavayguakuéra, nefita-kuéra, oñepyrũ oñembotuicha hikuái imbarete haguere, ha oñepyrũ oñe'eme'ẽ hikuái yvagakuéra renondépe ovengataha ijyke'ykuéra ruguy ojekukava'ekue ijehayhu'yhakuérame.

10 Ha oñe'eme'ẽ hikuái yvágare, ha avei Tupã apykajeguare, ohotaha hikuái ñorairõme ihayhu'yhakuéra rehe, ha omosõtaha chupekuéra vvy ape árgui.

11 Ha ojehu upe ára guive che, Mormón, añenega ha'e haña ko'ã tavayguakuéra tendota ha mburuvicha, hembiañoña ha hembiapoky'a rupi.

12 Ha péina ápe, che aisambyhýkuri chupekuéra, jepe hembiañoña hikuái che aisambyhy chupekuéra ñorairõme heta ára, ha ahayhúkuri chupekuéra, Tupã mborayhu oíva chepypéicha, che korasõite guive; ha che ánga oñeñoheva'ekue ñembo'épe Tupãme hesekuéra opa ára pukukue; upevére, ha'ékuri jerovia'yme, ikorasõ atãgui hikuái.

13 Ha mbohapy jey amosãsova'ekue chupekuéra ihayhu'yhakuéra pógui, ha noñearrepentíri hikuái iñangaipakuérãgui.

14 Ha oñe'eme'ẽ rire hikuái opa mba'e Ñandejára Jesucristo ombotoveva'ekue chuguikuéra rehe, ohotaha hikuái ihayhu'yhakuérame ñorairõme, ha ovengataha ijyke'ykuéra ruguy, péina

ápe Ñandejára ñe'ẽ ou chéve, he'ívo:

15 Che mba'e pe vengánsa, ha che ahépymé'eta; ha ko'ã tavayguakuéra noñearrepenti haguére amosáso rire chupekuéra, péina ápe, oñemoséta hikuái yvy ape árigui.

16 Ha ojehu añenega aha haḡua che rayhu'ỹhakuéra rehe; ha ajapo Ñandejára he'i haguéicha chéve; ha ha'e testígonite ahechauka haḡua yvórape umi mba'e che ahecha ha ahenduva'ekue, pe Espíritu ohechauháicha, otestifikáva umi mba'e oútavagui.

17 Upévore che ahai peẽme, gentítkuéra, ha avei peẽme, Israel róga, oñepyrũ vove pe tembiapo, peiméma haḡua ñembosako'ípe pehojey haḡua pende yvy jehejapyrépe.

18 Heẽ, péina ápe, che ahai opa yvy pahápe ḡuarã; heẽ, peẽme, doce trívu Israel-pegua, pejehusgátava pene rembiapokuére umi doce Jesús oiporavova'ekuére Jerusalén retãme ha'e haḡua hemimbo'ekuéra.

19 Ha ahai avei ko'ã tavayguakuéra rembyrépe ḡuarã, ojehusgátava avei umi doce Jesús oiporavova'ekuére ko tetãme; ha ko'áva ojehusgáta umi ambue doce Jesús oiporavova'ekue Jerusalén retãme rehe.

20 Ha pe Espíritu ohechauka chéve ko'ã mba'e; upévore ahai mayma peẽme. Ha upévore ahai peẽme, peikuaa haḡua opavave pehova'erãha Cristo trivunal renondépe, heẽ, opavave ánga

ha'éva Adán yvypóra rogaygua; ha peñembo'yva'erã pejehusga haḡua pene rembiapokuére, ta-ha'e iporãva térã iváiva;

21 Ha avei peguerovia haḡua Jesucristo evanhélio, peguerokótava pende apytépe; ha avei judío-kuéra, Ñandejára konvénio tavayguakuéra, oguereko haḡua ambue testígo ohecha ha ohenduva'ekuégui, upe Jesús, ojukava'ekuépe hikuái, ha'ehague Cristo añetegua ha Tupã añetegua.

22 Ha ikatúmora'e pomokyre'ỹ opavave peẽme yvy pahakuérape peñearrepenti ha peñembosako'i haḡua peñembo'y haḡua Cristo trivunal renondépe.

ÑEMBYATY 4

Ñorairõguasua ha jejuka ndopái—He-koñañáva ohavira hekoñañávaape—Ndaipóriava araka'eve tembiapoñaña tuichavéva opa Israel róga apytépe—Oñeikuave'ẽ kuña ha mitã idolokuérape—Lamanita-kuéra oñepyrũ omosẽ nefita-kuérape he-nonderãkuéra. 363–375 ary rupi Cristo rire.

HA ko'áḡa ojehu ary trescientos sesenta y tres-pe nefita-kuéra oho ijehérsito reheve oñorairõ haḡua lamanita-kuéra ndive, tetã Desolación okaháre.

2 Ha ojehu nefita-kuéra ehérsito oñembojevvy jey tetã Desolación peve. Ha ikane'õ jave gueteri hikuái, ho'a hí'arikuéra peteĩ lamanita-kuéra ehérsito ikane'õ'ỹva;

ha oiko peteĩ ñorairõ mbarete, upéicha rupi lamanita-kuéra ojagarra tetã Desolación, ha ojuka heta nefita-kuéra, ha ojagarra heta prisionéro.

3 Ha hembyre oñani ha ojoaju umi oikóvare tavaguasu Teáncum-pe. Ko'ága tavaguasu Teáncum opyta pe hembé'ype yguasu ykére; ha opyta avei tavaguasu Desolación ypype.

4 Ha nefita-kuéra ehersito ou haguére lamanita-kuéra ári oñepyrũ ojeipy'ajopy chupekuéra; nda'upéichai rire, lamanita-kuéra ndaipu'akaiva'erãmo'ã hesekuéra.

5 Ha katu, péina ápe, Tupã huísio oúta hekoñañávape; ha hekoñañáva rupi umi hekoñañáva ojevavira; ko'ã hekoñáva omokyre'ygui yvypóra ra'ykuéra korasõ tuguy ñeñohẽrã.

6 Ha ojehu lamanita-kuéra oñembosako'i oho haña tavaguasu Teáncum ári.

7 Ha ojehu ary trescientos sesenta y cuatro-pe lamanita-kuéra ou tavaguasu Teáncum ári, ojagarra haña avei tavaguasu Teáncum.

8 Ha ojehu nefita-kuéra oñemoĩ hesekuéra ha ombojevuy chupekuéra. Ha nefita-kuéra ohechávo ombojevuyha lamanita-kuérape oñembotuicha jey hikuái imbaretére; ha osẽ ojeroviávo ipu'aka rehe, ha ojagarra jey hikuái tavaguasu Desolación.

9 Ha ko'ága opa ko'ã mba'e oikókuri, ha omano miles mokõive hendápe, nefita ha lamanita-kuéra apytépe.

10 Ha ojehu ohasáma ary trescientos sesenta y seis, ha ou jey ñorairõme lamanita-kuéra nefita-kuérare; ha nefita-kuéra noñearrepentíri gueteri umi mba'evai ojapova'ekuégui, ha katu opyta meménte hikuái hembiañoñaáme.

11 Ha ndaikatúí kũ omombe'u, térã yvypóra ohai peteĩ ñemombe'upa porã mba'evaiete tuguy ha jejuka rehegua oikóva tavayguakuéra apytépe, mokõive, nefita ha lamanita-kuéra apytépe; ha opa korasõ oñemohatã, ha ovy'a hikuái tuguy ñeñohẽ memépe.

12 Ha araka'eve ndaiporiva'ekue tuichaite tekoñaña Lehi ra'ykuéra apytépe, ni opa Israel rogagua apytépe, Ñandejára ñe'ẽme he'iháicha, oĩ haguéicha ko'ã tavayguakuéra apytépe.

13 Ha ojehu lamanita-kuéra ojagarra tavaguasu Desolación, ha upéva hetavégui hikuái nefita-kuéragui.

14 Ha oho avei hikuái tavaguasu Teáncum rehe, ha omosẽ ipypégui umi upépe oikóvape, ha ojagarra hikuái heta prisionéro, kuña ha mitáva avei, ha oikuave'ẽ hikuái chupekuéra hí'idolokuérape.

15 Ha ojehu ary trescientos sesenta y siete-pe, nefita-kuéra ipochyeteréigui lamanita-kuéra oikuave'ẽ haguére hikuái hembireko ha ita'yrakuéra hí'idolope, oho lamanita-kuéra rehe oguerekópe pochyvaiete, upéicha ipu'aka jey hikuái lamanita-kuérare, ha omosẽ chupekuéra hetãgui.

16 Ha lamanita-kuéra ndouvéi nefita-kuérare ary trescientos setenta y cinco peve.

17 Ha upe arýpe ho'a hikuái nefita-kuéra ári opa ipu'aka reheve; ha ndojeipapái hetaitereígui hikuái.

18 Ha upe guive nefita-kuéra ndaipu'akavéiva lamanita-kuérare, ha katu oñepyrũ ojgueraha hesekuéra jepeve ysapy kuarahy renondepeguáicha.

19 Ha ojehu lamanita-kuéra ho'a tavaguasu Desolación ári; ha oiko peteĩ ñorairõ mbareteterei Desolación retãme, ha ipu'aka hikuái nefita-kuérare.

20 Ha oñani jey hikuái henderãkuéra, ha oğuahẽ hikuái tavaguasu Boaz-pe; ha upépe oñemoĩ hikuái lamanita-kuérare tuicha kyhyje'ỹme, ha upéicha rupi lamanita-kuéra ndaipu'akái hesekuéra ndaha'éiramo ou jey peve mokõiha jey hi'arikuéra.

21 Ha ou rire hesekuéra mokõiha jey, nefita-kuéra oñembojevuy ha ojékuka tuichaiterei jejukápe; ha hambireko ha imembykuéra oñekuave'ẽ jey idolokuérape.

22 Ha ojehu nefita-kuéra oñani jey henderãkuéra, oguerahávo hendivekuéra opa upépe oikóvape, tavaguasu ha tapỹikuérape.

23 Ha ko'ágã che, Mormón, ahechávo lamanita-kuéra ojagarratamaha upe tetã, upévare aha vyty Shim-pe, ha ajararra opa kuatiajehaipyre Ammarón oñomiva'ekue Nandejárape ġuarã.

ÑEMBYATY 5

Mormón oisãmyhy jey nefita-kuéra ehérsito tuguy ha jejuka rehegua ñorairõme—Mormón Kuatiañe'ẽ osẽta okonvense hağua opa Israel-pe Jesús ha'eha upe Cristo—Ijeguerovia'ỹ rupi, lamanita-kuéra oñemosarambíta, ha pe Espiritu noñorairõmo'ãvẽima hendivekuéra—Ára pahápe oğuahẽta chupekuéra pe evanhélio gentil-kuéragui. 375–384 ary rupi Cristo rire.

HA ojehu aha nefita-kuéra apytépe, ha añearrepenti ñe'ẽme'ẽ ajapova'ekuégui araka'eve naipytyvõmo'ãveimaha chupekuéra; ha ome'ẽ jey chéve hikuái ijehérsito ñeisãmyhy, cherechágui hikuái ikatutaha amosãso chupekuéra ijeko'asýgui.

2 Ha katu péina ápe, che naha'arõi mba'eve, aikuaágui Nandejára huisiokuéra ouva'erãha hi'arikuéra; noñearrepentírgui hikuái hembiapovaikuéragui, ha katu oñorairõ hekovére ohenoí'ỹre hikuái pe Ijapoharépe.

3 Ha ojehu lamanita-kuéra ou ore ári roñani rire tavaguasu Jordán-pe; ha katu péina ápe, oñembojevuy chupekuéra ha ndojagarrái hikuái pe tavaguasu upe árape.

4 Ha ojehu ou jey hikuái ore-rehe, ha rojoko pe tavaguasu. Ha oĩ avei ambue tavaguasu nefita-kuéra ojokóva, oguerekóva tenda mbarete ndohejáiva chupekuéra ohasa, upévare ndaikatúi oike hikuái tetã oĩva ore

renondépe, ohundi haḡua ore retāme oikóvape.

5 Ha katu ojehu umi yvy rohejava'ekue tapykue gotyo, ha ipype oikóva noñembyatyiva'ekue, lamanita-kuéra ohundi, ha itavaguasu, ha itapýikuéra, ha itavaguasukuéra ogehapy tatápe; ha upéicha ohasa trescientos setenta y nueve ary.

6 Ha ojehu ary trescientos ochenta-pe lamanita-kuéra ou jey ñorairōme orerehe, ha roñemoñ hesekuéra kyhyje'ymé; ha katu reínte opa mba'e, hetaitereígui hikuái opyrumba ipýpe nefitakuérare.

7 Ha ojehu roñani jey, ha umi oñani pya'evéva lamanita-kuéragui isāso hikuái, ha umi noñani pya'evéiva lamanita-kuéragui ojeity ha oñehundi.

8 Ha ko'áḡa péina ápe, che, Mormón, ndaipy'apyséi yvy-póra angakuéra ahechaukávo chupekuéra mba'evaiete tuguy ha jejuka rehegua ojuhúva che resa renondépe; ha katu, che aikuaávo ko'ã mba'e ojeikuaaukataha añetehápe, ha opa mba'e oñeñomíva ojehechaukataha óga técho ári guive—

9 Ha avei ko'ã mba'e jeikuaa oḡuahēva'erã ko'ã tavayguakuéra rembyrépe, ha avei gentil-kuérape, Ñandejára he'iva'ekue omosarambitaha ko'ã tavayguakuérape, ha ko'ã tavayguakuéra oikóta mba'evéramo ijapytepekuéra—upévale che ahaí mbykymínte, nañani máivo amombe'upa opa mba'e

ahechava'ekue, tembiapoukapy oñeme'ēva'ekue rupi chéve, ha avei ani haḡua pejepy'apyeterei ko'ã tavayguakuéra rembiapoñaña rupi.

10 Ha ko'áḡa péina ápe, che ha'e ko'áva iñemoñarekuérape, ha avei gentil-kuérape ojepy'apýva Israel rógare, ohechakuaa haḡua ha oikuaa haḡua moḡuipa ou ijehovasakuéra.

11 Che aikuaágui ha'ekuéra ojepy'apytaha Israel róga mba'evai rehe; heẽ, ojepy'apýta hikuái ko'ã tavayguakuéra ñehundíre; ombyasýta hikuái ko'ã tavayguakuéra noñearrepentirihague oñemoḡuahẽ haḡua Jesús jyva ári.

12 Ko'áḡa ojehai ko'ã mba'e Jacob róga rembyrépe ḡuarã; ha ojehai péicha, Tupã oikuaágui tembiapoñañanguéra ndoguerumo'ailha chupekuéra ko'ã mba'e; ha oñeñomíta osẽ haḡua ára Ñandejára he'i vove.

13 Ha kóva ha'e tembiapoukapy oñeme'ēva'ekue chéve; ha péina ápe, umíva oúta Ñandejára rembiapoukapy rupi, ha'e iñarandúpe ohecha vove oïporã.

14 Ha péina ápe, ohóta oguerovia'yvape judio-kuéra apytépe; ha ohóta upevarã—oñekonvense haḡua hikuái Jesús ha'eha upe Cristo, Tupã Oikovéva Ra'y; Túva ojapo haḡua, upe Ohayhuetéva rupi, hembipota tuicha ha opave'yva, omóijey haḡua judio-kuérape, térã opa Israel rógape, ijyvy jehejapyrépe, Ñandejára Itupã ome'ēva'ekue

chupekuéra, oñekumpli hağua ikonvénio;

15 Ha avei ko tavayguakuéra ñemoñare oguerovia porã hağua ñevanhélio, ohótava chupekuéra gentil-kuéragui; ko tavayguakuéra oñemosarambitagui, ha ha'éta tekove ipire hũ, ky'a, ha tavayguakuéra ivaíva, ohasáva opa mba'e oñemombe'uva'ekuépe ñande apytépe, heẽ, ha jepe oi'va'ekue lamanita-kuéra apytépe, ha upéva ijeguerovia'y ha ta'angarayhu rupi.

16 Ha péina ápe, Ñandejára Espíritu noñorairõvéima ituvakuéra ndive; ha oĩ hikuái yvórape Cristo ha Tupã'yre; ha oñemombo peteĩgui ambue hendápe kapi'i vytytupeguáicha.

17 Peteĩ ára ha'eva'ekue hikuái tavayguakuéra iporãva, ha oguerekova'ekue Cristo-pe herekuáramo; heẽ, Tupã upe Túva oisãmyhyva'ekue chupekuéra.

18 Ha katu ko'áğa, péina ápe, Satana ogueraha chupekuéra, jepe kapi'i vytytu oguerahávaicha, térã pe yga vela ni anklayre, ni mba'eve oisãmyhyva chupe reheve, ojegueraha ypu'ã rehe; ha pe ygáicha jepeve ha'ekuéra.

19 Ha péina ápe, Ñandejára oñongatúkuri ijehovasakuéra, umi ha'ekuéra ikatuv'erãmo'ã ohupyty ko yvýpe, gentil-kuéra oguerekótavape ġuarã upe vyty.

20 Ha katu péina ápe, ojuhúta gentil-kuéra omuña ha omosarambíta chupekuéra; ha oñemuña ha oñemosarambi rire gentil-kuérare, péina ápe, upéramo

Ñandejára imandu'áta konvénio ojapova'ekuere Abraham ha opa Israel róga ndive.

21 Ha avei Ñandejára imandu'áta hekojovavakuéra ñembo'ére, ojejapova'ekue chupe hesekuéra.

22 Ha upéramo, O gentil-kuéra, mba'éicha piko peiméta Tupã pu'aka renondépe, peñearrepenti'y ha pejere'yramo pende rape vaĩgui?

23 Ndapeikuaái piko peimeha Tupã pópe? Ndapeikuaái piko ha'e oguerekoha opa pu'aka, ha ñe'ẽ mbarete rupi vyty oñemocha'ítaha peteĩ rrólloicha?

24 Upévare, peñearrepenti, ha peñemomirĩ henondépe, ani opu'ã penderehe hustisiapi—ani peteĩ Jacob rembyre oho pende apytépe leõicha ha penemongu'i, ha ndaipóri avave oporomosãsova'erã.

ÑEMBYATY 6

Nefita-kuéra oñembyaty Cumorah retãme ñorairõ paharã—Mormón oñomi kuatiajehaipyre marangatu-kuéra vyty Cumorah-pe—Lamanita-kuéra ipu'aka, ha nefita-kuéra retã oñehundi—Hetaiterei rasa vyty póra omano kysepuku rupive. 385 ary rupi Cristo rire.

HA ko'áğa che ambopaha che kuatiajehaipyre che tavayguakuéra, Nefita-kuéra, ñehundíre. Ha ojehe roguata lamanita-kuéra renonderã.

2 Ha che, Mormón, ahai peteĩ kuatione'ẽ lamanita-kuéra rreípe, ha ajerure chupe oheja haɣua rombyaty ore tavayguakuéra tetã Cumorah-pe, peteĩ vyty hérava Cumorah ypype, ha upépe rome'ẽ haɣua chupekuéra ñorairõ.

3 Ha ojehu lamanita-kuéra rreí ome'ẽ chéve ajerureva'ekue.

4 Ha ojehu roguata Cumorah retã gotyo, ha romoĩ ore rogaa vyty Cumorah jerére; ha opyta peteĩ tenda oĩháme heta y, ysyry, ha ykua; ha ko'ápe roha'arõ orepu'aka lamanita-kuérare.

5 Ha ohasa rire trescientos ochenta y cuatro ary, rombyatykuri opa ore tavayguakuéra rembyre tetã Cumorah-pe.

6 Ha ojehu rombyaty rire pe-teĩme opa ore tavayguakuéra, tetã Cumorah-pe, péina ápe che, Mormón, añepyrũ chetuja; ha aikuaávo ha'éha hína che tavayguakuéra ñorairõ paha, ha Ñandejára he'íguikuri chéve ani haɣua aheja umi kuationehaipyre imarangatúva, ojehaiva'ekue ore tuvakuérare, ho'a lamanita-kuéra pópe, (lamanita-kuéra ohundínegui umíva) upépare che ajapo ko Nefi pláncha kuationehaipyre, ha añomi vyty Cumorah-pe opa kuationehaipyre oñeme'éva'ekue chéve Ñandejára po rupive, ha ko'ã pláncha mbovymi ame'ẽvakue che ra'y Moroni-pe aõnte katu nahániri.

7 Ha ojehu che tavayguakuéra, hambireko ha ita'yrakuéra reheve, ohecha lamanita-kuéra ehérsito ouha hesekuéra; ha pe

kyhyjevai ñemanógui omyenyhẽva opa hekoñañáva korasõ reheve, oha'arõ oɣuahẽ hikuái.

8 Ha ojehu ou hikuái orerehe ñorairõme, ha opa ánga henyhẽ kyhyjevaígui hetaiterei haguére hikuái.

9 Ha ojehu ho'a hikuái che tavayguakuéra ári kysepuku reheve, ha hu'y, ha vyrapã, ha hácha, ha opáichagua árma ñorairõrã reheve.

10 Ha ojehu oity hikuái che soldadokuérape, heẽ, jepe umi diez mil oĩva chendivépe, ha che ajekutúgui ha'a ijapytepekuéra; ha ohasarei hikuái che aĩha rupi ha upépare ndachejukái hikuái.

11 Ha ohasa rire hikuái mbyte rupi ha oity rire opavave che tavayguakuérape ha veinticuatro orekuérapente nahániri, (ijapytepekuéra oĩ che ra'y Moroni) ha ore roikovévo ore tavayguakuéra omanova'ekue apytégui, rohecha upe ko'ẽme, lamanita-kuéra oho rire hendakuérape, vyty Cumorah ru'ãgui, umi diez mil ore tavayguakuéra ojeityva'ekuépe, umi che aisãmyhyva'ekue.

12 Ha rohecha avei umi diez mil che tavayguakueraguáva che ra'y Moroni oisãmyhyva'ekue.

13 Ha péina ápe, umi diez mil Gidgiddona mba'éva ho'ákuri, ha ha'e avei imbytepekuéra.

14 Ha ho'ákuri Lámah idiez mil reheve; ha Gilgad ho'ákuri idiez mil reheve; Límah ho'ákuri idiez mil reheve; ha Jeneum ho'ákuri idiez mil reheve; ha ho'ákuri Cumeníah, ha Moroníah, ha

Antiónum, ha Shiblom, ha Shem, ha Josh, ha opavave idiez mil reheve.

15 Ha ojehu oïve diez ho'ava'ekue kysepukúpe, opavave idiez mil reheve; heë, jepe opavave che tavayguakuéra ho'ákuri, ha'e'yramo umi veinticuatro oïva chendive, ha avei mbovymi okañyva'ekue tetã surguápe, ha ambue mbovymi ohasava'ekue lamanita-kuéra apytépe; ha ho'o, ha ikanguekuéra, ha huguy oï yvy ape ári, ohejarei rire chupekuéra umi ijukaharekuéra po oñembyai haḡua yvy ári, ha oñemongu'í ha ohojey haḡua isy vyýpe.

16 Ha che ánga chejopy jepy'apýgui, che tavayguakueragua ojejukava'ekuere, ha ha'e'asy:

17 O peë peneporãitéva, mba'éicha piko pejeíra'e Ñandejára rapégui! O peë peneporãitéva, mba'éicha piko perrechasára'e pe Jesús-pe, oha'arõva ijyva jepyso reheve penemoḡuahẽ haḡua!

18 Péina ápe, ndapejapóirire upéva, ndape'aiva'erãmo'ã. Ha katu péina ápe, pe'ákuri, ha ajahe'o pene ñehundíre.

19 O ta'yra ha tajýra porãite, peë túva ha sykuéra, peë ména ha tembirekokuéra, peë peneporãitéva, mba'éicha piko pe'ára'e!

20 Ha katu péina ápe, napeimevéima, ha che vy'a'y ndaikatúi pendeguerujey.

21 Ha pya'e ou ára pene ñemanokuaa oñemondetaha ñemanokuaa'yme, ha ko'ã tete ko'ága oñembyaíva pya'e oñemoambuéta tete oñembyai'yvape;

ha upéramo peñembo'yva'erã Cristo trivunal renondépe, pejehusga haḡua pene rembiapokuére; ha penderekojojáramo, upéicharõ pejehovasapyre pende rukuéra peë mboyvigua ndive.

22 O peñearrepentírire ou mboyvye pende ári ko ñehundivaiete. Ha katu péina ápe, napeimevéima, ha Túva, heë, Túva Ijapyra'yva yvagapegua, oikuaa pene ñeime; ha ha'e oja póta penendive ihustísia ha iporiahuverekopeguáicha.

ÑEMBYATY 7

Mormón he'i lamanita-kuéra ára pahaguápe oguerovia haḡua Cristo-pe, oguerohory haḡua ñevanhélio, ha ojesalva haḡua—Opavave ogueroviáva pe biblia ogueroviáta avei Mormón Kuatiañe'ẽ. 385 ary rupi Cristo rire.

Ha ko'ága, péina ápe, che añe'ẽse ko tavayguakuéra rembyre opytava'ekuépe, Tupã ome'ẽramo chupekuéra che ñe'ẽ, oikuaa haḡua hikuái ituvakuéra rehegua; heë, che añe'ẽ peëme, Israel róga rembyre; ha ko'áva ha'e ñe'ẽ che ha'éva peëme:

2 Peikuaáke peë ha'eha Israel rogagua.

3 Peikuaáke peḡuahẽva'erãha arrepentimiéntope, tẽrã ndaikatumo'ãi pejesalva.

4 Peikuaa pehejava'erãha pene árma ñorairõguasurã, ha nependehoryvéimava'erã tuguy

ñeñohēme, ha ndapejagarravéimava'erā, ndaha'éiramo Tupā he'i jave peēme.

5 Peikuaa pejuva'erāha pende rukuéra jeikuaápe, ha peñearrepentiva'erā opa pene angaipa ha pene rembiapovaígui, ha peguerovia Jesucristo-pe, ha'e ha'eha Tupā Ra'y, ha judio-kuéra oju kahague chupe, ha Túva pu'aka rupi oikovejyague, ha upévape ohupyty pu'aka ñeñotýha ári; ha ipype oñembogue avei pe ñemano popā.

6 Ha ha'e ojapo omanova'ekue jeikovejey, upéva rupi yvyporakuéra opu'ajeýta oñembo'y haḡua itrivunal renondépe.

7 Ha ha'e ojaópokuri yvóra rrendensiō, upéicha upe árape ojejuhúva angaipa'yre henondépe oñeme'ēta oikove haḡua Tupā renondépe irréinope, opurahéi haḡua ñemomorā opave'yva umi opurahéiva ndive yvágape, Tívape, ha Ta'yrape, ha Espíritu Santo-pe, ha'éva hikuái peteí Tupā, peteí vy'apavē ñeime opave'yvape.

8 Upévare peñearrepenti, ha peñemongarai Jesús rérape, ha pejejagarra Cristo evanhélio rehe, oñeme'ētava peēme, ndaha'éi ko'ā kuationjehaipyrépe ha katu avei kuationjehaipyrekuéra oútava judio-kuéragui gentil-kuérape, kuationjehaipyrekuéra oútava gentil-kuéragui peēme.

9 Ha péina ápe, ojehai ko'áva peguerovia haḡua umíva; ha pegueroviaramo umíva pegueroviáta avei ko'áva; ha pegueroviaramo

ko'áva peikuaa pende rukuéra rehegua, ha avei tembiapo techapyrā ojejapova'ekue ijapytepekuéra Tupā pu'aka rupive.

10 Ha peikuaáta avei peē ha'eha peteí Jacob ñemoñare rembyre; upévare pejeipapa tavaygua-kuéra peteíha konvénio apytépe; ha pegueroviaramo Cristo-pe, ha peñemongarai, ýpe raē, ha upe rire tatápe ha Espíritu Santo-pe, pejapóvo ñande Salvador ohechaukáva, ha'e he'i haguéicha ñandéve, upéicharamo ohoporāta peēme huísio árape. Amén.

ÑEMBYATY 8

Lamanita-kuéra omuña ha ohundi nefita-kuérape—Mormón Kuatione'ē osēta Tupā pu'aka rupive—Oje'e outaha mba'evaí umi oipejúvare ñeko'ōi ha ñorairō Ñandejára rembiapóre—Nefita-kuéra kuationjehaipyre osēta ára oí vove tekoñaña, tekoky'a, ha ñesē. 400–421 ary rupi Cristo rire.

PÉINA ápe che, Moroni, ambopaha che ru Mormón kuationjehaipyre. Péina ápe, che aguereko mbovymi mba'énte ahai haḡua, mba'é che ru he'iva'ekue chéve.

2 Ha ko'áḡa ojehu oikopa rire ñorairōguasuede Cumorah-pe, péina ápe, lamanita-kuéra omuña nefita-kuéra okañyva'ekuépe tetā surguápe, oñehundipaite peve hikuái.

3 Ha che ru avei omano ipokuéra rupi, ha che apyta cheaño

ahai hağua che tavayguakuéra ñehundi vaiete rehegua ñemo-mbe'u. Ha katu péina ápe, ndaiporivéima hikuái, ha che akumpli che ru rembiapoukapy. Ha chejukátapa hikuái, che ndaikuaái.

4 Upévare che ahaíta ha aňomíta kuatiajehaipyrekuéra yvy guýpe; ha mba'eve ndoikói moõpa che aha.

5 Péina ápe, che ru ombosako'íkuri ko'ã kuatiajehaipyre, ha ohaíkuri mba'érepa. Ha péina ápe, che ahaítakuri avei aguerekórire tenda umi plánchape, ha katu ndaguerekói; ha ndaguerekói mineral, aimégui cheaño. Che ru ojejukákuri ñorairõme, ha opa che rogayguakuéra, ha nacheangirüi aha hağua hendápe; ha araka'e pevépa ohejáta Ñandejára che aikove ndaikuaái.

6 Péina ápe, ohasáma cuatrocientos ary Ñandejára ha ñande Salvador ouhague.

7 Ha péina ápe, lamanita-kuéra omuña che tavayguakuéra, nefita-kuérape, tavaguasúgui tavaguasúpe, ha tendágui tendápe, jepe oñehundipa peve hikuái; ha tuicha ije'akuéra; heẽ, tuicha ha oñemomba'eguasú che tavayguakuéra, nefita-kuéra ñehundi.

8 Ha péina ápe, Ñandejára po ojapokúri upéva. Ha péina ápe, lamanita-kuéra oĩ avei ñorairõguasúpe peteĩva ambue rehe; ha opa ko yvy ape ha'e peteĩ jejuka ha tuguy ñeňohẽ opave'ỹva; ha avave ndoikuaái mba'éichapa opáta ñorairõguasú.

9 Ha ko'ãğa, péina ápe, che

nda'evéima hesekuéra mba'eve, ndaiporivéimagui avave yvy ape ári ndaha'éiramo lamanita ha mondahakuéra.

10 Ha ndaipóri oikuaáva pe Tupã aňeteguápe ndaha'éiramo Jesús remimbo'ekuéra aňõnte, opytava'ekue upe tetãme ha tavayguakuéra rekoñaña tuichaitégui, Ñandejára ndohejái chupekuéra opyta tavayguakuéra ndive; ha avave ndoikuaái oĩpa térã ndaipóri yvy ape ári.

11 Ha katu péina ápe, che ru ha che rohechákueri chupekuéra, ha ha'ekuéra oremministra.

12 Ha umi ohupytýva ko kuatiajehaipyre, ha nokondenáiramo jejavy'imi oĩva rupi ipype, upéva oikuaáta mba'e tuichavévagui. Péina ápe, che ha'e Moroni, ha ikatúrire, aikuaaukava'erãmo'ã peẽme opa mba'e.

13 Péina ápe, che ambopaha che ñe'ẽ ko tavayguakuéra rehegua. Che ha'e Mormón ra'y, ha che ru ha'e Nefi ñemoñare.

14 Ha che ha'e pe aňomíva ko kuatiajehaipyre Ñandejárape ğuarã; ha katu planchakuéra ojehaiha ári ndaha'éi mba'ehepýva, Ñandejára rembiapoukapy rupi. Ha'e aňetehápe he'ígui avave ndohupytymo'áiha oñembopirapire hağua; ha katu pe kuatiajehaipyre oguerekóva tuicha mba'e; ha pe oguenohẽtavape tesakãme, upévape Ñandejára ohovasáta.

15 Avave ndaikatúigui oguereko pu'aka oguenohẽ hağua tesakãme ndaha'éirõ Tupãgui

añónte oñeme'ëramo chupe; Tupã he'ígui tojejapo oñema'ëve Tupã verapýrente, térã katu Ñandejára tavayguakuéra konvénio ymaguare oñemosarambíva heta ára pukukue ñeimeporãrã.

16 Ha ojevohasapyre pe oguenohëtava kóva tesakãme; oñeguenohëtagui pytũmbýgui tesakãme, Tupã ñe'ëme he'iháicha; heë, oñeguenohëta yvýgui, ha omimbíta pytũmby apytépe, ha oúta tavayguakuéra jeikuaápe; ha ojejapóta Tupã pu'aka rupive.

17 Ha oïramo jejavy yvypóra jejavynte. Ha katu péina ápe, ndoroikuaái oïpa jejavy; upevére Tupã oikuaa opa mba'e; upévale, toñeñangarekóke pe okondenáva, ani oñemoi añaretã ratápe.

18 Ha upe he'íva: Pehechauka chéve, térã pejeipy'ajopýta—toñeñangareko ani oja pouka Ñandejára ombotoveva'ekue.

19 Ha péina ápe, pya'e ohusgáva pya'e avei ojehusgáta; hembiapokuére ojehepyme'ëtagui chupe; upévale, pe oporoipy'ajopýva ojeipy'ajopýta avei, Ñandejárame.

20 Péina ápe he'íva umi escritura—yvypóra ndoipy'ajopymo'ái, ni ndohusgamo'ái; pe huísio che mba'égui, he'í Ñandejára, ha pe vengánsa che mba'e avei, ha che ahepyme'ëta.

21 Ha pe oipejúva ñeko'oi ha ñorairõ Ñandejára rembiapo rehe, ha Ñandejára konvénio tavayguakuérame ha'éva Israel róga, ha he'íva: Rohundíta Ñandejára rembiapo, ha Ñandejára

naimandu'amo'ái konvénio oja-pova'ekuére Israel róga ndive—upe tekove ikatu oñeikyti ha oñemombo tatápe;

22 Ñandejára rembipota opave'yva ojejapótagui, oñekumpli pa peve opa iñe'ëme'ënguéra.

23 Pehesa'yijóke Isaías profesia-kuéra. Péina ápe, che ndaikatúi ahai umíva. Heë, péina ápe che ha'e peëme, umi imarangatúva che mboyveguaréva, ohupytyva'ekue ko tetã, ojeruréta, heë, jepe vygyuy guive ojeruréta Ñandejárame; ha oikoveháicha Ñandejára imandu'áta konvénio oja-pova'ekuére hendivekuéra.

24 Ha ha'e oikuaa iñembo'ekuéra, ojejapova'ekue ijoy-ke'ykuérame. Ha ha'e oikuaa ijeroiviakuéra, hérape omongu'e haguére hikuái vvytykuéra; ha hérape omboryryi hikuái pe vvy; ha iñe'ë pu'aka rupi oity hikuái yvýpe ka'irái; heë, jepe tatakua hendypáva ndojapói hesekuéra mba'eve, ni mymba saite ni mbói ipopiava, iñe'ënguéra pu'aka rupive.

25 Ha péina ápe, iñembo'ekuéra ha'ékuri avei upe Ñandejára ome'ëtavape ġuarã oguenohë haġua ko'ã mba'e tesakãme, ñeime porãrã.

26 Ha natekotevëi avave he'í nosëmo'áiha, añetehápe osëtagui hikuái, Ñandejára he'ígui; yvýgui osëtaha, Ñandejára po rupive, ha avave ndaikatúi ojoko; ha oikóta ára oje'e vove ndaiporiveimaha milágro; ha ha'éta jepe pete'i oñe'ëvaicha omanóva apytégui.

27 Ha ojuhúta peteĩ árape imarangatuvakuéra ruguy ojeruré'asy vove Ñandejárape, mba'evaiñemi ha tembiapo ppytũnguérarupi.

28 Heẽ, ojuhúta peteĩ ára oñenegatahápe Tupã pu'aka, ha tupaokuéra oñembyaipáta ha oñembotuicháta ikorasõ orgúllope; heẽ, jepe peteĩ árape tendota ha mbo'eharakuéra tupaogua oñembotuicháta vove ikorasõ orgúllope, jepe oikose peve hikuái umi itupaopeguáicha.

29 Heẽ, oikóta peteĩ ára tatágui oñehendu vove, ha aravai, ha tatafĩ ppytũ tetã mombyryguávape;

30 Ha oñehendúta avei ñorairõguasú, ha ñorairõguasú terakuã, ha vyryryí opa hendárupi.

31 Heẽ, oikóta peteĩ ára oĩtahápe tuicha ñemongy'a vvy ape ári; oĩta jejuka, ha ñemonda, ha japu, añetegua'y, ha tekoky'a, ha opáichagua tembiapoky'a; ha oĩ jave heta he'ítava, Ejapo péva, térã ejapo amóva, ha ndaha'etí mba'eve, ára pahápe Ñandejára oipytyvõtagui upéicha ojapóvape. Ha katu ái umívagui, oĩgui iróva kuápe ha tembiapovai sãme.

32 Heẽ, oikóta peteĩ ára oñemopu'ãta vove tupao he'ítava: Peju cherendápe, ha pende pirapire rupi peñeperdonáta pene angaipakuérarupi.

33 O tavayguakuéra tekoñaña ha tekovai ha py'ahatã, mba'ére piko pemopu'ã tupaokuéra pehupyty hağua pirapire? Mba'ére piko pemoambue Tupã ñe'ẽ marangatu,

pegueru hağua kondenasiõ pene ánga ári? Péina ápe, pema'ẽ Tupã rrevelasiõnguérare; péina ápe, ára oútagui, upe ára oñekumpli tahápe opa ko'ã mba'e.

34 Péina ápe, Ñandejára ohechaukákuri chéve mba'e tuicháva ha hechapyrãva umi ko'ẽrite oikótava rehegua, upe ára ou vove ko'ã mba'e pende apytépe.

35 Péina ápe, che añe'ẽ peẽme peimẽramoguáicha, ha katu na peiméi. Ha katu péina ápe, Jesucristo penderechaukákuri chéve, ha aikuaa pene rembiapo.

36 Ha che aikuaa peikoha pene korasõ orgúllope; ha ndaipóri ndaha'éiramo mbovymi noñembotuicháiva ikorasõ orgúllope, omondévo ao hepýva, ha oğuahẽ potapýpe, joavy, aña, ha ñemuñáme, ha opáichagua tembiapovaípe; ha pende tupaokuéra, heẽ, maymáva, oñemongy'a pene korasõ orgúllore.

37 Ha péina ápe, pehayhu pirapire, ha pene mba'ehepykuéra, ha pende ao hepy, ha pende tupao jeguaka, pehayhuve umíva imboriahúva ha oikotevẽvagui, hasýva ha ojejopývagui.

38 O peẽ peñembyaíva, pendero vamokõiva, peẽ mbo'eharakuéra, pejehepyme'ẽva pe oñembyaívare, mba'ére piko pemongy'a Tupã tupao marangatu? Mba'ére piko peĩ pegueraha hağua pende ári Cristo réra? Mba'ére piko ndapejepy'amongetái iporãveha peteĩ vy'apavẽ opave'yva pe teko'asy opave'yvagui—péva piko ha'e yvóra ñemomorã rupive?

39 Mba'ére piko peñembojegua ndaha'éiva mba'évépe, ha katu peheja inembyahýiva, ha oikotevêva, ha ijopívova, ha hasýva, ha ohasa'asýva ohasa pende ykére, ha napepenái hesekuéra?

40 Heë, mba'ére piko pemopu'ã pene mba'evai ñeminguéra pehupyty hağua jehepyme'ë, ha peheja kuña imenave'ýva ha avei ityre'ýva hasë Ñandejára renondépe, ha avei ituvakuéra ha imenakuéra ruguy ojerure Ñandejárape vvyguy guive, vengánsa pene akã ári?

41 Péina ápe, vengánsa kysepuku oíma pende ári, ha pya'e ou ára ha'e ovengataha imarangatuvakuéra ruguy pende ári, ndogueropu'aka pukumo'ávéimaguí ijerure'asykuéra.

ÑEMBYATY 9

Moroni ohenói arrepentimiéntope umi Cristo-pe ndogueroviáiva pe—Ha'e oñe'ë peteĩ Tupã ojapóva milágrore, ha ome'ëva rrevelasiõ, ha oñohêva don ha techaukaha ijeroviarekóva ári—Milagrokuéra opa jeguerovia'ýrupi—Techaukahakuéra oho umi ogueroviáva ndive—Oje'e yvyporakuérape inakãguapy hağua ha iñe'ërendu hağua tembiapoukapykuérare. 401–421 ary rupi Cristo rire.

HA ko'áğa, che añe'ë avei umi Cristo-pe ndogueroviáiva rehe.

2 Péina ápe, pegueroviáta piko ára pejevisitatahápe—péina

ápe, Ñandejára oúta vove, heë, pe ára guasu yvy oñemocha'ítahápe peteĩ rrólloicha, ha tembiporukuéra hykupatahápe hakueteréigui, heë, pe ára guasu pejegueraháta vove peñembo'y hağua Tupã Cordero renondépe—pejéta piko upéramo ndai-poriha Tupã?

3 Penegáta gueteri piko Cristo-pe upéramo, térã ikatúta pema'ë Tupã Cordero rehe? Peimo'ã piko peikotaha hendive peikuaaporãvo pene rembiapovai? Peimo'ã piko pevy'ataha peikove aja upe tekove marangatu ndive, ojopy aja pene ánga peteĩ kúlpa ñeñandu akóinte pejapyhara haguére ileikuéra?

4 Péina ápe, che ha'e peëme peiko'asyvéta peime aja peteĩ Tupã imarangatúva ha ijojáva ndive, pene apytu'úme peikuaávo pende ky'aha henondépe, peimerangue umi ánga oñekondenáva ndive añaretáme.

5 Ha péina ápe, ojehechauka vove peëme pende opívo Tupã renondépe, ha avei Tupã verapy, ha Jesucristo marangatu, upéva omyendýta pende pype tatarendy ogue'ýva.

6 O peguerovia'ýva, pejere Ñandejára gotyo; pejerure mbarete Túvape Jesús rérape, ikatu mba'e hağua pejejuhu mara'ýme, potímbyre, porã, ha morotíme, peñemopotí rire pe Cordero ruguýre, upe ára paha guasúpe.

7 Ha añe'ë avei peë penegá-vape Tupã rrevelasiõnguéra, ha

pejéva opamaha, ha ndaiporiha rrevelasiō, ni profesía, ni don, ni ñemonguera, ni ñe'ē jeikuaa, ni umi ñe'ē ñemyesakā;

8 Péina ápe che ha'e peēme, pe onegáva ko'ã mba'e ndoikuaái Cristo evanhélio; heē, nomoñe'ēi umi escritura; ha omoñe'ēramo noikūmbýi.

9 Nañamoñe'ēi piko Tupã ha'eha peteĩnte kuehe, ko ára, ha tapiайте, ha ipype ndaiporiha ñemovã ni mba'evéchagua ñemoambue?

10 Ha ko'ága, peimo'arire peteĩ Tupã oñemováva, ha oñemoambuéva, upéicharō peimo'ára'e peteĩ tupã ndaha'éiva Tupã oja-póva milágro.

11 Ha katu péina ápe, che ahechaukáta peēme peteĩ Tupã oja-póva milágro, jepe Abraham Tupã, ha Isaac Tupã, ha Jacob Tupã; ha ha'e pe Tupã oja-pova'e-kue yvága ha yvy, ha opa mba'e oĩva ipype.

12 Péina ápe, ha'e ojapo Adán-pe, ha Adán rupi oúkuri yvypóra je'a. Ha yvypóra je'a rupi oúkuri Jesucristo, jepe Túva ha Ta'ýra; ha Jesucristo rupi ou yvypóra rredensiō.

13 Ha yvypóra rredensiō rupi, ouva'ekue Jesucristo-re, oje-gueraha jey hikuái Ñandejára renondépe; heē, péicha rupi oñe-rredimi opa yvypóra, Cristo ñemano oguerúgui jeikovejey, oja-póva peteĩ rredensiō jeke opave'yvaguí, opa yvypóra opay-tahágui Tupã pu'aka rupi ipu vove upe trompéta; ha osēta

hikuái, michíva ha tuicháva, ha opavave oñembo'ýta itrivunal renondépe, oñerredimi ha oñemo-sãso rire ko ñemano opave'yva jejokuágui, ha'éva peteĩ ñemano yvy'arigua.

14 Ha upéramo ou Imaranga-túva huísio hi'arikuéra; ha upéramo ou ára pe iký'áva iký'ataha gueteri; ha ijojáva ijojataha gueteri; ha ovy'áva ovy'áta gueteri; ha pe ndovy'áva ndovy'amo'ái gueteri.

15 Ha ko'ága, O maymáva peimo'áva'ekue peteĩ Tupã ndaikatuíva ojapo milágro, che aporanduse peēme, ohasáma piko, opa ko'ã mba'e añe'ēhague? Oġuahēma piko ipaha? Péina ápe che ha'e peēme, Nahániri; ha Tupã ha'e gueteri Tupã oja-póva milágro.

16 Péina ápe, ndahechapyrãi piko ñande resa renondépe Tupã oja-pova'ekue? Heē, ha máva piko ikatu oikūmby Tupã rembiapo-kuéra hechapyráva?

17 Máva piko he'íta ndaha'eíha peteĩ milágro iñe'ē rupi oikoha yvága ha yvy; ha iñe'ē pu'aka rupi yvypóra ojejapohague yvy timbógui; ha iñe'ē pu'aka rupi ojejapohague umi milágro?

18 Ha máva piko he'íta Jesu-cristo ndojapoihague heta milágro tuicháva? Ha oíkuri heta milágro tuicháva ojejapova'ekue apóstol-kuéra po rupive.

19 Ha upe árape ojejapóra-mokuri milágro, mba'ére piko Tupã ndaha'emo'ávéma peteĩ Tupã oja-póva milágro ha ha'éta

gueteri peteĩ tekove oñemovã-
'ỹva? Ha péina ápe, che ha'e
peẽme ha'e noñemoambueiha;
ndaupéichairire ndaha'eveima-
va'erãmo'ã Tupã; ha ha'e, ha'e
gueteri Tupã, ha ha'e peteĩ Tupã
ojapóva milágro.

20 Ha ndojapovéiramo milá-
gro yvypóra ra'ykuéra apytépe
ha'e niko ho'a haguére hikuái
jeguerovia'ỹme, ha ojei tape ika-
re'ỹvagui, ha ndoikuai hikuái
Tupãme, upe omoiva'erã rehe
hikuái ijerovia.

21 Péina ápe, che ha'e peẽme
Cristo-pe ogueroviáva, ndo-
dudáva mba'evépe, ojeruréva
Túvape Cristo rérape, oñeme-
'éta chupe; ha ko ñe'ẽme'ẽ ha'e
opavavépe ãguarã, jepe yvy paha
peve.

22 Péina ápe, péicha he'ígui
Jesucristo, Tupã Ra'y, hemi-
mbo'ekuéra opytátavape, heẽ,
ha avei opa hemimbo'ekuérape,
atyguasu ohendu jave: Tapeho
opa yvóra rupi, ha pembo'e pe
evanhélio opavave tekovépe;

23 Ha pe ogueroviáva ha oñe-
mongaraíva ojesalváta, ha katu
ndogueroviáva oñekondenáta.

24 Ha ko'ã techaukaha ohóta
ogueroviáva ndive—Che rérape
oguenohêta okápe añanguéra;
oñe'éta hikuái ñe'ẽ pyahúpe;
ohupíta mbói; ha ho'úramo
mba'e ipopíava ndojapomo'ãi
hesekuéra mba'eve; omoíta hi-
kuái ipo hasýva ári ha ha'ekuéra
okueráta;

25 Ha opavave ogueroviáva che
réra, oduda'ỹre mba'evépe, che

amoañetéta opa che ñe'ẽ, jepe
yvy opaha peve.

26 Ha ko'ága, péina ápe, máva
piko ogueropu'akáta Ñande-
jára rembiapo? Máva piko
onegáta iñe'ẽnguéra? Máva
piko opu'áta Ñandejára pu'aka
ipu'akapáva rehe? Máva piko
ndoguerohorymo'ãi Cristo ra-
'ykuérape? Pema'ẽ, opavave
peẽ ndapehayhúiva Ñandejára
rembiapo, pemomba'eguasúta
ha pemanótagui.

27 O ani pejahéi, ni pemomba-
'eguasú, ha pehendú uvei Ña-
ndejára ñe'ẽnguéra ha pejerure
Túvape Jesús rérape oimeraéva
mba'e peikotevéva. Ani peduda,
ha katu peguerovia, ára yma gua-
réicha, ha peju Ñandejárape opa
pene korasõ reheve, ha pema-
'apo henondépe pene salvasiõ
rehe ryrýi ha kyhyjépe.

28 Pene arandu pende jeipy'a-
ra'ã arape; pejei opa icy'ávagui;
ani pejerure, peñemoĩporã hağua
pendejupe, ha katu pejerure ñe-
movã'ỹ mbaretépe, ani hağua
pe'a mba'eveichagua jeipy'ara-
'ãme, ha katu peipytyvõ Tupã
añetegua oikovévape.

29 Aníke peñemongarai potí-
'ỹme; aníke pe'u Cristo sacra-
mento potí'ỹme; ha katu pema'ẽ
pejapo hağua opa mba'e tekoma-
rangatúpe, ha pejapo Jesucristo
rérape, Tupã oikovéva Ra'y; ha
pejapóramo upéva, ha pepytá-
ramo ipahaite peve, ni mba'evéi-
charamo napeñemosẽmo'ãi.

30 Péina ápe, che añe'ẽ pe-
ẽme añe'ẽrõguáicha omanóva

apytégui; aikuaágui peguereko-taha che ñe'ënguéra.

31 Ani chekondena che jejavýre, ni che rúpe ijejavýre, ni umi ohaiva'ekuépe ha'e mboyve; ha katu peme'ë aguyje Tupãme ohechaukáva peëme ore jejavy, peikuaa hağua mba'éichapa penearanduvéta orehegui.

32 Ha ko'áğa, péina ápe, rohaíkuri ko'ã kuatiajehaipyre roikuaaháicha, umi jehai ore apytépe oñehenóivape egipcio rreformado, ha rombohasa ha romoambue, ore roñe'ëháicha.

33 Ha ore pláncha tuichavé-rire rohaiva'erāmo'ã ebréope; ha katu romoambue avei pe ebréo; ha ikatúrire rohai ebréope, péina ápe, ndaiporiva'erāmo'ã mba'eveichagua jejavy ore kuatiajehaipyrépe.

34 Ha katu Ñandejára oikuaa umi mba'e rohaiva'ekue, ha avei

avave ambue tavayguakuéra ndoikuaaiha ore ñe'ë; ha avave ambue tavayguakuéra ndoikuaaígui ore ñe'ë, upévare ha'e ombosako'i tape oñehesa'yijo hağua.

35 Ha ojehai ko'ã mba'e romopotĩ hağua ore ao ore joyke'ykuéra ruguýgui, ho'ava'ekue jeguerovia'yme.

36 Ha péina ápe, ko'ã mba'e roipotava'ekue ore joyke'ykuéra rehegua, heë, jepe iñemoñjey Cristo jeikuaápe, oĩ opavave imarangatúva oikova'ekue yvy ári oñembo'e haguéicha.

37 Ha Ñandejára Jesucristo tombhovái iñembo'ekuéra oje-roviaháicha hikuái; ha Tupã pe Túva taimandu'a konvénio oja-pova'ekuére Israel róga ndive; ha tohovasa chupekuéra tapia-ite, Jesucristo réra jerovia rupi. Amén.

ÉTER KUATIAÑE'Ë

Jaredita-kuéra kuatiajehaipyre, oñeguenohëva'ekue umi veinticuatro pláncha Limhi tavayguakuéra ojuhuva'ekuégui rréi Mosiah ára jave.

ÑEMBYATY 1

Moroni omombyky umi Éter jehaipyre—Oñemombe'u Éter genealogía—Noñemopyytüi Jaredita-kuéra ñe'ë pe tórre de Babel-pe—Ñandejára oñe'ëme'ë oguerahataha chupekuéra peteĩ yvy poravopyrépe ha ojaipotaha chuguikuéra peteĩ tetã guasu.

HA ko'áğa che, Moroni, añe-pyrũ amombe'u umi tekove ymaguarégui oñehundiva'ekue Ñandejára po rupive ko tetã nortegua ári.

2 Ha ajapo che ñemombe'u umi veinticuatro pláncha ojuhuva'ekuégui Limhi tavayguakuéra, ha hérava Éter Kuatiañe'ë.

3 Ha chéve ġuarã niko ko mombe'u ñepyrũha pehẽngue, oñe'ẽva yvóra jejapóre, ha avei Adán-re, ha peteĩ ñemombe'u upe ára guive jepe tórre guasu peve, ha opa mba'e oikova'ekue yvypóra ra'ykuéra apytépe upe ára peve, umíva oĩ judio-kuéra apytépe—

4 Upévare ndahaíri umi mba'e oikova'ekue Adán ára guive upe ára peve; ha katu oĩ umi pláncha ári; ha pe ojuhúva, ipu'akáta ohupyty haġua opa ñemombe'u.

5 Ha katu péina ápe, che name'ẽmbái ñemombe'u, ha katu che ame'ẽ peteĩ ñemombe'u pehẽnguente, tórre guive ára oñehundi peve hikuái.

6 Ha péicha ame'ẽ ñemombe'u. Éter ohaiva'ekue ko'ã kuantiaje-haipyre, ha ha'ékuri Coriantor ñemoñare.

7 Coriantor ha'ékuri Morón ra'y.

8 Ha Morón ha'ékuri Etem ra'y.

9 Ha Etem ha'ékuri Ahah ra'y.

10 Ha Ahah ha'ékuri Set ra'y.

11 Ha Set ha'ékuri Shiblón ra'y.

12 Ha Shiblón ha'ékuri Com ra'y.

13 Ha Com ha'ékuri Coriántum ra'y.

14 Ha Coriántum ha'ékuri Amnigadda ra'y.

15 Ha Amnigadda ha'ékuri Aarón ra'y.

16 Ha Aarón ha'ékuri Het ñemoñare, ha'éva Heartom ra'y.

17 Ha Heartom ha'ékuri Lib ra'y.

18 Ha Lib ha'ékuri Kish ra'y.

19 Ha Kish ha'ékuri Corom ra'y.

20 Ha Corom ha'ékuri Leví ra'y.

21 Ha Leví ha'ékuri Kim ra'y.

22 Ha Kim ha'ékuri Moriantón ra'y.

23 Ha Moriantón ha'ékuri Riplákish ñemoñare.

24 Ha Riplákish ha'ékuri Shez ra'y.

25 Ha Shez ha'ékuri Het ra'y.

26 Ha Het ha'ékuri Com ra'y.

27 Ha Com ha'ékuri Coriántum ra'y.

28 Ha Coriántum ha'ékuri Emer ra'y.

29 Ha Emer ha'ékuri Omer ra'y.

30 Ha Omer ha'ékuri Shule ra'y.

31 Ha Shule ha'ékuri Kib ra'y.

32 Ha Kib ha'ékuri Oríah ra'y, ha'éva Jared ra'y.

33 Ha upe Jared oúkuri ijoyke'y ha hogaguakuéra ndive, ha ambuekuéra hogaguakuéra ndive, upe tórre guasúgui, ára Ñandejára omoypytũramoguare tavayguakuéra ñe'ẽ, ha oñe'ẽme'ẽ iñeko'õime oñemosarambitaha hikuái opa yvy ape ári; ha Ñandejára he'i haguéicha tavayguakuéra oñemosarambi.

34 Ha Jared joyke'y ha'e haguére peteĩ kuimba'e kakuaa ha imbaretéva, ha ojehechaporáva Ñandejárame, Jared, ijoyke'y he'i chupe: Ejerure Ñandejárape, ani haġua ñanemoapañuái ñaikũmby haġua ñane ñe'ẽ.

35 Ha ojehu Jared joyke'y ojerrure Ñandejárape, ha Ñandejára oiporiahuvereko Jared-pe; upévare ha'e nomoapañuái Jared ñe'ẽ; ha Jared ha ijoyke'y noñemoapañuái.

36 Upémarõ he'i Jared ijoyke'yype: Ejerure jey Ñandejárape, ikatu mba'e oipe'a ipochy umi ñande angirüvagai, ani haña omoapañái ñe'ẽnguéra.

37 Ha ojehu Jared joyke'y ojerrure Ñandejárape, ha Ñandejára oiporiahuvereko ñangirünguéra ha hogaguakuérape avei, ha nomoapañuái chupekuéra.

38 Ha ojehu Jared oñe'ẽ jey ijoyke'yype, he'ivo: Tereho ha eporandu Ñandejárape ñanemosẽtapa ko tetãgui, ha ñanemosẽtaramo ko tetãgui, ejerure chupe moõpa jahava'erã. Ha máva piko oikuaáne Ñandejárapa ñandeguerrahamo'ái peteĩ tetã ojeiporavopyrévape opa yvy ári? Ha péicharamo, ñandejeroviarekóna Ñandejára rehe, jahupyty haña upéva ñande jehejapyréramo.

39 Ha ojehu Jared joyke'y ojerrure Ñandejárape Jared juru he'i haguéicha.

40 Ha ojehu Ñandejára ohendu Jared joyke'yype, ha oiporiahuvereko chupe, ha he'i chupe:

41 Tereho ha embyaty ne mymba'aty, mácho ha kuña, opaichaguáva; ha avei yvypegua yvara'yi opaichaguáva; ha nde rogaguakuéra; ha avei nde joyke'y Jared ha hogaguakuéra; ha avei ne angirü ha hogaguakuéra, ha Jared angirü ha hogaguakuéra.

42 Ha rejapo rire upéva rehóta henonderãkuéra vytyta'ũ oiva norte gotyo. Ha upépe che rojuhúta, ha aháta nerenonderã peteĩ tetã ojeiporavopyrévape opa tetã yvy ariguágui.

43 Ha upépe pohovasáta ndéve ha ne ñemoñarépe, ha amopu'áta chéve ñuarã ne ñemoñare, ha nde joyke'y ñemoñare, ha umi ohótavagai nendive, peteĩ tetã tuicháva. Ha ndaiporimo'ái opa yvy ape ári tetã tuichavéva che amopu'átavagai chéve ñuarã ne ñemoñarégui. Ha péicha ajapóta nendive rejerurégui chéve opa ko ára pukukue aja.

ÑEMBYATY 2

Jaredita-kuéra oñembosako'i ije'oirã peteĩ yvy ñe'ẽme'ẽnguépe—Ha'e peteĩ tetã jeiporavopyre vyypóra omba'apova'erãháme Cristo-pe ñuarã téra oñehundíta—Ñandejára oñe'ẽ Jared joyke'yype mbohapy aravo aja—Jaredita-kuéra ojapo yga—Ñandejára ojerure Jared joyke'yype te'i mba'éichapa oñembohesapéta umi yga.

Ha ojehu Jared ha ijoyke'y, ha hogaguakuéra, ha avei Jared ha ijoyke'y angirü ha hogaguakuéra, oquejy vytyta'ũ oiva nóртеpe, (ha pe vytyta'ũ réra Nimrod, oñembohérava upéicha pe mymbajukahára guasu rehehápe) imymba'aty ombyatyva'ekue reheve, mácho ha kuña, opaichaguáva.

2 Ha omoĩ avei hikuái ñuhã ojagarra hağua guyra yvategua; ha ombosako'i peteĩ kambuchi, ha upévape ogueraha hikuái ypegua pira.

3 Ha ogueraha avei hikuái deseret, oñhesa'ỹijóramo he'iséva, eiru omba'apóva; ha péicha ogueraha hendivekuéra heta eiru raity, ha opáichagua oĩva yvy ape ári, yvara'ỹi opáichagua.

4 Ha ojeheu oğuahẽvo hikuái vyvitypa'ũ Nimrod-pe, Ñandejára oguejy ha oñe'ẽ Jared joyke'y ndive; ha oĩ peteĩ aráipe, ha Jared joyke'y ndohechái chupe.

5 Ha ojeheu he'i chupekuéra Ñandejára oho hağua tave'ỹme, heẽ, upe tenda araka'eve ndoikói ha guépe avave yvypóra. Ha ojeheu Ñandejára oho henonderãkuéra, ha oñe'ẽ chupekuéra oĩ aja peteĩ aráipe, ha ohechauka chupekuéra moõ gotyopa ohova'erã.

6 Ha ojeheu uguata hikuái pe tave'ỹre, ha ojapo ygakuéra, ha umívape ohasa hikuái y heta rupive, ha Ñandejára po oisãmbyhy meme chupekuéra.

7 Ha ndoipotái Ñandejára opyta hikuái yguasu mboypýri, tave'ỹme, ha katu he'i oho hağua hikuái oğuahẽ meve yvy ñe'ẽme'ẽnguépe, ha'éva yvy ojeiporavopyréva opa ambue tetã ári, Tupã Ñandejára oñongatuva'ekue peteĩ tavayguakuéra hekojojávape ġuarã.

8 Ha oñe'ẽme'ẽkuri iñeko'õime Jared joyke'yype, umi ohupytyva kóva ko yvy ñe'ẽme'ẽngue, upe guive tapiate

peve, oipytyvõva'erãha chupe, Tupã añetegua ha peteĩnteva, térã oñehundíta hikuái ho'a vove hi'arikuéra iñeko'õi paha.

9 Ha ko'áğa, ikatu jahecha Tupã ñe'ẽ ko yvy rehegua, ha'éha peteĩ yvy ñe'ẽme'ẽngue; ha oimeraẽ tetã ohupytyva oipytyvõva'erã Tupãme, térã oñehundíta iñeko'õi paha ho'a vove hi'ári. Ha iñeko'õi paha oguejyta hi'ári hi'aju vove hikuái tembiapovaípe.

10 Ha péina ápe, kóva ha'e peteĩ yvy jeiporavopyre opa yvy ári; upévare pe ohupytyva oipytyvõva'erã Tupãme térã oñehundíta; ha'égui Tupã ñe'ẽ opave'ỹva. Ha noñehundíri hikuái ndaha'éiramo oğuahẽ vove hu'ãme tembiapovai yvypóra ra'ykuéra apytyépe.

11 Ha upéva ou peẽme, O gentil-kuéra, peikuaa hağua Tupã ñe'ẽ—peñearrepentiva'erãha, ha anive peime pene rembiapovaípe penerenyhẽmba peve, ani hağua pegueru pende ári Tupã ñeko'õi paha ojapo haguéicha ko'áğa peve oikovéva ko yvy ári.

12 Péina ápe, kóva ha'e yvy jeiporavopyre, ha oimeraẽ tetã ohupytyva isãsóta ñeñapytĩmbýgui, ha teko'apytĩgui, ha opa ambue tetã yvága guýpe oĩvagui, oipytyvõramo upe yvypegua Tupãme, ha'éva Jesucristo, ojehechaukava'ekue umi mba'e rohaiva'ekuere.

13 Ha ko'áğa che amombe'uve; ha péina ápe, ojeheu Ñandejára ogueraha Jared ha ijoyke'ykuérape jepe yguasu omboja'óva vyvikuéra peve. Ha oğuahẽvo

pe yguasúpe omoĩ hikuái hoga-aokuéra; ha ohenói hikuái upe tendápe Moriáncumer; ha oiko hikuái ogaaópe, ha oikókuri hikuái ogaaópe pe yguasu rembe'ýpe irundy ary pukukue.

14 Ha ojehu opávo irundy ary, Ñandejára ou jey Jared joyke'ýpe, ha oĩ peteĩ arápe ha oñe'ẽ hendive. Ha mbohapy aravo aja oñe'ẽ Ñandejára Jared joyke'y ndive, ha oja' o chupe naimandu'ái haguére ohenói haḡua Ñandejára réra.

15 Ha Jared joyke'y oñearrepenti mba'evai ojapova'ekuégui, ha ohenói Ñandejára réra ijoyke'ykuéra oĩva hendive ñeimeporã. Ha Ñandejára he'i chupe: Poperdonáta pene angaipa ndéve ha nde joyke'ykuérape; ha katu ndapejapomo'ávéma angaipa, ha penemandu'ava'erã che espíritu noñorairõmo'áiha tapiaite yvy-póra ndive; upévale, pejapóramo angaipa penerenyhẽ meve, peñemosêta Ñandejára renondégui. Ha ko'áva ha'e che jepy'amongeta pe yvy amé'ëtavare peẽme jehejapyrerã; ha'étagui peteĩ yvy ojeiporavopyréva opa ambue yvy ári.

16 Ha he'i Ñandejára: Pamba'apo ha pejapo yga, ko'ága peve pejapo haguéicha. Ha ojehu Jared joyke'y oñemoĩ omba'apo, ha ijoyke'ykuéra avei, ha ojapo hikuái yga umi ojapo haguéicha voi, Ñandejára he'i haguéicha chupekuéra. Ha michĩ, ha ipya'e y ári, guyra oveve hatãháicha y ári.

17 Ha ojejapo oñemboty porãiterei haḡuáicha, ikatuha peve peteĩ vásoicha ojoko y; ha hugua oñemboty peteĩ vásoicha; ha ijyképe oñemboty avei upéicha; ha ijapýra hakua; ha pe ijape oñemboty avei peteĩ vásoicha; ha ipukukue peteĩ vyramátaicha; ha okẽ oñembotyvo, opyta peteĩ vásoicha.

18 Ha ojehu Jared joyke'y ojerure'asy Ñandejárape, he'ívo: O Ñandejára, ajapókuri tembiapo ereva'ekue chéve, ha ajapókuri umi yga nde rehechauka haguéicha chéve.

19 Ha péina ápe, O Ñandejára, ndaipóri ipypekuéra tesape; moõ gotyo piko rohova'erã? Ha romanóta avei, ipypekuéra ndaikatúigui orepytuhẽ, ndaha'éiramo pe arapytu oguerekóva ipype añõnte; upéicharõ romanóta.

20 Ha Ñandejára he'i Jared joyke'ýpe: Péina ápe, rembokuáta pe hu'áme, ha avei huguápe; ha reikotevẽ vove arapytu, reipe'áta pe tápa ha reguerekóta arapytu. Ha oikéramo peẽme y, péina ápe, embotyta pe ikuára, ani haḡua pemano yguasúpe.

21 Ha ojehu Jared joyke'y ojapo upéicha, Ñandejára he'i haguéicha chupe.

22 Ha ojerure'asy jey Ñandejárape he'ívo: O Ñandejára, péina ápe jeye ajapókuri ere haguéicha chéve; ha ambosako'í umi yga che tavayguakuérape ḡuarã, ha péina ápe ndaipóri tesape ipypekuéra. Péina ápe, O Ñandejára, rehejáta

piko rohasa ko'ã y tuichávare pytũmbýpe?

23 Ha Ñandejára he'i Jared joyke'y: Mba'e reipota che ajapo peguereko haña tesape pende ygápe? Péina ápe, ndaikatúigui peguereko ovetã, oñemongu'ipátagui; ni ndapeguerahamo'ái tata penendive, ndapehomo'ãigui tata resape rupive.

24 Ha péina ápe, ha'éta peteĩ vallénaicha yguasu mbytépe; umi ypu'ã guasu oinupátagui pende rehe. Upevére, che poguenohẽ jeýta yguasu ruguágui; che jurúgui osẽgui vytytukuéra, ha che amboúkuri avei ama ha amaguasu.

25 Ha péina ápe, che pombosako'i opa ko'ã mba'e pehasa porã haña; ndaikatúigui pejapyhara ko yguasu tuichaitéva che pombosako'i ýre yguasu pu'ãgui, ha vyty osẽtavagui, ha amaguasukuéra oútavagui. Upévare mba'e reipota ambosako'i peẽme ñuarã penderesape haña peñapymi vove yguasu ruguápe?

ÑEMBYATY 3

Jared joyke'y ohecha Ñandejára kuã opoko jave umi diesiseis ita rehe—Cristo ohechauka ijespíritu rete Jared joyke'y—Ndaikatúí oike'y pe vélo rupi umi oguerékova peteĩ jeikuaa porã—Oñemoĩ intérprete osẽ haña tesakãme jaredita-kuéra kuatiajehaipyre.

HA ojehu Jared joyke'y, (ha

ha'ékuri ocho umi yga oñembo-sako'iva'ekue) ojupi vytytýpe, ohenóiva hikuái Shelem vyty, ijyvatetereígui, ha peteĩ itágui oguenohẽ diesiseis ita michíva; ha morotí ha hesakã, cristal hesakãháicha; ha ogueraha ipópe vyty ru'ãme, ha ojerure jey Ñandejárape, he'ívo:

2 O Ñandejára, erékuri roñemongorataha ypu'anguérare. Ko'ãga péina ápe, O Ñandejára, ani ndepochy ne rembiguái ndive ikangy haguére nerenondépe; roikuaágui nde nemarangatuha ha reikoha yvágape, ha naorerekomarangatuha nerenondépe; pe je'a rupive ore orerekoñaña meme; upevére, O Ñandejára, nde reme'éva'ekue oréve tembiapoukapy ndéve rohenói haña, rohupyty haña ndehegui roipotaháicha.

3 Péina ápe, O Ñandejára, nde orehavirákuri ore rembiapovaikuére, ha oremosékuri, ha ko'ã heta ary pukukue roíkuri tave'yme; upevére, ndeporiahuverekókuri orendive. O Ñandejára, cheporiahuverekóna, ha eipe'a nde pochy ko tavayguakuéragui, ha ani reheja ohasa ko mba'evaiete pytũmbýpe; ha katu emaña ko'ã mba'e itágui ajapova'ekuére.

4 Ha che aikuaa, O Ñandejára, nde reguerékoha opa pu'aka, ha ikatuha rejapo rejaposéva yvypóra ñeime porã; upévare epoko ko'ã itáre, O Ñandejára, ne kuãme, ha emoĩ ohesape hañaícha pytũmbýpe; ha oreresapéta umi yga rombosako'iva'ekuére,

roguereko haḡua tesape rohasávo pe yguasu rupi.

5 Péina ápe, O Ñandejára, nde ikatu rejapo upéva. Roikuaa ika-tuha rehechauka tuicha pu'aka, michívaicha yvypóra ñeikūmbýpe ḡuarā.

6 Ha ojehu Jared joyke'y he'i vove ko'ã ñe'ẽ, péina ápe, Ñandejára oipysó ipo ha opoko ikuãme peteĩ teĩ umi itáre. Ha ojeipe'a upe vélo Jared joyke'y resa renondégui, ha ha'e ohecha Ñandejára kuã; ha ha'e peteĩ kuimba'e kuãicha, ojoguáva ho'o ha huguývaicha; ha Jared joyke'y ho'a Ñandejára renondépe, oje-pópýgui kyhyjevai reheve.

7 Ha Ñandejára ohecha Jared joyke'y ho'aha yvýpe; ha he'i chupe Ñandejára: Epu'ã, mba'ére piko re'a?

8 Ha ha'e he'i Ñandejárape: Ahecha Ñandejára kuã, ha akyyhyje cheipy'ajopýramo ḡuarā; ndaikuaáigui Ñandejára ogue-rekoha to'o ha tuguy.

9 Ha Ñandejára he'i chupe: Nde jerovia rupi rehechá kuri ajagarrataha che ári to'o ha tuguy; ha araka'eve ndouíva chéve avave yvypóra tuichaite jerovia reheve nde reguerekoháicha; ndaupéichairé ndaikatuiva'erãmo'ã rehecha che kuã. Rehechave piko upévagui?

10 Ha ha'e ombohová: Nahániri; Ñandejára, ejehechauka chéve.

11 Ha Ñandejára he'i chupe: Egueroviátapa ñe'ẽ ha'étava ndéve?

12 Ha ha'e ombohová: Heẽ, Ñandejára, che aikuaa nde reñe'ẽha añetegua, ha'égui Tupã añetegua, ha ndaikatúi ndejapu.

13 Ha he'ívo ko'ã ñe'ẽ, péina ápe, Ñandejára ojehechauka chupe, ha he'i: Reikuaágui ko'ã mba'e reñerredimi upe je'águi; upévare rejegerujey che rendápe; upe haguére che ajehechauka ndéve.

14 Péina ápe, che ha'e pe oñembosako'iva'ekue yvóra ñepy-rũmby guive arredimi haḡua che tavayguakuérape. Péina ápe, che ha'e Jesucristo, che ha'e Túva ha Ta'ýra. Che pype opavave yvyporakuéra oguerékota tekove, ha upéva opave'yta, jepe opa umi ogueroviáva che réra; ha ha'éta hikuái che ra'y ha che rajykuéra.

15 Ha araka'eve ndajehechaukaiva'ekue yvypóra ajapova'ekuépe, araka'eve yvypóra ndojeroviáigui cherehe nde rejapo haguéicha. Ehecha piko chéicha rejepohague? Heẽ, iñepyrũmbýpe jepe opavave yvypóra chéicha ojejapókuri.

16 Péina ápe, ko rete, rehecháva ko'áḡa, ha'e che espíritu rete; ha ajapova'ekue yvypórape che espíritu retéicha; ha jepe ajehechauháicha ndéve espíritupe, ajehechaukáta che tavayguakuérape to'ópe.

17 Ha ko'áḡa, che, Moroni, ha'e haguéicha ndaikatuíha ajapopa ñemombe'u ko'ã mba'e ojehaívagui, upévare iporántema chéve ha'e Jesús ojehechauhague

ko kuimba'épe espíritu-pe, jepe upéicha ha upe tete ojehechauka haguéicha nefita-kuérape.

18 Ha oministra chupe jepe oministra haguéicha nefita-kuérape; ha opa ko'áva, ko kuimba'e oikuaa haɣua ha'eha Tupã, heta tembiapo guasu Ñandejára ohechaukava'ekuére chupe.

19 Ha ko kuimba'e kuaapy rupi ndaikatúi ndojehechaukáivo chupe upe vélo ryepy; ha ha'e ohecha Jesús kuã, ha ohechávo, ho'a kyhyjúgui; oikuaágui ha'eha Ñandejára kuã; ha chupe ġuarã ndaha'evéima jerovia, oikuaa porágui.

20 Upévare, oguerékóvo Tupãgui ko jeikuaa porã, ndaikatúi ndojehejáivo chupe oma'ẽ upe vélo ryepýpe; upévare ohecha Jesús-pe; ha ha'e oministra chupe.

21 Ha ojehu Ñandejára he'i Jared joyke'ýpe: Péina ápe, nderehejamo'ãi oho yvórape ko'ã mba'e rehecha ha rehenduva'ekue, ndaha'éiramo oġuahẽ vove ára to'ópe amboverapytahápe che réra; upévare, reñongatúta umi mba'e rehecha ha rehenduva'ekue, ha nderehechaukamo'ãi avave yvypórape.

22 Ha péina ápe, reju vove chéve, rehai ha reselláta umi mba'e rehaíva, ndaikatúi haɣua avave omyesakã; rehaíttagui peteĩ ñe'ẽ ndaikatúivape omoñe'ẽ hikuái.

23 Ha péina ápe, ame'ëta ndéve ko'ã mokõi ita, ha reselláta avei umi mba'e rehaítava ndive.

24 Ha péina ápe, amoapañuái ñe'ẽ rehaítava; upévare ára chéve iporã vove ajapóta ko'ã ita tomyesakã yvyporakuéra resápe umi mba'e nde rehaítava.

25 Ha Ñandejára he'i vove ko'ã ñe'ẽ, ohechauka Jared joyke'ýpe opa umi tetãme oikova'ekue, ha avei opa oítava; ha noñomíri heságui, jepe yvy paha peve.

26 He'ígui chupe upe mboyve, ojeroviáramo hese ha'e ikatuha ohechauka chupe opa mba'e—ko'áva ojehechaukáta chupe; upévare Ñandejára ndaikatúi oñomi chugui mba'eve, oikuaágui Ñandejára ikatuha ohechauka chupe opa mba'e.

27 Ha Ñandejára he'i chupe: Ehai ko'ã mba'e ha esella; ha ára chéve iporã vove ahechaukáta umíva yvypóra ra'ykuérape.

28 Ha ojehu Ñandejára he'i chupe osella haɣua umi mokõi ita oñeme'ëva'ekue chupe, ha ani haɣua ohechauka, ndaha'éiramo Ñandejára ohechauka vove yvypóra ra'ykuérape.

ÑEMBYATY 4

Oje'e Moroni-pe osella haɣua Jared joyke'y ohaíva'ekue—Ndojehechaukamo'ãi ndaha'éirõ yvyporakuéra oguereko vove jerovia jepeve Jared joyke'yicha—Cristo he'i yvyporakuérape oguerovia haɣua iñe'ẽ ha hemimbo'ekuéra ñe'ẽ—Oñeme'ẽ yvyporakuérape tembiapoukapy oñearrepenti haɣua, tojerovia evanhéliore, ha tojesalva.

HA Ñandejára he'i Jared joyke'yépe oguejy hağua yvyty'gui Ñandejára renondégui, ha tohai umi mba'e ohechava'ekue; ha oñembotove oñe'ẽ hağua yvypóra ra'ykuérape umívagui oñemopu'ã rire peve kurusu ári; ha upévare rréi Mosiah oñongatu, ani hağua oğuahẽ yvórape ndaha'éiramo Cristo ojehechauka rire itavayguakuérape.

2 Ha Cristo ojehechauka rire añetehápe itavayguakuérape, ha'e he'i ojehechaukava'eraha umíva.

3 Ha ko'ágã, kóva rire, opavave ho'a jeguerovia'yme; ha ndopytái avave ndaha'éiramo lamanitakuérante, ha umíva orrechasa Cristo evanhélio; upévare oje'e chéve añomi hağua ko'áva yvype.

4 Péina ápe, che ahaíkuri ko'ã pláncha ári umi mba'e ohechava'ekue Jared joyke'y; ha araka'eve ndojehechaukaiva'ekue mba'e tuichavéva umi ojehechaukava'ekuégui Jared joyke'yépe.

5 Upévare Ñandejára he'íkuri chéve ahai hağua umíva; ha che ahaíkuri. Ha he'i chéve asella hağua; ha he'i avei chéve asella hağua ñehesa'yijo; upévare che asella umi intérprete, Ñandejára he'i haguéicha.

6 Ñandejára he'ígui chéve: Ndo-homo'ái hikuái gentil-kuérape ndaha'éiramo ára oñearrepenti vove hikuái hembiapovaígui, ha taipoti Ñandejára renondépe.

7 Ha ára omomba'apo vove jerovia cherehe, he'i Ñandejára,

jepeve ojapo haguéicha Jared joyke'y, oñemomarangatu hağua hikuái chepype, upéramo ahechaukáta chupekuéra umi mba'e ohechava'ekue Jared joyke'y, jepe aipysó peve henondepekuéra opa che rrevelasiõ, he'i Jesucristo, Tupã Ra'y, yvagakuéra ha yvy Ru, ha opa mba'e oivagui ipype.

8 Ha oñorairõva Ñandejára ñe'ẽ rehe, toñemoñe'ẽngái; ha pe onegáva ko'ã mba'e, toñemoñe'ẽngái; ko'avape ndahechaukamo'ãigui mba'e tuichavéva, he'i Jesucristo; che ha'égui pe oñe'ẽva.

9 Ha che ha'égui ojepe'a ha oñemboty yvagakuéra; ha che ñe'ẽ rupi oryrýita yvy; ha che rembiapoukapýre oikóva ipype ohasáta, jepeve tata rupiguáicha.

10 Ha pe ndogueroviáiva che ñe'ẽ ndogueroviái che remimbo'ekuérape; ha che ñañe'ẽiramo, pehusga peẽ; ára pahápe peikuaátgui che ha'eha pe oñe'ẽva.

11 Ha pe ogueroviáva ko'ã ñe'ẽ ha'éva, ajúta chupe che espíritu jehechaukápe, ha oikuaáta ha ome'ẽta testimónio. Ha che espíritu rupi oikuaáta ko'ã mba'e añeteguaha; omokyre'y'gui yvyporakuérape ojapo hağua iporáva.

12 Ha oimeraẽ mba'e omokyre'y'va yvyporakuérape ojapo hağua iporáva ou chehegui; iporáva ndo'úi haguére avavégui ndaha'éiramo chehegui añónte. Che ha'e pe ogueraháva yvyporakuérape opa mba'e iporávape; ha ndogueroviáiva che ñe'ẽ ndojeroviamo'ái avei cherehe—che ha'eha; ha pe cherehe

ndojeroviáiva ndojeroviamo'ái Túva chembouva'ekuére. Ha péina ápe, che ha'e pe Túva, che ha'e tesape ha tekove, ha yvora-pegua añetegua.

13 Peju cherendápe, O gentil-kuéra, ha ahechaukáta peëme umi mba'e tuichavéva, pe kuaapy oñeñomiva'ekue jeguerovia'ỹ rupi.

14 Peju cherendápe, O Israel róga, ha ojehechaukáta peëme tuichaite mba'e Túva oñongatuvá'ekue peëme ġuarã, yvóra ñepyrũmby guive; ha noġuahëiva peëme jeguerovia'ỹ rupi.

15 Ha péina ápe, pemondoro vove pe jeguerovia'ỹ vélo penderejáva pene ñeime vaiete tembiapoñañáme, ha korasõ atáme, ha apytu'ũ ypytũme, upéramo mba'e tuicha ha hechapyrãva oñeñomiva'ekue pendehegui yvóra ñepyrũmby guive—heë, pejerure vove Túpape che rérape, korasõ miri ha espíritu ñembyasy reheve, upéramo peikuaáta Túva imandu'aha konvénio ojapovav'ekuére ñande rukuéra ndive, O Israel róga.

16 Ha upéramo ojehechaukáta opavave tavayguakuéra resa renondépe che rrevelasiõnguéra ajapoukava'ekue tojehai che rembiguái Juan rehe. Penemandu'áke, pehechávo ko'ã mba'e, peikuaáta hí' aġuimaha añetehápe ára ojehechaukatahápe umíva.

17 Upévare, oñeme'ẽ vove peëme ko kuationehaipyre, peikuaáta Túva rembiapo oñepyrũmaha opa yvy ape ári.

18 Upévare, peñarrepenti opavave peë yvy paha, ha peju cherendápe, ha pejerovia che evanhéliore, ha peñemongarai che rérape; pe oguerovia ha oñemongaraíva ojesalváta haguére; ha katu pe ndogueroviáiva oñekondenáta; ha che réra ogueroviáiva rapykuéri ohóta techaukahakuéra.

19 Ha ojehovasapyre upe ára pahápe ojejuhúva ijerovirekoha che rérare, oñemopu'ãtagui oiko haġua rréino oñembosako'íva chupe ġuarãme yvóra ñepyrũmby guive. Ha péina ápe, che ha'e pe añe'ëva'ekue umíva. Amén.

ÑEMBYATY 5

Mbohapy testígo ha pe tembiapoite-voi ha'éta peteĩ testimónio Mormón Kuatiañe'ẽ añetegua.

HA ko'áġa che, Moroni, ahaíkuri umi ñe'ẽ oje'eva'ekue chéve, chemandu'aháicha; ha amombe'u ndéve umi mba'e asellava'ekue; upévare ani epoko hese embohasa haġua; péva oñembotovégui ndehogui, ha'e'ỹramo ára upe rireguápe Tupã ohecha porã vove iñarandúpe.

2 Ha péina ápe, ikatu mba'e oñeme'ẽ ndéve rehechauka planchakuéra umi oipytyvõtavape oñeguenohë haġua tesakãme ko tembiapo;

3 Ha Tupã pu'aka rupi ojehechaukáta mbohapyé; upévare

oikuaa porâta hikuái ko'ã mba'e añeteguaa.

4 Ha mbhapy testígo juru rúpive oñemoañetéta ko'ã mba'e; ha mbhapy testimónio, ha ko tembiapo, ojehechaukatahápe Tupã pu'aka ha avei iñe'ẽ, ome'ẽvagai testimónio Túva, ha Ta'ýra, ha Espíritu Santo—ha opa ko'áva opu'ãta testimónioramo yvóra rehe ára pahápe.

5 Ha oñearrepentíramo ha ou hikuái Túvape Jesús rérape, oñemoñuahêta chupekuéra Tupã rréinope.

6 Ha ko'ãga, ndaguerekóiramo autorida ko'ã mba'erã, pehusga peẽ; peikuaátargui aguerekoha autorida, cherecha ha ñañembo'y vove Tupã renondépe ára pahápe. Amén.

NEMBYATY 6

Yvytu omyaña Jaredita-kuéra yga yvy ñe'ẽme'ẽngue gotyo—Tavayguakuéra omomorã Ñandejárape ipy'aporãre—Oríah oñehenói rreirã hi'arikuéra—Jared ha ijoyke'y omano.

HA ko'ãga che, Moroni, amombe'u Jared ha ijoyke'y jehasapyre.

2 Ha ojehu Ñandejára ombosako'i rire umi ita Jared joyke'y oguerahava'ekue vyty'ype, Jared joyke'y oguejy vyty'gui, ha omoĩ itakuéra yga oñembosako'iva'ekuẽpe, peteĩ teĩ ijapyrakuérape; ha péina ápe, ome'ẽ tesape umi ygápe.

3 Ha péicha Ñandejára ombohesape umi ita pytũmbýpe, ome'ẽ hağua tesape kuimba'ekuéra, kuña, ha mitãnguérape, ani hağua ohasa hikuái pytũmbýpe yguasukuéra.

4 Ha ojehu ombosako'i rire opáichagua tembi'u, ikatu hağuaícha oikove y ári, ha avei tembi'u hymba'aty ha ivakakuérape ġuarã, ha oimeháichagua mymba saite, mymba, térã guyra ogueraháva hendivekuéra—ha ojehu ojavopa rire hikuái opa ko'ã mba'e oike hi'yga térã ivarkokuérape, ha osẽ hikuái yguasúpe, oñemoĩvo Ñandejára Itupã pópe.

5 Ha ojehu Tupã Ñandejára oipejuka vyty atãvai y ape ári, vyty ñe'ẽme'ẽngue gotyo; ha upéicha ojgueraha hikuái vytyre ypu'anguéra ári.

6 Ha ojehu heta jey oñemoñapymi hikuái yguasu ruguápe, umi ypu'ã guasu oinupãvare hesekuéra, ha avei tuicha ha ivaieteva amaguasu oguerúvare vyty atã.

7 Ha ojehu oñemoñapymi jave hikuái pe yruguápe ndaipóri y ojavóva mba'eve hesekuéra, ijyguakuéra oñembotygui peteĩ vásoicha, ha oñemboty avei Noé árkaicha; upévare oñuãvo chupekuéra umi y ojerure'asy hikuái Ñandejárape, ha ha'e oguenohẽ jey chupekuéra y ári.

8 Ha ojehu pe vyty oipeju meme vyty ñe'ẽme'ẽngue gotyo oĩ aja hikuái ykuéra ári; ha upéicha oñemyaña chupekuéra vyty renonderã.

9 Ha opurahéi hikuái ñemomorã Ñandejárape; heẽ, Jared joyke'y opurahéi ñemomorã Ñandejárape, ha oaguyjeme'ẽ ha omomorã Ñandejárape ára pukukue aja; ha oġuahẽvo pyhare, nombopahái hikuái iñembo'e Ñandejárape.

10 Ha péicha ojegueraha hikuái tenonde gotyo; ha mba'eveichagua tymba guasuvai yguasugua ndaikatúi oipeha'ã chupekuéra, ni mba'eveichagua valléna ndaikatúi ojapo hese-kuéra mba'eve; ha oguereko meme hikuái tesape, oĩ aja y ári ha y guýpe.

11 Ha péicha oñemyaña chupekuéra, trescientos cuarenta y cuatro ára aja y ári.

12 Ha oġuejy hikuái yvy ñe'ẽme'ẽngue rembe'ýpe. Ha opyrũ jave ipykuéra yvy ñe'ẽme'ẽngue rembe'ýpe ojaivy hikuái yvy ape ári ha oñemomirĩ Ñandejára renondépe, ha oñohẽ hesay vy'águi Ñandejára renondépe, hetaitereĩgui iporiahuvereco porã hendivekuéra ġuarã.

13 Ha ojehu osẽ hikuái yvy ape ári, ha oñepyrũ oñemitỹ

14 Ha Jared irundy ita'ýra; ha héra hikuái Jacom, ha Gilga, ha Maha, ha Oríah.

15 Ha Jared joyke'y omoheñói avei ta'ýra ha tajyrakuéra.

16 Ha Jared ha ijoyke'y angirũguéra ohupyty oñondivepa veintidos tekove rupi; ha ha'ekuéra omoheñói avei oġuahẽ mboyve yvy ñe'ẽme'ẽnguépe

ta'ýra ha tajyrakuéra; ha upéicha oñepyrũ oñembohetave hikuái.

17 Ha oñembo'e chupekuéra oiko haġua ñemomirĩme Ñandejára renondépe; ha avei oñeme'ẽ chupekuéra kuaapy yvatégui.

18 Ha ojehu oñepyrũ oñemosarambi hikuái yvy ape ári, ha oñemoña ha oñemitỹ hikuái upe yvy; ha oñemombareteterei hikuái upe tetãme.

19 Ha Jared joyke'y oñepyrũ ituja, ha ohecha pya'e oġuejy-tamaha ñeñotỹháme; upévare he'í Jared-pe: Ñambyaty ñande tavayguakuérape jaipapa haġua, jaikuaa haġua mba'épa oipota hikuái ñandehogui jaguejy mboyve ñane ñeñotỹháme.

20 Ha upéicha oñembyatyka tavayguakuéra. Ko'áġa Jared joyke'y ra'y ha rajykuéra ojeipapa veintidos ánga; ha Jared ra'y ha rajykuéra ojeipapa doce, oguerekóvo irundy kuimba'e.

21 Ha ojehu oipapa hikuái itavayguakuéra; ha oipapa rire chupekuéra, oikuaase chugui-kuéra mba'épa oipota hikuái ojapo ha'ekuéra oġuejy mboyve iñeñotỹháme.

22 Ha ojehu tavayguakuéra ojerure chupekuéra omoñandyry haġua hikuái peteĩ ita'ýrape oiko haġua rréiramo hí'arikuéra.

23 Ha ko'áġa péina ápe, upéva oipy'apy chupekuéra. Ha Jared joyke'y he'í chupekuéra: Añetehápe upéva oporogueraha teko'apytĩme.

24 Ha katu Jared he'í ijoyke'ýpe: Eheja chupekuéra toguereko

hikuái rréi. Ha upévare he'í chupekuéra: Peiporavo peteĩ rréi ore ra'y apytégui, jepe upe peipotávape.

25 Ha ojehu oiporavo hikuái Jared joyke'y ra'y ppykuépe; ha héra Pagag. Ha ojehu kóva ombotove ha ndoikoséi irreikuéraramo. Ha tavayguakuéra oipota itúva ojopy chupe, ha katu itúva ndojaposéi; ha ha'e he'í chupekuéra araka'eve ndojoyyiva'erãha hikuái avavépe oiko haḡua irreikuéraramo.

26 Ha ojehu oiporavo hikuái opavave Pagag joyke'ykuérape, ha ha'ekuéra ndoipotái.

27 Ha ojehu Jared ra'ykuéra ndoipotái avei, opavave ha peteĩ añónte katu nahániri; ha Oríah oñemoñandyry ha'e haḡua rréi tavayguakuéra ári.

28 Ha oñepyrũ orreina, ha tavayguakuéra oñepyrũ oñakárapu'ã; ha oñembopirapire hetaiterei hikuái.

29 Ha ojehu omano Jared, ha ijoyke'y avei.

30 Ha ojehu Oríah oiko ñemomirĩme Ñandejára renondépe, ha imandu'a tuichaite mba'e Ñandejára ojapova'ekue itúvare, ha avei ombo'e itavayguakuérape tuichaite mba'e Ñandejára ojapova'ekue ituvakuéra rehe.

ÑEMBYATY 7

Oríah orreina tekojojápe—Shule ha Cohor rréino, oñombohováiva, oñemoi ñemomba'e ha ñorairõ

mbytépe—Profetakuéra okondena tavayguakuéra tekoñaña ha ta'angarayhu, oñearrepentiva'ekue uperire.

HA ojehu Oríah ohusga tekojojápe vvy ári opa hi'ára aja, hetaitereíva.

2 Ha omoheñoi ta'ýra ha tajyrakuéra; heẽ, omoheñoi treinta y uno, ha ijapytepekuéra veintitres ha'e kuimba'e.

3 Ha ojehu ha'e omoheñoi avei itujakue Kib-pe. Ha ojehu Kib orreina hendaguépe; ha Kib omoheñoi Corihor-pe.

4 Ha Corihor oguerékovo treinta y dos ary oñemoi itúvare, ha oho ha oiko Nehor retãme; ha omoheñoi ta'ýra ha tajyrakuéra, ha umíva iporãiterei; upévare Corihor ogueraha hapykuéri heta tavayguakuéra.

5 Ha ombyaty rire peteĩ ehérsito ojupi Morón retãme rréi oikohápe, ha ojararra chupe teko'apytĩme, upéicha oñekumpli Jared joyke'y ñe'ẽ ojeguerahataha chupekuéra teko'apytĩme.

6 Ko'ãḡa Morón retã, upe rréi oikohápe, oĩ tetã nefita-kuéra ohenóiva Desolación ypýpe.

7 Ha ojehu Kib oiko teko'apytĩme, ha avei itavayguakuéra, Corihor, ita'ýra poguýpe, itujaiterei peve; upevére Kib omoheñoi itujakue Shule-pe, ha'e oĩ aja gueteri teko'apytĩme.

8 Ha ojehu Shule ipochy ijoyke'y ndive; ha Shule oñemombareterei, ha imbarete kuimba'e

mbaretépe; ha imbarete avei huísiope.

9 Upévare, ha'e oho yvyty Efraín-pe, ha upépe omboyku mineral upe yvytýgui, ha ojapo kysepuku asérogui umi oguerahava'ekue hapykuéripe ġuarā; ha oarma rire chupekuéra kysepukúpe ohojey tavaguasu Nehor-pe, ha oñorairō ijoyke'y Corihor ndive, ha upéicha rupi ohupyty upe rréino ha omoijey itúva Kib-pe.

10 Ha ko'áġa upe Shule ojapova'ekue rupi, itúva ome'ẽ chupe upe rréino; upévare oñepyrū orreina itúva rendaguépe.

11 Ha ojehu ohusga tekojojápe; ha oipysu irréino opa yvy ape ári, tavayguakuéra hetaitereígui.

12 Ha ojehu Shule omoheñói avei ta'ýra ha tajyrakuéra.

13 Ha Corihor oñearrepenti heta mba'evai ojapova'ekuégui; upévare Shule ome'ẽ chupe pu'aka irréinope.

14 Ha ojehu Corihor omoheñói heta ta'ýra ha tajýra. Ha Corihor ra'y apytépe oĩ peteĩ hérava Noé.

15 Ha ojehu Noé oñemoĩ rréi Shule rehe, ha avei itúva Corihor rehe, ha ogueraha ijoyke'y Cohor-pe hapykuéri, ha avei ogueraha opavave ijoyke'y ha heta tavayguakuérape.

16 Ha oñorairō rréi Shule ndive, ha upéichape ipu'aka ijyvy jehejapyre peteĩháre; ha oñemoĩ rréiramo upe tetã pehënguépe.

17 Ha ojehu oñorairō jey rréi Shule ndive, ha ojarra Shule-pe,

upe rréipe; ha ogueraha chupe Morón-pe teko'apytíme.

18 Ha ojehu oipe'apotávo chugui hekove, Shule ra'ykuéra oike pyhare kañyháme Noé rógape ha ojuka chupe, ha oity hikuái ka'irái rokẽ ha oguenohẽ itúvape; ha omoĩ hikuái chupe ijapykajegua ári irréinope.

19 Upévare, Noé ra'y omopu'ã irréino hendaguépe; upevére ndohupytyvéi pu'aka rréi Shule ári, ha tavayguakuéra oĩva rréi Shule poguýpe tuicha oñakãrapu'ã ha oñemombarete.

20 Ha upe tetã oñemboja'o; ha oĩ mokõi rréino, Shule rréino, ha Cohor rréino, Noé ra'y.

21 Ha Cohor, Noé ra'y, ojapo itavayguakuéra toho ñorairōme Shule rehe, ha upévape kóva ipu'aka hesekuéra ha ojuka Cohor-pe.

22 Ha ko'áġa Cohor oguereko peteĩ ita'ýra hérava Nimrod; ha Nimrod ome'ẽ Shule-pe Cohor rréino, ha ha'e ojuhu po'a Shule resa renondépe; upévare Shule ojapo hese heta mba'e porã, ha ha'e ojapo Shule rréinope ojaposéva.

23 Ha avei Shule rreinádope oġuahẽ tavayguakuéra apytépe profetakuéra, oñemboúva Nandejáragui, oprofetisávo tavayguakuéra tekoñaña ha ta'angarayhu ogueruha hína peteĩ ñe'ëngái yvy ape ári, ha oñehunditaha chupekuéra noñearrepentíriramo.

24 Ha ojehu tavayguakuéra oñemoĩ profetakuérare, ha oñembohory hesekuéra. Ha ojehu

rréi Shule ohusga opa umi oñemoivape profetakuérare.

25 Ha oguenohẽ peteĩ léi opa upe tetãme, ha upéva ome'ẽ profetakuérape pu'aka oho hağua ohosehápe; ha upéva rupi tavayguakuéra ojegeru arrepentimiéntope.

26 Ha tavayguakuéra oñearrepentígui hekoñaña ha ita'angarayhúgui Ñandejára operdona chupekuéra hekove, ha oñepyrũjey oñakārapu'ã upe tetãme. Ha ojehu Shule omoheñoi itujakue ta'ýra ha tajyrakuéra.

27 Ha ndaiporivéi ñorairõguasú Shule ára aja; ha ha'e imandu'a tuichaite mba'e Ñandejára ojapova'ekue ituvakuérare oguerúvo chupekuéra yguasú pypukúre yvy ñe'ẽme'ẽnguéme; upévare ohusga hustisia reheve opa hi'ára pukukue.

NEMBYATY 8

Oĩ joavy ha ñorairõ upe rréinore—Akish omoĩ mba'e vai ñemi ñe'ẽme'ẽ rupi ojuka hağua rréipe—Mba'e vai ñeminguéra aña mba'e ha ogueru tetãnguéra ñehundi—Oje'e gentilkuéra ára pyahuguávape mba'e vai ñemi oñeha'átaha ohundi sãso oiva opa yvy, yvyporakuéra oikohápe, ha tetãnguérape.

HA ojehu Shule omoheñoi Omer-pe, ha Omer orreina hendaguépe. Ha Omer omoheñoi Jared-pe; ha Jared omoheñoi ta'ýra ha tajyrakuéra.

2 Ha Jared oñemoĩ itúvare, ha oho ha oiko Het retãme. Ha ojehu ombojuruhe'ẽ heta tavayguakuérape, iñe'ẽkuua rupi, ohupyty peve upe rréino mbyte.

3 Ha ohupytyvo upe rréino mbyte ojapo ñorairõguasú itúvare, ha ogueraha itúvape teko'apytyme, ha omomba'apouka chupe ñeñapytĩmbype.

4 Ha ko'ága, Omer rreinádo árape ha'e opyta teko'apytyme hi'ára rembyre. Ha ojehu omoheñoi ta'ýra ha tajyrakuéra, ijapytepekuéra Esrom ha Coriántumr;

5 Ha ha'ekuéra ipochyeteréi ijoyke'y Jared ndive, upéicha rupi ombyaty hikuái peteĩ ehérsito ha ojapo ñorairõguasú Jared-pe. Ha ojehu oñorairõ hikuái hendive pyharekue.

6 Ha ojehu ohundi rire hikuái Jared ehérsito haimete ojuka avei chupe; ha ha'e ojerure chupekuéra ani hağua ojuka chupe, ha ome'ětaha irréino itúvape. Ha ojehu ndojukái chupe hikuái.

7 Ha ko'ága Jared ombyasyeteréi ohundi haguére upe rréino, oguerékogui ikorasõ upe rréinope ha yvóra verapype.

8 Ko'ága Jared rajy ikatupyryeteréigui, ha ohechávo itúva vy'a'ý, ojapo peteĩ plan ikatu hağua oñeme'ẽjey itúvape upe rréino.

9 Ko'ága Jared rajy iporãiteréi. Ha ojehu oñe'ẽ itúva ndive, ha he'i chupe: Mba'ére piko che ru ndovy'aiete? Nomoñe'ei piko ha'e kuatiajehaipyrekuéra ñande rukuéra ogueruva'ekue yguasú

rupi? Péina ápe, ndaipóri piko ipypekuéra peteĩ ñemombe' u ymaguaréva, mba'éichapa iplan ñeminguéra rupi ohupytyha hikuái rréino ha tuicha verapy?

10 Ha ko'áña, upévore, che ru togueruka Akish-pe, Kimnor ra'y; ha péina ápe, cheporã, ha ajerokýta henondépe, ha ha'e cherayhúta, ha cheipotáta hembirekorã; upévore ojeruréramo ndéve chemé'ẽ haña chupe hembirekorã, upéramo eréta chupe: Amé'eta ndéve reguerúramo chéve che ru, upe rréi, akã.

11 Ha ko'áña Omer ha'e Akish angirũ; upévore, Jared ohenoikávo Akish-pe, Jared raju ojeroky henondépe ha ha'e ohayhu chupe, upéicha rupi oipota chupe hembirekorã. Ha ojehu he'í Jared-pe: Eme'ẽ chéve che hembirekorã.

12 Ha Jared he'í chupe: Amé'eta ndéve reguerúramo chéve che ru, upe rréi akã.

13 Ha ojehu Akish ombyaty opa hogaguakuérape Jared rógape, ha he'í chupekuéra: Peñe'ẽme'ẽtapa chéve pendejeroviarekotaha umi mba'e peñe'ẽme'ẽtapa?

14 Ha ojehu opavave oñe'ẽme'ẽ chupe Tupã yvagapeguáre, ha avei yvagakuérare, ha avei yvy ha ñanakanguérare, pe oñemoiva Akish oipotávare oñeñakã'otaha; ha omombe'úva oimeraẽ mba'e Akish oikuaaukáva chupekuéra, upéva ohunditaha hekove.

15 Ha ojehu upéicha oñemopeteĩ hikuái Akish ndive. Ha Akish ome'ẽ chupekuéra ñe'ẽme'ẽnguéra oñeme'ẽva'ekue

ymaguare oipotava'ekuépe avei pu'aka, jepe umi oñembo'eva'ekue Caín guive, ha'eva'ekue jukahára ñepyrũmby guive.

16 Ha ña pu'aka oñongatu chupekuéra ome'ẽ haña ko'ã ñe'ẽme'ẽ tavayguakuérape, oguereko haña chupekuéra pytũmbýpe, oipytyvõ haña umi oipotávape pu'aka, ohupyty haña, ha oporojuka, ha omonda, ha ijapu, ha ojapo haña opáichagua tekoñaña ha tekoky'a.

17 Ha Jared raju ha'ékuri pe omoiva'ekue ikorasõme oheka haña umi mba'e ymaguare; ha Jared omoĩ Akish korasõme; upévore, Akish ome'ẽ hogagua ha ñangirũnguérape, ombojerévo chupekuéra ñe'ẽme'ẽ ñembojuhu'e'ẽ rupi ojapo haña hikuái opa mba'e ha'e oipotáva.

18 Ha ojehu ojapo hikuái peteĩ mba'evai ñemi, jepeve ymaguaréicha; ha upéva upe mba'evai ha'e ijeja'e'yvéva ha ñañavéva opa mba'e ári, Tupã resa renondépe.

19 Ñandejára nomba'apóigui mba'evai ñemi rupi, ni ndoipotái yvyporakuéra oñohẽ tuguy, ha katu ombotove upéva opa mba'épe, yvypóra ñepyrũmby guive.

20 Ha ko'áña che, Moroni, ndahaíri mba'éichapa ñe'ẽme'ẽnguéra ha mba'e vaikuéra, ojeikuaaukágui chéve oña opa tavayguakuéra apytépe, ha oĩ lamanita-kuéra apytépe.

21 Ha ojapo hikuái ko tavayguakuéra ñehundi, ko'áña añe'ẽvare

hína, ha avei Nefi tavayguakuéra ñehundi.

22 Ha oimeraëva tetã omoporaãva ko'ã mba'evai ñemi ohupyty hağua pu'aka ha pirapire, ojeipyso peve upe tetã ári, péina ápe, oñehundíta; Ñandejára ndohejamo'ãigui imarangatúva ruguykuéra, oñeñohëva'ekue ha'ekuéra rupi, ojerure'asy tapiaite chupe vengánsare yvy guive, ha'e ove nga'ÿre chupekuéra.

23 Upévore, O gentil-kuéra, oï Tupã arandúpe tojehechauka peëme ko'ã mba'e, ikatu hağua péicha peñearrepenti pene angaipakuéragui, ha ani peheja ipu'aka penderehe ko'ã mba'evai ñemi oporojukáva, oñemoïva ojehupyty hağua pu'aka ha pirapire—ha ani ou pende ári tembiapo, heë, jepe tembiapo ñehundirã, heë, jepe Tupã Opave'ÿva hustísia kysepuku ho'áta pende ári, pende je'a ha ñehundirã pehejaramo oï ko'ã mba'e.

24 Upévore, Ñandejára he'i peëme, pehechávo ou ko'ã mba'e pende apytépe pepáy hağua pene ñeimevaiete jeikuaápe, ko mba'evai ñemi oïtava rupi pende apytépe; tērã ái upévagui, umi ojejukava'ekue ruguy rupi; ojerurégui hikuái vvytimbo guive oñevenga hağua hese, ha avei umi imoiñarégui.

25 Ha ojehu omopu'áva upéva oñeha'ã ohundi opa yvy, yvypóra oikoha, ha tetã sãso; ha ojapo opa tavayguakuéra ñehundi, upéva omopu'ãgui upe aña, ha'éva opa añetegua'ÿva ru; jepe upe

tekove japu ombotavyva'ekue ñande rukuéra peteĩháme, heë, jepe upe tekove japu ojaopoukava'ekue yvypóra toporojuka iñepyrũmby guive; upe omohatáva'ekue yvyporakuéra korasõ ojuka peve hikuái profetakuéra, ha oita'api, ha omosë chupekuéra ñepyrũmby guive.

26 Upévore, che, Moroni, oje'e chéve ahai hağua ko'ã mba'e, oñehundi hağua upe mba'evai, ha oğuahë hağua ára Satana ndoguerekomo'aveimaha pu'aka yvypóra ra'ykuéra korasõme, ha katu toñemokyre'ÿ chupekuéra ojapo meme hağua iporãva, ou hağua hikuái opa tekojoja ykuápe ha tojesalva.

ÑEMBYATY 9

Upe rréino ohasa peteĩgui ambue ñemoñarépe, mba'eñemi ha jejuka rupi—Emer ohecha Tekojoja Ra'ÿpe—Heta proféta oñe'ẽ'asy arre-pentimiéntogui—Peteĩ ñembyahÿi vai ha mbói ipopĩava ombohasa'asy tavayguakuérape.

Ha ko'ágã che Moroni, ajapove che ñemombe'u. Upévore, péina ápe, ojehu Akish ha iñangirũnguéra mba'evai ñemi rupi, oity hikuái Omer rréino.

2 Upevére, Ñandejára oiporiahuvereco Omer-pe, ha avei ita'ÿra ha itajyrakuéra ndohekáivape iñehundi.

3 Ha Ñandejára he'i Omer-pe iképe osë hağua upe tetãgui;

upévare osē upe tetāgui hoga-guakuéra ndive, ha oguata heta ára pukukue, ha ohasa yvyty Shim ykére, ha ohasa tenda nefita-kuéra oñehundi haguépe, ha upégui oho kuarahyresē gotyo, ha oġuahē tenda hérava Ablom-pe, yguasu rembe'ýpe, ha upépe omoĩ hogaa, ha avei ita'ýra ha itajyrakuéra, ha opa hogagua-kuéra, Jared ha hogaguakuéra aňonte nahániri.

4 Ha ojehu Jared oñemoňandyry rréiramo tavayguakuéra ári, hekoňañáva po rupive; ha ome'ē itajýra hambirekorā Akish-pe.

5 Ha ojehu Akish ojukase hambireko rúpe; ha oho umi oñe'ēme'ēva'ekue ymaguare ñe'ēme'ēme, ha ohupyty hikuái hambireko túva akā; oguapývo ijapykajeguápe, oñemongeta aja itavayguakuéra ndive.

6 Tuichaitereígui ko aty ñaña ñemosarambi ombyai opa tavayguakuéra korasō; upévare Jared ojejuka ijapykajegua ári, ha Akish orreina hendaguépe.

7 Ha ojehu Akish oñepyrũ haka-te'ỹ ita'ýragui, upévare omboty chupe ka'irāime, ha oguereko chupe tembi'usa'i térã tembi'u'ỹ reheve omano meve.

8 Ha ko'áġa upe omanova'ekue joyke'y, (ha héra Nimra) ipochyetereti itúva ndive upe itúva ojapova'ekuere ijoyke'ýre.

9 Ha ojehu Nimra ombyaty kumba'e aty'imi, ha okaňy upe tetāgui, ha oho oiko Omer ndive.

10 Ha ojehu Akish omoheñoi ambue ta'yrakuéra, ha ko'áva

ohupyty tavayguakuéra korasō, jepeve ha'ekuéra oñe'ēme'ēkuri chupe ojapova'erāha opáichagua tembiapovai ha'e oipotaháicha.

11 Ko'áġa Akish tavayguakuéra oipota pirapire, jepeve Akish oipotaháicha pu'aka; upévare, Akish ra'ykuéra oikuave'ē chupekuéra pirapire, ha upéva rupi ogueraha hikuái hetave tavayguakuérape hapykuerikuéra.

12 Ha oñepyrũ oĩ peteĩ ñorairō-guasú Akish ha ita'yrakuéra apytépe, ipukúva heta ary pukukue, heẽ, haimete peve oñehundipa opa tavayguakuéra rreinogua, heẽ, jepe opavave ndaha'éiva treinta ánga aňonte, ha umi okaňyva'ekue Omer rogaguakuéra ndive.

13 Upévare, Omer oñemoĩjey hetã jehejapyre ári.

14 Ha ojehu Omer oñepyrũ ituja; upevére, itujakue omoheñoi Emer-pe; ha omoňandyry Emer-pe rreirã orreina haġua hendaguépe.

15 Ha omoňandyry rire rréiramo Emer-pe oguereko py'aguapy upe tetāme mokõi ary aja, ha omano, ohecha rire heta ára, henyhéva vy'a'ýgui. Ha ojehu Emer orreina hendaguépe, ha oho itúva oguatahague rupi.

16 Ha Ñandejára oñepyrũ oipe-ajey ñe'ēngái yvy ári, ha Emer róga tuicha oňakārapu'ã Emer rreinádo poguýpe; ha sesenta y dos ary aja oñemombareteteri, upéicha rupi ipirapire heta hikuái—

17 Oguerekógui hikuái opáichagua yva ha yvara'ýi, ha séda, ha líno iporãitereíva, ha óro, ha pláta, ha mba'e hechapyrãva;

18 Ha avei opáichagua vaka'aty, guéi, ha vaka, ovecha, ha kure, ha kavara, ha avei opáichagua ambue mymba iporãva yvypórape hembí'urã.

19 Ha avei oguereko hikuái kavaju, ha mburika, ha oĩ elefante ha kurelome, ha kumóne; opavave oipytyvõva yvypórape, ha oĩve elefante, ha kurelome ha kumone-kuéra.

20 Ha péicha Ñandejára oño-hēkuri ijehovasapy ko tetã ári, ha'eva'ekue jeiporavopyre opa ambue tetã ári; ha he'i umi ohupytyva upe yvy ohupyty va'erã Ñandejára mba'erã, térã oñehundíta hi'aju vove tembiapovaípe; ko'ãva ári, he'ígui Ñandejára: Añohēta che ñeko'oi paha.

21 Ha Emer ohusga tekojojápe opa hekove ára, ha omoheñoi heta ta'ýra ha tajýra; ha omoheñoi Coriantum, ha omoñandyry Coriantum-pe orreina haḡua hendaguépe.

22 Ha omoñandyry rire Coriantum-pe orreina haḡua hendaguépe oikove irundy ary, ha oguereko py'aguapy upe tetãme; heẽ, jepe ohecha Tekojoja Ra'ýpe, ha ovy'a ha iverapy hi'ára pukukue; ha omano py'aguapýpe.

23 Ha ojehu Coriantum oguata itúva rapykuerépe, ha omopu'ã heta tavaguasu tuicháva, ha ome'ẽ iporãva itavayguakuérape opa hi'ára pukukue. Ha ojehu

ha'e ndaita'ýrai jepe itujaiterei peve rire ae.

24 Ha ojehu omano hembireko, oguerekópe ciento dos ary. Ha ojehu Coriantum ituja rire ojagarrá peteĩ kuña imitãva hembirekorã, ha omoheñoi ta'ýra ha tajyrakuéra; upévore ha'e oikove ciento cuarenta y dos ary peve.

25 Ha ojehu omoheñoi Com-pe, ha Com orreina hendaguépe; ha ha'e orreina cuarenta y nueve ary, ha omoheñoi Het-pe; ha omoheñoi avei ambue ta'ýra ha tajyrakuéra.

26 Ha tavayguakuéra oñemosarambi jey opa yvy ape ári, ha oñepyrũ jey oĩ tekoñaña tuichaitereíva yvy ape ári, ha Het oñepyrũ omoi jey plan vai ñemi ymaguare, ohundi haḡua itúvape.

27 Ha ojehu oipe'a itúvagui ijapykajegua, ojúkavo chupe ikysepukúpe; ha orreina hendaguépe.

28 Ha oḡuahẽ jey profetakuéra upe tetãme, ojerurévo chupekuéra oñearrepenti haḡua—ombosako'iva'erãha hikuái Ñandejára rape térã ho'áta peteĩ ñe'engái yvy ape ári: heẽ, jepe oitaha peteĩ ñembyahýi tuicha, oñehunditahápe hikuái noñearrepentíriramo.

29 Ha katu tavayguakuéra ndogueroviái profetakuéra ñe'ẽ, ha katu omosẽ chupekuéra okápe; ha oĩ ojeitýva vyukuápe ha ojeheja chupekuéra omano haḡua. Ha ojehu ojapo hikuái opa ko'ã mba'e rréi Het he'i haḡuéicha.

30 Ha ojehu oñepyrũ oĩ peteĩ tuicha tembi' u pokã upe tetã ári, ha oikóva ipype oñepyrũ oñehu-ndi pya'e upe tembi' u pokã rupi, ndaipórigui ama yvy ape ári.

31 Ha ou avei mbóí ipopĩava yvy ape ári, ha ojuka hikuái heta tavayguakuérape. Ha ojehu hymba' atykuéra oñepyrũ oñani mboikuéra ipopĩavagui, surpegua tetã gotyo, nefita-kuéra ohenóiva Zarahemla.

32 Ha ojehu oĩ heta umíva apytepe omanova' ekue tapére; upevére, oĩ okañýva surpegua tetã gotyo.

33 Ha ojehu Ñandejára ojapo omuñave' y hağua chupekuéra mboikuéra, ha katu omboty hağua hikuái tape tavayguakuéra ani hağua ohasa, ha oimeraëva ohasaséva ho' a hağua mbóí ipopĩava rupi.

34 Ha ojehu tavayguakuéra oho mymba pypore rapykuéri, ha ho' u umi omanova' ekue tapére re' õngue ho' upa peve maymávape. Ko' áğa tavayguakuéra ohechávo omanotaha, oñepyrũ oñearrepenti hembiapovaígui ha ojerure' asy Ñandejárape.

35 Ha ojehu oñemomirĩ porã rire hikuái Ñandejára renondépe ha' e ombou ama yvy ape ári; ha tavayguakuéra oikovejey, ha oñepyrũ oĩ yva nortegua tetãme, ha opa tetã ijypypeguápe. Ha ohechauka chupekuéra Ñandejára ipu' akaha omosãso hağua chupekuéra ñembyahýgui.

ÑEMBYATY 10

Peteĩ rréi oñemoĩ ambue rendaguépe—Oĩ rréi hekojojáva; oĩ ambue hekoñañáva—Tekojoja oĩve jave, Ñandejára ohovasa ha omoakārapu' ā tavayguakuérape.

HA OJEHU Shez, ha' éva Het ñemoñare—Het omanókuri ñembyahýi rupi, ha avei opa hogaguakuéra Shez ańonte nahániri—upévore, Shez oñepyrũ omopu' ajey tavayguakuéra ho' ava' ekuépe.

2 Ha ojehu Shez imandu' a ituvakuéra ñehundíre, ha omopu' ā peteĩ rréino hekojojáva; imandu' águi Ñandejára ojapova' ekuére oguerúvo Jared ha ijoyke' ýpe pe yguasu rupi; ha oguata Ñandejára rapére; ha omoheñói ta' ýra ha tajyrakuéra.

3 Ha ita' ýra ypykue, hérava Shez, oñemoĩ hese; upevére, Shez ojeipy' ajopýkuri peteĩ mondaha po rupi, ipirapire hetaitereígui, ha upéva oguerujey py' aguapy itúvape.

4 Ha ojehu itúva omopu' ā heta tavaguasu upe yvy ape ári, ha tavayguakuéra oñepyrũ jey oñemosarambi opa yvy ape ári. Ha oikove Shez itujaiterei peve; ha omoheñói Riplákish-pe. Ha ha' e omano, ha Riplákish orreina hendaguépe.

5 Ha ojehu Riplákish ndojapói ijójáva Ñandejára resa renondépe, oguerékógui heta tembireko ha kuña, ha omoĩ tavayguakuéra ári hasyeteréiva jagueropu' aka hağua; heẽ, ha omoĩ chupekuéra

ome'ē haḡua tetāme ojehepyme'ēva; ha umi tetāme ojehepyme'ēva rupi omopu'ā heta ogaguasu hechapyrāva.

6 Ha omopu'ā ijupe ḡuarā petē apykajegua iporāitereiva; ha omopu'ā heta ka'irāi, ha umi ndohepyme'ēséivape tetāme ojehepyme'ēva ha'e oity ka'irāime; ha umi ndaikatúivape ohepyme'ē tetāme ojehepyme'ēva oity ka'irāime; ha omomba'apouka meme chupekuéra oipytyvō haḡua chupe; ha nomba'aposéivape ojuka.

7 Upéichape ohupyty opa hembiapo hechapyrāva, heē, jepe hi'óro hechapyrāva ombove-rauka ka'irāime; ha opáichagua tembiapo techapyrāva ojapouka ka'irāime. Ha ojehepyme'ēva ha'asy tavayguakuérape hekovai ha hembiapoky'a rupi.

8 Ha orreina rire cuarenta y dos ary tavayguakuéra opu'ā ha oñemoĩ hese; ha oñepyrū jey oiko ñorairōguasu upe tetāme, upéicha rupi ojuka hikuái Riplákish-pe, ha omosē iñemoñarekuérape upe tetāgui.

9 Ha ojehepyme'ēva heta ary rire, Moriantón, (ha'ēva Riplákish ñemoñare) ombyaty petē ehérsito umi oñemosēva'ekue reheve, ha oho oñorairō tavayguakuéra ndive; ha ohupyty pu'aka heta tavaguasu ári; ha upe ñorairōguasu ivaiete-reive, ha oiko heta ary pukukue aja; ha ha'e ohupyty pu'aka opa upe tetā ári, ha oñemoĩ ijupe rréiramo opa upe tetā ári.

10 Ha oñemoĩ rire ijupe rréiramo

ombovev'yi tavayguakuéra mba'epoh'yi, upéva rupi ohupyty po'a tavayguakuéra resa renondépe, ha omoñandyry hikuái chupe ha'e haḡua irreikuéra.

11 Ha ojapo hustisia tavayguakuéra ndive, ha ijupe ḡuarā katu nahániri hekoky'aita rupi; upévare oñemosē Ñandejára renondégui.

12 Ha ojehepyme'ēva Moriantón omopu'ā heta tavaguasu, ha tavayguakuéra oñembopirapire hetaiterei irreinádo aja, ogaguasu, ha óro ha plátape, ha yvara'yi ñemono'ō, ha vaka, ha mymba'atýpe, ha umi mba'e oñeme'ējeyva'ekue chupekuérape.

13 Ha Moriantón oikove itujaiterei peve, ha upéramo omoheñoi Kim-pe; ha Kim orreina itúva rendaguépe; ha orreina ocho ary, ha omano itúva. Ha ojehepyme'ēva Kim norreinái tekojojápe, upévare Ñandejára ndohovasái chupe.

14 Ha ijoyke'y opu'ā ha oñemoĩ hese, ha upéicha omoĩnge chupe teko'apytyme; ha opyta teko'apytyme opa hi'ára aja; ha omoheñoi ta'yra ha tajyrakuéra teko'apytyme, ha itujakue omoheñoi Levi-pe; ha omano.

15 Ha ojehepyme'ēva Leví omba'apo teko'apytyme cuarenta y dos ary aja itúva omano rire. Ha oñorairō rréi tetāmegua ndive, ha upéva rupi ohupyty imba'erā upe rréino.

16 Ha ohupyty rire ijupe ḡuarā upe rréino ojapo ijojáva Ñandejára resa renondépe; ha tavayguakuéra oñakārapu'ā upe tetāme; ha ha'e oikove itujaiterei peve, ha

omoheñói ta'ýra ha tajyrakuéra; ha avei omoheñói Corom-pe, omoñandyryva'ekuépe ha'e ha-
gña rreí hendaguépe.

17 Ha ojehu Corom ojapo ijojáva Ñandejára resa renondépe opa hi-
'ára aja; ha omoheñói heta ta'ýra ha tajýra; ha oikove rire heta ary omano, jepeve umi opytava'ekué-
icha upe yvýpe, ha Kish orreina hendaguépe.

18 Ha ojehu Kish omano avei, ha Lib orreina hendaguépe.

19 Ha ojehu Lib ojapo avei ijojáva Ñandejára resa renondépe. Ha Lib árape oñehundi umi mbói ipopíava. Upévare oho hikuái sur retãme, oheka haña tembi'u tavayguakuéra tetãmeguápe gñuarã, upe tendápe hetágui mymba ka'aguy. Ha Lib avei ha'e voíkuri tuicha mymbajukahára.

20 Ha omopu'ã hikuái peteĩ tavaguasu tuicháva vvy po'í puku ypýpe, tenda yguasu omboja'ohápe upe vvy.

21 Ha oheja hikuái tave'ýicha tetã surpegua, mymba ojejuka haña. Ha opa vvy norte ape henyhẽ oikovévagui ipype.

22 Ha omba'apokuaaiterei hikuái, ha ojogua ha ohepyme'ẽ ha ome'ẽ hikuái ojupe, oguenohẽ haña jehepyme'ẽ.

23 Ha omba'apo hikuái opáichagua mineral reheve, ha ojapo óro, pláta, ha iérro, bronce, ha opáichagua metal; ha oguenohẽ hikuái umíva vvyguýgui; upévare omopu'ã hikuái heta vvy aty ohupyty haña mineral, óro, ha pláta, ha iérro, ha cobre.

Ha ojapo hikuái opaichagua tembiapo porã.

24 Ha oguereko avei séda ha líno ojeipyaha porãitereíva; ha ojapo hikuái opáichagua téla ojaho'í haña ijopívo.

25 Ha ojapo hikuái opáichagua tembiporu oñemitỹ haña pe vvy, oyvyjo'o ha oñemitỹ haña, omono'õ, ha oka'api, ha avei ojeipe'a haña yvara'ýi.

26 Ha ojapo hikuái opáichagua tembiporu, ha umívape omomba'apo hymbakuéra.

27 Ha ojapo hikuái opáichagua árma ñorairõguasurã. Ha ojapo hikuái opáichagua mba'e ojejapo porã'asyeteva.

28 Ha araka'eve ndaipóriva tavayguakuéra ojevovasavéva chuguikuéra, ha oñakãrapu'ãvéva Ñandejára po rupive. Ha oĩ hikuái peteĩ vvy ojeiporavopyrévape opa vvy ári, Ñandejára he'í haguére.

29 Ha ojehu Lib oikove heta ary pukukue, ha omoheñói ta'ýra ha tajyrakuéra; ha omoheñói avei Heartom-pe.

30 Ha ojehu Heartom orreina itúva rendaguépe. Ha Heartom orreina rire veinticuatro ary, péina ápe, ojeipe'a chugui upe rreino. Ha ha'e omba'apo heta ary teko'apytĩme, heẽ, jepeve opa hi'ára rembyre aja.

31 Ha omoheñói Het-pe, ha Het oiko teko'apytĩme opa hi'ára aja. Ha Het omoheñói Aarón-pe, ha Aarón ohasa opa hi'ára teko'apytĩme; ha omoheñói Amnigadda-pe, ha Amnigadda avei

oiko opa hi'ára teko'apytíme; ha omoheñói Coriántum-pe, ha Coriántum oiko teko'apytíme opa hi'ára pukukue; ha omoheñói Com-pe.

32 Ha ojehu Com ojarra upe rréino mbyte. Ha cuarenta y dos ary orreina upe rréino mbyte ári; ha osẽ ñorairõguasúpe rréi Amgid rehe, ha oñorairõ hikuái heta ary pukukue, upe aja Com ohupyty pu'aka Amgid ári, ha ohupyty pu'aka upe rréino rembyte ári.

33 Ha Com árape oñepyrũ oĩ mondaha upe tetãme; ha omoĩjey hikuái plan-kuéra ymaguaréva, ha ome'ẽ hikuái ñe'ẽme'ẽnguéra ymaguaréicha, ha ohundise jey hikuái upe rréino.

34 Ko'ãga Com heta oñorairõ hendivekuéra; upevére, ndaipu'akái hesekuéra.

ÑEMBYATY 11

Ñorairõguasú, ñesẽ, ha tekoñaña ipu'aka Jaredita-kuéra rekovére—Profetakuéra oprofetisa Jaredita-kuéra ñehundipa noñearrepentíriramo hikuái—Tavayguakuéra orrechasa profetakuéra ñe'ẽ.

Ha Com arakuérape ou avei heta proféta, ha oprofetisa oñehunditaha upe tavayguakuéra tuicháva noñearrepentíriramo hikuái, ha ojerejey'ỹramo Ñandejára go-tyo, ha oheja'ỹramo ijejuka ha hekoñañakuéra.

2 Ha ojehu tavayguakuéra

orrechasa profetakuérape, ha ha'ekuéra oñani Com rendápe oñemo'ã hağua, tavayguakuéra ohundiségui chupekuéra.

3 Ha heta mba'e oprofetisa hikuái Com-pe; ha ojehovasa opa hi'ára rembyte.

4 Ha oikove itujaiterei peve, ha omoheñói Shiblom-pe; ha Shiblom orreina hendaguépe. Ha Shiblom joyke'y oñemoĩ hese, ha upépe oñepyrũ peteĩ ñorairõguasú tuichaitereíva upe tetãme.

5 Ha ojehu Shiblom joyke'y ojapouka opavave umi profetakuéra oprofetisáva tavaguasu oñehunditaha, tojejuka;

6 Ha oiko tuicha mba'evai opa upe tetãme, otestifikágui hikuái outaha tuicha ñe'ẽngái upe tetã ári, ha avei tavayguakuéra ári, ha oikotaha tuicha ñehundi ijaytepekuéra, araka'eve ndaipóri haguéicha yvy ape ári, ha ikanguékuéra ha'éta yvy atýicha tetã ári noñearrepentíriramo hikuái hekoñañágui.

7 Ha nohendúi hikuái Ñandejára ñe'ẽ, imba'evai ñañanguéra rupi; upévale, oñepyrũ oiko ñorairõguasú ha joavy opa upe tetãme, ha avei heta ñembyahýi ha mba'asyvai, upéicha rupi oĩ tuicha ñehundi, araka'eve ndojeikuaaiva'ekuéicha yvy ape ári; ha opa ko'ã mba'e oiko Shiblom árape.

8 Ha oñepyrũ tavayguakuéra oñearrepenti hembiapovaígui; ha ojapokuévo upéicha, Ñandejára oiporiahuvereco chupekuéra.

9 Ha ojehu Shiblom ojejuka, ha Set oñemoĩ teko'apytĩme, ha oikove teko'apytĩme opa hi'ára aja.

10 Ha ojehu Ahah, ita'ýra, ojararra upe rréino; ha orreina tavayguakuéra ári opa hi'ára aja. Ha ha'e ojapo opáichagua tembiapovai hi'árape, upévore ojapo toñeñoñe heta tuguy; ha hi'ára mbovymíkuri.

11 Ha Etem, ha'éva Ahah ñemoñare, ojararra upe rréino; ha ha'e ojapo avei iñañáva hi'ára aja.

12 Ha ojehu Etem árape ou heta profetakuéra, ha oprofetisa jey tavayguakuérape; heẽ, oprofetisa hikuái Ñandejára ohundipataha chupekuéra yvy ape árigui noñarrepentíriramo hikuái hembiapovaĩgui.

13 Ha ojehu tavayguakuéra omohatã ikorasõ, ha nohenduséi iñe'ẽnguéra; ha profetakuéra ombyasy ha osẽ tavayguakuéra apytégui.

14 Ha ojehu Etem ohusga ñaña pa'ũme opa hi'ára; ha ha'e omoheñoi Morón-pe. Ha ojehu Morón orreina hendaguépe; ha Morón avei ojapo iñañáva Ñandejára renondépe.

15 Ha ojehu oiko peteĩ ñempu'ã tavayguakuéra apytépe, pe mba'évai ñemi rupi oñemoĩva'ekue ojehupyty hağua pu'aka ha pirapire; ha opu'ã ijapytepekuéra peteĩ kuimba'e ikatupyryetereíva tembiapovaípe, ha oñorairõ Morón ndive, upéichape ohupyty upe rréino

mbyte; ha ojoko upe rréino mbyte heta ary pukukue aja.

16 Ha ojehu Morón ipu'aka hese, ha ojararra jey upe rréino.

17 Ha ojehu opu'ã ambue kuimba'e imbaretéva; ha ha'e Jared joyké'y ñemoñare.

18 Ha ojehu ha'e ipu'aka Morón rehe, ha ojararra upe rréino; upévore, Morón oikove teko'apytĩme opa hi'ára rembyre; ha ha'e omoheñoi Coriantor-pe.

19 Ha ojehu Coriantor oikove teko'apytĩme opa hi'ára aja.

20 Ha Coriantor árape ou avei heta proféta, ha oprofetisa hikuái mba'e tuicha ha hechapyrãva, ha ojerure'asy hikuái pe arrepenntimíento tavayguakuérape, ha noñarrepentíriramo hikuái Tupã Ñandejára omoĩta huísio hi'arikuéra oñehundipa peve.

21 Ha oprofetisa Tupã Ñandejára omboutaha térã oguerutaha ambue tavayguakuérape ohupyty hağua upe yvy, ipu'aka rupi, ogueru haguéicha ituvakuérape.

22 Ha ha'ekuéra orrechasa opa profetakuéra ñe'ẽ, ijaty ñemi ha hembiapoky'a ñañaakuéra rupi.

23 Ha ojehu Coriantor omoheñoi Éter-pe, ha omano, oikove rire teko'apytĩme opa hi'ára aja.

ÑEMBYATY 12

Proféta Éter he'i tavayguakuérape ojerovia hağua Tupãre—Moroni omombe'u mba'eguasu ha milágro ojejavõva jerovia rupive—Upe

jerovia oheja Jared joyke'y ohecha Cristo-pe—Ñandejára omokangy yvyporakuérape oñemomirĩ hağua— Jared joyke'y omongu'e Zerín yvyty jerovia rupi—Jerovia, ñeha'arõ, ha karida oñeikotevẽ salvasiõrã—Moroni ohecha hovaitépe Jesús-pe.

HA ojehu Éter oikove Coriántumr árape; ha Coriántumr ha'e rréi opa upe tetãme.

2 Ha Éter ha'ékuri Ñandejára proféta; upévale Éter osẽ Coriántumr árape, ha oñepyrũ oprofetisa tavayguakuérape, ndaikatúigui ojejoko Ñandejára Espíritu oĩva rupi ipype.

3 Ha'e ojerure'asýgui pyhareve guive, jepe kuarahy reike peve, ojerurévo tavayguakuérape tojerovia Tupãre arrepenimientorã ani oñehundi hikuái, he'ívo chupekuéra jerovia rupi opa mba'e oñekumpliha—

4 Upévale, umi Tupãre ojero- viáva ikatu añetehápe oha'arõ peteĩ yvóra iporãvéva, heẽ, jepe peteĩ tenda Tupã akatúape, ha ko ñeha'arõ ou jerovia rupive, ome'ẽ jokoha yvypóra ángape, ha omohatã ha nomovãi chu- pekuéra, akóinte henyhẽvo tembiapo porãme, oñemokyre'yvo omboverapy hağua Tupãme.

5 Ha ojehu Éter oprofetisa tavayguakuérape mba'e tui- cha ha hechapyrãva, ha'ekuéra oguerovia'yva, ndohecháigui hikuái.

6 Ha ko'ãğa, che, Moroni, añe- 'ẽsemi ko'ã mba'ére: Che ahe- chaukase yvórape jerovia ha'eha

umi mba'e oñeha'arõva ha oje- hecha'yva; upévale, ani pejoavy ndapehecháigui, noñeme'ẽigui peẽme mba'eveichagua testimo- nio ndaha'éiramo pende jerovia ojeipy'ara'ã rire.

7 Jerovia rupi niko Cristo ojehe- chaukava'ekue ñande rukuérape, ha'e opu'ã rire omanova'ekue apytégui; ha ndojehechaukáí chupekuéra ndaha'éirõ ogue- reko rire hese jerovia; upévale, tekotevẽkuri oĩ ojeroviáva hese, ndojehechaukáigui yvórape.

8 Ha katu yvyporakuéra jerovia rupive ha'e ojehechaukava'e- kue yvórape, ha omboverapy Túva réra, ha ombosako'i tape ambuekuéra ikatu hağuaicha ohupyty upe don yvagape- gua, oha'arõ hağua umi mba'e ndohechaiva'ekue.

9 Upévale, peẽ ikatu avei pe- guereko ñeha'arõ, ha pehupyty upe don, peguerekõnteramo jerovia.

10 Péina ápe, jeroviáre yma- guare oñehenoiva'ekue Tupã orden marangatu rupive.

11 Upévale, Moisés léi oñe- me'ẽva'ekue jerovia rupi. Ha katu Ita'yra don-pe Tupã ombo- sako'iva'ekue peteĩ tape ipo- rãvéva; ha jerovia rupi niko oñekumplíkuri.

12 Ha ndaipóriramo jerovia yvypóra ra'ykuéra apytépe Tupã ndaikatúí ojapo mba'eveichagua milágo ijapytepekuéra; upévale, ha'e ndojehechaukáí ojerovia'y mboyve hikuái.

13 Péina ápe, Alma ha Amulek

jerovia rupi, ojeitýkuri yvýpe upe ka'irãi.

14 Péina ápe, Nefi ha Lehi jero-
via rupive ojejavova'ekue ñemo-
ambue lamanita-kuérare, péicha
oñemongarai chupekuéra tata ha
Espíritu Santo-pe.

15 Péina ápe, Ammón ha ijoy-
ke'ykuéra jerovia ojavópuri tui-
chaite milágro lamanita-kuéra
apytépe.

16 Heẽ, ha opavave ojavova'e-
kue milágro ojavova'ekue jerovia
rupi, jepe umi ha'eva'ekue Cristo
mboyve ha avei umi ha'eva'ekue
ha'e rire.

17 Ha jerovia rupive niko mbo-
hapy temimbo'ekuéra ohupyty-
va'ekue ñe'ẽme'ẽ nomanomo'ãiha
hikuái; ha ndohupytyi hikuái upe
ñe'ẽme'ẽ ndaha'éiramo ojerovia
rire hikuái.

18 Ha mba'évéichagua árape
avave ndojapóvai milágro nda-
ha'éiramo ojerovia rire; upé-
vare ojeroviaraëkuri hikuái Tupã
Ra'ýre.

19 Ha oĩ heta ojerovia mbare-
teteiva'ekue, jepe Cristo ou
mboyve, ndaikatúivape oñe-
mbove toike upe vélo rupive,
ha katu ohecha añetehápe hikuái
hesa rupi umi mba'e ohechava'e-
kue jerovia resa rupive, ha ovy'a
hikuái.

20 Ha péina ápe, jahechákuri
ko'ã kuatiajehaipyrépe peteiva
ha'ehague Jared joyke'y; tuichai-
tereígui ijerovia Tupãre, Tupã
oipysóvo ikuã ndaikatúikuri
oñomi Jared joyke'y reságui,
iñe'ẽ he'iva'ekue chupe rupi,

ñe'ẽ ohupytyva'ekue jerovia
rupive.

21 Ha Jared joyke'y ohecha rire
Ñandejára kuã, ñe'ẽme'ẽ ohupy-
tyva'ekuere Jared joyke'y jerovia
rupi, Ñandejára ndaikatúí oñomi
mba'eve heságui; upévare ha'e
ohechauka chupe opa mba'e,
ndaikatuvéimagui ojeheja chupe
upe vélo atukupépe.

22 Ha jerovia're che rukuéra
ohupytykuri ñe'ẽme'ẽ ko'ã mba'e
oğuahéva'erãha ijoyke'ykuérape
gentil-kuéra rupive; upévare
Ñandejára he'i chéve, heẽ, jepe
Jesucristoite voi.

23 Ha che ha'e chupe: Ñande-
jára, gentil-kuéra oñembohorýta
ko'ã mba'ére, orekangýgui rohai
hağua; nde Ñandejára oremo-
mbaretégui ñe'ẽme jerovia rupi,
ha katu naoremombaretéi rohai
hağua; rehejágui opa ko tavay-
guakueragua he'i heta mba'e, pe
Espíritu Santo nde reme'eva'ekue
rupi chupekuéra;

24 Ha nde rejavópuri ndaikatúí
rohai ndaha'éiramo mbovymínte,
ore po ikangýgui. Péina ápe,
naoremombaretéi jehaípe Jared
joyke'yicha, reme'ẽgui chupe
mba'e ha'e ohaíva taimbaretete-
rei ndéicha jepeve, ipu'aka peve
yvpórare omoñe'ẽramo.

25 Remombarete ha rembotui-
chá kuri avei ore ñe'ẽ, ndaikatuvéi
peve rohai; upévare, rohairamo
rohecha orekangyha, ha romoĩ-
háicha ore ñe'ẽ roñepysanga; ha
che akyhyje gentil-kuéra oñe-
mbohorýramo ġuarã ore ñe'ẽre.

26 Ha ha'ekuévo ko'áva,

Ñandejára oñe'ẽ chéve, he'ívo: Itavýva oñembohory, ha katu ombyasyta hikuái; ha che grásia iporãntema hekomarangatu-kuérape ġuarã, ani haġua oñemotenonde hikuái penderehe penekangýgui;

27 Ha vyyporakuéra oúramo chéve ahechaukáta chupekuéra ikangyha. Che ame'ẽ vyyporakuérape ñemokangy oñemomirĩ haġua hikuái; ha iporãntema che grásia opa vyypóra oñemomirĩvape cherenondépe; ha oñemomirĩramo hikuái che renondépe, ha oguerekóramo cherehe jerovia, upéramo ajapóta umi mba'e ikangýva taimbarete chupekuéra.

28 Péina ápe, che ahechaukáta gentil-kuérape ikangyha, ha che ahechaukáta chupekuéra jerovia, ñeha'arõ, ha karida oporogue-ruha cherendápe—opa tekojoja ykua.

29 Ha che, Moroni, ahendúvo ko'ã ñe'ẽ, añemoangapyhy, ha ha'e: O Ñandejára, toiko ne rembipota joja, che aikuaágui rejapoha vyypóra ra'ykuéra ndive ojeroviaháicha hikuái.

30 Jared joyke'y he'i haguére Zerín vytytpe, Ejei—ha upéva ojei. Ha ha'e ndoguerekóirire jerovia pe vyty ndojeíriva'erãmo'ã; upéicha nde rejapo vyyporakuéra ojerovia rire.

31 Upéicha rejehechauka haguérekuri ne remimbo'ekuérape; ha'ekuéra oguereko rire jerovia, ha oñe'ẽ rire nde rérape, rejehechaukákuri chupekuéra tuicha pu'aka reheve.

32 Ha chemandu'a erehague avei rembosako'ihague peteĩ tenda vyypórape ġuarã, heẽ, nde Ru rogaporã apytépe jepe, ikatuhápe vyypóra oguereko peteĩ ñeha'arõ iporãvéva; upévare vyypóra oguerekova'erã ñeha'arõ, térã ndaikatumo'ãi hikuái ohupyty peteĩ jehejapyre upe tenda nde rembosako'iva'ekuépe.

33 Ha avei, chemandu'a nde erehague rehayhuha yvórape, jepe reme'ẽ peve nde rekove yvórare, ejapyhy jey haġua, rembosako'ívo peteĩ tenda vyypóra ra'ykuérape ġuarã.

34 Ha ko'ãġa aikuaa pe mbo-rayhu reguerekova'ekue vyypóra ra'ykuérare ha'eha karida; upévare, vyyporakuéra ndoguerekóiramo karida ndaikatumo'ãi ohupyty upe tenda rembosako'iva'ekue nde Ru rogaporãme.

35 Upévare, che aikuaa pe ereva'ekuére, gentil-kuéra ndoguerekóiramo karida, orekangy haguére, nde reipy'ara'átaha chupekuéra, ha reipe'áta chuguikuéra italénto, heẽ, jepe umi oñeme'ẽva'ekue chupekuéra, ha reme'éta umi oguereko hetavévape.

36 Ha ojehu ajerure Ñandejárape ome'ẽ haġua grásia gentil-kuérape, oguereko haġua hikuái karida.

37 Ha ojehu Ñandejára he'i chéve: Ndoguerekóiramo hikuái karida upéva ndaha'ei mba'e nde rupive oikóva, nde ndeje-roviarekókuri; upévare, nde aokuéra ipotita. Ha rehecha haguére nekangyha reñemombaretéta,

jepe reguapy peve tenda che ambosako'iva'ekuépe che Ru rogaporãme.

38 Ha ko'ãga, che Moroni, amomaitéi gentil-kuérape, heë, ha avei che joyke'ykuéra ahayhúvape, rojotopa peve Cristo trivunal renondépe, opa yvypóra oikuaatahápe che ao noñemongy'aihague pende ruguy rehe.

39 Ha upéramo peikuaáta che ahechahague Jesús-pe, ha ha'e oñe'ëhague chendive che rovaitépe, ha he'ihague chéve ñemomirí añetépe, che ñe'étépe, jepe peteí yvypóra he'iháicha ambuépe, ko'ã mba'e.

40 Ha ndahaíri ndaha'éiramo sa'imíntekuri, che kangýgui jehaípe.

41 Ha ko'ãga, che ha'ese peëme peheka hağua ko Jesús, profetakuéra ha apóstol-kuéra ohai haguégui, Tupã pe Túva grásia, ha avei Ñandejára Jesucristo, ha Espíritu Santo, ome'ëva testimónio umívagui, toí ha topyta pendepepe tapiaite peve. Amén

ÑEMBYATY 13

Éter oñe'ë peteí Jerusalén Pyahu omopu'átavare América-pe José ñemoñare—Ha'e oprofetisa, oñemosë okápe, ohai Jaredita-kuéra rembiasakue, ha he'i oñehunditaha hikuái—Ñorairõguasú ojeipyso opa tetãme.

HA ko'ãga, che Moroni, añemoĩ ambopaha che ñemombe'u upe

tavayguakuéra añe'ëhague ñehundi rehegua.

2 Ha péina ápe, orrechasa hikuái opa Éter ñe'ë; ha'e oñe'ëgui chupekuéra añetehápe opa mba'ére, yvypóra ñepyrũmby guive; ha ykuéra ojeipe'a rire ko vvy ape árgui oikókuri chugui peteí vvy ojeiporavopyréva opa ambue tetã ári, peteí vvy Ñandejára oiporavova'ekue; upévale Ñandejára oipota oipytyvõ chupe opavave yvypóra oikóva ijape ári;

3 Ha ha'eha Jerusalén Pyahu renda, oguejýtava yvágagui, ha Ñandejára tupaitũ renda marangatu.

4 Péina ápe, Éter ohechákuri Cristo ára, ha oñe'ë peteí Jerusalén Pyahúre ko vvy ári.

5 Ha ha'e oñe'ë avei Israel rógare, ha Jerusalén-re Lehi outahágui—oñehundi rire oñemopu'ã jeytaha, peteí tavaguasu marangatu Ñandejárape ġuarã; upévale, ndaikatúi ha'e peteí Jerusalén Pyahu oĩmaguikuri yma; ha katu oñemopu'ã jeyta, ha ha'éta peteí tavaguasu marangatu Ñandejára mba'éva; ha oñemopu'ãta Israel rógape ġuarã—

6 Ha upe Jerusalén Pyahu oñemopu'átaha ko vvy ári, José ñemoñare rembyrépe ġuarã, ha upevarã oikuri peteí ñemoha'anga.

7 Ha José ogueraha haguéicha itúvape Egipto retãme, omano peve upépe; upévale, Ñandejára oguenohë peteí José ñemoñare rembyre tetã Jerusalén-gui, iporiahuvareko hağua José ñemoñare ndive ani hağua omano,

iporiahuvereco haguéicha José ru ndive jepe ani haḡua omano.

8 Upévare, José róga rembyre oñemoíta ko tetã ári; ha ha'éta ijyvy jehejapyre; ha omopu'áta hikuái peteĩ tavaguasu marangatu Nandejárape ḡuarã, ojo-guáva Jerusalén ymaguarépe; ha noñemoapañuãmo'ávéma chupekuéra, oḡuahẽ meve ipaha yvy opatahápe.

9 Ha oíta peteĩ yvága pyahu ha peteĩ yvy pyahu; ha ha'éta umi ymaguaréicha, ha katu umi ymaguare ohasátama, ha opa mba'e oñembopyahúta.

10 Ha upéramo ou Jerusalén Pyahu; ha ojevohasapyre umi ipype oikóva, ha'égui hikuái umi ijaokuéra oñemomorotíva upe Cordero ruguy rupive; ha ha'ekuéra ha'e umi ojeipapáva José ñemoñare rembyre apytépe, ha'éva Israel rogagua.

11 Ha upéramo ou avei Jerusalén ymaguare; ha ipype oikóva, ojevohasapyre, ojevohégui chupekuéra upe Cordero ruguýpe; ha ha'e umi oñemosarambi ha oñembyatyva'ekue irundy yvy rendágui, ha nortepagua tetãnguéragai, ha oike hikuái upe konvénio ñekumplípe Tupã ojapova'ekue Abraham, itúva ndive.

12 Ha ou vove ko'ã mba'e, oñekumplíta escritura he'íva, oĩ ha'éva'ekue ñepyrũha, ha'étava ipaha; ha oĩ umi ha'éva'ekue ipaha, ha'étava ñepyrũha.

13 Ha che aimete ahaive, ha katu oñembotove chehegui; ha katu

tuicha ha hechapyráva Éter profesiakuéra; ha katu tavayguakuéra nomomba'éi, ha omosẽ chupe hikuái okápe; ha ha'e okañy arakue peteĩ itakuápe, ha osẽ pyharekue ohecha haḡua umi mba'e oútava tavayguakuéra ári.

14 Ha oiko aja peteĩ ita kuápe ojapo ko kuartiajehaipyre rembyre, pyhare jave ohechávo ñehundi oúva tavayguakuéra ári.

15 Ha ojehu upe arýpe omosẽramoguare hikuái chupe tavayguakuéra apytégui oñepyrũ peteĩ ñorairõguasú tuicháva tavayguakuéra apytépe, oĩgui heta opu'áva, ha'éva kuimba'e imbaretéva, ha oñeha'ã ohundi hikuái Coriántumr-pe iplan ñemi ñañakuéra rupive, upe oñeñe'ëmava'ekuere.

16 Ha ko'ága Coriántumr, oñembokatupyry rire, opa ñorairõguasú ha opa yvóra katupyry reheguápe, upévare ha'e oñorairõ umi ohundiséva ndive chupe.

17 Ha katu ha'e noñearrepentíri, ni ita'yra ha itajyrukuéra porãite; ni Cohor ra'y ha rajykuéra porãite; ni Corihor ra'y ha rajykuéra porãite, ha ndaipóri ni peteĩ ta'yra ha tajyru porã opa yvy ape ári oñearrepentíva iñangaipágui.

18 Upévare, ojehu peteĩha ary Éter oikoramoguare upe ita kuápe, oĩ heta tavayguakuéra omanóva umi mba'evai ñemi kysepuku rupive, oñorairõva Coriántumr ndive ohupyty haḡua upe rréino.

19 Ha ojehu Coriántumr

ra'ykuéra heta ñorairō ha huary heta hikuái.

20 Ha mokōiha arýpe Ñandejára ñe'ẽ ou Éter-pe, ohova'erāha ha oprofetisa Coriántumr-pe, oñearrepentíramo ha'e, ha opa hogagua, Ñandejára ome'ětaha chupe upe rréino ha ohejataha tavayguakuérape hekove—

21 Ndaupéichairamo oñehundíta hikuái, opa hogaguáicha ha ha'énte nahanirimo'ái. Ha ha'e oikovetaha ohecha ha ġuánte oñekumpliha umi profesia kuéra oje'eva'ekue ambue tavayguakuéra rehegua oñeme'ětavape vvy ijehejapyrerā; ha Coriántumr oñeñotýta hese kuéra; ha opa ánga oñehunditaha ndaha'éiva Coriántumr.

22 Ha ojehu Coriántumr noñearrepentíri, ni umi hogagua, ni tavayguakuéra; ha ñorairōguasukuéra ndopái; ha oñeha'ã ojuka hikuái Éter-pe, ha katu ha'e okañy chuguikuéra ha oike jey pe itakuápe.

23 Ha ojehu opu'ã Shared, ha péva ojapo avei ñorairōguasu Coriántumr-pe; ha ipu'aka hese, upéicha rupi mbohapy arýpe oity chupe teko'apytíme.

24 Ha Coriántumr ra'ykuéra, irundyha arýpe, ipu'aka Shared rehe, ha ome'ẽ jey hikuái upe rréino itúvape.

25 Ko'ánga oñepyrũ oiko ñorairōguasu opa vvy ape ári, opavave kuimba'e ijatykuéra ndive oñorairōvo upe oipotáva rehe.

26 Ha oikuri mondaha, ha

ipahápe, opáichagua tekoñaña opa vvy ape ári.

27 Ha ojehu Coriántumr ipochyeteri Shared ndive, ha ha'e oho ñorairōme hese ijehersitokuéra reheve; ha tuicha pochýpe, ojotopa hikuái vvytypa'ũ Gilgal-pe, ha upe ñorairō ivaieteri.

28 Ha ojehu Shared oñorairō hendive mbohapy ára pukukue. Ha ojehu Coriántumr ipu'aka hese, ha omuña chupe oġuahẽ meve vvy Hesnón-pe.

29 Ha ojehu Shared osẽ jey chupe ñorairōme pe vvy oĩháme; ha péina ápe, ipu'aka Coriántumr rehe, ha ombojey jey chupe vvytypa'ũ Gilgal peve.

30 Ha Coriántumr oho jey Shared rehe ñorairōme vvytypa'ũ Gilgal-pe, ha upépe ipu'aka Shared rehe ha ojuka chupe.

31 Ha Shared oikutúkuri Coriántumr-pe hetymáme, ha upévare ha'e nosẽi ñorairōme mokōi ary aja, ha upe arape opa tavayguakuéra vvy ape ári oñohẽ hína tuguy, ha avave ndaikatúi ojoko chupekuéra.

ÑEMBYATY 14

Tavayguakuéra rembiapovai ogueru ñe'ẽngái upe tetã ári—Coriántumr ojapo ñorairōguasu Gilead rehe, Lib rehe, ha upéi Shiz rehe—Tuguy ha jejuka ojaho'i upe tetã.

HA ko'ánga oñepyrũ oĩ tuicha ñe'ẽngái opa vvy ári tavayguakuéra rembiapovai rupi, upévare, peteĩ

kuimba'e ohejáramo hembiporu térã ikysepuku okápe, térã tēnda oñongatuhápe, péina ápe, upe ko'ême, ndaikatúí ojuhu, tuichaitereíguikuri ñe'ēngái upe tetã ári.

2 Upévare opavave kuimba'e ojarra ipópe imba'éva, ha ndoipurúi ni ndoipurukái; ha opa kuimba'e ojoko atã ikysepuku ýva ipo akatúape, omo'ã haḡua ijyvy ha hekove ha hembireko ha ita'yraquéra rekove.

3 Ha ko'áḡa, mokõi ary rire, ha Shared omano rire, péina ápe, opu'ã Shared joyke'y ha oho ñorairõme Coriántumr rehe, upépe kóva ipu'aka hese ha omuña chupe tave'y Akish peve.

4 Ha ojehu Shared joyke'y ome'ẽ chupe ñorairõ tave'y Akish-pe; ha pe ñorairõ ivaietereive, ha heta miles ho'a kysepukúre.

5 Ha ojehu Coriántumr omongora chupekuéra upe tave'yme; ha Shared joyke'y osẽ tave'ygui pyhare aja, ha ojuka petẽ Coriántumr ehérsito pehēngue, oka'u aja hikuái.

6 Ha oho Morón retãme, ha oñemoĩ Coriántumr apykajegua ári.

7 Ha ojehu Coriántumr oiko ijehérsito reheve upe tave'yme mokõi ary pukukue, ha upe aja ohupyty tuicha mbarete ijehérsitope ḡuarã.

8 Ko'áḡa Shared joyke'y, hē-rava Gilead, ohupyty avei tuicha mbarete ijehérsitope ḡuarã, umi mba'evai ñemi rupi.

9 Ha ojehu i-sumo sacerdote

ojuka chupe oguapy aja ijapy-kajegua ári.

10 Ha ojehu, ojuka chupe peteĩva umi mba'evai ñemi atygua peteĩ tape kañyme, ha ohupyty upe rréino ijupe ḡuarã; ha héra Lib, ha Lib ha'ékuri kuimba'e kakuaa, tuichave opa kuimba'e oĩvagui upe tetãme.

11 Ha ojehu peteĩha Lib arýpe, Coriántumr ojupi Morón retãme, ha ome'ẽ ñorairõ Lib-pe.

12 Ha ojehu oñorairõ Lib ndive, ha upépe Lib oinupã chupe ijyvápe ha oikutu chupe; upevére Coriántumr ehérsito ou Lib ári, ha ha'e oñañi tetã rembe'y gotyo yguasu yképe.

13 Ha ojehu Coriántumr omuña chupe; ha Lib oñemoĩ hese yguasu rembe'ype.

14 Ha ojehu Lib oipy'ajopy Coriántumr ehérsitope, upéicha rupi oñañi jey hikuái tave'y Akish-pe.

15 Ha ojehu Lib omuña chupe oḡuahẽ meve yvy Agosh-pe. Ha Coriántumr ogueraha hendive opavave tavayguakuérape oñani aja Lib-gui upe tenda okañyháme.

16 Ha oḡuahẽvo Agosh yvýpe oñorairõ Lib ndive, ha oikutu chupe omano meve; upevére, Lib joyke'y ou hendaguépe Coriántumr rehe, ha upe ñorairõ ivaietereive, upévare Coriántumr oñani jey Lib joyke'y ehérsito renonderã.

17 Ko'áḡa Lib joyke'y réra ha'e Shiz. Ha ojehu Shiz omuña Coriántumr-pe, ha ohundi

heta tavaguasu, ha ojuka mitā ha kuñáme, ha ohapy umi tavaguasu.

18 Ha Shiz jekyhyje oñemosarambi opa tetā rupi; heẽ, oñehendu jahe’o opa upe tetāme—Máva piko ikatu ipu’aka Shiz ehérsito rehe? Péina ápe, ha’e oitypei vvy ohasaha rupi!

19 Ha ojehu tavayguakuéra oñepyrū oñembyaty ehérsitope, opa vvy ape ári.

20 Ha oñemboja’o hikuái; ha peteĩ ipehēnguekuéra oñani Shiz ehérsito oĩháme, ha ambue katu oñani Coriántum ehérsito oĩháme.

21 Ha tuichaiterei ha ipukuetékuri upe ñorairõguasu; ha ipukuetékuri pe tuguy ñeñohe ha jejuka, upéicha opa vvy ape ojejaho’i te’õnguépe.

22 Ha pya’e ha hatãitereíkuri upe ñorairõguasu ha ndopytái avave oñotýva’erā umi omanova’ekuépe, ha katu oho peteĩ tuguy ñeñohegui ambuepe, ohejareívo kuimba’e, kuña, ha mitãnguéra rete vvy apére, oiko haḡua so’ogua yso rembi’u.

23 Ha upe tyakuãvai isarambi vvy ape ári, opa vvy ape ári jepeve; upévale tavayguakuéra oñeñanduvai ára ha pyhare, pe tyakuãvaíre.

24 Upevére, Shiz omuña gueteri Coriántumr-pe; oñe’ẽme’ẽgui oñevengataha Coriántumr-re ijyke’y ojejukava’ekue ruguýre, ha Ñandejára ñe’ẽ oúva Éter-pe he’íkuri Coriántumr ndo’amo’ãiha kysepukúpe.

25 Ha péicha jahecha Ñandejára ouha chupekuéra iñeko’õi paha reheve, ha hembiañoña ha hembiapoky’akuéra ombosako’í-kuri tape iñehundi opave’yvape ḡuarã.

26 Ha ojehu Shiz omuña Coriántumr-pe kuarahyresẽ gotyo, tetā rembe’y yguasu ppy peve jepeve, ha upépe oñorairõ Shiz ndive mbohapy ára pukukue aja.

27 Ha ivaietékuri ñehundi Shiz ehérsitokuéra apytépe ha tavayguakuéra oñepyrū okyhyje, ha oñepyrū oñani hikuái Coriántumr ehérsito renonderã; ha oñani hikuái Corihor retāme, ha ipype oikóvape ojuka henondepekuéra, opa ndojoajuséivape hendivekuéra.

28 Ha omoĩ hikuái hogaaokuéra vvytypa’ũ Corihor-pe; ha Coriántumr omoĩ hogaa vvytypa’ũ Shurr-pe. Ko’áḡa ko vvytypa’ũ Shurr opyta vvyty Comnor ypýpe; upévale Coriántumr ombyaty ijehérsito vvyty Comnor ári, ha ombopuka trompéta Shiz ehérsitope ohenói haḡua chupekuéra ñorairõrã.

29 Ha ojehu ou hikuái, ha katu oñembojevvy; ha ou mokõilha jey, ha oñembojevvy chupekuéra mokõilha jey. Ha ojehu ou jey hikuái mbohapyha jey, ha upe ñorairõ ivaietereive.

30 Ha ojehu Shiz oikutu Coriántumr-pe ha heta oikutu pypuku chupe; ha Coriántumr, huguy-págui, ipy’amano, ha ogueraha hikuái chupe omanorõguáicha.

31 Ko’áḡa tuichaitereígui

kuimba'ekuéra, kuña ha mitã ñehundi ambue atýpe, Shiz he'i itavayguakuérape ani ha-
gña omuña Coriántumr ehér-
sitope; upévare, ohojey hikuái
hendapekuéra.

ÑEMBYATY 15

Millones Jaredita-kuéra omano ñorairõme—Shiz ha Coriántumr ombyaty opa tavayguakuérape peteĩ ñorairõ jekukarãme—Ñandejára Espiritu noñorairõvéima hendivekuéra—Jaredita-kuéra retã oñehundipaite—Coriántumr aãõnte nomanói.

Ha ojehu Coriántumr oñemoĩporã rire ijekutúgui, oñepyrũ imandu'a Éter ñe'ẽ he'iva'ekuére chupe.

2 Ha'e ohecha ojekukamahague kysepukúpe haimete dos millones rupi itavayguakuérava, ha oñepyrũ ojopy chupe ikorasõ; heẽ, ojekukákuri dos millones kuimba'e ipy'aguasúva, ha avei hambireko ha ita'yra kuéra.

3 Ha oñepyrũ oñearrepeni mba'evai ojapova'ekuégui; ha oñepyrũ imandu'a ñe'ẽnguéra oje'eva'ekuére opa proféta juru rupi, ha ohecha upe ára peve oñekumplihague, ojeipe'a'ýre ni peteĩ pehẽngue; ha hi'ánga ojejopy ha noñemoangapyhyséi.

4 Ha ojehu ohai peteĩ kuatione'ẽ Shiz-pe, ojerurévo chupe operdona ha gña tavayguakuérape, ha ha'e ohejataha upe rréino umi tavayguakuéra rekove ñeimeporã.

5 Ha ojehu Shiz-pe oñemo gña hẽvo ikuatione'ẽ ha'e ohai peteĩ kuatione'ẽ Coriántumr-pe, oñeme'ẽramo ijupe ha'e ojuka ha gña chupe ikyse pukúpe, operdona-taha tavayguakuéra rekove.

6 Ha ojehu tavayguakuéra noñearrepenitĩri iñangaipágui; ha Coriántumr tavayguakuéra henyhẽ pochýgui Shiz tavayguakuérape; ha Shiz tavayguakuéra henyhẽ pochýgui Coriántumr tavayguakuéra rehe; upévare, Shiz tavayguakuéra oho ñorairõme Coriántumr tavayguakuérape.

7 Ha Coriántumr ohechávo ho'atamaha oñani jey Shiz tavayguakuéra renonderã.

8 Ha ojehu o gña hẽ Ripliáncum ykuérape, ha upéva, oñemyesakãramo he'ise tuicháva, téra ohasáva opaitévape; upévare, o gña hẽvo umi ýpe omoĩ hikuái hogaaokuéra; ha Shiz omoĩ avei hogaaokuéra ijypypekuéra; ha upéicha upe ko'ẽme osẽ hikuái ñorairõme.

9 Ha ojehu oiko peteĩ ñorairõ ivaietereíva, ha upépe Coriántumr ojeikutu jey, ha ipy'amano tuguy ñeñohẽgui.

10 Ha ojehu Coriántumr ehérsito ou Shiz ehérsitokuéra ári, upéicha ipu'aka ha ombojevychupekuéra henonderãkuéra; ha oñani hikuái sur gotyo, ha omoĩ hikuái hogaaokuéra peteĩ tenda hérava Ogat-pe.

11 Ha ojehu Coriántumr ehérsito omoĩ hogaaokuéra yvyty Rama oĩháme; ha ha'ékuri pe yvyty che ru Mormón oñomi haguépe

kuatiajehaipyrekuéra imaranga-túva Ñandejárape ġuarã.

12 Ha ojehu ombyaty hikuái opa tavayguakuéra nomanoiva'ekue opa vvy ape ári, Éter-pe añónte nahániri.

13 Ha ojehu Éter ohecha opa tavayguakuéra rembiapo; ha ohecha tavayguakuéra oíva Coriántumr ndive ojoajuha Coriántumr ehérsitore; ha tavayguakuéra oíva Shiz ndive ojoajuha Shiz ehérsitore.

14 Upévare, irundy ary aja ombyaty hikuái tavayguakuérape, ombyaty haġua mayma oíva vvy ape ári, ha ohupyty haġua hikuái opa mbarete ikatúva guive.

15 Ha ojehu opavave ojoaju rire, opa ehérsito oipotávandi, hembireko ha itá'yrakuéra ndive—oarmávo hikuái kuimba'e, ha kuña ha mitānguérape árma ñorairōguasurã reheve, ha mo'āha, ha pyti'amo'āha, ha akāmo'āha reheve, ha oñemondévo hikuái ñorairōguasurã—oho hikuái peteíva ambue rehe ñorairōme; ha oñorairō hikuái upe ára pukukue, ha ndohupytyí pu'aka.

16 Ha ojehu oġuahêvo pyhare ikane'oiterei hikuái, ha oho hendakuérape; ha oho rire hikuái hendakuérape oñepyrũ ipyahê ha ojahé'o hikuái itavayguakuéra apytégui omanova'ekuére; ha tuichaitereígui isapukái, ipyahê, ha ijahe'okuéra omyenyhê hikuái arapytu.

17 Ha ojehu upe ko'ême osê jey hikuái ñorairōme, ha tuicha ha

ivaietereíkuri upe ára; upevére, ndaipu'akái hikuái, ha oġuahêvo pyhare omyenyhê jey hikuái arapytu isapukái, ipyahê, ha ijahe'okuéra reheve umi itavayguakuéra apytépe omanova'ekue ñehundíre.

18 Ha ojehu Coriántumr ohai jey peteí kuatione'ê Shiz-pe, ojerurévo ani haġua ou ñorairōme, ha katu ojagarra haġua upe rréino ha operdona haġua tavayguakuéra rekove.

19 Ha péina ápe, Ñandejára Espíritu noñorairōvéima hendivekuéra, ha Satana ipu'akapa tavayguakuéra korasōkuérare; oñeme'égui hikuái ikorasō atã, ha iñapytu'ũ ohecha'ývape oñehundi haġuáicha; upévare oho jey hikuái ñorairōme.

20 Ha ojehu oñorairō hikuái opa upe ára pukukue, ha oġuahêvo pyhare oke hikuái ikysepuku ári.

21 Ha upe ko'ême oñorairō hikuái pytũ meve.

22 Ha oġuahêvo pyhare oka'u hikuái pochýgui, jepeve kuimba'e oka'uháicha vínope; ha oke jey hikuái ikysepuku ári.

23 Ha upe ko'ême oñorairō jey hikuái; ha oġuahêvo pyhare opavave ho'a kysepukúpe ndaha'éiva cincuenta y dos Coriántumr tavayguakuéra, ha sesenta y nueve Shiz tavayguakuérava.

24 Ha ojehu oke hikuái ikysepuku ári upe pyhare, ha ko'ê rire oñepyrũ jey oñorairō hikuái, ha oñorairō hikuái opa imbarete reheve ikysepuku ha

imo'āhakuéra reheve, opa upe ára pukukue.

25 Ha oġuahēvo pyhare opyta treinta y dos Shiz tavayguakuérava, ha veintisiete Coriántumr tavayguakuérava.

26 Ha ojeġu okaru ha oke hikuái, ha oñembosako'i omano haġua upe ko'ēme. Ha ha'ekuéra kuimba'e kakuaa ha imbaretéva kuimba'e imbareteháicha.

27 Ha ojeġu oñorairō hikuái mbohapy aravo aja, ha ipy' amano hikuái tuguy ñeñoġgui.

28 Ha ojeġu oiġporāmi rire ikatu haġuáicha oguata Coriántumr kuimba'ekuéra haimete oñani hekovekuérare; ha katu péina ápe, Shiz opu'ā, ha avei ikuimba'ekuéra, ha oñe'ēme'ē iñeko'ōime ojukataha Coriántumr-pe téra omanotaha kysepuku rupi.

29 Upévore, ha'e omuña chupekuéra, ha upe ko'ēme ohupyty; ha oñorairō jey hikuái kysepuku reheve. Ha ojeġu opavave ho'a rire kysepukúpe, ndaha'éiva

Coriántumr ha Shiz, péina ápe, Shiz ipy' amanókuri tuguy ñeñoġgui.

30 Ha ojeġu Coriántumr ojeko rire ikysepukúre, opytu'u'imi haġua, ha'e oñaká'o Shiz-pe.

31 Ha ojeġu oikytī rire Shiz-gui iñakā, Shiz opu'ā ijyvāre ha ho'a; ha oñeha'ā rire ohupyty haġuávaicha pytu, ha'e omano.

32 Ha ojeġu Coriántumr ho'a yvýpe, ha opyta oikove'yrōguáicha.

33 Ha Ñandejára oñe'ē Éter-pe ha he'i chupe: Esē. Ha ha'e osē, ha ohecha oñekumpliġahague opa Ñandejára ñe'ē; ha ombopaha ikuatiajehaipyrekuéra; (ha ni centésimo peġēngue che ndahaíri) ha ha'e oñomi ha upéicha Limġi tavayguakuéra ojuhu.

34 Ko'áġa Éter ñe'ē ohaiva'ekue ipahápe ha'e ko'áva: Ñandejára oipotáramo che tajegueraha, téra taha to'ópe Ñandejára remġipota, ndaha'ei mba'eve, che ajesalváma rire Tupā rréinope. Amén.

MORONI KUATIAÑE'Ē

ÑEMBYATY 1

Moroni oġai lamanita-kuéra ñeimeporārā—Nefita-kuéra nonegaséiva Cristo-pe ojejuka. 401–421 ary rupi Cristo rire.

KO'ÁġA che, Moroni, Kamombykpa rire Jared

tavayguakuéra ñemombe'u, aimo'ākuri ndahaimo'āveimaha, ha katu namanói gueteri; ha ndajeikuaaukáġi lamanita-kuérape ani haġua cherundi hikuái.

2 Péina ápe, iñorairō oñondivekuéra niko ivaieteri; ha ijehayhu'y rupi ojuka hikuái opa nefita nonegáivape Cristo-pe.

3 Ha che Moroni, nanegamo'āi Cristo-pe; upévare, aiko rei ikatuha rupi amo'ā haḡua che rekove.

4 Upévare, ahaive'imi, che naimo'āi haguéicha; aimo'ā-guikuri ndahaimo'āveimaha; ha katu ahaive'imi, ikatumba'e haḡua hepy che joyke'y, lamanita-kuérape ḡuarā, peteī ára uperireguápe, Ñandejára oipotaháicha.

NĒMBYATY 2

Jesús ome'ē umi doce temimbo'e-kuérape pu'aka ome'ē haḡua upe Espíritu Santo don. 401–421 ary rupi Cristo rire.

CRISTO ñe'ēnguéra, he'iva'ekue hemimbo'ekuéra, umi doce oiporavova'ekuépe, omoivo ipo hi'arikuéra—

2 Ha ohenói chupekuéra héra rupi he'ivo: Pejeruréta Túpape che rérape, ñembo'e mbaretépe; ha pejapo rire kóva peguerékóta pu'aka peme'ē haḡua upe Espíritu Santo umi pemoivape hi'ári pende po; ha che rérape peme'ēta, péicha ojaópogui che apóstol-kuéra.

3 Ko'áḡa Cristo oñe'ē chupekuéra ko'ā ñe'ē ojehechauka ypyramoguare chupekuéra; ha pe atyguasuhendúi, ha katu temimbo'ekuéra ohendu; ha opavave umi omoiva ári hikuái ipo, oguejy upe Espíritu Santo.

NĒMBYATY 3

Elder-kuéra o'ordena presbítero ha mbo'eharakuéra poñemoi rupive. 401–421 ary rupi Cristo rire.

MBA'ÉICHAPA temimbo'e-kuéra, oñehenóiva tupaogua élder, o'ordena presbítero ha mbo'eharakuéra—

2 Oñembo'e rire Túpape Cristo rérape, omoi hikuái ipo hi'arikuéra, ha he'i:

3 Jesucristo rérape ro'ordena ha'e haḡua presbítero (téraháramo mbo'ehára, che ro'ordena ha'e haḡua mbo'ehára) rembo'e haḡua pe arrepentimiénto ha angaipa jora Jesucristo rupi, jerovia ñemovā'y me hérére ipahaite peve. Amén.

4 Ha upéicha o'ordena hikuái presbítero ha mbo'eharakuéra, Tupā don ha ñehenói oñeme'ēháicha yvyporakuérape; ha oñeordena chupekuéra Espíritu Santo pu'aka, oiva rupi ipypekuéra.

NĒMBYATY 4

Oje'e mba'éichapa élder ha presbítero-kuéra ome'ē mbujape sacramento rehegua. 401–421 ary rupi Cristo rire.

MBA'EICHAITÉPA hi'élder ha ipresbítero-kuéra ome'ē Cristo ro'o ha huguy tupaópe; ha ome'ē hikuái Cristo rembiapoukapykuérape he'iháicha; upévare roikuaa

péicha añeteguaha; ha upe élder téra presbítero ome'ẽ—

2 Ha oñesũ hikuái tupao ndive, ha oñembo'e hikuái Túvape Cristo rérape, he'ívo:

3 O Tupã, Túva Ijapyra'ỹva, rojerure ndéve nde Ra'y Jesucristo rérape, rehovasa ha remomarangatu hağua ko mbujape opa ho'úva chugui ángape ġuarã; ho'u hağua hikuái imandu'ávo nde Ra'y retére, ha otestifika hağua nerenondépe, O Tupã, Túva Ijapyra'ỹva, oñemoĩporãha hikuái omoĩ hağua hi'ári nde Ra'y réra, ha imandu'a hağua hese tapiaite, ha iñe'ẽrendu hağua hembiaپoukapykuérare ha'e ome'ẽva'ekue chupekuéra, oguereko hağua hikuái tapiaite Ijespíritu hendive. Amén.

ÑEMBYATY 5

Oje'e mba'éichapa oñeme'ẽva'erã pe víno sacramento rehegua. 401-421 ary rupi Cristo rire.

MBA'ÉICHAPA oñeme'ẽva'erã upe víno—Péina ápe, ojagarra hikuái pe kópa, ha he'í:

2 O Tupã, Túva Ijapyra'ỹva, rojerure ndéve, nde Ra'y Jesucristo rérape, rehovasa ha remomarangatu hağua ko víno opa hoy'útava chugui ángape ġuarã, ojapo hağua hikuái imandu'ávo nde Ra'y ruguýre, oñeñoheva'ekue hesekuéra; otestifika hağua nerenondépe, O Tupã, Túva Ijapyra'ỹva, tapiate imandu'aha hese

hikuái, oguereko hağua Ijespíritu hendivekuéra. Amén.

ÑEMBYATY 6

Yvyporakuéra oñearrepentíva oñemongarai ha oñembojoyke'y hikuái—Tupaogua oñearrepentíva oñeperdona—Umi aty oñeisãmbyhy Espíritu Santo pu'aka rupive. 401-421 ary rupi Cristo rire.

HA ko'ága che añe'ẽ ñemongarairé. Péina ápe, oñemongarai élder, presbítero ha mbo'eharakuéra; ha noñemongarairi ome'ẽ'ỹramo yva porã ohechauka hağua hekomarangatuha upeva'erã.

2 Ni nomoğuahẽi hikuái avavépe ñemongarairã ndoúiramo peteĩ korasõ mirĩ ha espíritu ñembyasy reheve, ha otestifika tupaópe oñearrepenti añeteha opa iñangaipágui.

3 Ha avavépe nomoğuahẽi hikuái ñemongarairã ndojagarráiramo ijehé Cristo réra, he'íporãvo oipytyvõtaha chupe ipahaite peve.

4 Ha oñemoğuahẽ rire chupekuéra ñemongaraipe, ha Espíritu Santo pu'aka omba'apo rire hi'arikuéra ha omopotĩ chupekuéra, ojeipapa hikuái Cristo tupao tavayguakuéra apytépe, ha oñemoĩ herakuéra, oiko hağua hesekuéra mandu'a ha oñemongaru hağua chupekuéra Tupã ñe'ẽ porãre, oñeñongatu hağua hikuái tape kare'ỹme, ojegueroko meme hağua chupekuéra jesarekópe

oñembo'e haḡua, ojeroviávo hikuái Cristo mérito rehe añónte, ha'éva ijerovia apohare ha imoĩporãhare.

5 Ha pe tupao oñembyaty py'yi, oajuna ha oñembo'e haḡua, ha oñe'ẽ haḡua peteĩva ambue ndive hi'angakuéra ñeimeporãre.

6 Ha oñembyaty py'yi hikuái ho'u haḡua mbujape ha víno, imandu'ávo Ñandejára Jesús rehe.

7 Ha oñeha'ãmbaite hikuái ani haḡua oĩ tembiapovai ijapytepekuéra; ha umi ojejuhúvape ojapohague tembiapovai, ha oñekondena elder-kuéra renondépe mbohapy testigo tupao-peguáre, ha noñearrepentíri, ni noñekonfesáiramo, herakuéra ojeipe'a, ha ndojeipapái Cristo tavayguakuéra apytépe.

8 Ha katu opa ára oñearrepenti ha ojeruréramo perdón, añetehápe, oñeperdona chupekuéra.

9 Ha tupaoguakuéra oisãmbyhy ijatykuéra pe Espíritu ohechauhaháicha, ha pe Espíritu Santo pu'aka rupi; ha oguerahaháicha chupekuéra Espíritu Santo pu'aka, taha'e ombo'e, térã oñemoñe'ẽ haḡua, térã oñembo'e, térã ojerure, térã opurahéi haḡua, upéicha jepeve ojejapo.

ÑEMBYATY 7

Oñeinventa ojeike haḡua Ñandejára pytu'úpe—Peñembo'e añetehápe—Cristo Espíritu ombojoavykuaa yvyporakuérape ivaíva iporãvagui—

Satana omokyre'y yvyporakuérape onega haḡua Cristo-pe ha ojapo haḡua ivaíva—Profetakuéra ohechauka Cristo jeju—Jerovia rupi, ojejapo umi milágro ha angelkuéra oministra—Yvyporakuéra oguerekova'erã ñeha'arõ ohupytytaha hikuái tekove opave'yva ha oñemoaḡuiva'erã karida rehe. 401–421 ary rupi Cristo rire.

Ha ko'áḡa che, Moroni, ahai mbykymi che ru Mormón oñe'ẽva'ekue jerovia, ñeha'arõ, ha karida rehe; péicha oñe'ẽgui tavayguakuérape, ombo'e aja chupekuéra sinagóga omopu'áva'ekuépe hikuái otupaitũ haḡua.

2 Ha ko'áḡa che, Mormón, añe'ẽ peẽme che joyke'ykuéra ahayhuetéva; ha ha'e Tupã upe Túva grásia rupive, ha Ñandejára Jesucristo, ha hembipota marangatu rupive, upe iñehenói don ome'ẽva'ekuére chéve rupi, ojehejaha chéve añe'ẽ peẽme ko árape.

3 Upévare, che añe'ẽse peẽ ha'évape tupaogua, ha'éva Cristo remimbo'e ipy'aguapýva, ha pehupytyva'ekue ñeha'arõ oñeikotevéva ikatu haḡua peike Ñandejára pytu'úpe, ko ára guive tenonderã pe pytu'u peve ndive yvágape.

4 Ha ko'áḡa che joyke'ykuéra, che ahusga péva pendehegui pende reko marangatu haguére yvypóra ra'ykuéra ndive.

5 Chemandu'águi Tupã ñe'ẽ he'ívare hembiapokuére reikuaáta chupekuéra; hembiapokuéra iporãramo, ha'ekuéra iporã avei.

6 Ha péina ápe, Tupã he'íkuri peteĩ kuimba'e iñañávo ndaikatúi ojapo iporãva; ha ome'éramo peteĩ temikuave'ẽ, térã oñembo'éramo Tupãme, ndojapóiramo añetehápe, ndaha'emo'ái chupe ãuarã mba'eve.

7 Ha péina ápe, ndojeipapái chupe tembiapo porãramo.

8 Ha péina ápe, peteĩ kuimba'e iñañáva ome'éramo peteĩ temikuave'ẽ, ojapo ojapose'ỹre; upévore ojeipapa chupe ojokoramoguáicha upe temikuave'ẽ; upéicha ojehecha chupe iñañávaramo Tupã renondépe.

9 Ha upéicha avei ojeipapa ivaívaramo peteĩ kuimba'épe, oñembo'éramo ha ndojapóiramo korasõ añetére; heẽ, ha ndaha'emo'ái chupe ãuarã mba'eve, Tupã nomoãuhẽigui avave ko'áva apytégui.

10 Upévore, peteĩ kuimba'e iñañáramo ndaikatúi ojapo upe iporãva; ni nome'ẽmo'ái peteĩ temikuave'ẽ iporãva.

11 Ha péina ápe, peteĩ ykua iróva ndaikatúi ome'ẽ y iporãva; ni peteĩ ykua iporãva nome'ẽmo'ái y iróva; upévore, peteĩ kuimba'e aña rembiguáiramo ndaikatúi oho Cristo rapykuéri; ha ohóramo Cristo rapykuéri, ndaikatumo'ái ha'e aña rembiguái.

12 Upévore, opa mba'e iporãva ou Tupãgui; ha ivaíva añágui ou; pe aña ha'égui Tupãme ohayhu'ỹva, ha oñorairõ meme hendive, ha oporohenói ha oporombojuruhe'éva ojejapo haña angaipa, ha ojejapo meme haña ivaíva.

13 Ha katu péina ápe, Tupã mba'éva oporohenói ha oporomokyre'ỹ ojejapo meme haña iporãva; upévore, opa mba'e oporohenóiva ha oporomokyre'ỹva ojejapo haña iporãva, ha ojehayhu haña Tupãme, ha oñeipytyvõ haña chupe, ou Tupãgui.

14 Upévore, pejesarekóke, che joyke'y ahayhuetéva, ani pehusga pe ivaíva ha'éha Tupã mba'e, térã pe iporãva ha oúva Tupãgui ha'éha aña mba'e.

15 Ha péina ápe, che joyke'y-kuéra, oñeme'ẽ peẽme pehusga, ikatu haña pembojavy iporãva ivaívagui; ha hesakã mba'éichapa ojehusa, peikuaa haña jeikuaapy porãme, ára tesape iñambueháicha pyhare ypytũgui.

16 Ha péina ápe, opa yvypórape oñeme'ẽ Cristo Espíritu, omoambue haña iporãva ivaívagui; upévore, che ahechauka peẽme mba'éichapa pehusgava'erã; opa mba'e oporohenóiva ojejapo haña iporãva, ha oporomokyre'ỹva ojequerovia haña Cristo-pe, oñembou Cristo pu'aka ha don rupive; upévore ikatúta peikuaa jeikuaapy porãme Tupã mba'e.

17 Ha katu oimeraẽ mba'e omokyre'ỹva yvyporakuérape ojapo haña ivaíva, ha ani haña ojequerovia Cristo-re, ha onega haña chupe, ha ani haña oipytyvõ Tupãme, upéicharamo peikuaáta jeikuaapy porãme aña mba'e; péicha omba'apógui aña, ha'e nomokyre'ỹgui ni peteĩ kuimba'épe

ojapo hağua iporāva, nahániri, ni peteĩme; ni ndojapói upéicha hi'angelkuéra, ni umi ipoguýpe oñemoĩva.

18 Ha ko'áğa, che joyke'ykuéra, peikuaámavo tesape ikatuha rupi pehusga, tesape ha'éva Cristo resape, pema'éke ani pehusga vai; pe huísio pehusgáva reheve pejehusgátogui avei peẽ.

19 Upévare, che ajerure peẽme, joyke'ykuéra, peheka hağua jesarekópe Cristo resape pemoambuekuua hağua ivaíva iporāvagui; ha pejejagarráramo opa mba'e porãre, ha napekondenái, añetehápe ha'éta Cristo ra'ykuéra.

20 Ha ko'áğa, che joyke'ykuéra, mba'éichapa ikatu pejejagarra opa mba'e porãre?

21 Ha ko'áğa ñağuahẽ pe jeroviape, ha'e haguégui añe'ětaha; ha ahechaukáta peẽme mba'éichapa ikatu pejejagarra opa mba'e porãre.

22 Ha péina ápe, oikuaávo Tupã opa mba'e, oikógui apyra'ygui apyra'yme, péina ápe, ha'e omboúkuri angelkuéra oministra hağua yvypóra ra'ykuérape, ohechauka hağua hikuái Cristo jeju rehegua; ha Cristo-pe outaha opa mba'e porã.

23 Ha Tupã he'i avei profeta-kuérape, ijuru rupive, Cristo outaha.

24 Ha péina ápe, opáicha ojehechauka mba'e iporāva yvypóra ra'ykuérape, ha opa mba'e iporāva ou Cristo-gui; ndaupéichairamo yvyporakuéra oĩ je'ápe, ha

mba'eve iporāva ndaikatumo'ái-kuri oğuahẽ chupekuéra.

25 Upévare, angelkuéra ministrasiõ rupi, ha opa ñe'ẽ osẽva Tupã juru rupi, oñepyrükuri yvyporakuéra omomba'apo Cristo rehe jerovia; ha upéicha jerovia rupive ojejagarra hikuái opa mba'e porãre; ha upéichakuri Cristo jeju peve.

26 Ha ha'e ou rire yvyporakuéra ojesalva avei hérare ojerovia rupi; ha jerovia rupi, ha'e hikuái Tupã ra'ykuéra. Ha añetehápe Cristo oikoveháicha ha'e oñe'ẽ ko'ã ñe'ẽ ñande rukuérape he'ívo: Oimeraẽ mba'e pejeruréva Túvape che rérape, oĩporāva, jerovia reheve pegueroviávo oñeme'ětaha peẽme, péina ápe, oñeme'età peẽme.

27 Upévare, che joyke'ykuéra ahayhuetéva, opa piko milagrokuéra Cristo ojupi haguére yvágape, ha oguapy Tupã akatúape, ojerurévo Túvagui iderécho poriahuverekorã ha'e oguerékova yvypóra ra'ykuéra ári?

28 Ha ha'e ombohováí haguére-kuri upe léi ojeruréva, ha ojerure opavave hese ojeroviáva rehe; ha hese ojeroviáva oñemoağuíta opa mba'e porãre, upévare ha'e oñemoĩ umi yvypóra ra'ykuéra ykére, ha oiko yvágape apyra'y meve.

29 Ha ojapo haguére upéva, che joyke'ykuéra ahayhuetéva, opa piko milagrokuéra? Péina ápe, che ha'e peẽme nahániri, ni angelkuéra ndohejáí yvypóra ra'ykuéra ñeministra.

30 Ha péina ápe, oñemoĩ hikuái

ipoguýpe, ojapo hağua iministério ñne'ë he'iháicha, ojehechaukávo umi ojerovia mbaretévape ha oguerekóvape apytu'ũ ñemovã'y opáichagua tekomarangatúpe.

31 Ha iministério rembiapo ha'e ohenói yvyporakuérape oñearrepenti hağua, ha okumpli ha ojapo hağua Túva konvénió rembiapokuéra, ha'e ojapova'ekue yvypóra ra'ykuéra ndive, ha ombosako'i hağua tape yvypóra ra'ykuéra apytépe, omombe'úvo Cristo ñe'ë umi Ñandejára vásó jeiporavopyrépe, ome'ë hağua hikuái testimónio chugui.

32 Ha péicha ojapóvo, Ñandejára ombosako'i tape yvyporakuéra rembyre ojerovia hağua Cristo-re, pe Espíritu Santo oike hağua ikorasókuérape, ipu'akaháicha, ha upéicha Túva, ogueru konveniokuéra ojapova'ekue yvypóra ra'ykuéra ndive.

33 Ha Cristo he'íkuri: Pegue-rekóramo cherehe jerovia peguerekóta pu'aka pejapo hağua oimeraë mba'e che aikotevëva.

34 Ha ha'e he'íkuri: Peñearrepenti opavave peë yvy pahakuéra, ha peju cherendápe, ha peñemongarai che rérape, ha peguereko jerovia cherehe pejesalva hağua.

35 Ha ko'áğa, che joyke'ykuéra ahayhuetéva, ko'ã mba'e añe'ëha peëme añeteguáramo, ha ára pahápe Tupã ohechaukáta peëme, pu'aka ha tuicha verapy reheve, añeteguaha, ha añeteguáramo opa piko milagrokuéra ára?

36 Térã ndojehechaukavéi piko

angelkuéra yvypóra ra'ykuérape? Térã ha'e piko ojoko chuguikuéra Espíritu Santo pu'aka? Térã ojapóta piko, ára pukukue aja, térã yvy oí aja, térã oí aja hi'ári peteí yvypóra ikatúva ojesalva?

37 Péina ápe che ha'e peëme, Nahániri; jerovia rupi niko ojapó milágro; ha jerovia rupi niko ojehechauka angelkuéra ha ojapo iministério yvypóra ñeimeporãrã; upévare, opáramo ko'ã mba'e ái yvypóra ra'ykuéragui, ha'égui ijerovia'ykuéra rupi, ha mba'e-reínte opa mba'e.

38 Ha ni peteí yvypóra ndaikatúi ojesalva, Cristo ñe'ëme he'iháicha, ndoguerekóiramo jerovia hérare; upévare, ko'ã mba'e opáramo, jerovia opa avei; ha ivaieteri yvypóra ñeime, oígui ndojejapoiramoguáicha mba'eveichagua rredensiö.

39 Ha katu péina ápe, che joyke'y ahayhuetéva, che ajepy'amongeta penderehe mba'e iporãvéva, ahusgágui peguerekoha jerovia Cristo rehe penderekomarangatu rupi; ha ndapejeroviáiramo hese upéicharõ napenderekojojái pejeipapa hağua itupao tavayguakuéra apytépe.

40 Ha avei, che joyke'y ahayhuetéva, che añe'ëse peëme upe ñeha'arõ rehe. Mba'éicha piko ikatu pehupyty jerovia, ndapeguerekóiramo ñeha'arõ?

41 Ha mba'e piko peha'arõva'erã? Péina ápe, che ha'e peëme peguerekova'erãha ñeha'arõ Cristo expiasiö rupi ha ijeikovejey pu'aka rupi, peñemopu'átaha

tekove opave'ývape, ha kóva pende jerovia rupi hese, upe ñe'ême'ême he'iháicha.

42 Upévare, peteĩ yvypóra oje- roviáramo tekotevẽ oguereko ñe- ha'arõ; jerovia'ýre ndaikatúigui oĩ ñeha'arõ.

43 Ha avei, péina ápe che ha'e peẽme yvypóra ndaikatuiha oguereko jerovia ni ñeha'arõ, noñemomirĩramo, ha naima- rangatúiramo ikorasõme.

44 Ndaupéichairamo, ijero- via ha ñeha'arõ ndaha'etí mba- 'eve, avave noñemoĩporãigui Tupã ndive, ha'e'ýramo umi ipy'aguapy ha oñemomirĩva ikorasõme; ha peteĩ kuimba'e imarangatu ha oñemomirĩramo ikorasõme, ha okonfesáramo Espíritu Santo pu'aka rupi Jesús ha'eha upe Cristo, tekotevẽ ogue- reko karida; ha ndoguerekóiramo karida ndaha'etí mba'eve; upévare tekotevẽ oguereko karida.

45 Ha pe karida ohasa'asykuua, ipy'amarangatu, ndoguerekói potapy, ni ndaijejapói, ndohe- kái imba'erã, ndaipochyreíri, ndojepy'amongetái ivaívare, ndahoryĩ tembiapovaípe ha katu hory añeteguápe, opa mba'e ohasa, opa mba'e oguerovia, opa mba'e oha'arõ, opa mba'e ogueropu'aka.

46 Upévare, che joyke'y ahay- huetéva, ndapeguerekóiramo karida, peẽ ndaha'etí mba'eve, pe karida ndopáigui araka'eve. Upé- vare, pejejagarrána upe karida rehe, tuichavéva opaite mba'égui, opa mba'e opátaguĩ—

47 Ha katu karida ha'e Cristo mborayhu potĩ, ha opyta tapiiaite peve ñuarã; ha upe oguerekóvape ára pahápe, ou porãta.

48 Upévare, che joyke'ykuéra ahayhuetéva, pejerure Túvape opa pene korasõ mbarete reheve, penerenyhẽ hağua ko mborayhu ha'e ome'ëva'ekuégui opa umi ha'évape ita'ýra Jesucristo re- mimbo'e añete; oiko hağua pe- ndehegui Tupã ra'ykuéra; ha'e ojehechauka vove ñande ha'e ha- ğua ha'éicha, jahechátaguĩ chupe ha'eháicha, jaguereko hağua ko ñeha'arõ; ñañemopotĩ hağua ha'e ipotiháicha. Amén.

ÑEMBYATY 8

Mitãnguéra ñemongarai ha'e peteĩ tembiapoky'a vaiete—Mitã michĩ oikove Cristo-pe expiasiõ rupive— Jerovia, arrepentimiẽnto, tekomara- ngatu, ha korasõ ñemomirĩ, Espíritu Santo jehupyty, ha ñeha'ãmbaite ipa- haite peve oporogueraha salvasiõme. 401–421 ary rupi Cristo rire.

PETEĨ che ru Mormón kuatione'ẽ, ohaiva'ekue chéve, Moroni; ha ohaíkuri chéve añehenói mboy- vemi che ministéiope. Ha péicha ohai chéve ha'e he'ívo:

2 Che ra'y ahayhuetéva Moroni, che avy'aiterei Ñandejára Jesu- cristo imandu'a haguére nderehe ha nerenói haguére iministéio, ha hembiaipo marangatúpe.

3 Ha che tapiiaite chemandu'a nderehe che ñembo'épe, ajerure

memévo Tupã upe Túvape, Ita'ýra Marangatu, Jesús, rérape, imborayhu ha igrásia opave'ýva rupi, taneñongatu jerovia hérape ñeha'ãmbaite rupive ipahaite peve.

4 Ha ko'ága, che ra'y, che añe'éta ndéve chejopyetereívaré; chejopyetereígui oí haguére joavy pende apytépe.

5 Aikuaáramo añetegua, oíkuri joavy pende apytépe pene mitãnguéra michíva ñemongaraíre.

6 Ha ko'ága, che ra'y, aipota pema'apo jesarekópe, peípe'a hağua pende apytégui ko jejavy tuichaitéva; ha, upeva'erã, che ahaíkuri ko kuatione'ë.

7 Aikuaa riremi ko'ã mba'e pendehegui aporandúkuri Ñandejárape upe mba'e rehe. Ha Ñandejára ñe'ë oúkuri chéve Espíritu Santo pu'aka rupive, he'ívo:

8 Ehendu Cristo ne Rredentor ñe'ë, Ñandejára, nde Tupã. Péina ápe, che ajúkuri yvórape ndaha'éi ahenói hağua hekojojávape oñearrepenti hağua; ha katu inñangaipávape; hasy'ýva noikotevëi pohãnohára, ha katu umi hasýva oikotevë; upévare, mitã michíva ndahasýi, ndaikatúigui ojapo angaipa; upévare che pype ojeípe'a chuiguíkuéra Adán ñe'ëngái; ha sirkunsisiõ rehegua léi oñekumpli chepype.

9 Ha kóicha ohechaukákuri chéve Espíritu Santo Tupã ñe'ë; upévare, che ra'y ahayhue-téva, che aikuaa ha'eha Tupãre

ñembohory añete, pemongarai mitã michí.

10 Péina ápe che ha'e ndéve péva rembo'éta—arrepentimiénto ha ñemongarai umi oikuaáva ha ikatúvape ojapo angaipa; heë, embo'e tuvakuérape oñearrepenti ha oñemongaraíva'erãha, ha toñemomirí imitã michĩnguéraicha, ha ojesalváta opavave ha'ekuéra imitã michĩnguéra ndive.

11 Ha imitã michĩnguéra noikotevëi arrepentimiéntore, ni ñemongaraíre. Péina ápe, ñemongarai ha'e arrepentimientorã oñekumpli hağua tembiapoukapykuéra angaipa jorarã.

12 Ha katu mitã michíva oikove Cristo rupive, jepe yvóra ñepyrũmby guive; ndaupéichairire, Tupã ha'e peteí Tupã oñemováva, ha avei peteí Tupã oñemoambuéva, omboykéva yvyporakuérape; ha mboy piko oí mitãmimi omanova'ekue ñemongarai'ýre!

13 Upévare, mitã michíva ndaikatúirire ojesalva ñemongarai'ýre, ko'áva ohova'erãmo'ã peteí añaretã opave'ývape.

14 Péina ápe che ha'e ndéve, pe oimo'áva mitã michí oikotevëha ñemongaraíre oí vy'a'y kuápe ha tembiapovai sãme; ndoguerékóigui jerovia ni ñeha'arõ, ni karida; upévare, oñeikytíramo oguereko aja péichagua temiandu oguejymanteva'erã añaretãme.

15 Ivaietereígui tekoñaña ñaimo'áramo Tupã osalvaha peteí mitãme ñemongarai rupive, ha upe aja katu ambue omanova'erã noñemongarairi haguére.

16 Ái umi ombyaívagui kóicha Ñandejára rape, omanótagui noñearrepentíriramo. Péina ápe, añe'ë kyhyje'ýme, aguerekógui autorida Tupãgui; ha ndakyhyjéi yvypóra ojavóvagai; mborayhu porã oi'pe'águi opa kyhyje.

17 Ha che añeñandu chereny-hëha karidágui, ha'éva mborayhu opave'ýva; upévare, opa mitã ha'e peteicha cherenondépe; upévare, che ahayhu mitã michíva peteĩ mborayhu porãme; ha peteichapa ha oike hikuái salvasiõme.

18 Che aikuaágui Tupã ndaha'eiha Tupã oñemováva, ni peteĩ tekove iñambuéva; ha katu noñemoambuéi ára apyra'ýgui ára apyra'ýme.

19 Mitã michí ndaikatúí oñearrepenti; upévare, ivaietereíva tekoñaña oñenega chuguikuéra Tupã poriahuvereco añetegua, opavave oikógui ipype iporiahuvereco rupi.

20 Ha pe he'íva mitã michí oikotevëha ñemongaraíre onega Cristo poriahuvereco, ha ndohayhúí iñexpiasiõ ha irredensiõ pu'aka.

21 Ái ko'avagui, oígui ñemano poguýpe, añaretã, ha peteĩ jehasa'asy opave'ýva. Che añe'ë kyhyje'ýme; Tupã he'íkuri chéve. Pehendu ko'ã ñe'ë, ha peneñe'ërendu hese, térã otestifikáta pende rehe Cristo trivunal renondépe.

22 Ha péina ápe opavave mitã michí oikove Cristo-pe, ha avei opa umi oíva lei'ýre. Pe rredensiõ pu'aka omba'apógui opavave

umi ilei'ývare; upévare upe noñekondenáiva, térã ndaipóřiva mba'eveichagua kondenasiõ guýpe, ndaikatúí oñearrepenti; ha upévape ñuarã ñemongarai ndaha'úi mba'eve—

23 Ha katu ha'e peteĩ ñembohory Tupã renondépe, Cristo poriahuvereco, ha Ijespíritu Marangatu pu'aka ñenega, ha jerovia ñemoĩ tembiapo manombyrépe.

24 Péina ápe, che ra'y, ko'ã mba'e ndaupeichaiva'erã; pe arrepentimiéto ha'égui umi oíva kondenasiõ guýpe ñuarã ha peteĩ léi ojejapyharava'ekue ñe'engái guýpe ñuarã.

25 Arrepentimiéto roky ñepyrú niko ha'e ñemongarai; ha ñemongarai ou jerovia rupi okumpli haña tembiapoukapykuéra; ha tembiapoukapykuéra ñekumpli ogueru angaipa jora;

26 Ha angaipa jora ogueru tekomarangatu ha korasõ mirí; ha pe tekomarangatu ha korasõ mirí rupi ou pe Espíritu Santo ñemoñuahë, ha'éva Angapyhyhára oporomyenyhëva ñeha'arõ ha mborayhu porãgui, mborayhu opytáva ojesarekóramo ñembo'épe, ou peve ipaha, opa imarangatúva oikotahápe Tupã ndive.

27 Péina ápe, che ra'y, che ahai jeýta ndéve nasëpy'aéiramo lamanita-kuéra rehe. Péina ápe, ko tetã orgúllo, térã nefita-kuéra tavayguakuéra, ha'ékuri iñehundi apoha oñearrepenti'ýramo hikuái.

28 Eñembo'e hesekuéra che

ra'y, ou hağua chupekuéra arre-
pentimiénto. Ha katu péina ápe,
akyhyje pe Espíritu noñorairõvéi-
maramo ġuarã hendivekuéra; ha
ko tetã pehẽnguépe oñeha'ã avei
hikuái ohundi opa autorida ha
pu'aka ouva Tupãgui; ha onega
hína hikuái pe Espíritu Santo.

29 Ha orrechasa rire hikuái
tuichaite jeikuaa, che ra'y, pya'e
omanova'erã hikuái, oñekumpli
hağua profesiakuéra he'iva'ekue
umi proféta, ha umi ñande Sal-
vador ñe'ẽ.

30 Maitei, che ra'y, ahai jey peve
ndéve, térã rohecha jey peve.

Mokõiha Mormón kuatione'ẽ,
ita'yra Moroni-pe.

Oike ñembyaty 9.

ÑEMBYATY 9

*Nefita ha lamanita-kuéra hekoky'a
ha hekovai—Ojotortura ha ojojuka
hikuái. Mormón ojerure Tupã grásia
ha mborayhu opyta hağua Moroni
ndive tapiante peve. 401–421 ary
rupi Cristo rire.*

CHE ra'y ahayhuetéva, ahai jey
ndéve reikuaa hağua aikoveha
gueteri; ha katu ahai michĩmi pe
ivaívagui.

2 Ha péina ápe, che aguere-
kókuri ñorairõ mbarete lamaanita-kuéra ndive, ha upévape
ndaorepu'akái hesekuéra; ha
Arqueanto ho'ákuri kysepukúpe,

ha avei Luram ha Emrom; heẽ, ha
rohundíkuri heta ore kuimba'e
ojeiporavopyréva.

3 Ha ko'áğa péina ápe, che ra'y,
akyhyje lamanita-kuéra ohundi-
taha ko tavayguakuérape; noñe-
arrepentirigui hikuái, ha Satana
omokyre'y'ẽ meme chupekuéra
pochýpe peteiva ambue rehe.

4 Péina ápe, che amba'apo
meme hína hesekuéra; ha añe'ẽ
hatã jave chupekuéra Tupã ñe'ẽ
oryry'i ha ipochy hikuái che-
ndive; ha ndaiporuíramo mbarete
omohatã hikuái ikorasõ upe ñe'ẽ
rehe; upéva, akyhyje Ñande-
jára Espíritu noñorairõveimaha
hendivekuéra.

5 Tuichaitereigui ipochy ha'eté-
vaicha chéve ndokyhyjéi hikuái
ñemanógui; ha ndojoayhuvéima
hikuái, ha ijy'uhéi meme hikuái
tuguy ha vengánsagui.

6 Ha ko'áğa, che ra'y ahayhue-
téva, jepeve oñemohatã hikuái,
ñamba'apo jesarekópe; naña-
mba'apovéiramo, ja'áta konde-
nasiõme; jaguerékógui peteĩ
tembiapo jajapova'erã ñaime aja
ko tete yvýgui ojejapopyrévape,
ñandepu'aka hağua opa tekojoja
rayhu'yha rehe, ha ñame'ẽ hağua
pytu'u ñane angakuérape Tupã
rréinope.

7 Ha ko'áğa ahai'imi ko tavay-
guakuéra jehasa'asýre. Mba'e
oje'e haguéicha chéve Amorón
rupi, péina ápe, lamanita-kuéra
oguereko heta prisionéro, oja-
garrava'ekue hikuái tórre She-
rrizah-gui; ha oĩ ijapytepekuéra
kuimba'e, kuña, ha mitã.

8 Ha ko'ā kuña ha mitānguéra ména ha tuvakuérape ojukákuri hikuái; ha omongaru hikuái kuñanguérape iména ro'ópe, ha mitānguérape ituvakuéra ro'ópe; ha nomboy'úi chupekuéra, ndaha'éiramo michīmínte.

9 Ha jepeve ko tuichaite lamanita-kuéra rembiapovai, ndohasái ore tavayguakuéra Moriantón-guápe. Ha péina ápe, ojagarrákuri heta lamanita-kuéra rajy prisionéramo; ha oipe'a rire chuguikuéra hepyve ha iporāvéva opa mba'égui ha'éva tekopotí ha tekomarā'y—

10 Ha ojapo rire upéva ojuka chupekuéra, ivaiveháicha, otorurávo hetekuéra omano meve; ha ojapo rire upéva, ho'u hikuái hetekuéra mymba saitéicha, ikorasō atāgui; ha ojapo hikuái ohechauka haḡua kyhyje'y.

11 O che ra'y ahayhuetéva, mba'éicha piko peteĩ tavayguakuéra kóichagua, oíva tekoarandu'yre—

12 (Ha ohasántekuri mbovymíary, ha'ehague peteĩ tavayguakuéra hory ha iñarandúva).

13 Ha katu O che ra'y, mba'éicha piko kóichagua tavayguakuéra horýva hetaiete mba'eky'ápe—

14 Mba'éicha piko ikatu ñaha'arō Tupã ojoko ipo huísiope ñande rehe?

15 Péina ápe, che korasō he'i-asy: Ái ko tavayguakuéragui. Eju huísio reheve, O Tupã, ha eñomi iñangaipakuéra, ha hekoñaña, ha hekoky'akuéra ndero va renondégui!

16 Ha avei, che ra'y, oí heta imenave'y'mava ha imembykuéra opytava'ekue Sherrizah-pe; ha tembí'u pehēngue lamanita-kuéra ndoguerahaiva'ekue, péina ápe, Zenefi ehérsito ojagarrákuri, ha ohejákueri chupekuéra oikorei haḡua ikatu haḡuáme ojuhu tembí'u; ha heta iḡuaiḡuiva ipy'amano tapére ha omano.

17 Ha pe ehérsito oíva chendive ikangy; ha lamanita-kuéra ehérsito chemopa'ũ Sherriza-gui; ha opa ohasava'ekue Aarón ehérsitope ho'ákuri iñeinupāvaikuéra guýpe.

18 O ko che tavayguakuéra ñeimevai! Ndoguerekóí hikuái ni orden ni poriahuvereko. Péina ápe, che peteĩ kuimba'énte, ha aguereko mbarete oguerekóva peteĩ kuimba'énte, ha ndaikatuvéima amomba'apo che rembiapoukapykuéra.

19 Ha ha'ekuéra oñemombarete ijeikovaípe; ha iñañaiterei avei, ndohejareíri avavépe, ni imitã, ni itujávape; ha hory hikuái opa mba'épe ha katu pe iporāvape nahániri; ha ñane kuñanguéra ha ñande ra'ykuéra jehasa'asy opa ko yvy ape ári tuichave opa mba'égui; heẽ, kũ ndaikatúiva he'i, ni ndaikatúiva ojehai.

20 Ha ko'áḡa che ra'y, nañe'ẽvéima ko mba'e vaietére. Péina ápe, nde reikuaa ko tavayguakuéra rekoñaña; reikuaa ndoguerekoiha hikuái tekoporã, ha noñanduvéima; ha hekoñañakuéra tuichave lamanita-kuéragui.

21 Péina ápe, che ra'y, ndaikatúi añē'ēporā hesekuéra Tupāme ani ha'e chepy'ajopy mba'e.

22 Ha katu péina ápe, che ra'y, rome'ē Tupāme, ha ajerovia Cristo-re rejesalvataha; ha ajerure Tupāme tosalva nde rekove, ha'e haḡua testígo ko tavayguakuéra oujey vove hendápe, térā oñehundípaite vove; che aikuaágui omanova'erāha noñearrepentírramo hikuái ha oujey hendápe.

23 Ha omanóramo hikuái ha'éta Jaredita-kuéraicha, ikorasō atā rupi, ohekávo tuguy ha vengánsa.

24 Ha omanóramo hikuái, jai-kuaa heta ñande joyke'ykuéra ohasahague lamanita-kuéra ndive, ha hetave ohasataha avei hendivekuéra; upévore, ehaína michími, rejesalváramo ha che amano ha ndorohechavéiramo; ha katu ajerovia pya'e rohechajeytaha; aguerékogui kuatiajehaipyre imarangatúva ame'éséva ndéve.

25 Che ra'y, ejeroviareko Cristore; ha umi mba'e ahaiva'ekue ani ndepy'apy, ndereity haḡua ñemano meve; ha katu Cristo tannembovy'a, ha ijehasa'asy ha ñemano, ha hete jehechauka ñande rukuérape, ha iporiahuvareko ha ipy'aporā, ha iverapy ñeha'arō ha tekove opave'yva, topytu'u ne apytu'úme tapiaite.

26 Ha Tupā pe Túva grásia, ijapykajegua oíva yvate yvágape, ha Ñandejára Jesucristo, oguapyva ipu'aka akatúape, opa mba'e oñemoí meve ypoguýpe,

toho ha topyta nendive tapiaite ḡuarā. Amén.

ÑEMBYATY 10

Ojehupyty peteĩ testimonio Mormón Kuatiañe'ēgui Espíritu Santo pu'aka rupive—Umi don Espíritu reheguáva oñeme'ē jeroviarekóvape—Umi don espíritu reheguáva tapiaite oho jerovia ndive—Moroni ñe'ēnguéra oñe'ē vyvitymbo guive—Peju Cristo rendápe, peñemoíporāmba ipype, ha pemomarangatu pene ánga. 421 ary rupi Cristo rire.

Ko'ÁGA che Moroni, ahai'imi chéve iporāháicha; ha ahai che joyke'ykuéra lamanita-kuérape; ha aipota oikuaa hikuái ohasamahague cuatrocientos veinte ary oñeme'ē rire pe techaukaha Cristo jeju rehegua.

2 Ha asella ko'ā kuatiajehaipyre, ha'e rire peñeme ñe'ē'imi jerure rupi.

3 Péina ápe, che ha'ese peñeme pemoñe'ē vove ko'ā mba'e, Tupā arandúpe iporāramo pemoñe'ē, penemandu'a haḡua Ñandejára iporiahuvarekoitehague yvypóra ra'ykuéra ndive, ára Adán ojejapo guive pehupyty peve peē ko'ā mba'e, ha tapejepy'amongeta ko'āvare pene korasōme.

4 Ha pehupyty vove ko'ā mba'e, che ha'ese peñeme peporandu haḡua Tupā, pe Túva Ijapyra'yvape, Cristo rérape, añeteguápa ko'ā mba'e; ha pejeruréramo korasō añetépe, peipotáramo añetehápe,

peguerekóvo jerovia Cristo rehe, ha'e ohechaukáta peẽme ko'áva añetegua, Espiritu Santo pu'aka rupive.

5 Ha Espiritu Santo pu'aka rupive ikatúta peikuaa añetegua opa mba'e rehegua.

6 Ha oimeraẽ mba'e iporãva ijoja ha añetegua; upévare, mba'eve iporãva nonegái pe Cristo-pe, ha katu oikuaauka ha'e oikoveha.

7 Ha Espiritu Santo pu'aka rupive, ikatu peikuaa ha'e oikoveha; upévare ha'ese peẽme ani hağua penega Tupã pu'aka; ha'e omba'apógui pu'aka rupive, yvypóra ra'ykuéra ojeroviaháicha, peteïcha ko árape, ko'ěrõ, ha tapiaite ġuarã.

8 Ha avei ha'e peẽme, che joyke'ykuéra, ani hağua penega Tupã don, hetágui, ha oúgui Tupãitégui voi. Ha oĩ heta tape oñeme'eháicha ko'ã don; ha katu peteĩnte pe Tupã ojapopáva opa mba'épe; ha oñeme'ẽ yvyporakuérape iñeimeporãã Tupã Espiritu jehechauka rupi.

9 Ha péina ápe, peteĩme oñeme'ẽ Tupã Espiritu rupi, ombo'e hağua pe arandu ñe'ẽ;

10 Ha ambuépe, ombo'e hağua ñe'ẽ jeikuaa rehegua upe Espiritu rupive;

11 Ha ambuépe, peteĩ jerovia tuichaitereíva; ha ambuépe, don oporomonguera hağua upe Espiritu rupi;

12 Ha avei ambuépe, ojapo hağua milágro imbaretéva;

13 Ha avei ambuépe, oprofetisa hağua opa mba'ére;

14 Ha avei ambuépe, ohecha hağua ángel ha espiritukuéra oporoministráva.

15 Ha avei, ambuépe; opáichagua ñe'ẽ;

16 Ha avei, ambuépe, ñe'ẽnguéra ñemyesakã ha opáichagua ñe'ẽ.

17 Ha opa ko'ã don ou Cristo Espiritu rupi; ha ou opavave yvypórape, peteĩ teĩme, ha'e oipotaháicha.

18 Ha ha'ese peẽme che joyke'ykuéra ahayhuetéva, penemandu'a hağua opa mba'e porã ouha Cristo-gui.

19 Ha ajerurese peẽme, che joyke'ykuéra ahayhuetéva, penemandu'a hağua ha'e peteĩnteha kuehe, ko árape, ha tapiaite, ha opa ko'ã don añe'ẽhague, espiritu reheguáva, araka'evendopamo'áiha, jepe oĩ meveyvóra, ndaha'éiramo yvypóra ra'ykuéra jeguerovia'yrente.

20 Upévare, oĩva'erã jerovia; ha oĩtaramo jerovia oĩva'erã avei ñeha'arõ; ha oĩtaramo ñeha'arõ oĩva'erã avei karida.

21 Ha peguereko'yramo karida ndaikatumo'ái pejesalva Tupã rréinope; ni ndapejesalvamo'ái Tupã rréinope ndapeguerekóiramo jerovia; ni ndapeguerekóiramo ñeha'arõ.

22 Ha ndapeguerekóiramo ñeha'arõ peiméta py'atarovápe; ha py'atarova ou tembiapovai rupi.

23 Ha Cristo añetehápe he'iva'ekue ñande rukuérape: Peguerékóramo jerovia ikatúta pejapo opa mba'e che aikotevêva.

24 Ha ko'áğa añe'ẽ opa yvy

pahápe—oġuahēramo ára oñe-
mbopaha vove pende apytépe
umi Tupã don ha pu'aka, ha'éta
jeguerovia'ÿ rupi.

25 Ha ái yvypóra ra'ykuéragai
oikóramo upéva; ndaiporimo'ái-
gui pende apytépe ojavóva ipor-
rãva, nahániri, ni peteĩ. Oĩramo
pende apytépe peteĩ ojavóva
iporãva, ha'e omba'apóta umi
Tupã don ha pu'aka rupive.

26 Ha ái umi ombopaháva
ko'ã mba'e ha omano, omanó-
gui iñangaipápe, ha ndaikatúi
ojesalva Tupã rréinope; ha che
ha'e Cristo ñe'eme he'iháicha;
ha ndachejapúi.

27 Ha ha'e peẽme penemandu'a
haġua ko'ã mba'ére; pya'e ougui
ára peikuaataha ndachejapuiha,
cherechátogui Tupã trivunal
renondépe; ha Tupã Ñandejára
he'íta peẽme: Nda'éikuri piko
peẽme che ñe'ẽ, ojehaiva'ekue
ko kuimba'ére, peteĩ osapukái-
vaicha omanova'ekue apytégui,
heẽ, jepe peteĩ oñe'ëramoġuáicha
vytyimbógui?

28 Che ha'e ko'ã mba'e oñekum-
pli haġua umi profesía. Ha péina
ápe, outa Tupã Ijapyra'ÿva jurú-
gui; ha iñe'ẽ oñehendúta ñemo-
ñare'atýgui ñemoñare'atýpe.

29 Ha Tupã ohechaukáta peẽme,
pe ahaiva'ekue añeteguaha.

30 Ha ha'ese jey peẽme peju
haġua Cristo-pe, ha pejejagarra
haġua opa don iporãvare, ha ani
pepoko don ivaívare, ni mba'e
iky'avare.

31 Epáy, ha epu'ã vytyimbógui,
O Jerusalén; heẽ, emonde nde ao
porãnguéra, O Sión membykuña;
ha emombarete nde estakakuéra
ha eipyso ne sã tapiaste peve,
anivéma haġua reñemoapañuái,
ha oñekumpli haġua konvénio
ojapova'ekue ndéve Túva Ijapy-
ra'ÿva, O Israel róga.

32 Heẽ, peju Cristo-pe ha pe-
nerekoporãmbaite ipype, ha ani
pejapo mba'evéchagua mba'evai;
ha ndapejapóiramo mba'eve iva-
íva, ha pehayhúramo Tupãme opa
pene ánga, apytu'ũ, ha mbarete
reheve, upéicharamo iporãntema
igrásia peẽme ġuarã, igrásia
rupi penerekoporãmbaite haġua
Cristo-pe; ha Tupã grásia rupi
penerekoporãmbaitéramo Cristo-
pe, mba'evécharamo ndaikatu-
mo'ái penega Tupã pu'aka.

33 Ha avei, Tupã grásia ru-
pive penerekoporãmbaitéramo
Cristo-pe, ha napenegái ipu-
'aka, upéicharamo peñemoma-
rangatu Cristo-pe Tupã grásia
rupi, Cristo ruguy ñeñohe
rupive, oĩva Túva konvéniope
pene angaipa jorarã, penema-
rangatu haġua, mara'ÿme.

34 Ha ko'ága pomomaitei opa-
vavépe. Pya'e aháta apytu'u
Tupã paraísope, che Espíritu ha
che rete oñembyaty jey peve, ha
ajegueraha yvate arapytúre, po-
juhu haġua pe Jehová tuichaitéva
trivunal porãite renondépe, pe
Hue Ijapyra'ÿva umi oikovéva
ha omanova'ekue ári. Amén.

MORMÓN KUATIAÑE'Ē RECHAUKAHA

Mormón Kuatiañe'ē, ome'ē testimonio Jesucristo imarangatuha ha oguereko Jesucristo evanhelio doctrina. Ko'ā mba'e ome'ē tembiporu ñanemoingéva tavayguakuéra, tenda, doctrina ha jehasapy Mormón Kuatiañe'ē-reheguápe.

JESUCRISTO

Jehechauka ha ministério amerikaguakuérape: 3 Nefi 11–27. *Ha'e omombe'u imarangatuha:* 9:1, 12–15; *ohekombo'e nefita-kuérape ñemongarai rehe:* 11:18–30; *ombo'e Cristo doctrina:* 11:31–41; *ohenói umi doce discípulo-pe:* 12:1–2; *ombo'e bienaventuranza-kuéra:* 12:3–12; *omombe'u mba'éichapa ñañembo'eva'erã:* 13:9–13; *omomarendu profetakuéra añetegua'ývare:* 14:15–20; *ombo'e ambue ovechakuéra rehe:* 15:11–24; *omonguera hasývape:* 17:5–10; *oñembo'e tavayguakuéra rehe:* 17:13–20; *ohovasa mitãnguérape:* 17:10–12, 21–25; *Omoĩ upe sacramento:* 18:1–14; *Ome'ē pu'aka umi doce-pe ome'ē haɣua Espíritu Santo:* 18:26–39; *Oñembo'e túvape:* 19:16–34; *Ome'ē pe sacramento:* 20:1–9; *Ombo'e Isaías ñe'ē rehe:* 22:1–23:3; *Ombo'e escritura-kuéra iporãha:* 23:1–6, 14; *Ombo'e umi doce-pe tupao rera rehe:* 27:1–12; *Ombo'e imisiõ ha ijexpiasiõ rehe:* 27:13–22.

Angaipa jora: 2 Nefi 2:6–7, 26; Mosiah 15:6–27; Alma 9:26–27; 11:40–41; 42:13–26; Helamán 5:9–12; 14:12–17; 3 Nefi 9:17; Éter 3:13–14.

Cristo Doctrina: 2 Nefi 31:10–32:6; 3 Nefi 11:31–41.

Cristo jeju mokõiha: 3 Nefi 24:1–2.

Expiasiõ: 1 Nefi 11:32–33; 2 Nefi 2:3–10, 25–27; 9:5–27; Jacob 4:11–12; Mosiah 3:11–18; 4:6–8; 13:27–35; Alma 34:8–16; 42:11–30; 3 Nefi 11:14.

Hekoporãmbaite: *Jahechava'erã* Doctrina-kuéra—Tekoporãmbaite.

Huísio: 2 Nefi 2:10; Alma 5:15; 12:12–15; 33:22; 3 Nefi 27:14–16; Mormón 3:20; 7:6; Éter 12:38.

Jehová: Mosiah 3:4–11; 15:1; 3 Nefi 15:1–5; Éter 3:13–15; Moroni 10:27–34.

Jeikovejey: 2 Nefi 2:8; 9:6–13, 22; Mosiah 15:21–26; Alma 11:41–45; 40:1–6, 11–24; 3 Nefi 23:9–11.

Jejapo: Mosiah 3:8; Alma 30:43–44; 3 Nefi 9:15; Éter 3:15.

Jejuka kurusúre: 1 Nefi 11:32–33; 19:9–14; 2 Nefi 6:9; Mosiah 15:1–7; 3 Nefi 27:14–15.

Jesucristo: 1 Nefi 11:14–33; 22:24; 2 Nefi 9:5; 11:2–8; Mosiah 3:5–13; 5:6–12; Alma 5:50; 7:7–13; 46:15; Helamán 3:28; 14; 3 Nefi 1:12–21; 9; 11–26; 27:3–21, 27; Mormón 1:15; Éter 3:14–17; Moroni 7:48.

Mediador: 2 Nefi 2:9, 27–28.

Mesías: 1 Nefi 10:4, 17; 2 Nefi 2:6, 26; 25:14.

Moheñoi ha Ñemano: Helamán 14:2–6; 20–27; 3 Nefi 1:15–21; 8:5–23.

Ñandejára: 1 Nefi 3:7; 17:13–15; Alma 29:11; Helamán 13:6.

Profesía Cristo rehegua: 1 Nefi 10:4–11; 11:1–3, 12–33; 19:8–17; 2 Nefi 10:3; 25:19; Mosiah 3:5–12; 13:33–35; Alma 7:9–13; Helamán 8:22; 14:1–8, 14–27; Éter 3:13–20.

Salvador: 1 Nefi 10:4; 13:40; 2 Nefi 25:20; Mosiah 3:17–20; 5:7–15; Helamán 14:15–17.

Testimonio oñeme'ëva'ekue Cristogui: 2 Nefi 25:26; 26:12; Jacob 7:11, 19; Alma 6:8; Éter 12:41; Moroni 7:31.

Tupã Cordero: 1 Nefi 13:40; Alma 7:14; Mormón 9:6.

Tupā Ñe'ë: 1 Nefi 11:25; 15:23–25; 17:45–46; 2 Nefi 27:14; 31:20; Mosíah 26:3; Alma 17:2; 31:5; 32:28–43.

Tupao: Mosíah 25:18–22; 27:13; 3 Nefi 27:1–12; Moroni 6:4–9.

TAVAYGUAQUÉRA

Abinadí: Mosíah 11–17.

Abraham: Jacob 4:5; Alma 13:15; Helamán 8:16–19.

Adán: 2 Nefi 2:14–29; Alma 12:21–26.

Alma pe Ijyppykue: Mosíah 17–18, 25–26.

Alma, Alma Ra'y: Mosíah 27:8–27; Alma 4:11–20; 36:6–27.

Ammón, Mosíah Ra'y: Mosíah 27:8–28:8; Alma 17–20; 26–27.

Amulek: Alma 8:21–27; 10:1–32; 11:20–46; 14:9–29; 34.

Anti Nefi Lehita-kuéra: Alma 23–24; 27:20–27; 53:16–19; 56–58.

Benjamín: Mosíah 2–6.

Enós: Enós 1.

Éter: Éter 12:1–5; 13:2–14.

Eva: 2 Nefi 2:15–20.

Gedeón: Mosíah 19:4–8; 20:17–22; 22:3–9; Alma 1:8–10.

Hagot: Alma 63:5–8.

Helamán, Alma Ra'y: Alma 45:22–23; 53:19, 22; 57:19–27.

Helamán, ra'ykuéra (Mitārusukuéra oñorairōkuaáva): Alma 53:16–22; 56:10, 47, 52–56; 57:26.

Ismael: 1 Nefi 7:2–5; 16:7, 34.

Jacob, Lehi ra'y: 2 Nefi 6–11; Jacob 1–7.

Jared: Éter 1:33–2:1; 2:13.

Jared, Ijoyke'y: Éter 1:34–43; 2–3; 4:4; 12:20–21, 24, 30.

Jaredita-kuéra: Éter 1:33–43; 2–3; 6:1–18; 14–15.

Jesucristo: *Jahechava'erā* Jesucristope.

Labán: 1 Nefi 3:1–27; 4:1–26.

Lamán: 1 Nefi 2:5, 11–12; 3:9–31; 7:6; 8:34–38.

Lamanita-kuéra: 2 Nefi 5:14; Jacob 1:13–14; Mosíah 10:11–17; Helamán 6:34–37.

Lamoni: Alma 17–19.

Lehi, Nefi Ru: 1 Nefi 2:1–4; 5:14; 8:2–38; 16–18; 2 Nefi 1–3; 4:1–12.

Lemuel: 1 Nefi 2:10; 3:38; Jacob 1:13–14.

María, Jesús Sy: 1 Nefi 11:13–20; Mosíah 3:8; Alma 7:10.

Mormón: Mormón 1:1–6; 2:1–2, 17–18; 3:8–12; 5:1–2; 6:5–6; 8:2–3.

Moroni, Mburuvicha: Alma 43:16–17, 47–50; 46:12–13; 48:11–18.

Moroni, Mormón Ra'y: Mormón Ñe'ënguéra 1:1; Mormón 8:1–3, 14; Éter 1:1–2; Moroni 1:1–4; 10:1–2.

Mosíah, Benjamín Ra'y: Mosíah 6:4–7; 28:17; 29.

Mosíah, ta'ýra: Mosíah 27:8–20, 34; 28:1–7; Alma 17–26.

Nefi, Helamán Ra'y: Helamán 3:37; 5:18–52; 7–9; 10:3–11; 11:3–18.

Nefi, Lehi Ra'y: 1 Nefi 1:1–4; 3–4; 7; 10:17–22; 15:21–36; 16:18–32; 17–18; 2 Nefi 33.

Nefi, Nefi Ra'y, Helamán Ra'y: 3 Nefi 1:2–3; 7:15–19; 19:4.

Nefita-kuéra: 2 Nefi 5:5–17; Alma 50:23; Helamán 6:34–35; 3 Nefi 11–28; 4 Nefi 1:2–3, 15–16; Mormón 3:9–11; Moroni 1:2.

Sam: 1 Nefi 2:5, 17; 2 Nefi 5:5–6; Alma 3:6.

Samuel pe lamanita: Helamán 13–16.

Zenoc: 1 Nefi 19:10; Alma 33:15, 17; Helamán 8:20.

Zenós: 1 Nefi 19:10, 12, 16; Jacob 5; Alma 33:3–11; 34:7; Helamán 8:19; 3 Nefi 10:15–16.

DOCTRINA-KUÉRA

Adán ha Eva Je'a (Yvyporakuéra je'a): 1 Nefi 10:6; 2 Nefi 2; Alma 22:12–14; 34:9; 42:2–15.

Aguyje: Mosíah 2:19–21; Alma 34:38; 37:37.

Ajúno: Mosíah 27:22–23; Alma 5:46; 6:6; 17:3, 9; 45:1.

Angaipa: 2 Nefi 4:31; 9:38; Alma 13:12; 41:9–10; 45:16; Moroni 8:8.

Angelkuéra: Mosíah 27:11–16; Alma 36:22; 3 Nefi 17:24; Moroni 7:25–32.

Anti-Cristokuéra: Jacob 7; Alma 1; 30.

Aña: 2 Nefi 2:17–18, 27; 28:19–23; 32:8; Omni 1:25; Mosíah 2:32; 19:33; 30:60; 34:39; Helamán 5:12; 3 Nefi 18:15, 18; Moroni 7:8–17.

Añaretá: 1 Nefi 15:35; 2 Nefi 9:10–12; 28:21; Jacob 3:11; Mormón 9:4.

Añetegua: 1 Nefi 16:2; 2 Nefi 9:40; Jacob 4:13; Moroni 10:5.

Apóstol: 1 Nefi 1:10; 11:34; Mormón 3:18.

Ára Japytu'uha: Jarom 1:5; Mosíah 13:16–19; 18:23–25.

Arandu: 2 Nefi 9:28; 27:26; Mosíah 2:17; Alma 37:35.

Arrepentimiénto: Mosíah 5:2; 26:29; Alma 14:1; 34:33–36; 36; 42:16–29; 3 Nefi 9:20–22; 27:20; Moroni 6:8.

Autorida: Helamán 5:18; 11:18; 3 Nefi 7:17; 12:1–2.

Biblia: 1 Nefi 13:38–41; 2 Nefi 3:12; 29:3–14; Mormón 7:8–10.

Deidad: 2 Nefi 31:21; Mosíah 15:1–4; 3 Nefi 11:3–7, 27, 36.

Diésmo: Alma 13:15; 3 Nefi 24:8–11.

Doctrina: *Jahechava'erã* Jesucristo—Cristo Doctrina.

Don espíritu rehegua: 3 Nefi 29:6; Mormón 9:7; Moroni 10:8–18.

Don Espíritu Santo rehegua: 2 Nefi 31:17; Moroni 2.

Escritura-kuéra: 1 Nefi 19:23; 2 Nefi 25:21–23; 29:10–14; 32:3; Jacob 7:23; Mosíah 1:2–7; Alma 17:2; 37:1–19; Helamán 15:7–8; Mormón 7:8–9.

Espíritu Santo: 1 Nefi 10:17–19; 2 Nefi 32:5; 3 Nefi 27:20; 28:11; Moroni 10:5.

Evanhélio: 3 Nefi 27:13–22.

Evanhélio Ñemoijey: 1 Nefi 15:13–18; 2 Nefi 3:6–15; 27:6–26; 3 Nefi 16:7.

Grásia: 2 Nefi 2:8; 10:24; 25:23; Jacob 4:7; Éter 12:26–27.

Huíso: 1 Nefi 12:9; 2 Nefi 9:15, 46; 28:23; Alma 41:3, 14; 3 Nefi 27:16, 23–26; Mormón 3:18–20.

Hustifikasiō: 2 Nefi 2:5; Mosíah 14:11.

Hustisia: 1 Nefi 15:30; 2 Nefi 9:26; Alma 34:16; 42:13–25; 54:6.

Imboriahúva: 2 Nefi 9:30; Mosíah 4:26; Alma 1:27; 34:28; 4 Nefi 1:3.

Ipirapiréva: 2 Nefi 9:30, 50–51; 26:31; Jacob 2:18–19; Alma 1:30–31; 4:6–8; 3 Nefi 6:12.

Israel: *Ñembyaty:* 1 Nefi 15:12–17; 22:3–12; 2 Nefi 10:3–9; Jacob 5–6; 3 Nefi 16:4; 17:4. *Ñemosarambi:* 1 Nefi 22:3–9; 2 Nefi 10:3–9; Jacob 5–6; 3 Nefi 21:26–29. *Diez Tribu oñehundiva'ekue:* 1 Nefi 22:3–4; 2 Nefi 29:12–14; 3 Nefi 17:4; 21:26–29.

Japu: 2 Nefi 2:18; 9:34; 28:8–9; Alma 5:17; 12:3; Éter 3:12.

Jeguerovia: 2 Nefi 6:14; Mosíah 4:10; Alma 11:40; Helamán 14:13; 3 Nefi 11:35.

Jeguerovia'ÿ: 1 Nefi 4:13; Mosíah 26:1–5; 3 Nefi 19:35.

Jehasa'asy: 2 Nefi 2:6–7; Alma 34:8–14; 3 Nefi 9:19–20.

Jehovasa: 1 Nefi 15:18; 17:35; 2 Nefi 1:28; 4:9; Mosíah 2:24; Helamán 12:1; 3 Nefi 12:1–12; 24:10.

Jeiko'asy: 2 Nefi 2:11.

Jeikuaa: 2 Nefi 9:14; Alma 18:35; 32:34; Helamán 15:13; Moroni 7:15–17.

Jeipy'ara'ã: 1 Nefi 15:24; 2 Nefi 2:11–16; Alma 13:28; 37:33; 3 Nefi 18:15, 18.

Jepy'apy: 2 Nefi 9:21; Jacob 3:11; Mosíah 2:36–38; 3:5–8; 25:11; 27:28–29; Alma 7:10–11; 36:16–21.

Jerovia: 1 Nefi 3:7; 7:12; 2 Nefi 9:23; 26:13; Enós 1:3–8; Mosíah 3:12; 5:7; Alma 14:26; 22:16; 32; 57:25–27; Helamán 8:15; 3 Nefi 17:8; Éter 12:6–31; Moroni 7:1, 20–48; 10:4.

Jesareko: Jacob 1:19; Alma 17:2; 3 Nefi 6:14; Moroni 9:6.

Joavy, ñe'ẽ'api: 2 Nefi 26:32; Mosíah 4:14; 3 Nefi 11:29.

Karida: 2 Nefi 26:30; Alma 7:24; Éter 12:33–34; Moroni 7.

Konsagrasiõ: 4 Nefi 1:3.

Konvéniõ: 1 Nefi 15:18; 2 Nefi 31:13, 16; Mosíah 5:5; 18:8–16; 3 Nefi 20:25–26; Moroni 7:31; 10:32–33.

Konversiõ: Mosíah 5:2, 12–14; 27:33–35; Alma 22:15–18; Helamán 15:7; 3 Nefi 7:21.

Kuimba'e: 2 Nefi 2:25; Mosíah 7:27; 3 Nefi 12:48; 27:27; Moroni 7:48.

Kulpa: 1 Nefi 16:2; 2 Nefi 9:14; Enós 1:6; Alma 42:18, 29.

Kuña: Jacob 2:28; Alma 32:23; 56:47–48.

Limosna, Tupã mba'e: Mosíah 4:26; 18:27; 3 Nefi 13:1–4.

Marangatu: Mosíah 3:19; 3 Nefi 12:5; Moroni 7:44; 8:26.

Mba'asy: Mosíah 3:5; Alma 7:10–12; 3 Nefi 26:15.

Mborayhu: 1 Nefi 19:9; 2 Nefi 31:20; Mosíah 4:15; Alma 5:26; 13:28; 38:12; Moroni 7:47–48; 8:16.

Mburuvicha tupaopegua ñehenói: 3 Nefi 10:12–13; 12:1.

Milagrokuéra: 2 Nefi 27:23; Alma 23:6; Mormón 9:10–20; Éter 12:12–21.

Milénio: 1 Nefi 22:26; 2 Nefi 12:4; 30:18.

Misionero rembiapo: Jacob 1:19; Alma 17–26; 29:8; Mormón 9:22.

Mitãnguéra: 2 Nefi 2:22–23; Mosíah 4:14–15; 3 Nefi 17:21–24; Moroni 8:8–24.

Momandu'a: 1 Nefi 14:8; 17:45; Mosíah 1:2–7; Helamán 12:3; 3 Nefi 18:7, 11; Mormón 5:21; Moroni 4:3; 5:2; 10:27.

Momarangatu: Alma 13:10–12; Helamán 3:33–35; 3 Nefi 27:20.

Mormón Kuatiañe'ẽ: 2 Nefi 3:12–21; Mormón 7:9; Éter 5:1–4; Moroni 10:4.

Ñeha'arõ: 2 Nefi 31:20; Alma 7:24; 13:27–29; Éter 12:4; Moroni 7:1, 40–43.

Ñeha'ãmbaite: 1 Nefi 22:31; 2 Nefi 31:16, 20; 3 Nefi 27:6.

Ñeheñoijey: Mosíah 5:2–15; 27:23–30.

Ñemano: *Tetereheguáva:* 2 Nefi 2:22; 9:6,11; Alma 12:24; 40:11. *Espirituálva:*

2 Nefi 2:27; 9:4–9; Jacob 3:11; Alma 13:30; 42:9; Helamán 14:16–19.

Ñemanokuaa: 2 Nefi 2:21, 25; Alma 12:24; 34:32; 42:10.

Ñemano'ý: 2 Nefi 9:13; Alma 11:45.

Ñembo'e: 2 Nefi 32:8–9; Enós 1:4; Alma 5:45–46; 17:3; 26:22; 34:17–28; 37:37; 3 Nefi 18:16, 19–21; 19:31–34; 20:1; Moroni 7:6–9; 10:4.

Ñemenda: 1 Nefi 7:1; 16:7; 4 Nefi 1:11.

Ñemomirí: 2 Nefi 9:42; Mosíah 4:11; Alma 5:27–28; Helamán 3:33–35; 3 Nefi 12:2; Éter 12:27.

Ñemongarai: 2 Nefi 9:23–24; Mosíah 18:8–16; 21:33–35; Alma 7:14; 3 Nefi 11:19–40; 12:1–2; Moroni 8:4–25.

Ñemyakāratí ha tembiapoky'a: Jacob 3:12; Alma 39:3–5; Helamán 8:26.

Ñesē: *Tupao Cristiano Peteiha:* 1 Nefi 13:26; 2 Nefi 26:20. *Ñesē:* 1 Nefi 8:23, 28; 12:17; Alma 4:6–12; Helamán 3:33–34; 4:11–13; 5:2–3; 12:2; 13:38; 3 Nefi 2:1–3; Mormón 8:28–41.

Ñe'ērendu: 1 Nefi 3:7; 17:3; Mosíah 2:37; Alma 3:26–27; 3 Nefi 14:21.

Ñe'ordena: Mosíah 18:18; 3 Nefi 12:1; Moroni 3:1–4.

Oga: 3 Nefi 17:2–3; Mormón 2:23.

Ogagua: 1 Nefi 8:37; 2 Nefi 2:20; 25:26; Jacob 3:7; Mosíah 4:14–15; 3 Nefi 18:21.

Oikuaáva Hembaliapo: Alma 12:14; 41:3–7; Helamán 14:29–31; Moroni 8:10.

Ordenansakuéra: Mosíah 13:30; Alma 30:3.

Orgúllo: 1 Nefi 11:36; Jacob 2:13, 16; Alma 5:28; Helamán 3:33–36; Moroni 8:27.

Paraíso: Alma 40:11–12; 4 Nefi 1:14.

Perdón: 1 Nefi 7:21; Mosíah 4:2; 26:29–31; Alma 39:6; 3 Nefi 13:11.

Pirapire: *Jahechava'erā* Ipirapiréva.

Plan Rredensiō rehegua: 2 Nefi 2; 9; Alma 12:25–34; 22:12–14; 34:8–16; 42:5–26, 31.

Plan Vy'apavē rehegua: *Jahechava'erā* Plan Rredensiō rehegua.

Pochy: 2 Nefi 4:28–29; 28:19–20, 28; 33:4–5; 3 Nefi 11:30; Moroni 9:3–4.

Poñemoi: Alma 6:1; 3 Nefi 18:36–37; Moroni 2:2.

Porandu: 1 Nefi 15:11; 2 Nefi 32:4; Mosíah 4:10, 21; Moroni 10:4.

Tekoporāmbaite: Alma 42:15; 3 Nefi 12:48; Moroni 10:32.

Poriahuvereko: Mosíah 15:9; Alma 32:22; 42:13–25; 3 Nefi 17:6; Moroni 8:19–20.

Pota: Alma 39:3–4; 3 Nefi 12:28.

Profesía: Jacob 4:6, 13; Mosíah 5:3; Alma 12:7; 3 Nefi 29:6; Mormón 8:23.

Profetakuéra: 1 Nefi 3:17–18; 22:1–2; Jacob 7:11; Mosíah 8:16; 3 Nefi 1:13.

Pytyvō: 2 Nefi 2:3; Mosíah 2:17; Éter 2:8–12.

Py'a: Mosíah 4:3; Alma 29:5; Moroni 7:16.

Py'aguapy: Mosíah 4:3; Alma 38:8; 40:12.

Rredensiō: *Jahechava'erā* Plan Rredensiō rehegua.

Sacerdocio: Alma 6:1; 13:1–12; 17:3; 3 Nefi 11:21–22; Moroni 2:2.

Sacramento: 3 Nefi 18:1–11, 28–29; Moroni 4–5.

Salvasiō: 2 Nefi 2:3–6; Mosíah 15:24–28; Moroni 8:8–24.

Sāso jaipovaro haġua: 2 Nefi 2:15–16, 27; Helamán 14:30–31.

Sy: Alma 56:47; 57:21.

Techauka: 2 Nefi 28:30; 30:17; 32:5; Jacob 4:8; Alma 5:46; 26:22; Mormón 9:7–8; Éter 12:6; Moroni 10:4–5.

Tchauhaka

Mosíah 3:15; Alma 30:48–60; Helamán 14; 3 Nefi 1:13–16; Mormón 9:24; Éter 4:18.

Tekojoja: 1 Nefi 17:35; 2 Nefi 2:13; 9:18, 40; Alma 5:58; Helamán 13:38.

Tekoñaña: 1 Nefi 19:6; Jacob 4:6–7; Éter 12:27–28, 37.

Tekopofí: 2 Nefi 9:36; Jacob 2:28; Alma 39:1–13; 3 Nefi 12:27–28; Moroni 9:9.

Tekove Ñanereñoimboyvegua: Alma 13:3; Éter 3:16.

Tekove Opave'yva: 2 Nefi 2:27; 9:39; 31:17–20; 33:4; 3 Nefi 15:9.

Tembaliapoukapykuéra: 1 Nefi 2:10; 3:7; Jarom 1:9; Alma 37:35.

Testifika: 2 Nefi 33:1; Jacob 7:10–11; Alma 5:45–48.

Testimónio: Mosíah 18:9; Alma 4:19–20; 5:45–48; 30:41–44.

Tupã Ra'ykuéra: Mosíah 5:7; 27:25; 3 Nefi 9:17; Éter 3:14; Moroni 7:19.

Tupã Testigo: Mosíah 18:8–9; 3 Nefi 18:10–11; Moroni 4, 5.

Tupaitũ: 2 Nefi 25:29; Jacob 4:5; Alma 34:38; 3 Nefi 11:17.

Tupao: 1 Nefi 14:8–17; Alma 6:1–6; Mormón 8:32–33; Moroni 6:5.

Túva: *Yvagapegua:* Mosíah 2:34; 3 Nefi 13:14, 26–33; Éter 12:8. *Mortal (yvyppegua):* 1 Nefi 1:1; Enós 1:1; Mosíah 27:14; Alma 36–42; Helamán 5:5–12.

Tuvakuéra: 1 Nefi 1:1; 5:11; 8:37; Mosíah 4:14–15; Moroni 8:10.

Vy'apavẽ: 1 Nefi 8:12; 2 Nefi 2:22–25; 9:18; Alma 22:15; 36:20.

Yvypóra Natural: Mosíah 3:19; 16:5; Alma 26:19–22; 41:11; 42:7–24.

Yvyporakuéra Jeikovejey: Alma 40.

Yvyramáta Tekove Rehegua: 1 Nefi 8; 11:8–9, 21–22, 25; 15:36; Alma 5:34, 62; 32:40.

JEHASAPYRE HA TENDAKUÉRA

Ammoníah: Alma 8–14; 16:1–3, 9, 11; 49:1–4.

Cristo Ministério América-pe: *Ja-hechava'erã* Jesucristo—Ijehechauka ha iministério yvyporakuéra oikóva América-pe.

Cristo Ministério ogueru py'aguapy: 4 Nefi 1:1–20.

Cumorah: Mormón 6:2, 6–11; 8:2; Éter 15:11.

Helamán Ehérsito: Alma 53:10–23; 56–57.

Intérprete: Mosíah 8:13–18.

Jared Joyke'y Techaukakuéra: Éter 3.

Jaredita-kuéra pláncha: Mosíah 8:9–12; 21:25–28; Éter 1:1–4; 15:33.

Jersón retã: Alma 27:22–23; 28:1; 30:19–21; 35:1–2, 13; 43:4.

Jerusalén: 1 Nefi 1:4, 13, 18; 3 Nefi 20:46; Éter 13:5.

Konversiõ Rehegua: Mosíah 17–18 (Alma ijypykue); Mosíah 27, Alma 36 (Alma, Alma ra'y); Mosíah 27–28 (Mosíah ra'ykuéra); Alma 8:18–32 (Amulek); Alma 17 (Réi Lamoni); Alma 19:16–17 (Abish); Alma 22 (Réi Lamoni Ru); Alma 23–24 (Ammón Tavayguakuéra).

Lehi je'ói Yvy Ñe'eme'engue gotyo: 1 Nefi 2–18.

Liahona, térã brújula: 1 Nefi 16:10, 28–29; Alma 37:38, 43–45.

Mormón ha Moroni, iñangareko planchakuérare: Mormón Ñe'ënguéra 1; Mormón 1:1-5; 2:17-18; 8:1-17.

Mormón ykuéra: Mosiah 18:7-8; 25:18; Alma 5:3.

Mosiah Ra'ykuéra Misiõ: Alma 17-27.

Nefi planchakuéra: 1 Nefi 9; 19:1-6.

Nefi retã: 2 Nefi 5:6-9; Omni 1:12-13; Mormón Ñe'ënguéra 1:13; Mosiah 28:1; Alma 22:32.

Nefi yga: 1 Nefi 17-18.

Nefita-kuéra ñehundi: Mormón 1-6.

Pláncha bronze-guigua: 1 Nefi 3-4; 5:10-16; 19:21-24; Omni 1:14; Mosiah 1:1-14; Alma 37:1-7; 3 Nefi 1:2.

Sidón Ysry: Alma 3:3; 22:29.

Tape po'í tetãmegua: Alma 23:32; 63:5; Mormón 2:29; 3:5; Éter 10:20.

Tetã Abundancia: Alma 22:29-33; 52:9; 63:5; 3 Nefi 11:1.

Tetã Desolación: Alma 22:30-32; Mormón 3:5; Éter 7:6.

Tetã Nortegua: Alma 22:30-33; 46:22; 50:11, 29-24; 63:4-10; Helamán 3:3, 8-11; Mormón 2:20, 29.

Yvy ñe'ëme'ëngue: 1 Nefi 2:20; 2 Nefi 1:5-9; Éter 2:9-12.

Yvyramáta tekove rehegua techauka: 1 Nefi 8, 11, 15.

Zarahemla: Omni 1:12-13; Mosiah 1:18; Alma 5:2; Helamán 13:12; 3 Nefi 8:8, 24.

GUARANI



4 02356 07033 9

35607 033